



LIBRARY
Brigham Young University




DANIEL C. JACKLING LIBRARY
IN THE
FIELD OF RELIGION

358

St Pierre
Vicar à St Pierre St Paul
Marseille

Donné à son cousin
Fabre Alfred Florin

curé du Gaux (Gard)
Donnez Honoraire
1933



Digitized by the Internet Archive
in 2018 with funding from
Brigham Young University

MISSALE

ROMANUM

W1221E

10000

12.02
C27.1m
1592

MISSALE ROMANUM

EX DECRETO SACROSANCTI CONCILII TRIDENTINI RESTITUTUM

S. PII V PONTIFICIS MAXIMI

IUSSU EDITUM

CLEMENTIS VIII ET URBANI VIII AUCTORITATE RECOGNITUM

ACCURATISSIMA EDITIO

NOVIS MISSIS EX INDULTO APOSTOLICO CONCESSIS AUCTA



TURONIBUS

TYPIS A. MAME, TYPOGRAPHI

ILLUSTRISSIMI AC REVERENDISSIMI DD. ARCHIEPISCOPI ET CLERI

M. D. CCC. LXXXII

317 2214

17 17 17 17

THE LIBRARY OF THE UNIVERSITY OF CHICAGO

17 17 17 17

17 17 17 17

17 17 17 17



THE LIBRARY
BRIGHAM YOUNG UNIVERSITY
PROVO, UTAH

PIUS EPISCOPUS

SERVUS SERVORUM DEI

AD PERPETUAM REI MEMORIAM

Quo primum tempore ad Apostolatus apicem assumpti fuimus, ad ea liberiter animum viresque nostras intendimus, et cogitationes omnes direximus, quæ ad Ecclesiasticum purum retinendum cultum pertinerent, equè parare, et Deo ipso adjuvante, omni adhibito studio efficere contendimus. Cumque inter alia Sacri Tridentini Concilii decreta, Nobis statuendum esset de sacris libris, Catechismo, Missali et Breviario, edendis atque emendandis, edito jam, Deo ipso annuente, ad populi eruditionem Catechismo; et ad debitas Deo persolvendas laudes Breviario castigato, omnino, ut Breviario Missale responderet, ut congruum est et conveniens (cum unum in Ecclesia Dei psallendi modum, unum Missæ celebrandæ ritum esse maxime deceat), necesse jam videbatur, ut, quod reliquum in hac parte esset, de ipso nempe Missali edendo quam primum cogitaremus. Quare eruditis delectis viris onus hoc demandandum duximus: qui quidem diligenter collatis omnibus cum vetustis nostræ Vaticanæ Bibliothecæ, aliisque undique conquisitis, emendatis atque incorruptis codicibus; necnon veterum consulis ac probatorum auctorum scriptis, qui de sacro eorundem rituum instituto monumenta nobis reliquerunt, ad pristinam Missale ipsium sanctorum Patrum normam ac ritum restituerunt. Quod recognitum jam et castigatum, mature adhibita consideratione, ut ex hoc instituto ceptoque labore fructus omnes percipiant, Romæ quam primum imprimi, atque impressum edi mandavimus; nempe ut Sacerdotes intelligant quibus precibus uti, quos ritus, quasve ceremonias in Missarum celebratione retinere posthac debeant. Ut autem a sacrosancta Romana Ecclesia, cæterarum Ecclesiarum matre et magistra, tradita ubique amplectantur omnes et observent, ne in posterum perpetuis futuris temporibus in omnibus christiani orbis Provinciarum Patriarchalibus, Cathedralibus, Collegiatis, et Parochialibus, secularibus, et quorumvis Ordinum, Monasteriorum, tam virorum quam mulierum, etiam militiarum regularibus, ac sine cura, Ecclesiis, vel Capellis, in quibus Missa Conventualis alta voce cum Choro, aut demissa, celebrari juxta Romanæ Ecclesiæ ritum consuevit, vel debet, alias quam juxta Missalis à Nobis editi formulam decantetur, aut recitetur, etiam eadem Ecclesiæ quovis modo exemptæ, Apostolicæ Sedis indulto, consuetudine, privilegio, etiam juramento, confirmatione Apostolica, vel aliis quibuscvis facultatibus munitæ sint; nisi ab ipsa prima institutione a Sede Apostolica approbata, vel consuetudine, quæ, vel ipsa institutio super ducentos annos Missarum celebrandarum in eisdem Ecclesiis assidue observata sit: a quibus, ut præfatum celebrandi constitutionem, vel consuetudinem nequaquam auferimus, sic si Missale hoc, quod nunc in lucem edi curavimus, iisdem magis placeret, de Episcopis, vel Prælati, Capitulum universi consensu, ut, quibusvis non obstantibus, juxta illud Missale celebrare possint, permissimus: ex aliis vero omnibus Ecclesiis præfatis eorundem Missalium usum tollendo, illaque penitus et omnino rejiciendo, ac huic Missali nostro nuper edito, nihil unquam addendum, detrahendum, aut immutandum esse decernendo, sub indignationis nostræ pœna, hac nostra perpetuo valitura constitutione statuimus, et ordinamus. Mandantes, ac districte omnibus et singulis Ecclesiarum prædictarum Patriarchis, Administratoribus, aliisque personis quacumque Ecclesiastica dignitate fulgentibus, etiam si S. R. E. Cardinales, aut cujusvis alterius gradus et præeminentiæ fuerint, illis in virtute sanctæ obediendi præcipientes, ut cæteris omnibus rationibus et ritibus ex aliis Missalibus, quantumvis vetustis, hactenus observari consuevit, in posterum penitus omittis, ac plane rejectis, Missam juxta ritum, modum, ac normam, quæ per Missale hoc à Nobis nunc traditur, decantent, ac legant; neque in Missæ celebratione alias ceremonias, vel preces, quam quæ hoc Missali continentur, addere, vel recitare præsumant. Atque ut hoc ipsum Missale in Missa decantanda, aut recitanda, in quibusvis Ecclesiis, absque ullo conscientie scrupulo, aut aliquarum pœnarum, sententiarum, et censurarum incurso, posthac omnino sequantur, eoque libere et licite uti possint et valeant, auctoritate Apostolica, tenore præsentium, etiam perpetuo concedimus, et indulgemus. Neve Præsules, Administratores, Canonici, Capellani, et alii quocumque nomine nuncupati Presbyteri sæculares, aut cujusvis Ordinis regulares, ad Missam aliter quam à Nobis statutum est celebrandam teneantur: neque ad Missale hoc immutandum a quolibet cogi et compelli, præsentive litteræ ullo unquam tempore revocari aut moderari possint, sed firmæ semper et valide in suo existant robore, similiter statuimus, et declaramus. Non obstantibus præmissis, ac constitutionibus, et ordinationibus Apostolicis, ac in Provincialibus, et Synodalibus Conciliis editis generalibus, vel specialibus constitutionibus, et ordinationibus, nec non Ecclesiarum prædictarum usu, longissima et immemorabili præscriptione, non tamen supra ducentos annos, roborato, statutis et consuetudinibus contrariis quibuscumque. Volumus autem, et eadem auctoritate decernimus, ut post hujus nostræ constitutionis ac Missalis editionem, qui in Romana adsunt Curia Presbyteri, post mensum; qui vero intra montes, post tres; et qui ultra montes incolunt, post sex menses, aut cum primum illis Missale hoc venale propositum fuerit, juxta illud Missam decantent, vel legere teneantur. Quod ut ubique terrarum incorruptum, ac mendis et erroribus purgatum præservetur, omnibus in nostro, et S. R. E. dominio mediate vel immediate subjecto commemorantibus impressoribus, sub amissionis librorum, ac centum ducatorum auri Camere Apostolicæ ipso facto applicandorum: aliis vero in quacumque orbis parte consistentibus sub excommunicationis late sententiæ, et aliis arbitrii nostri pœnis, ne sine nostra, vel speciali ad id Apostolici Commissarii in eisdem partibus à Nobis constituendi, licentiâ, ac nisi per eundem Commissarium eidem impressori Missalis exemplum, ex quo aliorum imprimendorum ab ipso impressore erit accipienda norma, cum Missali in Urbe secundum magnam impressionem impresso collatum fuisse, et concordare, nec in ullo penitus discrepare prius plega fides facta fuerit, imprimere, vel proponere, vel recipere nullo modo audeant, vel præsumant, auctoritate Apostolica, et tenore præsentium similibus inhibemus. Verum, quia difficile esset præsentis litteras ad quæque christiani orbis loca deferri, ac primo quoque tempore in omnium notitiam perficere, illas ad Basilicæ Principis Apostolorum, ac Cancellariæ Apostolicæ, et in acie Campi Floræ de more publicari et affigi, ac earundem litterarum exemplis etiam in Cancellariâ, ac manu alicujus publici tabellionis subscriptis, necnon sigillo personæ in dignitate Ecclesiastica constitutæ munitis, eandem prorsus indubitatam fidem ubique gentium et locorum haberi præcipimus, quæ præsentibus haberetur, si ostenderentur, vel exhiberentur. Nulli ergo omnino hominum liceat hanc paginam nostræ permissionis, statuti, ordinationis, mandati, præcepti, concessionis, indulti, declarationis, voluntatis, decreti et inhibitionis, infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac B. B. Petri et Pauli Apostolorum ejus se noverit incursurum.

Datum Romæ, apud S. Petrum, anno Incarnationis Dominicæ millesimo quingentesimo septuagesimo, pridie Idus Julii, Pontificatus nostri anno quinto.

Cæsar Glorierius.

II. CUMYN.

Anno à Nativitate Domini 1570, Indict. 13, die vero 29 mensis Julii, Pontific. Sanctiss. in Christo Patris et D. N. Pij divina Providentia Papæ V, anno ejus quinto, retrospectæ litteræ publicatæ et affixæ fuerunt ad valvas Basilicæ Principis Apostolorum, ac Cancellariæ Apostolicæ, et in acie Campi Floræ, ut moris est, per nos Joannem Andream Rogerium, et Philibertum Cappuis, Cursores.

Scipio de Octavianis, Magister Cursorum.

CLEMENS PAPA VIII

AD PERPETUAM REI MEMORIAM

Cum Sanctissimum Eucharistiae Sacramentum, quo nos Christus Dominus sacri sui corporis participes efficit, atque apud nos usque ad consummationem saeculi permanere decrevit, maximum sit omnium Sacramentorum, illudque in sacra Missa conficiatur, ac pro peccatis totius populi Deo Patri offeratur, sane omnino conveniens est, ut qui omnes unum sumus in uno corpore, quod est Ecclesia, et de uno corpore Christi participamus, una et eadem celebrandi ratione, uniusque officii et ritus observatione in hoc ineffabili et tremendo sacrificio utamur. Quod cum Romani Pontifices praedecessores nostri semper optarint, atque in hoc diu multumque desudarint, tum in primis felicis recordationis Pius Papa Quintus Missale Romanum ex Decreto Sac. Concilii Tridentini ad veterem et emendatorem normam restituit, Romaeque imprimi curavit. Qui etsi multis propositis penis severissime caverit ne quid illi vel adderetur, vel ulla ratione demeretur; tamen progressu temporis, sive Typographorum, sive aliorum, temeritas et audacia effecit, ut multi, in ea quae his proximis annis excusa sunt Missalia, errores irrepererint, quibus vetustissima illa sacrorum Bibliorum versio, quae etiam ante S. Hieronymi tempora celebris habita est in Ecclesia, et ex qua omnes fere Missarum Introitus, et quae dicuntur Gradualia et Offertoria accepta sunt, omnino sublata est: Epistoliarum et Evangeliorum textus, qui hucusque in Missae solennis praelectus est, multis in locis perturbatus; ipsis Evangelii diversa, ac prorsus insolita praefixa initia; plurima denique passim pro arbitrio immutata sint: cuius rei praetextus fuisse videtur, ut omnia ad praescriptum sacrorum Bibliorum vulgatae editionis revocarentur, quasi id alicui propria auctoritate, atque Apostolica Sede inconsulta facere licitum sit. Quod Nos animadvertentes, pro nostra pastoralis sollicitudine, qua omnibus in rebus, ac praecipue in sacris Ecclesiae ritibus, optimam, eamque veterem normam studemus tueri, et conservare, primum praedicta Missalia impressa sic depravata prohiberi et abrogari, eorumque usum in celebratione Missarum interdicti iussimus, nisi ad praescriptum exemplaris sub ipso Pio V editi integre in omnibus emendarentur: deinde mandavimus nonnullis venerabilibus fratribus nostris S. R. E. Cardinalibus in sacris litteris versatis, et Ecclesiasticae antiquitatis peritis, ut curam Missale ad pristinam, et quam maxime emendatam formam restituendi susciperent; qui pro sua erga Nos fide, et in Romanam Ecclesiam pietate et studio, adhibitis etiam aliis rerum Ecclesiasticarum peritis et eruditis viris, et veteribus Missalibus, aliisque praeterea libris, qui ad eam rem opportuni videbantur, accurate perquisitis et diligenter inspectis, Missale Romanum suae integritati restituere, ac ipsius Pii V, et eorum qui ab eo delecti fuerant, laborem et diligentiam confirmare et comprobare curarunt. Verum in eo munere peragendo factum est, ut nonnulla ex diligenti librorum antiquorum collatione in meliorem formam redacta, et in regulis et rubricis aliqua uberius et clarius expressa sint, quae tamen ex illorum principis et fundamentis quasi deducta, illorum sensum imitari potius, et supplere, quam aliquid novi afferre videantur. Missale itaque quod idem Pius V ediderat, sic recognitum, in nostra Typographia Vaticana, quam emendatissime imprimi, et ad communem utilitatem publicari iussimus. Ut autem illius usus in omnibus christianis orbis partibus, perpetuis futuris temporibus conservetur, ipsi Missale in alma Urbe nostra in eadem Typographia, tantum et non alibi, imprimi posse decernimus: extra Urbem vero iuxta exemplar in dicta Typographia nunc editum, et non aliter, hac lege imprimi posse permitimus, ut nimirum Typographis quibuscumque illud imprimere volentibus, id facere liceat requisita tamen prius, et in scriptis oblata, dilectorum filiorum Inquisitorum haereticae pravitatis in iis locis in quibus fuerint; ubi vero non fuerint, Ordinariorum locorum licentia; alioquin, si absque huiusmodi licentia dictum Missale sub quacunque forma de cetero ipsi imprimere, aut Biblioplae vendere presumpserint, Typographi et Biblioplae extra Statum nostrum Ecclesiasticum existentes, excommunicationis latae sententiae, a qua, nisi a Romano Pontifice, praeterquam in mortis articulo constituti, absolvi nequeant; in alma vero Urbe ac reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium, Camerae praedictae applicandorum, penas absque alia declaratione irremissibiliter incurrant eo ipso. Et nihilominus eorumdem Missalium per eos de cetero, absque huiusmodi licentia, imprimendorum aut vendendorum usum ubique locorum et gentium sub eisdem penis perpetuo interdicimus, et prohibemus. Ipsi autem Inquisitores, seu Ordinarii locorum, antequam huiusmodi licentiam concedant, Missalia ab ipsis Typographis imprimenda, et postquam impressa fuerint, cum hoc Missali auctoritate nostra recognito et nunc impresso diligentissime conferant, nec in illis aliquid addi vel detrahi permittant, nec in praemissis praetextu incuriae Typographorum, aut non factae per correctores, vel alios ab ipsis forsitan deputandos diligentiae, se aliquo modo excusare, quodque in infrascriptas penas non incurrerint, allegare valeant, et in ipsa licentia originali de collatione facta, et quod omnino concordent, manu propria attestent: cuius licentiae copia initio vel in calce cuiusque Missalis semper imprimatur. Quod si secus fecerint, Inquisitores videlicet privationis suorum Officiorum, ac inhabilitatis ad illa, et alia in posterum obtinenda; Antistes autem et Ordinarii locorum, suspensionis a divinis, ac interdicti ab ingressu Ecclesiae; eorum vero Vicarii, privationis similiter officiorum, et beneficiorum suorum, et inhabilitatis ad illa, et alia in posterum obtinenda, ac praeterea excommunicationis absque illa declaratione, ut praefertur, penas incurrant eo ipso. Ceterum pauperum Ecclesiarum, Clericorum, et personarum Ecclesiasticarum, ac Typographorum, et Bibliopolarum quoruncumque indemnitas ex benignitate Apostolica rationem habentes, eisdem Missalia hactenus impressa penes se habentibus (iis dumtaxat exceptis quae auctoritate nostra, ut supra dictum est, interdicta et abrogata fuerint) ut ea retinere et illis uti, eaque vendere respective possint, similiter permitimus, et indulgemus. Non obstantibus licentis, indultis, et privilegiis quibuscumque Typographis hactenus per Nos, seu Romanos Pontifices praedecessores nostros, Missale praedictum Pii V imprimendi concessis, quae per praesentes expresse revocamus, et revocata esse volumus: necnon constitutionibus et ordinationibus Apostolicis, generalibus vel specialibus, in contrarium praemisorum quomodocumque concessis, confirmatis et approbatis. Quibus omnibus, etiam si de illis eorumque totis tenoribus specialis, specifica, et expressa mentio habenda esset, tenores huiusmodi praesentibus pro expressis habentes, hac vice dumtaxat specialiter et expresse derogamus, ceterisque contrariis quibuscumque. Volumus autem ut praesentium transumptis etiam impressis, vel manu alicujus Notarii publici subscriptis, et sigillo alicujus personae in dignitate Ecclesiastica constitutae munitis, eadem prorsus fides habeatur, quae ipsis praesentibus haberetur, si essent exhibitae, vel ostense.

Datum Romae, apud S. Marcum, sub Annulo Piscatoris, die vij Julii M.DC.IV, Pontificatus nostri anno xij.

M. Vestrius Barbianus.

URBANUS PAPA VIII

AD PERPETUAM REI MEMORIAM

Si quid est in rebus humanis plane divinum, quod nobis superni cives (si in eos invidia caderet) invidere possent, id certe est Sacrosanctum Missæ Sacrificium, cujus beneficio fit ut homines quadam anticipatione possideant in terris cælum, dum ante oculos habent et manibus contrectant ipsum cæli terræque Conditorum. Quo magis est mortalibus laborandum, ut hoc tantum privilegium cultu atque honore debito tueantur, caveantque Angelos negligentia osores, qui sunt æmuli venerationis. Hinc factum est ut hujus sacri mysterii celebrandi rationem, ac preces, quas Summi Pontifices prædecessores nostri Pius V et Clemens VIII diligentissime recognoscere, atque instaurari curaverunt; Nos quoque eorum vestigiis inhærentes, iterum examinari, et si quid forte in iis assiduum (quod plerumque contingit) temporis cursu corripuit, restitui jusserimus. Quamobrem sicuti nuper ad divini Officii nitorem reformari Breviarium, ita demum hujus exemplo ad divini Sacrificii ornamentum corrigi Missale mandavimus. Et quoniam hæc quasi alas, quas Sacerdos instar Cherubim præci mystici Tabernaculi quotidie pandit ad verum mundi Propitiatorum, decet esse plane geminas atque uniformes: hujus rei curam commisimus viris eruditissimis ac piis, quorum diligentia ita opus perfectum est, ut nihil desiderari amplius possit. Nam rubricæ, quæ sensum ab usu ritique veteri degeneraverant, in pristinum restituitur; quæ vero non ita captui legentium accommodatæ videbantur, clarius explicatæ; præterea collata omnia cum codice Sacre Scripture Vulgatæ editionis quæque diversa irreperant, ad ejus unius exemplum normamque correctæ sunt. Verumtamen parum prodesse consuevit solertia correctorum, nisi ad eam par Typographorum accedat industria; propterea dilecto filio Andrea Brogiotto, Typographiæ nostræ Apostolicæ Præfecto, mandavimus, ut Missale ita expurgatum in lucem emittat: sed quæ in posterum extra Urbem imprimi contigerit, ea non aliter quam ad exemplar in dicta Typographia nunc editum imprimi posse permittimus, requisita tamen prius, et in scriptis oblata, dilectorum filiorum Inquisitorum hæreticæ pravitatis in iis locis in quibus fuerint, ubi vero non fuerint, Ordinarii locorum facultate; alioquin, si absque ea dictum Missale ipsi posthac imprimere, aut Bibliopola vendere præsumpserint, Typographi et Bibliopola extra Statum nostrum Ecclesiasticum existentes, excommunicationis latæ sententiæ, a qua, nisi a Romano Pontifice, præterquam in mortis articulo constituti, absolvi nequeant; in alia vero Urbe, et reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium Camera prædictæ applicandorum, penas absque alia declaratione irremissibiliter incurrant eo ipso: et nihilominus eorundem Missalium per eos de cætero absque hujusmodi licentia imprimendorum aut vendendorum usum ubique locorum et gentium sub eisdem penis interdiciamus, et prohibemus. Ipsi autem Inquisitores, seu Ordinarii locorum antequam hujusmodi licentiam et facultatem concedant, Missalia ab ipsis Typographis imprimenda, et postquam impressa fuerint, cum hoc Missali auctoritate nostra recognito diligentissime conferant, nec in illis aliquid addi vel minui permittant. In ipsa vero licentia originali obtinenda, de collatione facta, et quod omnino concordent, manu propria attestentur: cujus licentiæ copia initio vel in fine cujusque Missalis semper imprimatur. Quod si secus fecerint, Inquisitores privationis suorum officiorum, ac inhabilitatis ad illa, et alia in posterum obtinenda: Ordinarii autem locorum suspensionis a divinis, ac interdicti ab ingressu Ecclesie, eorum vero Vicarii privationis similiter officiorum, et beneficiorum suorum, et inhabilitatis ad illa, et alia in posterum obtinenda, ac insuper excommunicationis absque alia declaratione penas incurrant eo ipso. Cæterum pauperum Ecclesiarum, Clericorum, et personarum Ecclesiasticarum, ac Typographorum, et Bibliopolarum quorundemque indemnitas ex benignitate Apostolica rationem habentes, eisdem Missalia hæcenus impressa penes se habentibus, ut ea retinere, et illis uti, eaque vendere respective possint, similiter permittimus, et indulgemus. Non obstantibus licentiis, indulgis, et privilegiis quibuscumque Typographis, per nos, seu Romanos Pontifices prædecessores nostros, Missale imprimendi concessis, quæ per præsentem expresse revocamus, et revocata esse volumus, necnon constitutionibus et ordinationibus Apostolicis generalibus, vel specialibus, in contrarium præmissorum quomodocumque concessis, approbatis et confirmatis. Quibus omnibus, etiamsi de illis eorumque totis lenoribus specialis, specifica, et expressa mentio habenda esset, tenores hujusmodi præsentium pro expressis habentes, hæc vice dumtaxat specialiter, et expresse derogamus. Volumus autem ut præsentium transumptis etiam impressis, manu alicujus Notarii publici subscriptis, et sigillo alicujus personæ in dignitate Ecclesiastica constituite munitis, eadem prorsus fides adhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ, apud Sanctam Mariam Majorem, sub Annulo Piscatoris, die secunda Septembris M.DC.XXXIV, Pontificatus nostri anno duodecimo.

M. A. Maraldus.

J. SAVENIER.

EX DECRETORUM REGISTRO

SACRÆ RITUUM CONGREGATIONIS

SA CRA Rituum Congregatio, inhærendo Decretis alias factis, prohibet omnino Missas a S. R. Congregat. non approbatas, et signanter Missas nuncupatas S. Gregorii pro vivis et defunctis, Missas quindecim Auxiliatorum, Missam de Patre æternò, et quascumque alias, ut supra, non approbatas.

Nemo audeat uti Pileolo in celebratione Missarum sine expressa licentia Sedis Apostolicæ, non obstante quacumque contraria consuetudine.

Item prohibetur usus Rochetti, exceptis tamen quibus de jure competit, et præter hoc statuitur, et declaratur nemini licere inservire, aut assistere in celebratione Missarum aut divinorum officiorum cum Rocheto, neque cum Cotta habente manicas angustas ad instar Rochetti; et idem servandum est in Concionibus.

Paramenta non debent sumi de Altari pro celebratione Missarum, cum id competat tantum Episcopis sive solemniter, sive privatim celebrent. Inferioribus vero habentibus usum Pontificalium, non nisi quando in Pontificalibus celebrant.

Denum renovando Decreta alias facta, mandat Sacra Congregatio in omnibus et per omnia servari Rubricas Missalis Romani, non obstante quocumque prætextu, et contraria consuetudine, quam abusum esse declarat.

Et facta relatione horum Decretorum Sanctiss. D. N. Urbano VIII, Sanctitas Sua annuit, et ab omnibus ubique servari, et in Missali Romano noviter imprimendo apponi mandat.

JULIUS ROSPIGLIOSIUS, Secret.

URBIS ET ORBIS

CUM occasione Missalis Typis Sacrae Congregationis de Propaganda Fide summa cura ac diligentia novissime impressi, et propediem publico usui exponendi Sac. Rit. Congregationis enixe fuerit supplicatum ut nonnulla ejusdem Sac. Congregationis Decreta jam alias edita et approbata, in prædicto novo Missali summam apponi et imprimi posse, benigne concedere dignaretur, videlicet:

Missæ pro defunctis, sive de Requiem in Festis Duplicibus contra præscriptum Rubricarum Missalis Romani nullatenus celebrari debent. Quod si ex benefactorum institutione Missæ hujusmodi celebrandæ incidunt in Festum Duplex, tunc, ne dilatio Animabus suffragia expectantibus detrimento sit, in aliam diem non impeditam minime transferantur, sed dicantur de Festo currenti cum applicatione Sacrificii juxta mentem eorundem benefactorum. Die 5 Augusti 1662 approbatum a felicis recordationis Alexandro VII, eadem die.

Predictum Decretum ab ejusdem fel. rec. Alexandro VII, speciali Brevi quod incipit — *Credita Nobis* — denuo fuit confirmatum, ac insuper statutum, idem servandum esse quoad Missas in Altaribus Privilegiatis ex obligatione celebrandas, et Indulgentias per hujusmodi privilegia concessas Animabus in Purgatorio existentibus suffragari, perinde ac si celebratæ fuissent Missæ defunctorum. Ac denique declaratum, Anniversaria, et Missas cantatas de Requiem relictas ex dispositione Testatorum quotannis in die ipsorum obitus, etiam in Duplici majori contingentis, in prædicto Decreto, die 5 Augusti edito, minime comprehendendi, prout antea in una Novarien. 22 Novemb. 1664, eadem Sac. Rit. Congregatio declaraverat. Die 22 Januarii 1657, Pontificatus XII.

Deinde fel. rec. Clemens IX eadem Sac. Congregationis Decreta, alio Brevi cujus initium — *Cum Fel. Record.* — iterum confirmavit, prædictamque Alexandri VII dispositionem ad Altaria non in perpetuum, sed ad septennium, seu aliud brevius vel longius tempus, ac non in omnibus, sed aliquo, vel aliquibus tantum Hebdomadae diebus nunc, et in futurum quodcumque privilegia extendit. Die 23 Septembr. 1669, Pontificatus III.

Tandem proposito dubio an supradictæ Alexandri VII et Clementis IX declarationes sibi locum vindicarent etiam in diebus Dominicis, et infra Octavas Paschatis, Resurrectionis, Pentecostes, et Corporis Christi, aliisque anni diebus quibus, licet a Festo duplici non impediatur, adhuc tamen Missæ defunctorum juxta Ritum Ecclesiæ celebrari nequeunt, quatenus nimirum Missæ, quasi isdem diebus celebrare licet, servata ceteroque privilegiorum forma, ad Altaria privilegiata celebrarentur, eadem Sac. Rit. Congregatio, die 3 Aprilis 1688, prædictorum Pontificum declarationes pro omnibus diebus, quibus juxta Rubricas Missæ defunctorum celebrari non possunt, intelligendas esse respondit, ejusque Decretum subinde confirmatum fuit a fel. rec. Innocentio Papa XI, speciali Brevi quod incipit — *Alias postquam* — dato die 4 Maii 1688.

Decretum a Sac. Rituum Congregatione anno 1630 editum, quo permittitur posse in Ecclesiis rectarii Officia, et Missas celebrari de illis Sanctis quorum Corpora vel Reliquiæ insignes in eisdem asservantur, intelligendum est de Sanctis dumtaxat in Martyrologio Romano descriptis, et dummodo constet de identitate Corporis eorundem, vel insignis Reliquiæ; secus vero de Sanctis in eodem Martyrologio non descriptis. Quorum tamen Corporibus, et Reliquiis ab Ordinariis locorum approbatis debita a fidelibus veneratio exhibenda est, sed absque Officio et Missa, sub penis de non satisfaciendo præcepto rectandi Officium, aliisque in Constitutione S. Pii V contentis. Die 11 Augusti 1694. Approbatum a fel. rec. Innocentio XII, die 19 Octobris.

Ad augendam fidelium venerationem erga Augustissimum Eucharistiæ Sacramentum, ejusque cultum in toto terrarum orbe promovendum, prohibitum est celebrare Missas Votivas vel pro defunctis infra Octavam Corporis Christi. Die 21 Junii 1670. eademque die a fel. rec. Clemente X approbatum.

Item prohibitum est easdem Missas celebrari infra Octavam Nativitatis Domini. In Missis vero solemnibus pro re gravi infra eandem Octavam celebrandis, dicenda est Prefatio juxta Rubricam Generalem tit. 12, num. 4. Die 23 Septembr. 1706, jam a Sanctissimo approbatum.

Re vero in Sac. Rit. Congregatione ad relationem Eminentissimi et Reverendissimi Domini Card. Barberini pluries discussa et mature pensata, Sac. eadem Rit. Congregatio supradicta Decreta, tum ut Celebrantium instructioni, et usui sint, tum ut nonnulli abusus, qui in aliquibus locis irrepserunt, penitus evellantur, in Missali post Rubricas Generales apponi et imprimi posse censuit, si Sanctissimo Domino Nostro visum fuerit. Die 15 Septembris 1714.

Factaque deinde per me Pro-Secretarium de prædictis Sanctissimo Domino Nostro relatione, Sanctitas Sua sensum Sac. Congregat. approbavit, eademque Decreta in Missali apponi et imprimi mandavit. Die 29 Sept. ejusdem anni 1714.

F. Card. de Abdua, Præf.

Loco + sigilli.

N. M. TEDESCHI, Episcopus Liparitanus, Sac. Rit. Congr. Pro-Secret.

URBIS ET ORBIS

SANCTISSIMUS Dominus noster Pius Papa IX ex sacrorum Rituum Congregationis consilio summam apponi et imprimi mandavit in principio Missalis duo ab eadem S. Congregatione alias edita decreta, videlicet:

Quando occurrit Dedicatio Basilicarum Sanctissimi Salvatoris et Sanctorum Apostolorum Petri et Pauli infra Octavam Dedications aliarum ecclesiarum, sumatur pro commemoratione alia Oratio de Communi, nempe *Deus qui invisibiliter*. Die 23 Septembris 1706, ad XI.

Orationes pro Romanorum Imperatore tamen in Missa Præsantificationum Feriæ VI in Parasceve, quam in fine Præconii Paschalis Sabbato sancto, ob sublatum Romanorum Imperium non amplius recitentur: excudentur tamen ut antea in novis Missalibus. Die 23 Septembris 1860, ad III. Die 14 Martii 1861.

Loco + sigilli.

C. Episc. Portuen. et S. Rufinæ Card. PATRIZI, S. R. C. Præf.
H. CAPALTI, S. R. C. Secret.

URBIS ET ORBIS

QUAM Sacra Rituum Congregatio Decreto lato die 23 Septembris 1706, in una Urbis et Orbis edixerit, ut initio Missalis apponerentur tria quæ sequuntur Decreta, videlicet:

Feria VI in Parasceve Crux ad Altare thurificari debet eo prorsus modo, quo fit in aliis Missis, non omissis debitis genuflectionibus transeundo ante Sanctissimum Sacramentum. Die 3 Julii 1698, in Paenormitana, et 14 Febr. 1702, ad I in Lerien.

In Missa Rogationum in Festo sancti Marci, si incidit in Dominica, non est dicendum *Credo*, quia est Missa ferialis. Die 25 Septembris 1688, in Mutinen.

Quando Festum Annuntiationis Beate Mariæ Virginis transfertur, in choro dum cantantur verba — *Et incarnatus est* — omnes genuflectere debent in die translationis tantum. Eadem die 23 Septembris 1706, Urbis et Orbis Novum Missale. Sanctissimus Dominus noster Pius Papa IX voluit ut hæc tria Decreta imprimantur in nova editione Missalis Romani propediem a Typographia Sacrae Congregationis de Propaganda Fide publicanda. Die 10 Julii 1862.

Loco + sigilli.

C. Episc. Portuen. et S. Rufinæ Card. PATRIZI, S. R. C. Præf.
D. BARTOLINI, S. R. C. Secret.



LICENTIA

ET APPROBATIO ORDINARII

CAROLUS THEODORUS COLET

Miseratione divina et Sanctæ Sedis Apostolicæ gratia,
Archiepiscopus Turonensis :

Omnibus has visuris Salutem in Domino.

CUM a Papa URBANO VIII decretum sit ne quis Typographus Missale Romanum, PH V Pont. Max. jussu editum, CLEMENTIS VIII primum, deinde ipsius URBANI VIII auctoritate recognitum, imprimat vel in lucem edat sine licentia, eaque in scriptis, obtenta ab Ordinario loci, ac nisi prius ab eodem cum exemplari typis Vaticanis anno 1632 excuso concordare fuerit repertum, hinc est quod dederimus licentiam dilectis Nobis A. Mame et Filio, Typographis et Bibliopolis Turonensibus, illud imprimendi; dummodo tamen in impressione absolvenda, nuperrima vel alia correctiori uterentur editione Romana, et illius exemplo absolutissime et strictissime se conformarent.

Postquam autem Missale prædictorum A. MAME et Filii opera ac typis absolutum cognovimus, et per revisores ad id deputatos fuimus legitime informati illud cum suo originali, diligenti collatione facta, convenire, dictum Missale approbavimus, prout per præsentem approbamus.

In quorum fidem hasce subsignavimus, sigilloque nostro, ac Secretarii nostri generalis chirographo muniri fecimus.

Turonibus, die 25 Martii 1881.



† CAROLUS, ARCHIEPISCOPUS TURONENSIS.

De mandato Illustrissimi ac Reverendissimi DD. Archiepiscopi Turon.

J. SELLIER, Can., Secret. gen.

DE ANNO ET EJUS PARTIBUS

ANNUS Menses habet duodecim, Hebdomadas duas et quinquaginta, et diem unum: dies vero trecentos sexaginta quinque, et fere sex horas: tanto enim temporis intervallo Sol Zodiacum perlatrat. Quater autem sex horæ singulis quaternis annis diem constituunt: hinc annus ille intercalaris, Bissexturn vel Bissextilis dicitur.

DE ANNI CORRECTIONE EJUSQUE NECESSITATE

AC KALENDARIO GREGORIANO

QUOD dictum est, annum continere trecentos et sexaginta quinque dies et fere sex horas, intelligendum est sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas, et factum est ut minuta que ultra debitam quantitatē annis singulis tribuebantur, tractu temporis ita excreverint, ut invicem juncta constituerint dies decem: qui causam dederunt ut Æquinoctium Vernali sedem suam mutaverit.

Cui malo occurrens Gregorius XIII, non solum Æquinoctium Vernali restituit in pristinam sedem a qua jam a Concilio Nicæno decem circiter diebus in anno correctionis 1582 præcedendo recesserat, quod a Concilio ad xij kalendas Aprilis fuerat constitutum, et xiv Lunam Paschalem suo in loco reposuit: sed viam quoque tradidit et rationem, qua caveretur ut in posterum, et Æquinoctium Vernali, et xiv Luna Paschalis a propriis sedibus nunquam removerentur.

Ut enim Æquinoctium Vernali ad xij kalendas Aprilis restitueretur, statuit ut dicti decem dies in mense Octobris ipsis anni 1582 eximerentur, ut post quartam diem Octobris S. Francisco sacram, sequens dies non esset quinta, sed decimaquinta Octobris. Et ita error qui in præteritum tot annorum circulis irreperat, in momento temporis fuit correctus.

Ut autem in posterum idem error vitaretur, ne a xij kalendas Aprilis Æquinoctium Vernali recederet, statuit idem Gregorius Bissexturn quarto quoque anno (uti mos est) continuari debere, præterquam in centesimis annis: qui quamvis Bissextilis ante semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur, centesimi non omnes Bissextilis essent, sed in quadringentis quibusque annis primi quique tres centesimi sine Bissexto transigerentur; quartus vero quique centesimus esset Bissextilis, ita ut anni 1700, 1800, 1900, Bissextilis non sint: anno vero 2000 more consueto dies Bissexturn intercalatur, Februarii dies 29 continente, idemque ordo intermittendi intercalandique Bissexturn diem in quadringentis quibusque annis perpetuo conservaretur.

QUATUOR TEMPORA

QUATUOR Tempora celebrantur quarta et sexta FERIA ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

NUPTIÆ

QUANDO CELEBRARI NON POSSINT

JUXTA DECRETUM CONCILII TRIDENTINI

ADOMINICA prima Adventus usque in diem Epiphaniæ, et a FERIA quarta Cinerum usque in Octavam Paschatis inclusive, sancta Synodus sollemnitas Nuptiarum prohibet; in aliis vero temporibus Nuptias sollemniter celebrari permittit.

DE CYCLO DECENNOVENNALI

AUREI NUMERI

CYCLUS Decennovennalis Aurei Numeri est revolutio numeri 19 annorum ab 1 usque ad 19, qua revolutione

peracta, iterum ad unitatem reditur. Verbi gratia: Anno 1577 numerus Cycli decennovennalis qui dicitur Aureus, est 1; anno sequenti 1578, est 2; et ita deinceps insequentibus annis, uno semper amplius, usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniat, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus cujuslibet anni post annum 1582, reperietur hoc modo.

| | | | | | | | | |
|-----|-----|-----|-----|-----|-----|-----|-----|-----|
| 6. | 7. | 8. | 9. | 10. | 11. | 12. | 13. | 14. |
| 15. | 16. | 17. | 18. | 19. | 1. | 2. | 3. | 4. |
| 5. | | | | | | | | |

Anno 1582 tribuatur primus numerus tabellæ, qui est 6, secundus autem, qui est 7, sequenti anno 1583, et ita deinceps in infinitum, donec ad annum cujus Aureum numerum queris perveniat, redeundo ad principium tabellæ quotiescumque eam percurreris. Nam numerus in quem annus propositus cadit, dabit Aureum numerum quæsitus.

MODUS BREVIS

COGNOSCENDI AUREUM NUMERUM CUJUSQUE ANNI

NUMERO anni de quo queris, adde unicam unitatem 1. Exempli gratia: Anno 1833 adde 1: summam inde conflata divide per 19, quod superest, erit Aureus numerus ipsius anni: si nihil superest, erit Aureus numerus 19.

DE EPACTIS ET NOVILUNIIS

EPACTA nihil aliud est, quam numerus dierum quibus annus Solaris communis dierum 365 annum communem Lunarem dierum 354 superat: ita ut Epacta primi anni sit 11, cum hoc numero annus Solaris communis Lunarem annum communem excedat: atque adeo sequenti anno Novilunia contingant 41 diebus prius quam anno primo. Ex quo fit Epactam secundi anni esse 22, cum eo anno rursus annus Solaris Lunarem annum superet 11 diebus, qui additi ad 11 dies primi anni, efficiunt 22, ac proinde finito hoc anno, Novilunia contingere 22 diebus prius quam primo anno. Epactam autem tertii anni esse 3, quia si rursus 11 dies ad 22 adjiciatur, efficietur numerus 33, a quo si rejiciatur 30 dies, qui unam Lunationem Embolismicam constituent, relinquuntur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aurei numero 19 respondentem, quæ est 29, adduntur 12, ut abjectis 30, ex composito numero 41 habeatur rursus Epacta 11, ut in principio. Quod ideo fit, ut ultima Lunatio Embolismica, currente Aurei numero 19, sit tantum 29 dierum. Si enim 30 dies contineretur, ut aliæ sex lunationes Embolismice, non redirent Novilunia post 19 annos Solares ad eosdem dies, sed versus calcem mensium prolaberentur, contingenterque uno die tardius quam ante 19 annos. De qua re plura invenies in libro novæ rationis restituendi Kalendarii Romani. Sunt autem novendecim Epactæ, quot et Aurei numeri, respondebantque ipsis Aureis numeris ante Kalendarii correctionem eo modo quo in hac Tabella dispositæ sunt.

Tabella Epactarum respondentium Aureis numeris ante Kalendarii correctionem.

| | | | | | | | | | | |
|------------|-----|-------|-------|------|------|-------|-------|--------|-------|-----|
| Aurei num. | 1. | 2. | 3. | 4. | 5. | 6. | 7. | 8. | 9. | 10. |
| Epactæ. | xj. | xxij. | ij. | xiv. | xxv. | vj. | xvij. | xxvij. | ix. | xx. |
| | 11. | 12. | 13. | 14. | 15. | 16. | 17. | 18. | 19. | |
| | j. | xij. | xxij. | iv. | xv. | xxvj. | vij. | xvij. | xxix. | |

Quia vero Cyclus decennovennalis Aurei numeri imperfectus est, cum Novilunia post 19 annos Solares non præcisè ad eadem loca redeant, ut dictum est, imper-

fectus etiam erit hic Cyclos 19 Epactarum. Quoniam ibi enumeratus est, ut in posterius loco Aurei numeri et Epactarum 19 Epactarum, statum 30 numeri Epactalibus. ubi usque ad ordinem progredientibus, quamvis ultimus Epacta, sive quæ ordinæ est trigesima, notata numero non sit, sed signo hoc * , propterea quod nulla Epacta esse possit 30. Variis autem temporibus ex his 30 Epactis respondent decem et novem Anreis numeris variæ decem et novem Epactæ, prout Solaris anni ac Lunaræ æquatio exposcit : quæ quidem decem et novem Epactæ progrediuntur, ut olim, per eundem numerum 11, addunturque semper 13 illi Epactæ quæ respondent Aureo numero 19 ut habetur sequens Epacta respondens Aureo numero 1 ob rationem paulo ante dictam. Id quod sequens Tabella perspicuum faciet, quæ continet Anreos numeros et Epactas inter se respondentes ab anno correctionis 1582, post deductionem decem dierum, usque ad annum 1700 exclusive. Quamvis autem vulgares Epactæ mutantur in Martio, reipsa tamen in principio anni mutantur sunt, una cum Aureo numero, ipi cuius locum hæc nostræ Epactæ succedunt.

Tabella Epactarum respondentium Aureis numeris ab Idibus Octobris anni correctionis 1582 (detractis prius decem diebus) usque ad annum 1700 exclusive.

| | | | | | | | | | |
|------------|-------|--------|--------|-------|-----|------|---------|--------|-------|
| Aurei num. | 6. | 7. | 8. | 9. | 10. | 11. | 12. | 13. | 14. |
| Epactæ. | xxvj. | vij. | xviii. | xxix. | x. | xxj. | ij. | xiiij. | xxiv. |
| | 15. | 16. | 17. | 18. | 19. | 1. | 2. | 3. | 5. |
| v. | xvj. | xxvij. | viii. | xix. | j. | xij. | xxiiij. | iv. | xv. |

Itaque si Epacta quocunque anno proposito inveniendi sit, querendus est Aureus numerus illius anni in superiori ordine illius Tabellæ, quæ illi temporis, in quo propositus annus continetur, congruit. Mox enim sub Aureo numero in inferiori ordine tabellæ reperitur Epacta anni propositi, vel certe hoc signum * Ubi ergo illa Epacta vel signum * in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito temporis congruente, tribuendo primum Aureum numerum illius tabellæ illi anno a quo usus tabellæ incipit, et secundum Aureum numerum sequenti anno, etc. Eodem modo reperitur Epacta siue Aureo numero, si prima Epacta tabellæ tribuatur illi anno a quo ejus usus incipit, et secunda Epacta sequenti anno, etc.

Exemplum. Anno correctionis 1582 Aureus numerus est 6, nemp primus primæ tabellæ cuius usus incipit ab Idibus Octobris dicti anni 1582, detractis prius decem diebus. Erigo ergo tunc Epacta xxvj, quæ sub Aureo numero 6 collocatur: fietque Novilunium die 27 Octobris, et 26 Novembris, et 25 Decembris. Item anni 1583 jam correcto, Aureus numerus est 7, cui in eadem tabellâ supposita est Epacta vij, quæ toto eo anno in Calendario Novilunia indicabit: ut in Januario die 24, in Febuario die 22, in Martio die 24, etc.

Tabella litterarum Dominicalium ab Idibus Octobris anni
 correctionis 1582 (detractis prius decem diebus) usque
 ad annum 1700 exclusive.

| | | | | | | | | | | | | | |
|---|---|---|---|---|---|---|---|---|---|---|---|---|---|
| c | b | A | f | e | d | c | A | g | f | e | c | b | A |
| g | e | d | c | b | g | f | e | d | b | A | g | f | d |
| f | | | | A | | | c | | | | | | |

Usus hujus Tabellæ hic est. Anno correctionis 1582 post Idus Octobris (detrahis prius decem diebus) tribuitur littera c, primæ cellula; et sequenti anno 1583 littera b, secundæ, et anno 1584 dentur litteræ A g, tertiæ cellulæ, et sic deinceps alius ordine aliæ cellulæ tribuantur, donec ad annum propositum perventum sit, redeundo ad principium tabellæ quotiescumque eam percurris. Nam cellula in qua annus propositus cadit, dummodo minor sit quam annus 1700, dabit litteram Dominicalem propositi anni. Quæ si unica occurrerit, annus erit communis; si vero duplex, Bissextilis, et tunc superior littera Domini- cam diem ostendit in Calendario a principio anni usque ad festum S. Matthiæ Apostoli, inferior autem ab hoc festo usque ad finem anni. Exempli gratia: Sit inveniendi litteræ Dominicales anni 1587. Numerus ab anno 1582, quem tri- bues primæ litteræ c, usque ad annum 1587, tribuens sin-

gulis cellulis singulos annos (computando geminas litteras quascunque, superiorem et inferiorem, pro una cellula), cadeque annus 1587 in litteram d, que sextum locum in tabella occupat. Est ergo toto eo anno littera Dominicis d, annusque communis est, cum littera simplex occurrat. Rursus sit investiganda littera Dominicis anni 1616. Numerum ab anno 1582, ut dictum est, usque ad annum 1616, redundo ad principium litteras postquam eam percurris, perveniesque ad duas hasce litteras c h, septimo loco positas. Est ergo annus ille Bissextilis, cum duplex littera occurrat, superioque littera c Dominicam diem indicabit a principio anni illius usque ad festum S. Mathiae, inferior autem h in reliqua parte anni.

Alia tabella Epactarum respondentium Aureis numeris ab anno 1700 inclusive usque ad annum 1900 exclusive.

| | | | | | | | | | | |
|------------|-----|-------|-------|------|-------|-----|-------|---------|------|-------|
| Aurei num. | 10. | 11. | 12. | 13. | 14. | 15. | 16. | 17. | 18. | 19. |
| Epactæ. | ix. | xx. | j. | xij. | xxij. | iv. | xv. | xxvj. | vij. | xvii. |
| 1. | 2. | 3. | 4. | 5. | 6. | 7. | 8. | 9. | | |
| * | xj. | xxij. | iiij. | xiv. | xxv. | vj. | xvij. | xxviij. | | |

Alia Tabella Epactarum respondentium Aureis numeris ab
anno 1900 inclusive usque ad annum 2200 exclusive.

| | | | | | | | | | |
|------------|-------|-----|------|-------|------|-------|------|------|--------|
| Aurei num. | 1. | 2. | 3. | 4. | 5. | 6. | 7. | 8. | 9. |
| Epactæ. | xxix. | x. | xxj. | ij. | xij. | xxiv. | v. | xvj. | xxvij. |
| 10. | 11. | 12. | 13. | 14. | 15. | 16. | 17. | 18. | 19. |
| viiij. | xix. | * | xj. | xxij. | ij. | xiv. | xxv. | vj. | xxvij. |

Ad tollendam dubitationem de usu hujus novae Tabulae
Epactarum, ostendemus rem exemplis. Anno 1700 tributa
Epacta ix, quae sub Aureo numero 10 collocatur, fletque
Novilunium 22 Januarii, 20 Februarii, et 22 Martii. Item
anno 1701 tribuitur Epacta xx, sub Aureo numero 11 col-
locata, quae toto eo anno in Calendario Novilunia monstra-
bit: ut in quatuor die 11, in Februarii die 9, in Martio
die 11. Et sic deinceps per ordinem anni progredientibus,
redeundo ad principium Tabellae quotiescumque eam per-
curramus. Rursus anno 1710 Epacta non signatur numero,
sed hoc signo * quod collocatur sub Aureo numero 1, et in
Calendario toto eo anno Novilunia indicabit, nimirum in
Januario die 1 et 31, in Martio (nam in Februarii nullum
tunc Novilunium, cum in eo signum hoc * non reperitur)
die 1 et 31, in Aprilis die 29, etc.

Postremo, anno 1916 Aureis numerus est 17, sub quo in ordine Epactarum tertiæ tabellæ, quæ proposito anno congruit, reperitur Epacta 25 non antiquo numero, ut aliæ Epactæ, sed vulgari numero scripta. Ubicumque ergo anno 1916 in Calendario Epacta 25 vulgari numero scripta reperitur, ibi Novilunium fit, ut in Ianuario die 6, in Februario die 4, in Martio die 6, in Aprili die 4, etc. Quotiescumque enim Epacta 25 responderet Aureis numeris maioribus, quam 11, quales sunt posteriores octo a 12 usque ad 19, sumenda est in Calendario Epacta 23 vulgari numero scripta; quando vero eadem Epacta responderet minoribus numeris, quam 12, quales sunt priores undecim ab 1 ad 11 inclusive, accipienda est in Calendario Epacta xxv antiquo numero scripta: atque hoc solum contingit in Epacta 23, in aliis nunquam; quod ideo fit, ut anni Lunares Solaribus anni perfectius respondent. Ob quam etiam causam in sex locis Calendarii duæ Epactæ, scilicet xxv et xxiv, sunt adscriptæ.

Tabella litterarum Dominicalium ab anno 1700 inclusive
usque ad annum 1800 exclusive.

| | | | | | | | | | | | | | | |
|---|---|---|---|---|---|---|---|---|---|---|---|---|---|---|
| d | b | A | g | f | d | c | b | A | f | e | d | c | b | A |
| g | f | e | c | b | A | g | e | d | c | b | g | f | e | |

Alia Tabella litterarum Dominicalium ab anno 1800
ad 1900 exclusive.

| | | | | | | | | | | | | | |
|---|---|---|---|---|---|---|---|---|---|---|---|---|---|
| f | d | c | b | A | f | e | d | c | A | g | f | e | c |
| b | A | g | e | d | c | b | g | f | e | d | b | A | g |

Alia Tabella litterarum Dominicalium ab anno 1900 ad 2100 exclusive (annus 2000 erit Bissextilis).

| | | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|---|---|
| A | g | f | e | d | c | b | A | g | f | e | d | c | b | A | g | f | e |
| d | c | b | g | f | e | d | b | A | g | f | e | d | c | b | A | g | f |

Usum hujus Tabellæ talis est. Anno 1700 tribuatur unica littera inferior c. primæ cellule, relicta littera d. superiori, quia annus ille 1700 non est Bissextilis, sed communis, et littera d fuit Dominicalis præcedenti anno 1699. Anno sequenti 1701 tribuatur littera b, secundæ cellule, etc. Item anno 1704 tribuantur geminæ litteræ f e, quintæ cellule; et sic deinceps aliis annis per ordinem aliæ cellule tribuantur, donec ad annum propositum pervenias, redeundo ad principium tabellæ quotiescumque eam percurreris: nam cellula in quam annus propositus cadet, dummodo minor sit quam annus 1800, dabit litteram Dominicalem propositi anni; si unica occurrerit, annus erit communis: si vero duplex, Bissextilis; et tunc superior littera Dominicalem diem indicabit in Kalend. a principio anni usque ad festum S. Mathiæ Apostoli, inferior autem ab hoc festo usque ad finem anni.

DE INDICATIONE

INDICTIO est revolutio 15 annorum ab 1 usque ad 15, quæ revolutione peracta, iterum redit ad unitatem, initiumque sumit quilibet annus hujus Cycli a Januario in Bullis Pontificiis. El quoniam Indictionis frequens usus est in Diplomatis et scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est; initium tamen sumit ab anno correctionis 1582.

Tabella Indictionum ab anno correctionis 1582.

| | | | | | | |
|-----|-----|-----|-----|-----|-----|----|
| 10. | 11. | 12. | 13. | 14. | 15. | 1. |
| 2. | 3. | 4. | 5. | 6. | 7. | 8. |

Nam, si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ quotiescumque eam percurreris, cadet annus propositus in Indictionem, quæ quaeritur.

DE FESTIS MOBILIBUS

QUONIAM ex decreto sacri Concilii Nicenæ Pascha, ex quo reliqua Festa mobilia pendent, celebrari debet die Dominico qui proxime succedit xiv Lunæ primi mensis (is vero apud Hebræos vocatur primus mensis, cujus xiv Luna vel cadit in diem verni Æquinoctii, quod die 21 mensis Martii contingit, vel propius ipsum sequitur), efficitur ut, si Epacta cujusvis anni invenitur, et ab ea in Calendario notata inter diem octavam Martii inclusive, et quintum Aprilis inclusive (hujus enim Epacta xiv Luna cadit vel in diem Æquinoctii verni, id est, in diem 21 Martii, vel eum propius sequitur), numeretur inclusive deorsum versus dies xiv, proximus dies Dominicus diem hunc xiv sequens (ne cum Judæis conveniamus, si forte dies xiv Lunæ caderet in diem Dominicam) sit dies Paschæ.

Exemplum. Anno 1605 Epacta est x, et littera Dominicalis b. Et quoniam invenimus Epactam x inter diem 8 Martii et 5 Aprilis inclusive positam esse e regione diei 21 Martii, a quo inclusive si deorsum versus numeretur 14 dies, inveniemus xiv Lunam die 3 Aprilis, quæ est Dominica cum e regione illius sit littera Dominicalis b. Ne igitur cum Judæis conveniamus, qui Pascha celebrant die xiv Lunæ, sumenda est littera Dominicalis b quæ sequitur xiv Lunam, nempe ea quæ e regione diei 10 Aprilis collocatur, atque eo anno Pascha celebrandum erit die 10 Aprilis. Item anno 1604 Epacta est xxix, et duplex littera Dominicalis d c, cum annus ille sit Bissextilis. Si igitur ab Epacta xxix, quæ e regione diei 1 Aprilis ponitur inter diem 8 Martii et 5 Aprilis inclusive, numeretur dies 14, cadet xiv Luna in diem 14 Aprilis. Et quia tunc currit posterior littera Dominicalis nempe c, quæ post diem 14 Aprilis, id est, post xiv Lunam collocata est e regione diei 18 Aprilis, celebrabitur eo anno Pascha die 18 Aprilis.

Cæterum, ut facilius omnia Festa mobilia inveniantur, compositæ sunt duæ sequentes tabulæ paschales, una antiqua, et nova altera. Ex antiqua ita Festa mobilia reperientur. In latere sinistro tabulæ accipiatur Epacta currentis, et in linea litterarum Dominicalium sumatur littera Dominicalis currentis, infra tamen Epactam currentem, ita ut, si littera Dominicalis currentis reperitur e regione Epactæ currentis, assumenda sit eadem littera Dominicalis proxime inferior. Nam e regione hujus litteræ Dominicalis omnia Festa mobilia continentur.

Exemplum. Anno 1606 Epacta est xxi, et littera Dominicalis A. Si igitur in tabula antiqua sumatur littera Dominicalis A, quæ primo infra Epactam xxi occurrit, reperietur e regione hujus litteræ Dominica Septuagesima die 22 Januarii, dies Cinerum 8 Februarii, Pascha 26 Martii, Ascensio Domini 4 Maii, Pentecostes 14 Maii, et Festum Corporis Christi 25 Maii: Dominica autem inter Pentecosten et Adventum eo anno erunt 28, et Adventus celebrabitur die 3 Decembris. Et sic de cæteris. Item anno 1605 Epacta est x et littera Dominicalis b, quæ in tabula reperitur e regione Epactæ x. Quare sumenda est alia littera b, quæ proxime infra Epactam invenitur, e regione cujus invenies Septuagesimam die 6 Februarii, diem Cinerum 23 Februarii, et Pascha die 10 Aprilis, etc.

Notandum autem est, quod quemadmodum in anno communi, cadente littera Dominicali e regione Epactæ in tabula antiqua, sumitur eadem littera proxima infra Epactam, ut diximus i, ita quoque in anno Bissextili, si alterutra duarum litterarum Dominicalium tunc currentium e regione Epactæ reperitur, assumenda sunt alie duæ similis litteræ proximæ inferiores, ut Festa mobilia inveniantur.

Ex tabula vero Paschali nova, ita eadem Festa mobilia reperientur. In cellula litteræ Dominicalis currentis quaeratur Epacta currentis. Nam e directo omnia Festa mobilia deprehendentur. Ut anno 1609 in cellula litteræ Dominicalis d, tunc currentis e regione Epactæ xxiv, quæ eodem anno currit, habetur Septuagesima die 15 Februarii, dies Cinerum 4 Martii, Pascha 19 Aprilis, etc.

Sed sive antiqua, sive nova tabula Paschali utamur, inveniendi sunt omnia Festa mobilia in annis Bissextilibus per litteram Dominicalem posteriorem, quæ nimirum currit post Festum S. Mathiæ Apostoli, ne scilicet ambigamus, utra duarum litterarum pro hoc aut illo Festo indagando accipienda sit: ita tamen, ut Septuagesimæ et diei Cinerum inventæ in Januario aut Febuario addatur unus dies. Quod idem fit, quia ante diem S. Mathiæ currit prior littera Dominicali, quæ in Calendario posteriorem semper sequitur: post Festum autem S. Mathiæ, in Febuario, licet posterior littera currat, additur tamen tunc dies intercalaris, ita ut dies 24 Februarii dicatur 25, et dies 25 dicatur 26, etc. Quod si dies Cinerum cadit in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Febuario sit additus. Imo nisi per posteriorem litteram investigaverunt, non invenirentur recte Septuagesima in anno Bissextili currente Epacta xxiv vel xxv, et littera Dominicali d c, ut in secundo ac tertio exemplo perspicuum fiet pro annis 4088 et 3784. Exempli gratia: Anno 2096 Bissextili, Epacta erit v, et litteræ Dominicales A g. Si igitur per posteriorem litteram, quæ est g, Festa mobilia investigetur, reperietur Septuagesima die 11 Februarii, et dies Cinerum 28 Februarii. Si autem addatur unus dies, cadet Septuagesima in diem 12 Februarii, quæ est Dominica, et dies Cinerum in diem 29 Februarii, quæ est Feria iv: Pascha autem et reliqua Festa in eos dies cadent qui in tabula expressi sunt. Item anno 4088, Bissextili, Epacta erit xxiv, et litteræ Dominicales d c. Si igitur per litteram c, quæ posterior est, inquirantur Festa mobilia, invenietur Septuagesima die 21 Februarii, et si addatur unus dies, cadet in diem 22 Februarii, quæ est Dominica, dies autem Cinerum cadet in diem 10 Martii: quare nihil additur, etc. Rursus anno 3784, Bissextili, Epacta erit xxv, et litteræ Dominicales d c. Ergo iterum per posteriorem c reperietur Septuagesima die 21 Februarii, hoc est, addita 1 die 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv et xxv littera d indicet

Septuagesimam die 15 Februarii, quod falsum esset cum eo anno posterior littera c Pascha offerat die 25 Aprilis, ac proinde Septuagesima die 22 Februarii celebranda sit, ut liquido constat, si a die Paschæ, Dominicæ retro numerentur usque ad Septuagesimam.

In priori porro tabula Paschali antiqua reformatæ Epactis ad sinistrum præposuimus Aureos numeros eodem ordine quo ante emendationem Kalendarii collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha cæteraque Festa mobilia a Concilio Nicæno usque ad annum 1582 quilibet indagare possit. Eodem autem prorsus artificio ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa hæc celebrata fuerint anno 1430. Quoniam eo anno Aureus numerus fuit 7, et littera Dominicalis d: si Aureus numerus 7, in sinistro

latere accipiatur, et prima littera d, infra eum occurrens, reperietur e regione hujus litteræ d, Septuagesima die 1 Februarii, dies Cinerum 18 Februarii, Pascha die 5 Aprilis, etc.

Adventus Domini celebratur semper die Dominico qui propinquior est Festo S. Andrea Apostoli, nempe a die 27 Novembris inclusive, usque ad diem 3 Decembris inclusive, ita ut littera Dominicalis currens, quæ reperitur in Kalendario a die 27 Novembris usque ad diem 3 Decembris, indicet Dominicam Adventus. Ut, verbi gratia, si littera Dominicalis est g, Dominica Adventus cadet in diem 2 Decembris, quia ibi est littera g in Kalendario, etc.

Ad finem tandem tabularum Paschalium apposita est tabula temporaria multorum annorum, e regione quorum omnia Festa mobilia inveniuntur; quæ quidem tabula ex tabulis paschalibus excerpta est, ex quibus infinitæ aliæ erui possunt pro quibuscumque annis.



TABULA PASCHALIS

ANTIQUA REFORMATA

| AUREUS NUMERUS | | CYCLUS EPACT. | LITTERÆ DOMINICALES | SEPTAGESIMA | DIES QUINQUEM | PASCHA | ASCENSIO | PENTECOSTES | CORPUS CHRISTI | DOMINICÆ POST PENTECOSTEN | DOMINICA PRIMA ADVENTUS |
|----------------|-----------|---------------|---------------------|-----------------|-----------------|---------------|----------------|-------------|----------------|---------------------------|-------------------------|
| 16 5 | 25 XXV | xxijj | d | Januarii. 18 | Februarii. 4 | Martii. 22 | Aprilis. 30 | Maii. 10 | Maii. 21 | 28 | 29 Nov. |
| 13 | | xxj | e | 19 | 5 | 23 | 1 Maii. | 11 | 22 | 28 | 30 |
| 2 | | xx | f | 20 | 6 | 24 | 2 | 12 | 23 | 28 | 1 Dec. |
| | | xix | g | 21 | 7 | 25 | 3 | 13 | 24 | 28 | 2 |
| 10 | | xviiij | A | 22 | 8 | 26 | 4 | 14 | 25 | 28 | 3 |
| 18 | | xviij | b | 23 | 9 | 27 | 5 | 15 | 26 | 27 | 27 Nov. |
| 7 | | xvj | c | 24 | 10 | 28 | 6 | 16 | 27 | 27 | 28 |
| | | xv | d | 25 | 11 | 29 | 7 | 17 | 28 | 27 | 29 |
| | | xiv | e | 26 | 12 | 30 | 8 | 18 | 29 | 27 | 30 |
| 15 | | xijj | f | 27 | 13 | 31 | 9 | 19 | 30 | 27 | 1 Dec. |
| 4 | | xij | g | 28 | 14 | 1 Aprilis. | 10 | 20 | 31 | 27 | 2 |
| | | xj | A | 29 | 15 | 2 | 11 | 21 | 1 Junii. | 27 | 3 |
| 12 | | x | b | 30 | 16 | 3 | 12 | 22 | 2 | 26 | 27 Nov. |
| | | ix | c | 31 | 17 | 4 | 13 | 23 | 3 | 26 | 28 |
| 1 | | viiij | d | 1 Feb. | 18 | 5 | 14 | 24 | 4 | 26 | 29 |
| 9 | | vij | e | 2 | 19 | 6 | 15 | 25 | 5 | 26 | 30 |
| | | vj | f | 3 | 20 | 7 | 16 | 26 | 6 | 26 | 1 Dec. |
| 17 | | v | g | 4 | 21 | 8 | 17 | 27 | 7 | 26 | 2 |
| | | iv | A | 5 | 22 | 9 | 18 | 28 | 8 | 26 | 3 |
| 6 | | iiij | b | 6 | 23 | 10 | 19 | 29 | 9 | 25 | 27 Nov. |
| 14 | | ijj | c | 7 | 24 | 11 | 20 | 30 | 10 | 25 | 28 |
| 3 | | j | d | 8 | 25 | 12 | 21 | 31 | 11 | 25 | 29 |
| | | xxix | e | 9 | 26 | 13 | 22 | 1 Junii. | 12 | 23 | 30 |
| | | | f | 10 | 27 | 14 | 23 | 2 | 13 | 25 | 1 Dec. |
| 11 | | xxviiij | g | 11 | 28 | 15 | 24 | 3 | 14 | 25 | 2 |
| 19 | | xxvij | A | 12 | 1 Martii. | 16 | 25 | 4 | 15 | 25 | 3 |
| 8 | | xxvj | b | 13 | 2 | 17 | 26 | 5 | 16 | 24 | 27 Nov. |
| | | xxiv | c | 14 | 3 | 18 | 27 | 6 | 17 | 24 | 28 |
| | | | d | 15 | 4 | 19 | 28 | 7 | 18 | 24 | 29 |
| | | | e | 16 | 5 | 20 | 29 | 8 | 19 | 24 | 30 |
| | | | f | 17 | 6 | 21 | 30 | 9 | 20 | 24 | 1 Dec. |
| | | | g | 18 | 7 | 22 | 31 | 10 | 21 | 24 | 2 |
| | | | A | 19 | 8 | 23 | 1 Junii. | 11 | 22 | 24 | 3 |
| | | | b | 20 | 9 | 24 | 2 | 12 | 23 | 23 | 27 Nov. |
| | | | c | 21 | 10 | 25 | 3 | 13 | 24 | 23 | 28 |

TABULA PASCHALIS

NOVA REFORMATA

| LITTERÆ DOMINICALES | CYCLUS EPACTARUM | SEPTUAGESIMA | DIES CENERUM | PASCHA | ASCENSIO | PENTECOSTES | CORPUS CHRISTI | DOMINICÆ POST PENTECOSTEN | DOMINICA PRIMA ADVENTUS |
|------------------------|---|---|---|--|--|--|--|------------------------------|---------------------------------------|
| D | 23. 22. 21. 20. 49. 18. 47. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. xxv. 24. | 18 Jan. 25 Jan. 1 Febr. 8 Febr. 15 Febr. | 4 Febr. 11 Febr. 18 Febr. 25 Febr. 4 Mar. | 22 Mar. 29 Mar. 5 Apr. 12 Apr. 19 Apr. | 30 Apr. 7 Maii 14 Maii 21 Maii 28 Maii | 10 Maii 17 Maii 24 Maii 31 Maii 7 Junii | 21 Maii 28 Maii 4 Junii 11 Junii 18 Junii | 28 27 26 25 24 | 29 Nov. 27 29 29 29 29 |
| E | 23. 22. 21. 20. 49. 18. 47. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. xxv. 24. | 19 Jan. 26 Jan. 2 Febr. 9 Febr. 16 Febr. | 5 Febr. 12 Febr. 19 Febr. 26 Febr. 5 Mar. | 23 Mar. 30 Mar. 6 Apr. 13 Apr. 20 Apr. | 1 Maii 8 Maii 15 Maii 22 Maii 29 Maii | 11 Maii 18 Maii 25 Maii 1 Junii 8 Junii | 22 Maii 29 Maii 5 Junii 12 Junii 19 Junii | 28 27 26 25 24 | 30 Nov. 27 30 30 30 30 |
| F | 23. 22. 21. 20. 19. 18. 47. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. xxv. 24. | 20 Jan. 27 Jan. 3 Febr. 10 Febr. 17 Febr. | Febr. 16 Febr. 23 Febr. 20 Febr. 6 Mar. | 24 Mar. 31 Mar. 7 Apr. 14 Apr. 21 Apr. | 2 Maii 9 Maii 15 Maii 23 Maii 30 Maii | 12 Maii 19 Maii 26 Maii 2 Junii 9 Junii | 23 Maii 30 Maii 6 Junii 13 Junii 20 Junii | 28 27 26 25 24 | 1 Dec. 1 1 1 1 |
| G | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. xxv. 24. | 21 Jan. 28 Jan. 4 Febr. 11 Febr. 18 Febr. | 7 Febr. 14 Febr. 21 Febr. 28 Febr. 7 Mar. | 25 Mar. 1 Apr. 8 Apr. 15 Apr. 22 Apr. | 3 Maii 10 Maii 17 Maii 24 Maii 31 Maii | 13 Maii 20 Maii 27 Maii 3 Junii 10 Junii | 24 Maii 31 Maii 7 Junii 14 Junii 21 Junii | 28 27 26 25 24 | 2 Dec. 2 2 2 2 |
| A | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. xxv. 24. | 22 Jan. 29 Jan. 5 Febr. 12 Febr. 19 Febr. | 8 Febr. 15 Febr. 22 Febr. 1 Mar. 8 Mar. | 26 Mar. 2 Apr. 9 Apr. 16 Apr. 23 Apr. | 4 Maii 11 Maii 18 Maii 25 Maii 1 Junii | 14 Maii 21 Maii 28 Maii 4 Junii 11 Junii | 25 Maii 1 Junii 8 Junii 15 Junii 22 Junii | 28 27 26 25 24 | 3 Dec. 3 3 3 3 |
| B | 23. 22. 21. 20. 49. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. xxv. 24. | 23 Jan. 30 Jan. 6 Febr. 13 Febr. 20 Febr. | 9 Febr. 16 Febr. 23 Febr. 2 Mar. 9 Mar. | 27 Mar. 3 Apr. 10 Apr. 17 Apr. 24 Apr. | 5 Maii 12 Maii 19 Maii 26 Maii 2 Junii | 15 Maii 22 Maii 29 Maii 5 Junii 12 Junii | 26 Maii 2 Junii 9 Junii 16 Junii 23 Junii | 27 26 25 24 23 | 27 Nov. 27 27 27 27 |
| C | 23. 22. 21. 20. 49. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. 25. xxv. 24. | 24 Jan. 31 Jan. 7 Febr. 14 Febr. 21 Febr. | 10 Febr. 17 Febr. 24 Febr. 3 Mar. 10 Mar. | 28 Mar. 4 Apr. 11 Apr. 18 Apr. 25 Apr. | 6 Maii 13 Maii 20 Maii 27 Maii 3 Junii | 16 Maii 23 Maii 30 Maii 6 Junii 13 Junii | 27 Maii 3 Junii 10 Junii 17 Junii 24 Junii | 27 26 25 24 23 | 28 Nov. 28 28 28 28 |

TABELLA TEMPORARIA

FESTORUM MOBILIU

| ANNI DOMINI | LITTERE DOMINICALES | AUREUS NUMERUS | EPACTE | SEPTUAGESIMA | DIES CINERUM | PASCHA | ASCENSIO | PENTECOSTES | CORPUS CHRISTI | INDICTIO | DOMINICA POST PENTECOSTEN | DOMINICA PRIMA ADVENT. |
|-------------|------------------------|----------------|---------|--------------|--------------|----------|----------|-------------|----------------|----------|------------------------------|---------------------------|
| 1882 | A | 2 | xj | 3 Febr. | 22 Febr. | 9 Apr. | 18 Maii | 28 Maii | 8 Junii | 10 | 26 | 3 Dec. |
| 1883 | g | 3 | xxij | 24 Jan. | 7 Febr. | 23 Mart. | 3 Maii | 13 Maii | 24 Maii | 11 | 28 | 2 Dec. |
| 1884 | f e | 4 | iiij | 10 Febr. | 27 Febr. | 13 Apr. | 22 Maii | 1 Junii | 12 Junii | 12 | 25 | 30 Nov. |
| 1885 | d | 5 | xiv | 1 Febr. | 18 Febr. | 3 Apr. | 14 Maii | 24 Maii | 4 Junii | 13 | 26 | 29 Nov. |
| 1886 | c | 6 | xxv | 21 Febr. | 10 Mart. | 25 Apr. | 3 Junii | 13 Junii | 24 Junii | 14 | 23 | 28 Nov. |
| 1887 | b | 7 | vj | 6 Febr. | 23 Febr. | 10 Apr. | 19 Maii | 29 Maii | 9 Junii | 13 | 23 | 27 Nov. |
| 1888 | A g | 8 | xvij | 29 Jan. | 15 Febr. | 1 Apr. | 10 Maii | 20 Maii | 31 Maii | 1 | 27 | 2 Dec. |
| 1889 | f e | 9 | xxviiij | 17 Febr. | 6 Mart. | 21 Apr. | 30 Maii | 9 Junii | 20 Junii | 2 | 24 | 1 Dec. |
| 1890 | d | 10 | ix | 2 Febr. | 19 Febr. | 6 Apr. | 15 Maii | 25 Maii | 5 Junii | 3 | 26 | 30 Nov. |
| 1891 | c | 11 | xx | 25 Jan. | 11 Febr. | 29 Mart. | 7 Maii | 17 Maii | 28 Maii | 4 | 27 | 29 Nov. |
| 1892 | b | 12 | j | 14 Febr. | 2 Mart. | 17 Apr. | 26 Maii | 5 Junii | 16 Junii | 5 | 24 | 27 Nov. |
| 1893 | A | 13 | xij | 29 Jan. | 15 Febr. | 2 Apr. | 11 Maii | 21 Maii | 1 Junii | 6 | 27 | 3 Dec. |
| 1894 | g f | 14 | xxij | 21 Jan. | 7 Febr. | 25 Mart. | 3 Maii | 13 Maii | 24 Maii | 7 | 28 | 2 Dec. |
| 1895 | d | 15 | iiij | 10 Febr. | 27 Febr. | 14 Apr. | 23 Maii | 2 Junii | 13 Junii | 8 | 25 | 1 Dec. |
| 1896 | e | 16 | xv | 2 Febr. | 19 Febr. | 5 Apr. | 14 Maii | 24 Maii | 4 Junii | 9 | 26 | 29 Nov. |
| 1897 | c | 17 | xxvj | 14 Febr. | 3 Mart. | 18 Apr. | 27 Maii | 6 Junii | 17 Junii | 10 | 24 | 28 Nov. |
| 1898 | b | 18 | vij | 23 Febr. | 10 Apr. | 19 Apr. | 19 Maii | 29 Maii | 9 Junii | 11 | 25 | 27 Nov. |
| 1899 | A | 19 | xxviiij | 29 Jan. | 15 Febr. | 2 Apr. | 11 Maii | 21 Maii | 1 Junii | 12 | 27 | 3 Dec. |
| 1900 | g f | 1 | xxix | 11 Febr. | 28 Febr. | 15 Apr. | 24 Maii | 3 Junii | 14 Junii | 13 | 25 | 2 Dec. |
| 1901 | d | 2 | x | 3 Febr. | 20 Febr. | 7 Apr. | 16 Maii | 26 Maii | 6 Junii | 14 | 26 | 1 Dec. |
| 1902 | e | 3 | xxj | 26 Jan. | 12 Febr. | 30 Mart. | 8 Maii | 18 Maii | 29 Maii | 15 | 27 | 30 Nov. |
| 1903 | d | 4 | ij | 8 Febr. | 25 Febr. | 12 Apr. | 24 Maii | 31 Maii | 11 Junii | 1 | 23 | 29 Nov. |
| 1904 | c b | 5 | xij | 31 Jan. | 17 Febr. | 3 Apr. | 12 Maii | 22 Maii | 2 Junii | 2 | 26 | 27 Nov. |
| 1905 | A | 6 | xxij | 19 Febr. | 8 Mart. | 23 Apr. | 1 Junii | 11 Junii | 22 Junii | 3 | 24 | 3 Dec. |
| 1906 | g | 7 | v | 11 Febr. | 28 Febr. | 15 Apr. | 24 Maii | 3 Junii | 14 Junii | 4 | 25 | 2 Dec. |
| 1907 | f | 8 | xvj | 27 Jan. | 13 Febr. | 31 Mart. | 9 Maii | 19 Maii | 30 Maii | 5 | 27 | 1 Dec. |
| 1908 | e d | 9 | xxviiij | 16 Febr. | 4 Mart. | 19 Apr. | 28 Maii | 7 Junii | 18 Junii | 6 | 24 | 29 Nov. |
| 1909 | c. | 10 | viiij | 7 Febr. | 24 Febr. | 11 Apr. | 20 Maii | 30 Maii | 10 Junii | 7 | 25 | 28 Nov. |
| 1910 | b | 11 | xix | 23 Jan. | 9 Febr. | 27 Mart. | 5 Maii | 15 Maii | 26 Maii | 8 | 27 | 29 Nov. |
| 1911 | A | 12 | * | 12 Febr. | 1 Mart. | 16 Apr. | 25 Maii | 4 Junii | 15 Junii | 9 | 25 | 3 Dec. |
| 1912 | g f | 13 | xj | 4 Febr. | 21 Febr. | 7 Apr. | 16 Maii | 26 Maii | 6 Junii | 10 | 26 | 1 Dec. |
| 1913 | d | 14 | xxij | 19 Jan. | 5 Febr. | 23 Mart. | 1 Maii | 11 Maii | 22 Maii | 11 | 28 | 30 Nov. |
| 1914 | e | 15 | iiij | 8 Febr. | 25 Febr. | 12 Apr. | 21 Maii | 31 Maii | 11 Junii | 12 | 25 | 29 Nov. |
| 1915 | c | 16 | xiv | 31 Jan. | 17 Febr. | 4 Apr. | 13 Maii | 23 Maii | 3 Junii | 13 | 26 | 28 Nov. |
| 1916 | b A | 17 | 25 | 20 Febr. | 8 Mart. | 23 Apr. | 1 Junii | 11 Junii | 22 Junii | 14 | 24 | 3 Dec. |
| 1917 | g f | 18 | xvj | 4 Febr. | 21 Febr. | 8 Apr. | 17 Maii | 27 Maii | 7 Junii | 15 | 26 | 2 Dec. |
| 1918 | e | 19 | vij | 27 Jan. | 13 Febr. | 31 Mart. | 9 Maii | 19 Maii | 30 Maii | 1 | 27 | 1 Dec. |
| 1919 | d | 1 | xxix | 16 Febr. | 5 Mart. | 20 Apr. | 29 Maii | 8 Junii | 19 Junii | 2 | 24 | 30 Nov. |
| 1920 | c | 2 | x | 1 Febr. | 18 Febr. | 4 Apr. | 13 Maii | 23 Maii | 3 Junii | 3 | 26 | 28 Nov. |
| 1921 | b | 3 | xxj | 23 Jan. | 9 Febr. | 27 Mart. | 5 Maii | 15 Maii | 26 Maii | 4 | 27 | 27 Nov. |
| 1922 | A | 4 | iiij | 12 Febr. | 1 Mart. | 16 Apr. | 25 Maii | 4 Junii | 15 Junii | 5 | 25 | 3 Dec. |
| 1923 | f e | 5 | xv | 28 Jan. | 14 Febr. | 1 Apr. | 10 Maii | 20 Maii | 31 Maii | 6 | 27 | 2 Dec. |
| 1924 | d | 6 | xxiv | 17 Febr. | 5 Mart. | 20 Apr. | 29 Maii | 8 Junii | 19 Junii | 7 | 24 | 30 Nov. |
| 1925 | c | 7 | v | 8 Febr. | 25 Febr. | 12 Apr. | 21 Maii | 31 Maii | 11 Junii | 8 | 25 | 29 Nov. |
| 1926 | b | 8 | xvj | 31 Jan. | 17 Febr. | 4 Apr. | 13 Maii | 23 Maii | 3 Junii | 9 | 26 | 28 Nov. |
| 1927 | A g | 9 | xxviiij | 13 Febr. | 2 Mart. | 17 Apr. | 26 Maii | 5 Junii | 16 Junii | 10 | 24 | 27 Nov. |
| 1928 | f e | 10 | viiij | 22 Febr. | 8 Apr. | 17 Apr. | 17 Maii | 7 Junii | 17 Junii | 11 | 26 | 2 Dec. |
| 1929 | d | 11 | xix | 27 Jan. | 13 Febr. | 31 Mart. | 9 Maii | 19 Maii | 30 Maii | 12 | 27 | 1 Dec. |
| 1930 | c | 12 | * | 16 Febr. | 5 Mart. | 20 Apr. | 29 Maii | 8 Junii | 19 Junii | 13 | 24 | 30 Nov. |
| 1931 | b | 13 | xi | 4 Febr. | 18 Febr. | 5 Apr. | 14 Maii | 24 Maii | 4 Junii | 14 | 26 | 29 Nov. |

JANUARIUS

| Cyclos Epact. | Litt. Dom. | Dies mensis. | |
|-------------------|-------------------|-----------------|---|
| | A Kal. | | 1 CIRCUMCISIO DOMINI, dupl. ij. clas- sis. |
| xxix | b iv | | 2 Octava S. Stephani, dupl. Com- mem. Oct. S. Joannis, Apostoli, et SS. Innocentium. |
| xxviij | c iij | | 3 Octava S. Joannis, Apost. et Evang., dupl. Commem. Octavæ SS. In- nocentium. |
| xxvij 23. xxvj | d Prid. e Non. | | 4 Octava SS. Innocentium, dupl. 5 Vigilia Epiphaniæ, semidupl. Com- mem. S. Telesphori, Papæ et Mart. |
| xxv | f viij | | 6 EPIPHANIA DOMINI, dupl. j. class. |
| xxiv | g vij | | 7 De Octav. Epiphaniæ, semid. |
| xxij | A vj | | 8 De Octava, semid. |
| xxj | b v | | 9 De Octava, semid. |
| xx | c iv | | 10 De Octava, semid. |
| | d iij | | 11 De Octava, semid. Commem. S. Hy- gini, Papæ et Mart. |
| xix | e Prid. | | 12 De Octava, semid. |
| xviij | f Idib. | | 13 Octava Epiphaniæ, dupl. Dominica II. post Epiph. FESTUM S. NOMINIS JESU, dupl. ij. class. Commem. Dominicæ. |
| xvij | g xix | | 14 Hilarii, Episc., Conf., et Ecclesiæ Doctoris, dupl. Commem. S. Fel- licis, Presbyt. et Mart. |
| xvj | A xviij | | 15 Pauli, primi Eremitæ, Conf., dupl. Commem. S. Mauri, Abbatis. |
| xv | b xviij | | 16 Marcelli, Papæ et Mart., semidupl. |
| xiv | c xvj | | 17 Antonii, Abbatis, dupl. |
| xij | d xv | | 18 Cathedra S. Petri Romæ, duplex maj. Commem. sanctæ Priscæ, Virg. et Mart. |
| xij | e xiv | | 19 Canuti, Regis, Mart., semid. ad li- bit. Commem. SS. Mart. Marri, Marthæ, etc. |
| xj | f xij | | 20 Fabiani et Sebastiani, Mart., dupl. |
| x | g xij | | 21 Agnetis, Virg. et Mart., dupl. |
| ix | A xj | | 22 Vincentii et Anastasii, Mart., semid. (Romæ et districtu, dupl.) |
| vij | b x | | 23 Raymundi de Pennafort, Conf., semid. Commem. sanctæ Eme- rentianæ, Virg. et Mart. |
| vij | c ix | | 24 Timothei, Episc. et Mart., dupl. |
| vj | d viij | | 25 Conversio S. Pauli, Apostoli, dupl. maj. |
| v | e vij | | 26 Polycarpi, Episc. et Mart., dupl. |
| iv | f vj | | 27 Joannis Chrysostomi, Episc., Conf., et Ecclesiæ Doct., dupl. |
| ij | g v | | 28 Agnetis, secundo. |
| ij | A iv | | 29 Francisci Salesii, Episc., Conf., et Ecclesiæ Doct., dupl. |
| j | b iij | | 30 Martinæ, Virg. et Mart., semid. |
| | c Prid. | | 31 Petri Nolasci, Conf., dupl. |

FEBRUARIUS

| Cyclos Epact. | Litt. Dom. | Dies mensis. | |
|------------------|---------------|-----------------|---|
| xxix | d Kal. | | 1 Ignatii, Episc. et Mart., dupl. |
| xxviij | e iv | | 2 PURIFICATIO B. MARIE VIRGINIS, dupl. ij. class. |
| xxvij | f iij | | 3 Blasii, Episc. et Mart. |
| 25. xxvj | g Prid. | | 4 Andree Corsini, Episc. et Conf., dupl. |
| xxv. xxiv | A Non. | | 5 Agathæ, Virg. et Mart., dupl. |
| xxij | b viij | | 6 Titii, Episc. et Conf., dupl. Com- mem. sanctæ Dorotheæ, Virg. et Mart. |
| xxj | c vij | | 7 Romualdi, Abbatis, dupl. |
| xxj | d vj | | 8 Joannis de Matha, Conf., dupl. |
| xx | e v | | 9 Apolloniæ, Virg. et Mart. |
| xix | f iv | | 10 Scholasticæ, Virg., dupl. |
| xviij | g iij | 11 | |
| xvj | A Prid. | 12 | |
| xvj | b Idib | 13 | |
| xv | c xvj | 14 | Valentini, Presbyt. et Mart. |
| xiv | d xv | 15 | Faustini et Jovitæ, Mart. |
| xij | e xiv | 16 | |
| xij | f xij | 17 | |
| xj | g xij | 18 | Simeonis, Episc. et Mart. |
| x | A xj | 19 | |
| ix | b x | 20 | |
| vij | c ix | 21 | |
| vij | d viij | 22 | Cathedra S. Petri Antiochiæ, dupl. maj. |
| vj | e vij | 23 | Petri Damiani, Episc., Conf. et Ecol. Doct., dupl. Commem. Vi- giliæ. |
| v | f vj | 24 | MATHIÆ, Apost., dupl. ij. class. |
| iv | g v | 25 | |
| ij | A iv | 26 | |
| ij | b iij | 27 | |
| j | c Prid. | 28 | |

In anno bissextili Februarius est
dierum 29; Festum S. Mathiæ ce-
lebratur 25 Februarii, id est die 24
et die 25; et littera Dominicalis quæ
assumpta fuit in mense Januario,
mutatur in præcedentem, ut, si in
Januario littera Dominicalis fuit A,
mutetur in præcedentem, quæ est
g, etc., et littera f bis servit 24
et 25.

MARTIUS

| Cyclus Epact. | Litt. Dom. | Dies mensis. | |
|------------------|---------------|-----------------|---|
| * | d | Kal. | 1 |
| xxix | e | vj | 2 |
| xxviii | f | v | 3 |
| xxvij | g | iv | 4 Casimiri, Conf., semid. Commem. S. Lucii, Papæ et Mart. |
| xxvj | A | iiij | 5 |
| 25. xxv | b | Prid. | 6 |
| xxiv | c | Non. | 7 Thomæ de Aquino, Conf. et Eccl. Doctoris, dupl. Commem. san- ctarum Perpetuæ et Felicitatis, Martyrum. |
| xxiiij | d | viiij | 8 Joannis de Deo, Conf., dupl. |
| xxij | e | vij | 9 Franciscæ, Viduæ Romanæ, dupl. |
| xxj | f | vj | 10 Quadraginta Martyrum, semid. |
| xx | g | v | 11 |
| xix | A | iv | 12 Gregorii, Papæ, Conf., et Ecclesiæ Doctoris, dupl. |
| xxviii | b | iiij | 13 |
| xxvij | c | Prid. | 14 |
| xxvj | d | Idib. | 15 |
| xv | e | xvij | 16 |
| xiv | f | xvj | 17 Patritii, Episc. et Conf., dupl. |
| xiiij | g | xv | 18 |
| xij | A | xiv | 19 JOSEPH, SPONSI BEATÆ MAR- IÆ VIRGINIS, CATHOLICÆ ECCLESIE PATRONI, dupl. j. classis. |
| xj | b | xiiij | 20 |
| x | c | xij | 21 Benedicti, Abbatis, dupl. |
| xj | d | xj | 22 |
| viiij | e | x | 23 |
| vij | f | ix | 24 |
| vj | g | viiij | 25 ANNUNTIATIO BEATÆ MARIE VIRGI- NIS, dupl. ij. classis. |
| v | A | vij | 26 |
| iv | b | vj | 27 |
| iiij | c | v | 28 |
| ij | d | iv | 29 |
| j | e | iiij | 30 |
| * | f | Prid. | 31 |

Fer. VI. post Dominicam Passionis
celebratur Festum VII Dolorum
beatæ Mariæ Virginis, duplex
majus.

APRILIS

| Cyclus Epact. | Litt. Dom. | Dies mensis. | |
|------------------|---------------|-----------------|---|
| xxix | g | Kal. | 1 |
| xxviii | A | iv | 2 Francisci de Paula, Conf., dupl. |
| xxvij | b | iiij | 3 |
| 25. xxvj | c | Prid. | 4 Isidori, Episc., Conf., et Ecclesiæ Doct., dupl. |
| xxv. xxiv | d | Non. | 5 Vincentii Ferrerii, Conf., duplex. |
| xxiiij | e | viiij | 6 |
| xxij | f | vij | 7 |
| xxj | g | vj | 8 |
| xx | A | v | 9 |
| xix | b | iv | 10 |
| xviii | c | iiij | 11 Leonis I, Papæ, Conf., et Ecclesiæ Doct., dupl. |
| xvij | d | Prid. | 12 |
| xvj | e | Idib. | 13 Hermenegildi, Regis, Martyris, se- mid. |
| xv | f | xviiij | 14 Tiburtii, Valeriani et Maximi, Mart. |
| xiv | g | xvij | 15 |
| xiiij | A | xvj | 16 |
| xij | b | xv | 17 Aniceti, Papæ et Mart. |
| xj | c | xiv | 18 |
| x | d | xiiij | 19 |
| ix | e | xj | 20 |
| viii | f | xj | 21 Anselmi, Episc., Conf., et Ecclesiæ Doct., dupl. |
| vij | g | x | 22 Soteris et Cæii, Pontificum et Mart., semid. |
| vj | A | ix | 23 Georgii, Mart., semid. |
| v | b | viiij | 24 Fidelis a Sigmaringa, Mart., dupl. |
| iv | c | vij | 25 MARCI, EVANGELISTÆ, dupl. ij. class. |
| iiij | d | vj | 26 Cleti et Marcellini, Pont. et Mart., semid. |
| ij | e | v | 27 |
| j | iv | | 28 Pauli a Cruce, Conf., dupl. Com- mem. S. Vitalis, Mart. |
| * | g | iiij | 29 Petri, Mart., dupl. |
| xxix | A | Prid. | 30 Catharinæ Senensis, Virg., dupl. |

Dominica III post Pascha. FESTUM
PATROCINII S. JOSEPH, CONF.,
duplex ij. classis. Commem. Do-
minicæ.

MAIUS

JUNIUS

| Cyclus Epact. | Litt. Dom. | Dies mensis. | |
|------------------|---------------|-----------------|---|
| xxvij | b | Kal. | 1 PHILIPPI ET JACOBI, APOSTOLORUM, dupl. ij. class. |
| xxvij | c | vj | 2 Athanasii, Episc., Conf. et Eccl. Doct., dupl. |
| xxvj | d | v | 3 INVENTIO SANCTÆ CRUCIS, dupl. ij. class. Commem. SS. Alexandri, Eventii et Theoduli, Mart., ac Juvenalis, Episc. et Conf., in Missis privatis tantum. |
| 25. xxv | e | iv | 4 Monica, Viduæ, dupl. |
| xxiv | f | ijj | 3 Pii V, Papæ et Conf., dupl. |
| xxij | g | Prid. | 6 Joannis ante portam Latinam, dupl. maj. |
| xxij | A | Non. | 7 Stanislai, Episc. et Mart., dupl. |
| xxj | b | vij | 8 Apparitio S. Michaelis, Archangelii, dupl. maj. |
| xx | c | vij | 9 Gregorii Nazianzeni, Episc., Conf., et Eccl. Doct., dupl. |
| xix | d | vj | 10 Antonini, Episc. et Conf., duplex. Commem. SS. Gordiani et Epimachi, Mart. |
| xxvij | e | v | 11 |
| xxvj | f | iv | 12 Nerei, Achillei, et Domitillæ, Virg., atque Pancratii, Mart., semid. |
| xxvj | g | ijj | 13 |
| xv | A | Prid. | 14 Bonifacii, Mart. |
| xiv | b | Idib. | 15 |
| xij | c | xvij | 16 Ubaldi, Episc. et Conf., semid. |
| xj | d | xvj | 17 Paschalis Baylon, Conf., dupl. |
| xj | e | xv | 18 Venantii, Mart., dupl. |
| x | f | xiv | 19 Petri Cœlestini, Papæ et Conf., dupl. Commem. sanctæ Pudencianæ, Virg. |
| ix | g | xij | 20 Bernardini Senensis, Conf., semid. |
| vij | A | xj | 21 |
| vj | b | xj | 22 |
| vj | c | x | 23 |
| v | d | ix | 24 |
| iv | e | vij | 25 Gregorii VII, Papæ et Conf., dupl. Commem. S. Urbani, Papæ et Mart. |
| ijj | f | vij | 26 Philippi Neri, Conf., dupl. Commem. S. Eleutherii, Papæ et Mart. |
| ij | g | vj | 27 Mariæ Magdalænæ de Pazzis, Virginis, semid. (sed in tota Italia et insulis adjacentibus, duplex) Commem. S. Joannis, Papæ et Mart. |
| j | A | v | 28 |
| xxix | b | iv | 29 |
| xxvij | c | ijj | 30 Felicis I, Papæ et Mart. |
| | d | Prid. | 31 Angelæ Merici, Virg., dupl. Commem. sanctæ Petronillæ, Virg. |

| Cyclus Epact. | Litt. Dom. | Dies mensis. | |
|------------------|---------------|-----------------|---|
| | | | Per. VI post Oct. Corporis Christi. Festum Sacratissimi Cordis D. N. J. C., duplex majus. |
| xxvij | e | Kal. | 1 |
| 25. xxvj | f | iv | 2 Marcellini, Petri atque Erasmi, Mart. |
| xxv. xxiv | g | ijj | 3 |
| xxij | A | Prid. | 4 Francisci Caracciolo, Conf., dupl. |
| xxj | b | Non. | 5 Bonifacii, Episc. et Mart., dupl. |
| xxj | c | vij | 6 Norberti, Episc. et Conf., dupl. |
| xix | d | vij | 7 |
| xix | e | vj | 8 |
| xxvij | f | v | 9 Primi et Feliciani, Mart. |
| xxvj | g | iv | 10 Margaritæ, Reginæ Scotiæ, semid. |
| xxvj | A | ijj | 11 Barnabæ, Apostoli, dupl. maj. |
| xv | b | Prid. | 12 Joannis a S. Facundo, Conf., dupl. Commem. SS. Basilidis, Cyriani, Naboris et Nazarii, Mart. |
| xiv | c | Idib. | 13 Antonii de Padua, Conf., dupl. |
| xij | d | xvij | 14 Basili Magni, Episc., Conf., et Eccl. Doct., dupl. |
| xj | e | xvij | 15 Viti, Modesti atque Crescentiæ, Mart. |
| xj | f | xvj | 16 |
| x | g | xv | 17 |
| ix | A | xiv | 18 Marci et Marcelliani, Mart. |
| vij | b | xij | 19 Julianæ de Falconeris, Virginis, dupl. Commem. SS. Gervasii et Protasii, Mart. |
| vij | c | xij | 20 Silverii, Papæ et Mart. |
| vj | d | xj | 21 Aloysii Gonzagæ, Conf., dupl. |
| v | e | x | 22 Paulini, Episc. et Conf. |
| iv | f | ix | 23 Vigiliæ. |
| ijj | g | vij | 24 NATIVITAS S. JOANNIS BAPTISTÆ, dupl. j. classis. |
| ij | A | vij | 25 Guilielmi, Abbatis, dupl. Commem. Octavæ Nativitatis S. Joannis. |
| j | b | vj | 26 Joannis et Pauli, Mart., dupl. Commem. Octavæ Nativ. S. Joannis. |
| xxix | c | v | 27 De Oct. Nativ. S. Joannis, semid. |
| xxvij | d | iv | 28 Leonis II, Papæ et Conf., semid. Commem. Octavæ et Vigiliæ. |
| xxvij | e | ijj | 29 PETRI ET PAULI, APOSTOLORUM, dupl. j. class. |
| xxvij | f | Prid. | 30 Commemoratio S. Pauli, Apost., dupl. Commem. Octavæ Nativit. S. Joannis. |

JULIUS

| Cyclus Epact. | Litt. Dom. | Dies mensis. | |
|------------------|---------------|-----------------|--|
| | | | Dominica I. Festum PRETIOSISSIMI SANGUINIS D. N. J. C., duplex ij. class. Commem. Dom. |
| xxvj | g | Kal. | 1 Octava S. Joannis Baptistæ, dupl. Commem. Oct. Apostolorum. |
| 23. xxv | A | vj | 2 VISITATIO B. MARIE VIRGINIS, duplex ij. class. Commem. SS. Processi et Martiniani, Mart., in Missis privatis tantum. |
| xxiv | b | v | 3 De Octava Apostolorum, semid. |
| xxij | c | iv | 4 De Octava, semid. |
| xxij | d | ij | 5 Cyrilli et Methodii, Episc. et Conf., dupl. Commem. Oct. |
| xxj | e | Prid. | 6 Octava SS. Apostolorum Petri et Pauli, dupl. |
| xx | f | Non. | 7 |
| xix | g | vij | 8 Elisabeth, Regina Portugalliæ, Viduæ, semid. |
| xxvij | A | vj | 9 |
| xxvij | b | vj | 10 Septem Fratrum, et sanctorum Ruffinæ ac Secundæ, Mart., semid. |
| xxvj | c | v | 11 Pii I, Papæ et Mart. |
| xv | d | iv | 12 Joannis Gualberti, Abbatis, dupl. Commem. SS. Naboris et Felicis, Mart. |
| xiv | e | ij | 13 Anacleti, Papæ et Mart., semid. |
| xij | f | Prid. | 14 Bonaventuræ, Episc., Conf., et Eccl. Doctoris, dupl. |
| xij | g | Idib. | 15 Henrici, Conf., semid. |
| xj | A | xvij | 16 Festum beatæ Mariæ Virginis de Monte Carmelo, dupl. maj. |
| x | b | xvj | 17 Alexii, Conf., semid. |
| ix | c | xv | 18 Camilli de Lellis, Conf., duplex. Commem. sanctæ Symphoræ, cum septem Filiis, Mart. |
| vij | d | xiv | 19 Vincentii a Paulo, Conf., dupl. |
| vij | e | xij | 20 Hieronymi Emiliani, Conf., dupl. Commem. sanctæ Margaritæ, Virg. et Mart. |
| vj | f | xij | 21 Praxedis, Virg. |
| v | g | xj | 22 Mariæ Magdalænæ, dupl. |
| iv | A | x | 23 Apollinaris, Episc. et Mart., dupl. Commem. S. Liborii, Episc. et Conf. |
| ij | b | ix | 24 Vigilia. Commem. sanctæ Christianæ, Virg. et Mart. |
| ij | c | vij | 25 JACOBI, APOSTOLI, dupl. ij. classis. Commem. S. Christophori, Mart., in Missis privatis tantum. |
| j | d | vij | 26 ANNE, MATRIS BEATÆ MARIE VIRGINIS, dupl. ij. class. |
| * | e | vj | 27 Pantaleonis, Mart. |
| xxix | f | v | 28 Nazarii et Celsi, Martyrum, Victoris, Papæ et Mart., ac Innocentii, Papæ et Conf., semid. |
| xxvij | g | iv | 29 Marthæ, Virg., semid. Commem. SS. Felicis, Papæ, Simplicii, Faustini et Beatricis, Mart. |
| xxvij | A | ij | 30 Abdon et Sennen, Mart. |
| 23. xxvj | b | Prid. | 31 Ignatii de Loyola, Conf., dupl. |

AUGUSTUS

| Cyclus Epact. | Litt. Dom. | Dies mensis. | |
|------------------|---------------|-----------------|--|
| xxv. xxij | c | Kal. | 1 Petri ad Vincula, dupl. maj. Commem. SS. Machabæorum, Mart. |
| xxij | d | iv | 2 Alphonsi Mariæ de Ligorio, Episc., Conf., et Eccl. Doctoris, duplex. Commem. S. Stephani I, Papæ et Mart. |
| xxij | e | ij | 3 Inventio S. Stephani, Protomartyris, semid. |
| xxj | f | Prid. | 4 Dominici, Conf., dupl. |
| xx | g | Non. | 5 Dedicatio Sanctæ Mariæ ad Nives, dupl. maj. |
| xix | A | vij | 6 Transfiguratio Domini, dupl. maj. Commem. SS. Xysti, Papæ, Felicissimi et Agapiti, Mart. |
| xxvij | b | vij | 7 Cajetani, Conf., duplex. Commem. S. Donati, Episc. et Mart. |
| xxvj | c | vj | 8 Cyriaci, Largi et Smaragdi, Mart., semid. |
| xxvj | d | v | 9 Vigilia. Commem. S. Romani, Mart. |
| xv | e | iv | 10 LAURENTII, MARTYRIS, dupl. ij. class. |
| xiv | f | ij | 11 De Oct. S. Laurentii, semid. Commem. SS. Tiburtii et Susannæ, Mart. |
| xij | g | Prid. | 12 Clara, Virg., dupl. Commem. Oct. |
| xij | A | Idib. | 13 De Oct., semid. Commem. SS. Hippolyti et Cassiani, Mart. |
| xj | b | xix | 14 Vigilia. Commem. Oct. et S. Eusebii, Conf. |
| x | c | xvij | 15 ASSUMPTIONIS BEATÆ MARIE VIRGINIS, dupl. ij. classis. Dom. infra Oct. Assumpt. B. M. V. celebratur FESTUM S. JOACHIM, CONF., PATRIS EUSEBII B. M. V., dupl. ij. class. Commem. Dom. et Octavarum. |
| ix | d | xvij | 16 Hyacinthi, Conf., dupl. Commem. Oct. Assumpt. et S. Laurentii. |
| vij | e | xvj | 17 Oct. S. Laurentii, Mart., duplex. Commem. Oct. Assumpt. |
| vij | f | xv | 18 De Octava, semid. Commem. S. Agapiti, Mart. |
| vj | g | xiv | 19 De Octava, semid. |
| v | A | xij | 20 Bernardi, Abb. et Eccl. Doct., dupl. Commem. Oct. Assumpt. |
| iv | b | xij | 21 Joannæ Franciscæ de Chantal, Viduæ, dupl. Commem. Oct. |
| ij | c | xj | 22 Octava Assumptionis B. M. V., dupl. Commem. SS. Timothei, Hippolyti et Symphoriani, Mart. |
| ij | d | x | 23 Philippi Beniti, Conf., dupl. Commem. Vigiliæ. |
| j | e | ix | 24 BARTHOLOMÆI, APOST. dupl. ij. class. (Romæ celebr. die 25.) |
| * | f | vij | 25 Ludovici, Regis Franciæ, Conf., semid. (Romæ die 26.) |
| xxix | g | vij | 26 Zephyrini, Papæ et Mart. |
| xxvij | A | vj | 27 Josephi Calasancii, Conf., dupl. |
| xxvij | b | v | 28 Augustini, Episc., Conf., et Eccl. Doct., dupl. Commem. S. Hermæ, Mart. |
| xxvj | c | iv | 29 Decollatio S. Joannis Baptistæ, dupl. maj. Commem. sanctæ Sabinæ, Mart. |
| 23. xxv | d | ij | 30 Rosæ Limanæ, Virg., dupl. Commem. SS. Felicis et Soc., Mart. |
| xxiv | e | Prid. | 31 Raymundi Nonnati, Conf., dupl. |

SEPTEMBER

| Cyclus Epact. | Litt. Dom. | Dies mensis. | |
|------------------|---------------|-----------------|---|
| xxiij | f Kal. | 1 | Egidii, Abbatis. Commem. SS. XII Fratrum, Mart. |
| xxij | g iv | 2 | Stephani, Hungariæ Regis, Conf., semid. |
| xxj | A iij | 3 | |
| xx | b Prid. | 4 | |
| xix | c Non. | 5 | Laurentii Justiniani, Episc. et Conf., semid. |
| xxviij | d viij | 6 | |
| xxij | e vij | 7 | |
| xxj | f vj | 8 | NATIVITAS BEATÆ MARIE VIRGINIS, dupl. ij. cl. Commem. S. Adriani, Mart., in Missis privatis tantum. |
| | | | Dominica infra Oct. Nativitatis beatæ Mariæ Virg. celebratur Festum SS. Nominis ejusdem beatæ Mariæ Virginis, dupl. maj. Commem. Dom. |
| xv | g v | 9 | De Octava Nativitatis B. M. V., semid. Commem. S. Gorgonii, Mart. |
| xiv | A iv | 10 | Nicolai de Tolentino, Conf., dupl. Commem. Oct. Nativitatis beatæ Mariæ Virginis. |
| xij | b iij | 11 | De Octava Nativitatis B. M. V., semid. Commem. SS. Proti et Hyacinthi, Mart. |
| xij | c Prid. | 12 | De Octava, semid. |
| xj | d Idib. | 13 | De Octava, semid. |
| xj | e xvij | 14 | Exaltatio sanctæ Crucis, dupl. maj. Commem. Oct. Nativ. beatæ Mariæ Virginis. |
| ix | f xvij | 15 | Octava Nativitatis B. M. V., dupl. Commem. S. Nicomedis, Mart. |
| vij | g xvj | 16 | Cornelii et Cypriani, Pont. et Mart., semid. Commem. SS. Euphemie, Lucie et Geminiani, Mart. |
| vij | A xv | 17 | Impressio Stigmatum S. Francisci, dupl. |
| xj | b xiv | 18 | Josephi a Cupertino, Conf., dupl. |
| v | c xij | 19 | Januarii, Episc., et Socior., Mart., dupl. |
| iv | d xij | 20 | Eustachii et Socior., Mart., dupl. Commem. Vigiliæ. |
| iiij | e xj | 21 | MATTHÆI, APOST. ET EVANG., dupl. ij. class. |
| ij | f x | 22 | Thomæ de Villanova, Episc. et Conf., dupl. Commem. SS. Mauricii et Soc., Mart. |
| j | g ix | 23 | Lini, Papæ et Mart., semid. Commem. sanctæ Theclæ, Virg. et Mart. |
| * | A viij | 24 | Beatæ Mariæ Virginis de Mercede, dupl. maj. |
| xxix | b vij | 25 | |
| xxvii | c vj | 26 | Cypriani et Justinæ, Mart. |
| xxvij | d v | 27 | Cosmæ et Damiani, Mart., semid. |
| 25. xxvj | e iv | 28 | Wenceslai, Mart., semid. |
| xxv. xxiv | f iij | 29 | DEDICATIO S. MICHAELIS ARCHANGELI, dupl. ij. class. |
| xxiij | g Prid. | 30 | Hieronymi, Presbyteri, Conf. et Eccl. Doct., dupl. |
| | | | Dominica III Septembris celebratur Festum Septem Dolorum beatæ Mariæ Virginis, dupl. maj. Commem. Dom. |

OCTOBER

| Cyclus Epact. | Litt. Dom. | Dies mensis. | |
|------------------|---------------|-----------------|--|
| | | | Dominica quæ vel occurrit kalendis. vel prima est post kalendas Octobris. Solemnitas SS. Rosarii beatæ Mariæ Virginis, dupl. maj. Commem. Dom. |
| xxij | A Kal. | 1 | Remigii, Episc. et Conf., simplex de præcepto, vel semid. ad libit.: in Gallia, dupl. |
| | | 2 | Angolorum Custodem, dupl. |
| xxj | b vj | 3 | |
| xx | c v | 4 | Francisci, Conf., dupl. |
| xx | d iv | 5 | Placidi et Soc., Mart. |
| xxviij | e iij | 6 | Brunonis, Conf., dupl. |
| xvij | f Prid. | 7 | Marci, Papæ et Conf. Commem. SS. Sergii, Bacchi, Marcelli et Apuleii, Mart. |
| xvj | g Non. | 8 | Birgittæ, Viduæ, dupl. |
| xv | A viij | 9 | Dionysii, Rustici et Eleutherii, Mart., semid. |
| xiv | b vij | 10 | Francisci Borgiæ, Conf., semid. |
| xij | c vj | 11 | |
| xj | d v | 12 | |
| xj | e iv | 13 | Eduardi, Conf., semid. |
| x | f iij | 14 | Callisti, Papæ et Mart., dupl. |
| | g Prid. | 15 | Theresiæ, Virginis, dupl. |
| | A Idib. | 16 | |
| | b xvij | 17 | Hedwigis, Viduæ, semid. |
| | c xvj | 18 | LUCE, EVANG., dupl. ij. class. |
| | d xv | 19 | Petri de Alcantara, Conf., dupl. |
| | e xiv | 20 | Joannis Cantii, Conf., dupl. |
| | f xij | 21 | Hilarionis, Abbatis. Commem. sanctarum Ursulæ et Sociar., Virg. et Mart. |
| | g xij | 22 | |
| j | A xj | 23 | |
| | b x | 24 | |
| | c ix | 25 | Chrysanthi et Dariæ, Mart. |
| | d viij | 26 | Evaristi, Papæ et Mart. |
| | e vij | 27 | Vigilia. |
| | f vj | 28 | SIMONIS ET JUDE, APOST., dupl. ij. classis. |
| | g v | 29 | |
| xxiv | A iv | 30 | |
| xxij | b iij | 31 | Vigilia. |
| xxij | c Prid. | | |

NOVEMBER

| Cycles Epact. | Litt. Dom. | Dies mensis. | |
|------------------|---------------|-----------------|--|
| xxj | d | Kal. | 1 FESTUM OMNIUM SANCTORUM. dupl. j. class. |
| xx | e | iv | 2 Commemoratio omnium Fidelium defunctorum, dupl. et de Oct. Omnium Sanctorum. |
| xix | f | iiij | 3 De Octava, semid. |
| xviiij | g | Prid. | 4 Caroli, Episc. et Conf., dupl. Com- mem. Oct., SS. Vitalis et Agri- colæ, Mart. |
| xvij | A | Non. | 5 De Octava, semid. |
| xvj | b | viiij | 6 De Octava, semid. |
| xv | c | vij | 7 De Octava, semid. |
| xiv | d | vj | 8 Octava Omnium Sanctorum, dupl. Commem. SS. Quatuor Corona- torum, Mart. |
| xiiij | e | v | 9 Dedicatio Basilicæ SS. Salvatoris, dupl. Commem. S. Theodori, Mart. |
| xij | f | iv | 10 Andreæ Avellini, Conf., dupl. Com- mem. SS. Tryphonis, etc., Mart. |
| xj | g | iiij | 11 Martini, Episc. et Conf., dupl. Com- mem. S. Mennæ, Mart. |
| x | A | Prid. | 12 Martini, Papæ et Mart., semid. |
| ix | b | Idib. | 13 Didaci, Conf., semid. |
| viiij | c | xviiij | 14 |
| vij | d | xvij | 15 Gertrudis, Virg., dupl. |
| vj | e | xvj | 16 |
| v | f | xv | 17 Gregorii Thaumaturgi, Episc. et Conf., semid. |
| iv | g | xiv | 18 Dedicatio Basilicarum SS. Petri et Pauli, Apost., dupl. |
| iiij | A | xiiij | 19 Elisabeth, Reginæ Hungariæ, Vi- duæ, dupl. Commem. S. Pon- tiani, Papæ et Mart. |
| ij | b | xij | 20 Felicis de Valois, Conf., dupl. |
| j | c | xj | 21 Præsentatio beate Mariæ Virginis, dupl. maj. |
| . | d | x | 22 Cæcilie, Virg. et Mart., dupl. |
| xxix | e | ix | 23 Clementis, Papæ et Mart., dupl. Commem. sanctæ Felicitatis, Mart. |
| xxviij | f | viiij | 24 Joannis a Cruce, Conf., duplex. Commem. S. Chrysogoni, Mart. |
| xxvij | g | vij | 25 Catharinæ, Virg. et Mart., dupl. |
| 25. xxvj | A | vj | 26 Petri Alexandrini, Episc. et Mart. |
| xxv. xxiv | b | v | 27 |
| xxij | c | iv | 28 |
| xxj | d | iiij | 29 Vigilia. Commem. S. Saturnini, Mart. |
| xxj | e | Prid. | 30 ANDRÆ, APOST., dupl. ij. class. |

DECEMBER

| Cycles Epact. | Litt. Dom. | Dies mensis. | |
|------------------|---------------|-----------------|--|
| xx | f | Kal. | 1 |
| xix | g | iv | 2 Bibianæ, Virg. et Mart., semid. |
| xviiij | A | iiij | 3 Francisci Xaverii, Conf., dupl. |
| xvij | b | Prid. | 4 Petri Chrysologi, Episc., Conf. et Eccl. Doct., duplex. Commem. sanctæ Barbaræ, Virg. et Mart. |
| xvj | c | Non. | 5 Sabbæ, Abbatis. |
| xv | d | viiij | 6 Nicolai, Episc. et Conf., dupl. |
| xiv | e | vij | 7 Ambrosii, Episc., Conf. et Eccl. Doct., dupl. Commem. Vigil. |
| xiiij | f | vj | 8 IMMACULATA CONCEPTIO BEA- TÆ MARLE VIRGINIS, dupl. j. class. |
| xij | g | v | 9 De Octava, semid. |
| xj | A | iv | 10 De Octava, semid. Commem. S. Mel- chias, Papæ et Mart. |
| x | b | iiij | 11 Damasi, Papæ et Conf., semid. Commem. Oct. |
| ix | c | Prid. | 12 De Octava, semid. |
| viiij | d | Idib. | 13 Lucie, Virg. et Mart., dupl. Com- mem. Oct. |
| vij | e | xix | 14 De Octava, semid. |
| vj | f | xviiij | 15 Octava Immaculatæ Conceptionis, dupl. |
| v | g | xvij | 16 Eusebii, Episc. Vercellensis et Mart., semid. |
| iv | A | xvj | 17 |
| iiij | b | xv | 18 |
| ij | c | xiv | 19 |
| j | d | xiiij | 20 Vigilia. |
| xxix | e | xij | 21 THOMÆ, APOST., dupl. ij. class. |
| xxviiij | f | xj | 22 |
| xxvij | g | x | 23 |
| xxvj | A | ix | 24 Vigilia. |
| xxvj | b | viiij | 25 NATIVITAS DOMINI NOSTRI JESU CHRISTI, dupl. j. classis. Com- mem. sanctæ Anastasiæ, Mart., in secunda Missa. |
| 25. xxv | c | vij | 26 STEPHANI, PROTOMART., dupl. ij. cl. Commem. Oct. Nativ. |
| xxiv | d | vj | 27 JOANNIS, APOST. ET EVANG., dupl. ij. class. Commem. Octavarum. |
| xxij | e | v | 28 INNOCENTIUM, MART., dupl. ij. class. Commem. Octavarum. |
| xxj | f | iv | 29 Thomæ Cantuariensis, Episc. et Mart., semid. Commem. Octa- varum. |
| xxj | g | iiij | 30 De Dominica infra Oct. Nativitatis, velde Oct. Nativit., semid. Com- mem. aliarum Octavarum. |
| 19. xx | A | Prid. | 31 Silvestri I, Papæ et Conf., dupl. Commem. Octavarum. |

Hæc Epacta 19 numquam est in
usu, nisi quando eodem anno con-
currit cum Aureo numero XIX.

RUBRICÆ GENERALES

MISSALIS

MISSA quotidie dicitur secundum ordinem Officii : de Festo Duplici, vel Semiduplici, vel Simplici : de Dominica, vel Feria, vel Vigilia, vel Octava : et extra ordinem Officii, Votiva, vel pro defunctis.

I. DE DUPLICI

MISSA dicitur de Duplici illis diebus quibus in Calendario ponitur hæc nota : *Duplex*; et in Festis mobilibus, quandocumque Officium est duplex. In Duplicibus dicitur una tantum Oratio, nisi aliqua Commemoratio fieri debeat. Alia omnia dicuntur ut in propriis Missis assignatum est. Quando dici debeat *Gloria in excelsis* et *Credo*, inferius ponitur in propriis Rubricis.

II. DE SEMIDUPLICI ET SIMPLICI

MISSA de Semiduplici dicitur quando in Calendario ponitur hæc vox, *Semiduplex*. Præterea in Dominicis et diebus infra Octavas. In Semiduplicibus, tam Festis quam Dominicis, et infra Octavas, dicuntur plures Orationes, ut infra dicitur in Rubrica de Orationibus. Infra Octavam dicitur Missa sicut in die Festi, nisi propriam Missam habuerit : in Dominicis vero, sicut in propriis locis assignatur. De Simplici dicitur Missa sicut de Semiduplici, ut suis locis ponitur.

III. DE FERIA ET VIGILIA

MISSA de Feria dicitur quando non occurrit Festum, vel Octava, vel Sabbatum, in quo fiat Officium beate Mariæ. In Feriis tamen Quadrag. Quatuor Temp., Rogationum et Vigiliarum, etiamsi Duplex vel Semiduplex Festum, vel Octava occurrat, in Ecclesiis Cathedralibus et Collegiatis cantantur duæ Missæ : una de Festo post Tertiam, alia de Feria post Nonam.

2. In Vigilis autem et Feriis Quatuor Temp., vel Feria ij Rogationum, quæ veniunt infra Octavam, Missa dicitur de Vigil. vel Feriis supradictis, cum Commemoratione Octavæ : præterquam infra Oct. Corporis Christi, in qua in Ecclesiis Cathedralibus et Collegiatis cantantur duæ Missæ : una de Octava post Tertiam, alia de Vigilia post Nonam; in Missis autem privatis dicitur Missa de Octava, cum Commemoratione Vigilæ. Si autem in die Vigilæ, vel prædictis Feriis fiat Officium de aliquo Festo, tunc dicitur Missa de Festo cum Commemoratione Octavæ et Vigilæ, vel Feriarum prædictarum. Quod si Vigilia occurrat in die alicujus Festi ex majoribus i classicis, in Missa non fit Commemoratio de ea, sicut nec in Officio.

3. Si Festum habens Vigilam celebretur Feria ij, Missa Vigilia dicitur in Sabbato, sicut etiam de ea fit Officium. excepta Vigilia Nativitatis Domini, et Epiphaniæ.

4. Missa Vigilia in Adventu occurrentis dicitur cum Commemoratione Feriæ Adventus, licet de ea non sit factum Officium, Vigilia Nativitatis excepta.

5. Si in Quadagesima et Quatuor Temporibus occurrat Vigilia, dicitur Missa de Feria cum Commemoratione Vigilæ.

6. Tempore Paschali non dicitur Missa de Vigilia, nisi in Vigilia Ascensionis, quæ tamen non jejunatur, sicut nec Vigilia Epiphaniæ.

IV. DE MISSIS VOTIVIS SANCTÆ MARIE, ET ALIIS

In Sabbatis non impeditis Festo Duplici vel Semiduplici, Octava, Vigilia, Feriis Quadagesimæ vel Quatuor Temp., vel Officio alicujus Dominicæ, quæ supersit, in præcedens Sabbatum translatum, dicitur Missa de sancta Maria secundum varietatem temporum, ut in fine Missalis ponitur.

2. In Adventu autem, licet Officium non fiat de sancta Maria in Sabbato, dicitur tamen Missa principalis de ea, cum Commemoratione de Adventu, nisi fuerint Quatuor Tempora, vel Vigilia, ut supra.

3. Aliis diebus infra Hebdomadam, quando Officium fit de Feria, et non est resumenda Missa Dominicæ præcedentis, quæ fuerit impedita (exceptis Feriis Adventus, Quadagesimæ, Quatuor Temp., Rogationum, et Vigiliarum), dici potest aliqua ex Missis Votivis, etiam in principali Missa, quæ vocatur Conventualis, secundum Ordinem dierum in fine Missalis assignatum, cum Commemoratione Feriæ de qua factum est Officium. Quæ tamen Missæ, et omnes alia Votivæ, in Missis privatis dici possunt pro arbitrio Sacerdotum, quocumque die Officium non est Duplex, aut Dominica, cum Commemoratione ejus de quo factum est Officium, et Commemoratione item Festi Simplicis, si de aliquo occurrat eo die fieri Commemorationem in Officio. Id vero passim non fiat, nisi rationabili de causa. Et. quoad fieri potest, Missa cum Officio conveniat.

V. DE MISSIS DEFUNCTORUM

PRIMA die cujusque mensis (extra Adventum, Quadagesimam, et Tempus Paschale), non impedita Officio Duplici vel Semiduplici, dicitur Missa principalis generaliter pro defunctis Sacerdotibus, benefactoribus, et aliis. Si vero in ea fuerit Festum Simplex, vel Feria quæ propriam habeat Missam, aut resumenda sit Missa Dominicæ præcedentis, quæ fuit impedita, et infra Hebdomadam non occurrat alius dies in quo resumí possit : in Ecclesiis Cathedralibus et Collegiatis dicantur duæ Missæ, una pro defunctis, alia de Festo Simplici vel Feria prædicta. Sed in Ecclesiis non Cathedralibus nec Collegiatis dicitur Missa de die, cum Commemoratione generaliter pro defunctis.

2. Præterea, Feria II cujusque Hebdomadæ in qua Officium fit de Feria, Missa principalis dici potest pro defunctis. Si autem fuerit propria Missa de Feria, vel de Festo Simplici, vel resumenda sit Missa Dominicæ præcedentis, ut supra, in Missa de die fiat Commemoratio (ut dictum est) pro defunctis. Excipitur tamen Quadagesima, et totum Tempus Paschale, quibus per annum Officium est Duplex, vel Semiduplex, quibus temporibus non dicitur Missa Conventualis pro defunctis (nisi in die Depositionis defuncti, et in Anniversario pro defunctis), neque pro eis fit Commemoratio. Missæ autem private pro defunctis quocumque die dici possunt, præterquam in Festis Duplicibus et Dominicis diebus.

3. In die Commemorations omnium defunctorum, et in die Depositionis, et in Anniversario defuncti, dicitur una tantum Oratio : et similiter in die tertia, septima, trigesima, et quandocumque pro defunctis solemnius celebratur : in aliis Missis, plures, ut de Feriis et Simplicibus dicitur infra in Rubrica de Orationibus.

4. Sequentia pro defunctis dicitur in die Commemora-

tionis omnium fidelium defunctorum, et Depositionis defuncti, et quodcumque in Missa dicitur una tantum Oratio : in aliis autem Missis pro defunctis dicatur ad arbitrium Sacerdotis.

VI. DE TRANSLATIONE FESTORUM

In dicendis Missis servetur ordo Breviarii de translatione Festorum Duplicium et Semiduplicium, quando majori aliquo Festo, seu Dominica impediuntur. In Ecclesiis autem ubi Titulus est Ecclesiæ, vel concursus populi ad celebrandum Festum quod transferri debet, possunt cantari duæ Missæ, una de die, alia de Festo : excepta Dominica I Adventus, Feria IV Cinerum, Dominica I Quadragesimæ, Dominica Palmarum cum tota Hebdomada majori, Dominica Resurrectionis, et Dominica Pentecostes cum duobus sequentibus diebus, die Nativitatis Domini, Epiphaniæ, Ascensionis, et Festo Corporis Christi.

VII. DE COMMEMORATIONIBUS

COMMEMORATIONES in Missis fiunt sicut in Officio. De Festo Simplicii fit Commemoratio in Missa, quando de eo in Officio facta est Commem. in primis Vesp. Quando autem de eo fit Commem. tantum ad Laudes, in Missa solemniter non fit Commem. de eo, sed in Missis tantum privatis. Excipitur Dominica Palmarum, et Vigilia Pentecostes, in quibus nulla fit Commemoratio, etiam in Missis privatis. De Festo Simplicii occurrente, licet facta sit in Officio. De Dominica fit Commem. quando in ea agitur de Festo Duplici. De Octava fit Commem. quando infra Octavam celebratur aliquod Festum, nisi illud Festum fuerit de exceptatis in Rubrica Breviarii de Commemorationibus. Item quando infra Octavam fit de Dominica.

2. De Feria fit Commem. in Adventu, Quadrag., Quatuor Temporibus, Rogationibus, et Vigilis, quando Missa dicenda est de Festo illis temporibus occurrente. Sed in Ecclesiis Cathedralibus et Collegiatis, ubi plures Sacerdotes quotidie celebrant, in Feriis, Rogationibus et Vigilis predictis, quæ habent Missas proprias, dicuntur duæ Missæ, una de Festo, alia de Feria, Rogationibus, et Vigiliis, absque ulla utrorumque Commem. In Festis tamen maioribus primæ classis nihil fit de Vigiliis occurrente, ut dictum est supra.

3. Quando infra Hebdomadam dicuntur Missæ Votivæ, post primam Orationem semper dicatur Oratio ejus de quo fit Officium, ut supra explicatum est in propria Rubrica.

4. Quando fit Commem. de Feria Quatuor Temporum, pro Feria Commemoratione dicitur prima Oratio, quæ concordat cum Officio.

5. In faciendis Commemorationibus servetur ordo ut in Breviario. De Dominica ante diem infra Octavam; de die infra Oct. ante Ferias predictas; de Feriis predictis, ante Festum Simplex; de Festo Simplicii, ante Orationes quæ secundo vel tertio loco dicendæ assignantur; et hæc dicantur ante Orationes votivas; in quibus votivis servetur deinde dignitas Orationum, ut de SS. Trinitate, de Spiritu sancto, de SS. Sacramento, de sancta Cruce, ante votivam de beata Maria, et de Angelis, et de S. Joanne Baptista ante Apostolos, et similiter in aliis.

6. Si facienda sit Commem. pro defunctis, semper ponitur penultimo loco. In Missis autem defunctorum nulla fit Commem. pro vivis, etiamsi Oratio esset communis pro vivis et defunctis.

7. Quando dicuntur plures Orationes, prima tantum et ultima cum sua conclusione terminantur : et ante primam et secundam Orationem tantum dicitur *Oremus* : ante primam dicitur etiam *Dominus vobiscum*.

8. Cum vero dicuntur plures Orationes, et una Oratio eadem sit cum alia ibidem dicenda, Oratio ejusmodi, illa scilicet quæ eadem est, non alie, commutetur cum alia de Comuni, vel Proprio, quæ sit diversa. Idem servetur in Secretis, et Orationibus post Communionem.

VIII. DE INTROITU, KYRIE ELEISON, ET GLORIA IN EXCELSIS

INTROITUS semper eodem modo dicitur cum *Gloria Patri*, ut in Ordinario, præterquam tempore Passionis et in Missis defunctorum, ut etiam ibi annotatum est.

2. *Kyrie eleison* dicitur novies post Introitum, alternatim cum Ministro, id est, ter *Kyrie eleison*, ter *Christe eleison*, ter *Kyrie eleison*.

3. *Gloria in excelsis* dicitur quodcumque in Matutino dicitur est Hymnus *Te Deum*, præterquam in Missa Feriæ V in Cæna Domini, et Sabbati sancti, in quibus *Gloria in excelsis* dicitur, quamvis in Officio non sit dictum *Te Deum*.

4. In Missis Votivis non dicitur, etiam Tempore Paschali, vel infra Oct., nisi in Missa beatæ Mariæ in Sabbato, et Angelorum; et nisi Missa Votiva solemniter dicenda sit pro re gravi, vel pro publica Ecclesiæ causa, dummodo non dicatur Missa cum Parentis violaceis. Neque dicitur in Missis defunctorum.

IX. DE ORATIONIBUS

IN Festis Duplicibus dicitur una tantum Oratio, nisi faciendi sit aliqua Commemoratio, ut dictum est supra.

2. In Festis Semiduplicibus occurrentibus ab Octava Pentecostes usque ad Adventum, et a Purificatione usque ad Quadragesimam, dicitur secunda Oratio *A cunctis*, tertia ad libitum.

3. In Festis Semiduplicibus occurrentibus ab Octava Epiphaniæ usque ad Purificationem, dicitur secunda Oratio *Deus qui salutis*, tertia *Ecclesiæ*, vel pro Papa, *Deus omnium fidelium*.

4. In Festis Semiduplicibus a Feria IV Cinerum usque ad Dominicam Passionis, secunda Oratio de Feria, tertia *A cunctis*.

5. In Semiduplicibus a Dominica Passionis usque ad Dominicam Palmarum, secunda Oratio de Feria, tertia *Ecclesiæ*, vel pro Papa.

6. In Festis Semiduplicibus ab Octava Paschæ usque ad Ascensionem, secunda Oratio de sancta Maria, *Concede nos*, tertia *Ecclesiæ*, vel pro Papa.

7. In Festis Semiduplicibus infra Octavas occurrentibus, secunda Oratio dicitur de Octava, tertia, quæ secundo loco infra Octavam ponitur.

8. Infra Octavas Paschæ et Pentecostes, in Missa de Octava dicuntur duæ tantum Orationes, una de die, alia *Ecclesiæ*, vel pro Papa.

9. Infra alias Octavas, et in Vigilis quæ jejunantur (excepta Vigilia Nativitatis Domini et Pentecostes), dicuntur tres Orationes, una de die, secunda de sancta Maria; tertia *Ecclesiæ*, vel pro Papa. Sed infra Octavas sanctæ Mariæ, et in Vigiliis, et infra Octavam Omnium Sanctorum, secunda Oratio dicitur de Spiritu sancto, *Deus qui corda*; tertia *Ecclesiæ*, vel pro Papa.

10. In Dominicis infra Octavas occurrentibus dicuntur duæ Orationes : una de Dominica, secunda de Octava; et in die Octava dicitur una tantum Oratio, nisi faciendi sit aliqua Commemoratio.

11. In Dominicis dicuntur tres, ut in Ordinario assignantur, quibusdam exceptis, ut suis etiam locis notatur.

12. In Festis Simplicibus et Feriis per annum, nisi aliter in propriis locis notetur, dicuntur tres, ut in Semiduplicibus, aut quinque : possunt etiam dici septem ad libitum.

13. In Feriis Quatuor Temporum, et ubi plures leguntur Lectiones, hujusmodi plures Orationes dicuntur post ultimam Orationem ante Epistolam, ut suis locis in Proprio Missarum de Tempore.

14. In Missis Votivis, quando solemniter dicuntur pro re gravi, vel pro publica Ecclesiæ causa, dicitur una tantum Oratio : sed in Missa pro gratiarum actione additur alia Oratio, ut in proprio loco notatur. In aliis autem dicuntur plures, ut in Festis Simplicibus.

15. In Votivis beatæ Mariæ, secunda Oratio dicitur de Officio illius diei, et tertia de Spiritu sancto; sed in Sabbato, quando de ea factum est Officium, secunda Oratio erit de Spiritu sancto, tertia *Ecclesiæ*, vel pro Papa. In Votivis de Apostolis, quando ponitur Oratio *A cunctis*, ejus loco dicitur Oratio de sancta Maria, *Concede nos*.

16. Si cum plures dicuntur Orationes occurrat fieri Commemorationem alicujus Sancti, ea ponitur secundo loco, et tertia Oratio dicitur, quæ alias secundo loco dicenda erat.

17. In conclusione Orationum hic modus servatur. Si Oratio dirigatur ad Patrem, concluditur *Per Dominum*

nostrum, etc. Si ad Filium, *Qui vivis et regnas cum Deo Patre*, etc. Si in principio Orationis fiat mentio Filii, concluditur *Per eundem Dominum nostrum*, etc. Si in fine Orationis ejus fiat mentio, *Qui tecum vivit*, etc. Si facta sit mentio Spiritus sancti, in conclusione dicitur *In unitate ejusdem Spiritus sancti*, etc. Alia quoque in dicendis Orationibus servantur, quæ superius in Rubrica de Commemorationibus dicta sunt.

X. DE EPISTOLA, GRADUALI, ALLELUIA, ET TRACTU,
AC DE EVANGELIO

Post ultimam Orationem dicitur *Epistola*: quæ finita, a Ministris respondetur *Deo gratias*. Et similiter quando leguntur plures Lectiones, post singulas dicitur *Deo gratias*, præterquam in fine v Lectionis Danielis in Sabbatis Quatuor Temp., et in fine Lect. Feriæ VI in Parasceve, et Sabbati sancti.

2. Post Epistolam dicitur *Graduale*, quod semper dicitur præterquam Tempore Paschali; cujus loco tunc dicitur duo Versus, ut habetur in Rubrica in Sabbato in Albis.

3. Post Graduale dicuntur duo *Alleluia*, deinde Versus, et post Versum unum *Alleluia*. Tempore Paschali, quando non dicitur Graduale, dicitur aliud *Alleluia* post secundum Versum, et quando dicitur *Sequentia*, non dicitur post ultimum Versum, sed post *Sequentiam*.

4. A Septuagesima usque ad Sabbatum sanctum non dicitur *Alleluia*, neque dicitur in Missis de Feria in Adventu, Quatuor Temporibus, et Vigiliis quæ jejunantur, exceptis Vigiliis Nativitatis Domini, si venerit in Dominica, et Vigilia Paschæ et Pentecostes, ac Quatuor Temporibus Pentecostes. Nec dicitur in Festo SS. Innocentium, nisi venerit in Dominica.

5. A Septuagesima usque ad Pascha, ejus loco dicitur *Tractus*: qui Tractus prædicto tempore in aliquibus Feriis non dicitur, ut suis locis ponitur, nec dicitur in Feriis a Septuagesima usque ad Quadragesimam, quando repetitur Missa Dominicæ.

6. *Dicto Graduali*, seu *Alleluia*, seu *Tractu*, dicitur *Evangeliū*. Et in principio Evangelii dicitur *Dominus vobiscum*. *¶* Et cum spiritu tuo: deinde *Sequentia sancti Evangelii secundum N. ¶ Gloria tibi, Domine*. In fine Evangelii a Ministro respondetur *Laus tibi, Christe*, quod etiam dicitur in fine illius partis Passionis quæ legitur in tono Evangelii, præterquam in Parasceve. Postea, si dicendum est, dicitur *Credo*.

XI. DE SYMBOLO

SYMBOLUM dicitur post Evangelium in omnibus Dominicis per annum, etiamsi in illis fiat de Festo, in quo alias non diceretur, vel Dominica vacet. In tribus Missis de Nativitate Domini, et deinceps usque ad Oct. Joannis Apostoli inclusive. In Epiphania, et per Oct. Feriæ V in Cæna Domini. In Paschate Resurrectionis, et per Oct. In Ascensione Domini, et per Oct. in Pentecoste, et per Oct. In Festo Corporis Christi, et per Oct. In omnibus Festis beate Mariæ, et per Oct. In Festis duodecim Apostolorum et Evangelistarum, et per Oct. In utraque Cathedra S. Petri, et in Festo S. Petri ad Vincula. In Festis Conversionis et Commemorationis S. Pauli Apostoli. In Festo S. Joannis ante Portam Latinam. In Festo S. Barnabæ Apostoli. In Festis Inventionis et Exaltationis sanctæ Crucis. In Transfiguratione Domini. In Festis Angelorum. In Festo S. Joseph. In Festo sanctæ Mariæ Magdalene. In Festis Quatuor Doctorum, videlicet, Gregorii, Ambrosii, Augustini et Hieronymi: additis Festis S. Hilarii, S. Francisci Salesii, S. Petri Damiani, S. Thomæ de Aquino, S. Isidori, S. Leonis I. Pape, S. Anselmi, S. Bonaventuræ, S. Alphonsi Mariæ de Ligorio, S. Bernardi et S. Petri Chrysologi. Item in Festis sanctorum Doctorum Athanasii, Basilii, Gregorii Nazianzeni et Joannis Chrysostomi. In die Oct. S. Joannis Baptiste, et S. Laurentii. In Festo Omnium Sanctorum, et per Oct. In Dedicat. SS. Salvatoris et SS. Apostolorum Petri et Pauli. In Anniversario Dedicat. propriæ Ecclesiæ, et per Oct. In die Consecrationis Ecclesiæ, vel Altaris. In Festis Sanctorum quibus dedicata est Ecclesia, et ubi habetur Corpus, vel insignis Reliquia Sancti de quo agitur. In die Creationis et Coronationis Summi Pontificis, et in Anniversario ejusdem diei. In die et in Anniversario electionis et consecrationis Episcopi. Item

in omnibus Festis quæ in Dominicis et infra Oct. celebrantur, in quibus, ratione Dominicæ et Octavæ, dici debet. Item in Festo Patroni aliquos loci, vel Tituli Ecclesiæ (non autem aliquos Capellæ, vel Altaris), et in Festis principalibus Ordinum, et per eorum Oct., in Ecclesiis tantum illius Ordinis. Item dicitur *Credo* in Missis Votivis quæ solemniter pro re gravi, vel pro publica Ecclesiæ causa celebrantur, etiamsi dicantur in Paramentis violaceis in Dominica.

XII. DE OFFERTORIO, SECRETIS, PRÆFATIONIBUS,
ET CANONE

Post Symbolum, vel, si non sit dicendum, post Evangelium, dicitur *Dominus vobiscum*, *Oremus*; deinde *Offertorium*; postea fit oblatio cum Orationibus, et in Ordine Missæ. Quæ oblatio facta, dicuntur *Orationes secreta*, secundum numerum Orationum quæ clara voce in principio dictæ sunt; sed ante primam Orationem non dicitur *Dominus vobiscum*, nec aliquid aliud, sed dicto *Suscipiat Dominus sacrificium*, absolute dicuntur, neque etiam ante secundam Orationem dicitur *Oremus*. Terminatur autem prima et ultima Oratio, ut dictum est supra in Rubrica de Orationibus: et secreto dicuntur usque ad illa verba in conclusione: *Per omnium sæcula sæculorum*, quæ clara voce proferuntur, et incipit *Præfatio*.

2. Præfationes autem dicuntur ut in ordine Missæ annotatum est: et quæ in Quadragesima, Tempore Passionis et Paschali, et infra Octavas propriæ assignantur, dicuntur etiam in Dominicis et Festis quæ illis temporibus celebrantur, nisi illa Festa propriam Præfationem habeant.

3. Si infra Oct. aliquis Festi quod habet Præfationem propriam, occurrat Festum ex majoribus non habens propriam Præfationem, dicitur Præfatio de Oct., quamvis de ea nulla fiat Commem. in Missa.

4. In Missis Votivis dicitur etiam Præfatio propria, si propriam habeant; si vero non habuerint, dicitur Præfatio de Tempore, vel Oct. infra quam contingerit hujusmodi Missas celebrari: aliquando, Præfatio communis. Et quando aliqua Missa Votiva pro causa publica solemniter celebratur, dicitur in cantu solenni, ut in Duplicibus. In Missis defunctorum quocumque tempore semper dicitur Præfatio communis.

5. In Dominicis per annum, quando non habetur Præfatio propria, dicitur Præfatio de Trinitate, ut annotatum jam est in Ordine Missæ.

6. Post Præfationem incipitur *Canon Missæ* secreto: in quo servantur omnia ut in Ordine Missæ. Ubi vero infra actionem *Communicantes* et *Hanc igitur*, vel alia, variari contingit, suo loco in propriis Missis annotatur.

XIII. DE COMMUNIONE, ORATIONIBUS POST COMMUNIONEM,
ITE MISSA EST, VEL BENEDICAMUS DOMINO,
DE BENEDICTIONE ET EVANGELIO SANCTI JOANNIS

EXPLETO Canone, et aliis omnibus usque ad Communionem, ea peracta, dicitur *Communio*, et *Orationes post Communionem* eodem modo et ordine ut in principio Missæ; et repetito *Dominus vobiscum*, dicitur *Ite Missa est*, vel *Benedicamus Domino*, pro temporis ratione. *Ite Missa est* dicitur quocumque dictum est *Gloria in excelsis*. Cum non dicitur, ejus loco dicitur *Benedicamus Domino*. *¶ Deo gratias*. In Missis defunctorum dicitur *Requiescat in pace*. *¶ Amen*.

2. Dicto *Placeat*, datur *Benedictio*: quæ a Celebrante semper datur in Missa, præterquam in Missis defunctorum. Deinde legitur Evangelium S. Joannis. *In principio*, præmisso *Dominus vobiscum*, et *Initium*, ut moris est: quod Evangelium nunquam prætermittitur in Missa, nisi quando fit de Festo in aliqua Dominica, vel Feria quæ habet Evangelium proprium, quod legitur ejus loco. Excipitur Dominica IV Adventus, cujus Evangelium non legitur in fine Missæ quando in ea occurrit Vigilia Nativitatis Domini, quia nec in Officio lectum est. In tertia Missa de die Nativitatis Domini legitur in fine Evang. de Epiphania *Cum natus esset Jesus*. Et in Dominica Palmarum in Missis privatis legitur Evangelium quod ponitur in benedictione Palmarum, quod etiam lectum est in Officio. In Vigiliis quæ occurrunt in Quadrages. vel Quatuor Temporibus, non legitur Evangelium Vigiliæ in fine Missæ, et similiter in Missis Votivis nunquam legitur in fine aliud Evangelium, nisi S. Joannis.

XIV. DE ORDINANDA MISSA EX SUPRADICTIS RUBRICIS

SUPRADICTIS Rubricis cognitis, si quis velit ordinare Missam diei, recurrat ad Ordinarium Missarum de Tempore, vel de Sanctis, secundum qualitatem Officii. Si proprium non habeat, recurrat ad Commune Sanctorum. Si de Feria agendum sit, et propria Missa non fuerit de Feria, dicatur Missa præcedentis Dominicæ, omisiss *Gloria in excelsis* et *Symbolo*, præterquam Tempore Paschali, in quo semper dicitur *Gloria in excelsis*, ut supra, excepta Missa Rogat.: et in Adventu prætermittitur *Alleluia* post *Graduale*, cum suo Versu. Si dicenda sit Missa Votiva, requiratur post Commune Sanctorum suo loco. Si plures Orationes dicendæ sint, requirantur post Missas Votivas suo loco de singulis rebus singulæ. Si pro defunctis dicenda sit Missa, habetur post Missas Votivas, cum Collectis diversis, circa finem Missalis. Ordo totius Missæ, cum Præfationibus, Canone, et aliis dicendis, habetur suo loco cum Proprio Missarum de Tempore.

XV. DE HORA CELEBRANDI MISSAM

MISSA privata, saltem post Matutinum et Laudes, quacunque hora ab Aurora usque ad meridiem dici potest.

Missam autem Conventualis et solemnis sequenti ordine dici debet. In Festis Duplicibus et Semiduplicibus, in Dominicis et infra Octavas, dicta in Choro Hora Tertia. In Festis Simplicibus et in Feriis per annum, dicta Sexta. In Adventu, Quadrag. et Quat. Temporibus, etiam infra Octavam Pentecostes, et Vigiliis quæ jejunantur, quamvis sint dies solemnes, Missa de Tempore debet cantari post Nonam.

3. Missa autem defunctorum dici debet post Primam diei: ubi vero dicuntur eorum Vigiliae mane post Matut. diei, dictis hujusmodi Vigiliis cum Laudibus, immediate dici potest Missa pro defunctis. Sed in die Commemorationis omnium fidelium defunctorum Missa Conventualis dicitur post Nonam, quia eo die est principalis. In die autem Depositionis defuncti, vel tertio, septimo, trigesimo, aut Anniversario solenni, in quo fit concursus populi, poterit similiter dici ultimo loco post Nonam.

4. Exciipiuntur ab hoc ordine dicendi Missam Conventualem, Missæ in Nativitate Domini, quarum prima dicitur post mediam noctem finito *Te Deum laudamus* in Matutino; secunda in Aurora, dictis Laudibus et Prima; tertia vero in die post Tertiam, vel ubi aliter ex dispensatione Apostolica disponatur.

5. Missæ Votivæ, quia non correspondent Officio, si solemniter celebrantur pro re gravi, vel publica Ecclesiæ causa, cum populi frequentia, dicantur post Nonam.

XVI. DE HIS QUÆ CLARA VOCE AUT SECRETO DICENDA SUNT IN MISSA

IN Missa privata clara voce dicuntur *Antiphona* et *Psalmus* ad *Introitum*, *Confessio*, et quæ sequuntur, excepta Oratione *Aufer a nobis*, et *Oramus te Domine per meritum Sanctorum tuorum*, etc. Item *Introitus*, *Kyrie eleison*, *Gloria in excelsis*, *Dominus vobiscum*, *Oremus*, *Flectamus genua*, *Levate*, *Oratio* vel *Orationes*, *Prophetiæ*, *Epistola*, *Graduale*, *Versus*, *Tractus*, *Sequentia*, *Evangelium*, *Credo*, *Offertorium*, *Orate fratres*, solum hæc duo verba, *Præfatio*, *Nobis quoque peccatoribus*, solum hæc tria verba. Item, *Per omnia secula seculorum*, etc., cum *Pater noster*, *Per omnia secula seculorum*, cum *Pax Domini*, *Agnus Dei*, *Dominus non sum dignus*, hæc quatuor verba tantum, *Communio*, *Oratio* vel *Orationes* post *Communione*, *Humiliate capita vestra Deo*, *Ita Missa* est, vel *Benedicamus Domino*, vel *Requiescant in pace*, *Benedictio*, et *Evangelium* *In principio*, vel aliud *Evangelium*. Alia omnia dicuntur secreto.

2. Sacerdos autem maxime curare debet ut ea quæ clara voce dicenda sunt, distincte et apposite proferat, non admodum festinanter, ut advertere possit quæ legit; nec nimis morose, ne audientes docti afficiat; neque etiam voce nimis elata, ne perturbet alios qui fortasse in eadem ecclesia tunc temporis celebrant; neque tam submissa, ut a circumstantibus audiri non possit; sed mediocri et gravi: quæ et devotionem moveat, et audientibus ita sit accommodata.

ut quæ leguntur intelligant. Quæ vero secreta dicenda sunt ita pronuntiet, ut et ipsemet se audiat, et a circumstantibus non audiat.

3. In Missa solenni, quando dici debent a Celebrante *Gloria in excelsis* et *Credo*, intonantur, et cantantur *Dominus vobiscum*, et Orationes ante Epistolam, *Dominus vobiscum*, *Oremus* ante Orationes et ante Offertorium, *Præfatio*, *Per omnia secula seculorum* cum *Pater noster*, *Per omnia secula seculorum* cum *Pax Domini*, et Orationes post *communione*. Alia quæ in Missa privata dicuntur clara voce, in Missa solenni a Celebrante dicuntur submissa voce.

XVII. DE ORDINE GENUFLECTENDI, SEDENDI, ET STANDI IN MISSA PRIVATA ET SOLEMNI

IN Missa privata Sacerdos genuflectit quando legit Evangelium s. Joannis *In principio*, ad illa verba, *Et Verbum caro factum est*, et in Evangelio Epiphaniæ, *Cum natus esset Jesus*, ad illa verba, *Et procedentes adoraverunt eum*. Item in Evangelio Feriæ IV post Dominicam IV Quadragesimæ, ad illa verba in fine, *Et procedens adoravit eum*. Item genuflectit in Dominica Palmarum et in Missis de Cruce ad illa verba in Epistola, *In nomine Jesu omne genua flectatur*, etc., et quando legitur Passio ad illa verba, *Exspiravit*, vel *Emisit spiritum*, ut suis locis notatur. Item genuflectit cum dicit *Flectamus genua*. Item quando in Quadragesima dicit in Tractu *Adjuva nos Deus*, etc., et in omnibus Missis de Spiritu sancto, cum dicit *Y. Veni, sancte Spiritus, reple tuorum*, etc. Item quando Sacramentum in Altari discopertum apparet, genuflectit quoties ante illud transit in medio Altaris, et quandocumque in Ordine Missæ, et in ritu servando in celebratione Missæ, notatur quod debeat genuflectere.

2. Circumstantes autem in Missis privatis semper genua flectunt, etiam Tempore Paschali, præterquam dum legitur Evangelium.

3. In Missa solenni Celebrans genuflectit ad omnia supradicta, præterquam ad *Flectamus genua*, et tunc ipse solus stat. Diaconus vero et Subdiaconus, et omnes alii genuflectunt. Ad versum vero *Adjuva nos Deus*, etc., et ad versum *Veni, sancte Spiritus*, etc., genuflectit usque ad finem. Item genuflectit in die Annuntiationis beatæ Mariæ, et in tribus Missis Nativitatis Domini, quando cantatur in Choro *Et incarnatus est*, etc. Aliis diebus si sedeat cum cantantur ea verba, non genuflectit, sed caput tantum profunde inclinat apertum: si non sedet, genuflectit.

4. Ministri semper genuflectunt cum Celebrante, præterquam Subdiaconus tenens librum ad Evangelium, et Acolythi tenentes candelabra, qui tunc non genuflectunt. Et cum Diaconus cantat illa verba ad quæ est genuflectendum, ipse versus librum. Celebrans et omnes alii versus Altare genuflectunt.

5. In Choro semper genuflectitur ab iis qui non sunt Prælati, ad Confessionem cum suo Psalmo. In Missis autem Feriarum Adventus, Quadragesimæ, Quatuor Temporum, et Vigiliarum quæ jejunantur, ac in Missis defunctorum, genuflectunt omnes etiam ad Orationes, et dicto per Celebrantem *Sanctus*, usque ad *Pax Domini*, et ad *Orationes* post *Communione*, et *Super populum*, excepta Vigilia Paschæ, et Pentecostes, ac Nativitatis Domini, et Quatuor Temporibus Pentecostes. Et similiter ab omnibus genuflectitur quando elevatur Sacramentum.

6. In Missa autem solenni Celebrans medius inter Diaconum et Subdiaconum sedere potest a cornu Epistolæ juxta Altare cum cantatur *Kyrie eleison*, *Gloria in excelsis*, et *Credo*: alio tempore stat ad Altare, vel genuflectit, ut supra.

7. In Choro non sedent qui actu cantant, reliqui autem possunt sedere quando Celebrans sedet, et præterea dum cantantur *Epistola*, et *Prophetia*, *Graduale*, *Tractus*, vel *Alleluia*, cum *Versu*, ac *Sequentia*, et ab *Offertorio* usque ad incensationem Chori, et si non incensatur, usque ad *Præfationem*, et ad *Antiphonam* quæ dicitur *Communio*. Ad alia stant vel genuflectunt, ut supra.

XVIII. DE COLORIBUS PARAMENTORUM

PARAMENTA Altaris, Celebrantis et Ministrorum, debent esse coloris convenientis Officio et Missæ diei, secun-

dum usum Romanæ Ecclesiæ: quæ quinque coloribus uti consuevit, Albo, Rubeo, Viridi, Violaeco, et Nigro.

2. Albo colore utitur a Vesperis Vigiliæ Nativitatis Domini usque ad Oct. Epiphaniæ inclusive, exceptis Festis Martyrum quæ infra eam veniunt. In Festo SS. Nominis Jesu, Feria V in Cæna Domini, et Sabbato sancto in Officio Missæ, et ab illo die usque ad Sabbatum in Vigilia Pentecostes ad Nonam, in Offic. de Temp., præterquam in Missa Litaniarum et Rogationum. In Festo SS. Trinitatis. In Festo Corporis Christi. In Festo Cordis Jesu. In Festo Transfigurationis Domini. In Festis beate Mariæ Virginis, præterquam in benedictione Candelarum et Processione quæ fit in Festo Purificationis ejusdem. In Festis Angelorum. In Nativitate S. Joannis Baptistæ. In principali Festo S. Joannis Evangelistæ, quod celebratur infra Oct. Nativitatis Domini. In utraque Cathedra S. Petri. In Festo S. Petri ad Vincula. In Conversione S. Pauli. In Festo Omnium Sanctorum. In Festis Confessorum Pontificum et non Pontificum, et Doctorum. In Festis SS. Virginum non Martyrum, et nec Virginum nec Martyrum. In Dedicatione et Consecratione Ecclesiæ, vel Altaris, ac in Consecratione Summi Pontificis, et in Anniversario Creationis et Coronationis ejusdem, et Electionis et Consecrationis Episcopi. Item per Octavas prædictorum Festorum quæ Octavas habent, quando dicitur Missa de Octava, et in Dominicis infra eas occurrentibus, quando in eis fit Officium de Dominica; præterquam in illis Dominicis quibus tributus est color Violaeco. In Missis Volitis supradictorum Festorum, quocumque tempore dicantur, et in Missa pro Sponso et Sponsa.

3. Rubeo colore utitur a Vigilia Pentecostes in Missa usque ad Sabbatum sequens finita Nona et Missa. In Festis sanctæ Crucis et Pretiosissimi Sanguinis Domini. In Decollatione S. Joannis Baptistæ. In natali Apostolorum Petri et Pauli, et in Festis aliorum Apostolorum (exceptis Festo principali S. Joannis Evangelistæ post Nativitatem Domini, et Festis Conversionis S. Pauli et Cathedræ S. Petri, et ejus Vinculorum). In Festo S. Joannis ante Portam Latinam. In Commem. S. Pauli Apostoli. In Festis Martyrum, excepto Festo SS. Innocentium, quando non venerit in Dominica; si autem in Dominica venerit, utitur Rubeo; in ejus vero die Octava semper utitur Rubeo quocumque die occurrat. In Festis SS. Virginum Martyrum, et Martyrum non Virginum. Item per Octavas prædictorum Festorum quæ Octavas habent, quando fit de Octava, et in Dominicis infra eas Octavas occurrentibus, eodem modo ut dictum est supra de colore Albo. Item in Missis Volitis supradictorum Festorum, et in Missa pro eligendo Summo Pontifice.

4. Viridi colore utitur ab Oct. Epiph. usque ad Septuagesimam, et ab Oct. Pentecostes usque ad Adventum exclusive, in Officio de Tempore, excepta Dominica Trinitatis, ut supra, ac exceptis Dominicis infra Octavas occurrentibus, in quibus color Octavarum servatur: exceptis etiam Vigiliis et Quatuor Temporibus, ut infra.

5. Violaeco colore utitur a I Dominica Adventus in primis Vesperis, usque ad Missam Vigiliæ Nativitatis Domini inclusive: et a Septuagesima usque ad Sabbatum sanctum ante Missam inclusive, in Officio de Tempore, excepta Feria V in Cæna Domini, in qua utitur Albo: et Feria VI in Parasceve, in qua utitur Nigro, ut infra: et benedictione Cerei in Sabbato sancto, in qua Diaconus, illius Præfationem dicens, solus utitur Albo: ea autem finita, Violaeco, ut prius. Item in Vigilia Pentecostes ante Missam, a prima Prophetia usque ad benedictionem Fontis inclusive. In Quatuor Temporibus, et Vigiliis quæ jejunantur, exceptis Vigilia et Quatuor Temporibus Pentecostes. In Missa Litaniarum, in die S. Marci Evangelistæ, et Rogationum, et in Processionibus quæ his diebus fiunt. In Festo SS. Innocentium, quando non venerit in Dominica. In benedictione Candelarum in die Purificationis beate Mariæ, et in benedictione Cinerum ac Palmarum, et in ipsa Dominica in Palmis, et in earumdem, ac generaliter in omnibus Processionibus: exceptis Processionibus sanctissimi Sacramenti

et quæ fiunt in diebus solennibus, vel pro gratiarum actione. In Missis de Passione Domini, pro quacumque necessitate, pro peccatis, ad postulandam gratiam bene moriendi, ad tollendum schisma, contra Paganos, Tempore belli, pro pace, pro vitanda mortalitate, pro iter agentibus, et pro infirmis.

6. Nigro colore utitur Feria VI in Parasceve, et in omnibus Officiis et Missis defunctorum.

XIX. DE QUALITATE PARAMENTORUM

In Officio Missæ, Celebrans semper utitur Planeta super Albam.

2. Si autem sit Episcopus, sive Abbas habens usum Mitræ et Baculi, ac cæterorum Pontificalium, et sollemniter celebret, super Dalmaticam et Tunicellam.

3. Pluviali utitur in Processionibus, et Benedictionibus quæ fiunt in Altari. Item in Officio Laudum et Vesperarum, quando sollemniter dicuntur. Eodem utitur Assistens Celebranti in Missa Pontificali. Item quando Celebrans post Missam defunctorum facit in fine Absolutionem.

4. Cum Celebrans utitur Pluviali, semper deponit Manipulum, et ubi Pluviale haberi non potest, in Benedictionibus quæ fiunt in Altari, Celebrans stat sine Planeta, cum Alba et Stola.

5. Dalmatica et Tunicella utuntur Diaconus et Subdiaconus in Missa solenni, et Processionibus, et Benedictionibus, quando Sacerdoti ministrant.

6. In diebus vero jejuniorum (præterquam in Vigiliis Sanctorum) et in Dominicis, et Feriis Adventus et Quadrages., ac in Vigilia Pentecostes ante Missam (exceptis Dominicis *Gaudete*, etiamsi ejus Missa infra Hebdomadam repetatur, et Dominica *Lætare*, Vigilia Nativitatis Domini. Sabbato sancto in benedictione Cerei et in Missa, ac in Quatuor Temporibus Pentecostes), item in benedictione Candelarum et Processione in die Purificationis beate Mariæ, et in benedictione Cinerum ac benedictione Palmarum et Processione in Cathedralibus et præcipuis Ecclesiis utuntur Planetis plicatis ante pectus: quam Planetam Diaconus dimittit cum lecturus est Evangelium, eaque tunc super sinistrum humerum super Stolam complicitur: aut ponitur aliud genus Stolæ latoris in modum Planetæ plicatæ: et facta communione resumit Planetam, ut prius. Similiter Subdiaconus dimittit eam cum lecturus est Epistolam, quam legit in Alba, et ea finita, osculataque Celebrantis manum, Planetam resumit, ut prius.

7. In minoribus autem Ecclesiis, prædictis diebus jejuniorum Alba tantum amicti ministrant: Subdiaconus cum Manipulo, Diaconus etiam cum Stola ab humero sinistro pendente sub dextrum.

XX. DE PRÆPARATIONE ALTARIS ET ORNAMENTORUM EJUS

ALTARE in quo sacrosanctum Missæ sacrificium celebrandum est, debet esse lapideum, et ab Episcopo, sive ab Abbate facultatem a Sede Apostolica habente, consecratum: vel saltem ara lapidea similiter ab Episcopo vel Abbate, ut supra, consecrata, in eo inserta, quæ tam ampla sit ut Hostiam et majorem partem Calicis capiat. Hoc Altare operiatur tribus mappis, seu tobaleis mundis, ab Episcopo, vel alio habente potestatem, benedictis, superius saltem oblonga, quæ usque ad terram pertingat, duabus alii brevioribus, vel una duplicata. Pallio quoque ornatur coloris, quoad fieri potest, diei Festo vel Officio convenienti. Super Altare collocetur Crux in medio, et Candelabra saltem duo cum candelis acensibus hinc et inde, in utroque ejus latere. Ad Crucis pedem ponatur Tabella Secretarum appellata. In cornu Epistolæ cussinus supponendus Missali: et ab eadem parte Epistolæ paretur cereus ad elevationem Sacramenti accendendus, parva campanula, ampulla vitæe vini et aquæ cum pellicula, et manulterio mundo in fenestella, seu in parva mensa ad hæc præparata. Super Altare nihil omnino ponatur, quod ad Missæ sacrificium vel ipsius Altaris ornatum non pertineat.

RITUS SERVANDUS

IN CELEBRATIONE MISSÆ

I. DE PRÆPARATIONE SACERDOTIS CELEBRATURÆ

SACERDOS celebraturus Missam, prævia Confessione sacramentali, quando opus est, et saltem Matutino cum Laudibus absoluto, Orationi aliquantulum vacet, et Orationes inferius positas pro temporis opportunitate dicat. Deinde accedit ad locum in Sacristia vel alibi præparatum, ubi paramenta alique ad celebrationem necessaria habentur: accipit Missale, perquirat Missam, perlegit, et signacula ordinat ad ea quæ dicturus est. Postea lavat manus, dicens Orationem inferius positam. Deinde præparat Calicem (qui debet esse vel aureus, vel argenteus, aut saltem habere cuppam argenteam intus inauratam, et simul cum Patena itidem inaurata, ab Episcopo consecratus): super ejus os ponit purificatorium mundum, et super illud Patenam cum hostia integra, quam leviter extergit, si opus est, a fragmentis, et eam tegit parva palla linea, tum velo serico: super velo ponit bursam coloris paramentorum, intus habentem Corporale plicatum, quod ex lineo tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2. Quibus ita dispositis, accedit ad paramenta, quæ non debent esse lacerata, aut scissa, sed integra, et decenter nunda, ac pulchra, et ab Episcopo itidem, vel alio facultatem habente, benedicta; ubi calcatus pedibus, et induit vestibus sibi convenientibus, quarum exterior saltem talum pedis attingat, induit se, si sit Prælatum sæcularis, supra rochetum, si sit Prælatum regularis, vel alius Sacerdos sæcularis, supra superpellicem, si commodè haberi possit, alioquin sine eo, supra vestes communes, dicens ad singula singulas Orationes inferius positas.

3. Ac primum accipiens Amictum cruci extremitates et chordulas, osculatur illud in medio, ubi est Crux, et ponit super caput, et mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit, et ligat. Tum Alia induitur, caput submitbens, deinde manicas dexteram brachio dextro, et sinistram sinistro, imponens. Albam ipsam corpori adaptat, elevat ante, et a lateribus hinc inde, et cingulo, per Ministrum a tergo sibi porrecto, se cingit. Minister elevat Albam super cingulum circumcirca, ut honeste dependeat, et tegat vestes: ac ejus fimbrias diligenter aptat, ut ad latitudinem digiti, vel circiter, super terram aqualiter fluat. Sacerdos accipit Manipulum, osculatur Crucem in medio, et imponit brachio sinistro. Deinde ambabus manibus accipiens Stolam, simili modo deosculatur, et imponit medium ejus collo, ac transversando eam ante pectus in modum Crucis, ducit partem a sinistro humero pendentem, ad dexteram, et partem a dextro humero pendentem, ad sinistram. Sicque utramque partem Stolæ extremitatibus cinguli hinc inde ipsi cingulo conjungit.

4. Si Celebrans sit Episcopus vel Abbas, ut supra, non ducit stolam ante pectus in modum Crucis, sed sinit hinc inde utrasque extremitates pendere: et antequam accipiat Stolam, accipit parvam Crucem pectoralem; quam osculatur, et collo impositam sinit ante pectus chordulis pendere. Manipulum quoque non accipit ante Stolam, nisi in Missis defunctorum, sed accipit ad Altare, cum in Confessione dicit *Indulgentiam*, illumque prius osculatur.

Postremo Sacerdos accipit Planetam.

5. Si sit Episcopus vel Abbas, ut supra, habens usum Pontificalium, et solemniter celebret, accipit paramenta et alia ut in Pontificali et Cæremoniali.

II. DE INGRESSU SACERDOTIS AD ALTARE

SACERDOS, omnibus paramentis indutus, accipit manu sinistra Calicem, ut supra præparatum, quem portat elevatum ante pectus, bursam manu dextra super Calicem tenens, et facta reverentia Cruci, vel imagini illi quæ in Sacristia erit, capite cooperto accedit ad Altare; Ministro cum Missali et aliis ad celebrandum necessariis (nisi ante fuerint præparata) præcedente, superpelliceo induto. Procedit autem oculis demissis, incesso gravi, erecto corpore. Si vero contigerit cum transire ante Altare majus, capite cooperto faciat ad illud reverentiam. Si ante locum Sacramenti, genuflectat. Si ante Altare ubi celebratur Missa, in qua elevatur vel tunc ministratur Sacramentum, similiter genuflectat, et detecto capite illud adoret, nec ante surgat quam Celebrans deposuerit Calicem super Corporale.

2. Cum pervenerit ad Altare, stans ante illius infimum gradum, caput delegt, biretum ministro porrigit, et Altari, seu imagini Crucifixi desuper posita, profunde se inclinat. Si autem in eo sit tabernaculum sanctissimi Sacramenti, genuflectens debitam facit reverentiam. Tunc ascendit ad medium Altaris, ubi ad cornu Evangelii sistit Calicem, extrahit Corporale de bursa, quod extendit in medio Altaris, et super illud Calicem velo coopertum collocat, bursam autem ad cornu Evangelii. Si in Altari paramenta accipit, hoc idem facit antequam descendat ab Altari, ut Missam inchoet.

3. Si est consecraturus plures Hostias pro Communione faciendâ, quæ ob quantitatem super Patenam manere non possint, locat eas super Corporale ante Calicem, aut in aliquo Calice consecrato vel vase mundo benedicto, ponit eas retro post Calicem, et alia Patena seu palla cooperit.

4. Colloca-to Calice in Altari, accedit ad cornu Epistolæ, Missale super cussino aperit, reperit Missam, et signacula suis locis accommodat. Deinde rediens ad medium Altaris, facit primum Crucem reverentia, vertens se ad cornu Epistolæ: descendit post infimum gradum Altaris, ut ibi faciat Confessionem.

5. In Missa solenni, Missale apertum super Altare, Calix vero et alia necessaria præparentur in credentia cooperta linteo, antequam Sacerdos veniat ad Altare. Ipse autem procedit cum Diacono et Subdiacono, qui capite cooperto simul cum eo tenent manus junctas ante pectus; Acolythi vero ante eos deferunt candelabra cum candelis accensis, quæ deinde collocantur super credentia: et cum pervenerit ante infimum gradum Altaris, ibi medius inter Diaconum a dextris, et Subdiaconum a sinistris, antequam ascendat ad Altare, facit cum ipsis (ut infra) Confessionem.

6. In Missa Pontificali omnia servantur ut in Pontificali et Cæremoniali Romano ordinatur; cujus Pontificalis ordinem Episcopus sive Abbas, ut supra, nunquam prætermittat, quandocumque cum Diacono et Subdiacono paratis celebret.

III. DE PRINCIPIO MISSÆ, ET CONFESSIOE FACIENDÆ

SACERDOS cum primum descenderit post infimum gradum Altaris, convertit se ad ipsum Altare, ubi stans in medio junctis manibus ante pectus extensis, et junctis pariter digitis, et pollice dextro super sinistrum posito in modum Crucis (quod semper servatur quando junguntur manus, præterquam post consecrationem), detecto capite, facit prius Crucem vel Altari profunda reverentia, vel, si in eo sit tabernaculum sanctissimi Sacramenti, facit genuflectionem, erectus, incipit Missam.

2. Si celebraturus sit coram Summo Pontifice, sistit se ante infimum gradum Altaris a cornu Evangelii ante ipsum Pontificem, ubi genuflexus expectat: accepta benedictione erigit se, et stans aliquantulum versus ad Altare, incipit Missam. Si autem sit coram Cardinali, Legato Sedis Apostolicæ, aut Patriarcha, Archiepiscopo et Episcopo in eorum residentibus vel loco jurisdictionis, stans ante infimum gradum a cornu Evangelii, ut supra, expectat: dato signo facit profundam reverentiam Prelato, et versus ad Altare incipit Missam.

3. Si autem solemniter celebrat coram Summo Pontifice, aut alio ex Prælati prædictis in Ecclesiis eorum jurisdictionis, stans a sinistris Prælati facit cum eo Confessionem, et alia servat, ut in Pontificali et Cæremoniali Romano ordinatur.

4. Stans igitur Celebrans ante infimum gradum Altaris, ut supra, producens manu dextera a fronte ad pectus signum Crucis, dicit intelligibili voce: *In nomine Patris, et Filii, et Spiritus sancti. Amen.* Et postquam id dixerit, non debet advertere quemcumque in alio Altari celebrantem, etiamsi Sacramentum elevet, sed continue prosequi Missam suam usque ad finem. Quod item observatur in Missa solenni, et simul etiam a Ministris.

5. Cum seipsum signat, semper sinistram ponit infra pectus: in aliis benedictionibus, cum est ad Altare et benedicit oblata vel aliquid aliud, ponit eam super Altare, nisi aliter notetur. Seipsum benedicens, vertit ad se palmam manus dexteram, et omnibus illius digitis junctis et extensis, a fronte ad pectus, et ab humero sinistro ad dexterum, signum Crucis format. Si vero alios, vel rem aliquam benedicit, parvum digitum vertit ei cui benedicit, ac benedicens totam manum dextram extendit, omnibus illius digitis pariter junctis et extensis, quod in omni benedictione observatur.

6. Postquam dixerit *In nomine Patris, etc.*, ut supra, jungens iterum manus ante pectus, pronuntiata clara voce Antiphonam *Introibo ad altare Dei.* Minister retro post eum ad sinistram genuflexus, et in Missa solenni Ministri hinc inde stantes prosequuntur, *Ad Deum qui sanctificat juventutem meam.* Deinde Sacerdos eodem modo stans incipit, et prosequitur cum Ministro, vel Ministris, alternatim Psalmum *Judica me Deus*, usque ad finem, cum *Gloria Patri.* Quo finito, repetit Antiphonam *Introibo*, cum Ministris, ut supra. Qui Psalmus nunquam præternitur, nisi in Missis defunctorum, et in Missis de Tempore a Dominica Passionis inclusive usque ad Sabbatum sanctum exclusive, in quibus, semel tantum dicta Antiphona *Introibo* cum Ministris, ut supra, Sacerdos statim subiungit *ŷ. Adjutorium nostrum, etc.*, ut infra. Cum in fine Psalmi dicit *Gloria Patri, etc.*, caput Crucem inclinat.

7. Repetita Antiphona *Introibo*, dextera manu producens signum Crucis a fronte ad pectus, dicit *ŷ. Adjutorium nostrum in nomine Domini. R. Qui fecit cælum et terram.* Deinde Altari se profunde inclinat, junctis manibus dicit *Confiteor Deo*, ut in Ordine Missa: et prosequitur eodem modo stans inclinat, donec a Ministro vel Ministris dictum sit *Miserereatur.* Cum incipitur a Ministris *Confiteor*, se erigit. Cum dicit *Mea culpa*, per pectus dextera manu percutit, sinistra infra pectus posita.

8. Si est coram Pontifice, Cardinali, Legato Sedis Apostolicæ, vel Patriarcha, Archiepiscopo et Episcopo in eorum Provincia, Civitate, vel Diocesi constitutis, ubi dicit *vobis Fratres*, dicat *tibi Pater*: similiter in fine, ubi dicit *vos Fratres*, dicat *te Pater*: quod dicens Summo Pontifici genuflectit, aliis Prælati profunde se inclinat.

9. Cum Minister et qui intersunt (etiamsi ibi fuerit Summus Pontifex) respondent *Confiteor*, dicunt *tibi Pater*, et *te Pater*, aliquantulum conversi ad Celebrantem.

10. Facta a circumstantibus Confessione, Celebrans stans respondet *Miserereatur vestri, etc.* Deinde producens manu dextera a fronte ad pectus signum Crucis, dicit *Indulgentiam, etc.*, et si est Episcopus vel Abbas, ut supra, accipit manipulum, osculando illum in medio. Et stans inclinat, junctis manibus prosequitur *Deus tu conversus*, et quæ sequuntur in Ordine Missæ, clara voce usque ad Orationem *Aufer a nobis, etc.*, et cum dicit *Oremus*, extendit et jungit manus.

11. Et tunc, si coram Summo Pontifice, aut aliis Præ-

latis, ut supra, celebret, facta Summo Pontifici genuflexione, aliis Prælati profunda reverentia, accedit ad medium Altaris ante infimum gradum, et ibi incipit secreto *Aufer a nobis*, ut in Ordine Missa.

IV. DE INTROITU, KYRIE ELEISON, ET GLORIA IN EXCELSIS

Dum dicit *Aufer a nobis, etc.*, Celebrans junctis manibus ascendit ad medium Altaris, et ibi inclinat, manibusque item junctis super eo positus, ita ut digiti parvi duntaxat frontem, seu medium anterioris partis tabulæ, seu mensæ Altaris tangant, residuo manuum inter Altare et se retento, pollice dextero super sinistram in modum Crucis posito (quæ omnia semper observantur cum manus junctæ super altare ponuntur), secreto dicit *Oramus te Domine, etc.*, et cum dicit *Quorum reliquæ hic sunt*, osculatur Altare in medio, manibus extensis æqualiter hinc inde super eo positus: quod semper servatur quando osculatur Altare; sed post consecrationem pollices ab indicibus non disjunguntur. In omni etiam deosulatione sive Altaris sive libri, sive alterius rei, non producit signum Crucis pollice vel manu super id quod osculandum est.

2. Osculato Altari, accedit ad cornu ejus sinistram, id est Epistolæ: ubi stans versus Altare, et producens a fronte ad pectus signum Crucis, incipit intelligibili voce *Introitum* Missæ, et prosequitur junctis manibus. Cum dicit *Gloria Patri*, tenens junctas manus, caput inclinat versus Crucem. Cum repetit *Introitum*, non signat se ut prius, et eo repetito, junctis manibus ante pectus, accedit ad medium Altaris; ubi stans versus illud, similiter manibus junctis, dicit eadem voce *ter Kyrie eleison*, *ter Christe eleison*, et iterum *ter Kyrie eleison*, alternatim cum Ministro. Si Minister, vel qui intersunt, Celebranti non respondeant, ipse solus novies dicit.

3. Dicto ultimo *Kyrie eleison*, Sacerdos stans in medio Altaris, et manus extendens elevansque usque ad humeros (quod in omni manuum elevatione observatur), voce prædicta incipit, si dicendum sit, *Gloria in excelsis.* Cum dicit *Deo*, jungens manus, caput Crucem inclinat: quo erecto, stans junctis manibus ante pectus, prosequitur usque ad finem. Cum dicit *Adoramus te, Gratias agimus tibi, et Jesu Christe, Suscipe deprecationem nostram*, et iterum *Jesu Christe*, caput Crucem inclinat. Cum dicit in fine, *Cum sancto Spiritu*, seipsum a fronte ad pectus signat, interim absolvens, *In gloria Dei Patris. Amen.*

4. In Missa solenni Sacerdos, facta Confessione, ascendit cum Ministris ad medium Altaris, ubi dicto *Oramus te, Domine*, et osculato Altari, ponit incensum in Thuribulum, ministrante Diacono naviculum, et Thuriferario Thuribulum. Diaconus, parum inclinat versus Celebrantem, dicit *Benedicite Pater reverende*, et osculatur cochlear, et manum Celebrantis ante et post. Celebrans *ter incensum* ponit in Thuribulum, dicens interim *Ab illo benedicaris*, et deposito cochleari, producens manu dextera signum Crucis super thuribulum, illud benedicit. Postea Diaconus, dimissa navicula, accipit Thuribulum, et dat Celebranti, osculata prius catenarum summitate, et manu illius dextera: qui facta Crucem profunda reverentia, eam *ter incensat*, nihil dicens: et facta iterum Crucem reverentia, incensat Altare, *ter* ducens Thuribulum æquali distantia, prout distribuuntur candelabra, a medio ejus usque ad cornu Epistolæ: ubi demissa manu, thurificat illius postremam partem inferiorem, mox superiorem, bis ducto Thuribulo: et conversus ad Altare, elevans manum incensat ejus planitiem, *ter mensam* in parte anteriori, *ter* ducens Thuribulum usque ad medium; ubi facta Crucem reverentia, procedendo thurificat aliud latus Altaris triplici ductu usque ad cornu Evangelii: et pariter incensata inferiori et superiori parte ipsius cornu Evangelii duplici ductu, adhuc stans ibidem, elevat Thuribulum, et *ter incensat* superiorem tabulam partem versus medium Altaris, ut fecit in cornu Epistolæ: deinde manu aliquantulum demissa, incensat anteriorem ejus partem, seu frontem, *ter* ducens Thuribulum dum procedit a cornu Evangelii usque ad medium Altaris, et facta Crucem reverentia incensat similiter triplici ductu reliquam partem anteriorem usque ad cornu Epistolæ: ubi reddito Thuribulo ipsi Diacono, ab eo ipse solus incensatur.

3. Si vero in Altari fuerint Reliquiae, seu Imagines Sanctorum, incensata Cruce, et facta ei reverentia, antequam discedat a medio Altaris, primum incensat eas quae a dextris sunt, id est a parte Evangelii prope Crucem, bis ducens Thuribulum, et iterum facta Cruci reverentia, similiter incensat bis alias quae sunt a sinistris, hoc est a parte Epistolae: deinde prosequitur incensationem Altaris ut supra, ter ducens Thuribulum in unoquoque latere, etiam in eo essent plures Reliquiae, vel Imagines, seu etiam plura, vel pauciora candelabra.

6. Si in Altari fuerit tabernaculum sanctissimi Sacramenti, accepto Thuribulo antequam incipiat incensationem, genuflectit, quod item facit quotiescunque transit ante medium Altaris.

7. Diaconus et Subdiaconus hinc inde assistunt Celebranti cum incensat, et cum transeunt ante Crucem semper genuflectunt. Deinde Celebrans, Diacono a dextris ejus, Subdiacono a dextris Diaconi stantibus in cornu Epistolae, legit *Introitum* et *Kyrie eleison*. Cum vero intonat Hymnum *Gloria in excelsis Deo*, Diaconus et Subdiaconus, unus post alium, stant a tergo Celebrantis: postea ascendunt ad Altare, et hinc inde, Diaconus a dextris, Subdiaconus a sinistris, cum Celebrante Hymnum submissa voce prosequuntur usque ad finem. Quod etiam servatur cum dicitur *Credo*, et cum dicitur *Dominus vobiscum*, *Oratio*, *Præfatio*, et *Pater noster*; Diaconus et Subdiaconus similiter stant unus post alterum a tergo Celebrantis.

V. DE ORATIONE

DICTO Hymno *Gloria in excelsis*, vel, si non sit dicendus, eo omissio, Celebrans osculatur Altare in medio, manibus hinc inde super eo, ut supra, extensis, tum illis ante pectus junctis, et demissis ad terram oculis, vertit se a sinistro latere ad dexterum versus populum, hoc est, per eam partem quae respicit cornu Epistolae, et extendens ac jungens manus ante pectus, ut prius, dicit voce praedicta *Dominus vobiscum*, vel, si sit Episcopus, *Pax vobis* (quod dicitur tantum hoc loco, quando dictus est Hymnus *Gloria in excelsis*). *¶ Et cum spiritu tuo*, et junctis, ut prius, manibus, revertitur per eandem viam ad librum, ubi eas extendens et jungens ante pectus, caput Crucis inclinans, dicit *Oremus*; tum extendit manus ante pectus, ita ut palma unius manus respiciat alteram, et digitis simul junctis, quorum summitas humerorum altitudinem distantiamque non excedat, quod in omni extensione manuum ante pectus servatur. Stans autem, ut supra, extensis manibus, dicit *Orationem*. Cum dicit *Per Dominum nostrum*, jungit manus, easque junctas tenet usque ad finem. Si aliter concluditur Oratio, *Qui tecum*, vel *Qui vivis*, cum dicit in *unitate*, jungit manus.

2. Cum nominatur nomen *JESUS*, caput versus Crucem inclinat: quod etiam facit cum nominatur in Epistola. Et similiter ubicumque nominatur nomen beatae Mariae, vel Sanctorum de quibus dicitur Missa, vel fit Commemoratio: item in oratione pro Papa, quando nominatur, semper caput inclinat, non tamen versus Crucem. Si plures Orationes sint dicendae, idem in eis, in voce, extensione manuum et capitis inclinatione, quod supra dictum est, observatur.

3. Si Altare sit ad Orientem, versus populum, Celebrans, versa facie ad populum, non vertit humeros ad Altare cum dicturus est *Dominus vobiscum*, *Orate fratres*, *Ite Missa est*, vel daturus benedictionem: sed osculato Altari in medio, ibi expansis et junctis manibus, ut supra, salutatur populum, et dat benedictionem.

4. In Quatuor Temporibus, vel alias, quando dicendae sunt plures Orationes cum Prophetis, dicto *Kyrie eleison* in medio Altaris, revertitur ad cornu Epistolae, ubi stans ante librum, extensis et junctis ante pectus manibus, caput Crucis inclinans, dicit *Oremus*, *Flectamus genua*, et illico manibus super Altare extensis, ut seipsum ad Altare sustineat, genuflectit, et sine mora surgens, eadem voce Ministro respondente *Levate*, manibus extensis dicit *Orationem*, ut supra, et in conclusione eas jungit. Dum autem legit Prophetas, tenet manus super librum vel Altare positas, ut mox dicitur de Epistola.

5. In Missa solenni cum dicitur *Dominus vobiscum* et *Oratio*, Diaconus et Subdiaconus stant retro post Celebrantem. *Flectamus genua* dicitur a Diacono, a Subdia-

cono vero *Levate*, illo primum genuflectente, hoc primum surgente: Celebrans vero non genuflectit.

VI. DE EPISTOLA, GRADUALI, ET ALIIS USQUE AD OFFERTORIUM

DICTIS Orationibus, Celebrans, positus super librum vel super Altare manibus, ita ut palmae librum tangant, vel (ut placuerit) librum tenens, legit *Epistolam* intelligibili voce, et respondetur a Ministro *Deo gratias*, et similiter stans eodem modo, prosequitur *Graduale*, *Alleluia*, et *Tractum*, ac *Sequentiam*, si dicenda sint. Quibus dictis, Sacerdos si privatim celebret, ipsemet seu Minister portat librum Missalis ad alteram partem Altaris in cornu Evangelii, et dum transit ante medium Altaris, caput Crucis inclinatur, et Missale sic locat ut posterior pars libri respiciat ipsum cornu Altaris, et non ad parietem, sive ad partem ejus contra se directam.

2. Locato Missali in Altari, Celebrans redit ad medium Altaris, ibique stans junctis manibus ante pectus, levatisque ad Deum oculis, et statim demissis, tum profunde inclinat, dicit secreto *Munda cor meum*, et *Jube Domine benedicere*, *Dominus sit in corde meo*, ut in Ordinario. Quibus dictis, vadit ad librum Missalis, ubi stans versus illum junctis manibus ante pectus, dicit intelligibili voce *Dominus vobiscum*. *¶ Et cum spiritu tuo*. Deinde pollice dexterae manus signo Crucis signat primo librum super principio Evangelii quod est lecturus, postea seipsum in fronte, ore et pectore, dicens, *Sequentia*, vel *Initium sancti Evangelii*, etc. *¶ Gloria tibi Domine*. Tum junctis iterum manibus ante pectus, stans, ut supra, prosequitur *Evangelium* usque ad finem. Quo finito, Minister stans in cornu Epistolae post infimum gradum Altaris, respondet *Laus tibi Christe*, et Sacerdos elevans parumper librum, osculatur principium Evangelii, dicens: *Per Evangelica dicta*, etc., praeterquam in Missis defunctorum, et nisi celebret coram Summo Pontifice, Cardinali, et Legato Sedis Apostolicae, vel Patriarcha, Archiepiscopo et Episcopo in eorum residentis, quo casu defertur cultus praedictorum osculandum liber, et Celebrans tunc non osculatur illum, nec dicit *Per Evangelica dicta*. Cum autem nominatur *JESUS*, caput versus librum inclinat: et eodem modo versus librum genuflectit cum in Evangelio est genuflectendum.

3. Dicto Evangelio, stans in medio Altaris versus Crucem, elevans et extendens manus, incipit (si dicendum sit) *Credo*. Cum dicit in *unum Deum*, jungit manus, et caput Crucis inclinatur: quo erecto, stans ibidem junctis ante pectus manibus, ut prius, prosequitur usque ad finem. Cum dicit *Jesum Christum*, caput Crucis inclinatur. Cum dicit *Et incarnatus est*, usque ad *Et homo factus est* inclusive, genuflectit. Cum dicit *Simul adoratur*, caput Crucis inclinatur. Cum dicit *Et vitam venturi saeculi*, *Amen*, producit sibi manu dextera signum Crucis a fronte ad pectus.

4. In Missa solenni Subdiaconus circa finem ultimae Orationis accipit ambabus manibus librum Epistolatum, deferens illum supra pectus, et facta Altari genuflexione in medio, vadit ad partem Epistolae contra Altare, et cantat Epistolam, quam etiam Celebrans interim submissa voce legit, assistente sibi Diacono a dextris, et item Graduale, Tractum, etc., usque ad *Munda cor meum*. Epistola cantata, Subdiaconus facit iterum genuflexionem Altari in medio, ac redit ad Celebrantem, et genuflectens osculatur ejus manum, et ab eo benedicitur, praeterquam in Missis defunctorum.

5. Postea item Subdiaconus accipit Missale Celebrantis, defert ad cornu Evangelii in Altari, et ibi ministrat Celebranti, qui in medio Altaris submissa voce dicit *Munda cor meum*, etc., et deinde lecto Evangelio, quod in fine non osculatur, delato etiam per Diaconum libro Evangeliorum ad Altare, imponit incensum in thuribulum. Postea Diaconus genuflectus ante Altare dicit *Munda cor meum*, et accipiens librum Evangeliorum de Altari, petit benedictionem a Celebrante similiter genuflectus in superiori gradu Altaris: et osculata illius manu, praecedentibus Thuriferario et duobus Acolythis cum candelabris accensis de Credentia sumptis, vadit cum Subdiacono a sinistris ad locum Evangelii contra Altare versus populum, ubi Subdiacono librum tenente medio inter duos Acolythes

tenentes candelabra accensa, dicit *Dominus vobiscum*, junctis manibus. Cum dicit *Sequentia*, etc., signal librum in principio Evangelii, frontem, os et pectus : postea ter librum incensat, hoc est, in medio, a dextris, et a sinistris, et prosequitur Evangelium, junctis manibus. Interim Celebrans post datam Diacono benedictionem retrahens se ad cornu Epistolæ, ibi stat, junctis manibus. Et cum Diaconus dicit *Sequentia sancti Evangelii*, Sacerdos etiam signat se; et cum nominatur *JESUS*, caput inclinat versus Altare. Finito Evangelio, Sacerdos osculatur librum a Subdiacono sibi delatum, dicens *Per Evangelica dicta*, etc., et a Diacono ter incensatur. Si sit coram Prælo in sua residentia, liber deferatur ad Prælatum, ut supra, et ille incensatur, ut in Cæremoniali; postea stans in medio Altaris versus ad Crucem, incipit, si dicendum sit, *Credo*, stantibus post eum Diacono et Subdiacono, deinde ad Altare accedentibus, et cum eo prosequentibus, ut dictum est ad *Gloria in excelsis*.

6. Si autem sit prædicandum, Concionator, finito Evangelio, prædicet, et sermone, sive concione expleta, dicatur *Credo*, vel, si non sit dicendum, cantetur *Offertorium*.

7. Cum vero in Symbolo cantatum fuerit *Et incarnatus est*, Diaconus, accepta bursa de Credentia, ambabus manibus eam deferat elevatam cum solitis reverentiis ad medium Altaris, in quo explicat Corporale, et revertitur ad Celebrantem. Cum non dicitur *Credo*, Subdiaconus deferat bursam simul cum Calice, ut infra dicitur.

8. Si quandoque Celebrans cantat Missam sine Diacono et Subdiacono, *Epistolam* cantat in loco consueto aliquis Lector superpelliceo indutus, qui in fine non osculatur manum Celebrantis; *Evangelium* autem cantat ipse Celebrans ad cornu Evangelii, qui et in fine Missæ cantat *Ite Missa est, vel Benedicamus Domino, ante Requiescant in pace*, pro temporis diversitate.

VII. DE OFFERTORIO, ET ALIIS USQUE AD CANONEM

Dicto *Symbolo*, vel, si non sit dicendum, post Evangelium, Celebrans osculatur Altare in medio, et junctis manibus ante pectus, ibidem a manu sinistra ad dexteram (ut dictum est supra) vertit se ad populum, et extendens ac jungens manus dicit *Dominus vobiscum*, et junctis manibus revertitur per eandem viam ad medium Altaris, ubi extendens et jungens manus, caputque Cruci inclinans, dicit *Oremus*; tunc junctis, ut prius, manibus, dicit *Offertorium*, et omnia quæ usque ad finem Missæ in medio Altaris dicenda sunt, dicit ibidem stans versus ad Altare, nisi ubi aliter ordinatur.

2. Dicto *Offertorio*, discooperit Calicem, et ad cornu Epistolæ sistit, et manu dextera amovet parvam Pallam desuper Hostiam, accipit Patenam cum Hostia, et ambabus manibus usque ad pectus eam elevatam tenens, oculis ad Deum elevatis, et statim demissis, dicit *Suscipe sancte Pater*, etc.

3. Si fuerint aliæ Hostiæ non super Patenam, sed super Corporale, vel in alio Calice seu vase, pro Communione populi consecrandæ, Calicem illum seu vas dextera discooperit, et intentionem suam etiam ad illas offerendas et consecrandas dirigens, dicit ut supra *Suscipe*, etc., ut in Ordine Missæ. Quo dicto, Patenam utraque manu tenens, cum ea facit signum Crucis super Corporale, et deponit Hostiam circa medium anterioris partis Corporalis ante se, et Patenam ad manum dexteram aliquidulum subius Corporale; quam, exterso Calice, ut dicitur, cooperit Purificatorio. Si autem adsit vas seu Calix cum aliis Hostiis, ipsum cooperit alia Patena, vel Palla.

4. Deinde in cornu Epistolæ accipit Calicem, Purificatorio extergit, et sinistra tenens illius nodum, accipit ampullam vini de manu Ministri (qui osculatur ipsam ampullam, non autem manum Celebrantis), et ponit vinum in Calicem. Deinde eodem modo tenens Calicem, producit signum Crucis super ampullam aquæ, et dicit *Deus qui humanæ substantiæ, et infundens parum aquæ in Calice prosequitur Da nobis per hujus aquæ et vini mysterium*, etc. Si vero celebrat pro defunctis, non facit signum Crucis super aquam, sed imponit absque benedictione, dicens Orationem ut supra.

5. Imposita aqua in Calice, et finita Oratione prædicta, accipit manu dextera Calicem discooperitum; et stans

ante medium Altaris, ipsum ambabus manibus elevatum tenens, videlicet, cum sinistra pedem, cum dextera antem nodum infra cuppam, intentis ad Deum oculis, offert, dicens *Offerimus tibi Domine*, etc.; qua Oratione dicta, facit signum Crucis cum Calice super Corporale, et ipsum in medio post Hostiam collocat, et Palla cooperit. Deinde junctis manibus super Altare positus, aliquidulum inclinatus dicit secreto : *In spiritu humilitatis*, etc. Postea erectus, elevans oculos, manusque expandens, et statim jungens ante pectus (quod semper facit quando aliquid est benedicturus), dicit *Veni sanctificator*, etc.; cum dicit et benedic, signat manu dextera communiter super Hostiam et Calicem, sinistra posita super Altare.

6. Tum junctis ante pectus manibus, accedit ad cornu Epistolæ, ubi stans, Ministro aquam fundente, lavat manus, id est, extremitates digitorum pollicis et indicis, dicens Psalmum *Lavoabo inter innocentes*, cum *Gloria Patri*, etc., qui versus *Gloria Patri* prætermittitur in Missis defunctorum, et in Missis de Tempore a Dominica de Passione usque ad Sabbatum sanctum exclusive.

7. Celebrans lotis manibus eas tergit, et illis ante pectus junctis revertitur ad medium Altaris, ubi stans, oculosque ad Deum elevans, et statim demittens, manibus junctis super Altare, aliquidulum inclinatus dicit secreto Orationem *Suscipe sancta Trinitas*, etc. Qua dicta, manibus hinc inde extensis, et super Altare positus, osculatur illud in medio : tum junctis manibus ante pectus, demissisque oculis ad terram, a sinistra manu ad dexteram vertit se ad populum, et versus eum extendens et jungens manus, dicit voce aliquidulum elata *Orate Fratres*, et secreto prosequens, ut *meum ac vestrum sacrificium*, etc., perficit circulum, revertens, junctis manibus ante pectus, a manu dextera ad medium Altaris. Et responso a Ministro, vel a circumstantibus, *Suscipiat Dominus sacrificium de manibus tuis*, etc. (aliqui per seipsum, dicens, *Sacrificium de manibus meis*), ipse Celebrans submissa voce dicit *Amen*, et manibus ante pectus extensis, ut fit ad Orationem, stans in medio Altaris versus librum, dicit absolute, sine *Oremus* et sine alia interpositione, Orationem, vel Orationes secretas. Cum dicit *Per Dominum*, jungit manus : cum dicit *Jesum Christum*, caput inclinat : quod facit in prima Oratione, et in ultima, si plures sint dicendæ.

8. Pervento autem in conclusione ultimæ Secretæ ad verba illa, *Per omnia sæcula sæculorum* exclusive, Sacerdos stans in medio Altaris, depositis super eo manibus hinc inde extensis, dicit convenienti et intelligibili voce *Præfationem*. Cum dicit *Sursum corda*, elevat manus hinc inde extensas usque ad pectus : ita ut palma unius manus respiciat alteram. Cum dicit *Gratias agamus Domino*, jungit manus : cum dicit *Deo nostro*, oculos elevat, et statim Cruci caput inclinat. Responso *Dignum et iustum est*, elevatis et extensis ut prius manibus, prosequitur *Præfationem* propriam, vel communem, ut tempus requirit. Cum dicit *Sanctus*, junctis ante pectus manibus et inclinatus, voce mediocri prosequitur, Ministro interim parvam campanulam pulsante. Cum dicit *Benedictus qui venit in nomine Domini*, etc., erigit se, et signum Crucis sibi producit a fronte ad pectus.

9. In Missa solenni dicto *Oremus*, Diaconus et Subdiaconus accedunt ad Altare in cornu Epistolæ. Diaconus amovet Calicem, si est in Altari, vel si est in Credentia, ut magis deet, accipit eum de manu Subdiaconi, qui illum cum Patena et Hostia, coopertum Palla et velo a collo sibi pendente, manu sinistra tenens, et alteram manu superponens velo, ne aliquid decidat, de Credentia detulit, comitatus ab Acolyto ampullas vini et aquæ portante : ipse Diaconus Calicem detegit, et dat Patenam cum Hostia Celebranti, osculando ejus manum : Subdiaconus extergit Calicem purificatorio; Diaconus, accepta ampulla vini de manu Subdiaconi, imponit vinum in Calice; Subdiaconus interim ampullam aquæ ostendens Celebranti, dicit *Benedicite Pater reverende*; qui facto versus eam signo Crucis, dicit Orationem *Deus qui humanæ, etc.*; interim Subdiaconus infundit paululum aquæ in Calicem; Diaconus illum Celebranti dat, et pedem Calicis tangens, seu brachium dextrum Celebrantis sustentans, cum eo dicit *Offerimus tibi Domine*, etc., quem postea positum in Altari, ut supra, Palla cooperit. Subdiacono deinde stanti in cornu Epistolæ,

ponit in dextera manu Patenam, quam cooperit extremitate veli ab ejus humero pendentis : qui vadit post Celebrantem ante medium Altaris, et facta genuflexione, ibi stat sustinens eam elevatam usque ad finem Orationis Dominicæ, ut dicitur. In Missis autem defunctorum, et in Feria VI Parasæve, Patena non tenetur a Subdiacono.

10. Dicto *Veni sanctificator*, ut supra. Celebrans, ministrante Diacono naviculum, et dicente *Benedicite Pater reverendissime*, ponit incensum in Thuribulo, dicens *Per intercessionem*, etc., ut in Ordine Missæ. Deinde accepto Thuribulo per manum Diaconi, nullam tunc faciens Cruci reverentiam, incensat oblata, ter ducens Thuribulum super Calicem et Hostiam simul in modum Crucis, et ter circum Calicem et Hostiam, scilicet bis a dextera ad sinistram, et semel a sinistra ad dexteram (Diacono interim pedem Calicis tenente manu dextera), dispensans verba in qualibet incensatione hoc modo. In prima incensatione. *Incensum istud*. In secunda, *a te benedictum*. In tertia, *ascendat ad te Domine*. In quarta, *et descendat super nos*. In quinta et sexta, *miserericordia tua*. Deinde facta reverentia, incensat Crucem et Altare, ut dictum est supra, assistente eodem Diacono, interim dicens *Dirigatur Domine oratio mea*, etc.; et cum incensatur Crux, Diaconus amovet Calicem ad partem Epistolæ, et incensata Cruce reponit in loco suo. Cum reddit Thuribulum Diacono, dicit *Accendat in nobis*, etc., et incensatur ab eo: deinde Diaconus incensat Chorum, et postremo Subdiaconum tenentem Patenam, et ipse Diaconus incensatur a Thuriferario, et Thuriferarius postea incensat Acolythos et populum. Celebrans, postquam incensatus fuerit, lavat manus, ministrantibus Acolythis ampullam aquæ cum pellicula et manutergio.

11. Cum dicitur *Prefatio*, Diaconus et Subdiaconus stant retro post Celebrantem: et paulo antequam dicatur *Sanctus*, accedunt ad Altare: ubi cum Celebrante hinc inde dicunt *Sanctus*, et quæ sequuntur usque ad *Canonem*. Deinde Diaconus accedit ad sinistram Celebrantis, ei assistens dum dicitur *Canon*, nisi alius Sacerdos assistat: quia tunc ipse stare ad dexteram, aliquantum post Celebrantem. Subdiaconus vero tunc stat post Celebrantem.

VIII. DE CANONE MISSÆ USQUE AD CONSECRATIONEM

FINITA Prefatione, ut supra, Sacerdos stans ante medium Altaris versus ad illud, aliquantulum elevat manus. oculisque elevatis ad Deum, et sine mora devote demissis, ac manibus junctis et super Altare positis, profunde inclinatus incipit Canonem, secreto dicens *Te igitur*, etc., ut in Ordine Missæ. Cum dicit *Uti accepta habes*, et *benedicas*, etc., prius osculatur Altare in medio, deinde erigit se, et stat junctis manibus ante pectus. Cum dicit *Hæc tibi dona*, hæc tibi munera, hæc sancta tibi sacrificia, dextera manu signat ter communiter super Hostiam et Calicem. Deinde, extensis manibus ante pectus, prosequitur: *In primis quæ tibi offerimus*, etc.

2. Ubi dicit *una cum famulo tuo Papa nostro N.*, exprimit nomen Papæ: Sede autem vacante, verba prædicta omituntur. Ubi dicitur *et Antistite nostro N.*, significatur nomen Patriarchæ, Archiepiscopi, vel Episcopi ordinarii in propria Diocesi, et non alterius superioris, etiam si Celebrans sit omnino exemptus, vel sub alterius Episcopi jurisdictione. Si vero Episcopus ordinarius illius loci in quo Missa celebratur sit vitæ functus, prædicta verba omituntur, quæ etiam omituntur ab iis qui Romæ celebrant. Si Celebrans est Episcopus, Archiepiscopus, vel Patriarcha, ommissis prædictis verbis, eorum loco dicit *Et me indigno servo tuo*. Summus autem Pontifex cum celebrat, ommissis verbis *una cum famulo tuo Papa nostro N.* et *Antistite nostro N.*, dicit *una cum me indigno famulo tuo, quem, gregi tuo præesse voluisti*. Et continuant omnes, ut sequitur. *Et omnibus orthodoxis*, etc.

3. Cum dicit *Memento Domine*, elevans et jungens manus usque ad faciem vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina, si vult, secreto commemorat: non tamen necesse est ea exprimere, sed mente tantum eorum memoriam habeat. Potest etiam Celebrans si pro pluribus orare intendit, ne circumstantibus sit morosus, ante Missam in animo proponere sibi omnes illos, tam

vivos quam defunctos, pro quibus in ipsa Missa orare intendit, et hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4. Commemoratione vivorum facta, demissis et extensis, ut prius, manibus, continuat *Et omnium circumstantium*, etc. Similiter stans prosequitur *Communicantes*. Cum dicit *Jesu Christi*, caput Cruci inclinat: in conclusione, quando dicit *per eundem*, jungit manus. Cum dicit *Hæc igitur oblationem*, expandit manus simul super oblata, ita ut palmæ sint apertæ versus ac supra Calicem et Hostiam, quas sic tenet usque ad illa verba *Per Christum Dominum nostrum*; tunc enim jungit manus, et sic prosequitur *Quam oblationem tu, Deus, in omnibus, quæsumus*, et cum dicit *bene tibi dictam, adscrip-tam, ratam*, communiter signat ter super Hostiam et Calicem simul: deinde cum dicit *ut nobis corpus*, separatim signat semel super Hostiam tantum: et cum dicit *et Sanguis*, semel super Calicem tantum: deinde elevans et jungens manus ante pectus, prosequitur *fiat dilectissimi Filii tui Domini nostri Jesu Christi*, et inclinans caput Cruci, extergit, si opus fuerit, pollices et indices super Corporale, et dicit secreto, ut prius, *Qui pridie quam pateretur*: et accipiens pollice et indice dexterae manus Hostiam, et eam cum illis ac indice et pollice sinistrae manus tenens, stans erectus ante medium Altaris, dicit *acceptis panem in sanctas ac venerabiles manus suas*, elevansque ad cælum oculos, et statim demittens, dicit *et elevatis oculis in cælum ad te, Deum Patrem suam omnipotentem*, caputque aliquantulum inclinans, dicit *tibi gratias agens*, et tenens Hostiam inter pollicem et indicem sinistrae manus, dextera producit signum Crucis super eam, dicens *Bene tibi dixit, fregit, dedidit discipulis suis, dicens: Accipite, et manducate ex hoc omnes*.

5. Si adsit vas cum aliis Hostiis consecrandis, antequam accipiat Hostiam, discooperit manu dextera Calicem seu vas aliarum Hostiarum. Cum autem finierit supradicta verba, cubitis super Altare positus, stans capite inclinato, distincte, reverenter, et secreto profert verba consecrationis super Hostiam, et simul super omnes, si plures sint consecrandæ, et Hostiam suam pollicibus et indicibus tantum tenens, dicit *Hoc est enim Corpus meum*. Quibus prolati, Celebrans tenens Hostiam inter pollices et indices prædictos super Altare, reliquis manuum digitis extensis et simul junctis (et Hostiis, si plures sint consecratæ, in loco in quo a principio Missæ posita sunt, super Corporale vel in alio vase aut Calice demissis), genuflexus eam adorat. Tunc se erigens, quantum commodè potest elevat in altum Hostiam, et intentis in eam oculis (quod et in elevatione Calicis facit) populo reverenter ostendit adorandam: et mox sola manu dextera ipsam reverenter reponit super Corporale in eodem loco unde eam levavit, et deinceps pollices et indices non disjungit, nisi quando Hostiam consecratam tangere vel tractare debet, usque ad ablutionem digitorum post Communionem.

6. Reposita Hostia consecrata super Corporale, genuflexus ipsam veneratur: si adsit vas aliarum Hostiarum, Patenam vel Pallam cooperit, ut supra. Interim dum Celebrans elevat Hostiam, accenso prius intortico (quod non exstinguitur nisi postquam Sacerdos Sanguinem sumpsit, vel alios communicaverit, si qui erunt communicandi in Missa), Minister manu sinistra elevat fimbrias posteriores Planetæ, ne ipsum Celebrantem impediatur in elevatione brachiorum: quod et facit in elevatione Calicis, et manu dextera pulsant campanulam ter ad unamquamque elevationem, vel continue quousque Sacerdos deponat Hostiam super Corporale, et similiter postmodum ad elevationem Calicis.

7. Celebrans, adorato Sacramento, surgit, et discooperit Calicem in quem, si opus sit, extergit digitos, quod semper faciat si aliquod fragmentum digitis adheret, et stans erectus dicit *Simili modo postquam convatum est*, et ambabus manibus accipiens Calicem juxta nodum infra cuppam, et aliquantulum illum elevans, ac statim deponens, dicit: *accipiens et hunc præclarum Calicem in sanctas ac venerabiles manus suas*, etc.: cum dicit *item tibi gratias agens*, caput inclinat: cum dicit *benedixit*, sinistra Calicem infra cuppam tenens, dextera signat super eum: et prosequens *dedidit discipulis suis*, etc., et ambabus manibus tenens Calicem, videlicet sinistra pedem, dextera nodum infra

cuppam, cubitis super Altare positis, et capite inclinato, proferat attente, continue, et secreto, ut supra, verba consecrationis Sanguinis: *Hic est enim calix*, etc. Quibus dictis, reponit Calicem super Corporale, et dicens secreto *Hæc quotiescumque feceritis*, etc., genuflexus Sanguinem reverenter adorat. Tum se erigit, et accipiens Calicem discooperit eum cum Sanguine ambabus manibus, ut prius elevat eum, et erectum quantum commodè potest ostendit populo adorandum: mox ipsum reverenter reponit super Corporale in locum pristinum, et manu dexteræ Palla cooperit, ac genuflexus Sacramentum veneratur.

8. In Missa solenni, ad finem Prælationis accenduntur duo saltem intorticia ab Acolythis, quæ extinguuntur post elevationem Calicis, nisi aliqui sint communicandi, et tunc extinguuntur post Communionem. In diebus etiam jejuniorum, et in Missis pro defunctis, tenentur accensa usque ad Communionem. Cum autem Celebrans dicit *Quantum oblationem*, etc., Diaconus accedit ad ejus dexteram, et ibi in superiori gradu Altaris genuflexus, cum Sacramentum elevatur fimbrias Planetæ elevat, et quando opus est se erigens, Calicem discooperit et cooperit, et cum Celebrante genuflectit. Subdiaconus genuflectit in loco suo. Thuriferarius genuflexus in cornu Epistolæ ter incensat Hostiam cum elevatur, et similiter Calicem, posito incenso in Thuribulo absque benedictione. Reposito Calice, Diaconus redit ad librum, nisi alius assistat. Cæteri surgunt, et stant in locis suis.

IX. DE CANONE POST CONSECRATIONEM USQUE AD ORATIONEM DOMINICAM

REPOSITO Calice et adorato, Sacerdos stans ante Altare, extensis manibus ante pectus, dicit secreto: *Unde et memores*, etc. Cum dicit *de tuis donis*, ac datis, jungit manus ante pectus, et cum dicit *Hostiam tuam puram, Hostiam tuam sanctam, Hostiam tuam immaculatam*, manu sinistra posita super Altare intra Corporale, dextera signat ter communiter super Hostiam et Calicem, et semel super Hostiam tantum, et semel super Calicem tantum, dicens *Panem tuum sanctum vite æternæ et Calicem tuum salutis perpetuæ*: deinde stans ut prius, extensis manibus, prosequitur *Supra quæ propitio*, etc. Cum dicit *Supplices te rogamus*, etc., inclinat se ante medium Altaris, manibus junctis super illo positus. Cum dicit *ex hac Altaris participatione*, osculatur Altare, manibus hinc inde super Corporale positus. Cum dicit *sacrosanctum Filii tui*, jungit manus, et dextera signans semel super Hostiam tantum, et semel super Calicem, sinistra super Corporale posita, dicit *Cor tuum propter et San tuum quoniam semperimus*, et cum dicit *omni benedictione tuæ celesti*, seipsum signat a fronte ad pectus signo Crucis, sinistra posita infra pectus, et prosequitur *et gratias repreamus*. Cum dicit *Per eundem*, jungit manus.

2. Cum dicit *Memento, Domine, famularum famularumque tuarum*, etc., extensis et junctis manibus ante pectus, et usque ad faciem elevatis, et intentis oculis ad Sacramentum super Altare, facit commemorationem fidelium defunctorum de quibus sibi videtur, eodem modo ut dictum est de commemoratione vivorum. Quæ commemoratione facta, stans ut prius extensis manibus, prosequitur *ipsis, Domine, et omnibus in Christo*, etc., et in fine ad *Per eundem*, jungit manus, et caput inclinat.

3. Cum dicit *Nobis quoque peccatoribus*, vocem aliquantulum elevat, et dextera manu pectus sibi percutit, sinistra posita super Corporale, et prosequitur secreto *famulis tuis*, etc., stans manibus extensis, ut prius. Cum dicit *Per Christum Dominum nostrum; Per quem hæc omnia, Domine, semper bona creas*, jungit manus ante pectus: deinde manu dextera ter signans communiter super Hostiam et Calicem, dicit: *Sancti + fidas, vivi + fidas, bene + dicis, et præstas* Dominus. Postea discooperit manu dextera Calicem, et genuflexus Sacramentum adorat: tum se erigit, et reverenter accipit Hostiam intra pollicem et indicem dexteræ manus, et cum ea super Calicem, quem manu sinistra tenet circa nodum infra cuppam, signat ter a labio ad labium, dicens *Per + ipsum, et cum + ipso, et in + ipso*. Et similiter cum Hostia signat bis inter Calicem et pectus, incipiens a labio Calicis, et dicit: *Est tibi Deus Pa + tri omnipotenti, in unitate Spiritus + sancti*. Deinde tenens manu dextera Hostiam super Calicem, sinistra Calicem, elevat eum ali-

quantulum simul cum Hostia, dicens *omnis honor et gloria*, et statim utrunque deponens, Hostiam collocat super Corporale, et, si opus sit, digitos extergit, ut supra; ac pollices et indices ut prius jungens, Calicem Palla cooperit, et genuflexus Sacramentum adorat.

4. In Missa solenni, cum Celebrans dicit *Per quem hæc omnia*, etc., Diaconus, facta Sacramento genuflexione, accedit ad dexteram Celebrantis, et, quando opus est, discooperit Calicem, et cum Celebrante adorat, similiter cooperit, et iterum genuflectit. Cum incipit *Pater noster*, idem vadit retro post Celebrantem, facta prius Sacramento genuflexione, ubi stat dum dicitur Oratio Dominica.

X. DE ORATIONE DOMINICA, ET ALIIS USQUE AD FACTAM COMMUNIONEM

CELEBRANS, cooperito Calice adoratoque Sacramento, erigit se, et manibus extensis hinc inde super Altare intra Corporale positus, dicit intelligibili voce *Per omnia sæcula sæculorum*, et cum dicit *Oremus*, jungit manus, caput Sacramento inclinans. Cum incipit *Pater noster*, extendit manus, et stans oculis ad Sacramentum intentis, prosequitur usque ad finem. Responso a Ministris *Sed libera nos a malo*, et a Celebrante, submissa voce, *Amen*, manu dextera, pollice et indice non disjunctis, Patenam aliquantulum Purificatorio extergens, eam accipit inter indicem et medium digitos, quam tenens super Altare erectam, sinistra super Corporale posita, dicit secreto *Libera nos, quæsumus*, etc.

2. Antequam Celebrans dicat *Da propitius pacem*, levat manu dextera Patenam de Altari, et seipsum cum ea signat signo Crucis, dicens: *Da propitius pacem in diebus nostris*. Cum signat se, manum sinistram ponit infra pectus: deinde Patenam ipsam osculatur, et prosequens ut *ope misericordie tue*, etc., submittit Patenam Hostiæ, quam indice sinistro accomodat super Patenam, discooperit Calicem, et genuflexus Sacramentum adorat: tum se erigens, accipit Hostiam intra pollicem et indicem dexteræ manus, et cum illis ac pollice et indice sinistræ manus eam super Calicem tenens, reverenter frangit per medium, dicens: *Per eundem Dominum nostrum Jesum Christum Filium tuum*, et mediam partem, quam inter pollicem et indicem dextera manu tenet, ponit super Patenam: de alia media, quam sinistra manu tenet, frangit cum pollice et indice dexteræ manus particulam, prosequens *qui tecum vivit et regnat*, etc., et eam inter ipsos dextera manus pollicem et indicem retinens, partem majorem, quam sinistra tenet, adjungit mediæ super Patenam posita, uterim dicens *in unitate Spiritus sancti Deus*: et particulam Hostiæ, quam in dextera manu retinuit, tenens super Calicem, quem sinistra per nodum infra cuppam retinet, intelligibili voce dicit: *Per omnia sæcula sæculorum. Amen*; et cum ipsa particula signans ter a labio ad labium Calicis, dicit: *Pax Domini sit semper vobiscum*. Responso per Ministrum *Et cum spiritu tuo*, particulam quam dextera manu tenet immitit in Calicem, dicens secreto: *Hæc communicatio et consecratio Corporis*, etc. Deinde pollices et indices super Calicem aliquantulum tergit et jungit, Calicem Palla cooperit, et genuflexus Sacramentum adorat, surgit, et stans junctis manibus ante pectus, capite inclinato versus Sacramentum, dicit intelligibili voce: *Agnus Dei, qui tollis peccata mundi*, et dextera percutiens sibi pectus, sinistra super Corporale posita, dicit *Miserere nobis*, et deinde non jungit manus, sed iterum percuit sibi pectus cum dicit secundo *Miserere nobis*, quod et tertio facit cum dicit *Dona nobis pacem*.

3. Tunc manibus junctis supra Altare positus, oculisque ad Sacramentum intentis, inclinatus dicit secreto *Domine Jesu Christe*, etc. Quæ Oratione finita, si est daturus pacem, osculatur Altare in medio, et instrumentum pacis ei porrectum a Ministro juxta ipsum ad dexteram, hoc est, in cornu Epistolæ, genuflexo, et dicit *Pax tecum*. Minister respondet *Et cum spiritu tuo*. Si non adsit qui hujusmodi instrumentum pacem recipiat a Celebrante, pax non datur, etiamsi illius dictio Missæ conveniat; nec osculatur Altare, sed dicta præmissa Oratione, statim subjungit alias Orationes, ut in Ordine Missæ.

4. Si vero celebret pro defunctis, non percuit pectus ad

Agnus Dei, quia dicit *Dona eis requiem*, nec dicit primam Orationem *Dominus Iesu Christe, qui dixisti Apostolis tuis*, etc.; non dat pacem, sed dicit alias duas sequentes Orationes *Dominus Iesu Christe, Fili Dei vivi*, etc., *Perceptio Corporis tui*, etc. Quibus Orationibus dictis, genuflectens Sacramentum adorat; et se erigens dicit secreto *Pacem celestem accipiam*, etc., quo dicto, dextera manu accipit de Patena reverenter ambas partes Hostiæ, et collocat inter pollicem et indicem sinistræ manus, quibus Patenam inter eundem indicem et medium digitos supponit, et eadem manu sinistra tenens partes huiusmodi super Patenam inter pectus et Calicem, parum inclinat, dextera tribus vicibus percussit pectus suum, interim etiam tribus vicibus dicens voce aliquantulum elevata: *Dominus, non sum dignus*, et secreto prosequitur *ut intres*, etc. Quibus tertio dictis, ex sinistra accipit ambas partes prædictas Hostiæ inter pollicem et indicem dextere manus, et cum illa supra Patenam signat seipsum signo Crucis, ita tamen ut Hostia non egrediatur limites Patenæ, dicens: *Corpus Domini nostri Iesu Christi custodiat animam meam in vitam æternam, Amen*; et se inclinans, cubitis super Altare positus, reverenter easdem ambas partes sumit; quibus sumptis, deponit Patenam super Corporale, et erigens se, iunctis indicibus et pollicibus, ambas quoque manus ante faciem jungit, et aliquantulum quiescit in meditatione sanctissimi Sacramenti. Deinde depositis manibus dicit secreto *Quid retribuam Domino pro omnibus que retribuit mihi*; et interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si quæ sint in eo, Patenam quoque diligenter cum pollice et indice dexterae manus super Calicem extergit, et ipsos digitos, ne quid fragmentorum in eis remaneat.

5. Si vero adsint Hostiæ consecrate super Corporale posite pro alio tempore conservandæ, facta prius genuflectione, reponit eas in vas ad hoc ordinatum, et diligenter advertit ne aliquid fragmentum, quantumvisque minimum, remaneat super Corporale; quod si fuerit, accurate reponit in Calicem. Post extensionem Patenæ, iunctis pollicibus et indicibus, Calicem dextera manu infra nodum cuppæ accipit, sinistra Patenam, dicens *Calicem salutaris*, etc., et signans se signo Crucis cum Calice, dicit *Sanguis Domini nostri*, etc., et manu sinistra supponens Patenam Calici, stans reverenter sumit totum Sanguinem cum particula in Calice posita. Quibus sumptis, dicit secreto *Quod ore sumpsimus*, etc., et super Altare porrigit Calicem Ministro in cornu Epistolæ, quo vinum fundente se purificat; deinde vino et aqua abluit pollices et indices super Calicem, quos abstergit Purificatorio, interim dicens *Corpus tuum, Domine, quod sumpsit*, etc. Ablutionem sumit, et extergit os et Calicem Purificatorio: quo facto, Purificatorium extendit super Calicem, et desuper Patenam, ac super Patenam parvam Pallam; et plicato Corporali, quod reponit in bursam, cooperit Calicem vel, et bursam desuper ponit, et collocat in medio Altaris, ut in principio Missæ.

6. Si qui sint communicandi in Missa, Sacerdos, post assumptionem Sanguinis, antequam se purificet, facta genuflectione, ponat particulas consecratis in pyxide, vel si pauci sint communicandi super Patenam, nisi a principio positi fuerint in pyxide, seu alio Calice. Interim Minister ante eos extendit intum, seu velum album, et pro eis facit Confessionem, dicens: *Confiteor Deo*, etc. Tum Sacerdos iterum genuflectit, et manibus iunctis ventis se ad populum in cornu Evangelii, dicit *Miserere vestri, et Indulgentiam, absolutionem, et remissionem peccatorum vestrorum*, etc., et manu dextera facit signum Crucis super eos. Postea genuflectens, accipit manu sinistra pyxidem, seu Patenam cum Sacramento, dextera vero sumit unam particulam, quam inter pollicem et indicem tenet aliquantulum elevatam super pyxidem, seu Patenam, et conversus ad communicandos in medio Altaris, dicit: *Ecce Agnus Dei, ecce qui tollis peccata mundi*. Deinde dicit: *Dominus, non sum dignus ut intres sub tectum meum, sed tantum de verbo, et sanabitur anima mea*. Quibus verbis tertio repetitis, accedit ad eorum dexteram, hoc est, ad latus Epistolæ, et unicuique porrigit Sacramentum, faciens cum eo signum Crucis super pyxidem, vel Patenam, et simul dicens: *Corpus Domini nostri Iesu Christi custodiat animam tuam in vitam æternam. Amen*.

Omnibus communicatis revertitur ad Altare, nihil dicens: et non dat eis benedictionem, quia illam daturus est in fine Missæ. Si particulae positi erant super Corporale, extergit illud cum Patena, et si quæ in eo fuerint fragmenta, in Calicem immittit. Deinde dicit secreto *Quod ore sumpsimus, Domine*, etc., et se purificat, dicens *Corpus tuum, Domine, quod sumpsit*, etc., et alia facit ut supra. Minister autem dextera manu tenens vas cum vino et aqua, sinistra vero mappulam, aliquando post Sacerdotem eis porrigit purificationem, et mappulam ad os abstergendum.

7. Si in Altari remaneant particule in Calice, seu in alio vase usque ad finem Missæ, servantur ea quæ in Feria V Cænæ Domini præscribuntur circa finem Missæ.

8. In Missa solemniori Diaconus stans retro post Celebrantem, cum in Oratione Dominica dicitur *Et dimitte nobis debita nostra*, facta ibidem genuflectione, vadit ad dexteram Celebrantis, et Subdiaconus circa finem Orationis Dominicæ, facta itidem genuflectione, revertitur ad Altare, et stans in cornu Epistolæ porrigit Patenam Diacono, qui eam discooperit, et Purificatorio abstergens dat Celebranti, illius manum osculando, et, quando opus est, discooperit et cooperit Calicem, et cum Celebrante adorat. Subdiaconus, reddita Patena, et deposito velo quod ab humeris eius pendebat, genuflectit, et descendit retro post Celebrantem, et cum dicitur *Pax Domini*, iterum genuflectens accedit ad sinistram Celebrantis, et simul dicunt *Agnus Dei*: deinde facta ibidem Sacramento genuflectione, redit post Celebrantem. Diaconus vero a dextris genuflexus expectat pacem: et cum Celebrans osculatur Altare, ipse se erigens simul osculatur illud extra Corporale, et a Celebrante dicente *Pax tecum*, complexus accipit pacem, sinistris genis sibi invicem appropinquantibus, et ei respondet *Et cum spiritu tuo*. Postea iterum Sacramento in Altari adorato, vertit se ad Subdiaconum retro post Celebrantem, et similiter dat ei pacem. Subdiaconus, accepta pace a Diacono et facta Altari genuflectione, comitatus ab Acolythis vadit ad Chorum, et dat pacem primo cuiusque ordinis, dignioribus prius, deinde minus dignis, et reversus ad Altare, facta genuflectione, dat pacem Acolythis qui ipsum comitaverat, qui et aliis Acolythis circa Altare dat pacem: deinde Subdiaconus vadit ad dexteram Celebrantis, et, quando opus est, discooperit Calicem, accipit ampullam vini, et infundit quando Celebrans vult purificare. Diaconus, post datam pacem Subdiacono, vadit ad librum: et dum Celebrans se communicat, stant ipse et Subdiaconus profunde inclinati versus Altare.

9. In Missa Pontificali, Assistens accipit et defert pacem, ut in Cæremoniali habetur. Si in Missa solemniori fiat Communio, omnia servantur ut supra, sed prius communicet Diaconum et Subdiaconum, deinde alios per ordinem, et Diaconus purificationem eis ministret. Interim a Choro cantatur Antiphona quæ dicitur *Communio*.

XI. DE COMMUNIONE ET ORATIONIBUS POST COMMUNIONEM DICENDIS

CELEBRANTE purificato, dum Calicem collocat in Altari, liber Missalis defertur per Ministrum ad cornu Epistolæ, et collocatur ut in Introitu. Ipse autem Minister genuflectit iuxta cornu Evangelii, ut in principio Missæ. Deinde Celebrans stans iunctis manibus legit *Antiphonam* quæ dicitur *Communio*, qua lecta, iunctis itidem manibus ante pectus, vadit ad medium Altaris, et eo osculato vertit se ad populum a manu sinistra ad dexteram, et dicit *Dominus vobiscum*, et per eandem viam redit ad librum, dicit *Orationes post Communionem*, eisdem modo, numero et ordine ut supra dictæ sunt Collectæ. Quibus finitis, claudit librum, et iungens manus ante pectus, revertitur ad medium Altaris, ubi eo osculato vertit se ad populum, et dicit ut supra *Dominus vobiscum*: quo dicto, stans iunctis manibus ante pectus versus populum, dicit, si dicendum est, *Ita Missa est*, et per eandem viam revertitur ad Altare. Si vero non sit dicendum, dicit *Dominus vobiscum*, revertitur eodem modo per eandem viam ad medium Altaris, ubi stans versus ad illud, iunctis ante pectus manibus, dicit *Benedicamus Domino*. In Missis autem defunctorum eodem modo stans versus Altare, dicit *Requiescant in pace*.

2. In Quadragesima autem, a Feria IV Cinerum usque

ad Feriam IV majoris Hebdom., in feriali Officio, postquam Celebrans dixit Orationes post Communionem cum suis solitis conclusionibus, antequam dicat *Dominus vobiscum*, stans in eodem loco ante librum, dicit *Oremus: Humiliate capita vestra Deo*, caput inclinans, et extensis manibus, subjungit eandem vocem *Orationem super populum*, ibidem positam; qua finita, osculatur Altare, et vertens se ad populum, dicit *Dominus vobiscum*, et alia ut supra.

3. In Missa solemni Diaconus deferit librum Missalis ad cornu Epistolæ, deinde vadit retro post Celebrantem. Subdiaconus vero vadit ad cornu Evangelii, ubi Calicem mundat, aptat cum Purificatorio, Patena et Palla cooperit. plicat Corporale, reponit in bursam, et illam ponit super calicem coopertum velo, quem collocat in Altari vel super Credentia, ut prius: postea redit ad locum suum retro post Diaconum: qui cum dicit *Ite Missa est*, cum Celebrante vertit se ad populum: et in Quadragesima dicto per Celebrantem *Oremus*, Diaconus in cornu Epistolæ vertens se ad populum, junctis manibus, dicit ut supra *Humiliate*, etc., quo dicto vertit se versus Altare a tergo Celebrantis, et Celebrans dicit *Orationem super populum*.

XII. DE BENEDICTIONE IN FINE MISSÆ ET EVANGELIO S. JOANNIS

DICTO *Ite Missa est*, vel *Benedicamus Domino*, ut supra, Celebrans ante medium Altaris stans junctis manibus super eo, et capite inclinato, dicit secreto *Placeat tibi sancta Trinitas*, etc.; quo dicto, extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad celum oculos et manus, quas extendit et jungit, caputque Cruci inclinans, dicit voce intelligibili *Benedicat vos omnipotens Deus*, et junctis manibus, ac demissis ad terram oculis, vertens se ad populum a sinistro latere ad dexterum, extensa manu dextera, junctisque digitis, et manu sinistra infra pectus posita, semel benedicit populo, dicens *Pater, et Filius, et Spiritus sanctus. Amen*, et circum periciens accedit ad cornu Evangelii, ubi dicto *Dominus vobiscum*, et *Et cum spiritu tuo*, pollice dextero signans primum signo Crucis Altare, seu librum in principio Evangelii, deinde frontem, os et pectus, dicit: *Initium sancti Evangelii secundum Joannem, vel Sequentia sancti Evangelii*, ut dictum est in Rubr. generalibus, et *Gloria tibi, Domine*, junctis manibus, legit Evangelium *In principio*, vel aliud ut convenit. Cum dicit *Et Verbum caro factum est*, genuflectit versus cornu Evangelii, et surgens prosequitur ut prius: quo finito, Minister stans a parte Epistolæ respondet *Deo gratias*.

2. Si Celebrans in Altari vertit faciem ad populum, non vertit se; sed stans ut erat, benedicit populo, ut supra, in medio Altaris: deinde accedit ad cornu Evangelii, et dicit Evangelium S. Joannis.

3. Si celebravit coram Summo Pontifice, Cardinale, et Legato Sedis Apostolicæ, vel Patriarcha, Archiepiscopo, et Episcopo in Provincia, Civitate, vel Diocesi sua existente. Celebrans, dicto *Placeat tibi sancta Trinitas*, etc., dicit *Benedicat vos omnipotens Deus*, et convertens se ad Summum Pontificem genuflexus, ac Cardinalem vero, et Legatum, vel alium ex supradictis Prælati capite inclinato, quasi licentiam benedicens petens, prosequitur, *Pater, et Filius, et Spiritus sanctus*, benedicens adstantes a parte ubi non adest Pontifex, Cardinales, Legatus, aut Prælatus prædicti. Si autem celebravit coram Patriarcha, Archiepiscopo, et Episcopo extra eorum Provinciam, Civitatem, vel Diocesim constitutus, eis absque alio respectu, ut cæteris qui intersunt, more consueto benedicit.

4. Si autem celebravit pro defunctis, dicto *Placeat tibi sancta Trinitas*, ut supra, et osculato Altari, accedit ad cornu Evangelii, et dicit Evangelium sancti Joannis, prætermissa benedictione, quas in Missis defunctorum non datur.

5. Finito Evangelio in fine Missæ, si celebravit coram Summo Pontifice, Cardinale, et Legato Sedis Apostolicæ, vel Patriarcha, Archiepiscopo et Episcopo, convertit se ad illum, coram quo ex prædictis celebravit, et facit reverentiam convenientem. Si non celebravit coram aliquo prædictorum, hujusmodi reverentiam prætermittit.

6. Quibus omnibus absolutis, extinguuntur per Mini-

strum candelæ: interim Sacerdos accipit sinistra Calicem, dexteram ponens super bursam, ne aliquid cadat, descendit ante infimum gradum Altaris, et ibi in medio vertens se ad illud, caput inclinat (vel, si in eo est tabernaculum SS. Sacramenti, genuflectit), et facta reverentia accipit biretum a Ministro, caput cooperit, ac præcedente eodem Ministro, eo modo quo venerat redit ad Sacristiam, interim dicens Antiphonam *Trium puerorum*, et Canticum *Benedicite*. Si vero sit dimissurus paramenta apud Altare ubi celebravit, finito Evangelio prædicto, ibidem illis se exiit, et dicit Antiphonam *Trium puerorum*, cum Canticum et aliis Orationibus, ut suo loco ponuntur.

7. In Missa solemni, Celebrans eandem vocem et modo quo in Missis privatis, semel tantum benedicit populo, nisi sit Episcopus, vel Abbas, ut infra, et dicto Evangelio secundum Joannem, vel alio ut supra, ministrante Subdiacono librum, si opus est, discedit cum Ministris, ordine et modo quo venerat.

8. Episcopus autem ter benedicit populo, etiam in Missis privatis, ut in Cæremoniali habetur.

XIII. DE HIS QUÆ OMITTUNTUR IN MISSA PRO DEFUNCTIS

IN Missa pro Defunctis, ante Confessionem non dicitur *Psalmus Judica me Deus*, sed pronuntiata Antiphona *Introibo ad Altare Dei*, et responso a Ministro *Ad Deum qui justificat*, etc., dicitur *Adjutorium nostrum*, et Confessio, cum reliquis ut supra. Cum Celebrans ad Altare incipit *Introitum*, non signat se, sed manu dextera extensa, facit signum Crucis super librum, quasi aliquem benedicens. Non dicitur *Gloria Patri*, sed post *Psalmum* repetitur *Requiem æternam*; nec dicitur *Gloria in excelsis*, nec *Alleluia*, nec *Jube Domine benedicere*, nec *Dominus sit in corde meo*, nec osculatur librum in fine. Non dicitur *Credo*, non benedicitur aqua in calicem fundenda: dicitur tamen *Oratio Deus qui humanæ substantiæ*, etc. Cum lavat manus, in fine *Psalmi Laudabo inter innocentes* non dicitur *Gloria Patri*. Ad *Agnus Dei*, non dicitur *misereere nobis*, cujus loco dicitur *donæ eis requiem*, nec tertio donæ nobis *pacem*, cujus loco dicitur *donæ eis requiem sempiternam*; neque percutitur pectus. Non dicitur prima *Oratio* ante Communionem, scilicet, *Domine Jesu Christe qui dixisti Apostolis tuis*, etc., nec datur *pac*. In fine non dicitur *Ite Missa est*, nec *Benedicamus Domino*, sed *Requiescant in pace*. Et non datur benedictio, sed, dicto *Placeat*, et osculato Altari, dicitur ut supra *In principio erit Verbum*, etc. Alia omnia ut in aliis Missis.

2. In Missa solemni non incensatur Altare ad Introitum, et Subdiaconus finita Epistola non osculatur manum Celebrantis, nec benedicitur: Diaconus non petit benedictionem, nec osculatur Celebrantis manum; non tenentur luminaria ad Evangelium, nec portatur incensum, sed duo tantum Acolythi sine candelabris stans unus a dextris, et alter a sinistris Subdiaconum tenentis librum Evangeliorum. Non incensatur liber, nec in fine Celebrans, nec defertur liber Evangeliorum osculandus. Oblata et Altare incensatur ut supra: incensatur solus Celebrans, et non incensatur alii. Subdiaconus non tenet Patenam post Celebrantem: sed tempore elevationis Sacramenti genuflexus in cornu Epistolæ illud incensat. Ministri, cum aliquid porrigunt Celebranti, in hac Missa non osculantur ejus manum, neque rem quæ porrigitur.

3. Si distribuendæ sunt candelæ, distribuuntur post Epistolam, et accendantur ad Evangelium, ad Elevationem Sacramenti, et post Missam, dum fit Absolutio. Si habendus est sermo, habetur finita Missa, ante Absolutionem.

4. Finita Missa, si faciendæ est Absolutio, Celebrans retrahit se ad cornu Epistolæ, ubi exiit Casula, et deposito Manipulo, accipit Pluviale nigrum. Subdiaconus medius inter duos Acolythos cum candelabris accensis deferit Crucem sicut in Processionibus, præcedentes duobus aliis Acolythi, uno cum Thuribulo et navicula incensi, alio cum vase aquæ benedictæ et aspersorio: sequitur Celebrans, facta prius Altari reverentia, et Diaconus a sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter duos Acolythos tenentes luminaria: Celebrans vero ex alia parte in capite loci inter Altare et tumulum, aliquantulum versus cornu Epistolæ, ita ut Crucem Subdiaconi respiciat, a sinistris

ejus Diaconus; et prope eum alii duo Acolythi deferentes Thuribulum et vas aquæ benedictæ. Interim cantatur *ŕ. Libera me Domine*, et circa illius finem Celebrans ponit incensum in Thuribulum, benedicens illud more solito, ministrante Diacono navicula; et finito *Kyrie eleison*, incipit intelligibili voce *Pater noster*, et secreto proseguendo reliqua, accipit aspersorium de manu Diaconi, et facta Altari reverentia, comitante eodem Diacono a dextris, et tenente finibram anteriorem Phyalis, circueiis tumulum, aspergit illum aqua benedicta, ter a parte dextera, et ter a sinistra. Cum transit ante Crucem, profunde inclinat, Diaconus vero genuflectit: postea de manu ejusdem Diaconi accipit Thuribulum, et eodem modo quo asperse- rat, incensat. Et rediens ad pristinum locum, Diacono tenente librum, junctis manibus dicit:

- ŕ. Et ne nos inducas in tentationem.
- ŕ. Sed libera nos a malo.
- ŕ. A porta inferi.
- ŕ. Erue, Domine, animam ejus.

ŕ. Requiŕeat in pace.

ŕ. Amen.

ŕ. Domine, exaudi orationem meam.

ŕ. Et clamor meus ad te veniat.

ŕ. Domine vobiscum.

ŕ. Et cum spiritu tuo.

Orémus.

AUSOLVE, quæsumus, Domine, animam famuli tui *N.* ab omni vinculo delictorum: ut in resurrectionis glória, inter sanctos et Eléctos tuos resuscitatus respiret. Per Christum Dóminum nostrum. *ŕ. Amen.*

Deinde Celebrans faciens Crucem manu dextera super tumulum, dicit *ŕ. Requiem æternam dona ei, Domine.*
ŕ. Et lux perpetua luceat ei.

Et dicto per Cantores *Requiŕeat in pace*, et *ŕ. Amen*, præcedente Cruce redit cum aliis ad Sacristiam.

Si Officium fit pro pluribus defunctis, omnia dicantur in numero plurali.

DE DEFECTIBUS

IN CELEBRATIONE MISSARUM OCCURRENTIBUS

I

SACERDOS celebraturus omnem adhibeat diligentiam ne desit aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, et ex parte formæ adhibendæ, et ex parte ministris conficientis. Quidquid enim horum deficit, scilicet materia debita, forma cum intentione, et Ordo Sacramentalis in conficiente, non conficitur Sacramentum. Et his existentibus, quibuscumque aliis deficientibus, veritas adest Sacramenti. Alii vero sunt defectus qui, in Missæ celebratione occurrentes, et si veritatem Sacramenti non impediunt, possunt tamen aut cum peccato, aut cum scandalo contingere.

II. DE DEFECTIBUS MATERIÆ

DEFFECTUS ex parte materiæ possunt contingere, si aliquid desit ex eis quæ ad ipsam requiruntur. Requiritur enim ut sit panis triticeus, et vinum de vite: et ut hujusmodi materia consecranda in actu consecrationis sit coram Sacerdote.

III. DE DEFECTU PANIS

Si panis non sit triticeus, vel, si triticeus, admixtus sit granis alterius generis in tanta quantitate ut non maneat panis triticeus: vel sit aliqui corruptus, non conficitur Sacramentum.

2. Si sit confectus de aqua rosacea, vel alterius distillationis, dubium est an conficiatur.

3. Si cõperit corrupti, sed non sit corruptus: similiter si non sit azymus, secundum morem Ecclesiæ Latinæ; conficitur, sed conficiens graviter peccat.

4. Si Celebrans ante consecrationem advertit Hostiam esse corruptam, aut non esse triticam, remota illa Hostia, aliam ponat, et facta oblatione, saltem mente concepta, proseguatur ab eo loco ubi desivit.

5. Si id advertit post consecrationem, etiam post illius Hostiæ sumpcionem, posita alia, faciat oblationem, ut supra, et a consecratione incipiat, scilicet ab illis verbis *Qui pridie quam pateretur*; et illam priorem si non sumpsit, sumat post sumpcionem Corporis et Sanguinis, vel alii sumendum tradat, vel alicubi reverenter conservet. Si autem sumpserit, nihilominus sumat eam quam consecravit: quia præceptum de perfectione Sacramenti majoris est ponderis, quam quod a jejuniis sumatur.

6. Quod si hoc contingat post sumpcionem Sanguinis, apponi debet rursus novus panis, et vinum cum aqua; et facta prius oblatione, ut supra, Sacerdos consecret, incipiendo ab illis verbis *Qui pridie*: ac statim sumat utrumque, et proseguatur Missam, ne Sacramentum remaneat imperfectum, et ut debitum servetur ordo.

7. Si Hostia consecrata dispareat, vel casu aliquo, ut vento, aut miraculo, vel ab aliquo animali accepta, et nequeat reperiri; tunc altera consecratur ab eo loco incipiendo *Qui pridie quam pateretur*, facta ejus prius oblatione, ut supra.

IV. DE DEFECTU VINI

Si vinum sit factum penitus acetum, vel penitus putridum, vel de uvis acerbis seu non maturis expressum, vel ei admixtum tantum aquæ ut vinum sit corruptum, non conficitur Sacramentum.

2. Si vinum cõperit accescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis, conficitur Sacramentum, sed conficiens graviter peccat.

3. Si Celebrans ante consecrationem Sanguinis, quamvis post consecrationem Corporis, advertat aut vinum, aut aquam, aut utrumque non esse in Calice, debet statim apponere vinum cum aqua, et facta oblatione, ut supra, consecrare, incipiendo ab illis verbis *Simili modo*, etc.

4. Si post verba consecrationis advertat vinum non fuisse positum, sed aquam, deposita aqua in aliquod vas, iterum vinum cum aqua ponat in Calice, et consecret, resumendo a verbis prædictis *Simili modo*, etc.

5. Si hoc advertat post sumpcionem Corporis, vel hujusmodi aquæ, apponat aliam Hostiam iterum consecrandam, et vinum cum aqua in Calice, offerat utrumque, et consecret, et sumat, quamvis non sit jejunus. Vel, si Missa celebretur in loco publico, ubi plures adsint, ad evitandum scandalum poterit apponere vinum cum aqua, et facta oblatione ut supra, consecrare, ac statim sumere, et prosegui cetera.

6. Si quis percipiat ante consecrationem, vel post consecrationem, totum vinum esse acetum, vel alias corruptum, idem servetur quod supra, ac si deprehenderet non esse positum vinum, vel solam aquam fuisse appositam in Calice.

7. Si autem Celebrans ante consecrationem Calicis advertat non fuisse appositam aquam, statim ponat eam, et proferat verba consecrationis. Si id advertat post consecrationem Calicis, nullo modo apponat, quia non est de necessitate Sacramenti.

8. Si materia quæ esset apponenda, ratione defectus vel panis, vel vini, non posset ullo modo haberi; si id sit ante consecrationem Corporis, ulterius procedi non debet: si post consecrationem Corporis, aut etiam vini, deprehenditur defectus alterius speciei, altera jam consecrata; tunc si nullo modo haberi possit, procedendum erit, et Missa absolvenda, ita tamen ut prætermittantur verba et signa quæ pertinent ad speciem deficientem. Quod si expectandum aliquamdiu haberi possit, expectandum erit, ne sacrificium remaneat imperfectum.

V. DE DEFECTIBUS FORMÆ

DEFECTUS ex parte formæ possunt contingere, si aliquid desit ex iis quæ ad integritatem verborum in ipsa consecratione requiruntur. Verba autem consecrationis quæ sunt forma hujus Sacramenti, sunt hæc: *Hoc est enim Corpus meum. Et: Hic est enim Calix Sanguinis mei, novi et æterni testamenti: mysterium fidei, qui pro vobis et pro multis effundetur in remissionem peccatorum.* Si quis autem aliquid diminueret, vel immutaret de forma consecrationis Corporis et Sanguinis, et in ipsa verborum immutatione verba idem non significarent, non conficeret Sacramentum. Si vero aliquid adderet quod significationem non mutaret, conficeret quidem, sed gravissime peccaret.

2. Si Celebrans non recordetur se dixisse ea quæ in consecratione communiter dicuntur, non debet propterea turbari. Si tamen certo ei constet se omisisse aliquid eorum quæ sunt de necessitate Sacramenti, id est, formam consecrationis, seu partem, resumat ipsam formam, et cætera proseguatur per ordinem. Si vero valde probabiliter dubitet se aliquid essentiale omisisse, iteret formam, saltem sub tacita conditione. Si autem non sunt de necessitate Sacramenti, non resumat, sed procedat ulterius.

VI. DE DEFECTIBUS MINISTRI

DEFECTUS ex parte Ministri possunt contingere quoad ea quæ in ipso requiruntur. Hæc autem sunt: In primis intentio, deinde dispositio animæ, dispositio corporalis, dispositio vestimentorum, dispositio in ministerio ipso quoad ea quæ in ipso possunt occurrere.

VII. DE DEFECTU INTENTIONIS

Si quis non intendit conficere, sed delusorie aliquid agere: item si aliquæ Hostiæ ex oblivione remaneant in Altari, vel aliqua pars vini, vel aliqua Hostia lateat, cum non intendat consecrare nisi quas videt: item si quis habeat coram se undecim Hostias, et intendat consecrare solum decem, non determinans quas decem intendit: in his casibus non consecrat, quia requiritur intentio. Secus si putans quidem esse decem, tamen omnes voluit consecrare quas coram se habebat; nam tunc omnes erunt consecratæ; atque ideo quilibet Sacerdos talem semper intentionem habere debet, scilicet consecrandi eas omnes quas ante se ad consecrandum positas habet.

2. Si Sacerdos putans se tenere unam Hostiam, post consecrationem inveniret fuisse duas simul junctas, in sumptioneumat simul utramque. Quod si deprehendat post summptionem Corporis et Sanguinis, aut etiam post ablutionem, reliquias aliquas relictas consecratas, easumat, sive parvæ sint, sive magnæ, quia ad idem sacrificium spectant.

3. Si vero relicta sit Hostia integra consecrata, eam in Tabernaculo cum aliis reponat: si hoc fieri nequit, sequenti Sacerdoti ibi celebraturo, in Altari supra Corporale decenter operam, sumendam una cum altera quam est consecraturus, relinquat: vel si neutrum horum fieri possit, in ipso Calice, seu Patena decenter conservet, quousque vel in Tabernaculo reponatur, vel ab altero sumatur: quod si non habeat quomodo honeste conservetur, potest eam ipsemet sumere.

4. Si intentio non sit actualis in ipsa consecratione propter evagationem mentis, sed virtualis, cum accedens ad

Altare intendat facere quod facit Ecclesia, conficitur Sacramentum, etsi curare debet Sacerdos ut etiam actualen intentionem adhibeat.

VIII. DE DEFECTIBUS DISPOSITIONIS ANIMÆ

Si quis suspensus, excommunicatus, degradatus, irregularis, vel alias canonice impeditus celebrat, conficit quidem Sacramentum, sed gravissime peccat, tam propter Communionem, quam indigne sumit, quam propter executionem Ordinum, quæ sibi erant interdicta.

2. Si quis habens copiam Confessoris celebret in peccato mortali, graviter peccat.

3. Si quis autem in casu necessitatis, non habens copiam Confessoris, in peccato mortali absque contritione celebret, graviter peccat; secus si conteratur: debet tamen, cum primum poterit, confiteri.

4. Si in ipsa celebratione Missæ Sacerdos recordetur se esse in peccato mortali, conteratur cum proposito confitendi et satisfaciendi.

5. Si recordetur se esse excommunicatum, vel suspensum, aut locum esse interdictum, similiter conteratur cum proposito petendi absolutionem. Ante consecrationem autem in supradictis casibus, si non timeatur scandalum, debet Missam inceptam deserre.

IX. DE DEFECTIBUS DISPOSITIONIS CORPORIS

Si quis non est jejunus post mediam noctem, etiam post summptionem solius aquæ, vel alterius potus aut cibi, per modum etiam medicinæ, et in quantacumque parva quantitate, non potest communicare, nec celebrare.

2. Si autem ante mediam noctem cibum aut potum sumpserit, etiamsi postmodum non dormierit, nec sit digestus, non peccat: sed ob perturbationem mentis, ex qua devotio tollitur, consulitur aliquando abstinendum.

3. Si reliquiæ cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivæ. Idem dicendum, si lavando os, deglutiat stilla aquæ præter intentionem.

4. Si plures Missas in una die celebret, ut in Nativitate Domini, in unaquaque Missa abluat digitos in aliquo vase mundo, et in ultima tantum percipiat purificationem.

5. Si præcesserit pollutio nocturna, quæ causata fuerit ex præcedenti cogitatione quæ sit peccatum mortale, vel evenierit propter nimiam crapulam, abstinendum est a Communionem et celebrationem, nisi aliud Confessario videatur. Si dubium est an in præcedenti cogitatione fuerit peccatum mortale, consulitur abstinendum, extra tamen casus necessitatis. Si autem certum est non fuisse in illa cogitatione peccatum mortale, vel nullam fuisse cogitationem, sed evenisse ex naturali causa, aut ex diabolica illusionem, potest communicare et celebrare, nisi ex illa corporis commotione tanta evenierit perturbatio mentis, ut abstinendum videatur.

X. DE DEFECTIBUS IN MINISTERIO IP SO OCCURRENTIBUS

POSSUNT etiam defectus occurrere in ministerio ipso, si aliquid ex requisitis ad illud desit: ut si celebretur in loco non sacro, vel non deputato ab Episcopo, vel in Altari non consecrato, vel tribus mappis non cooperto: si non adsint luminaria cerea: si non sit tempus debitum celebrandi, quod est ab aurora usque ad meridiem communiter: si Celebrans saltem Matutinum cum Laudibus non dixerit: si omittat aliquid ex vestibus sacerdotalibus: si vestes sacerdotales et mappæ non sint ab Episcopo, vel ab alio hanc habente potestatem, benedictæ: si non adsit Clericus, vel alius deserviens in Missa, vel adsit qui deservire non debet, ut mulier; si non adsit Calix cum Patena conveniens, cujus cuppa debet esse aurea, vel argentea, vel stannea, non ærea, vel vitrea: si Corporalia non sint munda, quæ debent esse ex lino, nec serico in medio ornata, et ab Episcopo, vel ab alio hanc habente potestatem, benedicta, ut etiam superius dictum est: si celebret capite cooperto sine dispensatione; si non adsit Missale, licet memoriter sciret Missam quam intendit dicere.

2. Si Sacerdote celebrante, violeatur ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel alluvionis, vel ruina loci ubi celebratur, ante consecrationem dimittatur.

tur Missa; post consecrationem vero Sacerdos accelerare poterit sumptionem Sacramenti, omisso omnibus aliis.

3. Si Sacerdos ante consecrationem graviter infirmetur, vel in syncope incidit, aut moriatur, pratermittitur Missa: si post consecrationem Corporis tantum, ante consecrationem Sanguinis, vel utroque consecrato id accidit, Missa per alium Sacerdotem expleatur ab eo loco ubi ille desit, et in casu necessitatis etiam per non jejunum. Si autem non obierit, sed fuerit infirmus, adeo tamen ut possit communicare, et non adsit alia Hostia consecrata, Sacerdos qui Missam supplet, dividat Hostiam, et unam partem præbeat infirmo, aliam ipse sumat. Si autem semiprolata forma Corporis obit Sacerdos, quia non est facta consecratio, non est necesse ut Missa per alium suppleatur. Si vero obierit semiprolata forma Sanguinis, tunc alter prosequatur Missam, et super eundem Calicem repetat integram formam ab eo loco *Simili modo postquam canonizatus est*; vel posset super alium Calicem præparatum integram formam proferre, et Hostiam primi Sacerdotis, et Sanguinem a se consecratum sumere, ac deinde Calicem ælicium semiconsecratum.

4. Si quis extra hujusmodi casus necessitatis, integra Sacramenta non sumperit, gravissime peccat.

5. Si musca, vel aranea, vel aliquid aliud ceciderit in Calicem ante consecrationem, projiciat vinum in locum decentem, et aliud ponat in Calice, misceat parum aquæ, offerat, ut supra, et prosequatur Missam: si post consecrationem ceciderit musca, aut aliquid ejusmodi, et fiat nausea Sacerdoti, extrahat eam, et lavet cum vino, finita Missa, comburat, et combustio ac lotio hujusmodi in sacrum projiciatur. Si autem non fuerit ei nausea, nec ullum periculum timeat, sumat cum Sanguine.

6. Si aliquid venenosum ceciderit in Calicem, vel quod provocaret vomitum, vinum consecratum reponendum est in alio Calice, et aliud vinum cum aqua apponendum de novo consecrandum: et finita Missa, Sanguis repositus in panno lineo, vel stuppa, tamdiu servetur, donec species vini fuerint desiccatæ, et tunc stuppa comburatur, et combustio in sacrum projiciatur.

7. Si aliquod venenatum contigerit Hostiam consecratam, tunc alteram consecret, et sumat eo modo quo dictum est, et illa servetur in Tabernaculo loco separato, donec species corrumpantur, et corruptæ deinde mittantur in sacrum.

8. Si sumendo Sanguinem, particula remanserit in Calice, digito ad labium Calicis eam adducat, et sumat ante purificationem, vel infundat vinum, et sumat.

9. Si Hostia ante consecrationem inventatur fracta, nisi populo evidenter appareat, talis Hostia consecratur: si autem scandalum populo esse possit, alia accipiat, et offeratur: quod si illius Hostiæ jam erat facta oblatio, eam post ablationem sumat. Quod si ante oblationem

Hostia appareat confracta, accipiat altera integra, si citra scandalum aut longam moram fieri poterit.

10. Si propter frigus vel negligentiam Hostia consecrata dilabatur in Calicem, propterea nihil est reiterandum, sed Sacerdos Missam prosequatur, faciendo cæremonias et signa consueta cum residua parte Hostiæ, quæ non est madefacta Sanguine, si commode potest. Si vero tota fuerit madefacta, non extrahat eam, sed omnia dicat, omitendo signa, et sumat pariter Corpus et Sanguinem, signans se cum Calice, dicens: *Corpus et Sanguis Domini nostri*, etc.

11. Si in hieme Sanguis congeletur in Calice, involvatur Calix pannis calefactis: si id non proficeret, ponatur in ferventi aqua prope Altare, dummodo in Calicem non intret, donec liquefiat.

12. Si per negligentiam aliquid de Sanguine Christi ceciderit, si quidem super terram, seu super tabulam, lingua lambatur, et locus ipse radatur quantum satis est, et abrasio comburatur; cinis vero in sacrum recondatur. Si vero super lapidem Altaris ceciderit, sorbeat Sacerdos stillam, et locus bene abluatur, et ablutio in sacrum projiciatur. Si super linteam Altaris, et ad aliud linteam stilla pervenerit; si usque ad tertium, lintamina ter abluantur ubi stilla ceciderit, Calice supposito, et aqua abluitionis in sacrum projiciatur. Quod si in ipso solum Corporali, aut si in vestibus ipsis sacerdotalibus ceciderit, debet similiter ablui, et ablutio in sacrum projici. Si in substrato pedibus panno, vel tapeto, bene abluatur, ut supra.

13. At si contingat totum Sanguinem post consecrationem effundi, si quidem aliquid vel parum remansit, illud sumatur, et de effuso reliquo Sanguine fiat ut dictum est. Si vero nihil omnino remansit, ponat iterum vinum et aquam, et consecret ab eo loco *Simili modo postquam canonizatus est*, etc., facta prius tamen Calicis oblatione, ut supra.

14. Si Sacerdos evomat Eucharistiam, si species integræ appareant, reverenter sumantur, nisi nausea fiat: tunc enim species consecratæ caute separentur, et in aliquo loco sacro reponantur, donec corrumpantur; et postea in sacrum projiciantur. Quod si species non appareant, comburatur vomitus, et cineres in sacrum mittantur.

15. Si Hostia consecrata, vel aliqua ejus particula dilabatur in terram, reverenter accipiat, et locus ubi cecidit mundetur, et aliquantulum abradatur, et pulvis seu abrasio hujusmodi in sacrum immittatur. Si ceciderit extra Corporale in mappam, seu alio quovis modo in aliquod linteam, mappa vel linteam hujusmodi diligenter lavetur, et lotio ipsa in sacrum effundatur.

16. Possunt etiam defectus in ministerio ipso occurrere, si Sacerdos ignoret ritus et cæremonias ipsas in eo servandas, de quibus omnibus in superioribus Rubricis copiose dictum est.



PROPRIUM

MISSARUM

DE TEMPORE

DOMINICA I ADVENTUS

Statio ad Sanctam Mariam Majorem.

Ad Missam. Introitus. Ps. 24.



Ad te levávi ánimam meam : Deus meus, in te confido, non erubescam : neque irrideant me inimíci mei ; étenim univérsi qui te expéctant, non confundéntur. Ps. Vias tuas, Dómine, démonstra mihi, et sémitas tuas édoce me. ŷ. Glória Patri, et Filio, et Spíritui sancto : Sicut erat in principio, et nunc, et semper, et in sæcula sæculórum. Amen.

Quo finito, repetitur Ad te levávi, usque ad Psalmum.

¶ Hic modus repetendi Introitum servatur per totum annum.

Non dicitur Glória in excélsis, ab hac Dominica usque ad Nativitatem Domini, nisi in Festis.

Orémus. Oratio.

EXCITA, quæsumus, Dómine, poténtiam tuam, et veni : ut ab imminéntibus peccatórum nostrórum periculis, te mereámur protegénte éripi, te liberánte salvári. Qui vivis et regnas cum Deo Patre, in unitáte Spíritus sancti Deus, per ómnia sæcula sæculórum. ŷ. Amen.

¶ Ab hac die usque ad Vigiliam Nativitatis Domini, post Orationem diei dicitur Oratio Deus, qui de beatæ Mariæ, et Ecclesiæ tuæ, vel Deus, ómnium fidélium, ut infra.

¶ Si autem facienda sit Commemoratio alicujus Festi simplicis occurrentis, post Orationem diei dicitur secunda Oratio de Sancto, et tertia de sancta Maria.

De sancta Maria. Oratio.

DEUS, qui de beatæ Mariæ Virginis útero, Verbum tuum, Angelo nuntiánte, carnem suscépere voluisti : præsta supplicibus tuis ; ut qui vere eam Genitricem Dei crédimus, ejus apud te intercessiónibus adjuvémur. (Per eúdem Dóminum, si dicatur ultimo loco.)

Contra persecutores Ecclesiæ.

Oratio.

ECCLESIE tuæ, quæsumus, Dómine, preces placátus admítte : ut, destrúctis adversitatibus et erróribus univérsis, secúra tibi sérviat libertáte. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómnia sæcula sæculórum. ŷ. Amen.

Vel pro Papa. Oratio.

DEUS, ómnium fidélium Pastor et Rector, fámulum tuum N., quem Pastórem Ecclesiæ tuæ præesse voluisti, propítius réspice : da ei, quæsumus, verbo et exémplo, quibus præest, profi-

cere ; ut ad vitam, una cum grege sibi crédito, perveniat sempiternam. Per Dóminum.

¶ *Infra Hebdomadas Adventus, quando dicitur Missa de Festo semiduplici, secunda Oratio erit de Adventu, tertia de sancta Maria, quæ terminatur sic : Per eundem Dóminum nostrum Jesum Christum Filium tuum, qui tecum vivit et regnat, etc.*

¶ *Si autem dicatur Missa de Festo duplici, post Orationem Festi dicitur Oratio tantum de Adventu.*

¶ *De Festis simplicibus in Adventu occurrentibus fit tantum Commemoratio.*

Lectio Epistolæ beati Pauli Apóstoli ad Romános. Cap. 13.

FRATRES, Sciéntes quia hora est jam nos de somno súrgere. Nunc enim propior est nostra salus, quam cum credidimus. Nox præcëssit, dies autem appropinquávit. Abjiciámus ergo ópera tenebrarum, et induámur arma lucis. Sicut in die honeste ambulémus : non in comessationibus et ebrietatibus, non in cubilibus et impudiciis, non in contentione et æmulatione : sed induámur Dóminum Jesum Christum.

Graduale. Ps. 24. Univerí qui te expéctant, non confundéntur, Dómine. *ŷ.* Vias tuas, Dómine, notas fac mihi, et sémitas tuas édoce me.

Allelúia, allelúia. *ŷ.* Ps. 84. Osténde nobis, Dómine, misericórdiam tuam, et salutáre tuum da nobis. Allelúia.

¶ *In Feriis Adventus, quando per Hebdomadam resumitur Missa de Dominica, non dicitur Allelúia, nec Versus sequens, sed tantum Graduale.*



Sequéntia sancti Evangélíi secundum Lucam. Cap. 21.

In illo témpore : Dixit Jesus discípulis suis : Erunt signa in sole, et luna, et stellis, et in terris pressúra géntium præ confusione sónitus maris et flúctuum : arescéntibus hominibus præ tímóre et expectatíone quæ supervénient univérso orbi : nam virtútes cælórum movebúntur. Et tunc vidébunt Filium hóminis veniéntem in nube cum potestáte magna

et majestáte. His autem fieri incipiéntibus, respícite, et leváte cápita vestra : quóniam appropínquat redemptio vestra. Et dixit illis similitúdinem : Vidéte ficulneam et omnes árbores : cum producunt jam ex se fructum, scitis quóniam prope est ætas. Ita et vos, cum vidérítis hæc fieri, scitóte quóniam prope est regnum Dei. Amen dico vobis quia non præteribit generátio hæc, donec ómnia fiant. Cælum et terra transibunt, verba autem mea non transibunt. Credo.

Offertorium. Ps. 24. Ad te levávi ánimam meam ; Deus meus, in te confido, non erubescam : neque irrideant me inimíci mei ; etenim univérí qui te expéctant, non confundéntur.

Secreta.

HÆC sacra nos, Dómine, poténti virtúte mundátos, ad suum fáciant puriôres venire princípium. Per Dóminum.

De sancta Maria. Secreta.

In méntibus nostris, quæsumus, Dómine, veræ fidei sacraménta confirma : ut qui concéptum de Virgine Deum verum et hóminem confitémur, per ejus salutiferæ resurrectionis poténtiam, ad æternam mereámur pervenire lætítiam. (Per eundem Dóminum.)

Contra persecutores Ecclesiæ.

Secreta.

PRÓTEGE nos, Dómine, tuis mystériis serviéntes : ut divínis rebus inhæréntes, et corpore tibi famulémur et mente. Per Dóminum.

Vel pro Papa. Secreta.

OBLÁTIS, quæsumus, Dómine, placáre munéribus : et famulum tuum N., quem Pastórem Ecclesiæ tuæ præesse voluisti, assídua protectíone gubérna. Per Dóminum.

Communio. Ps. 84. Dóminus dabit benignitátem, et terra nostra dabit fructum suum.

Postcommunio.

SUSCIPIAMUS, Dómine, misericórdiam tuam in médio templi tui : ut reparatíonis nostræ ventúra solémnia congruis honóribus præcedámus. Per Dóminum.

De sancta Maria. Postcommunio.

GRÁTIA tuam, quæsumus, Dómine, méntibus nostris infúnde : ut qui, Angelo nuntiánte, Christi Filii tui Incarnatióem cognóvimus; per PassiÓnem ejus et Crucem, ad ResurrectiÓnis glóriam perducámur. (Per eúndem Dóminum.)

Contra persecutores Ecclesiæ.

Postcommunio.

QUÆSUMUS, Dómine Deus noster : ut quos divina tribus participatiÓne gaudére, humánis non sinas subjacére periculis. Per Dóminum.

Vel pro Papa. Postcommunio.

HÆC nos, quæsumus, Dómine, divíni sacraménti percéptio prótegit : et fámulum tuum N., quem Pastórem Ecclesiæ tuæ præesse voluísti, una cum commissio sibi grege salvet semper et múniat. Per Dóminum.

Dicitur Benedicámus Dómino. Et sic servetur quoties non dicitur Glória in excélsis.

¶ Infra Hebdomadam, si dicenda sit Missa de Feria, resumitur Missa de Dominica præcedenti, nisi propria Missa assignetur.

¶ Cum vero in Adventu, Quadragesima, Quatuor Temporibus, Vigiliis et Rogationibus dicitur Missa de Festo duplici vel semiduplici occurrente, semper fit Commemoratio de Feria. Et pro CommemoratiÓne Ferialium Adventus dicitur Oratio Dominicæ præcedentis, nisi sint Quatuor Tempora, in quibus habetur Oratio propria.

DOMINICA II ADVENTUS

Statio ad Sanctam Crucem in Jerusalem.

Introitus. Is. 30.

PÓPULUS Sion, ecce Dóminus véniet ad salvándas gentes, et auditam fáciat Dóminus glóriam vocis suæ in lætítia cordis vestri. Ps. 79. Qui regis Israel, inténde : qui dedúcis, velut ovem, Joseph. ȳ. Glória Patri. Pópulus.

Oratio.

EXCITA, Dómine, corda nostra ad præparándas Unigéniti tui vias : ut per

ejus advéntum purificáti tibi méntibus servire mereámur. Qui tecum vivit.

Aliæ Orationes ut in Dom. I Adventus. 1.

Lectio Epistolæ beáti Pauli Apóstoli ad Romános. Cap. 15.

FRATRES, Quaecúmque scripta sunt, ad nostram doctrinam scripta sunt : ut per paciéntiam et consolatiÓnem Scripturárum spem habeámus. Deus autem paciéntiæ et solátii det vobis idípsum sápere in altérutrum secúndum Jesum Christum : ut unánimes, uno ore honorificéti Deum, et Patrem Dómini nostri Jesu Christi. Propter quod suscépite invicem, sicut et Christus suscepit vos in honórem Dei. Dico enim Christum Jesum ministrum fuisse circumcisiÓnis propter veritátem Dei, ad confirmándas promisiÓnes patrum : gentes autem super misericórdia honoráre Deum, sicut scriptum est : Proptérea confitébor tibi in géntibus, Dómine, et nómini tuo cantábo. Et iterum dicit : Lætámini, gentes, cum plebe ejus. Et iterum : Laudáte, omnes gentes, Dóminum : et magnificáte eum, omnes pópuli. Et rursus Isaías ait : Erit radix Jesse, et qui exsúrget régere gentes, in eum gentes sperábunt. Deus autem spei répleat vos omni gáudio et pace in credéndo, ut abundéti in spe et virtúte Spiritus sancti.

Graduale. Ps. 49. Ex Sion spécies decóris ejus : Deus manifesté véniet. ȳ. Congregáte illi sanctos ejus, qui ordinavérunt testaméntum ejus super sacrificia.

Allelúia, allelúia. ȳ. Ps. 121. Lætátus sum in his quæ dicta sunt mihi : In domum Dómini ibimus. Allelúia.



Sequéntia sancti Evangélii secúndum Matthæum. Cap. 11.

In illo témpore : Cum audisset Joánes de discipulis suis, ait illi : Tu es qui ventúrus es, an álium expectámus? Et respondens Jesus, ait illis : Éúntes renuntiáte Joánni quæ audistis et vidístis. Cæci vident, claudi ámbulant, leprósi mundántur, surdi ádiunt, mórtui resúrgunt, páuperes evangelizántur : et beátus est

qui non fuerit scandalizatus in me. Illis autem abeuntibus, coepit Jesus dicere ad turbas de Joanne : Quid existis in desertum videre? arundinem vento agitatum? Sed quid existis videre? hominem mollibus vestitum? Ecce qui mollibus vestiuntur, in domibus regum sunt. Sed quid existis videre? Prophetam? Etiam dico vobis, et plus quam Prophetam. Hic est enim de quo scriptum est : Ecce ego mitto Angelum meum ante faciem tuam, qui preparabit viam tuam ante te.

Credo.

Offertorium. Ps. 84. Deus, tu convertens vivificabis nos, et plebs tua lætabitur in te : ostende nobis, Domine, misericordiam tuam, et salutare tuum da nobis.

Secreta.

PLACARE, quæsumus, Domine, humilitatis nostræ precibus et hostiis : et ubi nulla suppetunt suffragia meritorum, tuis nobis succurre presidiiis. Per.

Alie Secretæ ut in Dom. I Advent. 2.

Communio. Bar. 4 et 5. Jerusalem, surge, et sta in excelso : et vide jucunditatem quæ veniet tibi a Deo tuo.

Postcommunio.

REPLÊTI cibo spiritalis alimonie, supplices te, Domine, deprecamur : ut hujus participacione mysterii, doceas nos terrena despiciere, et amare coelestia. Per Dominum.

Alie Postcommuniones ut in Dom. I Adventus. 3.

DOMINICA III ADVENTUS

Statio ad Sanctum Petrum.

Introitus. Philip. 4.

GAUDÊTE in Domino semper : iterum dico, gaudete. Modestia vestra nota sit omnibus hominibus : Dominus enim prope est. Nihil solliciti sitis ; sed in omni oratione petitiones vestre innotescant apud Deum. Ps. 84. Benedixisti, Domine, terram tuam : avertisti captivitatem Jacob. 7. Glôria. Gaudete.

Oratio.

AUREM tuam, quæsumus, Domine, precibus nostris accommoda : et mentis

nostræ tenebras gratia tuæ visitacionis illustra. Qui vivis.

Alie Orationes ut in Dom. I Adventus. 1.

Lectio Epistolæ beati Pauli Apostoli ad Philippenses. Cap. 4.

FRATRES, Gaudete in Domino semper : iterum dico, gaudete. Modestia vestra nota sit omnibus hominibus : Dominus prope est. Nihil solliciti sitis ; sed in omni oratione et obsecratione, cum gratiarum actione, petitiones vestre innotescant apud Deum. Et pax Dei, quæ exsuperat omnem sensum, custodiat corda vestra et intelligentias vestras, in Christo Jesu Domino nostro.

Graduale. Ps. 79. Qui sedes, Domine, super Chérubim, excita potentiam tuam, et veni. 7. Qui regis Israel, intende : qui deducis, velut ovem, Joseph.

Allelûia, allelûia. 7. Excita, Domine, potentiam tuam, et veni, ut salvos facias nos. Allelûia.



Sequentia sancti Evangelii secundum Joannem. Cap. 1.

In illo tempore : Misérunt Judæi ab Hierosolymis sacerdotes et levitas ad Joannem, ut interrogarent eum : Tu quis es? Et confessus est, et non negavit ; et confessus est : Quia non sum ego Christus. Et interrogaverunt eum : Quid ergo? Elías es tu? Et dixit : Non sum. Prophéta es tu? Et respondit : Non. Dixérunt ergo ei : Quis es, ut responsum demus his qui misérunt nos? Quid dicis de te ipso? Ait : Ego vox clamantis in deserto : Dirigite viam Domini, sicut dixit Isaías Prophéta. Et qui missi fuerant, erant ex pharisæis. Et interrogaverunt eum, et dixerunt ei : Quid ergo baptizas, si tu non es Christus, neque Elías, neque Prophéta? Respondit eis Joannes, dicens : Ego baptizo in aqua : médius autem vestrum stetit, quem vos nescitis. Ipse est qui post me venturus est, qui ante me factus est, cujus ego non sum dignus ut solvam ejus corrigiam calceamenti. Hæc in Bethánia facta sunt trans Jordánem, ubi erat Joannes baptizans. Credo.

Offertorium. Ps. 84. Benedixisti, Dó-

mine, terram tuam; avertisti captivitatem Jacob; remisisti iniquitatem plebis tuæ.

Secreta.

DEVOTIÓNIS nostræ tibi, quæsumus, Dómine, hóstia júgiter immolétur: quæ et sacri péragat institúta mystérii, et salutáre tuum in nobis mirabiliter operétur. Per Dóminum.

Aliae Secretæ ut in Dom. I Adventus. 2.

Communio. Is. 35. Dicite pusillánimis: Confortámini, et nolíte timére: ecce Deus noster véniet, et salvábit nos.

Postcommunio.

IMPLORÁMUS, Dómine, cleméntiam tuam: ut hæc divína subsidia, a vitiis expiátos ad festa ventúra nos præparent. Per Dóminum.

Aliae Postcommuniones ut in Dom. I Adventus. 3.

FERIA QUARTA

QUATUOR TEMPORUM ADVENTUS

Statio ad Sanctam Mariam Majorem.

Introitus. Is. 45.

RORÁTE, cœli, désuper, et nubes pluant Justum. Aperiátur terra, et gérmnet Salvatórem. Ps. 18. Cœli enarrant glóriam Dei: et ópera manuum ejus annúntiat firmaméntum. *Ÿ.* Glória Patri. Roráte.

Post Kyrie eléison, *immediate dicitur:*

Orémus. Flectámus génua. *R.* Leváte.

Oratio.

PRÆSTA, quæsumus, omnipotens Deus: ut redemptionis nostræ ventúra solémnitas, et præsentis nobis vitæ subsidia conferat, et æternæ beatitúdinis præmia largiátur. Per Dóminum.

Lectio Isaïæ Prophétæ. Cap. 2.

IN diébus illis: Dixit Isaías Prophéta: Erit in novíssimis diébus præparátus mons domus Dómini in vértice móntium: et elevábitur super colles, et fluent ad eum omnes gentes, et ibunt pópuli multi, et dicent: Veníte, et ascendámus ad montem Dómini, et ad domum Dei Jacob, et docébit nos vias suas, et ambulábitus

in sémitis ejus: quia de Sion exíbit lex, et verbum Dómini de Jerúsalem. Et judicábit gentes, et árguet pópulos multos: et conflábunt gládios suos in vómeres, et lanceas suas in falces: non levábit gens contra gentem gládium, nec exercebúntur ultra ad prælium. Domus Jacob, veníte, et ambulémus in lúmine Dómini Dei nostri.

Graduale. Ps. 23. Tóllite portas, príncipes, vestras: et elevámini, portæ æternáles: et introibit Rex glóriæ. *Ÿ.* Quis ascéndet in montem Dómini? aut quis stabit in loco sancto ejus? Innocens mánius et mundo corde.

Hic dicitur Ÿ. Dóminus vobíscum, sine Flectámus génua.

Oratio.

FESTÍNA, quæsumus, Dómine, ne tardáveris, et auxiliúm nobis supérnæ virtútis impénde: ut adventus tui consolatió nibus sublevéntur, qui in tua pietáte confidunt. Qui vivis.

Secunda Oratio de sancta Maria, tertia pro Ecclesia vel pro Papa. 1.

Lectio Isaïæ Prophétæ. Cap. 7.

IN diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audíte ergo, domus David: Numquid parum vobis est moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce Virgo concépiet, et páriet filium, et vocábitur nomen ejus Emmánuel: bútyrum et mel cómedet, ut sciát reprobáre malum, et eligere bonum.

Graduale. Ps. 144. Prope est Dóminus ómnibus invocántibus eum, ómnibus qui invocant eum in veritaté. *Ÿ.* Laudem Dómini loquétur os meum, et benedicat omnis caro nomen sanctum ejus.

Sequéntia sancti Evangélii secúndum Lucam. Cap. 1.

IN illo témpore: Missus est Angelus Gábriel a Deo in civitaté Galilææ, cui nomen Názareth, ad Virgínem desponsátam viro, cui nomen erat Joseph, de

domo David; et nomen Virginis, María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quæ cum audisset, turbáta est in sermóne ejus, et cogitabat qualis esset ista salutatio. Et ait Angelus ei: Ne timeas, María, invenisti enim grátiam apud Deum: ecce concipies in útero, et páries filium, et vocábis nomen ejus Jesum. Hic erit magnus, et Filius Altissimi vocábitur. Et dabit illi Dóminus Deus sedem David patris ejus: et regnabit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognosco? Et respondens Angelus, dixit ei: Spíritus sanctus supervéniet in te, et virtus Altissimi obumbrábit tibi. Ideoque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concepit filium in senectúte sua: et hic mensis sextus est illi quæ vocátur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secúndum verbum tuum.

Offertorium. Is. 33. Confortámini, et jam nolite timére: ecce enim Deus noster retribuet iudiciúm; ipse véniet, et salvos nos faciet.

Secreta.

ACCÉPTA tibi sint, quæsumus, Dómine, nostra jejúnia: quæ et expiándo nos tua grátia dignos efficiant, et ad sempitérna promissa perdúcant. Per Dóminum.

Secunda Secreta de sancta María, tertia pro Ecclesia vel pro Papa. 2.

Communio. Is. 7. Ecce Virgo concipiet et páriet filium, et vocábitur nomen ejus Emmánuel.

Postcommunio.

SALUTÁRIS tui, Dómine, múnere satiáti, supplices deprecámur: ut cujus lætámur gustu, renovémur efféctu. Per Dóminum.

Secunda Postcommunio de sancta María, tertia pro Ecclesia vel pro Papa. 3.

FERIA SEXTA

QUATUOR TEMPORUM ADVENTUS

Statio ad Sanctos duodecim Apostolos.

Introitus. Ps. 118.

PROPE es tu, Dómine, et omnes viæ tuæ v́ritas: initio cognóvi de testimóniis tuis, quia in ætérnum tu es. **Ps.** Beáti immaculáti in viá, qui ambulánt in lege Dómini. **ŷ.** Glória Patri. Prope es tu.

Oratio.

EXCITA, quæsumus, Dómine, poténtiam tuam, et veni: ut hi qui in tua pietáte confidunt, ab omni citius adversitáte liberéntur. Qui vivis.

Secunda Oratio de sancta María, tertia pro Ecclesia vel pro Papa. 1.

Lectio Isaíæ Prophætæ. Cap. 11.

HÆC dicit Dóminus Deus: Egrediétur virga de radice Jesse, et flos de radice ejus ascéndet. Et requiescet super eum spíritus Dómini: spíritus sapiéntiæ et intelléctus, spíritus consilii et fortitúdinis, spíritus sciéntiæ et pietátis; et replébit eum spíritus timóris Dómini. Non secúndum visionem oculórum iudicábit, neque secúndum auditum áurium árguet, sed iudicábit in justitia páuperes, et árguet in æquitáte pro mansuétis terræ: et percútiet terram virga oris sui, et spíritu labiórum suórum interficiet impium. Et erit justitia cingulum lumbórum ejus, et fides cinctórium renum ejus.

Graduale. Ps. 84. Osténde nobis, Dómine, misericórdiam tuam, et salutáre tuum da nobis. **ŷ.** Benedixisti, Dómine, terram tuam: avertisti captivitátem Jacob.



Sequéntia sancti Evangélíi secúndum Lucam. Cap. 1.

IN illo témpore: Exsúrgens María, ábiit in montána cum festinatóne, in civitátem Juda: et intrávit in domum Zachariæ, et salutávit Elisabeth. Et factum est, ut audivit salutatióem Mariæ Elisabeth, exsultávit infans in útero ejus: et repléta est Spíritu sancto Elisabeth: et exclamávit voce magna, et dixit: Benedicta tu

inter mulieres, et benedictus fructus ventris tui. Et unde hoc mihi, ut veniat mater Domini mei ad me? Ecce enim, ut facta est vox salutationis tuæ in auribus meis, exsultavit in gaudio infans in utero meo. Et beata quæ credidisti, quoniam perficiuntur ea quæ dicta sunt tibi a Domino. Et ait Maria : Magnificat anima mea Dominum, et exsultavit spiritus meus in Deo salutari meo.

Offertorium. Ps. 84. Deus, tu convertens vivificabis nos, et plebs tua lætabitur in te : ostende nobis, Domine, misericordiam tuam, et salutare tuum da nobis.

Secreta.

MUNERIBUS nostris, quæsumus, Domine, precibusque susceptis, et cœlestibus nos munda mysteriis, et clementer exaudi. Per Dominum.

Secunda Secreta de sancta Maria, tertia pro Ecclesia vel pro Papa. 2.

Communio. Zach. 14. Ecce Dominus veniet, et omnes Sancti ejus cum eo : et erit in die illa lux magna.

Postcommunio.

TUI nos, Domine, sacramenti libatio sancta restituet : et a vetustate purgatus, in mysterii salutaris faciat transire consortium. Per Dominum nostrum Jesum Christum Filium tuum.

Secunda Postcommunio de sancta Maria, tertia pro Ecclesia vel pro Papa. 3.

SABBATO

QUATUOR TEMPORUM ADVENTUS

Statio ad Sanctum Petrum.

Introitus. Ps. 79.

VENI, et ostende nobis faciem tuam, Domine, qui sedes super Cherubim : et salvi erimus. Ps. Qui regis Israel, intende : qui deducis, velut ovem, Joseph. Ț. Glória Patri. Veni.

Post Kyrie elêison, dicitur Orémus. Flectamus genua. Ț. Levate.

Oratio.

DEUS, qui conspicias quia ex nostra pravitate affligimur : concede propitius ; ut ex tua visitatione consolémur. Qui vivis et regnas.

Lectio Isaïæ Prophætæ. Cap. 19.

IN diebus illis : Clamabunt ad Dominum a facie tribulantis, et mittet eis salvatorem et propugnatorem qui liberet eos. Et cognoscetur Dominus ab Ægypto, et cognoscent Ægyptii Dominum in die illa, et colent eum in hostiis et in munerationibus, et vota vovebunt Domino, et solvent. Et percutiet Dominus Ægyptum plaga, et sanabit eam : et revertentur ad Dominum, et placabitur eis, et sanabit eos Dominus Deus noster.

Graduale. Ps. 18. A summo cœlo egressio ejus, et occursus ejus usque ad summum ejus. Ț. Cœli enarrant gloriā Dei, et opera manuum ejus annuntiat firmamentum.

Orémus. Flectamus genua. Ț. Levate.

Oratio.

CONCEDE, quæsumus, omnipotens Deus : ut qui sub peccati jugo ex vetusta servitute deprimumur, expectata unigeniti Filii tui nova novitate liberemur. Qui tecum vivit.

Lectio Isaïæ Prophætæ. Cap. 35.

HÆC dicit Dominus : Lætabitur deserta et inſvia ; et exsultabit solitudo, et florēbit quasi lilium. Germinans germinabit, et exsultabit letabunda et laudans : glória Libani data est ei : decor Carmeli et Saron ; ipsi videbunt gloriā Domini, et decorem Dei nostri. Confortate manus dissolutas, et gēnuā debilia roborate. Dicite pusillānims : Confortamini, et nolite timere : ecce Deus vester ultionem adducet retributionis : Deus ipse veniet, et salvabit vos. Tunc aperientur oculi cæcorum, et aures surdorum patēbunt. Tunc saliet sicut cervus claudus, et aperta erit lingua mutorum : quia scissæ sunt in deserto aquæ, et torrēntes in solitudine. Et quæ erat arida, erit in stagnum, et sitiens in fontes aquarum : ait Dominus omnipotens.

Graduale. Ps. 18. In sole posuit tabernaculum suum, et ipse tamquam sponsus procedens de thalamo suo. Ț. A summo cœlo egressio ejus, et occursus ejus usque ad summum ejus.

Orémus. Flectamus genua. Ț. Levate.

Oratio.

INDIGNOS nos, quæsumus, Dómine, fámulos tuos, quos actiónis próprie culpa contristat, unigéniti Filii tui adventu lætifica. Qui tecum vivit.

Lectio Isaïæ Prophætæ. Cap. 40.

HÆC dicit Dóminus : Super montem excelsum ascende tu, qui evangelizas Sion : exalta in fortitudine vocem tuam, qui evangelizas Jerúsalem : exalta, noli timére. Dic civitatibus Juda : Ecce Deus vester, ecce Dóminus Deus in fortitudine veniet, et bráchium ejus dominabitur; ecce merces ejus cum eo, et opus illius coram illo. Sicut pastor gregem suum pascet; in bráchio suo congregabit agnos, et in sinu suo levabit Dóminus Deus noster.

Graduale. Ps. 79. Dómine Deus virtutum, converte nos, et ostende faciem tuam, et salvi érimus. *ŷ.* Excita, Dómine, potentiam tuam, et veni, ut salvos facias nos.

Orémus. Flectámus génua. *Ŕ.* Leváte.

Oratio.

PRÆSTA, quæsumus, omnipotens Deus : ut Filii tui ventúra solémnitas, et præséntis nobis vitæ remédia cónferat, et præmia æternæ concédât. Per eúdem Dóminum.

Lectio Isaïæ Prophætæ. Cap. 43.

HÆC dicit Dóminus christo meo Cyro, cujus apprehénderi dexteram, ut subjiçiam ante faciem ejus gentes, et dorsa regum veritam, et apériam coram eo jánuas, et portæ non claudéntur. Ego ante te ibo, et gloriósos terræ humiliábo; portas areas cónteram, et vectes férreos confringam. Et dabo tibi thesauros absconditos, et arcána secretórum : ut scias quia ego Dóminus, qui voco nomen tuum, Deus Israel. Propter servum meum Jacob, et Israel electum meum, et vocávi te nómine tuo, assimilávi te, et non cognovisti me. Ego Dóminus, et non est ámplius; extra me non est Deus. Accínxi te, et non cognovisti me : ut sciant hi qui ab ortu solis, et qui ab occidente, quóniam absque me non est. Ego Dóminus, et non est alter, formans lucem, et

creans ténebras, faciens pacem, et creans malum : ego Dóminus faciens ómnia hæc. Roráte, cœli, désuper, et nubes pluant Justum : aperiátur terra, et gérmínet Salvátorem; et justitia oriátur simul : ego Dóminus creávi eum.

Graduale. Ps. 79. Excita, Dómine, potentiam tuam, et veni, ut salvos facias nos. *ŷ.* Qui regis Israel, inténde : qui dedúcis, velut ovem, Joseph : qui sedes super Chérubim, appáre coram Ephraim, Bénjamin et Manásse.

Orémus. Flectámus génua. *Ŕ.* Leváte.

Oratio.

PRECES pópuli tui, quæsumus, Dómine, cleménter exáudi : ut qui juste pro peccátis nostris affligimur, pietátis tuæ visitatióne consolémur. Qui vivis.

Lectio Daniélis Prophætæ. Cap. 3.

IN diébus illis : Angelus Dómini descendit cum Azaria et sóciis ejus in fornacem : et excússit flammam ignis de fornace, et fecit médium fornacis quasi ventum roris flantem. Flamma autem effundebátur super fornacem cubitis quadraginta novem; et erúpit, et incéndit quos réperit juxta fornacem de Chaldæis ministros regis, qui eam incendébant. Et non tétigit eos omníno ignis, neque contristávit, nec quidquam moléstie intulit. Tunc hi tres quasi ex uno ore laudábant, et glorificábant, et benedicébant Deum in fornace, dicéntes :

Hic non respondetur Deo grátias.

Hymnus. Dan. ibid.

BENEDICTUS es, Dómine Deus patrum nostrórum. Et laudábilis et gloriósus in sæcula.

Et benedictum nomen glóriæ tuæ, quod est sanctum. Et laudábile et gloriósum in sæcula.

Benedictus es in templo sancto glóriæ tuæ. Et laudábilis et gloriósus in sæcula.

Benedictus es super thronum sanctum regni tui. Et laudábilis et gloriósus in sæcula.

Benedictus es super sceptrum divinitátis tuæ. Et laudábilis et gloriósus in sæcula.

Benedictus es qui sedes super Chéru-

bim, intuens abyssos. Et laudábilis et gloriósus in sæcula.

Benedictus es, qui ámbulas super pen-
nas ventórum et super undas maris. Et
laudábilis et gloriósus in sæcula.

Benedicant te omnes Angeli et Sancti
tui. Et laudent te et glorificent in sæcula.

Benedicant te cœli, terra, mare, et
omnia quæ in eis sunt. Et laudent te et
glorificent in sæcula.

Glória Patri, et Filio, et Spíritui san-
cto. Et laudábilis et glorióso in sæcula.

Sicut erat in principio, et nunc, et
semper, et in sæcula sæculórum. Amen.
Et laudábilis et glorióso in sæcula.

Benedictus es, Dómine Deus patrum
nostrórum. Et laudábilis et gloriósus in
sæcula.

Hic dicitur *ŷ.* Dóminus vobiscum, *sine*
Flectámus génua.

Oratio.

DEUS, qui tribus púeris mitigásti flam-
mas ignium : concéde propítius ; ut
nos fánulos tuos non exúrat flamma vi-
tiórum. Per Dóminum.

*Secunda Oratio de sancta Maria, tertia
pro Papa vel pro Ecclesia. 1.*

Léctio Epístolæ beáti Pauli Apóstoli
ad Thessalonicensés. *II Thess. 2.*

FRATRES, Rogámus vos per advéntum
Dómini nostri Jesu Christi, et no-
stræ congregatiónis in ipsum : ut non
cito moveámini a vestro sensu, neque
per sermónem, neque per epístolam tam-
quam per nos missam, quasi instet dies
Dómini. Ne quis vos sedúcat ullo modo :
quóniam nisi vénerit discéssio primum,
et revelátus fúerit homo peccáti, filius
perditiónis, qui adversátur et extóllitur
supra omne quod dicitur Deus, aut quod
cólitur, ita ut in templo Dei sédeat,
osténdens se tamquam sit Deus. Non re-
tinétis quod, cum adhuc essem apud vos,
hæc dicébam vobis ? Et nunc quid deti-
neat scitis, ut revelétur in suo témpore.
Nam mystérium jam operátur iniquitátis,
tantum ut qui tenet nunc, téneat, donec
de médio fiat. Et tunc revelábitur ille
iníquus, quem Dóminus Jesus interficiet

spíritu oris sui, et déstruet illustratióne
advéntus sui.

Tractus. Ps. 79. Qui regis Israel,
inténde, qui dedúcis, velut ovem, Jo-
seph. *ŷ.* Qui sedes super Chérubim, ap-
páre coram Ephraim, Bénjamin et Ma-
násse. *ŷ.* Excita, Dómine, poténtiam
tuam, et veni : ut salvos fácias nos.



Sequéntia sancti Evangélii secún-
dum Lucam. *Cap. 3.*

ANNO quintodécimo impérii Tibérii
Cæsaris, procuránte Póntio Piláto
Judæam, tetrárcha autem Galilææ He-
róde, Philippo autem fratre ejus tetrár-
cha Iturææ et Trachonítidis regiónis, et
Lysánia Abilínæ tetrárcha, sub principi-
bus sacerdotum Anna et Cáipha : factum
est verbum Dómini super Joánnem, Za-
charíæ filium, in desérto. Et venit in
omnem regiónem Jordánis, prædicans
baptísmum pœnitentiæ in remissionem
peccatórum ; sicut scriptum est in libro
sermónum Isaíæ Prophétæ : Vox clamán-
tis in desérto : Paráte viam Dómini, re-
ctas fácite sémitas ejus : omnis vallis
implebitur, et omnis mons et collis hu-
miliábitur ; et erunt prava in dirécta, et
áspera in vias planas : et vidébit omnis
caro salutáre Dei.

Offertorium. Zach. 9. Exsulta satis,
filia Sion ; prædica, filia Jerúsalem : ecce
Rex tuus venit tibi sanctus et salvátor.

Secreta.

SACRIFICIIS præsentibus, quæsumus,
Dómine, placátus inténde : ut et de-
votióni nostræ proficiant, et salúti. Per.

*Secunda Secreta de sancta Maria, ter-
tia pro Papa vel pro Ecclesia. 2.*

Communio. Ps. 18. Exsultávit ut gi-
gas ad curréndam viam ; et summo cœlo
egréssio ejus, et occúrsus ejus usque ad
summum ejus.

Postcommunio.

QUESUMUS, Dómine Deus noster : ut
sacrosáncta mystéria quæ pro repa-
ratiónis nostræ munimine contulisti ; et
præsens nobis remédiu[m] esse fácias, et
futúrum. Per Dóminum.

*Secunda Postcommunio de sancta Ma-
ria, tertia pro Papa vel pro Ecclesia. 1.*

DOMINICA IV ADVENTUS

Statio ad Sanctos Duodecim Apostolos.

Introitus. Is. 43.

RORÁTE, coeli, désuper, et nubes pluant Justum : aperiátur terra, et gérmínet Salvátorem. Ps. 48. Coeli enarrant glóriam Dei : et ópera mánuum ejus annúntiát firmaméntum. *Ÿ. Glória Patri. Roráte.*

Oratio.

EXCITA, quæsumus, Dómine, poténtiam tuam, et veni, et magna nobis virtúte succúrre : ut per auxilium grátiae tuæ, quod nostra peccáta præpédiunt, indulgéntia tuæ propitiatiónis accéleret. Qui vivis.

Aliæ Orationes ut in Dom. I Advent. 1.

Lectio Epístolæ beáti Pauli Apóstoli ad Corinthios. I Cor. 4.

FRATRES, Sic nos exístimet homo ut ministros Christi, et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi autem pro mínimo est ut a vobis júdicei, aut ab humáno die : sed neque meipsum júdico. Nihil enim mihi cóncius sum ; sed non in hoc justificátus sum : qui autem júdicat me, Dóminus est. Itaque nolite ante tempus judicáre, quoadúsque véniat Dóminus : qui et illuminábit abscondita tenebrárum, et manifestábit consilia córdium : et tunc laus erit unicuique a Deo.

Graduale. Ps. 144. Prope est Dóminus ómnibus invocántibus eum, ómnibus qui invocant eum in veritáte. *Ÿ. Laudem Dómini loquétur os meum : et benedicat ómnis caro nomen sanctum ejus.*

Allelúia, allelúia. *Ÿ. Veni, Dómine, et noli tardáre : reláxa facinora plebis tuæ Israel. Allelúia.*



Sequéntia sancti Evangélíi secúndum Lucam. Cap. 3.

ANNO quintodécimo impérii Tibérii Cæsaris, procuránte Póntio Piláto Judæam, tetrárcha autem Galilææ Heróde, Philippo autem fratre ejus tetrárcha Iturææ et Trachonítidis regiónis, et Lysánia Abilínæ tetrárcha, sub principi-

bus sacerdotum Anna et Cáípha : factum est verbum Dómini super Joánnem, Zachariæ filium, in desérto. Et venit in omnem regióne Jordánis, prædicans baptismum pœnitentiæ in remissióne peccátorum, sicut scriptum est in libro sermónum Isaíæ Prophète : Vox clamántis in desérto : Paráte viam Dómini : rectas fácite sémitas ejus : omnis vallis implébitur, et omnis mons et collis humiliábitur ; et erunt prava in directá, et áspera in vias planas : et vidébit omnis caro salutáre Dei. Credo.

Offertorium. Luc. 1. Ave, María, grátia plena : Dóminus tecum : benedicta tu in muliéribus, et benedictus fructus ventris tui.

Secreta.

SACRIFICIIS præsentibus, quæsumus, Dómine, placátus inténde : ut et devotióni nostræ proficiant, et salúti. Per.

Aliæ Secretæ ut in Dom. I Advent. 2.

Communio. Is. 7. Ecce Virgo concipiet, et páriet filium : et vocábitur nomen ejus Emmánuel.

Postcommunio.

SUMPTIS munéribus, quæsumus, Dómine : ut cum frequentatióne mystérii crescat nostræ salútis efféctus. Per.

Aliæ Postcommuniones ut in Dominica I Adventus. 3.

¶ Si Vigilia Nativitatis Domini venerit in Dominica, totum Officium Missæ fit de Vigilia, cum Commemoratione Dominicæ ; sed non legitur ejus Evangelium in fine.

IN VIGILIA NATIVITATIS DOMINI

Statio ad Sanctam Mariam Majorem.

Introitus. Exod. 16.

HÓDIE sciétis quia véniet Dóminus, et salvábit nos ; et mane vidébitis glóriam ejus. Ps. 23. Dómini est terra et plenitúdo ejus : orbis terrárum, et univérsti qui hábitant in eo. *Ÿ. Glória Patri. Hódie.*

Oratio.

DEUS, qui nos redemptionis nostræ ánnua exspectatióne lætificas : præsta ; ut Unigénitum tuum, quem Redemptórem læti suscépimus, veniéntem quoque

júdicem secúri videámus, Dóminum nostrum Jesum Christum Filium tuum. Qui tecum vivit.

Et dicitur hæc Oratio tantum, nisi Vigilia venerit in Dominica.

Lectio Epístolæ beáti Pauli Apóstoli ad Romános. Cap. 1.

PAULUS, servus Jesu Christi, vocátus Apóstolus, segregátus in Evangelium Dei, quod ante promiserat per Prophétas suos in scriptúris sanctis de Filio suo, qui factus est ei ex sémine David secúndum carnem, qui prædestinátus est Filius Dei in virtúte secúndum spíritum sanctificatiónis, ex resurrectione mortuórum Jesu Christi Dómini nostri; per quem accépiamus grátiam et apostolátum, ad obediendum fidei in ómnibus géntibus, pro nómine ejus, in quibus estis et vos vocáti Jesu Christi Dómini nostri.

Graduale. Exod. 16. Hódie sciétis quia véniet Dóminus, et salvábit nos; et mane vidébitis glóriam ejus. ̃. Ps. 79. Qui regis Israel, inténde : qui dedúcis, velut ovem, Joseph : qui sedes super Chérubim, appáre coram Ephraim, Bénjamin et Manásse.

Non dicitur Allelúia cum sequenti ̃., nisi hæc Vigilia venerit in Dominica.

Allelúia, allelúia. ̃. Crástina die delébitur iniquitas terræ, et regnábit super nos Salvátor mundi. Allelúia.



Sequéntia sancti Evangelii secúndum Matthæum. Cap. 1.

CUM esset desponsáta mater Jesu María Joseph, ántequam convenírent, in-

venta est in útero habens de Spíritu sancto. Joseph autem, vir ejus, cum esset justus, et nollet eam tradúcere, vóluit occúlte dimittere eam. Hæc autem eo cogitánte, ecce Angelus Dómini appáruit in somnis ei, dicens : Joseph, fili David, noli timére accépere Mariám cónjugem tuam; quod enim in ea natum est, de Spíritu sancto est. Páriet autem filium, et vocábis nomen ejus Jesum : ipse enim salvum fáciét pópulum suum a peccátis eórum.

Offertorium. Ps. 23. Tóllite portas, principes, vestras : et elevámini, portæ æternáles : et introibit Rex glóriæ.

Secreta.

DA nobis, quæsumus, omnipotens Deus, ut sicut adoránda Filii tui natalítia prævenimus, sic ejus múnera capiamus sempitérna gaudéntes. Qui tecum vivit.

Communio. Is. 40. Revelábitur glória Dómini, et vidébit omnis caro salutáre Dei nostri.

Postcommunio.

DA nobis, quæsumus, Dómine, unigéniti Filii tui recensita nativitate respiráre, cujus cœlésti mystério páscimur et potámur. Per eúmdem Dóminum.

¶ Sacerdos, quoniam in die Natalis Domini celebrat tres Missas, in prima et secunda Missa non sumat purificationem, sed in tertia Missa tantum : et in prima et secunda abluat digitos in aliquo vase mundo.



IN NATIVITATE DOMINI

AD PRIMAM MISSAM IN NOCTE
*Statio ad Sanctam Mariam Majorem
ad Præsepe.*

Introitus. Ps. 2



DÓMINUS dixit ad me :
Filius meus es tu,
ego hódie génui te.
Ps. Quare fremué-
runt gentes, et pó-
puli meditáti sunt
inánia? **Ÿ.** Glória
Patri. Dóminus dixit

ad me.

Oratio.

DEUS, qui hanc sacratíssimam noctem
veri lúminis fecísti illustratióne claré-
scere : da, quæsumus ; ut ejus lucis my-
stéria in terra cognóvimus, ejus quoque
gáudiis in celo perfruámur. Qui tecum.

Lectio Epistolæ beáti Pauli Apóstoli
ad Titum. Cap. 2.

CHARÍSSIME, Appáruit grátia Dei Sal-
vatóris nostri ómnibus homínibus,
erúdiens nos, ut abnegántes impietátem
et sæculária desidéria, sóbrie, et juste,
et pie vivámus in hoc sæculo, exspe-
ctántes beátam spem, et advéntum gló-
riæ magni Dei, et Salvatóris nostri Jesu
Christi : qui dedit semetípsum pro nobis,
ut nos redímeret ab omni iniquitáte, et
mundáret sibi pópulum acceptábilem,
sectatórem bonórum óperum. Hæc ló-
quere et exhortáre, in Christo Jesu Dó-
mino nostro.

Graduale. Ps. 109. Tecum princípium
in die virtútis tuæ, in splendoribus San-
ctorum : ex útero ante lucíferum génui
te. **Ÿ.** Dixit Dóminus Dómino meo : Sede
a dextris meis, donec ponam inimicos
tuos scabéllum pedum tuórum.

Allelúia, allelúia. **Ÿ.** Ps. 2. Dóminus

dixit ad me : Filius meus es tu, ego hódie
génui te. Allelúia.



Sequentia sancti Evangelii secun-
dum Lucam. Cap. 2.

IN illo témpore : Exiit edictum a Cæsare
Augústo, ut describerétur univérsum
orbis. Hæc descriptio prima facta est a
præsidente Syriæ Cyríno ; et ibant omnes, ut
profiteréntur singuli in suam civitátem.
Ascéndit autem et Joseph a Galilæa, de
civitáte Náza-reth, in Judæam, in civitá-
tem David, quæ vocátur Bét-hle-hem, eo
quod esset de domo et familia David, ut
profiterétur cum Maria desponsáta sibi
uxóre prægnánte. Factum est autem,
cum essent ibi, impléti sunt dies ut páre-
ret. Et péperit filium suum primogéni-
tum, et pannis eum invólvit, et recliná-
vit eum in præsépio ; quia non erat eis
locus in diversório. Et pastóres erant in
regióne eádem vigilátes, et custodiéntes
vigilias noctis super gregem suum. Et
ecce Angelus Dómini stetit juxta illos, et
cláritas Dei circumfúlsit illos ; et timué-
runt timóre magno. Et dixit illis Ange-
lus : Nolíte timére : ecce enim evangelizó
vobis gáudium magnum, quód erit omni
pópulo : quia natus est vobis hódie Sal-
vátor, qui est Christus Dóminus, in civi-
táte David. Et hoc vobis signum : Inve-
niétis infántem pannis involútum, et
pósitum in præsépio. Et súbito facta est
cum Angelo multitúdo militiæ cœléstis,
laudántium Deum, et dicéntium : Glória
in altíssimis Deo, et in terra pax homi-
nibus bonæ voluntátis. Credo.

Offertorium. Ps. 95. Læténtur cœli,
et exsúltet terra ante faciém Dómini,
quóniam venit.

Secreta.

ACCÉPTA tibi sit, Dómine, quæsumus,
hodiérnæ festivitátis oblátio : ut, tua

grátia largiēte, per hæc sacrosáncta commérchia in illús inveniámur forma, in quo tecum est nostra substántia. Qui tecum vivit.

Prefatio de Nativitate. Quia per incarnáti Verbi mystérium.

Et dicitur quotidie usque ad Epiphaniam, præterquam in die Octava S. Joannis.

Infra actionem : Communicántes, et noctem sacratissimam celebrántes, etc.

Et dicitur quotidie usque ad Octavam Nativitatis inclusive; sed in hac Missa tantum dicitur noctem, deinceps vero diem.

Communio. Ps. 109. In splendóribus Sanctórum, ex útero ante luciferum génni te.

Postcommunio.

DA nobis, quæsumus, Dómine Deus noster : ut qui nativité Dómini nostri Jesu Christi mystériis nos frequentare gaudémus, dignis conversatióibus ad ejus mereámur pervenire consórtium. Qui tecum.

¶ **Debet Sacerdos, etiam ante sequentes Missas, Confessionem dicere, et in fine cujuslibet populo benedicere, et Evangelium S. Joannis : In principio erat Verbum, etc., legere.**

Post tertiam vero Missam, loco prædicti Evangelij, dicitur Evangelium : Cum natus esset Jesus in Bétlehem Juda, etc., quod habetur in Epiphania. 30.

AD SECUNDAM MISSAM IN AURORA

Statio ad Sanctam Anastasiam.

Introitus. Is. 9.

Lux fulgēbit hódie super nos, quia natus est nobis Dóminus : et vocábitur Admirábilis, Deus, Princeps pacis, Pater futúri sæculi; ejus regni non erit finis. Ps. 92. Dóminus regnávít, decórem indútus est : indútus est Dóminus fortitúdinem, et præcínxit se. ̃. Glória Patri. Lux fulgēbit.

Oratio.

DA nobis, quæsumus, omnípotens Deus: ut qui nova incarnáti Verbi tui luce perfúndimur, hoc in nostro resplédeat

ópere, quod per fidem fulget in mente. Per eúndem Dóminum.

Pro Commem. sanctæ Anastasiæ.

Oratio.

DA, quæsumus, omnípotens Deus : ut qui beátæ Anastasiæ, Mártiris tuæ, solémnia cólimus, ejus apud te patrocinia sentiámus. Per Dóminum.

Lectio Epistolæ beáti Pauli Apóstoli ad Titum. Cap. 3.

CHARÍSSIME, Appáruit benignitas et humaníssimæ Salvatóris nostri Dei : non ex opéribus justitiæ, quæ fécimur nos, sed secúndum suam misericórdiam salvos nos fecit per lavácrum regeneratióis et renovatióis Spíritus sancti, quem effúdit in nos abúnde per Jesum Christum Salvátorem nostrum : ut justificáti grátia ipsíus, hærédes simus secúndum spem vitæ æternæ, in Christo Jesu Dómino nostro.

Graduale. Ps. 117. Benedíctus qui venit in nómine Dómini : Deus Dóminus, et illúxit nobis. ̃. A Dómino factum est istud, et est mirábile in óculis nostris.

Allelúia, allelúia. ̃. Ps. 92. Dóminus regnávít, decórem indúit : indúit Dóminus fortitúdinem, et præcínxit se virtúte. Allelúia.



Sequéntia sancti Evangelij secúndum Lucam. Cap. 2.

In illo témpore : Pastóres loquebántur ad invicem : Transeámus usque Bétlehem, et videámus hoc verbum quod factum est, quod Dóminus osténdit nobis. Et venérunt festinántes : et invenérunt Mariam, et Joseph, et infántem pósitum in præsepío. Vidéntes autem cognovérunt de verbo quod dictum erat illis de púero hoc. Et omnes qui audiérunt miráti sunt, et de his quæ dicta erant a pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes et laudántes Deum, in ómnibus quæ audierant et víderant, sicut dictum est ad illos. Credo.

Offertorium. Ps. 92. Deus firmávít orbem terræ, qui non commovébitur : paráta sedes tua, Deus, ex tunc, a sæculo tu es.

Secreta.

MÚNERA nostra, quæsumus, Dómine, nativitátis hodiernæ mystériis apta provéniant, et pacem nobis semper infúndant : ut sicut homo génitus idem refúlsit et Deus, sic nobis hæc terréna substántia cónferat quod divinum est. Per eúndem Dóminum.

De sancta Anastasia.

Secreta.

ACCIPE, quæsumus, Dómine, múnera dignánter oblata : et beátæ Anastásiæ, Mártýris tuæ, suffragántibus méritis, ad nostræ salutis auxilium provenire concéde. Per Dóminum.

Præfatio et Communicantes ut supra in prima Missa.

Communio. Zach. 9. Exsulta, filia Sion ; lauda, filia Jerúsalem : ecce Rex tuus venit sanctus, et salvátor mundi.

Postcommunio.

HUJUS nos, Dómine, sacraménti semper nóvitas natális instáuret : ejus nativitas singuláris humánam répulit vestustátem. Per eúndem Dóminum.

De sancta Anastasia.

Postcommunio.

SATIÁSTI, Dómine, familiam tuam munéribus sacris : ejus, quæsumus, semper intervenciónē nos réfove, ejus solémnia celebrámus. Per Dóminum.

AD TERTIAM MISSAM

IN DIE NATIVITATIS DOMINI

Statio ad Sanctam Mariam Majorem.

Introitus. Is. 9.

PUER natus est nobis, et filius datus est nobis ; ejus impérium super húmerum ejus ; et vocábitur nomen ejus magni consilii Angelus. Ps. 97. Cantáte Dómino cánticum novum, quia mirabilia fecit. ̎. Glória. Puer.

Oratio.


CONCÉDE, quæsumus, omnipotens Deus : ut nos Unigéniti tui nova per carnem nativitas liberet, quos sub peccáti jugo vetústa sérvitus tenet. Per eúndem Dóminum.

Lectio Epístolæ beáti Pauli Apóstoli ad Hebræos. Cap. 1.

MULTIFÁRIAM, multisque modis olim Deus loquens pátribus in Prophétis : novíssime díebus istis locútus est nobis in Filio, quem constituit hærédem universórum, per quem fecit et sæcula. Qui cum sit splendor glóriæ, et figúra substántiæ ejus, portánsque ómnia verbo virtútis suæ, purgatióne peccatórum faciēns, sedet ad dexteram majestátis in excélsis : tanto mélior Angelis effectus, quanto differentius præ illis nomen hæreditávit. Cui enim dixit aliquándo Angelórum : Filius meus es tu, ego hódie génui te ? Et rursum : Ego ero illi in Patrem, et ipse erit mihi in Filium ? Et cum íterum introducit primogénitum in orbem terræ, dicit : Et adórent eum omnes Angeli Dei. Et ad Angelos quidem dicit : Qui facit Angelos suos spíritus, et minístros suos flammam ignis. Ad Filium autem : Thronus tuus, Deus, in sæculum sæculi : virga æquitátis, virga regni tui. Dilexisti justitiam, et odisti iniquitátem : propterea unxit te, Deus, Deus tuus óleo exsultatiónis præ participibus tuis. Et : Tu in principio, Dómine, terram fundásti ; et ópera mánuum tuárum sunt cœli. Ipsi peribunt, tu autem permanébis ; et omnes ut vestiméntum veteráscēt, et velut amíctum mutábis eos, et mutabúntur ; tu autem idem ipse es, et anni tui non deficient.

Graduale. Ps. 97. Vidérunt omnes fines terræ salutáre Dei nostri : jubilate Deo, omnis terra. ̎. Notum fecit Dóminus salutáre suum : ante conspéctum géntium revelávit justitiam suam.

Allelúia, allelúia. ̎. Dies sanctificátus illúxit nobis. Veníte, gentes, et adoráte Dóminum : quia hódie descéndit lux magna super terram. Allelúia.

 Ínitium sancti Evangélíi secúndum Joánnem. Cap. 1.

IN principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt, et sine ipso factum est nihil quod factum est. In ipso vita

erat, et vita erat lux hóminum; et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joáunes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hóminem venientem in hunc mundum. In mundo erat, et mundus non per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestatem filios Dei fieri : his qui credunt in nómine ejus; qui non ex sanguinibus, neque ex voluntate carnis, neque ex voluntate viri, sed ex Deo nati sunt. (*Hic genuflectitur.*) Et Verbum caro factum est, et habitávit in nobis : et vídimus glóriam ejus, glóriam quasi Unigéniti a Patre, plenum grátie et veritátis. Credo.

Offertorium. Ps. 88. Tui sunt cœli, et tua est terra; orbem terrárum et plenitudinem ejus tu fundásti : justítia et judícium præparatio sedis tuæ.

Secreta.

OBLATA, Dómine, múnera, nova Unigéniti tui nativité sanctifica : nosque a peccatórum nostrórum máculis emúnda. Per eúmdem Dóminum.

Præfatio et Communicantes ut supra in prima Missa.

Communio. Ps. 97. Vidérunt omnes fines terræ salutáre Dei nostri.

Postcommunio.

PRÆSTA, quæsumus, omnipotens Deus : ut natus hódie Salvátor mundi, sicut divínæ nobis generatiónis est auctor; ita et immortalitátis sit ipse largitor. Qui tecum vivit.

IN FESTO S. STEPHANI

PROTOMARTYRIS

*Statio ad Sanctum Stephanum
in Cœlio monte.*

Introitus. Ps. 118.

SEDÉRUNT principes, et advérsus me loquebántur; et iniqui persecúti sunt me : ádjuva me, Dómine Deus

meus, quia servus tuus exercebátur in tuis justificatióibus. **Ps.** Beátí immaculáti in via, qui ámbulant in lege Dómini.

Ÿ. Glória Patri. Sedérunt.

Oratio.

DA nobis, quæsumus, Dómine, inimitari quod cólimus, ut discámus et inimicos diligere : quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Filium tuum. Qui tecum vivit.

Et fit Commemoratio de Nativitate.

Oratio.

CONCÉDE, quæsumus, omnipotens Deus : ut nos Unigéniti tui nova per carnem nativitas liberet, quos sub peccáti jugo vetústa sérvitus tenet. Per eúmdem Dóminum.

Lectio Actuum Apostolórum.

Cap. 6 et 7.

IN díebus illis : Stéphanus, plenus grátia et fortitúdine, faciébatur prodigia et signa magna in pópulo. Surrexérunt autem quidam de synagóga quæ appellátur Libertinórum, et Cyrenénsium, et Alexandrinórum, et eórum qui erant a Cilícia et Asia, disputántes cum Stéphano; et non póterant resistere sapiéntiæ, et Spíritui, qui loquebátur. Audiéntes autem hæc, dissecabántur córdibus suis, et stridébant déntibus in eum. Cum autem esset Stéphanus plenus Spíritu sancto, inténdens in cælum, vidit glóriam Dei, et Jesum stantem a dextris Dei. Et ait : Ecce video cœlos apértos, et Filium hóminis stantem a dextris Dei. Exclamántes autem voce magna, continuérunt aures suas, et ímpetum fecérunt unanimiter in eum. Et ejiciéntes eum extra civitatem, lapidábant. Et testes deposuérunt vestiménta sua secus pedes adolescéntis qui vocabátur Saulus. Et lapidábant Stéphanum invocántem, et dicéntem : Dómine Jesu, súscipe spíritum meum. Pósitis autem génibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino.

Graduale. Ps. 118. Sedérunt prin-

cipes, et advērsus me loquebāntur, et iniqui persecūti sunt me. **Ÿ.** Adjuva me, Dómine Deus meus; saluum me fac propter misericórdiam tuam.

Allelúia, allelúia. **Ÿ.** Act. 7. Vídeo cœlos apértos, et Jesum stantem a dextris virtútis Dei. Allelúia.



Sequētia sancti Evangélíi secūndum Matthæum. Cap. 23.

In illo témpore : Dicebat Jesus scribis et pharisæis : Ecce ego mitto ad vos Prophétas, et sapientes, et scribas; et ex illis occidétis et crucifigétis, et ex eis flagellábitis in synagógis vestris, et persecuémini de civitatē in civitatē : ut véniat super vos omnis sanguis justus qui effusus est super terram, a ságuine Abel justí usque ad ságuinem Zachariæ, filii Barachiæ, quem occidistis inter templum et altáre. Amen dico vobis, vénient hæc ómnia super generatióem istam. Jerúsalem, Jerúsalem, quæ occidis Prophétas, et lápidas eos qui ad te missi sunt, quóties volúi congregáre filios tuos, quemádmódum gallína cóngregat pullos suos sub alas, et noluisti ! Ecce relinqueretur vobis domus vestra desérta. Dico enim vobis, non me vidébitis ámodo, donec dicátis : Benedíctus qui venit in nómine Dómini. Credo.

Offertorium. Act. 6 et 7. Elegérunt Apóstoli Stéphanum Levítam, plenum fide et Spíritu sancto, quem lapidavérunt Judæi orántem, et dicéntem : Dómine Jesu, áccipe spiritum meum, allelúia.

Secreta:

SÚSCIBE, Dómine, múnera, pro tuórum commemoratióne Sanctórum : ut sicut illos pássio gloriósos effécit, ita nos devótió reddat innócuos. Per Dóminum nostrum.

De Nativitate. Secreta.

OBLATA, Dómine, múnera, nova Unigéniti tui nativitatē sanctifica : nosque a peccatórum nostrórum máculis emúnda. Per eúndem Dóminum.

Communio. Act. 7. Vídeo cœlos apértos, et Jesum stantem a dextris virtútis Dei : Dómine Jesu, áccipe spiritum meum, et ne státuas illis hoc peccátum.

Postcommunio.

AUXILIÉNTUR nobis, Dómine, sumpta mystéria : et intercedénte beáto Stéphanano, Mártire tuo, sempitérna protectiōe confirmet. Per Dóminum.

De Nativitate. Postcommunio.

PRESTA, quæsumus, omnipotens Deus : ut natus hódie Salvátor mundi, sicut divínæ nobis generatiōis est auctor : ita et immortalitátis sit ipse largitor. Qui tecum vivit.

IN FESTO S. JOANNIS

APOSTOLI ET EVANGELISTÆ

Statio ad Sanctam Mariam Majorem.

Introitus. Eccli. 15.

In médio Ecclésiæ apérui os ejus; et implevit eum Dóminus spíritu sapientiæ et intelléctus; stolam glóriæ induit eum. Ps. 91. Bonum est confitéri Dómino, et psállere nómini tuo, Altíssime. **Ÿ.** Glória Patri. In médio.

Oratio.

ECCLESIAM tuam, Dómine, benignus illústra : ut beáti Joánnis, Apóstoli tui et Evangelistæ, illumináta doctrínis, ad dona pervéniat sempitérna. Per.

De Nativitate. Oratio.

CONCÉDE, quæsumus, omnipotens Deus : ut nos Unigéniti tui nova per carnem nativitas liberet, quos sub peccáti jugo vetústa sérvitus tenet.

De S. Stephano. Oratio.

DA nobis, quæsumus, Dómine, imitári quod cólimus, ut discámus et inimicos diligere : quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Filium tuum. Qui tecum vivit.

Léctio libri Sapientiæ. Eccli. 15.

Qui timet Deum, faciet bona; et qui cónfrens est justitiæ, apprehéndet illam, et obviábit illi quasi mater honorificáta. Cibábit illum pane vitæ et intelléctus, et aqua sapientiæ salutáris potábit illum; et firmábitur in illo, et non flectétur; et continebit illum, et non confundétur; et exaltábit illum apud próximos suos; et in médio Ecclésiæ apériet os ejus, et adimplebit illum spíritu sapién-

tiae et intelléctus, et stola glóriæ véstiet illum; jucunditatem et exsultationem thesaurizabit super illum, et nómine atérno hæreditabit illum Dóminus Deus noster.

Graduale. Joan. 21. Exiit sermo inter fratres, quod discipulus ille non móritur; et non dixit Jesus : Non móritur. **Ÿ.** Sed : Sic eum volo manére donec véniam : tu me séquere.

Allelúia, allelúia. **Ÿ.** Hic est discipulus ille qui testimónium pérhibet de his; et scimus quia verum est testimónium ejus. Allelúia.



Sequentia sancti Evangelii secundum Joannem. **Cap. 21.**

In illo témpore : Dixit Jesus Petro : Séquere me. Convérsum Petrus vidit illum discipulum quem diligébat Jesus, sequentem, qui et recúbuit in cæna super pectus ejus, et dixit : Dómine, quis est qui tradet te? Hunc ergo cum vidisset Petrus, dixit Jesu : Dómine, hic autem quid? Dicit ei Jesus : Sic eum volo manére donec véniam, quid ad te? tu me séquere. Exiit ergo sermo iste inter fratres, quia discipulus ille non móritur. Et non dixit ei Jesus : Non móritur; sed : Sic eum volo manére donec véniam, quid ad te? Hic est discipulus ille qui testimónium pérhibet de his, et scripsit hæc; et scimus quia verum est testimónium ejus.

Credo.

Offertorium. Ps. 91. Justus ut palma florébit; sicut cedrus quæ in Líbano est, multiplicábitur.

Secreta.

SÚSCIPE, Dómine, múnera quæ in ejus tibi solemnitate deférimus, cujus nos confidimus patrocinio liberári. Per.

De Nativitate. Secreta.

OBLÁTA, Dómine, múnera, nova Unigéniti tui nativitate sanctifica : nosque a peccatorum nostrórum máculis emúnda.

De S. Stephano. Secreta.

SÚSCIPE, Dómine, múnera, pro tuórum commemoratióne Sanctórum : ut sicut illos passio gloriósa effécit, ita nos devotio reddat innócuos. Per Dóminum.

Præfatio et Communicantes de Nativ.

Communio. Joan. 21. Exiit sermo inter fratres, quod discipulus ille non móritur. Et non dixit Jesus : Non móritur; sed : Sic eum volo manére donec véniam.

Postcommunio.

REFÉCTI cibo potúque cælesti, Deus noster, te supplices deprecámur : ut in cujus hæc commemoratióne percépi-mus, ejus muniámur et précibus. Per Dóminum.

De Nativitate. Postcommunio.

PRÆSTA, quæsumus, omnipotens Deus : ut natus hódie Salvátor mundi, sicut divinæ nobis generatiónis est auctor, ita et immortalitátis sit ipse largitor.

De S. Stephano. Postcommunio.

AUXILIÉNTUR nobis, Dómine, sumpta mystéria : et intercedente beáto Stéphanano, Mártire tuo, sempitérna prote-ctiône confirment. Per Dóminum.

IN FESTO SS. INNOCENTII

Statio ad Sanctum Paulum.

Introitus. Ps. 8.

Ex ore infántium, Deus, et lacténtium perfecisti laudem propter inimicos tuos. Dómine Dóminus noster, quam admirábile est nomen tuum in univérsa terra! **Ÿ.** Glória Patri. Ex ore.

Non dicitur Glória in excélsis, nec Allelúia, nec Ite, Missa est, nisi hoc Festum venerit in Dominica; sed in Octava semper dicuntur.

Oratio.

DEUS, cujus hodiérna die præcónium Innocéntes Mártires non loquendo, sed moriendo conféssi sunt : ómnia in nobis vitiórum mala mortifica; ut fidem tuam, quam lingua nostra lóquitur, étiam móribus vita fateátur. Per Dóminum.

De Nativitate. Oratio.

CONCÈDE, quæsumus, omnipotens Deus : ut nos Unigéniti tui nova per carnem nativitas liberet, quos sub peccáti jugo vetústa sèrvitus tenet.

De S. Stephano. Oratio.

DA nobis, quæsumus, Dómine, imitári quod cólimus, ut discámus et inimicos diligere : quia ejus natalitia celebrá-

mus, qui novit etiam pro persecutoribus exorare Dominum nostrum Jesum Christum Filium tuum.

De S. Joanne. Oratio.

ECCLESIAM tuam, Domine, benignus illustra: ut beati Joannis, Apostoli tui et Evangelistae, illuminata doctrinis, ad dona perveniat sempiterna. Per Dominum.

Lectio libri Apocalypsis beati Joannis Apostoli. Cap. 14.

IN diebus illis: Vidi supra montem Sion Agnum stantem, et cum eo centum quadraginta quatuor millia, habentes nomen ejus, et nomen Patris ejus scriptum in frontibus suis. Et audivi vocem de caelo, tamquam vocem aquarum multarum, et tamquam vocem tonitruum magni; et vocem quam audivi, sicut citharodorum citharizantium in citharis suis. Et cantabant quasi canticum novum ante sedem, et ante quatuor animalia et seniores; et nemo poterat dicere canticum, nisi illa centum quadraginta quatuor millia, qui empti sunt de terra. Hi sunt qui cum mulieribus non sunt coinquinati: virgines enim sunt. Hi sequuntur Agnum quocumque ferit. Hi empti sunt ex hominibus primitiae Deo et Agno, et in ore eorum non est inventum mendacium: sine macula enim sunt ante thronum Dei.

Graduale. Ps. 123. Anima nostra, sicut passer, erepta est de laqueo venantium. *Ÿ.* Laqueus contritus est, et nos liberati sumus: adiutorium nostrum in nomine Domini, qui fecit caelum et terram.

Alleluia, alleluia. *Ÿ.* Ps. 112. Laudate, pueri, Dominum; laudate nomen Domini.

Tractus subscriptus semper dicitur, praetermisso Alleluia et *Ÿ.* seq., nisi hoc Festum venerit in Dominica. In Octava vero numquam dicitur.

Tractus. Ps. 78. Effuderunt sanguinem sanctorum, velut aquam, in circuitu Jerusalem. *Ÿ.* Et non erat qui sepeliret. *Ÿ.* Vindica, Domine, sanguinem sanctorum tuorum, qui effusus est super terram.



Sequentia sancti Evangelii secundum Matthaeum. Cap. 2.

IN illo tempore: Angelus Domini apparuit in somnis Joseph, dicens: Surge, et accipe puerum, et matrem ejus, et fuge in Aegyptum, et esto ibi usque dum dicam tibi. Futurum est enim ut Herodes quaerat puerum, ad perdendum eum. Qui consurgens, accepit puerum et matrem ejus nocte, et secessit in Aegyptum, et erat ibi usque ad obitum Herodis: ut adimpleretur quod dictum est a Domino per Prophetam dicentem: Ex Aegypto vocavi Filium meum. Tunc Herodes, videns quoniam illusus esset a Magis, iratus est valde, et mittens, occidit omnes pueros qui erant in Bethlehem et in omnibus finibus ejus, a bimatu et infra, secundum tempus quod exquiserat a Magis. Tunc adimpletum est quod dictum est per Jeremiam Prophetam dicentem: Vox in Rama audita est, ploratus et ululatus multus: Rachel plorans filios suos, et noluit consolari, quia non sunt. Credo.

Offertorium. Ps. 123. Anima nostra, sicut passer, erepta est de laqueo venantium: laqueus contritus est, et nos liberati sumus.

Secreta.

SANCTORUM tuorum, Domine, nobis pia non desit oratio: quae et munera nostra conciliet, et tuam nobis indulgentiam semper obtineat. Per Dominum.

De Nativitate. Secreta.

OBLATA, Domine, munera, nova Unigeniti tui nativitate sanctifica: nosque a peccatorum nostrorum maculis emunda.

De S. Stephano. Secreta.

SUSCIPE, Domine, munera, pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De S. Joanne. Secreta.

SUSCIPE, Domine, munera quae in ejus tibi solemnitate deferimus, cujus nos confidimus patrocinio liberari. Per.

Communio. Matth. 2. Vox in Rama audita est, ploratus et ululatus: Rachel plorans filios suos, et noluit consolari, quia non sunt.

Postcommunio.

VOTIVA, Dómine, dona percépi-
mus, quæ Sanctórum nobis précibus, et
præséntis, quæsumus, vitæ páriter et
aetérnæ tribue conférre subsidium. Per.

De Nativitate. Postcommunio.

PRÆSTA, quæsumus, omnipotens Deus :
ut natus hódie Salvátor mundi, sicut
divinæ nobis generatiónis est auctor, ita
et immortalitátis sit ipse largitor.

De S. Stephano. Postcommunio.

AUXILIÉNTUR nobis, Dómine, sumpta
mystéria : et intercedénte beáto Sté-
phano, Mártyre tuo, sempitérna prote-
ctióne confirment.

De S. Joanne. Postcommunio.

REFÉCTI cibo potúque cœlésti, Deus
noster, te súpplices deprecámur :
ut in cujus hæc commemoratióne percé-
pimus, ejus muniámur et précibus. Per.

¶ Si Festum S. Thomæ venerit in Do-
minica, transfertur in sequentem diem.

IN FESTO SANCTI THOMÆ

EPISCOPI ET MARTYRIS

Introitus.

GAUDEÁMUS omnes in Dómino, diem
festum celebrántes sub honóre
beáti Thomæ Mártyris, de cujus
passiône gaudent Angeli, et collaudant
Filius Dei. Ps. 32. Exsultáte, justí, in
Dómino : rectos decet collaudatio. *ŷ.* Gló-
ria Patri. Gaudeámus.

Oratio.

DEUS, pro cujus Ecclesiá gloriósus Pón-
tifex Thomas gládiis impiórum occu-
buit : præsta, quæsumus, ut omnes qui
ejus implórant auxilium, petitiónis suæ
salutárem consequántur effectum. Per.

De Nativitate. Oratio.

CONCÉDE, quæsumus, omnipotens Deus,
ut nos Unigéniti tui nova per carnem
nativitatis liberet, quos sub peccáti iugo
vetústa sérvitus tenet.

De S. Stephano. Oratio.

DA nobis, quæsumus, Dómine, imitári
quod cólimus, ut discámus et inimi-
cos diligere : quia ejus natalítia celebrá-
mus, qui novit étiam pro persecutóribus

exoráre Dóminum nostrum Jesum Chri-
stum Filium tuum.

De S. Joanne. Oratio.

ECCLESIAM tuam, Dómine, benignus
illústra : ut beáti Joánnis, Apóstoli
tui et Evangeliste, illumináta doctrínis,
ad dona pervéniant sempitérna.

De SS. Innocentibus. Oratio.

DEUS, cujus hodiérna die præconiū
Innocéntes Mártyres non loquendo,
sed moriendo conféssi sunt : ómnia in
nobis vitiórum mala mortifica ; ut fidem
tuam, quam lingua nostra lóquitur,
étiam móribus vita fateátur. Per.

Lectio Epistolæ beáti Pauli Apóstoli
ad Hebræos. Cap. 5.

FRATRES, Omnis Póntifex ex homínibus
assúptus, pro homínibus constituitur,
in iis quæ sunt ad Deum, ut offerat
dona et sacrificia pro peccátis : qui con-
dolére possit iis qui ignórant et errant :
quóniam et ipse circumdatus est infirmi-
tate : et propterea debet quemádmódum
pro pópulo, ita étiam et pro semetipso
offérre pro peccátis. Nec quisquam sumit
sibi honórem, sed qui vocátur a Deo,
tamquam Aaron. Sic et Christus non se-
metipsum clarificávit ut Póntifex fieret,
sed qui locútus est ad eum : Filius meus
es tu, ego hódie genui te. Quemádmó-
dum et in álío loco dicit : Tu es Sacerdos
in aetérnum, secúndum ordinem Melchi-
sedech.

Graduale. Eccli. 44. Ecce Sacerdos
magnus qui in diébus suis placuit Deo.
ŷ. Non est invéntus similis illi, qui con-
serváret legem Excelsi.

Allelúia, allelúia. *ŷ.* Joan. 10. Ego
sum Pastor bonus, et cognóseo oves
meas : et cognóscunt me meæ. Allelúia.



Sequéntia sancti Evangélii secún-
dum Joánnem. Cap. 10.

In illo témpore : Dixit Jesus pharisæis :
Ego sum Pastor bonus, Bonus Pastor
ánimam suam dat pro óvibus suis. Mer-
cenárius autem, et qui non est pastor,
cujus non sunt oves propriæ, videt lu-
pum veniéntem, et dimittit oves, et
fugit : et lupo rapit, et dispérgit oves.
Mercenárius autem fugit, quia merce-

nárius est, et non pértinet ad eum de óvibus. Ego sum Pastor bonus, et cognosco meas, et cognóscunt me meæ. Sicut novit me Pater, et ego agnósko Patrem; et ánimam meam pono pro óvibus meis. Et álias oves hábeo, quæ non sunt ex hoc ovili : et illas opórtet me addúcere, et vocem meam áudiant, et fiet unum ovile, et unus Pastor. Credo.

Offertorium. Ps. 20. Posuisti, Dómine, in cápite ejus coronam de lápide pretioso : vitam pétiit a te, et tribuisti ei, allelúia.

Secreta.

MÚNERA tibi, Dómine, dicáta sanctifica : et intercedénte beáto Thoma, Mártire tuo atque Pontífice, per eádem nos placátus inténde. Per Dóminum.

De Nativitate. Secreta.

OBLÁTA, Dómine, múnera, nova Unigéniti tui nativité sanctifica : nosque a peccatórum nostrórum máculis emúnda.

De S. Stephano. Secreta.

SÚSCIPE, Dómine, múnera, pro tuórum commemoratióne Sanctórum : ut sicut illos pássio gloriósos effécit, ita nos devótio reddat innócuos.

De S. Joanne. Secreta.

SÚSCIPE, Dómine, múnera quæ in ejus tibi solemnitate deférimus, cujus nos confidimus patrocínio liberári.

De SS. Innocentibus. Secreta.

SANCTÓRUM tuórum, Dómine, nobis pia non desit orátio : quæ et múnera nostra conciliet, et tuam nobis indulgentiam semper obtíneat. Per Dóminum.

Communio. Joan. 10. Ego sum Pastor bonus, et cognosco oves meas, et cognóscunt me meæ.

Postcommunio.

HÆC nos commúnio, Dómine, purget a crimine : et intercedénte beáto Thoma, Mártire tuo atque Pontífice, cœléstis remédii faciát esse consórtes. Per.

De Nativitate. Postcommunio.

PRÆSTA, quæsumus, omnipotens Deus : ut natus hódie Salvátor mundi, sicut divínæ nobis generatiónis est auctor, ita et immortalitátis sit ipse largitor.

De S. Stephano. Postcommunio.

AUXILIÉNTUR nobis, Dómine, sumpta mystéria : et intercedénte beáto Stéphano, Mártire tuo, sempitérna protectióne confirmet.

De S. Joanne. Postcommunio.

REFÉCTI cibo potúque cœlésti, Deus noster, te súpplīces deprecámur : ut in cujus hæc commemoratióne percépimus, ejus muniámur et précibus.

De SS. Innocentibus. Postcommunio.

VOTIVA, Dómine, dona percépimus : quæ Sanctórum nobis précibus, et præséntis, quæsumus, vitæ páriter et æternæ tribue conférre subsidium. Per.

¶ Si Festum Nativ. Domini, S. Stephani, S. Joannis Evang., et SS. Innocentium venerit in Dom., ipsa die nihil fit de Dom. ; sed die proximo post Festum S. Thomæ Mart., dicitur Missa de Dom. — Si autem Fest. S. Thomæ venerit in Dom., dicitur Missa de Dom., cum Commem. aliarum Oct. ; et Festum S. Thomæ transfertur in Feriam II.

¶ Si vero post Fest. S. Thomæ fuerit Sabbatum, ipsa die Sabb. dicitur Missa de Oct. Nativ., cum Commem. aliarum Oct. ; et in die S. Silvestri fit Offic. de eo, cum Commem. Dom. et Octavarum.

DOMINICA INFRA OCTAVAM

NATIVITATIS DOMINI

Introitus. Sap. 18.

DUM médium siléntium tenénret ómnia, et nox in suo cursu médium iter habéret, omnipotens Sermo tuus, Dómine, de cœlis a regálibus sédibus venit. Ps. 92. Dóminus regnávīt, decórem indútus est : indútus est Dóminus fortitúdinem, et præcínxit se. ȳ. Glória Patri. Dum médium.

Oratio.

OMNÍPOTENS sempitérne Deus, dirige actus nostros in beneplácito tuo : ut in nómine dilécti Filii tui mereámur bonis opéribus abundáre. Qui tecum vivit.

De Nativitate. Oratio.

CONCÉDE, quæsumus, omnipotens Deus : ut nos Unigéniti tui nova per carnem

nativitas liberet, quos sub peccāti iugo vetústa sérvitus tenet.

De S. Stephano. Oratio.

DA nobis, quæsumus, Dómine, imitári quod cólimus, ut discámus et inimicos diligere : quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Filium tuum.

De S. Joanne. Oratio.

ECCLÉSIAM tuam, Dómine, benígnus illústra : ut beáti Joámmis, Apóstoli tui et Evangelistæ, illumináta doctrínis, ad dona perveniát sempitérna.

De SS. Innocentibus. Oratio.

DEUS, cujus hodiérna die præcónium Innocéntes Mártyres non loquendo, sed moriéndó conféssi sunt : ómnia in nobis vitiorum mala mortifica ; ut fidem tuam, quam lingua nostra loquitur, étiam móribus vita fateáture. Per Dóminum nostrum.

Lectio Epistolæ beáti Pauli Apóstoli ad Galatas. *Cap. 4.*

FRATRES, Quanto témpore hæres párvulus est, nihil differt a servo, cum sit dóminus ómnium, sed sub tutoribus et actóribus est usque ad præfinitum tempus a patre : ita et nos, cum essémus párvuli, sub eleméntis mundi erámus serviéntes. At ubi venit plenitúdo témporis, misit Deus Filium suum factum ex muliere, factum sub lege ; ut eos qui sub lege erant redimeret, ut adoptiónem filiorum reciperémus. Quóniam autem estis filii, misit Deus Spíritum Filii sui in corda vestra, clamántem : Abba, Pater. Itaque jam non est servus, sed filius. Quod si filius, et hæres per Deum.

Graduale. Ps. 44. Speciósus forma præ filiis hóminum : diffúsa est grátia in lábiis tuis. *ŷ.* Eructávit cor meum verbum bonum, dico ego ópera mea regi : lingua mea cálamus scribæ velóriter scribéntis.

Allelúia, allelúia. *ŷ. Ps. 92.* Dóminus regnávit, decórem induit : induit Dóminus fortitúdinem, et præcínxit se virtute. Allelúia.



Sequéntia sancti Evangélíi secúndum Lucam. *Cap. 2.*

In illo témpore : Erat Joseph, et María mater Jesu, mirántes super his quæ dicebántur de illo. Et benedixit illis Simeon, et dixit ad Mariám matrem ejus : Ecce pósitus est hic in ruínam et in resurrectionem multórum in Israel, et in signum cui contradicétur : et tuam ipsíus ánimam pertransibit gládius, ut reveléntur ex multis córdibus cogitatiónes. Et erat Anna Prophetíssa, filia Phánuel, de tribu Aser : hæc procésserat in diébus multis, et víxerat cum viro suo annis septem a virginitáte sua : et hæc vídua usque ad annos octogínta quatuor ; quæ non discedébat de templo, jejúniis et obsecrationibus sérviens nocte ac die. Et hæc, ipsa hora supervéniens, confitebátur Dómino, et loquebátur de illo ómnibus qui exspectábant redemptionem Israel. Et ut perfecérunt ómnia secúndum legem Dómini, reversi sunt in Galilæam in civitátem suam Náza-reth. Puer autem crescebat, et confortabátur, plenus sapiéntia : et grátia Dei erat in illo. Credo.

Offertorium Ps. 92. Deus firmávit orbem terræ, qui non commovébitur : paráta sedes tua, Deus, ex tunc, a sæculo tu es.

Secreta.

CONCÉDE, quæsumus, omnipotens Deus : ut óculis tuæ Majestátis munus oblátum, et grátiam nobis piæ devoti-
onis obtíneat, et efféctum beátæ perennitátis acquirat. Per Dóminum.

De Nativitate. Secreta.

OBLÁTA, Dómine, múnera, nova Unigéniti tui nativité sanctifica : nosque a peccatórum nostrórum máculis emúnda.

De S. Stephano. Secreta.

SÚSCIPE, Dómine, múnera, pro tuórum commemoratione Sanctórum : ut sicut illos pássio gloriósa effécit, ita nos devótio reddat innócuos.

De S. Joanne. Secreta.

SÚSCIPE, Dómine, múnera quæ in ejus tibi solemnitáte deférimus, cujus nos confidimus patrocinio liberári.

De SS. Innocentibus. Secreta.

SANCTORUM tuorum, Dómine, nobis spia non desit oratio : quæ et múnera nostra conciliet, et tuam nobis indulgentiam semper obtineat. Per Dóminum.

Communio. Matth. 2. Tolle puerum et matrem ejus, et vade in terram Israel : defuncti sunt enim qui quærebant animam pueri.

Postcommunio.

PER hujus, Dómine, operationem mystérii, et vicia nostra purgéntur, et justa desideria compleántur. Per.

De Nativitate. **Postcommunio.**

PRESTA, quæsumus, omnipotens Deus : ut natus hódie Salvátor mundi, sicut divínæ nobis generatiónis est auctor, ita et immortalitátis sit ipse largitor.

De S. Stephano. **Postcommunio.**

AUXILIÉNTUR nobis, Dómine, sumpta mystéria : et intercedente beato Stéphano, Mártire tuo, sempitérna protectiône confirment.

De S. Joanne. **Postcommunio.**

REFÉCTI cibo potúque celésti, Deus noster, te supplices deprecámur : ut in ejus hæc commemoratione percépimus, ejus muniamur et præcibus.

De SS. Innocentibus. **Postcommunio.**

VOTIVA, Dómine, dona percépimus : quæ Sanctorum nobis præcibus, et præsentis, quæsumus, vitæ páriter et æternæ tribue conferre subsidium. Per.

MISSA DE OCTAVA

NATIVITATIS DOMINI

Introitus. Is. 9.

PUER natus est nobis, et filius datus est nobis ; cujus impérium super húmerum ejus : et vocábitur nomen ejus magni consilii Angelus. Ps. 97. Cantáte Dómino cánticum novum, quia mirabilia fecit. ŷ. Glória Patri. Puer.

Oratio.

CONCÉDE, quæsumus, omnipotens Deus : ut nos Unigéniti tui nova per carnem nativitas liberet, quos sub peccáti jugo vetústa sérvitus tenet. Per eúndem Dóminum.

Et fit Commem. Octavarum S. Stephani, S. Joannis et SS. Innocentium, ut in Missa præcedenti. 21.

Lectio Epistolæ beáti Pauli Apóstoli ad Titum. Cap. 3.

CHARÍSSIME, Appáruit benignitas et humanitas Salvatóris nostri Dei : non ex opéribus justitiæ quæ fecimus nos, sed secúndum suam misericórdiam salvos nos fecit per lavácrum regeneratiónis et renovatiónis Spíritus sancti, quem effúdit in nos abúnde per Jesum Christum Salvátorem nostrum : ut justificáti grátia ipsíus, hærédes simus secúndum spem vitæ æternæ, in Christo Jesu Dómino nostro.

Graduale. Ps. 97. Vidérunt omnes fines terræ salutáre Dei nostri : jubilate Deo, omnis terra. ŷ. Notum fecit Dóminus salutáre suum ; ante conspéctum gentium revelávit justitiam suam.

Allelúia, allelúia. ŷ. Dies sanctificátus illúxit nobis : veníte, gentes, et adoráte Dóminum : quia hódie descendit lux magna super terram. Allelúia.



Sequéntia sancti Evangélii secúndum Lucam. Cap. 2.

IN illo témpore : Pastóres loquebantur ad invicem : Transeámus usque Béthlehem, et videámus hoc verbum quod factum est, quod Dóminus osténdit nobis. Et venérunt festinántes : et invenérunt Mariam, et Joseph, et infántem pósitum in præsépio. Vidéntes autem cognovérunt de verbo quod dictum erat illis de púero hoc. Et omnes qui audiérunt miráti sunt, et de his quæ dicta erant a pastóribus ad ipsos. María autem conservábat omnia verba hæc, cónferens in corde suo. Et reversi sunt pastóres glorificántes et laudántes Deum in ómnibus quæ audierant et viderant, sicut dictum est ad illos. Credo.

Offertorium. Ps. 88. Tui sunt cœli, et tua est terra : orbem terrárum et plenitúdinem ejus tu fundásti : justitia et judícium præparatio sedis tuæ.

Secreta.

OBLATA, Dómine, múnera, nova Unigéniti tui nativitate sanctifica : nos-

que a peccatorum nostrorum maculis emunda. Per eundem Dominum.

Secretæ aliarum Octavarum, ut in Missa præcedenti. 21.

Communio. Ps. 97. Vidérunt omnes fines terræ salutare Dei nostri.

Postcommunio.

PRÆSTA, quæsumus, omnipotens Deus : ut natus hodie Salvator mundi, sicut divinæ nobis generatiōnis est auctor, ita et immortalitatis sit ipse largitor. Qui tecum vivit.

Postcommuniones aliarum Octavarum, ut in Missa præcedenti. 22.

¶ Si Festum S. Silvestri venerit in Dom., dicitur Missa de eo, cum Commem. Dom. et Octavarum.

IN FESTO S. SILVESTRI

PAPÆ ET CONFESSORIS

Introitus. Ps. 131.

SACERDOTES tui, Domine, induant justitiam, et sancti tui exsultent : propter David servum tuum, non avértas faciē Christi tui. Ps. Meménto, Domine, David, et omnis mansuetudinis ejus. ȳ. Glória Patri. Sacerdotes.

Oratio.

DA, quæsumus, omnipotens Deus : ut beāti Silvestri, Confessoris tui atque Pontificis, veneranda solēmnitas, et devotiōnem nobis augeat, et salutem. Per.

De Nativitate. Oratio.

CONCÈDE, quæsumus, omnipotens Deus : ut nos Unigéniti tui nova per carnem nativitas liberet, quos sub peccati iugo vetusta sērvitus tenet.

De S. Stephano. Oratio.

DA nobis, quæsumus, Domine, imitari quod cōlimus, ut discāmus et inimicos diligere : quia ejus natalitia celebrāmus, qui novit etiā pro persecutoribus exorāre Dominum nostrum Jesum Christum Filium tuum.

De S. Joanne. Oratio.

ECCLESIAM tuam, Domine, benīgus illūstra : ut beāti Joānnis, Apóstoli tui et Evangelistæ, illumināta doctrinis, ad dona perveniat sempiterna.

De SS. Innocentibus. Oratio.

DEUS, cujus hodierna die præconiū Innocētes Mártyres non loquēdo, sed moriēdo confēssi sunt : omnia in nobis vitiōrum mala mortifica ; ut fidem tuam, quam lingua nostra lóquitur, etiā moribus vita fateātur. Per.

Lectio Epistolæ beāti Pauli Apóstoli ad Timótheum. II Tim. 4.

CHARÍSSIME, Testificor coram Deo, et Jesu Christo, qui judicaturus est vivos et mórtuos, per advéntum ipsius, et regnū ejus. Prædica verbum, insta opportūne, importūne ; argue, óbseca, increpa in omni patiētia et doctrina. Erit enim tempus cum sanam doctrinā non sustinēbunt, sed ad sua desidēria coacervābunt sibi magistros, pruriētes auribus, et a veritate quidem auditum avértent, ad fábulas autem convertētur. Tu vero vīgila, in omnibus labóra, opus fac Evangeliste, ministériū tuum imple. Sóbrius esto. Ego enim jam delibor, et tempus resolutiōnis meæ instat. Bonum certāmen certāvi, cursum consummāvi, fidem servāvi. In reliquo rēpōsita est mihi corōna justitiæ, quam reddet mihi Dóminus in illa die justus iudex : non solum autem mihi, sed et iis qui diligunt advéntum ejus.

Graduale. Eccli. 44. Ecce Sacerdos magnus, qui in diēbus suis placuit Deo. ȳ. Non est invēntus similis illi, qui conserváret legem Excelsi.

Allelúia, allelúia. ȳ. Ps. 88. Inveni David servum meum, óleo sancto meo unxi eum. Allelúia.



Sequētia sancti Evangēlii secūndum Lucam. Cap. 12.

In illo tēpore : Dixit Jesus discipulis suis : Sint lumbi vestri præcincti, et lucernæ ardētes in manibus vestris, et vos similes hominibus exspectantibus dōminum suum quando revertātur a nūptiis : ut, cum vēnerit, et pulsāverit, confestim apēriant ei. Beāti servi illi, quos, cum vēnerit dōminus, invēnerit vigilātes : amen dico vobis, quod præcīnget se, et faciēt illos discūmbere, et tránsiens ministrābit illis. Et si vēnerit

in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitôte, quóniam si sciret paterfamilias qua hora fur veniret, vigiláret útique, et non síneret pérfodi domum suam. Et vos estôte paráti : quia qua hora non putátis, Filius hóminis veniet. Credo.

Offertorium. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui nos, Dómine, quæsumus, ubique lætificent : ut dum eórum mérita recólimus, patrocínia sentiámus. Per Dóminum.

De Nativitate. Secreta.

OBLATA, Dómine, múnera, nova Unigéniti tui nativité sanctifica : nosque a peccatórum nostrórum máculis emúnda.

De S. Stephano. Secreta.

SÚSCIPE, Dómine, múnera, pro tuórum commemoratióne Sanctórum : ut sicut illos pássio gloriósa effécit, ita nos devótió reddat inmócuos.

De S. Joanne. Secreta.

SÚSCIPE, Dómine, múnera quæ in ejus tibi solemnitáte deférimus, ejus nos confidimus patrocínio liberári.

De SS. Innocéntibus. Secreta.

SANCTÓRUM tuórum, Dómine, nobis pia non desit orátio : quæ et múnera

nostra concíliet, et tuam nobis indulgéntiam semper obtíneat. Per Dóminum nostrum.

Communio. Matth. 24. Beátus servus quem, cum vénerit dóminus, invénerit vigilántem : amen dico vobis, super ómnia bona sua constituet eum.

Postcommunio.

PRÆSTA, quæsumus, omnipotens Deus : ut de percéptis munéribus grátias exhibéntes, intercedénte beáto Silvέstro, Confessóre tuo atque Pontífice, beneficia potióra sumámus. Per Dóminum.

De Nativitate. Postcommunio.

PRÆSTA, quæsumus, omnipotens Deus : ut natus hódie Salvátor mundi, sicut divínæ nobis generatiónis est auctor, ita et immortalitátis sit ipse largitor.

De S. Stephano. Postcommunio.

AUXILIÉNTUR nobis, Dómine, sumpta mystéria : et intercedénte beáto Stéphanó, Mártýre tuo, sempitérna protectióne confirment.

De S. Joanne. Postcommunio.

REFÉCTI cibo potúque cœlésti, Deus noster, te súpplices deprecámur : ut in cujus hæc commemoratióne percépimus, ejus muniámur et précibus.

De SS. Innocéntibus. Postcommunio.

VOTIVA, Dómine, dona percépimus : quæ Sanctórum nobis précibus, et præséntis, quæsumus, vitæ páriter et æternæ tribue conférre subsidiúm. Per Dóminum.



IN

CIRCUMCISIONE DOMINI

ET OCTAVA NATIVITATIS

Statio ad Sanctam Mariam trans Tiberim.

Introitus. Is. 9.



UER natus est nobis, et filius datus est nobis: cujus impérium super humerum ejus: et vocábitur nomen ejus magni consilii Angelus. **Ps. 97.** Cantáte Dómino cánticum novum, quia mirabilia fecit. **ŷ.** Glória Patri. Puer.

Oratio.

DEUS, qui salutis æternæ, beatæ Mariæ virginitate fecúnda, humano géneri præmia præstitisti: tribue, quæsumus; ut ipsam pro nobis intercédere sentiámus, per quam meruimus auctórem vitæ suscipere, Dóminum nostrum Jesum Christum Filium tuum. Qui tecum vivit.

Lectio Epistolæ beáti Pauli Apóstoli ad Titum. **Cap. 2.**

CHARÍSSIME, Appáruit grátia Dei Salvatóris nostri ómnibus homínibus, erúdiens nos, ut abnegántes impietátem et sæculária desidéria, sóbrie, et juste, et pie vivámus in hoc sæculo, expectántes beatam spem, et advéntum glóriæ magni Dei et Salvatóris nostri Jesu Christi, qui dedit semetipsum pro nobis, ut nos redimeret ab omni iniquitáte, et mundáret sibi pópulum acceptábilem, sectatórem bonórum óperum. Hæc loquere et exhortáre, in Christo Jesu Dómino nostro.

Graduale. **Ps. 97.** Vidérunt omnes

fines terræ salutáre Dei nostri: jubilate Deo, omnis terra. **ŷ.** Notum fecit Dóminus salutáre suum: ante conspéctum géntium revelávit justítiam suam.

Allelúia, allelúia. **ŷ.** **Hebr. 1.** Multifarie olim Deus loquens pátribus in Prophétis, novissime diébus istis locútus est nobis in Filio. Allelúia.



Sequéntia sancti Evángelii secundum Lucam. **Cap. 2.**

In illo témpore: Postquam consummáti sunt dies octo, ut circumciderétur puer, vocátum est nomen ejus Jesus, quod vocátum est ab Angelo, priúsqvam in útero conciperétur. **Credo.**

Offertorium. **Ps. 88.** Tui sunt cæli, et tua est terra: orbem terrárum et plenitúdinem ejus tu fundásti; justítia et judícium præparátio sedis tuæ.

Secreta.

MUNÉRIBUS nostris, quæsumus, Dómine, precibúsqve susceptis, et cælestibus nos munda mystériis, et cleménter exáudi. Per Dóminum.

Communio. **Ps. 97.** Vidérunt omnes fines terræ salutáre Dei nostri.

Postcommunio.

HÆC nos commúnio, Dómine, purget a crimine: et intercedénte beáta Virgine Dei Genitrice Mariá, cælestis remédii faciat esse consórtes. Per eúmdem Dóminum.

¶ Si aliqua ex sequentibus Octavis in Dominica venerit, dicitur Missa de Oct.; de Dominica vero nihil fit.

IN OCTAVA S. STEPHANI PROTOMARTYRIS

Introitus. Ps. 118.

SEDÉRUNT principes, et adversum me loquebántur; et iníqui persecúti sunt me : ádjua me, Dómine Deus meus, quia servus tuus exercebátur in tuis justificatióibus. Ps. Beáti immaculáti in via, qui ámbulant in lege Dómini. *ŷ.* Glória Patri. Sedérunt.

Oratio.

OMNIPOTENS sempitérne Deus, qui primítias Mátyrum in beáti Levitæ Stéphaní sáanguine dedicásti : tribue, quæsumus; ut pro nobis intercëssor existat, qui pro suis étiam persecutoribus exorávit Dóminum nostrum Jesum Christum Filium tuum. Qui tecum vivit.

De S. Joanne. Oratio.

ECCLÉSIAM tuam, Dómine, benígnus illústra : ut beáti Joánnis, Apóstoli tui et Evangelistæ, illumináta doctrínis, ad dona pervéniant sempitérna.

De SS. Innocéntibus. Oratio.

DEUS, cujus hodiérna die præcónium Innocéntes Mátyres non loquendo, sed moriëndo confëssi sunt : ómnia in nobis vitiórum mala mortifica; ut fidem tuam, quam lingua nostra lóquitur, étiam móribus vita fateátur. Per.

Lectio Actuum Apostolorum.


Cap. 6 et 7.

IN diébus illis : Stéphanus, plenus grátia et fortitúdine, faciebat prodigia et signa magna in pópulo. Surrexérunt autem quidam de synagóga quæ appellátur Libertinórum, et Cyrenénsium, et Alexandrinórum, et eórum qui erant a Cilicia et Asia, disputántes cum Stéphanó; et non póterant resistere sapiéntiæ, et Spíritui qui loquebátur. Audiéntes autem hæc, dissecabántur córdibus suis, et stridébant déntibus in eum. Cum autem esset Stéphanus plenus Spíritu sancto, intëndens in cælum, vidit glóriam Dei et Jesum stantem a dextris Dei. Et ait : Ecce video cælos apértos, et Filium hóminis stantem a dextris Dei. Exclamántes autem voce magna, continuérunt

aures suas, et ímpetum fecérunt unánimèter in eum. Et ejiciéntes eum extra civitátem, lapidábant. Et testes deposuérunt vestiménta sua secus pedes adolëscéntis qui vocabátur Saulus. Et lapidábant Stéphanum invocántem et dicéntem : Dómine Jesu, súsceipe spíritum meum. Pósitis autem génibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino.

Graduale. Ps. 118. Sedérunt principes, et adversum me loquebántur; et iníqui persecúti sunt me. *ŷ.* Adjuva me, Dómine Deus meus; salvum me fac propter misericórdiam tuam.

Allelúia, allelúia. *ŷ.* Act. 7. Video cælos apértos, et Jesum stantem a dextris virtútis Dei. Allelúia.

 Sequéntia sancti Evangélii secúndum Matthæum. Cap. 23.

IN illo témpore : Dicébat Jesus scribis et pharisæis : Ecce ego mitto ad vos Prophétas, et sapiéntes, et scribas; et ex illis occidétis, et crucifigétis, et ex eis flagellábitis in synagógis vestris, et persecuémini de civitáte in civitátem : ut véniat super vos omnis sanguis justus qui effúsus est super terram, a sáanguine Abel justí usque ad sáanguinem Zachariæ, filii Barachíæ, quem occidistis inter templum et altáre. Amen dico vobis, vénient hæc ómnia super generatióem istam. Jerúsalem, Jerúsalem, quæ occidis Prophétas, et lápidas eos qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et nolúisti! Ecce relinquétur vobis domus vestra desérta. Dico enim vobis, non me vidébitis ámodo, donec dicátis : Benedictus qui venit in nómine Dómini. Credo.

Offertórium. Act. 6 et 7. Elegérunt Apóstoli Stéphanum Levitam, plenum fide et Spíritu sancto, quem lapidavérunt Judæi orántem, et dicéntem : Dómine Jesu, áccipe spíritum meum, allelúia.

Secreta.

SÚSCIPE, Dómine, múnera, pro tuórum Scommemoratióné Sanctórum : ut sic-

ut illos passio gloriosos effecit, ita nos devotio reddat innocuos. Per Dominum.

De S. Joanne. Secreta.

SUSCIPE, Domine, munera quæ in ejus tibi solemnitate deferimus, ejus nos confidimus patrocinio liberari.

De SS. Innocentibus. Secreta.

SANCTORUM tuorum, Domine, nobis pia non desit oratio: quæ et munera nostra conciliet, et tuam nobis indulgentiam semper obtineat. Per Dominum.

Prefatio tantum de Nativitate.

Communio. Act. 7. Video cælos apertos, et Jesum stantem a dextris virtutis Dei: Domine Jesu, accipe spiritum meum, et ne statuas illis hoc peccatum.

Postcommunio.

AUXILIENTUR nobis, Domine, sumpta mysteria: et intercedente beato Stephano, Martyre tuo, sempiterna protectione confirmet. Per Dominum.

De S. Joanne. Postcommunio.

REFECTI cibo potuque cælesti, Deus noster, te supplices deprecamur: ut in ejus hæc commemoratio percipimus, ejus muniamur et precibus.

De SS. Innocentibus. Postcommunio.

VOTIVA, Domine, dona percipimus: quæ Sanctorum nobis precibus, et presentis, quæsumus, vite pariter et æternæ tribue conferre subsidium. Per.

IN OCTAVA SANCTI JOANNIS

APOSTOLI ET EVANGELISTÆ

Missa dicitur sicut in ejus Festo, cum Commem. SS. Innocentium tantum. Et dicitur Credo, et Prefatio de Apostolis.

IN OCTAVA SS. INNOCENTII

Introitus. Ps. 8.

Ex ore infantium, Deus, et lactentium perfecisti laudem propter inimicos tuos. Ps. Domine Dominus noster, quam admirabile est nomen tuum in universa terra! Glória Patri. Ex ore.

Et dicitur Glória in excelsis.

Oratio.

DEUS, ejus hodierna die præconium Innocentes Martyres non loquendo, sed moriendo confessi sunt: omnia in

nobis vitiarum mala mortifica: ut fidem tuam, quam lingua nostra loquitur, etiam moribus vita fateatur. Per Dominum.

Lectio libri Apocalypsis beati Joannis Apostoli. Cap. 14.

In diebus illis: Vidi supra montem Sion Agnum stantem, et cum eo centum quadraginta quatuor millia, habentes nomen ejus, et nomen Patris ejus scriptum in frontibus suis. Et audiui vocem de cælo, et tanquam vocem aquarum multarum, et tanquam vocem tonitruum magni; et vocem quam audiui, sicut citharædorum citharizantium in citharis suis. Et cantabant quasi canticum novum ante sedem, et ante quatuor animalia et seniores; et nemo poterat dicere canticum, nisi illa centum quadraginta quatuor millia, qui empti sunt de terra. Hi sunt qui cum mulieribus non sunt coinquinati: virgines enim sunt. Hi sequuntur Agnum quocumque ierit. Hi empti sunt ex hominibus primitiæ Deo et Agno; et in ore eorum non est inventum mendacium: sine macula enim sunt ante thronum Dei.

Graduale. Ps. 123. Anima nostra, sicut passer, erepta est de laqueo venantium. Gl. Laqueus contritus est, et nos liberati sumus: adiutorium nostrum in nomine Domini, qui fecit cælum et terram.

Allelúia, allelúia. Gl. Ps. 112. Laudate, pueri, Dominum; laudate nomen Domini. Allelúia.



Sequentia sancti Evangelii secundum Matthæum. Cap. 2.

In illo tempore: Angelus Domini apparuit in somnis Joseph, dicens: Surge, et accipe puerum, et matrem ejus, et fuge in Ægyptum, et esto ibi usque dum dicam tibi. Futurum est enim ut Herodes quaerat puerum, ad perdendum eum. Qui consurgens, accepit puerum et matrem ejus nocte, et recessit in Ægyptum, et erat ibi usque ad obitum Herodis: ut adimpleretur quod dictum est a Domino per Prophetam dicentem: Ex Ægypto vocavi Filium meum. Tunc Herodes, videns quoniam illusus esset a Magis, iratus est valde; et mittens, occidit omnes pue-

ros qui erant in Bèthlehem et in ómnibus finibus ejus, a bimátu et infra, secúndum tempus quod exquisierat a Magis. Tunc adimplétum est quod dictum est per Jeremíam Prophétam dicéntem : Vox in Rama audita est, plorátus et ululátus multus : Rachel plorans filios suos, et nóluit consolári, quia non sunt.

Non dicitur Credo, nisi venerit in Dom.

Offertorium. Ps. 123. Anima nostra, sicut passer, erépta est de láqueo venántium : láqueus contritus est, et nos liberátí sumus.

Secreta.

SANCTORUM tuorum, Dómine, nobis pia non desit orátio : quæ et múnera nostra conciliet, et tuam nobis indulgéntiam semper obtíneat. Per Dóminum.

Præfatio de Nativitate.

Communio. Matth. 2. Vox in Rama audita est, plorátus et ululátus : Rachel plorans filios suos, et nóluit consolári, quia non sunt.

Postcommunio.

VOTÍVA, Dómine, dona percépimus : quæ Sanctorum nobis précibus, et præsentis, quæsumus, vitæ páriter et æternæ tribue conférre subsidium. Per.

Dicitur Ite, Missa est.

IN VIGILIA EPIPHANIE

Introitus. Sap. 18.

DUM médium siléntium tenèrent ómnia, et nox in suo cursu médium iter habéret, omnipotens Sermo tuus, Dómine, de cœlis a regalibus sédibus venit. Ps. 92. Dóminus regnávít, decórem indútus est : indútus est Dóminus fortitúdinem, et præcínxit se. ̃. Glória Patri. Dum médium.

Oratio.

OMNIPOTENS sempitérne Deus, dirige actus nostros in beneplácito tuo : ut in nómine dilécti Filii tui mereámur bonis opéribus abundáre. Qui tecum vivit.

Pro Commem. S. Telesphori, Papæ et Martyris.

Oratio.

DEUS, qui nos beáti Telésphori, Mártiris tui atque Pontíficis, ánnua

solemnitáte lætíficas : concéde propítius ; ut cujus natalítia cólimus, de ejúsdem etiám protectióne gaudeámus.

De sancta María. Oratio.

DEUS, qui salutis æternæ, beatæ Mariæ virginitáte fecúnda, humano géneri præmia præstitisti : tribue, quæsumus ; ut ipsam pro nobis intercédere sentiámus, per quam meruimus auctórem vitæ suscipere, Dóminum nostrum Jesum Christum Filium tuum. Qui tecum vivit.

Lectio Epístolæ beáti Pauli Apóstoli ad Gálatas. Cap. 4.

FRATRES, Quanto témpore hæres párvulus est, nihil differt a servo, cum sit dóminus ómnium ; sed sub tutóribus et actóribus est usque ad præfínitum tempus a patre : ita et nos, cum essémus párvuli, sub eleméntis mundi erámus serviéntes. At ubi venit plenitúdo témporis, misit Deus Filium suum factum ex muliere, factum sub lege, ut eos qui sub lege erant redimeret, ut adoptiónem filiórum reciperémus. Quóniam autem estis filii, misit Deus Spíritum Filii sui in corda vestra clamántem : Abba, Pater. Itaque jam non est servus, sed filius. Quod si filius, et hæres per Deum.

Graduale. Ps. 44. Speciosus forma præ filiis hóminum : diffúsa est grátia in lábiis tuis. ̃. Eructávit cor meum verbum bonum, dico ego ópera mea Regi : lingua mea cálamus scribæ velóciter scribéntis.

Allelúia, allelúia. ̃. Ps. 92. Dóminus regnávít, decórem induit : induit Dóminus fortitúdinem, et præcínxit se virtúte. Allelúia.



Sequéntia sancti Evangélii secúndum Matthæum. Cap. 2.

In illo témpore : Defúnto Heróde, ecce Angelus Dómini appáruit in somnis Joseph in Ægypto, dicens : Surge, et áccipe púerum et matrem ejus, et vade in terram Israel : defúnti sunt enim qui quærébant ánimam púeri. Qui consúr-gens, accépit púerum et matrem ejus, et venit in terram Israel. Audiens autem quod Archeláus regnáret in Judæa pro Heróde patre suo, tímuit illo ire : et

admónitus in somnis, secéssit in partes Galilææ. Et véniens habitávit in civitatē quæ vocátur Náza-reth; ut adimplerétur quod dictum est per Prophétas : Quóniam Nazaræus vocábitur.

Offertorium. Ps. 92. Deus firmávit orbem terræ, qui non commovébitur : paráta sedes tua, Deus, ex tunc, a sæculo tu es.

Secreta.

CONCÈDE, quæsumus, omnipotens Deus, ut óculis tuæ Majestátis munus oblátum, et grátiam nobis piæ devotiónis obtineat, et efféctum beátæ perennitátis acquirat. Per Dóminum.

De S. Telesphoro. Secreta.

MÚNERA tibi, Dómine, dicáta sanctífica : et intercedénte beáto Telésphoro, Mártire tuo atque Pontifice, per eádem nos placátus inténde.

De sancta Maria. Secreta.

MUNÉRIBUS nostris, quæsumus, Dómine, precibúsq; suscep-tis, et cœlé-

stibus nos munda mystériis, et cleménter exáudi. Per Dóminum.

Præfatio de Nativitate.

Communio. Matth. 2. Tolle púerum et matrem ejus, et vade in terram Israel : defúnc-ti sunt enim qui quærébant ánimam púeri.

Postcommunio.

PER hujus, Dómine, operatió-nem mystérii, et vitia nostra purgéntur, et justa desidéria compleántur. Per.

De S. Telesphoro. Postcommunio.

REFÉCTI participatióne mún-eris sacri, quæsumus, Dómine Deus noster : ut cujus exséquimur cultum, intercedénte beáto Telésphoro, Mártire tuo atque Pontifice, sentiámus efféctum.

De sancta Maria. Postcommunio.

HÆC nos commúnio, Dómine, purget a crimine : et intercedénte beáta Virgine Dei Genitrice Maria, cœléstis remédii faciat esse consórtes. Per eúdem Dóminum.



EPIPHANIA DOMINI

Statio ad Sanctum Petrum.

Introitus. Malach. 3.

ECCE advénit dominátor
Dóminus, et regnum in
manu ejus, et potestas,
et impérium. Ps. 71.
Deus, iudicium tuum
Regi da, et justitiam
tuam Filio Regis. *ŷ.* Gló-
ria Patri. Ecce advénit domi-
nator.

Oratio.

DEUS, qui hodiérna die Unigénitum
tuum géntibus, stella duce, revelá-
sti : concéde propitius ; ut qui jam te ex
fide cognóvimus, usque ad contemplán-
dam spéciem tuæ celsitudinis perducá-
mur. Per eúndem Dóminum.

Lectio Isaíæ Prophétæ. Cap. 60.

SURGE, illumináre, Jerúsalem : quia
venit lumen tuum, et glória Dómini
super te orta est. Quia ecce ténebræ opé-
rient terram, et caligo pópulos ; super
te autem oriétur Dóminus, et glória ejus
in te vidébitur. Et ambulábunt gentes in
lúmine tuo, et reges in splendóre ortus
tui. Leva in circúitu oculos tuos, et vide :
omnes isti congregáti sunt, venérunt
tibi ; filii tui de longe vénient, et filiæ
tuæ de latere surgent. Tunc vidébis,
et áfflues, mirábitur, et dilatábitur cor
tuum, quando convérsa fuerit ad te mul-
títúdo maris, fortitúdo géntium vénierit
tibi. Inundátio camelórum opériet te,
dromedárii Mádan et Ephá : omnes de
Saba vénient, aurum et thus deferéntes,
et laudem Dómino annuntiántes.

Graduale. *Ibid.* Omnes de Saba vé-
nient, aurum et thus deferéntes, et lau-

dem Dómino annuntiántes. *ŷ.* Surge, et
illumináre, Jerúsalem : quia glória Dó-
mini super te orta est.

Allelúia, allelúia. *ŷ.* Matth. 2. Vi-
dimus stellam ejus in Oriénte, et véni-
mus cum munéribus adoráre Dóminum.
Allelúia.



Sequéntia sancti Evangélíi secún-
dum Matthæum. Cap. 2.

CUM natus esset Jesus in Bétlehem
Juda, in diébus Heródis regis, ecce
Magi ab Oriénte venérunt Jerosólymam,
dicéntes : Ubi est qui natus est Rex Ju-
dæórum ? Vidimus enim stellam ejus in
Oriénte, et vénimus adoráre eum. Au-
diens autem Heródes rex, turbátus est,
et omnis Jerosólyma cum illo. Et cón-
gregans omnes príncipes sacerdotum et
scribas pópuli, sciscitabátur ab eis ubi
Christus nascerétur. At illi dixerunt ei :
In Bétlehem Judæ. Sic enim scriptum
est per Prophétam : Et tu, Bétlehem,
terra Juda, nequáquam mínima es in
principibus Juda ; ex te enim éxiet dux
qui regat pópulum meum Israel. Tunc
Heródes, clam vocátis Magis, diligén-
ter didícit ab eis tempus stellæ quæ apparuit
eis, et mittens illos in Bétlehem, dixit :
Ite, et interrogáte diligénter de púero ;
et cum invenéritis, renuntiáte mihi, ut
et ego véniens adórem eum. Qui cum au-
dissent regem, abiérunt. Et ecce stella
quam viderant in Oriénte, antecedébat
eos, usque dum véniens staret supra
ubi erat puer. Vidéntes autem stellam,
gavisi sunt gáudio magno valde. Et in-
trántes domum, invenérunt púerum cum
María matre ejus (*hic genuflectitur*), et
procidéntes adoravérunt eum. Et apértis
thesáuris suis, obtulérunt ei múnera,

aurum, thus et myrrham. Et responso accepto in somnis ne redirent ad Herodem, per aliam viam reversi sunt in regionem suam. Credo.

Offertorium. Ps. 71. Reges Tharsis et insulæ mûnera offerunt, reges Arabum et Saba dona adducent : et adorabunt eum omnes reges terræ; omnes gentes servient ei.

Secreta.

ECCLÉSIE tuæ, quæsumus, Dómine, dona propitius intueri : quibus non jam aurum, thus et myrrha profertur; sed quod eisdem munéribus declaratur, immolatur et sumitur, Jesus Christus Filius tuus Dóminus noster. Qui tecum vivit.

Præfatio. Quia cum Unigénitus.

Et infra actionem Communicantes, et diem sacratissimum celebrantes, ut in Præfationibus.

Et dicuntur per totam Octavam.

Communio. Matth. 2. Vidimus stellam ejus in Oriente, et vénimus cum munéribus adorare Dóminum.

Postcommunio.

PRESTA, quæsumus, omnipotens Deus : ut quæ solémni celebramus officio, purificatæ mentis intelligéntia consequamur. Per Dóminum.

¶ **Infra Octavam Epiphaniæ fit idem Officium quod in die; et post Orationem diei dicuntur Orationes Deus, qui salutis æternæ, et Ecclesiæ tuæ, vel pro Papa, Deus, ómnium fidélium Pastor et Rector, ut infra, in Dominica II post Epiphaniam. 33.**

¶ **De Festis duplicibus et semiduplicibus quæ infra Octavam veniunt, nihil tunc agitur (nisi tantum de Patrono, vel Titulari Ecclesiæ, et de Dedicatione ejusdem, in propria ecclesia, non tamen in die Octava); sed peracta Octava, celebrantur; de simplicibus vero fit tantum Commemoratio.**

¶ **In Dominica infra Octavam Epiphaniæ Missa dicitur ut infra. Quod si Missa Epiphaniæ venerit in Dominica, ipsa Missa Dominicæ dicitur in Sabbato infra Octavam, et in die Octava nihil fit de Dominica.**

DOM. INFRA OCT. EPIPHANIE

Introitus.

IN excélsio throno vidi sedere virum quem adorat multitúdo Angelórum psalléntes in unum : Ecce ejus imperii nomen est in ætérnum. **Ps. 99.** Jubiláte Deo, omnis terra : servíte Dómino in lætítia. **ŷ.** Glória. In excélsio.

Oratio.

VOTA, quæsumus, Dómine, supplicántis pópuli ecclési pietáte proséquere : ut et quæ agénda sunt videant, et ad impléndam quæ viderint convalescant. Per.

Secunda Oratio de Epiphania, ut supra. 30.

Léctio Epístolæ beáti Pauli Apóstoli ad Romános. **Cap. 12.**

FRATRES, Obsecro vos per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum. Et nolite conformári huic sæculo, sed reformámini in novitáte sensus vestri : ut probétiis quæ sit volúntas Dei bona, et benéplacens, et perfécta. Dico enim per grátiam quæ data est mihi, ómnibus qui sunt inter vos : non plus sápere quam opórtet sápere, sed sápere ad sobrietátem : et unicuique sicut Deus divisit mensúram fidei. Sicut enim in uno corpore multa membra habémus, ómnia autem membra non eúndem actum habent : ita multi unum corpus sumus in Christo, singuli autem alter altérius membra, in Christo Jesu Dómino nostro.

Graduale. Ps. 71. Benedictus Dóminus Deus Israel, qui facit mirabilia magna solus a sæculo. **ŷ.** Suscípiant montes pacem pópulo tuo, et colles justitiam.

Allelúia, allelúia. **ŷ.** Ps. 99. Jubiláte Deo, omnis terra, servíte Dómino in lætítia. Allelúia.



Sequéntia sancti Evangélii secúndum Lucam. **Cap. 2.**

CUM factus esset Jesus annórum duódecim, ascendéntibus illis Jerosólymam secúndum consuetúdinem diéi festi, consummatisque diébus, cum redirent, remánsit puer Jesus in Jerúsalem,

et non cognovérunt paréntes ejus. Estimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes, regréssi sunt in Jerúsalem, requiréntes eum. Et factum est, post trídium invenerunt illum in templo sedéntem in médio doctórum, audiéntem illos, et interrogántem eos. Stupébant autem omnes qui eum audiébant, super prudéntia et respónsis ejus. Et vidéntes admiráti sunt. Et dixit mater ejus ad illum : Fili, quid fecisti nobis sic? ecce pater tuus et ego doléntes quærebámus te. Et ait ad illos : Quid est quod me quærebátis? nesciebátis quia in his quæ Patris mei sunt, opórtet me esse? Et ipsi non intellexérunt verbum quod locútus est ad eos. Et descendit cum eis, et venit Náza-reth, et erat súbditus illis. Et mater ejus conservábat ómnia verba hæc in corde suo. Et Jesus proficiebat sapiéntia, et etáte, et grátia, apud Deum et hómines. Credo.

Offertorium. Ps. 99. Jubiláte Deo, omnis terra, servíte Dómino in lætítia : intráte in conspéctu ejus in exsultatióne, quia Dóminus ipse est Deus.

Secreta.

OBLÁTUM tibi, Dómine, sacrificium vivíficet nos semper et múniat. Per.
Secunda Secreta de Epiphania, ut supra. 31.

Communio. Luc. 2. Fili, quid fecisti nobis sic? ego et pater tuus doléntes quærebámus te. Et quid est quod me quærebátis? nesciebátis quia in his quæ Patris mei sunt, opórtet me esse?

Postcommunio.

SÚPPLICES te rogámus, omnípotens Deus : ut quos tuis réfcis sacraméntis, tibi étiam plácitis móribus dignánter deservire concédas. Per Dóminum.

Secunda Postcommunio de Epiphania, ut supra. 31.

IN OCTAVA EPIPHANIE

Introitus. Malach. 3.

ECCE advénit dominátor Dóminus : et regnum in manu ejus, et potestas, et impérium. Ps. 71. Deus,

judícium tuum Regi da, et justítiam tuam Filio Regis. ̃. Glória Patri. Ecce.

Oratio.

DEUS, cujus Unigénitus in substántia nostræ carnis appáruit : præsta, quæsumus ; ut per eum, quem símilem nobis foris agnóvimus, intus reformáři mereámur. Qui tecum vivit.

Lectio Isaïæ Prophétæ. Cap. 60.

SURGE, illumináre, Jerúsalem : quia venit lumen tuum, et glória Dómini super te orta est. Quia ecce ténebræ opérient terram, et caligo pópulos ; super te autem oriétur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos, et vide : omnes isti congregáti sunt, venérunt tibi ; filii tui de longe vénient, et filiæ tuæ de látere surgent. Tunc vidébis, et áfflues, mirábitur, et dilatábitur cor tuum, quando convérsa fúerit ad te multitúdo maris, fortitúdo gentium vénierit tibi. Inundatio camelórum opériet te, dromedárii Má-dian et Ephá : omnes de Saba vénient, aurum et thus deferéntes, et laudem Dómino annuntiántes.

Graduale. Ibid. Omnes de Saba vénient, aurum et thus deferéntes, et laudem Dómino annuntiántes. ̃. Surge, et illumináre, Jerúsalem : quia glória Dómini super te orta est.

Allelúia, allelúia. ̃. Matth. 2. Vidimus stellam ejus in Oriénte, et vénimus cum munéribus adoráre Dóminum. Allelúia.



Sequéntia sancti Evangélíi secúndum Joánnem. **Cap. 1.**

IN illo témpore : Vidit Joánnes Jesum veniéntem ad se, et ait : Ecce Agnus Dei, ecce qui tollit peccátum mundi. Hic est de quo dixi : Post me venit vir qui ante me factus est : quia prior me erat. Et ego nesciebam eum : sed ut manifestétur in Israel, proptérea veni ego in aqua baptizans. Et testimónium perhibuit Joánnes, dicens : Quia vidi Spíritum descendéntem quasi colúmbam de cœlo, et mansit super eum. Et ego nesciebam eum : sed qui misit me baptizáre in aqua,

ille mihi dixit : Super quem videris Spiritum descendentem, et manentem super eum, hic est qui baptizat in Spiritu sancto. Et ego vidi, et testimonium perhibui quia hic est Filius Dei. Credo.

Offertorium. Ps. 71. Reges Tharsis et insulae munera offerent, reges Arabum et Saba dona adducunt : et adorabunt eum omnes reges terrae ; omnes gentes servient ei.

Secreta.

HOSTIAS tibi, Domine, pro nati Filii tui apparitione deferimus, suppliciter exorantes : ut sicut ipse nostrorum auctor est munerum, ita sit ipse misericors et susceptor Jesus Christus Dominus noster. Qui tecum vivit.

Communio. Matth. 2. Vidimus stellam ejus in Oriente, et venimus eum munerebus adorare Dominum.

Postcommunio.

CÆLĒSTI lumine, quæsumus, Domine, semper et ubique nos præveni : ut mysterium, cujus nos participes esse voluisti, et puro cernamus intuitu, et digno percipiamus affectu. Per Dominum nostrum Jesum Christum Filium tuum, qui tecum vivit.

¶ Ab Oct. Epiphaniæ usque ad Purificationem, nisi fuerit Duplex, post Orationem diei dicuntur istæ Orationes : Deus, qui salutis, et Ecclesiæ tuæ, vel Deus, omnium fideliū, ut infra in Dominica II post Epiphaniam.

¶ Si tempus breve fuerit ab Oct. Epiphaniæ usque ad Septuagesimam, ita ut Officia sequentium Dominicarum non possint expleri suis diebus, Officia illarum quæ supersunt post Dominicam II post Epiphaniam eo anno omittuntur, et resumuntur (quoad Orationem, Epistolam et Evangelium dumtaxat) post Dominicam XXIII post Pentecosten, ut ibi dicitur in Rubrica.

¶ Si Dominica Septuagesimæ venerit sequenti Dominica post Octavam Epiphaniæ, in præcedenti Sabbato, si non est impeditum Festo semiduplici, dicitur Missa de Dominica II post Epiphaniam. cum Commem. Festi simplicis, si in eo

occurrat. Si vero Sabbatum fuerit impeditum Festo semiduplici, tunc prima die post Octavam Epiphaniæ, in qua non sit Festum duplex, dicitur Missa de Dominica II, et Festum semiduplex in ea occurrens transferitur in primam diem similiter non impeditam.

DOMINICA SECUNDA

POST EPIPHANIAM

Introitus. Ps. 63.

OMNIS terra adoret te, Deus, et psallat tibi ; psalmum dicat nomini tuo, Altissime. **Ps.** Jubilâte Deo, omnis terra ; psalmum dicite nomini ejus : date gloriâ laudi ejus. **ŷ.** Glória Patri. Omnis terra.

Dicitur Glória in excelsis in Dominicis usque ad Septuagesimam exclusive ; in ferialibus vero diebus, quando resumitur Missa de Dom. præced., non dicitur. Quod servatur et post Pentecosten.

Oratio.

OMNIPOTENS sempiternæ Deus, qui cœlestia simul et terræna moderaris : supplicationes populi tui clementer exaudi, et pacem tuam nostris concede temporibus. Per Dominum.

De sancta Maria. Oratio.

DEUS, qui salutis æternæ, beatæ Mariæ virginitate fecunda, humano generi præmia præstitisti : tribue, quæsumus ; ut ipsam pro nobis intercedere sentiamus, per quam meruimus auctorem vitæ suscipere Dominum nostrum Jesum Christum Filium tuum.

Contra persecutores Ecclesiæ. Oratio.

ECCLESIE tuæ, quæsumus, Domine, preces placatus admitte : ut, destructis adversitatibus et erroribus universis, secūra tibi serviât libertate. Per.

Vel pro Papa. Oratio.

DEUS, omnium fideliū Pastor et Rector, famulum tuum N., quem Pastorem Ecclesiæ tuæ præesse voluisti, propitius respice : da ei, quæsumus, verbo et exemplo, quibus præest, proficere ; ut ad vitam, una cum grege sibi credito, perveniat sempiternam. Per Dominum.

Lectio Epistolæ beati Pauli Apostoli
ad Romanos. Cap. 12.

FRATRES, Habentes donatiōnes, secūndum grātiā quæ data est nobis, differētes : sive prophetiā secūndum ratiōnem fidei, sive ministērium in ministrādo, sive qui docet in doctrīna, qui exhortātur in exhortādo, qui tribuit in simplicitate, qui præest in sollicitūdine, qui miseretur in hilaritate. Dilēctio sine simulatiōe. Odientes malum, adhærentes bono : charitate fraternitatis invicem diligētes : honore invicem præveniētes : sollicitūdine non pigri : spiritu fervētes : Dōmino serviētes : spe gaudētes : in tribulatiōne patientes : oratiōni instātes : necessitatibus sanctorum communicātes : hospitalitatem sectātes. Benedicite persecutētibz vos : benedicite, et nolite maledicere. Gaudere cum gaudētibz, flere cum flētibz. Idipsum invicem sentiētes. Non alta sapiētes, sed humilibz consentiētes.

Graduale. Ps. 106. Misit Dōminus verbum suum, et sanāvit eos, et eripuit eos de interitu eorum. **Ÿ.** Confiteātur Dōmino misericordiæ ejus, et mirabilia ejus filiis hominum.

Allelūia, allelūia. **Ÿ.** Ps. 148. Laudate Dōminum, omnes Angeli ejus; laudate eum, omnes Virtutes ejus. Allelūia.

¶ Sic dicitur Allelūia cum versu post Graduale, ab Oct. Epiphaniæ usque ad Septuag., et ab Oct. Pentec. usque ad Adventum, etiam infra Hebdomadam, quando resumitur Missa de Dominica.



Sequētia sancti Evangelii secūndum Joānnem. Cap. 2.

In illo tēpore : Nūptiæ factæ sunt in Cana Galilææ, et erat mater Jesu ibi. Vocātus est autem et Jesus, et discipuli ejus, ad nūptias. Et deficiente vino, dicit mater Jesu ad eum : Vinum non habent. Et dicit ei Jesus : Quid mihi et tibi est, mulier? nondum venit hora mea. Dicit mater ejus ministris : Quodcūque dixerit vobis, facite. Erant autem ibi lapideæ hydrice sex pōitæ secūndum purificatiōnem Judæorum, capiētes singulæ metretas binas vel ternas. Dicit eis Jesus :

Implēte hydrias aqua. Et impleverunt eas usque ad summum. Et dicit eis Jesus : Haurite nunc, et ferte architriclino. Et tulerunt. Ut autem gustāvit architriclinus aquam vinum factam, et non sciēbat unde esset, ministri autem sciēbant qui hāuserant aquam, vocat sponsum architriclinus, et dicit ei : Omnis homo primum bonum vinum ponit, et cum inebriati fuerint, tunc id quod detērius est; tu autem servasti bonum vinum usque adhuc. Hoc fecit initium signōrum Jesus in Cana Galilææ; et manifestāvit glōriam suam, et crediderunt in eum discipuli ejus. Credo.

Offertorium. Ps. 65. Jubilāte Deo, univērsa terra, psalmum dicite nōmini ejus : venite, et audite, et narrābo vobis, omnes qui timētis Deum, quanta fecit Dōminus animæ meæ, allelūia.

Secreta.

OBLATA, Dōmine, mūnera sanctifica : nosque a peccatorum nostrōrum maculis emūda. Per Dōminum.

De sancta Maria. Secreta.

MUNERIBUS nostris, quæsumus, Dōmine, precibzque susceptis, et cœlestibus nos munda mystēriis, et clementer exaudi.

Contra persecutores Ecclesiæ.

Secreta.

PRŌTEGE nos, Dōmine, tuis mystēriis serviētes : ut divinis rebus inhærentes, et corpore tibi famulēmur et mente. Per Dōminum.

Vel pro Papa. Secreta.

OBLATIS, quæsumus, Dōmine, placare munēribz : et famulum tuum N., quem Pastōrem Ecclesiæ tuæ præesse voluisti, assidua protectiōne guberna. Per.

Communio. Joan. 2. Dicit Dōminus : Implēte hydrias aqua, et ferte architriclino. Cum gustasset architriclinus aquam vinum factam, dicit sponso : Servasti bonum vinum usque adhuc. Hoc signum fecit Jesus primum coram discipulis suis.

Postcommunio.

AUGEATUR in nobis, quæsumus, Dōmine, tuæ virtutis operatio : ut divinis vegetati sacramētis, ad eorum

promissa capiēda tuo mūnere pręparęmur. Per Dōminum.

De sancta Maria. Postcommunio.

HÆC nos commūnio, Dōmine, purget a crimine : et intercedēte beāta Virgine Dei Genitricis Marię, cōelęstis remēdii faciāt esse cōsōrtes.

Contra persecutores Ecclesię.

Postcommunio.

QUÆSUMUS, Dōmine Deus noster : ut quos divina tribuis participatiōne gaudere, humānis non sinas subjacere periculis. Per Dōminum.

Vel pro Papa. Postcommunio.

HÆC nos, quęsumus, Dōmine, divini sacramenti percēptio, prōtegat : et fāmulum tuum N., quem Pastōrem Ecclesię tuę pręesse voluisti, una cum commissio sibi grege salvet semper et mūniat. Per Dōminum.

DOMINICA TERTIA

POST EPIPHANIAM

Introitus. Ps. 96.

ADORATE Deum, omnes Angeli ejus : audivī, et lætāta est Sion, et exsultavērunt filię Judę. Ps. Dōminus regnāvit, exsultet terra : lætēntur insulę multę. ȳ. Glōria Patri. Adorate.

Oratio.

OMNIPOTENS sempitęrne Deus, infirmitatem nostram propitiuș respice : atque ad protegēdum nos dexteram tuę Majestātis extēde. Per Dōminum.

Secunda Oratio de sancta Maria, tertia pro Ecclesia vel pro Papa. 33.


Lectio Epistolę beāti Pauli Apōstoli ad Romānos. Cap. 12.

FRATRES, Nolite esse prudētes apud vosmetipsos : nulli malum pro malo reddētes : providētes bona non tantum coram Deo, sed etiā coram omnibus hominibus : si fieri potest, quod ex vobis est, cum omnibus hominibus pacem habētes : non vosmetipsos defendētes, charissimī, sed date locum irę : scriptum est enim : Mihi vindicta, ego retribuam, dicit Dōminus. Sed si esurierit inimicus tuus, ciba illum ; si sitit, potum da illi : hoc enim faciēns, carbōnes ignis cōnge-

res super caput ejus. Noli vinci a malo, sed vince in bono malum.

Graduale. Ps. 101. Timebunt gentes nomen tuum, Dōmine, et omnes reges terrę glōriam tuam. ȳ. Quoniam ædificavit Dōminus Sion, et vidēbitur in majestāte sua.

Allelūia, allelūia. ȳ. Ps. 96. Dōminus regnāvit, exsultet terra : lætēntur insulę multę. Allelūia.

 Sequētia sancti Evangēlii secūndum Matthæum. Cap. 8.

In illo tēpore : Cum descendisset Jesus de monte, secūtę sunt eum turbę multę ; et ecce leprōsus veniens, adorabat eum, dicens : Dōmine, si vis, potes me mundāre. Et extēdens Jesus manum, tēgit eum, dicens : Volo, mundāre. Et confestim mundāta est lepra ejus. Et ait illi Jesus : Vide, nēmīni dixeris ; sed vade, ostēde te sacerdoti, et offer munus quod pręcepit Mōyses in testimōnium illis. Cum autem introisset Capharnaum, accessit ad eum centurio, rogans eum et dicens : Dōmine, puer meus jacet in domo paralyticus, et male torquētur. Et ait illi Jesus : Ego veniam, et curābo eum. Et respōdens centurio, ait : Dōmine, non sum dignus ut intres sub tectum meum : sed tantum dic verbo, et sanābitur puer meus. Nam et ego homo sum sub potestāte constitutus, habens sub me milites ; et dico huic : Vade, et vadit ; et alii : Veni, et venit ; et servo meo : Fac hoc, et facit. Audiens autem Jesus, mirātus est, et sequētibz se dixit : Amen dico vobis, non invēni tantam fidem in Israel. Dico autem vobis, quod multi ab Oriēte et Occidēte veniēnt, et recumbent cum Abraham, et Isaac, et Jacob, in regno cōelorum ; filii autem regni ejiciēntur in tēnebras exteriōres : ibi erit fletus et stridor dentium. Et dixit Jesus centurioni : Vade, et sicut credidisti, fiat tibi. Et sanātus est puer in illa hora. Credo.

Offertorium. Ps. 117. Dextera Dōmini fecit virtutem, dextera Dōmini exaltāvit me : non mōriar, sed vivā, et narrābo opēra Dōmini.

Secreta.

HÆC hóstia, Dómine, quæsumus, emúndet nostra delicta : et ad sacrificium celebrándum subditórum tibi córpora mentésque sanctificet. Per.

Secunda Secreta de sancta Maria, tertia pro Ecclesia vel pro Papa. 34.

Communio. Luc. 4. Mirabántur omnes de his quæ procedébant de ore Dei.

Postcommunio.

Quos tantis, Dómine, largiris uti mystériis : quæsumus; ut effectibus nos eórum veráriter aptáre dignéris. Per.

Secunda Postcommunio de sancta Maria, tertia pro Ecclesia vel pro Papa. 35.

DOMINICA QUARTA

POST EPIPHANIAM

Introitus. Ps. 96.

ADORÁTE Deum, omnes Angeli ejus : audívit, et lætáta est Sion, et exsultavérunt filiae Judæ. Ps. Dóminus regnávít, exsúltet terra : læténtur ínsulæ multæ. ŷ. Glória Patri. Adoráte.

Oratio.

DEUS, qui nos in tantis periculis constitútos, pro humana scis fragilitate non posse subsistere : da nobis salutem mentis et córporis; ut ea quæ pro peccátis nostris pátimur, te adjuvante vincamus. Per Dóminum.

Secunda Oratio de sancta Maria, tertia pro Ecclesia vel pro Papa. 33.

¶ Si autem hæc Dominica venerit post Festum Purificationis, dicitur secunda Oratio A cunctis. 37, et tertia ad libitum Sacerdotis.


Léctio Epistolæ beáti Pauli Apóstoli ad Romános. Cap. 13.

FRATRES, Némini quidquam debeátis, nisi ut invicem diligátis : qui enim diligit próximum, legem implévit. Nam : Non adulterábis; Non occides; Non furaberis; Non falsum testimónium dices; Non concupisces; et si quod est aliud mandátum, in hoc verbo instaurátur : Diliges próximum tuum sicut teipsum. Diléctio próximi malum non operátur. Plenitúdo ergo legis est diléctio.

Graduale. Ps. 101. Timébunt gentes

nomen tuum, Dómine, et omnes reges terræ glóriam tuam. ŷ. Quóniam ædificávit Dóminus Sion, et vidébitur in majestáte sua.

Allelúia, allelúia. ŷ. Ps. 96. Dóminus regnávít, exsúltet terra : læténtur ínsulæ multæ. Allelúia.

 Sequéntia sancti Evangélíi secúndum Matthæum. Cap. 8.

IN illo témpore : Ascendénte Jesu in naviculam, secúti sunt eum discipuli ejus. Et ecce motus magnus factus est in mari, ita ut navícula operirétur flúctibus; ipse vero dormiébat. Et accessérunt ad eum discipuli ejus, et suscitavérunt eum, dicéntes : Dómine, salva nos, perimus. Et dicit eis Jesus : Quid tímidi estis, módicæ fidei? Tunc surgens imperávit ventis et mari, et facta est tranquillitas magna. Porro hómines miráti sunt, dicéntes : Qualis est hic, quia venti et mare obédiunt ei? Credo.

Offertorium. Ps. 117. Déxtera Dómini fecit virtútem, délixera Dómini exaltávit me : non móriar, sed vivam, et narrábo ópera Dómini.

Secreta.

CONCÉDE, quæsumus, omnípotens Deus, ut hujus sacrificii munus oblátum, fragilitatem nostram ab omni malo purget semper et múniat. Per Dóminum.

Secunda Secreta de sancta Maria, tertia pro Ecclesia vel pro Papa. 34.

Communio. Luc. 4. Mirabántur omnes de his quæ procedébant de ore Dei.

Postcommunio.

MÚNERA tua nos, Deus, a delectatióibus terrénis expédiant, et cœlestibus semper instáurent aliméntis. Per.

Secunda Postcommunio de sancta Maria, tertia pro Ecclesia vel pro Papa. 35.

DOMINICA QUINTA

POST EPIPHANIAM

Introitus. Ps. 96.

ADORÁTE Deum, omnes Angeli ejus : audívit, et lætáta est Sion, et exsultavérunt filiae Judæ. Ps. Dóminus regnávít, exsúltet terra : læténtur ínsulæ multæ. ŷ. Glória Patri. Adoráte.

Oratio.

FAMÍLIAM tuam, quæsumus, Dómine, continua pietáte custódi: ut quæ in sola spe grátiae cœlestis innítitur, tua semper protectióne muniátur. Per.

Ad poscenda suffragia Sanctorum.

Oratio.

ACUNCTIS nos, quæsumus, Dómine, mentis et cõrporis defénde periculis: et intercedénte beáta et gloriósa semper vírgine Dei Genitricæ María, cum beáto Joseph, beátis Apóstolis tuis Petro et Paulo, atque beáto N., et ómnibus Sanctis, salútem nobis tribue benignus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte. (Per eúdem Dóminum, si dicatur último loco.)

In hac Oratione, nomina SS. Michaelis et Joannis Baptistæ præponuntur sancto Joseph et Apostolis.


Tertia Oratio dicitur ad libitum Sacerdotis.

Lectio Epístolæ beáti Pauli Apóstoli ad Colossénses. Cap. 3.

FRATRES, Indúite vos sicut elécti Dei, sancti et dilécti, viscera misericórdiæ, benignitatem, humilitatem, modéstiam, patiéntiam: supportantes invicem, et donantes vobismetipsis, si quis advérsus áliquem habet querelam; sicut et Dóminus donávit vobis, ita et vos. Super ómnia autem hæc, charitatem habéte, quod est vñculum perfectiónis: et pax Christi exsúltet in cõrdibus vestris, in qua et vocáti estis in uno cõrpore: et grati estóte. Verbum Christi hábitet in vobis abundanter, in omni sapiéntia, docéntes et commónétes vosmetipsos psalmis, hymnis et cánticis spiritalibus, in grátia cantantes in cõrdibus vestris Deo. Omne quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo et Patri per Jesum Christum Dóminum nostrum.

Graduale. Ps. 101. Timébunt gentes nomen tuum, Dómine, et omnes reges terræ glóriam tuam. *ŷ.* Quóniam ædificávit Dóminus Sion, et videbitur in maiestáte sua.

Allelúia, allelúia. *ŷ.* Ps. 96. Dóminus regnávít, exsúltet terra: læténtur insulæ multæ. Allelúia.

 Sequéntia sancti Evangelii secundum Matthæum. Cap. 13.

In illo témpore: Símile factum est regnum cœlórum hómini qui seminávit bonum semen in agro suo. Cum autem dormirent hómines, venit inimícus ejus, et superseminávit zizánia in médio trítici, et ábiit. Cum autem crevisset herba, et fructum fecisset, tunc apparuérunt et zizánia. Accedéntes autem servi patrisfamilias, dixerunt ei: Dómine, nonne bonum semen seminásti in agro tuo? Unde ergo habet zizánia? Et ait illis: Inimícus homo hoc fecit. Servi autem dixerunt ei: Vis, imus, et colligimus ea? Et ait: Non, ne forte colligéntes zizánia, eradicétis simul cum eis et tríticum. Sinite útraque créscere usque ad messem, et in témpore messis dicam messóribus: Colligite primum zizánia, et alligáte ea in fascículos ad comburéndum: tríticum autem congregáte in hórreum meum.

Credo.

Offertorium. Ps. 117. Dextera Dómini fecit virtutem, dextera Dómini exaltávit me: non móriar, sed vivam, et narrábo ópera Dómini.

Secreta.

HÓSTIAS tibi, Dómine, placatiónis offérimus, ut et delicta nostra miserátus absólvas, et nutántia corda tu dirigas. Per Dóminum.

Ad poscenda suffragia Sanctorum.

Secreta.

EXÁUDI nos, Deus salutáris noster: ut per hujus sacraménti virtutem, a cunctis nos mentis et cõrporis hóstibus tueáris, grátiam tribuens in præsentí, et glóriam in futuro.

Tertia ad libitum.

Communio. Luc. 4. Mirabántur omnes de his quæ procedébant de ore Dei.

Postcommunio.

QUÆSUMUS, omnipotens Deus: ut illius salutáris capiamus effectum, cujus per hæc mystéria pignus accépinus. Per.

Ad poscenda suffragia Sanctorum.

Postcommunio.

MUNDET et múuiat nos, quæsumus, Dómine, divíni sacraménti munus oblátum : et intercedénte beáta Virgíne Dei Genitríce Mariá, cum beáto Jóseph, beátis Apóstolis tuis Petro et Paulo, atque beáto N., et ómnibus Sanctis, a cunctis nos reddat et perversitatibus expiátos, et adversitatibus expeditos.

Tertia ad libitum.

DOMINICA SEXTA

POST EPIPHANIAM

Introitus. Ps. 96.

ADORÁTE Deum, omnes Angeli ejus : audívit, et lætáta est Sion, et exsultavérunt filíe Judæ. Ps. Dóminus regnávít, exsúltet terra : læténtur insulæ multæ. ŷ. Glória Patri. Adoráte.

Oratio.

PRÆSTA, quæsumus, omnipotens Deus : ut semper rationabilia meditántes, quæ tibi sunt plácita et dictis exsequámur et factis. Per Dóminum.

Secunda Oratio A cunctis, ut supra. 37; tertia ad libitum.


Lectio Epistolæ beáti Pauli Apóstoli ad Thessalonicénses. I Thess. 4.

FRATRES, Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiõe; mémoires óperis fidei vestræ, et labóris, et charitátis, et sustinéntiæ spei Dómini nostri Jesu Christi, ante Deum et Patrem nostrum; sciéntes, fratres dilécti a Deo, electiõeem vestram : quia Evangélium nostrum non fuit ad vos in sermõe tantum, sed et in virtúte, et in Spíritu sancto, et in plenitúdine multa, sicut scitis quales fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatiõe multa, cum gáudio Spíritus sancti : ita ut facti sitis forma ómnibus credéntibus in Macedónia et in Acháia. A vobis enim diffamátus est sermo Dómini, non solum in Macedónia et in Acháia, sed et in omni loco fides vestra, quæ est ad Deum, profécta est, ita ut non sit nobis

necesse quidquam loqui. Ipsi enim de nobis annúntiant qualem intróitum habuérimus ad vos : et quómo do convérsi estis ad Deum a simulácris, servíre Deo vivo et vero, et expectáre Filium ejus de cœlis (quem suscitávit ex mórtuis) Jesum, qui erípuit nos ab ira ventúra.

Graduale. Ps. 101. Timébunt gentes nomen tuum, Dómine, et omnes reges terræ glóriam tuam. ŷ. Quóniam ædificávit Dóminus Sion, et vidébitur in majestáte sua.

Allelúia, allelúia. ŷ. Ps. 96. Dóminus regnávít, exsúltet terra : læténtur insulæ multæ. Allelúia.

 Sequéntia sancti Evangélii secúndum Matthæum. Cap. 13.

In illo témpore : Dixit Jesus turbis parábolam hanc : Simile est regnum cœlórum grano sinápis, quod accipiens homo seminávit in agro suo. Quod mínimum quidem est ómnibus semínibus; cum autem créverit, majus est ómnibus oléribus, et fit arbor, ita ut vólucres cœli véniant, et hábitent in ramis ejus. Aliam parábolam locútus est eis : Simile est regnum cœlórum fermento, quod acceþtum mûlier abscondit in farinæ satis tribus, donec fermentátum est totum. Hæc ómnia locútus est Jesus in parábolis ad turbas, et sine parábolis non loquebátur eis, ut implerétur quod dictum erat per Prophétam dicéntem : Apériam in parábolis os meum, eructábo abscondita a constitutiõe mundi. Credo.

Offertorium. Ps. 117. Dêxtera Dómini fecit virtútem, dêxtera Dómini exaltávit me : non móriar, sed vivam, et narrábo ópera Dómini.

Secreta.

HÆC nos oblátio, Deus, mundet, quæsumus, et rénovet, gubérnet, et próteget. Per Dóminum.

Secunda Secreta Exáudi nos. 37; tertia ad libitum.

Communio. Luc. 4. Mirabántur omnes de his quæ procedébant de ore Dei.

Postcommunio.

CELÉSTIBUS, Dómine, pasti delíciis : quæsumus, ut semper éadem, per

quæ veraciter vivimus, appetamus. Per Dñm.

Secunda Postcommunio Mundet. 38; tertia ad libitum.

DOMINICA IN SEPTUAGESIMA

*Statio ad Sanctum Laurentium
extra muros.*

Introitus. Ps. 17.

CIRCUMDEDÉRUNT me gémitus mortis, dolóres inférni circumdedérunt me : et in tribulatióne mea invocávi Dñm, et exaudivit de templo sancto suo vocem meam. Ps. Diligam te, Dñmine, fortitúdo mea : Dñmus firmaméntum meum, et refúgium meum, et liberátor meus. ʒ. Glória Patri. Circumdedérunt me.

Non dicitur Glória in excelsis ab hac Dominica usque ad Pascha, exceptis Feria V in Cœna Domini, et Sabbato sancto, et quando dicitur Missa de Festo.

Oratio.

PRECES pópuli tui, quæsumus, Dñmine, cleménter exáudi : ut qui juste pro peccátis nostris affligimur, pro tui nómínis glória misericórditer liberémur. Per Dñm.

Secunda Oratio A cunctis, ut supra. 37; tertia ad libitum.

¶ Sic dicitur secunda et tertia Oratio a Festo Purificationis usque ad Feriam IV Cinerum exclusive, quando non est Duplex; nisi Dominica Septuagesimæ venerit ante festum Purificationis, vel in ipsa die Purificationis, quia tunc dicuntur Orationes sicut in Dominica II post Epiphaniam, de sancta Maria, et contra persecutores Ecclesiæ, vel pro Papa.

Simili modo fiat in Sexagesima et Quinquagesima.

Lectio Epistolæ beáti Pauli Apóstoli ad Corínthios. I Cor. 9 et 10.

FRATRES, Nescitis quod ii qui in stádio currunt, omnes quidem currunt, sed unus accipit bravium? Sic cúrrite, ut comprehendátis. Omnis autem qui in agóne conténdit, ab ómnibus se ábstinet : et illi quidem ut corruptibilem coronam accipiant, nos autem incorrúptam. Ego

igitur sic curro, non quasi in incertum; sic pugno, non quasi ærem verberans; sed castigo corpus meum, et in servitutem rédigo; ne forte, cum áliis prædicáverim, ipse réprobus efficiar. Nolo enim vos ignoráre, fratres, quóniam patres nostri omnes sub nube fuérunt, et omnes mare transiérunt, et omnes in Mýse baptizáti sunt in nube et in mari : et omnes eámdem escam spirítalem manducavérunt, et omnes eúmdem potum spirítalem bibérunt (bibébant autem de spirítali, consequente eos, petra; petra autem erat Christus). Sed non in plúribus eórum beneplácitum est Deo.

Graduale. Ps. 9. Adjútor in opportunitátibus, in tribulatióne : sperent in te qui novérunt te, quóniam non derelínquis quærentes te, Dñmine. ʒ. Quóniam non in finem oblivio erit páuperis : paciéntia páuperum non peribit in ætérnum : exsúrge, Dñmine : non prævaleat homo.

Tractus. Ps. 129. De profúndis clamávi ad te, Dñmine; Dñmine, exáudi vocem meam. ʒ. Fiant aures tuæ intendentes in oratióem servi tui. ʒ. Si iniquitátes observáveris, Dñmine : Dñmine, quis sustinebit? ʒ. Quia apud te propitiatio est, et propter legem tuam sustinuit te, Dñmine.

¶ A Septuagesima usque ad Feriam IV Cinerum, Tractus dicitur tantum in Dominicis et Festis : in Feriis autem, quando repetitur Missa de Dominica, non dicitur, sed tantum Graduale.

Sequéntia sancti Evangélíi secundum Matthæum. Cap. 20.

In illo témpore : Dixit Jesus discipulis suis parábolam hanc : Simile est regnum celórum hómini patrifamílias, qui éxiit primo mane conducere operários in vineam suam. Conventióne autem facta cum operáriis ex denário diúrno, misit eos in vineam suam. Et egréssus circa horam tértiam, vidit álios stantes in foro otiosos, et dixit illis : Ite et vos in vineam meam, et quod justum fuérut dabo vobis. Illi autem abiérunt. Iterum autem éxiit circa sextam et nonam horam, et fecit similiter. Circa undécimam vero éxiit, et

invenit alios stantes, et dicit illis : Quid hic statis tota die otiosi? Dicunt ei : Quia nemo nos conduxit. Dicit illis : Ite et vos in vineam meam. Cum sero autem factum esset, dicit dominus vineæ procuratori suo : Voca operarios, et redde illis mercedem, incipiens a novissimis usque ad primos. Cum venissent ergo qui circa undecimam horam venerant, acceperunt singulos denarios. Venientes autem et primi, arbitrati sunt quod plus essent accepturi : acceperunt autem et ipsi singulos denarios. Et accipientes murmurabant adversus patremfamilias dicentes : Hi novissimi una hora fecerunt, et pares illos nobis fecisti, qui portavimus pondus diei et æstus. At ille respondens uni eorum, dixit : Amice, non facio tibi injuriam : nonne ex denario convenisti mecum? Tolle quod tuum est, et vade : volo autem et huic novissimo dare sicut et tibi. Aut non licet mihi quod volo facere? an oculus tuus nequam est, quia ego bonus sum? Sic erunt novissimi primi, et primi novissimi. Multi enim sunt vocati, pauci vero electi. Credo.

Offertorium. Ps. 91. Bonum est confiteri Dómino, et psallere nómini tuo, Altissime.

Secreta.

MUNÉRIBUS nostris, quæsumus, Dómine, precibusque susceptis, et cœlestibus nos munda mysteriis, et clementer exaudi. Per Dóminum.

¶ Si Dominica Septuagesimæ venerit ante Festum Purificationis, vel ipsa die Purificationis, Secreta de sancta Maria erit Tua, Dómine, ut in ejusdem Missa votiva a Purificatione usque ad Pascha.

Secunda Secreta Exaudi nos. 37; *tertia ad libitum.*

Communio. Ps. 30. Illúmina faciem tuam super servum tuum, et salvum me fac in tua misericórdia : Dómine, non confundar, quóniam invocávi te.

Postcommunio.

FIDÉLES tui, Deus, per tua dona firméntur : ut eadem et percipiéndò requirant, et quæréndò sine fine percipiant. Per Dóminum.

Secunda Postcommunio Mundet. 38; *tertia ad libitum.*

Ÿ. Benedicámus Dómino.

Ŧ. Deo grátias.

DOMINICA IN SEXAGESIMA

Statio ad Sanctum Paulum.

Introitus. Ps. 43.

EXSÚRGE : quare obdormis, Dómine? exsúrge, et ne repéllas in finem : quare faciem tuam avértis, oblivisceris tribulationem nostram? Adhæsit in terra venter noster : exsúrge, Dómine, adjuva nos, et libera nos. Ps. Deus, auribus nostris audívimus : patres nostri annuntiavérunt nobis. Ÿ. Glória Patri. Exsúrge.

Oratio.

DEUS, qui cónspicis quia ex nulla nostra actione confidimus : concède propítius ; ut contra advérsa ómnia, Doctóris géntium protectione muniámur. Per Dóminum.

Secunda Oratio A cunctis, ut supra. 37; *tertia ad libitum.*

Léctio Epistolæ beáti Pauli Apóstoli ad Corínthios. II Cor. 11 et 12.

FRATRES, Libénter suffértis insipientes, cum sitis ipsi sapiéntes. Sustinétis enim si quis vos in servitútem rédigat, si quis dévorat, si quis áccipit, si quis extóllitur, si quis in faciem vos cædit. Secundum ignobilitátem dico, quasi nos infirmi fuérimus in hac parte. In quo quis audet (in insipientia dico), áudeo et ego. Hebræi sunt? et ego. Israelitæ sunt? et ego. Semen Abrahæ sunt? et ego. Ministri Christi sunt? (ut minus sapiens dico) plus ego : in labóribus plúrimis, in carcéribus abundántius ; in plagis supra modum, in mórtibus fréquenter. A Judæis quinquies quadragénas, una minus, accépi. Ter virgis cæsus sum, semel lapidátus sum, ter naufragium feci, nocte et die in profundo maris fui : itinéribus sæpe, periculis flúminum, periculis latrónum, periculis ex genere, periculis ex géntibus, periculis in civitáte, periculis in solitúdine, periculis in mari, periculis in falsis frátribus, in labóre et ærumna, in

vigiliis multis, in fame et siti, in jejuniis multis, in frigore et nuditate. Præter illa quæ extrinsecus sunt, instantia mea quotidiana, sollicitudo omnium Ecclesiarum. Quis infirmatur, et ego non infirmor? Quis scandalizatur, et ego non uror? Si gloriari oportet, quæ infirmitatis meæ sunt gloriabor. Deus et Pater Domini nostri Jesu Christi, qui est benedictus in sæcula, scit quod non mentior. Damasci præpositus gentis Arétæ regis custodiebat civitatem Damascenorum, ut me comprehenderet: et per fenestram in sporta dimissus sum per murum, et sic effugi manus ejus. Si gloriari oportet (non expedit quidem), veniam autem ad visiones et revelationes Domini. Scio hominem in Christo ante annos quatuordecim (sive in corpore, nescio, sive extra corpus, nescio, Deus scit), raptum hujusmodi usque ad tertium cælum. Et scio hujusmodi hominem (sive in corpore, sive extra corpus, nescio, Deus scit), quoniam raptus est in paradysum, et audivit arcana verba, quæ non licet homini loqui. Pro hujusmodi gloriabor; pro me autem nihil gloriabor, nisi in infirmitatibus meis. Nam et si voluero gloriari, non ero insipiens; veritatem enim dicam: parco autem, ne quis me existimet supra id quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meæ, angelus Sathanæ, qui me colaphizet. Propter quod ter Dominum rogavi ut discederet a me, et dixit mihi: Sufficit tibi grátia mea, nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

Graduale. Ps. 82. Sciant gentes quoniam nomen tibi Deus: tu solus Altissimus super omnem terram. *ŷ.* Deus meus, pone illos ut rotam, et sicut stipulam ante faciem venti.

Tractus. Ps. 39. Commovisti, Domine, terram, et conturbasti eam. *ŷ.* Sana contritiones ejus, quia mota est. *ŷ.* Ut fugiant a facie arcus, ut liberentur electi tui.



Sequentia sancti Evangelii secundum Lucam. **Cap. 8.**

In illo tempore: Cum turba plurima convenirent, et de civitatibus properarent ad Jesum, dixit per similitudinem: Exiit qui seminat seminare semen suum; et dum seminat, aliud cecidit secus viam, et conculcatum est, et volucres cæli comederunt illud. Et aliud cecidit supra petram, et natum aruit, quia non habebat humorem. Et aliud cecidit inter spinas, et simul exortæ spinæ suffocaverunt illud. Et aliud cecidit in terram bonam, et ortum fecit fructum centuplum. Hæc dicens clamabat: Qui habet aures audiendi, audiat. Interrogabant autem eum discipuli ejus, quæ esset hæc parabola. Quibus ipse dixit: Vobis datum est nosse mysterium regni Dei, cæteris autem in parabolis; ut videntes non videant, et audientes non intelligant. Est autem hæc parabola: Semen est verbum Dei. Qui autem secus viam, hi sunt qui audiunt: deinde venit diabolus, et tollit verbum de corde eorum, ne credentes salvi fiant. Nam qui supra petram, qui cum audierint, cum gaudio suscipiunt verbum; et hi radices non habent; qui ad tempus credunt, et in tempore tentationis recedunt. Quod autem in spinas cecidit, hi sunt qui audierunt, et a sollicitudinibus, et divitiis, et voluptatibus vitæ, euntes suffocantur, et non referunt fructum. Quod autem in bonam terram, hi sunt qui in corde bono et optimo audientes, verbum retinent, et fructum afferunt in patientia. **Credo.**

Offertorium. Ps. 16. Perfice gressus meos in semitis tuis, ut non moveantur vestigia mea: inclina aurem tuam, et exaudi verba mea: mirifica misericordias tuas, qui salvos facis sperantes in te, Domine.

Secreta.

Oblatum tibi, Domine, sacrificium vivificet nos semper et muniat. Per Dominum.

Secunda Secreta Exaudi nos. 37; **tertia ad libitum.**

Communio. Ps. 42. Introibo ad altare

Dei, ad Deum qui lætificat juventutem meam.

Postcommunio.

SÚPLICES te rogámus, omnípotens Deus : ut quos tuis réficis sacraméntis, tibi étiam plácitis móribus dignánter deservire concédas. Per Dóminum.

Secunda Postcommunio Mundet. 38; *tertia ad libitum.*

Ÿ. Benedicámus Dómino.

℞. Deo grátias.

DOMINICA IN QUINQUAGESIMA

Statio ad Sanctum Petrum.

Introitus. Ps. 30.

ESTO mihi in Deum protectórem, et in locum refúgii, ut salvum me fácias : quóniam firmaméntum meum et refúgium meum es tu; et propter nomen tuum dux mihi eris, et enútries me. *Ps.* In te, Dómine, sperávi, non confúndar in ætérnum : in justítia tua libera me, et éripe me. Ÿ. Glória Patri. Esto mihi.

Oratio.

PRECES nostras, quæsumus, Dómine, cleménter exáudi : atque a peccatórum vinctúlis absolúti, ab omni nos adversitaté custódi. Per Dóminum.

Secunda Oratio A cunctis. 37; *tertia ad libitum.*

Léctio Epístolæ beáti Pauli Apóstoli ad Corínthios. *I Cor. 13.*

FRATRES, Si linguis hóminum loquar et Angelórum, charitatém autem non hábeam, factus sum velut æs sonans, aut cymbalum tinniens. Et si habúero prophetíam, et nóverim mystéria ómnia et omnem sciéntiam; et si habúero omnem fidem, ita ut montes tránsferam, charitatém autem non habúero, nihil sum. Et si distribúero in cibos páuperum omnes facultátes meas, et si tradídero corpus meum ita ut árdeam, charitatém autem non habúero, nihil mihi prodest. Cháritas pátiens est, benígna est. Cháritas non æmulátur, non agit pérperam, non inflátur, non est ambitiósá, non quærit quæ sua sunt, non irritátur, non cógitat malum, non gaudet super iniqui-

táté, congáudet autem veritáti; ómnia suffert, ómnia credit, ómnia sperat, ómnia sústinet. Cháritas numquam excídit : sive prophetíæ evacuabúntur, sive lingua cessábunt, sive sciéntia destruétur. Ex parte enim cognóscimus, et ex parte prophetámus : cum autem vénerit quod perféctum est, evacuábitur quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus; quando autem factus sum vir, evacuávi quæ erant párvuli. Vidémus nunc per spéculum in ænigmate : tunc autem fácie ad fáciem. Nunc cognóscó ex parte; tunc autem cognóscam sicut et cógitus sum. Nunc autem manent fides, spes, cháritas, tria hæc : major autem horum est cháritas.

Graduale. Ps. 76. Tu es, Deus, qui facis mirabilia solus : notam fecísti in géntibus virtutém tuam. Ÿ. Liberásti in bráchio tuo pópulum tuum, filios Israel et Joseph.

Tractus. Ps. 99. Jubiláte Deo, omnis terra; servíte Dómino in lætítia. Ÿ. Intráte in conspéctu ejus in exsultatíone : scitóte quod Dóminus ipse est Deus. Ÿ. Ipse fecit nos, et non ipsi nos; nos autem pópulus ejus, et oves páscae ejus.



Sequéntia sancti Evangélii secundum Lucam. *Cap. 18.*

IN illo témpore : Assúmpsit Jesus Duódecim, et ait illis : Ecce ascéndimus Jerosólymam, et consummabúntur ómnia quæ scripta sunt per Prophétas de Filio hóminis. Tradétur enim géntibus, et illudétur, et flagellábitur, et conspuétur; et postquam flagelláverint, occident eum, et tértia die resúrget. Et ipsi nihil horum intellexérunt, et erat verbum istud absconditum ab eis, et non intelligébant quæ dicebántur. Factum est autem, cum appropinquáret Jéricho, cæcus quidam sedébat secus viam, mendicans. Et cum audíret turbam prætereúntem, interrogábat quid hoc esset. Dixérunt autem ei, quod Jesus Nazarénus transíret. Et clamávit, dicens : Jesu fili David,

miserére mei. Et qui præibant, increpabant eum ut tacéret. Ipse vero multo magis clamábat : Fili David, miserére mei. Stans autem Jesus, jussit illum addúci ad se. Et cum appropinquásset, interrogávit illum, dicens : Quid tibi vis fáciam? At ille dixit : Dómine, ut vídeam. Et Jesus dixit illi : Réspice : fides tua te saluum fecit. Et conféstum vidit, et sequebátur illum magnificans Deum. Et omnis plebs, ut vidit, dedit laudem Deo. Credo.

Offertorium. Ps. 118. Benedíctus es, Dómine : doce me justificatiónes tuas : in lábiis meis pronuntiávi ómnia judicia oris tui.

Secreta.

HÆC hóstia, Dómine, quæsumus, emúndet nostra delicta : et ad sacrificium celebrándum subditórum tibi córpora mentésque sanctíficet. Per Dóminum.

Secunda Secreta Exáudi nos. 37; **tertia ad libitum.**

Communio. Ps. 77. Manducavérunt, et saturáti sunt nimis, et desidérium eórum áttulit eis Dóminus : non sunt fraudáti a desidério suo.

Postcommunio.

QUÆSUMUS, omnípotens Deus, ut qui cœlestia aliménta percépimus, per hæc contra ómnia advérsa muniámur. Per Dóminum.

Secunda Postcommunio Mundet. 38; **tertia ad libitum.**

Ÿ. Benedicámus Dómino.

℞. Deo grátias.

FERIA IV CINERUM

Ante Missam benedicuntur Cineres facti de ramis olivarum, sive aliarum arborum, præcedenti anno benedictis, hoc modo.

Finita Nona, Sacerdos, indutus pluviali violaceo, vel sine casula, cum ministris similiter indutis, procedit ad benedicendum Cineres in vase aliquo super altare positos. Et primo cantatur a Choro sequens Antiphona.

Ps. 68.

EXÁUDI nos, Dómine, quóniam benigna est misericórdia tua : secundum multitudíniem miserationum tuarum réspice nos, Dómine. Ps. Saluum me fac, Deus, quóniam intravérunt aquæ usque ad ánimam meam. Ÿ. Glória Patri.

Repetitur Exáudi nos, etc.

Deinde Sacerdos in cornu Epistolæ, non vertens se ad populum, manibus junctis (quod servatur etiam in Orationibus omnium benedictionum quoad manus junctas), dicit :

Ÿ. Dóminus vobiscum.

℞. Et cum spíritu tuo.

Orémus. Oratio.

OMNÍPOTENS sempitérne Deus, parce pœniténtibus, propitiare supplicántibus : et mittere dignéris sanctum Angelum tuum de cœlis, qui bene❧ dicat et sancti❧ ficet hos cineres, ut sint remédium salúbre ómnibus nomen sanctum tuum humíliter implorántibus, ac semetipsos pro consciéntia delictórum suórum accusántibus, ante conspéctum divínæ cleméntiæ tuæ facínora sua deplorántibus, vel sereníssimam pietátem tuam suppliciter obnixéque flagitántibus : et præsta per invocatiónem sanctíssimi nóminis tui, ut quicúmque per eos aspérsi fuerint pro redemptione peccatórum suórum, córporis sanitátem et ánimæ tutélam percipiant. Per Christum Dóminum nostrum.

℞. Amen.

Orémus.

DEUS, qui non mortem, sed pœniténtiam desíderas peccatórum, fragilitátem conditiónis humánæ benigníssime réspice, et hos cineres, quos causa proferéndæ humilitátis, atque promeréndæ véniæ, capítibus nostris impóni decérnimus, bene❧ dicere pro tua pietáte dignáre : ut qui nos cinerem esse, et ob pravitatís nostræ deméritum in pulverem reversúros cognóscimus, peccatórum ómnium véniam, et præmia pœniténtibus repromissa, misericórditer

cōsequi mereámur. Per Christum Dóminum nostrum. *℞. Amen.*

Orémus.

DEUS, qui humiliatióne flécteris, et satisfactiόne placáris, aurem tuæ pietátis inclina precíbus nostris : et capítibus servórum tuórum, horum cinerum aspersiόne contactis, effúnde propítius grátiam tuæ benedictiόnis : ut eos et spíritu compunctiόnis répleas, et quæ juste postuláverint, effícaciter tríbuas; et concessa perpétuo stabilita et intácta manére decérnas. Per Christum Dóminum nostrum. *℞. Amen.*

Orémus.

OMNÍPOTENS sempitérne Deus, qui Nínivitis in cinere et cilicio pœniténtibus indulgéntiæ tuæ remédia præstitísti : concéde propítius; ut sic eos imitémur hábitu, quatenus vénia prosequámur obténtu. Per Dóminum.

¶ Postea Celebrans, imposito incenso in thuribulo, ter aspergit Cineres aqua benedicta, dicendo Antiphonam *Aspér-ges, sine cantu et sine Psalmo*, et ter adolet incenso. Deinde dignior Sacerdos ex Clero accedens ad Altare, imponit Cinerem Celebranti non genuflexo. Si vero non adsit alius Sacerdos, ipsemet Celebrans, genibus flexis coram Altari, sibi ipsi Cineres imponit in capite, nihil dicens, et cantatur statim a Choro Antiphona.

Joel. 2.

IMMUTÉMUR hábitu, in cinere et cilicio : jejunémus, et plorémus ante Dóminum : quia multum miséricors est dimittere peccáta nostra Deus noster.

Alia Antiphona. Joel. 2. Inter vestíbulum et altáre plorábunt Sacerdótes ministri Dómini, et dicent : Parce, Dómine, parce pópulo tuo : et ne claudas ora canéntium te, Dómine.

Sequitur *℞. Esth. 13; Joel. 2.* Emen-démus in mélius quæ ignoránte peccávimus, ne súbito præoccupáti die mortis, quærámus spátium pœniténtiæ, et inveníre non possimus. * Atténde, Dómine, et miserére : quia peccávimus tibi. *ŷ. Ps. 78.* Adjuva nos, Deus salutáris

noster : et propter honórem nóminis tui, Dómine, libera nos. — * Atténde, Dómine, et miserére : quia peccávimus tibi. — *ŷ. Glória Patri.* — * Atténde, Dómine, et miserére : quia peccávimus tibi.

¶ Sacerdos vero, dum cantantur Antiphonæ et Responsorium, detecto capite, primo imponit Cineres digniori Sacerdoti, a quo ipse accepit, deinde ministris paratis, genibus flexis coram Altari, dicens :

Genes. 3. Meménto, homo, quia pulvis es, et in pulvérem revertéris.

Postea veniunt alii, primo Clerus per ordinem, deinde populus : et genibus flexis ante Altare, singulatim recipiunt Cineres a Sacerdote, ut dictum est de ministris.

Completa Cinerum impositione, Sacerdos dicit : Dóminus vobíseum.

Orémus.

CONCÉDE nobis, Dómine, præsidia militiæ christiánæ sanctis inchoáre jejúniis : ut contra spirítales nequitias pugnatúri, continéntiæ muniámur auxiliis. Per Christum Dóminum nostrum.

℞. Amen.

Deinde dicitur Missa.

Statio ad Sanctam Sabinam.

Introitus. Sap. 11.

MISERÉRIS ómnium, Dómine, et nihil odisti córum quæ fecísti : dissimulans peccáta hóminum propter peniténtiam, et parcens illis : quia tu es Dóminus Deus noster. *Ps. 56.* Miserére mei, Deus, miserére mei : quóniam in te confidit ánima mea. *ŷ. Glória Patri.* Miseréris.

Oratio.

PRÆSTA, Dómine, fidélibus tuis : ut jejuniórum veneránda solémnia et cógrua pietáte suscipiant, et secúra devotiόne percúrrant. Per Dóminum.

¶ Ab hac die usque ad Dominicam de Passione, post Orationem dici dicuntur duæ sequentes Oratiões.

Ad poscenda suffragia Sanctorum.

Oratio.

ACUNCTIS nos, quæsumus, Dómine, mentis et córporis defénde pericu-

lis : et intercedente beata et gloriósa semper virgine Dei Genitrice Maria, cum beato Joseph, beatis Apóstolis tuis Petro et Paulo, atque beato N., et omnibus Sanctis, salutem nobis tribue benignus et pacem; ut, destrúctis adversitatibus et erróribus univérsis, Ecclésiá tua secura tibi sérviat libertate.

Pro vivis et defunctis.

Oratio.

OMNÍPOTENS sempitérne Deus, qui vivórum domináris simul et mortuórum, omniumque miseréris quos tuos fide et ópere futúros esse prænóscis : te supplices exorámus; ut pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exútos corpore suscepit, intercedéntibus omnibus Sanctis tuis, pietátis tuæ cleméntia omnium delictórum suórum véniam consequántur. Per Dóminum.

Lectio Joélis Prophétæ. Cap. 2.

HÆC dicit Dóminus : Convertimini ad me in toto corde vestro, in jejúnio, et in fletu, et in planctu. Et scíndite corda vestra, et non vestiménta vestra; et convertimini ad Dóminum Deum vestrum : quia benignus et miséricors est, pátiens, et multæ misericórdiæ, et præstábilis super malitia. Quis scit si convertátur, et ignóscat, et relinquat post se benedictiónem, sacrificium, et libámen Dómino Deo vestro? Cánite tuba in Sion, sanctificáte jejúnium; vocáte cœtum, congregáte pópulum, sanctificáte Ecclésiám, coadunáte senes, congregáte párvulos et sugéntes úbera. Egrediátur sponsus de cubili suo, et sponsa de thálamo suo. Inter vestibulum et altáre plorábunt Sacerdótes ministri Dómini, et dicent : Parce, Dómine, parce pópulo tuo, et ne des hæreditatem tuam in oppróbrium, ut dominéntur eis nátiónes. Quare dicunt in pópulis : Ubi est Deus eórum? Zelátus est Dóminus terram suam, et pepércit pópulo suo. Et respóndit Dóminus, et dixit pópulo suo : Ecce ego mittam vobis fruméntum, et vívum, et óleum, et replebimini eis; et non dabo vos ultra

oppróbrium in géntilibus, dicit Dóminus omnipotens.

Graduale. Ps. 56. Miserére mei, Deus, miserére mei : quóniam in te confidit ánima mea. *ŷ.* Misit de cœlo, et liberávit me; dedit in oppróbrium conculcántes me.

Tractus. Ps. 102. Dómine, non secúndum peccáta nostra quæ fécimus nos, neque secúndum iniquitátes nostras retribuás nobis. *ŷ.* Ps. 78. Dómine, ne memineris iniquitátum nostrárum antiquárum : cito anticipent nos misericórdiæ tuæ, quia páuperes facti sumus nimis. *ŷ.* (Hic genuflectitur.) Adjuva nos, Deus salutáris noster : et propter glóriam nóminis tui, Dómine, libera nos; et propítius est opeccátis nostris propter nomen tuum.

¶ Supradictus Tractus ab hac die dicitur Feria II, IV et VI, usque ad Fer. II majoris Hebdomadæ, nisi proprius assignetur.



Sequencia sancti Evangélii secúndum Matthæum. Cap. 6.

In illo témpore : Dixit Jesus discipulis suis : Cum jejunátis, nolite fieri, sicut hypócritæ, tristes. Extérminant enim faciés suas, ut appareant hominibus jejunántes. Amen dico vobis, quia receperunt mercédem suam. Tu autem cum jejúnas, unge caput tuum, et faciém tuam lava, ne videáris hominibus jejúnans, sed Patri tuo, qui est in abscondito; et Pater tuus, qui videt in abscondito, reddet tibi. Nolite thesaurizáre vobis thesauros in terra, ubi ærúgo et tinea demolítur, et ubi fures effódiunt et furántur. Thesaurizáte autem vobis thesauros in cœlo, ubi neque ærúgo neque tinea demolítur, et ubi fures non effódiunt nec furántur. Ubi enim est thesáurus tuus, ibi est et cor tuum.

Offertorium. Ps. 29. Exaltábo te, Dómine, quóniam suscepisti me, nec delectásti inimicos meos super me : Dómine, clamávi ad te, et sanásti me.

Secreta.

FAC nos, quæsumus, Dómine, his munéribus offeréndis conveniénter

aptári : quibus ipsius venerabilis sacraménti celebrámus exórdium. Per.

Alia Secretæ usque ad Dominicam Passionis.

EXÁUDI nos, Deus salutáris noster : ut per hujus sacraménti virtútem, a cunctis nos mentis et córporis hóstibus tuéaris, grátiam tribuens in præsentí, et glóriam in futúro.

DEUS, cui soli cógnitus est númerus electórum in supérna felicitáte locándus : tribue, quæsumus ; ut, intercedéntibus ómnibus Sanctis tuis, universórum quos in oratióne commendátos suscepimus, et ómnium fidélium nómina, beátæ prædestinatiónis liber adscripta retineat. Per Dóminum.

Præfatio Qui corporáli jejúnio. Et dicitur quotidie usque ad Dominicam Passionis, etiam in Festis, si in eis propria non habeatur.

Communio. Ps. 1. Qui meditábitur in lege Dómini die ac nocte, dabit fructum suum in témpore suo.

Postcommunio.

PERCÉPTA nobis, Dómine, præbeant sacraménta subsidium : ut tibi grata sint nostra jejúnia, et nobis proficiant ad medélam. Per Dóminum.

Alia Postcommuniones.

MUNDET et múniat nos, quæsumus, Dómine, divíni sacraménti munus oblátum ; et intercedénte beáta Virgine Dei Genitrice María, cum beáto Joseph, beátis Apóstolis tuis Petro et Paulo, atque beáto N., et ómnibus Sanctis, a cunctis nos reddat et perversitatibus expiátos, et adversitatibus expeditos.

PURÍFICENT nos, quæsumus, omnipotens et miséricors Deus, sacraménta quæ sumpsimus : et intercedéntibus ómnibus Sanctis tuis, præsta ; ut hoc tuum sacraméntum non sit nobis reátus ad pœnam, sed intercessio salutáris ad véniam : sit ablútio scelerum, sit fortitúdo fragilium, sit contra ómnia mundi pericula firmaméntum, sit vivórum atque mortuórum fidélium remissio ómnium delictórum. Per Dóminum.

Deinde Sacerdos absolute dicit : Oré-

mus. Et Diaconus (si in officio Diaconatus serviat) versus ad populum junctis manibus dicit : Humiliáte cápita vestra Deo. Alioquin ipse Sacerdos, stans in eodem loco ante librum, et non vertens se ad populum.

Oratio.

INCLINANTES se, Dómine, Majestáti tuæ, propitiátus inténde : ut qui divíno múnere sunt refecti, coeléstibus semper nutriántur auxiliis. Per Dóminum.

¶ Et hic modus dicendi Orationem super populum servatur tantummodo in Missis de Feria, usque ad IV Feriam majoris Hebdomadæ.

Deinde : ŷ. Benedicámus Dómino.

ñ. Deo grátias.

FERIA QUINTA

Statio ad Sanctum Georgium.

Introitus. Ps. 54.

DUM clamárem ad Dóminum, exaudivit vocem meam ab his qui appropínquant mihi, et humiliávit eos, qui est ante sæcula et manet in ætérnum. Jacta cogitátum tuum in Dómino, et ipse te enútriet. Ps. Exáudi, Deus, oratiómem meam, et ne despéxeris deprecationem meam : inténde mihi, et exáudi me. ŷ. Glória Patri. Dum clamárem.

Oratio.

DEUS, qui culpa offénderis, pœniténtia placáris : preces populi tui supplicántis propitiús respice : et flagélla tuæ iracúndiæ, quæ pro peccátis nostris merémur, avérte. Per Dóminum.

Alia Orationes ut supra, in Feria IV Cinerum. 44.

Lectio Isaíæ Prophætæ. Cap. 38.

IN diébus illis : Ægrotávit Ezechías usque ad mortem ; et introívit ad eum Isaías, filius Amos, Prophéta, et dixit ei : Hæc dicit Dóminus : Dispóne dómui tuæ, quia moriérís tu, et non vives. Et convertit Ezechías faciém suam ad parietem, et orávit ad Dóminum, et dixit : Obsecro, Dómine, meménto, quæso, quómodo ambuláverim coram te in veritaté et in corde perfectó, et quod bonum est in

oculis tuis fécerim. Et flevit Ezechías fletu magno. Et factum est verbum Dómini ad Isaíam, dicens : Vade, et dic Ezechíae : Hæc dicit Dóminus Deus David patris tui : Audivi orationem tuam, et vidi lácrymas tuas; ecce ego adjiciam super dies tuos quíndecim annos : et de manu regis Assyriórum éruam te, et civitatem istam, et prótegam eam, ait Dóminus omnipotens.

Graduale. Ps. 54. Jacta cogitatum tuum in Dómino, et ipse te enútriet. **Ÿ.** Dum clamárem ad Dóminum, exaudivit vocem meam ab his qui appropinquant mihi.



Sequéntia sancti Evangélii secundum Matthæum. **Cap. 8.**

IN illo témpore : Cum introísset Jesus Caphárnaum, accéssit ad eum centúrio, rogans eum et dicens : Dómine, puer meus jacet in domo paralyticus, et male torquétur. Et ait illi Jesus : Ego véniam, et curábo eum. Et respóndens centúrio, ait : Dómine, non sum dignus ut intres sub tectum meum; sed tantum dic verbo, et sanábitur puer meus. Nam et ego homo sum sub potestate constitútus, habens sub me milites, et dico huic : Vade, et vadit; et álíi : Veni, et venit; et servo meo : Fac hoc, et facit. Audiens autem Jesus, mirátus est, et sequéntibus se dixit : Amen dico vobis, non invéni tantam fidem in Israel. Dico autem vobis, quod multi ab Oriénte et Occidénte vénient, et recumbent cum Abraham, et Isaac, et Jacob in regno cœlórum; filii autem regni ejiciéntur in ténebras exterióres : ibi erit fletus et stridor déntium. Et dixit Jesus centurióni : Vade, et sicut credidisti, fiat tibi. Et sanátus est puer in illa hora.

Offertorium. Ps. 24. Ad te, Dómine, levávi ánimam meam : Deus meus, in te confido, non erubéscam : neque irrideant me inimici mei : étenim uníversi qui te expéctant, non confundéntur.

Secreta.

SACRIFÍCIIS præsentibus, Dómine, quæsumus, inténde placátus, ut et devotióni nostræ proficiant, et salúti. Per Dóminum.

Alíæ Secretæ ut in Feria IV Cinerum. 46.

Communio. Ps. 50. Acceptábis sacrificium justitiæ, oblationés et holocáusta, super altáre tuum, Dómine.

Postcommunio.

CŒLÉSTIS doni benedictióne percépta, súpplices te, Deus omnipotens, deprecámur : ut hoc idem nobis et sacraménti causa sit, et salútis. Per Dóminum.

Alíæ Postcommuniones ut in Feria IV Cinerum. 46.

Super populum. Orémus.

Humiliáte cápita vestra Deo.

Oratio.

PARCE, Dómine, parce pópulo tuo : ut dignis flagellatióibus castigátus, in tua miseratióne respíret. Per Dóminum.

FERIA SEXTA

Statio ad Sanctos Joannem et Paulum.

Introitus. Ps. 29.

AUDIVIT Dóminus, et misértus est mihi : Dóminus factus est adjutor meus. **Ps.** Exaltábo te, Dómine, quóniam suscepísti me : nec delectásti inimicos meos super me. **Ÿ.** Glória Patri. Audívit Dóminus.

Oratio.

INCHOÁTA jejúnia, quæsumus, Dómine, benigno favóre proséquere : ut observántiam quam corporáliter exhibémus, méntibus étiam sincéris exercére valeámus. Per Dóminum.

Alíæ Orationes ut supra. 46.

Lectio Isaíæ Prophétæ. **Cap. 58.**

HÆC dicit Dóminus Deus : Clama, ne cesses; quasi tuba exálta vocem tuam, et annúntia pópulo meo scélera eórum, et dómui Jacob peccáta eórum. Me étenim de die in diem quærunt, et scire vias meas volunt : quasi gens que justitiam fécerit, et judicium Dei sui non dereliquerit : rogant me judícia justitiæ, appropinquáre Deo volunt. Quare jejúnávimus, et non aspexisti? humiliávimus ánimas nostras, et nescísti? Ecce in die jejúnii vestri invenítur volúntas vestra, et omnes debitóres vestros repétitis. Ecce ad lites et contentiões jejunátis, et per-

cútitis pugno impie. Nolite jejúnare sicut usque ad hanc diem, ut audiátur in excélsó clamor vester. Numquid tale est jejúnium quod elégi, per diem affligere hóminem ánimam suam? Numquid contorquére quasi circulum caput suum, et saccum et cinerem stérnere? Numquid istud vocábis jejúnium, et diem acceptábilem Dómino? Nonne hoc est magis jejúnium quod elégi? Dissólve colligatiónes impietátis, solve fascículos depríméntes; dímítte eos, qui confrácti sunt, líberos, et omne onus disrúmpe. Frange esuriénti panem tuum, et egénos vagósque índuce in domum tuam : cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítius oriétur, et anteíbit faciém tuam justitia tua, et glória Dómini cólliget te. Tunc invocábis, et Dóminus exáudiet; clamábis, et dicet : Ecce adsum. Quia miséricors sum, Dóminus Deus tuus.

Graduale. Ps. 26. Unam pétii a Dómino, hanc requiram : ut inhábitem in domo Dómini. **Ÿ.** Ut videam voluptátem Dómini, et prótegar a templo sancto ejus.

Traetus Dómine, non secúndum. 43.



Sequéntia sancti Evangéllii secúndum Matthæum. Cap. 3 et 6.

In illo témpore : Dixit Jesus discípulis suis : Audistis quia dictum est : Díliges próximum tuum, et ódio habébis inimicum tuum. Ego autem dico vobis : Díligite inimicos vestros, benefácite his qui odérunt vos, et oráte pro persecúntibus et calumniántibus vos; ut sitis filii Patris vestri, qui in cœlis est, qui solem suum oríri facit super bonos et malos, et pluit super justos et injústos. Si enim díligitis eos qui vos díligunt, quam mercédem habébitis? nonne et publicáni hoc faciunt? Et si salutavéritis fratres vestros tantum, quid ámplius fácitis? nonne et éthnici hoc faciunt? Estóte ergo vos perfecti, sicut et Pater vester cœléstis perfectus est. Atténdite ne justítiam vestram faciátis coram homínibus, ut videámini ab eis; alióquin mercédem non habébitis

apud Patrem vestrum, qui in cœlis est. Cum ergo facis eleemósynam, noli tuba cánere ante te, sicut hypócritæ faciunt in synagógis et in vicis, ut honorificéntur ab homínibus. Amen dico vobis, receperunt mercédem suam. Te autem faciénte eleemósynam, nésciat sinístra tua quid faciat délixtera tua; ut sit eleemósyna tua in abscóndito, et Pater tuus, qui videt in abscóndito, reddet tibi.

Offertorium. Ps. 118. Dómine, vivífica me secúndum elóquium tuum, ut sciam testimónia tua.

Secreta.

SACRIFICIUM, Dómine, observántiæ quadragesimális quod offerimus, præsta, quesumus, ut tibi et mentes nostras reddat acceptas, et continéntiæ promptiórís nobis tribuat facultátem. Per Dóminum.

Alíæ Secretæ ut supra. 46.

Communio. Ps. 2. Servíte Dómino in timóre, et exsultáte ei cum tremóre; apprehéndite disciplinam, ne pereátis de via justa.

Postcommunio.

SPÍRITUM nobis, Dómine, tuæ charitátis infúnde : ut quos uno pane cœlésti satiásti, tua faciás pietáte concórdes. Per.

Alíæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

TUERE, Dómine, pópulum tuum, et ab ómnibus peccátis cleménter emúnda : quia nulla ei nocébit advérsitas, si nulla ei dominétur iníquitas. Per Dóminum.

SABBATO

Statio ad Sanctum Tryphonem.

Introitus. Ps. 20.

AUDÍVIT Dóminus, et misértus est mihi : Dóminus factus est adjútor meus. **Ps.** Exaltábo te, Dómine, quóniam suscepísti me : nec delectásti inimicos meos super me. **Ÿ.** Glória Patri. Audívit.

Oratio.

ADÉSTO, Dómine, supplicatióibus nostris : et concéde; ut hoc soléenne


jeiúnium, quod animábus corporibúsq; curándis salúbriter institútum est, devóto servitio celebrémus. Per Dóminum.

Aliae Orationes ut supra. 44.

Lectio Isaiae Prophetae. Cap. 58.

HEC dicit Dóminus Deus : Si abstúleris de médio tui caténam, et desieris exténdere digitum, et loqui quod non prodest. Cum effúderis esuriénti ánimam tuam, et ánimam afflictam repléveris, oriétur in ténebris lux tua, et ténebrae tuae erunt sicut merídes. Et réquiem tibi dabit Dóminus semper, et implebit splendóribus ánimam tuam, et ossa tua liberábit, et eris quasi hortus irriguus, et sicut fons aquárum cujus non deficient aquae. Et aedificabúntur in te desérta saeculórum : fundaménta generatiónis et generatiónis suscitábis : et vocáberis aedificátor sépium, avértens sémitas in quietem. Si avérteris a sábbato pedem tuum, fácere voluntátem tuam in die sancto meo, et vocáveris sábbatum delicátum, et sanctum Dómini gloriósum, et glori ficáveris eum dum non facis vias tuas, et non invenitur volúntas tua, ut loquáris sermónem : tunc delectáberis super Dómino, et sustollam te super altitúdines terrae, et cibábo te hæreditate Jacob patris tui. Os enim Dómini locútum est.

Graduale. Ps. 26. Unam pétii a Dómino, hanc requíram : ut inhábitem in domo Dómini. *ŷ.* Ut videam voluptátem Dómini, et prótegar a templo sancto ejus.

 Sequéntia sancti Evangélii secúndum Marcum. *Cap. 6.*

IN illo témpore : Cum sero esset, erat in navis in médio mari, et Jesus solus in terra. Et videns discípulos suos laborántes in remigándo (erat enim ventus contrárius eis), et circa quartam vigiliam noctis venit ad eos ámbulans supra mare, et volébat præteríre eos. At illi, ut vidérunt eum ambulántem supra mare, putavérunt phantásma esse, et exclamavérunt. Omnes enim vidérunt eum, et conturbáti sunt. Et statim locútus est cum eis, et dixit eis : Confidite, ego sum, nolíte timére. Et ascéndit ad illos in navim, et cessávit ventus. Et plus

magis intra se stupébant : non enim intellexérunt de pánibus ; erat enim cor eórum obcecátum. Et cum transfretásent, venérunt in terram Genésareth, et applicuérunt. Cumque egréssi essent de navi, continuo cognovérunt eum : et percurréntes univérsam regiónem illam, coepérunt in grabátis eos qui se male habébant, circumfêrre ubi audiébant eum esse. Et quocúmque introibat, in vicos, vel in villas, aut civitatés, in plátéis ponébant infirmos, et deprecabántur eum ut vel fimbriam vestiménti ejus tangerent ; et quotquot tangébant eum, salvi fiébant.

Offertorium. Ps. 118. Dómine, vivifica me secúndum elóquium tuum, ut sciam testimónia tua.

Secreta.

SÚSCIPE, Dómine, sacrificium cujus te voluísti dignánte immolatióne placári : praesta, quaesumus, ut hujus operatióne mundáti, beneplácitum tibi nostrae mentis offerámus afféctum. Per.

Aliae Secrete ut supra. 46.

Communio. Ps. 2. Servite Dómino in timóre, et exsultáte ei cum tremóre : apprehéndite disciplinam, ne pereátis de via justa.

Postcommunio.

CELÉSTIS vitæ múnere vegetáti, quaesumus, Dómine : ut quod est nobis in praesénti vita mystérium, fiat aeternitátis auxiliúm. Per Dóminum.

Aliae Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

FIDÉLES tui, Deus, per tua dona firméntur : ut eádem et percipiéndò requirant, et quaeréndò sine fine percipiant. Per Dóminum.

DOMINICA I IN QUADRAGESIMA

Statio ad Sanctum Joannem in Laterano.

Introitus. Ps. 90.

INVOCÁBIT me, et ego exáudiam eum : erípíam eum, et glorificábo eum : longitudine diérum adimplébo eum. *Ps.* Qui hábitat in adjutório Altissimi,

in protectiōne Dei cœli commorabitur.

Ÿ. Glória Patri. Invocabit me.

Oratio.

DEUS, qui Ecclesiā tuā annua quadragesimāli observatiōe purificas : præsta familiæ tuæ ; ut quod a te obtinere abstinerē nītur, hoc bonis opēribus exsequātur. Per Dōminum.

Aliæ Orationes ut supra. 44.

Lectio Epistolæ beātī Pauli Apōstoli ad Corīnthios. II Cor. 6.

FRATRES, Exhortāmur vos ne in vācuū grātiā Dei recipiātis. Ait enim : Tēpore accēpto exaudivi te, et in diē salutis adjuvi te. Ecce nunc tempus acceptabile, ecce nunc diēs salutis. Nēmini dantes ullam offēnsiōnem, ut non vituperētur ministērium nostrum ; sed in omnibus exhibeāmus nosmetipsos sicut Dei ministros, in multa patiētiā, in tribulatiōnibus, in necessitatibus, in angūstiis, in plagis, in carcēribus, in seditiōnibus, in laboribus, in vigiliis, in jejūniis, in castitatē, in sciētiā, in longanimitatē, in suavitatē, in Spīritu sancto, in charitatē non ficta, in verbo veritatē, in virtutē Dei, per arma justitiæ, a dextris et a sinistris ; per glōriam et ignobilitatē ; per infāmiā et bonam famā ; ut seductōres, et verāces ; sicut qui ignōti, et cōgniti ; quasi moriētes, et ecce vivimus ; ut castigāti, et non mortificāti ; quasi tristes, semper autem gaudētes ; sicut egētes, multos autem locupletāntes ; tamquā nihil habēntes, et omnia possidēntes.

Graduale. Ps. 90. Angelis suis Deus mandāvit de te, ut custōdiant te in omnibus viis tuis. Ÿ. In mānibus portābunt te, ne umquam offēdas ad lāpidem pedem tuum.

Tractus. Ibid. Qui hābitat in adiutorio Altissimi, in protectiōne Dei cœli commorabitur. Ÿ. Dicit Dōmino : Susceptor meus es tu, et refūgium meum ; Deus meus, sperābo in eum. Ÿ. Quōniam ipse liberāvit me de lāqueo venāntium et a verbo āspēro. Ÿ. Scāpulis suis obumbrābit tibi, et sub pennis ejus sperābis.

Ÿ. Scuto circūdabit te vēritas ejus, non

timēbis a timóre noctūno. Ÿ. A sagitta volānte per diē, a negōtio perambulānte in tēnebris, a ruīna et dæmōnio meridiano. Ÿ. Cadent a latere tuo mille, et decem millia a dextris tuis : tibi autem non appropinquābit. Ÿ. Quōniam Angelis suis mandāvit de te, ut custōdiant te in omnibus viis tuis. Ÿ. In mānibus portābunt te, ne umquam offēdas ad lāpidem pedem tuum. Ÿ. Super āspidem et basiliscum ambulābis, et conculcābis leōnem et dracōnem. Ÿ. Quōniam in me sperāvit, liberābo eum : prōtegā eum, quōniam cognōvit nomen meum. Ÿ. Invocabit me, et ego exāudiam eum : cum ipso sum in tribulatiōne. Ÿ. Erīpiam eum, et glōrificābo eum : longitudīne diērum adimplēbo eum, et ostēdam illi salutāre meum.



Sequēntia sancti Evangēlii secūndum Matthæum. Cap. 4.

In illo tēpore : Ductus est Jesus in desērtum a Spīritu, ut tentarētur a diabolo. Et cum jejūnasset quadraginta diēbus et quadraginta nōctibus, pōstea esuriit. Et accēdens tentātor, dixit ei : Si Filius Dei es, dic ut lāpides isti panes fiant. Qui respōdens, dixit : Scriptum est : Non in solo pane vivit homo, sed in omni verbo quod procēdit de ore Dei. Tunc assūpsit eum diabolus in sanctam civitatē, et stātuit eum super pinnāculum templi, et dixit ei : Si Filius Dei es, mitte te deōrsum. Scriptum est enim : Quia Angelis suis mandāvit de te, et in mānibus tollent te, ne forte offēdas ad lāpidem pedem tuum. Ait illi Jesus : Rursum scriptum est : Non tentābis Dōminum Deum tuum. Iterum assūpsit eum diabolus in montem excēsum valde, et ostēdit ei omnia regna mundi et glōriam eōrum, et dixit ei : Hæc omnia tibi dabo, si cadens adorāveris me. Tunc dicit ei Jesus : Vade, Sātana : scriptum est enim : Dōminum Deum tuum adorābis, et illi soli sērvies. Tunc reliquit eum diabolus ; et ecce Angeli accessērunt, et ministrābant ei. Credo.

Offertorium. Ps. 90. Scāpulis suis obumbrābit tibi Dōminus, et sub pennis

ejus sperâbis : scuto circûmdabit te veritas ejus.

Secreta.

SACRIFICIUM quadragesimâlis initii solémniter immolâmus, te, Dómine, deprecâtes, ut cum epulârûm restrictiône carnâlium, a nôxiis quoque voluptâtibus temperémus. Per Dóminum.

Aliae Secretæ ut supra. 46.

Communio. Ps. 90. Scâpulis suis obumbrâbit tibi Dóminus, et sub pennis ejus sperâbis : scuto circûmdabit te veritas ejus.

Postcommunio.

TUI nos, Dómine, sacraménti libâtio sancta restâuret : et a vetustâte purgâtos, in mystérii salutâris faciât transire consôrtium. Per Dóminum.

Aliae Postcommuniones ut supra. 46.

FERIA SECUNDA

Statio ad Sanctum Petrum ad Vincula.

Introitus. Ps. 122.

SICUT ôculi servôrûm in mânibus dominôrûm suôrûm, ita ôculi nostri ad Dóminum Deum nostrum, donec misereâtur nobis. Miserére nobis, Dómine, miserére nobis. Ps. Ad te levâvi ôculos meos, qui hábitas in cœlis. *ŷ.* Glória Patri. Sicut ôculi.

Oratio.

CONVERTE nos, Deus salutâris noster : et ut nobis jejúnium quadragesimâle proficiat, mentes nostras cœlestibus instrue disciplinis. Per Dóminum.

Aliae Orationes ut supra. 44.


Lectio Ezechielis Prophætæ. Cap. 34.

HÆC dicit Dóminus Deus : Ecce ego ipse requirám oves meas, et visitábo eas. Sicut visitat pastor gregem suum in die, quando fúerit in médio óvium suârum dissipatârum : sic visitábo oves meas, et liberábo eas de ómnibus locis in quibus dispérsæ fúerant in die nubis et caliginis. Et educám eas de pópulis, et congregábo eas de terris, et inducám eas in terram suam, et pascam eas in móntibus Israel, in rivis, et in cunctis sédibus terræ. In páscuis ubérrimis pascam eas, et in móntibus excélsis Israel erunt páscua

eârum : ibi requiescent in herbis virén-tibus, et in páscuis pinguibus pascén-tur super montes Israel. Ego pascam oves meas : et ego eas accubáre faciám, dicit Dóminus Deus. Quod perierat, requirám ; et quod abjéctum erat, redúcám ; et quod confráctum fúerat, alligábo ; et quod infirmum fúerat, consolidábo ; et quod pingue et forte, custó-diam : et pascam illas in iudicio, dicit Dóminus omnipotens.

Graduale. Ps. 83. Protéctor noster, aspice, Deus, et réspice super servos tuos. *ŷ.* Dómine Deus virtútum, exáudi preces servôrûm tuórûm.

Tractus Dómine, non secúndum. 45.

 Sequéntia sancti Evangélii secúndum Matthæum. Cap. 25.

IN illo témpore : Dixit Jesus discipulis suis : Cum vénerit Filius hómiuis in majestáte sua, et omnes Angeli cum eo, tunc sedébit super sedem majestátis suæ : et congregabúntur ante eum omnes gentes, separábit eos ab ínvicem, sicut pastor ségregat oves ab hædis ; et státuet oves quidem a dextris suis, hædos autem a sinistris. Tunc dicet Rex his qui a dextris ejus erunt : Venite, benedicti Patris mei, possidéte parátum vobis regnum a constitutiône mundi. Esurivi enim, et dedistis mihi manducáre ; sitiivi, et dedistis mihi bíbere ; hospes eram, et collegistis me ; nudus, et cooperuístis me ; infirmus, et visitástis me ; in cárcere eram, et venístis ad me. Tunc respondébunt ei justí, dicétes : Dómine, quando te vidimus esuriéntem, et pávimus te ; sitiéntem, et dédimus tibi potum ? Quando autem te vidimus hóspitem, et collégimus te ; aut nudum, et cooperuístis te ? Aut quando te vidimus infirmum, aut in cárcere, et vénimus ad te ? Et respóndens Rex, dicet illis : Amen dico vobis, quámdiu fecístis uni ex his frátribus meis mínimis, mihi fecístis. Tunc dicet et his qui a sinistris erunt : Discédite a me, maledicti, in ignem ætérnum, qui parátus est diabolo et ángelis ejus. Esurivi enim, et non dedistis mihi manducáre ; sitiivi, et non dedistis mihi potum ; hospes eram, et

non collegistis me; nudus, et non coope-
ruistis me; infirmus et in cárcere, et
non visitastis me. Tunc respondébunt
ei et ipsi, dicéntes : Dómine, quando te
vidimus esuriéntem, aut sitiéntem, aut
hóspitem, aut nudum, aut infirmum,
aut in cárcere, et non ministrávimus
tibi? Tunc respondébit illis, dicens :
Amen dico vobis, quámdiu non fecistis
uni de minóribus his, nec mihi fecistis.
Et ibunt hi in supplicium aetérnum; justi
autem in vitam aetérnam.

Offertorium. Ps. 118. Levábo óculos
meos, et considerábo mirabilia tua, Dó-
mine, ut dóceas me justitias tuas : da
mihi intelléctum, et discam mandáta tua.

Secreta.

MÚNERA tibi, Dómine, obláta sanctifica :
nosque a peccatórum nostrórum
máculis emúnda. Per Dóminum.

Aliae Secretæ ut supra. 46.

Communio. Matth. 23. Amen dico vo-
bis : quod uni ex mínimis meis fecistis,
mihi fecistis : veníte, benedícti Patris
mei, possidéte parátum vobis regnum ab
infíio sæculi.

Postcommunio.

SALUTÁRIS tui, Dómine, múnere satiáti,
súpplices exorámus : ut cujus lætá-
mur gustu, renovémur efféctu. Per.

Aliae Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

ABsólve, quæsumus, Dómine, nostró-
rum víncula peccatórum : et quidquid
pro eis merémur, propitiátus avérte. Per.

FERIA TERTIA

Statio ad Sanctam Anastasiam.

Introitus. Ps. 89.

DÓMINE, refúgium factus es nobis a
generatióne et progénie : a sæculo
et in sæculum tu es. Ps. Priús-
quam montes fierent, aut formarétur
terra et orbis, a sæculo et usque in sæcu-
lum tu es, Deus. ̎. Glória Patri. Dómine.

Oratio.

RÉSPICE, Dómine, familiam tuam, et
præsta : ut apud te mens nostra tuo

desidério fúlgeat, quæ se carnis macera-
tióne castigat. Per Dóminum.

Aliae Orationes ut supra. 44.

Lectio Isaíæ Prophæte. Cap. 53.

IN diébus illis : Locútes est Isaías Pro-
phéta, dicens : Quærite Dóminum,
dum inveníri potest; invocáte eum, dum
prope est. Derelinquat impius viam suam,
et vir iníquus cogitatiónes suas, et rever-
tátur ad Dóminum, et miserébitur ejus;
et ad Deum nostrum, quóniam multus
est ad ignoscéndum. Non enim cogita-
tiónes meæ, cogitatiónes vestræ; neque
viæ vestræ, viæ meæ, dicit Dóminus.
Quia sicut exaltántur cæli a terra, sic
exaltátæ sunt viæ meæ a viis vestris, et
cogitatiónes meæ a cogitatió nibus vestris.
Et quómodo descendit imber et nix de
cælo, et illuc ultra non revértitur, sed
inébriat terram, et infúndit eam, et ger-
mináre eam facit, et dat semen serénti
et panem comedénti; sic erit verbum
meum, quod egrediétur de ore meo : non
revertétur ad me vácuum, sed faciet quæ-
cúmque vólui, et prosperábitur in his ad
quæ misi illud, ait Dóminus omnipotens.

Graduale. Ps. 140. Dirigátur oratio
mea sicut incénsus in conspéctu tuo,
Dómine. ̎. Elevátio mánuum meárum
sacrificium vespertinum.

**Sequéntia sancti Evangélii secún-
dum Matthæum.** Cap. 21.

In illo témpore : Cum intráset Jesus
Jerosólymam, commóta est univér-
sa civitas, dicens : Quis est hic? Pópuli
autem dicébant : Hic est Jesus, Prophéta
a Nazareth Galilææ. Et intrávit Jesus in
templum Dei, et ejiciébat omnes ven-
déntes et eméntes in templo; et mensas
nummulariórum, et cáthedras vendén-
tium columbas evértit. Et dicit eis : Scri-
ptum est : Domus mea domus oratiónis
vocábitur; vos autem fecistis illam spe-
lúncam latrónum. Et accessérunt ad eum
cæci et claudi in templo, et sanávit eos.
Vidéntes autem príncipes sacerdotum et
scribæ mirabilia quæ fecit, et púeros cla-
mántes in templo et dicéntes : Hosánna
filio David, indignáti sunt, et dixérunt
ei : Audis quid isti dicunt? Jesus autem

dixit eis : Utique. Numquam legistis : Quia ex ore infántium et lacténtium perfecisti laudem? Et relictis illis, ábiit foras extra civitátem in Bethániam : ibi-que mansit.

Offertorium. Ps. 30. In te sperávi, Dómine; dixi : Tu es Deus meus, in mánibus tuis témpora mea.

Secreta.

OBLÁTIS, quæsumus, Dómine, placáre munéribus, et a cunctis nos defénde periculis. Per Dóminum.

Alie Secretæ ut supra. 46.

Communio. Ps. 4. Cum invocárem te, exaudisti me, Deus justitiæ meæ; in tribulatióne dilatásti me : miserére mihi, Dómine, et exáudi oratióne meam.

Postcommunio.

QUÆSUMUS, omnipotens Deus : ut illius salutáris capiamus effectum, ejus per hæc mystéria pignus accépmus. Per.

Alie Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

ASCÉNDANT ad te, Dómine, preces nostræ : et ab Ecclesiá tua cunctam repélle nequítiam. Per Dóminum.

FERIA QUARTA

QUATUOR TEMPORUM QUADRAGESIMÆ

Statio ad Sanctam Mariam Majorem.

Introitus. Ps. 24.

REMINISCERE miserationum tuárum, Dómine, et misericórdiæ tuæ, quæ a sæculo sunt; ne umquam dominéntur nobis inimíci nostri : libera nos, Deus Israel, ex ómnibus angústiis nostris. **Ps.** Ad te, Dómine, levávi ánimam meam : Deus meus, in te confido, non erubescam. **ŷ.** Glória Patri. **Reminiscere.**

Post Kyrie, eléison, dicitur :

Orémus. Flectámus génua.

ŷ. Leváte.

Oratio.

PRECES nostras, quæsumus, Dómine, cleménter exáudi : et contra cuncta nobis adversántia dexteram tuæ Majestátis exténde. Per Dóminum.

Lectio libri Exodi. **Cap. 24.**

IN diébus illis : Dixit Dóminus ad Móysen : Ascénde ad me in montem, et esto ibi; dabóque tibi tábulas lapídeas, et legem ac mandátá quæ scripsi, ut dóceas filios Israel. Surrexérunt Móyses et Jósue mínister ejus; ascendénsque Móyses in montem Dei, senióribus ait : Exspectáte hic donec revertámur ad vos. Habétis Aaron et Hur vobíscum; si quid natum fúerit quæstiónis, referétis ad eos. Cumque ascendisset Móyses, opéruit nubes montem, et habitávit glória Dómini super Sínai, tegens illum nube sex diébus; séptimo autem die vocávit eum de médio caliginis. Erat autem spécies glóriæ Dómini quasi ignis ardens super vérticem montis in conspéctu filiórum Israel. Ingressúsque Móyses médium nébulæ, ascéndit in montem, et fuit ibi quadraginta diébus et quadraginta nóctibus.

Graduale. Ps. 24. Tribulatiónes cordis mei dilatátæ sunt : de necessitatibus meis eripe me, Dómine. **ŷ.** Vide humilitátem meam et labórem meum, et dimitte ómnia peccáta mea.

Hic non dicitur Flectámus génua, sed ŷ. Dóminus vobíscum.

Orémus. Oratio.

DEVOTIÓNEM pópuli tui, quæsumus, Dómine, benígnus inténde : ut qui per abstinentiam macerántur in corpore, per fructum boni óperis reficiántur in mente. Per Dóminum.

Alie Orationes ut supra. 44.

Lectio libri Regum. **III Reg. 19.**

IN diébus illis : Venit Elías in Bersabée Juda, et dimisit ibi púerum suum, et perréxit in désertum, viam unius diéi. Cumque venisset, et sedéret subter unam juníperum, petívit ánimæ suæ ut more-rétur, et ait : Súfficit mihi, Dómine; tolle ánimam meam; neque enim melior sum quam patres mei. Projecítque se, et obdormívit in umbra juníperi. Et ecce Angelus Dómini tétigit eum, et dixit illi : Surge, et cómede. Respéxit, et ecce ad caput suum subcinerícus panis et vas aquæ : comédit ergo, et bibít, et rursus obdormívit. Reversúsque est Angelus Dó-

mini secundo, et tēgit eum, dixitque illi : Surge, comede : grandis enim tibi restat via. Qui cum surrexisset, comēdit et bibit, et ambulāvit in fortitudine cibi illius quadraginta diēbus et quadraginta noctibus, usque ad montem Dei Horeb.

Tractus. Ps. 24. De necessitatibus meis eripe me, Dómine : vide humilitatem meam et labórem meum, et dimitte ómnia peccáta mea. **ŷ.** Ad te, Dómine, levávi ánimam meam; Deus meus, in te confido, non erubescam; neque irrideant me inimici mei. **ŷ.** Etenim univēsi qui te expēctant, non confundentur : confundantur omnes faciētes vana.



Sequētia sancti Evangēlii secundum Matthæum. **Cap. 12.**

In illo tēpore : Respondērunt Jesu quidam de scribis et pharisæis, dicētes : Magister, vólumus a te signum vidēre. Qui respóndens, ait illis : Generatio mala et adultera signum quærít; et signum non dābitur ei, nisi signum Jonæ Prophætæ. Sicut enim fuit Jonas in ventre ceti tribus diēbus et tribus noctibus, sic erit Filius hóminis in corde terræ tribus diēbus et tribus noctibus. Viri Ninivite surgent in iudicio cum generatióne ista, et condemnabunt eam, quia pœnitentiam egērunt in prædicatióne Jonæ : et ecce plus quam Jonas hic. Regina Austri surget in iudicio cum generatióne ista, et condemnabit eam, quia venit a finibus terræ audire sapiētiā Salomónis : et ecce plus quam Salómon hic. Cum autem immúndus spíritus exierit ab hómine, ámbulat per loca árida, quærens réquiem, et non invenit. Tunc dicit : Revértar in domum meam unde exívi. Et véniens, invenit eam vacāntem, scopis mundatam, et ornátam. Tunc vadit, et assúmit septem alios spíritus secum nequiores se, et intrāntes hábitant ibi; et fiunt novíssima hóminis illius pejóra prióribus. Sic erit et generatióni huic péssimæ. Adhuc eo loquēte ad turbas, ecce mater ejus et fratres stabant foris, quærentes loqui ei. Dixit autem ei quidam : Ecce mater tua et fratres tui foris stant, quærentes te. At ipse respóndens

dicēti sibi, ait : Quæ est mater mea, et qui sunt fratres mei? Et extēdens manum in discipulos suos, dixit : Ecce mater mea et fratres mei. Quicúmque enim fécerit voluntatem Patris mei, qui in celis est, ipse meus frater, et soror, et mater est.

Offertorium. Ps. 118. Meditabor in mandátis tuis, quæ diléxi valde : et levábo manus meas ad mandáta tua, quæ diléxi.

Secreta.

HÓSTIAS tibi, Dómine, placatiónis offērimus : ut et delicta nostra miserátus absólvas, et nutántia corda tu dirigas. Per Dóminum.

Alie Secretæ ut supra. 46.

Communio. Ps. 5. Intéllige clamórem meum; inténde voci oratiónis meæ, Rex meus et Deus meus; quóniam ad te orábo, Dómine.

Postcommunio.

Tui, Dómine, perceptiōe sacramēti, et a nostris mundémur occúltis, et ab hóstium liberémur insidiis. Per.

Alie Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

MENTES nostras, quæsumus, Dómine, lúmine tuæ claritátis illústra : ut vidēre possimus quæ ágenda sunt, et quæ recta sunt ágere valeámus. Per.

FERIA QUINTA

*Statio ad Sanctum Laurentium
in Paneperna.*

Introitus. Ps. 93.

CONFESSIO et pulchritúdo in conspēctu ejus : sanctitas et magnificētia in sanctificatióne ejus. **Ps.** Cantáte Dómino cānticum novum : cantáte Dómino, omnis terra. **ŷ.** Glória. Confessio.

Oratio.

DEVOTIÓNEM pópuli tui, quæsumus, Dómine, benígnus inténde : ut qui per abstinentiam macerántur in córpore, per fructum boni óperis reficiántur in mente. Per Dóminum.

Alie Orationes ut supra. 44.

Lectio Ezechiélis Prophætæ. *Cap. 18.*

In diébus illis : Factus est sermo Dómini ad me, dicens : Quid est quod inter vos parábolam vértitis in provérbum istud in terra Israel, dicéntes : Patres comedérunt uvam acérbam, et dentes filiórum obstupéscunt? Vivo ego, dicit Dóminus Deus, si erit ultra vobis parábola hæc in provérbum in Israel. Ecce omnes ánimæ, meæ sunt : ut ánima patris, ita et ánima filii, mea est; ánima quæ peccáverit, ipsa moriétur. Et vir, si fúerit justus, et fécerit iudiciúm et justitiam, in móntibus non coméderit, et óculos suos non leváverit ad idóla domus Israel; et uxórem próximi sui non violáverit, et ad mulierem menstruátam non accésserit; et hóminem non contristáverit; pignus debitóri reddiderit; per vim nihil rapúerit; panem suum esuriénti déderit, et nudum operúerit vestiménto; ad usúram non commodáverit, et ámplius non accéperit; ab iniquitáte avérterit manum suam, et iudiciúm verum fécerit inter virum et virum; in præcéptis meis ambuláverit, et iudicia mea custodierit, ut fáciat veritátem; hic justus est, vita vivet, ait Dóminus omnipotens.

Graduale. Ps. 16. Custódi me, Dómine, ut pupillam óculi; sub umbra alárum tuárum prótege me. *ŷ.* De vultu tuo iudiciúm meum pródeat; óculi tui videant æquitátem.



Sequéntia sancti Evangélii secúndum Matthæum. *Cap. 13.*

In illo témpore : Egréssus Jesus secéssit in partes Tyri et Sidónis. Et ecce múlter Chananæa a finibus illis egréssa clamávit, dicens ei : Misérere mei, Dómine, fili David; filia mea male a dæmónio vexátur. Qui non respóndit ei verbum. Et accedéntes discipuli ejus rogábant eum, dicéntes : Dímittle eam, quia clamat post nos. Ipse autem respóndens, ait : Non sum missus, nisi ad oves quæ periérunt domus Israel. At illa venit, et adorávit eum, dicens : Dómine, ádjuva me. Qui respóndens ait : Non est bonum súmere panem filiórum, et mittere cá-

nibus. At illa dixit : Etiam, Dómine; nam et catélli edunt de micis quæ cadunt de mensa dominórum suórum. Tunc respóndens Jesus, ait illi : O múlter, magna est fides tua; fiat tibi sicut vis. Et sanáta est filia ejus ex illa hora.

Offertorium. Ps. 33. Immíttet Angelus Dómini in circúitu tíméntium eum, et eripiet eos : gustáte, et vidéte quóniam suávis est Dóminus.

Secreta.

SACRIFICIA, Dómine, quæsumus, propítius ista nos salvent, quæ medicinalibus sunt institúta jejúniis. *Per.*

Alia Secreta ut supra. 46.

Communio. Joan. 6. Panis quem ego dédero, caro mea est pro sæculi vita.

Postcommunio.

TUÓRUM nos, Dómine, largitáte donórum, et temporálibus attólle præsiidiis, et rénova sempitérnis. *Per.*

Alia Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

DA, quæsumus, Dómine, pópulis cristiánis, et quæ profiténtur agnóscere, et cœléste munus diligere quod frequentánt. *Per Dóminum.*

FERIA SEXTA

QUATUOR TEMPORUM QUADRAGESIMÆ

Statio ad Sanctos Duodecim Apostolos.

Introitus. Ps. 24.

DE necessitátibus meis éripe me, Dómine : vide humilitátem meam et labórem meum, et dímittle ómnia peccáta mea. *Ps.* Ad te, Dómine, levávi ánimam meam : Deus meus, in te confido, non erubescam. *ŷ.* Glória Patri. De necessitátibus.

Oratio.

ESTO, Dómine, propítius plebi tuæ : et quam tibi facis esse devótam, benigno réfove miserátus auxilio. *Per.*

Alia Orationes ut supra. 44.

Lectio Ezechiélis Prophætæ. *Cap. 18.*

HÆC dicit Dóminus Deus : Anima quæ peccáverit, ipsa moriétur; filius non portábit iniquitátem patris, et pater non

portabit iniquitatem filii; iustitia iusti super eum erit, et impietas impii erit super eum. Si autem impius egerit poenitentiam ab omnibus peccatis suis quæ operatus est, et custodierit omnia præcepta mea, et fecerit iudicium et iustitiam, vita vivet, et non morietur. Omnium iniquitatum ejus quas operatus est, non recordabor: in iustitia sua quam operatus est, vivet. Numquid voluntatis meæ est mors impii, dicit Dominus Deus, et non ut convertatur a viis suis, et vivat? Si autem averterit se iustus a iustitia sua, et fecerit iniquitatem secundum omnes abominationes quas operari solet impius, numquid vivet? Omnes iustitiæ ejus quas fecerat, non recordabuntur: in prævaricatione qua prævaricatus est, et in peccato suo quod peccavit, in ipsis morietur. Et dixistis: Non est æqua via Domini. Audite ergo, domus Israel: Numquid via mea non est æqua, et non magis viæ vestræ prævæ sunt? Cum enim averterit se iustus a iustitia sua, et fecerit iniquitatem, morietur in eis; in iniustitia quam operatus est, morietur. Et cum averterit se impius ab impietate sua quam operatus est, et fecerit iudicium et iustitiam, ipse animam suam vivificabit. Considerans enim, et avértens se ab omnibus iniquitatibus suis quas operatus est, vita vivet, et non morietur, ait Dominus omnipotens.

Graduale. Ps. 85. Salvum fac servum tuum, Deus meus, sperantem in te. **Ÿ.** Auribus percipe, Domine, orationem meam.

Tractus Domine, non secundum. 45.

Sequentia sancti Evangelii secundum Joannem. Cap. 5.

IN illo tempore: Erat dies festus Judæorum, et ascendit Jesus Jerosolymam. Est autem Jerosolymis Probatica piscina, quæ cognominatur hebræice Bethsaida, quinque porticus habens. In his jacebat multitudo magna languentium, cæcorum, claudorum, aridorum, expectantium aquæ motum. Angelus autem Domini descendebat secundum tempus in piscinam, et movebatur aqua. Et qui

prior descendisset in piscinam post motionem aquæ, sanus fiebat a quacumque detinebatur infirmitate. Erat autem quidam homo ibi, triginta et octo annos habens in infirmitate sua. Hunc cum vidisset Jesus jacentem, et cognovisset quia jam multum tempus haberet, dicit ei: Vis sanus fieri? Respondit ei languidus: Domine, hominem non habeo, ut cum turbata fuerit aqua, mittat me in piscinam: dum venio enim ego, alius ante me descendit. Dicit ei Jesus: Surge, tolle grabatum tuum, et ambula. Et statim sanus factus est homo ille: et sustulit grabatum suum, et ambulabat. Erat autem sabbatum in die illo. Dicebant ergo Judæi illi qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, et ambula. Interrogaverunt ergo eum: Quis est ille homo qui dixit tibi: Tolle grabatum tuum, et ambula? Is autem qui sanus fuerat effectus, nesciebat quis esset. Jesus enim inclinavit a turba constituta in loco. Postea invenit eum Jesus in templo, et dixit illi: Ecce sanus factus es; jam noli peccare, ne deterior tibi aliquid contingat. Abiit ille homo, et nuntiavit Judæis quia Jesus esset qui fecit eum sanum.

Offertorium. Ps. 102. Benedic, anima mea, Domino, et noli oblivisci omnes retributiones ejus: et renovabitur, sicut aquilæ, juventus tua.

Secreta.

SUSCIPE, quæsumus, Domine, mûnera nostris oblata servitiis, et tua propitius dona sanctifica. Per Dominum.

Aliæ Secretæ ut supra. 46.

Communio. Ps. 6. Erubescant et conturbentur omnes inimici mei: avertantur retrorsum, et erubescant valde velociter.

Postcommunio.

PER hujus, Domine, operationem mysteriorum, et vitia nostra purgantur, et justa desideria compleantur. Per.

Aliæ Postcommuniones ut supra. 46.

Super populum. Orémus.

Humiliate capita vestra Deo.

Oratio.

EXAUDI nos, miséricors Deus, et méntibus nostris grátiae tuæ lumen ostén-de. Per Dóminum.

SABBATO

QUATUOR TEMPORUM QUADRAGESIMÆ

Statio ad Sanctum Petrum.

Introitus. Ps. 87.

INTRET oratio mea in conspéctu tuo : inclína aurem tuam ad precem meam, Dómine. Ps. Dómine Deus salutis meæ, in die clamávi et nocte coram te. ̃. Glória Patri. Intret.

Post Kyrie, eléison, dicitur

Orémus. Flectámus génua.

̃. Leváte.

Oratio.

PÓPULUM tuum, quæsumus, Dómine, propítius réspice : atque ab eo flagélla tuæ iracúndiæ eleménter avérte. Per Dóminum.

Léctio libri Deuteronomii. Cap. 26.

IN diébus illis : Locútus est Móyses ad pópulum, dicens : Quando compléveris décimam cunctárum frugum tuárum, loquéris in conspéctu Dómini Dei tui : Abstuli quod sanctificátum est de domo mea, et dedi illud Levitæ et ádvænæ, et pupillo ac víduæ, sicut iussisti mihi. Non præterívi mandáta tua, nec sum oblitus impérii tui. Obedívi voci Dómini Dei mei, et feci ómnia sicut præcepisti mihi. Réspice de sanctuário tuo et de excélsio cœlórum habitáculo, et bénedic pópulo tuo Israel, et terræ quam dedísti nobis, sicut jurásti pátribus nostris, terræ lacte et melle manánti. Hódie Dóminus Deus tuus præcepit tibi ut fácias mandáta hæc atque judícia, et custódias, et impleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis ejus, et custódias ceremónias illius, et mandáta atque judícia, et obédias ejus império. Et Dóminus elégit te hódie, ut sis ei pópulus peculiáris, sicut locútus est tibi, et custódias ómnia præcépta illius; et fáciat te excelsiorem cunctis géntibus quas creávit, in laudem, et

nomen, et glóriam suam : ut sis pópulus sanctus Dómini Dei tui, sicut locútus est.

Graduale. Ps. 78. Propítius esto, Dómine, peccátis nostris; nequándo dicant gentes : Ubi est Deus eórum? ̃. Adjuva nos, Deus salutáris noster, et propter honórem nóminis tui, Dómine, libera nos.

Orémus. Flectámus génua.

̃. Leváte.

Oratio.

PROTÉCTOR noster, áspice, Deus : ut qui malórum nostrórum póndere préminur, percépta misericórdia, libera tibi mente famulémur. Per Dóminum.

Léctio libri Deuteronomii. Cap. 11.

IN diébus illis : Dixit Móyses filiis Israel : Si custodiéritis mandáta quæ ego præcipio vobis, et fecéritis ea, ut diligátis Dóminum Deum vestrum, et ambulétis in ómnibus viis ejus, adhæréntes ei, dispérdet Dóminus omnes gentes istas ante faciém vestram, et possidébitis eas quæ majóres et fortióres vobis sunt. Omnis locus quem calcáverit pes vester, vester erit. A desérto et a Líbano, a flúmine magno Euphráte usque ad mare occidentále, erunt términi vestri. Nullus stabit contra vos; terrórem vestrum et formídinem dabit Dóminus Deus vester super omnem terram quam calcatúri estis, sicut locútus est vobis Dóminus Deus vester.

Graduale. Ps. 83. Protéctor noster, áspice, Deus, et réspice super servos tuos. ̃. Dómine Deus virtútum, exáudi preces servórum tío-rum.

Orémus. Flectámus génua.

̃. Leváte.

Oratio.

ADÉSTO, quæsumus, Dómine, supplicatióibus nostris : ut esse, te largiénte, mereámur, et inter próspera húmiles, et inter advérsa secúri. Per.

Léctio libri Machabæórum. II Mach. 1.

IN diébus illis : Oratióem faciébant omnes sacerdótes, dum consummaretúr sacrificium, Jónatha inchoánte, cæteris autem respondéntibus. Et Nehe-miæ erat oratio hunc habens modum : Dómine Deus, ómnium creátor, terrí-

bilis et fortis, justus et misericors; qui solus es bonus Rex, solus præstans, solus justus, et omnipotens, et æternus; qui liberas Israel de omni malo; qui fecisti patres electos, et sanctificasti eos: accipe sacrificium pro universo populo tuo Israel, et custodi partem tuam, et sanctifica; ut sciant gentes quia tu es Deus noster.

Graduale. Ps. 89. Convertere, Domine, aliquantulum, et deprecare super servos tuos. *Ÿ.* Domine, refugium factus es nobis a generatione et progénie.

Orémus. Flectámus génua.

ñ. Leváte.

Oratio.

PRECES populi tui, quæsumus, Domine, cleménter exáudi: ut qui juste pro peccátis nostris affligimur, pro tui nóminis glória misericórditer liberémur. Per Dóminum.

Lectio libri Sapiéntiæ. Eccli. 36.

MISERERE nostri, Deus ómnium, et respice nos, et osténde nobis lucem miseratiónum tuárum; et immitte timórem tuum super gentes quæ non exquisierunt te; ut cognóscant quia non est Deus nisi tu, et enárrent magnália tua. Allela manum tuam super gentes alienas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut et nos cognóvimus quóniam non est Deus præter te, Domine. Innova signa, et immúta mirabilia. Glorifica manum, et bráchium dextrum. Excita furórem, et effúnde iram. Tolle adversárium, et afflige inimicum. Festína tempus, et mémento finis, ut enárrent mirabilia tua, Domine Deus noster.

Graduale. Ps. 140. Dirigátur oratio mea sicut incensum in conspéctu tuo, Domine. *Ÿ.* Elevatio mánuum meárum sacrificium vespertinum.

Orémus. Flectámus génua.

ñ. Leváte.

Oratio.

ACTIÓNES nostras, quæsumus, Domine, aspirándo præveni. et adjuvándo

prosequere: ut cuncta nostra oratio et operatio a te semper incípiat, et per te cœpta finiátur. Per Dóminum.

Lectio Daniélis Prophætæ. Cap. 3.

IN diébus illis: Angelus Dómini descendit cum Azaría et sociis ejus in fornacem: et excussit flammam ignis de fornace, et fecit médium fornacis quasi ventum roris flantem. Flamma autem effundebátur super fornacem cúbitis quadáginta novem; et erúpit, et incéndit quos réperit iuxta fornacem de Chaldæis ministros regis, qui eam incendébant. Et non tétigit eos omníno ignis, neque contristávit, nec quidquam moléstie intulit. Tunc hi tres quasi ex uno ore laudábant, et glorificábant, et benedicébant Deum in fornace, dicéntes:

Hic non respondetur Deo grátias.

Hymnus. Dan. ibid.

BENEDICTUS es, Domine Deus patrum nostrórum. Et laudábilis et gloriósus in sæcula.

Et benedictum nomen glóriæ tuæ, quod est sanctum. Et laudábile et gloriósum in sæcula.

Benedictus es in templo sancto glóriæ tuæ. Et laudábilis et gloriósus in sæcula.

Benedictus es super thronum sanctum regni tui. Et laudábilis et gloriósus in sæcula.

Benedictus es super sceptrum divinitátis tuæ. Et laudábilis et gloriósus in sæcula.

Benedictus es qui sedes super Chérubim, íntuens abyssos. Et laudábilis et gloriósus in sæcula.

Benedictus es qui ámbulas super penas ventórum et super undas maris. Et laudábilis et gloriósus in sæcula.

Benedicant te omnes Angeli et Sancti tui. Et laudent te et glorificent in sæcula.

Benedicant te cœli, terra, mare, et ómnia quæ in eis sunt. Et laudent te et glorificent in sæcula.

Glória Patri, et Filio, et Spiritui sancto. Et laudábili et glorióso in sæcula.

Sicut erat in principio, et nunc, et semper, et in sæcula sæculórum. Amen. Et laudábili et glorióso in sæcula.

Benedictus es, Dómine Deus patrum nostrórum. Et laudábilis et gloriósus in sæcula.

Hic non dicitur Flectámus génuá, **sed** Dóminus vobiscum.

Orémus. Oratio.

DEUS, qui tribus púeris mitigásti flamas ignium : concéde propítius ; ut nos fámulos tuos non exúrat flamma vitiórum. Per Dóminum.

Alie Orationes ut supra. 44.

Léctio Epistolæ beáti Pauli Apóstoli ad Thessalonicénés. **I Thess. 5.**

FRATRES, Rogámus vos, corripite inquietos, consolámini pusillánimes, suscipite infirmos, patiéntes estóte ad omnes. Vidéte ne quis malum pro malo alicui reddat, sed semper quod bonum est sectámini in ínvicem et in omnes. Semper gaudéte. Sine intermissióne oráte. In ómnibus grátias ágite : hæc est enim volúntas Dei in Christo Jesu in ómnibus vobis. Spíritum nolite extinguere. Prophetías nolite spérnere. Omnia autem probáte ; quod bonum est tenéte ; ab omni spécie mala abstinéte vos. Ipse autem Deus pacis sanctificet vos per ómnia : ut integer spíritus vester, et ánima, et corpus, sine queréla in advéntu Dómini nostri Jesu Christi servétur.

Tractus. Ps. 116. Laudáte Dóminum, omnes gentes, et collaudáte eum, omnes pópuli. **ŷ.** Quóniam confirmáta est super nos misericórdia ejus, et veritas Dómini manet in ætérnum.



Sequéntia sancti Evangélii secundum Matthæum. **Cap. 17.**

In illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu scórsu, et transfigurátus est ante eos. Et resplénduit fácies ejus sicut sol ; vestiménta autem ejus facta sunt alba sicut nix. Et ecce apparuérunt illis Móyses et Eliás cum eo loquéntes. Respóndens autem Petrus, dixit ad Jesum : Dómine, bonum est nos hic esse : si vis, faciámus hic tria tabernácula : tibi unum, Móysi unum, et Eliæ unum. Adhuc eo loquén-te, ecce nubes lúcida obumbrávit eos. Et

ecce vox de nube, dicens : Hic est Filius meus diléctus, in quo mihi bene complácu ; ipsum audíte. Et audiéntes discipuli, cecidérunt in faciém suam, et timuérunt valde. Et accessit Jesus, et tétigit eos, dixitque eis : Súrgite, et nolite timére. Levántes autem oculos suos, néminem vidérunt, nisi solum Jesum. Et descendéntibus illis de monte, præcépit eis Jesus, dicens : Némini dixéritis visiónem, donec Filius hóminis a mórtuis resúrgat.

Offertorium. Ps. 87. Dómine Deus salutis meæ, in die clamávi et nocte coram te : intret orátio mea in conspéctu tuo, Dómine.

Secreta.

PRÆSENTIBUS sacrificiis, quæsumus, Dómine, jejúnia nostra sanctifica : ut quod observántia nostra profitétur extrínsecus, intérius operétur. Per.

Alie Secretæ ut supra. 46.

Communio. Ps. 7. Dómine Deus meus, in te sperávi ; libera me ab ómnibus persequéntibus me, et éripe me.

Postcommunio.

SANCTIFICATIÓNIBUS tuis, omnípotens Deus, et vitia nostra curéntur, et remédia nobis ætérna proveníant. Per.

Alie Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

FIDÉLES tuos, Deus, benedictio desideráta confirmet : quæ eos et a tua voluntáte numquam faciát discrepare, et tuis semper indúlgeat beneficiis gratulári. Per Dóminum.

DOMINICA SECUNDA

IN QUADRAGESIMA

Statio ad Sanctam Mariam in Dominica.

Introitus. Ps. 24.

REMINISCERE miseratiónum tuarum, Dómine, et misericórdiæ tuæ, quæ a sæculo sunt : ne unquam dominúntur nobis inimici nostri : libera nos, Deus Israel, ex ómnibus angústiiis nostris. **Ps.** Ad te, Dómine, levávi animam meam : Deus meus, in te confido,

non erubescam. *Ÿ.* Glória Patri. Remiscere.

Oratio.

DEUS, qui cōspicis omni nos virtūte destitui, intērius extēriusque custōdi : ut ab omnibus adversitatibus muniamur in corpore, et a pravis cogitationibus mundēmur in mente. Per Dōminum.

Aliæ Orationes ut supra. 44.

Lectio Epistolæ beāti Pauli Apōstoli ad Thessalonicēses. *I Thess. 4.*

FRATRES, Rogāmus vos, et obsecrāmus in Dōmino Jesu, ut quemādmōdum accepistis a nobis quōmodo opōrteat vos ambulare et placere Deo, sic et ambulētis, ut abundētis magis. Scitis enim quæ præcepta dēderim vobis per Dōminum Jesum. Hæc est enim volūtas Dei sanctificatiō vestra : ut abstinēatis vos a fornicatiōne; ut sciat unusquisque vestrum vas suum possidere in sanctificatiōne et honore; non in passiōe desidērii, sicut et gentes quæ ignōrant Deum : et ne quis supergrediātur, neque circumveniāt in negōtio fratrem suum : quōniam vindex est Dōminus de his omnibus, sicut prædiximus vobis, et testificāti sumus. Non enim vocāvit nos Deus in immunditiam, sed in sanctificatiōnem : in Christo Jesu Dōmino nostro.

Graduale. Ps. 24. Tribulationes cordis mei dilatætæ sunt : de necessitatibus meis eripe me, Dōmine. *Ÿ.* Vide humilitatem meam et laborem meum, et dimitte omnia peccata mea.

Tractus. Ps. 105. Confitemini Dōmino, quōniam bonus, quōniam in sæculum misericordia ejus. *Ÿ.* Quis loquētur potētias Dōmini, auditas faciet omnes laudes ejus? *Ÿ.* Beāti qui custōdiunt iudicium, et faciunt justitiam in omni tēpore. *Ÿ.* Memēnto nostri, Dōmine, in beneplácito pōpuli tui; visita nos in salutari tuo.



Sequēntia sancti Evangēlii secundum Matthæum. *Cap. 17.*

IN illo tēpore : Assumpsit Jesus Petrum, et Jacōbum, et Joānnem fratrem ejus, et duxit illos in montem ex-

celsum seorsum, et transfigurātus est ante eos. Et resplēnduit faciēs ejus sicut sol; vestimēta autem ejus facta sunt alba sicut nix. Et ecce apparuerunt illis Mōyses et Eliās cum eo loquētes. Respōndens autem Petrus, dixit ad Jesum : Dōmine, bonum est nos hic esse : si vis, faciāmus hic tria tabernacula : tibi unum, Mōysi unum, et Eliæ unum. Adhuc eo loquēte, ecce nubes lūcida obumbrāvit eos. Et ecce vox de nube, dicens : Hic est Filius meus dilēctus, in quo mihi bene complācui; ipsum audite. Et audiētes discipuli, ceciderunt in faciē suam, et timuerunt valde. Et accessit Jesus, et tēgit eos, dixitque eis : Sūrgite, et nolite timere. Levāntes autem oculos suos, nēmīnem viderunt, nisi solum Jesum. Et descendētibz illis de monte, præcepit eis Jesus, dicens : Nēmīni dixeritis visiōnem, donec Filius hōminis a mōrtuis resūrgat. Credo.

Offertorium. Ps. 118. Meditābor in mandātis tuis, quæ dilēxi valde; et levābo manus meas ad mandata tua, quæ dilēxi.

Secreta.

SACRIFICIIS præsēntibus, Dōmine, quæsumus, intēnde placātus : ut et devotiōni nostræ proficiant, et salutī. Per Dōminum.

Aliæ Secretæ ut supra. 46.

Communio. Ps. 5. Intēllige clamorem meum, intēnde voci oratiōnis meæ, Rex meus et Deus meus : quōniam ad te orābo, Dōmine.

Postcommunio.

SUPPLICES te rogāmus, omnipotens Deus : ut quos tuis rēficis sacramētis, tibi etiā placitis mōribus dignāter deservire concēdas. Per Dōminum.

Aliæ Postcommuniones ut supra. 46.

FERIA SECUNDA

Statio ad Sanctum Clementem.

Introitus. Ps. 25.

REDIME me, Dōmine, et miserere mei; pes enim meus stetit in via recta : in ecclēsiis benedicam Dōminum. *Ps. Jūdica me, Dōmine, quō-*

niam ego in innocentia mea ingressus sum, et in Domino sperans non infirmabor. *ŷ.* Glória Patri. Rédime me.

Oratio.

PRÆSTA, quæsumus, omnipotens Deus : ut familia tua, quæ se, affligendo carnem, ab alimentis abstinet, sectando justitiam, a culpa jejúnet. Per Dominum.


Aliæ Orationes ut supra. 44.

Lectio Daniélis Prophætæ. *Cap. 9.*

IN diébus illis : Orávit Dániel Dóminum, dicens : Dómine Deus noster, qui eduxisti pópulum tuum de terra Ægypti in manu forti, et fecisti tibi nomen secúndum diem hanc : peccávimus, iniquitatem fécimus, Dómine, in omnem justitiam tuam : avertátur, óbsecro, ira tua et furor tuus a civitate tua Jerúsalem, et monte sancto tuo. Propter peccáta enim nostra, et iniquitates patrum nostrórum, Jerúsalem et pópulus tuus in oppróbrium sunt ómnibus per circúitum nostrum. Nunc ergo exáudi, Deus noster, orationem servi tui, et preces ejus; et osténde faciém tuam super sanctuárium tuum quod desértum est, propter temetipsum. Inclina, Deus meus, aurem tuam, et audi : áperi óculos tuos, et vide desolationem nostram, et civitatem, super quam invocatum est nomen tuum : neque enim in justificatióibus nostris prostérnimus preces ante faciém tuam, sed in miseratióibus tuis multis. Exáudi, Dómine; placáre, Dómine; atténde, et fac; ne moréris propter temetipsum, Deus meus : quia nomen tuum invocátum est super civitatem, et super pópulum tuum. Dómine Deus noster.

Graduale. Ps. 69. Adjutor meus et liberátor meus esto, Dómine : ne tardáveris. *ŷ.* Confundántur et revereántur inimici mei, qui quærunt ánimam meam.

Tractus Dómine, non secúndum. 45.

 Sequéntia sancti Evangélíi secúndum Joánnem. *Cap. 8.*

IN illo témpore : Dixit Jesus turbis Judæórum : Ego vado, et quærétis me, et in peccáto vestro moriémíni. Quo ego

vado, vos non potéstis veníre. Dicébant ergo Judæi : Numquid interficiet semetipsum, quia dixit : Quo ego vado, vos non potéstis veníre? Et dicébat eis : Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis quia moriémíni in peccátis vestris : si enim non credidérítis quia ego sum, moriémíni in peccáto vestro. Dicébant ergo ei : Tu quis es? Dixit eis Jesus : Princípium, qui et loquor vobis. Multa hábeo de vobis loqui et judicáre. Sed qui me misit, verax est; et ego, quæ audívi ab eo, hæc loquor in mundo. Et non cognovérunt quia Patrem ejus dicébat Deum. Dixit ergo eis Jesus : Cum exaltavérítis Filium hóminis, tunc cognoscétis quia ego sum, et a meípso fácio nihil; sed sicut dócuit me Pater, hæc loquor : et qui me misit, mecum est, et non reliquit me solum, quia ego, quæ plácita sunt ei, fácio semper.

Offertorium. Ps. 15. Benedicam Dóminum, qui tribuit mihi intelléctum : providébam Dóminum in conspéctu meo semper, quóniam a dextris est mihi, ne commóvear.

Secreta.

HÆC hóstia, Dómine, placatiónis et laudis, tua nos protectiône dignos efficiat. Per Dóminum.

Aliæ Secretæ ut supra. 46.

Communio. Ps. 8. Dómine Dóminus noster, quam admirábile est nomen tuum in univérsa terra!

Postcommunio.

HÆC nos commúnio, Dómine, purget a crimine, et cœléstis remédii faciát esse consórtes. Per Dóminum.

Aliæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

ADÉSRO supplicatióibus nostris, omnipotens Deus : et quibus fidúciam sperándæ pietátis indúlges, consuétæ misericórdiæ tribue benígnus efféctum. Per Dóminum.

FERIA TERTIA

Statio ad Sanctam Balbinam.

Introitus. Ps. 26.

TIBI dixit cor meum, quæsiui vultum tuum: vultum tuum, Dómine, requiram; ne avértas faciém tuam a me. *Ps.* Dóminus illuminátio mea et salus mea: quem timébo? *ŷ.* Glória. Tibi.

Oratio.

PÉRFIGE, quæsumus, Dómine, benígnus in nobis observántiæ sanctæ subsidium: ut quæ, te auctóre, faciéndæ cognóvimus, te operánte impleámus. *Per.*

Aliæ Orationes ut supra. 44.

Lectio libri Regum. III Reg. 17.

IN diébus illis: Factus est sermo Dómini ad Eliam Thesbiten, dicens: Surge, et vade in Saréphta Sidoniórum, et manébis ibi; præcépi enim ibi mulieri viduæ ut pascat te. Surréxit, et abiit in Saréphta. Cumque venisset ad portam civitátis, apparuit ei mulier vidua còlligens ligna: et vocávit eam, dixitque ei: Da mihi páululum aquæ in vase, ut bibam. Cumque illa pérgeret ut afférret, clamávit post tergum ejus, dicens: Affer mihi, óbsecro, et buccéllam panis in manu tua. Quæ respóndit: Vivit Dóminus Deus tuus, quia non hábeo panem, nisi quantum pugillus cápere potest farinæ in hydria, et páululum ólei in lécytho; en còlloigo duo ligna, ut ingrédia et faciám illum mihi et filio meo, ut comedámus, et moriámur. Ad quam Eliás ait: Noli timére, sed vade, et fac sicut dixisti: verúntamen mihi primum fac de ipsa farinula subcinerícium panem párvulum, et affer ad me; tibi autem et filio tuo faciés póstea. Hæc autem dicit Dóminus Deus Israel: Hydria farinæ non deficiet, nec lécythus ólei minuétur, usque ad diem in qua Dóminus datúrus est plúviam super faciém terræ. Quæ abiit, et fecit juxta verbum Eliæ; et comédit ipse, et illa et domus ejus; et ex illa die hydria farinæ non defécit, et lécythus ólei non est imminútus, juxta verbum Dómini quod locútus fúerat in manu Eliæ.

Graduale. Ps. 54. Jacta cogitátum tuum in Dómino, et ipse te enútriet. *ŷ.* Dum clamárem ad Dóminum, exaudivit vocem meam ab his qui appropínquant mihi.



Sequéntia sancti Evangélíi secúndum Matthæum. Cap. 23.

IN illo témpore: Locútus est Jesus ad turbas et ad discipulos suos, dicens: Super cáthedram Móysi sedérunt scribæ et pharisæi. Omnia ergo quæcúmque dixerint vobis, serváte et fácite; secúndum ópera vero eórum nolite fácere. Dicunt enim, et non faciunt. Alligant enim ónera grávia et importabilia, et impónunt in húmeros hóminum: dígitó autem suo nolunt ea movére. Omnia vero ópera sua faciunt ut videántur ab homínibus: dilátant enim phylactéria sua, et magníficant fimbrias. Amant autem primos recúbitus in cœnis, et primas cáthedras in synagógis, et salutatiões in foro, et vocári ab homínibus Rabbi. Vos autem nolite vocári Rabbi: unus est enim Magister vester; omnes autem vos fratres estis. Et patrem nolite vocáre vobis super terram; unus est enim Pater vester, qui in cœlis est. Nec vocémini magístri, quia Magister vester unus est, Christus. Qui major est vestrum, erit minister vester. Qui autem se exaltáverit, humiliábitur; et qui se humiliáverit, exaltábitur.

Offertorium. Ps. 50. Miserére mei, Dómine, secúndum magnam misericórdiam tuam: dele, Dómine, iniquitátem meam.

Secreta.

SANCTIFICATIÓNEM tuam nobis, Dómine, his mystériis operáre placátus: quæ nos et a terrénis purget vítiis, et ad cœlestia dona perducát. *Per Dóminum.*

Aliæ Secretæ ut supra. 46.

Communio. Ps. 9. Narrábo ómnia mirabilia tua; letábor et exsultábo in te: psallam nómini tuo, Altíssime.

Postcommunio.

UT sacris, Dómine, reddámur digni munéribus, fac nos tuis, quæsumus, semper obedire mandátis. *Per Dóminum.*

Aliæ Postcommuniones ut supra. 46.

Super populum. Orémus.
Humiliáte cápita vestra Deo.

Oratio.

PROPITIARE, Dómine, supplicatióibus nostris, et animárum nostrárum medére languóribus : ut, remissióne percépta, in tua semper benedictiόe lætémur. Per Dóminum.

FERIA QUARTA

Statio ad Sanctam Cæciliam.

Introitus. Ps. 37.

NE derelinquas me, Dómine Deus meus, ne discédas a me : inténde in adiutoriúm meum, Dómine, virtus salútis meæ. **Ps.** Dómine, ne in furóre tuo árguas me, neque in ira tua corrípias me. **ŷ.** Glória. Ne derelinquas.

Oratio.

PÓPULUM tuum, quæsumus, Dómine, propítius réspice : et quos ab escis carnálibus præcipis abstinére, a nóxiis quoque vitiis cessáre concéde. Per.

Aliæ Orationes ut supra. 44.

Lectio libri Esther. Cap. 13.

IN diébus illis : Orávit Mardocheus ad Dóminum, dicens : Dómine, Dómine, Rex omnipotens, in ditiόne enim tua cuncta sunt pósta, et non est qui possit tuæ resistére voluntáti, si decreveris salváre Israel. Tu fecisti cælum et terram, et quidquid cœli ámbitu continétur. Dóminus ómnium es, nec est qui resistat majestáti tuæ. Et nunc, Dómine Rex, Deus Abraham, miserére pópuli tui, quia volunt nos inimíci nostri pérdere, et hæreditátem tuam delére. Ne despicias partem tuam, quam redemísti tibi de Ægypto. Exáudi deprecationem meam, et propítius esto sorti et funiculo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale. Ps. 27. Salvum fac pópulum tuum, Dómine, et benedic hæreditáti tuæ. **ŷ.** Ad te, Dómine, clamávi : Deus meus, ne sileas a me, et ero símilis descendéntibus in lacum.

Tractus Dómine, non secúndum. 45.



Sequéntia sancti Evangélii secúndum Matthæum. **Cap. 20.**

IN illo témpore : Ascéndens Jesus Jerosólymam, assúpsit duódecim discipulos secréto, et ait illis : Ecce ascéndimus Jerosólymam, et Filius hóminis tradétur princípibus sacerdotum et scribis ; et condemnábunt eum morte, et tradent eum géntibus ad illudéndum, et flagellándum, et crucifigéndum ; et tértia die resúrget. Tunc accéssit ad eum mater filiórum Zebedæi cum filiis suis, adórans, et petens áliquid ab eo. Qui dixit ei : Quid vis? Ait illi : Dic ut sédeant hi duo filii mei, unus ad dexteram tuam, et unus ad sinistram, in regno tuo. Respóndens autem Jesus, dixit : Nescitis quid petátis. Potéstis bíbere cálicem quem ego bibitúrus sum? Dicunt ei : Póssumus. Ait illis : Cálicem quidem meum bibétis ; sedére autem ad dexteram meam vel sinistram, non est meum dare vobis, sed quibus parátum est a Patre meo. Et audiéntes decem, indignáti sunt de duóbus frátribus. Jesus autem vocávit eos ad se, et ait : Scitis quia príncipes géntium dominántur eórum ; et qui majóres sunt, potestátém exércent in eos. Non ita erit inter vos : sed quicúmque volúerit inter vos major fieri, sit vester mínister ; et qui volúerit inter vos primus esse, erit vester servus. Sicut Filius hóminis non venit ministrári, sed ministráre, et dare ánimam suam redemptioném pro multis.

Offertorium. Ps. 24. Ad te, Dómine, levávi ánimam meam ; Deus meus, in te confido, non erubescam : neque irrideant me inimíci mei : étenim universi qui te expséctant, non confundéntur.

Secreta.

HÓSTIAS, Dómine, quas tibi offérimus, propítius réspice : et per hæc sancta commércea, víncula peccatórum nostrórum absolve. Per Dóminum.

Aliæ Secreta ut supra. 46.

Communio. Ps. 10. Justus Dóminus, et justítiam diléxit ; æquitátem vidit vultus ejus.

Postcommunio.

SUMPTIS, Dómine, sacraméntis, ad redemptionis æternæ, quæsumus, proficiámus augméntum. Per Dóminum.

Aliæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

DEUS, innocentiae restitutor et amator, dirige ad te tuorum corda servorum : ut, spiritus tui fervóre concépto, et in fide inveniántur stábiles, et in ópere effícaces. Per Dóminum.

FERIA QUINTA

Statio ad Sanctam Mariam trans Tiberim.

Introitus. Ps. 69.

DEUS, in adiutorium meum inténde : Dómine, ad adiuvándum me festína : confundántur et reveréantur inimíci mei, qui quærunt ánimam meam. Ps. Avertántur retrórsus et erubéscant, qui cógitant mihi mala. ʒ. Glória Patri. Deus.

Oratio.

PRÆSTA nobis, quæsumus, Dómine, auxilium grátiae tuæ : ut jejúniis et orationibus conveniénter inténti, liberémur ab hóstibus mentis et córporis. Per.

Aliæ Orationes ut supra. 44.

Léctio Jeremiæ Prophétæ. Cap. 17.

HÆC dicit Dóminus Deus : Maledictus homo qui confidit in hómine, et ponit carnem bráchium suum, et a Dómino recédit cor ejus. Erit enim quasi myricæ in desérto, et non vidébit cum vénerit bonum; sed habitábit in siccitáte in desérto, in terra salsúginis et inhabitábili. Benedictus vir qui confidit in Dómino, et erit Dóminus fidúcia ejus. Et erit quasi lignum quod transplantátur super aquas, quod ad humórem mittit radices suas, et non timébit cum vénerit æstus. Et erit fólium ejus víride, et in témpore siccitátis non erit sollicitum, nec aliquándó désinet fácere fructum. Pravum est cor ómnium, et inscrutábile : quis cognóscet illud? Ego Dóminus scrutans cor et probans renes; qui do unicuique juxta viam suam, et juxta

fructum adinventiónum suárum, dicit Dóminus omnípotens.

Graduale. Ps. 78. Propítius esto, Dómine, peccátis nostris; nequándó dicant gentes : Ubi est Deus eórum? ʒ. Adjuva nos, Deus salutáris noster : et propter honórem nóminis tui, Dómine, libera nos.



Sequéntia sancti Evangélíi secúndum Lucam. Cap. 16.

IN illo témpore : Dixit Jesus pharisæis : Homo quidam erat dives, qui induebátur púrpura et bysso, et epulabátur quotidie spléndide. Et erat quidam mendicus, nómine Lázarus, qui jacébat ad jánuam ejus, ulcéribus plenus, cúpiens saturári de micis quæ cadébant de mensa divitis, et nemo illi dabat : sed et canes veniébant, et lingébant úl-cera ejus. Factum est autem ut morerétur mendicus, et portarétur ab Angelis in sinum Abraham. Mórtuus est autem et dives, et sepúltus est in inférno. Elevans autem oculos suos cum esset in torméntis, vidit Abraham a longe, et Lázarus in sinu ejus; et ipse clamans, dixit : Pater Abraham, miserére mei, et mitte Lázarus, ut intíngat extrémum digiti sui in aquam, ut refrigeret linguam meam, quia crucior in hac flamma. Et dixit illi Abraham : Fili, recordáre quia recepísti bona in vita tua. et Lázarus similiter mala; nunc autem hic consolátur, tu vero cruciáris. Et in his ómnibus, inter nos et vos chaos magnum firmátum est; ut hi qui volunt hinc transire ad vos, non possint, neque inde huc transmeáre. Et ait : Rogo ergo te, pater, ut mittas eum in domum patris mei. Hábeo enim quinque fratres, ut testétur illis, ne et ipsi véniant in hunc locum tormentórum. Et ait illi Abraham : Habent Móysen et Prophétas; áudiant illos. At ille dixit : Non, pater Abraham; sed si quis ex mórtuis íerit ad eos, pœniténtiam agent. Ait autem illi : Si Móysen et Prophétas non áudiunt, neque si quis ex mórtuis resurréxerit, credent.

Offertorium. Exod. 32. Precátus est Móyses in conspéctu Dómini Dei sui,

et dixit : Quare, Dómine, irásceris in pópulo tuo? parece iræ ánimæ tuæ : memento Abraham, Isaac et Jacob, quibus jurásti dare terram fluéntem lac et mel. Et placátus est Dóminus de malignitáte quam dixit fácere pópulo suo.

Secreta.

PRÆSENTI sacrificio, nómini tuo nos, Dómine, jejúnia dicáta sanctificent : ut quod observántia nostra profitétur extérius, intérius operétur effectú. Per.

Aliae Secreta ut supra. 46.

Communio. Joan. 6. Qui mandúcat meam carnem, et bibit meum ságuinem, in me manet, et ego in eo, dicit Dóminus.

Postcommunio.

GRÁTIA tua nos, quæsumus, Dómine, non derelinquat : quæ et sacræ nos déditos faciat servitúti, et tuam nobis opem semper acquírat. Per Dóminum.

Aliae Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

ADËSTO, Dómine, fámulis tuis, et perpétuam benignitátem largíre poscéntibus : ut iis qui te auctóre et gubernatóre gloriántur, et congregáta restáures, et restauráta consérves. Per.

FERIA SEXTA

Statio ad Sanctum Vitalem.

Introitus. Ps. 16.

EGO autem cum iustitia apparébo in conspéctu tuo; satiábor dum manifestábitur glória tua. *Ps.* Exáudi, Dómine, justitiam meam : inténde deprecationi meæ. *ŷ.* Glória Patri. Ego.

Oratio.

DA, quæsumus, omnipotens Deus : ut sacro nos purificánte jejúnio, sínecris méntibus ad sancta ventúra fácias pervenire. Per Dóminum.

Aliae Orationes ut supra. 44.

Lectio libri Génesis. Cap. 37.

IN diébus illis : Dixit Joseph frátribus suis : Audite sómniū meum, quod vidi : Putábam nos ligáre manípulos in

agro, et quasi consúrgere manípulum meum, et stare; vestrosque manípulos circumstántes adoráre manípulum meum. Respondérunt fratres ejus : Numquid rex noster eris? aut subjiciémur ditióni tuæ? Hæc ergo causa somniórum atque sermónum, invidiæ et ódii fómitem ministrávit. Aliud quoque vidit sómniū, quod narrans frátribus, ait : Vidi per sómniū quasi solem, et lunam, et stellas undecim, adoráre me. Quod cum patri suo et frátribus retulisset, increpávit eum pater suus, et dixit : Quid sibi vult hoc sómniū quod vidísti? Num ego, et mater tua, et fratres tui adorábinus te super terram? Invidébant ei igitur fratres sui : pater vero rem tácitus considerábat. Cumque fratres illius in pascédis grégibus patris moraréntur in Sichem, dixit ad eum Israel : Fratres tui pascunt oves in Síchimis; veni, mittam te ad eos. Quo respondente : Præsto sum, ait ei : Vade, et vide si cuncta próspera sint erga fratres tuos et pécora; et renúntia mihi quid agátur. Missus de valle Hebron. venit in Sichem; invenitque eum vir errántem in agro, et interrogávit quid quæreret. At ille respóndit : Fratres meos quæro, índica mihi ubi pascant greges. Dixitque ei vir : Recessérunt de loco isto; audívi autem eos dicéntes : Eámus in Dóthain. Perréxit ergo Joseph post fratres suos, et invénit eos in Dóthain. Qui cum vidissent eum procul, ántequam accéderet ad eos, cogitavérunt illum occidere, et mútuo loquebántur : Ecce somniátor venit; veníte, occidámus eum, et mittámus in cistérnam vétérem; dicemusque : Fera péssima devorávit eum; et tunc apparébit quid illi prosint sómnia sua. Audiens autem hoc Ruben, nitebátur liberáre eum de mánibus eórum, et dicebat : Non interficiátis ánimam ejus, nec effundátis ságuinem : sed projicite eum in cistérnam hanc, quæ est in solitúdine, manúsque vestras serváte innóxias. Hoc autem dicebat, volens eripere eum de mánibus eórum, et réddere patri suo.

Graduale. Ps. 119. Ad Dóminum, cum tribulárer, clamávi, et exaudivit me. **ŷ.** Dómine, libera ánimam meam a lábiis iníquis et a lingua dolósa.

Tractus Dómine, non secúndum. 45.



Sequentia sancti Evangélii secúndum Matthæum. **Cap. 21.**

IN illo témpore : Dixit Jesus turbis Judæórum et princípibus sacerdotum parábolam hanc : Homo erat paterfamilias qui plantávit vineam, et sepe circumdedit ei, et fodit in ea tórcular, et ædificávit turrim, et locávit eam agricolis, et pégre profectus est. Cum autem tempus fructuum appropinquásset, misit servos suos ad agricolas, ut acciperent fructus ejus. Et agricolæ, apprehénsis servis ejus, álium ceciderunt, álium occiderunt, álium vero lapidáverunt. Iterum misit álios servos plures prióribus, et fecerunt illis similiter. Novíssime autem misit ad eos filium suum, dicens : Verebúntur filium meum. Agricolaæ autem vidéntes filium, dixerunt intra se : Hic est hæres; veníte, occidámus eum, et habébitus hæreditátem ejus. Et apprehénsum eum ejecerunt extra vineam, et occiderunt. Cum ergo vénerit dóminus vineæ, quid faciet agricolis illis? Aiunt illi : Malos male perdet, et vineam suam locábit áliis agricolis, qui reddant ei fructum tempóribus suis. Dicit illis Jesus : Numquam legistis in Scriptúris : Lápide[m] quem reprobáverunt ædificántes, hic factus est in caput ánguli? A Dómino factum est istud, et est mirábile in oculis nostris? Ideo dico vobis quia auferétur a vobis regnum Dei, et dábitur genti faciénti fructus ejus. Et qui ceciderit super lápidem istum, confringétur; super quem vero ceciderit, cónteret eum. Et cum audissent príncipes sacerdotum et pharisæi parábas ejus, cognóverunt quod de ipsis diceret. Et quæréntes eum tenére, timuérent turbas : quóniam sicut Prophétam eum habébant.

Offertorium. Ps. 39. Dómine, in auxilium meum réspice : confundántur

et reveréántur, qui quærun[t] ánimam meam, ut áuferant eam : Dómine, in auxilium meum réspice.

Secreta.

HÆC in nobis sacrificia, Deus, et actióne permáneant, et operatióne firméntur. Per Dóminum.

Alia Secretæ ut supra. 46.

Communio. Ps. 11. Tu, Dómine, servábis nos, et custódies nos a generatióne hac in ætérnum.

Postcommunio.

FAC nos, quæsumus, Dómine, accépto pignore salutis ætérnæ, sic téndere congruenter, ut ad eam pervenire possimus. Per Dóminum.

Alia Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

DA, quæsumus, Dómine, pópulo tuo salutem mentis et corpóris : ut bonis opéribus inhæréndo, tuæ semper virtútis mereátur protectiõe deféndi. Per.

SABBATO

Statio ad Sanctos Marcellinum et Petrum.

Introitus. Ps. 18.

LEX Dómini irreprehensibilis, convertens ánimas : testimónium Dómini fidèle, sapiéntiam præstans párvulis. **Ps.** Cœli enárrant glóriam Dei, et ópera mánuum ejus annúntiat firmaméntum. **ŷ.** Glória Patri. Lex Dómini.

Oratio.

DA, quæsumus, Dómine, nostris effectum jejúnii salutárem : ut castigatio carnis assumpta, ad nostrárum vegetatióne[m] tránseat animárum. Per.

Alia Orationes ut supra. 44.

Lectio libri Génesis. Cap. 27.

IN diébus illis : Dixit Rebécca filio suo Jacob : Audívi patrem tuum loquéntem cum Esau fratre tuo, et dicéntem ei : Affer mihi de venatiõe tua, et fac cibos, ut cómedam, et benedicam tibi coram Dómino ántequam móriar. Nunc ergo, fili mi, acquiesce consiliis meis; et pergens ad gregem, affer mihi duos hæodos óptimos, ut faciam ex eis escas

patri tuo, quibus libenter vésitur; quas cum intuleris, et comederit, benedicat tibi priusquam moriatur. Cui ille respondit: Nosti quod Esau frater meus homo pilosus sit, et ego lenis; si attreteraverit me pater meus, et senserit, timeo ne putet me sibi voluisse illudere, et inducam super me maledictionem pro benedictione. Ad quem mater: In me sit, ait, ista maledictio, fili mi; tantum audi vocem meam, et pergens affer quæ dixi. Abiit, et attulit, deditque matri. Paravit illa cibos sicut velle noverat patrem illius. Et vestibus Esau valde bonis, quas apud se habebat domi, induit eum, pelliculasque hœdorum circumdedit manibus, et colli nuda protexit. Deditque pulmentum, et panes quos coxerat tradidit. Quibus illatis, dixit: Pater mi? At ille respondit: Audio: quis es tu, fili mi? Dixitque Jacob: Ego sum primogenitus tuus Esau: feci sicut præcepisti mihi: surge, sede, et comede de venatione mea, ut benedicat mihi anima tua. Rursusque Isaac ad filium suum: Quomodo, inquit, tam cito invenire potuisti, fili mi? Qui respondit: Voluntas Dei fuit ut cito occurreret mihi quod volebam. Dixitque Isaac: Accède huc, ut tangam te, fili mi, et probem utrum tu sis filius meus Esau, an non. Accessit ille ad patrem, et, palpato eo, dixit Isaac: Vox quidem, vox Jacob est; sed manus, manus sunt Esau. Et non cognovit eum, quia pilosæ manus similitudinem majorem expresserant. Benedicens ergo illi, ait: Tu es filius meus Esau? Respondit: Ego sum. At ille: Affer mihi, inquit, cibos de venatione tua, fili mi, ut benedicat tibi anima mea. Quos cum oblatos comedisset, obtulit ei etiam vinum. Quo hausto, dixit ad eum: Accède ad me, et da mihi osculum, fili mi. Accessit, et osculatus est eum. Statimque ut sensit vestimentorum illius fragrantiam, benedicens illi, ait: Ecce odor filii mei, sicut odor agri pleni, cui benedixit Dominus. Det tibi Deus de rore cœli, et de pinguedine terræ, abundantiam frumenti et vini. Et serviant tibi populi,

et adorent te tribus. Esto dominus fratrum tuorum, et incurvantur ante te filii matris tuæ. Qui maledixerit tibi, sit ille maledictus; et qui benedixerit tibi, benedictionibus repleatur. Vix Isaac sermonem implèverat, et egresso Jacob foras, venit Esau, coctosque de venatione cibos intulit patri, dicens: Surge, pater mi, et comede de venatione filii tui, ut benedicat mihi anima tua. Dixitque illi Isaac: Quis enim es tu? Qui respondit: Ego sum filius tuus primogenitus Esau. Expavit Isaac stupore vehemènti; et ultra quam credi potest admirans, ait: Quis igitur ille est qui dudum captam venationem attulit mihi, et comédi ex omnibus priusquam tu venires? Benedixique ei, et erit benedictus. Auditis Esau sermonibus patris, irrúgit clamore magno, et, consternatus, ait: Benedic etiam et mihi, pater mi. Qui ait: Venit germanus tuus fraudulenter, et accepit benedictionem tuam. At ille subjúnxit: Juste vocatum est nomen ejus Jacob; supplantavit enim me in altera vice: primogenita mea ante tulit, et nunc secundo surripuit benedictionem meam. Rursusque ad patrem: Numquid non reservasti, ait, et mihi benedictionem? Respondit Isaac: Dominum tuum illum constitui, et omnes fratres ejus servituti illius subjugavi; frumento et vino stabilivi eum, et tibi post hæc, fili mi, ultra quid faciam? Cui Esau: Num unam, inquit, tantum benedictionem habes, pater? mihi quoque obsecro ut benedicas. Cumque ejulatu magno fleret, motus Isaac, dixit ad eum: In pinguedine terræ et in rore cœli desuper erit benedictio tua.

Graduale. Ps. 91. Bonum est confiteri Dómino, et psállere nómini tuo. Altíssime. **Ÿ.** Ad annuntiandum mane misericórdiam tuam, et veritatem tuam per noctem.



Sequéntia sancti Evangélíi secundum Lucan. **Cap. 13.**

In illo témpore: Dixit Jesus pharisæis et scribis parabolam istam: Homo quidam habuit duos filios; et dixit ado-

lescēntior ex illis patri : Pater, da mihi portiōnem substāntiæ quæ me contingit. Et divisit illis substāntiam. Et non post multos dies, congregātis omnibus, adlescēntior filius peregredī profectus est in regiōnem longinquam, et ibi dissipāvit substāntiam suam, vivēdo luxuriōse. Et postquam omnia consummāset, facta est fames vālda in regiōne illa, et ipse cœpit egere. Et abiit, et adhæsit uni civium regiōnis illius. Et misit illum in villam suam, ut pāsceret porcos. Et cupiebat implere ventrem suum de siliquis quas porci manducābant; et nemo illi dabat. In se autem revērsus, dixit : Quanti mercenārii in domo patris mei abundānt pānibus, ego autem hic fame pereo ! Surgam, et ibo ad patrem meum, et dicam ei : Pater, peccāvi in cœlum et coram te; jam non sum dignus vocāri filius tuus, fac me sicut unum de mercenāriis tuis. Et surgens venit ad patrem suum. Cum autem adhuc longe esset, vidit illum pater ipsius, et misericórdia motus est, et accurrens cecidit super collum ejus, et osculātus est eum. Dixitque ei filius : Pater, peccāvi in cœlum et coram te : jam non sum dignus vocāri filius tuus. Dixit autem pater ad servos suos : Cito proferte stolam primam, et induite illum, et date annulum in manum ejus, et calceamēta in pedes ejus; et addūcite vitulum saginātum, et occidite, et manducemus, et epulēmur : quia hic filius meus mōrtuus erat, et revixit; perierat, et invēntus est. Et cœperunt epulāri. Erat autem filius ejus sēnior in agro : et cum veniret et appropinquāret dōmū, audivit symphōniam et chorum; et vocāvit unum de servis, et interrogāvit quid hæc essent. Isque dixit illi : Frater tuus venit, et occidit pater tuus vitulum saginātum, quia salvum illum recepit. Indignātus est autem, et nolēbat introire. Pater ergo illius egressus, cœpit rogare illum. At ille respōdens, dixit patri suo : Ecce tot annis sērvio tibi, et numquam mandātum tuum præterivi, et numquam dedisti mihi hœdum, ut cum amicis meis epulārer; sed

postquam filius tuus hic, qui devorāvit substāntiam suam cum meretricibus, venit, occidisti illi vitulum saginātum. At ipse dixit illi : Fili, tu semper mecum es, et omnia mea tua sunt : epulāri autem et gaudere oportebat, quia frater tuus hic mōrtuus erat, et revixit; perierat, et invēntus est.

Offertorium. Ps. 12. Illūmina oculos meos, ne unquam obdormiam in morte; nequādo dicat inimicus meus : Prævalui advērsus eum.

Secreta.

His sacrificiis, Dōmine, concēde placātus, ut qui propriis orāmus absolvi delictis, non gravēmur extērnis. Per Dōminum.

Aliæ Secretæ ut supra. 46.

Communio. Luc. 15. Opórtet te, fili, gaudere, quia frater tuus mōrtuus fuerat, et revixit; perierat, et invēntus est.

Postcommunio.

SACRAMÉNTI tui, Dōmine, divína libatio penetrália nostri cordis infūdat, et sui nos partícipes potēter efficiat. Per.

Aliæ Postcommuniones ut supra. 46.

Super populum. Orémus.

Humiliāte cápita vestra Deo.

Oratio.

FAMÍLIAM tuam, quæsumus, Dōmine, continua pietāte custodi : ut quæ in sola spe grātiæ cœlestis innititur, cœlesti étiam protectiōne muniātur. Per.

DOMINICA TERTIA

IN QUADRAGESIMA

*Statio ad Sanctum Laurentium
extra muros.*

Introitus. Ps. 24.

OCULI mei semper ad Dōminum, quia ipse evēlet de láqueo pedes meos : respice in me, et misere-re mei, quóniam únicus et pauper sum ego. Ps. Ad te, Dōmine, levávi ánimam meam : Deus meus, in te confido, non erubescam. ̎. Glória Patri. Oculi mei.

Oratio.

QUÆSUMUS, omnípotens Deus, vota humílium respice : atque ad defensió-

nem nostram dexteram tuæ Majestátis exténde. Per Dóminum.

Aliæ Orationes ut supra. 44.

Lectio Epistolæ beati Pauli Apóstoli ad Ephésios. *Cap. 5.*

FRATRES, Estóte imitatóres Dei, sicut filii charíssimi; et ambuláte in dilectióne, sicut et Christus dilexit nos, et trádidit semetípsum pro nobis oblatiōnem et hóstiam Deo in odórem suavitátis. Fornicatio autem, et omnis immunditia, aut avaritia, nec nominétur in vobis, sicut decet sanctos: aut turpítudo, aut stultilóquium, aut scurrilitas, quæ ad rem non pértinet: sed magis gratiárum áctio. Hoc enim scitóte intelligéntes, quod omnis fornicátor, aut immúndus, aut avárus, quod est idolórum sérvitus, non habet hæreditatē in regno Christi et Dei. Nemo vos seducat inánibus verbis; propter hæc enim venit ira Dei in filios diffidéntiæ. Nolite ergo éffici partícipes eórum. Erátis enim aliquándo ténebræ; nunc autem lux in Dómino. Ut filii lucis ambuláte; fructus enim lucis est in omni bonitáte, et justítia, et veritáte.

Graduale. Ps. 9. Exsúrge, Dómine, non præváleat homo: judicéntur gentes in conspéctu tuo. *Ÿ.* In converténdo inimicum meum retrórsum, infirmabúntur, et peribunt a fácie tua.

Tractus. Ps. 122. Ad te levávi oculos meos, qui hábitas in cœlis. *Ÿ.* Ecce sicut oculi servórum in mánibus dominórum suórum. *Ÿ.* Et sicut oculi ancillæ in mánibus dómínæ suæ, ita oculi nostri ad Dóminum Deum nostrum, donec misereátur nostri. *Ÿ.* Miserére nobis, Dómine, miserére nobis.



Sequéntia sancti Evangélíi secúndum Lucam. *Cap. 11.*

In illo témpore: Erat Jesus ejiciens dæmónium, et illud erat mutum. Et cum ejecisset dæmónium, locútus est mutus, et admirátæ sunt turbæ. Quidam autem ex eis dixérunt: In Beélzebub príncipe dæmoniórum éjicit dæmónia. Et alíi tentántes, signum de cœlo quæré-

bant ab eo. Ipse autem, ut vidit cogitationes eórum, dixit eis: Omne regnum in seipsum divisum desolábitur, et domus supra domum cadet. Si autem et Sátanas in seipsum divisus est, quómodo stabit regnum ejus? quia dicitis in Beélzebub me ejicere dæmónia. Si autem ego in Beélzebub ejicio dæmónia, filii vestri in quo ejiciunt? Ideo ipsi júdices vestri erunt. Porro si in digito Dei ejicio dæmónia, profecto pervénit in vos regnum Dei. Cum fortis armátus custódit átrium suum, in pace sunt ea quæ póssidet; si autem fórtior eo supervénienti vicerit eum, univérsa arma ejus áuferet, in quibus confidébat, et spólia ejus distribuet. Qui non est mecum, contra me est: et qui non colligit mecum, dispérgit. Cum immúndus spíritus exierit de hómine, ámbulat per loca inaquósa, quærens réquiem; et non invéniens, dicit: Revérta in domum meam, unde exívi. Et cum vénerit, invenit eam scopis mundátam et ornátam. Tunc vadit, et assúmit septem alios spíritus secum nequióres se, et ingressi hábitant ibi; et fiunt novíssima hóminis illius pejóra prióribus. Factum est autem, cum hæc diceret, extóllens vocem quædam múlter de turba, dixit illi: Beátus venter qui te portávit, et úbera quæ súxisti! At ille dixit: Quinimo beáti qui audiunt verbum Dei, et custódiunt illud! Credo.

Offertorium. Ps. 18. Justitíæ Dómini rectæ, lætificántes corda, et judicia ejus dulcióra super mel et favum; nam et servus tuus custódit ea.

Secreta.

HÆC hóstia, Dómine, quæsumus, emúndet nostra delicta, et ad sacrificium celebrándum subditórum tibi cōrpora mentésque sanctificet. Per Dóminum.

Aliæ Secretæ ut supra. 46.

Communio. Ps. 83. Passer invenit sibi domum, et turtur nidum ubi repónat pullos suos; altária tua, Dómine virtútum, Rex meus et Deus meus: beáti qui hábitant in domo tua, in sæculum sæculi laudábunt te.

Postcommunio.

A CUNCTIS nos, quæsumus, Dómine, reátibus et periculis propitiátus absolve : quos tanti mystérii tribuis esse participes. Per Dóminum.

Aliæ Postcommuniones ut supra. 46.

FERIA SECUNDA

Statio ad Sanctum Marcum.

Introitus. Ps. 55.

IN Deo laudábo verbum, in Dómino laudábo sermónem, in Deo sperábo, non timébo quid fáciat mihi homo.

Ps. Miserére mei, Deus, quóniam conculcávit me homo : tota die bellans tribulávit me. *ŷ.* Glória Patri. In Deo.

Oratio.

CÓRDIBUS nostris, quæsumus, Dómine, grátiam tuam benignus infúnde : ut sicut ab escis carnálibus abstínemus, ita sensus quoque nostros a nóxiis retrahámus excéssibus. Per Dóminum.

Aliæ Orationes ut supra. 44.

Lectio libri Regum. IV Reg. 5.

IN diébus illis : Náaman, princeps militiæ regis Syriæ, erat vir magnus apud dómínium suum et honorátus; per illum enim dedit Dóminus salútē Syriæ; erat autem vir fortis et dives, sed leprósus. Porro de Syria egréssi fuerant latrúnculi : et captivam dúxerant de terra Israel puéllam párvulam, quæ erat in obséquo uxóris Náaman : quæ ait ad dómínā suā : Utinā fuisset dómínus meus ad Prophétā qui est in Samaria! profecto curáset eum a lepra quam habet. Ingréssus est itaque Náaman ad dómínium suum, et nuntiávit ei, dicens : Sic et sic locúta est puélla de terra Israel. Dixítque ei rex Syriæ : Vade, et mittam litteras ad regem Israel. Qui cum profectus esset, et tulisset secum decem talénta argénti, et sex millia áureos, et decem mutatória vestimentórum, détulit litteras ad regem Israel, in hæc verba : Cum accéperis epistolā hanc, scito quod miserim ad te Náaman servum meum, ut cures eum a lepra sua. Cumque legisset rex Israel litteras, scidit vestiménta sua, et ait :

Numquid Deus ego sum, ut occidere possim et vivificáre, quia iste misit ad me, ut cures hóminem a lepra sua? Animadvértite, et vidéte quod occasiões quærat advérsum me. Quod cum audisset Eliséus, vir Dei, scidisse videlicet regem Israel vestiménta sua, misit ad eum, dicens : Quare scidísti vestiménta tua? Véniat ad me, et sciat esse Prophétam in Israel. Venit ergo Náaman cum equis et curribus, et stetit ad óstium domus Eliséi; misítque ad eum Eliséus nuntium, dicens : Vade, et laváre sépties in Jordáne, et recipiet sanitátem caro tua, atque mundáberis. Irátus Náaman recedébat, dicens : Putábam quod egréderétur ad me, et stans invocáret nomen Dómini Dei sui, et tangeret manu sua locum lepræ, et curáret me. Numquid non meliôres sunt Abana et Pharphar, flúvii Damásci, ómnibus aquis Israel, ut laver in eis, et munder? Cum ergo vertisset se, et abíret indignans, accessérunt ad eum servi sui, et locúti sunt ei : Pater, et si rem grandem dixisset tibi Prophéta, certe fácere debúeras : quanto magis quia nunc dixit tibi : Laváre, et mundáberis? Descéudit, et lavit in Jordáne sépties, juxta sermónem viri Dei; et restitúta est caro ejus, sicut caro púeri párvuli, et mundátus est. Reversúsque ad virum Dei cum univérso comitátu suo, venit et stetit coram eo, et ait : Vere scio quod non sit álius Deus in univérsa terra, nisi tantum in Israel.

Graduale. Ps. 55. Deus, vitam meam annuntiávi tibi; posuísti lácrymas meas in conspéctu tuo. *ŷ.* Miserére mei, Dómine, quóniam conculcávit me homo : tota die bellans tribulávit me.

Tractus Dómine, non secúndum. 45.



Sequéntia sancti Evangélii secúndum Lucam. Cap. 4.

IN illo tépore : Dixit Jesus pharisæis : Utique dicétis mihi hanc similitúdinem : Médice, cura teipsum; quanta audivimus facta in Caphárnaum, fac et hic in pátria tua. Ait autem : Amen dico vobis, quia nemo Prophéta accé-

ptus est in pátria sua. In veritatē dico vobis, multæ víduæ erant in diébus Eliæ in Israel, quando clausum est cœlum annis tribus et mēnsibus sex, cum facta esset fames magna in omni terra; et ad nullam illarum missus est Eliás, nisi in Saréphta Sidóniæ ad mulierem víduam. Et multi leprósi erant in Israel sub Eliséo Prophéta; et nemo eorum mundátus est, nisi Náaman Syrus. Et repléti sunt omnes in synagoga ira, hæc audiéntes. Et surrexerunt, et eiecérunt illum extra civitatē, et duxerunt illum usque ad supercilium montis super quem civitas illorum erat ædificata, ut præcipitarent eum. Ipse autem tránsiens per médium illorum, ibat.

Offertorium. Ps. 54. Exáudi, Deus, orationem meam, et ne despéxeris deprecationem meam; inténde in me, et exáudi me.

Secreta.

MUNUS quod tibi, Dómine, nostræ servitutis offerimus, tu salutáre nobis pérfice sacraméntum. Per Dóminum.

Aliæ Secretæ ut supra. 46.

Communio. Ps. 13. Quis dabit ex Sion salutáre Israel? Cum avérterit Dóminus captivitatem plebis suæ, exsultabit Jacob, et lætabitur Israel.

Postcommunio.

PRÆSTA, quæsumus, omnipotens et miséricors Deus: ut quod ore cōtingimus, pura mente capiamus. Per.

Aliæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

SUBVÉNIAT nobis, Dómine, misericórdia tua: ut ab imminéntibus peccatórum nostrórum periculis te mereámur protegéntē éripi, te liberántē salvári. Per.

FERIA TERTIA

Statio ad Sanctam Pudéntianam.

Introitus. Ps. 16.

EGO clamávi, quóniam exaudísti me, Deus; inclína aurem tuam, et exáudi verba mea; custódi me, Dómine, ut pupillam óculi; sub umbra

alarum tuarum prótege me. **Ps.** Exáudi, Dómine, justitiam meam: inténde deprecationem meam. **ŷ.** Glória Patri. Ego.

Oratio.

EXÁUDI nos, omnipotens et miséricors Deus: et continéntiæ salutáris propitius nobis dona concéde. Per Dóminum.

Aliæ Orationes ut supra. 44.

Lectio libri Regum. IV Reg. 4.

IN diébus illis: Múlier quædam clamábat ad Eliséum Prophétam, dicens: Servus tuus vir meus mórtuus est, et tu nosti quia servus tuus fuit timens Dóminum: et ecce créditor venit, ut tollat duos filios meos ad serviéndum sibi. Cui dixit Eliséus: Quid vis ut faciám tibi? Dic mihi, quid habes in domo tua? At illa respóndit: Non hábeo ancilla tua quidquam in domo mea, nisi parum ólei, quo ungar. Cui ait: Vade, pete mútuo ab ómnibus vicinis tuis vasa vácuca non pauca. Et ingrédere, et claude óstium tuum, cum intrínsecus fúeris tu et filii tui; et mitte inde in ómnia vasa hæc; et cum plena fúerint, tolles. Ivit itaque múlier, et clausit óstium super se et super filios suos; illi offerébant vasa, et illa infundébat. Cumque plena fuissent vasa, dixit ad filium suum: Affér mihi adhuc vas. Et ille respóndit: Non hábeo. Stetitque óleum. Venit autem illa, et indicávit hómini Dei. Et ille: Vade, inquit, vende óleum, et redde creditóri tuo; tu autem et filii tui, vivite de reliquo.

Graduale. Ps. 18. Ab occúltis meis munda me, Dómine; et ab aliénis pareo servo tuo. **ŷ.** Si mei non fúerint domináti, tunc immaculátus ero; et emundábor a delicto máximo.

Sequéntia sancti Evangélii secúndum Matthæum. Cap. 18.

IN illo témpore: Dixit Jesus discipulis suis: Si peccáverit in te frater tuus, vade, et córripe eum inter te et ipsum solum. Si te audierit, lucrátus eris fratrem tuum. Si autem te non audierit, ádhibe tecum adhuc unum vel duos, ut in ore duórum vel trium téstium stet omne verbum. Quod si non audierit eos,

dic ecclésiæ. Si autem ecclésiā non audierit, sit tibi sicut ethnicus et publicānus. Amen dico vobis, quæcūque alligaveritis super terram, erunt ligata et in cælo : et quæcūque solveritis super terram, erunt soluta et in cælo. Iterum dico vobis, quia si duo ex vobis consenserint super terram, de omni re quæcūque petierint, fiet illis a Patre meo, qui in cælis est. Ubi enim sunt duo vel tres congregati in nōmine meo, ibi sum in medio eōrum. Tunc accedens Petrus ad eum, dixit : Dōmine, quoties peccābit in me frater meus, et dimittam ei? usque septies? Dicit illi Jesus : Non dico tibi usque septies, sed usque septuāgies septies.

Offertorium. Ps. 117. Dextera Dōmini fecit virtutem, dextera Dōmini exaltāvit me; non mōriar, sed vivam, et narrābo ōpera Dōmini.

Secreta.

PER hęc veniat, quæsumus, Dōmine, sacramenta, nostræ redemptionis effectus : qui nos et ab humanis retrahat semper excēssibus, et ad salutaria dona perducāt. Per Dōminum.

Alie Secretæ ut supra. 46.

Communio. Ps. 14. Dōmine, quis habitabit in tabernaculo tuo? aut quis requiescet in monte sancto tuo? Qui ingreditur sine macula, et operatur iustitiam.

Postcommunio.

SACRIS, Dōmine, mystēriis expiati, et vniām, quæsumus, consequāmur, et grātiā. Per Dōminum.

Alie Postcommuniones ut supra. 46.

Super populum. Orémus.

Humiliāte capita vestra Deo.

Oratio.

TUA nos, Dōmine, protectione defēde, et ab omni semper iniquitate custōdi. Per Dōminum.

FERIA QUARTA

Statio ad Sanctum Xystum.

Introitus. Ps. 30.

EGO autem in Dōmino sperābo; exsultābo et lætabor in tua misericordia, quia respexisti humilitatem meam. **Ps.** In te, Dōmine, sperāvi, non

confundar in ætērnū : in iustitia tua libera me, et eripe me. **Ÿ.** Glória. Ego.

Oratio.

PRÆSTA nobis, quæsumus, Dōmine : ut salutāribus jejūniis eruditi, a nōxiis quoque vitiis abstinētes, propitiatiōnem tuam facilius impetrēmus. Per.

Alie Orationes ut supra. 44.

Lectio libri Exodi. Cap. 20.

HÆC dicit Dōminus Deus : Honōra patrem tuum et matrem tuam, ut sis longævus super terram quam Dōminus Deus tuus dabit tibi. Non occides. Non mœchaberis. Non furtum facies. Non loqueris contra prōximum tuum falsum testimōnium. Non concupisces domum prōximī tui; nec desiderabis uxorem ejus, non servum, non ancillam, non bovem, non āsinum, nec ōmnia quæ illius sunt. Cunctus autem pōpulus videbat voces, et lāmpades, et sōnitum būccinæ, montēque fumāntem : et perterriti, ac pavōre concūssi, steterunt procul, dicētes Mōysi : Lōquere tu nobis, et audiēmus; non loquātur nobis Dōminus, ne forte moriāmur. Et ait Mōyses ad pōpulum : Nolite timēre; ut enim probāret vos, venit Deus, et ut terror illius esset in vobis, et non peccaretis. Stetitque pōpulus de longe. Mōyses autem accēssit ad caliginem in qua erat Deus. Dixit prætērea Dōminus ad Mōysen : Hęc dices filiis Israel : Vos vidistis quod de cælo locūtus sim vobis. Non faciētis deos argēteos, nec deos āureos faciētis vobis. Altāre de terra faciētis mihi, et offerētis super eo holocāusta et pacifica vestra, oves vestras et boves, in omni loco in quo memōria fuerit nōminis mei.

Graduale. Ps. 6. Miserere mei, Dōmine, quōniam infirmus sum : sana me, Dōmine. **Ÿ.** Conturbāta sunt ōmnia ossa mea, et ānima mea turbāta est valde.

Tractus Dōmine, non secūdum. 45.



Sequēntia sancti Evangēlii secūdum Matthæum. **Cap. 15.**

In illo tēpore : Accessērunt ad Jesum ab Jerosōlymis scribæ et pharisæi, dicētes : Quare discipuli tui transgre-

diuntur traditionem seniorum? Non enim lavant manus suas cum panem manducant. Ipse autem respondens, ait illis: Quare et vos transgredimini mandatum Dei propter traditionem vestram? Nam Deus dixit: Honora patrem et matrem. Et: Qui maledixerit patri vel matri, morte moriatur. Vos autem dicitis: Quicumque dixerit patri vel matri: Munus quodcumque est ex me, tibi prouiderit; et non honorificabit patrem suum aut matrem suam: et irritum fecistis mandatum Dei propter traditionem vestram. Hypocritae, bene prophetavit de vobis Isaïas, dicens: Pópulus hic labiis me honorat; cor autem eorum longe est a me. Sine causa autem colunt me, docentes doctrinas et mandata hominum. Et convocatis ad se turbis, dixit eis: Audite, et intelligite. Non quod intrat in os coinquinat hominem; sed quod procedit ex ore, hoc coinquinat hominem. Tunc accedentes discipuli ejus, dixerunt ei: Scis quia pharisaei, audito verbo hoc, scandalizati sunt! At ille respondens, ait: Omnis plantatio quam non plantavit Pater meus coelestis, eradicabitur. Sinite illos: caeci enim sunt, et duces caecorum. Caecus autem si caeco ducatum praestet, ambo in foveam cadunt. Respondens autem Petrus, dixit ei: Edissere nobis parabolam istam. At ille dixit: Adhuc et vos sine intellectu estis? Non intelligitis quia omne quod in os intrat, in ventrem vadit, et in secessum emittitur? Quae autem procedunt de ore, de corde exeunt; et ea coinquinant hominem: de corde enim exeunt cogitationes malae, homicidia, adultéria, fornicationes, furta, falsa testimonia, blasphemiae. Haec sunt quae coinquinant hominem. Non lotis autem manibus manducare, non coinquinat hominem.

Offertorium. Ps. 108. Domine, fac mecum misericordiam tuam propter nomen tuum, quia suavis est misericordia tua.

Secreta.

SÚSCİPE, quæsumus, Domine, preces populi tui cum oblationibus hostia-

rum: et tua mysteria celebrantes, ab omnibus nos defende periculis. Per.

Aliae Secretae ut supra. 46.

Communio. Ps. 15. Notas mihi fecisti vias vitae: adimplebis me laetitia cum vultu tuo, Domine.

Postcommunio.

SANCTIFICET NOS, Domine, qua pastus sumus, mensa coelestis: et a cunctis erroribus expiatus, supernis promissionibus reddat acceptos. Per Dominum.

Aliae Postcommuniones ut supra. 46.

Super populum. Orémus.

Humiliatæ capita vestra Deo.

Oratio.

CONCÈDE, quæsumus, omnipotens Deus: ut qui protectionis tuae gratiam quaerimus, liberati a malis omnibus, securi tibi mente serviamus. Per Dominum.

FERIA QUINTA

Statio ad Sanctos Cosmam et Damianum.

Introitus. Ex var.

SALUS populi ego sum, dicit Dominus; de quacumque tribulatione clamaverint ad me, exaudiam eos, et ero illorum Dominus in perpetuum. Ps. 77. Attendite, popule meus, legem meam: inclinatæ aurem vestram in verba oris mei. ̎. Glória Patri. Salus.

Oratio.

MAGNIFICET te, Domine, sanctorum tuorum Cosmae et Damiani beata sollemnitas: qua et illis gloriam sempiternam, et opem nobis ineffabili providentia contulisti. Per Dominum.

Aliae Orationes ut supra. 44.

Lectio Jeremiae Prophetae. Cap. 7.

IN diebus illis: Factum est verbum Domini ad me, dicens: Sta in porta domus Domini, et praedica ibi verbum istud, et dic: Audite verbum Domini, omnis Juda, qui ingredimini per portas has, ut adorétis Dominum. Haec dicit Dominus exercituum, Deus Israel: Bonas facite vias vestras et studia vestra; et habitabo vobiscum in loco isto. Nolite confidere in verbis mendacii, dicentes: Templum Domini, templum Domini, templum Domini est. Quoniam si bene

direxéritis vias vestras et stúdia vestra : si fecéritis iudícium inter virum et próximum ejus ; ádvenæ , et pupillo , et viduæ non fecéritis calúnniam ; nec sánguinem innocéntem effudéritis in loco hoc ; et post deos aliénos non ambulavéritis in malum vobismetipsis : habitábo vobíscum in loco isto , in terra quam dedi pátribus vestris a sæculo et usque in sæculum , ait Dóminus omnipotens.

Graduale. Ps. 144. Oculi ómnium in te sperant, Dómine : et tu das illis escam in témpore opportúno. *Ÿ.* Aperis tu manum tuam , et imple omne ánimál benedictióne.



Sequéntia sancti Evangélíi secúndum Lucam. **Cap. 4.**

In illo témpore : Surgens Jesus de synagóga , introívit in domum Simónis. Socerus autem Simónis tenebátur magnis fébribus , et rogavérunt illum pro ea. Et stans super illam , imperávit febri , et dimisit illam. Et continuo surgens , ministrábat illis. Cum autem sol occidisset , omnes qui habébant infirmos váriis languóribus , ducébant illos ad eum. At ille , singulis manus impónens , curábat eos. Exibant autem dæmónia a multis , clamántia et dicéntia : Quia tu es Filius Dei. Et increpans , non sinébat ea loqui , quia sciebant ipsum esse Christum. Facta autem die , egréssus ibat in désertum locum , et turbæ requirebant eum , et venérunt usque ad ipsum ; et detinébant illum ne discéderet ab eis. Quibus ille ait : Quia et álís civitatibus opórtet me evangelizáre regnum Dei , quia ideo missus sum. Et erat prædicans in synagógis Galilææ.

Offertorium. Ps. 137. Si ambulávero in médio tribulatiónis , vivificábis me , Dómine : et super iram inimicórum meórum exténdes manum tuam , et saluum me faciet dextera tua.

Secreta.

In tuórum , Dómine , pretiósá morte iustórum sacrificium illud offerimus , de quo martyrium sumpsit omne princípium. Per Dóminum.

Alíæ Secretæ ut supra. 46.

Communio. Ps. 118. Tu mandásti mandáta tua custodíri nimis : útínám dirigántur viæ meæ ad custodiéndas justificatiónes tuas!

Postcommunio.

Sit nobis, Dómine, sacraménti tui certa salvátio, quæ cum beatórum Mártyrum tuórum Cosmæ et Damiáni méritis implorátur. Per Dóminum.

Alíæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

SUBJÉCTUM tibi pópulum , quæsumus , Dómine , propitiátio cœléstis amplifícet , et tuis semper fáciat servíre mandátis. Per Dóminum.

FERIA SEXTA

Statio ad Sanctum Laurentium in Lucina.

Introitus. Ps. 83.

FAC mecum , Dómine , signum in bonum , ut videant qui me odérunt , et confundántur : quóniam tu , Dómine , adjuvísti me , et consolátus es me. **Ps.** Inclína , Dómine , aurem tuam , et exáudi : quóniam inops et pauper sum ego. *Ÿ.* Glória Patri. Fac mecum.

Oratio.

JEJÚNIA nostra , quæsumus , Dómine , benigno favóre proséquere : ut sicut ab aliméntis abstinémus in corpore , ita a vítiis jejunémus in mente. Per Dóminum.

Alíæ Orationes ut supra. 44.

Lectio libri Númeri. Cap. 20.

In diébus illis : Convenérunt filii Israel advérsus Móysen et Aaron ; et versi in seditióne , dixerunt : Date nobis aquam , ut bibámus. Ingressúsque Móyses et Aaron , dimissa multítudine , tabernáculum fœderis , corruérunt proni in terram , clamaverúntque ad Dóminum , atque dixerunt : Dómine Deus , audi clamórem hujus pópuli , et áperi eis thesáurum tuum , fontem aquæ vivæ , ut , satiáti , cesset murmurátio eórum. Et apparuit glória Dómini super eos. Locutúsque est Dóminus ad Móysen , dicens : Tolle virgam , et cóngrega pópulum , tu et Aaron frater tuus ; et lo-

quĩmini ad petram coram eis, et illa dabit aquas. Cumque eduxeris aquam de petra, bibet omnis multitudo, et iumenta ejus. Tulit igitur Moyses virgam quæ erat in conspectu Domini, sicut præceperat ei, congregata multitudine ante petram; dixitque eis : Audite, rebelles et increduli : Num de petra hac vobis aquam poterimus ejicere? Cumque elevasset Moyses manum, percutiens virga bis silicem, egressæ sunt aquæ largissimæ, ita ut populus biberet, et iumenta. Dixitque Dominus ad Moysen et Aaron : Quia non credidistis mihi, ut sanctificaretis me coram filiis Israel, non introducētis hos populos in terram quam dabo eis. Hæc est aqua Contradictionis, ubi iurgati sunt filii Israel contra Dominum, et sanctificatus est in eis.

Graduale. Ps. 27. In Deo speravi cor meum, et adjutus sum; et refloruit caro mea, et ex voluntate mea confitebor illi. **Ÿ.** Ad te, Domine, clamavi : Deus meus, ne sileas, ne discedas a me.

Tractus Domine, non secundum. 43.



Sequentia sancti Evangelii secundum Joannem. **Cap. 4.**

In illo tempore : Venit Jesus in civitatem Samariæ quæ dicitur Sichar, juxta prædium quod dedit Jacob Joseph filio suo. Erat autem ibi fons Jacob. Jesus ergo fatigatus ex itinere, sedebat sic supra fontem. Hora erat quasi sexta. Venit mulier de Samaria haurire aquam. Dicit ei Jesus : Da mihi bibere. (Discipuli enim ejus abierant in civitatem, ut cibos emerent.) Dicit ergo ei mulier illa Samaritana : Quomodo tu, Judæus cum sis, bibere a me poscis, quæ sum mulier Samaritana? Non enim continentur Judæi Samaritanis. Respondit Jesus, et dixit ei : Si scires donum Dei, et quis est qui dicit tibi : Da mihi bibere; tu forsitan petisses ab eo, et dedisset tibi aquam vivam. Dicit ei mulier : Domine, neque in quo haurias habes, et puteus altus est; unde ergo habes aquam vivam? Numquid tu major es patre nostro Jacob, qui dedit nobis puteum, et ipse ex eo bibit, et filii ejus, et pecora ejus? Re-

spondit Jesus, et dixit ei : Omnis qui bibit ex aqua hac, sitiet iterum : qui autem biberit ex aqua quam ego dabo ei, non sitiet in æternum; sed aqua quam ego dabo ei, fiet in eo fons aquæ salientis in vitam æternam. Dicit ad eum mulier : Domine, da mihi hanc aquam, ut non sitiam, neque veniam huc haurire. Dicit ei Jesus : Vade, voca virum tuum, et veni huc. Respondit mulier, et dixit : Non habeo virum. Dicit ei Jesus : Bene dixisti, quia non habeo virum; quinque enim viros habuisti, et nunc, quem habes, non est tuus vir : hoc vere dixisti. Dicit ei mulier : Domine, video quia Propheta es tu. Patres nostri in monte hoc adoraverunt, et vos dicitis quia Jerosolymis est locus ubi adorare oportet. Dicit ei Jesus : Mulier, crede mihi, quia venit hora quando neque in monte hoc, neque in Jerosolymis adorabitis Patrem. Vos adoratis quod nescitis; nos adoramus quod scimus, quia salus ex Judæis est. Sed venit hora, et nunc est, quando veri adoratores adorabunt Patrem in spiritu et veritate. Nam et Pater tales quærit qui adorent eum. Spiritus est Deus; et eos qui adorant eum, in spiritu et veritate oportet adorare. Dicit ei mulier : Scio quia Messias venit (qui dicitur Christus). Cum ergo venerit ille, nobis annuntiabit omnia. Dicit ei Jesus : Ego sum, qui loquor tecum. Et continuo venerunt discipuli ejus, et mirabantur quia eum muliere loquebatur. Nemo tamen dixit : Quid quæris, aud quid loqueris cum ea? Reliquit ergo hydriam suam mulier, et abiit in civitatem, et dicit illis hominibus : Venite, et videte hominem qui dicit mihi omnia quæcumque feci; numquid ipse est Christus? Exierunt ergo de civitate, et veniebant ad eum. Interea rogabant eum discipuli, dicentes : Rabbi, manduca. Ille autem dicit eis : Ego cibum habeo manducare quem vos nescitis. Dicebant ergo discipuli ad invicem : Numquid aliquis attulit ei manducare? Dicit eis Jesus : Meus cibus est ut faciam voluntatem ejus qui misit me, ut

perficiam opus ejus. Nonne vos dicitis : quod adhuc quattuor menses sunt, et messis venit? Ecce dico vobis : Levate oculos vestros, et videte regiones, quia albæ sunt jam ad messem. Et qui metit, mercedem accipit, et congregat fructum in vitam æternam; ut et qui seminat, simul gaudeat, et qui metit. In hoc enim est verbum verum; quia alius est qui seminat, et alius est qui metit. Ego misi vos metere quod vos non laborastis; alii laboraverunt, et vos in labores eorum introistis. Ex civitate autem illa multi crediderunt in eum Samaritanorum, propter verbum mulieris testimonium perhibentis : quia dixit mihi omnia quaecumque feci. Cum venisset ergo ad illum Samaritani, rogaverunt eum ut ibi maneret. Et mansit ibi duos dies. Et multo plures crediderunt in eum propter sermonem ejus. Et mulieri dicebant : Quia jam non propter tuam loquelam credimus; ipsi enim audivimus, et scimus quia hic est vere Salvator mundi.

Offertorium. Ps. 5. Intende voci orationis meæ, Rex meus et Deus meus : quoniam ad te orabo, Domine.

Secreta.

RESPICE, quæsumus, Domine, propitius ad munerata quæ sacramus : ut tibi grata sint, et nobis salutaria semper existant. Per Dominum.

Alia Secreta ut supra. 46.

Communio. Joan. 4. Qui biberit aquam quam ego dabo ei, dicit Dominus, fiet in eo fons aquæ salientis in vitam æternam.

Postcommunio.

HUJUS nos, Domine, perceptio sacramenti mundet a crimine, et ad cœlestia regna perducat. Per Dominum.

Alia Postcommuniones ut supra. 46.

Super populum. Orémus.

Humiliatæ capita vestra Deo.

Oratio.

PRÆSTA, quæsumus, omnipotens Deus : ut qui in tua protectione confidimus, cuncta nobis adversantia, te adjuvante, vincamus. Per Dominum.

SABBATO

Statio ad Sanctam Susannam.

Introitus. Ps. 5.

VERBA mea auribus percipe, Domine; intellige clamorem meum; intende voci orationis meæ, Rex meus et Deus meus. Ps. Quoniam ad te orabo, Domine, mane exaudies vocem meam. 7. Gloria Patri. Verba mea.

Oratio.

PRÆSTA, quæsumus, omnipotens Deus : ut qui se, affligendo carnem, ab alimentis abstinent, sectando justitiam, a culpa jejument. Per Dominum.

Alia Orationes ut supra. 44.

Lectio Daniëlis Prophætæ. Cap. 13.

IN diebus illis : Erat vir habitans in Babylone, et nomen ejus Joakim : et accepit uxorem nomine Susannam, filiam Helciae, pulchram nimis, et timentem Deum; parentes enim illius, cum essent justi, erudiunt filiam suam secundum legem Moysi. Erat autem Joakim dives valde, et erat ei pomarium vicinum domui suae : et ad ipsum confluabant Judæi, eo quod esset honorabilior omnium. Et constituti sunt de populo duo senes iudices in illo anno; de quibus locutus est Dominus : Quia egressa est iniquitas de Babylone a senioribus iudicibus, qui videbantur regere populum. Isti frequentabant domum Joakim, et veniebant ad eos omnes qui habebant iudicia. Cum autem populus revertisset per meridiem, ingrediebatur Susanna, et deambulabat in pomario viri sui. Et videbant eam senes quotidie ingrediens et deambulans; et exarsérunt in concupiscentiam ejus; et evertérunt sensum suum; et declinaverunt oculos suos, ut non viderent cœlum, neque recorderentur iudiciorum justorum. Factum est autem, cum observarent diem aptum, ingressa est aliquando sicut heri et nudistertius, cum duabus solis puellis, voluitque lavari in pomario : æstus quippe erat, et non erat ibi quisquam, præter duos senes absconditos et contemplantes eam.

Dixit ergo puëllis : Afférte mihi óleum et smígmata, et óstia pomárii cláudite, ut laver. Cum autem egréssæ essent puëllæ, surrexérunt duo senes, et accurrérunt ad eam, et dixerunt : Ecce óstia pomárii clausa sunt, et nemo nos videt, et nos in concupiscéntia tui sumus : quamóbrem assentire nobis, et commiscére nobiscum. Quod si nolúeris, dicemus contra te testimoníum, quod fúerit tecúm júvenis, et ob hanc causam emiseris puëllas a te. Ingémit Susánna, et ait : Angústia sunt mihi úndique : si enim hoc égero, mors mihi est ; si autem non égero, non effúgiam manus vestras. Sed mélius est mihi absque ópere incidere in manus vestras, quam peccáre in conspéctu Dómini. Et exclamávit voce magna Susánna ; exclamavérunt autem et senes advérsus eam. Et cucúrrit unus ad óstia pomárii, et aperúit. Cum ergo audissent clamórem fámulí domus in pomáριο, irruérunt per pósticum, ut vidérant quidnam esset. Postquam autem senes locúti sunt, erubuérunt servi veheménter, quia numquam dictus fúerat sermo hujuscémodi de Susánna. Et facta est dies crástina. Cumque venisset pópulus ad Jóakim virum ejus, venérunt et duo seniôres pleni iníqua cogitatíone advérsus Susánnam, ut interficerent eam. Et dixerunt coram pópulo : Mittite ad Susánnam filiam Helciæ, uxórem Jóakim. Et statim misérunt. Et venit cum paréntibus, et filiis, et univérsis cognátis suis. Flebant igitur sui, et omnes qui nóverant eam. Consurgéntes autem duo seniôres in médio pópuli, posuérunt manus suas super caput ejus. Quæ flens sospéxit ad cælum : erat enim cor ejus fidúciā habens in Dómino. Et dixerunt seniôres : Cum deambularémus in pomáριο soli, ingrēssa est hæc cum duábus puëllis, et clausit óstia pomárii, et dimisit a se puëllas. Venítque ad eam adoléscentis qui erat absconditus, et concúbuit cum ea. Porro nos, cum essémus in ángulo pomárii, vidéntes iniquitatem, cucúrrimus ad

eos, et vidimus eos páriter commiscéeri. Et illum quidem non quívimus comprehendere, quia fórtior nobis erat, et apértis óstiis exsilívit : hanc autem cum apprehendissémus, interrogávimus quisnam esset adoléscentis, et nóluit indicáre nobis ; hujus rei testes sumus. Crédidit eis multitúdo, quasi sénibus et iudicibus pópuli, et condemnavérunt eam ad mortem. Exclamávit autem voce magna Susánna, et dixit : Deus aéterne, qui absconditórum es cógitor, qui nosti ómnia ántequam fiant, tu scis quóniam falsum testimoníum tulérunt contra me ; et ecce mórior, cum nihil horum fécerim quæ isti malitíose composuérunt advérsus me. Exaudivit autem Dóminus vocem ejus. Cumque ducerétur ad mortem, suscitávit Dóminus spíritum sanctum púeri junióris, cujus nomen Dániel ; et exclamávit voce magna : Mundus ego sum a ságuine hujus. Et convérsus omnis pópulus ad eum, dixit : Quis est iste sermo quem tu locútus es ? Qui cum staret in médio eórum, ait : Sic, fátui filii Israel, non judicántes, neque quod verum est cognoscéntes, condemnástis filiam Israel ? Revertimini ad iudiciū, quia falsum testimoníum locúti sunt advérsus eam. Revérsus est ergo pópulus cum festinatíone. Et dixit ad eos Dániel : Separáte illos ab invicem procul, et dijudicábo eos. Cum ergo divisi essent alter ab áltero, vocávit unum de his, et dixit ad eum : Inveráte diérum malórum, nunc venérunt peccáta tua, quæ operabáris prius, júdicans júdicia injústa, innocéntes ópprimens, et dimittens nóxios, dicénte Dómino : Innocéntem et justum non interficies. Nunc ergo si vidísti eam, dic sub qua árbore videris eos colloquéntes sibi. Qui ait : Sub schino. Dixit autem Dániel : Recte mentitus es in caput tuum. Ecce enim Angelus Dei, accépta senténtia ab eo, scindet te médiū. Et, amóto eo, jussit venire álium, et dixit ei : Semen Chánaan, et non Juda, spécies decépit te, et concupiscéntia subvértit cor tuum : sic facie-

bátis filiabus Israel, et illæ timéntes loquebántur vobis; sed filia Juda non sustinuit iniquitátem vestram. Nunc ergo dic mihi sub qua árbore comprehénderis eos loquéntes sibi. Qui ait : Sub prino. Dixit autem ei Dániel : Recte mentítus es et tu in caput tuum : manet enim Angelus Dómini, gládium habens, ut secet te médium, et interficiat vos. Exclamávit itaque omnis cœtus voce magna, et benedixerunt Deum, qui salvat sperántes in se. Et consurrexérunt advérsus duos seniôres (convicerat enim eos Dániel ex ore suo falsum dixisse testimónium), fecerúntque eis sicut male égerant advérsus próximum; et interfecerúnt eos, et salvátus est sanguis innóxijs in die illa.

Graduale. Ps. 22. Si ámbulem in médio umbræ mortis, non timébo mala, quóniam tu mecum es, Dómine. ŷ. Virga tua et báculo tuus ipsa me consoláta sunt.



Sequéntia sancti Evangélíi secúndum Joánnem. Cap. 8.

In illo témpore : Perréxit Jesus in montem Olivéti, et dilúculo íterum venit in templum, et omnis pópulus venit ad eum, et sedens docébat eos. Addúciunt autem scribæ et pharisæi mulierem in adultério deprehénsam, et statuérunt eam in médio, et dixerunt ei : Magister, hæc mulier modo deprehénsa est in adultério. In lege autem Móyses mandávit nobis hujúsmodi lapidáre. Tu ergo quid dicis? Hoc autem dicébant tentántes eum, ut possent accusáre eum. Jesus autem, inclínans se deórsum, dígitó scribébat in terra. Cum ergo perseverárent interrogántes eum, eréxit se, et dixit eis : Qui sine peccáto est vestrum, primus in illam lápidem mittat. Et íterum se inclínans, scribébat in terra. Audiéntes autem, unus post unum exhibant, incipiéntes a seniôribus; et remánsit solus Jesus, et mulier in médio stans. Erigens autem se Jesus, dixit ei : Múlier, ubi sunt qui te accusábant? nemo te condemnávit? Quæ dixit : Nemo, Dómine. Dixit autem Jesus : Nec ego te condem-

nábo : vade, et jam ámplius noli peccáre.

Offertorium. Ps. 118. Gressus meos dirige secúndum elóquium tuum, ut non dominétur mei omnis injustítia, Dómine.

Secreta.

CONCÉDE, quæsumus, omnipotens Deus, ut hujus sacrificií munus oblátum fragilitátem nostram ab omni malo purget semper et múniat. Per.

Alíæ Secretæ ut supra. 46.

Communio. Joan. 8. Nemo te condemnávit, múlier? Nemo, Dómine. Nec ego te condemnábo : jam ámplius noli peccáre.

Postcommunio.

QUÆSUMUS, omnipotens Deus : ut inter ejus membra numerémur, cujus corpore comunicámus et sánguini. Qui tecum.

Alíæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

PRÆTÉNDE, Dómine, fidélibus tuis déxteram cœléstis auxilii : ut te toto corde perquirant, et quæ digne póstulant, cónsequi mereántur. Per.

DOMINICA QUARTA

IN QUADRAGESIMA

Statio ad Sanctam Crucem in Jerusalem.

Introitus. Is. 66.

LÆTÁRE, Jerúsalem, et convéntum fácite, omnes qui diligitis eam : gaudéte cum lætítia, qui in tristítia fuistis, ut exsultétis, et satiémini ab ubéribus consolatióis vestræ. Ps. 121. Lætátus sum in his quæ dicta sunt mihi : In domum Dómini ibimus. ŷ. Glória Patri. Lætáre.

Oratio.

CONCÉDE, quæsumus, omnipotens Deus : ut qui ex mérito nostræ actiônis affligimur, tuæ grátiae consolatióne respirémus. Per Dóminum.

Alíæ Orationes ut supra. 44.

Léctio Epistolæ beáti Pauli Apóstoli ad Gálatas. Cap. 4.

FRATRES, Scriptum est : Quóniam Abraham duos filios hábuit : unum

de ancilla, et unum de libera. Sed qui de ancilla secundum carnem natus est; qui autem de libera, per repromissionem: quæ sunt per allegoriam dicta. Hæc enim sunt duo testaménta. Unum quidem in monte Sina, in servitûtem gênerans; quæ est Agar: Sina enim mons est in Arábia, qui conjunctus est ei quæ nunc est Jerúsalem, et servit cum filiis suis. Illa autem quæ sursum est Jerúsalem, libera est; quæ est mater nostra. Scriptum est enim: Lætâre, stérilis, quæ non paris: erúmpe et clama, quæ non párturis; quia multi filii desértæ, magis quam ejus quæ habet virum. Nos autem, fratres, secundum Isaac promissionis filii sumus. Sed quómodo tunc is qui secundum carnem natus fúerat, persequébatur eum qui secundum spíritum, ita et nunc. Sed quid dicit Scriptúra? Ejice ancillam et filium ejus: non enim hæres erit filius ancillæ cum filio liberæ. Itaque, fratres, non sumus ancillæ filii, sed liberæ: qua libertate Christus nos liberávit.

Graduale. Ps. 121. Lætátus sum in his quæ dicta sunt mihi: In domum Dómini ibimus. **Ÿ.** Fiat pax in virtúte tua, et abundántia in túrribus tuis.

Tractus. Ps. 124. Qui confidunt in Dómino, sicut mons Sion: non commovébitur in ætérnum qui hábitat in Jerúsalem. **Ÿ.** Montes in circúitu ejus, et Dóminus in circúitu pópuli sui, ex hoc nunc et usque in sæculum.



Sequéntia sancti Evangélíi secundum Joánnem. **Cap. 6.**

In illo témpore: Abiit Jesus trans mare Galilææ, quod est Tiberíadis; et sequebátur eum multitúdo magna, quia videbant signa quæ faciēbat super his qui infirmabántur. Súbiit ergo in montem Jesus, et ibi sedēbat cum discipulis suis. Erat autem próximum Pascha, dies festus Judæórum. Cum sublevásset ergo óculos Jesus, et vidisset quia multitúdo máxima venit ad eum, dixit ad Philip-pum: Unde emémus panes, ut mandúcent hi? Hoc autem dicēbat tentans eum: ipse enim sciēbat quid esset factú-

rus. Respóndit ei Philippus: Ducentórum denariórum panes non sufficiunt eis, ut unusquisque módicum quid accipiat. Dicit ei unus ex discipulis ejus, Andréas, frater Simónis Petri: Est puer unus hic, qui habet quinque panes hordeáceos et duos pisces; sed hæc quid sunt inter tantos? Dixit ergo Jesus: Fácite hómines discumbere. Erat autem fenum multum in loco. Discubuérunt ergo viri, número quasi quinque millia. Accépit ergo Jesus panes; et cum grátias egísset, distribuit discumbéntibus, similiter et ex píseibus quantum volēbant. Ut autem impléti sunt, dixit discipulis suis: Collígite quæ superavérunt fragmenta, ne péreant. Collegérunt ergo, et implevérunt duódecim cóphinos fragmentórum, ex quinque pánibus hordeáceis, quæ superfuérunt his qui manducáverant. Illi ergo hómines, cum vidissent quod Jesus fécerat signum, dicēbant: Quia hic est vere Prophéta qui ventúrus est in mundum. Jesus ergo cum cognovísset quia ventúri essent, ut ráperent eum et fácerent eum regem, fugit íterum in montem ipse solus. **Credo.**

Offertorium. Ps. 134. Laudáte Dóminum, quia benignus est: psállite nómini ejus, quóniam suávis est: ómnia quécúmque vóluit, fecit in cœlo et in terra.

Secreta.

SACRÍFÍCIIS præsentibus, Dómine, quæsumus, inténde placátus, ut et devotióni nostræ proficiant, et salúti. Per Dóminum.

Alie Secreta ut supra. 46.

Communio. Ps. 121. Jerúsalem, quæ ædificátur ut civitas, cujus participátio ejus in idípsum: illuc enim ascenderunt tribus, tribus Dómini, ad confiténdum nómini tuo, Dómine.

Postcommunio.

DA nobis, quæsumus, miséricors Deus: ut sancta tua, quibus incessánter explémur, sincéris tractémus obséquii, et fidéli semper mente sumámus. Per Dóminum.

Alie Postcommuniones ut supra. 46.

FERIA SECUNDA

Statio ad Sanctos Quatuor Coronatos.

Introitus. Ps. 53.

DEUS, in nómine tuo saluum me fac, et in virtúte tua libera me : Deus, exáudi oratióem meam, áuribus pécipe verba oris mei. Ps. Quóniam aliéni insurrexérunt in me, et fortes quæsiérunt ánimam meam. ̃. Glória Patri. Deus, in nómine.

Oratio.

PRÆSTA, quæsumus, omnipotens Deus : ut observatiónes sacras ánnua devotióne recoléntes, et corpore tibi placeámus et mente. Per Dóminum.

Alie Orationes ut supra. 44.


Lectio libri Regum. III Reg. 3.

IN diébus illis : Venérunt duæ mulieres meretrices ad regem Salomónem, sterterúntque coram eo ; quarum una ait : Obsecro, mi dómine : ego et mûlier hæc habitabámus in domo una, et péperi apud eam in cubículo. Tértia autem die postquam ego péperi, péperit et hæc : et erámus simul, nullúsque álius nobiscum in domo, excéptis nobis duábus. Mórtnus est autem filius mulieris hujus nocte ; dórmienti quippe oppréssit eum. Et consúrgens intempéstæ noctis siléntio, tulit filium meum de látere meo ancillæ tuæ dormiéntis, et collocávit in sinu suo ; suum autem filium, qui erat mórtnus, pósuit in sinu meo. Cumque surrexissem mane ut darem lac filio meo, apparuit mórtnus : quem diligéntius intuens clara luce, deprehénderi non esse meum, quem genúeram. Responditque áltera mûlier : Non est ita ut dicis, sed filius tuus mórtnus est ; meus autem vivit. E contráριο illa dicébat : Mentiris ; filius quippe meus vivit, et filius tuus mórtnus est. Atque in hunc modum contendébant coram rege. Tunc rex ait : Hæc dicit : Filius meus vivit, et filius tuus mórtnus est. Et ista respóndit : Non, sed filius tuus mórtnus est, meus autem vivit. Dixit ergo rex : Afférte mihi gládium. Cumque attulissent gládium coram rege : Dividite, in-

quit, infántem vivum in duas partes, et date dimidiam partem uni, et dimidiam partem álteri. Dixit autem mûlier ejus filius erat vivus ad regem (commóta sunt quippe viscera ejus super filio suo) : Obsecro, dómine, date illi infántem vivum, et nolite interficere eum. E contráριο illa dicébat : Nec mihi, nec tibi sit, sed dividátur. Respóndit rex, et ait : Date huic infántem vivum, et non occidátur : hæc est enim mater ejus. Audívit itaque omnis Israel judicium quod judicásset rex, et timuérunt regem, vidéntes sapiéntiam Dei esse in eo ad faciéndum judicium.

Graduale. Ps. 30. Esto mihi in Deum protectórem, et in locum refúgii, ut saluum me fácias. ̃. Ps. 70. Deus, in te sperávi : Dómine, non confúndar in ætérnum.

Tractus Dómine, non secúndum. 45.

 Sequéntia sancti Evangélii secúndum Joánnem. Cap. 2.

IN illo témpore : Prope erat Pascha Judæórum ; et ascéndit Jesus Jerosólymam ; et invénit in templo vendéntes boves, et oves, et colúmbas, et nummulários sedéntes. Et cum fecisset quasi flagéllum de funiculis, omnes ejécit de templo, oves quoque, et boves, et nummulariórum effúdit æs, et mensas subvértit. Et his qui colúmbas vendébant dixit : Auférte ista hinc, et nolite fácere domum Patris mei domum negotiatiónis. Recordáti sunt vero discípuli ejus quia scriptum est : Zelus domus tuæ comédit me. Respondérunt ergo Judæi, et dixerunt ei : Quod signum osténdit nobis, quia hæc facis ? Respóndit Jesus, et dixit eis : Sóluite templum hoc, et in tribus diébus excitábo illud. Dixerunt ergo Judæi : Quadraginta et sex annis edificátum est templum hoc, et tu in tribus diébus excitábis illud ? Ille autem dicébat de templo corpóris sui. Cum ergo resurrexisset a mórtnis, recordáti sunt discípuli ejus quia hoc dicébat ; et credidérunt Scriptúre, et sermóni quem dixit Jesus. Cum autem esset Jerosólymis in Pascha in die festo, multi credidérunt in

nómine ejus, vidéntes signa ejus, quæ faciēbat. Ipse autem Jesus non credēbat semetípsum eis, eo quod ipse nosset omnes, et quia opus ei non erat, ut quis testimónium perhiberet de hómine; ipse enim sciēbat quid esset in hómine.

Offertorium. Ps. 99. Jubiláte Deo, omnis terra, servite Dómino in lætitia : intráte in conspéctu ejus in exsultatióne : quia Dóminus ipse est Deus.

Secreta.

OBLÁTUM tibi, Dómine, sacrificium vivifcet nos semper et múniat. Per.

Aliæ Secretæ ut supra. 46.

Communio. Ps. 18. Ab occúltis meis munda me, Dómine : et ab aliénis parce servo tuo.

Postcommunio.

SUMPTIS, Dómine, salutáribus sacraméntis, ad redemptiōnis aetérnæ, quæsumus, proficiámus augméntum. Per.

Aliæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

DEPRECATIÓNEM nostram, quæsumus, Dómine, benignus exáudi : et quibus supplicándi præstas affectum, tribue defensiōnis auxiliū. Per Dóminum.

FERIA TERTIA

*Statio ad Sanctum Laurentium
in Damaso.*

Introitus. Ps. 54.

EXÁUDI, Deus, oratióem meam, et ne despéxeris deprecatióem meam; inténde in me, et exáudi me. Ps. Contristátus sum in exercitatióne mea : et conturbátus sum a voce inimíci, et a tribulatióne peccatóris. **ŷ.** Glória Patri. Exáudi.

Oratio.

SACRÆ nobis, quæsumus, Dómine, observatiōnis jejúnia, et piæ conversatiōnis augméntum, et tuæ propitiatiōnis continuū præstent auxiliū. Per.

Aliæ Orationes ut supra. 44.

Lectio libri Exodi. Cap. 32.

IN diébus illis : Locútus est Dóminus ad Móysen, dicens : Descénde de monte :

peccávit pópulus tuus, quem eduxisti de terra Ægypti. Recessérunt cito de via quam ostendisti eis; fecerúntque sibi vitulum conflátilem, et adoravérunt, atque immolátes ei hóstias, dixerunt : Isti sunt dii tui, Israel, qui te eduxérunt de terra Ægypti. Rursúmque ait Dóminus ad Móysen : Cerno quod pópulus iste duræ cervicis sit; dimitte me, ut irascátur furor meus contra eos, et déleam eos, faciámque te in gentem magnam. Móyses autem orábat Dóminum Deum suum, dicens : Cur, Dómine, irascitur furor tuus contra pópulum tuum, quem eduxisti de terra Ægypti, in fortitúdine magna et in manu robústa? Ne, quæso, dicant Ægypti : Cállide edúxit eos, ut interficeret in móntibus, et deléret e terra : quiéscat ira tua, et esto placábilis super nequitia pópuli tui. Recordáre Abraham, Isaac et Israel servórum tuórum, quibus jurásti per temetípsum, dicens : Multiplicábo semen vestrum sicut stellas cœli; et univérsum terram hanc, de qua locútus sum, dabo sémini vestro, et possidébitis eam semper. Placátusque est Dóminus, ne fáceret malum quod locútus fúerat advérsus pópulum suum.

Graduale. Ps. 43. Exsúrge, Dómine, fer opem nobis : et libera nos propter nomen tuum. **ŷ.** Deus, áuribus nostris audívimus : et patres nostri annuntiavérunt nobis opus quod operátus es in diébus eórum, et in diébus antiquis.



Sequéntia sancti Evangélii secundum Joánnem. Cap. 7.

IN illo témpore : Jam die festo mediánte, ascéndit Jesus in templum, et docēbat. Et mirabántur Judæi, dicéntes : Quómodo hic litteras scit, cum non didicerit? Respóndit eis Jesus, et dixit : Mea doctrína non est mea, sed ejus qui misit me. Si quis volúerit voluntátem ejus fácere, cognóscet de doctrína, utrum ex Deo sit, an ego a meípso loquar. Qui a semetípso lóquitur, glóriam própriam quærit. Qui autem quærit glóriam ejus qui misit eum, hic verax est, et injustitia in illo non est. Nomen Móyses dedit vobis legem : et nemo ex vobis facit

legem? Quid me quæritis interficere? Respondit turba, et dixit : Dæmónium habes : quis te quærit interficere? Respondit Jesus, et dixit eis : Unum opus feci, et omnes mirámini. Propterea Móyses dedit vobis circumcisiónem (non quia ex Móyse est, sed ex pátribus); et in Sábbato circumciditis hóminem. Si circumcisiónem áccipit homo in Sábbato, ut non solvátur lex Móysi, mihi indignámini, quia totum hóminem sanum feci in Sábbato? Nolite judicáre secúndum faciém, sed justum judicium judicáte. Dicebant ergo quidam ex Jerosólymis : Nonne hic est quem quærunť interficere? Et ecce palam loquitur, et nihil ei dicunt. Numquid vere cognovérunt príncipes quia hic est Christus? Sed hunc scimus unde sit; Christus autem cum vénerit, nemo scit unde sit. Clamábat ergo Jesus in templo docens, et dicens : Et me scitis, et unde sim scitis; et a meipso non veni, sed est verus qui misit me, quem vos nescitis. Ego scio eum, quia ab ipso sum, et ipse me misit. Quærébant ergo eum apprehéndere : et nemo misit in illum manus, quia non dum vénerat hora ejus. De turba autem multi credidérunt in eum.

Offertorium. Ps. 39. Exspéctans expectávi Dóminum, et respéxit me : et exaudivit deprecationem meam : et immisit in os meum cánticum novum, hymnum Deo nostro.

Secreta.

HÆC hóstia, Dómine, quæsumus, emúndet nostra delicta, et ad sacrificium celebrándum, subditórum tibi córpora mentésque sanctificet. Per.

Alia Secreta ut supra. 46.

Communio. Ps. 19. Lætábitur in salutári tuo, et in nómine Dómini Dei nostri magnificábitur.

Postcommunio.

HUJUS nos, Dómine, perceptio sacraménti mundet a crimine, et ad cœléstia regna perducát. Per Dóminum.

Alia Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

MISERERE, Dómine, pópulo tuo : et continuis tribulatióibus laborántem, propítius respiráre concéde. Per.

FERIA QUARTA

Statio ad Sanctum Paulum.

Introitus. Ezech. 36.

CUM sanctificátus fúero in vobis, congregábo vos de univérsis terris; et effúdam super vos aquam mundam, et mundabímmini ab ómnibus inquinaméntis vestris; et dabo vobis spíritum novum. Ps. 33. Benedicám Dóminum in omni témpore : semper laus ejus in ore meo. **Ÿ.** Glória Patri. Cum sanctificátus.

Post Kyrie, eléison, dicitur Orémus. Flectámus génuá. **Ÿ.** Leváte.

Oratio.

DEUS, qui et justis præmia meritórum, et peccatóribus per jejúnium véniam præbes : miserere supplicibus tuis; ut reátus nostri conféssio indulgéntiam váleat percípere delictórum. Per Dóminum.

Léctio Ezechiélis Prophætæ. Cap. 36.

HÆC dicit Dóminus Deus : Sanctificábo nomen meum magnum, quod pollútum est inter gentes, quod pollúistis in médio eárum : ut sciant gentes quia ego Dóminus, cum sanctificátus fúero in vobis coram eis. Tollam quippe vos de géntibus, et congregábo vos de univérsis terris, et addúcam vos in terram vestram. Et effúdam super vos aquam mundam, et mundabímmini ab ómnibus inquinaméntis vestris, et ab univérsis idólis vestris mundábo vos. Et dabo vobis cor novum, et spíritum novum ponam in médio vestri, et áuferam cor lapideum de carne vestra, et dabo vobis cor cárneum. Et spíritum meum ponam in médio vestri; et fáciam ut in præcéptis meis ambulétis, et judícia mea custodiátis et operémmini. Et habitábitis in terra quam dedi pátribus vestris, et éritis mihi in pópulum, et ego ero vobis in Deum, dicit Dóminus omnipotens.

Graduale. Ps. 33. Veníte, filii, audite me : timórem Dómini docébo vos. **ŷ.** Accédite ad eum, et illuminámini : et fácies vestræ non confundéntur.

Hic dicitur ŷ. Dóminus vobíscum, sine Flectámus génua.

Orémus. Oratio.

PRÆSTA, quæsumus, omnipotens Deus : ut quos jejúnia votiva castigant, ipsa quoque devótio sancta lætificet ; ut, terrenís afféctibus mitigátis, facilius cœlestia capíamus. Per Dóminum.


Aliæ Orationes ut supra. 44.

Lectio Isaïæ Prophétæ. Cap. 1.

HÆC dicit Dóminus Deus : Lavámini, mundi estóte, auférte malum cogitátionum vestrarum ab óculis meis ; quiescíte ágere perversé, discite benefácere, quærite iudiciúm, subveníte opprésso, iudicáte pupillo, deféndite viduam. Et veníte, et argúte me, dicit Dóminus : si fúerint peccáta vestra ut coccinum, quasi nix dealbábúntur ; et si fúerint rubra quasi vermiculus, velut lana alba erunt. Si voluéritis, et audieritis me, bona terræ comedétis, dicit Dóminus omnipotens.

Graduale. Ps. 32. Beáta gens cujus est Dóminus Deus eórum, pópulus quem elégit Dóminus in hæreditátem sibi. **ŷ.** Verbo Dómini cœli firmáti sunt : et spírítu oris ejus omnis virtus eórum.

Tractus Dómine, non secúndum. 43.

 Sequéntia sancti Evangélii secúndum Joánnem. **Cap. 9.**

IN illo témpore : Prætériens Jesus, vidit hóminem cæcum a nativité ; et interrogavérunt eum discipuli ejus : Rabbi, quis peccávit, hic, aut paréntes ejus, ut cæcus nascerétur? Respóndit Jesus : Neque hic peccávit, neque paréntes ejus ; sed ut manifesténtur ópera Dei in illo. Me opórtet operári ópera ejus qui misit me, donec dies est : venit nox, quando nemo potest operári. Quám diu sum in mundo, lux sum mundi. Hæc eum dixisset, éxspuit in terram, et fecit lutum ex sputo ; et linívit lutum super óculos ejus, et dixit ei : Vade, lava in natatória Siloe (quod interpretátur Mis-

sus). Abiit ergo, et lavit, et venit videns. Itaque vicíni, et qui víderant eum prius, quia mendicus erat, dicébant : Nonne hic est qui sedébat et mendicábat? Alii dicébant : Quia hic est. Alii autem : Nequáquam, sed similis est ei. Ille vero dicébat : Quia ego sum. Dicébant ergo ei : Quómodo apérti sunt tibi óculi? Respóndit : Ille homo qui dicitur Jesus, lutum fecit, et unxit óculos meos, et dixit mihi : Vade ad natatória Siloe, et lava. Et ábii, lavi, et vídeo. Et dixerunt ei : Ubi est ille? Ait : Nescio. Addúcunt eum ad pharisæos, qui cæcus fúerat. Erat autem Sábbatum, quando lutum fecit Jesus, et apéruiť óculos ejus. Iterum ergo interrogábant eum pharisæi, quómodo vidisset. Ille autem dixit eis : Lutum mihi pósuit super óculos, et lavi, et vídeo. Dicébant ergo ex pharisæis quidam : Non est hic homo a Deo, qui Sábbatum non custódit. Alii autem dicébant : Quómodo potest homo peccátor hæc signa fácere? Et schisma erat inter eos. Dicunt ergo cæco iterum : Tu quid dicis de illo qui apéruiť óculos tuos? Ille autem dixit : Quia Prophéta est. Non credidérunt ergo Judæi de illo, quia cæcus fuisset, et vidisset, donec vocavérunt paréntes ejus qui víderat : et interrogavérunt eos, dicéntes : Hic est filius vester, quem vos dicitis quia cæcus natus est? Quómodo ergo nunc videt? Respondérunt eis paréntes ejus, et dixerunt : Scimus quia hic est filius noster, et quia cæcus natus est : quómodo autem nunc vídeat, nescimus ; aut quis ejus apéruiť óculos, nos nescimus : ipsum interrogáte : ætátem habet, ipse de se loquátur. Hæc dixerunt paréntes ejus, quóniam tímébant Judæos : jam enim conspiráverant Judæi, ut si quis eum confiterétur esse Christum, extra synagógam feret. Proptérea paréntes ejus dixerunt : Quia ætátem habet, ipsum interrogáte. Vocavérunt ergo rursus hóminem qui fúerat cæcus, et dixerunt ei : Da glóriam Deo. Nos scimus quia hic homo peccátor est. Dixit ergo eis ille : Si peccátor est, nescio ; unum

scio : quia cæcus cum essem, modo vido. Dixérunt ergo illi : Quid fecit tibi? Quomodo aperuit tibi oculos? Respondit eis : Dixi vobis jam, et audistis; quid iterum vultis audire? Numquid et vos vultis discipuli ejus fieri? Maledixérunt ergo ei, et dixérunt : Tu discipulus illius sis, nos autem Móysi discipuli sumus. Nos scimus quia Móysi locutus est Deus; hunc autem nescimus unde sit. Respondit ille homo, et dixit eis : In hoc enim mirabile est, quia vos nescitis unde sit, et aperuit meos oculos : scimus autem quia peccatores Deus non audit; sed, si quis Dei cultor est, et voluntatem ejus facit, hunc exáudit. A sæculo non est auditum quia quis aperuit oculos cæci nati. Nisi esset hic a Deo, non póterat facere quidquam. Respondérunt, et dixérunt ei : In peccátis natus es totus, et tu doces nos? Et eiecérunt eum foras. Audivit Jesus quia eiecérunt eum foras; et cum invenísset eum, dixit ei : Tu credis in Filium Dei? Respondit ille, et dixit : Quis est, Dómine, ut credam in eum? Et dixit ei Jesus : Et vidisti eum; et qui lóquitur tecum, ipse est. At ille ait : Credo, Dómine. (*Hic genuflectitur.*) Et prócicens, adorávit eum.

Offertorium. Ps. 63. Benedicite, gentes, Dóminum Deum nostrum, et obaudite vocem laudis ejus : qui pósuit ánimam meam ad vitam, et non dedit commovéri pedes meos : benedictus Dóminus, qui non amóvit deprecationem meam et misericórdiam suam a me.

Secreta.

SÚPPLESCE te rogámus, omnipotens Deus, ut his sacrificiis peccáta nostra mundéntur; quia tunc veram nobis tribuis et mentis et córporis sanitátem. Per Dóminum.

Aliae Secretæ ut supra. 46.

Communio. Joan. 9. Lutum fecit ex sputo Dóminus, et linívit oculos meos : et ábii, et lavi, et vidi, et crédidi Deo.

Postcommunio.

SACRAMÉNTA quæ sumpsimus, Dómine Deus noster, et spirituálibus nos ré-

pleant aliméntis, et corporálibus tueántur auxiliis. Per Dóminum.

Aliae Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

PÁTEANT aures misericórdiæ tuæ, Dómine, préceibus supplicántium : et ut peténtibus desideráta concédas, fac eos quæ tibi sunt plácita postuláre. Per Dóminum.

FERIA QUINTA

Statio ad Sanctos Silvestrum et Martinum.

Introitus. Ps. 104.

LÆTÉTUR cor quæréntium Dóminum : quærite Dóminum, et confirmámini; quærite faciém ejus semper. **Ps.** Confitémini Dómino, et invocáte nomen ejus : annuntiáte inter gentes ópera ejus. **Ÿ.** Glória Patri. Lætétur.

Oratio.

PRÆSTA, quæsumus, omnipotens Deus : ut quos jejúnia votiva castigant, ipsa quoque devótio sancta lætíficet; ut, terrenis affectibus mitigátis, facilius cœlestia capíamus. Per Dóminum.


Aliae Oraciones ut supra. 44.

Lectio libri Regum. **IV Reg. 4.**

IN diébus illis : Venit mulier Sunamítis ad Eliséum, in montem Carméli; cumque vidisset eam vir Dei e contra, ait ad Giézi púerum suum : Ecce Sunamítis illa. Vade ergo in occúrsum ejus, et dic ei : Recténe ágitur circa te, et circa virum tuum, et circa filium tuum? Quæ respondit : Recte. Cumque venísset ad virum Dei in montem, apprehéndit pedes ejus; et accessit Giézi ut amovéret eam. Et ait homo Dei : Dimitte illam : ánima enim ejus in amaritúdine est, et Dóminus celávit a me, et non indicávit mihi. Quæ dixit illi : Numquid petivi filium a dómno meo? Numquid non dixi tibi : Ne illúdas me? Et ille ait ad Giézi : Accinge lumbos tuos, et tolle báculum meum in manu tua, et vade. Si occurrerit tibi homo, non salútes eum; et si salutáverit te quispiam, non respóndas illi : et po-

nes báculo meum super faciem pueri. Porro mater pueri ait : Vivit Dominus, et vivit anima tua, non dimittam te. Surréxit ergo, et secutus est eam. Giézi autem præcèsserat ante eos, et posuerat báculo super faciem pueri, et non erat vox, neque sensus : reversusque est in occursum ejus, et nuntiavit ei, dicens : Non surréxit puer. Ingressus est ergo Eliséus domum, et ecce puer mortuus jacébat in lectulo ejus : ingressusque clausit ostium super se et super puerum, et orávit ad Dóminum. Et ascéndit, et incubuit super puerum : posuitque os suum super os ejus, et oculos suos super oculos ejus, et incurvavit se super eum; et calefacta est caro pueri. At ille reversus, deambulávit in domo semel huc atque illuc : et ascéndit, et incubuit super eum : et oscitávit puer sépties, aperuitque oculos. At ille vocávit Giézi, et dixit ei : Voca Sunamítidem hanc. Quæ vocáta, ingressa est ad eum. Qui ait : Tolle filium tuum. Venit illa, et corruit ad pedes ejus, et adorávit super terram; tulitque filium suum, et egressa est, et Eliséus reversus est in Gálgala.

Graduale. Ps. 73. Réspice, Dómine, in testaméntum tuum : et ánimas páuperum tuórum ne obliviscáris in finem. **Ÿ.** Exsúrge, Dómine, júdica causam tuam : memor esto opprobrii servórum tuórum.

 Sequéntia sancti Evangélíi secúndum Lucam. **Cap. 7.**

In illo témpore : Ibat Jesus in civitátem quæ vocátur Naim : et ibant cum eo discipuli ejus, et turba copiósa. Cum autem appropinquáret portæ civitátis, ecce defúctus efferebátur filius únicus matris suæ : et hæc vídua erat; et turba civitátis multa cum illa. Quam cum vidisset Dóminus, misericórdia motus super eam, dixit illi : Noli flere. Et accésit, et tégit lóculum. (Hi autem qui portábant, steterunt.) Et ait : Adolésens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes

timor, et magnificábant Deum, dicétes : Quia Prophéta magnus surréxit in nobis, et quia Deus visitávit plebem suam.

Offertorium. Ps. 69. Dómine, ad adjuvándum me festina : confundántur omnes qui cógitant servis tuis mala.

Secreta.

PURIFICA nos, miséricors Deus : ut Ecclésiæ tuæ preces, quæ tibi gratae sunt, pia múnera deferéntes, fiant expiátis méntibus gratióres. Per Dóminum.

Aliæ Secretæ ut supra. 46.

Communio. Ps. 70. Dómine, memorabor justitiæ tuæ solius : Deus, docuisti me a juventúte mea : et usque in senectam et sénium, Deus, ne derelinquas me.

Postcommunio.

CŒLÉSTIA dona capientibus, quæsumus, Dómine, non ad júdiciu provenire patiáris, quæ fidélibus tuis ad remédiu providis. Per Dóminu.

Aliæ Postcommuniones ut supra. 46.

Super populu. Orémus.

Humiliáte cápita vestra Deo.

Oratio.

PÓPULI tui, Deus, institútór et rector, peccáta quibus impugnátur expélle : ut semper tibi plácitus, et tuo munimine sit secúrus. Per Dóminu.

FERIA SEXTA

Statio ad Sanctum Eusebium.

Introitus. Ps. 18.

MEDITATIO cordis mei in conspéctu tuo semper : Dómine, adjútór meus et redémptór meus. **Ps.** Cœli enarrant glóriam Dei, et ópera mánuum ejus annúntiát firmaméntum. **Ÿ.** Glória Patri. Meditatio.

Oratio.

DEUS, qui ineffábilibus mundum rénovas sacraméntis : præsta, quæsumus; ut Ecclésiá tua et ætérnis proficiat institútis, et temporálibus non destituátur auxiliis. Per Dóminu.

Aliæ Orationes ut supra. 44.

Léctio libri Regum. **III Reg. 17.**

In diébus illis : Ægrotávit filius mulieris matrisfamilias, et erat languor

fortissimus, ita ut non remaneret in eo hálitus. Dixit ergo ad Eliam : Quid mihi et tibi, vir Dei? Ingressus es ad me ut rememorarentur iniquitates meæ, et interficeres filium meum? Et ait ad eam Elias : Da mihi filium tuum. Tulitque eum de sinu ejus, et portávit in cœnâculum ubi ipse manebat, et pòsuit super lectulum suum, et clamávit ad Dóminum, et dixit : Dómine Deus meus, etiámne viduam apud quam ego utcúmque sustentor, afflixísti, ut interficeres filium ejus? Et expándit se, atque mensus est super púerum tribus vicibus, et clamávit ad Dóminum, et ait : Dómine Deus meus, revertátur, obsecro, ánima púeri hujus in viscera ejus. Et exaudivit Dóminus vocem Eliæ, et revérsa est ánima púeri intra eum, et revixit. Tulitque Eliás púerum, et depósuit eum de cœnáculo in inferiorem domum, et trádidit matri suæ, et ait illi : En vivit filius tuus. Dixitque mûlier ad Eliam : Nunc in isto cognóvi quóniam vir Dei es tu, et verbum Dómini in ore tuo verum est.

Graduale. Ps. 117. Bonum est confidere in Dómino, quam confidere in hómine. **ŷ.** Bonum est speráre in Dómino, quam speráre in princípibus.

Tractus Dómine, non secúndum. 45.



Sequéntia sancti Evangélii secúndum Joánnem. **Cap. 11.**

In illo tempore : Erat quidam languens Lázarus a Bethánia, de castélló Maríæ, et Marthæ soróris ejus. (María autem erat quæ unxit Dóminum unguénto, et extérsit pedes ejus capillis suis, ejus frater Lázarus infirmabátur.) Misérunt ergo soróres ejus ad eum, dicéntes : Dómine, ecce quem amas, infirmátur. Audiens autem Jesus, dixit eis : Infirmitas hæc non est ad mortem, sed pro glória Dei, ut glorificétur Filius Dei per eam. Diligébat autem Jesus Martham, et sorórem ejus Maríam, et Lázarum. Ut ergo audivit quia infirmabátur, tunc quidem mansit in eódem loco duóbus diébus. Deínde post hæc dixit discipulis suis : Eámus in Judæam íterum. Dicunt

ei discipuli : Rabbi, nunc quærébant te Judæi, lapidáre, et íterum vadis illuc? Respóndit Jesus : Nonne duódecim sunt horæ diéi? Si quis ambuláverit in die, non offéndit, quia lucem hujus mundi videt : si autem ambuláverit in nocte, offéndit, quia lux non est in eo. Hæc ait, et post hæc dixit eis : Lázarus, amicus noster, dormit; sed vado, ut a somno éxitem eum. Dixérunt ergo discipuli ejus : Dómine, si dormit, salvus erit. Díxerat autem Jesus de morte ejus : illi autem putavérunt quia de dormitióne somni diceret. Tunc ergo Jesus dixit eis manifesté : Lázarus mórtuus est, et gaúdeó propter vos, ut credátis, quóniam non eram ibi. Sed eámus ad eum. Dixit ergo Thomas, qui dicitur Dídy-mus, ad condiscipulos : Eámus et nos, ut moriámur cum eo. Venit itaque Jesus, et invénit eum quátuor dies jam in monumento habéntem. (Erat autem Bethánia juxta Jerosólymam quasi stádiis quindecim.) Multi autem ex Judæis vénerant ad Martham et Mariam, ut consolaréntur eas de fratre suo. Martha ergo, ut audivit quia Jesus venit, óc-cúrrit illi : María autem domi sedébat. Dixit ergo Martha ad Jesum : Dómine, si fuísses hic, frater meus non fuisset mórtuus : sed et nunc scio quia quécúmque popósceris a Deo, dabit tibi Deus. Dicit illi Jesus : Resúrget frater tuus. Dicit ei Martha : Scio quia resúrget in resurrectione in novíssimo die. Dixit ei Jesus : Ego sum resurréctio et vita : qui credit in me, etiámsi mórtuus fúerit, vivet : et omnis qui vivit, et credit in me, non moriétur in aetérnum. Cre-dis hoc? Ait illi : Utique, Dómine, ego credídi quia tu es Christus Filius Dei vivi, qui in hunc mundum venísti. Et cum hæc dixisset, ábiit, et vocávit Maríam sorórem suam siléntio, dicens : Magister adest, et vocat te. Illa, ut audivit, surgit cito, et venit ad eum : nondum enim vénerat Jesus in castéllum, sed erat adhuc in illo loco ubi occurrerat ei Martha. Judæi ergo qui erant cum ea in domo, et consolabántur eam, cum

vidissent Mariam, quia cito surrexit et exiit, secuti sunt eam, dicentes: Quia vadit ad monumentum, ut ploret ibi. Maria ergo, cum venisset ubi erat Jesus, videns eum, cecidit ad pedes ejus, et dicit ei: Domine, si fuisses hic, non esset mortuus frater meus. Jesus ergo, ut vidit eam plorantem, et Judæos qui venerant cum ea, plorantes, infrémuit spiritu, et turbávit seipsum, et dixit: Ubi posuistis eum? Dicunt ei: Domine, veni, et vide. Et lacrymatus est Jesus. Dixérunt ergo Judæi: Ecce quomodo amabat eum. Quidam autem ex ipsis dixérunt: Non póterat hic, qui aperuit oculos cæci nati, fácere ut hic non moreretur? Jesus ergo rursus fremens in semetipso, venit ad monumentum. Erat autem spelunca, et lapis superpósitus erat ei. Ait Jesus: Tóllite lápidem. Dicit ei Martha, soror ejus qui mortuus fuerat: Domine, jam fœtet, quatríduanus est enim. Dicit ei Jesus: Nonne dixi tibi quoniam si credideris, vidébis glóriam Dei? Tulérunt ergo lápidem. Jesus autem, elevátis sursum oculis, dixit: Pater, grátias ago tibi, quoniam audisti me. Ego autem sciebam quia semper me audis; sed propter pópulum qui circumstat, dixi: ut credant quia tu me misisti. Hæc cum dixisset, voce magna clamávit: Lázare, veni foras. Et statim pródiit qui fuerat mortuus, ligátus pedes et manus ínstitis, et fácies illius sudário erat ligata. Dixit eis Jesus: Sóluite eum, et sínite abire. Multi ergo ex Judæis qui venerant ad Mariam et Martham, et viderant quæ fecit Jesus, crediderunt in eum.

Offertorium. Ps. 17. Pópulum húmitem salvum fácies, Domine, et oculos superbórum humiliábis: quoniam quis Deus præter te, Domine?

Secreta.

MÚNERA nos, Domine, quæsumus, oblata purificent, et te nobis júgiter fáciant esse placátum. Per.

Aliæ Secretæ ut supra. 46.

Communio. Joan. 11. Videns Dóminus flentes soróres Lázari ad monu-

mentum, lacrymatus est coram Judæis, et exclamávit: Lázare, veni foras. Et pródiit, ligátis manibus et pedibus, qui fuerat quatríduanus mortuus.

Postcommunio.

HÆC nos, quæsumus, Domine, participatio sacraménti: et a propriis reátibus indesinenter expédiat, et ab ómnibus tueátur adversis. Per.

Aliæ Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

DA nobis, quæsumus, omnipotens Deus: ut qui infirmitátis nostræ cónscii, de tua virtúte confidimus, sub tua semper pietáte gaudeamus. Per Dóminum.

SABBATO

Statio ad Sanctum Nicolaum in Carcere.

Introitus. Is. 53.

SITIÉNTES, venite ad aquas, dicit Dóminus: et qui non habétis pretium, venite, et bibite cum lætítia. Ps. 77. Atténdite, pópule meus, legem meam: inclináte aurem vestram in verba oris mei. **Ÿ.** Glória Patri. Sitiéntes.

Oratio.

FIAT, Domine, quæsumus, per grátiam tuam fructuósus nostræ devotiónis affectus: quia tunc nobis próderunt suscepta jejúnia, si tuæ sint plácita pietáti. Per Dóminum.

Aliæ Orationes ut supra. 46.

Lectio Isaíæ Prophætæ. Cap. 49.

HÆC dicit Dóminus: In témpore plá cito exaudivi te, et in die salutis auxiliátus sum tui: et servávi te, et dedi te in fœdus pópuli, ut suscitéres terram, et possidères hæreditátes dissipatas: ut diceres his qui vincti sunt: Exíte; et his qui in ténebris: Revelámini. Super vias pascéntur, et in ómnibus planis páscua eórum. Non esúrient, neque sitient, et non percútiet eos æstus et sol: quia miserátor eórum reget eos, et ad fontes aquárum potábit eos. Et ponam omnes montes meos in viam, et sémitæ meæ exaltabúntur. Ecce isti de longe vénient, et ecce illi ab aquilóne

et mari, et isti de terra austráli. Laudáte, coeli, et exsúlta, terra; jubiláte, montes, laudem : quia consolátus est Dóminus pópulum suum, et páuperum suórum miserébitur. Et dixit Sion : Dereliquit me Dóminus, et Dóminus oblitus est mei. Numquid oblivisci potest múlter infántem suum, ut non misereátur filio úteri sui? Et si illa oblíta fúerit, ego tamen non obliviscar tui, dicit Dóminus omnipotens.

Graduale. Ps. 9. Tibi, Dómine, derelictus est pauper : pupillo tu eris adjútor. **ŷ.** Ut quid, Dómine, recessisti longe, déspectis in opportunitátibus, in tribulatióne? Dum superbit impius, incénditur pauper.



Sequéntia sancti Evangélíi secúndum Joánnem. Cap. 8.

IN illo témpore : Locútus est Jesus túbis Judæórum, dicens : Ego sum lux mundi : qui séquitur me, non ámbulat in ténebris, sed habébit lumen vitæ. Dixérunt ergo ei pharisæi : Tu de teipso testimónium pérhibes; testimónium tuum non est verum. Respóndit Jesus, et dixit eis : Etsi ego testimónium pérhibeo de meipso, verum est testimónium meum : quia scio unde veni, et quo vado : vos autem nescitis unde vénio, aut quo vado. Vos secúndum carnem judicátis : ego non júdico quemquam; et si júdico ego, júdícium meum verum est, quia solus non sum, sed ego, et qui misit me, Pater. Et in lege vestra scriptum est quia duórum hóminum testimónium verum est. Ego sum qui testimónium pérhibeo de meipso, et testimónium pérhibet de me, qui misit me, Pater. Dicébant ergo ei : Ubi est Pater tuus? Respóndit Jesus : Neque me scitis, neque Patrem meum; si me scirétis, fórsitan et Patrem meum scirétis. Hæc verba locútus est Jesus in gazophylácio, docens in templo; et nemo apprehéndit eum, quia necdum vénerat hora ejus.

Offertorium. Ps. 17. Factus est Dóminus firmaméntum meum, et refúgium meum, et liberátor meus : et sperábo in eum.

Secreta.

OBLATIÓNIBUS nostris, quæsumus, Dómine, placáre suscéptis : et ad te nostras étiam rebelles compélle propítius voluntates. Per Dóminum.

Alia Secreta ut supra. 46.

Communio. Ps. 22. Dóminus regit me, et nihil mihi déerit : in loco pásceat ibi me collocávit; super aquam refectiódinis educávit me.

Postcommunio.

TUA nos, quæsumus, Dómine, sancta purificent : et operatióne sua tibi plácitos esse perficiant. Per Dóminum.

Alia Postcommuniones ut supra. 46.

Super populum. Orémus.

Humiliáte cápita vestra Deo.

Oratio.

DEUS, qui sperántibus in te miseréri pótius éligis quam irásci : da nobis digne flere mala quæ fécimus; ut tuæ consolatiónis grátiam invenire mereámur. Per Dóminum.

¶ Ante Vesperas cooperiuntur Cruces et Imagines.

Ab hac die usque ad Sabbatum sanctum exclusive, non dicitur Psalm. Júdica me ante Confessionem, neque Glória Patri ad Lavábo.

DOMINICA DE PASSIONE

Statio ad Sanctum Petrum.

Introitus. Ps. 42.

JÚDICA me, Deus, et discérne causam meam de gente non sancta : ab hómine iníquo et dolóso éripe me : quia tu es Deus meus et fortitúdo mea. **Ps.** Emitte lucem tuam et veritátem tuam : ipsa me deduxérunt et adduxérunt in montem sanctum tuum, et in tabernácula tua. — Júdica me.

Non dicitur Glória Patri ad Introitum usque ad Pascha, nisi in Missa de Festo, si occurrerit; sed finito Psalmo, absolute repetitur Introitus usque ad Psalmum.

Oratio.

QUÆSUMUS, omnipotens Deus, famíliam tuam propítius réspice : ut, te largiénte, regátur in córpore, et, te servánte, custodiátur in mente. Per.

Ab hac die usque ad Feriam V in Cœna Dom., post Orat. dici, dicitur Orat. contra persecutores Ecclesiæ, vel pro Papa. 1*.

Non dicitur tertia Oratio.

Lectio Epistolæ beati Pauli Apostoli ad Hebræos. Cap. 9.

FRATRES, Christus assistens Póntifex futurórum bonórum, per ámplius et perféctius tabernáculum non manu-fáctum, id est, non hujus creatiónis, neque per sánguinem hircórum aut vitulórum, sed per próprium sánguinem introívit semel in Sancta, æténa redemptióne invénta. Si enim sanguis hircórum et taurórum, et cinis vitulæ aspérsus, inquinátos sanctificat ad emundatióem carnis, quanto magis sanguis Christi, qui per Spíritum sanctum semetípsum óbtulit immaculátum Deo, emundábit cónsciéntiam nostram ab opéribus mórtuis, ad serviéndum Deo vivénti? Et ideo novi Testaménti mediátor est; ut morte intercedénte, in redemptiόnem eárum prævaricatiόnum, quæ erant sub prióri Testaménto, re-promissiόnem accípiant qui vocáti sunt ætérnæ hæreditátis: in Christo Jesu Dómino nostro.

Graduale. Ps. 142. Eripe me, Dómine, de inimícis meis: doce me fácere voluntátem tuam. **ŷ. Ps. 17.** Liberátor meus, Dómine, de géntibus iracúndis: ab insurgéntibus in me exaltábis me: a viro iníquo erípies me.

Tractus. Ps. 128. Sæpe expugnáverunt me a juventúte mea. **ŷ.** Dicat nunc Israel: Sæpe expugnáverunt me a juventúte mea. **ŷ.** Etenim non potuerunt mihi: supra dorsum meum fabricáverunt peccatóres. **ŷ.** Prolongáverunt iniquitátes suas: Dóminus justus concídit cervices peccatórum.



Sequéntia sancti Evangélii secúndum Joánnem. Cap. 8.

In illo témpore: Dicebat Jesus turbis Judæórum: Quis ex vobis árguet me de peccáto? Si veritátem dico vobis, quare non créditis mihi? Qui ex Deo est, verba Dei audit. Proptérea vos non audítis, quia ex Deo non estis. Respon-

dérunt ergo Judæi, et dixerunt ei: Nonne bene dicimus nos quia Samaritánu es tu, et damónium habes? Respóndit Jesus: Ego damónium non hábeo; sed honorífico Patrem meum, et vos inhonorástis me. Ego autem non quero glóriam meam; est qui querat, et júdiceit. Amen, amen dico vobis: si quis sermónem meum serváverit, mortem non vidébit in ætérnum. Dixérunt ergo Judæi: Nunc cognóvimus quia damónium habes. Abraham mórtuus est, et Prophétæ; et tu dicis: Si quis sermónem meum serváverit, non gustábit mortem in ætérnum. Numquid tu major es patre nostro Abraham, qui mórtuus est? et Prophétæ mórtui sunt. Quem teípsum facis? Respóndit Jesus: Si ego glorifico meípsum, glória mea nihil est: est Pater meus, qui glorificat me, quem vos dicitis quia Deus vester est; et non cognovistis eum: ego autem novi eum: et si dixero quia non scio eum, ero similis vobis mendax. Sed scio eum, et sermónem ejus servo. Abraham, pater vester, exsultávit ut vidéret diem meum: vidit, et gavisus est. Dixérunt ergo Judæi ad eum: Quinquaginta annos nondum habes, et Abraham vidísti? Dixit eis Jesus: Amen, amen dico vobis, ántequam Abraham fieret, ego sum. Tulérunt ergo lápidés, ut jácerent in eum: Jesus autem abscondit se, et exivit de templo. Credo.

Offertorium. Ps. 118. Confitébor tibi, Dómine, in toto corde meo: retribue servo tuo: vivam, et custódiam sermónes tuos: vivifica me secúndum verbum tuum, Dómine.

Secreta.

HÆC múnera, quæsumus, Dómine, et vincula nostræ pravitátis absólvant, et tuæ nobis misericórdiæ dona concíliant. Per Dóminum.

Altera Secreta contra persecutores Ecclesiæ, vel pro Papa. 2*.

Prefatio de Cruce, quæ dicitur quotidie usque ad Feriam V in Cena Domini, etiam in Missa de Festo, nisi propriam habuerit.

Communio. I Cor. 11. Hoc corpus, quod pro vobis tradétur : hic calix novi Testaménti est in meo ságuine, dicit Dóminus : hoc fácite, quotiescúmque súmitis, in meam commemoratióem.

Postcommunio.

Adésto nobis, Dómine Deus noster : et quos tuis mystériis recreásti, perpétuis defénde subsidiis. Per Dóminum.

Altera Postcommunio contra persecutores Ecclesiæ, vel pro Papa. 2*.

FERIA SECUNDA

Statio ad Sanctum Chrysogonum.

Introitus. Ps. 53.

Miserére mihi, Dómine, quóniam conculcávit me homo ; tota die bellans tribulávit me. Ps. Conculcavérunt me inimici mei tota die, quóniam multi bellántes advérsus me. — Miserére mihi.

Oratio.

SANCTIFICA, quæsumus, Dómine, nostra jejúnia : et cunctárum nobis indulgéntiam propítius largíre culpárum. Per Dóminum.

Altera Oratio Ecclesiæ tuæ, vel Deus, ómnium. 1*.

Lectio Jonæ Prophætæ. Cap. 3.

IN diébus illis : Factum est verbum Dómini ad Jonam Prophétam secúndo, dicens : Surge, et vade in Níniven, civitátem magnam, et prædica in ea prædicatióem quam ego loquor ad te. Et surrêxit Jonas, et ábiit in Níniven, juxta verbum Dómini. Et Nínive erat civitas magna itinere trium diérum. Et cœpit Jonas introire in civitátem itinere diéi unús ; et clamávit, et dixit : Adhuc quadraginta dies, et Nínive subvertétur. Et credidérunt viri Nínivite in Deum, et prædicavérunt jejúnium, et vestíti sunt saccis a majóre usque ad minórem. Et pervénit verbum ad regem Nínive : et surrêxit de sólio suo, et abjécit vestiméntum suum a se, et indútus est sacco, et sedit in cinere. Et clamávit, et dixit in Nínive ex ore regis, et principum ejus, dicens : Hómines, et juménta, et boves, et pécora

non gustent quidquam, nec pascántur, et aquam non bibant ; et operiántur saccis hómines et juménta, et clament ad Dóminum in fortitúdine, et convertátur vir a via sua mala, et ab iniquitáte quæ est in mánibus eórum. Quis scit si convertátur, et ignóscat Deus, et revertátur a furóre iræ suæ, et non peribimus ? Et vidit Deus ópera eórum, quia convérsi sunt de via sua mala ; et misértus est pópulo suo Dóminus Deus noster.

Graduale. Ps. 53. Deus, exáudi oratióem meam, áuribus pécipe verba oris mei. 7. Deus, in nómine tuo salvum me fac, et in virtúte tua libera me.

Tractus Dómine, non secúndum. 43.

Sequéntia sancti Evangélii secúndum Joánnem. Cap. 7.

In illo témpore : Misérunt principes et pharisæi ministros, ut apprehénderent Jesum. Dixit ergo eis Jesus : Adhuc módicum tempus vobiscum sum, et vado ad eum qui me misit. Quærétis me, et non inveniétis : et ubi ego sum, vos non potéstis venire. Dixérunt ergo Judæi ad semetipsos : Quo hic itúrus est, quia non inveniémus eum ? Numquid in dispersiόem géntium itúrus est, et doctúrus gentes ? Quis est hic sermo quem dixit : Quærétis me, et non inveniétis : et ubi sum ego, vos non potéstis venire ? In novíssimo autem die magno festivitátis, stabat Jesus, et clamábat, dicens : Si quis sitit, véniat ad me, et bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spírítu quem acceptúri erant credéntes in eum.

Offertorium. Ps. 6. Dómine, convertere, et éripe ánimam meam : salvum me fac propter misericórdiam tuam.

Secreta.

CONCÉDE nobis, Dómine Deus noster, ut hæc hóstia salutáris, et nostrórum fiat purgátio delictórum, et tuæ propitiatio Majestátis. Per Dóminum.

Altera Secreta, Prótege nos, vel Oblatis. 2*.

Communio. Ps. 23. Dóminus virtútum ipse est Rex glóriæ.

Postcommunio.

SACRAMÉNTI tui, quæsumus, Dómine, participatió salutáris, et purificatióne nobis tribuat, et medélam. Per.

Altera Postcommunio. Quæsumus, Dómine, vel Hæc nos. 2*.

Super populum. Orémus.

Humiliáte cápita vestra Deo.

Oratio.

DA, quæsumus, Dómine, pópulo tuo salútem mentis et córporis : ut bonis opéribus inhæréndo, tua semper mereátur protectiõe deféndi. Per Dóminum.

FERIA TERTIA

Statio ad Sanctum Cyriacum.

Introitus. Ps. 26.

EXSPÉCTA Dóminum, viriliter age : et confortétur cor tuum, et sústine Dóminum. Ps. Dóminus illuminatió mea et salus mea : quem timébo? — Exspécta.

Oratio.

NOSTRA tibi, Dómine, quæsumus, sint accepta jejúnia : quæ nos et expliádo grátia tua dignos efficiant, et ad remédia perducant atériæ. Per Dóminum.

Altera Oratio, Ecclésiæ tuæ, vel Deus, ómnium. 1*.

Lectio Daniélis Prophète. Cap. 14.

IN diébus illis : Congregáti sunt Babylónii ad regem, et dixerunt ei : Trade nobis Daniélem, qui Bel destrúxit, et dracónem interfecit : alióquin interficiémus te et domum tuam. Vidit ergo rex quod irrúerent in eum veheménter, et necessitate compúlsus, trádedit eis Daniélem. Qui misérunt eum in lacu leónum, et erat ibi diébus sex. Porro in lacu erant leónes septem, et dabántur eis duo córpora quotidie, et duæ oves; et tunc non data sunt eis, ut devorárent Daniélem. Erat autem Hábacuc Prophéta in Judæa, et ipse cóxerat pulméntum, et intriverat panes in alvéolo; et ibat in campum, ut ferret messóribus. Dixitque Angelus Dómini ad Hábacuc : Fer prándium quod habes in Babylónem Daniéli, qui est in lacu leónum. Et dixit Hábacuc : Dómine, Babylónem non vidi, et

lacum néschio. Et apprehéndit eum Angelus Dómini in vértice ejus, et portávit eum capillo cápitis sui, posuítque eum in Babylóne supra lacum, in impetu spíritus sui. Et clamávit Hábacuc, dicens : Dániel, serve Dei, tolle prándium quod misit tibi Deus. Et ait Dániel : Recordátus es mei, Deus, et non dereliquísti diligéntes te. Surgénsque Dániel comédit. Porro Angelus Dómini restituit Hábacuc conféstum in loco suo. Venit ergo rex die séptimo, ut lugéret Daniélem : et venit ad lacum, et introspéxit; et ecce Dániel sedens in médio leónum. Et exclamávit voce magna rex, dicens : Magnus es, Dómine Deus Daniélis. Et extráxit eum de lacu leónum. Porro illos qui perditionis ejus causa fúerant, intromísit in lacum, et devoráti sunt in moménto coram eo. Tunc rex ait : Páveant omnes habitátes in universa terra Deum Daniélis : quia ipse est Salvátor, fáciens signa et mirabília in terra, qui liberávit Daniélem de lacu leónum.

Graduale. Ps. 42. Discérne causam meam, Dómine; ab hómine iníquo et doloso éripe me. ʒ. Enítte lucem tuam et veritátem tuam : ipsa me deduxérunt et adduxérunt in montem sanctum tuum.



Sequéntia sancti Evangélii secúndum Joánnem. Cap. 7.

IN illo témpore : Ambulábat Jesus in Galilæam; non enim volébat in Judæam ambuláre, quia quærébant eum Judæi interficere. Erat autem in próximo dies festus Judæórum, Scenopégia. Dixerunt autem ad eum fratres ejus : Transi hinc, et vade in Judæam, ut et discipuli tui vídeant ópera tua quæ facis. Nemo quippe in occúlto quid facit, et quærit ipse in palam esse : si hæc facis, manifestá teípsum mundo. Neque enim fratres ejus credébant in eum. Dicit ergo eis Jesus : Tempus meum nondum advénit : tempus autem vestrum semper est parátum. Non potest mundus odisse vos : me autem odit, quia ego testimónium perhibeo de illo, quod ópera ejus mala sunt. Vos ascéndite ad diem festum

hunc. ego autem non ascendo ad diem festum istum : quia meum tempus nondum impletum est. Hæc cum dixisset, ipse mansit in Galilæa. Ut autem ascenderunt fratres ejus, tunc et ipse ascendit ad diem festum, non manifeste, sed quasi in occulto. Judæi ergo quærebant eum in die festo, et dicebant : Ubi est ille? Et murmur multum erat in turba de eo. Quidam enim dicebant : Quia bonus est. Alii autem dicebant : Non, sed seducit turbas. Nemo tamen palam loquebatur de illo, propter metum Judæorum.

Offertorium. Ps. 9. Sperent in te omnes qui novèrunt nomen tuum, Dómine : quóniam non derelinquis quærentes te : psállite Dómino, qui hábitat in Sion : quóniam non est oblitus orationes páuperum.

Secreta.

HÓSTIAS tibi, Dómine, deférimus immolándas : quæ temporalem consolationem significent, ut promissa non desperémus ætérna. Per Dóminum.

Altera Secreta, Prótege nos, vel Oblátiis. 2*.

Communio. Ps. 24. Rédimé me, Deus Israel, ex ómnibus angústiiis meis.

Postcommunio.

DA, quæsumus, omnipotens Deus : ut quæ divína sunt júgiter exsequéntes, donis mereámur cœléstibus propinquáre. Per Dóminum.

Altera Postcommunio, Quæsumus, Dómine, vel Hæc nos. 2*.

Super populum. Orémus.

Humiliáte cápita vestra Deo.

Oratio.

DA nobis, quæsumus, Dómine, perseverántem in tua voluntáte famulátum : ut in diébus nostris, et mérito et número pópulus tibi sérvians augeátur. Per Dóminum.

FERIA QUARTA

Statio ad Sanctum Marcellum.

Introitus. Ps. 17.

LIBERÁTOR meus de géntibus iracúndis, ab insurgéntibus in me exaltábis me : a viro iniquo erípies me,

Dómine. **Ps.** Diligam te, Dómine, virtus mea : Dóminus firmaméntum meum, et refúgium meum, et liberátor meus. — Liberátor meus.

Oratio.

SANCTIFICÁTO hoc jejúnio, Deus, tuórum corda fidélium miserátor illústra : et quibus devotiónis præstas affectum, præbe supplicántibus pium benígnus auditum. Per Dóminum.

Altera Oratio, Ecclesiæ tuæ, vel Deus, ómnium. 1*.

Lectio libri Levitici. Cap. 19.

IN diébus illis : Locútus est Dóminus ad Móysen, dicens : Lóquere ad omnem cœtum filiórum Israel, et dices ad eos : Ego Dóminus Deus vester. Non faciétis furtum. Non mentiémini, nec decipiet unusquisque próximum suum. Non perjurábis in nómine meo, nec póllues nomen Dei tui. Ego Dóminus. Non facies calúnniam próximo tuo, nec vi ópprimes eum. Non morábitur opus mercenárii tui apud te usque mane. Non maledíces surdo, nec coram cæco pones offendiculum : sed timébis Dóminum Deum tuum, quia ego sum Dóminus. Non facies quod iníquum est, nec in júste judicábis. Non consideres persónam páuperis, nec honóres vultum poténtis. Juste júdica próximo tuo. Non eris criminátor, nec susúrro in pópulo. Non stabis contra sánguinem próximi tui. Ego Dóminus. Non óderis fratrem tuum in corde tuo ; sed públice argue eum, ne hábeas super illo peccátum. Non quæras ultiónem, nec memor eris injúriæ civium tuórum. Diliges amicum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

Graduale. Ps. 29. Exaltábo te, Dómine, quóniam suscepísti me, nec delectásti inimicos meos super me. ʒ. Dómine Deus meus, clamávi ad te, et sanásti me : Dómine, abstraxisti ab inferis ánimam meam, salvásti me a descendentibus in lacum.

Tractus Dómine, non secúndum. 45.



Sequētia sancti Evangēlii secūndum Joānnem. **Cap. 10.**

In illo tēpore : Facta sunt encēnia in Jerosólymis; et hiems erat. Et ambulábat Jesus in templo, in pórticu Salomónis. Circumdederunt ergo eum Judæi, et dicēbant ei : Quóusque ánimam nostram tollis? Si tu es Christus, dic nobis palam. Respóndit eis Jesus : Loquor vobis, et non créditis. Opera quæ ego fácio in nómine Patris mei, hæc testimónium pérhibent de me : sed vos non créditis, quia non estis ex óvibus meis. Oves meæ vocem meam áudiunt, et ego cognóscō eas, et sequúntur me : et ego vitam ætérnam do eis, et non peribunt in ætérnum, et non rápiet eas quisquam de manu mea. Pater meus, quod dedit mihi, majus ómnibus est, et nemo potest rápere de manu Patris mei. Ego et Pater unum sumus. Sustulérunt ergo lápidēs Judæi, ut lapidárent eum. Respóndit eis Jesus : Multa bona ópera ostēdi vobis ex Patre meo, propter quod eórum opus me lapidátis? Respondérunt ei Judæi : De bono ópere non lapidámus te, sed de blasphemía, et quia tu, homo cum sis, facis teípsum Deum. Respóndit eis Jesus : Nonne scriptum est in lege vestra : quia Ego dixi : Dii estis? Si illos dixit deos, ad quos sermo Dei factus est, et non potest solvi Scriptúra; quem Pater sanctificávit et misit in mundum, vos dicitis : Quia blasphemás; quia dixi : Filius Dei sum? Si non fácio ópera Patris mei, nolite crédere mihi. Si autem fácio, et si mihi non vultis crédere, opéribus créдите, ut cognoscátis et credátis quia Pater in me est, et ego in Patre.

Offertorium. Ps. 58. Eripe me de inimícis meis, Deus meus, et ab insurgéntibus in me libera me, Dómine.

Secreta.

Annue, miséricors Deus, ut hóstias placatiónis et laudis sincéro tibi deferámus obséquio. Per Dóminum.

Altera Secreta, Prótege nos, **vel** Oblátis. 2*.

Communio. Ps. 25. Lavábo inter innocéntes manus meas, et circúibo altáre

tuum, Dómine : ut áudiam vocem laudis tuæ, et enárrem univérsa mirabília tua.

Postcommunio.

CELÉSTIS doni benedictióne percépta, Súpplīces te, Deus omnipotens, deprecámur : ut hoc idem nobis et sacraménti causa sit, et salutis. Per.

Altera Postcommunio, Quæsumus, Dómine, **vel** Hæc nos. 2*.

Super populum. Orémus.

Humiliáte cápita vestra Deo.

Oratio.

ADÉSTO supplicatió nibus nostris, omnipotens Deus : et quibus fidúciā sperándæ pietátis indúlges, consuétæ misericórdiæ tribue benígnus efféctum. Per Dóminum.

FERIA QUINTA

Statio ad Sanctum Apollinarem.

Introitus. Dan. 3.

OMNIA quæ fecisti nobis, Dómine, in vero júdicio fecisti : quia peccávimus tibi, et mandátis tuis non obedivimus; sed da glóriam nómini tuo, et fac nobiscum secúndum multítudinem misericórdiæ tuæ. **Ps. 118.** Beáti immaculáti in via, qui ámbulant in lege Dómini. — Omnia quæ fecisti.

Oratio.

PRÆSTA, quæsumus, omnipotens Deus : ut dignitas condiónis humanæ per immoderántiam sauciáta, medicínalis parcimóniæ stúdio reformétur. Per.

Altera Oratio, Ecclésiæ tuæ, **vel** Deus. ómnium. 1*.

Lectio Daniélis Prophætæ. Cap. 3.

In diébus illis : Orávit Azarías Dóminum, dicens : Dómine Deus noster, ne, quæsumus, tradas nos in perpétuum propter nomen tuum, et ne dissipes testaméntum tuum, neque áuferas misericórdiam tuam a nobis, propter Abraham diléctum tuum, et Isaac servum tuum, et Israel sanctum tuum, quibus locútus es, póllicens quod multiplicáres semen eórum sicut stellas cœli, et sicut arénam quæ est in littore maris : quia, Dómine, imminúti sumus plus quam omnes gentes; sumúsque húmiles in univérsa terra

hódie propter peccáta nostra. Et non est in témpore hoc princeps, et dux, et prophéta, neque holocástum, neque sacrificium, neque oblátio, neque incensum, neque locus primitiarum coram te, ut possimus invenire misericórdiam tuam; sed in ánimo contrito et spíritu humilitátis suscipiámur. Sicut in holocáusto arietum et taurorum, et sicut in millibus agnorum pinguium, sic fiat sacrificium nostrum in conspéctu tuo hódie, ut pláceat tibi: quóniam non est confúsió confidéntibus in te. Et nunc séquimur te in toto corde, et timémus te, et quærimus faciém tuam. Ne confundas nos: sed fac nobiscum juxta mansuetúdinem tuam, et secúndum multitudínem misericórdiæ tuæ. Et érue nos in mirábilibus tuis, et da glóriam nómini tuo, Dómine: et confundántur omnes qui osténdunt servis tuis mala, confundántur in omnipoténtia tua, et robur eórum conterátur: et sciant quia tu es Dóminus Deus solus, et gloriósus super orbem terrárum, Dómine Deus noster.

Graduale. Ps. 95. Tóllite hóstias, et introíte in átria ejus: adoráte Dóminum in aula sancta ejus. **ŷ. Ps. 28.** Revelábit Dóminus condénsa, et in templo ejus omnes dicent glóriam.



Sequentia sancti Evangélii secúndum Lucam. **Cap. 7.**

In illo témpore: Rogábat Jesus quídam de pharisæis ut manducáret cum illo. Et ingressus domum pharisæi, discúbuit. Et ecce múlter quæ erat in civitaté peccátrix, ut cognóvit quod accubuíssent in domo pharisæi, áttulit alabástrum unguénti, et stans retro secus pedes ejus, lácrymis cœpit rigáre pedes ejus, et capillis cápitis sui tergébat, et osculabátur pedes ejus, et unguénto ungebát. Videns autem pharisæus qui vocáverat eum, ait intra se, dicens: Hic si esset Prophéta, sciret útique quæ et qualis est múlter quæ tangit eum: quia peccátrix est. Et respóndens Jesus, dixit ad illum: Simón, hábeo tibi áliquid dicere. At ille ait: Magister, dic. Duo debitóres erant cuidam fœneratóri:

unus debébat denários quingéntos, et álius quinquaginta. Non habéntibus illis unde rédderent, donávit utrisque. Quis ergo eum plus diligit? Respóndens Simón, dixit: Æstimo quia is cui plus donávit. At ille dixit ei: Recte judicásti. Et convérsus ad mulierem, dixit Simóni: Vides hanc mulierem? Intrávi in domum tuam, aquam pédibus meis non dedisti: hæc autem lácrymis rigávit pedes meos, et capillis suis tersit. Osculum mihi non dedisti: hæc autem, ex quo intrávi, non cessávit osculári pedes meos. Oleo caput meum non unxisti: hæc autem unguénto unxit pedes meos. Propter quod dico tibi: Remittántur ei peccáta multa, quóniam diléxit multum. Cui autem minus dimittitur, minus diligit. Dixit autem ad illam: Remittántur tibi peccáta. Et cœpérunt, qui simul accumbébant, dicere intra se: Quis est hic, qui étiam peccáta dimittit? Dixit autem ad mulierem: Fides tua te salvam fecit: vade in pace.

Offertorium. Ps. 136. Super flúmina Babylónis illic sédimus, et flévimus, dum recordarémur tui, Sion.

Secreta.

DÓMINE Deus noster, qui in his pótius creatúris, quas ad fragilitátis nostræ subsidium condidisti, tuo quoque nómini múnera jussisti dicánda constitui: tribue, quæsumus, ut et vitæ nobis præsentis auxilium, et aternitátis efficiant sacraméntum. Per Dóminum.

Altera Secreta, Prótege nos, vel Oblátis. 2*.

Communio. Ps. 118. Meménto verbi tui servo tuo, Dómine, in quo mihi spem dedisti: hæc me consoláta est in humilitáte mea.

Postcommunio.

QUOD ore sumpsimus, Dómine, pura mente capiamus: et de múnere temporáli fiat nobis remédiúm sempitérnum. Per Dóminum.

Altera Postcommunio. Quæsumus, Dómine, vel Hæc nos. 2*.

Super populum. Orémus.

Humiliáte cápita vestra Deo.

Oratio.

ESTO, quæsumus, Dómine, propítius plebi tuæ : ut quæ tibi non placent respuéntes, tuórum pótius repleántur delectatióibus mandatórum. Per Dóminum.

FERIA SEXTA

*Statio ad Sanctum Stephanum
in Cælio monte.*

Introitus. Ps. 30.

MISERÉRE mihi, Dómine, quóniam tribulor : libera me, et éripe me de mánibus inimicórum meórum, et a persequéntibus me : Dómine, non confundar, quóniam invocávi te. Ps. In te, Dómine, sperávi, non confundar in ætérnum : in justitia tua libera me. — Miserére mihi.

Oratio.

CÓRDIBUS nostris, quæsumus, Dómine, grátiam tuam benígnus infúnde : ut peccáta nostra castigatióne voluntária cohibéntes, temporáliter pótius macerémur, quam supplicii deputémur ætérnis. Per Dóminum.


Altera Oratio, Ecclésiæ tuæ, **vel** Deus, ómnium. 1*.

Lectio Jeremiæ Prophætæ. Cap. 17.

IN diébus illis : Dixit Jeremías : Dómine, omnes qui te derelinquunt, confundéntur : recedéntes a te, in terra scribéntur : quóniam dereliquérunt venam aquárum vivéntium Dóminum. Sana me, Dómine, et sanabor : salvum me fac, et salvus ero : quóniam laus mea tu es. Ecce ipsi dicunt ad me : Ubi est verbum Dómini? Véniat. Et ego non sum turbátus, te pastórem sequens : et diem hóminis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formidini, spes mea tu in die afflictiónis. Confundántur qui me persequúntur, et non confundar ego : páveant illi, et non páveam ego : induc super eos diem afflictiónis, et dúplici contritióne cóntere eos, Dómine Deus noster.

Graduale. Ps. 34. Pacífice loquebántur mihi inimici mei, et in ira molésti

erant mihi. ̎. Vidisti, Dómine, ne síleas : ne discédas a me.

Tractus Dómine, non secúndum. 45.
 Sequéntia sancti Evangélíi secúndum Joánnem. Cap. 11.

IN illo témpore : Collegérunt pontífices et pharisæi concílium advérsus Jesum, et dicébant : Quid fácimus, quia hic homo multa signa facit? Si dimíttimus eum sic, omnes credent in eum : et vénient Románi, et tollent nostrum locum et gentem. Unus autem ex ipsis, Caíphas nómine, cum esset póntifex anni illíus dixit eis : Vos nescítis quidquam, nec cogitátis quia éxpedít vobis ut unus moriátur homo pro pópulo, et non tota gens péreat. Hoc autem a semetípso non dixit : sed cum esset póntifex anni illíus, prophetávit quod Jesus moritúrus erat pro gente : et non tantum pro gente, sed ut filios Dei, qui erant dispérsi, congregáret in unum. Ab illo ergo die cogitáverunt ut interficerent eum. Jesus ergo jam non in palam ambulábat apud Judæos : sed abiit in regiónem juxta désertum, in civitátem quæ dicitur Ephrem, et ibi morabátur cum discipulis suis.

Offertorium. Ps. 118. Benedictus es, Dómine : doce me justificatiónes tuas, et non tradas calumniántibus me superbis : et respondébo exprobrántibus mihi verbum.

Secreta.

PRESTA nobis, miséricors Deus, ut digne tuis servíre semper altáribus mereámur, et eórum perpétua participatióne salvári. Per Dóminum.

Altera Secreta, Prótege nos, **vel** Oblátis. 2*.

Communio. Ps. 26. Ne tradideris me, Dómine, in ánimas persequéntium me : quóniam insurrexérunt in me testes iníqui, et mentíta est iniquitas sibi.

Postcommunio.

SUMPTI sacrificii, Dómine, perpétua nos tuítio non derelinquat : et nóxia semper a nobis cuncta depéllat. Per Dóminum.

Altera Postcommunio, Quæsumus, Dómine, **vel** Hæc nos. 2*.

Super populum. Orémus.
 Humiliáte cápita vestra Deo.

Oratio.

CONCÉDE, quæsumus, omnipotens Deus: ut qui protectionis tuæ grátiam quærimus, liberáti a malis ómnibus secúra tibi mente serviámus. Per Dóminum.

SABBATO

*Statio ad Sanctum Joannem
 ante portam Latinam.*

Introitus. Ps. 30.

MISERÉRE mihi, Dómine, quóniam tribulor: libera me, et éripe me de manibus inimicórum meórum, et a persequéntibus me: Dómine, non confúndar, quóniam invocávi te. **Ps.** In te, Dómine, sperávi, non confúndar in ætérnum: in justitia tua libera me. — Miserére mihi.

Oratio.

PROFÍCIAT, quæsumus, Dómine, plebs tibi dicáta piæ devotiónis afféctu: ut sacris actiόνibus erudíta, quanto Majestáti tuæ fit grátior, tanto donis potiórius augeátur. Per Dóminum.

Altera Oratio, Ecclésiæ tuæ, vel Deus, ómnium. 1*.

Lectio Jeremíæ Prophétæ. Cap. 18.

IN diébus illis: Dixérunt impíi Judæi ad invicem: Veníte, et cogitémus contra justum cogitationes: non enim peribit lex a sacerdóte, neque consílium a sapiente, nec sermo a Prophéta: veníte, et percutiámus eum lingua, et non attendámus ad univérsos sermónes ejus. Atténde, Dómine, ad me, et audi vocem adversariórum meórum. Numquid rédditur pro bono malum, quia fodérunt foveam animæ meæ? Recordáre quod steterim in conspéctu tuo, ut lóquerer pro eis bonum, et avérterem indignatiónem tuam ab eis. Proptérea da filios eórum in famem, et deduc eos in manús gládii: fiant uxóres eórum absque liberis et víduæ, et viri eárum interficiántur morte: júvenes eórum confodiántur gládio in prælio. Audiátur clamor de dómibus eórum. Addúces enim super eos latrónem

repénte: quia fodérunt foveam, ut cáperent me, et láqueos abscondérunt pèdibus meis. Tu autem, Dómine, scis omne consílium eórum advérsum me in mortem: ne propitiéris iniquitatí eórum, et peccátum eórum a fácie tua non deleátur. Fiant corrúentes in conspéctu tuo; in témpore furóris tui abútere eis, Dómine Deus noster.

Graduale. Ps. 34. Pacífice loquebántur mihi inimíci mei, et in ira molésti erant mihi. **ŷ.** Vidisti, Dómine, ne síleas: ne discédas a me.

Sequéntia sancti Evangélíi secúndum Joánnem. Cap. 12.

IN illo témpore: Cogitavérunt príncipes sacerdotúm ut et Lázarus interficerent; quia multi propter illum abibant ex Judæis, et credébant in Jesum. In crástinum autem turba multa, quæ vénerat ad diem festum, cum audissent quia venit Jesus Jerosólymam, acceperunt ramos palmárum: et processérunt óbviam ei, et clamábant: Hosánna, benedíctus qui venit in nómine Dómini, Rex Israel. Et invénit Jesus aséllum, et sedit super eum, sicut scriptum est: Noli timére, filia Sion: ecce Rex tuus venit sedens super pullum ásinae. Hæc non cognovérunt discipuli ejus primum; sed quando glori ficátus est Jesus, tunc recordáti sunt quia hæc erant scripta de eo, et hæc fecérunt ei. Testimónium ergo perhibébat turba quæ erat cum eo quando Lázarus vocávit de monuménto, et suscitávit eum a mórtuis. Proptérea et óbviam venit ei turba: quia audiérunt eum fecisse hoc signum. Pharisei ergo dixérunt ad semetipsos: Vidétis quia nihil proficimus? Ecce mundus totus post eum abiit. Erant autem quidam gentiles, ex his qui ascénderant ut adorárent in die festo. Hi ergo accessérunt ad Philíppum, qui erat a Bethsáida Galilææ, et rogábant eum, dicéntes: Dómine, vólumus Jesum vidére. Venit Philíppus, et dicit Andréæ; Andréas rursum et Philíppus dixérunt Jesu. Jesus autem respóndit eis, dicens: Venit hora ut clarificétur Filius hóminis. Amen, amen dico vobis, nisi granum

fruménti cadens in terram mórtuūm fúerit, ipsum solum manet : si autem mórtuum fúerit, multum fructum affert. Qui amat ánimam suam, perdet eam; et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur : et ubi sum ego, illic et mínister meus erit. Si quis mihi ministráverit, honorificábit eum Pater meus. Nunc ánima mea turbáta est. Et quid dicam? Pater, salvífica me ex hac hora. Sed própterea veni in horam hanc. Pater, clarífica nomen tuum. Venit ergo vox de cœlo : Et clarificávi, et íterum clarificábo. Turba ergo quæ stabat, et audierat, dicebat tonitruum esse factum. Alii dicebant : Angelus ei locútus est. Respondit Jesus, et dixit : Non propter me hæc vox venit, sed propter vos. Nunc iudiciū est mundi : nunc princeps huius mundi ejiciétur foras. Et ego, si exaltátus fúero a terra, ómnia traham ad meípsum. (Hoc autem dicebat, significans quia morte esset moritúrus.) Respondit ei turba : Nos audívimus ex lege, quia Christus manet in ætérnum; et quómodo tu dicis : Opórtet exaltári Filium hóminis? Quis est iste Filius hóminis? Dixit ergo eis Jesus : Adhuc módicum lumen in vobis est. Ambuláte dum lucem habétis, ut non vos ténebræ comprehéndant : et qui ámbulat in ténebris, nescit quo vadat. Dum lucem habétis, crédite in lucem, ut filii lucis sitis. Hæc locútus est Jesus; et ábiit, et abscondit se ab eis.

Offertorium. Ps. 118. Benedictus es, Dómine : doce me justificatiónes tuas, et non tradas calumniántibus me supérbis : et respondébo exprobrántibus mihi verbum.

Secreta.

A CUNCTIS nos, quæsumus, Dómine, reátibus et periculis propitiátus absólve, quos tanti mystérii tribuis esse consórtes. Per Dóminum.

Altera Secreta. Prótege nos, vel Oblátis. 2*.

Communio. Ps. 26. Ne tradideris me, Dómine, in ánimas persequéntium me :

quóniam insurrexérunt in me testes iníqui, et mentíta est iniquitas sibi.

Postcommunio.

D IVINI múnemis largitáte satiáti, quæsumus, Dómine Deus noster : ut huius semper participatióne vivámus. Per Dóminum.

Altera Postcommunio. Quæsumus, Dómine, vel Hæc nos. 2*.

Super populum. Orémus.

Humiliáte cápita vestra Deo.

Oratio.

T UEÁTUR, quæsumus, Dómine, dextera tua pópulum deprecántem, et purificátum dignánter erúdiat : ut consolatióne præsénti ad futúra bona proficiat. Per Dóminum.

DOMINICA IN PALMIS

Completa Tertia, et facta aspersione aquæ more solito, Sacerdos indutus pluviali violaceo, vel sine casula, cum Ministris similiter indutis, procedit ad benedicendum ramos palmarum et olivarum, sive aliarum arborum, in medio ante Altare vel ad cornu Epistolæ positos. Et primo cantatur a Choro Antiphona :

Matth. 21.

H OSÁNNA filio David : benedictus qui venit in nómine Dómini. O Rex Israel : Hosánna in excélsis.

Deinde Sacerdos stans in cornu Epistolæ, non vertens se ad populum, dicit in tono Orationis Missæ ferialis :

Ÿ. Dóminus vobiscum. R̃. Et cum spíritu tuo.

Orémus. Oratio.

D EUS, quem diligere et amare justitia est, ineffábilis grátiae tuæ in nobis dona multiplica : et qui fecisti nos in morte Filii tui speráre quæ crédimus, fac nos, eódem resurgénte, pervenire quo téndimus. Qui tecum vivit.

Postea Subdiaconus in loco solito cantat sequentem Lectionem in tono Epistolæ, et in fine osculatur manum Sacerdotis.

Lectio libri Exodi. Cap. 15 et 16.

I N diébus illis : Venérunt filii Israel in Elim, ubi erant duódecim fontes aquárum et septuaginta palmæ : et

castrametati sunt juxta aquas. Profectique sunt de Elim, et venit omnis multitudo filiorum Israel in desertum Sin, quod est inter Elim et Sinai : quinto-decimo die mensis secundi, postquam egressi sunt de terra Ægypti. Et murmuravit omnis congregatio filiorum Israel contra Moysen et Aaron in solitudine. Dixeruntque filii Israel ad eos : Utinam mortui essemus per manum Domini in terra Ægypti, quando sedebamus super ollas carnium, et comedebamus panem in saturitate ! Cur eduxisti nos in desertum istud, ut occideretis omnem multitudinem fame ? Dixit autem Dominus ad Moysen : Ecce ego pluviam vobis panes de celo. Egrediatur populus, et colligat quæ sufficiunt per singulos dies, ut tentem eum, utrum ambulet in lege mea, an non. Die autem sexto parent quod inferant, et sit duplum quam colligere solebant per singulos dies. Dixeruntque Moyses et Aaron ad omnes filios Israel : Vespere sciatis quod Dominus eduxerit vos de terra Ægypti, et mane videbitis gloriam Domini.


Deinde cantatur pro Graduali *ñ*. Joan.

11. Collegérunt pontifices et pharisæi concilium, et dixerunt : Quid facimus, quia hic homo multa signa facit ? Si dimittimus eum sic, omnes credent in eum : * Et venient Romani, et tollent nostrum locum et gentem. *ŷ*. Unus autem ex illis, Caïphas nomine, cum esset pontifex anni illius, prophetavit, dicens : Expedi vobis ut unus moriatur homo pro populo, et non tota gens pereat. Ab illo ergo die cogitaverunt interficere eum, dicentes. * Et venient Romani.

Vel aliud *ñ*. Matth. 26. In monte Oliveti oravit ad Patrem : Pater, si fieri potest, transeat a me calix iste. * Spiritus quidem promptus est, caro autem infirma : fiat voluntas tua. *ŷ*. Vigilate et orate, ut non intratis in tentationem. * Spiritus quidem.

Interim, dum cantatur *ñ*., Diaconus ponit librum Evangeliorum super Altare, et Sacerdos, ministrante Diacono

naviculam, ponit incensum in thuribulo. Deinde Diaconus dicit Munda cor meum, accipit librum de Altari, petit benedictionem a Sacerdote ; postea, Subdiacono librum tenente, medius inter duos Acolythos tenentes candelabra accensa, signat librum, incensat, et cantat Evangelium, ut infra, more consueto : quo finito, Subdiaconus defert librum osculandum Sacerdoti, qui et incensatur a Diacono.


 Sequentia sancti Evangelii secundum Matthæum. Cap. 21.

In illo tempore : Cum appropinquasset Jesus Jerosolymis, et venisset Bethphage ad montem Oliveti, tunc misit duos discipulos suos, dicens eis : Ite in castellum quod contra vos est, et statim inveniatis asinam alligatam, et pullum cum ea ; solvite, et adducite mihi : et si quis vobis aliquid dixerit, dicite quia Dominus his opus habet ; et confestim dimittet eos. Hoc autem totum factum est ut adimpleretur quod dictum est per Prophetam, dicentem : Dicite filiae Sion : Ecce Rex tuus venit tibi mansuetus, sedens super asinam et pullum filium subjugalis. Euntes autem discipuli, fecerunt sicut præcepit illis Jesus. Et adduxerunt asinam et pullum, et imposuerunt super eos vestimenta sua, et eum desuper sedere fecerunt. Plurima autem turba straverunt vestimenta sua in via : alii autem cædebant ramos de arboribus, et sternebant in via : turbæ autem quæ præcedebant, et quæ sequebantur, clamabant, dicentes : Hosanna filio David : benedictus qui venit in nomine Domini.

Post hæc benedicuntur rami. Sacerdos, stans in eodem cornu Epistolæ, dicit in tono Orationis ferialis :










ŷ. Dominus vobiscum. *ñ*. Et cum spiritu tuo.

Orémus. Oratio.

Auge fidem in te sperantium, Deus, et supplicum preces clementer exaudi : veniat super nos multiplex misericordia tua : bene  dicantur et hi palmites palmarum, seu olivarum : et sicut in figura

Ecclésiæ multiplicasti Noe egrediéntem
de arca, et Móysen exeúntem de Ægypto
cum filiis Israel; ita nos portántes palmas
et ramos olivárum, bonis áctibus occur-

rámus óbviám Christo, et per ipsum in
gáudium introeámus ætérnum. Qui te-
cum vivit et regnat in unitáte Spíritus
sancti Deus :





coram régibus et po-testá-tibus hujus sæcu-li libera voce confiténtur.



Cu-i assistant Ange-li et Archánge-li, Thro-ni et Domina-ti-ónes :



cumque omni mi-li-ti-a cœ-léstis exérci-tus, hymnum gló-ri-æ tu-æ



cóncinunt, sine fine dicétes.

Et cantatur Sanctus a Choro.

Sanctus, Sanctus, Sanctus, Dóminus Deus sábaoth. Pleni sunt cœli et terra glória tua : Hosánna in excélsis. Benedíctus qui venit in nómine Dómini : Hosánna in excélsis.

Sequitur 7. Dóminus vobíscum. 7. Et cum spíritu tuo.

Orémus. Oratio.

PÉTIMUS, Dómine sancte, Pater omnípotens, ætérne Deus, ut hanc creatúram olivæ, quam ex ligni matéria prodire jussisti, quamque colúmba rediens ad arcam próprio pertulit ore, bene ✠ dicere et sancti ✠ ficare digneris : ut quicumque ex ea receperint, accipiant sibi protectiónem animæ et corpóris; fiatque, Dómine, nostræ salutis remédium, tuæ grátie sacraméntum. Per Dóminum.

7. Amen.

Orémus.

DEUS, qui dispérsa cóngregas, et cóngregata consérvas; qui pópulis óbviam Jesu ramos portántibus benedixisti : béne ✠ dic étiam hos ramos palmæ et olivæ, quos tui fámuli ad honórem nóminis tui fidéliter suscépiunt; ut in quemcúmque locum introducti fuerint,

tuam benedictiónem habitatóres loci illius consequántur, et omni adversitaté effugata, dextera tua prótegat quos redémit Jesus Christus Filius tuus Dóminus noster. Qui tecum vivit. 7. Amen.

Orémus.

DEUS, qui miro dispositiónis órdine, ex rebus étiam insensibilibus dispensatióem nostræ salutis osténdere voluisti : da, quæsumus; ut devóta tuórum corda fidélium salúbriter intélligant quid mystice designet in facto, quod hódie cœlesti lúmine afflata, Redemptóri óbviam procedens, palmárum atque olivárum ramos vestigiis ejus turba substrávit. Palmárum igitur rami de mortis príncipe triúmphos expéctant : sírculi vero olivárum spirituálem unctiόnem advenisse quodámmodo clamant. Intellexit enim jam tunc illa hóminum beáta multitúdo præfigurári quia Redemptor noster, humanis cóndolens misériis, pro totius mundi vita cum mortis príncipe esset pugnatúrus, ac moriéndó triumphatúrus. Et ideo tália óbsequens ministrávit, quæ in illo et triúmphos victóriæ, et misericórdiæ pinguédinem declararent. Quod nos quoque plena fide, et factum, et significátum retinétes,

te, Dómine sancte, Pater omnipotens, ætérne Deus, per eúndem Dóminum nostrum Jesum Christum suppliciter exorámus : ut in ipso, atque per ipsum, cujus nos membra fieri voluisti, de mortis império victóriam reportántes, ipsíus gloriósæ resurrectiόνis partícipes esse mereámur. Qui tecum vivit.

ñ. Amen.

Orémus.

DEUS, qui per olivæ ramum pacem terris columbam nuntiáre jussisti : præsta, quæsumus ; ut hos olivæ cæterarúmque árborum ramos cœlésti bene **✠** dictiône sanctifices ; ut cuncto pópulo tuo proficiant ad salútem. Per Christum Dóminum nostrum. ñ. Amen.

Orémus.

BÉNE **✠** DIC, quæsumus, Dómine, hos palmárum seu olivárum ramos : et præsta ; ut quod pópulus tuus in tui veneratióne hodiérna die corporáliter agit, hoc spirituáliter summa devotiône perficiat, de hoste victóriam reportándo, et opus misericórdiæ summóperè diligéndo. Per Dóminum. ñ. Amen.

Hic Celebrans ponit incensum in thuribulum, deinde ter aspergit ramos aqua benedicta, dicendo Antiphonam. Asperges me, sine cantu et sine Psalmo ; et ter adolet incenso. Postea dicit :

ŷ. Dóminus vobíscum. ñ. Et cum spírítu tuo.

Orémus.

DEUS, qui Filium tuum Jesum Christum Dóminum nostrum pro salúte nostra in hunc mundum misisti, ut se humiliáret ad nos, et nos revocáret ad te : cui étiam, dum Jerúsalem veníret ut adimplérét Scriptúras, credentium populórum turba fidelíssima devotiône vestiménta sua cum ramis palmárum in via sternébant : præsta, quæsumus ; ut illi fidei viam præparémus, de qua, remóto lápide offensióis et petra scándali, fróndeant apud te ópera nostra justítiæ ramis, ut ejus vestigia sequi mereámur. Qui tecum vivit. ñ. Amen.

Completa benedictione, dignior ex Clero accedit ad Altare, et dat ramum benedi-

ctum Celebranti, qui non genuflectit, nec osculatur manum dantis. Postea Celebrans, stans ante Altare versus ad populum, distribuit ramos, primum digniori, a quo ipse accepit, deinde Diacono et Subdiacono paratis, et aliis Clericis singulatim per ordinem, ultimo laicis ; omnibus genuflectentibus, et ramum ac manum Celebrantis osculantibus, exceptis Prælatís, si adsint. Et cum incæperit distribuere, a Choro cantantur sequentes Antiphonæ : **P**ÚERI Hebræórum portántes ramos olivárum, obviavérunt Dómino, clamántes et dicéntes : Hosánna in excélsis.

Alia Antiphona. Púeri Hebræórum vestiménta prosternébant in via, et clamábant, dicéntes : Hosánna filio David : benedictus qui venit in nómine Dómini.

Quæ si non sufficiant, repetantur quousque ramorum distributio finiatur.

Deinde Sacerdos dicit :

ŷ. Dóminus vobíscum. ñ. Et cum spírítu tuo.

Orémus.

OMNÍPOTENS sempitérne Deus, qui Dóminum nostrum Jesum Christum super pullum ásinæ sedére fecisti, et turbas populórum vestiménta vel ramos árborum in via stérnere, et Hosánna decantáre in laudem ipsíus docuisti : da, quæsumus ; ut illórum innocéntiam imitári possimus, et eórum méritum cónsequi mereámur. Per eúndem Christum Dóminum nostrum.

ñ. Amen.

Postea fit Processio. Et primo Celebrans imponit incensum in thuribulum, et Diaconus vertens se ad populum, dicit : Procedámus in pace.

Et Chorus respondet : In nómine Christi. Amen.

Præcedit thuriferarius cum thuribulo fumigante ; deinde Subdiaconus paratus, deferens crucem, medius inter duos Acolythos cum candelabris accensis ; sequitur Clerus per ordinem, ultimo Celebrans cum Diacono a sinistris, omnes cum ramis in manibus ; et cantantur sequentes Antiphonæ, vel omnes, vel aliquæ, quousque durat Processio.

Antiphona. Matth. 21. Cum appropinquáret Dóminus Jerosólymam, misit duos ex discipulis suis, dicens : Ite in castéllum quod contra vos est : et inveniétis pullum ásinæ alligátum, super quem nullus hóminum sedit : sólvite, et addúcite mihi. Si quis vos interrogáverit, dicite : Opus Dómino est. Solvéntes adduxérunt ad Jesum : et imposuérunt illi vestiménta sua, et sedit super eum : álíi expandébant vestiménta sua in via : álíi ramos de arbóribus sternébant : et qui sequebántur, clamábant : Hosánna, benedictus qui venit in nómine Dómini : benedictum regnum patris nostri David : Hosánna in excélsis : miserére nobis, fili David.

Alia Antiphona. Joan. 12. Cum audisset pópulus quia Jesus venit Jerosólymam, acceperunt ramos palmárum, et exiérunt ei óbvia, et clamábant púeri, dicéntes : Hic est qui ventúrus est in salútem pópuli. Hic est salus nostra, et redemptio Israel. Quantus est iste, cui Throni et Dominationes occurrunt? Noli timére, filia Sion : ecce Rex tuus venit tibi, sedens super pullum ásinæ, sicut scriptum est. Salve, Rex fabricátor mundi, qui venísti redímere nos.

Alia Antiphona. Ante sex dies solémnis Paschæ, quando venit Dóminus in civitátem Jerúsalem, occurrérunt ei púeri : et in mánibus portábant ramos palmárum, et clamábant voce magna, dicéntes : Hosánna in excélsis : benedictus qui venisti in multitudíne misericórdiæ tuæ : Hosánna in excélsis.

Alia Antiphona. Occurrunt turbæ cum floribus et palmis Redemptóri óbvia, et victóri triumphánti digna dant obséquia : Filium Dei ore gentes prædicant, et in laudem Christi voces tonant per núbila : Hosánna in excélsis.

Alia Antiphona. Cum Angelis et púeris fidéles inveniámur, triumphatóri mortis clamántes : Hosánna in excélsis.

Alia Antiphona. Turba multa quæ convénierat ad diem festum, clamábat Dómino : Benedictus qui venit in nómine Dómini : Hosánna in excélsis.

¶ In reversione Processionis, duo vel quatuor cantores intrant in ecclesiam. et clauso ostio, stantes versa facie ad Processionem, incipiunt ȳ. Glória, laus, et decantant duos primos versus. Sacerdos vero cum aliis extra ecclesiam repetit eosdem. Deinde qui sunt intus cantant alios versus sequentes, vel omnes, vel partem, prout videbitur; et qui sunt extra, ad quoslibet duos versus respondent : Glória, laus, sicut a principio ȳ.

GLÓRIA, laus et honor tibi sit, Rex, Christe Redemptor :

Cui puerile decus prompsit Hosánna pium.

Ȳ. Glória, laus, etc.

Israel es tu Rex, Davidis et inclyta proles,

Nómine qui in Dómini, Rex benedícte, venis.

Ȳ. Glória, laus, etc.

Cœtus in excélsis te laudat cœlicus omnis,

Et mortális homo, et cuncta creáta simul.

Ȳ. Glória, laus, etc.

Plebs Hebræa tibi cum palmis óbvia venit :

Cum prece, voto, hymnis, ádsumus ecce tibi.

Ȳ. Glória, laus, etc.

Hi tibi passúro solvébant múnia laudis :

Nos tibi reguánti pángimus ecce melos.

Ȳ. Glória, laus, etc.

Hi placuére tibi, pláceat devótio nostra,

Rex bone, Rex clemens, cui bona cuncta placent.

Ȳ. Glória, laus, etc.

Postea Subdiaconus hastili Crucis percutit portam, quæ statim aperta, Processio intrat in ecclesiam cantando Ȳ.

INGREDIÉnte Dómino in sanctam civitátem, Hebræórum púeri resurrectionem vitæ pronuntiántes, * Cum ramis palmárum : Hosánna, clamábant, in excélsis. ȳ. Cum audisset pópulus quod

Jesus veníret Jerosólymam, exiérunt óbviám ei. * Cum ramis.

Et non dicitur Glória Patri.

Deinde celebratur Missa, et rami tenentur in manibus dum cantatur Passio et Evangelium tantum.

Statio ad Sanctum Joannem in Laterano.

Introitus. Ps. 21.

DÓMINE, ne longe fácias auxilium tuum a me : ad defensiónem meam aspice : libera me de ore leónis, et a cónibus unicórnium humilitátem meam. Ps. Deus, Deus meus, respice in me : quare me dereliquisti? longe a salute mea verba delictórum meórum. — Dómine, ne longe fácias.

Oratio.

OMNÍPOTENS sempitérne Deus, qui humano géneri, ad imitándum humilitátis exéplum, Salvatórem nostrum carnem súmere et crucem subíre fecisti : concéde propítius; ut et patiéntiæ ipsius habére documénta, et resurrectiónis consórtia mereámur. Per eúndem.

Et hæc Oratio tantum dicitur.

Lectio Epistolæ beáti Pauli Apóstoli ad Philippéenses. Cap. 2.

FRATRES, Hoc enim sentíte in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum, et donávit illi nomen quod est super omne nomen : (Hic genuflectitur) ut in nómine Jesu omne genu flectátur, cœléstium, terréstrium et infernórum : et omnis lingua confiteátur quia Dóminus Jesus Christus in glória est Dei Patris.

Graduale. Ps. 72. Tenuísti manum dexteram meam, et in voluntáte tua deduxísti me, et cum glória assumpsisti me. ⁊. Quam bonus Israel Deus rectis corde! Mei autem pene moti sunt pedes,

pene effúsi sunt gressus mei : quia zelávi in peccatóribus, pacem peccatórum videns.

Tractus. Ps. 21. Deus, Deus meus, respice in me : quare me dereliquísti? ⁊. Longe a salute mea verba delictórum meórum. ⁊. Deus meus, clamábo per diem, nec exáudies : in nocte, et non ad insipiéntiam mihi. ⁊. Tu autem in sancto hábitas, Laus Israel. ⁊. In te speravérunt patres nostri : speravérunt, et liberásti eos. ⁊. Ad te clamavérunt, et salvi facti sunt : in te speravérunt, et non sunt confúsi. ⁊. Ego autem sum vermis, et non homo : oppróbrium hóminum, et abjéctio plebis. ⁊. Omnes qui vidébant me, aspernabántur me : locúti sunt lábiis, et movérunt caput. ⁊. Sperávit in Dómino, erípiat eum : salvum faciat eum, quóniam vult eum. ⁊. Ipsi vero consideravérunt et conspexérunt me : divisérunt sibi vestiménta mea, et super vestem meam misérunt sortem. ⁊. Libera me de ore leónis, et a cónibus unicórnium humilitátem meam. ⁊. Qui timétis Dóminum, laudáte eum : univérsum semen Jacob, magnificáte eum. ⁊. Annuntiábitur Dómino generatio ventúra, et annuntiábunt cœli justitiam ejus. ⁊. Pópulo qui nascétur, quem fecit Dóminus.

¶ Passio Domini incipitur absolute : non dicitur Munda cor meum, non petitur benedictio, non deferuntur luminaria, nec incensum : non dicitur Dóminus vobiscum, nec respondetur Glória tibi, Dómine : et Celebrans, seu Diaconus, dum pronuntiat Pássio Dómini nostri, non signat librum neque seípsum. Quod et in aliis diebus servatur quando legitur Passio.

Pássio Dómini nostri Jesu Christi secúndum Matthæum. Cap. 26 et 27.

IN illo témpore : Dixit Jesus discipulis suis : ✠ Scitis quia post bídium Pascha fiet, et Filius hóminis tradétur ut crucifigátur. C. Tunc congregáti sunt príncipes sacerdotum et senióres pópuli in átrium príncipis sacerdotum, qui dicebátur Caíphas : et consilium fecérunt ut Jesum dolo tenérent, et

occiderent. Dicébant autem : S. Non in die festo, ne forte tumultus fieret in pópulo. C. Cum autem Jesus esset in Bethánia, in domo Simónis leprósi, accessit ad eum mülter habens alabástrum unguénti pretiósi, et effudit super caput ipsíus recumbéntis. Vidéntes autem discipuli, indignáti sunt, dicéntes : S. Ut quid perditio hæc? pó-tuit enim istud venúndari multo, et dari paupéribus. C. Sciens autem Jesus, ait illis : ✠ Quid molésti estis huic mulieri? opus enim bonum operáta est in me. Nam semper páuperes habétis vobíscum, me autem non semper habétis. Mittens enim hæc unguéntum hoc in corpus meum, ad sepeliéndum me fecit. Amen dico vobis, ubicúmque prædicátum fúerit hoc Evangélium in toto mundo, dicétur et quod hæc fecit in memoriám ejus. C. Tunc ábiit unus de Duódecim, qui dicebátur Judas Is-caríotes, ad príncipes sacerdotum, et ait illis : S. Quid vultis mihi dare, et ego vobis eum tradam? C. At illi constitúerunt ei triginta argénteos. Et exínde quærébat oportunitátem, ut eum tráderet. Prima autem die Azy-mórum, accessérunt discipuli ad Jesum, dicéntes : S. Ubi vis parémus tibi comédere Pascha? C. At Jesus dixit : ✠ Ite in civitátem ad quemdam, et dicite ei : Magister dicit : Tempus meum prope est, apud te fácio Pascha cum discipulis meis. C. Et fecérunt discipuli sicut constituit illis Jesus, et paravérunt Pascha. Véspere autem facto, discumbébat cum duódecim discipulis suis. Et edéntibus illis, dixit : ✠ Amen dico vobis, quia unus vestrum me traditúrus est. C. Et contristáti valde, cœpérunt singuli dicere : S. Numquid ego sum, Dómine? C. At ipse respóndens, ait : ✠ Qui íngitit mecum manum in parópside, hic me tradet. Filius quidem hómínis vadit, sicut scriptum est de illo : væ autem hómíni illi per quem Filius hómínis tradétur : bonum erat ei, si natus non fuisset homo ille. C. Respóndens autem Judas, qui tradi-

dit eum, dixit : S. Numquid ego sum, Rabbi? C. Ait illi : ✠ Tu dixisti. C. Cœnántibus autem eis, accépit Jesus panem, et benedíxit, ac fregit, dedit-que discipulis suis, et ait : ✠ Accípite, et comédite : Hoc est corpus meum. C. Et accípiens cálicem, grátias egit, et dedit illis, dicens : ✠ Bibite ex hoc omnes : Hic est enim sanguis meus novi Testaménti, qui pro multis effundétur in remissionem peccatórum. Dico autem vobis : Non bibam ámodo de hoc genimine vitis, usque in diem illum, cum illud bibam vobíscum novum in regno Patris mei. C. Et hymno dicto, exiérunt in montem Olivéti. Tunc dicit illis Jesus : ✠ Omnes vos scándalum patiémíni in me in ista nocte. Scriptum est enim : Percútiam pastórem, et dispergéntur oves gregis. Postquam autem resurréxero, præcedam vos in Galilæam. C. Respóndens autem Petrus, ait illi : S. Et si omnes scandalizáti fúerint in te, ego numquam scandalizábor. C. Ait illi Jesus : ✠ Amen dico tibi, quia in hac nocte, ántequam gallus cantet, ter me negábis. C. Ait illi Petrus : S. Etiámsi oportúerit me mori tecum, non te negábo. C. Simíliter et omnes discipuli dixerunt. Tunc venit Jesus cum illis in villam quæ dicitur Gethsémani, et dixit discipulis suis : ✠ Sedéte hic, donec vadam illuc, et orem. C. Et assumpto Petro, et duóbus filiis Zebedæi, cœpit contristári et mœstus esse. Tunc ait illis : ✠ Tristis est ánima mea usque ad mortem ; sustinéte hic, et vigiláte mecum. C. Et progréssus pusillum, prócidit in faciém suam, orans et dicens : ✠ Pater mi, si possíbile est, tráseat a me calix iste. Verúntamen non sicut ego volo, sed sicut tu. C. Et venit ad discipulos suos, et invénit eos dormiéntes : et dicit Petro : ✠ Sic non potúistis una hora vigiláre mecum? Vigiláde et oráte, ut non intrétis in tentatió-nem. Spíritus quidem promptus est, caro autem infirma. C. Íterum secúndo ábiit, et orávit, dicens : ✠ Pater mi, si non potest hic calix transíre, nisi bibam

illum, fiat volúntas tua. **C.** Et venit iterum, et invénit eos dormiéntes : erant enim óculi eórum graváti. Et relictis illis, iterum ábiit, et orávit tértio, eúndem sermónem dicens. Tunc venit ad discipulos suos, et dicit illis : **✠** Dormíte jam, et requiescite; ecce appropinquávit hora, et Filius hóminis tradétur in manus peccatórum. Súrgite, eámus : ecce appropinquávit qui me tradet. **C.** Adhuc eo loquente, ecce Judas, unus de Duódecim, venit, et cum eo turba multa cum gládiis et fústibus, missi a princípibus sacerdotum et senióribus pópuli. Qui autem trádidit eum, dedit illis signum, dicens : **S.** Quemcúmque osculátus fuero, ipse est : tenéte eum. **C.** Et conféstim accédens ad Jesum, dixit : **S.** Ave, Rabbi. **C.** Et osculátus est eum. Dixitque illi Jesus : **✠** Amice, ad quid venisti? **C.** Tunc accesserunt, et manus injecerunt in Jesum, et tenuérunt eum. Et ecce unus ex his qui erant cum Jesu, exténdens manum, exémit gládium suum, et percútiens servum principis sacerdotum, amputávit aurículam ejus. Tunc ait illi Jesus : **✠** Convérte gládium tuum in locum suum. Omnes enim qui accéperint gládium, gládio peribunt. An putas quia non possum rogáre Patrem meum, et exhibébit mihi modo plus quam duódecim legiões Angelórum? Quómodo ergo implebúntur Scriptúræ, quia sic opórtet fieri? **C.** In illa hora dixit Jesus turbis : **✠** Tamquam ad latrónem exístis cum gládiis et fústibus comprehéndere me : quotidie apud vos sedébam docens in templo, et non me tenuístis. **C.** Hoc autem totum factum est, ut adimpleréntur Scriptúræ Prophetárum. Tunc discipuli omnes, relicto eo, fugérunt. At illi, tenéntes Jesum, duxérunt ad Cáipham príncipem sacerdotum, ubi scribæ et seniores convéniant. Petrus autem sequebátur eum a longe, usque in átrium principis sacerdotum. Et ingressus intro, sedébat cum ministris, ut vidéret finem. Príncipes autem sacerdotum et omne concílium querébant

falsum testimónium contra Jesum, ut eum morti tráderent : et non invenérunt, cum multi falsi testes accessissent. Novíssime autem venérunt duo falsi testes, et dixerunt : **S.** Hic dixit : Possum destrúere templum Dei, et post trídium reádificáre illud. **C.** Et surgens princeps sacerdotum ait illi : **S.** Nihil respóndes ad ea quæ isti advérsum te testificántur? **C.** Jesus autem tacébat. Et princeps sacerdotum ait illi : **S.** Adjúro te per Deum vivum, ut dicas nobis si tu es Christus Filius Dei. **C.** Dicit illi Jesus : **✠** Tu dixisti. Verúntamen dico vobis, ámodo vidébitis Filium hóminis sedéntem a dextris virtútis Dei, et veniéntem in núbibus cœli. **C.** Tunc princeps sacerdotum scidit vestiménta sua, dicens : **S.** Blasphemávit : quid adhuc egémus téstibus? Ecce nunc audistis blasphemíam : quid vobis vidétur? **C.** At illi respondéntes, dixerunt : **S.** Reus est mortis. **C.** Tunc expuérunt in faciém ejus, et cólaphis eum cecidérunt; álíi autem palmas in faciém ejus dedérunt, dicéntes : **S.** Prophetíza nobis, Christe, quis est qui te percússit? **C.** Petrus vero sedébat foris in átrio : et accéssit ad eum una ancilla, dicens : **S.** Et tu cum Jesu Galilæo eras. **C.** At ille negávit coram ómnibus, dicens : **S.** Nescio quid dicis. **C.** Exeúnte autem illo jánuam, vidit eum ália ancilla, et ait his qui erant ibi : **S.** Et hic erat cum Jesu Nazaréno. **C.** Et iterum negávit cum juraménto : Quia non novi hóminem. Et post pusillum accesserunt qui stabant, et dixerunt Petro : **S.** Vere et tu ex illis es : nam et loquéla tua manifestum te facit. **C.** Tunc cœpít detestári et juráre quia non novisset hóminem. Et continuo gallus cantávit. Et recordátus est Petrus verbi Jesu, quod dixerat : Priúsquam gallus cantet, ter me negábis. Et egréssus foras, flevit amáre. Mane autem facto, consílium iniérunt omnes príncipes sacerdotum et seniores pópuli advérsus Jesum, ut eum morti tráderent. Et vinctum adduxérunt eum, et tradidérunt

runt Póntio Piláto præsidi. Tunc videns Judas, qui eum trádidit, quod damnátus esset, peniténtia ductus, rétulit triginta argénteos princípibus sacerdotum et senióribus, dicens : S. Peccávi, tradens sánguinem justum. C. At illi dixerunt : S. Quid ad nos? Tu videris. C. Et pro-jéctis argénteis in templo, recéssit : et ábiens, láqueo se suspéndit. Prín-cipes autem sacerdotum, accéptis argénteis, dixerunt : S. Non licet eos mittere in córbonam, quia prétium sán-guinis est. C. Consílio autem ínito, emérunt ex illis agrum figuli, in se-pultúram peregrinórum. Propter hoc vocátus est ager ille Hacéldama, hoc est Ager sánguinis, usque in hodiérnum diem. Tunc implétum est quod dictum est per Jeremíam Prophétam, dicén-tem : Et acceperunt triginta argénteos prétium appetiáti, quem appetiavérunt a filiis Israel : et dedérunt eos in agrum figuli, sicut autem constitui mihi Dó-minus. Jesus autem stetit ante præs-dem, et interrogávit eum præs, dicens : S. Tu es Rex Judæórum? C. Dicit illi Jesus : ✠ Tu dicis. C. Et cum accusarétur a princípibus sacer-dotum et senióribus, nihil respóndit. Tunc dicit illi Pilátus : S. Non audis quanta advérsus te dicunt testimónia? C. Et non respóndit ei ad ullum ver-bum, ita ut mirarétur præs vehemén-ter. Per diem autem solénnem consuérat præs pópulo dimittere unum vinctum, quem voluissent. Habébat autem tunc vinctum insignem, qui dicebátur Barábbas. Congregátis ergo il-lis, dixit Pilátus : S. Quem vultis di-mittam vobis : Barábbam, an Jesum, qui dicitur Christus? C. Sciébat enim quod per invidiam tradidissent eum. Sedénte autem illo pro tribunáli, misit ad eum uxor ejus, dicens : S. Nihil tibi et justo illi : multa enim passa sum hódie per visum propter eum. C. Prín-cipes autem sacerdotum et senióres persuasérunt pópulis ut péterent Barábbam, Jesum vero pérderent. Re-spóndens autem præs, ait illis :

S. Quem vultis vobis de duóbus di-mitti? C. At illi dixerunt : S. Barábbam. C. Dicit illis Pilátus : S. Quid igitur faciám de Jesu, qui dicitur Christus? C. Dicunt omnes : S. Crucifigátur. C. Ait illis præs : S. Quid enim mali fecit? C. At illi magis clamábant, dicéntes : S. Crucifigátur. C. Videns autem Pilátus quia nihil proficeret, sed magis tumultus fieret, accépta aqua, lavit manus coram pópulo, dicens : S. Innocens ego sum a ságuine justí hujus; vos vidéritis. C. Et respóndens univér-sus pópulus, dixit : S. Sanguis ejus super nos, et super filios nostros. C. Tunc dimisit illis Barábbam : Jesum autem flagellátum trádidit eis, ut crucifigerétur. Tunc milites præsidis sus-cipiéntes Jesum in prætórium, congregavérunt ad eum univérsam cohórtem : et exuéntes eum, chlámydem coccíneam circumdedérunt ei : et plecténtes corónam de spinis, posuérunt super caput ejus, et arúndinem in dextera ejus. Et genu flexo ante eum, illudébant ei, dicéntes : S. Ave, Rex Judæórum. C. Et expuéntes in eum, acceperunt arúndinem, et percutiébant caput ejus. Et postquam illusérunt ei, exuérunt eum chlámyde, et induérunt eum vestiméntis ejus, et duxérunt eum ut crucifigerent. Exeúntes autem invenérunt hómínem Cyrenæum, nómine Simónem; hunc angariavérunt ut tólleret crucem ejus. Et venérunt in locum qui dicitur Gólgotha, quod est Calváriæ locus. Et dedérunt ei vinum bíbere cum felle mixtum. Et cum gustásset, nóluit bibere. Postquam autem crucifixerunt eum, divisérunt vestiménta ejus, sortem mitténtes : ut implerétur quod dictum est per Prophétam dicén-tem : Divisérunt sibi vestiménta mea, et super vestem meam misérunt sortem. Et sedéntes, servábant eum. Et imposuérunt super caput ejus causam ipsíus scriptam : Hic est Jesus Rex Judæórum. Tunc crucifixi sunt cum eo duo latrónes : unus a dextris, et unus a sinistris. Prætereúntes autem blas-

phemabant eum, movéntes cápita sua, et dicéntes : S. Vah qui détruis templum Dei, et in triduo illud reædificas : salva temetípsum. Si Filius Dei es, descénde de cruce. C. Similiter et príncipes sacerdotúm illudéntes cum scribis et senióribus, dicébant : S. Alios salvos fecit, seípsum non potest salvum fácere. Si Rex Israel est, descéndat nunc de cruce, et crédimus ei; confidit in Deo : liberet nunc, si vult, eum : dixit enim : Quia Filius Dei sum. C. Idípsum autem et latrónes qui crucifixi erant cum eo, impropérabant ei. A sexta autem hora ténebræ factæ sunt super univérsam terram usque ad horam nonam. Et circa horam nonam clamávit Jesus voce magna, dicens : ✠ Eli, Eli, lamma sabactháni? C. Hoc est : ✠ Deus meus, Deus meus, ut quid dereliquisti me? C. Quidam autem illic stantes, et audiéntes, dicébant : S. Eliam vocat iste. C. Et continuo currens unus ex eis, accéptam spóngiam implévit acéto, et impósuit arúndini, et dabat ei bibere. Cæteri vero dicébant : S. Sine, videámus an véniat Eliás liberans eum. C. Jesus autem íterum clamans voce magna, emisit spíritum.

Hic genuflectitur, et pausat aliquantulum.

Et ecce velum templi scissum est in duas partes, a summo usque deórsum : et terra mota est, et petræ scissæ sunt, et monuménta apérta sunt, et multa córpora sanctórum, qui dormierant, surrexérunt. Et exeúntes de monuméntis post resurrectionem ejus, venérunt in sanctam civitátem, et apparuérent multis. Centúrio autem, et qui cum eo erant, custodiéntes Jesum, viso terramótu, et his quæ fiébant, timuérunt valde, dicéntes : S. Vere Filius Dei erat iste. C. Erant autem ibi mulieres multæ a longe, quæ secútæ erant Jesum a Galilæa, ministrántes ei : inter quas erat María Magdaléne, et María Jacóbi, et Joseph mater, et mater filiórum Zebedæi. Cum autem sero factum esset, venit quidam homo dives ab Arimathæa, nómine Joseph, qui

et ipse discípulus erat Jesu. Hic accéssit ad Pilátum, et pétiiit corpus Jesu. Tunc Pilátus jussit reddi corpus. Et accépto corpore, Joseph invólvit illud in síndone munda. Et pósuit illud in monuménto suo novo, quod excciderat in petra. Et advólvit saxum magnum ad óstium monuménti, et ábiit. Erat autem ibi María Magdaléne, et áltera María, sedéntes contra sepúlcrum.

Hic dicitur Munda cor meum, petitur benedictio, defertur incensum sine luminaribus, et incensatur libèr : non dicitur Dóminus vobíscum, et Celebrans, aut Diaconus, non signat librum neque seípsum : et quod sequitur, cantatur in tono Evangelii : in cujus fine Celebrans osculatur librum, et incensatur. Quæ omnia et in aliis Passionibus servantur, præterquam Feria VI in Parasceve.

ALTERA autem die, quæ est post Parasceven, convenérunt príncipes sacerdotúm et pharisæi ad Pilátum, dicéntes : Dómine, recordáti sumus quia sedúctor ille dixit, adhuc vivens : Post tres dies resúrgam. Jube ergo custodiri sepúlcrum usque in diem tértium; ne forte véniant discípuli ejus, et furéntur eum, et dicant plebi : Surrexít a mórtuis. Et erit novíssimus error pejor prióre. Ait illis Pilátus : Habétis custodiam : ite, custodíte sicut scitis. Illi autem abeúntes, muniérunt sepúlcrum, signántes lápidem, cum custódis. Credo.

Offertorium. Ps. 68. Improperium expectávit cor meum, et misériam : et sustinui qui simul mecum constristáretur, et non fuit : consolántem me quæsi, et non invéni : et dedérunt in escam meam fel, et in siti mea potavérunt me acéto.

Secreta.

CONCÉDE, quæsumus, Dómine, ut óculis tuæ Majestátis munus oblátum, et grátiam nobis devotiónis obtíneat, et effectum beátæ perennitátis acquirat. Per Dóminum.

Communio. Matth. 26. Pater, si non potest hic calix transíre, nisi bibam illum, fiat volúntas tua.

Postcommunio.

PER hujus, Dómine, operatiónem mystérii, et vitia nostra purgéntur, et justa desidéria compleántur. Per.

In Missis privatis legitur in fine Evangelium Cum appropinquasset, ut supra, in benedictione Palmarum. 98.

FERIA SECUNDA

MAJORIS HEBDOMADÆ

Statio ad Sanctam Praxedem.

Introitus. Ps. 34.

JÚDICA, Dómine, nocéntes me, expúgna impugnántes me : apprehénde arma et scutum, et exsúrge in adiutoriúm meum, Dómine virtus salútis meæ. Ps. Effúnde frámeam, et conclúde advérsus eos qui persequúntur me : dic ánimæ meæ : Salus tua ego sum. — Júdica, Dómine.

Oratio.

DA, quæsumus, omnipotens Deus : ut qui in tot advérsis ex nostra infirmitate deffecimus, intercedénte unigéniti Filii tui Passióne, respirémus. Qui tecum.

Altera Oratio, Ecclésiæ tuæ, vel Deus, ómnium. 1*.

Lectio Isaíæ Prophétæ. Cap. 50.

IN díctis illis : Dixit Isaías : Dóminus Deus aperúit mihi aurem; ego autem non contradico : retrórsum non ábii. Corpus meum dedi percutiéntibus, et genas meas velléntibus. Fáciem meam non avérti ab increpántibus et conspuéntibus in me. Dóminus Deus auxiliátor meus : ideo non sum confúsus : ideo pósui fáciem meam ut petram duríssimam, et scio quóniam non confúdar. Juxta est qui justificat me : quis contradícat mihi? Stemus simul : quis est adversárius meus? Accédad ad me. Ecce Dóminus Deus auxiliátor meus : quis est qui condémnet me? Ecce omnes quasi vestiméntum conteréntur, tinea cómedet eos. Quis ex vobis timens Dóminum, áudiens vocem servi sui? Qui ambulávit in ténebris, et non est lumen ei, speret in nómine Dómini, et innitátur super Deum suum.

Graduale. Ps. 34. Exsúrge, Dómine, et inténde iudicio meo, Deus meus et

Dóminus meus, in causam meam. 7. Effúnde frámeam, et conclúde advérsus eos qui me persequúntur.

Tractus Dómine, non secúndum. 45.



Sequéntia sancti Evangelii secúndum Joánnem. Cap. 12.

ANTE sex dies Pascháë venit Jesus Bethániam, ubi Lázarus fúerat mórtuus, quem suscitávit Jesus. Fecérunt autem ei coenam ibi; et Martha ministrábat : Lázarus vero unus erat ex discumbéntibus cum eo. Maria ergo accépit libram unguénti nardi pístici pretiósí, et unxit pedes Jesu, et extérsit pedes ejus capillis suis : et domus impléta est ex odóre unguénti. Dixit ergo unus ex discípulis ejus, Judas Iscariótes, qui erat eum traditúrus : Quare hoc unguéntum non vénit trecéntis denáriis, et datum est egénis? Dixit autem hoc, non quia de egénis pertinébat ad eum, sed quia fur erat, et lóculos habens, ea quæ mittebantur portábat. Dixit ergo Jesus : Sínite illud, ut in diem sepultúræ me servet illud. Páuperes enim semper habétis vobiscum : me autem non semper habétis. Cognóvit ergo turba multa ex Judæis quia illic est : et venérunt, non propter Jesum tantum, sed ut Lázarum vidérent, quem suscitávit a mórtuis.

Offertorium. Ps. 142. Eripe me de inimícis meis, Dómine : ad te confúgi, doce me fácere voluntátem tuam, quia Deus meus es tu.

Secreta.

HÆC sacrificia nos, omnipotens Deus, poténti virtúte mundátos, ad suum faciánt purióres veníre princípium. Per.

Altera Secreta, Prótege nos, vel Oblátis. 2*.

Communio. Ps. 34. Erubéscant et revereántur simul, qui gratulántur malis meis : induántur pudóre et reveréntia, qui maligna loquúntur advérsus me.

Postcommunio.

PRÆBEANT nobis, Dómine, divínium tua sancta fervórem : quo eórum páriter et actu delectémur et fructu. Per.

Altera Postcommunio. Quæsumus, Dómine, vel Hæc nos. 2*.

Super populum. Orémus.
Humiliáte cápita vestra Deo.

Oratio.

ADJUVa nos, Deus salutáris noster : et ad beneficia recolénda quibus nos instauráre dignátus es, tribue veníre gaudéntes. Per Dóminum.

FERIA TERTIA

MAJORIS HEBDOMADÆ

Statio ad Sanctam Priscam.

Introitus. Gal. 6.

Nos autem gloriári opórtet in Cruce Dómini nostri Jesu Christi, in quo est salus, vita et resurréctio nostra, per quem salváti et liberáti sumus. Ps. 66. Deus misereátur nostri, et benedícat nobis : illúminet vultum suum super nos, et misereátur nostri. — Nos autem.

Oratio.

OMNÍPOTENS sempitérne Deus, da nobis ita Domínice Passiónis sacraménta perágere : ut indulgéntiam percípere mereámur. Per eúndem Dóminum.

Altera Oratio, Ecclésiæ tuæ, *vel* Deus, ómnium. 1*.

Léctio Jeremiæ Prophætæ. Cap. 11.

IN diébus illis : Dixit Jeremías : Dómine, demonstrásti mihi, et cognóvi : tunc ostendísti mihi stúdia eórum. Et ego quasi agnus mansuétus, qui portátur ad víctimam : et non cognóvi quia cogitáverunt super me consilia, dicéntes : Mitámus lignum in panem ejus, et eradámus eum de terra vivéntium, et nomen ejus non memorétur ámplius. Tu autem, Dómine sábaoth, qui júdicas juste, et probas renes et corda, vídeam últiónem tuam ex eis : tibi enim revelávi causam meam, Dómine Deus meus.

Graduale. Ps. 34. Ego autem, dum mihi moléstí essent, induébam me cilicio, et humiliábam in jejúnio ánimam meam, et orátio mea in sinu meo convertétur. ̃. Júdica, Dómine, nocéntes me, expúgna impugnántes me : apprehénde arma et scutum, et exsúrge in adjutórium mihi.

Pássio Dómini nostri Jesu Christi secúndum Marcum. Cap. 14 et 15.

IN illo témpore : Erat Pascha et Azyma post bíduum ; et quærébant summi sacerdótes et scribæ quómmodo Jesum dolo tenérant, et occiderent. Dicébant autem : S. Non in die festo, ne forte tumultus fieret in pópulo. C. Et cum esset Jesus Bethánia in domo Simónis leprósi, et recúmberet, venit múlíer habens alabástrum unguénti nardi spicáti pretiósi, et fracto alabástro, effudit super caput ejus. Erant autem quidam indigne feréntes intra semetipsos, et dicéntes : S. Ut quid perditio ista unguénti facta est? Póterat enim unguéntum istud venúndari plus quam trecéntis denáriis, et dari paupéribus. C. Et fremébant in eam. Jesus autem dixit : ✠ Sínite eam : quid illi moléstí estis? Bonum opus operáta est in me. Semper enim páuperes habétis vobíscum, et cum voluérítis, potéstis illis benefácere : me autem non semper habétis. Quod hábuit hæc, fecit : prævenit úngere corpus meum in sepultúram. Amen dico vobis : Ubicúmque prædicátum fúerit Evangélíum istud in univérso mundo, et quod fecit hæc, narrábitur in memóriam ejus. C. Et Judas Iscariótes, unus de Duódecim, ábiit ad summos sacerdótes, ut próderet eum illis. Qui audiéntes, gavísi sunt : et promiserunt ei pecúniam se datúros. Et quærébat quómmodo illum oppórtune tráderet. Et primo die Azymórum, quando Pascha imolábant, dicunt ei discipuli : S. Quo vis eámus, et parémus tibi, ut mandúces Pascha? C. Et mittit duos ex discipulis suis, et dicit eis : ✠ Ite in civitátem : et occurret vobis homo lagénam aque bájulans ; sequímíni eum : et quocúmque introíerit, dicite dómíno domus quia magíster dicit : Ubi est reféctio mea, ubi Pascha cum discipulis meis mandúcem? Et ipse vobis demonstrábit cenáculum grande, stratum : et illic paráte nobis. C. Et abiérunt discipuli ejus, et venérunt in civitátem, et invenérunt sicut díxerat illis, et paravérunt Pascha.

Vespere autem facto, venit cum Duodecim. Et discumbéntibus eis, et manducántibus, ait Jesus : ✠ Amen dico vobis, quia unus ex vobis tradet me, qui manducat mecum. C. At illi cœpérunt contristári, et dicere ei singulátim : S. Numquid ego? C. Qui ait illis : ✠ Unus ex Duodecim, qui intingit mecum manum in catino. Et Filius quidem hóminis vadit, sicut scriptum est de eo : vae autem hómini illi per quem Filius hóminis tradétur. Bonum erat ei, si non esset natus homo ille. C. Et manducántibus illis, accépit Jesus panem : et benedicens fregit, et dedit eis, et ait : ✠ Súmite, Hoc est corpus meum. C. Et accépto cálice, grátias agens, dedit eis : et bibérunt ex illo omnes. Et ait illis : ✠ Hic est sanguis meus novi Testaménti, qui pro multis effundétur. Amen dico vobis, quia jam non bibam de hoc genimine vitis, usque in diem illum, cum illud bibam novum in regno Dei. C. Et hymno dicto, exiérunt in montem Olivárum. Et ait eis Jesus : ✠ Omnes scandalizabimini in me in nocte ista : quia scriptum est : Percútiám pastórem, et dispergéntur oves. Sed postquam resurréxero, præcédam vos in Galilæam. C. Petrus autem ait illi : S. Et si omnes scandalizáti fúerint in te, sed non ego. C. Et ait illi Jesus : ✠ Amen dico tibi, quia tu hódie, in nocte hac, priúsqum gallus vocem bis déderit, ter me es negáturus. C. At ille ámplius loquebátur : S. Et si oportúerit me simul cómmori tibi, non te negábo. C. Similiter autem et omnes dicébant. Et véniunt in prædium cui nomen Gethsémani. Et ait discípulis suis : ✠ Sedéte hic, donec orem. C. Et assúmit Petrum, et Jacóbum, et Joánnem secum, et cœpit pavére et tædére. Et ait illis : ✠ Tristis est ánima mea usque ad mortem : sustinéte hic, et vigiláte. C. Et cum processisset páululum, prócidit super terram : et orábat ut, si fieri posset, transiret ab eo hora : et dixit : ✠ Abba, Pater, ómnia tibi possibília sunt : transfer cálicem hunc a me; sed non quod ego volo, sed quod

tu. C. Et venit, et invénit eos dormiéntes. Et ait Petro : ✠ Simon, dormis? non potuisti una hora vigiláre? Vigiláte, et oráte, ut non intrétis in tentatióem. Spíritus quidem promptus est, caro vero infirma. C. Et iterum ábiens orávit, eúdem sermónem dicens. Et revérsus, dénuo invénit eos dormiéntes (erant enim óculi eórum graváti), et ignorábant quid respondérent ei. Et venit tertio, et ait illis : ✠ Dormite jam, et requiescite. Súfficit; venit hora : ecce Filius hóminis tradétur in manus peccatórum. Súrgite, cámus : ecce qui me tradet, prope est. C. Et, adhuc eo loquente, venit Judas Iscariótes, unus de Duodecim, et cum eo turba multa cum gládiis et lignis, a summis sacerdotibus, et scribis, et senióribus. Déderat autem tráditor ejus signum eis, dicens : S. Quemcúmque osculátus fúero, ipse est : tenéte eum, et dúcite caute. C. Et cum venisset, statim accédens ad eum, ait : S. Ave, Rabbi. C. Et osculátus est eum. At illi manus iniecérunt in eum, et tenuérunt eum. Unus autem quidam de circumstántibus, edúcens gládium, percússit servum summi sacerdotis, et amputávit illi auriculam. Et respóndens Jesus, ait illis : ✠ Tamquam ad latrónem existis cum gládiis et lignis comprehendere me? Quotidie eram apud vos in templo docens, et non me tenuistis. Sed ut impleántur Scriptúræ. C. Tunc discipuli ejus relinquentes eum, omnes fugérunt. Adoléscens autem quidam sequebátur eum amictus síndone super nudo : et tenuérunt eum. At ille, rejécta síndone, nudus profúgit ab eis. Et adduxérunt Jesum ad summum sacerdotem : et convenérunt omnes sacerdotes, et scribæ, et senióres. Petrus autem a longe secúsus est eum usque intro in átrium summi sacerdotis : et sedébat cum ministris ad ignem, et calefaciébat se. Summi vero sacerdotes, et omne concílium, quærébant advérsus Jesum testimónium, ut eum morti tráderent : nec inveniébant. Multi enim testimónium falsum dicébant advérsus eum,

et convenientia testimonia non erant. Et quidam surgentes, falsum testimonium ferebant adversus eum, dicentes : S. Quoniam nos audivimus eum dicentem : Ego dissolvam templum hoc manufactum, et per triduum aliud non manufactum edificabo. C. Et non erat conveniens testimonium illorum. Et exsurgens summus sacerdos in medium, interrogavit Jesum, dicens : S. Non respondes quidquam ad ea quae tibi obijciuntur ab his? C. Ille autem tacebat, et nihil respondit. Rursum summus sacerdos interrogabat eum, et dixit ei : S. Tu es Christus, Filius Dei benedicti? C. Jesus autem dixit illi : ✠ Ego sum : et videbitis Filium hominis sedentem a dextris virtutis Dei, et venientem cum nubibus caeli. C. Summus autem sacerdos, scindens vestimenta sua, ait : S. Quid adhuc desideramus testes? Audistis blasphemiam : quid vobis videtur? C. Qui omnes condemnaverunt eum esse reum mortis. Et coeperunt quidam conspuere eum, et velare faciem ejus, et colaphis eum cadere, et dicere ei : S. Prophetiza. C. Et ministri alapis eum caedebant. Et cum esset Petrus in atrio deorsum, venit una ex ancillis summi sacerdotis : et cum vidisset Petrum calefacientem se, aspiciens illum, ait : S. Et tu cum Jesu Nazareno eras. C. At ille negavit, dicens : S. Neque scio, neque novi quid dicas. C. Et exiit foras ante atrium, et gallus cantavit. Rursum autem cum vidisset illum ancilla, coepit dicere circumstantibus : Quia hic ex illis est. At ille iterum negavit. Et post pusillum, rursus qui adstant, dicebant Petro : S. Vere ex illis es; nam et Galilaeus es. C. Ille autem coepit anathematizare et jurare : Quia nescio hominem istum, quem dicitis. Et statim gallus iterum cantavit. Et recordatus est Petrus verbi quod dixerat ei Jesus : Priusquam gallus cantet bis, ter me negabis. Et coepit flere. Et confestim mane consilium facientes summi sacerdotes, cum senioribus, et scribis, et universo concilio, vincientes Jesum, duxerunt, et

tradiderunt Pilato. Et interrogavit eum Pilatus : S. Tu es Rex Iudaeorum? C. At ille respondens, ait illi : ✠ Tu dicis. C. Et accusabant eum summi sacerdotes in multis. Pilatus autem rursus interrogavit eum, dicens : S. Non respondes quidquam? Vide in quantis te accusant. C. Jesus autem amplius nihil respondit, ita ut miraretur Pilatus. Per diem autem festum solebat dimittere illis unum ex vincitis, quemcumque petissent. Erat autem qui dicebatur Barabbas, qui cum seditionis erat victus, qui in seditione fecerat homicidium. Et cum ascendisset turba, coepit rogare, sicut semper faciebat illis. Pilatus autem respondit eis, et dixit : S. Vultis dimittam vobis Regem Iudaeorum? C. Sciebat enim quod per invidiam tradidissent eum summi sacerdotes. Pontifices autem concitaverunt turbam, ut magis Barabbam dimitteret eis. Pilatus autem, iterum respondens, ait illis : S. Quid ergo vultis faciam Regi Iudaeorum? C. At illi iterum clamaverunt : C. Crucifige eum. S. Pilatus vero dicebat illis : S. Quid enim mali fecit? C. At illi magis clamabant : S. Crucifige eum. C. Pilatus autem volens populo satisfacere, dimisit illis Barabbam, et tradidit Jesum flagellis caesum, ut crucifigeretur. Milites autem duxerunt eum in atrium praetorii, et convocant totam cohortem, et induunt eum purpura, et imponunt ei plectentes spineam coronam. Et coeperunt salutare eum : Ave, Rex Iudaeorum. Et percutiebant caput ejus arundine, et conspuiebant eum : et ponentes genua, adorabant eum. Et postquam illuserunt ei, exuerunt illum purpura, et induerunt eum vestimentis suis : et educunt illum ut crucifigerent eum. Et angariaverunt praetereuntem quempiam, Simonem Cyrenaeum, venientem de villa, patrem Alexandri et Rufi, ut tolleret crucem ejus. Et perducunt illum in Gólgatha locum, quod est interpretatum Calvariae locus. Et dabant ei bibere myrrhatum vinum, et non accepit. Et crucifigentes eum, diviserunt vestimenta ejus, mit-

téntes sortem super eis, quis quid tólleret. Erat autem hora tértia, et crucifixerunt eum. Et erat titulus causæ ejus inscriptus : Rex Judæórum. Et cum eo crucifigunt duos latrónes : unum a dextris, et álium a sinístris ejus. Et impléta est Scriptúra, quæ dicit : Et cum iniquis reputátus est. Et prætereúntes blasphemábant eum, movéntes cápita sua, et dicéntes : S. Vah qui destruis templum Dei, et in tribus diebus reedificas : saluum fac temetípsum, descéndens de cruce. C. Simfliter et summi sacerdotés illudéntes, ad altérutrum cum scribis dicebant : S. Alios salvos fecit, seípsum non potest saluum fácere. Christus, Rex Israel, descédat nunc de cruce, ut videámus, et credámus. C. Et qui cum eo crucifigi erant, convitiábantur ei. Et facta hora sexta, ténebræ factæ sunt per totam terram, usque in horam nonam. Et hora nona exclamávit Jesus voce magna, dicens : ✠ Eloi, Eloi, lamma sabacháni? C. Quod est interpretátum : ✠ Deus meus, Deus meus, ut quid dereliquísti me? C. Et quidam de circumstántibus audiéntes, dicebant : S. Ecce Eliám vocat. C. Currens autem unus, et implens spóngiam acéto, circumponénsque cálamò, potum dabat ei, dicens : S. Sinite, videámus si véniat Elias ad deponéndum eum. C. Jesus autem, emissà voce magna, expirávit.

Hic genuflectitur, et pausat aliquantulum.

Et velum templi scissum est in duo, a summo usque deórsum. Videns autem centúrio, qui ex advérso stabat, quia sic clamans expirásset, ait : S. Vere hic homo Filius Dei erat. C. Erant autem et mulieres de longe aspiciéntes, inter quas erat Maria Magdaléne, et María Jacóbi minóris, et Joseph mater, et Salóme : et cum esset in Galilæa, sequebántur eum, et ministrábant ei, et áliæ multæ quæ simul cum eo ascénderant Jerosólymam.

Quod sequitur, cantatur in tono Evangelii, et alia fiunt ut supra in Dominica.

ET cum jam sero esset factum (quia erat Parasceve, quod est ante sáb-

batum), venit Joseph ab Arimathæa, nóbilis decúrio, qui et ipse erat expéctans regnum Dei, et audácter introívit ad Pilátum, et pétíit corpus Jesu. Pilátus autem mirabátur si jam obúisset. Et accersito centurióne, interrogávit eum si jam mórtuus esset. Et cum cognovisset a centurióne, donávit corpus Joseph. Joseph autem mereátus sindonem, et depónens eum invólvit sindone, et pósuit eum in monuménto quod erat excisum de petra, et advólvit lápidem ad óstium monuménti.

Offertorium. Ps. 139. Custódi me, Dómine, de manu peccatóris : et ab homínibus iniquis éripe me.

Secreta.

SACRIFICIA nos, quæsumus, Dómine, propénsius ista restáurent, quæ medicínalibus sunt institúta jejúniis. Per.

Altera Secreta, Prótege nos, **vel** Oblátis. 2*.

Communio. Ps. 68. Advérsum me exercebántur, qui sedébant in porta : et in me psallébant, qui bibébant vinum : ego vero oratióne meam ad te, Dómine : tempus benepláciti, Deus, in multítudine misericórdiæ tuæ.

Postcommunio.

SANCTIFICATIÓNIBUS tuis, omnipotens Deus, et vítia nostra curéntur, et remédia nobis sempitérna provéniant. Per.

Altera Postcommunio, Quæsumus, Dómine, vel Hæc nos. 2*.

Super populum. Orémus.

Humiliáte cápita vestra Deo.

Oratio.

TUA nos misericórdia, Deus, et ab omni subreptióne vetustátis expúrget, et capáces sanctæ novitátis efficiat. Per Dóminum.

FERIA QUARTA

MAJORIS HEBDOMADÆ

Statio ad Sanctam Mariam Majorem.

Introitus. Philip. 2.

IN nómine Jesu omne genu flectátur, celéstium, terréstrium et infernórum : quia Dóminus factus est obédiens usque ad mortem, mortem autem

crucis : ideo Dóminus Jesus Christus in glória est Dei Patris. **Ps. 101.** Dómine, exáudi oratióem meam : et clamor meus ad te véniat. — In nómine Jesu.

Post Kyrie, eléison, **dicitur**
Orémus. Flectámus génua.

℞. Leváte.

Oratio.

PRESTA, quæsumus, omnipotens Deus : ut qui nostris excéssibus incessánter affligimur, per unigéniti Filii tui Passiõnem liberémur. Qui tecum.

Lectio Isaïæ Prophætæ. **Cap. 62 et 63.**

HÆC dicit Dóminus Deus : Dicite filiæ Sion : Ecce Salvátor tuus venit : ecce merces ejus cum eo. Quis est iste qui venit de Edom, tinctis véstibus de Bosra? Iste formósus in stola sua, grádiens in multítudine fortítudinis suæ. Ego qui loquor justítiam, et propugnátor sum ad salvándum. Quare ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de géntibus non est virmecum : calcávi eos in furóre meo : et conculcávi eos in ira mea : et aspérsus est sanguis eórum super vestiménta mea, et ómnia indumenta mea inquinávi. Dies enim ultiónis in corde meo, annus redemptionis meæ venit. Circumspéxi, et non erat auxiliátor : quæsi, et non fuit qui adjuváret : et salvávit mihi bráchium meum, et indignatió mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtútem eórum. Miserationum Dómini recordábor, laudem Dómini super ómnibus quæ redidit nobis Dóminus Deus noster.

Graduale. Ps. 68. Ne avértas faciém tuam a púero tuo, quóniam tribulor : velóciter exáudi me. **Ÿ.** Salvum me fac, Deus, quóniam intravérunt aquæ usque ad ánimam meam : infixus sum in límo profúdi, et non est substantía.

Hic dicitur Ÿ. Dóminus vobíscum, sine Flectámus génua.

Oratio.

DEUS, qui pro nobis Filium tuum crucis patibulum subíre voluísti, ut inimici

a nobis expélleres potestátem : concéde nobis fámulis tuis ; ut resurrectionis grátiam consequámur. Per eúndem.

Altera Oratio, Ecclesiæ tuæ, vel Deus, ómnium. 1*.

Lectio Isaïæ Prophætæ. **Cap. 53.**

IN diébus illis : Dixit Isaías : Dómine, quis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti. Non est spécies ei, neque decor : et vidimus eum, et non erat aspéctus, et desiderávimus eum : despéctum, et novíssimum virórum, virum dolórum, et sciéntem infirmitátem : et quasi absconditus vultus ejus, et despéctus ; unde nec reputávimus eum. Vere languóres nostros ipse tulit, et dolóres nostros ipse portávit : et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attrítus est propter scélera nostra : disciplina pacis nostræ super eum, et livóre ejus sanáti sumus. Omnes nos quasi oves errávimus ; unusquisque in viam suam declinávit : et pósuit Dóminus in eo iniquitátem ómnium nostrum. Oblátus est quia ipse vóluit, et non apéruit os suum : sicut ovis ad occisióem ducétur, et quasi agnus coram tondénte se obmutéscet, et non apériet os suum. De angústia et de judicio sublátus est : generatióem ejus quis enarrábit? quia abscessus est de terra vivéntium : propter scelus pópuli mei percússi eum. Et dabit ímpios pro sepultúra, et divitem pro morte sua : eo quod iniquitátem non fécerit, neque dolus fúerit in ore ejus. Et Dóminus vóluit contétere eum in infirmitáte : si posúerit pro peccáto ánimam suam, videbit semen longævum, et volúntas Dómini in manu ejus dirigétur. Pro eo quod laborávit ánimá ejus, videbit, et saturábitur : in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos : et fórtium dividet spólia, pro eo quod trádidit in mortem ánimam suam, et cum scelerátis

reputatus est : et ipse peccata multorum tulit, et pro transgressoribus rogavit.

Tractus. Ps. 101. Dómine, exáudi orationem meam, et clamor meus ad te véniat. **Ÿ.** Ne avértas faciem tuam a me : in quacúmque die tribulor, inclina ad me aurem tuam. **Ÿ.** In quacúmque die invocávero te, velóclter exáudi me. **Ÿ.** Quia defecérunt sicut fumus dies mei, et ossa mea sicut in frixiório confríxa sunt. **Ÿ.** Percússus sum sicut fenum, et áruit cor meum : quia oblitus sum manducáre panem meum. **Ÿ.** Tu exsúrgens, Dómine, miseréberis Sion : quia venit tempus miseréndi ejus.

Pássio Dómini nostri Jesu Christi secúndum Lucam. Cap. 22 et 23.

IN illo témpore : Appropinquábat dies festus Azymórum, qui dicitur Pascha : et quærébant príncipes sacerdotum et scribæ quómodo Jesum interficerent ; tímébant vero plebem. Intrávit autem Sátanas in Judam, qui cognominabátur Iscariótes, unum de Duódecim. Et ábiit, et locútus est cum princípibus sacerdotum et magistrátibus, quemádmódum illum tráderet eis. Et gavisi sunt, et pateti sunt pecúniam illi dare. Et spopóndit. Et quærébat opportunitátem, ut tráderet illum sine turbis. Venit autem dies Azymórum, in qua necesse erat occídi Pascha. Et misit Petrum et Joánnem, dicens : **✠** Eúntes paráte nobis Pascha, ut manducémus. **C.** At illi dixerunt : S. Ubi vis parémus? **C.** Et dixit ad eos : **✠** Ecce introeúntibus vobis in civitátem, occúrret vobis homo quidam ámphoram aquæ portans : sequímmini eum in domum in quam intrat, et dicétis patrifamilias domus : Dicit tibi Magister : Ubi est diversórium ubi Pascha cum discíplis meis mandúcem? Et ipse osténdet vobis cenáculum magnum stratum, et ibi paráte. **C.** Eúntes autem, invenérunt sicut dixit illis, et paravérunt Pascha. Et cum facta esset hora, discúbuit, et duódecim Apóstoli cum eo. Et ait illis : **✠** Desiderío desiderávi hoc Pascha manducáre vobíscum, ántequam pátiar. Dico enim vobis quia ex hoc non mandu-

cábo illud, donec impleátur in regno Dei. **C.** Et accépto cálice, grátias egit, et dixit : **✠** Accípíte, et dividíte inter vos. Dico enim vobis quod non bibam de generatióne vitis, donec regnum Dei véniat. **C.** Et accépto pane, grátias egit, et fregit, et dedit eis, dicens : **✠** Hoc est corpus meum, quod pro vobis datur : hoc fácite in meam commemoratiónem. **C.** Similiter et cálicem, postquam cenávit, dicens : **✠** Hic est calix novum Testaméntum in ságuine meo, qui pro vobis fundétur. Verúmtamen ecce manus tradéntis me mecum est in mensa. Et quidem Filius hóminis, secúndum quod defínitum est, vadit : verúmtamen væ hómini illi, per quem tradétur. **C.** Et ipsi cœpérunt quærere inter se quis esset ex eis qui hoc factúrus esset. Facta est autem et conténtio inter eos, quis eórum viderétur esse major. Dixit autem eis : **✠** Reges géntium dominántur eórum, et qui potestátem habent super eos, benéfici vocántur. Vos autem non sic : sed qui major est in vobis, fiat sicut minor, et qui præcëssor est, sicut ministrátor. Nam quis major est, qui recúmbit, an qui ministrat? Nonne qui recúmbit? Ego autem in médio vestrum sum sicut qui ministrat : vos autem estis qui permansistis mecum in tentatió nibus meis. Et ego dispóno vobis sicut dispósuit mihi Pater meus regnum, ut edátis et bibátis super mensam meam in regno meo, et sedeátis super thronos, judicántes duódecim tribus Israel. **C.** Ait autem Dóminus : **✠** Simon, Simon, ecce Sátanas expetívit vos, ut cribráret sicut triticum : ego autem rogávi pro te, ut non deficiat fides tua : et tu aliquándo convérsus, confirma fratres tuos. **C.** Qui dixit ei : S. Dómine, tecum parátus sum, et in cárcerem et in mortem ire. **C.** At ille dixit : **✠** Dico tibi, Petre, non cantábit hódie gallus, donec ter ábneges nosse me. **C.** Et dixit eis : **✠** Quando misi vos sine sáculo, et pera, et calceaméntis, numquid áliquíd defuit vobis? **C.** At illi dixerunt : S. Nihil. **C.** Dixit

ergo eis : ✠ Sed nunc, qui habet sacculum, tollat similiter et peram; et qui non habet, vendat tunicam suam, et emat gladium. Dico enim vobis, quoniam adhuc hoc quod scriptum est, oportet impleri in me : Et cum iniquis deputatus est. Etenim ea quæ sunt de me, finem habent. **C.** At illi dixerunt : **S.** Domine. ecce duo gladii hic. **C.** At ille dixit eis :

✠ Satis est. **C.** Et egressus ibat secundum consuetudinem in montem Olivarum. Secuti sunt autem illum et discipuli. Et cum pervenisset ad locum, dixit illis :

✠ Orate, ne intratis in tentationem. **C.** Et ipse avulsus est ab eis quantum jactus est lapidis : et positus genibus, orabat, dicens : ✠ Pater, si vis, transfer calicem istum a me : verumtamen non mea voluntas, sed tua fiat. **C.** Apparuit autem illi Angelus de caelo, confortans eum. Et factus in agonia, prolixius orabat. Et factus est sudor ejus sicut guttæ sanguinis decurrerunt in terram. Et cum surrexisset ab oratione, et venisset ad discipulos suos, invenit eos dormientes præ tristitia. Et ait illis : ✠ Quid dormitis? surgite, orate, ne intratis in tentationem. **C.** Adhuc eo loquente, ecce turba : et qui vocabatur Judas, unus de Duodecim, antecederat eos : et appropinquavit Jesu, ut oscularetur eum. Jesus autem dixit illi : ✠ Juda, osculo Filium hominis tradis? **C.** Videntes autem hi qui circa ipsum erant, quod futurum erat, dixerunt ei : **S.** Domine, si percutimus in gladio? **C.** Et percussit unus ex illis servum principis sacerdotum, et amputavit auriculam ejus dexteram. Respondens autem Jesus, ait :

✠ Sinite usque huc. **C.** Et cum tetigisset auriculam ejus, sanavit eum. Dixit autem Jesus ad eos qui venerant ad se, principes sacerdotum, et magistratus templi, et seniores : ✠ Quasi ad latronem existis cum gladiis et fustibus? Cum quotidie vobiscum fuerim in templo, non extendistis manus in me; sed hæc est hora vestra, et potestas tenebrarum. **C.** Comprehendentes autem eum, duxerunt ad domum principis sacerdotum :

Petrus vero sequebatur a longe. Accenso autem igne in medio atrii, et circumsedentibus illis, erat Petrus in medio eorum. Quem cum vidisset ancilla quædam sedentem ad lumen, et eum fuisset intuita, dixit : **S.** Et hic cum illo erat. **C.** At ille negavit eum, dicens : **S.** Mulier, non novi illum. **C.** Et post pusillum alius videns eum, dixit : **S.** Et tu de illis es. **C.** Petrus vero ait : **S.** O homo, non sum. **C.** Et intervallò facto quasi horæ unius, alius quidam affirmabat, dicens : **S.** Vere et hic cum illo erat : nam et Galilaus est. **C.** Et ait Petrus : **S.** Homo, nescio quid dicis. **C.** Et continuo, adhuc illo loquente, cantavit gallus. Et conversus Dominus respexit Petrum. Et recordatus est Petrus verbi Domini, sicut dixerat : Quia priusquam gallus cantet, ter me negabis. Et egressus foras Petrus, flevit amare. Et viri qui tenebant illum, illudebant ei, cadentes. Et velaverunt eum, et percutiebant faciem ejus : et interrogabant eum, dicentes : **S.** Prophetiza quis est qui te percussit? **C.** Et alia multa blasphemantes, dicebant in eum. Et ut factus est dies, convenerunt seniores plebis, et principes sacerdotum, et scribæ, et duxerunt illum in concilium suum, dicentes : **S.** Si tu es Christus, dic nobis. **C.** Et ait illis : ✠ Si vobis dixerò, non credetis mihi : si autem et interrogávero, non respondetis mihi, neque dimittetis. Ex hoc autem erit Filius hominis sedens a dextris virtutis Dei. **C.** Dixerunt autem omnes : **S.** Tu ergo es Filius Dei? **C.** Qui ait : ✠ Vos dicitis, quia ego sum. **C.** At illi dixerunt : **S.** Quid adhuc desideramus testimonium? ipsi enim audivimus de ore ejus. **C.** Et surgens omnis multitudo eorum, duxerunt illum ad Pilatum. Ceperunt autem illum accusare, dicentes : **S.** Hunc invenimus subvertentem gentem nostram, et prohibentem tributa dare Cæsari, et dicentem se Christum regem esse. **C.** Pilatus autem interrogavit eum, dicens : **S.** Tu es Rex Judæorum? **C.** At ille respondens, ait : ✠ Tu dicis. **C.** Ait

autem Pilátus ad principes sacerdotum et turbas : S. Nihil invénio causæ in hoc homine. C. At illi invalescebant, dicentes : S. Commovet populum, docens per universam Judæam, incipiens a Galilæa usque huc. C. Pilátus autem audiens Galilæam, interrogávit si homo Galilæus esset. Et ut cognóvit quod de Heródis potestáte esset, remisit eum ad Heródem, qui et ipse Jerosólymis erat illis diébus. Heródes autem viso Jesu gavisus est valde. Erat enim cúpiens ex multo témpore vidére eum, eo quod audierat multa de eo, et sperábat signum aliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem principes sacerdotum et scribæ, constánter accusántes eum. Sprevit autem illum Heródes cum exércitu suo : et illúsit indútum veste alba, et remisit ad Pilátum. Et facti sunt amici Heródes et Pilátus in ipsa die : nam ántea inimici erant ad invicem. Pilátus autem, convocátis princípibus sacerdotum, et magistrátibus, et plebe, dixit ad illos : S. Obtulistis mihi hunc hominem quasi averténtem populum, et ecce ego coram vobis intérogans, nullam causam invéni in homine isto ex his in quibus eum accusátis. Sed neque Heródes : nam remisí vos ad illum, et ecce nihil dignum morte actum est ei. Emendátum ergo illum dimittam. C. Necesse autem habébat dimittere eis, per diem festum, unum. Exclamávit autem simul universa turba, dicens : S. Tolle hunc, et dimítte nobis Barábbam. C. Qui erat propter seditiónem quamdam factam in civitaté, et homicídium, missus in cárcerem. Iterum autem Pilátus locútus est ad eos, volens dimittere Jesum. At illi succlamábant, dicéntes : S. Crucifige, crucifige eum. C. Ille autem tertio dixit ad illos : S. Quid enim malí fecit iste? Nullam causam mortis invénio in eo; corrípiam ergo illum, et dimittam. C. At illi instábant vócbus magnis, postulántes ut crucifigerétur. Et invalescebant voces eórum. Et Pilá-

tus adjudicávit fieri petitiónem eórum. Dimisit autem illis eum qui propter homicídium et seditiónem missus fúerat in cárcerem, quem petebant : Jesum vero trádidit voluntáti eórum. Et cum dúcerent eum, apprehenderunt Simónem quemdam Cyrenénsem, veniéntem de villa, et imposuerunt illi crucem portáre post Jesum. Sequebátur autem illum multa turba pópuli, et mulierum, quæ plangébant et lamentabántur eum. Convérsus autem ad illas Jesus, dixit : ✠ Filiæ Jerúsalem, nolite flere super me, sed super vos ipsas flete, et super filios vestros. Quóniam ecce vénient dies in quibus dicent : Beátæ stériles, et ventres qui non genuérunt, et úbera quæ non lactavérunt. Tunc incipient dicere móntibus : Cádite super nos; et cóllibus : Operite nos. Quia si in víridi ligno hæc faciunt, in árido quid fiet? C. Ducebántur autem et álíi duo nequam cum eo, ut interficeréntur. Et postquam vénerunt in locum qui vocátur Calváriæ, ibi crucifixérunt eum, et latrónes, unum a dextris, et álterum a sinistris. Jesus autem dicebat : ✠ Pater, dimítte illis : non enim sciunt quid faciunt. C. Dividentes vero vestiménta ejus, misérunt sortes. Et stabat pópulus spectans, et deridébant eum príncipes cum eis, dicéntes : S. Alios salvos fecit : se salvum faciát, si hic est Christus Dei eléctus. C. Illudébant autem ei et mílites accedéntes, et acétum offeréntes ei, et dicéntes : S. Si tu es Rex Judæórum, salvum te fac. C. Erat autem et superscriptio scripta super eum lítteris græcis, et latinis, et hebraícis : Hic est Rex Judæórum. Unus autem de his qui pendébant, latrónibus, blasphemábat eum, dicens : S. Si tu es Christus, salvum fac temet-ípsam et nos. C. Respóndens autem alter, increpábat eum, dicens : S. Neque tu times Deum, quod in eádem damnatióne es. Et nos quidem juste, nam digna factis recipimus : hic vero nihil malí gessit. C. Et dicebat ad Jesum : S. Dómine, meménto mei, cum véneris in regnum tuum. C. Et dixit illi Jesus :

✠ Amen dico tibi, hodie mecum eris in paradiso. C. Erat autem fere hora sexta, et tenebræ factæ sunt in universam terram usque in horam nonam. Et obscuratus est sol: et velum templi scissum est medium. Et clamans voce magna Jesus, ait: ✠ Pater, in manus tuas commendo spiritum meum. C. Et hæc dicens expiravit.

Hic genuflectitur, et pausatur aliquantulum.

Videns autem centurio quod factum fuerat, glorificavit Deum, dicens: S. Vere hic homo justus erat. C. Et omnis turba eorum qui simul aderant ad spectaculum istud, et videbant quæ fiebant, percutientes pectora sua revertebantur. Stabant autem omnes noti ejus a longe, et mulieres quæ secutæ eum erant a Galilæa, hæc videntes.

Quod sequitur, legitur in tono Evangelii, et alia fiunt ut supra in Dominica.

ET ecce vir nomine Joseph, qui erat decurio, vir bonus et justus: hic non consenserat consilio et actibus eorum, ab Arimathæa civitate Judææ, qui expectabat et ipse regnum Dei. Hic accessit ad Pilatum, et petiit corpus Jesu: et depositum involvit sindone, et posuit eum in monumento excavo, in quo nondum quisquam posuit fuerat.

Offertorium. Ps. 101. Domine, exaudi orationem meam, et clamor meus ad te perveniat: ne avertas faciem tuam a me.

Secreta.

SUSCIPE, quæsumus, Domine, munus oblatum, et dignanter operare: ut quod Passionis Filii tui Domini nostri mysterio gerimus, piis affectibus consequamur. Per eundem Dominum.

Altera Secreta, Prætege nos, vel Oblatus. 2*.

Communio. Ps. 101. Potum meum cum fletu temperabam: quia elevans alisisti me, et ego sicut fenum arui: tu autem, Domine, in æternum permanes: tu exurgens miseraberis Sion, quia venit tempus miserendi ejus.

Postcommunio.

LARGIRE sensibus nostris, omnipotens Deus: ut per temporalem Filii tui mortem, quam mysteria veneranda testantur, vitam te nobis dedisse perpetuam confidamus. Per eundem.

Altera Postcommunio, Quæsumus. Domine, vel Hæc nos. 2*.

Super populum. Orémus.

Humiliatæ capita vestra Deo.

Oratio.

RÊSPICE, quæsumus, Domine, super hanc familiam tuam, pro qua Dominus noster Jesus Christus non dubitavit manibus tradi nocentium, et crucis subire tormentum. Qui tecum vivit.

FERIA QUINTA

IN CÆNA DOMINI

Statio ad Sanctum Joannem in Laterano.

Introitus. Gal. 6.

Nos autem gloriari oportet in cruce Domini nostri Jesu Christi, in quo est salus, vita et resurrectio nostra: per quem salvati et liberati sumus. Ps. 66. Deus misereatur nostri, et benedicat nobis: illuminet vultum suum super nos, et misereatur nostri. — Nos.

Dicitur Glória in excelsis, et tunc pulsantur campanæ, et deinceps non amplius usque ad Sabbatum sanctum.

Oratio.

DEUS, a quo et Judas reatus sui poenam, et confessionis suæ latro præmium sumpsit: concede nobis tuæ propitiationis effectum; ut sicut in Passione sua Jesus Christus Dominus noster diversa utrisque intulit stipendia meritorum, ita nobis, ablato vetustatis errore, Resurrectionis suæ gratiam largiatur. Qui tecum vivit.

Et hæc Oratio tantum dicitur.

Lectio Epistolæ beati Pauli Apostoli ad Corinthios. I Cor. 11.

FRATRES, Conveniéntibus vobis in unum, jam non est Dominicam cœnam manducare. Unusquisque enim suam cœnam præsumit ad manducandum. Et alius quidem esurit, alius autem ebrius est. Numquid domos non habetis ad man-

ducandum et bibendum? aut Ecclesiam Dei contemnitis, et confunditis eos qui non habent? Quid dicam vobis? Laudo vos? in hoc non laudo. Ego enim accepi a Dómino quod et tradidi vobis, quóniam Dóminus Jesus, in qua nocte tradebatur, accepit panem, et grátias agens fregit, et dixit: Accípite, et manducáte: Hoc est corpus meum, quod pro vobis tradétur. Hoc fácite in meam commemorationem. Similiter et cálicem, postquam cenávit, dicens: Hic calix novum Testaméntum est in meo ságuine. Hoc fácite, quotiescúmque bibétis, in meam commemorationem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducaverit panem hunc, vel biberit cálicem Dómini indigne, reus erit córporis et ságuinis Dómini. Probet autem seípsum homo: et sic de pane illo edat, et de cálice bibat. Qui enim manducat et bibit indigne, júdicium sibi manducat et bibit, non dijúdicans corpus Dómini. Ideo inter vos multi infirmi et imbecilles, et dórmunt multi. Quod si nosmetípsos dijúdicarémus, non útique judicarémur. Dum judicámur autem, a Dómino corrípimur, ut non cum hoc mundo damnémur.

Graduale. Philip. 2. Christus factus est pro nobis obédiens usque ad mortem, mortem autem crucis. **Ÿ.** Propter quod et Deus exaltávit illum, et dedit illi nomen quod est super omne nomen.



Sequéntia sancti Evangélíi secúndum Joánnem. **Cap. 13.**

ANTE diem festum Paschæ, sciens Jesus quia venit hora ejus ut tránseat ex hoc mundo ad Patrem: cum dilexisset suos qui erant in mundo, in finem diléxit eos. Et cœna facta, cum diábolus jam misisset in cor ut tráderet eum Judas Simónis Iscarióta: sciens quia ómnia dedit ei Pater in manus, et quia a Deo exívit, et ad Deum vadit, surgit a cœna, et ponit vestiménta sua: et cum accepisset linteam, præcínxit se. Deinde mittit aquam in pelvim, et cœpit lavare pedes discipu-

lórur, et extérgere linteo quo erat præcinctus. Venit ergo ad Simónem Petrum, et dicit ei Petrus: Dómine, tu mihi lavas pedes? Respóndit Jesus, et dixit ei: Quod ego fácio, tu nescis modo, scies autem póstea. Dicit ei Petrus: Non lavábis mihi pedes in ætérnum. Respóndit ei Jesus: Si non lávero te, non habébis partem mecum. Dicit ei Simon Petrus: Dómine, non tantum pedes meos, sed et manus, et caput. Dicit ei Jesus: Qui lotus est, non indiget nisi ut pedes lavet, sed est mundus totus. Et vos mundi estis, sed non omnes. Sciébat enim quisnam esset qui tráderet eum; proptérea dixit: Non estis mundi omnes. Postquam ergo lavit pedes eórum, et accepit vestiménta sua, cum recubuisset iterum, dixit eis: Scitis quid fécerim vobis? Vos vocátis me, Magíster et Dómine: et bene dicitis: sum etenim. Si ergo ego lavi pedes vestros, Dóminus et Magíster, et vos debétis alter altérius lavare pedes. Exémplum enim dedi vobis, ut quemádmódum ego feci vobis, ita et vos faciátis. **Credo.**

Offertorium. Ps. 117. Dextera Dómini fecit virtútem, dextera Dómini exaltávit me: non móriar, sed vivam, et narrábo ópera Dómini.

Secreta.

IPSE tibi, quæsumus, Dómine sancte, Pater omnipotens, ætérne Deus, sacrificium nostrum reddat acceptum, qui discipulis suis in sui commemorationem hoc fieri hodiérna traditióne monstrávit, Jesus Christus Filius tuus Dóminus noster. Qui tecum vivit.

Præfatio de Cruce. Qui salútem.

Infra actionem.

COMMUNICANTES, et diem sacratíssimum celebrántes, quo Dóminus noster Jesus Christus pro nobis est tráditus: sed et memóriam venerántes, in primis gloriósæ semper virginis Mariæ, Genitrícis ejúsdem Dei et Dómini nostri Jesu Christi: sed et beatórum Apostolórum ac Mártýrum tuórum Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi: Lini, Cleti, Cleméntis.

Xysti, Cornélii, Cypriani, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum, quorum méritis precibúsq; concedas, ut in ómnibus protectiónis tuæ uniamur auxilio. Per eúndem Christum Dóminum nostrum. Amen.

Sequitur.

HANC igitur oblatiónem servitútis nostræ, sed et cunctæ familiæ tuæ, quam tibi offerimus ob diem in qua Dóminus noster Jesus Christus trádidit discipulis suis Córporis et Sanguinis sui mystéria celebránda; quæsumus, Dómine, ut placátus accipias: diésque nostros in tua pace dispónas: atque ab ætérna damnatióne nos éripi, et in electórum tuórum júbeas grege numerári. Per eúndem Christum Dóminum nostrum. Amen.

QUAM oblatiónem tu, Deus, in ómnibus, quæsumus, bene dictam, adscríptam, ratiónam, rationábilem, acceptabílemque fácere dignéris: ut nobis Córpus et Sanguis fiat dilectíssimi Filii tui Dómini nostri Jesu Christi.

Qui, pridie quam pro nostra omniúmq; salutē paterétur, hoc est hódie, accépit panem. Et reliqua ut in Canone.

Agnus Dei dicitur de more, sed pax non datur. Dicuntur tamen tres consuetæ Orationes ante Communionem.

Hodie Sacerdos consecrat duas Hostias, quarum unam sumit, alteram reservat pro die sequenti, in quo non conficitur Sacramentum; reservat etiam aliquas particulas consecratas, si opus fuerit, pro infirmis: Sanguinem vero totum sumit; et ante ablutionem digitorum ponit Hostiam reservatam in alio Calice, quem Diaconus palla et patena cooperit, et desuper velum expandit, et in medio Altaris collocat. Deinde fit Communio, et completur Missa. Sacerdos autem genuflectit quandoque accedit vel recedit a medio Altaris, vel transit ante Sacramentum in Calice reservatum; et cum dicere debet, Dóminus vobiscum, non vertit se ad populum in medio Altaris, ne terga vertat

Sacramento, sed a latere Evangelii: et in fine ibidem dat benedictionem, et non perficit circulum.

Communio. Joan. 13. Dóminus Jesus, postquam cœnavit cum discipulis suis, lavit pedes eórum, et ait illis: Scitis quid fécerim vobis, ego Dóminus et Magister? exéplum dedi vobis, ut et vos ita faciátis.

Postcommunio.

REFECTI vitálibus aliméntis, quæsumus, Dómine Deus noster: ut quod témpore nostræ mortalitátis exséquimur, immortalitátis tuæ múnere consequámur. Per Dóminum.

Dicitur *Ite*, Missa est, et datur benedictio, et legitur Evangelium sancti Joannis, in cujus initio Sacerdos non signat Altare, sed seipsum tantum.

Hodie paretur locus aptus in aliqua capella ecclesiæ, vel Altari, et decenter quoad fieri potest ornatur cum velis et luminibus, ubi Calix, cum Hostia ut supra reservata, reponatur. Finita autem Missa, accenduntur intortitia, et fit Processio more solito, alio tamen Subdiacono parato Crucem ferente. Celebrans indutus pluviali albo, stans ante Altare, imponit incensum in duobus thuribulis absque benedictione; deinde in medio genuflexus, cum altero incensat ter Sacramentum, et accepto Calice cum Sacramento de manu Diaconi stantis, et cooperto extremitatibus veli quo ejus humeri teguntur, procedit medius inter eundem Diaconum a dextris, et Subdiaconum a sinistris, sub baldachino, duobus Acolythis Sacramentum continue incensantibus usque ad locum præparatum, ubi pro crastino servandum est. Interea dum fit Processio, cantatur Hymn. Pange, lingua, gloriósi Córporis mystérium. Cum autem ventum fuerit ad locum paratum, Diaconus genuflexus a Sacerdote stante accipit Calicem cum Sacramento, et ponit illum primo super Altare, ubi a Sacerdote genuflexo incensatur, ut supra, deinde reponit in capsula. Postea in Choro dicuntur Vesperæ sine cantu. Et Sacerdos cum ministris denudat Altaria, le-

gendo Antiphonam. Ps. 21. Diviserunt sibi vestimenta mea, et super vestem meam miserunt sortem, cum toto Psalmo Deus, Deus meus, respice in me.

¶ Post denudationem Altarium, hora competenti facto signo cum tabula, conveniunt Clerici ad faciendum mandatum. Prælati, seu Superior, super amictu et alba induitur stola et pluviali violaceis, et in loco ad id deputato ministrante Diacono (qui paratus cum Subdiacono, ut in Missa, paramentis albis, ei assistit) imponit incensum in thuribulo: deinde Diaconus librum Evangeliorum ante pectus tenens, genuflexus ante Superiorem, petit benedictionem: qua accepta, adstantibus duobus Acolythis cum candelabris accensis, et Subdiacono librum tenente, signat librum, et incensat, et cantat, ut moris est, Evangelium Ante diem festum Paschæ, ut in Missa. Quo finito, Subdiaconus portat librum apertum osculandum Superiori, et Diaconus eum de more incensat. Postea Superior exiit pluviali, et per Diaconum et Subdiaconum præcingitur linteo, et sic præcinctus, assistentibus sibi iisdem Diacono et Subdiacono, accedit ad lotionem pedum, et per ordinem dispositis iis qui lavandi sunt, Clericis pelvim et aquam ministrantibus, Subdiacono singulorum pedem dextrum tenente, genuflectens singulis, illorum pedem lavat, extergit et osculatur, Diacono præbente linteam ad abstergendum. Et interim hæc subscripta cantantur.

Antiphona. Joan. 13. Mandatum novum do vobis: ut diligatis invicem, sicut dilexi vos, dixit Dominus. Ps. 118. Beati immaculati in via, qui ambulant in lege Domini.

Et repetitur immediate Antiphona Mandatum novum. Et sic aliæ Antiphonæ, quæ habent Psalmos vel Versus, repetuntur. Et de quolibet Psalmo dicunt tantum primus Versus.

Ant. Joan. 13. Postquam surrexit Dominus a cœna, misit aquam in pelvim, et cepit lavare pedes discipulorum suorum: hoc exemplum reliquit eis.

Ps. 47. Magnus Dominus, et laudabilis nimis: in civitate Dei nostri, in monte sancto ejus.

Ant. Joan. 13. Dominus Jesus, postquam cœnavit cum discipulis suis, lavit pedes eorum, et ait illis: Scitis quid fecerim vobis, ego Dominus et Magister? Exemplum dedi vobis, ut et vos ita faciatis. Ps. 84. Benedixisti, Domine, terram tuam: avertisti captivitatem Jacob.

Ant. Joan. 13. Domine, tu mihi lavas pedes? Respondit Jesus, et dixit ei: Si non lavero tibi pedes, non habebis partem mecum. ̃. Venit ergo ad Simonem Petrum, et dixit ei Petrus. Et repetitur Antiphona Domine, tu mihi lavas pedes? Respondit Jesus, et dixit ei: Si non lavero tibi pedes, non habebis partem mecum. ̃. Quod ego facio, tu nescis modo: scies autem postea. Tertio repetitur Ant. Domine, tu mihi lavas pedes? Respondit Jesus, et dixit ei: Si non lavero tibi pedes, non habebis partem mecum. ̃. Si ego Dominus et Magister vester lavi vobis pedes, quanto magis debetis alter alterius lavare pedes? Ps. 48. Audite hæc, omnes gentes: auribus percipite, qui habitatis orbem.

Ant. Joan. 13. In hoc cognoscant omnes quia discipuli mei estis, si dilectionem habueritis ad invicem. ̃. Dixit Jesus discipulis suis.

Ant. I Cor. 13. Mæneant in vobis fides, spes, charitas, tria hæc: major autem horum est charitas. ̃. Nunc autem manent fides, spes, charitas, tria hæc: major autem horum est charitas.

Ant. Benedicta sit sancta Trinitas, atque indivisa Unitas: confitebimur ei, quia fecit nobiscum misericordiam suam. ̃. Benedicamus Patrem, et Filium, cum sancto Spiritu. Ps. 83. Quam dilecta tabernacula tua, Domine virtutum! concupiscit et deficit anima mea in atria Domini.

Ant. I Joan. 2, 3, 4. Ubi charitas et amor, Deus ibi est. ̃. Congregavit nos in unum Christi amor. ̃. Exsultemus, et in ipso jucundemur. ̃. Timeamus, et amemus Deum vivum. ̃. Et ex corde

diligámus nos sincéro. Et repetitur Ant. Ubi charitas et amor, Deus ibi est. *ŷ.* Simul ergo cum in unum congregámur. *ŷ.* Ne nos mente dividámur, caveámus. *ŷ.* Cessent júrgia maligna, cessent lites. *ŷ.* Et in médio nostri sit Christus Deus. Et repetitur Ant. Ubi charitas et amor, Deus ibi est. *ŷ.* Simul quoque cum beátis videámus. *ŷ.* Gloriánter vultum tuum, Christe Deus. *ŷ.* Gáudium quod est inménsium atque probum. *ŷ.* Sæcula per infinita sæculórum. Amen.

Post lotionem, Superior, vel qui aliis abluit pedes, lavat manus, et abstergit alio linteo; deinde rediens ad locum ubi prius fuerat, accipit pluviale, et stans capite detecto, dicit:

Pater noster, secreto.

ŷ. Et ne nos indúcas in tentatióem.

ŷ. Sed libera nos a malo.

ŷ. Tu mandásti mandáta tua, Dómine.

ŷ. Custodíri nimis.

ŷ. Tu lavásti pedes discipulórum tuórum. *ŷ.* Opera mánuum tuárum ne despicias.

ŷ. Dómine, exáudi oratióem meam.

ŷ. Et clamor meus ad te véniat.

ŷ. Dóminus vobiscum. *ŷ.* Et cum spírítu tuo.

Orémus. Oratio.

AD ESTO, Dómine, quæsumus, officio servitútis nostræ: et quia tu discipulis tuis pedes lavare dignátus es, ne despicias ópera mánuum tuárum, quæ nobis retinéndam mandásti; ut sicut hic nobis et a nobis exterióra abluúntur inquinaménta, sic a te ómnium nostrum interióra lavéntur peccáta. Quod ipse præstare dignéris, qui vivis et regnas, Deus, per ómnia sæcula sæculórum.

ŷ. Amen.

FERIA SEXTA IN PARASCEVE

Statio ad sanctam Crucem in Jerusalem.

Finita Nona, Sacerdos et Ministri, induti paramentis nigri coloris, sine luminaribus et incenso, procedunt ad Altare: et ante illud prostrati aliquamdiu orant. Interim Acolythi unam tantum tobaleam extendunt super Altare. Sacerdos cum

Ministris, facta oratione, ascendit ad Altare, et osculatur illud in medio; deinde Lector accedit ad legendum Prophetiam in loco ubi legitur Epistola, et incipit eam sine titulo: quam etiam Sacerdos legit submissa voce apud Altare, in cornu Epistolæ.

Osee 6.

HÆC dicit Dóminus: In tribulatióne sua mane consúrgent ad me. Veníte, et revertámur ad Dóminum: quia ipse cepit, et sanábit nos: percútiét, et curábit nos. Vivificábit nos post duos dies. In die tértia suscitábit nos, et vivémus in conspéctu ejus. Sciémus, sequemúrque, ut cognoscámus Dóminum. Quasi dilúculum præparátus est egréssus ejus, et véniet quasi imber nobis temporáneus, et serótinus terræ. Quid fáciam tibi, Ephraim? quid fáciam tibi, Juda? Misericórdia vestra quasi nubes matutína, et quasi ros mane pertransiens. Propter hoc dolávi in Prophétis, occídí eos in verbis oris mei: et júdicia tua quasi lux egrediéntur. Quia misericórdiam vólui, et non sacrificium, et sciéntiam Dei, plus quam holocáusta.

Tractus. Habac. 3. Dómine, audívi auditum tuum, et tímui: considerávi ópera tua, et expávi. *ŷ.* In médio duórum animálium innotescéris: dum appropinquáverint anni, cognoscéris: dum advenerit tempus, ostendéris. *ŷ.* In eo, dum conturbáta fúerit ánima mea: in íra, misericórdiæ memor eris. *ŷ.* Deus a Libano véniet, et Sanctus de monte umbróso et condénso. *ŷ.* Opéruiet cælos majéstas ejus: et laudis ejus plena est terra.

Finito Tractu, Sacerdos in cornu Epistolæ dicit Orémus, Diaconus Flectámus génua, et Subdiaconus Leváte.

Oratio.

DEUS, a quo et Judas reátus sui pœnam, et confessiõnis suæ latro præmium sumpsit: concède nobis tuæ propitiatiõnis efféctum; ut sicut in Passiõne sua Jesus Christus Dóminus noster dívèrsa utrísque intulit stipéndia meritó-

rum, ita nobis, ablato vetustatis errore, resurrectionis suae gratiam largiatur. Qui tecum vivit.

Subdiaconus in tono Epistolae similiter sine titulo cantat sequentem Lectionem.

Exodi 12.

IN diebus illis : Dixit Dominus ad Moy- sen et Aaron in terra Aegypti : Mensis iste, vobis principium mensium : primus erit in mensibus anni. Loquimini ad univrsum coetum filiorum Israel, et dicite eis : Décima die mensis hujus tollat unusquisque agnum per familias et domos suas. Sin autem minor est numerus ut sufficere possit ad vescendum agnum, assumet vicinum suum, qui junctus est domui suae, juxta numerum animarum quae sufficere possunt ad esum agni. Erit autem agnus absque macula, masculus, anniculus : juxta quem ritum tollétis et hœdum. Et servabitis eum usque ad quartam decimam diem mensis hujus : immolabitque eum univrsa multitudo filiorum Israel ad vesp̄eram. Et sument de sanguine ejus, ac ponent super utrũque postem, et in superliminariis domorum, in quibus comēdent illum. Et edent carnes nocte illa assas igni, et ázynos panes cum lactúcis agréstibus. Non comedétis ex eo crudum quid, nec coctum aqua, sed tantum as- sum igni : caput cum pédibus ejus et intestinis vorabitis. Nec remanēbit quid- quam ex eo usque mane. Si quid res- iduum fúerit, igne comburétis. Sic autem comedétis illum : renes vestros accingé- tis, et calceaménta habébitis in pédibus, tenéntes báculos in manibus, et come- déritis festinánter : est enim Phase (id est tránsito) Dómini.

Tractus. Ps. 139. Eripe me, Dómi- ne, ab hómine malo : a viro iníquo lí- bera me. *ŷ*. Qui cogitavérunt malítias in corde : tota die constituébant praelia. *ŷ*. Acuérent linguas suas sicut serpén- tis : venénium áspidum sub lábiis eórum. *ŷ*. Custódi me, Dómine, de manu pec- catóris, et ab homínibus iníquis libera me. *ŷ*. Qui cogitavérunt supplantáre gressus meos : abscondérunt superbi

láqueum mihi. *ŷ*. Et funes extendérunt in láqueum pédibus meis : juxta iter scándalum posuérent mihi. *ŷ*. Dixi Dó- mino : Deus meus es tu : exáudi, Dó- mine, vocem oratiónis meae. *ŷ*. Dómine, Dómine, virtus salútis meae, obúmbrā caput meum in die belli. *ŷ*. Ne tradas me a desidério meo peccatóri : cogitavé- runt advérsus me; ne derelinquas me, ne umquam exalténtur. *ŷ*. Caput circ- cúitus eórum : labor labiórū ipsórum opériet eos. *ŷ*. Verímtamen justí confi- tebúntur nómini tuo, et habitábunt recti cum vultu tuo.

Finito Tractu, dicitur Passio super nudum pulpitu : quam Celebrans sub- missa voce legit in cornu Epistolae.

Passio Dómini nostri Jesu Christi secún- dum Joánnem. Cap. 18 et 19.

IN illo témpore : Egréssus est Jesus cum discipulis suis trans torrémentem Ced- ron, ubi erat hortus, in quem introívit ipse, et discipuli ejus. Sciēbat autem et Judas, qui tradēbat eum, locum : quia frequēter Jesus convénérat illuc cum discipulis suis. Judas ergo cum accepís- set cohórtem et a pontíficibus et pha- risaeis ministros, venit illuc cum latér- nis, et fácibus, et armis. Jesus itaque sciens ómnia quae ventúra erant super eum, procéssit, et dixit eis : *✠* Quem quæritis? *C.* Respondérunt ei : *S.* Jesum Nazarénum. *C.* Dicit eis Jesus : *✠* Ego sum. *C.* Stabat autem et Judas, qui tra- dēbat eum, cum ipsis. Ut ergo dixit eis, Ego sum, abiérunt retrórsum et cecidérunt in terram. Iterum ergo interrogávit eos : *✠* Quem quæritis? *C.* Illi autem dixerunt : *S.* Jesum Nazarénum. *C.* Res- póndit Jesus : *✠* Dixi vobis quia ego sum : si ergo me quæritis, sínite hos abire. *C.* Ut implerétur sermo quem dixit : Quia quos dedisti mihi, non pérdidi ex eis quemquam. Simon ergo Petrus habens gládium, edúxit eum, et percússit pontíficis servum, et absceidit aurículam ejus dexteram. Erat autem nomen servo Malchus. Dixit ergo Jesus Petro : *✠* Mitte gládium tuum in vagí- nam. Cálicem quem dedit mihi Pater,

non bibam illum? **C.** Cohors ergo, et tribúnus, et ministri Judæorum comprehendérunt Jesum, et ligavérunt eum : et adduxérunt eum ad Annam primum : erat enim socer Caíphæ, qui erat pón-tifex anni illíus. Erat autem Caíphas qui consílium déderat Judæis : Quia expedit unum hóminem mori pro pópulo. Sequébatur autem Jesum Simon Petrus, et álius discípulus. Discípulus autem ille erat notus pontifici, et introívit cum Jesu in átrium pontificis. Petrus autem stabat ad óstium foris. Exívit ergo discípulus álius, qui erat notus pontifici, et dixit ostiáriæ, et introduxit Petrum. Dicit ergo Petro ancilla ostiária : **S.** Numquid et tu ex discíplis es hóminis istíus? **C.** Dicit ille : **S.** Non sum. **C.** Stabant autem servi et ministri ad prunas, quia frigus erat, et calefaciébant se : erat autem cum eis et Petrus stans, et calefaciens se. Póntifex ergo interrogávit Jesum de discíplis suis, et de doctrína ejus. Respondit ei Jesus : **✠** Ego palam locútus sum mundo : ego semper dócui in synagóga, et in templo quo omnes Judæi convéniunt, et in occúltis locútus sum nihil. Quid me intérogas? intéroga eos qui audíerunt quid locútus sim ipsis : ecce hi sciunt quæ dixerim ego. **C.** Hæc autem cum dixisset, unus assístens ministrórum dedit álapam Jesu, dicens : **S.** Sic respondes pontifici. **C.** Respondit ei Jesus : **✠** Si male locútus sum, testimónium pèrhíbe de malo : si autem bene, quid me cædis? **C.** Et misit eum Annas ligátum ad Caípham pontificem. Erat autem Simon Petrus stans, et calefaciens se. Dixérunt ergo ei : **S.** Numquid et tu ex discíplis ejus es? **C.** Negávit ille, et dixit : **S.** Non sum. **C.** Dicit ei unus ex servis pontificis, cognátus ejus cujus absceðit Petrus aurículam : **S.** Nonne ego te vidi in horto cum illo? **C.** Iterum ergo negávit Petrus, et statim gallus cantávit. Addúeunt ergo Jesum a Caípha in prætórium. Erat autem mane : et ipsi non introiérunt in prætórium, ut non contaminaréntur, sed ut manducárent Pascha. Exívit ergo

Pilátus ad eos foras, et dixit : **S.** Quam accusationem affértis advérsus hóminem hunc? **C.** Respondérunt et dixerunt ei : **S.** Si non esset hic malefáctor, non tibi tradidissémus eum. **C.** Dixit ergo eis Pilátus : **S.** Accipite eum vos, et secúndum legem vestram judicáte eum. **C.** Dixérunt ergo ei Judæi : **S.** Nobis non licet interficere quemquam. **C.** Ut sermo Jesu implerétur, quem dixit, significans quia morte esset moritúrus. Introívit ergo iterum in prætórium Pilátus, et vocávit Jesum, et dixit ei : **S.** Tu es Rex Judæórum? **C.** Respondit Jesus : **✠** A temetípso hoc dicis, an álii dixerunt tibi de me? **C.** Respondit Pilátus : **S.** Numquid ego Judæus sum? Gens tua et pontífices tradidérunt te mihi : quid fecisti? **C.** Respondit Jesus : **✠** Regnum meum non est de hoc mundo : si ex hoc mundo esset regnum meum, ministri mei útique decertárent ut non tráderer Judæis : nunc autem regnum meum non est hinc. **C.** Dixit itaque ei Pilátus : **S.** Ergo Rex es tu? **C.** Respondit Jesus : **✠** Tu dicis, quia Rex sum ego. Ego in hoc natus sum, et ad hoc veni in mundum, ut testimónium pèrhíbeam veritáti : omnis qui est ex veritaté, audit vocem meam. **C.** Dicit ei Pilátus : **S.** Quid est veritas? **C.** Et cum hoc dixisset, iterum exívit ad Judæos, et dicit eis : **S.** Ego nullam invénio in eo causam. Est autem consuetúdo vobis, ut unum dimíttam vobis in Pascha : vultis ergo dimíttam vobis Regem Judæórum? **C.** Clamavérunt ergo rursum omnes, dicéntes : **S.** Non hunc, sed Barábbam. **C.** Erat autem Barábbas latro. Tunc ergo apprehéndit Pilátus Jesum, et flagellávit. Et mílites, plecténtes corónam de spinis, imposuérunt cápiti ejus, et veste purpúrea circumdedérunt eum. Et veniébant ad eum, et dicébant : **S.** Ave, Rex Judæórum. **C.** Et dabant ei álapas. Exívit ergo iterum Pilátus foras, et dicit eis : **S.** Ecce addúco vobis eum foras, ut cognoscátis quia nullam invénio in eo causam. **C.** (Exívit ergo Jesus portans corónam spineam et purpúreum vestiméntum.) Et dicit eis :

S. Ecce homo. C. Cum ergo vidissent eum pontifices et ministri, clamabant, dicentes : S. Crucifige, crucifige eum. C. Dicit eis Pilátus : S. Accipite eum vos, et crucifigite : ego enim non invénio in eo causam. C. Respondérunt ei Judæi : S. Nos legem habémus, et secundum legem debet mori, quia Filium Dei se fecit. C. Cum ergo audisset Pilátus hunc sermónem, magis tímuit. Et ingressus est prætóríum iterum, et dixit ad Jesum : S. Unde es tu? C. Jesus autem respónsum non dedit ei. Dicit ergo ei Pilátus : S. Mihi non lóqueris? Nescis quia potestátem hábeo crucifigere te, et potestátem hábeo dimittere te? C. Respóndit Jesus : ✠ Non habéres potestátem advérsus me ullam, nisi tibi datum esset désuper. Proptérea, qui me trádidit tibi, majus peccátum habet. C. Et exinde quærébat Pilátus dimittere eum. Judæi autem clamábant, dicentes : S. Si hunc dimittis, non es amicus Cæsaris. Omnis enim qui se regem facit, contradicit Cæsari. C. Pilátus autem, cum audisset hos sermónes, addúxit foras Jesum, et sedit pro tribunáli in loco qui dicitur Lithóstroto, hebráice autem Gábbatha. Erat autem Parasceve Paschæ, hora quasi sexta; et dicit Judæis : S. Ecce Rex vester. C. Illi autem clamabant : S. Tolle, tolle, crucifige eum. C. Dicit eis Pilátus : S. Regem vestrum crucifigam? C. Respondérunt pontifices : S. Non habémus regem nisi Cæsarem. C. Tunc ergo trádidit eis illum, ut crucifigerétur. Susceperunt autem Jesum, et eduxérunt. Et bájulans sibi crucem, exivit in eum qui dicitur Calvárie locum, hebráice autem Gólgotha, ubi crucifixérunt eum, et cum eo alios duos, hinc et hinc, médium autem Jesum. Scripsit autem et titulum Pilátus, et pósuit super crucem. Erat autem scriptum : Jesus Nazaréus, Rex Judæórum. Hunc ergo titulum multi Judæórum legérunt, quia prope civitátem erat locus ubi crucifixus est Jesus. Et erat scriptum hebráice, græce et latine. Dicebant ergo Piláto pontifices Judæórum :

S. Noli scribere, Rex Judæórum, sed quia ipse dixit : Rex sum Judæórum. C. Respóndit Pilátus : S. Quod scripsi, scripsi. C. Milites ergo cum crucifixissent eum, acceperunt vestiménta ejus (et fecérunt quátuor partes, unicuique militi partem) et túnica. Erat autem túnica inconsútilis, désuper contéxta per totum. Dixérunt ergo ad invicem : S. Non scindámus eam, sed sortiámur de illa cujus sit. C. Ut Scriptúra imple-rétur, dicens : Partíti sunt vestiménta mea sibi, et in vestem meam misérunt sortem. Et milites quidem hæc fecérunt. Stabant autem juxta crucem Jesu mater ejus, et soror matris ejus María Cleóphæ, et María Magdaléne. Cum vidisset ergo Jesus matrem, et discipulum stantem quem diligébat, dicit matri suæ : ✠ Mulier, ecce filius tuus. C. Deinde dicit discipulo : ✠ Ecce mater tua. C. Et ex illa hora accépit eam discipulus in sua. Póstea sciens Jesus quia ómnia consummáta sunt, ut consummarétur Scriptúra, dixit : ✠ Sitio. C. Vas ergo erat pósitum acéto plenum. Illi autem spóngiam plenam acéto hyssópo circumponéntes, obtulé-runt ori ejus. Cum ergo accepisset Jesus acétum, dixit : ✠ Consummátum est. C. Et inclináto cápite, trádidit spiritum.

Hic genuflectitur et pausatur aliquantulum.

Judæi ergo (quóniam Parasceve erat), ut non remanérent in cruce córpora sabbato (erat enim magnus dies ille sabbati), rogavérunt Pilátum ut frangeréntur eórum crura, et tolleréntur. Venérunt ergo milites : et primi quidem fregérunt crura, et altérius qui crucifixus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura : sed unus militum lancea latus ejus apérui, et continuo exivit sanguis et aqua. Et qui vidit, testimónium perhibuit, et verum est testimónium ejus. Et ille scit quia vera dicit, ut et vos credátis. Facta sunt enim hæc ut Scriptúra implerétur : Os non comminuétis ex eo. Et iterum ália

Scriptura dicit : Vidébunt in quem transfixérunt.

Quod sequitur, legitur in tono Evangelii : et dicitur Munda cor meum. sed non petitur Benedictio, et non deferuntur luminaria, neque incensum, et Celebrans in fine non osculatur librum.

Post hæc autem rogávit Pilátum Joseph ab Arimathæa (eo quod esset discipulus Jesu, occultus autem propter metum Judæorum), ut tólleret corpus Jesu. Et permísit Pilátus. Venit ergo, et

tulit corpus Jesu. Venit autem et Nicodémus, qui vénerat ad Jesum nocte primum, ferens mixturam myrrhæ et álœs. quasi libras centum. Accepérunt ergo corpus Jesu, et ligavérunt illud linteis cum aromátibus, sicut mos est Judæis sepelire. Erat autem in loco ubi crucifixus est, hortus : et in horto monuméntum novum, in quo nondum quisquam pósitus erat. Ibi ergo, propter Parasceven Judæorum, quia juxta erat monuméntum, posuérunt Jesum.

Deinde Sacerdos, stans in cornu Epistolæ, incipit absolute, junctis manibus :



Orémus, di-lectíssimi nobis, pro Ecclé-si-a sancta De-i : ut e-am



De-us et Dóminus noster pa-ci-fi-cá-re, adunáre et custo-dire digné-tur



to-to orbe terrárum : subjí-ci-ens e-i princi-pá-tus et po-testátes :



detque nobis, qui-é-tam et tranquillam vi-tam degéntibus, glo-ri-fi-cáre



De-um Patrem omnipoténtem. Oré-mus.



Diaconus. Flectámus génu-a. Subdiaconus. *℞.* Levá - te.

Oratio cantatur in tono feriali Orationis Missæ, extensis manibus. Et hic modus servatur in subsequéntibus.

OMNÍPOTENS sempitérne Deus, qui glóriam tuam ómnibus in Christo géntibus revelásti : custódi ópera miseri-

córdia tuæ; ut Ecclesiá tua toto orbe | mínimum nostrum Jesum Christum Filium
diffúsa, stábili fide in confessiõe tui | tuum, qui tecum vivit et regnat, etc.
nóminis perseveret. Per eúndem Dó- | *ñ.* Amen.



Orémus et pro be-a-tíssimo Papa nostro *N.*, ut De-us et



Dóminus noster, qui e-lé-git e-um in ór-dine Episcopá-tus, salvum



atque incó-lumem custó-di-at Ecclesi-æ su-æ sanctæ, ad regéndum



pópulum sanctum De-i. Oré-mus.

Flectámus génu-a. *ñ.* Leváte.

OMNÍPOTENS sempitérne Deus, cujus | ut christiána plebs, quæ te gubernátur
judicio uní-versa fundántur: réspice | auctóre, sub tanto Pontífice, creduli-
propítius ad preces nostras, et eléctum | tátis suæ méritis augeátur. Per Dómi-
nobis Antístitem tua pietáte consérva; | num. *ñ.* Amen.



Orémus et pro ómnibus Episcopis, Presby-teris, Di-acó-nibus,



Subdi-acó-nibus, Acó-lythis, Exorcístis, Lectó-ribus, Osti-á-ri-is,



Confessó-ribus, Virgi-nibus, Vidu-is, et pro omni pópu-lo sancto De-i.



Oré-mus.

Flectámus génua. *ñ.* Leváte.

OMNÍPOTENS sempitérne Deus, ejus
spíritu totum corpus Ecclésiæ san-
tificátur et régitur: exáudi nos pro uni-

vérsis ordinibus supplicántes; ut, grátia
tuæ múnere, ab ómnibus tibi grádibus
fidéliter serviátur. Per Dóminum.

ñ. Amen.



Orémus et pro christi-aníssimo Impera-tóre nostro N.,



*Si non est coronatus, dicatur:
electo Imperatore*

ut De-us et Dóminus noster súbdi-tas il-li fá-ci-at



omnes bárbaras na-ti-ónes, ad nostram perpétu-am pacem. Oré-mus.

Flectámus génua. *ñ.* Leváte.

OMNÍPOTENS sempitérne Deus, in ejus
manu sunt ómnium potestátes, et
ómnium jura regnórum: réspice ad Ro-

mánum benignus Impérium; ut gentes
quæ in sua feritáte confidunt, poténtiæ
tuæ dextera comprimántur. Per Dómi-
num. *ñ.* Amen.



Orémus et pro catechúmenis nostris: ut De-us et Dóminus noster



adapé-ri-at aures præcordi-órum ipsórum, janu-ámque mi-se-ricórdi-æ:



ut per lavácrum regene-ra-ti-ónis, accépta remissi-óne ómni-um pecca-



tórum, et ipsi inveni-ántur in Christo Jesu Dómino nostro. Oré-mus.

Flectámus génua. *ñ.* Leváte.

OMNÍPOTENS sempitérne Deus, qui Ec-
clésiám tuam nova semper prole fe-
cúndas, auge fidem et intelléctum cate-

chúmenis nostris: ut renáti fonte bap-ti-
smatis, adopti-ónis tuæ filiis aggregéntur.
Per Dóminum. *ñ.* Amen.




Orémus, di-lectissimi nobis, De-um Patrem omnipoténtem, ut
 cunctis mundum purget erró-ribus: morbos áufe-rat: famem depéllat:
 apé-ri-at cárceres: víncu-la dissólvat: pere-grinán-tibus ré-di-tum,
 infirmántibus sani-tátem, navi-gántibus portum sa-lú-tis indúlge-at.

Oré-mus.

Flectámus génua. *ñ.* Leváte.

OMNÍPOTENS sempitérne Deus, mœstó-
 rum consolátió, laborántium forti-
 túdo: pervéniant ad te preces de qua-

cúmque tribulatióne clamántium: ut
 omnes sibi in necessitatibus suis mise-
 ricórdiam tuam gaúdeant affuisse. Per
 Dóminum. *ñ.* Amen.



Orémus et pro hæré-ti-cis et schismá-ticis: ut De-us et Dóminus
 noster éru-at e-os ab erró-ribus u-nivérsis, et ad sanctam matrem
 Ecclé-si-am cathó-li-cam atque apostó-licam revocá-re dignétur.

Oré-mus.

Flectámus génua. **R.** Leváte.

OMNÍPOTENS sempitérne Deus, qui salvas omnes, et néminem vis perire: respice ad ánimas diabólica fraude de-

céptas; ut, omni hærética pravitate depósita, errántium corda respíscant, et ad veritátis tuæ rédeant unitátem. Per Dóminum. **R.** Amen.



Orémus et pro pèr-fidis Judæ-is: ut De-us et Dóminus noster



áuferat ve-lámen de córdibus e-órum, ut et ipsi agnóscant Jesum



Christum Dóminum nostrum.

Non respondetur Amen, sed statim dicitur:

OMNÍPOTENS sempitérne Deus, qui étiam Judáicam perfídiam a tua misericórdia non repéllis: exáudi preces nostras,

quas pro illius pópuli obcæcacióné deférimus; ut, ágnita veritátis tuæ luce, quæ Christus est, a suis ténebris eruántur. Per eúmdem Dóminum.

R. Amen.



Orémus et pro pagánis: ut De-us omnípotens áuferat i-niqui-tá-



tem a córdibus e-órum: ut re-lictis idó-lis su-is, convertántur ad De-um



vivum et verum, et ú-nicum Fí-li-um e-jus Jesum Christum, De-um



et Dóminum nostrum. Oré-mus.

Flectámus génua. **R.** Leváte.

OMNÍPOTENS sempitérne Deus, qui non mortem peccatórum, sed vitam semper inquís: súscipe propítius oratió-

nem nostram, et libera eos ab idolórum cultúra, et ággrega Ecclesiæ tuæ sanctæ, ad laudem et glóriam nóminis tui. Per Dóminum. **R.** Amen.

¶ Completis Orationibus, Sacerdos, deposita casula, accedit ad cornu Epistolæ, et ibi in posteriori parte anguli Altaris accipit a Diacono Crucem jam in Altari præparatam : quam versa facie ad populum, a summitate parum discooperit, incipiens solus Antiphonam *Ecce lignum Crucis*, ac deinceps in reliquis juvatur in cantu a ministris usque ad *Venite, adorémus*. Choro autem cantante, *Venite, adorémus*, omnes se proster-

nunt, excepto Celebrante. Deinde procedit ad anteriorem partem anguli ejusdem cornu Epistolæ, et discooperiens brachium dextrum Crucis, elevansque eam paulisper altius quam primo, incipit *Ecce lignum Crucis*, aliis cantantibus et adorantibus, ut supra. Deinde Sacerdos procedit ad medium Altaris, et discooperiens Crucem totaliter, ac elevans eam tertio altius, incipit *Ecce lignum Crucis*, aliis cantantibus et adorantibus, ut supra.

Ecce li- gnum Cru- cis, in quo sa- lus mun- di

pe- pén- dit.

Chorus. H. Ve- ní- te, ad- o- ré- mus.

Postea Sacerdos solus portat Crucem ad locum ante Altare præparatum, et genuflexus ibidem eam locat : mox depositis calceamentis, accedit ad adorandam Crucem, ter genua flectens antequam eam deosculetur. Hoc facto, revertitur, et accipit calceamenta et casulam. Postmodum ministri Altaris, deinde alii Clerici et laici, bini et bini, ter genibus flexis, ut dictum est, Crucem adorant. Interim, dum fit adoratio Crucis, cantantur impropéria, et alia quæ sequuntur, vel omnia, vel pars eorum, prout multitudo adorantium vel paucitas requirit, hoc modo :

Duo Cantores in medio chori cantant *Ÿ. Pópule meus*, usque ad *Agios o Theos*.

Ÿ. Pópule meus, quid feci tibi? aut in quo contristávi te? respónde mihi.

Ÿ. Quia edúxi te de terra Ægypti, parásti crucem Salvatóri tuo.

Unus Chorus cantat *Agios o Theos*.

Alius Chorus respondet *Sanctus Deus*.

Primus Chorus : *Agios íschyros*.

Secundus Chorus : *Sanctus fortis*.

Primus Chorus : *Agios athánatos, eléison imas*.

Secundus Chorus : *Sanctus immortalis, miserére nobis*.

Postea duo de secundo Choro cantant *Ÿ. Quia edúxi te per desértum quadraginta annis, et manna cibávi te, et introdúxi te in terram satis bonam, parásti crucem Salvatóri tuo*.

Chori respondent alternatim, *Agios o Theos*, etc., *Sanctus Deus*, etc.; ita tamen ut primus Chorus semper repetat *Agios*.

Deinde duo de primo Choro cantant *Ÿ. Quid ultra débui fácere tibi, et non feci? Ego quidem plantávi te víneam meam speciosíssimam, et tu facta es mihi nimis amára : acéto namque sitim meam potásti, et lancea perforásti latus Salvatóri tuo*.

Item Chori alternatim respondent, Agios o Theos, etc., Sanctus Deus, etc.

¶ Versus sequentis improprietate a duobus Cantoribus alternatim cantantur, utroque Choro simul repetente post quemlibet versum : Pópule meus, usque Quia eduxi te de terra Ægypti.

Duo de secundo Choro cantant ŷ. Ego propter te flagellávi Ægyptum cum primogénitis suis : et tu me flagellátum tradidisti.

Chorus repetit Pópule meus, etc.

Duo de primo Choro : ŷ. Ego eduxi te de Ægypto, demerso Pharaone in mare Rubrum : et tu me tradidisti princípibus sacerdotum.

Chorus : Pópule meus, etc.

Duo de secundo Choro : ŷ. Ego ante te aperui mare : et tu aperuisti lancea latus meum.

Chorus : Pópule meus, etc.

Duo de primo Choro : ŷ. Ego ante te praeivi in columba nubis : et tu me duxisti ad praetorium Pilati.

Chorus : Pópule meus, etc.

Duo de secundo Choro : ŷ. Ego te pavi manna per desertum : et tu me cecidisti alapis et flagellis.

Chorus : Pópule meus, etc.

Duo de primo Choro : ŷ. Ego te potavi aqua salutis de petra : et tu me potasti felle et aceto.

Chorus : Pópule meus, etc.

Duo de secundo Choro : ŷ. Ego propter te Chanaanorum reges percussi : et tu percussisti arundine caput meum.

Chorus : Pópule meus, etc.

Duo de primo Choro : ŷ. Ego dedi tibi sceptrum regale : et tu dedisti capiti meo spineam coronam.

Chorus : Pópule meus, etc.

Duo de secundo Choro : ŷ. Ego te exaltavi magna virtute : et tu me suspendisti in patibulo crucis.

Chorus : Pópule meus, etc.

Deinde cantatur communiter Antiphona : Crucem tuam adoramus, Domine, et sanctam resurrectionem tuam laudamus et glorificamus : ecce enim propter

lignum venit gaudium in universo mundo. Ps. 66. Deus misereatur nostri, et benedicat nobis ; illuminet vultum suum super nos, et misereatur nostri. Et repetitur immediate Antiphona Crucem tuam.

Postea cantatur ŷ. Crux fidelis, cum Hymn. Pange, lingua, gloriosi : et post quemlibet ejus versum repetitur Crux fidelis, vel Dulce lignum, eo modo quo inferius notatur.

Crux fidelis, inter omnes arbor una nobilis : nulla silva talem profert, fronde, flore, germine.

Dulce lignum, dulces clavos, dulce pondus sustinet.

Hymnus. Pange, lingua, gloriosi lauream certaminis, et super Crucis trophaeo dic triumphum nobilem : qualiter Redemptor orbis immolatus vicerit.

Repetitur Crux fidelis, usque ad Dulce lignum. Et sic fit quoties repetitur Crux fidelis.

ŷ. De parentis protoplasti fraude factor condolens, quando pomi noxialis in necem morsu ruit : ipse lignum tunc notavit, damna ligni ut solveret.

Repetitur Dulce lignum.

ŷ. Hoc opus nostrae salutis ordo deposcerat, multiformis proditoris ars ut artem falleret : et medellam ferret inde, hostis unde larserat.

Repetitur Crux fidelis.

ŷ. Quando venit ergo sacri plenitudo temporis, missus est ab arce Patris Natus, orbis Conditor, atque ventre virginali carne amictus prodit.

Repetitur Dulce lignum.

ŷ. Vagit infans inter arcta conditus praesepia : membra pannis involuta Virgo mater alligat : et Dei manus pedesque stricta cingit fascia.

Repetitur Crux fidelis.

ŷ. Lustra sex qui jam perégit, tempus implens corporis, sponte libera Redemptor passioni deditus, Agnus in Crucis levatur immolandus stipite.

Repetitur Dulce lignum.

ŷ. Felle potus ecce languet : spina,

clavi, lancea mite corpus perforarunt : unda manat, et cruor : terra, pontus, astra, mundus, quo lavantur flumine!

Repetitur Crux fidelis.

Ÿ. Flecte ramos, arbor alta, tensa laxa viscera, et rigor lentescat ille, quem dedit nativitas : et superni membra Regis tende miti stipite.

Repetitur Dulce lignum.

Ÿ. Sola digna tu fuisti ferre mundi victimam, atque portum præparare arca mundo naufrago, quam sacer cruor perunxit, fusus Agni corpore.

Repetitur Crux fidelis.

Ÿ. Sempiterna sit beata Trinitati gloria, æqua Patri Filioque, par decus Paraclyto : Unius Trinique nomen laudet universitas. Amen.

Repetitur Dulce lignum.

¶ Circa finem adorationis Crucis accenduntur candelæ super Altare, et Diaconus, accipiens bursam corporalium, extendit corporale more solito, et juxta illud ponit purificatorium : et finita adoratione, Crucem reverenter accipit et reportat ad Altare. Postea ordinatur Processio ad locum ubi pridie Sacramentum repositum fuerat. Præcedit Subdiaconus cum Cruce, inter duos Acolythos deferentes candelabra cum cereis accensis, et Clerus per ordinem, ultimus Sacerdos cum Ministris. Cum perventum fuerit ad locum Sacramenti, accenduntur intorticia, quæ non exstinguuntur nisi post summptionem Sacramenti : et Sacerdos genuflectit ante Sacramentum, orat aliquantulum : Diaconus interim aperit capsulam in qua reconditum est Corpus Domini. Postea Sacerdos surgens, absque benedictione imponit incensum in duobus thuribulis, Diacono naviculam ministrante, et genuflexus incensat Sacramentum. Dum Diaconus, extrahens Calicem cum Sacramento de capsula, dat ad manus Sacerdotis, et tegit extremitatibus veli quod humeros illius circumdat : et procedunt ordine quo venerunt. Deferitur baldachinum super Sacramentum, et duo Acolythi cum thuribulis continue Sacramentum incensant. Interim can-

tatur Hymnus Vexilla Regis prædeunt.

Cum venerit Sacerdos ad Altare, posito super illud Calice, genuflexus rursum incensat, et accedens deponit Hostiam ex Calice super patenam quam Diaconus tenet : et accipiens patenam de manu Diaconi, Hostiam sacram ponit super corporale, nihil dicens. Si tetigerit Sacramentum, digitos abluat in aliquo vase. Interim Diaconus imponit vinum in Calicem, et Subdiaconus aquam, quam Sacerdos non benedicit, nec dicit super eam Orationem consuetam; sed accipiens Calicem a Diacono, ponit super Altare, nihil dicens : et Diaconus illum cooperit palla : deinde imponit incensum in thuribulo absque benedictione, et incensat oblata et Altare more solito, genuflectens ante et post, et quandocumque transit ante Sacramentum.

Cum incensat oblata, dicit :

INCENSUM istud a te benedictum ascendat ad te, Domine, et descendat super nos misericordia tua.

Cum incensat Altare, dicit :

Ps. 140.

DIRIGATUR, Domine, oratio mea sicut incensum in conspectu tuo : elevatio manuum mearum sacrificium verspertinum. Pone, Domine, custodiam ori meo, et ostium circumstantiæ labiis meis : ut non declinet cor meum in verba malitiæ ad excusandas excusationes in peccatis.

Quando reddit thuribulum Diacono, dicit :

ACCENDAT in nobis Dominus ignem sui amoris, et flammam æternæ charitatis. Amen.

Et ipse non incensatur.


Postea aliquantulum extra Altare in cornu Epistolæ lavat manus, nihil dicens; deinde in medio Altaris inclinatus, junctis manibus, dicit :

IN spiritu humilitatis et in animo contrito suscipiamur a te, Domine : et sic fiat sacrificium nostrum in conspectu tuo hodie, ut placeat tibi, Domine Deus.

Deinde, versus ad populum in cornu Evangelii, dicit more solito :

ORÁTE, fratres, ut meum ac vestrum sacrificium acceptabile fiat apud Deum Patrem omnipotentem.


Et per eamdem viam revertitur, non perficiens circulum; et consequenter, omissis aliis, dicit :




Oré-mus. Præcéptis sa-lu-tá-ribus móni-ti, et di-vína insti-tu-



ti-óne formá-ti, audémus dicere: Pa-ter noster, qui es in cœ-lis;



Sancti-fi-cétur nomen tu-um: Advéni-at regnum tu-um: Fi-at volúntas



tu-a, sicut in cœlo et in terra. Panem nostrum quo-ti-di-ánum da



nobis hódi-e: Et dimit-te nobis débi-ta nostra, sicut et nos dimit-



timus de-bitó-ribus nostris. Et ne nos indúcas in tenta-ti-ó-nem.



ñ. Sed libe-ra nos a ma-lo.

Sacerdos, sub silentio dicto Amen, eadem voce qua dixit Pater noster, absolute sine Orémus, in tono Orationis Missæ ferialis, dicit :

LÍBERA nos, quæsumus, Dómine, ab ómnibus malis præteritis, præsentibus et futuris : et intercedente beáta et gloriósa semper virgine Dei Genitrice María, cum beátis Apóstolis tuis Petro et Paulo, atque Andréa, et ómnibus Sanctis (non signat se patena), da pro-

pítius pacem in diébus nostris : ut ope misericórdiæ tuæ adjúti, et a peccátis semper liberi, et ab omni perturbatióne secúri. Per eúmdem Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómnia sæcula sæculórum. ñ. Amen.

¶ Tunc Celebrans, facta reverentia usque ad terram, supponit patenam Sacramento, quod in dextera accipiens, elevat

ut videri possit a populo : et statim supra Calicem dividit in tres partes, quarum ultimam mittit in Calicem, more solito, nihil dicens. Pax Dómini non dicitur, nec Agnus Dei, neque pacis osculum datur. Postmodum, prætermisiss duabus primis Orationibus, dicit tantum sequentem :

PERCÉPTIO Córporis tui, Dómine Jesu Christe, quod ego indignus sumere præsumo, non mihi provéniat in iudicium et condemnatióem : sed pro tua pietáte prosit mihi ad tutaméntum mentis et córporis, et ad medélam percipiéndam. Qui vivis et regnas cum Deo Patre, in unitáte Spíritus sancti Deus, per ómnia sæcula sæculórum. *ñ.* Amen.

Tunc genuflectit, et accipit patenam cum Corpore Christi, et maxima humilitate ac reverentia dicit : Panem cœléstem accipiam, et nomen Dómini invocábo.

Percutit pectus suum ter, dicens :

Dómine, non sum dignus ut intres sub tectum meum : sed tantum dic verbum, et sanábitur ánima mea.

Postea signat se Sacramento, dicens :

Corpus Dómini nostri Jesu Christi custodiát ánimam meam in vitam ætérnam. Amen.

Et sumit Corpus reverenter.

Deinde, omissis omnibus quæ dici solent ante sumpcionem Sanguinis, immediate particulam Hostiæ cum vino reverenter sumit de Calice. Et more solito facta ablutione digitorum, et sumpta purificatione, in medio Altaris inclinatus, manibus junctis, dicit : Quod ore sumpsimus, Dómine, pura mente capiámus, et de munere temporáli fiat nobis remédiū sempitérnum.

Non dicitur Corpus tuum, Dómine, nec Postcommunio, nec Pláceat tibi, nec datur benedictio : sed, facta reverentia Altari, Sacerdos cum ministris discedit. Et dicuntur Vesperæ sine cantu, et denu-datur Altare.

SABBATO SANCTO

Statio ad Sanctum Joannem in Laterano.

Hora competenti cooperiuntur Altaria, et dicuntur Horæ, candelis Altaris exstin-

ctis usque ad principium Missæ. Interim excutitur ignis de lapide foris ecclesiam, et ex eo accenduntur carbones.

Dicta Nona, Sacerdos indutus amictu, alba, cingulo, stola, et pluviali violaceo, vel sine casula, adstantibus sibi Ministris, cum Cruce, aqua benedicta et incenso, ante portam ecclesiæ, si commode potest, vel in ipso aditu ecclesiæ, benedicit novum ignem, dicens :

Ÿ. Dóminus vobiscum. *ñ.* Et cum spíritu tuo.

Orémus. Oratio.

DEUS, qui per Filium tuum, angularem scilicet lápidem, claritátis tuæ ignem fidélibus contulisti : productum e silice, nostris profutúrum úsibus, novum hunc ignem sancti *✠*fica; et concede nobis, ita per hæc festa Paschália cœléstibus desidériis inflammári, ut ad perpétuæ claritátis puris méntibus valeámus festa pertingere. Per eúmdem Christum Dóminum nostrum.

ñ. Amen.

Orémus.

DÓMINE Deus, Pater omnípotens, lumen indeficiens, qui es conditor ómnium lúminum, béne *✠*dic hoc lumen quod a te sanctificátum atque benedictum est, qui illuminásti omnem mundum : ut ab eo lúmine accendámur, atque illuminémur igne claritátis tuæ : et sicut illuminásti Móysen exeúntem de Ægypto, ita illúmines corda et sensus nostros, ut ad vitam et lucem ætérnam pervenire mereámur. Per Christum Dóminum nostrum.

ñ. Amen.

Orémus.

DÓMINE sancte, Pater omnípotens, ætérne Deus, benedicéntibus nobis hunc ignem in nómine tuo, et unigéniti Filii tui Dei ac Dómini nostri Jesu Christi, et Spíritus sancti, cooperári dignéris : et ádjuva nos contra igníta tela inimici, et illústra grátia cœlésti. Qui vivis et regnas cum eódem Unigénito tuo, et Spíritu sancto, Deus, per ómnia sæcula sæculórum.

ñ. Amen.

Deinde benedicit quinque grana incensi ponenda in Cereo, dicens absolute hanc Orationem.

VENIAT, quæsumus, omnipotens Deus, super hoc incensum larga tuæ benedictionis infusio : et hunc nocturnum splendorem invisibilis regenerátor accende; ut non solum sacrificium quod hac nocte litátum est, arcána lúminis tui admixtióne refúlgeat : sed in quocúmque loco ex hujus sanctificatiónis mystério aliquid fuerit deportátum, expúlsa diabólicæ fraudis nequítia, virtus tuæ majestátis assistat. Per Christum Dóminum nostrum. **ñ.** Amen.

¶ Dum benedicit grana incensi, Acolythus assumens de carbonibus benedictis ponit in thuribulo, et finita Oratione supradicta, Sacerdos de navicula ponit incensum in thuribulo, benedicens illud more solito; deinde prædicta grana incensi et ignem ter aspergit aqua benedicta, dicens : Aspérge me, Dómine, sine cantu et sine Psalmo : et ter adolet incenso.

Interim omnia luminaria ecclesiæ extinguuntur, ut de igne benedicto postmodum accendantur. Tum Diaconus indutus dalmatica albi coloris, accipit arundinem cum tribus candelis in summitate illius, triangulo distinctis. Præcedit Thuriferarius cum Acolytho deferente in vase quinque grana incensi : sequitur Subdiaconus cum Cruce, et Clerus per ordinem; deinde Diaconus cum arundine, post eum Celebrans. Cum Diaconus ingressus est ecclesiam, inclinat arundinem, et Acolythus deferens candelam accensam de

novo igne, accendit unam ex illis tribus candelis desuper positis : et Diaconus elevans arundinem, genuflectit, similiter et omnes alii cum eo, præter Subdiaconum Crucem ferentem; et cantat solus :




Lumen Christi. **ñ.** De-o grá-ti-as.


Et procedens ad medium ecclesiæ, ibi accenditur alia candela : et iterum genuflexus, ut supra, altius cantat : Lumen Christi. **ñ.** Deo grátias.

Tertio procedit ante Altare, ubi accenditur tertia candela : et rursus genuflexus, ut prius, adhuc altius dicit : Lumen Christi. **ñ.** Deo grátias.


Deinde Celebrans ascendit ad Altare in cornu Epistolæ, et Diaconus dat arundinem uni Acolytho : et accipiens librum, petit a Celebrante benedictionem, ut fit ad Evangelium, Sacerdote dicente : Dóminus sit in corde tuo et in lábiis tuis, ut digne et competenter annúnties suum Paschále præcónium : In nómine Patris, et Filii, **✠** et Spíritus sancti. Amen.

Postea vadit ad pulpítum, et ponit super eo librum, et incensat. A dextris Diaconi stent Subdiaconus cum Cruce, et Thuriferarius : a sinistris, duo Acolythi, ille qui tenet arundinem, et alius tenens in vase quinque grana incensi benedicti figenda in Cereo. Tunc surgentibus omnibus, et stantibus, ut fit ad Evangelium, Diaconus cantat :





tá - ris. Gáu - de - at et tellus tantis irra - di - á - ta fulgó - ribus: et



æ - té - rni Regis splendóre illustrá - ta, to - tí - us orbis se sén - ti - at



a - mi - sisse ca - lí - ginem. Læ - té - tur et mater Ecclé - si - a, tanti



lúminis adorná - ta fulgó - ribus: et magnis popu - ló - rum vó - cibus hæc



aula re - súl - tet. Quapró - pter adstántes vos, fratres cha - rissi - mi,



ad tam miram hujus sancti lúmi - nis clari - tá - tem, u - na mecum, quæ -




so, De - i omni - po - tén - tis mise - ri - córdi - am invocá - te. Ut qui me



non me - is méri - tis intra Levi - tárum númerum dignátus est aggregá - re,



lúmi - nis su - i cla - ri - tá - tem infúndens, Cé - re - i hujus laudem implé - re



per - fi - ci - at. Per Dó - minum nostrum Jesum Christum Fí - li - um su - um,



qui cum e-o vi-vit et regnat in u-ni-tá-te Spí-ri-tus sancti De-us.

PER ómni-a sæcula sæculó-rum. *ñ.* Amen. *ŷ.* Dóminus vo-bis-cum.



ñ. Et cum spí-ri-tu tu-o. *ŷ.* Sursum cor-da. *ñ.* Habémus ad Dó-minum.



ŷ. Grá-ti-as agámus Dómino De-o nostro. *ñ.* Dignum et justum est.

VERE dignum et justum est, invi-si-bi-lem De-um Patrem omnipo-tén-




tem, Fi-li-úmque ejus uni-gé-nitum, Dóminum nostrum Jesum Christum,



to-to cordis ac mentis af-fé-ctu, et vocis ministé-ri-o per-soná-re.



Qui pro nobis æté-rno Patri, Adæ dé-bi-tum sol-vit, et vé-teris pi-á-




cu-li cauti - ó-nem pi-o cru-ó-re de-tér-sit. Hæc sunt e-nim festa




Pa-schá-li-a, in quibus verus il-le Agnus oc-ci-di-tur, ejus sán-gui-ne



postes fidé-li-um con-secrán-tur. Hæc nox est, in qua primum patres



nostros fi-li-os Isra-el, eductos de Æ-gy-pto, ma-re Ru-brum sicco



vestí-gi-o transí-re fe-ci-sti. Hæc í-gi-tur nox est, quæ peccatô-



rum té-nebras, co-lumnæ il-lumina-ti-ó-ne purgá-vit. Hæc nox



est, quæ hódí-e per u-nivérsum mundum, in Christo cre-dén-tes, a



ví-ti-is sæcu-li et ca-lí-gi-ne pecca-tórum segre-gá-tos, red-dit



grá-ti-æ, só-ci-at san-cti-tá-ti. Hæc nox est, in qua, destrú-



ctis víncu-lis mor-tis, Christus ab ínfe-ris vi-ctor ascén-dit. Nihil



è-nim nobis nasci pró-fu-it, ni-si rédimi pró-fu-is-set. O mi-ra



circa nos tu-æ pi-e-tá-tis digná-ti-o! O inæ-stimá-bi-lis di-lé-



eti-o cha-ri- tá- tis, ut servum redímeres, Fí-li- um tra- di-di- sti! O



certe necessá-ri- um Adæ pec- cá- tum, quod Christi mor- te de- lé- tum



est! O fe-lix cul- pa, quæ ta- lem ac tantum méru- it habére red-



emptó-rem! O vere be- á- ta nox, quæ so- la méru- it scire



tempus et ho- ram in qua Christus ab ín-feris re- surré- xit! Hæc



nox est, de qua scri- ptum est: Et nox sicut di- es illumi- ná- bi- tur: et



nox illuminá- ti- o me- a in de- lí- ci- is me- is. Hu- jus í- gi- tur sancti-



ficá- ti- o no- ctis fu- gat seé- le- ra, culpas la- vat: et reddit



innocéti- am la- psis, et mœ- stis læ- ti- ti- am. Fu- gat ó- di- a,



concórdi- am pa- rat, et eur- vat impé- ri- a.

Hic Diaconus infigit quinque grana incensi benedicti in Cereo in modum crucis, hoc ordine :

1
4 2 5
3



In hu-jus í-gi-tur noctis grá-ti-a, súscipe, sancte Pater, incénsi hujus



sacri-fi-ci-um vesper-tí-num : quod tibi in hac Cé-re-i obla-ti-óne so-



lémni, per ministrórum manus, de o-péri-bus a-pum sacrosáncta red-



dit Ecclé-si-a. Sed jam co-lúmnae hu-jus præcó-ni-a nó-vimus, quam



in honórem De-i rú-ti-lans i-gnis accén-dit.

Hic Diaconus accendit Cereum cum una ex tribus candelis in arundine positis.



Qui li-cet sit di-ví-sus in par-tes, mu-tu-á-ti tamen lú-mi-nis detrimén-



ta non no-vit. A-li-tur e-nim liquántibus ce-ris, quas in substán-



ti-am pre-ti-ósæ hu-jus lámpadis, apis ma-ter e-dú-xit.

Hic accenduntur
lampades



O vere be-á-ta nox, quæ exspo-li-ávit Æ-gy-



pti-os, di-tá-vit Hebræ-os! Nox, in qua terré-nis cœ-lé-sti-a,



humánis di-vi-na jungúntur. O-rá-mus ergo te, Dó-mine, ut Cé-



re-us iste in honórem tu-i nóminis conse-crá-tus, ad noctis hujus



ca-lí-ginem destru-én-dam, inde-fí-ci-ens per-sevé-ret. Et in odórem



su-a-vi-tá-tis ac-cé-ptus, supérnis-luminá-ribus mi-sce-á-tur.




Flam-mas e-jus lú-ci-fer matu-tí-nus invé-ni-at. Il-le, inquam,



lú-ci-fer, qui ne-scit occá-sum. Il-le qui, regréssus ab in-



fe-ris, humáno gé-ne-ri seré-nus illú-xit. Precámur ergo te, Dó-



mine, ut nos fá-mu-los tu-os, omném-que Clerum, et devo-tíssimum



pó-pulum, una cum be-a-tís-simo Papa nostro N., et Antísti-te




nostro N., qui-é-te témporum con-cés-sa, in his Paschá-libus gáu-



di-is, assidu-a prote-cti-óne ré-ge-re, guberná-re et conservá-re



digné-ris.  Réspice é-ti-am ad devo-tís-simum

*Si non est coronatus, dicatur:
electum Imperátorem.*


Impera-



tórem nostrum N., cujus tu, De-us, de-sidé-ri-i vota prænóscens,





ineffá-bi-li pi-e-tá-tis et mise-ri-córdi-æ tu-æ mú-nere, tranquillum



perpétu-æ pacis ac-cómmoda, et cœ-léstem victó-ri-am cum omni pó-




pu-lo su-o.  Per e-úndem Dóminum nostrum Jesum Christum Fi-li-um



tu-um, qui tecum vi-vit et regnat in uni-tá-te Spí-ri-tus sancti De-us,



per ómni-a sæcu-la sæ-cu-ló-rum.  Amen.

¶ Completa benedictione Cerei, Diaconus, depositis albis, sumit violacea paramenta, et vadit ad Celebrantem, qui exiit pluviali, et sumit manipulum, et casulam violacei coloris. Postea leguntur Prophetiæ sine titulo, nec in earum fine respondetur Deo grátias, et Celebrans legit eas submissa voce ad Altare in cornu Epistolæ. In fine Prophetiarum dicuntur Orationes modo subscripto. Ante, vel interim dum Prophetiæ leguntur, Presbyteri catechizent catechumenos baptizandos, et præparent ad baptismum.

Prophetia prima. Gen. 1 et 2.

IN principio creávit Deus cælum et terram. Terra autem erat inánis et vácuá, et ténebræ erant super faciém abyssi, et Spíritus Dei ferebátur super aquas. Dixitque Deus : Fiat lux. Et facta est lux. Et vidit Deus lucem quod esset bona, et divisit lucem a ténebris. Appellávitque lucem Diem, et ténebras Noctem : factúmque est vespere et mane, dies unus. Dixit quoque Deus : Fiat firmaméntum in médio aquárum, et dividat aquas ab aquis. Et fecit Deus firmaméntum, divisitque aquas quæ erant sub firmaménto, ab his quæ erant super firmaméntum. Et factum est ita. Vocávitque Deus firmaméntum, Cælum : et factum est vespere et mane, dies secúndus. Dixit vero Deus : Congregéntur aquæ, quæ sub cælo sunt, in locum unum : et appareat árida. Et factum est ita. Et vocávit Deus áridam, Terram : congregationesque aquárum appellávit Mária. Et vidit Deus quod esset bonum. Et ait : Gérmínet terra herbam viréntem, et faciéntem semen, et lignum pomiferum faciens fructum juxta genus suum, ejus semen in semetípso sit super terram. Et factum est ita. Et prótulit terra herbam viréntem, et faciéntem semen juxta genus suum, lignúmque faciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vespere et mane, dies tértius. Dixit autem Deus : Fiant luminária in firmaménto cæli, et dividant diem ac noctem, et sint in si-

gna et témpora, et dies et annos : ut luceant in firmaménto cæli, et illúminent terram. Et factum est ita. Fecitque Deus duo luminária magna : lumináre majus, ut præesset diéi : et lumináre minus, ut præesset nocti : et stellæ. Et pósuit eas in firmaménto cæli, ut lucerent super terram, et præessent diéi ac nocti, et dividerent lucem ac ténebras. Et vidit Deus quod esset bonum. Et factum est vespere et mane, dies quartus. Dixit étiam Deus : Prodcúant aquæ réptile animæ vivéntis, et volátile super terram sub firmaménto cæli. Creavítque Deus cete grándia, et omnem ánimam vivéntem atque motábilem, quam prodúxerant aquæ in spécies suas, et omne volátile secúndum genus suum. Et vidit Deus quod esset bonum. Benedixítque eis, dicens : Créscite, et multiplicámini, et repléte aquas maris : avésque multiplicéntur super terram. Et factum est vespere et mane, dies quintus. Dixit quoque Deus : Prodcúat terra ánimam vivéntem in génere suo, juménta, et reptília, et béstias terræ secúndum spécies suas. Factúmque est ita. Et fecit Deus béstias terræ juxta spécies suas, et juménta, et omne réptile terræ in génere suo. Et vidit Deus quod esset bonum, et ait : Faciámus hóminem ad imáginem et similitúdinem nostram : et præsit piscibus maris, et volatilibus cæli, et béstiiis, universæque terræ, omníque réptili quod movétur in terra. Et creavít Deus hóminem ad imáginem suam : ad imáginem Dei creavít illum, másculum et féminam creavít eos. Benedixítque illis Deus, et ait : Créscite, et multiplicámini, et repléte terram, et subjeíte eam, et dominámini piscibus maris, et volatilibus cæli, et univérsis animántibus quæ movéntur super terram. Dixítque Deus : Ecce dedi vobis omnem herbam afferéntem semen super terram, et univérsa ligna quæ habent in semetipsis seméntem géneris sui, ut sint vobis in escam : et cunctis animántibus terræ, omníque vóluceri cæli, et univérsis quæ movéntur in terra, et in quibus est ánima vivens, ut há-

beant ad vescéndum. Et factum est ita. Viditque Deus cuncta quæ fécerat, et erant valde bona. Et factum est vespere et mane, dies sextus. Igitur perfecti sunt cœli et terra, et omnis ornátus eórum. Complevitque Deus die séptimo opus suum quod fécerat, et requiévít die séptimo ab univérso ópere quod patrátat.

Qua completa, Sacerdos dicit : Orémus. Diaconus : Flectámus gēnua. Et Subdiaconus : Leváte.

Oratio.

DEUS, qui mirabiliter creásti hóminem, et mirabilius redemisti : da nobis, quæsumus, contra oblectámēta peccáti mentis ratióne persistere ; ut mereámur ad ætérna gáudia pervenire. Per Dóminum.

Prophetia secunda. Gen. 5, 6, 7 et 8.

NOË vero cum quingentórum esset annórum, genuit Sem, Cham et Japheth. Cumque cœpissent hómines multiplicári super terram, et filias procreássent, vidéntes filii Dei filias hóminum, quod essent pulchræ, acceperunt sibi uxóres ex ómnibus quas elégerant. Dixitque Deus : Non permanébit spíritus meus in hómine in ætérnum, quia caro est : erúntque dies illius centum viginti annórum. Gigántes autem erant super terram in diébus illis. Postquam enim ingrési sunt filii Dei ad filias hóminum, illæque genuérunt, isti sunt poténtes a sæculo viri famósi. Videns autem Deus quod multa malitia hóminum esset in terra, et cuncta cogitatio cordis inténta esset ad malum omni témpore, poenituit eum quod hóminem fecisset in terra. Et tactus dolore cordis intrínsecus : Delébo, inquit, hóminem, quem creávi, a fácie terræ, ab hómine usque ad animántia, a réptili usque ad volúces cœli. Poenitet enim me fecisse eos. Noe vero invénit grátiam coram Dómino. Hæ sunt generatiónes Noe : Noe vir justus atque perfectus fuit in generatióibus suis : cum Deo ambulávit : et genuit tres filios, Sem, Cham et Japheth. Corrupta est autem terra coram Deo, et repléta est iniquitáte. Cum-

que vidisset Deus terram esse corrúptam (omnis quippe caro corrúperat viam suam super terram), dixit ad Noe : Finis univérse carnis venit coram me : repléta est terra iniquitáte a fácie eórum, et ego dispérdam eos cum terra. Fac tibi arcam de lignis lævigátis : mansiúnculas in arca fácies, et bitúmine linies intrínsecus et extrínsecus. Et sic fácies eam : Trecentórum cubitórum erit longitúdo arcæ, quinquaginta cubitórum latitúdo, et triginta cubitórum altitúdo illius. Fenéstram in arca fácies, et in cúbito consummábis summitátem ejus : óstium autem arcæ pones ex látere deórsum : cœnácula et tristega fácies in ea. Ecce ego addúcam aquas dilúvii super terram, ut interficiam omnem carnem in qua spíritus vitæ est subter cœlum : univérsa quæ in terra sunt consuméntur. Ponámque fœdus meum tecum : et ingrediéris arcam tu, et filii tui, uxor tua, et uxóres filiórum tuórum tecum. Et ex cunctis animántibus univérse carnis bina indúces in arcam, ut vivant tecum, masculini sexus et feminini. De volúcribus juxta genus suum, et de juméntis in génere suo, et ex omni réptili terræ secúndum genus suum : bina de ómnibus ingrediéntur tecum, ut possint vivere. Tolles igitur tecum ex ómnibus escis quæ mandí possunt, et comportábis apud te : et erunt tam tibi quam illis in cibum. Fecit igitur Noe ómnia quæ præcéperat illi Deus. Erátque sexcentórum annórum quando dilúvii aquæ inundavérunt super terram. Rupti sunt omnes fontes abyssi magnæ, et cataráctæ cœli apértæ sunt : et facta est plúvia super terram quadraginta diébus et quadraginta nóctibus. In articulo diéi illús ingræssus est Noe, et Sem, et Cham, et Japheth, filii ejus, uxor illius, et tres uxóres filiórum ejus cum eis in arcam : ipsi, et omne ánimál secúndum genus suum, univérsaque juménta in génere suo, et omne quod movétur super terram in génere suo, cunctúmque volátile secúndum genus suum. Porro arca ferebátur super aquas. Et aquæ prævaluérunť nimis super terram, opertíque

sunt omnes montes excelsi sub universo cœlo. Quindecim cubitis altior fuit aqua super montes quos operuerat. Consumptaque est omnis caro quæ movebatur super terram, volucrem, animantium, bestiarum, omniumque reptilium quæ reptant super terram. Remansit autem solus Noe; et qui cum eo erant in arca. Obtinueruntque aquæ terram centum quinquaginta diebus. Recordatus autem Deus Noe, cunctorumque animantium, et omnium jumentorum quæ erant cum eo in arca, adduxit spiritum super terram: et imminutæ sunt aquæ. Et clausi sunt fontes abyssi, et cataractæ cœli: et prohibitæ sunt pluviae de cœlo. Reversæque sunt aquæ de terra euntes et redeuntes, et cœperunt minui post centum quinquaginta dies. Cumque transissent quadraginta dies, apertis Noe fenestram arcæ quam fecerat, dimisit corvum: qui egrediebatur, et non revertebatur, donec siccarerentur aquæ super terram. Emisit quoque columbam post eum, ut videret si jam cessassent aquæ super faciem terræ. Quæ cum non invenisset ubi requiesceret pes ejus, reversa est ad eum in arcam: aquæ enim erant super universam terram: extenditque manum, et apprehensam intulit in arcam. Expectatis autem ultra septem diebus aliis, rursum dimisit columbam ex arca. At illa venit ad eum ad vespèram, portans ramum olivæ virentibus foliis in ore suo. Intelléxit ergo Noe quod cessassent aquæ super terram. Expectavitque nihilominus septem alios dies: et emisit columbam, quæ non est reversa ultra ad eum. Locutus est autem Deus ad Noe, dicens: Egrede de arca tu, et uxor tua, filii tui, et uxores filiorum tuorum tecum. Cumcta animantia quæ sunt apud te, ex omni carne, tam in volatilibus quam in bestiis, et universis reptilibus quæ reptant super terram, educ tecum: et ingredimini super terram: crescite, et multiplicamini super eam. Egressus est ergo Noe, et filii ejus, uxor illius, et uxores filiorum ejus cum eo. Sed et omnia animantia, jumenta, et reptilia quæ

reptant super terram, secundum genus suum, egressa sunt de arca. Aedificavit autem Noe altare Dómino: et tollens de cunctis pecoribus et volucribus mundis, obtulit holocausta super altare. Odoratúsque est Dóminus odorem suavitatis.

Orémus. Flectámus génua.

℟. Leváte.

Oratio.

DEUS, incommutabilis virtus et lumen ætérnum: respice propitius ad totius Ecclésiæ tuæ mirabile sacramentum, et opus salutis humanæ, perpétuæ dispositionis effectum tranquillius operare; totúsque mundus experiatur et videat dejécta érigi, inveterata renovári, et per ipsum redire omnia in integrum, a quo sumpsere princípium, Dóminum nostrum Jesum Christum Filium tuum. Qui tecum vivit.

Prophetia tertia. Gen. 22.

IN diebus illis: Tentavit Deus Abraham, et dixit ad eum: Abraham, Abraham. At ille respondit: Adsum. Ait illi: Tolle filium tuum unigénitum, quem diligis, Isaac, et vade in terram visionis: atque ibi offeres eum in holocaustum super unum montium quem monstrávero tibi. Igitur Abraham de nocte consurgens, stravit ásinum suum, ducens secum duos júvenes, et Isaac filium suum: cumque concidisset ligna in holocaustum, abiit ad locum quem præcéperat ei Deus. Die autem tertio, elevatis oculis, vidit locum procul: dixitque ad púeros suos: Expectáte hic cum ásino: ego et puer illuc usque properantes, postquam adoráverimus, revertémur ad vos. Tulit quoque ligna holocausti, et impósuit super Isaac filium suum: ipse vero portábat in manibus ignem et gládium. Cumque duo pérgerent simul, dixit Isaac patri suo: Pater mi. At ille respondit: Quid vis, fili? Ecce, inquit, ignis et ligna; ubi est víctima holocausti? Dixit autem Abraham: Deus providébit sibi victimam holocausti, fili mi. Pergébant ergo páriter, et venérunt ad locum quem osténdérat ei Deus, in quo aedificávit altare,

et désuper ligna compósuit : cumque alligásset Isaac filium suum, pósuit eum in altáre super struem lignórum. Extenditque manum, et arripuit gládium, ut immoláret filium suum. Et ecce Angelus Dómini de celo clamávit, dicens : Abraham, Abraham. Qui respóndit : Adsum. Dixitque ei : Non exténdas manum tuam super púerum, neque fácias illi quidquam : nunc cognóvi quod times Deum, et non pepercisti unigénito filio tuo propter me. Levávit Abraham óculos suos, viditque post tergum arietem inter vepres hæréntem cór nibus, quem assúmens obtulit holocáustum pro filio. Appellávitque nomen loci illius, Dóminus videt. Unde usque hódie dicitur : In monte Dóminus vidébit. Vocávit autem Angelus Dómini Abraham secúndo de celo, dicens : Per memetípsum jurávi, dicit Dóminus, quia fecisti hanc rem, et non pepercisti filio tuo unigénito propter me, benedicam tibi, et multiplicábo semen tuum sicut stellas cœli, et velut arénam quæ est in littore maris : possidébit semen tuum portas inimicórum suórum, et benedicéntur in sémine tuo omnes gentes terræ, quia obedisti voci meæ. Revérsus est Abraham ad púeros suos, abierúntque Bersabée simul, et habitávit ibi.

Orémus. Flectámus génua.

℟. Leváte.

Oratio.

DEUS, fidélium Pater summe, qui in toto orbe terrárum promissiónis tuæ filios diffúsa adoptiónis grátia multiplicas : et per Paschále sacraméntum, Abraham púerum tuum universárum, sicut jurásti, géntium effícis patrem ; da pópulis tuis digne ad grátiam tuæ vocatiónis introíre. Per Dóminum.

Prophetia quarta. Exodi 14 et 15.

IN diébus illis : Factum est in vigília matutína, et ecce respiciens Dóminus super castra Ægyptiórum per columnam ignis et nubis, interfécit exércitum eórum, et subvértit rotas curruum, ferebantúrque in profúndum. Dixérunt ergo Ægyptií : Fugiámus Israélem : Dóminus

enim pugnat pro eis contra nos. Et ait Dóminus ad Móysen : Exténde manum tuam super mare, ut revertántur aquæ ad Ægyptios super currus et équites eórum. Cumque extendisset Móyses manum contra mare, revérsus est primo dilúculo ad priórem locum : fugientibusque Ægyptiis occurrérunt aquæ, et invólvit eos Dóminus in médiis flúctibus. Reversæque sunt aquæ, et operuérunt currus et équites cuncti exércitus Pharaónis, qui sequéntes ingrési fúerant mare : nec unus quidem supér fuit ex eis. Filii autem Israel perrexérunt per médium sicci maris, et aquæ eis erant quasi pro muro a dextris et a sinístris : liberávitque Dóminus in die illa Israel de manu Ægyptiórum. Et vidérunt Ægyptios mórtuos super littus maris, et manum magnam quam exercúerat Dóminus contra eos : timúitque pópulus Dóminum, et credidérunt Dómino, et Móysi servo ejus. Tunc cécinit Móyses et filii Israel carmen hoc Dómino, et dixérunt :

Tractus. Exodi 15. Cantémus Dómino : glorióse enim honorificátus est ; equum et ascensórem projécit in mare : adjútor et protéctor factus est mihi in salutem. ℣. Hic Deus meus, et honorificábo eum : Deus patris mei, et exaltábo eum. ℟. Dóminus cónterens bella : Dóminus nomen est illi.

Orémus. Flectámus génua.

℟. Leváte.

Oratio.

DEUS, cujus antiqua mirácula étiam nostris sæculis coruscáre sentínus, dum quod uni pópulo a persecutióne Ægyptiaca liberándo, dexteræ tuæ poténtia contulisti, id in salutem géntium per aquam regeneratiónis operáris : præsta, ut in Abrahæ filios et in Israeliticam dignitatem totius mundi transeat plenitúdo. Per Dóminum.

Prophetia quinta. Is. 54 et 55.

HÆC est hæréditas servórum Dómini, et justitia eórum apud me, dicit Dóminus. Omnes sitiéntes, venite ad aquas : et qui non habétis argéntum, properáte, émite, et comédite : venite,

émite absque argénto, et absque ulla commutatióne, vinum et lac. Quare apénditis argéntum non in pánibus, et labórem vestrum non in saturitaté? Audite audiéntes me, et comédite bonum, et delectábitur in crassitúdine ánima vestra. Inclínate aurem vestram, et venite ad me : audite, et vivet ánima vestra : et fériam vobíscum pactum sempitérnum, misericórdias David fidéles. Ecce testem pópulis dedi eum, ducem ac præceptórem géntibus. Ecce gentem quam nescíbas vocábis : et gentes quæ te non cognovérunt, ad te current propter Dóminum Deum tuum, et Sanctum Israel, quia glorificávit te. Querite Dóminum, dum inveniri potest : invocáte eum, dum prope est. Derelínquat impius viam suam, et vir iníquus cogitatiónes suas, et revertátur ad Dóminum, et miserébitur ejus, et ad Deum nostrum : quóniam multus est ad ignoscéndum. Non enim cogitatiónes meæ, cogitatiónes vestræ : neque viæ vestræ, viæ meæ, dicit Dóminus. Quia sicut exaltántur cœli a terra, sic exaltátæ sunt viæ meæ a viis vestris, et cogitatiónes meæ a cogitatióibus vestris. Et quómodo descendit imber et nix de cœlo, et illuc ultra non revértitur, sed inébriat terram, et infúndit eam, et germináre eam facit, et dat semen serénti et panem comedénti : sic erit verbum meum, quod egrediétur de ore meo : non revértétur ad me vácuum, sed fáciat quæcúmque vólui, et prosperábitur in his ad quæ misi illud : dicit Dóminus omnipotens.

Orémus. Flectámus génua.

℟. Leváte.

Oratio.

OMNIPOTENS sempitérne Deus, multiplíca in honórem nóminis tui quod patrum fidei spopondisti, et promissiónis filios sacra adoptiône diláta : ut quod prióres sancti non dubitavérunt futúrum, Ecclesiá tua magna jam ex parte cognóscat implétum. Per Dóminum.

Prophetia sexta. Baruch 3.

AUDI, Israel, mandáta vitæ : áuribus pèrcepe, ut scias prudéntiam. Quid

est, Israel, quod in terra inimicórum es? Inveterásti in terra aliéna, coinquinátus es cum mórtuis, deputátus es cum descendéntibus in inférnum. Dereliquisti fontem sapiéntiæ. Nam si in via Dei ambulásses, habitásses útiq; in pace sempitérna. Disce ubi sit prudéntia, ubi sit virtus, ubi sit intelléctus, ut scias simul ubi sit longitúrnitas vitæ et victus, ubi sit lumen oculórum, et pax. Quis invénit locum ejus? et quis intrávit in thesauros ejus? Ubi sunt príncipes géntium, et qui dominántur super béstias quæ sunt super terram? qui in ávibus cœli ludunt, qui argéntum thesaurizant et aurum, in quo confidunt hómínes, et non est finis acquisitiónis eórum? qui argéntum fábricant, et solliciti sunt, nec est invéntio óperum illórum? Extermináti sunt, et ad inferos descendérunt, et álíi loco eórum surrexérunt. Juvénes vidérunt lumen, et habitavérunt super terram : viam autem disciplínæ ignoravérunt, neque intellexérunt sémitas ejus, neque filii eórum suscepérunt eam, a fácie ipsórum longe facta est : non est audita in terra Chánaan, neque visa est in Theman. Filii quoque Agar, qui exquirunt prudéntiam quæ de terra est, negotiátóres Merrhæ et Theman, et fabulatóres, et exquisitóres prudéntiæ et intelligéntiæ : viam autem sapiéntiæ nesciérunt, neque commemoráti sunt sémitas ejus. Ó Israel, quam magna est domus Dei, et ingens locus possessiónis ejus! Magnus est, et non habet finem : excélsus et imménsus. Ibi fuérunt gigantes nomináti illi, qui ab initio fuérunt, statúra magna, sciéntes bellum. Non hos elégit Dóminus, neque viam disciplínæ invenérunt : propterea perierunt. Et quóniam non habuérunt sapiéntiam, interiérunt propter suam insipiéntiam. Quis ascéndit in cælum, et accépit eam, et edúxit eam de núbibus? Quis transfretávit mare, et invénit illam, et áttulit illam super aurum eléctum? Non est qui possit scire vias ejus, neque qui exquirat sémitas ejus : sed qui scit univérsa novit eam, et adinvénit eam pru-

déntia sua : qui præparávit terram in ætérno témpore, et replévit eam pecú-
dibus et quadrupédibus : qui emittit
lumen, et vadit : et vocávit illud, et
obédit illi in tremóre. Stellæ autem de-
derunt lumen in custódiis suis, et lætætæ
sunt : vocætæ sunt, et dixerunt : Adsu-
mus : et luxérunt ei cum jucunditáte, qui
fecit illas. Hic est Deus noster, et non
æstimábitur álius advérsus eum. Hic ad-
invenit omnem viam disciplinæ, et trá-
didit illam Jacob púero suo, et Israel
dilécto suo. Post hæc in terris visus est,
et cum homínibus conversátus est.

Orémus. Flectámus génua.

¶ Leváte.

Oratio.

DEUS, qui Ecclésiám tuam semper
géntium vocatióne multiplicas : con-
cède propítius ; ut quos aqua baptisma-
tis ábluis, continúa protectiόne tueáris.
Per Dóminum.

Prophetia septima. Ezech. 37.

IN diébus illis : Facta est super me ma-
nus Dómini, et edúxit me in spíritu
Dómini : et dimisit me in médio campi
qui erat plenus óssibus, et circumdúxit
me per ea in gyro : erant autem multa
valde super faciém campi, siccaque ve-
heménter. Et dixit ad me : Fili hóminis,
putásne vivent ossa ista? Et dixi : Dó-
mine Deus, tu nosti. Et dixit ad me :
Vaticináre de óssibus istis, et dices eis :
Ossa árida, audite verbum Dómini. Hæc
dicit Dóminus Deus óssibus his : Ecce
ego intromíttam in vos spíritum, et vi-
vétis. Et dabo super vos nervos, et suc-
créscere faciám super vos carnes, et
superexténdam in vobis cutem, et dabo
vobis spíritum, et vivétis, et sciétis quia
ego Dóminus. Et prophetávi sicut præ-
céperat mihi. Factus est autem sónitus,
prophetánte me, et ecce commótió : et
accessérunt ossa ad ossa, unumquódque
ad juncturam suam. Et vidi : et ecce
super ea nervi et carnes ascendérunt :
et exténta est in eis cutis désuper, et spi-
ritum non habébant. Et dixit ad me :
Vaticináre ad spíritum, vaticináre, fili
hóminis, et dices ad spíritum : Hæc dicit

Dóminus Deus : A quátuor ventis veni,
spíritus, et insúffla super interféctos
istos, et revivíscent. Et prophetávi sicut
præcéperat mihi : et ingressus est in ea
spíritus, et vixérunt : steterúntque su-
per pedes suos exércitus grandis nimis
valde. Et dixit ad me : Fili hóminis, ossa
hæc univérsa, domus Israel est. Ipsi
dicunt : Aruérunt ossa nostra, et périit
spes nostra, et abscíssi sumus. Proptér-
ea vaticináre, et dices ad eos : Hæc
dicit Dóminus Deus : Ecce ego apériam
túmulos vestros, et edúcam vos de se-
púlcris vestris, pópulus meus : et in-
dúcam vos in terram Israel. Et sciétis
quia ego Dóminus, cum aperíero se-
púlcrá vestra, et edúxero vos de tú-
mulis vestris, pópule meus : et dédero
spíritum meum in vobis, et vixéritis,
et requiescere vos faciám super humum
vestram : dicit Dóminus omnipotens.

Orémus. Flectámus génua.

¶ Leváte.

Oratio.

DEUS, qui nos ad celebrándum Pa-
schále sacraméntum utriúsque Tes-
taménti páginis instruis : da nobis in-
telligere misericórdiam tuam ; ut ex per-
ceptiόne præsentium múnorum, firma
sit exspectatiό futurórum. Per Dóminum.

Prophetia octava. Is. 4.

APPREHÉDENT septem mulieres virum
unum in die illa, dicéntes : Panem
nostrum comedémus, et vestiméntis no-
stris operiémur : tantúmmodo invocétur
nomen tuum super nos, aufer oppró-
brium nostrum. In die illa erit germen
Dómini in magnificéntia et glória, et
fructus terræ sublimis, et exultatiό his
qui salváti fúerint de Israel. Et erit :
Omnis qui relíctus fúerit in Sion, et re-
siduus in Jerúsalem, sanctus vocábitur,
omnis qui scriptus est in vita in Jerúsa-
lem. Si ablúerit Dóminus sordes filiárum
Sion, et sánguinem Jerúsalem láverit
de médio ejus in spíritu judicii et spíritu
ardóris. Et creábit Dóminus super om-
nem locum montis Sion, et ubi invo-
cátus est, nubem per diem, et fumum,
et splendórem ignis flammántis in nocte :

super omnem enim glóriam protéctio. Et tabernáculum erit in umbráculum diéi ab æstu, et in securitátem et absconsiónem a túrbine et a plúvia.

Tractus. Is. 5. Vineá facta est dilecto in cornu, in loco úberi. **Ÿ.** Et macerám circumdedit, et circumfódit : et plantávit vineam Sorec, et ædificávit turrin in médio ejus. **Ÿ.** Et tórcular fodit in ea : vinea enim Dómini sábaoth, domus Israel est.

Orémus. Flectámus génuá.

ñ. Leváte.

Oratio.

DEUS, qui in ómnibus Ecclésiæ tuæ filiis, sanctórum Prophetárum voce manifestásti, in omni loco dominationis tuæ, satórem te bonórum séminum, et electórum pálmitem esse cultórem : tribue pópulis tuis, qui et vineárum apud te nómine censéntur et ségetum ; ut, spinárum et tribulórum squalóre resecató, digna efficiántur fruge fecúndi. Per.

Prophetia nona. Exodi 12.

IN diébus illis : Dixit Dóminus ad Móysen et Aaron in terra Ægypti : Mensis iste, vobis princípium ménsium : primus erit in ménsibus anni. Loquímur ad universum coetum filiórum Israel, et dicite eis : Décima die mensis hujus tollat unusquisque agnum per famílias et domos suas. Sin autem minor est númerus ut sufficere possit ad vescéndum agnum, assúmet vicínium suum, qui junctus est dómui suæ, juxta númerum animárum quæ sufficere possunt ad esum agni. Erit autem agnus absque mácula, másculus, annículus : juxta quem ritum tollétis et hœdum. Et servábitis eum usque ad quartam décimam diem mensis hujus : immolabitque eum unívérsa multitúdo filiórum Israel ad vésperam. Et sument de ságuine ejus, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázmos panes cum lactúcis agréstibus. Non comedétis ex eo crudum quid, nec coctum aqua, sed tantum assum igni. Caput cum pédibus ejus

et intestínis vorábitis. Nec remanébit quidquam ex eo usque mane. Si quid resíduum fúerit, igne comburétis. Sic autem comedétis illum : renes vestros accingétis, et calceaménta habébitis in pédibus, tenéntes báculos in máribus, et comedétis festinánter : est enim Phase (id est tránsitus) Dómini.

Orémus. Flectámus génuá.

ñ. Leváte.

Oratio.

OMNÍPOTENS sempiterné Deus, qui in ómnium óperum tuórum dispensatióne mirábilis es : intélligant redempti tui, non fuisse excelléntius quod initio factus est mundus, quam quod in fine sæculórum Pascha nostrum immolátus est Christus. Qui tecum vivit.

Prophetia decima. Jonæ 3.

IN diébus illis : Factum est verbum Dómini ad Jonam Prophétam secúndo, dicens : Surge, et vade in Níniven civitátem magnam : et prædica in ea prædicatiónem quam ego loquor ad te. Et surréxit Jonas, et ábiit in Níniven juxta verbum Dómini. Et Nínive erat civitas magna itínere diérum trium. Et cepit Jonas introire in civitátem itínere diéi unius, et clamávit, et dixit : Adhuc quadraginta dies, et Nínive subvertétur. Et credidérunt viri Nínivite in Deum : et prædicavérunt jejúnium, et vestiti sunt saccis a majóre usque ad minórem. Et pervénit verbum ad regem Nínive, et surréxit de sólio suo, et abjécit vestiméntum suum a se, et indútus est sacco, et sedit in cinere. Et clamávit, et dixit in Nínive ex ore regis et príncipum ejus, dicens : Hómines, et juménta, et boves, et pécora non gustent quidquam, nec pascántur, et aquam non bibant. Et operiántur saccis hómines, et juménta, et clament ad Dóminum in fortitúdine, et convertátur vir a via sua mala, et ab iniquitaté quæ est in máribus eórum. Quis scit, si convertátur, et ignóscat Deus : et revertátur a furóre iræ suæ, et non peribimus ? Et vidit Deus ópera eórum, quia convérsi sunt de via sua mala : et misér-

tus est pópulo suo Dóminus Deus noster.

Orémus. Flectámus génua.

℟. Leváte.

Oratio.

DEUS, qui diversitatém gentíum in confessióne tui nóminis adunásti : da nobis et velle et posse quæ præcipis ; ut pópulo ad æternitátém vocáto una sit fides méntium, et pietas actiónum. Per Dóminum.

Prophetia undecima. Deut. 31.

IN diébus illis : Scripsit Móyses cánticum, et dócuit filios Israel. Præcepítque Dóminus Jósue filio Nun, et ait : Confortáre, et esto robústus : tu enim introdúces filios Israel in terram quam pollicitus sum, et ego ero tecum. Postquam ergo scripsit Móyses verba legis hujus in volúmine, atque complévit, præcepít Levitis qui portábant arcam fœderis Dómini Dei vestri : ut sit ibi contra te in testimónium. Ego enim scio contentiónem tuam, et cervicem tuam durissimam. Adhuc vivénte me, et ingrediente vobiscum, semper contentióse egístis contra Dóminum : quanto magis cum mórtuus fuero ? Congregáte ad me omnes majóres natu per tribus vestras, atque doctóres, et loquar audientibus eis sermónes istos, et invocábo contra eos cælum et terram. Novi enim quod post mortem meam inique agétis, et declinábitis cito de via quam præcépi vobis : Et occurrerent vobis mala in extrémó témpore, quando fecéritis malum in conspéctu Dómini, ut irritétis eum per ópera mánuum vestrarum. Locútus est ergo Móyses, audiénste univérso cœtu Israel, verba cárminis hujus, et ad finem usque complévit.

Tractus. Deuter. 32. Atténde, cælum, et loquar : et áudiat terra verba ex ore meo. ̎. Exspectétur sicut plúvia elóquium meum, et descéndant sicut ros verba mea. ̎. Sicut imber super gramen, et sicut nix super fœnum : quia nomen Dómini invocábo. ̎. Date magnitudinem Deo nostro : Deus, vera ópera

ejus, et omnes viæ ejus júdicia. ̎. Deus fidélis, in quo non est iníquitas : justus et sanctus Dóminus.

Orémus. Flectámus génua.

℟. Leváte.

Oratio.

DEUS, celsitúdo humílium et fortitúdo rectórum, qui per sanctum Móysen púerum tuum ita erudíre pópulum tuum sacri cárminis tui decantatióne voluísti, ut illa legis iteratió fieret étiam nostra directiό : éxcita in omnem justificátarum gentíum plenitúdinem poténtiam tuam, et da lætitiám, mitigándo terrórem ; ut ómnium peccátis tua remissióne delétis, quod denuntiátum est in ultiónem, tránseat in salútem. Per Dóminum nostrum.

Prophetia duodecima. Dan. 3.

IN diébus illis : Nabuchodónosor rex fecit státuam áuream, altitúdine cubitórum sexaginta, latitúdine cubitórum sex : et státuit eam in campo Dura provinciæ Babylónis. Itaque Nabuchodónosor rex misit ad congregándos sátrapas, magistrátus, et júdices, duces, et tyránnos, et præféctos, omnesque príncipes regiόnum, ut convenirent ad dedicatió-nem státuæ quam eréxerat Nabuchodónosor rex. Tunc congregátí sunt sátrapæ, magistrátus, et júdices, duces, et tyránni, et optimátes qui erant in potestátibus constitúti, et univérsi príncipes regiόnum, ut convenirent ad dedicatió-nem státuæ quam eréxerat Nabuchodónosor rex. Stabant autem in conspéctu státuæ quam posúerat Nabuchodónosor rex : et præco clamábat valénter : Vobis dicitur pópulis, tribubus et linguis : in hora qua audieritis sónitum tubæ, et fistulæ, et citharæ, sambúcæ, et psalterii, et symphóniæ, et univérsi géneris musicórum, cadéntes adoráte státuam áuream quam constitúit Nabuchodónosor rex. Si quis autem non prostrátus adoráverit, eádem hora mittétur in fornácem ignis ardéntis. Post hæc igitur, statim ut audierunt omnes pópuli sónitum tubæ, fistulæ, et citharæ, sambúcæ, et psalterii, et symphóniæ, et omnis géneris

musicórum, cadéntes omnes pópuli, tribus et linguae, adoravérunt státuam áuream quam constitúerat Nabuchodónosor rex. Statimque in ipso témpore accedéntes viri Chaldaei, accusavérunt Judæos, dixerúntque Nabuchodónosor regi : Rex, in aetérnum vive : tu, rex, posuisti decretum ut omnis homo qui audierit sónitum tubæ, fistulæ, et citharæ, sambúcæ, et psaltérii, et symphóniæ, et univérsi géneris musicórum, prostérnat se, et adóret státuam áuream : si quis autem non prócidens adoráverit, mittátur in fornacem ignis ardéntis. Sunt ergo viri Judæi, quos constituisti super ópera regiónis Babylónis, Sidrach, Misach et Abdénago : viri isti contempsérunt, rex, decretum tuum : deos tuos non colunt, et státuam áuream, quam erexisti, non adorant. Tunc Nabuchodónosor in furóre et in ira præcepit ut adduceréntur Sidrach, Misach et Abdénago : qui conféstim addúcti sunt in conspéctu regis. Pronuntiánsque Nabuchodónosor rex, ait eis : Veréne, Sidrach, Misach et Abdénago, deos meos non colitis, et státuam áuream, quam constitúi, non adorátis? Nunc ergo si estis paráti, quacúmque hora audieritis sónitum tubæ, fistulæ, citharæ, sambúcæ, et psaltérii, et symphóniæ, omnisque géneris musicórum, prostérnite vos, et adoráte státuam quam feci : quod si non adoravéritis, eádem hora mittémini in fornacem ignis ardéntis : et quis est Deus qui erípiet vos de manu mea? Respondéntes Sidrach, Misach et Abdénago, dixerunt regi Nabuchodónosor : Non opórtet nos de hac re respondére tibi. Ecce enim Deus noster, quem cólimus, potest erípere nos de camíno ignis ardéntis, et de mánibus tuis, o rex, liberáre. Quod si nolúerit, notum sit tibi, rex, quia deos tuos non cólimus, et státuam áuream, quam erexisti, non adorámus. Tunc Nabuchodónosor replétus est furóre, et aspéctus faciéi illius immutátus est super Sidrach, Misach et Abdénago, et præcepit ut succenderétur fornax séptuplum quam succéendi con-

suéverat. Et viris fortíssimis de exércitu suo jussit ut, ligátis pedibus Sidrach, Misach et Abdénago, mitterent eos in fornacem ignis ardéntis. Et conféstim viri illi vineti cum bracciis suis, et tiarís, et calceaméntis, et véstibus, missi sunt in médium fornacis ignis ardéntis : nam jússio regis urgébat : fornax autem succénsa erat nimis. Porro viros illos, qui miserant Sidrach, Misach et Abdénago, interfécit flamma ignis. Viri autem hi tres, id est, Sidrach, Misach et Abdénago, ceciderunt in médio camíno ignis ardéntis colligáti. Et ambulábant in médio flammæ laudántes Deum, et benedicéntes Dómino.

Hic non dicitur Flectámus génua, sed tantum Orémus.

Oratio.

OMNÍPOTENS sempitérne Deus, spes única mundi, qui Prophetárum tuórum præcónio præsentium témporum declarásti mystéria : auge pópuli tui vota placátus ; quia in nullo fidélium, nisi ex tua inspiratióne, provéniunt quarúmlibet increménta virtútum. Per Dóminum nostrum.

His expletis, si Ecclesia habuerit Fontem Baptismalem, Sacerdos benedicturus Fontem accipit pluviale violaceum, et, præcedente Cruce, cum Candelabris et Cereo benedicto accenso, descendit cum Clero et ministris paratis ad Fontem : et interim cantatur sequens

Tractus. Ps. 41. Sicut cervus desiderat ad fontes aquárum, ita desiderat ánima mea ad te, Deus. *Ÿ.* Sitivit ánima mea ad Deum vivum : quando veniam, et apparebo ante faciém Dei? *Ÿ.* Fuérunt mihi lácrymæ meæ panes die ac nocte, dum dicitur mihi per singulos dies : Ubi est Deus tuus?

Deinde Sacerdos, antequam intret ad benedictionem Fontis, dicit hanc Orationem juxta Fontem.

Ÿ. Dóminus vobiscum.

Ŗ. Et cum spíritu tuo.

Orémus. Oratio.

OMNÍPOTENS sempitérne Deus, respice propítius ad devotiónem pópuli re-

nascéntis, qui, sicut cervus, aquárum tuárum expetit fontem: et concéde propitiús; ut fidei ipsíus sitis, baptismatis mystério, ánimam corpúsque sanctificet. Per Dóminum nostrum Jesum Christum Fílium tuum.

℟. Amen.

Postea procedit ad benedictionem Fontis, dicens:

Ÿ. Dóminus vobíscum.

℟. Et cum spíritu tuo.

Orémus. Oratio.

OMNÍPOTENS sempitérne Deus, adésto magnæ pietátis tuæ mystériis, adésto sacraméntis: et ad recreándos novos pópulos, quos tibi fons baptismatis párturit, spíritum adoptiónis emitte; ut quod nostræ humilitátis geréndum est ministério, virtútis tuæ impleátur efféctu. Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus:

Elevans vocem in modum Præfationis, prosequitur junctis manibus:

PER ómni-a sæcu-la sæcu-ló-rum. ℟. Amen. Ÿ. Dóminus vo-bís-cum.

℟. Et cum spí-ri-tu tu-o. Ÿ. Sursum cor-da. ℟. Habémus ad Dó-minum.

Ÿ. Grá-ti-as agámus Dómino De-o nostro. ℟. Dignum et justum est.


VERE dignum et justum est, æquum et sa-lu-táre, nos ti-bi

semper et ubíque grá-ti-as ágere, Dómine sancte, Pater omní-

potens, æ-térne De-us. Qui invi-sí-bi-li po-ténti-a, sacramen-

tó-rum tu-órum mi-ra-bí-li-ter ope-ráris efféctum: Et licet nos

tantis mysté-ri-is exsequéndis simus indigni: Tu tamen grá-ti-æ tu-æ




dona non dése-reus, é-ti-am ad nostras preces aures tu-æ pi-e-tá-tis



inclínas. De-us, cujus Spí-ri-tus super aquas, inter ipsa mundi pri-



mórdi-a, fe-rebá-tur: ut jam tunc virtútem sancti-fica-ti-ónis, aquárum



na-túra concípe-ret. De-us, qui nocéntis mundi crími-na per aquas



áblu-ens, regene-ra-ti-ónis spéci-em in ipsa di-lúvi-i effu-si-óne



signásti: ut uní-us e-jusdémque e-le-ménti mysté-ri-o, et fi-nis



esset ví-ti-is, et o-rí-go virtú-tibus. Réspice, Dómi-ne, in fáci-em



Ecclési-æ tu-æ, et multi-plica in e-a regenera-ti-ónes tu-as, qui



grá-ti-æ tu-æ afflu-éntis impetu læ-tí-ficas ci-vi-tátem tu-am, fontémque



baptísma-tis ápe-ris to-to orbe terrárum géntibus innovándis: ut tu-æ



Majestá-tis impéri-o, sumat Unigéni-ti tu-i grá-ti-am de Spí-ri-tu sancto.

Hic Sacerdos manu extensa dividit aquam in modum crucis, et eam statim linteo exergit, dicens :



Qui hanc aquam regenerándis homi-nibus præpará-tam arcána su-i nú-



minis admixti-óne fecúndet: ut sancti-fi-ca-ti-óne concépta, ab im-



macu-lá-to di-ví-ni fontis ú-tero, in novam rená-ta cre-a-túram, progé-



ni-es cœ-léstis emér-gat: et quos aut sexus in córpore, aut ætas



discérnit in témpore, omnes in unam pá-ri-at grá-ti-a mater infán-



ti-am. Procul ergo hinc, jubénte te, Dómine, omnis spí-ri-tus immún-



dus abscédat: procul to-ta nequí-ti-a di-abó-licæ fraudis absí-stat.




Nihil hic lo-ci há-be-at contrári-æ virtú-tis admixti-o: non insi-di-ándo



circúmvolet: non laténdo subrépat: non infi-ci-éndo corrúmpat.

Aquam manu
tangit.



Sit hæc sancta et innocens cre-a-tú-ra, libe-ra ab



omni impugnató-ris incúrso, et to-tí-us nequí-ti-æ purgá-ta dis-



céssu. Sit fons vivus, aqua regéne-rans, unda pu-rí-ficans: ut omnes



hoc lavácro sa-lu-tí-fero di-lu-éndi, o-pe-ránte in e-is Spí-ri-tu



sancto, perféctæ purga-ti-ó-nis indulgénti-am consequántur.

Facit tres cruces super
fontem, dicens:



Unde bene-díco te, cre-a-túra aquæ, per



De-um ☩ vivum, per De-um ☩ verum, per De-um ☩ sanctum, per




De-um, qui te in princíp-i-o, verbo sepa-rá-vit ab á-rida: cujus



Spí-ri-tus super te fere-bá-tur.

Hic manu aquam dividit, et effundit eam versus quatuor mundi partes, dicens:



Qui te de para-dí-si fonte manáre fecit, et in quátu-or flumí-nibus

totam terram rigáre præcepit. Qui te in desérto amá-ram, su-a-vi-

táte índi-ta, fecit esse po-tábi-lem, et si-ti-énti pópu-lo de petra

prodúxit. Bene ☩ dico te et per Je-sum Christum, Fi-li-um e-jus

únicum, Dóminum nostrum: qui te in Cana Ga-li-læ-æ, signo ad-

mi-rábi-li, su-a po-ténti-a convértit in vinum. Qui pé-dibus super

te ambulá-vit, et a Jo-ánnē in Jordáne in te bapti-zátus est. Qui

te una cum sánguine de láte-re su-o prodú-xit, et discipu-lis su-is

jussit ut credéntes bap-ti-zá-réntur in te, dicens: I-te, do-cé-te omnes

gentes, baptizántes e-os in nómine Patris, et Fi-li-i, et Spí-ritus sancti.

Mutat vocem, et prosequitur in tono Lectionis.

HÆC nobis præcepta servántibus, tu, Deus omnípotens, clemens adésto :
tu benignus aspira.

Halat ter in aquam in modum crucis, dicens :

Tu has símplices aquas tuo ore benedícto : ut præter naturálem emundatiónem, quam lavándis possunt adhibére corpóribus, sint étiam purificándis méntibus effícaçes.

Hic Sacerdos paululum demittit Cereum in aquam : et resumens tonum Præfationis, dicit :



Descéndat in hanc pleni-tú-dinem fontis, virtus Spí-ri-tus sancti.

Deinde extractum Cereum de aqua, iterum profundius mergit, aliquanto altius repetens Descéndat in hanc. Postea Cereum rursus de aqua extractum, tertio

immergens usque ad fundum, altiori adhuc voce repetit Descéndat, ut supra. Et deinde suflans ter in aquam, secundum hanc figuram Ψ, prosequitur :



To-támque hujus aquæ substánti-am regenerándi fecúndet efféctu.

Hic tollitur Cereus de aqua, et prosequitur :



Hic ómni-um pecca-tórum máculæ de-le-ántur : hic na-túra ad imá-



ginem tu-am cóndi-ta, et ad honórem su-i re-formáta princi-pi-i,



cunctis ve-tustá-tis squa-ló-ri-bus emundé-tur : ut omnis homo sacramén-



tum hoc regenera-ti-ónis ingrédus, in veræ inno-cénti-æ novam in-



fánti-am renascá-tur.

Sequentia dicit legendo.

Per Dóminum nostrum Jesum Christum Filium tuum, qui ventúrus est judicáre vivos et mórtuos, et sæculum per ignem.

℟. Amen.

Deinde per assistentes Sacerdotes spargitur de ipsa aqua benedicta super populum. Et interim unus ex Ministris ecclesiæ accipit in vase aliquo de eadem aqua ad aspergendum in domibus et aliis locis. His peractis, Sacerdos qui benedicit fontem infundit de oleo Catechumenorum in aquam in modum crucis, intelligibili voce dicens :

Sanctificétur et fecundétur fons iste Oleo salutis renascéntibus ex eo, in vitam ætérnam.

℟. Amen.

Deinde infundit de Chrismate modo quo supra, dicens :

Infúsio Chrismatis Dómini nostri Jesu Christi, et Spíritus sancti Parácliti, fiat in nómine sanctæ Trinitátis.

℟. Amen.

Postea accipit ambas ampullas dicti Olei sancti et Chrismatis, et de utroque





simul in modum crucis infundendo, dicit :


Commixtio Chrismatis sanctificatiónis, et Olei unctiόνis, et Aquæ baptismatis, páriter fiat, in nómine Pa-tris, et Fi-lii, et Spíritus sancti.

℟. Amen.

Tunc miscet ipsum oleum cum aqua, et spargit manu sua per omnem fontem. Si aderunt baptizandi, eos baptizat more consueto. Deinde revertentibus Sacerdote et Ministris ad Altare, cantantur Litanie a duobus Cantoribus, et Chorus idem simul repetit, ut dicitur infra.

¶ Ubi vero non est fons baptismalis, finita ultima Prophetia cum sua Oratióne, Celebrans casulam deponit, et cum Ministris ante Altare procumbit : et aliis omnibus genuflexis, cantantur Litanie in medio chori a duobus Cantoribus, utroque Choro idem simul respondente. Cum autem perventum fuerit ad γ. Peccatóres, te rogámus, Sacerdos et Ministri surgunt, et accedentes ad sacristiam, induuntur paramentis albi coloris pro Missa solemniter celebranda : et interim accenduntur luminaria in Altari. In fine Litaniarum cantantur solemniter Kyrie, eléison, et repetuntur, ut in Missa moris est.







nobis. Sancta Ma-rí-a, o-ra pro nobis.

| | | | |
|--|------|--|--------|
| Sancta Dei Génitrix, | ora. | Omnes sancti Mátyres, | oráte. |
| Sancta Virgo vírginum, | ora. | Sancte Sylvéster, | ora. |
| Sancte Michael, | ora. | Sancte Gregóri, | ora. |
| Sancte Gábríel, | ora. | Sancte Augustine, | ora. |
| Sancte Ráphael, | ora. | Omnes sancti Pontífices et Confessóres, | |
| Omnes sancti Angeli et Archángeli, oráte | | oráte pro nobis. | |
| pro nobis. | | Omnes sancti Doctóres, | oráte. |
| Omnes sancti beatórum Spirítuum órdis- | | Sancte Antóni, | ora. |
| nes, oráte pro nobis. | | Sancte Benedicte, | ora. |
| Sancte Joánnes Baptista, | ora. | Sancte Dominice, | ora. |
| Sancte Joseph, | ora. | Sancte Francíscæ, | ora. |
| Omnes sancti Patriárchæ et Prophétæ, | | Omnes sancti Sacerdótes et Levítæ, oráte | |
| oráte pro nobis. | | pro nobis. | |
| Sancte Petre, | ora. | Omnes sancti Mónachi et Eremítæ, oráte | |
| Sancte Paule, | ora. | pro nobis. | |
| Sancte Andréa, | ora. | Sancta María Magdaléna, | ora. |
| Sancte Joánnes, | ora. | Sancta Agnes, | ora. |
| Omnes sancti Apóstoli et Evangelistæ, | | Sancta Cécilia, | ora. |
| oráte pro nobis. | | Sancta Agatha, | ora. |
| Omnes sancti Discípuli Dómini, oráte | | Sancta Anastásia, | ora. |
| pro nobis. | | Omnes sanctæ Virgines et Víduæ, oráte | |
| Sancte Stéphane, | ora. | pro nobis. | |
| Sancte Laurénti, | ora. | Omnes Sancti et Sanctæ Dei, intercédite | |
| Sancte Vincénti, | ora. | pro nobis. | |



Propí-ti-us esto, par-ce nobis, Dómine.

| | |
|---|---|
| Propítius esto, exáudi nos, Dómine. | Per Crucem et Passiónem tuam, libera |
| Ab omni malo, libera nos, Dómine. | nos, Dómine. |
| Ab omni peccáto, libera nos, Dómine. | Per Mortem et Sepultúram tuam, libera |
| A morte perpétua, libera nos, Dómine. | nos, Dómine. |
| Per mystérium sanctæ Incarnatiónis tuæ, | Per sanctam Resurrectiόνem tuam, li- |
| libera nos, Dómine. | bera nos, Dómine. |
| Per Advéntum tuum, libera nos, Dó- | Per admirábilem Ascensióem tuam, |
| mine. | libera nos, Dómine. |
| Per Nativitátem tuam, libera nos, Dó- | Per Advéntum Spíritus sancti Parácliti, |
| mine. | libera nos, Dómine. |
| Per Baptismum et sanctum Jejúnium | In die iudicii, libera nos, Dómine. |
| tuum, libera nos, Dómine. | |



Ut Ecclesiám tuam sanctam régere et conserváre dignéris, te rogámus, audi nos.

Ut Domnum apostólicum et omnes ecclesiásticos órdenes in sancta religióne conserváre dignéris, te rogámus, audi nos.

Ut inimícos sanctæ Ecclesiæ humiliáre dignéris, te rogámus, audi nos.

Ut régibus et princípibus christiánis pacem et veram concórdiam donáre dignéris, te rogámus, audi nos.

Ut nosmetípsos in tuo sancto servítio


confortáre et conserváre dignéris, te rogámus, audi nos.

Ut ómnibus benefactóribus nostris sempitérna bona retribuas, te rogámus, audi nos.

Ut fructus terræ dare et conserváre dignéris, te rogámus, audi nos.


Ut ómnibus fidélibus defunctis réquiem ætérmam donáre dignéris, te rogámus, audi nos.

Ut nos exaudíre dignéris, te rogámus, audi nos.



Agnus Dei, qui tollis peccáta mundi, exáudi nos, Dómine.

Agnus Dei, qui tollis peccáta mundi, miserére nobis.



Hic Cantores solemniter incipiunt Kyrie, eléison; Christe, eléison, Kyrie, eléison; et ter singula repetuntur. Interim Sacerdos cum Ministris in paramentis albis accedit ad Altare, et dicto Psalmo Júdica me, Deus, cum Glória Patri, facit Confessionem, ut moris est, in loco consueto: deinde ascendens, osculatur Altare, incensat more solito, et finitis a Choro Kyrie, eléison, incipit solemniter Glória in excélsis, et pulsantur campanæ.

Postea Sacerdos dicit ̄. Dóminus vobiscum. ̄. Et cum spíritu tuo.


Orémus. Oratio.

DEUS, qui hanc sacratissimam noctem glória Domínicæ resurrectionis illústras: consérva in nova familiæ tuæ progénie adoptiόνis spíritum quem dedisti; ut, corpore et mente renováti, puram tibi exhibeant servitútem. Per eúndem Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus.

Lectio Epistolæ beati Pauli Apostoli
ad Colossenses. Cap. 3.

FRATRES, Si consurrexistis cum Christo, quæ sursum sunt quærite, ubi Christus est in dextera Dei sedens : quæ sursum sunt sapite, non quæ super terram. Mortui enim estis : et vita vestra est abscondita cum Christo in Deo. Cum Christus apparuerit, vita vestra, tunc et vos apparebitis cum ipso in gloria.

Finita Epistola, Celebrans incipit



Et totum decantat ter, elevando vocem gradatim : et Chorus post quamlibet vicem in eodem tono repetit illud idem. Postea Chorus prosequitur *ŷ. Ps. 117. Confitemini Dómino, quóniam bonus : quóniam in sæculum misericórdia ejus.*

Deinde dicitur Tractus. *Ps. 116. Laudate Dóminum, omnes gentes : et collaudate eum, omnes pópuli. ŷ. Quóniam confirmata est super nos misericórdia ejus, et véritas Dómini manet in ætérnum.*

Ad Evangelium non portantur luminaria, sed tantum incensum : petitur benedictio, et alia fiunt de more.



Sequéntia sancti Evangelii secundum Matthæum. Cap. 28.

VESPERE autem sabbati, quæ lucéscit in prima sabbati, venit María Magdaléne, et áltera María, vidére sepúlcrum. Et ecce terrémótus factus est magnus. Angelus enim Dómini descendit de coelo : et accédens revolvit lápidem, et sedébat super eum : erat autem aspéctus ejus sicut fulgur, et vestiméntum ejus sicut nix. Præ timóre autem ejus extérriti sunt custódes, et facti sunt velut mórtui. Respóndens autem Angelus, dixit mulieribus : Nolite timére vos : scio enim quod Jesum, qui crucifixus est, quæritis : non est hic : surrexit enim, sicut dixit. Venite, et vidéte locum ubi pósitus erat Dóminus. Et cito eúntes, dicite discipulis

ejus quia surrexit : et ecce præcédit vos in Galilæam : ibi eum vidébitis. Ecce prædixi vobis.

Non dicitur Credo, sed finito Evangelio, Sacerdos dicit Dóminus vobiscum. Postea, Orémus. Non dicitur Offertorium. Ad Lavábo, dicitur Glória Patri.

Secreta.

SÚSCIPE, quæsumus, Dómine, preces pópuli tui, cum oblatiónibus hostiarum : ut paschálibus initiata mystériis, ad æternitátis nobis medélam, te operánte, proficiant. Per Dóminum.

Præfatio. Te quidem, Dómine, omni témpore, sed in hac potíssimum nocte, ut infra.

Infra actionem.

COMMUNICANTES, et noctem sacratíssimam celebrátes Resurrectiónis Dómini nostri Jesu Christi secúndum carnem : sed et memóriam venerátes, in primis gloriósæ semper virginis Maríæ, Genitricis ejúsdem Dei et Dómini nostri Jesu Christi : sed et beatórum Apostólorum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi : Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quórum méritis precibúque concédas, ut in ómnibus protectiónis tuæ muniámur auxilio. *Jungit manus.* Per eúndem Christum Dóminum nostrum. Amen.

Tenens manus expansas super oblata, dicit :

HANC igitur oblatiónem servitútis nostræ, sed et cunctæ familiæ tuæ, quam tibi offerimus pro his quoque quos regeneráre dignátus es ex aqua et Spíritu sancto, tribuens eis remissionem ómnium peccatórum, quæsumus, Dómine, ut placátus accípias, diésque nostros in tua pace dispónas, atque ab ætérna damnatione nos éripi, et in electórum tuórum júbeas grege numerári. *Jungit manus.* Per Christum Dóminum nostrum. Amen.

Quam oblatiónem, etc., ut in Canone.

Dicitur Pax Dómini sit semper vobiscum, sed pacis osculum non datur.

Agnus Dei non dicitur, nec Postcommunio: dicuntur tamen tres consuetae Orationes ante Communionem.

Post sumptionem Sacramenti, pro Vesperis in choro cantatur Antiphona Allelúia, allelúia, allelúia, et Psalmus 116.

LAUDATE Dóminum, omnes gentes: laudate eum, omnes pópuli:

Quóniam confirmáta est super nos misericórdia ejus, et véritas Dómini manet in ætérnum.

Glória Patri, et Filio, et Spiritui sancto.

Sicut erat in principio, et nunc, et semper, et in sæcula sæculórum. Amen.

Ant. Allelúia, allelúia, allelúia.

Capitulum, Hymnus et Versus non dicuntur, sed statim Celebrans in cantu incipit Antiphonam ad Magnificat.



Vé-spere autem sáb-ba-ti.

Et prosequitur Chorus: Quæ lucéscit in prima sábbati, venit María Magdaléne, et áltera María, vidére sepúlcrum, allelúia.

Deinde cantatur Magnificat cum Gló-

ria Patri in fine, et fit incensatio, ut alias, in Vesperis.

Repetita Ant., Celebrans dicit:


Ÿ. Dóminus vobiscum. R. Et cum spíritu tuo.

Orémus.


SPÍRITUM nobis, Dómine, tuæ charitátis infúnde: ut quos sacraméntis paschálibus satiásti, tua fácias pietáte concórdes. Per Dóminum nostrum Jesum Christum Fílium tuum, qui tecum vivit et regnat, in unitáte Spíritus sancti Deus, per ómnia sæcula sæculórum. R. Amen.

Deinde dicit Dóminus vobiscum.

Et Diaconus, vertens se ad populum, cantat:



I-te, Missa est, alle-lú-ia, al-



le - lú-ia.

R. Deo grátias, allelúia, allelúia.

Et Sacerdos, dicto Pláceat tibi, sancta Trínitas, etc., dat benedictionem more solito.



ORDO MISSÆ

Sacerdos paratus cum ingreditur ad Altare, facta illi debita reverentia, signat se signo Crucis a fronte ad pectus, et clara voce dicit :

IN nómine Patris, et Filii, et Spíritus sancti. Amen.

Deinde, junctis manibus ante pectus, incipit Antiphonam Introibo ad altáre Dei.

Ministri **ñ.** Ad Deum qui lætificat juventutem meam.

Postea alternatim cum Ministris dicit sequentem Psalmum 42.

JÚDICA me, Deus, et discérne causam meam de gente non sancta : ab hómine iníquo et dolóso érue me.

M. Quia tu es, Deus, fortitúdo mea : quare me repulisti? et quare tristis incédo, dum affligit me inimicus?

S. Emítte lucem tuam et veritátem tuam : ipsa me deduxérunt et adduxérunt in montem sanctum tuum, et in tabernacula tua.

M. Et introibo ad altáre Dei, ad Deum qui lætificat juventutem meam.

S. Confitébor tibi in cithara, Deus, Deus meus : quare tristis es, ánima mea? et quare contúrbas me?

M. Spera in Deo, quóniam adhuc confitébor illi : salutáre vultus mei, et Deus meus.

S. Glória Patri, et Filio, et Spíritui sancto.

M. Sicut erat in princípio, et nunc, et semper, et in sæcula sæculórum. Amen.

S. repetit Antiphonam Introibo ad altáre Dei.

ñ. Ad Deum qui lætificat juventutem meam.

Signat se dicens **ñ.** Adjutórium nostrum in nómine Dómini.

ñ. Qui fecit cælum et terram.

Deinde, junctis manibus, profunde inclinatus facit Confessionem.

In Missis Defunctorum, et in Missis de Tempore a Dominica Passionis usque ad Sabbatum sanctum exclusive, omittitur Ps. Júdica me, Deus, cum Glória Patri et repetitione Antiphonæ : sed dicto In nómine Patris, Introibo, et Adjutórium, fit Confessio ut sequitur :

CONFITEOR Deo omnipoténti, beátæ Mariæ semper vírgini, beáto Michaéli Archángelo, beáto Joánni Baptistæ, sanctis Apóstolis Petro et Paulo, ómnibus Sanctis, et vobis, fratres : quia peccávi nimis cogitátione, verbo et ópere, **P**ercutit sibi pectus ter, dicens : mea culpa, mea culpa, mea máxima culpa. Ideo precor beátam Mariam semper virginem, beátum Michaëlem Archángelum, beátum Joánnem Baptistam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Ministri respondent :

MISEREATUR tui omnipotens Deus, et, dimissis peccátis tuis, perdúcat te ad vitam ætérnam.

Sacerdos dicit Amen. Et erigit se.

Deinde Ministri repetunt Confessionem, et ubi a Sacerdote dicebatur vobis, fratres, et vos, fratres, a Ministris dicitur tibi, Pater, et te, Pater.

Postea Sacerdos, junctis manibus, facit absolutionem, dicens :

MISEREATUR vestri omnipotens Deus, et, dimissis peccátis vestris, perdúcat vos ad vitam ætérnam.

ñ. Amen.

Signat se signo Crucis, dicens :

INDULGÉNTIAM, absolutionem et remissionem peccatórum nostrórum, tríbuat nobis omnipotens et miséricors Dóminus. **ñ.** Amen.

Et inclinatus prosequitur ꝑ. Deus, tu convērsus vivificābis nos.

℞. Et plebs tua lætābitur in te.

ꝑ. Ostēde nobis, Dómine, misericórdiam tuam.

℞. Et salutāre tuum da nobis.

ꝑ. Dómine, exáudi oratióem meam.

℞. Et clamor meus ad te véniat.

ꝑ. Dóminus vobiscum.

℞. Et cum spíritu tuo.

Et extendens ac jungens manus, clara voce dicit Orémus, et ascendens ad Altare, dicit secreto:

AUFER a nobis, quæsumus, Dómine, iniquitātes nostras: ut ad Sancta sanctorum puris mereāmur méntibus introire. Per Christum Dóminum nostrum. Amen.

Deinde, manibus junctis super Altare, inclinatus dicit:

ORÁMUS te, Dómine, per mérita Sanctórum tuórum (osculatur Altare in medio) quorum reliquiæ hic sunt, et ómnium Sanctórum, ut indulgére dignéris ómnia peccáta mea. Amen.

In Missa solemni, Celebrans, antequam legat Introitum, benedicit incensum dicens: Ab illo bene **X** dicáris, in cuius honóre cremáberis. Amen. Et accepto thuribulo a Diacono, incensat Altare, nihil dicens. Postea Diaconus, recepto thuribulo a Celebrante, incensat illum tantum. Deinde Celebrans signans se signo Crucis incipit Introitum: quo finito, junctis manibus, alternatim cum Ministris dicit:

KYRIE, eléison. Kyrie, eléison. Kyrie, eléison. Christe, eléison. Christe, eléison. Christe, eléison. Kyrie, eléison. Kyrie, eléison. Kyrie, eléison.


Postea in medio Altaris extendens et jungens manus, caputque aliquantulum inclinans, dicit, si dicendum est, Glória in excélsis Deo, et prosequitur junctis manibus. Cum dicit Adorámus te, Grátias ágimus tibi, et Jesu Christe, et Súscipe deprecatióem, inclinat caput: et in fine dicens Cum sancto Spíritu, signat se a fronte ad pectus.

In Duplicibus et solemnibus diebus:



Gló - ri - a in excélsis De - o.

In Missis beatæ Mariæ:



Gló - ri - a in ex-célsis De - o.

In Dominicis, Festis semiduplicibus, et infra Octavas quæ non sunt beatæ Mariæ:



Gló - ri - a in excélsis De - o.

In Festis simplicibus:



Gló - ri - a in excélsis De - o.

Et in terra pax hominibus bonæ voluntatis. Laudamus te. Benedicimus te. Adoramus te. Glorificamus te. Grátias ágimus tibi propter magnam glóriam tuam. Dómine Deus, Rex cœlestis, Deus Pater omnipotens. Dómine, Fili unigénite, Jesu Christe. Dómine Deus, Agnus Dei, Filius Patris. Qui tollis peccata mundi, miserere nobis. Qui tollis peccata mundi, súscipe deprecationem nostram. Qui sedes ad dexteram Patris, miserere nobis. Quóniam tu solus Sanctus. Tu solus Dóminus. Tu solus Altissimus, Jesu Christe. Cum sancto Spíritu, in glória Dei Patris. Amen.

Sic dicitur Glória in excelsis, etiam in Missis beatæ Mariæ, quando dicendum est. Deinde osculatur Altare in medio, et versus ad populum dicit ŷ. Dóminus vobiscum. R̃. Et cum spiritu tuo. Postea dicit Orémus, et Orationes, unam aut plures, ut ordo Officii postulat. Sequitur Epistola, Graduale, Tractus, vel Allelúia cum Versu, aut Sequéntia, ut tempus postulat. His finitis, si est Missa solemnis, Diaconus deponit librum Evangeliorum super medium Altaris, et Celebrans benedicit incensum, ut supra : deinde Diaconus, genuflexus ante Altare, manibus junctis, dicit :

MUNDA cor meum ac lábia mea, omnipotens Deus, qui lábia Isaíæ Prophétæ cálculo mundásti ignito : ita me tua grata miseratióne dignáre mundáre, ut sanctum Evangélium tuum digne váleam nuntiáre. Per Christum Dóminum nostrum. Amen.

Postea accipit librum de Altari, et rursus genuflexus petit benedictionem a Sacerdote, dicens : Jube, domne, benedicere.

Sacerdos respondet :

DÓMINUS sit in corde tuo et in lábiis tuis, ut digne et competénter annúnties Evangélium suum : In nómine Patris, et Filii, ✠ et Spíritus sancti. Amen.

Et accepta benedictione, osculatur manum Celebrantis : et cum aliis Ministris,

incenso et luminaribus, accedens ad locum Evangelii, stans junctis manibus, dicit ŷ. Dóminus vobiscum. R̃. Et cum spiritu tuo. Et pronuntians Sequéntia sancti Evangelii secundum N., sive Initium, pollice dexteræ manus signat librum in principio Evangelii quod est lecturus, deinde seipsum in fronte, ore et pectore : et dum Ministri respondent Glória tibi, Dómine, incensat ter librum ; postea prosequitur Evangelium junctis manibus. Quo finito, Subdiaconus defert librum Sacerdoti, qui osculatur Evangelium, dicens : Per Evangélica dicta deleántur nostra delicta.

Deinde Sacerdos incensatur a Diacono.

Si vero Sacerdos sine Diacono et Subdiacono celebrat, delato libro ad aliud cornu Altaris, inclinatus in medio, junctis manibus, dicit : Munda cor meum, ut supra, et Jube, Dómine, benedicere. Dóminus sit in corde meo et in lábiis meis, ut digne et competénter annúntiem Evangélium suum. Amen.

Deinde conversus ad librum, junctis manibus, dicit ŷ. Dóminus vobiscum. R̃. Et cum spiritu tuo, et pronuntians. Initium, sive Sequéntia sancti Evangelii, etc., signat librum, et se in fronte, ore et pectore, et legit Evangelium, ut dictum est. Quo finito, respondet Minister, Laus tibi, Christe, et Sacerdos osculatur Evangelium, dicens : Per Evangélica dicta, ut supra. In Missis Defunctorum dicitur Munda cor meum, sed non petitur benedictio, non deferuntur luminaria, nec Celebrans osculatur librum. Deinde ad medium Altaris extendens, elevans et jungens manus, dicit, si dicendum est, Credo in unum Deum, et prosequitur junctis manibus. Cum dicit Deum, caput Cruci inclinat : quod similiter facit cum dicit Jesum Christum, et Simul adorátur. Ad illa autem verba, Et incarnátus est, genuflectit usque dum dicatur Et homo factus est. In fine, ad Et vitam ventúri sæculi, signat se signo Crucis a fronte ad pectus.



Credo in unum De - um,

Patrem omnipotentem, factorem cœli et terræ, visibîlium omnium et invisibîlium. Et in unum Dóminum Jesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lumine, Deum verum de Deo vero. Génitum, non factum, consubstantialem Patri : per quem ómnia facta sunt. Qui propter nos hómines, et propter nostram salutem descendit de cœlis. (*Hic genuflectitur.*) Et incarnátus est de Spíritu sancto ex María Virgine : et homo factus est. Crucifixus étiam pro nobis : sub Póntio Piláto passus, et sepúltus est. Et resurrexit tértia die, secúndum Scriptúras. Et ascendit in cœlum : sedet ad dexteram Patris. Et iterum ventúrus est cum glória, judicáre vivos et mórtuos : cujus regni non erit finis. Et in Spíritum sanctum, Dóminum et vivificántem : qui ex Patre Filióque procédit. Qui cum Patre et Filio simul adorátur, et conglorificátur : qui locútus est per Prophétas. Et unam sanctam cathólicam et apostólicam Ecclésiám. Confiteor unum baptisma in remissionem peccatórum. Et exspecto resurrectionem mortuórum. Et vitam ventúri sæculi. Amen.

Deinde osculatur Altare, et versus ad populum, dicit *ŷ.* Dóminus vobiscum, *ŷ.* Et cum spíritu tuo. Postea dicit Orémus, et Offertorium. Quo dicto, si est Missa sollemnis, Diaconus porrigit Celebranti patenam cum Hostia : si privata, Sacerdos ipse accipit patenam cum Hostia, quam offerens, dicit :

SÚSCÍPE, sancte Pater, omnipotens ætérne Deus, hanc immaculátam Hóstiam, quam ego indignus fámulus tuus offero tibi, Deo meo vivo et vero, pro innumerabilibus peccátis, et offensionibus, et negligétiis meis, et pro ómnibus circumstántibus, sed et pro

ómnibus fidélibus christiánis vivis atque defúntis : ut mihi et illis proficiat ad salutem in vitam ætérnam. Amen.

Deinde faciens Crucem cum eadem patena, deponit Hostiam super Corporale. Diaconus ministrat vinum, Subdiaconus aquam in Calice; vel si privata est Missa, utrumque infundit Sacerdos, et aquam miscendam in Calice bene *✠* dicit, dicens :

DEUS, qui humanæ substantiæ dignitatem mirabiliter condidisti, et mirabilius reformásti : da nobis per hujus aquæ et vini mystérium, ejus divinitátis esse consórtes, qui humanitátis nostræ fieri dignátus est párticeps, Jesus Christus Filius tuus Dóminus noster. Qui tecum vivit et regnat in unitate Spíritus sancti Deus, per ómnia sæcula sæculórum. Amen.

In Missis pro Defunctis dicitur prædicta Oratio, sed aqua non benedicitur. Postea accipit Calicem, et offert dicens :

OFFÉRIMUS tibi, Dómine, Cálicem salutáris, tuam deprecántes cleméntiam, ut in conspéctu divínæ Majestátis tuæ, pro nostra et totíus mundi salute, cum odóre suavitátis ascendat. Amen.

Deinde facit signum Crucis cum Calice, et illum ponit super Corporale, et palla cooperit : tum junctis manibus super Altare, aliquantulum inclinatus, dicit :

In spíritu humilitátis et in ánimo contríto suscipiámur a te, Dómine : et sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus expandit manus, easque in altum porrectas jungens, elevatis ad cœlum oculis et statim demissis, dicit :

VENI, sanctificátor omnipotens, ætérne Deus : benedicet oblata, proseguendo, et bene *✠* dic hoc sacrificium tuo sancto nómini præparátum.

Postea, si sollemniter celebrat, benedicit incensum, dicens :

PER intercessionem beáti Michaélis Archángeli stantis a dextris altáris incénsi, et ómnium electórum suórum,

incensum istud dignetur Dóminus bene **✠** dicere, et in odórem suavitátis accipere. Per Christum Dóminum nostrum. Amen.

Et accepto thuribulo a Diacono, incensat oblata modo in Rubricis generalibus præscripto, dicens :

INCENSUM istud a te benedictum ascéndat ad te, Dómine, et descéndat super nos misericórdia tua.

Deinde incensat Altare, dicens :

Ps. 140.

DIRIGÁTUR, Dómine, orátio mea sicut incensum in conspéctu tuo : elevátio mánuum meárum sacrificium vespertinum. Pone, Dómine, custódiam ori meo, et óstium circumstántiæ lábiis meis : ut non declínet cor meum in verba malitiæ, ad excusándas excusatiónes in peccátis.

Dum reddit thuribulum Diacono, dicit :
ACCÉNDAT in nobis Dóminus ignem sui amóris, et flammam æternæ charitátis. Amen.

Postea incensatur Sacerdos a Diacono ; deinde alii per ordinem. Interim Sacerdos lavat manus, dicens :

Psalmus 25.

LAVÁBO inter innocéntes manus meas : et circúmdabo altáre tuum, Dómine :

Ut áudiam vocem laudis, et enárrem universa mirabilia tua.

Dómine, diléxi decórem domus tuæ, et locum habitatiónis glóriæ tuæ.

Ne perdas cum impiis, Deus, ánimam meam, et cum viris sánguinem vitam meam.

In quorum mánibus iniquitátes sunt : dextera eórum repléta est munéribus.

Ego autem in innocéntia mea ingrésus sum : rédime me, et miserére mei.

Pes meus stetit in dirécto : in ecclésiis benedicám te, Dómine.

Glória Patri, et Filio, et Spirítui sancto.

Sicut erat in princípío, et nunc, et semper, et in sæcula sæculórum. Amen.

In Missis pro Defunctis et Tempore Passionis in Missis de Tempore omittitur

Glória Patri. Deinde aliquantulum inclinatus in medio Altaris, junctis manibus super eo, dicit :

SÚSCIPE, sancta Trinitas, hanc oblaciónem quam tibi offérimus ob memóriam Passiόνis, Resurrectiόνis, et Ascensiónis Jesu Christi Dómini nostri : et in honórem beátæ Mariæ semper virginis, et beáti Joánnis Baptistæ, et sanctórum Apostolórum Petri et Pauli, et istórum, et ómnium Sanctórum : ut illis proficiat ad honórem, nobis autem ad salútem ; et illi pro nobis intercedere dignéntur in cœlis, quorum memóriam ágimus in terris. Per eúndem Christum Dóminum nostrum. Amen.

Postea osculatur Altare, et versus ad populum, extendens et jungens manus, voce paululum elevata dicit :

ORÁTE, fratres, ut meum ac vestrum sacrificium acceptábile fiat apud Deum Patrem omnipoténtem.

Minister seu circumstantes respondent, alioquin ipsemet Sacerdos :

SÚSCÍPIAT Dóminus sacrificium de má-nibus tuis (vel meis) ad laudem et glóriam nóminis sui, ad utilitátém quoque nostram, totiúsque Ecclésiæ suæ sanctæ.

Sacerdos submissa voce dicit : Amen.

Deinde, manibus extensis, absolute sine Orémus subjungit Orationes secretas. Quibus finitis, cum pervenerit ad conclusionem, clara voce dicit : Per ómnia sæcula sæculórum, cum Præfatione, ut in sequentibus.

Præfatio incipitur ambabus manibus positis hinc inde super Altare : quas aliquantulum elevat cum dicit Sursum corda. Jungit eas ante pectus, et caput inclinat cum dicit Grátias agámus Dómino Deo nostro.

Deinde disjungit manus, et disjunctas tenet usque ad finem Præfationis : qua finita, iterum jungit eas, et inclinatus dicit Sanctus. Et cum dicit Benedictus qui venit, signum Crucis sibi producit a fronte ad pectus.


¶ Sequens Præfatio cum suo cantu dicitur in Nativitate Domini usque ad Epiphaniam (præterquam in die octava sancti Joannis Apostoli), et in Purificatione beatæ Mariæ, et in Festo Corporis Christi, et per Octavam, nisi in ea occurrat Festum quod propriam Præfationem habeat. Item in Transfiguratione Domini, et in Festo SS. Nominis Jesu.

P ER ómni-a sæcu-la sæcu-ló - rum. *ñ.* Amen. *ŷ.* Dóminus vo-bis-
cum. *ñ.* Et cum spí-ri-tu tu- o. *ŷ.* Sur - sum corda. *ñ.* Habé- mus
ad Dó-minum. *ŷ.* Grá-ti-as agá- mus Dómino De - o no-stro.
ñ. Di- gnum et ju- stum est.

V ERE dignum et justum est, æquum et sa-lu-tá-re, nos ti-bi
semper et ubique grá-ti-as á-ge-re, Dómi-ne sancte, Pater omni-
potens, ætérne De- us. Qui-a per incarná-ti Verbi my-sté- ri-um, nova
mentis nostræ ócu-lis lux tu-æ clari-tá-tis infúl-sit: ut dum vi-si-bí-



li-ter De-um cognó-scimus, per hunc in invi-si-bí-li-um amórem ra-



pi-á-mur. Et íd-e-o cum Ange-lis et Archánge-lis, cum Thronis et



Domina-ti-ó-nibus, cumque omni mi-lí-ti-a cœ-léstis ex-ér-ci-tus,



hymnum gló-ri-æ tu-æ cá-nimus, si-ne fi-ne dicén-tes.

Infra actionem.

COMMUNICANTES, et diem sacratissimum celebrantes, quo beatæ Mariæ intemerata virginitas huic mundo édedit Salvatorem: sed et memóriam venerantes, in primis ejusdem gloriósæ semper virginis Mariæ, Genitricis ejusdem Dei et Dómini nostri Jesu Christi: sed et beatórum Apostolorum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni,

Joánnis et Pauli, Cosmæ et Damiáni, et ómnium Sanctórum tuórum: quorum méritis precibúsque concédas, ut in ómnibus protectiónis tuæ muniámur auxilio. *Jungit manus.* Per eúndem Christum Dóminum nostrum. Amen.

Hanc igitur oblatiónem, etc., *ut in Canone.*

In prima vero Missa Nativitatis dicitur noctem sacratissimam celebrantes, qua, etc.; deinde semper dicitur diem sacratissimum, quo, etc., usque ad Octavam Nativitatis Domini inclusive, et non ultra.

¶ Sequens Præfatio cum suo cantu dicitur in Epiphania Domini, et per Octavam.



ER ómni-a sæcu-la sæcu-ló-rum. *ñ.* Amen. *ŷ.* Dóminus vo-




bís-cum. *ñ.* Et cum spí-ri-tu tu-o. *ŷ.* Sur-sum cor-da. *ñ.* Habé-



mus ad Dó-minum. *ŷ.* Grá-ti-as agá - mus Dómino De - o nostro.




ŷ. Di - gnum et ju-stum est.



ERE dignum et justum est, æquum et sa-lu - tá - re, nos ti-bi



semper et u-bíque grá-ti - as á-ge-re, Dómine sancte, Pa-ter omní-



potens, ætérne De - us. Qui-a cum Unigé-ni-tus tu-us in substánti-a




nostræ morta-li-tá-tis ap-pá - ru - it, nova nos immorta-li-tá-tis su-æ lu-ce



re - pa-rá - vit. Et íd - e-o cum Ange-lis et Archánge-lis, cum Thronis



et Domina-ti - ó - nibus, cumque omni mi-li-ti-a cœ-léstis ex - ér-



ci-tus, hymnum gló-ri-æ tu-æ cá-nimus, si - ne fi - ne dicén-tes.

Infra actionem.

COMMUNICANTES, et diem sacratissimum celebrantes, quo Unigénitus tuus in tua tecum glória coætérnus, in veritate

carnis nostræ visibiliter corporális ap-páruit : sed et memóriam venerantes, in primis gloriósæ semper vírginis Mariæ, Genitricis ejúsdem Dei et Dómini nostri

Jesu Christi : sed et beatórum Apostólorum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simōnis et Thaddæi : Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium

Sanctórum tuórum : quorum méritis precibúsque concédas, ut in ómnibus protectionis tuæ muniámur auxilio. **Jungit manus.** Per eúndem Christum Dóminum nostrum. Amen.

Hanc igitur oblatiónem, etc., **ut in Canone.**

Et dicitur per totam Octavam.

¶ Sequens Præfatio cum suo cantu dicitur in Dominicis Quadragesimæ, et in Festis duplicibus et semiduplicibus in ea occurrentibus, usque ad Dominicam Passionis, nisi in Festis propria assignetur.

P ER ómni-a sæcu-lā sæcu-ló-rum. **ñ.** Amen. **ŷ.** Dóminus vo-bis-

cum. **ñ.** Et cum spí-ri-tu tu-o. **ŷ.** Sur-sum cor-da. **ñ.** Habé-mus


ad Dó-minum. **ŷ.** Grá-ti-as agá-mus Dómino De-o nostro.

ñ. Di-gnum et ju-stum est.

V ERE dignum et justum est, æquum et sa-lu-tá-re, nos ti-bi

semper et ubique grá-ti-as á-ge-re, Dómine sancte, Pa-ter omni-

po-tens, ætérne De-us. Qui corporá-li je-júni-o ví-ti-a cómprimis, men-



tem é - levas, virtú-tem largí-ris et præ-mi-a, per Chri-stum Dó-



minum nostrum. Per quem Ma-jestá-tem tu-am laudant Ange-li, ad-órant




Domina-ti - ó-nes, tremunt Po-testá-tes. Cœ-li, cœ-lorúmque Virtútes,



ac be-á-ta Sé-raphim, só - ci-a exsulta-ti - ó-ne concé-lebrant. Cum



quibus et nostras voces ut admít-ti júbe-as depre-cámur, súp-pli-ci



confessi-ó-ne di-céntes.

Sequens Præfatio cum suo cantu dicitur in Dominica Passionis, in Dominica Palmarum, in Feria V in Cœna Domini, et in Festis duplicibus et semiduplicibus eo tempore occurrentibus (nisi in Festis propria assignetur), in solemnitatibus SS. Crucis, et in Festis SS. Cordis, ac Pretiosissimi Sanguinis D. N. J. C.











P



ER ómni-a sæcu-la sæcu-ló-rum. R̃. Amen. Ỹ. Dóminus vo-bis-



cum. R̃. Et cum spí-ri-tu tu-o. Ỹ. Sur-sum cor-da. R̃. Habé-mus






lebrant. Cum quibus et nostras voces ut admitti jube-as depre-cá-



mur, súp-pli-ci confessi-ó-ne di-céntes.

¶ Sequens Præfatio cum suo cantu dicitur a Vigilia Paschæ usque ad Octavam et in Dominicis usque ad Ascensionem, et in Festis duplicibus et semiduplicibus eo tempore occurrentibus, nisi in eis propria assignetur. In Missa Sabbati sancti dicitur in hac potissimum nocte; in die Paschæ usque ad Sabbatum in Albis inclusive, in hac potissimum die, et deinceps, in hoc potissimum gloriósius.

P




ER ómni-a sæcu-la sæcu-ló-rum. *℞*. Amen. *ŷ*. Dóminus vo-bis-



cum. *℞*. Et cum spí-ri-tu tu-o. *ŷ*. Sur-sum cor-da. *℞*. Habé-mus



ad Dó-minum. *ŷ*. Grá-ti-as a-gá-mus Dómino De-o no-stro.



℞. Di-gnum et ju-stum est.

V



ERE dignum et justum est, æquum et sa-lu-tá-re, Te qui-



dem, Dómiæ, omni témpore, sed in hac po-tíssimum di-e glo-ri-ó-si-us



prædi- cá-re, cum Pascha nostrum immo-lá-tus est Christus. Ipse enim



verus est Agnus qui ábs-tu-lit pec-cá-ta mundi. Qui mortem nostram



mo-ri-éndo destrú-xit, et vi-tam resurgéndo re-pa-rá-vit. Et id-e-o



cum Ange-lis et Archángelis, cum Thronis et Domina-ti-ó-nibus,



cumque omni mi-lí-ti-a cœléstis ex-ér-ci-tus, hymnum gló-ri-æ tu-æ



cá-nimus, si-ne fi-ne di-cétes.

Infra actionem.

COMMUNICANTES, et diem sacratissimum celebrantes Resurrectionis Dómini nostri Jesu Christi secúndum carnem: sed et memóriam venerantes, in primis gloriósæ semper virginis Mariæ, Genitricis ejúsdem Dei et Dómini nostri Jesu Christi: sed et beatórum Apostolórum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctorum tuórum: quorum méritis precibúsq; concédas, ut in ómnibus protectiónis tuæ muniámur auxilio. *Jungit manus.* Per eúndem Christum Dóminum nostrum. Amen.

Tenens manus expansas super oblata, *dicit*: Hanc igitur oblatiónem servitútis nostræ, sed et cunctæ familiæ tuæ, quam tibi offérimus pro his quoque quos regeneráre dignátus es ex aqua et Spíritu sancto, tribuens eis remissionem ómnium peccatórum, quæsumus, Dómine, ut placátus accípias, diésque nostros in tua pace dispónas, atque ab æténa damnatióne nos éripi, et in electórum tuórum júbeas grege numerári. *Jungit manus.* Per Christum Dóminum nostrum. Amen.

Quam oblatiónem, etc., ut in Canno.

Sic dicitur a Vigilia Paschæ usque ad Sabbatum in Albis inclusive. Sed in Missa Sabbati sancti infra actionem dicitur et noctem sacratíssimam celebrantes.

¶ Sequens Præfatio cum suo cantu dicitur in die Ascensionis usque ad Vigiliam Pentecostes exclusive, et in Festis tunc occurrentibus, nisi propriam habuerint.

PER ómni-a sæcu-la sæcu-ló-rum. *ñ.* Amen. *ŷ.* Dóminus vo-bis-

cum. *ñ.* Et cum spí-ri-tu tu-o. *ŷ.* Sur-sum cor-da. *ñ.* Habé-mus

ad Dó-minum. *ŷ.* Grá-ti-as a-gá-mus Dómino De-o no-stro.

ñ. Di-gnum et ju-stum est.

VERE dignum et justum est, æquum et sa-lu-tá-re, nos ti-bi

semper et u-bíque grá-ti-as á-ge-re, Dómine sancte, Pa-ter omní-

po-tens, ætérne De-us, per Chri-stum Dó-minum nostrum. Qui post

Resurrecti-ónem su-am ómnibus discípu-lis su-is mani-féstus ap-pá-ru-it,

et ipsis cernéntibus est e-levá-tus in cœ-lum, ut nos di-vi-ni-tá-tis



su-æ tribú-eret es-se parti-cipes. Et íd-e-o cum Ange-lis et Ar-
 cháng-e-lis, cum Thronis et Domina-ti-ó-nibus, cumque omni mi-lí-ti-a
 cœ-léstis ex-ér-ci-tus, hymnum gló-ri-æ tu-æ cá-nimus, si-ne fi-
 ne dicén-tes.

Infra actionem.


COMMUNICANTES, et diem sacratissimum celebrantes, quo Dóminus noster, unigénitus Filius tuus, unitam sibi fragilitátis nostræ substantiam in glóriæ tuæ dextera collocávit : sed et memóriam venerántes, in primis gloriósæ semper vírginis Mariæ, Genitricis ejúsdem Dei et Dómini nostri Jesu Christi : sed et beatórum Apostolórum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simó-

nis et Thaddæi : Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsq; concedas, ut in ómnibus protectióis tuæ muniámur auxilio. *Jungit manus.* Per eúndem Christum Dóminum nostrum. Amen.


Hanc igitur oblatiónem, etc., ut in *Canone.*

Et dicitur per totam Octavam.


¶ Sequens Præfatio cum suo cantu dicitur a Vigilia Pentecostes usque ad sequens Sabbatum inclusive.




PER ómni-a sæcu-la sæcu-ló-rum. *℟.* Amen. *℣.* Dóminus vo-
 bís-cum. *℟.* Et cum spí-ri-tu tu-o. *℣.* Sur-sum cor-da. *℟.* Habó-



mus ad Dó-minum. *ŷ.* Grá-ti-as agá - mus Dómino De - o nostro.



ŷ. Di - gnum et ju - stum est.



ERE dignum et justum est, æquum et sa-lu - tá - re, nos ti-bi



semper et u-bíque grá-ti - as á-ge-re, Dómine sancte, Pa-ter omni-



po-tens, ætérne De - us, per Chri - stum Dó-minum nostrum. Qui ascén-



dens super omnes cœlos, sedénsque ad délixteram tu - am, promíssum



Spí-ri-tum sanctum hodi - érna di-e in fí-li-os adopti - ó - nis effú - dit.



Quaprópter profú-sis gáu-di-is, totus in orbe terrárum mundus exsúl-



tat. Sed et supérnæ Virtú-tes, atque angé-li-cæ Po-te-stá - tes, hymnum



gló-ri-æ tu-æ cón-cinunt, si - ne fi - ne dicén - tes.

Infra actionem.

COMMUNICANTES, et diem sacratissimum Pentecostes celebrantes, quo Spiritus sanctus Apostolis innumeris linguis apparuit: sed et memoriam venerantes, in primis gloriosæ semper virginis Mariæ, Genitricis Dei et Domini nostri Jesu Christi: sed et beatorum Apostolorum ac Martyrum tuorum, Petri et Pauli, Andræ, Jacobi, Joannis, Thomæ, Jacobi, Philippi, Bartholomæi, Matthæi, Simonis et Thaddæi: Lini, Cleti, Clementis, Xysti, Cornelii, Cypriani, Laurentii, Chrysogoni, Joannis et Pauli, Cosmæ et Damiâni, et omnium Sanctorum tuorum: quorum meritis precibusque concedas, ut in omnibus protectionis tuæ muniamur auxilio. **Jungit**

manus. Per eundem Christum Dominum nostrum. Amen.

Tenens manus expansas super oblata, dicit: Hanc igitur oblationem servitutis nostræ, sed et cunctæ familiæ tuæ, quam tibi offerimus pro his quoque quos regenerare dignatus es ex aqua et Spiritu sancto, tribuens eis remissionem omnium peccatorum, quæsumus, Domine, ut placatus accipias, diēsque nostros in tua pace dispōnas, atque ab ætérna damnatione nos eripi, et in electorum tuorum jubeas grege numerari. **Jungit manus.** Per Christum Dominum nostrum. Amen.

Quam oblationem, etc., ut in Canone.

Et dicitur usque ad seq. Sabbatum inclusive.

¶ Sequens Præfatio cum suo cantu dicitur in Festo SS. Trinitatis, et in omnibus Dominicis per annum, quando Præfatio propria non sit assignata, juxta Decretum Clementis XIII, die 3 Januarii 1759.

PER omni-a sæcu-la sæcu-ló-rum. **ñ.** Amen. **ŷ.** Dóminus vo-bis-

cum. **ñ.** Et cum spí-ri-tu tu-o. **ŷ.** Sur-sum cor-da. **ñ.** Hábe-mus

ad Dó-minum. **ŷ.** Grá-ti-as agá-mus Dómino De-o nostro.

ñ. Di-gnum et ju-stum est.

VERE dignum et justum est, æquum et sa-lu-tá-re, nos ti-bi



semper et ubique grá-ti-as á-ge-re, Dómine sancte, Pa-ter omni-



potens, æ-térne De - us. Qui cum Unigé-ni-to Fi-li-o tu-o et Spí-ri-tu



sancto únus es De - us, u-nus es Dó-minus : non in u-ní-us singu-la-



ri-tá-te per-só-næ, sed in u-ní-us Trini-tá-te substán-ti-æ. Quod enim



de tu-a gló-ri-a, reve-lánte te, cré-dimus, hoc de Fi-li-o tu - o, hoc



de Spí-ri-tu sancto, sine differé-nti-a discre-ti-ó-nis senti-mus. Ut in



confessi-óne veræ sempi-ternæque De-i - tá - tis, et in persónis pro-prí-



e-tas, et in essé-nti-a ú - ni-tas, et in majestá-te ado-ré-tur æquá-










li-tas. Quam laudant Ange-li atque Archán-ge-li, Chérubim quoque ac



Sé-raphim, qui non cessant clamáre quo-tí-di-e, u-na vo-ce di-céntes.

¶ Sequens Præfatio cum suo cantu dicitur in Festis B. M. (excepto Festo Purificationis, in quo dicitur de Nativitate Domini) et per eorum Octavas, etiam in Festis infra eas occurrentibus, si propriam non habuerint. Dicitur autem vel Et te in Annuntiatiōe, vel Visitatiōe, vel Assumptiōe, vel Nativitatē, vel Præsentatiōe, vel Conceptione Immaculata, secundum denominationem Festi. In Dedicat. Sanctæ Mariæ ad Nives, et in Festis ejusdem SS. Nominis, et de Mercede, dicitur, Et te in Festivitatē. In Festo Septem Dolorum dicitur, Et te in Transfixiōe. In Festo de Monte Carmelo dicitur, Et te in Commemoratiōe. In Festo SS. Rosarii dicitur, Et te in Solemnitatē.






U-nigéni-tum tu-um sancti Spí-ri-tus obumbra-ti-óne con-cé-pit, et vir-



gi-ni-tá-tis glóri-a permanénte, lumen ætérnum mundo ef-fú-dit, Je-sum




Christum Dóminum nostrum. Per quem Majestá-tem tu-am laudant Ange-li,




ad-órant Domina-ti-ónes, tremunt Po-testá-tes. Cœ-li, cœ-lorúmque



Virtútes, ac be-á-ta Sé-raphim, só-ci-a exsulta-ti-ó-ne concé-



lebrant. Cum quibus et nostras voces ut admít-ti júbé-as depre-cá-



mur, súp-pli-ci confessi-ó-ne di-céntes.










¶ Sequens Præfatio cum suo cantu dicitur in Festis Apostolorum et Evangelistarum (præterquam in die S. Joannis Apostoli), et per Octavas eorum, et in Festis infra eas occurrentibus, nisi in eis propria assignetur.



ER ómni-a sæcu-la sæcu-ló-rum. *ñ.* Amen. *ŷ.* Dóminus vo-bis-



cum. *ñ.* Et cum spí-ri-tu tu-o. *ŷ.* Sur-sum cor-da. *ñ.* Habé-mus



Sequens Præfatio cum suo cantu dicitur in omnibus Festis duplicibus, et per Octavas eorum, et in omnibus Semiduplicibus ubi propria non habetur.

P ER ómni-a sæcu-la sæcu-ló-rum. *℞.* Amen. *Ÿ.* Dóminus vo-bis-
cum. *℞.* Et cum spí-ri-tu tu-o. *Ÿ.* Sur-sum cor-da. *℞.* Habé-mus
ad Dó-minum. *Ÿ.* Grá-ti-as a-gá-mus Dómino De-o no-stro.
℞. Di-gnum et ju-stum est.

V ERE dignum et justum est, æquum et sa-lu-tá-re, nos ti-bi
semper et ubique grá-ti-as á-ge-re, Dómi-ne sancte, Pater omni-
potens, ætérne De-us, per Chri-stum Dóminum nostrum. Per quem
Ma-jestá-tem tu-am laudant Ange-li, ad-órant Domina-ti-ó-nes, tremunt
Po-está-tes. Cœ-li, cœ-lorúmque Virtú-tes, ac be-á-ta Sé-raphim,



só - ci - a exsulta-ti-ó - ne concé - lebrant. Cum quibus et nostras voces



ut admitti júbe - as depre - cá - mur, súp - pli - ci confessi - ó - ne di - céntes.

¶ Sequens Præfatio cum suo cantu dicitur in diebus Ferialibus Quadragesimæ, a Feria IV Cinerum usque ad Sabbatum ante Dominicam Passionis inclusive.

PER ómni - a sæcula sæculó - rum. *ñ.* Amen. *ŷ.* Dóminus vo - bis - cum.



ñ. Et cum spí - ri - tu - o. *ŷ.* Sursum cor - da. *ñ.* Habémus ad Dóminum.



ŷ. Grá - ti - as agámus Dómino De - o nostro. *ñ.* Dignum et justum est.

VERE dignum et justum est, æquum et sa - lu - táre, nos ti - bi



semper et u - bíque grá - ti - as á - gere, Dómine sancte, Pa - ter omnipotens,



ætérne De - us. Qui corporá - li je - júni - o ví - ti - a cómprimis, mentem é -



levas, virtú - tem largí - ris et præmi - a, per Christum Dóminum nostrum.



Per quem Ma-jestá-tem tu-am laudant Ange-li, ad-órant Domina-ti-ónes,
tremunt Po-testátes. Cœ-li, cœlo-rúmque Virtútes, ac be-á-ta Séraphim,
só-ci-a exsulta-ti-óne concé-lebrant. Cum quibus et nostras voces ut
admitti júbe-as deprecámur, súpli-ci confessi-óne dicétes.

¶ Sequens Præfatio cum suo cantu dicitur in diebus Ferialibus a Dominica Passionis usque ad Feriam V in Coena Domini exclusive, et in Missis votivis de sancta Cruce.



PER ómni-a sæcu-la sæcu-ló-rum. *ñ.* Amen. *ŷ.* Dóminus vo-bís-cum.
ñ. Et cum spí-ri-tu tu-o. *ŷ.* Sursum corda. *ñ.* Habémus ad Dóminum.
ŷ. Grá-ti-as agámus Dómino De-o nostro. *ñ.* Dignum et justum est.
VERE dignum et justum est, æquum et sa-lu-tá-re, nos tibi
semper et u-bíque grá-ti-as á-gere, Dómine sancte, Pa-ter omní-po-tens,



etérne De-us. Qui sa-lú-tem humáni gé-ne-ris in ligno Crucis consti-



tu-ísti : ut unde mors o-ri-ebá-tur, inde vi-ta resúrge-ret : et qui in



ligno vincébat, in ligno quoque vinceré-tur : per Christum Dóminum



nostrum. Per quem Ma-jestá-tem tu-am laudant Ange-li, adó-rant Do-



mina-ti-ó-nes, tremunt Potestá-tes. Cœ-li, cœ-lorúm-que Virtú-tes, ac be-á-




ta Séraphim, só-ci-a exulta-ti-ó-ne concé-lebrant. Cum quibus et nostras



voces ut admítti júbe-as deprecámur, súppli-ci confessi-ó-ne di-céntes.

¶ Sequens Præfatio cum suo cantu dicitur in diebus Ferialibus, et in Festis simplicibus, ab Octava Paschæ usque ad Ascensionem.




ER ómni-a sæcu-la sæcu-ló-rum. **R.** Amen. **V.** Dóminus vo-bis-cum.



R. Et cum spí-ri-tu tu-o. **V.** Sursum cor-da. **R.** Habémus ad Dóminum.




Grá-ti-as agámus Dómino De-o nostro. Dignum et justum est.



ERE dignum et justum est, æquum et sa-lu-táre, Te quidem,




Dómine, omni témpore, sed in hoc po-tíssimum glo-ri-ó-si-us prædi-cá-



re, cum Pascha nostrum immo-lá-tus est Christus. Ipse enim verus est



Agnus qui ábstu-lit peccá-ta mundi. Qui mortem nostram mo-ri-éndo



destrúxit, et vi-tam resurgéndo repa-rávit. Et íd-e-o cum Ange-lis et











Archánge-lis, cum Thronis et Domina-ti-ó-nibus, cumque omni mi-li-ti-a



cœ-léstis exérci-tus, hymnum glóri-æ tu-æ cánimus, sine fine di-céntes.

¶ Sequens Præfatio cum suo cantu dicitur in Missis votivis de SS. Trinitate.





si-ne differénti-a discre-ti-ónis sentimus. Ut in confessi-óne veræ
sempi-ternæque De-i-tá-tis, et in persónis propri-e-tas, et in essénti-a
ú-ni-tas, et in ma-jestá-te adoré-tur æquá-li-tas. Quam laudant Ange-li
atque Archánge-li, Chérubim quoque ac Séráphim, qui non cessant cla-
máre quo-ti-di-e, una voce di-céntes.

¶ Sequens Præfatio cum suo cantu dicitur in Missis votivis de Spiritu sancto.




P ER ómni-a sæcu-la sæcu-ló-rum. *ñ.* Amen. *ŷ.* Dóminus vo-bis-cum.
ñ. Et cum spí-ri-tu tu-o. *ŷ.* Sursum cor-da. *ñ.* Habémus ad Dóminum.
ŷ. Grá-ti-as agá-mus Dómino De-o nostro. *ñ.* Dignum et justum est.
V ERE dignum et justum est, æquum et salu-tá-re, nos ti-bi



semper et ubique grá-ti-as áge-re, Dómine sancte, Pater omní-po-tens,



ætérne De-us, per Christum Dóminum nostrum. Qui ascéndens super om-




nes cœlos, sedénsque ad dexteram tu-am, promíssum Spí-ri-tum sanctum



in fi-li-os adopti-ónis effúdit. Quaprópter profú-sis gáudi-is, to-tus in



orbe terrárum mundus exsúltat. Sed et supérnæ Virtútes, atque angé-



licæ Po-testátes, hymnum gló-ri-æ tu-æ cóniunt, sine fine dicéutes.

¶ Sequens Præfatio cum suo cantu dicitur in Missis votivis de beata Maria.



ER ómni-a sæcu-la sæcu-ló-rum. *ñ.* Amen. *ŷ.* Dóminus vo-bis-cum.



ñ. Et cum spí-ri-tu tu-o. *ŷ.* Sursum cor-da. *ñ.* Habémus ad Dóminum.



ŷ. Grá-ti-as agámus Dómino De-o nostro. *ñ.* Dignum et justum est.

VERE dignum et justum est, æquum et sa-lu-täre, nos ti-bi sem-

per et u-bique grá-ti-as á-ge-re, Dómine sancte, Pa-ter omní-po-tens,

ætérne De-us. Et te in Vene-ra-ti-óne be-á-tæ Ma-rí-æ semper virginis

collaudäre, benedí-cere et præ-dicäre. Quæ et U-nigéni-tum tu-um

sancti Spi-ri-tus obumbra-ti-óne concé-pit, et virgi-ni-tá-tis glóri-a

permanénte, lumen ætérnum mundo effú-dit, Je-sum Christum Dóminum









nostrum. Per quem Majestá-tem tu-am laudant Ange-li, adó-rant Domina-

ti-ónes, tremunt Potestá-tes. Cœ-li, cœ-lorúmque Virtútes, ac be-á-ta

Sé-raphim, só-ci-a exsulta-ti-óne concé-lebrant. Cum quibus et nostras

voces ut admít-ti jú-be-as deprecámur, súpli-ci confessi-óne di-céntes.


¶ Sequens Præfatio cum suo cantu dicitur in Missis votivis de Apostolis.





exér-ci-tus, hymnum glóri-æ tu-æ cánimus, sine fine dicéntes.

¶ Sequens Præfatio cum suo cantu dicitur in Festis simplicibus, et in diebus Ferialibus ubi propria non habetur, et in omnibus Missis defunctorum.




ER ómni-a sæcu-la sæcu-ló-rum. *℞.* Amera. *℣.* Dóminus vo-bis-cum.



℞. Et cum spí-ri-tu tu-o. *℣.* Sursum cor-da. *℞.* Habémus ad Dóminum.



℣. Grá-ti-as agámus Dómino De-o nostro. *℞.* Dignum et justum est.




ERE dignum et justum est, æquum et sa-lu-táre, nos ti-bi



semper et ubique grá-ti-as ágere, Dómine sancte, Pater omnipo-tens,



ætérne De-us, per Christum Dóminum nostrum. Per quem Majestá-tem



tu-am laudant Ange-li, ad-órant Domi-na-ti-ónes, tremunt Po-testátes.



Cœ-li, cœlo-rúmque Virtútes, ac be-á-ta Séraphim, só-ci-a exsulta-



ti-óne concé-lebrant. Cum quibus et nostras voces ut admitti júbe-as



deprecámur, súppli-ci confessi-óne dicétes.

SANCTUS, Sanctus, Sanctus, Dóminus
Deus sábaoth.
Pleni sunt cœli et terra glória tua.

Hosánna in excélsis.
Benedíctus qui venit in nómine Dómini.
Hosánna in excélsis.



PRÆFATIONES SINE CANTU

PER TOTUM ANNUM

IN NATIVITATE DOMINI

¶ Sequens Præfatio dicitur in Nativitate Domini usque ad Epiphaniam (præterquam in die octava sancti Joannis Apostoli), et in Purificatione beatæ Mariæ, et in Festo Corporis Christi, et per Octavam, nisi in ea occurrat Festum quod propriam Præfationem habeat. Item in Transfiguratione Domini, et in Festo SS. Nominis Jesu, necnon in Missis votivis de SS. Sacramento.

PER omnia sæcula sæculórum. *ñ.* Amen.
ŷ. Dóminus vobiscum. *ñ.* Et cum spíritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus. Quia per incarnáti Verbi mystérium, nova mentis nostræ óculis lux tuæ claritátis infúlsit : ut dum visibíliter Deum cognóscimus, per hunc in invisibílium amórem rapiámur. Et ideo cum Angelis et Archángelis, cum Thronis et Dominatió nibus, cumque omni militiá cœléstis exércitus, hymnum glóriæ tuæ cánimus, sine fine dicéntes.

Infra actionem.

COMMUNICANTES, et diem sacratissimum celebrántes, quo beatæ Mariæ intemeráta virgíntas huic mundo édídít Salvatórem : sed et memóriam venerántes, in primis ejúsdem glorióse semper virginis Mariæ, Genitrícis ejúsdem Dei et Dómini nostri Jesu Christi : sed et beatórum Apostolórum ac Mártyrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thad-

dæi : Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsq; concédas, ut in ómnibus protectióriis tuæ muniámur auxílio. Jungit manus. Per eúmdem Christum Dóminum nostrum. Amen.

Hanc igitur oblatiόνem, etc., ut in Canone.

In prima vero Missa Nativitatis dicitur noctem sacratissimam celebrántes, qua, etc., deinde semper dicitur diem sacratissimum, quo, etc., usque ad Octavam Nativitatis Domini inclusive, et non ultra.

IN EPIPHANIA DOMINI

¶ Sequens Præfatio dicitur in Epiphania Domini, et per Octavam.

PER omnia sæcula sæculórum. *ñ.* Amen.
ŷ. Dóminus vobiscum. *ñ.* Et cum spíritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus. Quia cum Unigénitus tuus in substántia nostræ mortalitátis appáruit, nova nos immortalitátis suæ luce reparávit. Et ideo cum Angelis et Archángelis, cum Thronis et Dominatió nibus, cumque omni militiá cœléstis exércitus, hymnum glóriæ tuæ cánimus, sine fine dicéntes.

Infra actionem.

COMMUNICANTES, et diem sacratissimum celebrántes, quo Unigénitus tuus in tua tecum glória coætérnus, in veritaté carnis nostræ visibíliter corporális ap-

páruit : sed et memóriam venerántes, in primis gloriósæ semper vírginis Mariæ, Genitricis ejúsdem Dei et Dómini nostri Jesu Christi : sed et beatórum Apostolórum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis et Thaddæi : Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsque concédas, ut in ómnibus protectióis tuæ muniámur auxilio. *Jungit manus.* Per eúndem Christum Dóminum nostrum. Amen.

Hanc igitur oblatiónem, etc., ut in Canone.

Et dicitur per totam Octavam.

IN QUADRAGESIMA

¶ Sequens Præfatio dicitur a Feria IV Cinerum usque ad Sabbatum ante Dominicam Passionis inclusive, nisi in Festis propria assignetur.

PER ómnia sæcula sæculórum. *R.* Amen. *Ÿ.* Dóminus vobiscum. *R.* Et cum spíritu tuo. *Ÿ.* Sursum corda. *R.* Habémus ad Dóminum. *Ÿ.* Grátias agámus Dómino Deo nostro. *R.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus. Qui corporáli jejúnio vítia cómprimis, mentem elévas, virtútem largiris et præmia : per Christum Dóminum nostrum. Per quem Majestátem tuam laudant Angeli, adorant Dominatiónes, tremunt Potestátes. Cœli, cœlorúmque Virtútes, ac beáta Séraphim, sócia exultatióne concélebrant. Cum quibus et nostras voces ut admitti júbéas deprecámur, súplici confessióne dicéntes.

IN MISSIS DE PASSIONE

ET DE S. CRUCE

¶ Sequens Præfatio dicitur a Dominicæ Passionis usque ad Feriam V in Coena Domini inclusive (nisi in Festis tunc¹ in currentibus propria assignetur),

Missis de Cruce et de Passione, necnon in Festis SS. Cordis, ac Pretiosissimi Sanguinis D. N. J. C.

PER ómnia sæcula sæculórum. *R.* Amen. *Ÿ.* Dóminus vobiscum. *R.* Et cum spíritu tuo. *Ÿ.* Sursum corda. *R.* Habémus ad Dóminum. *Ÿ.* Grátias agámus Dómino Deo nostro. *R.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus. Qui salútem humani géneris in ligno Crucis constitúisti : ut unde mors oriebátur, inde vita resúrgeret : et qui in ligno vincébat, in ligno quoque vincerétur : per Christum Dóminum nostrum. Per quem Majestátem tuam laudant Angeli, adorant Dominatiónes, tremunt Potestátes. Cœli, cœlorúmque Virtútes, ac beáta Séraphim, sócia exultatióne concélebrant. Cum quibus et nostras voces ut admitti júbéas deprecámur, súplici confessióne dicéntes.

IN PASCHATE

¶ Sequens Præfatio dicitur a Vigilia Paschæ usque ad Ascensionem, et in Festis eo tempore occurrentibus, nisi in eis propria assignetur. In Missa Sabbati sancti dicitur in hac potissimum nocte ; in die Paschæ usque ad Sabbatum in Albis inclusive, in hac potissimum die, et deinceps, in hoc potissimum gloriósius.

PER ómnia sæcula sæculórum. *R.* Amen. *Ÿ.* Dóminus vobiscum. *R.* Et cum spíritu tuo. *Ÿ.* Sursum corda. *R.* Habémus ad Dóminum. *Ÿ.* Grátias agámus Dómino Deo nostro. *R.* Dignum et justum est.

VERE dignum et justum est, æquum et salutáre, Te quidem, Dómine, omni témpore, sed (in hac potissimum die) (vel in hoc potissimum) gloriósius prædicáre, cum Pascha nostrum immolátus est Christus. Ipse enim verus est Agnus qui abstulit peccáta mundi. Qui mortem nostram moriéndó destrúxit, et vitam resurgéndo reparávit. Et ideo cum Angelis et Archángelis, cum Thronis et Dominatió nibus, cumque omni militiá

cœlestis exercitus, hymnum gloriæ tuæ cānimus, sine fine dicētes.

Infra actionem.

COMMUNICANTES et diem sacratissimum celebrātes Resurrectiōnis Dōmini nostri Jesu Christi secūndum carnem : sed et memoriā venerātes, in primis gloriōsæ semper virginis Mariæ, Genitricis ejūsdem Dei et Dōmini nostri Jesu Christi : sed et beatōrum Apostolorum ac Mātyrum tuōrum, Petri et Pauli, Andræ, Jacobi, Joānnis, Thomæ, Jacobi, Philippi, Bartholomæi, Matthæi, Simōnis et Thaddæi : Lini, Cleti, Clemētis, Xysti, Cornēlii, Cypriāni, Laurēntii, Chrysōgoni, Joānnis et Pauli, Cosmæ et Damiāni, et omnium Sanctorum tuōrum : quorum mēritis precibūsq̄ concedas, ut in omnibus protectiōnis tuæ muniāmur auxilio. *Jungit manus.* Per eūdem Christum Dōminum nostrum. Amen.

Tenens manus expansas super oblata, dicit : Hanc igitur oblatiōnem servitūtis nostræ, sed et cunctæ familiæ tuæ, quam tibi offerimus pro his quoque quos regenerāre dignātus es ex aqua et Spīritu sancto, tribuens eis remissiōnem omnium peccatorum, quæsumus, Dōmine, ut placātus accipias, diēsque nostros in tua pace dispōnas, atque ab ætēna damnatiōne nos eripi, et in electōrum tuōrum jubeas grege numerāri. *Jungit manus.* Per Christum Dōminum nostrum. Amen.

Quam oblatiōnem, etc., ut in Canone.

Sic dicitur a Vigilia Paschæ usque ad Sabbatum in Albis inclusive. Sed in Missa Sabbati sancti infra actionem dicitur et noctem sacratissimam celebrātes.

IN ASCENSIONE DOMINI

¶ Sequens Præfatio dicitur a die Ascensionis usque ad Vigiliam Pentecostes exclusive, et in Festis tunc occurrentibus, nisi propriam habuerint.

PER omnia sæcula sæculōrum. *ñ.* Amen. *ñ.* Dōminus vobiscum. *ñ.* Et cum spīritu tuo. *ñ.* Sursum corda. *ñ.* Habēmus ad Dōminum. *ñ.* Grātias agāmus Dōmino Deo nostro. *ñ.* Dignum et justum est. et

VERE dignum et justum est, æquum et salutāre, nos tibi semper et ubique grātias āgere, Dōmine sancte, Pater omnipotens, ætērne Deus, per Christum Dōminum nostrum. Qui post Resurrectiōnem suam omnibus discipulis suis manifestus apparuit, et ipsis cernētibz est elevātus in cœlum, ut nos divinitātis suæ tribūeret esse participes. Et ideo cum Angelis et Archāgelis, cum Thronis et Dominationibz, cumque omni militia cœlestis exēcitus, hymnum gloriæ tuæ cānimus, sine fine dicētes.

Infra actionem.

COMMUNICANTES, et diem sacratissimum celebrātes, quo Dōminus noster, unigēitus Filius tuus, unitam sibi fragilitātis nostræ substāntiam in gloriæ tuæ dextera collocāvit : sed et memoriā venerātes, in primis gloriōsæ semper virginis Mariæ, Genitricis ejūsdem Dei et Dōmini nostri Jesu Christi : sed et beatōrum Apostolorum ac Mātyrum tuōrum, Petri et Pauli, Andræ, Jacobi, Joānnis, Thomæ, Jacobi, Philippi, Bartholomæi, Matthæi, Simōnis et Thaddæi : Lini, Cleti, Clemētis, Xysti, Cornēlii, Cypriāni, Laurēntii, Chrysōgoni, Joānnis et Pauli, Cosmæ et Damiāni, et omnium Sanctorum tuōrum : quorum mēritis precibūsq̄ concedas, ut in omnibus protectiōnis tuæ muniāmur auxilio. *Jungit manus.* Per eūdem Christum Dōminum nostrum. Amen.

Hanc igitur oblatiōnem, etc., ut in Canone.

Et dicitur per totam Octavam.

IN PENTECOSTE

¶ Sequens Præfatio dicitur a Vigilia Pentecostes usque ad sequens Sabbatum inclusive, et in Missis votivis de Spīritu sancto, sed omissio hodierna die.

PER omnia sæcula sæculōrum. *ñ.* Amen. *ñ.* Dōminus vobiscum. *ñ.* Et cum spīritu tuo. *ñ.* Sursum corda. *ñ.* Habēmus ad Dōminum. *ñ.* Grātias agāmus Dōmino Deo nostro. *ñ.* Dignum et justum est.

VERE dignum et justum est, æquum et salutäre, nos tibi semper et ubique grätias ägere, Dómine sancte, Pater omnipotens, ætérne Deus, per Christum Dóminum nostrum. Qui ascéndens super omnes cælos, sedénsque ad dexteram tuam, promissum Spíritum sanctum (hodiérna die) in filios adoptionis effúdit. Quaprópter profúsis gáudiis, totus in orbe terrárum mundus exsúltat. Sed et supérnæ Virtútes, atque Angélicæ Potestates, hymnum glóriæ tuæ cóniunt, sine fine dicétes.

Infra actionem.

COMMUNICANTES, et diem sacratissimum Pentecóstes celebrátes, quo Spíritus sanctus Apóstolis innúmeris linguis apparuit : sed et memóriam venerátes, in primis gloriósæ semper virginis Mariæ, Genitrícis Dei et Dómini nostri Jesu Christi : sed et beatórum Apostolórum ac Mártýrum tuórum, Petri et Pauli, Andréæ, Jacóbi, Joánnis, Thomæ, Jacóbi, Philippi, Bartholomæi, Matthæi, Simónis et Thaddæi : Lini, Cleti, Clementis, Xysti, Cornélii, Cypriáni, Laurentii, Chrysógoni, Joánnis et Pauli, Cosmæ et Damiáni, et ómnium Sanctórum tuórum : quorum méritis precibúsq; concédas, ut in ómnibus protectiónis tuæ muniámur auxilio. *Jungit manus.* Per eúndem Christum Dóminum nostrum. Amen.

Tenens manus expansas super oblata, dicit : Hanc igitur oblationem servitútis nostræ, sed et cunctæ familiæ tuæ, quam tibi offérimus pro his quoque quos regeneráre dignátus es ex aqua et Spíritu sancto, tribuens eis remissionem ómnium peccatórum, quæsumus, Dómine, ut placátus accípias, diésque nostros in tua pace dispónas, atque ab ætérna damnatione nos éripi, et in electórum tuórum júbeas grege numerári. *Jungit manus.* Per Christum Dóminum nostrum. Amen.

Quam oblationem tu, Deus, etc., ut in Canone.

Et dicitur usque ad seq. Sabbatum inclusive.

**IN FESTO SANCTISSIMÆ TRINITATIS
ET IN DOMINICIS PER ANNUM**

¶ Sequens Præfatio dicitur in Festo SS. Trinitatis, et in Missis votivis ejusdem : nec non et in omnibus Dominicis per annum, quando Præfatio propria non sit assignata, juxta Decretum Clementis XIII. die 3 Januarii 1759.

PER ómnia sæcula sæculórum. *ñ.* Amen. *ñ.* Dóminus vobiscum. *ñ.* Et cum spíritu tuo. *ñ.* Sursum corda. *ñ.* Habemus ad Dóminum. *ñ.* Grätias agámus Dómino Deo nostro. *ñ.* Dignum et justum est.

VERE dignum et justum est, æquum et salutäre, nos tibi semper et ubique grätias ägere, Dómine sancte, Pater omnipotens, ætérne Deus. Qui cum unigénito Filio tuo et Spíritu sancto unus es Deus, unus es Dóminus : non in unius singularitáte persónæ, sed in unius Trinitate substántiæ. Quod enim de tua glória, revelánte te, crédimus, hoc de Filio tuo, hoc de Spíritu sancto, sine differentia discretiónis sentímus. Ut in confessióne veræ sempiternæque Deitátis, et in persónis proprietas, et in esséntia unitas, et in majestáte adorétur æqualitas. Quam laudant Angeli atque Archángeli, Chérubim quoque ac Séraphim, qui non cessant clamáre quotidie, una voce dicétes.

**IN FESTIS ET MISSIS VOTIVIS
BEATÆ MARIE VIRGINIS**

¶ Sequens Præfatio dicitur in Festis beatæ Mariæ (excepto Festo Purificationis, in quo dicitur de Nativitate Domini) et per eorum Octavas, etiam in Festis infra eas occurrentibus, si propriam non habuerint, et in Missis votivis de beata Maria. Dicitur autem vel Et te in Annuntiatióne, vel Visitatione, vel Assumptione, vel Nativitate, vel Præsentatione, vel Conceptione Immaculata, secundum denominationem Festi. In Dedicat. Sanctæ Mariæ ad Nives, et in Festis SS. ejusdem Nominis, et de Mercede, dicitur, Et te in Festivitate. In Festo Septem Dolorum dicitur. Et te in Transfixiône. In

Festo de Monte Carmelo dicitur, Et te in Commemoratione. In Festo SS. Rosarii dicitur, Et te in Solemnitate.

In Missis votivis et in Sabbato dicitur : Et te in Veneratione.

PER omnia sæcula sæculorum. *ñ.* Amen. *ŷ.* Dominus vobiscum. *ñ.* Et cum spiritu tuo. *ŷ.* Sursum corda. *ñ.* Habemus ad Dominum. *ŷ.* Grátias agamus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnipotens, ætérne Deus : et te in^{***} beátæ Mariæ semper virginis collaudáre, benedicere et prædicáre. Quæ et Unigénitum tuum sancti Spíritus obumbratióne concépit, et virginitátis glória permanén-te, lumen ætérnum mundo effúdit, Jesum Christum Dóminum nostrum. Per quem Majestátem tuam laudant Angeli, adorant Dominationes, tremunt Potestátes. Cœli, cœlorúmque Virtútes, ac beáta Séraphim, sócia exsultatióne concélebrant. Cum quibus et nostras voces ut admitti jubeas deprecámur, súpplīci confessiōne dicéntes.

IN FESTIS APOSTOLORUM

¶ Sequens Præfatio dicitur in Festis Apostolorum et Evangelistarum (præterquam in die S. Joannis Apostoli), et per Octavas eorum, et in Festis infra eas occurrentibus, nisi in eis propria assignetur, et in Missis votivis de Apostolis.

PER omnia sæcula sæculorum. *ñ.* Amen. *ŷ.* Dominus vobiscum. *ñ.* Et cum spiritu tuo. *ŷ.* Sursum corda. *ñ.* Habemus ad Dominum. *ŷ.* Grátias agamus Dómino Deo nostro. *ñ.* Dignum et justum est.

VERE dignum et justum est, æquum et salutáre, Te, Dómine, suppliciter exoráre, ut gregem tuum, Pastor ætérne, non déseras, sed per beátos Apóstolos tuos continúa protectiōne custódiās. Ut iisdem rectóribus gubernétur, quos óperis tui vicários eidem contulisti præesse pastóres. Et ideo cum Angelis et Archángelis, cum Thronis et Dominationibus, cumque omni militiā cœléstis exércitus, hymnum glóriæ tuæ cánimus, sine fine dicéntes.

IN FESTIS ET FERIIS PER ANNUM


¶ Sequens Præfatio dicitur per annum in omnibus Festis et Feriis quæ propriam non habent, et in Missis defunctorum.

PER omnia sæcula sæculorum. *ñ.* Amen. *ŷ.* Dominus vobiscum. *ñ.* Et cum spiritu tuo. *ŷ.* Sursum corda. *ñ.* Habemus ad Dominum. *ŷ.* Grátias agamus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnipotens, ætérne Deus, per Christum Dóminum nostrum. Per quem Majestátem tuam laudant Angeli, adorant Dominationes, tremunt Potestátes. Cœli, cœlorúmque Virtútes, ac beáta Séraphim, sócia exsultatióne concélebrant. Cum quibus et nostras voces ut admitti jubeas deprecámur, súpplīci confessiōne dicéntes :

SANCTUS, Sanctus, Sanctus, Dóminus Deus sábaoth.
Pleni sunt cœli et terra glória tua.
Hosánna in excélsis.
Benedictus qui venit in nómine Dómini.
Hosánna in excélsis.





CANON MISSÆ

Sacerdos extendens, elevans et jungens manus, elevans ad cœlum oculos, et statim demittens, profunde inclinatus ante Altare, manibus super eo positis, dicit :



E igitur, clementissime Pater, per Jesum Christum Filium tuum Dñm nostrum, supplices rogāmus, ac pētimus, **Osculatur Altare**, uti accēpta hābeas, et benedīcas, **Jungit manus**, deinde signat ter super oblata, hæc ✠ dona, hæc ✠ mūnera, hæc ✠ sancta sacrificia illibāta, **Extensis manibus** **prosequitur**: in primis quætibi offērimus pro Ecclesia tua sancta catholica, quam pacificā-

re, custodīre, adunāre et régere dignēris toto orbe terrarum, una cum famulo tuo Papa nostro **N.**, et Antistite nostro **N.**, et omnibus orthodoxis, atque Catholicæ et Apostolicæ fidei cultoribus.

COMMEMORATIO

PRO VIVIS

MEMENTO, Dñmine, famulorum famularumque tuarum **N.** et **N.**

Jungit manus, orat aliquantulum pro quibus orare intendit: deinde manibus extensis prosequitur :

et omnium circumstantium, quorum tibi fides cōgnita est, et nota devotio: pro qui-

bus tibi offérimus, vel qui tibi ófferunt hoc sacrificium laudis, pro se suisque ómnibus, pro redemptione animárum suárum, pro spe salutis et incolumitátis suæ; tibique reddunt vota sua ætérno Deo, vivo et vero.

Infra actionem.

COMMUNICANTES, et memóriam venerántes, in primis gloriósæ semper vírginis Mariæ, Genitrícis Dei et Dómini nostri Jesu Christi: sed et beatórum Apostolórum ac Mátyrum tuórum, Petri et Pauli, Andréæ, Jacóbi, Joán- nis, Thomæ, Jacóbi, Philíppi, Bartholo-

mæi, Matthæi, Simónis et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmæ et Damiáni, et ómnium Sanctórum tuórum; quorum méritis precibúsque concédas, ut in ómnibus protectionis tuæ muniámur auxílio. **Jungit manus.** Per eúndem Christum Dóminum nostrum. Amen.

Tenens manus expansas super oblata, dicit:

HANC igitur oblationem servitútis nostræ, sed et cunctæ familiæ tuæ, quæsumus, Dómine, ut placátus accípias; diés-

que nostros in tua pace dispónas, atque ab ætérna damnatióne nos éripi, et in electórum tuórum júbeas gregem numerári. **Jungit manus.** Per Christum Dóminum nostrum. Amen.

QUAM oblatiõem tu, Deus, in ómnibus, quæsumus, **Signat ter super oblata,** bene ✠ dictam, adscrí ✠ ptam, ra ✠ tam, rationábilem acceptabilémque fácere dignéris : **Signat semel super Hostiam, et semel super Calicem,** ut nobis Cor ✠ pus et San ✠ guis fiat dilectíssimi Filii tui Dómini nostri Jesu Christi.

Qui pridie quam paterétur, **Accipit Hostiam,** accépit panem in sanctas ac venerábiles manus suas, **Elevat oculos ad cœlum,** et elevátis óculis in cœlum, ad te Deum Patrem suum omnipoténtem, tibi grátias agens, **Signat super Hostiam,** bene ✠ díxit, fregit, déditque discíplis suis, dicens : Accípite, et manducáte ex hoc omnes.

Tenens ambabus manibus Hostiam inter indices et pollices, proferet verba Consecrationis secrete, distincte et attente, super Hostiam, et simul super omnes, si plures sint consecrandæ.

**Hoc est enim
Corpus meum.**

Prolatis verbis Consecrationis, statim Hostiam consecratam genu-

flexus adorat : surgit, ostendit populo, reponit super Corporale, iterum adorat : et non disjungit pollices et indices, nisi quando Hostia tractanda est, usque ad ablationem digitorum.

Tunc detecto Calice, dicit :

SIMILI modo postquam cœnatum est, **Ambabus** manibus accipit **Calicem**, accipiens ethunc præclarum **Calicem** in sanctas ac venerabiles manus suas : item tibi grátias agens, **Sinistra** tenens **Calicem**, **dextera** signat super eum, bene **✠**dixit, deditque discipulis suis, dicens : Accipite, et bibite ex eo omnes.

Profert verba Consecrationis super **Calicem**, attente, continue et secrete, tenens illum parum elevatum.

**Hic est enim
Calix Sanguinis**

mei, novi et æterni testamenti : mysterium fidei: qui pro vobis et pro multis effundetur in remissionem peccatorum.

Prolatis verbis Consecrationis, deponit **Calicem** super Corporale, et dicens secrete :

Hæc quotiescúmque fecéritis, in mei memóriam faciétis.

Genuflexus adorat, surgit, ostendit populo, deponit, cooperit, et iterum adorat. Deinde disjunctis manibus, dicit :

UNDE et memores, **Dómine**, nos servi tui, sed et plebs tua sancta, ejúsdem **Christi Filii tui Dómini nostri tam beá-**

tæ Passiõnis, necnon
et ab ínferis Resur-
rectiõnis, sed et in cœ-
los gloriõsæ Ascensiõ-
nis : offérimus præ-
cláræ Majestáti tuæ
de tuis donis ac da-
tis, **Jungit manus,**
et **signat ter super**
Hostiam et Calicem
simul, Hóstiam ✠ pu-
ram, **hóstiam** ✠ san-
ctam, **hóstiam** ✠ im-
maculátam, **Signat**
semel super Hostiam,
et **semel super Cali-**
cem : Panem ✠ san-
ctum vitæ æternæ, et
Cálicem ✠ salútis per-
pétuæ.

Extensis manibus prosequitur :

SUPRA quæ propítio
Sac seréno vultu re-
spícere dignéris : et
accépta habére, sic-

uti accépta habére
dignátus es múnera
púeri tui justí Abel,
etsacrificiũ Patriár-
chæ nostri Abrahæ,
et quod tibi óbtulit
summus sacérdos tu-
us Melchisedech, san-
ctum sacrificiũ, im-
maculátam hóstiam.

*Profunde inclinatus, junctis ma-
nibus et super Altare positis, dicit :*

SUPPLICES te rogá-
mus, omnípotens
Deus : jube hæc per-
férrí per manus san-
cti Angeli tui in su-
blíme altáre tuum, in
conspéctu divínæ Ma-
jestátis tuæ : ut quot-
quot, **Osculatur Al-**
tare, ex hac Altáris
participatióne, sacro-
sáctum Fílii tui,
Jungit manus, et

signat semel super Hostiam, et semel super Calicem, Corpus et Sanguinem sumpsérimus, Seipsum signat, omni benedictione cœlesti et grátia repleámur. **Jungit manus.** Per eúmdem Christum Dóminum nostrum. Amen.

COMMEMORATIO

PRO DEFUNCTIS

MEMENTO étiam, Dómine, famulorum famularúmque tuárum **N.** et **N.**, qui nos præcessérunt cum signo fidei, et dormiunt in somno pacis.

Jungit manus, orat aliquantulum pro iis defunctis pro quibus orare intendit; deinde extensis manibus prosequitur :

Ipsis, Dómine, et

ómnibus in Christo quiescéntibus, locum refrigerii, lucis et pacis, ut indúlgeas, deprecámur. **Jungit manus, et caput inclinat.** Per eúmdem Christum Dóminum nostrum. Amen.

Manu dextera percutit sibi pectus, elata parum voce dicens :

NOBIS quoque peccatóribus fámulis tuis, de multitudíne miseratiónum tuárum sperántibus, partem áliquam et societátem donáre dignéris cum tuis sanctis Apóstolis et Martyribus: cum Joánne, Stéphano, Mathía, Bárnaba, Ignátio, Alexandro, Marcellíno, Petro, Felicitáte, Perpétua, Agatha, Lúcia,


Agnéte, Cæcília, Anastásia, et ómnibus Sanctis tuis : intra quorum nos consórtium, non æstimátor mériti, sed véniæ, quæsumus, largítor admítte. **Jungit manus.** Per Christum Dóminum nostrum.


viví ✠ ficas, bene ✠ dícis, et præstas nobis.


Discooperit Calicem, genuflectit, accipit Sacramentum dextera, tenens sinistra Calicem : signat cum Hostia ter a labio ad labium Calicis, dicens :

Per ip ✠ sum, et cum ip ✠ so, et in ip ✠ so, **Bis signat inter Calicem et petus,** est tibi Deo Patri ✠ omnipoténti, in unitáte Spíritus ✠ sancti, **Elevans parum Calicem cum Hostia, dicit :** omnis honor et glória.

Reponit Hostiam, cooperit Calicem, genuflectit, surgit, et dicit cantando, vel legendo :

P  **Jungit manus.**
ER ómni-a sæcula sæculó-rum. ð. Amen.


Orémus. Præcéptis salutáribus móni-ti, et divína institu-ti-óne


formá-ti, audémus dí-cere :

Extendit manus.

PATER noster, qui es in cœlis : Sancti-ficétur nomen tu - um :

Advéni-at regnum tu-um : Fi-at volúntas tu-a, sicut in cœlo

et in terra. Panem nostrum quo-tidi-ánum da nobis hódie :

Et dimítte nobis débi-ta nostra, sicut et nos dimíttimus debitó-

ribus nostris. Et ne nos indúcas in tentati-ó-nem. *R.* Sed libera

nos a ma-lo.

Sacerdos secrete dicit : Amen.

Sequens cantus dicitur in Festis simplicibus, et in diebus Ferialibus, et in Missis Defunctorum.

PER ómni-a sæcu-la sæculó-rum. *R.* Amen.

Orémus. Præcéptis salutáribus móni-ti, et divína institu-ti-óne

formá-ti, audémus dicere :

PATER noster, qui es in cœlis : Sancti-ficétur nomen tu-um :

Advéni-at regnum tu-um : Fi-at volúntas tu-a, sicut in cœlo et

in terra. Panem nostrum quo-tidi-ánum da nobis hódie : Et

dimítte nobis débita nostra, sicut et nos dimittimus debitoribus

nostris. Et ne nos indúcas in tenta-ti-ó-nem. **R.** Sed libera nos

a ma-lo.

Sacerdos submissa voce dicit :
Amen.

Deinde accipit Patenam inter indicem et medium dñitos, et dicit :

LIBERA nos, quæsumus, Dómine, ab ómnibus malis, præteritis, presenti-bus et futúris : et intercedénte beáta et gloriósa semper vír-

gine Dei Genitríce María, cum beátis Apóstolis tuis Petro et Paulo, atque Andróa, et ómnibus Sanctis, **Signat se cum Patena a fronte ad pectus, et eam osculatur :** da pro-

pítius pacem in dié-
bus nostris : ut ope
misericórdiæ tuæ ad-
júti, et a peccáto si-
mus semper líberi,
et ab omni perturba-
tíone secúri.

Submittit Patenam Hostiæ, dis-
cooperit Calicem, genuflectit, sur-
git, accipit Hostiam, frangit eam
super Calicem per medium, dicens :


Per eúndem Dó-

minum nostrum Je-
sum Christum Fílium
tuum.



Partem quæ in dextera est ponit
super Patenam. Deinde ex parte
quæ in sinistra remansit, frangit
particulam, dicens :

Qui tecum vivit et
regnat in unitáte Spí-
ritus sancti Deus.

Aliam mediam partem cum ipsa
sinistra ponit super Patenam, et
dextera tenens particulam super
Calicem, sinistra Calicem, dicit :



Cum ipsa particula signat ter super Calicem, dicens :



Particulam ipsam immittit in
Calicem, dicens secrete :

HÆC commíxtio et
consecrátio Cór-
poris et Sanguinis

Dómini nostri Jesu
Christi fiat accipién-
tibus nobis in vitam
æténam. Amen.

Cooperit Calicem, genuflectit, surgit, et inclinatus Sacramento, junctis manibus, et ter pectus percutiens, dicit :

Agnus Dei, qui tol-
lis peccáta mundi,
miserére nobis.

Agnus Dei, qui tol-
lis peccáta mundi,
miserére nobis.

Agnus Dei, qui tol-
lis peccáta mundi,
dona nobis pacem.

In Missis pro Defunctis non dicitur miserére nobis, sed ejus loco, dona eis réquiem, et in tertio additur sempitérnam.

Deinde junctis manibus super Altare, inclinatus dicit sequentes Orationes :

DOMINE Jesu Chri-
ste, qui dixísti
Apóstolistuis: Pacem
relínquo vobis, pa-
cem meam do vobis:
ne respicias peccáta
mea, sed fidem Ec-
clésiæ tuæ : eámque
secúndum voluntá-

tem tuam pacificáre
et coadunáre digné-
ris. Qui vivis et re-
gnas Deus, per óm-
nia sæcula sæculó-
rum. Amen.

Si danda est pax, osculatur Al-
tare, et dans pacem, dicit : Pax
tecum. R. Et cum spíritu tuo.

In Missis Defunctorum non datur
pax, neque dicitur præcedens Oral.

DOMINE Jesu Chri-
ste, Fili Dei vivi,
qui ex voluntáte Pa-
tris, cooperánte Spí-
ritu sancto, per mor-
tem tuam mundum
vivificásti : líbera me
per hoc sacrosán-
ctum Corpus, et Sán-
guinem tuum, ab óm-
nibus iniquitatibus
meis, et univérsis ma-
lis; et fac me tuis sem-
per inhærére mandá-
tis, et a te numquam
separári permíttas.

Qui cum eódem Deo Patre et Spíritu sancto vivis et regnas Deus, in sæcula sæculórum. Amen.

PERCEPTIO Córporis tui, Dómine Jesu Christe, quod ego indignus súmere præsumo, non mihi provéniat in iudícium et condemnatióem: sed pro tua pietáte prosit mihi ad tutaméntum mentis et córporis, et ad medéllam percipiéndam. Qui vivis et regnas cum Deo Patre, in unitáte Spíritus sancti Deus, per ómnia sæcula sæculórum. Amen.

Genuflectit, surgit, et dicit :

PANEM cœléstem accípiam, et no-

men Dómini invocábo.

Deinde parum inclinatus, accipit ambas partes Hostiæ inter pollicem et indicem sinistræ manus, et Patenam inter eundem indicem et medium, et dextera percutiens pectus, elevata aliquantulum voce, dicit ter devote et humiliter :

DOMINE, non sum dignus ut intres sub tectum meum : sed tantum dic verbo, et sanábitur ánima mea.

Postea dextera se signans cum Hostia super Patenam, dicit :

CORPUS Dómini nostri Jesu Christi custódiat ánimam meam in vitam ætérnam. Amen.

Sumit reverenter ambas partes Hostiæ, jungit manus, et quiescit aliquantulum in meditatione sanctissimi Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens :

QUID retribúam Dómino pro ómni-

bus quæ retribuit mihi? Cálicem salutáris accípiam, et nomen Dómini invocábo. Laudans invocábo Dóminum, et ab inimícis meis salvus ero.

Accipit Calicem manu dextera, et eo se signans, dicit :

SANGUIS Dómini nostri Jesu Christi custódiat ánimam meam in vitam ætérnam. Amen.

Sumit totum Sanguinem cum particula. Quo sumpto, si qui sint communicandi, eos communicet antequam se purificet. Postea dicit :

QUOD ore sumpsimus, Dómine, pura mente capiámus : et de múnere temporáli fiat nobis remédium sempitérnum.

Interim porrigit Calicem ministro, qui infundit in eo parum vini, quo se purificat; deinde prosequitur :

CORPUS tuum, Dómine, quod sumpsi, et Sanguis quem potávi, adhæreat viscéribus meis : et præsta, ut in me non remáneat scélerum mácula, quem pura et sancta refecerunt sacraménta. Qui vivis et regnas in sæcula sæculórum. Amen.

Abluit digitos, extergit, et sumit ablutionem; extergit os, et Calicem, quem operit, et, plicato corporali, collocat in Altari ut prius; deinde prosequitur Missam.

Dicto, post ultimam Orationem, γ. Dóminus vobíscum. R. Et cum spírítu tuo, dicit, pro Missæ qualitate, vel Ite, missa est, vel Benedicámus Dómino. R. Deo grátias.

In Missis Defunctorum dicit : Requiescant in pace. R. Amen.

Tempore Paschali, hoc est, a Missa Sabbati sancti usque ad Sabbatum
in Albis inclusive.



I-te, missa est, alle-lú-ia, alle- lú-ia.

In Festis solemnibus.




I- te,



missa est.

In Festis duplicibus.



I-te,

missa est.

In Missis beatæ Mariæ.



I- te,

missa est.

In Dominicis infra annum, in Festis semiduplicibus, et infra Octavas
quæ non sunt beatæ Mariæ.



I- te,

missa est.

In Festis simplicibus.




I-te, mis-sa est.

In Feriis per annum.




Benedicámus Dómino.

In Dominicis Adventus et Quadragesimæ.



Benedicá-mus Dó- mino.

In Feriis.



Benedicá-mus Dómino.

In Missa Vigiliæ Nativitatis Domini, et in Festo sanctorum Innocentium, et in Missis votivis pro re gravi, quando non dicitur Glória in excélsis.



Benedicá- mus Dó-



mino.

In Missis Defunctorum.



Requi-éscant in pa-ce.

Dicto *Ite*, missa est, vel *Benedicamus* *Dómino*, *Sacerdos* inclinatur ante medium *Altaris*, et manibus junctis super illud, dicit :

PLACEAT tibi, sancta Trínitas, obséquium servitútis meæ : et præsta, ut sacrificium quod óculis tuæ Majestátis indignus óbtuli, tibi sit acceptábile, mihique, et ómnibus pro quibus illud óbtuli, sit, te miseránte, propitiábile. Per Christum *Dóminum nostrum*. Amen.

Deinde osculatur *Altare*, et elevatis oculis, extendens, elevans et

jungens manus, caputque *Cruci* inclinans, dicit : *Benedicat* vos omnipotens *Deus*, et versus ad populum, semel tantum benedicens, etiam in *Missis* solemnibus, prosequitur : *Pater*, et *Filius*, ✠ et *Spiritus sanctus*. *R.* Amen.

In *Missâ Pontificali* ter benedicitur, ut in *Pontificali* habetur.

Deinde in cornu *Evangelii*, dicto *Dóminus vobiscum*, et *Infítium*, vel *Sequéntia sancti Evangelii*, signans *Altare*, vel *librum*, et se, ut supra in *Evangelio Missæ*, legit *Evangelium* secundum *Joannem*, In principio erat *Verbum*, vel aliud *Evangelium*, ut dictum est in *Rubricis generalibus*. Cum dicit *Et Verbum* caro factum est, genuflectit. In fine *R.* Deo grátias.

¶ In *Missis Defunctorum* non datur benedictio ; sed dicto *Requiescant* in pace, dicit : *Pláceat* tibi, sancta Trínitas. Deinde, osculato *Altari*, legit *Evangelium S. Joannis*. Finito *Evangelio S. Joannis*, discedens ab *Altari*, pro gratiarum *Actione* dicit *Antiphonam Trium puerórum*, cum reliquis, ut habetur in principio *Missalis*.



DOMINICA

RESURRECTIONIS

Statio ad Sanctam Mariam Majorem.

Introitus. Ps. 138.



RESURREXI, et adhuc tecum sum, allelúia : posuisti super me manum tuam, allelúia : mirábilis facta est sciéntia tua, allelúia, allelúia. **Ps.** Dómine, probásti me, et cognovisti me : tu cognovisti sessiónem meam et resurrectionem meam. **ŷ.** Glória Patri. Resurrexi, et adhuc tecum sum, allelúia.

Oratio.

DEUS, qui hodiérna die per Unigénitum tuum, æternitátis nobis áditum, devicta morte, reserásti : vota nostra, quæ præveniéndò aspiras, étiam adjuvándò proséquere. Per eúndem.

Léctio Epistolæ beáti Pauli Apóstoli ad Corinthios. **I Cor. 5.**

FRATRES, Expurgáte vetus ferméntum, ut sitis nova conspersio, sicut estis ázyimi. Etenim Pascha nostrum immolátus est Christus. Itaque epulémur, non in ferménto vétèri, neque in ferménto malitiæ et nequitiae, sed in ázymis sinceritátis et veritátis.

Graduale. Ps. 117. Hæc dies quam fecit Dóminus : exsultémus et lætémur in ea. **ŷ.** Confitémini Dómino, quóniam bonus : quóniam in sæculum misericórdia ejus.

Allelúia, allelúia. **ŷ. I Cor. 5.** Pascha nostrum immolátus est Christus.

Sequentia.

VICTIMÆ pascháli laudes immolent christiáni.

Agnus redémit oves : Christus innocens Patri reconciliávit peccatóres.

Mors et vita duéllo conflixére mirándò : dux vitæ mórtuus, regnat vivus.

Dic nobis, María, quid vidisti in via?
Sepúlcrum Christi vivéntis, et glóriam vidi resurgéntis :

Angélicos testes, sudárium et vestes.
Surréxit Christus spes mea : præcedet vos in Galilæam.

Scímus Christum surrexisse a mórtuis vere : tu nobis, victor Rex, miserére. Amen. Allelúia.

Sequentia dicitur usque ad Sabbatum in Albis inclusive.



Sequéntia sancti Evangélii secúndum Marcum. **Cap. 16.**

IN illo témpore : María Magdaléne, et María Jacóbi, et Salóme emérunt arómata, ut veniéntes úngerent Jesum. Et valde mane una sabbatórum, véniunt ad monuméntum, orto jam sole. Et dicébant ad invicem : Quis revólvet nobis lápidem ab óstio monuménti? et respiciéntes vidérunt revolútum lápidem. Erat quippe magnus valde. Et introeúntes in monuméntum, vidérunt júvenem sedéntem in dextris, coopértum stola cándida, et obstupéruunt. Qui dicit illis : Nolite expavéscere : Jesum queritis Nazarénum, crucifíxum : surréxit, non est hic; ecce locus ubi posuéruunt eum. Sed ite, dicite discipulis ejus, et Petro, quia præcédit vos in Galilæam : ibi eum vidébitis, sicut dixit vobis. **Credo.**

Offertorium. Ps. 75. Terra trémuit,

et quíevit, dum resúrgeret in iudício Deus, allelúia.

Secreta.

SÚSCIPE, quæsumus, Dómine, preces pópuli tui cum oblatiónibus hostiarum : ut paschalibus initiáta mystériis, ad æternitátis nobis medélam, te operánte, proficiant. Per Dóminum.

Præfatio. Te quidem, Dómine, omni témpore, sed in hac potíssimum die.

Infra actionem, Communicánte et Hanc igitur, ut supra.

Et sic dicitur usque ad Sabbatum in Albis inclusive.

Communio. I Cor. 5. Pascha nostrum immolátus est Christus, allelúia : itaque epulémur in ázymis sinceritátis et veritátis, allelúia, allelúia, allelúia.

Postcommunio.

SPÍRITUM nobis, Dómine, tuæ charitátis infúnde : ut quos sacraméntis paschalibus satiásti, tua fácias pietáte concórdes. Per Dóminum.

Post Dóminus vobiscum, dicitur *Ite*, missa est, allelúia, allelúia. *ñ.* Deo grátias, allelúia, allelúia.

Et sic dicitur usque ad Sabbatum in Albis inclusive.

¶ Infra Octavam Paschæ non fit de aliquo Festo duplici vel semiduplici, sed post Octavam celebrantur. De Simplicibus autem occurrentibus post hoc tri-duum fit tantum Commemoratio.

FERIA SECUNDA

Statio ad Sanctum Petrum.

Introitus. Exodi 13.

INTRODÚXIT vos Dóminus in terram fluéntem lac et mel, allelúia : et ut lex Dómini semper sit in ore vestro, allelúia, allelúia. *Ps. 104.* Confitémini Dómino, et invocáte nomen ejus : annuntiáte inter gentes ópera ejus. *ñ.* Glória Patri. *Introdúxit vos.*

Oratio.

DEUS, qui solemnitate pascháli mundo remédia contulisti : pópulum tuum, quæsumus, cœlésti dono proséquere ; ut et perféctam libertátem cónsequi mereá-

tur, et ad vitam proficiat sempitérnám. Per Dóminum.


Lectio Actuum Apostolorum. Cap. 10.

IN diébus illis : Stans Petrus in médio plebis, dixit : Viri fratres, vos scitis quod factum est verbum per univérsam Judæam : incípiens enim a Galilæa post baptismum quod prædicávit Joánnes, Jesum a Náza-reth : quómodo unxit eum Deus Spíritu sancto et virtúte ; qui per-tránsiit benefaciendo, et sanádo omnes opprésos a diabólo, quóniam Deus erat cum illo. Et nos testes sumus ómnium quæ fecit in regióné Judæórum et Jerúsalem, quem occidérunt suspendéntes in ligno. Hunc Deus suscitávit tértia die, et dedit eum manifestum fieri non omni pópulo, sed téstibus præordinátis a Deo : nobis qui manducávimus et bí-bimus cum illo, postquam resurréxit a mórtuis. Et præcépit nobis prædicáre pópulo, et testificári, quia ipse est qui constitútus est a Deo iudex vivórum et mortuórum. Huic omnes Prophétæ testimónium pérhibent, remissionem peccatórum accíperere per nomen ejus omnes qui credunt in eum.

Graduale. Ps. 117. Hæc dies quam fecit Dóminus : exsultémus et lætémur in ea. *ñ.* Dicat nunc Israel quóniam bonus : quóniam in sæculum misericórdia ejus.

Allelúia, allelúia. *ñ. Matth. 28.* Angelus Dómini descendit de cœlo, et accédens revólvit lápidem, et sedébat super eum.

Sequentia Victimæ pascháli. 217.

equentia sancti Evangélii secúndum Lucam. *Cap. 24.*

IN illo témpore : Duo ex discipulis Jesu ibant ipsa die in castéllum quod erat in spátio stadiórum sexaginta ab Jerúsalem, nómine Emmaus. Et ipsi loquebántur ad invicem de his ómnibus quæ acciderant. Et factum est, dum fabulárentur, et secum quærerent, et ipse Jesus appropinquans ibat cum illis : óculi autem illórum tenebántur, ne eum agnóscerent. Et ait ad illos : Qui sunt hi sermónes quos confértis ad invicem

ambulantes, et estis tristes? Et respondens unus, cui nomen Cléophas, dixit ei : Tu solus peregrinus es in Jerúsalem, et non cognovisti quæ facta sunt in illa his diebus? Quibus ille dixit : Quæ? Et dixerunt : De Jesu Nazaréo, qui fuit vir prophéta potens in opère et sermone coram Deo et omni populo : et quomodo eum tradiderunt summi sacerdotes et principes nostri in damnationem mortis, et crucifixerunt eum. Nos autem sperabamus quia ipse esset redempturus Israel : et nunc super hæc omnia, tertia dies est hodie, quod hæc facta sunt. Sed et mulieres quædam ex nostris terruerunt nos, quæ ante lucem fuerunt ad monuméntum, et non invento corpore ejus, venerunt, dicentes se etiam visionem Angelorum vidisse, qui dicunt eum vivere. Et abiierunt quidam ex nostris ad monuméntum : et ita invenérunt sicut mulieres dixerunt, ipsum vero non invenérunt. Et ipse dixit ad eos : O stulti et tardi corde ad credendum in omnibus quæ locuti sunt Prophætæ! Nonne hæc oportuit pati Christum, et ita intrare in glóriam suam? Et incipiens a Mýse et omnibus Prophétis, interpretabatur illis in omnibus Scripturis quæ de ipso erant. Et appropinquaverunt castello quo ibant : et ipse se finxit longius ire. Et coegerunt illum, dicentes : Mane nobiscum, quoniam advesperascit, et inclinata est jam dies. Et intravit cum illis. Et factum est, dum recumberet cum eis, accepit panem, et benedixit, ac fregit, et porrigebat illis. Et aperti sunt oculi eorum, et cognoverunt eum : et ipse evanuit ex oculis eorum. Et dixerunt ad invicem : Nonne cor nostrum ardens erat in nobis, dum loqueretur in via, et aperiret nobis Scripturas? Et surgentes eadem hora, regressi sunt in Jerúsalem : et invenérunt congregatos Undecim, et eos qui cum illis erant, dicentes : Quod surrexit Dóminus vere, et apparuit Simóni. Et ipsi narrabant quæ gesta erant in via, et quomodo cognoverunt eum in fractione panis. Credo.

Offertorium. Matth. 28. Angelus Dómini descendit de coelo, et dixit mulieribus : Quem quæritis, surrexit sicut dixit, alleluia.

Secreta.

SUSCIPE, quæsumus, Dómine, preces populi tui, cum oblationibus hostiarum : ut paschálibus initiata mystériis, ad æternitatis nobis medelam, te operante, proficiant. Per Dóminum.

Communio. Luc. 24. Surrexit Dóminus, et apparuit Petro, alleluia.

Postcommunio.

SPÍRITUM nobis, Dómine, tuæ charitátis infunde : ut quos sacraméntis paschálibus satiasti, tua facias pietate concordes. Per Dóminum.

FERIA TERTIA

Statio ad Sanctum Paulum.

Introitus. Eccli. 15.

AQUA sapientiæ potavit eos, alleluia : firmabitur in illis, et non flectetur, alleluia : et exaltabit eos in ætérnum, alleluia, alleluia. **Ps. 104.** Confitemini Dómino, et invocáte nomen ejus : annuntiáte inter gentes ópera ejus. **Ÿ.** Glória Patri. Aqua.

Oratio.

DEUS, qui Ecclesiám tuam novo semper fetu multiplicas : concede famulis tuis ; ut sacraméntum vivendo téneant, quod fide perceperunt. Per Dóminum.

Lectio Actuum Apostolorum. Cap. 13.

IN diebus illis : Surgens Paulus, et manu siléntium indicens, ait : Viri fratres, filii géneris Abraham, et qui in vobis timent Deum, vobis verbum salutis hujus missum est. Qui enim habitabant Jerúsalem, et principes ejus, ignorantes Jesum, et voces Prophetarum, quæ per omne sabbatum leguntur, judicantes impleverunt, et nullam causam mortis inveniéntes in eo, petierunt a Pilato ut interficerent eum. Cumque consummasset omnia quæ de eo scripta erant, deponéntes eum de ligno, posuerunt eum in monuménto. Deus vero suscitavit eum a mortuis tertia die : qui visus est per dies multos his qui simul ascenderant

cum eo de Galilæa in Jerúsalem : qui usque nunc sunt testes ejus ad plebem. Et nos vobis annuntiámus eam, quæ ad patres nostros repromissio facta est : quóniam hanc Deus adimplévit filiis nostris, resúscitans Jesum Christum Dóminum nostrum.

Graduale. Ps. 117. Hæc dies quam fecit Dóminus : exultémus et lætémur in ea. **Ÿ.** Ps. 106. Dicant nunc, qui redempti sunt a Dómino, quos redémit de manu inimíci, et de regiónibus congregávit eos.

Allelúia, allelúia. **Ÿ.** Surréxit Dóminus de sepúlcro, qui pro nobis pepéndit in ligno.

Sequentia Victimæ pascháli. 217.



Sequentia sancti Evangelii secundum Lucam. **Cap. 24.**

IN illo témpore : Stetit Jesus in médio discipulórum suórum, et dicit eis : Pax vobis : ego sum, nolite timére. Conturbáti vero, et contérriti, existimábant se spíritum vidére. Et dixit eis : Quid turbáti estis, et cogitationes ascéndunt in corda vestra? Vidéte manus meas et pedes, quia ego ipse sum : palpáte et vidéte : quia spíritus carnem et ossa non habet, sicut me vidétis habére. Et cum hoc dixisset, osténdit eis manus et pedes. Adhuc autem illis non credéntibus, et mirántibus præ gáudio, dixit : Habétis hic aliquid quod manducétur? At illi obtulérunt ei partem piscis assi et favum mellis. Et cum manducáset coram eis, sumens reliquias, dedit eis. Et dixit ad eos : Hæc sunt verba quæ locútus sum ad vos, cum adhuc essem vobíseum, quóniam necesse est impléri omnia quæ scripta sunt in lege Móysi, et Prophétis, et Psalmis, de me. Tunc apérui illis sensum, ut intelligerent Scriptúras. Et dixit eis : Quóniam sic scriptum est, et sic oportébat Christum pati, et resúrgere a mórtuis tértia die : et prædicári in nómine ejus poeniténtiam et remissionem peccatórum in omnes gentes. **Credo.**

Offertorium. Ps. 17. Intónuit de cælo Dóminus, et Altíssimus dedit vocem

suam : et apparuérunt fontes aquárum. allelúia.

Secreta.

SÚSCIPE, Dómine, fidélium preces cum oblatiónibus hostiárum : ut per hæc piæ devotiónis officia, ad cœlestem glóriam transeámus. Per Dóminum.

Communio. Col. 3. Si consurrexistis cum Christo, quæ sursum sunt quærite, ubi Christus est in dextera Dei sedens, allelúia : quæ sursum sunt sápite, allelúia.

Postcommunio.

CONCÉDE, quæsumus, omnipotens Deus : ut paschális percéptio sacraménti, continúa in nostris méntibus perseveret. Per Dóminum.

FERIA QUARTA

Statio ad Sanctum Laurentium extra muros.

Introitus. Matth. 23.

VENÍTE, benedícti Patris mei, percípite regnum, allelúia, quod vobis parátum est ab origine mundi, allelúia, allelúia, allelúia. **Ps. 93.** Cantáte Dómino cánticum novum : cantáte Dómino, omnis terra. **Ÿ.** Glória. Veníte.

Oratio.

DEUS, qui nos Resurrectiónis Dóminicæ ánnua solemnitate lætificas : concéde propítius ; ut per temporalia festa quæ ágimus, pervenire ad gáudia æterna mereámur. Per eúndem.

¶ Ab hæc die usque ad Sabbatum in **Albis inclusive**, post **Orationem** diéi dici-tur **Oratio Ecclésiæ**, vel pro **Papa** tantum. **1***, nisi facienda sit **Commemoratio alicujus Festi simplicis occurrentis**.

Lectio Actuum Apostolórum. **Cap. 3.**


IN diébus illis : Apériens Petrus os suum, dixit : Viri Israelitæ, et qui timétis Deum, audite : Deus Abraham, et Deus Isaac, et Deus Jacob, Deus patrum nostrórum glorificávit Filium suum Jesum, quem vos quidem tradidistis, et negástis ante faciém Piláti, judicánte illo dimítti. Vos autem Sanctum et Justum negástis, et petistis virum homicídæ donári vobis : auctórem vero vitæ

interfecistis, quem Deus suscitavit a mortuis, cujus nos testes sumus. Et nunc, fratres, scio quia per ignorantiam fecistis, sicut et principes vestri. Deus autem, quæ prænuntiavit per os omnium Prophetarum, pati Christum suum, sic implevit. Pœnitēmini igitur, et convertimini, ut deleantur peccata vestra.

Graduale. Ps. 117. Hæc dies quam fecit Dóminus : exsultemus et lætēmur in ea. **ŷ.** Dextera Dómini fecit virtutem, dextera Dómini exaltavit me.

Allelúia, allelúia. ŷ. Luc. 24. Surrexit Dóminus vere, et apparuit Petro.

Sequentia Victimæ paschali. 217.

 Sequentia sancti Evangelii secundum Joannem. **Cap. 21.**

In illo tempore : Manifestavit se iterum Jesus discipulis ad mare Tiberiæ. Manifestavit autem sic. Erant simul Simon Petrus, et Thomas, qui dicitur Didymus, et Nathanael, qui erat a Cana Galilææ, et filii Zebedæi, et alii ex discipulis ejus duo. Dicit eis Simon Petrus : Vado piscari. Dicunt ei : Venimus et nos tecum. Et exierunt, et ascenderunt in navim : et illa nocte nihil prendiderunt. Mane autem facto, stetit Jesus in littore : non tamen cognoverunt discipuli quia Jesus est. Dixit ergo eis Jesus : Pueri, numquid pulmentarium habetis? Respondērunt ei : Non. Dicit eis : Mittite in dexteram navigii rete, et inveniētis. Misērunt ergo : et jam non valēbant illud trāhere præ multitudīne piscium. Dixit ergo discipulus ille quem diligebat Jesus, Petró : Dóminus est. Simon Petrus, cum audisset quia Dóminus est, tūnica succinxit se (erat enim nudus), et misit se in mare. Alii autem discipuli navigio venērunt (non enim longe erant a terra, sed quasi cubitis ducēntis), trahētes rete piscium. Ut ergo descendērunt in terram, vidērunt prunas pōsitas, et piscem superpōsitum, et panem. Dicit eis Jesus : Afferte de piscibus quos prendidistis nunc. Ascēdit Simon Petrus, et traxit rete in terram, plenum magnis piscibus centum quinquaginta

tribus. Et cum tanti essent, non est scissum rete. Dicit eis Jesus : Venite, prandete. Et nemo audēbat discumbentium interrogare eum : Tu quis es? sciētes quia Dóminus est. Et venit Jesus, et accipit panem, et dat eis, et piscem similiter. Hoc jam tertio manifestatus est Jesus discipulis suis, cum resurrexisset a mortuis. Credo.

Offertorium. Ps. 77. Portas cœli apēruit Dóminus : et pluit illis manna, ut ēderent : panem cœli dedit eis : panem Angelorum manducavit homo, allelúia.

Secreta.

SACRIFICIA, Dómine, paschálibus gaudiis immolamus, quibus Ecclēsia tua mirabiliter et pascitur et nutritur. Per Dóminum.

Alia Secreta, Prôtege, vel Oblátis. 2*.

Communio. Rom. 6. Christus resurgens ex mortuis, jam non moritur, allelúia : mors illi ultra non dominabitur, allelúia, allelúia.

Postcommunio.

AB omni nos, quæsumus, Dómine, vetustate purgatos, sacramenti tui veneranda percēptio in novam trānsferat creaturam. Qui vivis.

Alia Postcommunio, Quæsumus, vel Hæc nos. 2*.

FERIA QUINTA

Statio ad SS. Duodecim Apostolos.

Introitus. Sap. 10.

VICTRICEM manum tuam, Dómine, laudaverunt pariter, allelúia : quia sapiēntia apēruit os mutum, et linguas infāntium fecit disertas, allelúia, allelúia. **Ps. 97.** Cantate Dómino canticum novum : quia mirabilia fecit. **ŷ.** Glória Patri. Victricem.

Oratio.

DEUS, qui diversitatem gentium in confessione tui nōminis adunasti : da, ut renatis fonte baptismatis, una sit fides mentium, et pietas actionum. Per.

Alia Oratio, Ecclēsiæ tuæ, vel Deus, omnium. 1*.

Lectio Actuum Apostolorum. Cap. 8.

In diebus illis : Angelus Domini locutus est ad Philippum, dicens : Surge, et vade contra meridianum, ad viam quae descendit ab Ierusalem in Gazam : haec est deserta. Et surgens abiit. Et ecce vir Aethiops eunuchus, potens Candacis reginae Aethiopum, qui erat super omnes gazas ejus, venerat adorare in Ierusalem : et revertebatur sedens super currum suum, legensque Isaiam Prophetam. Dixit autem Spiritus Philippo : Accede, et adiunge te ad currum istum. Accurrens autem Philippus, audivit eum legentem Isaiam Prophetam, et dixit : Putasne, intelligis quae legis? Qui ait : Et quomodo possum, si non aliquis ostenderit mihi? Rogavitque Philippum ut ascenderet, et sederet secum. Locus autem Scripturae quam legebat, erat hic : Tamquam ovis ad occisionem ductus est : et sicut agnus coram tondente se, sine voce, sic non aperuit os suum. In humilitate iudicium ejus sublatum est. Generationem ejus quae enarrabit, quoniam tolletur de terra vita ejus? Respondens autem eunuchus Philippo, dixit : Obsecro te, de quo Propheta dicit hoc? de se, an de alio aliquo? Apertiens autem Philippus os suum, et incipiens a Scriptura ista, evangelizavit illi Jesum. Et dum irent per viam, venerunt ad quandam aquam : et ait eunuchus : Ecce aqua : quid prohibet me baptizari? Dixit autem Philippus : Si credis ex toto corde, licet. Et respondens, ait : Credo Filium Dei esse Jesum Christum. Et iussit stare currum : et descenderunt uterque in aquam, Philippus et eunuchus, et baptizavit eum. Cum autem ascendissent de aqua, Spiritus Domini rapuit Philippum, et amplius non vidit eum eunuchus. Ibat autem per viam suam gaudens. Philippus autem inventus est in Azoto, et pertransiens evangelizabat civitatibus cunctis (donec veniret Caesaream) nomen Domini Jesu Christi.

Graduale. Ps. 117. Haec dies quam fecit Dominus : exultemus et letemur in ea. *Y.* Lapidem quem reprobaverunt

aedificantes, hic factus est in caput anguli : a Domino factum est istud, et est mirabile in oculis nostris.

Alleluia, alleluia. *Y.* Surrexit Christus, qui creavit omnia, et misertus est humano generi.

Sequentia Victimae paschali. 217.

Sequentia sancti Evangelii secundum Joannem. Cap. 20.

In illo tempore : Maria stabat ad monumentum foris, plorans. Dum ergo fleret, inclinavit se, et prospexit in monumentum : et vidit duos Angelos in albis sedentes, unum ad caput, et unum ad pedes, ubi positum fuerat corpus Jesu. Dicunt ei illi : Mulier, quid ploras? Dicit eis : Quia tulérunt Dominum meum, et nescio ubi posuerunt eum. Haec cum dixisset, conversa est retrorsum, et vidit Jesum stantem : et non sciebat quia Jesus est. Dicit ei Jesus : Mulier, quid ploras? quem quaeris? Illa existimans quia hortulanus esset, dicit ei : Domine, si tu sustulisti eum, dicito mihi ubi posuisti eum, et ego eum tollam. Dicit ei Jesus : Maria. Conversa illa, dicit ei : Rabboni (quod dicitur Magister). Dicit ei Jesus : Noli me tangere, nondum enim ascendi ad Patrem meum : vade autem ad fratres meos, et dic eis : Ascendo ad Patrem meum, et Patrem vestrum, Deum meum, et Deum vestrum. Venit Maria Magdalene annuntians discipulis : Quia vidi Dominum, et haec dixit mihi. Credo.

Offertorium. Exodi 13. In die solemnitatis vestrae, dicit Dominus, inducam vos in terram fluentem lac et mel, alleluia.

Secreta.

SUSCIPE, quaesumus, Domine, munera populorum tuorum propitius : ut confessione tui nominis et baptismo renovati, sempiternam beatitudinem consequantur. Per Dominum.

Alia Secreta, Protege, vel Oblatis. 2*.

Communio. I Petr. 2. Populus acquisitionis, annuntiate virtutes ejus, alleluia, qui vos de tenebris vocavit in admirabile lumen suum, alleluia.

Postcommunio.

EXAUDI, Dómine, preces nostras: ut redemptionis nostræ sacrosáncta commérca, et vitæ nobis cónferant præsentis auxílium, et gáudia sempitérna concíliant. Per Dóminum.

Alia Postcommunio, Quæsumus, vel Hæc nos. 2.*

FERIA SEXTA

Statio ad Sanctam Mariam ad Martyres.

Introitus. Ps. 77.

EDUXIT eos Dóminus in spe, allelúia: et inimicos eórum opéruit mare, allelúia, allelúia, allelúia. *Ps.* Atténdite, pópule meus, legem meam: inclináte aurem vestram in verba oris mei. *ŷ.* Glória Patri. Edúxit eos.

Oratio.

OMNÍPOTENS sempitérne Deus, qui paschále sacraméntum in reconciliatiónis humanæ fœdere contulisti: da méntibus nostris; ut quod professione celebrámus, imitémur effectú. Per.

Alia Oratio, Ecclesiæ, vel Deus, ómnium. 1.*

Lectio Epístolæ beáti Petri Apóstoli.

I Petr. 3.

CHARÍSSIMI, Christus semel pro peccátis nostris mórtuus est, justus pro iníustis, ut nos offérret Deo, mortificátus quidem carne, vivificátus autem spíritu. In quo et his, qui in cárcere erant, spirítibus veniens prædicávit: qui incredúli fúerant aliquándó, quando expectábant Dei patiéntiam in diébus Noe, cum fabricarétur arca: in qua pauci, id est, octo ánimæ salvæ factæ sunt per aquam. Quod et vos nunc símilis formæ salvos facit baptísma: non carnis depositio sórdium, sed conscientiae bonæ interrogátio in Deum per resurrectionem Jesu Christi Dómini nostri, qui est in dextera Dei.

Graduale. Ps. 117. Hæc dies quam fecit Dóminus: exultémus et lætémur in ea. *ŷ.* Benedictus qui venit in nómine Dómini: Deus Dóminus, et illúxit nobis.

Allelúia, allelúia. *ŷ. Ps. 95.* Dicite in géntibus quia Dóminus regnávit a ligno.

Sequentia Victimæ pascháli. 217.



Sequentia sancti Evangélii secundum Matthæum. *Cap. 28.*

IN illo témpore: Undecim discípuli abiérunt in Galileam, in montem, ubi constitúerat illis Jesus. Et vidéntes eum adoravérunt: quidam autem dubitavérunt. Et accédens Jesus, locútus est eis, dicens: Data est mihi omnis potéstas in cœlo et in terra. Eúntes ergo docéte omnes gentes, baptizántes eos in nómine Patris, et Filii, et Spíritus sancti: docéntes eos serváre ómnia quaecúmque mandávi vobis: et ecce ego vobiscum sum omnibus diébus, usque ad consummationem sæculi. Credo.

Offertorium. Exodi 12. Erit vobis hæc dies memoriális, allelúia: et diem festum celebrábitis solénnem Dómino in progénies vestras: legitimum sempitérnum diem, allelúia, allelúia, allelúia.

Secreta.

HÓSTIAS, quæsumus, Dómine, placátus assúme, quas et pro renatórum expiatióne peccáti deférimus, et pro acceleratione celéstis auxilii. Per.

Alia Secreta, Prótege, vel Oblátis. 2.*

Communio. Matth. 28. Data est mihi omnis potéstas in cœlo et in terra, allelúia: eúntes docéte omnes gentes, baptizántes eos in nómine Patris, et Filii, et Spíritus sancti, allelúia, allelúia.

Postcommunio.

RÉSPICE, quæsumus, Dómine, pópulum tuum: et quem ætérnis dignátus es renováre mystériis, a temporálibus culpis dignánte absólve. Per Dóminum.

Alia Postcommunio, Quæsumus, vel Hæc nos. 2.*

SABBATO IN ALBIS

Statio ad Sanctum Joannem in Laterano.

Introitus. Ps. 104.

EDUXIT Dóminus pópulum suum in exultatióne, allelúia; et eléctos suos in lætítia, allelúia, allelúia. *Ps.* Confitémini Dómino, et invocáte nomen ejus: annuntiáte inter gentes ópera ejus. *ŷ.* Glória Patri. Edúxit.

Oratio.

CONCÉDE, quæsumus, omnipotens Deus: ut qui festa paschalia venerando egimus, per hæc contingere ad gaudia æterna mereamur. Per Dñm.

Alia Oratio, Ecclesiæ, vñ Deus, omnium. 1*.

Lectio Epistolæ beati Petri Apostoli.

I Petr. 2.

CHARÍSSIMI, Deponentes igitur omnem malitiam, et omnem dolum, et simulationes, et invidias, et omnes distractiones, sicut modo geniti infantes, rationabile, sine dolo lac concupiscite, ut in eo crescatis in salutem: si tamen gustastis quoniam dulcis est Dñus. Ad quem accedentes lapidem vivum, ab hominibus quidem reprobatum, a Deo autem electum et honorificatum, et ipsi tamquam lapides vivi superædificamini, domus spiritalis, sacerdotium sanctum, offerre spirituales hostias, acceptabiles Deo per Jesum Christum. Propter quod continet Scriptura: Ecce pono in Sion lapidem summum, angularem, electum, pretiosum: et qui crediderit in eum, non confundetur. Vobis igitur honor credentibus: non credentibus autem, lapis quem reprobaverunt ædificantes, hic factus est in caput anguli; et lapis offensionis, et petra scándali, his qui offendant verbo, nec credunt in quo et positi sunt. Vos autem genus electum, regale sacerdotium, gens sancta, populus acquisitionis: ut virtutes annuntiétis ejus qui de tenebris vos vocavit in admirabile lumen suum. Qui aliquando non populus, nunc autem populus Dei: qui non consecuti misericordiam, nunc autem misericordiam consecuti.

¶ Ab hac die usque ad Octavam Pentecostes, tam in Officio de Tempore quam de Sanctis, non dicitur Graduale, sed ejus loco dicuntur duo Versus cum quatuor Alleluia, ordine infra scripto, præterquam in Missis Rogationum et Vigiliæ Pentecostes, in quibus dicitur unum Alleluia cum uno Versu: similiter et post quamlibet Lectionem in Sabbato Quatuor Temporum post Pentecosten. Alio Tem-

pore usque ad Septuagesimam, quando dicitur Graduale, dicuntur tria Alleluia post Graduale, bis ante Versum, et semel post Versum: cum autem dicitur Sequentia, Alleluia, quod dicendum esset post Versum, dicitur post Sequentiam.

Alleluia, alleluia. ̃. Ps. 117. Hæc dies quam fecit Dñus: exsultemus et lætemur in ea. Alleluia. ̃. Ps. 112. Laudate, pñeri, Dñum, laudate nomen Dñi.

Sequentia Victimæ paschali. 217.

Sequentia sancti Evangelii secundum Joannem. Cap. 20.

IN illo tempore: Una sabbati, Maria Magdalene venit mane, cum adhuc tenebræ essent, ad monumentum: et vidit lapidem sublatum a monumento. Cucurrit ergo, et venit ad Simónem Petrum, et ad alium discipulum quem amabat Jesus, et dicit illis: Tulérunt Dñum de monumento, et nescimus ubi posuerunt eum. Exiit ergo Petrus, et ille alius discipulus, et venerunt ad monumentum. Currébant autem duo simul, et ille alius discipulus præcucurrit citius Petro, et venit primus ad monumentum. Et cum se inclinasset, vidit posita linteamina, non tamen introivit. Venit ergo Simon Petrus sequens eum, et introivit in monumentum, et vidit linteamina posita, et sudarium quod fuerat super caput ejus, non cum linteaminibus positum, sed separatim involutum in unum locum. Tunc ergo introivit et ille discipulus qui vénerat primus ad monumentum, et vidit, et credidit: nondum enim sciébant Scripturam, quia oportebat eum a mortuis resurgere. Credo.

Offertorium. Ps. 117. Benedictus qui venit in nómine Dñi: benediximus vobis de domo Dñi: Deus Dñus, et illáxit nobis, alleluia, alleluia.

Secrèta.

CONCÉDE, quæsumus, Dñine, semper nos per hæc mystéria paschalia gratulári: ut continua nostræ reparationis operatio, perpétuæ nobis fiat causa lætitiæ. Per Dñum.

Alia Secreta, Prôtege, vel Oblátis. 2.*

Communio. Gal. 3. Omnes qui in Christo baptizáti estis, Christum induístis, allelúia.

Postcommunio.

REDEMPTIÓNIS nostræ múnere vegetáti, quæsumus, Dómine : ut hoc perpétuæ salutis auxilio, fides semper vera proficiat. Per Dóminum.

Alia Postcommunio, Quæsumus, vel Hæc nos. 2.*

DOMINICA IN ALBIS

IN OCTAVA PASCHÆ

Statio ad Sanctum Pancratium.

Introitus. I Petr. 2.

QUASI modo géniti infántes, allelúia : rationábile, sine dolo lac concupiscite, allelúia, allelúia, allelúia. *Ps. 80. Exsultáte Deo adjutori nostro; jubiláte Deo Jacob. ȳ. Glória Patri. Quasi modo.*

Oratio.

PRÆSTA, quæsumus, omnipotens Deus : ut qui paschália festa perégimus, hæc, te largiēte, móribus et vita tenéamus. Per Dóminum.

Lectio Epístolæ beáti Joánnis Apóstoli.

I Joan. 5.

CHARÍSSIMI, Omne quod natum est ex Deo, vincit mundum : et hæc est victória quæ vincit mundum, fides nostra. Quis est qui vincit mundum, nisi qui credit quóniam Jesus est Filius Dei? Hic est qui venit per aquam et ságuinem, Jesus Christus : non in aqua solum, sed in aqua et ságuine. Et Spíritus est qui testificátur quóniam Christus est veritas. Quóniam tres sunt qui testimónium dant in cœlo : Pater, Verbum, et Spíritus sanctus : et hi tres unum sunt. Et tres sunt qui testimónium dant in terra : spíritus, et aqua, et sanguis : et hi tres unum sunt. Si testimónium hóminum accipimus, testimónium Dei majus est : quóniam hoc est testimónium Dei quod majus est : quóniam testificátus est de Filio suo. Qui

credit in Filium Dei, habet testimónium Dei in se.

Allelúia, allelúia. ȳ. Matth. 28. In die resurrectionis meæ, dicit Dóminus, præcedám vos in Galilæam. Allelúia. ȳ. Joan. 20. Post dies octo, jánuis clausis, stetit Jesus in médio discipulórum suórum, et dixit : Pax vobis. Allelúia.



Sequéntia sancti Evangélii secúndum Joánnem. Cap. 20.

IN illo témpore : Cum sero esset die illo, una sabbatórum, et fores essent clausæ, ubi erant discipuli congregáti propter metum Judæórum, venit Jesus, et stetit in médio, et dixit eis : Pax vobis. Et cum hoc dixisset, osténdit eis manus et latus. Gavisi sunt ergo discipuli viso Dómino. Dixit ergo eis iterum : Pax vobis. Sicut misit me Pater, et ego mitto vos. Hæc cum dixisset, insufflávít, et dixit eis : Accipite Spíritum sanctum : quorum remisérítis peccáta, remittúntur eis : et quorum retinuérítis, reténta sunt. Thomas autem, unus ex Duódecim, qui dicitur Dídymus, non erat cum eis quando venit Jesus. Dixérunt ergo ei álíi discipuli : Vidimus Dóminum. Ille autem dixit eis : Nisi vídero in mánibus ejus fixúram clavórum, et mittam digitum meum in locum clavórum, et mittam manum meam in latus ejus, non credam. Et post dies octo, iterum erant discipuli ejus intus, et Thomas cum eis. Venit Jesus jánuis clausis, et stetit in médio, et dixit : Pax vobis. Deínde dicit Thomæ : Infer digitum tuum huc, et vide manus meas, et affer manum tuam, et mitte in latus meum : et noli esse incrédulus, sed fidélis. Respóndit Thomas, et dixit ei : Dóminus meus, et Deus meus. Dixit ei Jesus : Quia vidisti me, Thoma, credidisti : beáti qui non víderunt, et crediderunt. Multa quidem et ália signa fecit Jesus in conspéctu discipulórum suórum, quæ non sunt scripta in libro hoc. Hæc autem scripta sunt ut credátis quia Jesus est Christus Filius Dei : et ut credéntes, vitam habeátis in nómine ejus. Credo.

Offertorium. Matth. 28. Angelus Dó-

mini descendit de cœlo, et dixit mulieribus : Quem quæritis, surrêxit sicut dixit, allelûia.

Secreta.

SŪSCİPE mûnera, Dômine, quæsumus, exsultantis Ecclesiæ : et cui causam tanti gaudiî præstitisti, perpétuæ fructum concède lætitiæ. Per Dôminum.

Communio. Joan. 20. Mitte manum tuam, et cognosce loca clavórum, allelûia : et noli esse incredulus, sed fidelis, allelûia, allelûia.

Postcommunio.

QUÆSUMUS, Dômine Deus noster : ut sacrosáncta mystéria, quæ pro reparatiónis nostræ munimine contulisti, et præsens nobis remédiū esse faciās, et futúrum. Per Dôminum.

¶ **A FERIA II post Octavam Paschæ** usque ad Ascensionem, post Orationem diei dicuntur, nisi sit Festum duplex, Orationes de sancta Maria, et contra persecutores Ecclesiæ, vel pro Papa, ut habentur 1* et 2*.

DOMINICA SECUNDA

POST PASCHA

Introitus. Ps. 32.

MISERICÓRDIA Dômini plena est terra, allelûia : verbo Dômini cœli firmati sunt, allelûia, allelûia. Ps. Exsultáte, justi, in Dômino : rectos decet collaudatio. ¶ Glória Patri. Misericórdia.

Oratio.

DEUS, qui in Filii tui humilitate jacéntem mundum erexisti : fidelibus tuis perpétuam concède lætitiā ; ut quos perpétuæ mortis eripuisti cāsibus, gaudiis faciās pérfrui sempitérnis. Per eúndem.

Aliæ Orationes, Concède nos, et Ecclesiæ, vel Deus, ómnium. 1*.

Lectio Epistolæ beáti Petri Apóstoli.

I Petr. 2.

CHARÍSSIMI, Christus passus est pro nobis, vobis relinquens exéplum, ut sequámmini vestigia ejus. Qui peccátum non fecit, nec invéntus est dolus in ore ejus : qui cum maledicerétur, non maledicebat : cum paterétur, non com-

minabátur : tradébat autem judicánti se injúste : qui peccáta nostra ipse pertulit in corpore suo super lignum, ut peccátis mórtui, justitiæ vivámus : cujus livóre sanáti estis. Erátis enim sicut oves errántes : sed convérsi estis nunc ad pastórem et episcopum animárum vestrárum.

Allelûia, allelûia. ¶ **Luc. 24.** Cognovérunt discipuli Dôminum Jesum in fractiône panis. Allelûia. ¶ **Joan. 10.** Ego sum Pastor bonus, et cognosco oves meas, et cognoscunt me meæ. Allelûia.

¶ **Sequéntia sancti Evangélii secúndum Joánnem. Cap. 10.**

In illo témpore : Dixit Jesus pharisæis : Ego sum Pastor bonus. Bonus Pastor animam suam dat pro óvibus suis. Mercenarius autem, et qui non est pastor, cujus non sunt oves propriæ, videt lupum veniéntem, et dimittit oves, et fugit ; et lupus rapit, et dispérgit oves : mercenarius autem fugit, quia mercenarius est, et non périnet ad eum de óvibus. Ego sum Pastor bonus, et cognosco meas, et cognoscunt me meæ. Sicut novit me Pater, et ego agnosco Patrem, et animam meam pono pro óvibus meis. Et alias oves hábeo, quæ non sunt ex hoc ovili : et illas opórtet me addúcere, et vocem meam áudient, et fiet unum ovile, et unus Pastor.

Credo.

Offertorium. Ps. 62. Deus, Deus meus, ad te de luce vigilo : et in nómine tuo levábo manus meas, allelûia.

Secreta.

BENEDICTIONEM nobis, Dômine, cónferat salutárem sacra semper oblátio : ut quod agit mystério, virtúte perficiat. Per Dôminum.

Aliæ Secretæ, Tua, Dômine, et Prótege, vel Oblátis. 2*.

Communio. Joan. 10. Ego sum Pastor bonus, allelûia : et cognosco oves meas, et cognoscunt me meæ, allelûia, allelûia.

Postcommunio.

PRÆSTA nobis, quæsumus, omnípotens Deus : ut vivificatiónis tuæ grátiam

consequentes, in tuo semper munere gloriemur. Per Dóminum.

Aliae Postcommuniones, Sumptis, et Quaesumus, vel Hæc nos. 2.*

DOMINICA TERTIA

POST PASCHA

Introitus. Ps. 65.

JUBILÁTE Deo, omnis terra, allelúia : psalmum dicite nómini ejus, allelúia : date glóriam laudi ejus, allelúia, allelúia, allelúia. *Ps.* Dicite Deo : Quam terribilia sunt ópera tua, Dómine ! in multitúdine virtútis tuæ mentiéntur tibi inimíci tui. *ŷ.* Glória Patri. Jubiláte.

Oratio.

DEUS, qui errántibus, ut in viam possint redire justitiæ, veritátis tuæ lumen osténdis : da cunctis qui christiána professióne censéntur, et illa respúere quæ huic inimíca sunt nómini, et ea quæ sunt apta sectári. Per Dóminum.

Aliae Orationes, Concède nos, et Ecclesiæ, vel Deus, ómnium. 1.*

Lectio Epistolæ beáti Petri Apóstoli.

I Petr. 2.

CHARÍSSIMI, Obsecro vos tamquam advenas et peregrínos abstinére vos a carnálibus desidériis, quæ militant advérsus ánimam, conversatióne vestram inter gentes habéntes bonam : ut in eo quod detréctant de vobis, tamquam de malefactóribus, ex bonis opéribus vos considerántes, glorificent Deum in die visitatiónis. Subjécti igitur estóte omni humánæ creatúræ propter Deum : sive regi, quasi præcellénti ; sive dúcibus, tamquam ab eo missis ad vindictam malefactórum, laudem vero bonórum : quia sic est volúntas Dei, ut benefaciéntes obmutéscere faciátis imprudentium hóminum ignorántiam : quasi liberi, non quasi velámen habéntes maltitiæ libertátem, sed sicut servi Dei. Omnes honoráte : fraternitátem diligite : Deum timéte : regem honorificáte. Servi, súbditi estóte in omni timóre dómínis, non tantum bonis et modé-

stis, sed étiam dyscolis. Hæc est enim grátia, in Christo Jesu Dómino nostro.

Allelúia, allelúia. *ŷ.* Ps. 110. Redemptiódinem misit Dóminus pópulo suo. Allelúia. *ŷ.* Luc. 24. Oportébat pati Christum, et resúrgere a mórtuis, et ita intráre in glóriam suam. Allelúia.



Sequéntia sancti Evangélii secúndum Joánnem. Cap. 16.

IN illo témpore : Dixit Jesus discípulis suis : Módicum, et jam non vidébitis me : et iterum módicum, et vidébitis me : quia vado ad Patrem. Dixérunt ergo ex discípulis ejus ad invicem : Quid est hoc quod dicit nobis : Módicum, et non vidébitis me : et iterum módicum, et vidébitis me : et quia vado ad Patrem ? Dicébant ergo : Quid est hoc quod dicit. Módicum ? Nescimus quid lóquitur. Cognóvit autem Jesus quia volébant eum interrogáre, et dixit eis : De hoc quæritis inter vos quia dixi : Módicum, et non vidébitis me : et iterum módicum, et vidébitis me. Amen, amen dico vobis, quia plorábitis et flébitis vos, mundus autem gaudébit ; vos autem contristabimini, sed tristitia vestra vertétur in gáudium. Múlier, cum parit, tristitiam habet, quia venit hora ejus : cum autem pepérerit púerum, jam non meminit pressúræ propter gáudium, quia natus est homo in mundum. Et vos igitur nunc quidem tristitiam habétis, iterum autem vidébo vos, et gaudébit cor vestrum : et gáudium vestrum nemo tollet a vobis. Credo.

Offertorium. Ps. 145. Lauda, ánima mea, Dóminum : laudábo Dóminum in vita mea : psallam Deo meo, quámdiu ero, allelúia.

Secreta.

HIS nobis, Dómine, mystériis confectúratur, quo terréna desidéria mitígantes, discámus amáre cœlestia. Per.

Aliae Secretæ, Tua, Dómine, et Prótege, vel Oblátis. 2.*

Communio. Joan. 16. Módicum, et non vidébitis me, allelúia : iterum módicum, et vidébitis me, quia vado ad Patrem, allelúia, allelúia.

Postcommunio.

SACRAMÉNTA quæ sumpsimus, quæsumus, Dómine, et spiritalibus nos instaurant alimentis, et corporalibus tueantur auxiliis. Per Dóminum.

Aliae Postcommuniones, Sumptis. et Quæsumus, vel Hæc nos. 2.*

DOMINICA QUARTA

POST PASCHA

Introitus. Ps. 97.

CANTÁTE Dómino cánticum novum, allelúia, quia mirabilia fecit Dóminus, allelúia : ante conspéctum géntium revelávit justitiam suam, allelúia, allelúia, allelúia. *Ps.* Salvávit sibi dextera ejus, et bráchium sanctum ejus. *ŷ.* Glória Patri. Cantáte.

Oratio.

DEUS, qui fidélium mentes unius efficeis voluntátis : da pópulis tuis id amare quod præcipis, id desiderare quod promittis, ut inter mundánas varietates, ibi nostra fixa sint corda, ubi vera sunt gáudia. Per Dóminum.

Aliae Orationes, Concède nos, et Ecclesiæ, vel Deus, ómnium. 1.*
- Lécitio Epístolæ beáti Jacóbi Apóstoli.

Cap. 1.

CHARÍSSIMI, Omne datum óptimum et omne donum perféctum desúrsum est, descéndens a Patre lúminum, apud quem non est transmutátio, nec vicissitúdinis obumbrátio. Voluntárie enim génuít nos verbo veritátis, ut simus inítium áliquod creatúræ ejus. Scitis, fratres mei dilectíssimi. Sit autem omnis homo velox ad audiéndum : tardus autem ad loquéndum, et tardus ad iram. Ira enim viri justitiam Dei non operátur. Propter quod abjiciéntes omnem imunditiam, et abundantiam malitiæ, in mansuetúdine suscépite ínstitutum verbum, quod potest salvare ánimas vestras.

Allelúia, allelúia. *ŷ.* *Ps.* 117. Dextera Dómini fecit virtútem : dextera Dómini exaltávit me. Allelúia. *ŷ.* *Rom.* 6. Christus resúrgeus ex mórtuis, jam non móritur : mors illi ultra non dominábitur. Allelúia.



Sequéntia sancti Evangélii secúndum Joánnem. *Cap.* 16.

In illo témpore : Dixit Jesus discipulis suis : Vado ad eum qui misit me ; et nemo ex vobis interrogat me : Quo vadis ? Sed quia hæc locútus sum vobis, tristítia implévit cor vestrum. Sed ego veritátem dico vobis : expédit vobis ut ego vadam : si enim non abiero, Paráclitus non véniet ad vos : si autem abiero, mittam eum ad vos. Et cum vénerit ille, árguet mundum de peccáto, et de justítia, et de judicio. Dè peccáto quidem, quia non credidérunt in me : de justítia vero, quia ad Patrem vado, et jam non vidébitis me : de judicio autem, quia princeps hujus mundi jam judicátus est. Adhuc multa hábeo vobis dicere, sed non potéstis portáre modo. Cum autem vénerit ille Spíritus veritátis, docébit vos omnem veritátem. Non enim loquétur a semetípso : sed quæcúmque áudiet loquétur, et quæ ventúra sunt annuntiábit vobis. Ille me clarificábit : quia de meo accípiet, et annuntiábit vobis. Credo.

Offertorium. Ps. 65. Jubiláte Deo, unívérsa terra, psalmum dicite nómini ejus : veníte, et audíte, et narrábo vobis, omnes qui tímétis Deum, quanta fecit Dóminus ánimæ meæ, allelúia.

Secreta.

DEUS, qui nos per hujus sacrificii venéranda commércia unius summæ divinitátis participes effecisti : præsta, quæsumus ; ut sicut tuam cognóscimus veritátem, sic eam dignis móribus assequámur. Per Dóminum nostrum Jesum Christum Fílium tuum.

Aliae Secretæ, Tua, Dómine, et Prótege, vel Oblátis. 2.*

Communio. Joan. 16. Cum vénerit Paráclitus Spíritus veritátis, ille árguet mundum de peccáto, et de justítia, et de judicio, allelúia, allelúia.

Postcommunio.

ADÉSTO nobis, Dómine Deus noster : ut per hæc quæ fidéliter sumpsimus, et purgémur a vítiis, et a periculis ómnibus eruámur. Per Dóminum.

Aliae Postcommuniones, Sumptis, et Quæsumus, vel Hæc nos. 2.*

DOMINICA QUINTA

POST PASCHA

Introitus. Is. 48.

VOCES jucunditatis annuntiâte, et audiâtur, allelûia : annuntiâte usque ad extrênum terræ : liberâvit Dóminus pópulum suum, allelûia, allelûia. *Ps. 63.* Jubilât Deo, omnis terra : psalmum dicite nómini ejus, date glóriam laudi ejus. *ŷ. Glória Patri. Vocem.*

Oratio.

DEUS, a quo bona cuncta procédunt, largire supplicibus tuis : ut cogitemus, te inspirânte, quæ recta sunt ; et te gubernânte, eâdem faciâmus. *Per.*

Aliae Orationes, Concède nos, et Ecclesiæ, vel Deus, omnium. 1.*

Lectio Epistolæ beâti Jacôbi Apóstoli.

Cap. 1.

CHARÍSSIMI, Estóte factóres verbi, et non auditóres tantum, falléntes vosmetipsos. Quia si quis auditor est verbi, et non factor, hic comparâbitur viro considerânti vultum nativitátis suæ in spéculo : considerâvit enim se, et abiit, et statim oblitus est qualis fúerit. Qui autem perspéxerit in legem perféctam libertátis, et permânerit in ea, non auditor obliuósus factus, sed factor óperis, hic beátus in facto suo erit. Si quis autem putat se religiósium esse, non refrénans linguam suam, sed sedúcens cor suum, hujus vana est religio. Religio munda et immaculâta apud Deum et Patrem, hæc est : visitâre pupillos et víduas in tribulatióne eórum, et immaculátum se custodire ab hoc sæculo.

Allelûia, allelûia. *ŷ. Surréxit Christus, et illúxit nobis, quos redémit sanguine suo. Allelûia. ŷ. Joan. 16.* Exívi a Patre, et veni in mundum : iterum relínquo mundum, et vado ad Patrem. Allelûia.



Sequéntia sancti Evangélíi secundum Joánnem. *Cap. 16.*

IN illo témpore : Dixit Jesus discípulis suis : Amen, amen dico vobis : si quid

petiéritis Patrem in nómine meo, dabit vobis. Usque modo non petistis quidquam in nómine meo. Petíte, et accipiétis : ut gáudium vestrum sit plenum. Hæc in provérbiis locútus sum vobis. Venit hora, cum jam non in provérbiis loquar vobis, sed palam de Patre annuntiábo vobis. In illo die in nómine meo petétis : et non dico vobis quia ego rogábo Patrem de vobis : ipse enim Pater amat vos, quia vos me amástis, et credidistis quia ego a Deo exívi. Exívi a Patre, et veni in mundum : iterum relínquo mundum, et vado ad Patrem. Dicunt ei discípuli ejus : Ecce nunc palam loqueris, et provérbum nullum dicis. Nunc scimus quia scis ómnia, et non opus est tibi ut quis te intéroget : in hoc crédimus quia a Deo exísti. *Credo.*

Offertorium. Ps. 63. Benedícite, gentes, Dóminum Deum nostrum, et obaudíte vocem laudis ejus : qui pósuit ánimam meam ad vitam, et non dedit commoveri pedes meos : benedíctus Dóminus, qui non amóvit deprecationem meam, et misericórdiam suam a me, allelûia.

Secreta.

SÚSCIBE, Dómine, fidélium preces cum oblatióibus hostiárum : ut per hæc piæ devotiónis officia, ad cœlestem glóriam transeâmus. *Per Dóminum.*

Aliae Secretæ, Tua, Dómine, et Prótege, vel Oblátis. 2.*

Communio. Ps. 93. Cantáte Dómino, allelûia : cantáte Dómino, et benedicite nómini ejus : bene nuntiâte de die in diem salutáre ejus, allelûia, allelûia.

Postcommunio.

TRÍBUE nobis, Dómine, cœléstis mensæ virtúte satiátis, et desideráre quæ recta sunt, et desideráta percípere. *Per Dóminum.*

Aliae Postcommuniones, Sumptis, et Quæsumus, vel Hæc nos. 2.*

IN LITANIIS MAJORIBUS

In Festo S. Marci Evangelistæ, Statio ad Sanctum Petrum. Et in minoribus ante Ascensionem, Feria II Rogationum, Statio ad Sanctam Mariam Majorem;

Feria III, Statio ad Sanctum Joannem in Laterano; Feria IV, Statio ad Sanctum Petrum.

Sequens Missa dicitur in Litanis majoribus et minoribus ad Processionem, sine Commemoratione Festi occurrentis. In Feriis autem Rogationum, in Missis privatis, si dicitur de Sancto, fit Commemoratio Rogationum: si dicitur de Rogationibus, fit Commemoratio Festi occurrentis. Feria vero III, si Festum non occurrat, dicatur Missa de Rogationibus, sine Glória in excelsis, licet in Officio dictum sit Te Deum, et Oratio Dominicæ.

Introitus. Ps. 17.

EXAUDIVIT de templo sancto suo vocem meam, alleluia: et clamor meus in conspectu ejus introivit in aures ejus, alleluia, alleluia. Ps. Diligam te, Domine, virtus mea: Dominus firmamentum meum, et refugium meum, et liberator meus. *Ÿ. Glória. Exaudivit.*

In hac Missa non dicitur Glória in excelsis, neque Credo.

Oratio.

PRÆSTA, quæsumus, omnipotens Deus, ut qui in afflictione nostra de tua pietate confidimus, contra adversa omnia tua semper protectione muniamur. Per Dominum.

Aliæ Orationes, Concède nos, et Ecclesiæ, vel Deus, omnium. 1*.

Lectio Epistolæ beati Jacobi Apostoli.

Cap. 5.

CHARÍSSIMI, Confitemini alterutrum peccata vestra, et oráte pro invicem, ut salvemini: multum enim valet deprecatio justí assídua. Elias homo erat similis nobis passibilis: et oratione orávit ut non plúeret super terram, et non plúit annos tres et menses sex. Et rursum orávit: et cælum dedit plúviam, et terra dedit fructum suum. Fratres mei, si quis ex vobis erráverit a veritate, et convertérit quis eum: scire debet quóniam qui convertí fécerit peccatórem ab errore viæ suæ, salvábit ánimam ejus a morte, et opériet multitudinem peccatórum.

Alleluia. *Ÿ. Ps. 117. Confitemini Dó-*

mino, quóniam bonus: quóniam in sæculum misericórdia ejus.



Sequentia sancti Evangelii secundum Lucam. Cap. 11.

IN illo témpore: Dixit Jesus discipulis suis: Quis vestrum habébit amicum, et ibit ad illum média nocte, et dicet illi: Amice, cõmmoda mihi tres panes, quóniam amicus meus venit de via ad me, et non hábeo quod ponam ante illum: et ille de intus respõdens, dicat: Noli mihi moléstus esse: jam óstium clausum est, et púeri mei mecum sunt in cubili, non possum súrgere, et dare tibi. Et si ille perseveráverit pulsans, dico vobis, etsi non dabit illi surgens eo quod amicus ejus sit, propter improbitatem tamen ejus surget, et dabit illi quotquot habet necessariós. Et ego dico vobis: Péтите, et dábitur vobis: quærite, et inveniétis: pulsáte, et aperiétur vobis. Omnis enim qui petit, accipit: et qui quærit, invenit: et pulsánti aperiétur. Quis autem ex vobis patrem petit panem, numquid lápidem dabit illi? Aut piscem, numquid pro pisce serpéntem dabit illi? Aut si petierit ovum, numquid pórriget illi scoriónem? Si ergo vos, cum sitis mali, nostis bona data dare filiis vestris, quanto magis Pater vester de cælo dabit spíritum bonum peténtibus se?

Offertorium. Ps. 108. Confitébor Dómino nimis in ore meo: et in médio multórum laudábo eum, quia ádstitit a dextris páuperis, ut salvam fáceret a persequéntibus ánimam meam, alleluia.

Secreta.

HÆC múnera, quæsumus, Domine, et tuá vincula nostræ pravitátis absólvant, et tuæ nobis misericórdiæ dona concílient. Per Dominum.

Aliæ Secretæ, Tua, Domine, et Prótege, vel Oblátis. 2*.

Et dicitur Præfatio Paschalis.

Communio. Luc. 11. Péтите, et acciꝑiétis: quærite, et inveniétis: pulsáte, et aperiétur vobis. Omnis enim qui petit, accipit: et qui quærit, invenit: et pulsánti aperiétur, alleluia.

Postcommunio.

VOTA nostra, quæsumus, Dómine, pio favóre proséquere : ut dum dona tua in tribulatióne percipimus, de consolatióne nostra in tuo amóre crescámus. Per Dóminum.

Aliæ Postcommuniones, Sumptis, et Quæsumus, vel Hæc nos. 2*.

IN VIGILIA ASCENSIONIS

Si hodie occurrat Festum simplex, fit de ipso tantum Commemoratio. Si occurrat Festum duplex vel semiduplex, Missa dicitur de Festo, cum Commemoratione Vigiliæ et Rogationum. Sed in Ecclesiis Collegiatis, præter Missam de Rogationibus, dicuntur duæ Missæ, una de Festo, et alia de Vigilia.

Introitus. Is. 48.

VOCEM jucunditátis annuntiáte, et audiátur, allelúia : annuntiáte usque ad extrémum terræ : liberávit Dóminus pópulum suum, allelúia, allelúia. Ps. 65. Jubilate Deo, omnis terra : psalmum dicite nómini ejus, date glóriam laudi ejus. Ț. Glória Patri. Vocem.

Et dicitur Glória in excélsis.

Oratio.

DEUS, a quo bona cuncta procedunt, largíre supplicibus tuis : ut cogitémus, te inspiránte, quæ recta sunt ; et te gubernánte, éadem faciámus. Per.

Secunda Oratio de Rogationibus, Præsta. 230 ; tertia de sancta Maria, Concede nos. 1*.

In Ecclesiis autem Collegiatis, ubi dicitur alia quoque Missa de Rogationibus, secunda Oratio erit de sancta Maria, tertia Ecclesiæ, vel Deus, ómnium. 1*.

Lectio Epistolæ beáti Pauli Apóstoli ad Ephésios. Cap. 4.

FRATRES, Unicuique nostrum data est grátia secúndum mensúram donatiónis Christi. Propter quod dicit : Ascéndens in altum, captívam duxit captivitátem : dedit dona homínibus. Quod autem ascéndit, quid est, nisi quia et descéndit primum in inferiôres partes terræ ? Qui descéndit, ipse est et qui

ascéndit super omnes cœlos, ut impléret ómnia. Et ipse dedit quosdam quidem Apóstolos, quosdam autem Prophétas, álios vero Evangelistas, álios autem pastôres et doctôres, ad consummationem sanctórum in opus ministérii, in ædificatiónem cõporis Christi : donec occurrámus omnes in unitátem fidei et agnitiónis Filii Dei, in virum perféctum, in mensúram ætátis plenitudínis Christi.

Allelúia, allelúia. Ț. Surréxit Christus, et illúxit nobis, quos redémít sanguine suo. Allelúia. Ț. Joan. 16. Exívi a Patre, et veni in mundum : iterum relínquo mundum, et vado ad Patrem. Allelúia.



Sequéntia sancti Evangélii secúndum Joánnem. Cap. 17.

IN illo témpore : Sublevátis Jesus óculis in cœlum, dixit : Pater, venit hora, clarifica Filium tuum, ut Filius tuus clarificet te : sicut dedísti ei potestátem omnis carnis, ut omne quod dedísti ei, det eis vitam ætérnam. Hæc est autem vita ætérna : ut cognóscant te solum Deum verum, et quem misísti Jesum Christum. Ego te clarificávi super terram : opus consummávi, quod dedísti mihi ut faciám : et nunc clarifica me, tu, Pater, apud temetípsum, claritáte quam hábui, priúsquam mundus esset, apud te. Manifestávi nomen tuum homínibus quos dedísti mihi de mundo. Tui erant, et mihi eos dedísti : et sermónem tuum servavérunt. Nunc cognovérunt quia ómnia quæ dedísti mihi, abs te sunt : quia verba quæ dedísti mihi, dedi eis : et ipsi acceperunt, et cognovérunt vere quia a te exívi, et credidérunt quia tu me misísti. Ego pro eis rogo : non pro mundo rogo, sed pro his quos dedísti mihi : quia tui sunt : et mea ómnia tua sunt, et tua mea sunt, et clarificátus sum in eis. Et jam non sum in mundo, et hi in mundo sunt, et ego ad te venio.

Offertorium. Ps. 65. Benedicite, gentes, Dóminum Deum nostrum, et obaudíte vocem laudis ejus : qui pósuit ánimam meam ad vitam, et non dedit comóvéri pedes meos : benedíctus Dóminus,

qui non amóvit deprecatiónem meam, et misericórdiam suam a me, allelúia.

Secreta.

SÚSCIPE, Dómine, fidélium preces cum oblatiόνibus hostiárum : ut per hæc piæ devotiónis officia, ad cœlestem glóriam transeámus. Per Dóminum.

Secunda Secreta de Rogationibus, Hæc múnera. 230; tertia de sancta Maria, Tua, Dómine. 2*.

Vel secunda de sancta Maria, tertia Prótege, vel Oblátis. 2*.

Præfatio Paschalis.

Communio. Ps. 93. Cantáte Dómino, allelúia : cantáte Dómino, et benedicite nomen ejus : bene nuntiáte de die in diem salutáre ejus, allelúia, allelúia.

Postcommunio.

TRÍBUE nobis, Dómine, cœléstis mensæ virtúte satiátis, et desideráre quæ recta sunt, et desideráta percípere. Per.

Secunda Postcommunio de Rogationibus, Vota nostra. 231; tertia de sancta Maria, Sumptis. 2*.

Vel secunda de sancta Maria, tertia Quæsumus, vel Hæc nos. 2*.



ASCENSIONE DOMINI

Statio ad Sanctum Petrum.

Introitus. Act. 1.



na Galilæi, quid admirâmini aspicientes in cœlum? allelûia : quemadmodum vidistis eum ascendentem in cœlum, ita veniet, allelûia, allelûia, allelûia.

Ps. 46. Omnes gentes, plaudite mânibus : jubilâte Deo in voce exultationis. **Ÿ.** Glória Patri. Viri.

Oratio.

CONCÈDE, quæsumus, omnipotens Deus : ut qui hodierna die Unigénitum tuum, Redemptorem nostrum, ad cœlos ascendisse credimus; ipsi quoque mente in cœlestibus habitemus. Per eundem Dóminum.

Lectio Actuum Apostolorum. Cap. 1.

PIMUM quidem sermónem feci de ómnibus, o Theóphile, quæ cœpit Jesus facere et docere, usque in diem qua præcipiens Apóstolis per Spíritum sanctum, quos elégit, assumptus est : quibus et præbuit seípsum vivum post Passiônem suam in multis arguméntis, per dies quadraginta appárens eis, et loquens de regno Dei. Et convéscens, præcepit eis ab Jerosólymis ne discéderent, sed expectarent promissionem Patris, quam audistis (inquit) per os meum : quia Joánes quidem baptizávit aqua, vos autem baptizabimini Spíritu sancto non post multos hos dies. Igitur qui convenerant, interrogábant eum, dicéntes : Dómine, si in témpore hoc restitues regnum Israel? Dixit autem eis : Non est vestrum nosse témpora, vel moménta, quæ Pater pó-

suit in sua potestáte : sed accipiétis virtutem superveniéntis Spíritus sancti in vos, et éritis mihi testes in Jerúsalem, et in omni Judæa et Samaría, et usque ad últimum terræ. Et cum hæc dixisset, vidéntibus illis, elevátus est : et nubes suscepit eum ab óculis eórum. Cumque intueréntur in cœlum eúntem illum, ecce duo viri adstiterunt juxta illos in véstibus albis, qui et dixerunt : Viri Galilæi, quid statis aspicientes in cœlum? Hic Jesus, qui assumptus est a vobis in cœlum, sic veniet, quemadmodum vidistis eum eúntem in cœlum.

Allelûia, allelûia. **Ÿ. Ps. 46.** Ascendit Deus in jubilatione, et Dóminus in voce tubæ. Allelûia. **Ÿ. Ps. 67.** Dóminus in Sina in sancto; ascénde in altum, captivam duxit captivitatem. Allelûia.



Sequéntia sancti Evangélîi secúndum Marcum. **Cap. 16.**

In illo témpore : Recumbéntibus úndecim discípulis, appáruit illis Jesus : et exprobrávit incredulitatem eórum et duritiam cordis : quia iis qui viderant eum resurrexisse, non crediderunt. Et dixit eis : Eúntes in mundum univérsum, prædicáte Evangélium omni creatúræ. Qui crediderit et baptizátus fuerit, salvus erit : qui vero non crediderit, condemnábitur. Signa autem eos qui crediderint, hæc sequéntur : In nómine meo dæmónia ejectionis : linguis loquéntur novis : serpéntes tollent : et si mortíferum quid biberiat, non eis nocébit : super ægros manus impónent, et bene habébunt. Et Dóminus quidem Jesus, postquam locútus est eis, assumptus est

in cœlum, et sedet a dextris Dei. Illi autem profecti, prædicaverunt ubique, Dómino cooperante, et sermónem confirmante sequéntibus signis.

Dicto Evangelio, exstinguitur Cereus Paschalis, neque ulterius accenditur, nisi in Sabbato Pentecostes ad benedictionem Fontis. Credo.

Offertorium. Ps. 46. Ascéndit Deus in jubilatione, et Dóminus in voce tubæ, allelúia.

Secreta.

SÚSCIPE, Dómine, múnera quæ pro Filii tui gloriósa Ascensione deférimus : et concéde propítius, ut a præsentibus periculis liberémur, et ad vitam perveniámus ætérnam. Per eúndem Dóminum.

Præfatio. Qui post Resurrectionem suam.

Et dicitur usque ad Vigiliam Pentecostes exclusive.

Infra actionem, Communicantes, et diem sacratissimum.

Et dicitur per Octavam tantum.

Communio. Ps. 67. Psállite Dómino, qui ascéndit super cœlos cœlórum ad oriéntem, allelúia.

Postcommunio.

PRÆSTA nobis, quæsumus, omnipotens et miséricors Deus : ut quæ visibilibus mystériis suménda percépimus, invisibili consequámur efféctu. Per Dóminum.

¶ Infra Octavam Ascensionis dicitur Missa de Ascensione, nisi occurrat Festum duplex vel semiduplex, de quo tunc fit cum Commemoratione Octavæ; de Simplici autem fit tantum Commemoratio. Post Orationem diei dicitur secunda Oratio de sancta Maria, Concéde, et terra Ecclesiæ, vel Deus, ómnium. 1*.

DOMINICA INFRA OCT. ASCENSIONIS

Introitus. Ps. 26.

EXÁUDI, Dómine, vocem meam, quæ clamávi ad te, allelúia : tibi dixit cor meum, quæsi vultum tuum; vultum tuum, Dómine, requíram : ne avértas faciém tuam a me, allelúia, al-

lelúia. Ps. Dóminus illuminátio mea et salus mea : quem timébo? ŷ. Glória Patri. Exáudi.

Oratio.

OMNIPOTENS sempitérne Deus, fac nos tibi semper et devótam géreere voluntátē, et Majestáti tuæ sincéro corde servíre. Per Dóminum.

Et fit Commemoratio de Ascensione tantum.

Oratio.

CONCÉDE, quæsumus, omnipotens Deus : ut qui hodiérna die Unigénitum tuum, Redemptórem nostrum, ad cœlos ascendisse crédimus; ipsi quoque mente in cœlestibus habitémus. Per eúndem Dóminum.

Lectio Epistolæ beáti Petri Apóstoli.

I Petr. 4.

CHARÍSSIMI, Estóte prudéntes, et vigiláte in oratióibus. Ante ómnia autem mútuam in vobismetipsis charitátem continúam habéntes : quia charitas óperit multitudínem peccatórum. Hospitáles invicem sine murmuratióne : unusquisque, sicut accépit grátiam, in altérutrum illam administrátes, sicut boni dispensátóres multifórmis grátie Dei. Si quis lóquitur, quasi sermónes Dei : si quis ministrat, tamquam ex virtúte quam administrat Deus : ut in ómnibus honorificétur Deus per Jesum Christum Dóminum nostrum.

Allelúia, allelúia. ŷ. Ps. 46. Regnávít Dóminus super omnes gentes : Deus sedet super sedem sanctam suam. Allelúia. ŷ. Joan. 14. Non vos relínquam órphanos : vado, et vénio ad vos, et gaudébit cor vestrum. Allelúia.

Sequéntia sancti Evangélii secúndum Joánnem. Cap. 15 et 16.

In illo témpore : Dixit Jesus discípulis suis : Cum vénerít Paráclitus, quem ego mittam vobis a Patre, Spíritum veritátis, qui a Patre procedít, ille testimónium perhibébit de me : et vos testimonium perhibébitis, quia ab initio mecum estis. Hæc locútus sum vobis, ut non scandalizémini. Absque synagógis faciént vos : sed venit hora, ut

omnis qui interficit vos, arbitretur obsequium se præstare Deo. Et hæc facient vobis, quia non novērunt Patrem, neque me. Sed hæc locutus sum vobis, ut, cum venerit hora eorum, reminiscāmini quia ego dixi vobis. Credo.

Offertorium. Ps. 46. Ascendit Deus in jubilatione, et Dominus in voce tubæ, allelúia.

Secreta.

SACRIFICIA nos, Dómine, immaculata purificent, et mentibus nostris supernæ grátie dent vigorem. Per.

Pro Ascensione. Secreta.

SUSCIPE, Dómine, múnera quæ pro Filii tui gloriósa Ascensione deférimus: et concède propítius; ut a præséntibus periculis liberémur, et ad vitam perveniámus ætérnam. Per eúndem.

Communio. Joan. 17. Pater, cum essem cum eis, ego servábam eos quos dedisti mihi, allelúia: nunc autem ad te venio: non rogo ut tollas eos de mundo, sed ut serves eos a malo, allelúia, allelúia.

Postcommunio.

REPLÉTI, Dómine, munéribus sacris: da, quæsumus; ut in gratiarum semper actione maneámus. Per Dóminum.

Pro Ascensione. Postcommunio.

PRÆSTA nobis, quæsumus, omnipotens et miséricors Deus: ut quæ visibilibus mystériis suménda percépimus, invisibili consequámur efféctu. Per.

In Octava Ascensionis dicitur Missa sicut in die, cum una tantum Oratione, nisi occurrat Festum simplex.

¶ FERIA VI post Octavam Ascensionis, si non fuerit Festum duplex vel semiduplex, Missa dicitur de Dominica præterita, cum Commemoratione de sancta Maria, Concède nos, et Ecclesiæ tuæ, vel Deus, ómnium. 1*.

De Simplici fit tantum Commem.

Et non dicitur Credo.

SABBATO IN VIGILIA PENTECOSTES

*Statio ad Sanctum Joannem
in Laterano.*

Dicta Nona, Sacerdos et Ministri, induti paramentis violacei coloris, acce-

dunt ad Altare, et facta reverentia, Sacerdos illud osculatur in medio. Deinde leguntur Prophetiæ sine titulo, candelis Altaris extinctis usque ad principium Missæ, sicut in Sabbato sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes sine Flectámus génua.

Prophetia prima. Gen. 22.

IN diébus illis: Tentávit Deus Abraham, et dixit ad eum: Abraham, Abraham. At ille respondit: Adsum. Ait illi: Tolle filium tuum unigénitum, quem diligis, Isaac, et vade in terram visionis: atque ibi offeres eum in holocaustum super unum montium quem monstrávero tibi. Igitur Abraham de nocte consurgens, stravit ásinum suum, ducens secum duos júvenes, et Isaac filium suum: cumque concidisset ligna in holocaustum, abiit ad locum quem præcéperat ei Deus. Die autem tertio. eleváti oculis, vidit locum procul: dixitque ad púeros suos: Expectáte hic cum ásino: ego et puer illuc usque properánte, postquam adoráverimus, revertémur ad vos. Tulit quoque ligna holocausti, et impósuit super Isaac filium suum: ipse vero portábat in manibus ignem et gládium. Cumque duo pérgerent simul, dixit Isaac patri suo: Pater mi. At ille respondit: Quid vis, fili? Ecce, inquit, ignis et ligna: ubi est víctima holocausti? Dixit autem Abraham: Deus providébit sibi victimam holocausti, fili mi. Pergébant ergo páriter, et venérunt ad locum quem osténdérat ei Deus, in quo edificávit altáre, et desuper ligna compósuit: cumque alligásset Isaac filium suum, pósuit eum in altáre super struem lignórum. Extenditque manum, et arrípuit gládium, ut imoláret filium suum. Et ecce Angelus Dómini de cælo clamávit, dicens: Abraham, Abraham. Qui respondit: Adsum. Dixitque ei: Non extédas manum tuam super púerum, neque facias illi quidquam: nunc cognóvi quod times Deum, et non pepercisti unigénito filio tuo propter me. Levávit Abraham óculos suos,

viditque post tergum arietem inter vepres hærentem cornibus, quem assumens obtulit holocaustum pro filio. Appellavitque nomen loci illius, Dominus videt. Unde usque hodie dicitur: In monte Dominus videbit. Vocavit autem Angelus Domini Abraham secundo de celo, dicens: Per memetipsum iuravi, dicit Dominus, quia fecisti hanc rem, et non pepercisti filio tuo unigenito propter me, benedicam tibi, et multiplicabo semen tuum sicut stellas cæli, et velut arenam quæ est in littore maris: possidebit semen tuum portas inimicorum suorum, et benedicentur in semine tuo omnes gentes terræ, quia obedisti voci meæ. Reversus est Abraham ad pueros suos, abieruntque Bersabée simul, et habitavit ibi.

Qua finita, Sacerdos dicit:

Orémus. *Oratio.*

DEUS, qui in Abrahæ famuli tui opere, humano generi obediencie exempla præbuit: concede nobis, et nostræ voluntatis pravitatem frangere, et tuorum præceptorum rectitudinem in omnibus adimplere. Per Dominum.

Prophetia secunda. Exodi 14 et 15.

IN diebus illis: Factum est in vigilia matutina, et ecce respiciens Dominus super castra Ægyptiorum per columnam ignis et nubes, interfecit exercitum eorum, et subvertit rotas currum, ferebanturque in profundum. Dixérunt ergo Ægyptii: Fugiamus Israël. Dominus enim pugnat pro eis contra nos. Et ait Dominus ad Moysen: Extende manum tuam super mare, ut revertantur aquæ ad Ægyptios super currus et equites eorum. Cumque extendisset Moyses manum contra mare, reversum est primo diluvio ad priorem locum: fugientibusque Ægyptiis occurrerunt aquæ, et involvit eos Dominus in mediis fluctibus. Reversæque sunt aquæ, et operuerunt currus et equites cuncti exercitus Pharaonis, qui sequentes ingressi fuerant mare: nec unus quidem superfuisset ex eis. Filii autem Israel perrexerunt per medium sicci maris, et aquæ eis erant

quasi pro muro a dextris et a sinistris: liberavitque Dominus in die illa Israel de manu Ægyptiorum. Et viderunt Ægyptios mortuos super littus maris, et manum magnam quam exercebat Dominus contra eos: timuitque populus Dominum, et crediderunt Domino, et Moysi servo ejus. Tunc cecinit Moyses, et filii Israel carmen hoc Domino, et dixerunt.

Tractus. Exodi 15. Cantemus Domino: gloriose enim honorificatus est: equum et ascensorem projecit in mare: adiutor et protector factus est mihi in salutem. *Ÿ.* Hic Deus meus, et honorificabo eum: Deus patris mei, et exaltabo eum. *Ÿ.* Dominus conterens bella: Dominus nomen est illi.

Orémus. *Oratio.*

DEUS, qui primis temporibus impléta miracula novi Testamenti luce reserasti, ut et mare Rubrum forma sacri fontis existeret, et liberata plebs ab Ægyptiaca servitute, christiani populi sacramenta præferret: da ut omnes gentes Israël privilegium merito fidei consecutæ, Spiritus tui participatione regenerentur. Per Dominum nostrum Jesum Christum Filium tuum, qui tecum vivit et regnat in unitate ejusdem.

Prophetia tertia. Deut. 31.

IN diebus illis: Scripsit Moyses canticum, et docuit filios Israel. Præcepitque Dominus Jósue filio Nun, et ait: Confortare, et esto robustus: tu enim introduces filios Israel in terram quam pollicitus sum, et ego ero tecum. Postquam ergo scripsit Moyses verba legis hujus in volumine, atque complévit, præcepit Levitis, qui portabant arcam foederis Domini, dicens: Tollite librum istum, et pónite eum in latere arcæ foederis Domini Dei vestri: ut sit ibi contra te in testimonium. Ego enim scio contentionem tuam, et cervicem tuam durissimam. Adhuc vivente me, et ingrediente vobiscum, semper contentiose egistis contra Dominum: quanto magis cum mortuus fuero? Congregate ad me omnes majores natu per tribus vestras,

atque doctóres, et loquar audiéntibus eis sermónes istos, et invocábo contra eos cælum et terram. Novi enim quod post mortem meam inique agétis, et declinábitis cito de via quam præcépi vobis : et occurrunt vobis mala in extrémò témpore, quando fecéritis malum in conspéctu Dómini, ut irritétis eum per ópera mánuum vestrárum. Locútus est ergo Móyses, audiénte univérso coetu Israel, verba cárminis hujus, et ad finem usque complévit.

Tractus. Dent. 32. Atténde, cælum, et loquar : et áudiat terra verba ex ore meo. *Ÿ.* Exspectétur sicut plúvia elóquium meum : et descéndant sicut ros verba mea. *Ÿ.* Sicut imber super gramen, et sicut nix super fenum : quia nomen Dómini invocábo. *Ÿ.* Date magnitudinem Deo nostro : Deus, vera ópera ejus, et omnes viæ ejus judícia. *Ÿ.* Deus fidélis, in quo non est iniquitas : justus et sanctus Dóminus.

Orémus. Oratio.

DEUS, gloriificatio fidélium et vita justórum, qui per Móysen fámulum tuum nos quoque modulatióne sacri cárminis erudisti : univérsis géntibus misericórdiæ tuæ munus operáre, tribuendo beatitudinem, auferendo terrórem ; ut quod pronuntiátum est ad supplicium, in remédium transferátur ætérnum. Per Dóminum.

Prophetia quarta. Is. 4.

APPREHÉNDENT septem mulieres virum unum in die illa, dicéntes : Panem nostrum comedémus, et vestiméntis nostris operiémur : tantúmmodo invocétur nomen tuum super nos, aufer opprobrium nostrum. In die illa erit germen Dómini in magnificéntia et glória, et fructus terræ sublimis, et exsultatio his qui salvati fuerint de Israel. Et erit : Omnis qui relictus fuerit in Sion, et residuus in Jerúsalem, sanctus vocabitur, omnis qui scriptus est in vita in Jerúsalem. Si ablúerit Dóminus sordes filiárum Sion, et ságuinem Jerúsalem láverit de médio ejus in spiritu judicií et spíritu ardóris. Et creábit Dóminus super omnem

locum montis Sion, et ubi invocátus est, nubem per diem, et fumum, et splendórem ignis flammántis in nocte : super omnem enim glóriam protéctio. Et tabernáculum erit in umbráculum diéi ab aestu, et in securitátem et absconsiónem a túrbine et a plúvia.

Tractus. Is. 5. Vinea facta est dilécto in cornu, in loco úberi. *Ÿ.* Et macériam circúmdedit, et circúmfódit : et plantávit vineam Sorec, et edificávit turrim in médio ejus. *Ÿ.* Et tórcular fodit in ea : vinea enim Dómini sábaoth, domus Israel est.

Orémus. Oratio.

OMNÍPOTENS sempitérne Deus, qui per únicum Filium tuum Ecclesiæ tuæ demonstrásti te esse cultórem : omnem pálmitem, fructum in eódem Christo tuo, qui vera vitis est, afferéntem, cleménter éxcolens, ut fructus áfferat amplióres : fidélibus tuis, quos velut vineam ex Ægypto per fontem baptisimí transtulisti, nullæ peccatórum spinæ præváleant : ut Spíritus tui sanctificatióne muniti, perpétua fruge diténtur. Per eúndem Dóminum nostrum Jesum Christum Filium tuum, qui tecum vivit et regnat in unitate ejúsdem.

Prophetia quinta. Baruch 3.

AUDI, Israel, mandata vitæ : áuribus pécipe, ut scias prudéntiam. Quid est, Israel, quod in terra inimicórum es? Inveterásti in terra aliéna, coinquínatus es cum mórtuis, deputátus es cum descendéntibus in inférnum. Dereliquísti fontem sapiéntiæ. Nam si in via Dei ambulásses, habitásses útiq; in pace sempitérna. Disce ubi sit prudéntia, ubi sit virtus, ubi sit intelléctus : ut scias simul ubi sit longitúrnitas vitæ et victus, ubi sit lumen oculórum et pax. Quis invénit locum ejus? et quis intrávit in thesauros ejus? Ubi sunt principes géntium, et qui dominántur super béstias quæ sunt super terram? qui in ávibus cœli ludunt, qui argéntum thesaurízant et aurum, in quo confidunt hómines, et non est finis acquisitiónis eórum? qui argéntum fábricant, et solliciti sunt, nec

est invéntio óperum illórum? Extermináti sunt, et ad inferos descendérunt, et álíi loco eórum surrexérunt. Júvenes vidérunt lumen, et habitavérunt super terram : viam autem disciplínæ ignoravérunt, neque intellexérunt sémítas ejus, neque filii eórum suscepérunt eam : a fácie ipsórum longe facta est : non est audita in terra Chánaan, neque visa est in Theman. Filii quoque Agar, qui exquirunt prudentiam quæ de terra est, negotiátóres Merrhæ et Theman, et fabulatóres, et exquisitóres prudentiæ et intelligéntiæ : viam autem sapiéntiæ nesciérunt, neque commemoráti sunt sémítas ejus. O Israel, quam magna est domus Dei, et ingens locus possessionis ejus! Magnus est, et non habet finem : excélsus et imménsus. Ibi fuérunt gigántes nomináti illi, qui ab initio fuérunt, statúra magna, sciéntes bellum. Non hos elégit Dóminus, neque viam disciplínæ invenerunt : proptérea perierunt. Et quóniam non habuérunt sapiéntiam, interierunt propter suam insipiéntiam. Quis ascéndit in cælum, et accepit eam, et edúxit eam de núbibus? Quis transfretávit mare, et invénit illam, et áttulit illam super aurum eléctum? Non est qui possit scire vias ejus, neque qui exquirat sémítas ejus : sed qui scit univérsa, novit eam, et adinvénit eam prudentia sua : qui præparávit terram in ætérno témpore, et replévit eam pecúdibus et quadrupédibus : qui emittit lumen, et vadit, et vocávit illud, et obédit illi in tremóre. Stellæ autem dedérunt lumen in custódiis suis, et lætátæ sunt : vocátæ sunt, et dixerunt : Adsumus : et luxérunt ei cum jucunditáte, qui fecit illas. Hic est Deus noster, et non æstimábitur álius advérsus eum. Hic adinvénit omnem viam disciplínæ, et trádedit illam Jacob púero suo, et Israel dilécto suo. Post hæc in terris visus est, et cum homínibus conversátus est.

Orémus. *Oratio.*

DEUS, qui nobis per Prophetárum ora præcepisti temporália relínquere, atque ad ætérna festináre : da fámulis

tuis ; ut quæ a te jussa cognóvimus, implére cœlésti inspiratióne valeámus. Per Dóminum.

Prophetia sexta. Ezech. 37.

IN diébus illis : Facta est super me manus Dómini, et edúxit me in spiritu Dómini : et dimisit me in médio campi, qui erat plenus óssibus, et circumdúxit me per ea in gyro : erant autem multa valde super fáciem campi, sícæque vehementer. Et dixit ad me : Fili hóminis, putásne vivent ossa ista? Et dixi : Dómine Deus, tu nosti. Et dixit ad me : Vaticináre de óssibus istis, et dices eis : Ossa árida, audíte verbum Dómini. Hæc dicit Dóminus Deus óssibus his : Ecce ego intromittam in vos spíritum, et vivétis. Et dabo super vos nervos, et succréscere fáciem super vos carnes, et superexténdam in vobis cutem, et dabo vobis spíritum, et vivétis, et sciétis quia ego Dóminus. Et prophetávi sicut præcéperat mihi : factus est autem sónitus, prophetánte me, et ecce commótió : et accessérunt ossa ad ossa, unumquódque ad junctúram suam. Et vidi : et ecce super ea nervi et carnes ascendérunt ; et exténta est in eis cutis désuper, et spíritum non habébant. Et dixit ad me : Vaticináre ad spíritum, vaticináre, fili hóminis, et dices ad spíritum : Hæc dicit Dóminus Deus : A quátuor ventis veni, spíritus, et insúfla super interféc tos istos, et reviviscent. Et prophetávi sicut præcéperat mihi : et ingressus est in ea spíritus, et vixérunt : steterúntque super pedes suos exércitus grandis nimis valde. Et dicit ad me : Fili hóminis, ossa hæc univérsa, domus Israel est. Ipsi dicunt : Aruéru nt ossa nostra, et périit spes nostra, et abscíssi sumus. Proptérea vaticináre, et dices ad eos : Hæc dicit Dóminus Deus : Ecce ego apériam túmulos vestros, et edúcam vos de sepúlcris vestris, pópulus meus : et indúcam vos in terram Israel. Et sciétis quia ego Dóminus, cum aperúero sepúlcravestra, et edúxero vos de túmulis vestris, pópule meus : et dédero spíritum meum in vobis, et vixéritis, et

requiescere vos faciam super humum vestram, dicit Dominus omnipotens.

Orémus. Oratio.

DÓMINE Deus virtutum, qui collápsa réparas, et reparata consérvas : auge pópulos in tui nóminis sanctificatióne renovándos ; ut omnes qui sacro baptísmate diluúntur, tua semper inspiratióne dirigántur. Per Dóminum.

His expletis, Celebrans accipit pluviale violaceum, et descendendo ad Fontem cantatur

Tractus. Ps. 41. Sicut cervus desiderat ad fontes aquárum, ita desiderat ánima mea ad te, Deus. *Ÿ.* Sitivít ánima mea ad Deum vivum : quando véniam, et apparébo ante faciém Dei? *Ÿ.* Fuérunt mihi lácrymæ meæ panes die ac nocte, dum dicitur mihi per singulos dies : Ubi est Deus tuus?

Deinde Sacerdos, antequam intret ad benedictionem Fontis, dicit :

Ÿ. Dóminus vobiscum.

Ŕ. Et cum spíritu tuo.

Orémus. Oratio.

CONCÉDE, quæsumus, omnipotens Deus : ut qui solemnitatē doni sancti Spíritus cólimus, cœléstibus desidériis accénsi, fontem vitæ sitiámus. Per Dóminum nostrum Jesum Christum Filium tuum, qui tecum vivit et régnat in unitate ejúsdem.

Deinde proceditur ad benedictionem Fontis, ut supra in Sabbato sancto. 152.

Ubi vero non fuerint Fontes, finita sexta Prophetia cum sua Oratione, Celebrans deponit casulam, et cum Ministris ante Altare procumbit : et aliis omnibus genuflexis, cantantur Litanie a duobus cantoribus in medio Chori, utroque Choro idem simul respondente. Cum autem perventum fuerit ad *Ÿ.* Peccatóres, Te rogámus, Sacerdos et Ministri surgunt, et accedentes ad Sacristiam, induuntur paramentis rubeis, et accenduntur luminaria circa Altare. In fine Litaniarum cantantur solemniter Kyrie, eléison, pro Missa, et repetuntur, ut moris est. Quo incepto, Sacerdos cum Ministris procedit

ad Altare, et facit Confessionem ; deinde ascendens illud osculatur, et incensat more solito. Finitis Kyrie, eléison, incipit solemniter Glória in excélsis Deo. Et campanæ pulsantur.

Oratio.

PRÆSTA, quæsumus, omnipotens Deus, ut claritátis tuæ super nos splendor effúlgeat : et lux tuæ lucis corda eórum qui per grátiam tuam renáti sunt, sancti Spíritus illustratióne confirmet. Per Dóminum nostrum Jesum Christum Filium tuum, qui tecum vivit et regnat in unitate ejúsdem.

Lectio Actuum Apostolorum. Cap. 19.

IN diébus illis : Factum est, cum Apóllo esset Corínthi, ut Paulus, peragrátis superióribus pártibus, veníret Ephesum, et inveníret quosdam discipulos : dixitque ad eos : Si Spiritum sanctum accepistis credéntes? At illi dixerunt ad eum : Sed neque si Spiritus sanctus est audívimus. Ille vero ait : In quo ergo baptizáti estis? Qui dixerunt : In Joánis baptísmate. Dixit autem Paulus : Joánes baptizávit baptísmo poeniténtiæ pópulum, dicens : In eum qui ventúrus esset post ipsum, ut créderent, hoc est in Jesum. His auditis, baptizáti sunt in nómine Dómini Jesu. Et cum imposuisset illis manus Paulus, venit Spíritus sanctus super eos, et loquebántur linguis, et prophetábant. Erant autem omnes viri duódecim. Introgréssus autem synagógam, cum fidúcia loquebátur per tres menses, disputans, et suádens de regno Dei.

Allelúia. *Ÿ.* Ps. 106. Confitémini Dómino, quóniam bonus : quóniam in sæculum misericórdia ejus.

Non repetitur Allelúia, sed immediate sequitur

Tractus. Ps. 116. Laudáte Dóminum, omnes gentes, et collaudáte eum, omnes pópuli. *Ÿ.* Quóniam confirmáta est super nos misericórdia ejus : et veritas Dómini manet in ætérnum.

Ad Evangelium non portantur luminaria, sed incensum tantum.



Sequéntia sancti Evangélíi secúndum Joánnem. **Cap. 14.**

IN illo témpore : Dixit Jesus discípulis suis : Si diligitis me, mandáta mea serváte. Et ego rogábo Patrem, et álium Paráclitum dabit vobis, ut máneat vobiscum in ætérnum, Spíritum veritátis, quem mundus non potest accípere, quia non videt eum nec scit eum. Vos autem cognoscétis eum : quia apud vos manébit, et in vobis erit. Non relínquam vos órphanos : véniam ad vos. Adhuc módicum, et mundus me jam non videt. Vos autem vidétis me, quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea, ille est qui diligit me. Qui autem diligit me, diligétur a Patre meo : et ego diligam eum, et manifestábo ei méipsum.

Non dicitur Credo.

Offertorium. Ps. 103. Emitte Spíritum tuum, et creabúntur, et renovábis fáciem terræ : sit glória Dómini in sæcula, allelúia.

Secreta.

MÚNERA, quæsumus, Dómine, obláta sanctifica : et corda nostra sancti Spíritus illustratióne emúnda. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

Præfatio. Qui ascéndens super omnes cælos.

Infra actionem, Communicántes, et diem sacratissimum Pentecóstes celebrántes, et Hanc igitur, ut supra post Præfationem ejusdem solemnitis.

Et dicuntur usque ad sequens Sabbatum inclusive.

Communio. Joan. 7. Ultimo festivitátis die dicebat Jesus : Qui in me credit, flúmina de ventre ejus fluent aquæ vivæ. Hoc autem dixit de Spíritu quem acceptúri erant credéntes in eum, allelúia, allelúia.

Postcommunio.

SANCTI Spíritus, Dómine, corda nostra mundet infúsió : et sui roris íntima aspersiône fecúndet. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

¶ In Missis privatis hujus Vigiliæ, omissis Prophetiis, Orationibus et Litaníis, Missa absolute incipitur ab Introitu, ut infra.

Introitus. Ezech. 36.

CUM sanctificátus fúero in vobis, congregábo vos de univérssis terris, et effúdam super vos aquam mundam, et mundabimini ab ómnibus inquinaméntis vestris : et dabo vobis spíritum novum, allelúia, allelúia. Ps. 33. Benedicam Dóminum in omni témpore : semper laus ejus in ore meo. ̎. Glória Patri. Cum sanctificátus fúero.


Deinde dicitur Kyrie, eléison, Glória in excélsis, Oratio Præsta, quæsumus, et alia ut supra.



DOMINICA PENTECOSTES

Statio ad Sanctum Petrum.

Introitus. Sap. 1.



SPIRITUS Dómini replévit orbem terrarum, allelúia : et hoc quod cón-
tinet ómnia, sciéntiam habet vocis, allelúia, al-
lelúia, allelúia. **Ps. 67.** Exsúrgat Deus, et dissi-
péntur inimici ejus : et fúgiant, qui odérunt
eum, a fácie ejus. **ŷ. Glória. Spíritus.**

Oratio.

DEUS, qui hodiérna die corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatióne gaudére. Per Dóminum... in unitáte ejúsdem.

Lectio Actuum Apostolorum. Cap. 2.

CUM compleréntur dies Pentecóstes, erant omnes discipuli páriter in eódem loco : et factus est repénite de cælo sonus tamquam adveniéntis spíritus veheméntis, et replévit totam domum ubi erant sedéntes. Et apparuérunt illis dis-
pertitæ linguæ tamquam ignis, seditque supra singulos eórum : et repléti sunt omnes Spíritu sancto, et cœpérunt lo-
qui váriis linguis, prout Spíritus sanctus dabat éloqui illis. Erant autem in Jerúsalem habitántes Judæi, viri reli-
giósi ex omni natióne quæ sub cælo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes : Nonne ecce omnes isti qui loquúntur, Galilæi sunt ?

Et quómmodo nos audivimus unusquisque linguam nostram, in qua nati sumus ? Parthi, et Medi, et Ælamitæ, et qui hábitant Mesopotámiam, Judæam et Cappadóciam, Pontum et Asiam, Phry-
giam et Pamphylia, Ægyptum et par-
tes Libyæ quæ est circa Cyrénen, et ádvenæ Románi, Judæi quoque et Pro-
sélyti. Cretes et Arabes, audivimus eos loquéntes nostris linguis magnália Dei.

Allelúia, allelúia. **ŷ. Ps. 106.** Emítte Spíritum tuum, et creabúntur : et re-
novábis fáciem terræ. Allelúia. **ŷ. (Hic genuflectitur.)** Veni, sancte Spíritus, re-
ple tuórum corda fidélium, et tui amóris in eis ignem accénde.

Sequentia.

VENI, sancte Spíritus, et emítte cæ-
litus lucis tuæ rádiu.

Veni, pater páuperum ; veni, dator
múnerum ; veni, lumen córdium.

Consolátor óptime, dulcis hospes áni-
mæ, dulce refrigériu.

In labóre réquies, in æstu tempéries,
in fletu solátium.

O lux beatíssima, reple cordis íntima
tuórum fidélium.

Sine tuo númine nihil est in hómine,
nihil est innóxiu.

Lava quod est sórdidu, riga quod est
áridu, sana quod est sauciu.

Flecte quod est rígidu, fove quod
est frígidu, rege quod est déviu.

Da tuis fidélibus, in te confidéntibus,
sacrum septenáriu.

Da virtútis méritu, da salútis éxitu,
da peréme gáudiu. Amen. Allelúia.

Et dicitur quotidie usque ad sequens
Sabbatatum inclusive.



Sequéntia sancti Evangélíi secúndum Joánnem. **Cap. 14.**

IN illo témpore : Dixit Jesus discípulis suis : Si quis diligit me, sermónem meum servábit, et Pater meus diliget eum, et ad eum veniémus, et mansiónem apud eum faciémus; qui non diligit me, sermónes meos non servat. Et sermónem quem audistis, non est meus, sed ejus qui misit me, Patris. Hæc locútus sum vobis, apud vos manens. Paráclitus autem Spíritus sanctus, quem mittet Pater in nómine meo, ille vos docebit ómnia, et sùggeret vobis ómnia quaecúmque dixeró vobis. Pacem relinquo vobis, pacem meam do vobis : non quómodo mundus dat, ego do vobis. Non turbétur cor vestrum, neque formidet. Audístis quia ego dixi vobis : Vado, et vénio ad vos. Si diligerétis me, gauderétis útique quia vado ad Patrem, quia Pater major me est. Et nunc dixi vobis priúsqvam fiat, ut eum factum fúerit, credátis. Jam non multa loquar vobiscum. Venit enim princeps mundi hujus, et in me non habet quidquam. Sed ut cognóscat mundus quia dñigo Patrem, et sicut mandátum dedit mihi Pater, sic fácio. Credo.

Offertorium. Ps. 67. Confirma hoc, Deus, quod operátus es in nobis : a templo tuo quod est in Jerúsalem, tibi offerent reges múnera, alleluía.

Secreta.

MÚNERA, quæsumus, Dómine, oblata sanctifica, et corda nostra sancti Spíritus illustratióne emúnda. Per Dóminum nostrum... in unitáte ejúsdem.

Prefatio. Qui ascéndens, Communiántes, et Hanc igitur, ut supra.

Communio. Act. 2. Factus est repénite de cœlo sonus tamquam adveniéntis spíritus veheméntis, ubi erant sedéntes, alleluía : et repléti sunt omnes Spíritu sancto, loquéntes magnália Dei, alleluía, alleluía.

Postcommunio.

SANCTI Spíritus, Dómine, corda nostra mundet infúsis, et sui roris íntima aspersione fecúndet. Per Dóminum no-

strum Jesum Christum Filium tuum, qui tecum vivit et regnat in unitáte ejúsdem.

Infra Octavam Pentecostes non fit de aliquo Festo duplici vel semiduplici, sed post Octavam celebrantur : de Simplici occurrente post triduum fit Commemoratio tantum.

FERIA SECUNDA

POST PENTECOSTEN

Statio ad Sanctum Petrum ad Vincula.

Introitus. Ps. 80.

CIBÁVIT eos ex ádipe fruménti, alleluía : et de petra melle saturávit eos, alleluía, alleluía. Ps. Exultáte Deo adjutóri nostro : jubilate Deo Jacob. ȳ. Glória Patri. Cibávit.

Oratio.

DEUS, qui Apóstolis tuis sanctum dedisti Spíritum : concéde plebi tuæ piæ petitiónis efféctum; ut quibus dedisti fidem, largiáris et pacem. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.


Lectio Actuum Apostolorum. Cap. 10.

IN diébus illis : Apériens Petrus os suum, dixit : Viri fratres, nobis præcépit Dóminus prædicáre pópulo, et testificári quia ipse est qui constitútus est a Deo iudex vivórum et mortuórum. Huic omnes Prophétæ testimónium pérhibent, remissionem peccatórum accipere per nomen ejus omnes qui credunt in eum. Adhuc loquente Petro verba hæc, cecidit Spíritus sanctus super omnes qui audiébant verbum. Et obstupuérunť ex circumcisióne fidéles qui vénerant cum Petro : quia et in nátiónes grátia Spíritus sancti effúsa est. Audiébant enim illos loquéntes linguis, et magnificántes Deum. Tunc respóndit Petrus : Numquid aquam quis prohibére potest, ut non baptizéntur hi qui Spíritum sanctum acceperunt sicut et nos? Et jussit eos baptizári in nómine Dómini Jesu Christi.

Alleluía, alleluía. ȳ. Act. 2. Loquebantur váriis linguis Apóstoli magnália Dei. Alleluía. ȳ. (Hic genuflecti-

tur.) Veni, sancte Spíritus, reple tuórum corda fidélium, et tui amóris in eis ignem accénde.

Sequentia Veni, sancte Spíritus. 241.

 Sequéntia sancti Evangélii secúndum Joánnem. **Cap. 3.**

In illo témpore : Dixit Jesus Nicodémo : Sic Deus diléxit mundum, ut Filium suum unigénitum daret : ut omnis qui credit in eum, non péreat, sed hábeat vitam aetérnam. Non enim misit Deus Filium suum in mundum, et diléxerunt homínes magis ténebras quam lucem : erant enim eórum mala ópera. Omnis enim qui male agit, odit lucem, et non venit ad lucem, ut non arguántur ópera ejus : qui autem facit veritátem, venit ad lucem, ut manifesténtur ópera ejus, quia in Deo sunt facta. **Credo.**

Offertorium. Ps. 17. Intónuit de cælo Dóminus, et Altíssimus dedit vocem suam, et apparuerunt fontes aquárum, allelúia.

Secreta.

PROPÍTIUS, Dómine, quæsumus, hæc dona sanctifica : et hóstiæ spiritalis oblatióne suscepta, nosmetipsos tibi pèrfice munus aetérnum. Per Dóminum.

Communio. Joan. 14. Spíritus sanctus docébit vos, allelúia, quæcúmque dixeró vobis, allelúia, allelúia.

Postcommunio.

ADÉSTO, quæsumus, Dómine, pópulo tuo : et quem mystériis cælestibus imbuisti, ab hóstium furóre defénde. Per Dóminum.

FERIA TERTIA

POST PENTECOSTEN

Statio ad Sanctam Anastasiam.

Introitus. IV Esdr. 2.

ACCÍPITE jucunditátem glóriæ vestræ, allelúia : grátias ágéntes Deo, allelúia : qui vos ad cælestia

regna vocávit, allelúia, allelúia, allelúia. **Ps. 77.** Atténdite, pópule meus, legem meam : inclináte aurem vestram in verba oris mei. **ŷ. Glória Patri. Accípite.**

Oratio.


ADSIT nobis, quæsumus, Dómine, virtus Spíritus sancti : quæ et corda nostra cleménter expúrget, et ab ómnibus tueátur advérsis. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

Lectio Actuum Apostolórum. Cap. 8.

In diébus illis : Cum audissent Apóstoli, qui erant Jerosólymis, quod recepisset Samaría verbum Dei, misérunt ad eos Petrum et Joánnem. Qui cum venissent, oravérunt pro ipsis ut acciperent Spíritum sanctum : nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiebant Spíritum sanctum.

Allelúia, allelúia. **ŷ. Joan. 14.** Spíritus sanctus docébit vos quæcúmque dixeró vobis. Allelúia. **ŷ. (Hic genuflectitur.)** Veni, sancte Spíritus, reple tuórum corda fidélium, et tui amóris in eis ignem accénde.

Sequentia Veni, sancte Spíritus. 241.

 Sequéntia sancti Evangélii secúndum Joánnem. **Cap. 10.**

In illo témpore : Dixit Jesus pharisæis : Amen, amen dico vobis, qui non intrat per óstium in ovile óvium, sed ascendit aliúnde, ille fur est et latro. Qui autem intrat per óstium, pastor est óvium. Huic ostiárius áperit, et oves vocem ejus áudiunt, et próprias oves vocat nominátim, et edúcit eas. Et cum próprias oves emisit, ante eas vadit : et oves illum sequúntur, quia sciunt vocem ejus. Aliénium autem non sequúntur, sed fúgiunt ab eo, quia non novérunt vocem alienórum. Hoc provérbium dixit eis Jesus. Illi autem non cognovérunt quid loquerétur eis. Dixit ergo eis iterum Jesus : Amen, amen dico vobis, quia ego sum óstium óvium. Omnes quotquot venérunt, fures sunt, et latrónes, et non audierunt eos oves. Ego

sum óstium. Per me si quis introierit, salvabitur, et ingrediétur, et egrediétur, et páscoa invéniet. Fur non venit nisi ut furétur, et mactet, et perdat. Ego veni ut vitam hábeant, et abundántius hábeant. Credo.

Offertorium. Ps. 77. Portas cœli apéruit Dóminus, et pluit illis manna, ut éderent: panem cœli dedit eis, panem Angelórum manducávit homo, allelúia.

Secreta.

PURIFICET nos, quæsumus, Dómine, múnis præséntis oblátio, et dignos sacra participatióne efficiat. Per.

Communio. Joan. 13, 16 et 17. Spíritus, qui a Patre procédit, allelúia, ille me clarificábit, allelúia, allelúia.

Postcommunio.

MENTES nostras, quæsumus, Dómine, Spíritus sanctus divinis réparet sacraméntis: quia ipse est remissio ómnium peccatórum. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

FERIA QUARTA

QUATUOR TEMPORUM PENTECOSTES

Statio ad Sanctam Mariam Majorem.

Introitus. Ps. 67.

DEUS, dum egredereris coram pópulo tuo, iter faciens eis, hábitans in illis, allelúia: terra mota est. cœli distillavérunt, allelúia, allelúia. Ps. Exsúrgat Deus, et dissipéntur inimici ejus: et fúgiant, qui odérunt eum, a facie ejus. **Ÿ.** Glória Patri. Deus.

Post Kyrie, eléison, dicitur Orémus, et non dicitur Flectámus genua.

Oratio.

MENTES nostras, quæsumus, Dómine, Paráclitus, qui a te procédit, illúminet: et indúcat in omnem, sicut tuus promísit Filius, veritátem. Qui tecum vivit et regnat in unitáte ejúsdem.

Lectio Actuum Apostolorum. Cap. 2.

IN diébus illis: Stans Petrus cum Undecim, levávit vocem suam, et locútus est eis: Viri Judæi, et qui habitátis Jerúsalem univérsi, hoc vobis notum sit, et áuribus percípíte verba mea. Non

enim sicut vos aestimátis, hi ébrii sunt, cum sit hora diéi tértia: sed hoc est quod dictum est per Prophétam Joel: Et erit: In novíssimis diébus (dicit Dóminus) effúdam de Spíritu meo super omnem carnem: et prophetábunt filii vestri et filiae vestrae, et júvenes vestri visiões vidébunt, et senióres vestri sómnia somniábunt. Et quidem super servos meos et super ancillas meas in diébus illis effúdam de Spíritu meo, et prophetábunt: et dabo prodigia in cœlo sursum, et signa in terra deórsum, sánguinem, et ignem, et vapórem fumi. Sol convertétur in ténebras, et luna in sánguinem, ántequam véniat dies Dómini magnus et manifestus. Et erit: Omnis quicúmque invocáverit nomen Dómini, salvus erit.

Allelúia. **Ÿ.** Ps. 32. Verbo Dómini cœli firmáti sunt, et spíritu oris ejus omnis virtus eórum.

Hic dicitur Gloria in excelsis, et postea Dóminus vobíseum.

Oratio.

PRÆSTA, quæsumus, omnipotens et miséricors Deus: ut Spíritus sanctus advéniens, templum nos glóriæ suæ dignánte inhabitándo perficiat. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

¶ Ab hac die usque ad Sabbatum sequens inclusive, post Orationem diéi dicitur Oratio Ecclesiæ, vel pro Papa. 1*.

Occurrente Festo simplici, omittitur Oratio Ecclesiæ tuæ, vel pro Papa.

Lectio Actuum Apostolorum. Cap. 3.

IN diébus illis: Per manus autem Apostolorum fiebant signa et prodigia multa in plebe. Et erant unanimiter omnes in pórticu Salomónis. Cæterórum autem nemo audébat se conjúgere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejicerent infirmos, et pónèrent in lectulis ac grabátis, ut, veniente Petro, saltem umbra illius obumbráret quemquam illórum, et liberaréntur ab

infirmatibus suis. Concurrébat autem et multitúdo vicinárum civitátum Jerúsalem, afferéntes aegros et vexátos a spirítibus immúndis, qui curabántur omnes.

Allelúia, allelúia. *ŷ.* (Hic genuflectitur.) Veni, sancte Spíritus, reple tuórum corda fidélium, et tui amóris in eis ignem accénde.

Sequentia Veni, sancte Spíritus. 241.



Sequentía sancti Evangélíi secúndum Joánnem. *Cap. 6.*

In illo témpore : Dixit Jesus turbis Judæórum : Nemo potest veníre ad me, nisi Pater, qui misit me, tráxerit eum : et ego resuscitábo eum in novíssimo die. Est scriptum in Prophétis : Et erunt omnes docíbiles Dei. Omnis qui audívit a Patre, et dídicit, venit ad me. Non quia Patrem vidit quisquam, nisi is qui est a Deo, hic vidit Patrem. Amen, amen dico vobis, qui credit in me, habet vitam ætérnam. Ego sum panis vitæ. Patres vestri manducavérunt manna in desérto, et mórtui sunt. Hic est panis de cœlo descéndens : ut si quis ex ipso manducáverit, non moriátur. Ego sum panis vivus, qui de cœlo descendi. Si quis manducáverit ex hoc pane, vivet in ætérnum : et panis quem ego dabo, caro mea est pro mundi vita. Credo.

Offertorium. Ps. 118. Meditábor in mandátis tuis, quæ diléxi valde : et levábo manus meas ad mandáta tua, quæ diléxi, allelúia.

Secreta.

ACCIPE, quæsumus, Dómine, munus oblátum : et dignánte operáre, ut quod mystériis ágimus, piis efféctibus celebrémus. Per Dóminum.

Alia Secreta. Protége, *vel* Oblátis. 2*.

Communio. Joan. 14. Pacem relínquo vobis, allelúia; pacem meam do vobis, allelúia, allelúia.

Postcommunio.

SUMÉNTES, Dómine, cœlestia sacraménta, quæsumus cleméntiam tuam : ut quod temporáliter gérimus, ætérnis gaudiis consequámur. Per Dóminum nostrum.

Alia Postcommunio. Quæsumus, *vel* Hæc nos. 2*.

FERIA QUINTA

POST PENTECOSTEN

Statio ad Sanctum Laurentium extra muros.

Introitus. Sap. 1.

SPIRITUS Dómini replévit orbem terrárum, allelúia : et hoc quod cón-tinet ómnia, sciéntiam habet vocis, allelúia, allelúia, allelúia. Ps. 67. Exsúrgat Deus, et dissipéntur inimíci ejus : et fúgiant, qui odérunt eum, a fácie ejus. *ŷ.* Glória Patri. Spíritus.

Oratio.

DEUS, qui hodiérna die corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatiónē gaudére. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

Alia Oratio. Ecclésiæ, *vel* Deus, ómnium. 1*.

Lectio Actuum Apostolorum. *Cap. 8.*

In diébus illis : Philíppus descéndens in civitátem Samariæ, prædicábat illis Christum. Intendébant autem turbæ his quæ a Philíppo dicebántur, unánimiter audiéntes, et vidéntes signa quæ faciébant. Multi enim eórum qui habébant spirítus immúndos, clamántes voce magna exhibant. Multi autem paralytici et claudi curátí sunt. Factum est ergo gáudium magnum in illa civitáte.

Allelúia, allelúia. *ŷ.* Ps. 103. Emitte Spíritum tuum, et creabúntur : et renovábis faciém terræ. Allelúia. *ŷ.* (Hic genuflectitur.) Veni, sancte Spíritus, reple tuórum corda fidélium, et tui amóris in eis ignem accénde.

Sequentia Veni, sancte Spíritus. 241.



Sequentía sancti Evangélíi secúndum Lucam. *Cap. 9.*

In illo témpore : Convocátis Jesus duódecim Apóstolis, dedit illis virtútem et potestátem super ómnia dæmónia, et ut languóres curárent. Et misit illos prædicáre regnum Dei, et sanáre infir-

mos. Et ait ad illos : Nihil tulérítis in via, neque virgam, neque peram, neque puenem, neque pecúniám, neque duas túnicas habeátis. Et in quancúmque domum intravérítis, ibi manéte, et inde ne exeátis. Et quicúmque non recéperint vos, exeúntes de civitaté illa, étiam púlverem pedum vestrórum excútite in testimonium supra illos. Egréssi autem circuibant per castélla, evangelizáutes et curántes ubique. Credo.

Offertorium. Ps. 67. Confirma hoc, Deus, quod operátus es in nobis : a templo tuo, quod est in Jerúsalem, tibi offerrent reges múnera, allelúia.

Secreta.

MÚNERA, quæsumus, Dómine, oblata sanctifica, et corda nostra sancti Spíritus illustratióne emúnda. Per Dóminum nostrum Jesum Christum Filium tuum, qui tecum vivit et regnat in unitate ejúsdem.

Alia Secreta, Prótege, vel Oblátis. 2*.

Communio. Act. 2. Factus est repénite de cælo sonus tamquam adveniéntis spíritus veheméntis, ubi erant sedéntes, allelúia : et repléti sunt omnes Spíritu sancto, loquéntes magnália Dei, allelúia, allelúia.

Postcommunio.

SANCTI Spíritus, Dómine, corda nostra mundet infúsió : et sui roris íntima aspersiõe fecúndet. Per Dóminum nostrum Jesum Christum Filium tuum, qui tecum vivit et regnat in unitate ejúsdem.

Alia Postcommunio, Quæsumus, vel Hæc nos. 2*.

FERIA SEXTA

QUATUOR TEMPORUM PENTECOSTES

Statio ad SS. Duodecim Apostolos.

Introitus. Ps. 70.

REPLÉATUR OS meum laude tua, allelúia : ut possim cantáre, allelúia : gaudébunt lábia mea, dum cantávero tibi, allelúia, allelúia. **Ps.** In te, Dómine, sperávi, non confundar in ætérnum : in justitia tua libera me, et éripe me. **ŷ.** Glória Patri. Repléatur.

Oratio.

DA, quæsumus, Ecclésiæ tuæ, miséricors Deus : ut sancto Spíritu congregáta, hostíli nullátenuis incursiõe turbétur. Per Dóminum nostrum Jesum Christum Filium tuum, qui tecum vivit et regnat in unitate ejúsdem.

Alia Oratio, Ecclésiæ tuæ, vel Deus, omnium. 1*.

Lectio Joélis Prophætæ. Cap. 2.

HÆC dicit Dóminus Deus : Exsultáte, filii Sion, et lætámini in Dómino Deo vestro : quia dedit vobis doctórem justitiæ, et descendere faciet ad vos imbrem matutínium et serótinum, sicut in princípío. Et implebúntur áreæ fruménto, et redundábunt torcularia vino et óleo. Et comedétis vescéntes, et saturabímmini : et laudábitis nomen Dómini Dei vestri, qui fecit mirabília vobíscum : et non confundétur pópulus meus in sempitérnum. Et sciétis quia in médio Israel ego sum : et ego Dóminus Deus vester, et non est ámplius : et non confundétur pópulus meus in ætérnum : ait Dóminus omnipotens.

Allelúia, allelúia. **ŷ. Sap. 12.** O quam bonus et suávis est, Dómine, Spíritus tuus in nobis ! Allelúia. **ŷ. (Hic genuflectitur.)** Veni, sancte Spíritus, reple tuórum corda fidélium, et tui amóris in eis ignem accénde.

Sequentia Veni, sancte Spíritus. 241.

ŷ. Sequentia sancti Evangélii secúndum Lucam. **Cap. 5.**

IN illo témpore : Factum est in una díe-rum, et Jesus sedébat docens. Et erant pharisæi sedéntes, et legis doctóres, qui vénerant ex omni castélló Galilææ, et Judææ, et Jerúsalem : et virtus Dómini erat ad sanándum eos. Ét ecce viri portántes in lecto hóminem qui erat paralyticus : et quærébant eum inférre, et pónere ante eum. Et non inveniéntes qua parte illum inférrent præ turba, ascendérunt supra tectum, et per tégulas summisérunt eum cum lecto in médium ante Jesum. Quorum fidem ut vidit, dixit : Homo, remittúntur tibi peccáta tua. Et cœpérunt cogitare scribæ et pha-

risaei, dicentes : Quis est hic, qui loquitur blasphemias? Quis potest dimittere peccata, nisi solus Deus? Ut cognovit autem Jesus cogitationes eorum, respondens dixit ad illos : Quid cogitatis in cordibus vestris? Quid est facilius, dicere : Dimittuntur tibi peccata; an dicere : Surge, et ambula? Ut autem sciatis quia Filius hominis habet potestatem in terra dimittendi peccata (ait paralytico) : Tibi dico, surge, tolle lectum tuum, et vade in domum tuam. Et confestim consurgens coram illis, tulit lectum in quo jacebat : et abiit in domum suam, magnificans Deum : et stupor apprehendit omnes, et magnificabant Deum. Et repleti sunt timore, dicentes : Quia vidimus mirabilia hodie. Credo.

Offertorium. Ps. 143. Lauda, anima mea, Dominum : laudabo Dominum in vita mea : psallam Deo meo quamdiu ero, alleluia.

Secreta.

SACRIFICIA, Domine, tuis oblata conspectibus, ignis ille divinus absumat, qui discipulorum Christi Filii tui per Spiritum sanctum corda succendit. Per eundem Dominum nostrum Jesum Christum Filium tuum, qui tecum vivit et regnat in unitate ejusdem.

Alia Secreta, Prötege, vel Oblatis. 2*.

Communio. Joan. 14. Non vos relinquam orphanos : veniam ad vos iterum, alleluia : et gaudébit cor vestrum, alleluia.

Postcommunio.

SUMPSIMUS, Domine, sacri dona mysterii, humiliter deprecantes : ut quae in tui commemorationem nos facere praecepisti, in nostrae proficiant infirmitatis auxilium. Qui vivis.

Alia Postcommunio, Quaesumus, vel Hæc nos. 2*.

SABBATO

QUATUOR TEMPORUM PENTECOSTES

Statio ad Sanctum Petrum.

Introitus. Rom. 5.

CHARITAS Dei diffusa est in cordibus nostris, alleluia, per inhabitantem Spiritum ejus in nobis, alleluia,

alleluia. **Ps. 102.** Benedic, anima mea, Domino : et omnia quae intra me sunt, nomini sancto ejus. **Ÿ. Glória Patri. Cháritas Dei.**

Post Kyrie, eléison, dicitur Orémus tantum, sine Flectamus genua, et similiter ad Oraciones sequentes.

Oratio.

MENTIBUS nostris, quæsumus, Domine, Spiritum sanctum benignus infunde : ejus et sapientia conditi sumus, et providentia gubernamur. Per Dominum nostrum Jesum Christum Filium tuum, qui tecum vivit et regnat in unitate ejusdem.

Lectio Joëlis Prophætæ. Cap. 2.

HÆC dicit Dominus Deus : Effundam Spiritum meum super omnem carnem : et prophetabunt filii vestri et filiae vestrae : senes vestri somnia somniabunt, et juvenes vestri visiones videbunt. Sed et super servos meos et ancillas in diebus illis effundam Spiritum meum. Et dabo prodigia in caelo et in terra, sanguinem, et ignem, et vaporem fumi. Sol convertetur in tenebras, et luna in sanguinem, antequam veniat dies Domini magnus et horribilis. Et erit : Omnis qui invocaverit nomen Domini, salvus erit.

Alleluia. Ÿ. Joan. 6. Spiritus est qui vivificat; caro autem non prodest quidquam.

Orémus. Oratio.

ILLO nos igne, quæsumus, Domine, Spiritus sanctus inflamet, quem Dominus noster Jesus Christus misit in terram, et voluit vehementer accendi. Qui tecum vivit et regnat in unitate ejusdem.

Lectio libri Levitici. Cap. 23.

IN diebus illis : Locutus est Dominus ad Moysen, dicens : Loquere filiis Israel, et dices ad eos : Cum ingressi fueritis terram quam ego dabo vobis, et messueritis segetem, feretis manipulos spicarum, primitias messis vestrae, ad sacerdotem : qui elevabit fasciculum coram Domino, ut acceptabile sit pro vobis, altero die sabbati, et sanctificabit illum. Numerabitis ergo ab altero die sabbati, in quo obtulistis manipulum primitia-

rum, septem hebdomadas plenas, usque ad alteram diem expletionis hebdomadae septimae, id est, quinquaginta dies : et sic offeretis sacrificium novum Domino ex omnibus habitaculis vestris, panes primitiarum duos de duabus decimis similae fermentatae, quos coquetis in primitias Domini. Et vocabitis hunc diem celeberrimum atque sanctissimum : omne opus servile non facietis in eo. Legitimum sempiternum erit in cunctis habitaculis et generationibus vestris : dicit Dominus omnipotens.

Allelúia. *ŷ. Job. 26.* Spiritus ejus ornávit caelos.

Orémus. *Oratio.*

DEUS, qui ad animarum medelam jejuni devotione castigari corpora praecepisti : concede nobis propitius, et mente et corpore tibi semper esse devotos. Per Dominum.

Lectio libri Deuteronomii. *Cap. 26.*

In diebus illis : Dixit Moyses filiis Israel : Audi, Israel, quae ego praecipio tibi hodie. Cum intraveris terram quam Dominus Deus tuus tibi daturus est possidendam, et obtinueris eam, atque habitaveris in ea, tolles de cunctis frugibus tuis primitias, et pones in cartallo, pergesque ad locum quem Dominus Deus tuus elegerit, ut ibi invocetur nomen ejus : accedesque ad sacerdotem qui fuerit in diebus illis, et dices ad eum : Profiteor hodie coram Domino Deo tuo, qui exaudivit nos, et respexit humilitatem nostram, et laborem atque angustiam : et eduxit nos de Aegypto in manu forti et brachio extento, in ingenti pavore, in signis atque portentis : et introduxit ad locum istum, et tradidit nobis terram lacte et melle manantem. Et idcirco nunc offero primitias frugum terrae quam Dominus dedit mihi. Et dimittes eas in conspectu Domini Dei tui, et adorato Domino Deo tuo. Et epulaberis in omnibus bonis quae Dominus Deus tuus dederit tibi.

Allelúia. *ŷ. Act. 2.* Cum complerentur dies Pentecostes, erant omnes pariter sedentes.

Orémus. *Oratio.*

PRAESTA, quaesumus, omnipotens Deus : ut salutaribus jejuniis eruditi, ab omnibus etiam vitiis abstinentes, propitiationem tuam facilius impetremus. Per Dominum.

Lectio libri Levitici. *Cap. 26.*

In diebus illis : Dixit Dominus ad Moysen : Loquere filiis Israel, et dices ad eos : Si in praecceptis meis ambulaveritis, et mandata mea custodieritis, et feceritis ea, dabo vobis pluvias temporibus suis, et terra gignet germen suum, et pomis arbores replebuntur. Apprehendet messium trituram vindemiam, et vindemia occupabit sementem : et comedetis panem vestrum in saturitate, et absque pavore habitabitis in terra vestra. Dabo pacem in finibus vestris : dormietis, et non erit qui exterreat. Auferam malas bestias : et gladius non transibit terminos vestros. Persequemini inimicos vestros, et corruent coram vobis. Persequentur quinque de vestris centum alienos, et centum de vobis decem millia : cadent inimici vestri gladio in conspectu vestro. Respiciam vos, et crescere faciam : multiplicabimini, et firmabo pactum meum vobiscum. Comedetis vetustissima veterum, et vetera novis superveniéntibus projicietis. Ponam tabernaculum meum in medio vestri, et non abjiciet vos anima mea. Ambulabo inter vos, et ero Deus vester, vosque eritis populus meus : dicit Dominus omnipotens.

Allelúia. *ŷ. (Hic genuflectitur.)* Veni, sancte Spiritus, reple tuorum corda fidelium, et tui amoris in eis ignem accende.

Orémus. *Oratio.*

PRAESTA, quaesumus, omnipotens Deus : sic nos ab epulis carnalibus abstinere : ut a vitiis irruentibus pariter jejunemus. Per Dominum.

Lectio Danielis Prophetae. *Cap. 3.*

In diebus illis : Angelus Domini descendit cum Azaria et sociis ejus in fornacem : et excussit flammam ignis de fornace, et fecit medium fornacis quasi

ventum roris flantem. Flamma autem effundebatur super fornacem cūbitis quadraginta novem : et erūpit, et incēdit quos reperit juxta fornacem de Chaldæis ministros regis, qui eam incendebant. Et non tēgīt eos omnino ignis, neque contristāvit, nec quidquam molēstiae intulit. Tunc hi tres quasi ex uno ore laudābant, et glorificābant, et benedicēbant Deum in fornace, dicētes.

Hic non respondetur Deo grātias.

Allelūia. *ŷ. Ibid.* Benedictus es, Dōmine Deus patrum nostrōrum, et laudābilis in sæcula.

Finito Versu, dicitur Glōria in excelsis, deinde ŷ. Dōminus vobiscum. ŷ. Et cum spūitu tuo.

Orémus. Oratio.

DEUS, qui tribus pūeris mitigāsti flamas ignium : concēde propitiū ; ut nos fāmulos tuos non exūrat flamma vitiōrum. Per Dōminum.

Alia Oratio. Ecclēsiæ, vel Deus, omnium. 1.*

Lēctio Epistolæ beāti Pauli Apōstoli ad Romānos. *Cap. 5.*

FRATRES, Justificāti ex fide, pacem habeamus ad Deum per Dōminum nostrum Jesum Christum, per quem et habemus accēssum per fidem in grātiā istam, in qua stamus, et gloriāmur in spe glōriæ filiōrum Dei. Non solum autem, sed et gloriāmur in tribulatiōibus : sciētes quod tribulatiō patiētiā operātur : patiētiā autem probatiōnem, probatiō vero spem ; spes autem non confūdit : quia chāritas Dei diffūsa est in cōrdibus nostris per Spūitum sanctum, qui datus est nobis.

Tractus. Ps. 116. Laudāte Dōminum, omnes gentes : et collaudāte eum, omnes pōpuli. *ŷ.* Quōniam confirmāta est super nos misericōrdia ejus : et vēritas Dōmini manet in ætērnū.

Sequentia Veni, sancte Spūitus. 241, sine Allelūia in fine.



Sequentia sancti Evangelii secundum Lucam. *Cap. 4.*

IN illo tēpore : Surgens Jesus de synagōga, introivit in domum Simōnis. Socrus autem Simōnis tenebatur magnis febribus : et rogaverunt illum pro ea. Et stans super illam, imperāvit febrī : et dimisit illam. Et continuo surgens, ministrābat illis. Cum autem sol occidisset, omnes qui habebant infirmos variis languoribus, ducēbant illos ad eum. At ille singulis manus impōnens, curābat eos. Exibant autem dæmōnia a multis, clamāntia et dicētia : Quia tu es Filius Dei : et increpans, non sinēbat ea loqui : quia sciēbant ipsum esse Christum. Facta autem die, egrēssus ibat in desērtum locum, et turbæ requirebant eum, et venērunt usque ad ipsum : et detinēbant illum, ne discēderet ab eis. Quibus ille ait : Quia et aliis civitatibus opōrtet me evangelizāre regnum Dei : quia ideo missus sum. Et erat prædicans in synagōgis Galilææ. *Credo.*

Offertorium. Ps. 87. Dōmine Deus salutis meæ, in die clamāvi, et nocte coram te : intret oratiō mea in conspēctu tuo, Dōmine, allelūia.

Secreta.

UT accēpta tibi sint, Dōmine, nostra jejūnia, præsta nobis, quæsumus, hujus mūnere sacramēti purificātum tibi pectus offērrē. Per Dōminum.

Alia Secreta. Prōtege, vel Oblātis. 2.*

Communio. Joan. 3. Spūitus ubi vult, spirat, et vocem ejus audis, allelūia, allelūia : sed nescis unde veniat, aut quo vadat, allelūia, allelūia, allelūia.

Postcommunio.

PRÆBEANT nobis, Dōmine, divinum tua sancta fervōrem : quo eōrum pāriter et actu delectēmur, et fructu. Per.

Alia Postcommunio, Quæsumus, vel Hæc nos. 2.*

Post Missam expirat Tempus Paschale.



IN FESTO SS. TRINITATIS



Introitus. Tob. 12.

BENEDICTA sit sancta Trinitas, atque indivisa Unitas : confitebimur ei, quia fecit nobiscum misericordiam suam. Ps. 8. Dómine Dóminus noster, quam admirabile est nomen tuum in univérſa terra! *ŷ.* Glória. Benedicta.

Oratio.

OMNIPOTENS sempitérne Deus, qui edísti fámulis tuis in confessióne veræ fidei æternæ Trinitátis glóriam agnóscere, et in poténtia majestátis adoráre unitátem : quæsumus; ut ejusdem fidei firmitáte, ab ómnibus semper muniámur advérsis. Per Dóminum.

Deinde fit Commem. Dom. I post Pentecosten, ut in Missa seq. 251.

Lectio Epistolæ beáti Pauli Apóstoli ad Romános. Cap. 11.

O ALTITÚDO divitiárum sapiéntiæ et sciéntiæ Dei! Quam incomprehensibília sunt judícia ejus, et investigábiles viæ ejus! Quis enim cognóvit sensum Dómini? Aut quis consiliárius ejus fuit? Aut quis prior dedit illi, et retribuétur ei? Quóniam ex ipso, et per ipsum, et in ipso sunt ómnia : ipsi glória in sæcula. Amen.

Graduale. Dan. 3. Benedictus es, Dómine, qui intuéris abyssos, et sedes super Chérubim. *ŷ.* Benedictus es, Dómine, in firmaménto cœli, et laudábilis in sæcula.

Allelúia, allelúia. *ŷ.* Benedictus es, Dómine Deus patrum nostrórum, et laudábilis in sæcula. Allelúia.



Sequéntia sancti Evangélii secundum Matthæum. Cap. 24.

IN illo témpore : Dixit Jesus discipulis suis : Data est mihi omnis potéstas in cœlo et in terra. Eúntes ergo docéte omnes gentes, baptizántes eos in nómine Patris, et Filii, et Spíritus sancti : docétes eos serváre ómnia quæcúmque mandávi vobis. Et ecce ego vobiscum sum ómnibus diébus, usque ad consummationem sæculi.

Credo.

Offertorium. Tob. 12. Benedictus sit Deus Pater, unigenítusque Dei Filius, sanctus quoque Spíritus : quia fecit nobiscum misericórdiam suam.

Secreta.

SANCTIFICA, quæsumus, Dómine Deus noster, per tui sancti nóminis invocationem, hujus oblatiónis hóstiam : et per eam nosmetipsos tibi pérſice munus ætérnum. Per Dóminum.

Pro Dominica Hóstias nostras, infra. 252.

Præfatio. Qui cum unigénito Filio tuo.

Communio. Tob. 12. Benedicimus Deum cœli, et coram ómnibus vivéntibus confitebimur ei : quia fecit nobiscum misericórdiam suam.

Postcommunio.

PROFICIAT nobis ad salutem córporis et animæ, Dómine Deus noster, hujus sacraménti susceptio : et sempiternæ sanctæ Trinitátis, ejusdémque individue unitátis conféssio. Per Dóminum nostrum.

Pro Dominica Tantis, infra. 252.

In fine Missæ legitur Evangelium Dominicæ, ut infra. 251.

DOMINICA PRIMA

POST PENTECOSTEN

Introitus. Ps. 12.

DÓMINE, in tua misericórdia sperávi : exsultávit cor meum in salutári tuo : cantábo Dómino, qui bona tribuit mihi. **Ps.** Usquequo, Dómine, oblivísceris me in finem? úsquequo avértis fáciem tuam a me? **Ÿ.** Glória Patri. Dómine.

Oratio.

DEUS, in te sperántium fortitúdo, adésto propítius invocatióibus nostris : et quia sine te nihil potest mortális infirmitas, præsta auxiliúm grátiae tuæ ; ut in exsequéndis mandátis tuis, et voluntáte tibi et actiõe placeámus. Per Dóminum.

Alia Oratio, A cunctis. 36*.

Et dicitur in Missis tam de Tempore quam de Sanctis usque ad Adventum, nisi sit Duplex, vel infra Octavam. Tertia vero Oratio dicatur ad libitum Sacerdotis.

Léctio Epistolæ beáti Joánnis Apóstoli.

I Joan. 4.

CHARÍSSIMI, Deus cháritas est. In hoc appáruit cháritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est cháritas : non quasi nós dilexérinus Deum, sed quóniam ipse prior diléxit nos, et misit Fílium suum propitiatióem pro peccátis nostris. Charíssimi, si sic Deus diléxit nos, et nos debémus altérutrum diligere. Deum nemo vidit umquam. Si diligámus invicem, Deus in nobis manet, et cháritas ejus in nobis perfécta est. In hoc cognóscimus quóniam in eo manémus, et ipse in nobis, quóniam de Spíritu suo dedit nobis. Et nos vidimus, et testificámur quóniam Pater misit Fílium suum Salvátorem mundi. Quisquis conféssus fúerit quóniam Jesus est Filius Dei, Deus in eo manet, et ipse in Deo. Et nos cognóvimus, et credidimus charitatí quam habet Deus in nobis. Deus cháritas est : et qui manet in charitaté, in Deo ma-

net, et Deus in eo. In hoc perfécta est cháritas Dei nobiscum, ut fidúciám habéamus in die judicii : quia sicut ille est, et nos sumus in hoc mundo. Timor non est in charitaté : sed perfécta cháritas foras mittit timórem, quóniam timor penam habet. Qui autem timet, non est perféctus in charitaté. Nos ergo diligámus Deum, quóniam Deus prior diléxit nos. Si quis díxerit, quóniam diligo Deum, et fratrem suum óderit, mendax est. Qui enim non diligit fratrem suum, quem videt, Deum, quem non videt, quómodo potest diligere? Et hoc mandátum habémus a Deo, ut qui diligit Deum, diligit et fratrem suum.

Graduale. Ps. 40. Ego dixi : Dómine, miserére mei : sana ánimam meam, quia peccávi tibi. **Ÿ.** Beátus qui intéllegit super egénium et páuperem : in die mala liberábit eum Dóminus.

Allelúia, allelúia. **Ÿ. Ps. 5.** Verba mea áuribus pércipe, Dómine : intéllege clamórem meum. Allelúia.



Sequéntia sancti Evangélii secúndum Lucam. **Cap. 6.**

IN illo témpore : Dixit Jesus discípulis suis : Estóte misericórdes, sicut et Pater vester miséricors est. Nolíte judicáre, et non judicabímmini : nolíte condemnáre, et non condemnabímmini. Dimittite, et dimittémmini. Date, et dabitur vobis : mensúram bonam, et confértam, et coagítatam, et supereffluéntem dabunt in sinum vestrum. Eádem quippe mensúra qua mensi fuéritis, remetietur vobis. Dicébat autem illis et similitúdinem : Numquid potest cæcus cæcum dúcere? nonne ambo in fóveam cadunt? Non est discípulus super magistrum : perféctus autem omnis erit, si sit sicut magister ejus. Quid autem vides festúcam in óculo fratris tui, trabem autem, quæ in óculo tuo est, non considéras? Aut quómodo potes dicere fratri tuo : Frater, sime, ejiciam festúcam de óculo tuo : ipse in óculo tuo trabem non videns? Hypócrita, éjice primum trabem de óculo tuo : et tunc perspicies ut edúcas festúcam de óculo fratris tui.

Offertorium. Ps. 3. Inténde voci orationis meæ, Rex meus et Deus meus : quóniam ad te orábo, Dómine.

Secreta.

HÓSTIAS nostras, quæsumus, Dómine, tibi dicátas placátus assúme : et ad perpétuum nobis tribue provenire subsidium. Per Dóminum.

Alia Secreta, Exáudi nos. 36 ; tertia ad libitum.*

Communio. Ps. 9. Narrábo ómnia mirabilia tua : lætábor et exsultábo in te : psallam nómini tuo, Altissime.

Postcommunio.

TANTIS, Dómine, repléti munéribus, præsta, quæsumus : ut et salutária dona capiamus, et a tua numquam laude cessémus. Per Dóminum.

Alia Postcommunio, Mundet. 36 ; tertia ad libitum.*



IN SOLEMNITATE CORPORIS CHRISTI

Introitus. Ps. 80.



CIBÁVIT eos ex ádipe fruménti, allelúia : et de petra melle saturávit eos, allelúia, allelúia, allelúia. **Ps.** Exsultáte Deo adjutóri nostro : jubilate Deo Jacob.

Ꝛ. Glória Patri. Cibávit.

Oratio.

DEUS, qui nobis sub Sacraménto mirábili Passiónis tuæ memóriam reliquísti : tribue, quæsumus, ita nos Córporis et Sanguinis tui sacra mystéria venerári; ut redemptionis tuæ fructum in nobis júgiter sentiámus. Qui vivis.

Lectio Epístolæ beáti Pauli Apóstoli ad Corínthios. **I Cor. 11.**

FRATRES, Ego enim accépi a Dómino quod et tradidi vobis : quóniam Dóminus Jesus, in qua nocte tradebátur, accépit panem, et grátias agens, fregit, et dixit : Accépite, et manducáte : Hoc est corpus meum, quod pro vobis tradétur : hoc fácite in meam commemoratióem. Similiter et cálicem, postquam cénávit, dicens : Hic calix novum Testaméntum est in meo ságuine : hoc fácite, quotiescúmque bibétis, in meam commemoratióem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel biberit cálicem Dómini indigne, reus erit córporis et ságuinis Dómini. Probet autem seipsum homo : et sic de pane illo edat,

et de cálice bibat. Qui enim manducat et bibit indigne, judicium sibi manducat et bibit : non dijudicans corpus Dómini.

Graduale. Ps. 144. Oculi ómnium in te sperant, Dómine : et tu das illis escam in témpore opportúno. **Ꝛ.** Aperis tu manum tuam : et imples omne ánimál benedictióe.

Allelúia, allelúia. **Ꝛ. Joan. 6.** Caro mea vere est cibus, et sanguis meus vere est potus : qui manducat meam carnem, et bibit meum sánguinem, in me manet, et ego in eo.

Sequentia.

LAUDA, Sion, Salvatórem, lauda duceem et pastórem in hymnis et canticis.

Quantum potes, tantum aude : quia major omni laude, nec laudáre súfficis.

Laudis thema speciális, panis vivus et vitalis hódie propónitur.

Quem in sacræ mensa cænæ, turbæ fratrum duodénæ datum non ambígitur.

Sit laus plena, sit sonóra, sit jucúnda, sit decóra mentis jubilatio.

Dies enim solémnis ágitur, in qua mensæ prima recólitur hujus institútio.

In hac mensa novi Regis, novum Pascha novæ légis Phase vetus términat.

Vetustátem nóvitas, umbram fugat véritas, noctem lux eliminat.

Quod in cœna Christus gessit, faciéndum hoc expréssit in sui memóriam.

Docti sacris institútis, panem, vinum in salútis consecrámus hóstiam.

Dogma datur Christiánis, quod in carnem transit panis, et vinum in ságuinem.

Quod non capis, quod non vides, animósa firmat fides, præter rerum ordinem.

Sub diversis speciëbus, signis tantum, et non rebus, latent res eximiae.

Caro cibus, sanguis potus : manet tamen Christus totus sub utrâque specie.

A sumente non concisus, non confractus, non divisus : integer accipitur.

Sumit unus, sumunt mille : quantum isti, tantum ille, nec sumptus consumitur.

Sumunt boni, sumunt mali : sorte tamen inaequali, vitæ vel interitus.

Mors est malis, vita bonis : vide paris sumptionis quam sit dispar exitus.

Fracto demum Sacramento, ne vacilles, sed meménto, tantum esse sub fragménto, quantum toto tégitur.

Nulla rei fit scissúra : signi tantum fit fractúra : qua nec status, nec statúra signati minúitur.

Ecce panis Angelórum, factus cibus viatórum : vere panis filiórum, non mittendus cánibus.

In figuris præsignatur, cum Isaac immolátur : agnus Paschæ deputátur : datur manna pátribus.

Bone Pastor, panis vere, Jesu, nostri miserére : tu nos pasce, nos tuére : tu nos bona fac vidére in terra vivéntium.

Tu, qui cuncta seïs et vales : qui nos pascis hic mortáles : tuos ibi commensáles, cohærédes et sodáles fac sanctorum civium. Amen. Allelúia.



Sequéntia sancti Evangélíi secundum Joánnem. Cap. 6.

IN illo témpore : Dixit Jesus turbis Judæórum : Caro mea vere est cibus, et sanguis meus vere est potus. Qui manducat meam carnem, et bibit meum sanguinem, in me manet, et ego in illo. Sicut misit me vivens Pater, et ego vivo propter Patrem : et qui manducat me, et ipse vivet propter me. Hic est panis qui de cœlo descendit. Non sicut manducaverunt patres vestri manna, et mortui sunt. Qui manducat hunc panem, vivet in ætérnum. Credo.

Offertorium. Lev. 21. Sacerdótes Dómini incénsus et panes offerunt Deo, et ideo sancti erunt Deo suo, et non polluent nomen ejus, allelúia.

Secreta.

ECCLÉSIAE tuæ, quæsumus, Dómine, unitátis et pacis propítius dona concéde, quæ sub oblátis munéribus mystice designántur. Per Dóminum.

Præfatio de Nativitate Domini. Quia per incarnáti. Et dicitur per totam Oct.

Communio. I Cor. 11. Quotiescúmque manducábitis panem hunc, et cálicem bibétis, mortem Dómini annuntiábitis, donec véniat : itaque quicúmque manducáverit panem, vel bíberit cálicem Dómini indigne, reus erit córporis et ságuinis Dómini, allelúia.

Postcommunio.

FAC nos, quæsumus, Dómine, divinitátis tuæ sempitérna fruitióne repléri : quam pretiósí Córporis et Sanguinis tui temporális præcéptio præfigurat. Qui vivis.

¶ **Infra Octavam dicitur hæc eadem Missa, et non fit de aliquo sancto, nisi fuerit Duplex occurrens, non autem translatum, nisi sit I vel II classis. In die Octavæ non fit nisi de Festo S. Joannis Baptistæ, et SS. Apostolorum Petri et Pauli, si occurrant, cum Commem. Octavæ. Infra Octavam, secunda Oratio de sancta Maria Concède nos, tertia Ecclésiæ, vel Deus, ómnium. 1*.**

Et si in ea venerit Vigilia, fit de Octava cum Commem. Vigiliæ.

DOM. INFRA OCT. CORPORIS CHRISTI
SECUNDA POST PENTECOSTEN

Introitus. Ps. 17.

FACTUS est Dóminus protéctor meus, et eduxit me in latitúdinem : salvum me fecit, quóniam voluit me. **Ps.** Diligam te, Dómine, virtus mea : Dóminus firmaméntum meum, et refúgium meum, et liberátor meus. **ŷ.** Glória Patri. Factus est.

Oratio.

SANCTI nóminis tui, Dómine, timórem páriter et amórem fac nos habére

perpétuum : quia numquam tua gubernatione destituisti, quos in soliditate tuæ dilectionis instituisti. Per Dñm.

Deinde fit *Commem. de Octava Corporis Christi tantum, Orat.* Deus, qui nobis. 253.

Lectio Epistolæ beati Joannis Apóstoli.

I Joan. 3.

CHARÍSSIMI, Nolite mirári, si odit vos mundus. Nos scimus quóniam translati sumus de morte ad vitam, quóniam diligimus fratres. Qui non diligit, manet in morte; omnis qui odit fratrem suum, homicida est. Et scitis quóniam omnis homicida non habet vitam æternam in semetipso manentem. In hoc cognovimus charitatem Dei, quóniam ille animam suam pro nobis posuit : et nos debemus pro fratribus, animas ponere. Qui habuerit substantiam hujus mundi, et viderit fratrem suum necessitatem habere, et cláuserit viscera sua ab eo, quómodo charitas Dei manet in eo? Filii mei, non diligamus verbo, neque lingua, sed ópere et veritate.

Graduale. Ps. 119. Ad Dñm, cum tribulárer, clamávi, et exaudivit me. *ŷ.* Dñme, libera ánimam meam a lábiis iniquis et a lingua dolósa.

Allelúia, allelúia. *ŷ.* Ps. 7. Dñme Deus meus, in te sperávi : salvum me fac ex ómnibus persequéntibus me, et libera me. Allelúia.



Sequéntia sancti Evangélii secúndum Lucam. *Cap. 14.*

IN illo témpore : Dixit Jesus pharisæis parabolam hanc : Homo quidam fecit cenam magnam, et vocávit multos. Et misit servum suum hora cænæ dicere invitatis ut venirent, quia jam parata sunt ómnia. Et cœperunt simul omnes excusáre. Primus dixit ei : Villam emi, et necesse hábeo exíre, et vidére illam : rogo te, habe me excusátum. Et alter dixit : Juga boum emi quinque, et eo probáre illa : rogo te, habe me excusátum. Et álius dixit : Uxórem duxi : et ideo non possum veníre. Et revérsus servus nuntiávit hæc dñmo suo. Tunc irátus paterfamilias, dixit servo suo : Exi cito in

platéas et vicos civitátis : et páuperes, ac débiles, et cæcos, et claudos introduc hue. Et ait servus : Dñme, factum est ut imperásti, et adhuc locus est. Et ait dñminus servo : Exi in vias et sepes, et compélle intráre, ut impleátur domus mea. Dico autem vobis, quod nemo virórum illórum qui vocáti sunt, gustábit cenam meam. Credo.

Offertorium. Ps. 6. Dñme, convertere, et éripe ánimam meam : salvum me fac propter misericórdiam tuam.

Secreta.

OBLATIO nos, Dñme, tuo nómini dicanda puríficet, et de die in diem ad cœléstis vitæ transférat actiõem. Per Dñm.

De Octava Corporis Christi, Secreta Ecclesiæ. 254.

Communio. Ps. 12. Cantábo Dñmo, qui bona tribuit mihi : et psallam nómini Dñmini Altíssimi.

Postcommunio.

SUMPTIS munéribus sacris, quæsumus, Dñme : ut cum frequentatione mystérii crescat nostræ salútis effectus. Per Dñm.

De Octava Corporis Christi, Postcommunio Fac nos. 254.

DOMINICA TERTIA

POST PENTECOSTEN

Introitus. Ps. 24.

RÉSPICE in me, et miserére mei. Dñme, quóniam únicus et pauper sum ego : vide humilitátem meam et labórem meum : et dimitte ómnia peccáta mea, Deus meus. *Ps.* Ad te, Dñme, levávi ánimam meam : Deus meus, in te confido, non erubescam. *ŷ.* Glória Patri. Réspice.

Oratio.

PROTÉCTOR in te sperántium, Deus, sine quo nihil est válidum, nihil sanctum : multiplica super nos misericórdiam tuam; ut te rectóre, te duce, sic transeámus per bona temporália, ut non amittámus æterna. Per Dñm.

Secunda Oratio, A cunctis. 56 ; tertía ad libitum.*

Lectio Epistolæ beāti Petri Apóstoli.

I Petr. 3.

CHARISSIMI, Humiliámini sub poténti manu Dei, ut vos exáltet in témpore visitatiónis : omnem sollicitúdinem vestram projiciétes in eum, quóniam ipsi cura est de vobis. Sóbrii estóte, et vigilate : quia adversárius vester diábolus tanquam leo rúgiens circúit, quærens quem dévoret : cui resistite fortes in fide : sciétes eámdem passióem ei, quæ in mundo est, vestræ fraternitatí fieri. Deus autem omnis grátiae, qui vocávit nos in ætérnam suam glóriam in Christo Jesu, módicum passos ipse perficiet, confirmábit, solidabitque. Ipsi glória et impérium in sæcula sæculórum. Amen.

Graduale. Ps. 54. Jacta cogitátum tuum in Dómino, et ipse te enútriet. **ŷ.** Dum clamárem ad Dóminum, exaudivit vocem meam ab his qui appropinquant mihi.

Allelúia, allelúia. **ŷ. Ps. 7.** Deus iudex justus, fortis et pátiens, numquid iráscitur per singulos dies? Allelúia.



Sequéntia sancti Evangélíi secúndum Lucam. **Cap. 15.**

In illo témpore : Erant appropinquántes ad Jesum publicáni et peccatóres, ut audirent illum. Et murmurábant pharisæi et scribæ, dicétes : Quia hic peccatóres récipit, et mandúcat cum illis. Et ait ad illos parabolam istam, dicens : Quis ex vobis homo qui habet centum oves, et si perdiderit unam ex illis, nonne dimittit nonaginta novem in desérto, et vadit ad illam quæ perierat, donec invéniat eam? Et cum invénierit eam, impónit in húmeros suos gaudens : et véniens domum, cónvocat amícos et vicínos, dicens illis : Congratulámini mihi, quia invéni ovem meam quæ perierat. Dico vobis quod ita gáudium erit in cælo super uno peccatóre pœniténtiam agénte, quam super nonaginta novem justis qui non indigent pœniténtia. Aut quæ múlter habens drachmas decem, si perdiderit drachmam unam, nonne accéndit lucérnam, et evérrit domum, et quærit diligénter, donec in-

veniat? Et cum invénierit, cónvocat amícas et vicínas, dicens : Congratulámini mihi, quia invéni drachmam quam perdideram. Ita dico vobis, gáudium erit coram Angelis Dei super uno peccatóre pœniténtiam agénte. Credo.

Offertorium. Ps. 9. Sperent in te omnes qui novérunt nomen tuum, Dómine : quóniam non derelinquis quæréntes te : psállite Dómino, qui hábitat in Sion : quóniam non est oblítus oratió-nem páuperum.

Secreta.

RÉSPICE, Dómine, múnera supplicántis Ecclésiæ, et salúti credéntium perpétua sanctificatióne suménda concede. Per Dóminum.

Alia Secreta, Exáudi nos, 56* ; tertia ad libitum.

Communio. Luc. 15. Dico vobis, gáudium est Angelis Dei super uno peccatóre pœniténtiam agénte.

Postcommunio.

SANCTA tua nos, Dómine, sumpta vivificent : et misericórdiæ sempitérnæ præparent expiátos. Per Dóminum.

Alia Postcommunio, Mundet. 56* ; tertia ad libitum.

DOMINICA QUARTA

POST PENTECOSTEN

Introitus. Ps. 26.

DÓMINUS illuminatió mea et salus mea : quem timébo? Dóminus defénsor vitæ meæ : a quo trepidábo? qui tribulant me inimíci mei, ipsi infirmáti sunt, et ceciderunt. **Ps.** Si consistant advérsus me castra, non timébit cor meum. **ŷ. Glória Patri. Dóminus.**

Oratio.

DA nobis, quæsumus, Dómine, ut et mundi cursus pacífice nobis tuo ordine dirigátur : et Ecclésia tua tranquilla devotióne lætétur. Per Dóminum.

Secunda Oratio, A cunctis. 56 ; tertia ad libitum.

Lectio Epistolæ beāti Pauli Apóstoli ad Romános. **Cap. 8.**

FRATRES, Existimo quod non sunt condígnæ passióes hujus témporis ad

futuram glóriam, quæ revelábitur in nobis. Nam expectatio creaturæ revelatióem filiórum Dei expéctat. Vanitati enim creatúra subjécta est non volens, sed propter eum qui subjécit eam in spe : quia et ipsa creatúra liberábitur a servitute corruptiōnis, in libertatem glóriæ filiórum Dei. Scimus enim quod omnis creatúra ingemiscit, et párturit usque adhuc. Non solum autem illa, sed et nos ipsi, primitias spiritus habéntes, et ipsi intra nos géimur, adoptiōem filiórum Dei expectántes, redemptiōnem córporis nostri : in Christo Jesu Dómino nostro.

Graduale. Ps. 78. Propítius esto, Dómine, peccátis nostris : nequándo dicant gentes : Ubi est Deus eórum? *ŷ.* Adjuva nos, Deus salutáris noster : et propter honórem nóminis tui, Dómine, libera nos.

Allelúia, allelúia. *ŷ.* **Ps. 9.** Deus, qui sedes super thronum et júdicas æquitatem, esto refúgium páuperum in tribulatiōe. Allelúia.



Sequéntia sancti Evangélíi secúndum Lucam. **Cap. 5.**

In illo témpore : Cum turbæ irrúerent in Jesum, ut audirent verbum Dei, et ipse stabat secus stagnum Genésareth. Et vidit duas naves stantes secus stagnum : piscatóres autem descénderant, et lavábant rétia. Ascéndens autem in unam navim, quæ erat Simónis, rogávit eum a terra reducere pusillum. Et sedens docébat de navícula turbas. Ut cessávit autem loqui, dixit ad Simónem : Duc in altum, et laxáte rétia vestra in captúram. Et respóndens Simon, dixit illi : Præcéptor, per totam noctem laborántes, nihil cépimus : in verbo autem tuo laxábo rete. Et cum hoc fecissent, conclusérunt piscium multitudinem copiósam : rumpébatur autem rete eórum. Et annuérunt sóciis, qui erant in álía navi, ut venírent, et adjuvárent eos. Et venérunt, et implevérunt ambas navículas, ita ut pene mergeréntur. Quod cum vidéret Simon Petrus, prócidit ad génua Jesu, dicens : Exi a me, quia homo peccátor

sum, Dómine. Stupor enim circumdederat eum, et omnes qui cum illo erant, in captúra piscium quam céperant : similiter autem Jacóbum et Joánnem, filios Zebedæi, qui erant sócii Simónis. Et ait ad Simónem Jesus : Noli timére : ex hoc jam hómines eris cápiens. Et subdúctis ad terram návim, relictis ómnibus, secúti sunt eum. **Credo.**

Offertorium. Ps. 12. Illúmina óculos meos, ne unquam obdórmiam in morte : nequándo dicat inimicus meus : Præválui advérsus eum.

Secreta.

OBLATIÓNIBUS nostris, quæsumus, Dómine, placáre susceptis : et ad te nostras étiam rebélles compéllere propítius voluntátes. Per Dóminum.

Alia Secreta, Exáudi nos. 56* ; tertia ad libitum.

Communio. Ps. 17. Dóminus firmaméntum meum et refúgium meum, et liberátor meus ; Deus meus, adjútor meus.

Postcommunio.

MYSTÉRIA nos, Dómine, quæsumus, sumpta purificent, et suo múnere tueántur. Per Dóminum.

Alia Postcommunio, Mundet. 56* ; tertia ad libitum.

DOMINICA QUINTA

POST PENTECOSTEN

Introitus. Ps. 26.

EXÁUDI, Dómine, vocem meam, quæ clamávi ad te : adjútor meus esto, ne derelinquas me, neque despicias me, Deus salutáris meus. **Ps.** Dóminus illuminatio mea et salus mea : quem timébo? *ŷ.* Glória Patri. Exáudi.

Oratio.

DEUS, qui diligéntibus te bona invisibilia præparásti : infúnde córdibus nostris tui amoris afféctum ; ut te in ómnibus et super ómnia diligéntes, promissiōnes tuas, quæ omne desidérium súperant, consequámur. Per Dóminum.

Secunda Oratio, A cunctis. 56* ; tertia ad libitum.

Léctio Epístolæ beáti Petri Apóstoli.

I Petr. 3.

CHARÍSSIMI, Omnes unánimes in oratione estóte, compatiéntes, fraternitátis amatóres, misericórdes, modéstí, húmiles : non reddéntes malum pro malo, nec maledíctum pro maledícto ; sed e contráριο benedicéntes : quia in hoc vocáti estis, ut benedictionem hæreditáte possideátis. Qui enim vult vitam diligere, et dies vidére bonos, coérceat linguam suam a malo, et lábia ejus ne loquántur dolum ; declínet a malo, et fáciat bonum : inquirat pacem, et sequátur eam. Quia óculi Dómini super justos, et aures ejus in preces eórum : vultus autem Dómini super faciéntes mala. Et quis est qui vobis nóceat, si boni æmulatóres fuéritis? Sed et si quid patímini propter justítiam, beáti. Timórem autem eórum ne timuéritis, et non conturbémini. Dóminum autem Christum sanctificáte in córdibus vestris.

Graduale. Ps. 83. Protéctor noster, áspice, Deus, et respice super servos tuos. *ŷ.* Dómine Deus virtútum, exáudi preces servórum tuórum.

Allelúia, allelúia. *ŷ.* **Ps. 20.** Dómine, in virtúte tua lætábitur rex : et super salutáre tuum exultábit veheménter. Allelúia.



Sequéntia sancti Evangélíi secúndum Matthæum. **Cap. 3.**

In illo témpore : Dixit Jesus discípulis suis : Nisi abundáverit justítia vestra plus quam scribárum et pharisæórum, non intrábitis in regnum cælórum. Audístis quia dictum est antiquis : Non occides : qui autem occiderit, reus erit iudicio. Ego autem dico vobis : quia omnis qui iráscitur fratri suo, reus erit iudicio. Qui autem dixerit fratri suo, *raca*, reus erit concilio. Qui autem dixerit, *fátue*, reus erit gehénnæ ignis. Si ergo offers munus tuum ad altáre, et ibi recordátus fuéris quia frater tuus habet ali-quid advérsus te : relinque ibi munus tuum ante altáre, et vade prius reconciliári fratri tuo : et tunc véniens ófferes munus tuum. Credo.

Offertorium. Ps. 13. Benedicam Dóminum, qui tribuit mihi intelléctum : providébam Deum in conspéctu meo semper : quóniam a dextris est mihi, ne commóvear.

Secreta.

PROPITIÁRE, Dómine, supplicationibus nostris, et has oblationes famulórum famularúmque tuárum benígnus assúme : ut quod singuli obtulérunt ad honórem nóminis tui, cunctis proficiat ad salutem. Per Dóminum.

Alia Secreta, Exáudi nos. 36* ; tertia ad libitum.

Communio. Ps. 26. Unam pétii a Dómino, hanc requíram : ut inhábitem in domo Dómini ómnibus diebus vitæ meæ.

Postcommunio.

QUOS cælésti, Dómine, dono satiásti : præsta, quæsumus : ut a nostris mundémur occúltis, et ab hóstium libérémur insídiis. Per Dóminum.

Alia Postcommunio, Mundet. 56* ; tertia ad libitum.

DOMINICA SEXTA

POST PENTECOSTEN

Introitus. Ps. 27.

DÓMINUS fortitúdo plebis suæ, et protéctor salutárium Christi sui est : salvum fac pópulum tuum, Dómine, et benedic hæreditáti tuæ, et rege eos usque in sæculum. **Ps.** Ad te, Dómine, clamábo : Deus meus, ne síleas a me : nequándo táceas a me, et assimilábor descendéntibus in lacum. *ŷ.* Glória Patri. Dóminus.

Oratio.

DEUS virtútum, cujus est totum quod est óptimum : insere pectóribus nostris amórem tui nóminis, et præsta in nobis religiónis augméntum ; ut quæ sunt bona nútrias, ac pietátis stúdio, quæ sunt nutrita custódias. Per Dóminum.

Secunda Oratio, A cunctis. 56* ; tertia ad libitum.

Léctio Epístolæ beáti Pauli Apóstoli ad Romános. **Cap. 6.**

FRATRES, Quicúmque baptizáti sumus in Christo Jesu, in morte ipsius ba-

ptizáti sumus. Consepúlti enim sumus cum illo per baptismum in mortem : ut quómodo Christus surrexit a mórtuis per glóriam Patris, ita et nos in novitáte vitæ ambulémus. Si enim complantáti facti sumus similitúdini mortis ejus, simul et resurrectiónis érimus. Hoc sciéntes, quia vetus homo noster simul crucifixus est, ut destruátur corpus peccáti, et ultra non serviámus peccáto. Qui enim mórtuus est, justificátus est a peccáto. Si autem mórtui sumus cum Christo, crédimus quia simul étiam vivémus cum Christo : sciéntes quod Christus resúrgens ex mórtuis, jam non móritur, mors illi ultra non dominábitur. Quod enim mórtuus est peccáto, mórtuus est semel; quod autem vivit, vivit Deo. Ita et vos existimáte vos mórtuos quidem esse peccáto, vivéntes autem Deo, in Christo Jesu Dómino nostro.

Graduale. Ps. 89. Convertere, Dómine, aliquántulum, et deprecáre super servos tuos. **Ÿ.** Dómine, refúgium factus es nobis, a generatióne et progénie.

Allelúia, allelúia. Ÿ. Ps. 30. In te, Dómine, sperávi, non confúndar in ætérnum : in justitia tua libera me, et éripe me : inclína ad me aurem tuam, accélera, ut erípias me. **Allelúia.**



Sequéntia sancti Evangélii secúndum Marcum. **Cap. 8.**

In illo témpore : Cum turba multa esset cum Jesu, nec habérent quod manducárent, convocátis discipulis, ait illis : Miséreor super turbam : quia ecce jam trídno sústinent me, nec habent quod mandúcent : et si dimísero eos jejúnos in domum suam, deficient in via : quidam enim ex eis de longe venérunt. Et responderunt ei discipuli sui : Unde illos quis póterit hic saturáre pánibus in solitúdine? Et interrogávit eos : Quot panes habétis? Qui dixerunt : Septem. Et præcépit turbæ discumbere super terram. Et accipiens septem panes, grátias agens, fregit, et dabat discipulis suis, ut appónerent : et apposuérent turbæ. Et habébant pisciculos

paucos : et ipsos benedixit, et jussit appóni. Et manducavérunt, et saturáti sunt, et sustulérunt quod superáverat de fragméntis, septem sportas. Erant autem qui manducavérunt quasi quattuor millia : et dimísit eos. **Credo.**

Offertorium. Ps. 16. Pérfice gressus meos in sémitis tuis, ut non moveántur vestigia mea : inclína aurem tuam, et exáudi verba mea : mirifica misericórdias tuas, qui salvos facis sperántes in te, Dómine.

Secreta.

PROPITIÁRE, Dómine, supplicatió nibus nostris, et has pópuli tui oblatiões benígnus assúme : et ut nullíus sit íritum votum, nullíus vácuá postulátio, præsta, ut quod fidéliter pétimus, effícá ceter consequámur. Per Dóminum.

Alia Secreta, Exáudi nos. 36* ; tertia ad libitum.

Communio. Ps. 26. Circuibó, et immolábo in tabernáculo ejus hóstiam jubilatiónis : cantábo, et psalmum dicam Dómino.

Postcommunio.

REPLÉTI sumus, Dómine, munéribus tuis : tribue, quæsumus ; ut eórum et mundémur efféctu, et muniámur auxilio. Per Dóminum.

Alia Postcommunio, Mundet. 55* ; tertia ad libitum.

DOMINICA SEPTIMA

POST PENTECOSTEN

Introitus. Ps. 46.

OMNES gentes, pláudite mánibus : jubiláte Deo in voce exultatió nis. **Ps.** Quóniam Dóminus excélsus, terríbilis : Rex magnus super omnem terram. **Ÿ.** Glória Patri. Omnes gentes.

Oratio.

DEUS, cujus providéntia in sui dispositiõe non fállitur : te súplices exorámus, ut nóxia cuncta submóveas, et ómnia nobis profutúra concédas. Per Dóminum.


Secunda Oratio, A cunctis. 56* ; tertia ad libitum.

Lectio Epistolæ beati Pauli Apostoli
ad Romanos. Cap. 6.

FRATRES, Humānum dico, propter infirmitatem carnis vestræ: sicut enim exhibuistis membra vestra servire immunditiæ et iniquitati ad iniquitatem, ita nunc exhibete membra vestra servire iustitiæ in sanctificationem. Cum enim servi essetis peccati, liberi fuistis iustitiæ. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc vero liberati a peccato, servi autem facti Deo, habetis fructum vestrum in sanctificationem, finem vero vitam æternam. Stipendium enim peccati mors. Gratiā autem Dei, vita æterna, in Christo Jesu Domino nostro.

Graduale. Ps. 33. Venite, filii, audite me: timorem Domini docebo vos.
Ÿ. Accedite ad eum, et illuminamini: et facies vestræ non confundentur.

Allelūia, allelūia. Ÿ. Ps. 46. Omnes gentes, plaudite manibus: jubilāte Deo in voce exultationis. Allelūia.

 Sequentia sancti Evangelii secundum Matthæum. Cap. 7.

In illo tempore: Dixit Jesus discipulis suis: Attēdite a falsis prophētis, qui veniunt ad vos in vestimentis ovium, intrinsecus autem sunt lupi rapaces: a fructibus eorum cognoscetis eos. Numquid colligunt de spinis uvas, aut de tribulis ficus? Sic omnis arbor bona fructus bonos facit: mala autem arbor bona malos fructus facere, neque arbor mala bonos fructus facere. Omnis arbor quæ non facit fructum bonum, excidetur, et in ignem mittetur. Igitur ex fructibus eorum cognoscetis eos. Non omnis qui dicit mihi: Domine, Domine, intrabit in regnum cælorum: sed qui facit voluntatem Patris mei qui in cælis est, ipse intrabit in regnum cælorum.

Credo.

Offertorium. Dan. 3. Sicut in holocaustis arietum et taurorum, et sicut in millibus agnorum pinguum: sic fiat sacrificium nostrum in conspectu tuo

hodie, ut placeat tibi: quia non est confusio confidentibus in te, Domine.

Secreta.

DEUS, qui legalium differentiam hostiarum unius sacrificii perfectione sanxisti, accipe sacrificium a devotis tibi famulis, et pari benedictione, sicut muneribus Abel, sanctifica; ut quod singuli obtulerunt ad Majestatis tuæ honorem, cunctis proficiat ad salutem. Per Dominum.

Alia Secreta, Exaudi nos. 56; tertia ad libitum.*

Communio. Ps. 30. Inclina aurem tuam, accelera ut eripias me.

Postcommunio.

TUA nos, Domine, medicinalis operatio, et a nostris perversitatibus clementer expediat, et ad ea quæ sunt recta, perducat. Per Dominum.

Alia Postcommunio, Mundet. 56; tertia ad libitum.*

DOMINICA OCTAVA

POST PENTECOSTEN

Introitus. Ps. 47.

SUSCÉPIMUS, Deus, misericordiam tuam in medio templi tui: secundum nomen tuum, Deus, ita et laus tua in fines terræ: iustitia plena est dextera tua. **Ps.** Magnus Dominus, et laudabilis nimis: in civitate Dei nostri, in monte sancto ejus. Ÿ. Glória Patri. Suscépimus.

Oratio.

LARGIRE nobis, quæsumus, Domine, semper spiritum cogitandi quæ recta sunt, propitius et agendi: ut qui sine te esse non possumus, secundum te vivere valeamus. Per Dominum.

Secunda Oratio, A cunctis. 56; tertia ad libitum.*


Lectio Epistolæ beati Pauli Apostoli
ad Romanos. Cap. 8.

FRATRES, Debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii

Dei. Non enim accepistis spiritum servitutis iterum in timore, sed accepistis Spiritum adoptionis filiorum, in quo clamamus : Abba (Pater). Ipse enim Spiritus testimonium reddit spiritui nostro. quod sumus filii Dei. Si autem filii, et hæredes : hæredes quidem Dei, coheredes autem Christi.

Graduale. Ps. 30. Esto mihi in Deum protectorem, et in locum refugii, ut salvum me facias. **ŷ.** Deus, in te speravi : Dómine, non confundar in ætérnum.

Allelúia, allelúia. **ŷ. Ps. 47.** Magnus Dóminus, et laudabilis valde, in civitate Dei nostri, in monte sancto ejus. Allelúia.

 Sequéntia sancti Evangélii secúndum Lucam. **Cap. 16.**

In illo témpore : Dixit Jesus discipulis suis parábolam hanc : Homo quidam erat dives, qui habébat villicum : et hic diffamátus est apud illum, quasi dissipásset bona ipsíus. Et vocávit illum, et ait illi : Quid hoc áudio de te? redde ratiómem villicatiónis tuæ : jam enim non póteris villicáre. Ait autem villicus intra se : Quid fáciam, quia dóminus meus aufert a me villicatiómem? fódere non váleo, mendicáre erubésco. Scio quid fáciam, ut cum amótus fuero a villicatióne, recipiant me in domos suas. Convocátis itaque singulis debitóribus dómini sui, dicébat primo : Quantum debes dómimo meo? At ille dixit : Centum cados ólei. Dixítque illi : Accipe cautiómem tuam : et sede cito, scribe quinquaginta. Deinde álíi dixit : Tu vero quantum debes? Qui ait : Centum coros trítici. Ait illi : Accipe litteras tuas, et scribe octoginta. Et laudávit dóminus villicum iniquitátis, quia prudénter fecísset : quia filii hujus sæculi prudentiós filíis lucis in generatióne sua sunt. Et ego vobis dico : Fácite vobis amicos de mam móna iniquitátis : ut, cum defeceritis, recipiant vos in ætérna tabernácula. Credo.

Offertorium. Ps. 17. Pópulum húmílem salvum facies, Dómine, et óculos superbórum humiliábis : quóniam quis Deus præter te, Dómine?

Secreta.

SUSCIPE, quæsumus, Dómine, múnera : quæ tibi de tua largitaté deférimus : ut hæc sacrosáncta mystéria, grátiae tuæ operánte virtúte, et præsentis vitæ nos conversatióne sanctificent, et ad gáudia sempitérna perdúcant. Per Dóminum.

Alia Secreta, Exáudi nos. 36* ; tertia ad libitum.

Communio. Ps. 33. Gustáte, et vidéte quóniam suávis est Dóminus : beátus vir qui sperat in eo.

Postcommunio.

SIT nobis, Dómine, reparátio mentis et eóporis cœléste mystérium : ut ejus exséquimur cultum, sentiámus effectum. Per Dóminum.

Alia Postcommunio, Mundet. 36* ; tertia ad libitum.

DOMINICA NONA

POST PENTECOSTEN

Introitus. Ps. 33.

ECCE DEUS ádjuvat me, et Dóminus suscèptor est ánimæ meæ : avérte mala inimícis meis, et in veritaté tua dispérde illos, protèctor meus, Dómine. **Ps.** Deus, in nómine tuo salvum me fac : et in virtúte tua libera me. **ŷ.** Glória Patri. Ecce.

Oratio.

PÁTEANT aures misericórdiæ tuæ, Dómine, précibus supplicántium : et ut peténtibus desideráta concédas, fac eos quæ tibi sunt plácita postuláre. Per.

Secunda Oratio, A cunctis. 36* ; tertia ad libitum.

Léctio Epístolæ beáti Pauli Apóstoli ad Corinthios. **I Cor. 10.**

FRATRES, Non simus concupiscéntes malórum, sicut et illi concupiérunt. Neque idololátræ efficiámini, sicut quidam ex ipsis : quemádmódum scriptum est : Sedit pópulus manducáre et bibere, et surrexérunt lúdere. Neque fornicémur, sicut quidam ex ipsis fornicáti sunt, et cecidérunt una die viginti tria millia. Neque tentémus Christum, sicut quidam eórum tentavérunt, et a serpéntibus periérunt. Neque murmuravéritis,

sicut quidam eorum murmuraverunt, et perierunt ab exterminatore. Hæc autem omnia in figura contingebant illis: scripta sunt autem ad correptionem nostram, in quos fines sæculorum devenérunt. Itaque qui se existimat stare, videat ne cadat. Tentatio vos non apprehendat, nisi humana: fidelis autem Deus est, qui non patietur vos tentari supra id quod potestis, sed faciet etiam cum tentatione proventum, ut possitis sustinere.

Graduale. Ps. 8. Dómine Dóminus noster, quam admirabile est nomen tuum in universa terra! *ŷ.* Quóniam elevata est magnificentia tua super cælos.

Allelúia, allelúia. *ŷ.* Ps. 58. Eripe me de inimicis meis, Deus meus: et ab insurgentibus in me libera me. Allelúia.



Sequentia sancti Evangelii secundum Lucam. **Cap. 19.**

In illo tempore: Cum appropinquaret Jesus Jerusalem, videns civitatem, flevit super illam, dicens: Quia si cognovisses et tu, et quidem in hac die tua, quæ ad pacem tibi: nunc autem abscondita sunt ab oculis tuis. Quia venient dies in te: et circumdabunt te: et coangustabunt te undique: et ad terram prosternent te, et filios tuos, qui in te sunt: et non relinquent in te lapidem super lapidem: eo quod non cognoveris tempus visitationis tuæ. Et ingressus in templum, cepit ejicere vendentes in illo, et ementes, dicens illis: Scriptum est: Quia domus mea domus orationis est. Vos autem fecistis illam speluncam latronum. Et erat docens quotidie in templo. **Credo.**

Offertorium. Ps. 18. Justitiæ Dómini rectæ, lætificantes corda, et judicia ejus dulciora super mel et favum: nam et servus tuus custodit ea.

Secreta.

CONCÈDE nobis, quæsumus, Dómine, hæc digne frequentare mystéria: quia quoties hujus hostiæ commemoratio celebratur, opus nostræ redemptionis exercetur. Per Dóminum.

Alia Secreta, Exaudi nos. 56*; *tertia ad libitum.*

Communio. Joan. 6. Qui manducat meam carnem, et bibit meum sanguinem, in me manet, et ego in eo, dicit Dóminus.

Postcommunio.

TUI nobis, quæsumus, Dómine, communio sacramenti, et purificationem conferat, et tribuat unitatem. Per.

Alia Postcommunio, Mundet. 56*; *tertia ad libitum.*

DOMINICA DECIMA

POST PENTECOSTEN

Introitus. Ps. 54.

CUM clamarem ad Dóminum, exaudivit vocem meam ab his qui appropinquant mihi, et humiliavit eos qui est ante sæcula et manet in ætérnum. Jacta cogitatum tuum in Dómino, et ipse te enutriet. **Ps.** Exaudi, Deus, orationem meam, et ne despexeris deprecationem meam: inténde mihi, et exaudi me. *ŷ.* Glória Patri. Cum clamarem.

Oratio.

DEUS, qui omnipoténtiam tuam parcendo máxime et miserando manifestas: multiplica super nos misericórdiam tuam; ut ad tuam promissa curréntes, cœlestium bonorum facias esse consórtes. Per Dóminum.

Secunda Oratio, A cunctis. 56*; *tertia ad libitum.*

Lectio Epistolæ beati Pauli Apóstoli ad Corinthios. I Cor. 12.

FRATRES, Scitis quóniam cum gentes essétis, ad simulácula muta prout ducebámini eúntes. Ideo notum vobis facio quod nemo in Spiritu Dei loquens, dicit anathéma Jesu. Et nemo potest dicere: Dóminus Jesus, nisi in Spiritu sancto. Divisiónes vero gratiarum sunt, idem autem Spiritus. Et divisiónes ministratiónum sunt, idem autem Dóminus. Et divisiónes operatiónum sunt, idem vero Deus, qui operátur omnia in omnibus. Unicuique autem datur manifestatio Spiritus ad utilitatem. Alii quidem per Spiritum datur sermo sapiéntiæ: alii

autem sermo sciéntiæ secúndum eúndem Spíritum : álteri fides in eódem Spíritu : álíi grátia sanitátum in uno Spíritu : álíi operátio virtútum, álíi prophétia, álíi discrétio spírituum, álíi génera linguárum, álíi interpretátio sermonum. Hæc autem ómnia operátur unus atque idem Spíritus, dívicens singulis prout vult.

Graduale. Ps. 16. Custódi me, Dómine, ut pupillam óculi : sub umbra alárum tuárum prótege me. **V.** De vultu tuo iudicium meum pródeat : óculi tui videant æquitátem.

Allelúia, allelúia. **V.** Ps. 64. Te decet hymnus, Deus, in Sion : et tibi reddétur votum in Jerúsalem. Allelúia.



Sequéntia sancti Evangélíi secúndum Lucam. **Cap. 18.**

IN illo témpore : Dixit Jesus ad quosdam qui in se confidébant tamquam iusti, et aspernabántur cæteros, parabolam istam. Duo hómínes ascendérunt in templum, ut orárent : unus pharisæus, et alter publicánu. Pharisæus stans, hæc apud se orábat : Deus, grátias ago tibi, quia non sum sicut cæteri hómínium, raptóres, injústi, adúlteri; velut étiam hic publicánu. Jejúno bis in sábbato : décimas do ómnium quæ possideo. Et publicánu a longe stans, nolébat nec óculos ad cælum leváre, sed percutiébat pectus suum, dicens : Deus, propítius esto mihi peccatóri. Dico vobis, descéndit hic justificátus in domum suam ab illo : quia omnis qui se exáltat, humiliábitur : et qui se humiliat, exaltábitur. Credo.

Offertorium. Ps. 24. Ad te, Dómine, levávi ánimam meam : Deus meus, in te confido, non erubéscam : neque irrideant me inimíci mei : étenim universi qui te expéctant, non confundéntur.

Secreta.

TIBI, Dómine, sacrificia dicáta reddántur : quæ sic ad honórem nóminis tui deferénda tribuisti, ut éadem remédia fieri nostra præstáres. Per Dóminum.

Alia Secreta, Exáudi nos. 36*; **tertia ad libitum.**

Communio. Ps. 50. Acceptábis sacrificium justitiæ, oblatiões et holocáusta, super altáre tuum, Dómine.

Postcommunio.

QUESUMUS, Dómine Deus noster : ut quos divinis reparáre non désinis sacraméntis, tuis non destitúas benígnus auxiliis. Per Dóminum.

Alia Postcommunio, Mundet. 56*; **tertia ad libitum.**

DOMINICA UNDECIMA

POST PENTECOSTEN

Introitus. Ps. 67.

DEUS in loco sancto suo : Deus, qui inhabitáre facit unánimes in dómo : ipse dabit virtútem et fortitúdinem plebi suæ. **Ps.** Exsúrgat Deus, et dissipéntur inimíci ejus : et fúgiant, qui odérunt eum, a fácie ejus. **V.** Glória Patri. Deus.

Oratio.

OMNÍPOTENS sempitérne Deus, qui abundántia pietátis tuæ et mérita supplicum excédis et vota : effúnde super nos misericórdiam tuam, ut dimittas quæ consciéntia méruit, et adjicias quod orátio non præsumit. Per.

Secunda Oratio, A cunctis. 56*; **tertia ad libitum.**


Léctio Epístolæ beáti Pauli Apóstoli ad Corínthios. **I Cor. 15.**

FRATRES, Notum vobis fácio Evangélium quod prædicávi vobis, quod et accepistis, in quo et statis, per quod et salvámini : qua ratióne prædicáverim vobis si tenétis, nisi frustra credidistis. Trádidí enim vobis in primis quod et accépi : quóniam Christus mórtuus est pro peccátis nostris secúndum Scriptúras : et quia sepúltus est, et quia resurréxit tértia die secúndum Scriptúras : et quia visus est Cephæ, et post hoc Undecim : deínde visus est plus quam quingéntis frátribus simul, ex quibus multi manent usque adhuc, quidam autem dormiérunt. Deínde visus est Jacóbo, deínde Apóstolis ómnibus : novissi-

me autem ómnium tamquam abortivo, visus est et mihi. Ego enim sum minimus Apostolorum, qui non sum dignus vocári Apóstolus, quóniam persecúsus sum Ecclesiám Dei. Grátia autem Dei sum id quod sum, et grátia ejus in me vácuá non fuit.

Graduale. Ps. 27. In Deo sperávit cor meum, et adjútus sum : et reflóruit caro mea : et ex voluntáte mea confitebór illi. *ŷ.* Ad te, Dómine, clamávi : Deus meus, ne sileas : ne discédas a me.

Allelúia, allelúia. *ŷ.* Ps. 80. Exultáte Deo adjutóri nostro, jubiláte Deo Jacob : súmíte psalmum jucúndum eum cithara. Allelúia.

 Sequéntia sancti Evangélíi secúndum Marcum. Cap. 7.

IN illo témpore : Exiens Jesus de finibus Tyri, venit per Sidónem ad mare Galilææ, inter médios fines Decapóleos. Et addúcunt ei surdum et mutum, et deprecábantur eum ut impónat illi manum. Et apprehéndens eum de turba seórsum, misit dígitos suos in aurículas ejus, et éxspuens, tétigit linguam ejus : et suspiciens in cœlum, ingémuit, et ait illi : Ephphetha, quod est, adaperíre. Et statim apértæ sunt aures ejus, et solútum est vínculum linguæ ejus, et loquebátur recte. Et præcépit illis ne cui dicerent. Quanto autem eis præcipiebát, tanto magis plus prædicábant : et eo ámplius admirábantur dicétes : Bene ómnia fecit : surdos fecit audíre, et mutos loqui. Credo.

Offertorium. Ps. 29. Exaltábo te, Dómine, quóniam suscepisti me, nec delectásti inimícos meos super me : Dómine, clamávi ad te, et sanásti me.

Secreta.

RÉSPICE, Dómine, quæsumus, nostram propítius servitútem : ut quod offérimus, sit tibi munus accéptum, et sit nostræ fragilitátis subsidium. Per.

Alia Secreta, Exáudi nos. 56* ; **tertia ad libitum.**

Communio. Prov. 3. Honóra Dóminum de tua substántia et de primítiis frugum tuárum : et implebúntur hórrea

tua saturitáte, et vino torculária redundábunt.

Postcommunio.

SENTIÁMUS, quæsumus, Dómine, tui perceptiône sacraménti subsidium mentis et córporis : ut in utrôque salváti, cœléstis remédií plenitúdine glóriemur. Per Dóminum.

Alia Postcommunio, Mundet. 56* ; **tertia ad libitum.**

DOMINICA DUODECIMA

POST PENTECOSTEN

Introitus. Ps. 69.

DEUS, in adjutórium meum inténde : Dómine, ad adjuvándum me festina : confundántur et reve-reántur inimíci mei, qui quærunť animam meam. Ps. Avertántur retrórsum, et erubéscant, qui cógitant mihi mala. *ŷ.* Glória Patri. Deus.

Oratio.

OMNÍPOTENS et miséricors Deus, de cujus múnere venit ut tibi a fídelibus tuis digne et laudabíliter serviátur : tribue, quæsumus, nobis : ut ad promissiónes tuas sine offensióne currámus. Per Dóminum.

Secunda Oratio, A cunctis. 56* ; **tertia ad libitum.**

Léctio Epístolæ beáti Pauli Apóstoli ad Corínthios. II Cor. 3.

FRATRES, Fidúciam talem habémus per Christum ad Deum : non quod sufficiétes simus cogitáre áliquid a nobis, quasi ex nobis ; sed sufficiéntia nostra ex Deo est, qui et idóneos nos fecit minístros novi Testaménti, non littera, sed spíritu : littera enim occidit, spíritus autem vivificat. Quod si ministrátio mortis, litteris deformáta in lapídibus, fuit in glória, ita ut non possint inténdere filii Israel in faciém Móysi, propter glóriam vultus ejus, quæ evacuátur : quómodo non magis ministrátio spíritus erit in glória ? Nam si ministrátio damnatiónis glória est, multo magis abundat minístérium justitiæ in glória.

Graduale. Ps. 33. Benedicám Dóminum in omni témpore : semper laus ejus

in ore meo. *ŷ.* In Dómino laudábitur ánima mea : áudiant mansuétí, et læténtur.

Allelúia, allelúia. *ŷ.* Ps. 87. Dómine Deus salútis meæ, in die clamávi, et nocte coram te. Allelúia.



Sequéntia sancti Evangélíi secúndum Lucam. Cap. 10.

IN illo témpore : Dixit Jesus discípulis suis : Beátí óculi qui vident quæ vos vidétis. Dico enim vobis quod multi Prophætæ et reges voluérunt vidére quæ vos vidétis, et non vidérunt : et audíre quæ audítis, et non audíerunt. Et ecce quidam legisperitus surréxit, tentans illum, et dicens : Magíster, quid faciéndó vitam ætérnam possidébo? At ille dixit ad eum : In lege quid scriptum est? quómodo legis? Ille respóndens, dixit : Díliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua : et próximum tuum sicut teípsum. Dixitque illi : Recte respondísti : hoc fac, et vives. Ille autem volens justificáre seípsum, dixit ad Jesum : Et quis est meus próximus? Suscípíens autem Jesus, dixit : Homo quidam descendébat ab Jerúsalem in Jérico, et incidit in latrónes, qui étiam despoliavérunt eum : et plagis impositis, abiérunt, semivivo relicto. Accidit autem ut sacérdos quidam descénderet eádem via, et viso illo, præterívit. Similiter et Levíta, cum esset secus locum, et vidéret eum, pertránsiit. Samaritánus autem quidam iter faciens, venit secus eum : et videns eum, misericórdia motus est. Et apprópians, alligávit vúlnera ejus, infúndens óleum et vinum : et impónens illum in juméntum suum, duxit in stábulum, et curam ejus egit. Et áltera die prótulit duos denários, et dedit stabulário, et ait : Curam illius habe : et quodcúmque supererogáveris, ego, cum rediero, reddam tibi. Quis horum trium vidétur tibi próximus fuisse illi qui incidit in latrónes? At ille dixit : Qui fecit misericórdiam in illum. Et ait illi Jesus : Vade, et tu fac similiter.

Credo.

Offertorium. Exodi 32. Precátus est Móyses in conspéctu Dómini Dei sui, et dixit : Quare, Dómine, irásceris in pópulo tuo? Parce iræ ánimæ tuæ : memento Abraham, Isaac et Jacob, quibus jurásti dare terram fluéntem lac et mel : et placátus factus est Dóminus de maliginitáte quam dixit fácere pópulo suo.

Secreta.

HÓSTIAS, quæsumus, Dómine, propítius inténde, quas sacris altáribus exhibémus : ut nobis indulgéntiam largiéndó, tuo nómini dent honórem. Per.

Alia Secreta, Exáudi nos. 56 ; tertia ad libitum.*

Communio. Ps. 103. De fructu óperum tuórum, Dómine, satiábitur terra : ut edúcas panem de terra, et vinum lætíficet cor hómínis : ut exhílalet faciém in óleo, et panis cor hómínis confirmet.

Postcommunio.

VIVÍFICET nos, quæsumus, Dómine, hujus participatio sancta mystérii : et páriet nobis expiatiónem tribuat, et munímen. Per Dóminum.

Alia Postcommunio, Mundet. 56 ; tertia ad libitum.*

DOMINICA DECIMA TERTIA

POST PENTECOSTEN

Introitus. Ps. 73.

RÉSPICE, Dómine, in testaméntum tuum, et ánimas páuperum tuórum ne derelínquas in finem : exsúrge, Dómine, et júdica causam tuam, et ne obliviscáris voces quæréntium te. *Ps.* Ut quid, Deus, repulisti in finem : irátus es furor tuus super oves páscuæ tuæ? *ŷ.* Glória Patri. Réspice.

Oratio.

OMNÍPOTENS sempitérne Deus, da nobis fidei, spei et charitátis augméntum : et ut mereámur ássequi quod promíttis, fac nos amáre quod præcipis. Per.

Secunda Oratio, A cunctis. 56 ; tertia ad libitum.*

Lectio Epístolæ beáti Pauli Apóstoli ad Gálatas. Cap. 3.

FRATRES, Abrahæ dictæ sunt promissiones, et sémíni ejus. Non dicit :

Et seminibus, quasi in multis; sed quasi in uno : Et sēmini tuo, qui est Christus. Hoc autem dico, testamētum confirmātum a Deo : quæ post quadringētos et triginta annos facta est lex, non irritum facit ad evacuādam promissionem. Nam si ex lege hærēditas, jam non ex promissione : Abrahæ autem per repromissionem donāvit Deus. Quid igitur lex? Propter transgressiōnes pōsita est, donec veniret semen, cui promiserat, ordināta per Angelos in manu mediātōris. Mediātōr autem unius non est : Deus autem unus est. Lex ergo advērsus promissa Dei? Absit. Si enim data esset lex quæ posset vivificāre, vere ex lege esset iustitia. Sed conclusit Scriptūra omnia sub peccāto, ut promissio ex fide Jesu Christi darētur credētibz.

Graduale. Ps. 73. Rēspice, Dōmine, in testamētum tuum : et ānimas pāuperum tuōrum ne obliviscāris in finem. **ŷ.** Exsūrge, Dōmine, et iūdice causam tuam : memor esto opprōbrii servōrum tuōrum.

Allelūia, allelūia. **ŷ.** Ps. 89. Dōmine, refūgium factus es nobis a generatiōne et progēnie. Allelūia.



Sequētia sancti Evangēlii secūndum Lucam. **Cap. 17.**

In illo tēpore : Dum iret Jesus in Jerūsalem, transibat per mēdiam Samariam et Galilæam. Et cum ingrederētur quoddam castēllum, occurrerunt ei decem viri leprosi, qui steterunt a longe, et levaverunt vocem, dicētes : Jesu præceptor, miserere nostri. Quos ut vidit, dixit : Ite, ostēdite vos sacerdotibus. Et factum est, dum irent, mundāti sunt. Unus autem ex illis, ut vidit quia mundātus est, regrēssus est, cum magna voce magnificans Deum, et cecidit in faciem ante pedes ejus, grātias agens : et hic erat Samaritānus. Respōdens autem Jesus, dixit : Nonne decem mundāti sunt? et novem ubi sunt? Non est invēntus qui rediret, et daret glōriam Deo, nisi hic alienigena. Et ait illi : Surge, vade; quia fides tua te salvum fecit.

Credo.

Offertorium. Ps. 30. In te sperāvi, Dōmine; dixi : Tu es Deus meus, in mānibus tuis tēpōra mea.

Secreta.

PROPITIARE, Dōmine, pōpulo tuo, propitiare munēribz : ut hac oblatiōne placātus, et indulgētiā nobis tribuas, et postulāta concēdas. Per Dōminum.

Alia Secreta, Exāudi nos. 56*; **tertia ad libitum.**

Communio. Sap. 16. Panem de cōelo dedisti nobis, Dōmine, habēntem omne delectamētum et omnem sapōrem suavitātis.

Postcommunio.

SUMPTIS, Dōmine, cōelēstibus sacramētis : ad redemptiōnis æternæ, quæsumus, proficiāmz augmētum. Per.

Alia Postcommunio, Mundet. 56*; **tertia ad libitum.**

DOMINICA DECIMA QUARTA

POST PENTECOSTEN

Introitus. Ps. 83.

PROTÉCTOR noster, aspice, Deus, et respice in faciē Christi tui : quia mēlior est dies una in ātriis tuis super millia. **Ps.** Quam dilēcta tabernacula tua, Dōmine virtūm! concupiscit et dēficit ānima mea in ātria Dōmini. **ŷ.** Glōria Patri. Protéctor.

Oratio.

CUSTODI, Dōmine, quæsumus, Ecclesiā tuam propitiatiōne perpētua : et quia sine te lābitur humanā mortalitas, tuis semper auxiliis et abstrahātur a nōxiis, et ad salutāria dirigātur. Per.

Secunda Oratio, A cunctis. 56*; **tertia ad libitum.**

Lectio Epistolæ beāti Pauli Apōstoli ad Gālatas. **Cap. 5.**

FRATRES, Spīritu ambulāte, et desidēria carnis nōn perficiētis. Caro enim concupiscit advērsus spīritum, spīritus autem advērsus carnem : hæc enim sibi invicem adversāntur : ut nōn quæcūmq; vultis, illa faciātis. Quod si spīritu ducimini, nōn estis sub lege. Manifesta sunt autem ōpera carnis, quæ sunt fornicatio, immunditia, impudicitia, luxūria,

idolórũm sêrvitus, veneficia, inimicitiae, contentiões, æmulatiões, iræ, rixæ, dissensiões, sectæ, invidiæ, homicidia, ebrietates, comessatiões, et his similia : quæ prædico vobis, sicut prædixi : quoniam qui talia agunt, regnum Dei non consequentur. Fructus autem Spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hujusmodi non est lex. Qui autem sunt Christi, carnem suam crucifixerunt cum vitis et concupiscentiis.

Graduale. Ps. 117. Bonum est confidere in Domino, quam confidere in homine. **Ÿ.** Bonum est sperare in Domino, quam sperare in principibus.

Allelûia, allelûia. Ÿ. Ps. 94. Venite, exultemus Domino, jubilemus Deo salutari nostro. Allelûia.



Sequentia sancti Evangelii secundum Matthæum. **Cap. 6.**

In illo tempore : Dixit Jesus discipulis suis : Nemo potest duobus dominis servire : aut enim unum odio habebit, et alterum diligit : aut unum sustinebit, et alterum contemnet. Non potestis Deo servire, et mammonæ. Ideo dico vobis, ne solliciti sitis animæ vestræ quid manducetis, neque corpori vestro quid induamini. Nonne anima plus est quam esca, et corpus plus quam vestimentum? Respice volatilia cœli, quoniam non serunt, neque metunt, neque congregant in hórrea : et Pater vester cœlestis pascit illa. Nonne vos magis pluris estis illis? Quis autem vestrum cogitans potest adjicere ad staturam suam cubitum unum? Et de vestimento quid solliciti estis? Considerate lilia agri, quomodo crescunt : non laborant, neque nent. Dico autem vobis, quoniam nec Salomon in omni glória sua coopertus est sicut unum ex istis. Si autem fenum agri, quod hodie est, et cras in cibum mittitur, Deus sic vestit : quanto magis vos, modicæ fidei? Nolite ergo solliciti esse, dicentes : Quid manducabimus, aut quid bibemus, aut quo operiemur? Hæc enim omnia

gentes inquirunt. Scit enim Pater vester quia his omnibus indigetis. Quærite ergo primum regnum Dei, et justitiam ejus : et hæc omnia adjicientur vobis.

Credo.

Offertorium. Ps. 33. Immittet Angelus Domini in circuitu timéntium eum, et eripiet eos : gustate, et videte quoniam suavis est Dominus.

Secreta.

CONCEDE nobis, Domine, quæsumus : ut hæc hostia salutaris, et nostrorum fiat purgatio delictorum, et tuæ propitiatio potestatis. Per Dominum.

Alia Secreta, Exaudi nos. 56* ; tertia ad libitum.

Communio. Matth. 6. Primum quærite regnum Dei, et omnia adjicientur vobis, dicit Dominus.

Postcommunio.

PURIFICENT semper et muniant tua sacramenta nos, Deus : et ad perpetuæ ducant salvationis effectum. Per.

Alia Postcommunio, Mundet. 56* ; tertia ad libitum.

DOMINICA DECIMA QUINTA

POST PENTECOSTEN

Introitus. Ps. 85.

INCLINA, Domine, aurem tuam ad me, et exaudi me : salvum fac servum tuum, Deus meus, sperantem in te : miserere mihi, Domine, quoniam ad te clamavi tota die. **Ps.** Lætifica animam servi tui : quia ad te, Domine, animam meam levavi. **Ÿ.** Glória Patri. Inclina.

Oratio.

ECCLÉSIAM tuam, Domine, miseratio continuata mundet et muniat : et quia sine te non potest salva consistere, tuo semper munere gubernetur. Per.

Secunda Oratio, A cunctis. 56* ; tertia ad libitum.

Lectio Epistolæ beati Pauli Apóstoli ad Galatas. Cap. 5 et 6.

FRATRES, Si spiritu vivimus, spiritu et ambulemus. Non efficiamur inanis glóriæ cupidi, invicem provocantes, invicem invidentes. Fratres, etsi preoccupatus fuerit homo in aliquo delicto,

vos, qui spirituales estis, hujusmodi instruite in spiritu lenitatis, considerans teipsum, ne et tu tenteris. Alter alterius onera portate, et sic adimplebitis legem Christi. Nam si quis existimat se aliquid esse, cum nihil sit, ipse se seducit. Opus autem suum probet unusquisque, et sic in semetipso tantum gloriam habebit, et non in altero. Unusquisque enim onus suum portabit. Communice autem is qui catechizatur verbo, ei qui se catechizat, in omnibus bonis. Nolite errare: Deus non irridetur. Quæ enim seminaverit homo, hæc et metet. Quoniam qui seminat in carne sua, de carne et metet corruptionem: qui autem seminat in spiritu, de spiritu metet vitam æternam. Bonum autem facientes, non deficiamus: tempore enim suo metemus, non deficientes. Ergo dum tempus habemus, operemur bonum ad omnes, maxime autem ad domesticos fidei.

Graduale. Ps. 91. Bonum est confiteri Dómino, et psallere nómini tuo, Altissime. **ŷ.** Ad annuntiandum mane misericordiam tuam, et veritatem tuam per nosmet.

Allelúia, allelúia. ŷ. Ps. 94. Quoniam Deus magnus Dóminus, et Rex magnus super omnem terram. **Allelúia.**



Sequentia sancti Evangelii secundum Lucam. **Cap. 7.**

In illo tempore: Ibat Jesus in civitatem quæ vocatur Naim: et ibant cum eo discipuli ejus, et turba copiosa. Cum autem appropinquaret portæ civitatis, ecce defunctus efferebatur filius unicus matris suæ: et hæc vidua erat; et turba civitatis multa cum illa. Quam cum vidisset Dóminus, misericordia motus super eam, dixit illi: Noli flere. Et accéssit, et tégit loculum. (Hi autem qui portabant, steterunt.) Et ait: Adolescens, tibi dico, surge. Et resédit qui erat mortuus, et cepit loqui. Et dedit illum matri suæ. Accépit autem omnes timor: et magnificabant Deum, dicentes: Quia Prophéta magnus surrexit in nobis: et quia Deus visitavit plebem suam. **Credo.**

Offertorium. Ps. 39. Exspéctans expectavi Dóminum, et respéxit me: et exaudivit deprecationem meam, et immisit in os meum cánticum novum, hymnum Deo nostro.

Secreta.

TUA nos, Dómine, sacramenta custodiant, et contra diabólicos semper tueantur incursus. **Per Dóminum.**

Alia Secreta, Exáudi nos. 56*; **tertia ad libitum.**

Communio. Joan. 6. Panis quem ego dédero, caro mea est pro sæculi vita.

Postcommunio.

MENTES nostras et corpora possideat, quæsumus, Dómine, doni cœlestis operatio: ut non noster sensus in nobis, sed júgiter ejus prævéniat effectus. **Per.**

Alia Postcommunio, Mundet. 56*; **tertia ad libitum.**

DOMINICA DECIMA SEXTA

POST PENTECOSTEN

Introitus. Ps. 85.

MISERERE mihi, Dómine, quoniam ad te clamávi tota die: quia tu, Dómine, suavis ac mitis es, et copiosus in misericordia omnibus invocantibus te. **Ps. Inclina, Dómine, aurem tuam mihi, et exáudi me: quoniam inops et pauper sum ego. ŷ. Glória Patri. Miserere.**

Oratio.

TUA nos, quæsumus, Dómine, grátia semper et prævéniat, et sequatur: ac bonis opéribus júgiter præstet esse inténtos. **Per Dóminum.**

Secunda Oratio, A cunctis. 56*; **tertia ad libitum.**

Lectio Epistolæ beati Pauli Apóstoli ad Ephésios. Cap. 3.

FRATRES, Obsecro vos, ne deficiátis in tribulationibus meis pro vobis: quæ est glória vestra. Hujus rei grátia flecto gēnua mea ad Patrem Dómini nostri Jesu Christi, ex quo omnis patérnitas in cœlis et in terra nominatur, ut det vobis, secundum divitias glóriæ suæ, virtute corroborári per Spíritum ejus in interiõ-

rem hóminem, Christum habitáre per fidem in córdibus vestris : in charitaté radicáti et fundáti, ut possitis comprehendere cum ómnibus Sanctis, quæ sit latitúdo, et longitúdo, et sublimitas, et profundum : scire étiam supereminéntem sciéntiæ charitatém Christi, ut impleámini in omnem plenitúdinem Dei. Ei autem qui potens est ómnia fácere superabundánter quam pétimus aut intelligimus, secúndum virtútum quæ operátur in nobis, ipsi glória in Ecclésia, et in Christo Jesu, in omnes generatiónes sæculi sæculórum. Amen.

Graduale. Ps. 101. Timébunt gentes nomen tuum, Dómine, et omnes reges terræ glóriam tuam. **Ÿ.** Quóniam ædificávit Dóminus Sion : et vidébitur in maiestáte sua.

Allelúia, allelúia. **Ÿ.** Ps. 97. Cantáte Dómino cánticum novum : quia mirabilia fecit Dóminus. Allelúia.



Sequéntia sancti Evangélii secúndum Lucam. **Cap. 14.**

IN illo témpore : Cum intráret Jesus in domum cuiúsdam príncipis pharisæórum sábbato manducáre panem, et ipsi observábant eum. Et ecce homo quidam hydrópicus erat ante illum. Et respóndens Jesus, dixit ad legisperitos et pharisæos, dicens : Si licet sábbato curáre? At illi tacuérunt. Ipse vero apprehénsus sanávit eum, ac dimisit. Et respóndens ad illos, dixit : Cujus vestrum ásinus aut bos in píteum cadet, et non continuo éxtrahet illum die sábbati? Et non póterant ad hæc respondére illi. Dicebat autem et ad invitátos parábolam, inténdens quómmodo primos accúbatus eligerent, dicens ad illos : Cum invitátus fúeris ad núptias, non discúmbas in primo loco, ne forte honorátior te sit invitátus ab illo, et véniens is qui te et illum vocávit, dicat tibi : Da huic locum : et tunc incípias cum rubóre novíssimum locum tenére. Sed cum vocátus fúeris, vade, recúmbe in novíssimo loco : ut cum vénerit qui te invitávit, dicat tibi : Amice, ascénde supérius. Tunc erit tibi glória coram simul discumbéntibus : quia omnis

qui se exáltat, humiliábitur; et qui se humiliat, exaltábitur. Credo.

Offertorium. Ps. 39. Dómine, in auxiliúm meum respice : confundántur et reveréantur, qui quærunt ánimam meam, ut áuferant eam : Dómine, in auxiliúm meum respice.

Secreta.

MUNDA nos, quæsumus, Dómine, sacrificií præsentis effectú, et pèrfice miserátus in nobis : ut ejus mereámur esse participes. Per Dóminum.

Alia Secreta, Exáudi nos. 56*; **tertia ad libitum.**

Communio. Ps. 70. Dómine, memorábor justitiæ tuæ solíus : Deus, docuisti me a juventúte mea : et usque in senéctam et sénium, Deus, ne derelinquas me.

Postcommunio.

PURÍFICA, quæsumus, Dómine, mentes nostras benígnus, et rénova celéstibus sacraméntis : ut consequénter et córporum præsens páriter et futúrum capiámus auxiliúm. Per Dóminum.

Alia Postcommunio, Mundet. 56*; **tertia ad libitum.**

DOMINICA DECIMA SEPTIMA

POST PENTECOSTEN

Introitus. Ps. 118.

JUSTUS es, Dómine, et rectum júdicium tuum : fac cum servo tuo secúndum misericórdiam tuam. **Ps.** Beáti immaculáti in via, qui ámbulant in lege Dómini. **Ÿ.** Glória Patri. Justus es.

Oratio.

DA, quæsumus, Dómine, pópulo tuo diabólica vitáre contágia, et te solum Deum pura mente sectári. Per.

Secunda Oratio, A cunctis. 56*; **tertia ad libitum.**

Léctio Epistolæ beáti Pauli Apóstoli ad Ephésios. **Cap. 4.**

FRATRES, Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúidine, cum paciéntia, supportántes invicem in charitaté, solliciti serváre unitátem spíritus in vínculo pacis. Unum corpus, et unus spíritus,

sicut vocati estis in una spe vocacionis vestrae. Unus Dominus, una fides, unum baptisma. Unus Deus et Pater omnium, qui est super omnes, et per omnia, et in omnibus nobis. Qui est benedictus in saecula saeculorum. Amen.

Graduale. Ps. 32. Beata gens cujus est Dominus Deus eorum : populus quem elegit Dominus in hereditatem sibi. *℟.* Verbo Domini caeli firmati sunt, et spiritu oris ejus omnis virtus eorum.

Alleluia, alleluia. *℟.* Ps. 101. Domine, exaudi orationem meam : et clamor meus ad te perveniat. Alleluia.



Sequentia sancti Evangelii secundum Matthaeum. **Cap. 22.**

In illo tempore : Accesserunt ad Jesum pharisaei, et interrogavit eum unus ex eis legis doctor, tentans eum : Magister, quod est mandatum magnum in lege? Ait illi Jesus : Diliges Dominum Deum tuum ex toto corde tuo, et in tota anima tua, et in tota mente tua. Hoc est maximum et primum mandatum. Secundum autem simile est huic : Diliges proximum tuum sicut teipsum. In his duobus mandatis universa Lex pendet, et Prophetiae. Congregatis autem pharisaeis, interrogavit eos Jesus, dicens : Quid vobis videtur de Christo? ejus filius est? Dicunt ei : David. Ait illis : Quomodo ergo David in Spiritu vocat eum Dominum, dicens : Dixit Dominus Domino meo : Sede a dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius ejus est? et nemo poterat ei respondere verbum : neque ausus fuit quisquam ex illa die eum amplius interrogare. Credo.

Offertorium. Dan. 9. Oravi Deum meum, ego Daniel, dicens : Exaudi, Domine, preces servi tui : illumina faciem tuam super sanctuarium tuum : et propitius intende populum istum, super quem invocatum est nomen tuum, Deus.

Secreta.

MAJESTATEM tuam, Domine, suppliciter deprecamur, ut haec sancta quae

gerimus, et a praeteritis nos delictis exuant, et futuris. Per Dominum.

Alia Secreta, Exaudi nos. 56*; *tertia ad libitum.*

Communio. Ps. 75. Vovete, et redite Domino Deo vestro, omnes qui in circuitu ejus affertis munera : terribili et ei qui aufert spiritum principum : terribili apud omnes reges terrae.

Postcommunio.

SANCTIFICATIONIBUS tuis, omnipotens Deus, et vitia nostra curentur, et remedia nobis aeterna proveniant. Per Dominum.

Alia Postcommunio, Mundet. 56*; *tertia ad libitum.*

FERIA QUARTA

QUATUOR TEMPORUM SEPTEBRIS

Statio ad Sanctam Mariam Majorem.

Introitus. Ps. 80.

EXSULTATE Deo adjutori nostro, jubilate Deo Jacob : sumite psalmum jucundum cum cithara : canite in initio mensis tuba, quia praecceptum in Israel est, et judicium Deo Jacob. **Ps.** Testimonium in Joseph posuit illud, cum exiret de terra Aegypti : linguam quam non noverat, audivit. *℟.* Gloria Patri. Exsultate.

Post Kyrie, elison, dicitur

Oramus. Flectamus genua.

℟. Levate.

Oratio.

MISERICORDIE tuae remediis, quaesumus, Domine, fragilitas nostra subsistat : ut quae sua conditione atterritur, tua clementia reparetur. Per Dominum.

Lectio Amos Prophetiae. **Cap. 9.**

HAEC dicit Dominus Deus : Ecce dies veniunt : et comprehendet arator messorem, et calcator uvae mittentem semen : et stillabunt montes dulcedinem, et omnes colles culti erunt. Et convertam captivitatem populi mei Israel : et aedificabunt civitates desertas, et inhabitabunt : et plantabunt vineas, et bibent vinum earum : et facient hortos, et comedent fructus eorum. Et plantabo eos super humum suam : et non evellam

eos ultra de terra sua, quam dedi eis : dicit Dóminus Deus tuus.

Graduale. Ps. 112. Quis sicut Dóminus Deus noster, qui in altis hábitat, et humília respicit in cœlo et in terra? **Ÿ.** Súscitans a terra inopem, et de stércore érigens páuperem.

Hic dicitur Dóminus vobíscum, sine Flectámus gēnuā.

Orémus. Oratio.

PRÆSTA, quæsumus, Dómine, familiæ tuæ supplicánti : ut dum a cibis corporálibus se ábstinet, a vítiis quoque mente jejúnet. Per Dóminum.

Secunda Oratio, A cunctis. 56* ; tertia ad libitum.

Lectio libri Esdræ.

Neh. vel II Esdr. 8.

IN diébus illis : Congregátus est omnis pópulus quasi vir unus ad platéam quæ est ante portam Aquárum ; et dixerunt Esdræ scribæ ut afférret librum legis Móysi, quam præcéperat Dóminus Israël. Attulit ergo Esdras sacérdos legem coram multitúdine virórum et mulierum, cunctisque qui póterant intelligere, in die prima mensis séptimi. Et legit in eo apérte in platéa quæ erat ante portam Aquárum, de mane usque ad médiā diē, in conspéctu virórum, et mulierum, et sapiéntium : et aures omnis pópuli erant eréctæ ad librum. Stetit autem Esdras scriba super gradum ligneum, quem fécerat ad loquéndum. Et aperuit librum coram omni pópulo : super univérsum quippe pópulum eminebat : et cum aperuisset eum, stetit omnis pópulus. Et benedixit Esdras Dómino Deo magno : et respóndit omnis pópulus : Amen, amen, élevans manus suas : et incurváti sunt, et adoravérunt Deum proni in terram. Porro Levítæ siléntium faciébant in pópulo ad audiéndam legem : pópulus autem stabat in gradu suo. Et legérunt in libro legis Dei distincte et apérte ad intelligéndum : et intellexérunt eum legerétur. Dixit autem Nehemías, et Esdras sacérdos et scriba, et Levítæ interpretántes univérso pópulo : Dies sanctificátus est Dómino Deo

nostro, nolite lugére, et nolite flere. Et dixit eis : Ite, comédite pínguia, et bibite mulsum, et mittite partes his qui non præparavérunt sibi : quia sanctus dies Dómini est, et nolite contristári : gáudium etenim Dómini est fortitúdo nostra.

Graduale. Ps. 32. Beáta gens cujus est Dóminus Deus eórum : pópulus quem elégit Dóminus in hæreditátem sibi. **Ÿ.** Verbo Dómini cœli firmáti sunt : et spírítu oris ejus omnis virtus eórum.

Sequéntia sancti Evangélii secúndum Marcum. Cap. 9.

IN illo témpore : Respóndens unus de turba, dixit ad Jesum : Magíster, áttuli filium meum ad te habéntem spírítum mutum qui ubicúmque eum apprehénderit, allidit illum, et spumat, et stridet déntibus, et aréscit : et dixi discípulis tuis ut ejicerent illum, et non potuérunt. Qui respóndens eis, dixit : O generatio incredúla, quámdiu apud vos ero? quámdiu vos pátiar? Afférte illum ad me. Et attulérunt eum. Et cum vidisset eum, statim spírítus conturbávit illum : et elisus in terram, volutabátur spumans. Et interrogávit patrem ejus : Quantum témporis est, ex quo ei hoc áccidit? At ille ait : Ab infántia : et fréquenter eum in ignem et in aquas misit, ut eum pérderet. Sed si quid potes, ádjuva nos, misértus nostri. Jesus autem ait illi : Si potes crédere, ómnia possibília sunt credénti. Et contiúuo exclámans pater púeri, cum lácrymis aíebat : Credo, Dómine, ádjuva incredulitátem meam. Et cum vidéret Jesus concurréntem turbam, comminátus est spírítui inmúndo, dicens illi : Surde et mute spírítus, ego præcípío tibi, exi ab eo, et ámplius ne intróeas in eum. Et exclámans, et multum discérpens eum, éxiit ab eo : et factus est sicut mórtuus, ita ut multi dicerent : Quia mórtuus est. Jesus autem tenens manum ejus, elevávit eum, et surrexit. Et cum introisset in domum, discípuli ejus secréto interrogábant eum : Quare nos non potuimus ejicere eum? Et dixit illis : Hoc genus

in nullo potest exire, nisi in oratione et jejúnio.

Offertorium. Ps. 118. Meditabor in mandátis tuis, quæ diléxi valde : et levábo manus meas ad mandáta tua, quæ diléxi.

Secreta.

HÆC hóstia, Dómine, quæsumus, emúndet nostra delicta, et ad sacrificium celebrándum, subditórum tibi córpora mentésque sanctificet. Per.

Alia Secreta, Exáudi nos. 56*; **tertia** ad libitum.

Communio. II Esdr. 8. Comédite pinguia, et bibite mulsum, et mittite partes his qui non preparáverunt sibi : sanctus enim dies Dómini est, nolite contristári : gáudium etenim Dómini est fortitúdo nostra.

Postcommunio.

SUMÉNTES, Dómine, dona celéstia, suppliciter deprecámur : ut quæ sédula servitúte, donánte te, gérimus, dignis sésibus tuo múnere capiámus. Per Dóminum.

Alia Postcommunio, Mundet. 56*; **tertia** ad libitum.

FERIA SEXTA

QUATUOR TEMPORUM SEPTEMBRIS

Statio ad Sanctos Duodecim Apostolos.

Introitus. Ps. 104.

LÆTÉTUR cor quæréntium Dóminum : quærite Dóminum, et confirmámini : quærite faciém ejus semper. Ps. Confitémini Dómino, et invocáte nomen ejus : annuntiáte inter gentes ópera ejus. ̎. Glória Patri. Lætétur.

Oratio.

PRESTA, quæsumus, omnipotens Deus : ut observatiónes sacras ánnua devotióne recoléntes, et corpore tibi placeámus, et mente. Per Dóminum.

Secunda Oratio, A cunctis. 56*; **tertia** ad libitum.

Lectio Osée Prophétæ. Cap. 14.

HÆC dicit Dóminus Deus : Convertere, Israel, ad Dóminum Deum tuum : quóniam corruisti in iniquitate tua. Tól-

lite vobíscum verba, et convertimini ad Dóminum, et dicite ei : Omnem aufer iniquitátem, áccipe bonum : et reddémus vitulos labiórum nostrórum. Assur non salvábit nos, super equum non ascendémus, nec dicémus ultra : Dii nostri ópera mánuum nostrárum : quia ejus qui in te est, miseréberis pupilli. Sanábo contritiónes eórum, diligam eos spontáne : quia avérsus est furor meus ab eis. Ero quasi ros ; Israel germinábit sicut lílium, et erumpet radix ejus ut Libani. Ibunt rami ejus, et erit quasi olíva glória ejus, et odor ejus ut Libani. Converténtur sedéntes in umbra ejus : vivent tritico, et germinábunt quasi vínea : memoriále ejus sicut vinum Libani. Ephraim, quid mihi ultra idóla ? Ego exáudiam, et dirigam eum ego ut abietem viréntem : ex me fructus tuus invéntus est. Quis sapiens, et intélliget ista ? intélligens, et sciet hæc ? Quia rectæ viæ Dómini, et justi ambulábunt in eis : prævaricatorés vero còrruent in eis.

Graduale. Ps. 89. Convertere, Dómine, aliquántulum, et deprecáre super servos tuos. ̎. Dómine, refúgium factus es nobis a generatióne et progénie.



Sequéntia sancti Evangélíi secúndum Lucam. Cap. 7.

In illo témpore : Rogábat Jesum quidam de pharisæis, ut manducáret cum illo. Et ingressus domum pharisæi, discubuit. Et ecce mûlier, quæ erat in civitate peccátrix, ut cognóvit quod acubuissest in domo pharisæi, áttulit alabástrum unguénti, et stans retro secus pedes ejus, lácrymis cœpit rigáre pedes ejus, et capillis cápitis sui tergébat, et osculábatur pedes ejus, et unguénto ungebat. Videns autem pharisæus, qui vocáverat eum, ait intra se, dicens : Hic si esset Prophéta, sciret útique quæ et qualis est mûlier quæ tangit eum, quia peccátrix est. Et respóndens Jesus, dixit ad illum : Simon, hábeo tibi áliquíd dicere. At ille ait : Magíster, dic. Duo debitóres erant cuidam fœneratóri : unus debébat denários quingéntos, et álius quinquaginta. Non habéntibus illis unde rédderent,

donávit utrisque. Quis ergo eum plus diligit? Respóndens Simon, dixit : Æstimo quia is cui plus donávit. At ille dixit ei : Recte judicásti. Et convérsus ad mulierem, dixit Simóni : Vides hanc mulierem? Intrávi in domum tuam, aquam pedibus meis non dedísti : hæc autem lácrymis rigávit pedes meos, et capillis suis tersit. Osculum mihi non dedísti : hæc autem, ex quo intrávit, non cessávit osculári pedes meos. Oleo caput meum non unxísti : hæc autem unguénto unxit pedes meos. Propter quod dico tibi : Remittúntur ei peccáta multa, quóniam diléxit multum. Cui autem minus dimittitur, minus diligit. Dixit autem ad illam : Remittúntur tibi peccáta. Et cœpérunt qui simul accumbébant dicere intra se : Quis est hic qui étiam peccáta dimittit? Dixit autem ad mulierem : Fides tua te salvam fecit : vade in pace.

Offertorium. Ps. 102. Bénedic, ánima mea, Dómino : et noli oblivisci omnes retributiónes ejus : et renovábitur sicut áquilæ juvéntus tua.

Secreta.

ACCÉPTA tibi sint, Dómine, quæsumus, nostri dona jejúnii : quæ et expiándo nos tua grátia dignos efficiant, et ad sempitérna promissa perducant. Per.

Alia Secreta, Exáudi nos. 56* ; tertia ad libitum.

Communio. Ps. 118. Aufer a me opprobrium et contéptum, quia mandáta tua exquisívi, Dómine : nam et testimónia tua meditatio mea est.

Postcommunio.

QUÆSUMUS, omnipotens Deus : ut de percéptis munéribus grátias exhibétes, beneficia potióra sumámus. Per.

Alia Postcommunio, Mundet. 56* ; tertia ad libitum.

SABBATO

QUATUOR TEMPORUM SEPTEMBRIS

Statio ad Sanctum Petrum.

Introitus. Ps. 94.

VENITE, adorémus Deum, et procidámus ante Dóminum : plorémus ante eum qui fecit nos : quia ipse

est Dóminus Deus noster. **Ps.** Veníte, exsultémus Dómino : jubilémus Deo salutári nostro. **ŷ.** Glória Patri. Veníte.

Post Kyrie, eléison, dicitur
Orémus. Flectámus génua.

ŷ. Leváte.

Oratio.

OMNÍPOTENS sempitérne Deus, qui per contiúéntiam salutárem, corpóribus medéris et méntibus : Majestátem tuam supplices exorámus ; ut pia jejunántium deprecatione placátus, et præséntia nobis subsidia tribuas, et futúra. Per.

Léctio libri Levitici. Cap. 23.

IN diébus illis : Locútus est Dóminus ad Móysen, dicens : Décimo die mensis hujus séptimi, dies expiatiónum erit celebrérrimus, et vocábitur sanctus : affligetisque ánimas vestras in eo, et offerétis holocáustum Dómino. Omne opus servile non faciétis in témpore diéi hujus : quia dies propitiatiónis est, ut propitiétur vobis Dóminus Deus vester. Omnis ánima quæ afflicta non fúerit die hac, peribit de pópulis suis : et quæ óperis quídpiam fécerit, delébo eam de pópulo suo. Nihil ergo óperis faciétis in eo : legitimum sempitérnium erit vobis in cunctis generatióibus et habitatióibus vestris. Sábbatum requietiúnis est, et affligétis ánimas vestras die nono mensis. A véspera usque ad vésperam celebrábitis sábbata vestra : dicit Dóminus omnipotens.

Graduale. Ps. 78. Propítius esto, Dómine, peccátis nostris : nequándo dicant gentes : Ubi est Deus eórum? **ŷ.** Adjuva nos, Deus salutáris noster : et propter honórem nóminis tui, Dómine, libera nos.

Orémus. Flectámus génua.

ŷ. Leváte.

Oratio.

DA nobis, quæsumus, omnipotens Deus : ut jejunádo tua grátia satiemur, et abstinéndo cunctis efficiámur hóstibus fortióres. Per Dóminum.

Léctio libri Levitici. Cap. 23.

IN diébus illis : Locútus est Dóminus ad Móysen, dicens : A quintodécimo

die mensis séptimi, quando congregáveritis omnes fructus terræ vestræ, celebrábitis férias Dómini septem diébus : die primo et die octávo erit sábbatum, id est réquies. Sumetisque vobis die primo fructus árboris pulcherrimæ, spatuláscue palmárum, et ramos ligni densárum fróndium, et sálices de torrén-te, et lætabimini coram Dómino Deo vestro. Celebrábitisque solemnitétem ejus septem diébus per annum : legitimum semitérum erit in generatióibus vestris. Mense séptimo festa celebrábitis, et habitábitis in umbráculis septem diébus. Omnis qui de génere est Israel, manébit in tabernáculis : ut discant pósteri vestri quod in tabernáculis habitáre fécerim filios Israel, cum edúcerem eos de terra Ægypti. Ego Dóminus Deus vester.

Graduale. Ps. 83. Protéctor noster, aspice, Deus : et réspice super servos tuos. **Ÿ.** Dómine Deus virtútum, exáudi preces servórum tuórum.

Orémus. Flectámus génua.

Ŗ. Leváte.

Oratio.

TUERE, quæsumus, Dómine, familiam tuam : ut salútis æternæ remédia, quæ te inspiránte requirimus, te largiénte consequámur. Per Dóminum.

Lectio Michææ Prophætæ. Cap. 7.

DÓMINE Deus noster, pascé pópulum tuum in virga tua, gregem hæreditátis tuæ, habitántes solos in saltu, juxta dies antiquos. Vidébunt gentes, et confundéntur super omni fortitúdine sua. Quis Deus similis tui, qui aufers iniquitátem, et transis peccátum reliquiárum hæreditátis tuæ? Non immittet ultra furórem suum, quóniam volens misericórdiam est. Revertétur, et miserébitur nostri : depónet iniquitatés nostras, et projiciet in profúndum maris ómnia peccáta nostra. Dabis veritátem Jacob, misericórdiam Abraham : quæ jurásti pátribus nostris a diébus antiquis, Dómine Deus noster.

Graduale. Ps. 89. Convertere, Dó-

mine, aliquántulum, et deprecáre super servos tuos. **Ÿ.** Dómine, refúgium factus es nobis a generatióne et progénie.

Orémus. Flectámus génua.

Ŗ. Leváte.

Oratio.

PRÆSTA, quæsumus, Dómine, sic nos ab épulis abstinére carnálibus : ut a vítiis irruéntibus páriter jejúnemus. Per.

Lectio Zachariæ Prophætæ. Cap. 8.

IN diébus illis : Factum est verbum Dómini ad me : dicens : Hæc dicit Dóminus exercítuum : Sicut cogitávi ut affligerem vos, cum ad iracúndiam provocássent patres vestri me, dicit Dóminus, et non sum misértus : sic convérsus cogitávi in diébus istis, ut benefáciám dómui Juda et Jerúsalem : nolíte timére. Hæc sunt ergo verba quæ faciétis : Loquímmini veritátem unusquisque cum próximo suo : veritátem et judiciúm pacis judicáte in portis vestris. Et unusquisque malum contra amicum suum ne cogitétis in córdibus vestris : et juramentum mendax ne diligátis : ómnia enim hæc sunt quæ odi, dicit Dóminus. Et factum est verbum Dómini exercítuum ad me, dicens : Hæc dicit Dóminus exercítuum : Jejúnium quarti, et jejúnium quinti, et jejúnium séptimi, et jejúnium décimi erit dómui Juda in gáudio et lætítiam, et in solemnitétes præcláras : veritátem tantum et pacem diligite : dicit Dóminus exercítuum.

Graduale. Ps. 140. Dirigátur orátio mea sicut incensum in conspéctu tuo, Dómine. **Ÿ.** Elevátio mánuum meárum sacrificium vespertinum.

Orémus. Flectámus génua.

Ŗ. Leváte.

Oratio.

UT nobis, Dómine, tribuis solémne tibi deferre jejúnium : sic nobis, quæsumus, indulgéntiæ præsta subsidium. Per Dóminum.

Lectio Daniélis Prophætæ. Cap. 3.

IN diébus illis : Angelus Dómini descendit cum Azaria et sóciis ejus in fornácem : et excussit flammam ignis de

fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem : et erúpit, et incéndit quos réperit juxta fornácem de Chaldæis ministros regis, qui eam incendébant. Et non tégit eos omnino ignis, neque contristávit, nec quidquam moléstie intulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes :

Hic non respondetur Deo grátias.

Hymnus. Ibid.

BENEDÍCTUS es, Dómine Deus patrum nostrórum. Et laudábilis, et gloriósus in sæcula.

Et benedictum nomen glóriæ tuæ, quod est sanctum. Et laudábile, et gloriósum in sæcula.

Benedictus es in templo sancto glóriæ tuæ. Et laudábilis, et gloriósus in sæcula.

Benedictus es super thronum sanctum regni tui. Et laudábilis, et gloriósus in sæcula.

Benedictus es super sceptrum divinitátis tuæ. Et laudábilis, et gloriósus in sæcula.

Benedictus es qui sedes super Chérubim, intuens abyssos. Et laudábilis, et gloriósus in sæcula.

Benedictus es qui ámbulas super penas ventórum et super undas maris. Et laudábilis, et gloriósus in sæcula.

Benedicant te omnes Angeli et Sancti tui. Et laudent te, et glorificent in sæcula.

Benedicant te cœli, terra, mare, et ómnia quæ in eis sunt. Et laudent te, et glorificent in sæcula.

Glória Patri, et Filio, et Spiritui sancto. Et laudábili, et glorióso in sæcula.

Sicut erat in principio, et nunc, et semper, et in sæcula sæculórum. Amen. Et laudábili, et glorióso in sæcula.

Benedictus es, Dómine Deus patrum nostrórum. Et laudábilis, et gloriósus in sæcula.

Hic dicitur ̑. Dóminus vobiscum, sine Flectámus génua.

Oratio.

DEUS, qui tribus púeris mitigásti flamas ignium : concéde propitius ; ut nos fámulos tuos non exúrat flamma vitiórum. Per Dóminum.

Secunda Oratio, A cunctis. 56 ; tertia ad libitum.*

Léctio Epístolæ beáti Pauli Apóstoli ad Hebræos. *Cap. 9.*

FRATRES, Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velaméntum autem secúndum, tabernáculum, quod dicitur Sancta sanctórum, áureum habens thuribulum, et arcam testaménti circumtécram ex omni parte auro, in qua urna áurea habens manna, et virga Aaron, quæ frondúerat, et tábulæ testaménti ; supérque eam erant Chérubim glóriæ obumbrántia propitiatórium : de quibus non est modo dicéndum per síngula. His vero ita compósitis, in prióri quidem tabernáculo semper introibant sacerdótes, sacrificiórum officia consummántes : in secúndo autem semel in anno solus Póntifex, non sine ságuine, quem offert pro sua et pópuli ignorántia : hoc significánte Spíritu sancto, nondum proplátam esse sanctórum viam, adhuc prióre tabernáculo habénte statum. Quæ parábola est témporis instántis : juxta quam múnera et hóstiæ offerúntur, quæ non possunt juxta consciéntiam perfectum fácere serviéntem solúmmodo in cibis, et in pótibus, et váriis baptismátibus, et justítiis carnis usque ad tempus correctiónis impósitis. Christus autem assístens Póntifex futurórum bonórum, per ámplius et perfectiús tabernáculum non manufactum, id est, non hujus creatiónis ; neque per ságuinem hircórum aut vitulórum, sed per próprium ságuinem introívit semel in Sancta, ætéRNA redemptióne invénta.

Tractus. Ps. 116. Laudáte Dóminum, omnes gentes, et collaudáte eum, omnes pópuli. ̑. Quóniam confirmáta est super nos misericórdia ejus, et véritas Dómini manet in ætérnum.



Sequētia sancti Evangēlii secūndum Lucam. Cap. 13.

IN illo tēpore : Dicēbat Jesus turbis hanc similitūdinem : Arborem fici habēbat quidam plantātā in vinea sua ; et venit quārens fructum in illa, et non invēnit. Dixit autem ad cultōrem vineā : Ecce anni tres sunt ex quo venio quārens fructum in ficūlnea hac, et non invēnio : succide ergo illam ; ut quid etiā terram occupat ? At ille rēspōndens, dicit illi : Dōmine, dimitte illam et hoc anno, usque dum fōdiam circa illam, et mittam stercora : et si quidem fēcerit fructum : sin autem, in futūrum succides eam. Erat autem docens in synagōga eōrum sabbatis. Et ecce mulier quæ habēbat spīritum infirmitātis annis decem et octo, et erat inclināta, nec omnino pōterat sursum respicere. Quam cum vidēret Jesus, vocāvit eam ad se, et ait illi : Mulier, dimissa es ab infirmitate tua. Et impōsuit illi manus, et cōfēstim erēcta est, et glorificābat Deum. Rēspōndens autem archisynagōgus, indignans quia sabbato curāset Jesus, dicēbat turbæ : Sex dies sunt, in quibus opōrtet operāri : in his ergo venīte, et curāmini, et non in die sabbati. Rēspōndens autem ad illum Dōminus, dixit : Hypōcritæ, unusquisque vestrum sabbato non solvit bovem suum aut āsinum a præsēpio, et ducit adaquāre ? Hanc autem filiam Abrahæ, quam alligāvit Sātanās ecce decem et octo annis, non opōrtuit solvi a vinculo isto die sabbati ? Et cum hæc diceret, erubescēbant omnes adversārii ejus : et omnis pōpulus gaudēbat in univērsis quæ gloriōse fiēbant ab eo.

Offertorium. Ps. 87. Dōmine Deus salutis meæ, in die clamāvi et nocte coram te : intret oratio mea in conspēctu tuo, Dōmine.

Secreta.

CONCĒDE, quæsumus, omnīpotens Deus, ut oculis tuæ Majestātis munus oblātum, et grātiā nobis devotiōnis obtineat, et effēctum beātæ perennitātis acquirat. Per Dōminum.

Alia Secreta, Exaudi nos. 56* ; tertia ad libitum.

Communio. Levit. 23. Mense septimo festa celebrābitis, cum in tabernaculis habitāre fēcerim filios Israel, cum edūcerem eos de terra Ægypti, ego Dōminus Deus vester.

Postcommunio.

PERFICIANT in nobis, Dōmine, quæsumus, tua sacramēta quod continent : ut quæ nunc spēcīe gerimus, rerum veritatē capiamus. Per Dōminum.

Alia Postcommunio, Mundet. 56* ; tertia ad libitum.

DOMINICA DECIMA OCTAVA

POST PENTECOSTEN

Introitus. Eccli. 36.

DA pacem, Dōmine, sustinētibz te, ut Prophētæ tui fidēles invēniāntur : exaudi preces servi tui, et plebis tuæ Israel. Ps. 121. Lætātus sum in his quæ dicta sunt mihi : In domum Dōmini ibimus. Ÿ. Glōria Patri. Da.

Oratio.

DIRIGAT corda nostra, quæsumus, Dōmine, tuæ miseratiōnis operatio : quia tibi sine te placēre non pōsumus. Per Dōminum.

Secunda Oratio, A cunctis. 56* ; tertia ad libitum.

Lectio Epistolæ beāti Pauli Apōstoli ad Corīnthios. I Cor. 1.

FRATRES, Grātiās ago Deo meo semper pro vobis in grātia Dei, quæ data est vobis in Christo Jesu : quod in omnibus divites facti estis in illo, in omni verbo et in omni sciētia : sicut testimoniū Christi confirmātum est in vobis : ita ut nihil vobis desit in ulla grātia, expectātibz revelatiōnem Dōmini nostri Jesu Christi, qui et confirmābit vos usque in finem sine crimine, in die adventus Dōmini nostri Jesu Christi.

Graduale. Ps. 121. Lætātus sum in his quæ dicta sunt mihi : In domum Dōmini ibimus. Ÿ. Fiat pax in virtūte tua, et abundātia in tūribz tuis.

Allelūia, allelūia. Ÿ. Ps. 101. Timēbunt gentes nomen tuum, Dōmine : et

omnes reges terræ glóriam tuam. Allelúia.



Sequéntia sancti Evangélii secúndum Matthæum. **Cap. 9.**

IN illo témpore : Ascéndens Iesus in naviculam, transfretávit, et venit in civitátem suam. Et ecce offerébant ei paralyticum jacéntem in lecto. Et videns Iesus fidem illórum, dixit paralytico : Confide, fili, remittúntur tibi peccáta tua. Et ecce quidam de scribis dixerunt intra se : Hic blasphemát. Et cum vidisset Iesus cogitatíones eórum, dixit : Ut quid cogitátis mala in córdibus vestris? Quid est facilius, dicere : Dimittúntur tibi peccáta tua; an dicere : Surge, et ámbula? Ut autem sciátis quia Fílius hóminis habet potestátem in terra dimitténdi peccáta, tunc ait paralytico : Surge, tolle lectum tuum, et vade in domum tuam. Et surrexit, et abiit in domum suam. Vidéntes autem turbæ, timuérunt, et glorificavérunt Deum, qui dedit potestátem talem homínibus. **Credo.**

Offertorium. Exodi 24. Sanctificávit Móyses altáre Dómino, offerens super illud holocáusta, et immolans víctimas : fecit sacrificium vespertínium in odórem suavitátis Dómino Deo, in conspéctu filiúrum Israel.

Secreta.

DEUS, qui nos per hujus sacrificii veneránda commércia unius summæ divinitátis partícipes effícis : præsta, quæsumus, ut sicut tuam cognóscimus veritátem, sic eam dignis móribus assequámur. Per Dóminum.

Alia Secreta, Exáudi nos. 36*; tertia ad libitum.

Communio. Ps. 93. Tóllite hóstias, et introite in átria ejus : adoráte Dóminum in aula sancta ejus.

Postcommunio.

GRÁTIAS tibi reférimus, Dómine, sacro múnere vegetáti, tuam misericórdiam deprecántes : ut dignos nos ejus participatióne perficias. Per Dóminum.

Alia Postcommunio, Mundet. 36*; tertia ad libitum.

DOMINICA DECIMA NONA

POST PENTECOSTEN

Introitus.

SALUS pópuli ego sum, dicit Dóminus : de quacúmque tribulatióne clamáverint ad me, exáudiam eos : et ero illórum Dóminus in perpétuum. **Ps. 77.** Atténdite, pópule meus, legem ineam : inclináte aurem vestram in verba oris mei. **ŷ.** Glória Patri. Salus pópuli.

Oratio.

OMNÍPOTENS et miséricors Deus, universa nobis adversántia propitiátus excludé : ut mente et corpore páriter expediti, quæ tua sunt liberis méntibus exsequámur. Per Dóminum.

Secunda Oratio, A cunctis. 36*; tertia ad libitum.

Léctio Epistolæ beáti Pauli Apóstoli ad Ephésios. **Cap. 4.**

FRATRES, Renovámini spíritu mentis vestræ, et induíte novum hóminem, qui secúndum Deum creátus est in justitia et sanctitaté veritátis. Propter quod deponéntes mendácium, loquímini veritátem unusquisque cum próximo suo : quóniam sumus invicem membra. Irascimini, et nolite peccáre : sol non occidat super iracúndiam vestram. Nolite locum dare diabolo : qui furabátur, jam non furétur; magis autem labóret, operádo mánuibus suis quod bonum est, ut hábeat unde tríbuat necessitátem patiénti.

Graduale. Ps. 140. Dirigátur orátio mea sicut incénsus in conspéctu tuo, Dómine. **ŷ.** Elevátio mánuum meárum sacrificium vespertínium.

Allelúia, allelúia. **ŷ. Ps. 104.** Confitémini Dómino, et invocáte nomen ejus : annuntiáte inter gentes ópera ejus. Allelúia.



Sequéntia sancti Evangélii secúndum Matthæum. **Cap. 22.**

IN illo témpore : Loquebátur Iesus principibus sacerdotum et pharisæis in parábolis, dicens : Simile factum est regnum cœlórum hómini regi, qui fecit

núptias filio suo. Et misit servos suos vocáre invitátos ad núptias, et nolébant venire. Iterum misit álios servos, dicens : Dícite invitátis : Ecce prándium meum parávi : tauri mei, et altília occisa sunt, et ómnia paráta : venite ad núptias. Illi autem neglexérunt, et abiérunt, álius in villam suam, álius vero ad negotiatióem suam : réliqui vero tenuérunt servos ejus, et contuméliis afféctos occidérunt. Rex autem, cum audisset, irátus est : et missis exercíibus suis, pérdidit homicidas illos, et civitátem illórum succéndit. Tunc ait servis suis : Núptiæ quidem parátæ sunt; sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egréssi servi ejus in vias, congregavérunt omnes quos invenérunt, malos et bonos : et impléte sunt núptiæ discumbéntium. Intrávit autem rex, ut vidéret discumbéntes, et vidit ibi hóminem non vestitum veste nuptiáli. Et ait illi : Amíce, quómodo huc intrásti, non habens vestem nuptiálem? At ille obmútuít. Tunc dixit rex ministris : Ligátis mánibus et pédibus ejus, mittite eum in ténebras exterióres : ibi erit fletus et stridor déntium. Multi enim sunt vocáti, pauci vero elécti. Credo.

Offertorium. Ps. 137. Si ambulávero in médio tribulatióis, vivificábis me, Dómine : et super iram inimicórum meórum exténdes manum tuam, et saluum me faciet dextera tua.

Secreta.

HÆC múnera, quæsumus, Dómine, quæ óculis tuæ Majestátis offériamus, salutária nobis esse concéde. Per Dóminum.

Alia Secreta. Exáudi nos. 56*; *tertia ad libitum.*

Communio. Ps. 118. Tu mandásti mandata tua custodiri nimis : útinam dirigántur viæ meæ, ad custodiédas justificatióes tuas!

Postcommunio.

TUA nos, Dómine, medicinális operátio, et a nostris perversitatibus cle-

ménter expédiat, et tuis semper faciát inhærére mandátis. Per Dóminum.

Alia Postcommunio, Mundet. 56*; *tertia ad libitum.*

DOMINICA VIGESIMA

POST PENTECOSTEN

Introitus. Dan. 3.

OMNIA quæ fecísti nobis, Dómine, in vero júdicio fecisti : quia peccávimus tibi, et mandátis tuis non obedivimus : sed da glóriam nómini tuo, et fac nobiscum secúndum multitudinem misericórdiæ tuæ. Ps. 118. Beáti immaculáti in via, qui ámbulant in lege Dómini. 7. Glória Patri. Omnia.

Oratio.

LARGIRE, quæsumus, Dómine, fidélibus tuis indulgéntiam placátus et pacem : ut páriter ab ómnibus mündéntur offénsis, et secúra tibi mente desérvant. Per Dóminum.

Secunda Oratio, A cunctis. 56*; *tertia ad libitum.*

Lectio Epístolæ beáti Pauli Apóstoli ad Ephésios. Cap. 5.

FRATRES, Vidéte quómodo caute ambulétis : non quasi insipiéntes, sed ut sapiéntes : rediméntes tempus, quóniam dies mali sunt. Proptérea nolite fieri imprudéntes, sed intelligéntes quæ sit volúntas Dei. Et nolite inebriári vino, in quo est luxúria : sed implémini Spíritu sancto, loquéntes vobismetípsis in psalmis, et hymnis, et cánticis spiritúalibus, cantántes et psalléntes in córdibus vestris Dómino, grátias agéntes semper pro ómnibus in nómine Dómini nostri Jesu Christi, Deo et Patri. Subjécti invicem in timóre Christi.

Graduale. Ps. 144. Oculi ómnium in te sperant, Dómine, et tu das illis escam in témpore opportúno. 7. Aperis tu manum tuam, et implens omne ánimál benedictióne.

Allelúia, allelúia. 7. Ps. 107. Parátum cor meum, Deus, parátum cor meum : cantábo, et psallam tibi, glória mea. Allelúia.



Sequéntia sancti Evangéllii secúndum Joánnem. **Cap. 4.**

IN illo témpore : Erat quidam régulus cujus filius infirmabátur Caphárnaum. Hic cum audísset quia Jesus adveníret a Judæa in Galilæam, ábiit ad eum, et rogábat eum ut descénderet, et sanáret filium ejus : incipiébat enim mori. Dixit ergo Jesus ad eum : Nisi signa et prodigia vidéritis, non créditis. Dicit ad eum régulus : Dómine, descénde priúsqvam moriátur filius meus. Dicit ei Jesus : Vade, filius tuus vivit. Crédidit homo sermóni quem dixit ei Jesus, et ibat. Jam autem eo descéndente, servi occurrérunt ei, et nuntiavérunt dicéntes quia filius ejus viveret. Interrogábat ergo horam ab eis, in qua mélius habúerit. Et dixerunt ei : Quia heri hora séptima reliquit eum febris. Cognóvit ergo pater quia illa hora erat in qua dixit ei Jesus : Filius tuus vivit : et crédidit ipse, et domus ejus tota. **Credo.**

Offertorium. Ps. 136. Super flúmina Babylónis illic sédimus, et flévimus, dum recordarémur tui, Sion.

Secreta.

CELÉSTEM nobis præbeant hæc mystéria, quæsumus, Dómine, medicinam, et vitia nostri cordis expúrgent. Per Dóminum.

Alia Secreta, Exáudi nos. 56* ; tertia ad libitum.

Communio. Ps. 118. Meménto verbi tui servo tuo, Dómine, in quo mihi spem dedisti : hæc me consoláta est in humilitáte mea.

Postcommunio.

UT sacris, Dómine, reddámur digni munéribus : fac nos, quæsumus, tuis semper obedire mandátis. Per.

Alia Postcommunio, Mundet. 56* ; tertia ad libitum.

DOMINICA VIGESIMA PRIMA

POST PENTECOSTEN

Introitus. **Esth. 13.**

IN voluntáte tua, Dómine, univérse sunt pósita : et non est qui possit resistere voluntáti tuæ : tu enim

fecisti ómnia, cælum et terram, et univérse quæ cœli ámbitu continéntur : Dóminus universórum tu es. **Ps. 118.** Beáti immaculáti in via, qui ámbulant in lege Dómini. **ŷ. Glória Patri.** In voluntáte tua.

Oratio.

FAMÍLIAM tuam, quæsumus, Dómine, continua pietáte custódi : ut a cunctis adversitatibus, te protegénte, sit libera, et in bonis áctibus tuo nómini sit devóta. Per Dóminum.

Secunda Oratio, A cunctis. 56* ; tertia ad libitum.

Lectio Epistolæ beáti Pauli Apóstoli ad Ephésios. Cap. 6.

FRATRES, Confortámini in Dómino, et in poténtia virtútis ejus. Indúite vos armatúram Dei, ut possitis stare advérsus insídias diabóli : quóniam non est nobis colluctatio advérsus carnem et ságuinem : sed advérsus prínceps et potestates, advérsus mundi rectóres tenebrárum harum, contra spirituália nequitiae in cœlestibus. Propterea accípite armatúram Dei, ut possitis resistere in die malo, et in ómnibus perfécti stare. State ergo succineti lumbos vestros in veritaté, et indúti lorícæ justitiæ, et calceáti pedes in præparatióne Evangélli pacis : in ómnibus suméntes scutum fidei, in quo possitis ómnia tela nequissimi ígnea extingüere : et gáeam salutis assúmite, et gládium spíritus ; quod est verbum Dei.

Graduale. Ps. 89. Dómine, refúgium factus es nobis a generatióne et progénie. **ŷ. Priúsqvam montes fierent, aut formarétur terra et orbis, a sæculo et usque in sæculum tu es Deus.**

Allelúia, allelúia. ŷ. Ps. 113. In éxitu Israel de Ægypto : domus Jacob de póculo bárbaro.



Sequéntia sancti Evangéllii secúndum Matthæum. **Cap. 18.**

IN illo témpore : Dixit Jesus discipulis suis parábolam hanc : Assimilatúm est regnum cœlórum hómini regi, qui vóluit ratiónem pónere cum sérvs suis. Et cum cæpisset ratiónem pónere, oblá-

tus est ei unus qui debébat ei decem millia talénta. Cum autem non habéret unde rédderet, jussit eum dóninus ejus venúndari, et uxórem ejus, et filios, et ómnia quæ habébat, et reddi. Prócident autem servus ille, orábat eum, dicens : Patiéntiam habe in me, et ómnia reddam tibi. Misértus autem dóninus servi illíus, dimisit eum, et débítum dimisit ei. Egréssus autem servus ille, invénit unum de consérvis suis, qui debébat ei centum denários : et tenens suffocábat eum, dicens : Redde quod debes. Et prócident consérvus ejus, rogábat eum, dicens : Patiéntiam habe in me, et ómnia reddam tibi. Ille autem nóluit ; sed ábiit, et misit eum in cárcerem, donec rédderet débítum. Vidéntes autem consérvi ejus quæ fiébant, contristáti sunt valde : et venérunt, et narravérunt dómíno suo ómnia quæ facta fúerant. Tunc vocávit illum dóninus suus, et ait illi : Serve nequam, omne débítum dimisi tibi, quóniam rogásti me : nunc ergo opórtuit et te miseréri consérvi tui, sicut et ego tui misértus sum? Et irátus dóninus ejus, trádidit eum tortóribus, quoadúsque rédderet univérsum débítum. Sic et Pater meus cœléstis faciet vobis, si non remisérítis unusquisque fratri suo de córdibus vestris. Credo.

Offertorium. Job 1. Vir erat in terra Hus, nómine Job, simplex et rectus, ac timens Deum : quem Satan pétíit ut tentáret : et data est ei potéstas a Dómíno in facultátes et in carnem ejus : perdiditque omnem substántiam ipsíus et filios : carnem quoque ejus gravi úlcere vulnerávit.

Secreta.

SÚSCIPE, Dómine, propítius hóstias quibus et te placári voluísti, et nobis salutem poténti pietáte restitui. Per.

Alia Secreta, Exáudi nos. 56*; **tertia ad libitum.**

Communio. Ps. 118. In salutári tuo ánima mea, et in verbum tuum sperávi : quando fácies de persequéntibus me iudícium? Iníqui persecúti sunt me : ádjua me, Dómine Deus meus.

Postcommunio.

IMMORTALITÁTIS alimóniam consecúti, quæsumus, Dómine : ut quod ore percépimus, pura mente sectémur. Per Dóminum.

Alia Postcommunio, Mundet. 56*; **tertia ad libitum.**

DOMINICA VIGESIMA SECUNDA

POST PENTECOSTEN

Introitus. Ps. 129.

SI iniquitátes observáveris, Dómine : Dómine, quis sustinébit? quia apud te propitiátio est, Deus Israel. Ps. De profúndis clamávi ad te, Dómine : Dómine, exáudi vocem meam. **ŷ.** Glória Patri. Si iniquitátes.

Oratio.

DEUS, refúgium nostrum et virtus : adésto piis Ecclesiæ tuæ précibus, auctor ipse pietátis, et præsta ; ut quod fidéliter pétimus, effícaciter consequámur. Per Dóminum.

Secunda Oratio, A cunctis. 56*; **tertia ad libitum.**

Lectio Epístolæ beáti Pauli Apóstoli ad Philippéenses. **Cap. 1.**

FRATRES, Confidimus in Dómíno Jesu, quia qui cœpít in vobis opus bonum, perficiet usque in diem Christi Jesu. Sicut est mihi justum hoc sentíre pro ómnibus vobis : eo quod hábeam vos in corde, et in vînculis meis, et in defénsiône et confirmatiône Evangélii sócios gáudii mei omnes vos esse. Testis enim mihi est Deus, quómodo cûpiam omnes vos in viscéribus Jesu Christi. Et hoc oro, ut cháritas vestra magis ac magis abúndet in sciéntia et in omni sensu : ut probétis potióra, ut sitis sincéri, et sine offénsa in diem Christi, repléti fructu justítiæ per Jesum Christum, in glóriam et laudem Dei.

Graduale. Ps. 132. Ecce quam bonum et quam jucúndum habitáre fratres in unum! **ŷ.** Sicut unguéntum in cápíte, quod descendit in barbam, barbam Aaron.

Allelúia, allelúia. **ŷ.** Ps. 113. Qui timent Dóminum, sperent in eo : ádjutor et protéctor eórum est. Allelúia.



Sequéntia sancti Evangélíi secúndum Matthæum. *Cap. 22.*

IN illo témpore : Abeúntes pharisæi consilium inierunt ut cáperent Jesum in sermóne. Et mittunt ei discipulos suos cum Herodiánis, dicéntes : Magister, scimus quia verax es, et viam Dei in veritate doces, et non est tibi cura de aliquo : non enim respicias persónam hóminum : dic ergo nobis quid tibi vidétur, licet censum dare Cæsari, an non? Cógnota autem Jesus nequítia eórum, ait : Quid me tentátis, hypócritæ? osténdite mihi numísma census. At illi obtulérunt ei denárium. Et ait illis Jesus : Cujus est imágo hæc, et superscriptio? Dicunt ei : Cæsaris. Tunc ait illis : Réddite ergo quæ sunt Cæsaris, Cæsari; et quæ sunt Dei, Deo. *Credo.*

Offertorium. Esth. 14. Recordáre mei, Dómine, omni potentátui dómínans : et da sermónem rectum in os meum, ut pláceant verba mea in conspéctu princípis.

Secreta.

DA, miséricors Deus, ut hæc salutáris oblátio et a própriis nos reátibus indesinénter expédiat, et ab ómnibus tueátur advérsis. Per Dóminum.

Alia Secreta, Exáudi nos. 36; tertia ad libitum.*

Communio. Ps. 16. Ego clamávi, quóniam exaudísti me, Deus : inclína aurem tuam, et exáudi verba mea.

Postcommunio.

SÚMPSIMUS, Dómine, sacri dona mystérii, humíliter deprecántes : ut quæ in tui commemoratióem nos fácere præcepísti, in nostræ proficiant infirmitátis auxílium. Qui vivis.

Alia Postcommunio, Mundet. 36; tertia ad libitum.*

DOMINICA VIGESIMA TERTIA

POST PENTECOSTEN

Quando non fuerit ultima post Pentecosten; quia si erit ultima, tunc loco XXIII ponetur quæ inferius est XXIV : et Missa Dominicæ XXIII dicetur in Sabbato præcedenti non impedito Festo duplici vel

semiduplici, ut dictum est in Dominica prima Epiphaniæ. 33; alioquin in alia præcedenti Feria similiter non impedita.

Introitus. Jer. 29.

DICIT Dóminus : Ego cógito cogitationes pacis, et non afflictiónis : invocábitis me, et ego exáudiam vos : et reducam captivitátem vestram de cunctis locis. *Ps. 84.* Benedixisti, Dómine, terram tuam : avertisti captivitátem Jacob. *Ꝛ. Glória Patri. Dicit.*

Oratio.

ABSOLVE, quæsumus, Dómine, tuórum delicta populórum : ut a peccatórum néxibus quæ pro nostra fragilitáte contráximus, tua benignitáte liberémur. Per Dóminum.

Secunda Oratio, A cunctis. 36; tertia ad libitum.*

Lectio Epistolæ beáti Pauli Apóstoli ad Philippénses. Cap. 3 et 4.

FRATRES, Imitátóres mei estóte, et observáte eos qui ita ámbulant, sicut habétis formam nostram. Multi enim ámbulant, quos sæpe dicébam vobis (nunc autem et flens dico) inimícos Crucis Christi : quorum finis intéritus, quorum Deus venter est : et glória in confusióne ipsórum qui terréna sápiunt. Nostra autem conversatio in cœlis est : unde étiam Salvátorem expectámus Dóminum nostrum Jesum Christum, qui reformábit corpus humilitátis nostræ, configurátum córpori claritátis suæ, secúndum operatióem qua étiam possit subjícere sibi ómnia. Itaque, fratres mei charíssimi et desideratíssimi, gáudium meum et coróna mea : sic state in Dómino, charíssimi. Evódiam rogo, et Syntychen deprecór idípsum sápere in Dómino. Etiam rogo et te, germáne compar, ádjuva illas, quæ mecum laboravérunt in Evangélíio, cum Cleménte, et cæteris adjutóribus meis, quorum nómina sunt in libro vitæ.

Graduale. Ps. 43. Liberásti nos, Dómine, ex affligéntibus nos, et eos qui nos odérunt confudísti. *Ꝛ. In Deo laudábimur tota die, et in nómine tuo confitébimur in sæcula.*

Allelúia, allelúia. *ŷ. Ps. 129.* De profundis clamávi ad te, Dómine : Dómine, exáudi oratióem meam. Allelúia.



Sequéntia sancti Evangélii secúndum Matthæum. *Cap. 9.*

In illo témpore : Loquente Jesu ad turbas, ecce princeps unus accessit, et adorábat eum, dicens : Dómine, filia mea modo defuncta est : sed veni, impóne manum tuam super eam, et vivet. Et surgens Jesus, sequebátur eum, et discipuli ejus. Et ecce mília quæ sanguinis fluxum patiebátur duódecim annis, accessit retro, et tétigit fimbriam vestiménti ejus. Dicebat enim intra se : Si tetigero tantum vestiméntum ejus, salva ero. At Jesus convérsus, et videns eam, dixit : Confide, filia, fides tua te salvam fecit. Et salva facta est mília ex illa hora. Et cum venisset Jesus in domum principis, et vidisset tibícines, et turbam tumultuántem, dicebat : Recédite : non est enim mórtua puélla, sed dormit. Et deridebant eum. Et cum ejécta esset turba, intrávit, et tenuit manum ejus. Et surréxit puélla. Et éxiit fama hæc in univérsam terram illam.

Credo.

Offertorium. Ps. 129. De profundis clamávi ad te, Dómine : Dómine, exáudi oratióem meam : de profundis clamávi ad te, Dómine.

Secreta.

Pro nostræ servitútis augménto sacrificium tibi, Dómine, laudis offérimus : ut quod imméritis contulisti, propitius exsequáris. Per Dóminum.

Alia Secreta, Exáudi nos. 56* ; *tertia ad libitum.*

Communio. Marci 11. Amen dico vobis, quidquid orántes pétitis, créditis quia accipiétis, et fiet vobis.

Postcommunio.

QUESUMUS, omnipotens Deus : ut quos divína tribus participatióne gaudére, humánis non sinas subjacére periculis. Per Dóminum.

Alia Postcommunio, Mundet. 56* ; *tertia ad libitum.*

¶ Si Dominicæ post Pentecosten fuerint plures XXIV, tunc post XXIII resumantur (quoad Orationes, Epistolas et Evangelia) Missæ Dominicanarum quæ super fuerunt post Epiphaniam (ut infra post Dominicam XXIV) hoc ordine.

Si Dominicæ fuerint XXV, in Dominica XXIV dicitur Missa Dominicæ VI post Epiphaniam.

Si fuerint XXVI, in Dominica XXIV dicitur Missa Dominicæ V post Epiphaniam ; et in XXV, Missa Dominicæ VI.

Si fuerint XXVII, in Dominica XXIV dicitur Missa Dominicæ IV post Epiphaniam ; in XXV, Dominicæ V ; et in XXVI, Dominicæ VI.

Si fuerint XXVIII, in Dominica XXIV dicitur Missa Dominicæ III post Epiphaniam ; in XXV, Dominicæ IV ; in XXVI, Dominicæ V ; in XXVII, Dominicæ VI.

Et ultimo loco semper ponitur Missa Dominicæ XXIV post Pentecosten.

¶ Introitus autem, Graduale, Offertorium et Communio in prædictis Dominicis semper dicuntur ut in Dominica XXIII.

DOMINICA VIGESIMA QUARTA

ET ULTIMA POST PENTECOSTEN

Introitus. Jer. 29.

DICIT Dóminus : Ego cógito cogitationes pacis, et non afflictiónis : invocábitis me, et ego exáudiam vos : et reducam captivitatem vestram de cunctis locis. *Ps. 89.* Benedixisti, Dómine, terram tuam : avertisti captivitatem Jacob. *ŷ. Glória Patri. Dicit.*

Oratio.

EXCITA, quæsumus, Dómine, tuórum fidélium voluntates : ut divini óperis fructum propénsius exsequéntes, pietátis tuæ remédia majóra percipiant. Per Dóminum.

Secunda Oratio, A cunctis. 56* ; *tertia ad libitum.*

Lectio Epistolæ beáti Pauli Apóstoli ad Colossénses. *Cap. 1.*

FRATRES, Non cessámus pro vobis orántes et postuláutes, ut impleámini

agnitióne voluntátis Dei, in omni sapiéntia et intelléctu spiritali : ut ambulétis digne Deo per ómnia placéntes, in omni ópere bono fructificántes, et crescéntes in sciéntia Dei : in omni virtúte confortáti secúndum poténtiam claritátis ejus, in omni patiéntia et longanimitáte cum gáudio, grátias agéntes Deo Patri, qui dignos nos fecit in partem sortis Sanctórum in lúmine, qui erípuit nos de potestáte tenebrárum, et tránstulit in regnum Filii dilectiónis suæ : in quo habémus redemptiόνem per sánguinem ejus, remissiόνem peccatórum.

Graduale. Ps. 43. Liberásti nos, Dómine, ex affligéntibus nos, et eos qui nos odérunt confudisti. **ŷ.** In Deo laudá-bimur tota die, et in nómine tuo confi-tébitur in sæcula.

Allelúia, allelúia. **ŷ.** Ps. 129. De profúndis clamávi ad te, Dómine : Dómine, exáudi oratióne meam. Allelúia.



Sequéntia sancti Evangélíi secúndum Matthæum. **Cap. 24.**

IN illo témpore : Dixit Jesus discipulis suis : Cum vidéritis abominatióne desolatiónis quæ dicta est a Daniéle prophéta, stantem in loco sancto : qui legit, intélligat : tunc qui in Judæa sunt, fúgiant ad montes : et qui in tecto, non descéndat tollere áliquid de domo sua : et qui in agro, non revertátur tollere túnicae suam. Væ autem prægnántibus et nutriéntibus in illis diebus. Oráte autem ut non fiat fuga vestra in hieme, vel sábbato. Erit enim tunc tribulatio magna, qualis non fuit ab initio mundi usque modo, neque fiet. Et nisi breviáti fuissent dies illi, non fieret salva omnis caro : sed propter eléctos breviabúntur dies illi. Tunc si quis vobis dixerit : Ecce hic est Christus, aut illie : nolite crédere. Surgent enim pseudochristi et pseudoprophète : et dabunt signa magna et prodigia, ita ut in errórem inducántur (si fieri potest) étiam elécti. Ecce prædixi vobis. Si ergo dixerint vobis : Ecce in desérto est, nolite exire : Ecce in penetrálibus, nolite crédere. Sicut

enim fulgur exit ab oriénte, et paret usque in occidentem : ita erit et advéntus Filii hóminis. Ubicúmque fúerit corpus, illic congregabúntur et áquilæ. Statim autem post tribulatióne diérum illórum sol obscurábitur, et luna non dabit lumen suum, et stellæ cadent de cælo, et virtútes cælórum commovebúntur : et tunc parébit signum Filii hóminis in cælo : et tunc plangent omnes tribus terræ, et vidébunt Filium hóminis veniéntem in núbibus cæli cum virtúte multa et majestáte. Et mittet Angelos suos cum tuba et voce magna : et congregábunt eléctos ejus a quátuor ventis, a summis cælórum usque ad téminos eórum. Ab árbore autem fici discite parábolam : cum jam ramus ejus tener fúerit, et fólía nata, scitis quia prope est æstas ; ita et vos, cum vidéritis hæc ómnia, scitóte quia prope est in jánuis. Amen dico vobis, quia non præteribit generatio hæc, donec ómnia hæc fiant. Cælum et terra transibunt, verba autem mea non præteribunt. Credo.

Offertorium. Ps. 129. De profúndis clamávi ad te, Dómine : Dómine, exáudi oratióne meam : de profúndis clamávi ad te, Dómine.

Secreta.

PROPÍTIUS esto, Dómine, supplicatió-nibus nostris : et pópuli tui oblati-
onibus precibúque susceptis, ómnium nostrum ad te corda converté : ut a terrenis cupiditatibus liberáti, ad cælestia desidéria transeámus. Per Dóminum.

Alia Secreta, Exáudi nos. 36* ; **tertia ad libitum.**

Communio. Marci 11. Amen dico vobis, quidquid orátes pétitis, créдите quia accipiétis ; et fiet vobis.

Postcommunio.

CONCÉDE nobis, quæsumus, Dómine : Ut per hæc sacraménta quæ sumpsimus, quidquid in nostra mente vitiósum est, ipsórum medicatiónis dono curétur. Per Dóminum.

Alia Postcommunio, Mundet. 36* ; **tertia ad libitum.**

DOMINICA TERTIA

QUÆ SUPERFUIT POST EPIPHANIAM

Ponenda secundum superiorem
Rubricam.

Introitus. Jer. 29.

DICIT Dóminus : Ego cógito cogitationes pacis, et non afflictionis : invocábitis me, et ego exáudiam vos : et reducam captivitatem vestram de cunctis locis. *Ps. 84.* Benedixisti, Dómine, terram tuam : avertisti captivitatem Jacob. *ŷ.* Glória Patri. Dicit.

Oratio.

OMNÍPOTENS sempitérne Deus, infirmitatem nostram propítius respice : atque ad protegéndum nos, dexteram tuæ Majestátis extende. Per Dóminum.

Secunda Oratio, A cunctis. 56* ; tertia ad libitum.

Lectio Epistolæ beáti Pauli Apóstoli
ad Romános. Cap. 12.

FRATRES, Nolite esse prudéntes apud vosmetipsos : nulli malum pro malo reddéntes : providéntes bona non tantum coram Deo, sed étiam coram ómnibus hominibus : si fieri potest, quod ex vobis est, cum ómnibus hominibus pacem habéntes : non vosmetipsos defendéntes, charíssimi, sed date locum iræ ; scriptum est enim : Mihi vindicta ; ego retribuam, dicit Dóminus. Sed si esurierit inimicus tuus, ciba illum : si sitit, potum da illi : hoc enim faciens, carbónes ignis cóngeres super caput ejus. Noli vinci a malo, sed vince in bono malum.

Graduale. *Ps. 43.* Liberásti nos, Dómine, ex affligéntibus nos, et eos qui nos odérunt confudisti. *ŷ.* In Deo laudábitur tota die, et in nómine tuo confitébimur in sæcula.

Allelúia, allelúia. *ŷ.* *Ps. 129.* De profúndis clamávi ad te, Dómine : Dómine, exáudi orationem meam. Allelúia.



Sequéntia sancti Evangélii secundum Matthæum. Cap. 8.

IN illo témpore : Cum descendisset Jesus de monte, secútæ sunt eum turbæ multæ : et ecce leprósus véniens, adorábat eum, dicens : Dómine, si vis, potes

me mundáre. Et exténdens Jesus manum, téngit eum, dicens : Volo, mundáre. Et conféstum mundáta est lepra ejus. Et ait illi Jesus : Vide, némini díxeris ; sed vade, osténde te sacerdoti, et offer munus quod præcépit Móyses in testimónium illis. Cum autem introisset Caphárnaum, accéssit ad eum centúrio, rogans eum, et dicens : Dómine, puer meus jacet in domo paralyticus, et male torquétur. Et ait illi Jesus : Ego véniam, et curábo eum. Et respóndens centúrio, ait : Dómine, non sum dignus ut intres sub tectum meum : sed tantum dic verbo, et sanábitur puer meus. Nam et ego homo sum sub potestáte constitútus, habens sub me milites ; et dico huic : Vade, et vadit ; et álíi : Veni, et venit ; et servo meo : Fachoc, et facit. Audiens autem Jesus, mirátus est, et sequéntibus se dixit : Amen dico vobis, non invéni tantam fidem in Israel. Dico autem vobis, quod multi ab oriénte et occidénté vénient, et recúmbent cum Abraham, et Isaac, et Jacob, in regno celórum : filii autem regni ejiciéntur in ténebras exterióres : ibi erit fletus et stridor déntium. Et dixit Jesus centurióni : Vade, et sicut credidisti, fiat tibi. Et sanátus est puer in illa hora. Credo.

Offertorium. *Ps. 129.* De profúndis clamávi ad te, Dómine : Dómine, exáudi orationem meam : de profúndis clamávi ad te, Dómine.

Secreta.

HÆC hóstia, Dómine, quæsumus, emúndet nostra delicta : et ad sacrificium celebrándum, subditórum tibi córpora mentésque sanctificet. Per.

Alia Secreta, Exáudi nos. 56* ; tertia ad libitum.

Communio. *Marci 11.* Amen dico vobis, quidquid orantes pétitis, créдите quia accipiétis, et fiet vobis.

Postcommunio.

Quos tantis, Dómine, largiris uti mystériis : quæsumus ; ut effectibus nos eórum veráriter aptáre dignéris. Per.

Alia Postcommunio, Mundet. 56* ; tertia ad libitum.

DOMINICA QUARTA

QUÆ SUPERFUIT POST EPIPHANIAM

Introitus. Jer. 29.

DICIT Dóminus : Ego cógito cogitationes pacis, et non afflictiónis : invocábitis me, et ego exáudiam vos : et redúcám captivitátem vestram de cunctis locis. **Ps. 84.** Benedixisti, Dómine, terram tuam : avertisti captivitátem Jacob. **ꝫ.** Glória Patri. Dicit.

Oratio.

DEUS, qui nos in tantis perículis constitútos, pro humána scis fragilitáte non posse subsistere : da nobis salútem mentis et córporis ; ut ea quæ pro peccáts nostris pátimur, te adjuvánte vincámus. Per Dóminum.

Secunda Oratio, A cunctis. 56* ; **tertia ad libitum.**

Léctio Epístolæ beáti Pauli Apóstoli ad Romános. **Cap. 13.**

FRATRES, Némini quidquam debeátis, nisi ut invicem diligátis : qui enim diligit próximum, legem implévit. Nam : Non adulterábis ; Non occides ; Non furáberis ; Non falsum testimónium dices ; Non concupisceas ; et si quod est aliud mandátum, in hoc verbo instaurátur : Diliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale. Ps. 43. Liberásti nos, Dómine, ex affligéntibus nos, et eos qui nos odérunt confudisti. **ꝫ.** In Deo laudábitur tota die, et in nómine tuo confitébimur in sæcula.

Allelúia, allelúia. **ꝫ.** **Ps. 129.** De profundis clamávi ad te, Dómine : Dómine, exáudi oratióem meam. Allelúia.



Sequéntia sancti Evangélíi secúndum Matthæum. **Cap. 8.**

In illo témpore : Ascendénte Jesu in navículam, secúti sunt eum discípuli ejus. Et ecce motus magnus factus est in mari, ita ut navícula operirétur flúctibus ; ipse vero dormiebat. Et accessérunt ad eum discípuli ejus, et suscitáverunt eum, dicéntes : Dómine, salva nos, perimus. Et dicit eis Jesus : Quid

timidi estis, módicæ fidei ? Tunc surgens, imperávit ventis et mari, et facta est tranquillitas magna. Porro hómines miráti sunt, dicéntes : Qualis est hic, quia venti et mare obédiunt ei ? Credo.

Offertorium. Ps. 129. De profundis clamávi ad te, Dómine : Dómine, exáudi oratióem meam : de profundis clamávi ad te, Dómine.

Secreta.

CONCÉDE, quæsumus, omnipotens Deus, ut hujus sacrificii munus oblátum, fragilitátem nostram ab omni malo purget semper, et múniat. Per.

Alia Secreta, Exáudi nos. 56* ; **tertia ad libitum.**

Communio. Marci 11. Amen dico vobis, quidquid orántes pétitis, créдите quia accipiétis, et fiet vobis.

Postcommunio.

MÚNERA tua nos, Deus, a delectatióibus terrénis expédiant, et cœlestibus semper instaurant aliméntis. Per.

Alia Postcommunio, Mundet. 56* ; **tertia ad libitum.**

DOMINICA QUINTA

QUÆ SUPERFUIT POST EPIPHANIAM

Introitus. Jer. 29.

DICIT Dóminus : Ego cógito cogitationes pacis, et non afflictiónis : invocábitis me, et ego exáudiam vos : et redúcám captivitátem vestram de cunctis locis. **Ps. 84.** Benedixisti, Dómine, terram tuam : avertisti captivitátem Jacob. **ꝫ.** Glória Patri. Dicit.

Oratio.

FAMÍLIAM tuam, quæsumus, Dómine, continua pietáte custódi : ut quæ in sola spe grátia cœlestis innititur, tua semper protectióne muniátur. Per.

Secunda Oratio, A cunctis. 56* ; **tertia ad libitum.**

Léctio Epístolæ beáti Pauli Apóstoli ad Colossénses. **Cap. 3.**

FRATRES, Indúite vos sicut elécti Dei, sancti et dilécti, víscera misericórdiæ, benignitátem, humilitátem, modéstiam, patiéntiam : supportántes invicem, et donántes vobismetipsis, si

quis adversus aliquem habet querelam : sicut et Dóminus donávit vobis, ita et vos. Super ómnia autem hæc, charitatem habéte, quod est vinculum perfectionis : et pax Christi exsúltet in córdibus vestris, in qua et vocáti estis in uno corpore : et grati estóte. Verbum Christi hábitet in vobis abundanter, in omni sapiéntia, docétes et commonétes vosmetispsos psalmis, hymnis et cánticis spirituálibus, in grátia cantantes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo et Patri, per Jesum Christum Dóminum nostrum.

Graduale. Ps. 43. Liberásti nos, Dómine, ex affligéntibus nos, et eos qui nos odérunt confudísti. **ŷ.** In Deo laudábimur tota die, et in nómine tuo confitébimur in sæcula.

Allelúia, allelúia. **ŷ. Ps. 129.** De profundis clamávi ad te, Dómine : Dómine, exáudi oratióem meam. Allelúia.



Sequéntia sancti Evangélíi secúndum Matthæum. **Cap. 13.**

In illo témpore : Dixit Jesus turbis parábolam hanc : Simile factum est regnum cœlórum hómini qui seminávit bonum semen in agro suo. Cum autem dormirent hómines, venit inimicus ejus, et superseminávit zizánia in médio trítici, et ábiit. Cum autem crevísset herba, et fructum fecisset, tunc apparuérunt et zizánia. Accedéntes autem servi patrisfamilias, dixerunt ei : Dómine, nonne bonum semen seminásti in agro tuo? Unde ergo habet zizánia? Et ait illis : Inimicus homo hoc fecit. Servi autem dixerunt ei : Vis, imus, et collígimus ea? Et ait : Non, ne forte colligéntes zizánia, eradicéti simul cum eis et tríticum. Sinite útraque créscere usque ad messem, et in témpore messis dicam messóribus : Colligite primum zizánia, et alligáte ea in fascículos ad comburéndum; tríticum autem congregáte in hórreum meum. **Credo.**

Offertorium. Ps. 129. De profundis clamávi ad te, Dómine : Dómine, exáudi

oratióem meam : de profundis clamávi ad te, Dómine.

Secreta.

HÓSTIAS tibi, Dómine, placatiónis offerimus, ut et delicta nostra miserátus absólvas, et nutántia corda tu dirigas. Per Dóminum.

Alia Secreta, Exáudi nos. 56*; tertia ad libitum.

Communio. Marci 11. Amen dico vobis, quidquid orátes pétitis, créдите quia accipiétis, et fiet vobis.

Postcommunio.

QUÆSUMUS, omnipotens Deus : ut illius salutáris capiámus effectum, cujus per hæc mystéria pignus accépimus. Per.

Alia Postcommunio, Mundet. 56*; tertia ad libitum.

DOMINICA SEXTA

QUÆ SUPERFUIT POST EPIPHANIAM

Introitus. Jer. 29.

DICIT Dóminus : Ego cógito cogitatiónes pacis, et non afflictiónis : invocábitis me, et ego exáudiam vos : et reducám captivitátem vestram de cunctis locis. **Ps. 84.** Benedixisti, Dómine, terram tuam : avertisti captivitátem Jacob. **ŷ.** Glória Patri. Dicit.

Oratio.

PRESTA, quæsumus, omnipotens Deus : ut semper rationabília meditántes, quæ tibi sunt plácita, et dictis exsequámur, et factis. Per Dóminum.

Secunda Oratio, A cunctis. 56*; tertia ad libitum.

Léctio Epístolæ beáti Pauli Apóstoli ad Thessalonicénses. **I Thess. 1.**

FRATRES, Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiône; mémore operis fidei vestræ, et labóris, et charitátis, et sustinéntiæ spei Dómini nostri Jesu Christi, ante Deum et Patrem nostrum : sciéntes, fratres dilécti a Deo, electiόnem vestram : quia Evangélium nostrum non fuit ad vos in sermóne tantum, sed et in virtúte, et in Spiritu sancto, et in plenitúdine multa : sicut scitis quales

fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatióne multa, cum gáudio Spíritus sancti : ita ut facti sitis forma ómnibus credéntibus in Macedónia et in Acháia. A vobis enim diffamátus est sermo Dómini, non solum in Macedónia et in Acháia, sed et in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annúntiant qualem intróitum habuerimus ad vos : et quómodo conversi estis ad Deum a simulácris, servíre Deo vivo et vero, et exspectáre Filium ejus de cœlis (quem suscitávit ex mórtuis) Jesum, qui erípuit nos ab ira ventúra.

Graduale. Ps. 43. Liberásti nos, Dómine, ex affligéntibus nos, et eos qui nos odérunt confudisti. **ŷ.** In Deo laudábitur tota die, et in nómine tuo confitébitur in sæcula.

Allelúia, allelúia. **ŷ. Ps. 129.** De profúndis clamávi ad te, Dómine : Dómine, exáudi oratióem meam. Allelúia.



Sequéntia sancti Evangélíi secundum Matthæum. **Cap. 13.**

IN illo témpore : Dixit Jesus turbis parábolam hanc : Simile est regnum cœlórum grano sinápis, quod accípiens homo seminávit in agro suo. Quod mínimum quidem est ómnibus semínibus ; cum autem créverit, majus est ómnibus oléribus, et fit arbor, ita ut vólueres

cœli véniant, et hábitent in ramis ejus. Aliam parábolam locútus est eis : Simile est regnum cœlórum fermento, quod accéptum mulier abscondit in farináe satis tribus, donec fermentátum est totum. Hæc ómnia locútus est Jesus in parábolis ad turbas, et sine parábolis non loquebátur eis, ut implerétur quod dictum erat per Prophétam dicéntem : Apériam in parábolis os meum : eructábo abscondita a constitutióne mundi. Credo.

Offertorium. Ps. 129. De profúndis clamávi ad te, Dómine : Dómine, exáudi oratióem meam : de profúndis clamávi ad te, Dómine.

Secreta.

HÆC nos oblátio, Deus, mundet, quæsumus, et rénovet, gubérnet et próteget. Per Dóminum.

Alia Secreta, Exáudi nos. 36* ; tertia ad libitum.

Communio. Marci 11. Amen dico vobis, quicquid orántes pétitis, créдите quia accipietis, et fiet vobis.

Postcommunio.

CŒLÉSTIBUS, Dómine, pasti delíciis : quæsumus, ut semper éadem, per quæ veráriter vívimus, appetámus. Per.

Alia Postcommunio, Mundet. 36* ; tertia ad libitum.

¶ Dominica XXVIII et ultima post Pentecosten, quæ superius posita est in ordine XXIV. 282.



PROPRIUM


MISSARUM

DE SANCTIS

FESTA NOVEMBRIS

DIE XXIX
IN VIGILIA S. ANDREÆ
APOSTOLI

Introitus. Matth. 4.



DOMINUS secus mare Galilææ vidit duos fratres, Petrum et Andréam, et vocávit eos : Veníte post me : fáciam vos fieri piscatóres hóminum. Ps. 18. Coeli enarrant glóriam Dei : et ópera mánuum ejus annúntiat firmaméntum. ȳ. Glória Patri. Dóminus.

Oratio.

QUÆSUMUS, omnipotens Deus : ut beátus Andréas Apóstolus, cujus prævenimus festivitátem, tuum pro nobis implóret auxílium ; ut a nostris reátibus absolúti, a cunctis étiam perículis eruámur. Per Dóminum.

Pro Commem. S. Saturnini, Mart.

Oratio.

DEUS, qui nos beáti Saturníni, Mártyris tui, concédis natalítio pérfrui : ejus nos tribue méritis adjuvári. Per.

¶ Si Vigília S. Andreæ venerit in Adventu, Missa dicitur de Vigília, et secunda Oratio erit de Adventu, tertia de S. Saturnino.

¶ Si Festum S. Andreæ venerit Feria II, Missa de Vigília dicitur in Sabato, et secunda Oratio erit de sancta Maria, Concéde, tertia, Ecclésiæ, vel pro Papa. 1*.

Et Commemoratio S. Saturnini fit in Dominica. Quod et in aliis Vigiliis (excepta Vigília Nativ. Domini) servatur.

¶ Si Festum S. Andreæ venerit in Dominica, transfertur in sequentem diem Festo duplici vel semiduplici non impeditam : quod et in aliis Festis duplicibus in Dominicis Adventus occurrentibus servatur : et in illis semper fit Commem. de Adventu. De Simplicibus autem toto Adventu fit tantum Commem.

Lectio libri Sapientíæ. Eccli. 44 et 45.

BENEDICTIO Dómini super caput justí. Ideo dedit illi Dóminus hæreditátem, et divisit illi partem in tribubus duódecim : et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Et dedit illi coram præcépta, et legem vitæ et disciplinæ : et excélsum fecit illum. Státuit ei testaméntum ætérnum, et circumcinxit eum zona justitiæ, et induit eum Dóminus coronám glóriæ.

Graduale. Ps. 138. Nimis honorati sunt amici tui, Deus : nimis confortatus est principatus eorum. **Ÿ.** Dinumerabo eos, et super arenam multiplicabuntur.



Sequentia sancti Evangelii secundum Joannem. **Cap. 1.**

IN illo tempore : Stabat Joannes, et ex discipulis ejus duo. Et respiciens Jesum ambulāntem, dixit : Ecce Agnus Dei. Et audiēnt eum duo discipuli loquēntem, et secuti sunt Jesum. Convērsus autem Jesus, et videns eos sequēntes se, dicit eis : Quid quæritis? Qui dixerunt ei : Rabbi (quod dicitur interpretatum Magister), ubi habitas? Dicit eis : Venite, et videte. Venērunt, et vidērunt ubi maneret, et apud eum mansērunt die illo : hora autem erat quasi decima. Erat autem Andræas frater Simónis Petri unus ex duobus qui audierant a Joāne, et secuti fuerant eum.

Invenit hic primum fratrem suum Simónem, et dicit ei : Invenimus Messiam (quod est interpretatum Christus). Et adduxit eum ad Jesum. Intuitus autem eum Jesus, dicit : Tu es Simon filius Jona : tu vocaberis Cephas, quod interpretatur Petrus. In crastinum voluit exire in Galilæam, et invenit Philippum. Et dicit ei Jesus : Séquere me. Erat autem Philippus a Bethsaïda, civitate Andræ et Petri. Invenit Philippus Nathanael, et dicit ei : Quem scripsit Moyses in Lege, et Propheta, invenimus Jesum filium Joseph a Nazareth. Et dicit ei Nathanael : A Nazareth potest aliquid boni esse? Dicit ei Philippus : Veni, et vide. Vidit Jesus Nathanael venientem ad se, et dicit de eo : Ecce vere Israelita, in quo dolus non est. Dicit ei Nathanael : Unde me nosti? Respondit Jesus, et dicit ei : Priusquam te Philippus vocaret, cum esses sub ficu, vidi te. Respondit ei Nathanael, et ait : Rabbi, tu es Filius Dei, tu es Rex Israel. Respondit Jesus, et dicit ei : Quia dixi tibi : Vidi te sub ficu, credis : majus his videbis. Et dicit ei : Amen, amen dico vobis, videbitis cælum apertum, et An-

gelos Dei ascendentes et descendentes supra Filium hominis.

Offertorium. Ps. 8. Glória et honore coronasti eum, et constituisti eum super opera manuum tuarum, Domine.

Secreta.

SACRĀNDUM tibi, Domine, munus offerimus, quo beati Andræ Apostoli solēnnia recolēntes, purificationem quoque nostris mēntibus implorāmus. Per.

Pro S. Saturnino. Secreta.

MŪNERA, Domine, tibi dicata sanctifica, et, intercedēte beato Saturnino, Mártire tuo, per hæc eadem nos placatus intēde. Per Dóminum.

De beata Maria, Tua, Domine; alia Secreta, Prôtege, vel Oblātis. 2*.

Communio. Joan. 1. Dicit Andræas Simóni fratri suo : Invenimus Messiam, qui dicitur Christus : et adduxit eum ad Jesum.

Postcommunio.

PERCÉPTIS, Domine, sacramētis, suppliciter exorāmus : ut, intercedēte beato Andræa, Apóstolo tuo, quæ pro illius venerāda gērimus passiōe, nobis proficiant ad medēlam. Per Dóminum.

Pro sancto Saturnino.

Postcommunio.

SANCTÍFICET nos, quæsumus, Domine, tui percēptio sacramēti, et intercessiōe Sanctórum tuórum tibi reddat accēptos. Per Dóminum.

De beata Maria, Sumptis, Domine; alia Postcommunio, Quæsumus, vel Hæc nos. 2*.

EADEM DIE

S. SATURNINI, MARTYRIS

Missa Lætābitur, de Communi. 3*;
Orationes ut in Missali sub hac die.

DIE XXX

IN FESTO S. ANDRÆ

APOSTOLI

Introitus. Ps. 138.

MIHĪ autem nimis honorati sunt amici tui, Deus : nimis confortatus est principatus eorum. **Ps.** Domine, probasti me, et cognovisti

me : tu cognovisti sessionem meam et resurrectionem meam. *Ÿ.* Glória Patri. Mihi autem.

Oratio.


MAJESTATEM tuam, Dómine, suppliciter exorámus : ut sicut Ecclesiæ tuæ beátus Andréas Apóstolus exstitit prædicátor et rector ; ita apud te sit pro nobis perpétuus intercessor. Per.

Lectio Epistolæ beáti Pauli Apóstoli ad Romános. *Cap. 10.*

FRATRES, Corde enim créditur ad justitiam, ore autem confessio fit ad salutem. Dicit enim Scriptúra : Omnis qui credit in illum, non confundétur. Non enim est distinctio Judæi et Græci : nam idem Dóminus ómnium, dives in omnes qui invocant illum. Omnis enim quicumque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audierunt? Quómodo autem audient sine prædicante? Quómodo vero prædicábunt, nisi mittántur? sicut scriptum est : Quam speciosi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit : Dómine, quis crédidit auditui nostro? Ergo fides ex auditu, auditus autem per verbum Christi. Sed dico : Numquid non audierunt? Et quidem in omnem terram exivit sonus eórum, et in fines orbis terræ verba eórum.

Graduale. Ps. 44. Constitues eos príncipes super omnem terram : mémoires erunt nóminis tui, Dómine. *Ÿ.* Pro pátribus tuis nati sunt tibi filii, propterea pópuli confitebúntur tibi.

Allelúia, allelúia. *Ÿ.* Diléxit Andréam Dóminus in odorem suavitátis. Allelúia.

 Sequéntia sancti Evangélii secúndum Matthæum. *Cap. 4.*

In illo témpore : Ambulans Jesus juxta mare Galilææ, vidit duos fratres, Simónem, qui vocátur Petrus, et Andréam fratrem ejus, mitténtes rete in mare (erant enim piscatóres), et ait illis : Veníte post me, et fáciam vos fieri piscatóres hóminum. At illi conti-

nuo, relictis rétibz, secúti sunt eum. Et procedens inde, vidit álios duos fratres, Jacóbum Zebedæi, et Joánnem patrem ejus, in navi, cum Zebedæo patre eórum, reficiéntes rétia sua; et vocávit eos. Illi autem, statim relictis rétibz et patre, secúti sunt eum.

Credo.

Offertorium. Ps. 138. Mihi autem nimis honoráti sunt amici tui, Deus : nimis confortátus est principátus eórum.

Secreta.

SACRIFICIUM nostrum tibi, Dómine, quæsumus, beáti Andréæ Apóstoli precatio sancta conciliet : ut in cujus honóre solémniter exhibétur, ejus méritis efficiátur acceptum. Per Dóminum.

Præfatio de Apostolis.

Communio. Matth. 4. Venite post me : fáciam vos fieri piscatóres hóminum; at illi continuo, relictis rétibz, secúti sunt Dóminum.

Postcommunio.

SÚMPSIMUS, Dómine, divina mystéria, beáti Andréæ festivitáte lætántes : quæ, sicut tuis Sanctis ad glóriam, ita nobis, quæsumus, ad véniam prodésse perficias. Per Dóminum.

FESTA DECEMBRIS

DIE II

IN FESTO SANCTÆ BIBIANÆ

VIRGINIS ET MARTYRIS

Missa Me expectavérunt, de Comuni Virg. et Mart. 20*, excepta Oratione propria, ut infra.

Oratio.

DEUS, ómnium largitor bonórum, qui in fámula tua Bibiana cum virginitátis flore martyrii palmam conjunxisti : mentes nostras ejus intercessióne tibi charitáte conjúge; ut, amótiis periculis, præmia consequámur ætérna. Per Dóminum.

Si celebretur in Adventu, secunda Oratio erit de FERIA, tertia de sancta MARIA, Deus, qui de beátæ Mariæ. 1, quæ terminatur sic : Per eúmdem Dóminum.

DIE III
IN FESTOS. FRANCISCI XAVERII
CONFESSORIS

Introitus. Ps. 118.

LOQUĒBAR de testimoniis tuis in conspectu regum, et non confundēbar : et meditābar in mandātis tuis, quæ dilēxi nimis. Ps. 116. Laudate Dōminum, omnes gentes; laudate eum, omnes pōpuli : quōniam confirmāta est super nos misericōrdia ejus, et vēritas Dōmini manet in ætēnum. Ÿ. Glória Patri. Loquēbar.

Oratio.

DEUS, qui Indiārum gentes beāti Francisci prædicatiōne et mirāculis Ecclesiæ tuæ aggregāre voluisti : concēde propitiis, ut cujus gloriōsa mērita venerāmur, virtūtum quoque imitemur exēpla. Per Dōminum.

Et fit Commemoratio Feriæ.

Lectio Epistolæ beāti Pauli Apōstoli ad Romānos. Cap. 10.

FRATRES, Corde enim creditur ad justitiam, ore autem confessio fit ad salutē. Dicit enim Scriptūra : Omnis qui credit in illum, non confundētur. Non enim est distinctio Judæi et Græci : nam idem Dōminus omnium, dives in omnes qui invocant illum. Omnis enim quicumque invocāverit nomen Dōmini, salvus erit. Quōmodo ergo invocābunt, in quem non crediderunt? Aut quōmodo credent ei, quem non audierunt? Quōmodo autem audient sine prædicāte? Quōmodo vero prædicābunt, nisi mittantur? sicut scriptum est : Quam speciosi pedes evangelizantium pacem, evangelizantium bona! Sed non omnes obēdiunt Evangēlio. Isaias enim dicit : Dōmine, quis crēdidit auditui nostro? Ergo fides ex auditu, auditus autem per verbum Christi. Sed dico : Numquid non audierunt? Et quidem in omnem terram exivit sonus eōrum, et in fines orbis terræ verba eōrum.

Graduale. Ps. 91. Justus ut palma florēbit, sicut cedrus Libani multiplicā-

bitur in domo Dōmini. Ÿ. Ad annuntiandum mane misericōrdiam tuam, et veritatem tuam per noctem.

Allelūia, allelūia. Ÿ. Jac. 1. Beātus vir qui suffert tentatiōnem : quōniam cum probātus fuerit, accipiet corōnam vitæ. Allelūia.



Sequētia sancti Evangēlii secundum Marcum. Cap. 16.

IN illo tēpore : Dixit Jesus discipulis suis : Eūntes in mundum univēsum, prædicāte Evangēlium omni creatūræ. Qui crediderit et baptizātus fuerit, salvus erit : qui vero non crediderit, condemnābitur. Signa autem eos qui crediderint, hæc sequētur : In nōmine meo dæmōnia ejicient : linguis loquētur novis : serpētes tollent : et si mortiferum quid biberint, non eis nocēbit : super ægros manus impōnent, et bene habēbunt.

Offertorium. Ps. 88. Vēritas mea et misericōrdia mea cum ipso, et in nōmine meo exaltābitur cornu ejus.

Secreta.

PRÆSTA nobis, quæsumus, omnipotens Deus, ut nostræ humilitatis oblatio, et pro tuōrum tibi grata sit honōre Sanctōrum, et nos corpore pāriter et mente purificet. Per Dōminum.

Communio. Matth. 24. Beātus servus quem, cum vēnerit Dōminus, invēnerit vigilāntem : amen dico vobis, super omnia bona sua constituet eum.

Postcommunio.

QUÆSUMUS, omnipotens Deus : ut qui cœlestia alimēta percēpimus, intercedēte beāto Francisco, Confessōre tuo, per hæc contra omnia advērsa muniamur. Per Dōminum.

DIE IV
IN FESTOS. PETRI CHRYSOLOGI
EPISCOPI, CONFESSORIS
ET ECCLESIE DOCTORIS

Introitus. Eccli. 13.

IN medio Ecclesiæ apēruit os ejus, et implēvit eum Dōminus spīritu sapientię et intellēctus : stolam glōrie

induit eum. **Ps. 91.** Bonum est confiteri Dómino, et psállere nómini tuo, Altissime. **ŷ.** Glória Patri. In médio.

Oratio.

DEUS, qui beatum Petrum Chrysólogum, Doctórem egrégium, divínus præmonstrátum, ad regéndam et instruéndam Ecclesiám tuam éligi voluisti: præsta, quæsumus; ut quem doctórem vitæ habuimus in terris, intercessórem habére mereámur in cœlis. Per.

Deinde fit Commemoratio Feriæ Adventus, et sanctæ Barbaræ, Virginis et Martyris. **Oratio** Deus, qui inter cætera, ut in Communi Virginis et Martyris. 19*.

Léctio Epístolæ beáti Pauli Apóstoli ad Timótheum. **II Tim. 4.**

CHARÍSSIME, Testificor coram Deo et Jesu Christo, qui judicatúrus est vivos et mórtuos, per advéntum ipsíus, et regnum ejus: prædica verbum, insta opportúne, importúne: árgue, óbseca, increpa in omni patiéntia et doctrína. Erit enim tempus, cum sanam doctrinam non sustinébunt, sed ad sua desideria coacervábunt sibi magistros pruriéntes áuribus: et a veritaté quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus judex: non solum autem mihi, sed et iis qui diligunt advéntum ejus.

Graduale. Eccli. 44. Ecce Sacérdos magnus, qui in diébus suis plácuít Deo. **ŷ.** Non est invéntus símilis illi, qui conserváret legem Excelsi.

Allelúia, allelúia. **ŷ. Ps. 109.** Tu es Sacérdos in ætérnum, secúndum órđinem Melchisedech. Allelúia.



Sequéntia sancti Evangélíi secúndum Matthæum. **Cap. 5.**

IN illo témpore: Dixit Jesus discípulis suis: Vos estis sal terræ. Quod si sal

evanúerit, in quo salíétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et glorificent Patrem vestrum, qui in cœlis est. Nolite putáre quóniam veni sólvare Legem, aut Prophétas: non veni sólvare, sed adimplére. Amen quippe dico vobis, donec tránseat cœlum et terra, ióta unum, aut unus apex non præteribit a Lege, donec ómnia fiant. Qui ergo sólverit unum de mandátis istis mínimis, et docúerit sic homines, mínimus vocábitur in regno cœlórum: qui autem fécerit et docúerit, hic magnus vocábitur in regno cœlórum.

Credo.

Offertorium. Ps. 91. Justus ut palma florébit: sicut cedrus, quæ in Líbano est, multiplicábitur.

Secreta.

SANCTI tui Petri Chrysólogi nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Communio. Matth. 25. Dómine, quinque talénta tradidisti mihi, ecce ália quinque superlucrátus sum. Euge, serve bone et fidélis, quia in pauca fuisti fidélis, supra multa te constituam: intra in gáudium Dómini tui.

Postcommunio.

UT nobis, Dómine, tua sacrificia dent salutem, beátus Petrus Chrysólogus, Póntifex tuus et Doctor egrégius, quæsumus, precátor accédát. Per Dóminum nostrum.

EADÉM DIE

SANCTÆ BARBARÆ
VIRGINIS ET MARTYRIS

Missa Loquēbar, de Communi Virg. et Mart. 19*.

DIE V

SANCTI SABBÆ, ABBATIS

Missa Os justi. 18*.

Oratio.

INTERCESSIO nos, quæsumus, Dómine, beáti Sabbæ Abbátis commendet : ut quod nostris méritis non valémus, ejus patrocinio assequámur. Per Dóminum.

Secreta.

SACRIS altáribus, Dómine, hóstias superpósitas sanctus Sabbas, quæsumus, in salutem nobis provenire depóscat. Per Dóminum.

Postcommunio.

PROTEGAT nos, Dómine, cum tui perceptióne sacraménti, beátus Sabbas, pro nobis intercedéndo : ut et conversatiónis ejus experiámur insignia, et intercessiúnis percipiámus suffrágia. Per.

DIE VI

IN FESTO S. NICOLAI

EPISCOPI ET CONFESSORIS

Introitus. Eccli. 45.

STÁTUIT ei Dóminus testaméntum pacis, et principem fecit eum : ut sit illi sacerdotiú dignitas in ætérnum. Ps. 131. Meménto, Dómine, David, et omnis mansuetúdinis ejus. ŷ. Glória Patri. Státuit.

Oratio.

DEUS, qui beatúm Nicoláum Pontificem innúmeris decorásti miráculis : tribue, quæsumus ; ut ejus méritis et precibus a gehénnæ incendiis liberémur. Per Dóminum.

Et fit Commemoratio Feriæ.


Lectio Epístolæ beáti Pauli Apóstoli ad Hebræos. Cap. 13.

FRATRES, Mementóte præpositórum vestrórum, qui vobis locúti sunt verbum Dei : quorum intuéntes éxitum conversatiónis, imitámini fidem. Jesus Christus heri et hódie : ipse et in sæcula. Doctrínis váriis et peregrínis nolite abducí. Optimum est enim grátia stabilire cor, non escis, quæ non profuerunt ambulántibus in eis. Habémus altáre, de quo édere non habent potestátem qui

tabernáculo deserviunt. Quorum enim animálium infértur sanguis pro peccáto in Sancta per Pontíficem, horum córpora cremántur extra castra. Propter quod et Jesus, ut sanctificáret per suum sanguinem pópulum, extra portam passus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est fructum labiórum confiténtium nómini ejus. Beneficéntiæ autem et communiónis nolite oblivisci : talibus enim hóstiis promerétur Deus. Obedite præpósitis vestris, et subjacéte eis. Ipsi enim pervigilant, quasi ratió-nem pro animábus vestris redditúri.

Graduale. Ps. 88. Invéni David servum meum, óleo sancto meo unxi eum : manus enim mea auxiliábitur ei, et brá-chium meum confortábit eum. ŷ. Nihil proficiet inimícus in eo, et filius iniquitátis non nocébit ei.

Allelúia, allelúia. ŷ. Ps. 91. Justus ut palma florebit : sicut cedrus Líbani multiplicábitur. Allelúia.

 Sequéntia sancti Evangélii secúndum Matthæum. Cap. 25.

IN illo témpore : Dixit Jesus discipulis suis parábolam hanc : Homo pérégre proficiscens vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuique secúndum própíam virtútem ; et proféctus est statim. Abiit autem qui quinque talénta accéperat, et operátus est in eis, et lucrátus est álía quinque. Similiter et qui duo accéperat, lucrátus est álía duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratió-nem cum eis. Et accédens qui quinque talénta accéperat, obtulit álía quinque talénta, dicens : Dómine, quinque talénta tradidisti mihi, ecce álía quinque superlucrátus sum. Ait illi dóminus ejus : Euge, serve bone et fidélis, quia

super pauca fuisti fidélis, super multa te constituam : intra in gáudium dómini tui. Accéssit autem et qui duo talénta accéperat, et ait : Dómine, duo talénta tradidisti mihi, ecce ália duo lucrátus sum. Ait illi dóminus ejus : Euge, serve bone et fidélis, quia super pauca fuisti fidélis, super multa te constituam : intra in gáudium dómini tui.

Offertorium. Ps. 88. Véritas mea et misericórdia mea cum ipso, et in ómnino meo exaltábitur cornu ejus.

Secreta.

SANCTÍFICA, quæsumus, Dómine Deus, hæc múnera, quæ in solemnitate sancti Antistitis tui Nicolái offérimus : ut per ea vita nostra inter adversa et próspera ubique dirigátur. Per Dóminum.

Communio. Ibid. Semel jurávi in sancto meo : semen ejus in ætérnum manébit, et sedes ejus sicut sol in conspéctu meo, et sicut luna perfécta in ætérnum, et testis in cælo fidélis.

Postcommunio.

SACRÍFICIA quæ sumpsimus, Dóminus, pro solemnitate sancti Pontificis tui Nicolái, sempitérna nos protectióne consérvent. Per Dóminum.

DIE VII

IN FESTO S. AMBROSII

EPISC., CONF. ET ECCL. DOCTORIS

Introitus. Eccli. 15.

IN médio Ecclésiæ apéruit os ejus, et implévit eum Dóminus spiritu sapientiae et intelléctus : stolam glóriæ induit eum. Ps. 91. Bonum est confitéri Dómino, et psállere nómini tuo, Altissime. **ŷ.** Glória Patri. In médio.

Oratio.

DEUS, qui pópulo tuo ætérnae salutis beátum Ambrósium ministrum tribuisti : præsta, quæsumus, ut quem doctórem vitæ habuimus in terris, intercessórem habére mereámur in cælis. Per Dóminum.

Et fit Commemoratio Ferie et Vigil. Immac. Concept. B. M. V.

Léctio Epistolæ beáti Pauli Apóstoli ad Timótheum. **II Tim. 4.**

CHARÍSSIME, Testificor coram Deo et Jesu Christo, qui judicáturus est vivos et mórtuos, per advéntum ipsius, et regnum ejus : prædica verbum, insta opportúne, importúne : árgue, óbseca, inerepa in omni patiéntia et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magistros pruriéntes áuribus : et a veritate quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus judex : non solum autem mihi, sed et iis qui diligunt advéntum ejus.

Graduale. Eccli. 44. Ecce Sacérdos magnus, qui in diébus suis plácuit Deo. **ŷ.** Non est invéntus similis illi, qui conserváret legem Excélsi.

Allelúia, allelúia. ŷ. Ps. 109. Jurávit Dóminus, et non penitébit eum : Tu es Sacérdos in ætérnum, secúndum órđinem Melchisedech. Allelúia.

Sequéntia sancti Evangélii secúndum Matthæum. Cap. 5.

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo salietur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut videant ópera vestra bona, et glorificent Patrem vestrum, qui in cælis est. Nolite putáre quóniam veni sólvare Legem, aut Prophétas : non veni sólvare, sed adimplére. Amen quippe dico vobis, donec tránseat cælum et terra, ióta unum,

aut unus apex non præteribit a Lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cælorum: qui autem fecerit et docuerit, hic magnus vocabitur in regno cælorum. Credo.

Offertorium. Ps. 88. Veritas mea et misericordia mea cum ipso, et in nomine meo exaltabitur cornu ejus.

Secreta.

OMNIPOTENS sempiternæ Deus, mûnera tuæ Majestati oblata, per intercessionem beati Ambrósii, Confessoris tui atque Pontificis, ad perpétuam nobis fac provenire salutem. Per Dóminum.

Communio. Ibid. Semel juravi in sancto meo: Semen ejus in ætérnum manebit, et sedes ejus sicut sol in conspectu meo, et sicut luna perfecta in ætérnum, et testis in cælo fidelis.

Postcommunio.

SACRAMENTA salutis nostræ suscipiéntes, concède, quæsumus, omnipotens Deus: ut beati Ambrósii, Confessoris tui atque Pontificis, nos ubique oratio adjuvet; in cujus veneratióne hæc tuæ obtulimus Majestati. Per Dóminum.

EADEM DIE

IN VIGILIA

IMMACULATÆ CONCEPT. B. M. V.

Introitus. Ps. 65.

VENITE, audite, et narrábo, omnes qui timétis Deum, quanta fecit Dóminus ánimæ meæ. Ps. Jubiláte Deo, omnis terra: psalmum dicite nómini ejus, date glóriam laudi ejus. V. Glória Patri. Venite.

Oratio.

DEUS, qui Unigéniti tui Matrem ab origináli culpa in sua Conceptione mirabiliter præservasti: da, quæsumus; ut sua nos intercessióne munitos, corde mundos fácias suæ interésse festivitati. Per eúdem Dóminum.

Et fit Commemoratio Feriæ. Tertia Oratio, de Spiritu sancto.

Lectio libri Sapiéntiæ. Eccli. 24.

EGO quasi vitis fructificávi suavitatem odóris: et flores mei, fructus honoris et honestátis. Ego mater pulchræ dilectiónis, et timóris et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transite ad me, omnes qui concupiscitis me, et a generatióibus meis implémini: spíritus enim meus super mel dulcis, et hæreditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sitient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

Graduale. Prov. 9. Sapiéntia ædificávit sibi domum, excidit columbas septem. V. Ps. 86. Fundaménta ejus in móntibus sanctis: diligit Dóminus portas Sion super omnia tabernácula Jacob.



Initium sancti Evangelii secundum Matthæum. Cap. 1.

LIBER generatióis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam et fratres ejus. Judas autem genuit Phares et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uriæ. Salomon autem genuit Róboam. Róboam autem genuit Abiam. Abias autem genuit Asa. Asa autem genuit Jósaphat. Jósaphat autem genuit Joram. Joram autem genuit Oziam. Ozias autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manássen autem genuit Amon. Amon autem genuit Josiam. Josías autem genuit Jechóniam et fratres ejus in transmigratióne Babylónis. Et post transmigratióem Babylónis,

Jechónias genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocátur Christus.

Offertorium. Cant. 6. Ego dilécto meo, et diléctus meus mihi, qui páscitur inter lilia.

Secreta.

MÚNERA nostra, Dómine, apud tuam cleméntiam, Immaculatæ Dei Ge-

nitricis comméndet orátio : quam ab omni origináli labe præservásti, ut dignum Filii tui habitáculum éffici mererétur. Qui tecum vivit.

Præfatio communis.

Communio. Cant. 6. Quæ est ista quæ progréditur quasi auróra consúrgens, pulchra ut luna, elécta ut sol, terribilis ut castrórum ácies ordináta?

Postcommunio.

CONCÉDE, miséricors Deus, fragilitáti nostræ præsidium : ut qui Immaculatæ Conceptionis Genitricis unigéniti Filii tui festivitátem prævenimus ; intercessiónis ejus auxilio, a nostris iniquitátibus resurgámus. Per eúndem Dóminum nostrum.



DIE VIII DECEMBRIS

IN FESTO

IMMACULATÆ CONCEPTIONIS

BEATÆ MARIE VIRGINIS

Introitus. Is. 61.



AUDENS gaudébo in Dómino, et exsultábit ánima mea in Deo meo : quia induit me vestiméntis salútis, et induménto justitiæ circúmdedit me quasi sponsam ornátam monilibus suis.

Ps. 29. Exaltábo te, Dómine, quóniam suscepisti me : nec delectásti inimícos meos super me. *ŷ.* Glória Patri. Gaudens.

Oratio.

DEUS, qui per Immaculatam Virginitis Conceptionem dignum Filio tuo habitáculum præparásti : quæsumus ; ut qui ex morte ejúsdem Filii tui prævisa eam ab omni labe præservásti, nos quoque mundos ejus intercessióne ad te pervenire concédas. Per eúmdem Dóminum.

Et fit Commemoratio Feriæ.

Lectio libri Sapiéntiæ. Prov. 8.

DÓMINUS possédit me in initio viarum suarum, ántequam quidquam fáceret a princípío. Ab ætérno ordináta sum, et ex antiquis, ántequam terra fieret. Nondum erant abyssi, et ego jam concépta eram : necdum fontes aquarum erúperant : necdum montes gravi mole constiterant : ante colles ego parturiébar : adhuc terram non fécerat, et flúmina, et cárdines orbis terræ. Quando præparábat cœlos, áderam ; quando certa lege et gyro vallábat abyssos ; quando æthera firmábat sursum, et librábat fontes aquarum ; quando circúmdabat mari términum su-

um, et legem ponébat aquis, ne transirent fines suos ; quando appendébat fundaménta terræ. Cum eo eram cuncta compónens ; et delectábar per singulos dies, ludens coram eo omni témpore, ludens in orbe terrárum ; et deliciæ meæ esse cum filiis hóminum. Nunc ergo, filii, audite me : Beáti qui custódiunt vias meas. Audite disciplinam, et estóte sapiéntes, et nolite abjicere eam. Beátus homo qui audit me, et qui vígilat ad fores meas quotidie, et obsérvat ad postes óstii mei. Qui me invénierit, invéniet vitam, et háuriet salútem a Dómino.

Graduale. Judith 13. Benedicta es tu, Virgo María, a Dómino Deo excélsio præ ómnibus muliéribus super terram.

ŷ. Ibid. 13. Tu glória Jerúsalem, tu lætítia Israel, tu honorificéntia pópuli nostri.

Allelúia, allelúia. *ŷ.* Cant. 4. Tota pulchra es, María, et mácula originális non est in te. Allelúia.

In Missis votivis post Septuagesimam, omissis Allelúia et *ŷ.* sequenti, dicitur

Tractus. Ps. 86. Fundaménta ejus in móntibus sanctis : diligit Dóminus portas Sion super ómnia tabernácula Jacob. *ŷ.* Ibid. Gloriósa dicta sunt de te, civitas Dei. *ŷ.* Ibid. Homo natus est in ea, et ipse fundávit eam Altíssimus.

Tempore Paschali omittitur Graduale, et ejus loco dicitur

Allelúia, allelúia. *ŷ.* Tu glória Jerúsalem, tu lætítia Israel, tu honorificéntia pópuli nostri. Allelúia. *ŷ.* Tota pulchra es, María, et mácula originális non est in te. Allelúia.



Sequētia sancti Evangēlii secūndum Lucam. Cap. 1.

IN illo tēpore : Missus est Angelus Gábriel a Deo in civitatē Galilææ, cui nomen Názareth, ad Virginem desponsatā viro, cui nōmen erat Joseph, de domo David : et nomen Virginis, Maríā. Et ingressus Angelus ad eam, dixit : Ave, grátia plena : Dóminus tecum : benedicta tu in muliéribus.

Credo, quod dicitur per totam Octavam etiam in Festis infra eam occurrentibus.

Offertorium. Luc. 1. Ave, Maríā, grátia plena : Dóminus tecum : benedicta tu in muliéribus, alleluia.

Secreta.

SALUTÁREM Hóstiā, quam in sollemnitate Immaculatæ Conceptionis beátæ Virginis Maríæ tibi, Dómine, offérimus, súscipe, et præsta, ut sicut illam, tua grátia præveniēte, ab omni labe immūnem profitémur, ita ejus intercessióne a culpis ómnibus liberémur. Per Dóminum.

Pref. de B. Maríæ Virg. Et te in Conceptione Immaculatā.

Et dicitur per totam Octavam, etiam in Festis infra eam occurrentibus.

Communió. Gloriósa dicta sunt de te, Maríā : quia fecit tibi magna qui potens est.

Postcommunio.

SACRAMÉNTA quæ sumpsimus, Dómine Deus noster, illius in nobis culpæ vúlnera réparent, a qua Immaculatā beátæ Maríæ Conceptionem singuláriter præservásti. Per Dóminum.

¶ Infra Octavam Immaculatæ Conceptionis B. M. V., et in die Octava dicitur Missa sicut in die Festi : sed infra Oct. dicitur secunda Oratio de Feria ; tertia vero, quando non fit Commem. Festi simplicis, dicitur de Spiritu sancto.

De Spiritu sancto. Oratio.

DEUS, qui corda fidélium sancti Spiritus illustratióne docuísti : da nobis in eódem Spiritu recta sápere, et de ejus semper consolatíone gaudére. Per Dóminum... in unitate ejúsdem.

Secreta.

MÚNERA, quæsumus, Dómine, oblata sanctifica, et corda nostra sancti Spiritus illustratióne emúnda. Per Dóminum... in unitate ejúsdem.

Postcommunio.

SANCTI Spiritus, Dómine, corda nostra mundet infúsió : et sui roris íntima aspersióne fecúndet. Per Dóminum... in unitate ejúsdem.

DIE X

Pro Commem. S. Melchiadis, Papæ et Mart., Orat. Infirmítatem, ex Missa Stáuit, ut in Comm. unius Mart. Pont. 2*.

DIE XI

IN FESTO S. DAMASI

PAPÆ ET CONFESSORIS

Introitus. Ps. 131.

SACERDÓTES tui, Dómine, induant justitiam, et sancti tui exsúltent : propter David servum tuum non avértas faciē Christi tui. Ps. Meménto, Dómine, David, et omnis mansuetúdinis ejus. 7. Glória Patri. Sacerdótes.

Oratio.

EXÁUDI, Dómine, preces nostras : et interveniēte beáto Damáso, Confessóre tuo atque Pontifice, indulgéntiam nobis tribue placátus et pacem. Per Dóminum nostrum.

Et fit Commemoratio de Oct. Immaculatæ Conceptionis. Oratio Deus, qui per Immaculatā. 297, et de Feria.

Léctio Epistolæ beáti Pauli Apóstoli ad Hebræos. Cap. 7.

FRATRES, Plures facti sunt sacerdótes, idcirco quod morte prohiberéntur permanére : Jesus autem eo quod máneat in ætérnum, sempitérnum habet sacerdotiū. Unde et salváre in perpétuum potest accedéntes per semetípsum ad Deum, semper vivens ad interpellándum pro nobis. Talis enim decébat ut nobis esset Póntifex, sanctus, innocens, impollútus, segregátus a peccatóribus, et excélsior cœlis factus : qui non habet necessitatē quotidie, quemádmódum

sacerdotes, prius pro suis delictis hostias offerre, deinde pro populi: hoc enim fecit semel seipsum offerendo, Jesus Christus Dominus noster.

Graduale. Eccli. 44. Ecce Sacerdos magnus, qui in diebus suis placuit Deo. *ŷ.* Non est inventus similis illi, qui conservaret legem Excelsi.

Alleluia, alleluia. *ŷ. Ps. 109.* Tu es Sacerdos in æternum, secundum ordinem Melchisedech. Alleluia.



Sequentia sancti Evangelii secundum Matthæum. **Cap. 24.**

IN illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Illud autem scitote, quoniam si sciret paterfamilias qua hora fur venturus esset, vigilaret utique, et non sineret perfodi domum suam. Ideo et vos estote parati: quia qua nescitis hora, Filius hominis venturus est. Quis, putas, est fidelis servus et prudens, quem constituit dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

Credo ratione Octavæ.

Offertorium. Ps. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

Secreta.

ACCÉPTA tibi sit, Domine, sacrata plebis oblatio, pro tuorum honore Sanctorum, quorum se meritis percipisse de tribulatione cognoscit auxilium. Per Dominum.

Pro Oct. Immaculatæ Conceptionis. Secreta Salutarem. 298; et Secreta Feriæ.

Communio. Matth. 23. Domine, quinque talenta tradidisti mihi, ecce alia quinque superlucratum sum. Euge, serve bone et fidelis, quia in pauca fuisti fidelis, supra multa te constituam: intra in gaudium Domini tui.

Postcommunio.

DA, quæsumus, Domine, fidelibus populis Sanctorum tuorum semper veneratione lætari, et eorum perpetua supplicatione muniri. Per Dominum.

Pro Oct. Immaculatæ Conceptionis. Postcommunio Sacramenta. 298; et Postcommunio Feriæ.

DIE XIII

IN FESTO SANCTÆ LUCLE

VIRGINIS ET MARTYRIS

Introitus. **Ps. 44.**

DILEXISTI justitiam, et odisti iniquitatem: propterea unxit te Deus, Deus tuus, oleo lætitiæ præ consortibus tuis. **Ps.** Eructavit cor meum verbum bonum: dico ego opera mea Regi. *ŷ.* Glória Patri. Dilexisti.

Oratio.

EXAUDI nos, Deus salutaris noster: ut, sicut de beatæ Lúciæ, Virginis et Martyris tuæ, festivitate gaudemus; ita piæ devotionis erudiámur affectu. Per.

Et fit Commemoratio de Oct. Immaculatæ Conceptionis, Oratio Deus, qui per Immaculatam. 297, et de Feriæ.

Lectio Epistolæ beati Pauli Apostoli ad Corinthios. **II Cor. 10.**

FRATRES, Qui gloriátur, in Domino gloriétur. Non enim qui seipsum commendat, ille probatus est: sed quem Deus commendat. Utinam sustinerétis modicum quid insipientiæ meæ; sed et supportate me. Æmulor enim vos Dei æmulatione. Despóndi enim vos uni viro virginem castam exhibere Christo.

Graduale. Ps. 44. Dilexisti justitiam, et odisti iniquitatem. *ŷ.* Propterea unxit te Deus, Deus tuus, oleo lætitiæ.

Alleluia, alleluia. *ŷ. Ibid.* Diffusa est grátia in lábiis tuis: propterea benedixit te Deus in æternum. Alleluia.



Sequentia sancti Evangelii secundum Matthæum. **Cap. 13.**

IN illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, et præ gaudio illius vadit, et vendit

universa quæ habet, et emit agrum illum. Iterum simile est regnum cœlorum homini negotiatōri quærenti bonas margaritas. Inventa autem una pretiosa margarita, abiit, et vendidit omnia quæ habuit, et emit eam. Iterum simile est regnum cœlorum saginæ missæ in mare, et ex omni genere piscium congreganti. Quam, cum implēta esset, educētes, et secus littus sedētes, elegerunt bonos in vasa, malos autem foras miserunt. Sic erit in consummatione sæculi : exhibunt Angeli, et separabunt malos de medio iustorum, et mittent eos in caminum ignis : ibi erit fletus et stridor dentium. Intellexistis hæc omnia ? Dicunt ei : Etiam. Ait illis : Ideo omnis scriba doctus in regno cœlorum, similis est homini patrifamilias, qui profert de thesauro suo nova et vëtera.

Credo ratione Octavæ.

Offertorium. Ps. 44. Afferentur Regi virgines post eam : proximæ ejus afferentur tibi in lætitia et exultatione : adducētur in templum Regi Dōmino.

Secreta.

ACCĒPTA tibi sit, Dōmine, sacratæ plebis oblatio pro tuorum honore Sanctorum, quorum se meritis percepisse de tribulatione cognoscit auxilium. Per Dōminum.

Pro Oct. Immaculatæ Concept., Secreta Salutarem. 298 ; et Secreta Feriæ.

Communio. Ps. 118. Principes persecuti sunt me gratis, et a verbis tuis formidavi cor meum : lætabor ego super elogia tua, quasi qui invenit spolia multa.

Postcommunio.

SATIASTI, Dōmine, familiam tuam munéribus sacris : ejus, quæsumus, semper interventione nos refove, cujus solœmnia celebramus. Per Dōminum.

Pro Oct. Immaculatæ Conceptionis. Postcommunio Sacramenta. 298 ; et Postcommunio Feriæ.

DIE XIV

¶ Si hodie occurrat FERIA IV Quatuor Temporum, Missa dicitur de FERIA cum Commemoratione Octavæ, et tertia Ora-

tionem de Spiritu sancto ; et in hac Missa dicitur Præfatio de Octava.

DIE XV

IN OCTAVA

IMMACULATÆ CONCEPTIONIS

BEATÆ MARIE VIRGINIS

Missa ut in die. 297, cum Commemoratione Feriæ.

¶ Si hodie occurrat FERIA IV Quatuor Temporum, in ecclesiis cathedralibus et collegiatis dicuntur duæ Missæ, una de Octava, altera de FERIA, cum Orationibus assignatis ; et in hac Missa dicitur Præfatio communis.

DIE XVI

IN FESTO S. EUSEBII

EPISCOPI ET MARTYRIS

Missa Sacerdotēs, ut in Communi unius Martyris Pontificis, secundo loco. 3* ; et fit Commem. Feriæ.

DIE XX

VIGILIA S. THOMÆ

APOSTOLI

Missa Ego autem, ut in Vigilia unius Apost. 1*, cum Commemoratione Feriæ Adventus : et in ea servetur Rubrica posita in Vigilia S. Andreae. 288.

¶ Si autem hæc Vigilia venerit in Quatuor Temporibus, de ea fit tantum Commemoratio.

DIE XXI

IN FESTO S. THOMÆ

APOSTOLI

Introitus. Ps. 138.

MHI autem nimis honorati sunt amici tui, Deus : nimis confortatus est principatus eorum. Ps. Dōmine, probasti me, et cognovisti me : tu cognovisti sessionem meam et resurrectionem meam. Ÿ. Glória Patri. Mihi autem.

Oratio.

DA nobis, quæsumus, Dōmine, beati Apostoli tui Thomæ sollemnitatibus gloriari : ut ejus semper et patrocinii

sublevémur, et fidem cóngrua devotióne sectémur. Per Dóminum.

Et fit Commemoratio Feriæ.

Lectio Epistolæ beáti Pauli Apóstoli ad Ephésios. Cap. 2.

FRATRES, Jam non estis hóspites et ádvenæ : sed estis cives Sanctórum et doméstici Dei, superædificáti super fundaméntum Apostolórum et Prophe-tárum, ipso summo angulári lápide Christo Jesu : in quo omnis ædificatio constructa crescit in templum sanctum in Dómino, in quo et vos coædificámini in habitáculum Dei in Spiritu.

Graduale. Ps. 138. Nimis honoráti sunt amíci tui, Deus : nimis confortátus est principátus eórum. *ŷ.* Dinumerábo eos, et super arénam multiplicabúntur.

Allelúia, allelúia. *ŷ.* Ps. 32. Gau-déte, justí, in Dómino : rectos decet col-laudátio. Allelúia.



Sequéntia sancti Evangélii secún-dum Joánnem. Cap. 20.

IN illo témpore : Thomas, unus ex Duó-decim, qui dicitur Didymus, non erat cum eis quando venit Jesus. Dixerunt ergo ei álíi discipuli : Vidimus Dómi-num. Ille autem dixit eis : Nisi videro in má nibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, íterum erant discipuli ejus intus, et Tho-mas cum eis. Venit Jesus jánuis clausis, et stetit in médio, et dixit : Pax vo-bis. Deínde dicit Thomæ : Infer dígitum tuum huc, et vide manus meas : et affer manum tuam, et mitte in latus meum : et noli esse incrédulus, sed fidélis. Respóndit Thomas, et dixit ei : Dóminus meus, et Deus meus. Dixit ei Jesus : Quia vidisti me, Thoma, credidisti : beáti qui non vidérunt, et credidérunt.

Credo.

Offertorium. Ps. 18. In omnem ter-ram exívit sonus eórum, et in fines orbis terræ verba eórum.

Secreta.

DÉBITUM tibi, Dómine, nostræ réd-dimus servitútis, suppliciter exorán-

tes : ut suffrágiis beáti Thomæ Apóstoli, in nobis tua múnera tueáris, cujus ho-noránda confessióne laudis tibi hóstias immolámus. Per Dóminum.

Et fit Commemoratio Feriæ.

Præfatio de Apostolis.

Communio. Joan. 20. Mitte manum tuam, et cognósce loca clavórum : et noli esse incrédulus, sed fidélis.

Postcommunio.

ADÉSTO nobis, miséricors Deus : et in-tercedénte pro nobis beáto Thoma Apóstolo, tua circa nos propitiátus dona custódi. Per Dóminum.

Et fit Commemoratio Feriæ.

FESTA JANUARI

DIE XI

Pro Commemoratione S. Hygini, Papæ et Mátyris.

Oratio.

INFIRMITATEM nostram réspice, omnípo-tens Deus : et quia pondus próprie actiόνis gravat, beáti Hygini, Mátyris tui atque Pontificis, intercessio gloriósa nos próteget. Per Dóminum.

Tertia Oratio dicitur de sancta Maria. Deus, qui salútis. 37*, nisi venerit in Dominica.

Secreta.

HÓSTIAS tibi, Dómine, beáti Hygini, Mátyris tui atque Pontificis, dicátas méritis, benignus assúme : et ad perpétuum nobis tribue provenire subsidium. Per Dóminum.

Postcommunio.

REFÉCTI participatióne múnemis sacri, quæsumus, Dómine Deus noster : ut cujus exséquimur cultum, interce-dénte beáto Hygino, Mátyre tuo atque Pontifice, sentiámus afféctum. Per.

DOMINICA SECUNDA POST EPIPHANIAM

IN FESTO SS. NOMINIS JESU

Introitus. Philip. 2.

IN Nómine Jesu omne genu flectátur, cœléstium, terréstrium et infer-nórum : et omnis lingua confiteátur quia Dóminus Jesus Christus in glória

est Dei Patris. *Ps. 8.* Dómine Dóminus noster, quam admirábile est nomen tuum in univérſa terra! *ŷ.* Glória Patri. In Nómīne Jesu.

Oratio.

DEUS, qui unigénitum Filium tuum constituísti humáni géneris Salvatórem, et Jesum vocári jussisti : concéde propitiſ; ut cujus sanctum Nomen venerámur in terris, ejus quoque aspéctu perfruámur in cœlis. Per eúndem Dóminum.

Deinde fit *Commemoratio Dominicæ II post Epiphaniam.*

Oratio.

OMNÍPOTENS sempitérne Deus, qui cœléstia simul et terréna moderáris : supplicatiónes pópuli tui cleménter exáudi; et pacem tuam nostris concéde tempóribus. Per Dóminum.

¶ Si occurrerit aliquod Festum simplex, fit de eo *Commemoratio in Missis privatis tantum.*

Lectio Actuum Apostolorum. *Cap. 4.*

IN diébus illis : Petrus, replétus Spíritu sancto, dixit : Príncipes pópuli et senióres, audíte. Si nos hódie dijudicámur in benefácto hómīnis infirmī, in quo iste salvus factus est, notum sit ómnibus vobis, et omni plebi Israel, quia in nómine Dómini nostri Jesu Christi Nazaréni, quem vos crucifixístis, quem Deus suscitávit a mórtuis, in hoc iste adstat coram vobis sanus. Hic est lapis qui reprobátus est a vobis aedificántibus, qui factus est in caput ánguli : et non est in álío álīquo salus. Nec enim álīud nomen est sub cœlo datum homínibus, in quo opórteat nos salvos fieri.

Graduale. Ps. 105. Salvos fac nos, Dómine Deus noster, et cóngrega nos de natió nibus : ut confiteámur Nómīni sancto tuo, et gloriémur in glória tua. *ŷ. Is. 63.* Tu, Dómine, pater noster et redémptor noster, a sæculo Nomen tuum.


Allelúia, allelúia. *ŷ. Ps. 144.* Laudem Dómini loquétur os meum, et benedicat omnis caro Nomen sanctum ejus. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 79, et Cant. 2. Dómine Deus virtútum, convérte nos : et osténde faciém tuam, et salvi érimus : sonet vox tua in áuribus meis. *ŷ. Cant. 2.* Vox enim tua dulcis, et faciés tua decóra nimis. *ŷ. Cant. 1.* Oleum effúsum Nomen tuum, Jesu : ideo adolescéntulæ dilexérunt te.

Tempore Paschali, in Missis votivis :

Allelúia, allelúia. *ŷ. Ps. 144.* Laudem Dómini loquétur os meum, et benedicat omnis caro nomen sanctum ejus. Allelúia. *ŷ. Ibid.* Exaltábo te, Deus meus Rex, et benedicám Nómīni sancto tuo, Jesu, in sæculum, et in sæculum sæculi. Allelúia.

 Sequéntia sancti Evangélīi secúndum Lucam. *Cap. 2.*

IN illo témpore : Postquam consummáti sunt dies octo, ut circumciderétur puer, vocátum est Nomen ejus Jesus, quod vocátum est ab Angelo, priúsq̃am in útero conciperétur. Credo.

Offertorium. Ps. 85. Confitébor tibi, Dómine Deus meus, in toto corde meo, et glorificábo Nomen tuum in ætérnum : quóniam tu, Dómine, suávis et mitis es, et multæ misericórdiæ ómnibus invocántibus te, allelúia.

Secreta.

BENEDICTIO tua, clementissime Deus, qua omnis víget creatúra, sanctífíet, quæsumus, hoc sacrificium nostrum, quod ad glóriam Nómīnis Filii tui Dómini nostri Jesu Christi offerímus tibi : ut Majestáti tuæ placére possit ad laudem, et nobis proficere ad salútem. Per eúndem Dóminum.

Pro Dominica II post Epiphaniam.

Secreta.

OBLÁTA, Dómine, múnera sanctífica : nosque a peccátórum nostrórum máculis emúnda. Per Dóminum.

Prefatio de Nativitate.

Communio. Ibid. Omnes gentes quascúmque fecisti, vénient, et adorábunt coram te, Dómine, et glorificábunt Nomen tuum : quóniam magnus es tu,

et faciēns mirabilia : tu es Deus solus, allelúia.

Postcommunio.

OMNIPOTENS ætérne Deus, qui creásti et redemísti nos, réspice propítius vota nostra : et sacrificium salutáris hóstiæ, quod in honórem Nómīnis Filii tui Dómini nostri Jesu Christi, Majestáti tuæ obtúlimus, plácido et benígno vultu suscipere dignéris; ut grátia tua nobis infúsa, sub glorióso Nómīne Jesu, ætérnæ prædestinátionis título, gaudeámus nómīna nostra scripta esse in cælis. Per eúndem Dóminum.

Pro Dominica II post Epiphaniam.

Postcommunio.

AUGEÁTUR in nobis, quæsumus, Dómine, tuæ virtútis operátio : ut divinis vegetáti sacraméntis, ad eórum promíssa capiēda tuo múnere præparémur. Per Dóminum.

¶ *In fine Missæ legitur sequens Evangelium Dominicæ II post Epiphaniam.*



Sequéntia sancti Evangélīi secúndum Joánnem. Cap. 2.

IN illo témpore : Núptiæ factæ sunt in Cana Galilææ, et erat Mater Jesu ibi. Vocátus est autem et Jesus, et discipuli ejus, ad núptias. Et, deficiēte vino, dicit Mater Jesu ad eum : Vinum non habent. Et dicit ei Jesus : Quid mihi et tibi est, múlīer? nondum venit hora mea. Dicit Mater ejus ministris : Quodcúmque dixerit vobis, fácite. Erant autem ibi lapidææ hydriæ sex pósitæ, secúndum purificátionem Judæórum, capiētes singulæ metrétas binas vel ternas. Dicit eis Jesus : Impléte hydrias aqua. Et implevérunt eas usque ad summum. Et dicit eis Jesus : Haurite nunc, et ferte architriclino. Et tulérunt. Ut autem gustávit architriclínus aquam vinum factam, et non sciébat unde esset, ministri autem sciébant, qui háuserant aquam : vocat sponsum architriclínus, et dicit ei : Omnis homo primum bonum vinum ponit, et cum inebriáti fuerint, tunc id quod detérius est; tu autem servásti bonum vinum usque adhuc. Hoc fecit initium signórum Jesus in Cana

Galilææ, et manifestávit glóriam suam, et credidérunt in eum discipuli ejus.

DIE XIV

IN FESTO S. HILARII

EPISCOPI, CONFESSORIS

ET ECCLESIAE DOCTORIS

Missa In médio Ecclésiæ, de Communi Doctorum. 13. Et dicitur Credo.*

Et fit Commem. S. Felicis, Presbyteri et Martyris.

Oratio.

CONCÉDE, quæsumus, omnipotens Deus : ut ad meliorem vitam Sanctórum tuórum exémpła nos próvocent, quátenus quorum solémnia ágimus, étiam actus imitémur. Per Dóminum.

Secreta.

HÓSTIAS tibi, Dómine, beáti Felicis, Mátyris tui, dicátas méritis, benígnus assúme, et ad perpétuum nobis tribue proveníre subsidium. Per Dóminum.

Postcommunio.

QUESUMUS, Dómine, salutáribus repléti mystériis : ut beáti Felicis, Mátyris tui, ejus solémnia celebrámus, orátionibus adjuvémur. Per.

¶ *Si contingat Festum S. Hilarii transferri in alium diem, non tamen prædicta Commemoratio S. Felicis transfertur, sed de ea fit suo die : quod et in sequenti Festo et in similibus semper servatur.*

EADEM DIE

S. FELICIS

PRESBYTERI ET MARTYRIS

Missa Lætábitur, de Communi. 5; Orationes ut in Missali sub hac die.*

DIE XV

IN FESTO S. PAULI

PRIMI EREMITÆ

Introitus. Ps. 91.

JUSTUS ut palma florébit : sicut cedrus Líbani multiplicábitur : plantátus in domo Dómini, in átriis domus Dei nostri. *Ps.* Bonum est confitéri Dómino, et psállere nómini tuo, Altissime. *ÿ.* Glória Patri. Justus.

Oratio.

DEUS, qui nos beāti Pauli, Confessóris tui, ánnua solemnitáte lætíficas : concéde propitiús ; ut cujus natalítia cólimus, étiam actiónes imitémur. Per.

Pro Commemoratione S. Mauri, Abbatis.

Oratio.

INTERCESSIO nos, quæsumus, Dómine, beāti Mauri Abbátis comméndet : ut quod nostris méritis non valémus, ejus patrocinio assequámur. Per Dóminum.

Léctio Epistolæ beāti Pauli Apóstoli ad Philippéenses. Cap. 3.

FRATRES, Quæ mihi fuérunt lucra, hæc arbitrátus sum propter Christum detriménta. Verúntamen existimo ómnia detriméntum esse propter eminentem sciéntiam Jesu Christi Dómini mei : propter quem ómnia detriméntum feci, et árbitror ut stércora, ut Christum lucrifáciám, et invéniam in illo, non habens meam justitiam, quæ ex lege est, sed illam quæ ex fide est Christi Jesu : quæ ex Deo est justitia in fide, ad cognoscéndum illum, et virtútem resurrectionis ejus, et societátem passiónum illius, configurátus mortí ejus : si quo modo occurrám ad resurrectionem, quæ est ex mórtuis : non quod jam acceperim, aut jam perféctus sim ; sequor autem, si quo modo comprehéndam, in quo et comprehénsus sum a Christo Jesu.

Graduale. Ps. 91. Justus ut palma florébit : sicut cedrus Libani multiplicábitur in domo Dómini. ̃. Ad annuntiándum mane misericórdiam tuam, et veritátem tuam per noctem.

Allelúia, allelúia. ̃. Osce 14. Justus germinábit sicut lilium, et florébit in ætérnum ante Dóminum. Allelúia.

Post Septuagesimam. omissis Allelúia et ̃. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. ̃. Potens in terra erit semen ejus : generátio rectórum benedicétur. ̃. Glória et divitiæ in domo ejus, et justitia ejus manet in sæculum sæculi.



Sequéntia sancti Evangélii secúndum Matthæum. Cap. 11.

IN illo témpore : Respóndens Jesus, dixit : Confíteor tibi, Pater, Dómine cœli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater : quóniam sic fuit plácitum ante te. Omnia mihi trádicta sunt a Patre meo, et nemo novit Filium, nisi Pater : neque Patrem quis novit, nisi Filius ; et cui volúerit Filius reveláre. Veníte ad me, omnes qui laborátis et onerátí estis, et ego reficiam vós. Tóllite jugum meum super vós, et discite a me quia mitis sum et húmilis corde : et invenietis réquiem animábuis vestris. Jugum enim meum suáve est, et onus meum leve.

Offertorium. Ps. 20. In virtúte tua, Dómine, lætábitur justus : et super salutáre tuum exsultábit veheménter : desiderium ánimæ ejus tribuisti ei.

Secreta.

LAUDIS tibi, Dómine, hóstias immolámus in tuórum commemoratióne Sanctórum : quibus nos et præsentíbus éxui malis confidimus, et futúris. Per Dóminum.

Pro S. Mauro. Secreta.

PRÆSTA nobis, quæsumus, omnípotens Deus : ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Communio. Ps. 63. Lætábitur justus in Dómino, et sperábit in eo : et laudábuntur omnes recti corde.

Postcommunio.

REFÉCTI cibo potúque cœlesti, Deus noster, te supplices exorámus : ut in cujus hæc commemoratióne percépi-mus, ejus muniámur et précibus. Per Dóminum.

Pro S. Mauro. Postcommunio.

PRÓTEGAT nos, Dómine, cum tui perceptiõe sacraménti, beátus Maurus Abbas, pro nobis intercedéndo : ut et conversatiónis ejus experiámur insignia, et intercessiõnis percipiámus suffrágia. Per Dóminum.

EADÉM DIE

S. MAURI, ABBATIS

Missa Os justi, de Communi Abbatum.
18*.

DIE XVI

IN FESTO S. MARCELLI

PAPÆ ET MARTYRIS

Introitus. Eccli. 45.

STÁTUIT ei Dóminus testaméntum pacis, et príncipem fecit eum : ut sit illi sacerdotiú dignitas in ætérnum. Ps. 131. Meménto, Dómine, David, et omnis mansuetúdinis ejus. *ŷ.* Glória Patri. Státuit ei.

Oratio.

PRECES pópuli tui, quæsumus, Dómine, cleménter exáudi : ut beáti Marcelli, Mátyris tui atque Pontificis, méritis adjuvémur, cujus passióne lætámur. Per Dóminum.

Secunda Oratio. Deus, qui salutis æternæ; *tertia* Ecclesiæ, *vel pro Papa.* 33.

Léctio Epistolæ beáti Pauli Apóstoli ad Corinthios. II Cor. 1.

FRATRES, Benedictus Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra : ut possimus et ipsi consolári eos qui in omni pressúra sunt, per exhortatióne qua exhortámur et ipsi a Deo. Quóniam sicut abúndant passiones Christi in nobis, ita et per Christum abúndat consolatio nostra. Sive autem tribulamur pro vestra exhortatióne et salute, sive consolámur pro vestra consolatióne; sive exhortámur pro vestra exhortatióne et salute, quæ operátur tolerántiam earúmdem passiónum quas et nos pátimur : ut spes nostra firma sit pro vobis; sciéntes quod sicut sócii passiónum estis, sic éritis et consolatiónis, in Christo Jesu Dómino nostro.

Graduale. Ps. 88. Invéni David servum meum, óleo sancto meo unxi eum : manus enim mea auxiliábitur ei, et brá-

chium meum confortábit eum. *ŷ.* Nihil proficiet inimicus in eo, et filius iniquitatis non nocébit ei.

Allelúia, allelúia. *ŷ.* Ps. 109. Tu es Sacerdos in ætérnum, secúndum ordinem Melchisedech. Allelúia.

Post Septuagesimam, omissis Allelúia et *ŷ.* seq., dicitur

Tractus. Ps. 20. Desidérium animæ ejus tribuísti ei, et voluntáte labiórnum ejus non fraudásti eum. *ŷ.* Quóniam prævenísti eum in benedictiónibus dulcedinis. *ŷ.* Posuisti in cápite ejus coronam de lápide pretiósio.



Sequéntia sancti Evangélii secúndum Matthæum. Cap. 16.

IN illo témpore : Dixit Jesus discipulis suis : Si quis vult post me veníre, abneget semetípsum, et tollat crucem suam, et sequátur me. Qui enim volúerit animam suam salvam fácere, perdet eam. Qui autem perdiderit animam suam propter me, invéniet eam. Quid enim prodest hómíni si mundum univérsum lucrétur, animæ vero suæ detriméntum patiátur? Aut quam dabit homo commutatióne pro ánima sua? Filius enim hómínis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

SÚSCIPE, quæsumus, Dómine, múnera dignánter oblata : et beáti Marcelli, Mátyris tui atque Pontificis, suffragántibus méritis, ad nostræ salutis auxiliú provenire concède. Per Dóminum.

Communio. Matth. 23. Dómine, quinque talénta tradidisti mihi : ecce alia quinque superlucrátus sum. Euge, serve bone et fidélis, quia in pauca fuisti fidélis, supra multa te constituam : intra in gáudium Dómini tui.

Postcommunio.

SATIÁSTI, Dómine, familiam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

DIE XVII

IN FESTO S. ANTONII, ABBATIS

Introitus. Ps. 36.

Os iusti meditabitur sapiéntiam, et lingua ejus loquétur iudicium : lex Dei ejus in corde ipsius. Ps. Noli æmulári in malignántibus : neque zeláveris faciéntes iniquitátem. *ŷ.* Glória Patri. Os iusti.

Oratio.

Intercéssio nos, quæsumus, Dómine, beáti Antóniū Abbátis comméndet : ut quod nostris méritis non valémus, ejus patrocinio assequámur. Per.

Lectio libri Sapiéntiæ. Eccli. 43.

Dilectus Deo et hominibus, cujus memória in benedictióne est. Similem illum fecit in glória Sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et iustus illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Audivit enim eum, et vocem ipsius, et indúxit illum in nubem. Et dedit illi coram præcéptis, et legem vitæ et disciplinæ.

Graduale. Ps. 20. Dómine, prævenisti eum in benedictiónibus dulcedínis : posuisti in cápite ejus corónam de lápide pretióso. *ŷ.* Vitam petiit a te, et tribuisti ei longitúdinem diérum in sæculum sæculi.

Allelúia, allelúia. *ŷ.* Ps. 91. Justus ut palma florébit : sicut cedrus Libani multiplicábitur. Allelúia.

Post Septuagesimam omissis Allelúia et *ŷ.* seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus : generatio rectórum benedicétur. *ŷ.* Glória et divitiæ in domo ejus : et justitia ejus manet in sæculum sæculi.



Sequéntia sancti Evangélíi secúndum Lucam. Cap. 12.

In illo témpore : Dixit Jesus discipulis suis : Sint lumbi vestri præcincti, et

lucernæ ardéntes in mánibus vestris, et vos símiles homínibus exspectántibus dóminum suum, quando revertátur a nuptiis : ut, cum vénerit et pulsáverit, conféstim aperiant ei. Beáti servi illi, quos, cum vénerit dóminus, invénierit vigilátes : amen dico vobis, quod præcinget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénierit, beáti sunt servi illi. Hoc autem scitôte, quóniam si sciret paterfamilias qua hora fur veníret, vigiláret útique, et non síneret pérfodi domum suam. Et vos estóte paráti : quia qua hora non putátis, Filius hóminis veniet.

Offertorium. Ps. 20. Desidérium animæ ejus tribuisti ei, Dómine, et voluntáte labiórum ejus non fraudásti eum : posuisti in cápite ejus corónam de lápide pretióso.

Secreta.

Sacris altáribus, Dómine, hóstias superpósitas, sanctus Antónius Abbas, quæsumus, in salútem nobis provenire depóscat. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

Prótegat nos, Dómine, cum tui perceptióne sacraménti, beátus Antónius Abbas, pro nobis intercedédo : ut et conversatiónis ejus experiámur insígnia, et intercessiōis percipiámus suffrágia. Per Dóminum.

DIE XVIII

IN FESTO CATHEDRÆ S. PETRI

QUA ROMÆ PRIMUM SEDIT

Introitus. Eccli. 45.

Státuit ei Dóminus testaméntum pacis, et príncipem fecit eum, ut sit illi sacerdotií dignitas in ætérnum. Ps. 131. Meménto, Dómine, David, et omnis mansuetúdinis ejus. *ŷ.* Glória Patri. Státuit.

Oratio.

DEUS, qui beāto Petro, Apóstolo tuo, collátis clavibus regni celéstis, ligándi atque solvéndi pontificium tradidisti : concéde ; ut intercessiónis ejus auxilio, a peccatórum nostrórum nexibus liberémur. Qui vivis.

Et fit Commemoratio de S. Paulo ante quascumque Commemorationes, etiam Dominicæ : quod et servatur in Commem. S. Petri, quæ fit in Festis S. Pauli.

Oratio.

DEUS, qui multitudínem géntium beāti Pauli Apóstoli prædicatione docuisti : da nobis, quæsumus ; ut cujus commemorationem colimus, ejus apud te patrocinia sentiámus. (Per Dóminum.)

Deinde fit Commemoratio sanctæ Priscæ, Virginis et Martyris.

Oratio.

DA, quæsumus, omnipotens Deus : ut qui beátæ Priscæ, Virginis et Martyris tuæ, natalitia colimus, et ánnua solemnitate lætémur, et tantæ fidei proficiámus exémplo. Per Dóminum.

Lectio Epístolæ beāti Petri Apóstoli.

I Petr. 1.

PETRUS Apóstolus Jesu Christi, eléctis ádvenis dispersiónis Ponti, Galátiae, Cappadóciæ, Asiæ et Bithyniæ, secúndum præsciéntiam Dei Patris, in sanctificatióem Spíritus, in obediéntiam, et aspersiónem ságuinis Jesu Christi : grátia vobis et pax multiplicétur. Benedictus Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditatem incorruptibilem, et incontaminátam, et immarcescibilem, conservátam in celis in vobis, qui in virtúte Dei custodímini per fidem in salutem, parátam revelári in témpore novíssimo. In quo exultábitis, módicum nunc si opórtet contristári in váríis tentatióibus : ut probatio vestræ fidei multo pretiósior auro (quod per ignem probáture) inveniátur in laudem, et glóriam, et honórem, in revelatióne Jesu Christi Dómini nostri.

Graduale. Ps. 106. Exáltent eum in ecclésia plebis, et in cáthedra seniórum laudent eum. *ŷ.* Confiteántur Dómino misericórdiæ ejus, et mirabilia ejus filiis hóminum.

Allelúia, allelúia. *ŷ.* Matth. 16. Tu es Petrus, et super hanc petram ædificábo Ecclésiám meam. Allelúia.

Post Septuagesimam, omíssis Allelúia et *ŷ.* seq., dicitur

Tractus. *Ibid.* Tu es Petrus, et super hanc petram ædificábo Ecclésiám meam. *ŷ.* Et portæ ínferi non prævalébunt advérsus eam : et tibi dabo claves regni celórum. *ŷ.* Quodcúmque ligáveris super terram, erit ligátum et in celis. *ŷ.* Et quodcúmque sólveris super terram, erit solútum et in celis.



Sequéntia sancti Evangélii secúndum Matthæum. Cap. 16.

In illo témpore : Venit Jesus in partes Cæsariæ Philippi : et interrogábat discipulos suos, dicens : Quem dicunt hómines esse Filium hóminis ? At illi dixerunt : Alii Joámem Baptistam, álii autem Eliám, álii vero Jeremiam, aut unum ex Prophétis. Dicit illis Jesus : Vos autem quem me esse dicitis ? Respóndens Simon Petrus, dixit : Tu es Christus Filius Dei vivi. Respóndens autem Jesus, dixit ei : Beátus es, Simon Bar Jona : quia caro et sanguis non revelávit tibi, sed Pater meus, qui in celis est. Et ego dico tibi, quia tu es Petrus, et super hanc petram ædificábo Ecclésiám meam, et portæ ínferi non prævalébunt advérsus eam. Et tibi dabo claves regni celórum. Et quodcúmque ligáveris super terram, erit ligátum et in celis : et quodcúmque sólveris super terram, erit solútum et in celis. Credo.

Offertorium. *Ibid.* Tu es Petrus, et super hanc petram ædificábo Ecclésiám meam : et portæ ínferi non prævalébunt advérsus eam : et tibi dabo claves regni celórum.

Secreta.

ECCLESIE tuæ, quæsumus, Dómine, preces et hóstias beāti Petri Apóstoli comméndet oratio : ut quod pro

illius glória celebrámus, nobis prosit ad véniam. Per Dóminum.

Pro S. Paulo. *Secreta.*

APÓSTOLI tui Pauli préceibus, Dómine, plebis tuæ dona sanctifica : ut quæ tibi tuo grata sunt institútio, gratióra fiant patrocínio supplicántis. (Per Dóminum.)

Pro sancta Prisca. *Secreta.*

HÆC hóstia, quæsumus, Dómine, quam Sanctórum tuórum natalítia recenséntes offerimus, et vincula nostræ pravitátis absólvat, et tuæ nobis misericórdiæ dona conciliet. Per Dóminum.

Præfatio de Apostolis.

Communio. *Ibid.* Tu es Petrus, et super hanc petram ædificábo Ecclesiám meam.

Postcommunio.

LÆTIFICET NOS, Dómine, munus oblátum : ut sicut in Apóstolo tuo Petro te mirábilem prædicámus, sic per illum tuæ sumámus indulgéntiæ largitátem. Per.

Pro S. Paulo. *Postcommunio.*

SANCTIFICÁTI, Dómine, salutári mystério, quæsumus : ut nobis ejus non desit orátio, cujus nos donásti patrocínio gubernári. (Per Dóminum.)

Pro sancta Prisca. *Postcommunio.*

QUESUMUS, Dómine, salutáribus repléti mystériis : ut cujus solémnia celebrámus, ejus oratió nibus adjuvémur. Per Dóminum.

EADEM DIE

SANCTÆ PRISCÆ, VIRG. ET MART.

Missa Me exspectavérunt, de Communi. 20*. Orationes ut supra.

DIE XIX

IN FESTO S. CANUTI, REGIS, MART.

Missa In virtúte tua, de Comm. unius Mart. non Pont. 4*, præter Orat. seq., et Evang. Si quis vult, ut in Missa Sacerdotes, de eodem Comm. 4*.

Oratio.

DEUS, qui ad illustrándam Ecclesiám tuam, beátum Canútum Regem martyrii palma et gloriósis miráculis decoráre dignátus es : concéde propítius ; ut sicut ipse Domínice Passiónis imitá-

tor fuit, ita nos per ejus vestigia gradiéntes, ad gáudia sempitérna pervenire mereámur. Per eúdem Dóminum.

Et fit Commem. SS. Martyrum Mari, Marthæ, Audifacis et Abachum, ut in Missa sequenti.

Tertia Oratio, de sancta Maria, Deus, qui salutis. 37*, cujus Secreta Tua, Dómine, ex Missa votiva a Purificatione ad Pascha. 38*.

EADEM DIE

SS. MARTYRUM

MARI, MARTHÆ, AUDIFACIS
ET ABACHUM

Introitus. Ps. 67.

JUSTI epuléntur, et exsúltent in conspéctu Dei, et delecténtur in lætítia. Ps. Exsúrgat Deus, et dissipéntur inimíci ejus : et fúgiant, qui odérunt eum, a fácie ejus. ̎. Glória Patri. Justi.

Oratio.

EXÁUDI, Dómine, pópulum tuum cum Sanctórum tuórum patrocínio supplicántem : ut et temporális vitæ nos tribuas pace gaudére, et æternæ reperire subsidium. Per Dóminum.

Lectio Epistolæ beáti Pauli Apóstoli ad Hebræos. Cap. 10.


FRATRES, Rememorámini pristinos dies, in quibus illumináti, magnum certámen sustinuístis passiónum : et in áltero quidem oppróbriis et tribulatió nibus spectáculum facti : in áltero autem sócii táliter conversántium effécti. Nam et vinetis compássi estis, et rapinam bonórum vestrórum cum gáudio suscepístis, cognoscéntes vos habére meliorem et mauéntem substántiam. Nolite itaque amittere confidéntiam vestram, quæ magnam habet remuneratió nem. Patiéntia enim vobis necessária est, ut voluntátem Dei faciéntes, reportétis promissió nem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale. Sap. 3. Justórum ánimæ in manu Dei sunt, et non tanget illos tormentum malítiæ. ̎. Visi sunt óculis insipiéntium mori : illi autem sunt in pace.

Alleluia, alleluia. *ŷ. Ps. 67. Mirabilis Deus noster in Sanctis suis. Alleluia.*

Post Septuagesimam, omissis Alleluia et ŷ. sequenti, dicitur

Tractus. Ps. 123. Qui seminant in lacrymis, in gaudio metent. ŷ. Eúntes ibant et flebant, mitténtes sémina sua. ŷ. Veniéntes autem vénient cum exultatióne, portántes manipulos suos.

 *Sequentia sancti Evangelii secundum Matthæum. Cap. 24.*

In illo témpore : Sedénte Jesu super montem Olivéti, accessérunt ad eum discipuli secréto, dicéntes : Dic nobis quando hæc erunt? et quod signum advéntus tui, et consummationis sæculi? Et respóndens Jesus, dixit eis : Vidéte ne quis vos sedúcat. Multi enim vénient in nómine meo, dicéntes : Ego sum Christus : et multos sedúcent. Auditóri enim estis prælia et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terrémótus per loca. Hæc autem ómnia initia sunt dolórum. Tunc tradent vos in tribulationem, et occident vos : et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi pseudoprophète surgent, et sedúcent multos. Et quóniam abundávit iniquitas, refrigéscet cháritas multórum. Qui autem perseveráverit usque in finem, hic salvus erit.

Offertorium. Ps. 123. Anima nostra sicut passer erepta est de láqueo venántium : láqueus contritus est, et nos liberáti sumus.

Secreta.

PRECES, Dómine, tuórum réspice, oblationésque fidélium : ut et tibi grata sint pro tuórum festivitáte Sanctórum, et nobis cónferant tuæ propitiatiónis auxilium. Per Dóminum.

Communio. Luc. 12. Dico autem vobis, amicis meis, ne terreámini ab his qui vos persequúntur.

Postcommunio.

SANCTÓRUM tuórum, Dómine, intercessióne placátus : præsta, quæsumus, ut quæ temporáli celebrámus actióne, perpétua salvatióne capíamus. Per.

DIE XX

IN FESTO

SS. FABIANI ET SEBASTIANI

MARTYRUM

Introitus. Ps. 78.

INTRET in conspéctu tuo, Dómine, gémitus compeditórum : redde viciniis nostris séptuplum in sinu eórum : vindica sánguinem sanctórum tuórum, qui effúsus est. *Ps. Deus, venérunt gentes in hæreditátem tuam, polluérent templum sanctum tuum : posuérent Jerúsalem in pomórum custódiam. ŷ. Glória Patri. Intret.*

Oratio.

INFIRMITÁTEM nostram réspice, omnípotens Deus : et quia pondus propriæ actiόnis gravat, beatórum Máryrum tuórum Fabiáni et Sebastiani intercessio gloriósa nos protégat. Per Dóminum.

Lectio Epistolæ beáti Pauli Apóstoli ad Hebræos. Cap. 11.

FRATRES, Sancti per fidem vicérunt regna, operáti sunt justitiam, adépti sunt repromissiones, obturavérunt ora leónum, exstínxérunt impetum ignis, effugérunt áciem gládii, conválnérunt de infirmitáte, fortes facti sunt in bello, castra vertérunt exterórum : acceperunt mulieres de resurrectione mórtuos suos : álíi autem disténti sunt, non suscipiéntes redemptionem, ut meliorem invenírent resurrectionem : álíi vero ludibria et vérbera expérti : insuper et víncula et cárceres : lapidáti sunt, secti sunt, tentáti sunt, in occisióne gládii mórtui sunt : circuíérunt in melótiis, in péllibus caprinis, egéntes, angustiáti, afflicti, quibus dignus non erat mundus : in solitudínibus errántes, in móntibus et spelúncis, et in cavérnis terræ. Et hi omnes testimónio fidei probáti, invénti sunt in Christo Jesu Dómino nostro.

Graduale. Exodi 13. Gloriósus Deus

in sanctis suis : mirābilis in majestāte, faciēns prodigia. *ŷ.* Dēxtera tua, Dómine, glorificāta est in virtūte : dēxtera manus tua confrēgit inimicos.

Allelúia, allelúia. *ŷ.* Ps. 144. Sancti tui, Dómine, benedicent te : glóriam regni tui dicent. Allelúia.

Post Septuagesimam, omissis Allelúia et *ŷ.* seq., dicitur

Tractus. Ps. 125. Qui sēmant in lācrymis, in gāudio metent. *ŷ.* Eūntes ibant et flebant, mittētes sēmina sua. *ŷ.* Veniēntes autem venient cum exultatiōne, portāntes manipulos suos.



Sequēntia sancti Evangēlii secūndum Lucam. Cap. 6.

In illo tēpore : Descēdens Jesus de monte, stetit in loco campēstri, et turba discipulōrum ejus, et multitūdo copiōsa plebis ab omni Judæa, et Jerúsalem, et marítima, et Tyri, et Sidónis, qui vénérant ut audirent eum, et sanarēntur a languōribus suis. Et qui vexabāntur a spirítibus immúndis, curabāntur. Et omnis turba quērēbat eum tāgere : quia virtus de illo exibat, et sanābat omnes. Et ipse, elevātis óculis in discipulos suos, dicēbat : Beātí páuperes, quia vestrum est regnum Dei. Beātí qui nunc esurítis, quia saturabimini. Beātí qui nunc fletis, quia ridēbitis. Beātí éritis cum vos óderint hómines, et cum separáverint vos, et exprobráverint, et ejecerint nomen vestrum tamquam malum, propter Filium hóminis. Gaudéte in illa die, et exsultáte : ecce enim merces vestra multa est in cælo.

Offertorium. Ps. 31. Lætāmini in Dómino, et exsultáte, justí : et gloriāmini, omnes recti corde.

Secreta.

HÓSTIAS tibi, Dómine, beatórum Mártyrum tuórum Fabiáni et Sebastíani dicátas méritis, benígnus assúme : et ad perpétuum nobis tribue provenire subsidium. Per Dóminum.

Communio. Luc. 6. Multitūdo languéntium, et qui vexabāntur a spirítibus immúndis, veniēbant ad eum, quia virtus de illo exibat, et sanābat omnes.

Postcommunio.

REFECTI participatiōne múnis sacri, quæsumus, Dómine Deus noster : ut cujus exséquimur cultum, intercedéntibus sanctis Martyribus tuis Fabiáno et Sebastiano, sentiámus effectum. Per.

DIE XXI

IN FESTO SANCTÆ AGNETIS

VIRGINIS ET MARTYRIS

Introitus. Ps. 118.

ME expectavérunt peccatóres, ut pérderent me : testimónia tua, Dómine, intelléxi : omnis condemnationis vidi finem : latum mandatum tuum nimis. Ps. Beátí immaculátí in via, qui ambulānt in lege Dómini. *ŷ.* Glória Patri. Me expectavérunt.

Oratio.

OMNÍPOTENS sempitérne Deus, qui infirma mundi éligis, ut fórtia quæque confúdas : concéde propítius ; ut qui beatæ Agnetis, Virginis et Mátyris tuæ, solémnia cólimus, ejus apud te patrocínia sentiámus. Per Dóminum.

Lectio libri Sapientíæ. Eccli. 51.

CONFITEBOR tibi, Dómine Rex, et colaudábo te Deum Salvatórem meum. Confitebor nómini tuo : quóniam adjutor et protéctor factus es mihi, et liberásti corpus meum a perditíone, a láqueo linguae iniquæ, et a lábiis operántium mendácium, et in conspéctu adstántium factus es mihi adjutor. Et liberásti me secūndum multitúdinem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de portis tribulatiónum quæ circumdedérunt me : a pressúra flammæ quæ circumdedit me, et in médio ignis non sum æstuáta : de altitúdine ventris inferi, et a lingua coínquináta, et a verbo mendácii, a rege iniquo, et a lingua injústa : laudábit usque ad mortem ánima mea Dóminum, quóniam éruis sustinéntes te, et liberas eos de mánibus géntium, Dómine Deus noster.

Graduale. Ps. 44. Diffúsa est grátia in lábiis tuis : proptérea benedixit te Deus in ætérnum. *ŷ.* Propter veritátem,

et mansuetúdinem, et justítiam, et dedúcet te mirabiliter dēxtera tua.

Allelúia, allelúia. *ŷ. Matth. 23.* Quinque prudētes vírgines accepérunt óleum in vasis suis cum lampádibus : média autem nocte clamor factus est : Ecce sponsus venit, exite óbviā Christo Dómino. Allelúia.

Post Septuagesimā, omissis Allelúia et *ŷ. seq.*, dicitur

Tractus. Veni, sponsa Christi, áccipe corónam quam tibi Dóminus præparávit in ætérnum : pro cujus amóre sánguinem tuum fudisti. *ŷ. Ps. 44.* Dilexisti justítiam, et odisti iniquitátem : proptér- ea unxit te Deus, Deus tuus, óleo lætítie præ consórtibus tuis. *ŷ.* Spécie tua et pulchritúdine tua inténde, prospere procéde, et regna.



Sequéntia sancti Evangélii secúndum Matthæum. *Cap. 23.*

IN illo témpore : Dixit Jesus discíplis suis parábolam hanc : Simile erit regnum celórum decem virgínibus, quæ accipiētes lámpades suas, exiérunt óbviā sponso et sponsæ. Quinque autem ex eis erant fátuæ, et quinque prudētes : sed quinque fátuæ, accéptis lámpádibus, non sumpsérunt óleum secum : prudētes vero accepérunt óleum in vasis suis cum lámpádibus. Moram autem faciēte sponso, dormitavérunt omnes et dormiérunt. Média autem nocte clamor factus est : Ecce sponsus venit, exite óbviā ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixerunt : Date nobis de óleo vestro, quia lámpades nostræ exstinguúntur. Respondérunt prudētes, dicētes : Ne forte non sufficiat nobis et vobis, ite pótius ad vendētes, et émite vobis. Dum autem irent émere, venit sponsus : et quæ parátæ erant intravérunt cum eo ad nuptias, et clausa est jánuā. Novíssime vero véniunt et reliquæ vírgines, dicētes : Dómine, Dómine, áperi nobis. At ille respóndens, ait : Amen dico vobis, nescio vos. Vigilatē itaque, quia nescitis diem, neque horam.

Offertorium. *Ps. 44.* Afferéntur Regi vírgines post eam : próximæ ejus afferéntur tibi in lætítia et exsultatíone ; adducéntur in templum Regi Dómino.

Secreta.

HÓSTIAS, Dómine, quas tibi offerimus, propítius súscipe : et, intercedēte beáta Agnéte, Vírgine et Mártire tua, vincula peccatórum nostrórum absólve. Per Dóminum.

Communio. *Matth. 23.* Quinque prudētes vírgines accepérunt óleum in vasis suis cum lámpádibus : média autem nocte clamor factus est : Ecce sponsus venit, exite óbviā Christo Dómino.

Postcommunio.

REFÉCTI cibo potúque celésti, Deus noster, te supplices exorámus : ut in cujus hæc commemoratióne percépi- mus, ejus muniámur et précibus. Per Dóminum.

DIE XXII

IN FESTO

SS. VINCENTII ET ANASTASII

MARTYRUM

Missa Intret, de Comm. plurimorum **Martyrum.** 9*, exceptis Orationibus, quæ dicuntur ut infra.

Oratio.

ADÉSTRO, Dómine, supplicatió nibus nostris : ut qui ex iniquitáte nostra reos nos esse cognóscimus, beatórum Mártirum tuórum Vincéntii et Anastásii intercessióne liberémur. Per Dóminum.

Secunda Oratio, de sancta Maria, Deus, qui salutis ætérnæ ; **tertia**, Ecclésiæ, vel pro Papa. 33.

Secreta.

MÚNERA tibi, Dómine, nostræ devoti- ónis offerimus : quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio.

QUÆSUMUS, omnipotens Deus : ut qui celéstia aliménta percépi- mus, intercedéntibus beátis Mártiribus tuis Vincéntio et Anastasio, per hæc contra ómnia advér- sa muniámur. Per Dóminum.

DIE XXIII

IN FESTO

S. RAYMUNDI DE PENNAFORT

CONFESSORIS

Missa Os justi, ut in Communi Confessoris non Pontificis. 16*.

Oratio.

DEUS, qui beátum Raymúndum pœnitentiæ sacraménti insignem ministrum elegisti, et per maris undas mirabiliter traduxisti : concède; ut ejus intercessióne dignos pœnitentiæ fructus fácere, et ad æternæ salutis portum pervenire valeámus. Per Dóminum.

Deinde fit Commem. sanctæ Emerentianæ, Virg. et Mart., Orat. Indulgéntiam, ut in Comm. Virg. et Mart. 20*.

Tertia Oratio, de sancta Maria, Deus, qui salutis æternæ. 33.

EADDEM DIE

SANCTÆ EMERENTIANÆ

VIRGINIS ET MARTYRIS

Missa Me exspectaverunt, de Comuni Virg. et Mart. 20*.

DIE XXIV

IN FESTO S. TIMOTHEI

EPISCOPI ET MARTYRIS

Introitus. Eccli. 45.

STATUIT ei Dóminus testaméntum pacis, et principem fecit eum : ut sit illi sacerdótii dignitas in ætérnum. Ps. 131. Meménto, Dómine, David, et omnis mansuetúdinis ejus. ŷ. Glória Patri. Státuit.

Oratio.

INFIRMITÁTEM nostram réspice, omnipotens Deus : et quia pondus propriæ actiónis gravat, beáti Timóthei, Mártiris tui atque Pontificis, intercessio gloriósa nos próteget. Per Dóminum.

Lectio Epístolæ beáti Pauli Apóstoli

ad Timótheum. I Tim. 6.

CHARÍSSIME, Sectaré justitiam, pietátem, fidem, charitátem, patiéntiam, mansuetúdinem. Certa bonum certámen fidei, apprehénde vitam ætérnam, in qua vocátus es, et conféssus bonam

confessióne coram multis téstibus. Præcipio tibi coram Deo, qui vivificat ómnia, et Christo Jesu, qui testimónium réddidit sub Póntio Piláto, bonam confessióne : ut serves mandátum sine mácula, irreprensibile, usque in adventum Dómini nostri Jesu Christi, quem suis tempóribus osténdet beátus et solus potens Rex regum et Dóminus dominántium : qui solus habet immortalitátem, et lucem inhábitat inaccessibilem : quem nullus hóminum vidit, sed nec vidére potest : cui honor et impérium sempitérnum. Amen.

Graduale. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. ŷ. Nihil proficiet inimicus in eo, et filius iniquitátis non nocébit ei.

Allelúia, allelúia. ŷ. Ps. 109. Tu es Sacerdos in ætérnum, secundum órđinem Melchisedech. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 20. Desidérium ánimæ ejus tribuisti ei : et voluntáte labiórum ejus non fraudásti eum. ŷ. Quóniam prævenisti eum in benedictiónibus dulcédinis. ŷ. Posuisti in cápite ejus corónam de lapide pretiόso.



Sequéntia sancti Evangélii secundum Lucam. Cap. 14.

IN illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim ædificáre, non prius sedens cómputat sumptus qui necessarij sunt, si hábeat ad perficiéndum : ne, posteaquam posúerit fundaméntum, et non potúerit perficere, omnes qui vident, incipiant illúdere ei, dicéntes : Quia hic homo cœpit ædificáre, et non pótuit consummáre? Aut quis rex itúrus committere bellum advérsus álium regem,

non sedens prius cōgitat si possit, cum decem millibus, occurrere ei qui cum viginti millibus venit ad se? Alióquin, adhuc illo longe agēte, legatiónem mittens, rogat ea quæ pacis sunt. Sic ergo omnis ex vobis qui non renúnciat omnibus quæ pōssidet, non potest meus esse discipulus.

Offertorium. Ps. 88. V́ritas mea et misericórdia mea cum ipso, et in nómine meo exaltábitur cornu ejus.

Secreta.

HÓSTIAS tibi, Dómine, beáti Timóthei, Mártiris tui atque Pontificis, dicátas méritis, benignus assúme : et ad perpétuum nobis tribue proveníre subsidium. Per Dóminum.

Communio. *Ibid.* Semel jurávi in sancto meo : semen ejus in aeternum manébit, et sedes ejus sicut sol in conspéctu meo, et sicut luna perfécta in aeternum, et testis in cœlo fidélis.

Postcommunio.

REFÉCTI participatióne muneris sacri, quæsumus, Dómine Deus noster : ut cujus exséquimur cultum, intercedente beáto Timótheo, Mártire tuo atque Pontifice, sentiámus efféctum. Per.

DIE XXV

IN FESTO CONVERSIONIS S. PAULI
APOSTOLI

Introitus. II Tim. 1.

SCIO cui crédidi, et certus sum quia potens est depósitum meum servare in illum diem, justus iudex. Ps. 138. Dómine, probásti me et cognovisti me : tu cognovisti sessiόnem meam et resurrectiόnem meam. ʒ. Glória Patri. Scio.

Oratio.

DEUS, qui univ́ersum mundum beáti Pauli Apóstoli prædicatióne docuisti : da nobis, quæsumus ; ut qui ejus hódie Conversiόnem cólimus, per ejus ad te exémpia gradiámur. Per.

Et fit Commem. de S. Petro Apostolo.

Oratio.

DEUS, qui beáto Petro Apóstolo tuo, collátis clávis regni cœlestis, li-

gándi atque solvéndi pontificium tradidisti : concéde ; ut intercessiόnis ejus auxilio, a peccatórum nostrórum nexibus liberémur. Qui vivis.

Léctio Actuum Apostolórum. Cap. 9.

In diébus illis : Saulus adhuc spirans minárum et cædis in discipulos Dómini, accéssit ad principem sacerdotum, et pētiit ab eo epístolas in Damáscum ad synagógas, ut si quos invenisset hujus viæ viros ac mulieres, vinctos perdúceret in Jérusalem. Et cum iter fáceret, cōtingit ut appropinquáret Damáscus : et súbito circumfúlsit eum lux de cœlo. Et cadens in terram, audit vocem dicentem sibi : Saule, Saule, quid me perséqueris ? Qui dixit : Quis es, Dómine ? Et ille : Ego sum Jesus, quem tu perséqueris. Durum est tibi contra stímulum calcitráre. Et tremens ac stupens, dixit : Dómine, quid me vis fácere ? Et Dóminus ad eum : Surge, et ingrédere civitatē, et ibi dicétur tibi quid te opórteat fácere. Viri autem illi qui comitabántur cum eo, stabant stupefacti, audiētes quidem vocem, néminem autem vidētes. Surréxit autem Saulus de terra, apertisque oculis nihil vidébat. Ad manus autem illum trahētes, introduxérunt Damáscum. Et erat ibi tribus diébus non videns, et non manducávit, neque bibít. Erat autem quidam discipulus Damásci, nómine Ananias : et dixit ad illum in visu Dóminus : Ananía. At ille ait : Ecce ego, Dómine. Et Dóminus ad eum : Surge, et vade in vicum qui vocátur Rectus, et quære in domo Judæ Saulum nómine Tarsénsē : ecce enim orat. (Et vidit virum Ananiám nómine, introeuntē, et imponentē sibi manus, ut visum recipiat.) Respóndit autem Ananias : Dómine, audívi a multis de viro hoc, quanta mala fécerit sanctis tuis in Jérusalem : et hic habet potestátem a principibus sacerdotum alligándi omnes qui invocant nomen tuum. Dixit autem ad eum Dóminus : Vade, quóniam vas electiόnis est mihi iste, ut portet nomen meum coram géntibus, et régibus, et

filii Israel. Ego enim ostendam illi quanta oporteat eum pro nomine meo pati. Et abiit Ananias, et introivit in domum : et imponens ei manus, dixit : Saule frater, Dominus misit me Jesus, qui apparuit tibi in via qua veniebas, ut videas, et implearis Spiritu sancto. Et confestim ceciderunt ab oculis ejus tamquam squamæ, et visum recepit : et surgens baptizatus est. Et cum accepisset cibum, confortatus est. Fuit autem cum discipulis qui erant Damasci, per dies aliquot. Et continuo in synagogis predicabat Jesum : quoniam hic est Filius Dei. Stupébant autem omnes qui audiebant, et dicebant : Nonne hic est qui expugnabat in Jerúsalem eos qui invocabant nomen istud : et huc ad hoc venit, ut vinctos illos duceret ad principes sacerdotum? Saulus autem multo magis convalescebat, et confundebat Judæos qui habitabant Damasci, affirmans quoniam hic est Christus.

Graduale. Gal. 2. Qui operatus est Petro in apostolatū, operatus est et mihi inter gentes : et cognoverunt gratiam Dei, quæ data est mihi. *ŷ.* Grátia Dei in me vacua non fuit : sed grátia ejus semper in me manet.

Allelúia, allelúia. *ŷ.* Magnus sanctus Paulus, vas electiōnis, vere digne est glorificāndus, qui et meruit thronum duodecimum possidere. Allelúia.

Post Septuagesimam, omissis Allelúia et ŷ. seq., dicitur

Tractus. Tu es vas electiōnis, sancte Paule Apóstole : vere digne es glorificāndus. *ŷ.* Prædicátor veritátis, et doctor gentium in fide et veritate. *ŷ.* Per te omnes gentes cognoverunt grátiam Dei. *ŷ.* Intercéde pro nobis ad Deum, qui te elégit.



Sequéntia sancti Evangélíi secúndum Matthæum. Cap. 19.

In illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Jesus autem dixit illis : Amen dico vobis, quod vos, qui secúti estis me, in regeneratiōne, cum séderit Filius hóminis in sede

majestátis suæ, sedébitis et vos super sedes duódecim, judicantes duódecim tribus Israel. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accépiet, et vitam ætérnam possidébit. Credo.

Offertorium. Ps. 138. Mihi autem nimis honoráti sunt amíci tui, Deus : nimis confortátus est principátus eórum.

Secreta.

Apóstoli tui Pauli préceibus, Dómine, plebis tuæ dona sanctifica : ut quæ tibi tuo grata sunt institúto, gratióra fiant patrocínio supplicántis. Per.

Pro S. Petro. Secreta.

Ecclésiæ tuæ, quæsumus, Dómine, preces et hóstias beáti Petri Apóstoli comméndet orátio : ut quod pro illius glória celebrámus, nobis prosit ad véniam. Per Dóminum.

Præfatio de Apostolis.

Communio. Matth. 19. Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio.

Sanctificáti, Dómine, salutári mystério, quæsumus : ut nobis ejus non desit orátio, ejus nos donáti patrocínio gubernári. Per Dóminum.

Pro S. Petro. Postcommunio.

Lætificet nos, Dómine, munus oblátum : ut sicut in Apóstolo tuo Petro te mirábilem prædicámus; sic per illum tuæ sumáms indulgéntiæ largitátem. Per Dóminum.

DIE XXVI

IN FESTO S. POLYCARPI

EPISCOPI ET MARTYRIS

Introitus. Dan. 3.

Sacerdótes Dei, benedicite Dóminum : sancti et húmiles corde, laudáte Deum. Dan. Benedicite, ómnia ópera Dómini, Dómino : laudáte et superexaltáte eum in sæcula. *ŷ.* Glória Patri. Sacerdótes.

Oratio.

DEUS, qui nos beáti Polycárpi, Mártiris tui atque Pontificis, ánnua solemnitate lætificas : concéde propitius ; ut ejus natalitia cólimus, de ejúsdem étiam protectióne gaudeámus. Per.

Lectio Epistolæ beáti Joánnis Apóstoli.

I Joan. 3.


CHARÍSSIMI, Omnis qui non est justus, non est ex Deo, et qui non diligit fratrem suum : quóniam hæc est annuntiatio quam audistis ab initio, ut diligátis altérutrum. Non sicut Cain, qui ex maligno erat, et occidit fratrem suum. Et propter quid occidit eum? Quóniam ópera ejus maligna erant, fratris autem ejus justa. Nolite scimári, fratres, si odit vos mundus. Nos scimus quóniam translati sumus de morte ad vitam, quóniam diligimus fratres. Qui non diligit, manet in morte : omnis qui odit fratrem suum, homicida est. Et scitis quóniam omnis homicida non habet vitam æternam in semetípso manentem. In hoc cognóvimus charitatem Dei, quóniam ille animam suam pro nobis pósuit : et nos debémus pro fratribus ánimas pónere.

Graduale. Ps. 8. Glória et honóre coronásti eum. *ŷ.* Et constituísti eum super ópera mánuum tuárum, Dómine.

Allelúia, allelúia. *ŷ.* Hic est sacerdos quem coronávit Dóminus. Allelúia.

Post Septuagesimam, omissis Allelúia et *ŷ.* seq., dicitur

Tractus. Ps. 141. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus : generatio rectórum benedicétur. *ŷ.* Glória et divitiæ in domo ejus : et justitia ejus manet in sæculum sæculi.

 Sequéntia sancti Evangélii secundum Matthæum. **Cap. 10.**

IN illo témpore : Dixit Jesus discípulis suis : Nihil est opértum, quod non revelábitur : et occúltum, quod non sciétur. Quod dico vobis in ténebris, dicite in lúmine : et quod in aure auditis, prædicáte super tecta. Et nolite timére eos qui occidunt corpus, animam autem non possunt occidere : sed pótius timéte

eum qui potest et ánimam et corpus pèrdere in gehénnam. Nomen duo pásseres asse véneunt, et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére : multis passéribus meliôres estis vos. Omnis ergo qui confitébitur me coram hominibus, confitébor et ego eum coram Patre meo, qui in cœlis est.

Offertorium. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MÚNERA tibi, Dómine, dicáta sanctifica : et, intercedénte beáto Polycárpo, Mártire tuo atque Pontifice, per eádem nos placátus inténde. Per Dóminum.

Communio. Ps. 20. Posuísti, Dómine, in cápite ejus coronam de lapide pretiósio.

Postcommunio.

REFÉCTI participatióne múnis sacri, quæsumus, Dómine Deus noster : ut ejus exséquimur cultum, intercedénte beáto Polycárpo, Mártire tuo atque Pontifice, sentiámus effectum. Per.

DIE XXVII

IN FESTO S. JOANNIS CHRYSOSTOMI

EPISC., CONF., ET ECCL. DOCTORIS

Introitus. **Ecclesi. 13.**

IN médio Ecclesiæ apérui os ejus, et implévit eum Dóminus spíritu sapiéntiæ et intellectus : stolam glóriæ induit eum. **Ps. 91.** Bonum est confitéri Dómino, et psállere nómini tuo, Altissime. *ŷ.* Glória Patri. In médio.

Oratio.

ECCLESIAM tuam, quæsumus, Dómine, grátia cœlestis amplifcet : quam beáti Joánnis Chrysóstomi, Confessoris tui atque Pontificis, illustráre voluísti gloriósis méritis et doctrinis. Per.

Lectio Epistolæ beáti Pauli Apóstoli ad Timótheum. **II Tim. 4.**

CHARÍSSIME, Testifcor coram Deo et Jesu Christo, qui judicatúrus est vivos et mórtuos, per advéntum ipsíus, et regnum ejus : prædica verbum, insta

opportune, importune : argue, obsecra, increpa in omni patientia et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros pruriētes auribus : et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, et tempus resolutionis meæ instat. Bonum certamen certavi, cursum consummavi, fidem servavi. In reliquo repōita est mihi corona justitiæ, quam reddet mihi Dominus in illa die justus iudex : non solum autem mihi, sed et iis qui diligunt adventum ejus.

Graduale. Eccli. 44. Ecce Sacerdos magnus, qui in diebus suis placuit Deo. *ŷ.* Non est inventus similis illi, qui conservaret legem Excelsi.

Allelúia, allelúia. ŷ. Jac. 1. Beatus vir qui suffert tentationem : quoniam cum probatus fuerit, accipiet coronam vitæ. **Allelúia.**

Post Septuagesimam, omissis Allelúia et ŷ. seq., dicitur

Tractus. Ps. 111. Beatus vir qui timet Dominum : in mandatis ejus cupit nimis. *ŷ.* Potens in terra erit semen ejus : generatio rectorum benedicetur. *ŷ.* Glória et divitiæ in domo ejus : et justitia ejus manet in sæculum sæculi.



Sequētia sancti Evangēlii secundum Matthæum. **Cap. 3.**

In illo tempore : Dixit Jesus discipulis suis : Vos estis sal terræ. Quod si sal evanuerit, in quo salietur? Ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub mōdio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, et glorificent Patrem vestrum qui in cœlis est. Nolite putare quoniam veni solvere Legem, aut Prophetas : non veni solvere, sed adimplere. Amen

quippe dico vobis, donec transeat cœlum et terra, iōta unum, aut unus apex non præteribit a Lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cœlorum : qui autem fecerit et docuerit, hic magnus vocabitur in regno cœlorum.

Credo.

Offertorium. Ps. 91. Justus ut palma florebit : sicut cedrus, quæ in Libano est, multiplicabitur.

Secreta.

SANCTI Pontificis tui Joānnis Chrysostomi nobis, Dōmine, pia non desit oratio : quæ et mūnera nostra conciliet, et tuam nobis indulgentiam semper obtineat. Per Dōminum.

Communio. Luc. 12. Fideles servus et prudens, quem constituit Dōminus super familiam suam, ut det illis in tempore tritici mensuram.

Postcommunio.

Ut nobis, Dōmine, tua sacrificia dent salutem : beatus Joānes Chrysostomus, Pōntifex tuus et Doctor egregius, quæsumus, precator accedat. Per.

DIE XXVIII

SANCTÆ AGNETIS, VIRG. ET MART.

Secundo.

Introitus. Ps. 44.

VULTUM tuum deprecabuntur omnes divites plebis : adducuntur Regi virgines post eam : proximæ ejus adducuntur tibi in lætitia et exultatione. **Ps.** Eructavit cor meum verbum bonum : dico ego opera mea Regi. *ŷ.* Glória. Vultum.

Oratio.

DEUS, qui nos annua beatæ Agnetis, Virginis et Martyris tuæ, solemnitate lætificas : da, quæsumus ; ut quam veneramur officio, etiam piæ conversationis sequamur exemplo. Per Dōminum.

Lectio Epistolæ beati Pauli Apóstoli ad Corinthis. II Cor. 10.

FRATRES, Qui gloriatur, in Dōmino glorietur. Non enim qui seipsum commendat, ille probatus est, sed quem Deus commendat. Utinam sustineretis


módicum quid insipientiæ meæ! sed et supportâte me. Æmulor enim vos Dei æmulatione. Despóndi enim vos uni viro, virginem castam exhibére Christo.

Graduale. Ps. 44. Spécie tua et pulchritúdine tua inténde, prospere procéde, et regna. *ŷ.* Propter veritatem, et mansuetúdinem, et justitiam : et dedúcet te mirabiliter dextera tua.

Allelúia, allelúia. *ŷ.* Adducéntur Regi virgines post eam : próximæ ejus afferéntur tibi in lætítia. Allelúia.

Post Septuagesimam, omissis Allelúia et *ŷ. seq.*, dicitur

Tractus. Ibid. Audi, filia, et vide, et inclína aurem tuam : quia concupívit Rex spécíem tuam. *ŷ.* Vultum tuum deprecábunt omnes divites plebis : filiæ regum in honóre tuo. *ŷ.* Adducéntur Regi virgines post eam : próximæ ejus afferéntur tibi. *ŷ.* Afferéntur in lætítia et exsultatíone : adducéntur in templum Regis.

 Sequéntia sancti Evangélii secúndum Matthæum. **Cap. 13.**

IN illo témpore : Dixit Jesus discipulis suis parábolam hanc : Simile est regnum cœlórum thesaúro abscondito in agro, quem qui ínvenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum cœlórum hómini negotiatóri querénti bonas margaritas. Invénta autem una pretiósa margarita, ábiit, et vendidit ómnia quæ hábuit, et emit eam. Iterum simile est regnum cœlórum sagénæ missæ in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatíone sæculi : exibunt Angeli, et separábunt malos de médio justórum, et mittent eos in camínium ignis : ibi erit fletus et stridor déntium. Intellexístis hæc ómnia? Dicunt ei : Etiam. Ait illis : Ideo omnis scriba doctus in regno cœlórum, similis est hómini patrifamílias, qui profert de thesaúro suo nova et vétéra.

Offertorium. Ps. 44. Diffúsa est grá-

tia in lábiis tuis : propterea benedixit te Deus in ætérnum, et in sæculum sæculi.

Secreta.

SUPER has, quæsumus, Dómine, hostias benedictio copiósa descendat : quæ et sanctificatióinem nobis cleménter operétur, et de Mártyrum nos solemnitáte lætificet. Per Dóminum.

Communio. Matth. 13. Simile est regnum cœlórum hómini negotiatóri quærénti bonas margaritas ; invénta una pretiósa margarita, dedit ómnia sua, et comparávit eam.

Postcommunio.

SÚMPSIMUS, Dómine, celebritátis annuæ votíva sacraménta : præsta, quæsumus ; ut et temporális vitæ nobis remédia præbeant, et ætérnæ. Per Dóminum.

DIE XXIX

IN FESTO S. FRANCISCI SALESII

EPISC., CONF., ET ECCL. DOCTORIS

Missa In médio Ecclésiæ, de Comm. **Doct. 15***, præter Orationem sequentem.

Oratio.

DEUS, qui ad animárum salútem beátum Franciscum, Confessórem tuum atque Pontíficem, ómnibus ómnia factum esse voluisti : concéde propitius ; ut charitátis tuæ dulcedíne perfúsi, ejus dirigéntibus mónitis, ac suffragántibus méritis, ætérnagáudia consequámur. Per.

Et dicitur Credo.

DIE XXX

IN FESTO SANCTÆ MARTINÆ

VIRGINIS ET MARTYRIS

Missa Loquébar, de Comm. **Virg. et Mart. 19***. **Secunda Orat.**, de sancta Maria, Deus, qui salútis ætérnæ; tertia, Ecclésiæ, vel pro Papa. 33.

DIE XXXI

IN FESTO S. PETRI NOLASCI, CONF.

Missa Justus, de Communi Conf. non **Pont. 17***, præter Orat. seq.

Oratio.

DEUS, qui in tuæ charitátis exémplum, ad fidélium redemptiόnem sanctum Petrum Ecclésiám tuam nova prole fe-

cundare divinitus docuisti : ipsius nobis intercessione concede, a peccati servitute solutis, in celesti patria perpetua libertate gaudere. Qui vivis.

FESTA FEBRUARII

DIE 1

IN FESTO S. IGNATII

EPISCOPI ET MARTYRIS

Introitus. Gal. 6.

MHI autem absit gloriari, nisi in Cruce Domini nostri Jesu Christi, per quem mihi mundus crucifixus est, et ego mundo. Ps. 131. Meménto, Dómine, David, et omnis mansuetudinis ejus. ŷ. Glória. Mihi.

Oratio.

INFIRMITATEM nostram respice, omnipotens Deus : et quia pondus propriæ actionis gravat, beati Ignatii, Mátyris tui atque Pontificis, intercessio gloriósa nos próteget. Per Dóminum.

Lectio Epistolæ beati Pauli Apóstoli ad Romános. Cap. 8.

FRATRES, Quis nos separábit a charitate Christi? Tribulatio, an angústia, an fames, an nuditás, an periculum, an persecutio, an gladius? (Sicut scriptum est : Quia propter te mortificámur tota die : æstimáti sumus sicut oves occisionis.) Sed in his ómnibus superámus propter eum qui diléxit nos. Certus sum enim quia neque mors, neque vita, neque Angeli, neque principátus, neque virtutes, neque instántia, neque futura, neque fortitúdo, neque altitúdo, neque profúndum, neque creatúra alia póterit nos separare a charitate Dei, quæ est in Christo Jesu Dómino nostro.

Graduale. Eccli. 44. Ecce Sacerdos magnus, qui in diébus suis placuit Deo. ŷ. Non est invéntus similis illi, qui conserváret legem Excelsi.

Allelúia, allelúia. ŷ. Galat. 2. Christo confixus sum Cruci : vivo ego, jam non ego, vivit vero in me Christus. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 20. Desiderium animæ

ejus tribuisti ei, et voluntate labiorum ejus non fraudasti eum. ŷ. Quoniam prævenisti eum in benedictionibus dulcedinis. ŷ. Posuisti in capite ejus coronam de lapide pretioso.



Sequéntia sancti Evangélii secundum Joánnem. Cap. 12.

IN illo tempore : Dixit Jesus discipulis suis : Amen, amen dico vobis, nisi granum frumenti cadens in terram mortuum fuerit, ipsum solum manet. Si autem mortuum fuerit, multum fructum affert. Qui amat animam suam, perdet eam : et qui odit animam suam in hoc mundo, in vitam æternam custodit eam. Si quis mihi ministrat, me sequatur : et ubi sum ego, illic et minister meus erit. Si quis mihi ministraverit, honorificabit eum Pater meus.

Offertorium. Ps. 8. Glória et honore coronasti eum, et constituisti eum super ópera manuum tuarum, Dómine.

Secreta.

HÓSTIAS tibi, Dómine, beati Ignatii, Mátyris tui atque Pontificis, dicátas méritis, benignus assume : et ad perpetuum nobis tribue provenire subsidium. Per Dóminum.

Communio. Frumentum Christi sum, dentibus bestiarum molar, ut panis mundus inveniar.

Postcommunio.

REFÉCTI participatióne muneris sacri, quæsumus, Dómine Deus noster : ut cujus exsequimur cultum, intercedente beato Ignatio, Mátyre tuo atque Pontifice, sentiámus effectum. Per Dóminum.

DIE 11

IN FESTO PURIFICATIONIS

BEATÆ MARIE VIRGINIS

Si hoc Festum venerit in Dominicis Septuagesimæ, Sexagesimæ, vel Quinquagesimæ, fit tantum benedictio, et distributio Candelarum, et Processio ; et Missa dicitur de Dominica : Missa vero Festi transfertur in Fer. II immediate sequentem, quocumque Festo etiam æqualis, non autem altioris ritus, in eam incidente.

¶ Finita Tertia, Sacerdos, indutus Plu-

viali violaceo, vel sine Casula, cum Ministris similiter indutis, procedit ad benedicendum Candelas, in medio ante Altare, vel ad cornu Epistolæ positas, et ipse ibidem stans versus ad Altare, dicit manibus junctis in tono Orat. Missæ fer. :

Ÿ. Dóminus vobiscum.

℞. Et cum spíritu tuo.

Orémus. *Oratio.*

DÓMINE sancte, Pater omnipotens, ætérne Deus, qui ómnia ex nihilo creásti, et jussu tuo per ópera apum hunc liquórem ad perfectiónem cérei veníre fecisti, et qui hodiérna die petitióem justi Simeónis implésti : te humiliter deprecámur; ut has Candélas ad usus hóminum, et sanitátem córporum et animárum, sive in terra, sive in aquis, per invocatióem tui sanctíssimi nóminis, et per intercessiόem beátæ Mariæ semper vírginis, cujus hódie festa devóte celebrántur, et per preces ómnium Sanctórum tuórum, bene ✠ dicere et sancti ✠ ficáre dignéris : et hujus plebis tuæ, quæ illas honorifice in má nibus desíderat portáre, teque cantádo laudáre, exándias voces de cœlo sancto tuo et de sede majestátis tuæ : et propítius sis ómnibus clamántibus ad te, quos redemísti pretiόso ságuine Filii tui. Qui tecum vivit et regnat in unitáte Spíritus sancti Deus, per ómnia sæcula sæculórum. *℞. Amen.*

Orémus.

OMNIPOTENS sempitérne Deus, qui hodiérna die Unigénitum tuum, ulnis sancti Simeónis in templo sancto tuo suscipiéndum præsentásti : tuam súpplices deprecámur cleméntiam; ut has Candélas, quas nos fámuli tui, in tui nóminis magnificéntiam suscipiéntes, gestáre cúpimus luce accénsas, bene ✠ dicere et sancti ✠ ficáre, atque lúmine supérnæ benedictiόnis accéndere dignéris : quátenus eas tibi Dómino Deo nostro offerédo digni, et sancto igne dulcissimæ charitátis tuæ succénsi, in templo sancto glóriæ tuæ repræsentári mereámur. Per eúmdem Dóminum.

℞. Amen.

Orémus.

DÓMINE Jesu Christe, lux vera, quæ illúminas omnem hóminem veniéntem in hunc mundum : effúnde bene ✠ dictiόnem tuam super hos Céreos, et sancti ✠ fica eos lúmine grátiae tuæ. et concéde propítius; ut sicut hæc luminária igne visibili accénsa noctúrnas depéllunt ténebras, ita corda nostra invisibili igne, id est, sancti Spíritus splendóre illustráta, ómnium vitiórum cæcitaté cáreant; ut, purgáto mentis óculo, ea cernere possimus, quæ tibi sunt plácita, et nostræ salúti utilia : quátenus post hujus sæculi caliginósa discrimina, ad lucem indeficiéntem pervenire mereámur. Per te, Christe Jesu Salvátor mundi, qui in Trinitáte perfectá vivis et regnas Deus, per ómnia sæcula sæculórum. *℞. Amen.*

Orémus.

OMNIPOTENS sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum júgiter concinmánda præparári jussisti : bene ✠ dictiόnis tuæ grátiam super hos Céreos benígnus infúnde; quátenus sic administrent lumen extérius, ut, te donánte, lumen Spíritus tui nostris non desit méntibus intérius. Per Dóminum nostrum Jesum Christum, Filium tuum, qui tecum vivit et regnat in unitáte ejúsdem. *℞. Amen.*

Orémus.

DÓMINE Jesu Christe, qui hodiérna die in nostræ carnis substántia inter hómines appárens, a paréntibus in Templo es præsentátus : quem Simeon venerábilis senex, lúmine Spíritus tui irradiátus, agnóvit, suscepit, et benedixit : præsta propítius; ut ejúsdem Spíritus sancti grátia illumináti atque edócti, te veráriter agnoscámus, et fidéliter diligámus. Qui cum Deo Patre, in unitáte ejúsdem Spíritus sancti, vivis et regnas Deus, per ómnia sæcula sæculórum.

℞. Amen.

¶ Finitis Orationibus, Celebrans ponit incensum in thuribulum, deinde ter aspergit Candelas aqua benedicta, dicendo Ant.

Aspérget me, etc., sine cantu et sine Psalmo, et ter adolet incenso. Tum dignior ex Clero accedit ad Altare, et ab eo Celebrans accipit Candelam non genuflectens, nec osculans manum illius. Postea Celebrans stans in medio ante Altare, versus ad populum, distribuit Candelas, primum digniori, a quo ipse acceperat, deinde Diacono et Subdiacono paratis, et aliis Clericis singulatim per ordinem, ultimo laicis, omnibus genuflectentibus, Candelam et manum Celebrantis osculantibus, exceptis Prælati, si adsint. Et cum inceperit distribuere Candelas, a Choro cantatur :

Ant. Luc. 2. Lumen ad revelatiónem gentium, et glóriam plebis tuæ Israel.

Cantic. Ibid. Nunc dimittis servum tuum, Dómine, secúndum verbum tuum, in pace.

Deinde repetitur tota Antiphona :

Lumen ad revelatiónem gentium, etc., quæ similiter repetitur post quemlibet Versum.

Quia vidérunt óculi mei salutáre tuum.

Ant. Lumen, etc.

Quod parásti ante faciém ómnium populorum.

Ant. Lumen, etc.

Glória Patri, et Filio, et Spiritui sancto.

Ant. Lumen, etc.

Sicut erat in principio, et nunc, et semper, et in sæcula sæculorum. Amen.

Ant. Lumen, etc.

His expletis, cantatur Ant. Ps. 43. Exsúrge, Dómine, ádjuva nos, et libera nos propter nomen tuum. Ps. Deus, auribus nostris audivimus : patres nostri annuntiavérunt nobis. ŷ. Glória Patri.

Et repetitur : Exsúrge, Dómine.

Deinde Sacerdos dicit : Orémus.

¶ Et si fuerit post Septuagesimam, et non in die Dominica, Diaconus dicit :

Flectámus génua.

ŷ. Leváte.

Oratio.

EXAUDI, quæsumus, Dómine, plebem tuam, et quæ extrinsecus ánnua trí-

buis devotióne venerári, intérius ássequi grátiae tuæ luce concéde. Per Christum Dóminum nostrum. ŷ. Amen.

¶ Deinde fit Processio. Et primo Celebrans ponit incensum in thuribulum : postea Diaconus vertens se ad populum dicit : Procedámus in pace. Et Chorus respondet : In nómine Christi. Amen.

Præcedit Thuriferarius cum thuribulo fumigante ; deinde Subdiaconus paratus, deferens Crucem medius inter duos Acolythos cum candelabris accensis : sequitur Clerus per ordinem, ultimo Celebrans cum Diacono a sinistris, omnes cum Candelis accensis in manibus ; et cantantur Antiphonæ sequentes.

Ant. Adórna thálamum tuum, Sion, et súscipe Regem Christum : ampléctere Mariam, quæ est cœléstis porta : ipsa enim portat Regem glóriæ novi lúminis : subsistit Virgo, addúcens mánibus Filium ante luciferum génitum : quem accipiens Simeon in ulnas suas, prædicávit pópulis Dóminum eum esse vitæ et mortis, et Salvatórem mundi.

Alia Ant. Luc. 2. Respósum accépit Simeon a Spíritu sancto, non visúrur se mortem, nisi vidéret Christum Dómini : et cum indúcerent púerum in Templum, accépit eum in ulnas suas, et benedixit Deum, et dixit : Nunc dimittis servum tuum, Dómine, in pace. ŷ. Cum indúcerent púerum Jesum paréntes ejus, ut fácerent secúndum consuetúdinem legis pro eo, ipse accépit eum in ulnas suas.

Et ingrediendo ecclesiam, cantatur :

ŷ. Obtulérunt pro eo Dómino par túrturum, aut duos pullos columbárum, * Sicut scriptum est in lege Dómini. ŷ. Postquam impléti sunt dies purgatiónis Mariæ, secúndum legem Móysi, tulérunt Jesum in Jerúsalem, ut sisterent eum Dómino. * Sicut. ŷ. Glória Patri, et Filio, et Spíritui sancto. * Sicut.

¶ Finita Processione, Celebrans et Ministri, depositis violaceis, accipiunt paramenta alba pro Missa. Et Candelæ tenentur in manibus accensæ dum legitur Evangelium, et iterum ad Elevationem

Sacramenti usque ad Communionem. Si vero Missa fieret de Dominica, Candelæ non accenduntur.

AD MISSAM

Introitus. Ps. 47.

SUSCÉPIMUS, Deus, misericórdiam tuam in médio templi tui : secundum nomen tuum, Deus, ita et laus tua in fines terræ : justitia plena est dextera tua. Ps. Magnus Dóminus, et laudábilis nimis : in civitate Dei nostri, in monte sancto ejus. *Ÿ.* Glória. Suscépimus.

Oratio.

OMNIPOTENS sempitérne Deus, Majestátem tuam supplices exorámus : ut sicut unigénitus Filius tuus hodiérna die cum nostræ carnis substántia in Templo est præsentátus ; ita nos fácias purificátis tibi méntibus præsentári. Per eúndem.

Lectio Malachíæ Prophétæ. Cap. 3.

HÆC dicit Dóminus Deus : Ecce ego mitto Angelum meum, et præparábit viam ante faciém meam. Et statim veniet, ad templum suum Dominátor quem vos quæritis, et Angelus testaménti quem vos vultis. Ecce venit, dicit Dóminus exercituum, et quis póterit cogitare diem advéntus ejus, et quis stabit ad vidéndum eum? Ipse enim quasi ignis conflans, et quasi herba fullónum : et sedébit conflans, et emúndans argéntum, et purgábit filios Levi, et colábit eos quasi aurum et quasi argéntum : et erunt Dómino offeréntes sacrificia in justitia. Et placébit Dómino sacrificium Juda et Jerúsalem, sicut dies sæculi et sicut anni antíqui : dicit Dóminus omnipotens.

Graduale. Ps. 47. Suscépimus, Deus, misericórdiam tuam in médio templi tui : secundum nomen tuum, Deus, ita et laus tua in fines terræ. *Ÿ.* Sicut audivimus, ita et vidimus in civitate Dei nostri, in monte sancto ejus.

Allelúia, allelúia. *Ÿ.* Senex púerum portábat : puer autem senem regébat. Allelúia.

Post Septuagesimam, onissis Allelúia et *Ÿ.* seq., dicitur

Tractus. Luc. 2. Nunc dimittis ser-

vum tuum, Dómine, secundum verbum tuum, in pace. *Ÿ.* Quia vidérunt óculi mei salutáre tuum. *Ÿ.* Quod parásti ante faciém ómnium populórum. *Ÿ.* Lumen ad revelatióem géntium, et glóriam plebis tuæ Israel.



Sequéntia sancti Evangélíi secundum Lucam. Cap. 2.

IN illo témpore : Postquam impléti sunt dies purgatióis Mariæ, secundum legem Móysi tulérunt Jesum in Jerúsalem, ut sisterent eum Dómino, sicut scriptum est in lege Dómini : Quia omne masculinum adapériens vulvam, sanctum Dómino vocábitur. Et ut darent hóstiam secundum quod dictum est in lege Dómini, par túrturum, aut duos pullos columbárum. Et ecce homo erat in Jerúsalem, cui nomen Simeon, et homo iste justus et timorátus, expéctans consolatióem Israel, et Spiritus sanctus erat in eo. Et respónsum accéperat a Spíritu sancto, non visúrum se mortem, nisi prius vidéret Christum Dómini. Et venit in Spíritu in templum. Et cum indúcerent púerum Jesum parentes ejus, ut fácerent secundum consuetúdinem legis pro eo : et ipse accépit eum in ulnas suas, et benedixit Deum, et dixit : Nunc dimittis servum tuum, Dómine, secundum verbum tuum, in pace : Quia vidérunt óculi mei salutáre tuum : Quod parásti ante faciém ómnium populórum : Lumen ad revelatióem géntium, et glóriam plebis tuæ Israel.

Credo.

Offertorium. Ps. 44. Diffúsa est grátia in lábiis tuis : propterea benedixit te Deus in aetérnum, et in sæculum sæculi.

Secreta.

EXÁUDI, Dómine, preces nostras : et ut digna sint múnera quæ óculis tuæ Majestátis offerimus, subsidium nobis tuæ pietátis impénde. Per Dóminum.

Præfatio de Nativitate Domini.

Communio. Luc. 2. Respónsum accépit Simeon a Spíritu sancto ; non visúrum se mortem, nisi vidéret Christum Dómini.

Postcommunio.

QUÆSUMUS, Dómine Deus noster : ut sacrosáncta mystéria quæ pro reparatiónis nostræ munímine contulisti, intercedente beáta María semper vírgine, et præsens nobis remédiū esse faciās, et futúrum. Per Dóminum.

DIE III

IN FESTO S. BLASII

EPISCOPI ET MARTYRIS

Missa Sacerdótes Dei, ut in Communi unius Martyris Pontificis. 3*.

DIE IV

IN FESTO S. ANDRÆE CORSINI

EPISCOPI ET CONFESSORIS

Missa Státuit, ut in Comm. Conf. Pont. 12*, præter Orationem sequentem.

Oratio.

DEUS, qui in Ecclésia tua nova semper instáuras exémpia virtútum : da pópulo tuo beáti Andréæ, Confessóris tui atque Pontificis, ita sequi vestigia, ut assequátur et præmia. Per Dóminum.

DIE V

IN FESTO SANCTÆ AGATHÆ

VIRGINIS ET MARTYRIS

Introitus.

GAUDEÁMUS omnes in Dómino, diem festum celebrántes sub honóre beátæ Agathæ, Virginis et Mártiris, de cuius passióne gaudent Angeli, et colláudant Filium Dei. Ps. 44. Eructávit cor meum verbum bonum : dico ego ópera mea Regi. *ŷ.* Glória Patri. Gaudeámus.

Oratio.

DEUS, qui inter cætera poténtiæ tuæ miracula, étiam in sexu frágili victóriam martyrii contulisti : concéde propítius ; ut qui beátæ Agathæ, Virginis et Mártiris tuæ, natalítia cólimus, per ejus ad te exémpia gradiámur. Per.

Lectio Epístolæ beáti Pauli Apóstoli ad Corínthios. 1 Cor. 4.

FRATRES, Vidéte vocatiónem vestram, quia non multi sapiéntes secúndum carnem, non multi poténtes, non multi

nóbiles : sed quæ stulta sunt mundi elégit Deus, ut confúndat sapiéntes : et infirma mundi elégit Deus, ut confúndat fórtia : et ignobília mundi, et contemptibília elégit Deus, et ea quæ non sunt, ut ea quæ sunt, destrúeret : ut non gloriétur omnis caro in conspéctu ejus. Ex ipso autem vos estis in Christo Jesu, qui factus est nobis sapiéntia a Deo, et justítia, et sanctificatió, et redemptio : ut, quemádmódum scriptum est : Qui gloriátur, in Dómino gloriétur.

Graduale. Ps. 45. Adjuvábít eam Deus vultu suo : Deus in médio ejus, non commovébitur. *ŷ.* Flúminis ímpetus lætificat civitátem Dei : sanctificávit tabernáculum suum Altíssimus.

Allelúia, allelúia. *ŷ.* Ps. 118. Loquébar de testimoniis tuis in conspéctu regum, et non confundébar. Allelúia.

Si hoc Festum venerit post Septuag., ommissis Allelúia et *ŷ.* seq., dicitur

Tractus. Ps. 125. Qui séminant in lácrymis, in gáudio metent. *ŷ.* Eúntes ibant et flebant, mitténtes sémina sua. *ŷ.* Veniéntes autem vénient cum exultatióne, portántes manípulos suos.



Secúntia sancti Evangélii secúndum Matthæum. Cap. 19.

IN illo témpore : Accessérunt ad Jesum pharisæi tentántes eum, et dicéntes : Si licet hómini dimittere uxórem suam, quacúmque ex causa? Qui respóndens, ait eis : Non legistis quia qui fecit hóminem ab initio, másculum et féminam fecit eos? et dixit : Propter hoc dimittet homo patrem et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi : Quid ergo Móyses mandávit dare libéllum repúdií, et dimittere? Ait illis : Quóniam Móyses ad durítiam cordis vestri permísit vobis dimittere uxóres vestras : ab initio autem non fuit sic. Dico autem vobis, quia quicúmque dimiserit uxórem suam, nisi ob fornicatióne, et áliam dúxerit, mœchá-tur : et qui dimissam dúxerit, mœchá-tur. Dicunt ei discipuli ejus : Si ita est

causa hóminis cum uxóre, non expedit núbere. Qui dixit illis : Non omnes capiunt verbum istud, sed quibus datum est. Sunt enim eunúchi qui de matris útero sic nati sunt : et sunt eunúchi qui facti sunt ab hominibus : et sunt eunúchi qui seipsos castravérunt propter regnum cœlórum. Qui potest capere, capiat.

Offertorium. Ps. 44. Afferéntur Regi virgines post eam : próximæ ejus afferéntur tibi.

Secreta.

SÚSCIPE, Dómine, múnera quæ in beátæ Agathæ, Virginis et Mártiris tuæ, solemnitate deferimus : cujus nos confidimus patrocinio liberári. Per.

Communio. Qui me dignátus est ab omni plaga curáre, et mamillam meam meo pectori restituere, ipsum invoco Deum vivum.

Postcommunio.

AUXILIÉNTUR nobis, Dómine, sumpta mystéria : et intercedente beáta Agatha, Virgine et Mártire tua, sempiterna protectióne confirment. Per.

DIE VI

IN FESTO S. TITI, EPISC. ET CONF.

Introitus. Eccli. 45.

STÁTUIT. ei Dóminus testaméntum pacis, et príncipem fecit eum : ut sit illi sacerdótii dignitas in ætérnum. Ps. 131. Meménto, Dómine, David, et omnis mansuetúdinis ejus. **Ÿ.** Glória Patri. Státuit.

Oratio.

DEUS, qui beátum Titum, Confessórem tuum atque Pontificem, apostólicis virtútibus decorásti : ejus méritis et intercessióne concède ; ut juste et pie vivéntes in hoc sæculo, ad cœlestem pátriam pervenire mereámur. Per.

Et fit Commem. Fer., si venerit in Quadrag., et postea sanctæ Dorotheæ. Virg. et Mart., Orat. Indulgéntiam, ut in Comm. Virg. et Mart. 20*.

Lectio libri Sapiéntiæ. Eccli. 44 et 45.

ECCE Sacerdos magnus, qui in diébus suis placuit Deo, et invéntus est justus : et in témpore iracúndiæ factus

est reconciliátio. Non est invéntus similis illi, qui conservávit legem Excelsi. Ideo jurejurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam : et invénit grátiam coram óculis Dómini. Magnificávit eum in conspéctu regum : et dedit illi coronam glóriæ. Státuit illi testaméntum ætérnum, et dedit illi sacerdótium magnum, et beatificávit illum in glória : fungi sacerdótio, et habére laudem in nómine ipsius : et offérre illi incensum dignum, in odórem suavitátis.

Graduale. Eccli. 44. Ecce Sacerdos magnus, qui in diébus suis placuit Deo. **Ÿ.** Non est invéntus similis illi, qui conserváret legem Excelsi.

Allelúia, allelúia. **Ÿ.** Ps. 109. Tu es Sacerdos in ætérnum, secúndum órđinem Melchisedech. Allelúia.

Post Septuagesimam, omissis Allelúia et Ÿ. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. **Ÿ.** Potens in terra erit semen ejus : generátio rectórum benedicétur. **Ÿ.** Glória et divitiæ in domo ejus, et justitia ejus manet in sæculum sæculi.



Sequéntia sancti Evangélii secúndum Lucam. Cap. 10.

In illo témpore : Designávit Dóminus et álíos septuaginta duos : et misit illos binos ante faciém suam in omnem civitátem et locum quo erat ipse ventúrus. Et dicébat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sácculum, neque peram, neque calceménta : et néminem per viam salutavéritis. In quacúmque domum intravéritis, primúm dicite : Pax huic dómui : et si ibi fúerit filius pacis, requiescet super illum pax vestra : sin autem, ad vos revertétur. In eádem au-

tem domo manéte, edéntes et bibéntes quæ apud illos sunt : dignus est enim operárius mercéde sua. Nolite transire de domo in domum. Et in quancúmque civitatem intravéritis, et suscepérunt vos, manducáte quæ apponúntur vobis : et curáte infirmos qui in illa sunt, et dicite illis : Appropinquávit in vos regnum Dei.

Offertorium. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Pro sancta Dorothea, Secreta Hóstias tibi. 21*.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

PRÆSTA, quæsumus, omnipotens Deus : ut de percéptis munéribus grátias exhibéntes, intercedénte beáto Tito, Confessóre tuo atque Pontífice, beneficia potióra sumámus. Per Dóminum.

Pro sancta Dorothea, Postcommunio Divini múnieris. 21*.

EADEM DIE

SANCTÆ DOROTHEÆ

VIRGINIS ET MARTYRIS

Missa Me expectavérunt, ut in Comuni Virg. et Mart. 20*.

DIE VII

IN FESTO SANCTI ROMUALDI

ABBATIS

Missa Os justi, de Comuni Abbat. 18*.

DIE VIII

IN FESTO S. JOANNIS DE MATHA

CONFESSORIS

Missa Os justi, de Comm. Conf. non Pont. 16*, præter Orat. seq.

Oratio.

DEUS, qui, per sanctum Joánnem, Ordinem sanctíssimæ Trinitátis, ad rediméndum de potestáte Saracenórum captivos, cœlitus institúere dignátus es : præsta, quæsumus ; ut, ejus suffragáribus méritis, a captivitate córporis et animæ, te adjuvánte, liberémur. Per.

DIE IX

SANCTÆ APOLLONIÆ

VIRGINIS ET MARTYRIS

Missa Loquébar, de Comuni Virginis et Martyris. 19*.

DIE X

IN FESTO SANCTÆ SCHOLASTICÆ

VIRGINIS

Missa Dilexísti, ut in Comuni Virginum. 21*, præter Orat. seq.

Oratio.

DEUS, qui animam beátæ Virginis tuæ Scholásticæ, ad ostendéndam innocéntiæ viam, in colúmbæ spécie cœlum penetráre fecísti : da nobis ejus méritis et précibus ita innocénte vivere ; ut ad ætérna mereámur gáudia pervenire. Per.

Et fit Commem. Fer.

DIE XIV

SANCTI VALENTINI

PRESBYTERI ET MARTYRIS

Missa In virtúte tua, de Comuni unius Martyris non Pontíficis. 4*, præter Orationes sequentes.

Oratio.

PRÆSTA, quæsumus, omnipotens Deus : ut qui beáti Valentini, Mártyris tui, natalítia cólimus, a cunctis malis imminéntibus, ejus intercessióne, liberémur. Per Dóminum.

Secreta.

OBLÁTIS, quæsumus, Dómine, placáre munéribus : et intercedénte beáto Valentino, Mártyre tuo, a cunctis nos defénde periculis. Per Dóminum.

Postcommunio.

SIT nobis, Dómine, reparátio mentis et córporis cœléste mystérium : ut ejus exséquimur actiónem, interce-

dénte beáto Valéntino, Mártire tuo, sentiámus efféctum. Per Dóminum.

DIE XV

SS. FAUSTINI ET JOVITÆ, MART.

Missa Salus autem, ut in *Communi* plurimorum Martyrum. 11*.

DIE XVIII

S. SIMEONIS, EPISC. ET MART.

Missa Státuit, de *Communi* unius Mart. Pont. 2*.

DIE XXII

IN FESTO

CATHEDRÆ S. PETRI ANTIOCHIÆ

¶ Omnia dicuntur sicut in Festo Cathedræ Romanæ. 306, omissa Commemoratione sanctæ Priscæ : et fit Commemoratione Feriæ, si venerit in Quadragesima.

DIE XXIII

IN FESTO S. PETRI DAMIANI

EPISCOPI, CONF., ET ECCL. DOCTORIS

Missa In médio, de *Comm. Doct.* 15*.

Oratio.

CONCÉDE NOS, quæsumus, omnipotens Deus : beáti Petri, Confessóris tui atque Pontificis, mónita et exémpla sectári; ut per terréstrium rerum contéptum æténa gáudia consequámur. Per.

Et fit Commemoratio Feriæ, si venerit in Quadragesima, et postea Vigiliæ S. Mathiæ Apostoli : et dicitur Credo.

DIE XXIII VEL XXIV

IN VIGILIA S. MATHIÆ, APOSTOLI

Missa Ego autem sicut olíva, de *Communi* in Vigil. unius Apost. 1*.

¶ Si hæc Vigilia venerit in Quadragesima, fit de ea tantum *Commem.* in Missa.

DIE XXIV VEL XXV

IN FESTO S. MATHIÆ, APOSTOLI

Introitus. Ps. 138.

MHI autem nimis honoráti sunt amíci tui, Deus : nimis confortátus est principátus eórum. Ps. Dómine, probásti me, et cognovisti me : tu cognovisti sessiónem meam et resurrectionem meam. ̎. Glória. Mihi.

Oratio.

DEUS, qui beátum Mathíam Apostólorum tuórum collégio sociásti : tribue, quæsumus; ut ejus interventióne tuæ circa nos pietátis semper viscera sentiámus. Per Dóminum.

Léctio Actuum Apostólorum. Cap. 1.

IN díebus illis : Exsurgens Petrus in médio fratrum, dixit (erat autem turba hóminum simul fere centum viginti) : Viri fratres, opórtet impléri Scriptúram, quam prædixit Spíritus sanctus, per os David, de Juda, qui fuit dux eórum qui comprehendérunt Jesum; qui commuerátus erat in nobis, et sortitus est sortem ministérii hujus. Et hic quidem possédit agrum de mercede iniquitátis, et suspensus crepuit médius, et diffúsa sunt ómnia viscera ejus. Et notum factum est ómnibus habitántibus Jerúsalem, ita ut appellarétur ager ille, lingua eórum, Hacéldama, hoc est, Ager ságuinis. Scriptum est enim in libro Psalmórum : Fiat commoratio eórum déserta, et non sit qui inhábitet in ea : et episcopátum ejus accípiat alter. Opórtet ergo ex his viris, qui nobíscum sunt congregáti in omni témpore quo intrávit et exívit inter nos Dóminus Jesus, incípiens a baptísmate Joánnis usque in diem qua assúptus est a nobis, testem resurrectionis ejus nobíscum fieri unum ex istis. Et statuérunt duos, Joseph, qui vocabátur Bársabas, qui cognominátus est Justus, et Mathíam. Et orántes dixerunt : Tu, Dómine, qui corda nosti ómnium, osténde quem éligeris ex his duóbus unum, accípere locum ministérii hujus, et apostolátus, de quo prævaricátus est Judas, ut abíret in locum suum. Et dedérunt sortes eis : et cecídít sors super Mathíam, et annuerátus est cum undecim Apóstolis.

Graduale. Ps. 138. Nimis honoráti sunt amíci tui, Deus : nimis confortátus est principátus eórum. ̎. Dinumerábo eos, et super arénam multiplicabúntur.

Tractus. Ps. 20. Desidérium animæ ejus tribuísti ei, et voluntáte labiórum ejus non fraudásti eum. ̎. Quóniam

prævenisti eum in benedictionibus dulcedinis. *ŷ.* Posuisti in capite ejus coronam de lapide pretioso.



Sequentia sancti Evangelii secundum Matthæum. Cap. 11.

In illo tempore : Respondens Jesus, dixit : Confiteor tibi, Pater, Domine cœli et terræ, quia abscondisti hæc a sapientibus et prudentibus, et revelasti ea parvulis. Ita, Pater : quoniam sic fuit placitum ante te. Omnia mihi tradita sunt a Patre meo. Et nemo novit Filium, nisi Pater : neque Patrem quis novit, nisi Filius, et cui voluerit Filius revelare. Venite ad me, omnes qui laboratis et onerati estis, et ego reficiam vos. Tollite jugum meum super vos, et discite a me quia mitis sum et humilis corde : et inveniatis requiem animabus vestris. Jugum enim meum suave est, et onus meum leve. Credo.

Offertorium. Ps. 44. Constitues eos principes super omnem terram : memores erunt nominis tui, Domine, in omni progénie et generatione.

Postcommunio.

HOSTIAS tibi, Domine, quas nomini tuo sacrandas offerimus, sancti Mathiæ, Apostoli tui, prosequatur oratio, per quam nos expiari facias, et defendi. Per Dominum.

Præfatio de Apostolis.

Communio. Matth. 19. Vos qui secuti estis me, sedebitis super sedes iudicantes duodecim tribus Israel.

Postcommunio.

PRÆSTA, quæsumus, omnipotens Deus : ut per hæc sancta quæ sumpsimus, interveniente beato Mathiæ, Apostolo tuo, veniam consequamur et pacem. Per.

FESTA MARTII

DIE IV

IN FESTO S. CASIMIRI, CONF.

Missa Os justi, de Comm. Conf. non Pont. 16*, præter Orat. seq.

Oratio.

DEUS, qui inter regales delicias et mundi illécebras, sanctum Casimi-

rum virtute constantiae roborasti : quæsumus; ut ejus intercessione fideles tui terræna despiciant, et ad cœlestia semper aspirent. Per Dominum.

Et fit Commemoratio Feriæ, si venerit in Quadragesima, et postea S. Lucii, Papæ et Martyris.

Orat. Deus, qui nos, ut in Missa Sacerdotes Dei, de Comm. Mart. Pont. 3*.

EADEM DIE

S. LUCII, PAPÆ ET MARTYRIS

Missa Sacerdotes, ut in Comm. 3*.

DIE VII

IN FESTO S. THOME DE AQUINO
CONFESSORIS, ET ECCLESIE DOCTORIS

Introitus. Eccli. 15.

In medio Ecclesiæ aperuit os ejus, et implevit eum Dominus spiritu sapientiae et intellectus : stolam gloriæ induit eum. Ps. 91. Bonum est confiteri Domino, et psallere nomini tuo, Altissime. *ŷ.* Glória Patri. In medio.

Oratio.

DEUS, qui Ecclesiam tuam beati Thomæ, Confessoris tui, mira eruditione clarificas, et sancta operatione fecundas : da nobis, quæsumus; et quæ docuit, intellectu conspiciere, et quæ egit, imitatione complere. Per Dominum.

Et fit Commemoratio Feriæ, si venerit in Quadragesima, et postea sanctorum Perpetuæ et Felicitatis, Martyrum.

Oratio.

DA nobis, quæsumus, Domine Deus noster, sanctorum Martyrum tuarum Perpetuæ et Felicitatis palmas incessabili devotione venerari : ut quas dignamente non possumus celebrare, humilibus saltem frequentemus obsequiis. Per.

Lectio libri Sapientiae. Cap. 7.

OPTAVI, et datus est mihi sensus : et invocavi, et venit in me spiritus sapientiae : et præposui illam regnis et sedibus, et divitiis nihil esse duxi in comparatione illius : nec comparavi illi lapidem pretiosum : quoniam omne aurum in comparatione illius arēna est exigua, et tamquam lutum aestimabitur

argéntum in conspéctu illius. Super salutem et spéciem diléxi illam, et propósui pro luce habére illam : quóniam inextinguibile est lumen illius. Venérunt autem mihi ómnia bona páriter cum illa, et innumerábilis honéstas per manus illius, et lætátus sum in ómnibus ; quóniam antecedebat me ista sapiéntia, et ignorábam quóniam horum ómnium mater est. Quam sine fictiône didici, et sine invidia comunico, et honestátem illius non abscondo. Infinitus enim thesáurus est homínibus : quo qui usi sunt, participes facti sunt amicitiae Dei, propter disciplinæ dona commendáti.

Graduale. Ps. 36. Os justi meditabitur sapiéntiam, et lingua ejus loquétur iudiciúm. *Ÿ.* Lex Dei ejus in corde ipsius : et non supplantabúntur gressus ejus.

Tractus. Ps. 111. Beátus vir qui timet Dóminum : in mandátis ejus cupit nimis. *Ÿ.* Potens in terra erit semen ejus : generátio rectórum benedicétur. *Ÿ.* Glória et divitiæ in domo ejus, et justitia ejus manet in sæculum sæculi.



Sequéntia sancti Evangelii secundum Matthæum. **Cap. 5.**

In illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conulectúr ab homínibus. Vos estis lux mundi. Non potest civitas abscondi supra montem pósita. Neque accendunt lucernam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut videant ópera vestra bona, et glorificent Patrem vestrum, qui in celis est. Nolite putáre quóniam veni sólvere Legem aut Prophétas : non veni sólvere, sed adimplére. Amen quippe dico vobis, donec tránseat cælum et terra, ióta unum, aut unus apex non præteribit a Lege, donec ómnia fiant. Qui ergo sólverit unum de mandátis istis minimis, et docúerit sic homines, minimus vocábitur in regno cælórum : qui autem fécerit et docúerit,

hic magnus vocábitur in regno cælórum. Credo.

Offertorium. Ps. 91. Justus ut palma florébit : sicut cedrus, quæ in Líbano est, multiplicábitur.

Secreta.

SANCTI Thomæ, Confessóris tui atque Doctóris, nobis, Dómine, pia non desit orátio : quæ et múnera nostra conciliet, et tuam nobis indulgéntiam semper obtineat. Per Dóminum.

Pro SS. Martyribus. Secreta.

INTÉNDE, quæsumus, Dómine, múnera altáribus tuis pro sanctárum Mátyrum Perpétuæ et Felicitátis festivitáte propósita : ut sicut per hæc beata mystéria illis glóriam contulisti, ita nobis indulgéntiam largiáris. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

UT nobis, Dómine, tua sacrificia dent salutem, beátus Thomas, Confessor tuus et Doctor egrégius, quæsumus, præcator accédât. Per Dóminum.

Pro SS. Martyribus.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis Perpétua et Felicitáte : ut quod ore contingimus, pura mente capiamus. Per Dóminum.

EADEM DIE

SS. PERPETUÆ ET FELICITATIS

MARTYRUM

Missa Me exspectavérunt, de Comm. 20*.

DIE VIII

IN FESTO S. JOANNIS DE DEO

CONFESSORIS

Introitus. Ps. 36.

Os justi meditabitur sapiéntiam, et lingua ejus loquétur iudiciúm : Lex Dei ejus in corde ipsius. **Ps.** Noli æmulári in malignántibus : neque zeláveris faciéntes iniquitátem. *Ÿ.* Glória Patri. Os justi.

Oratio.

DEUS, qui beatum Joannem, tuo amore succensum, inter flammam innoxium incedere fecisti, et per eum Ecclesiam tuam nova prole fecundasti : præsta, ipsius suffragantibus meritis ; ut igne charitatis tuæ vitia nostra curentur, et remedia nobis æterna proveniant. Per Dominum.

Et fit Commemoratio Feriæ, si venerit in Quadragesima.

Lectio libri Sapientiae. Eccli. 31.

BEATUS vir qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi gloria æterna : qui potuit transgredi, et non est transgressus : facere mala, et non fecit : ideo stabilita sunt bona illius in Domino, et elemosynas illius enarrabit omnis Ecclesia sanctorum.

Graduale. Ps. 91. Justus ut palma florebit : sicut cedrus Libani multiplicabitur in domo Domini. *Ÿ.* Ad annuntiandum mane misericordiam tuam, et veritatem tuam per noctem.

Tractus. Ps. 111. Beatus vir qui timet Dominum : in mandatis ejus cupit nimis. *Ÿ.* Potens in terra erit semen ejus : generatio rectorum benedicetur. *Ÿ.* Gloria et divitiæ in domo ejus : et justitia ejus manet in sæculum sæculi.



Sequentia sancti Evangelii secundum Matthæum. Cap. 22.

IN illo tempore : Accesserunt ad Jesum pharisæi, et interrogavit eum unus ex eis legis doctor, tentans eum : Magister, quod est mandatum magnum in lege? Ait illi Jesus : Diliges Dominum Deum tuum ex toto corde tuo, et in tota anima tua, et in tota mente tua. Hoc est maximum et primum mandatum. Secundum autem simile est huic : Diliges proximum tuum sicut teipsum. In his duobus mandatis universa Lex pendet, et Propheta. Congregatis autem pharisæis, interrogavit eos Jesus, dicens : Quid vobis videtur de Christo? cujus filius est?

Dicunt ei : David. Ait illis : Quomodo ergo David in Spiritu vocat eum Dominum, dicens : Dixit Dominus Domino meo : Sede a dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius ejus est? Et nemo poterat ei respondere verbum : neque ausus fuit quisquam ex illa die eum amplius interrogare.

Offertorium. Ps. 88. Veritas mea et misericordia mea cum ipso, et in nomine meo exaltabitur cornu ejus.

Secreta.

LAUDIS tibi, Domine, hostias immolamus in tuorum commemoratione Sanctorum : quibus nos et presentibus exui malis confidimus, et futuris. Per.

Communio. Matth. 24. Beatus servus quem, cum venerit Dominus, invenerit vigilantem : amen dico vobis, super omnia bona sua constituet eum.

Postcommunio.

REFECTI cibo potique cælesti, Deus noster, te supplices exoramus : ut in cujus hæc commemoratione percipimus, ejus muniamur et precibus. Per.

DIE IX

IN FESTO SANCTÆ FRANCISCÆ

VIDUÆ ROMANÆ

Missa Cognovi, de Communi nec Virg. nec Mart. 23*, præter Orat. seq.

Oratio.

DEUS, qui beatam Franciscam, famulam tuam, inter cætera gratiæ tuæ dona, familiari Angeli consuetudine decorasti : concede, quaesumus ; ut, intercessionis ejus auxilio, Angelorum consortium consequi mereamur. Per.

Et fit Commem. Feriæ, si venerit in Quadragesima.

DIE X

IN FESTO SS. QUADRAGINTA MARTYRUM

Introitus. Ps. 33.

CLAMAVÉRUNT justī, et Dominus exaudivit eos : et ex omnibus tribulationibus eorum liberavit eos. *Ps.* Benedicam Dominum in omni tē-

pore : semper laus ejus in ore meo.
 Ÿ. Glória Patri. Clamavérunt.

Oratio.

PRÆSTA, quæsumus, omnipotens Deus : ut qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum.

Deinde fit Commemoratio Ferie.


Tertia Oratio, A cunctis. 56.*

Léctio Epistolæ beáti Pauli Apóstoli ad Hebræos. *Cap. 11.*

FRATRES, Sancti per fidem vicérunt regna, operáti sunt justitiam, adépti sunt repromissiónes, obturavérunt ora leónum, exstinxérunt impetum ignis, effugérunt áciem gládii, convaluerunt de infirmitate, fortes facti sunt in bello, castra vertérunt exterórum : acceperunt mulieres de resurrectione mórtuos suos : álii autem disténti sunt, non suscipiéntes redemptionem, ut meliorem invenirent resurrectionem. Alii vero ludibria et vérbera expérti, insuper et víncula et cárceres : lapidáti sunt, secti sunt, tentáti sunt, in occisióne gládii mórtui sunt : circuiérunt in melótiis, in péllibus caprínis, egéntes, angustiáti, afflicti : quibus dignus non erat mundus : in solitudinibus errántes, in móntibus et spelúncis, et in cavérnis terræ. Et hi omnes testimonió fidei probáti, invénti sunt in Christo Jesu Dómino nostro.

Graduale. Ps. 132. Ecce quam bonum et quam jucúndum habitáre fratres in unum! Ÿ. Sicut unguéntum in cápíte, quod descendit in barbam, barbam Aaron.

Tractus. Ps. 125. Qui séminant in lácrymis, in gáudio metent. Ÿ. Eúntes ibant et flebant, mitténtes sémína sua. Ÿ. Veniéntes autem vénient cum exultatióne, portántes manipulos suos.

 Sequéntia sancti Evangélii secúndum Lucam. *Cap. 6.*

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis,

qui vénerant ut audirent eum, et sanarentur a languóribus suis. Et qui vexabántur a spirítibus immúndis, curabántur. Et omnis turba querébat eum tângere : quia virtus de illo exibat, et sanábat omnes. Et ipse, elevátis óculis in discipulos suos, dicebat : Beáti páuperes : quia vestrum est regnum Dei. Beáti qui nunc esuritis : quia saturabimini. Beáti qui nunc fletis : quia ridébitis. Beáti éritis, cum vos óderint homínes, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exsultáte : ecce enim merces vestra multa est in cœlo.

Offertorium. Ps. 31. Lætámini in Dómino, et exsultáte, justi : et gloriámini, omnes recti corde.

Secreta.

SACRIFICIUS præsentibus, quæsumus, Dómine, inténde placátus : ut, intercedéntibus sanctis Martyribus tuis, et devotióni nostræ proficiat, et salúti. Per.

Communio. Matth. 12. Quicúmque fécerit voluntátem Patris mei, qui in cœlis est, ipse meus frater, et soror, et mater est, dicit Dóminus.

Postcommunio.

QUÆSUMUS, omnipotens Deus, ut illius salutáris capiámus effectum, cujus per hæc mystéria pignus accépinus. Per.

DIE XII

IN FESTO S. GREGORII

PAPÆ, CONFESSORIS, ET ECCL. DOCTORIS

Introitus. Dan. 3.

SACERDÓTES Dei, benedicite Dómino : sancti et húmiles corde, laudáte Deum. *Cant.* Benedicíte, ómnia ópera Dómini, Dómino : laudáte et superexaltáte eum in sæcula. Ÿ. Glória Patri. Sacerdótes.

Oratio.

DEUS, qui ánimæ fámuli tui Gregórii ætérnæ beatitúdinis præmia contulisti : concède propítius, ut qui peccatórum nostrórum póndere préminur, ejus apud te préceibus sublevémur. Per.

Et fit Commemoratio Ferie.

Lectio Epistolæ beati Pauli Apostoli
ad Timotheum. II Tim. 4.

CHARISSIME, Testificor coram Deo et Jesu Christo, qui iudicaturus est vivos et mortuos, per adventum ipsius, et regnum ejus : prædica verbum, insta opportune, importune : argue, obsecra, increpa in omni patientia et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros pruriētes auribus : et a veritate quidem auditum avērtent, ad fabulas autem convertentur. Tu vero vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, et tempus resolutionis meæ instat. Bonum certamen certavi, cursum consummavi, fidem servavi. In reliquo repōita est mihi corona justitiæ, quam reddet mihi Dominus in illa die justus iudex : non solum autem mihi, sed et iis qui diligunt adventum ejus.

Graduale. Ps. 109. Juravit Dominus, et non poenitebit eum : Tu es Sacerdos in ætérnum, secundum ordinem Melchisedech. *ŷ.* Dixit Dominus Domino meo : Sede a dextris meis.

Tractus. Ps. 111. Beatus vir qui timet Dominum : in mandatis ejus cupit nimis. *ŷ.* Potens in terra erit semen ejus : generatio rectórum benedicetur. *ŷ.* Glória et divitiæ in domo ejus, et justitia ejus manet in sæculum sæculi.



Sequētia sancti Evangelii secundum Matthæum. Cap. 5.

In illo tempore : Dixit Jesus discipulis suis : Vos estis sal terræ. Quod si sal evanuerit, in quo saliētur? Ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub mōdio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant

opera vestra bona, et glorificent Patrem vestrum, qui in cœlis est. Nolite putare quoniam veni solvere Legem aut Prophetas : non veni solvere, sed adimplere. Amen quippe dico vobis, donec transeat cœlum et terra, iota unum, aut unus apex non præteribit a Lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno cœlorum : qui autem fecerit et docuerit, hic magnus vocabitur in regno cœlorum. Credo.

Offertorium. Ps. 88. Veritas mea et misericordia mea cum ipso, et in nōmine meo exaltabitur cornu ejus.

Secreta.

ANNUE nobis, quæsumus, Domine, ut intercessiōne beati Gregórii hæc nobis prosit oblatio, quam immolando totius mundi tribuisti relaxari delicta. Per.

Communio. Luc. 12. Fidelis servus et prudens, quem constituit Dominus super familiam suam, ut det illis in tempore tritici mensuram.

Postcommunio.

DEUS, qui beatum Gregorium Pontificem Sanctorum tuorum meritis coæquasti : concede propitius ; ut qui commemorationis ejus festa percolumus. vitæ quoque imitemur exemplum. Per.

DIE XVII

IN FESTO S. PATRITII

EPISCOPI ET CONFESSORIS

Missa Statuit, ut in Comm. Conf. Pont. 12*, præter Orationem sequentem.

Oratio.

DEUS, qui ad prædicandam gentibus glóriam tuam beatum Patritium, Confessorem atque Pontificem, mittere dignatus es : ejus meritis et intercessiōne concede, ut quæ nobis agenda præcipis, te miserante adimplere possimus. Per Dominum.

Et fit Commem. Feriæ.

DIE XIX MARTII

IN FESTO SANCTI JOSEPH

CONFESSORIS, SPONSI B. M. V., CATHOLICÆ ECCL. PATRONI



Introitus.

Ps. 91.

JUSTUS ut palma florēbit : sicut cedrus Libani multiplicābitur : plantātus in domo Dómini, in átriis domus Dei nostri (T. P., allelúia, allelúia.) Ps. Bonum est confitēri Dómino, et psállere nómini tuo, Altíssime. *ŷ.* Glória Patri. Justus ut palma.

Oratio.

SANCTÍSSIME Genitrícis tuæ Sponsi, quæsumus, Dómine, méritis adjuvémur : ut quod possibilitas nostra non óbtinet, ejus nobis intercessióne donétur. Qui vivis.

In Quadrag. fit Commem. Feriæ.

Lectio libri Sapiéntiæ. Eccli. 43.

DILECTUS Deo et homínibus, cujus mémoria in benedictióne est. Similem illum fecit in glória Sanctorum, et magnificávit eum in timóre inimicorum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Audívit enim eum, et vocem ipsius, et indúxit illum in nubem. Et dedit illi coram præcépta, et legem vitæ et disciplinæ.

Graduale. Ps. 20. Dómine, prævenísti eum in benedictiónibus dulcédinis : posuísti in cápite ejus corónam de lápide

pretiósio. *ŷ.* Vitam pétiit a te, et tribuísti ei longitúdinem diérum in sæculum sæculi.

Tractus. Ps. 111. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus : generatio rectórum benedicétur. *ŷ.* Glória et divitiæ in domo ejus, et justítia ejus manet in sæculum sæculi.

Tempore Paschali, omissis Graduali et Tractu, dicitur

Allelúia, allelúia. *ŷ.* Eccli. 43. Amávit eum Dóminus, et ornávit eum : stolam glóriæ induit eum. Allelúia. *ŷ.* Osee 14. Justus germinábit sicut lilium, et florébit in ætérnum ante Dóminum. Allelúia.

In Missis votivis post Tempus Paschale usque ad Septuagesimam.

Graduale. Ps. 20. Dómine, prævenísti eum in benedictiónibus dulcédinis : posuísti in cápite ejus corónam de lápide pretiósio. *ŷ.* Vitam pétiit a te, et tribuísti ei longitúdinem diérum in sæculum sæculi.

Allelúia, allelúia. *ŷ.* Eccli. 43. Amávit eum Dóminus, et ornávit eum : stolam glóriæ induit eum. Allelúia.



Sequéntia sancti Evangélii secúndum Matthæum. Cap. 1.

CUM esset desponsáta mater Jesu María Joseph, ántequam convenirent, inventa est in útero habens de Spiritu sancto. Joseph autem vir ejus, cum esset justus, et nollet eam tradúcere, voluit occúlte dimittere eam. Hæc autem eo cogitánte, ecce Angelus Dómini apparuit in somnis ei, dicens : Joseph, fili

David, noli timere accipere Mariam conjugem tuam : quod enim in ea natum est, de Spiritu sancto est. Pariet autem filium : et vocabis nomen ejus Jesum : ipse enim salvum faciet populum suum a peccatis eorum. Credo.

Offertorium. Ps. 88. Veritas mea et misericordia mea cum ipso, et in nomine meo exaltabitur cornu ejus (T. P., allel.).

Secreta.

DEBITUM tibi, Domine, nostrae reddimus servitutis, suppliciter exorantes, ut suffragiis beati Joseph, Sponsi Genitricis Filii tui Jesu Christi Domini nostri, in nobis tua munera tuearis, ob cujus venerandam festivitatem laudis tibi hostias immolamus. Per eundem.

Communio. Matth. 1. Joseph, fili David, noli timere accipere Mariam conjugem tuam : quod enim in ea natum est, de Spiritu sancto est (T. P., alleluia).

Postcommunio.


ADESTO nobis, quaesumus, misericors Deus : et, intercedente pro nobis beato Joseph Confessore, tua circa nos propitius dona custodi. Per Dominum.

DIE XXI

IN FESTO S. BENEDICTI, ABBATIS

Missa Os justi, de Communi Abbatum. 18*.


¶ De Festis dupl. et semidupl. quae veniunt a Dom. Palmarum usque ad Oct. Paschae, nihil fit, sed post Oct. celebrantur, et tunc in fine Introitus ante Ps. dicuntur duo Alleluia, et in fine Offertorii et Communionis unum Alleluia. Post Epist. non dicitur Graduale, sed dicuntur duo Versus cum quatuor Alleluia, ut notatum est in Sabbato in Albis. Et hoc idem observatur in omnibus Festis quae celebrantur inter Pascha et Pentecosten.



IN FESTO ANNUNTIATIONIS

BEATÆ MARIÆ VIRGINIS

Introitus. Ps. 44.



ULTUM tuum deprecabuntur omnes divites plebis : adducuntur Regi virgines post eam : proximæ ejus adducuntur tibi in lætitia et exultatione (T. P., allelúia, allelúia). Ps. Eructavit cor meum verbum bonum : dico ego opera mea Regi. *ŷ.* Glória. Vultum.

Oratio.

DEUS, qui de beatæ Mariæ Virginis útero Verbum tuum, Angelo nuntiante, carnem suscipere voluisti : præsta supplicibus tuis ; ut qui vere eam Genitricem Dei credimus, ejus apud te intercessionibus adjuvemur. Per eúdem.

Si celebretur in Quadrag., fit Commem. Feriæ.

Lectio Isaïæ Prophætæ. Cap. 7.

IN diébus illis : Locútus est Dóminus ad Achaz, dicens : Pete tibi signum a Dómino Deo tuo in profúndum inférni, sive in excélsu supra. Et dixit Achaz : Non petam, et non tentábo Dóminum. Et dixit : Audite ergo, domus David : Numquid parum vobis est moléstos esse hominibus, quia molésti estis et Deo meo ? Propter hoc dabit Dóminus ipse vobis signum. Ecce Virgo concipiet, et páriet filium, et vocábitur nomen ejus Emmánuel. Butyrum et mel cómedet, ut sciat reprobaré malum, et eligere bonum.

Graduale. Ps. 44. Diffúsa est grátia

in lábiis tuis : proptérea benedíxit te Deus in ætérnum. *ŷ.* Propter veritátem, et mansuetúdinem, et justitiam, et dedúcet te mirabiliter dextera tua.

Tractus. Audi, filia, et vide, et inclina aurem tuam : quia concupívit Rex spéciem tuam. *ŷ.* Vultum tuum deprecabuntur omnes divites plebis : filiæ regum in honóre tuo. *ŷ.* Adducuntur Regi virgines post eam : proximæ ejus afferuntur tibi. *ŷ.* Adducuntur in lætitia et exultatione : adducuntur in templum Regis.

Post Pascha, omissis Graduali et

Tractu, dicitur

Allelúia, allelúia. *ŷ.* Luc. 1. Ave, María, grátia plena : Dóminus tecum : benedicta tu in muliéribus. Allelúia. *ŷ.* Virga Jesse flóruit : Virgo Deum et hóminem genuit : pacem Deus réddidit, in se reconcilians ima summis. Allelúia.



Sequéntia sancti Evangélii secundum Lucam. Cap. 1.

IN illo témpore : Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David : et nomen Virginis, María. Et ingressus Angelus ad eam, dixit : Ave, grátia plena : Dóminus tecum ; benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne tímeas, María : invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit ma-

gnus, et Filius Altissimi vocabitur. Et dabit illi Dominus Deus sedem David patris ejus : et regnabit in domo Jacob in ætérnum, et regni ejus non erit finis. Dixit autem María ad Angelum : Quomodo fiet istud, quoniam virum non cognosco? Et respondens Angelus, dixit ei : Spiritus sanctus superveniet in te, et virtus Altissimi obumbrabit tibi. Ideoque et quod nascetur ex te Sanctum, vocabitur Filius Dei. Et ecce Elisabeth cognata tua, et ipsa concepit filium in senectute sua : et hic mensis sextus est illi quæ vocatur stérilis : quia non erit impossibile apud Deum omne verbum. Dixit autem María : Ecce ancilla Domini, fiat mihi secundum verbum tuum. Credo.

Offertorium. Luc. 1. Ave, María, grátia plena : Dominus tecum : benedicta tu in mulieribus, et benedictus fructus ventris tui (T. P., allelúia).

Secreta.

IN méntibus nostris, quæsumus, Domine, veræ fidei sacramenta confirma : ut qui conceptum de Virgine Deum verum et hominem confitemur, per ejus salutiferæ Resurrectionis potentiam, ad ætérnam mereamur pervenire lætítiam. Per eúmdem Dóminum.

Præf. de B. M. Et te in Annuntiatióne.

Communio. Is. 7. Ecce Virgo concipiet, et pariet filium : et vocabitur nomen ejus Emmánuel (T. P., allelúia).

Postcommunio.

GRÁTIAM tuam, quæsumus, Domine, méntibus nostris infunde : ut qui, Angelo nuntiante, Christi Filii tui Incarnatiónem cognovimus, per Passiõem ejus et Crucem, ad resurrectionis glóriam perducámur. Per eúmdem.

Si hoc Festum Annuntiationis B. M. V. venerit in aliqua Dominica privilegiata ante Hebdomadam majorem, transferendum erit in Feriam secundam immediate sequentem, quocumque Festo æqualis, non autem altioris ritus, in eam incidente. Si autem venerit in Hebdomada majori, vel Paschali, transferendum erit pari cum privilegio in Feriam secundam post Dom. in Albis, servato ritu Paschali.

FERIA VI

POST DOMINICAM PASSIONIS

IN FESTO SEPTEM DOLORUM

BEATÆ MARIÆ VIRGINIS

Introitus. Joan. 19.

STABANT juxta Crucem Jesu mater ejus, et soror matris ejus María Cléophæ, et Salóme, et María Magdaléne. **Vers.** Mulier, ecce filius tuus, dixit Jesus; ad discipulum autem : Ecce mater tua. **ŷ.** Glória Patri. Stabant.

Oratio.

DEUS, in cujus passiõe, secundum Simeónis prophétiam, dulcissimam ánimam gloriósæ Virginis et matris Mariæ dolóris gládus pertransivit : concede propitius; ut qui Transfixiõem ejus et passiõem venerádo recólimus, gloriósis méritis et précibus ómnium Sanctórum Cruci fidéliter adstántium intercedéntibus, Passióis tuæ effectum felicem consequámur. Qui vivis.

Et fit Commemoratio Feriæ.

In Missis votivis dicatur sequens

Oratio.

INTERVENIAT pro nobis, quæsumus, Domine Jesu Christe, nunc et in hora mortis nostræ, apud tuam cleméntiam beáta Virgo María mater tua, cujus sacratissimam ánimam in hora tuæ Passióis dolóris gládus pertransivit. Qui vivis.

Léctio libri Judith. Cap. 13.

BENEDIXIT te Dominus in virtute sua, quia per te ad nihilum redégit inimicos nostros. Benedicta es tu, filia, a Domino Deo excélsio, præ ómnibus mulieribus super terram. Benedictus Dominus qui creávit cælum et terram : quia hódie nomen tuum ita magnificávit, ut non recédât laus tua de ore hóminum, qui mémoires fúerint virtútis Domini in ætérnum, pro quibus non pepercisti ánimæ tuæ propter angústias et tribulatiõem géneris tui, sed subvernisti ruínæ ante conspéctum Dei nostri.

Graduale. Dolorosa et lacrymábilis es, Virgo María, stans juxta Crucem Domini Jesu Filii tui Redemptóris. **ŷ.** Virgo

Dei Génitrix, quem totus non capit orbis, hoc Crucis fert supplicium auctor vitæ factus homo.

Tractus. Stabat sancta María, cœli Regina et mundi Dómina, juxta Crucem Dómini nostri Jesu Christi dolorósa.

ŷ. **Thren. 1.** O vos omnes qui transitís per viam, atténdite, et vidéte si est dolor sicut dolor meus.

In Missis votivis per annum.

Graduale. Dolorósa et lacrymábilis es, Virgo María, stans juxta Crucem Dómini Jesu Filii tui Redemptóris. ŷ. Virgo Dei Génitrix, quem totus non capit orbis, hoc Crucis fert supplicium auctor vitæ factus homo.

Allelúia, allelúia. ŷ. Stabat sancta María, cœli Regina et mundi Dómina, juxta Crucem Dómini nostri Jesu Christi dolorósa. Allelúia.

Tempore Paschali.

Allelúia, allelúia. ŷ. Stabat sancta María, cœli Regina et mundi Dómina, juxta Crucem Dómini nostri Jesu Christi dolorósa. Allelúia. ŷ. **Thren. 1.** O vos omnes qui transitís per viam, atténdite, et vidéte si est dolor sicut dolor meus. Allelúia.

Sequentia

in Missis votivis omittenda.

STABAT mater dolorósa
Juxta Crucem lacrymósa,
Dum pendébat Filius.

Cujus ánimam geméntem,
Contristátam et doléntem,
Pertransívit gládius.

O quam tristis et afflícta
Fuit illa benedicta
Mater Unigéniti!

Quæ mœrébat, et dolébat,
Pia Mater, dum vidébat
Nati pœnas íncliti.

Quis est homo qui non fleret,
Matrem Christi si vidéret
In tanto supplicio?

Quis non posset contristári,
Christi Matrem contemplári
Doléntem cum Filio?

Pro peccátis suæ gentis
Vidit Jesum in torméntis,
Et flagéllis súbditum.

Vidit suum dulcem natum
Moriéndo desolátum,
Dum emisit spíritum.

Eia, Mater, fons amóris,
Me sentire vim dolóris
Fac, ut tecum lúgeam.

Fac ut árdeat cor meum
In amándo Christum Deum,
Ut sibi compláceam.

Sancta Mater, istud agas,
Crucifíxi fige plagas
Cordi meo válíde.

Tui nati vulneráti,
Tam dignáti pro me pati.
Pœnas mecum dívide.

Fac me tecum pie flere,
Crucifíxo condólere,
Donec ego víxero.

Juxta Crucem tecum stare,
Et me tibi sociáre
In planctu desídero.

Virgo vírginum præclára,
Míhi jam non sis amára:
Fac me tecum plángere.

Fac ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me Cruce inebriári,
Et cruóre Filii.

Flammis ne urar succénsus,
Per te, Virgo, sim defénsus
In die judicií.

Christe, cum sit hinc exíre,
Da per Matrem me venire
Ad palmam victóriæ.

Quando corpus moriétur,
Fac ut ánimæ donétur
Paradísi glória. Amen.



Sequentia sancti Evangélii secúndum Joánnem. **Cap. 19.**

IN illo témpore : Stabant juxta Crucem Jesu mater ejus, et soror matris ejus María Cléophæ, et María Magdaléne. Cum vidisset ergo Jesus matrem, et discipulum stantem, quem diligébat, dicit matri suæ : Múlier, ecce filius tuus. Deínde dicit discipulo : Ecce mater tua. Et ex illa hora accépit eam discipulus in sua. Credo.

Offertorium. Recordáre, Virgo Mater Dei, dum stéteris in conspéctu Dómini, ut loquáris pro nobis bona, et ut avértat indignatióem suam a nobis.

Secreta.

OFFÉRIMUS tibi preces et hóstias, Dómine Jesu Christe, humiliter supplicántes, ut qui Transfixiónem dulcissimi spíritus beátæ Mariæ matris tuæ précibus recensémus, suæ, suorúmque sub Cruce sanctorum consórtium multiplicató piíssimo intervénit, méritis mortis tuæ, méritum cum Beátis habeámus. Qui vivis.

Et fit Commemoratio Feriæ.

Prefatio. Et te in Transfixiónem.

Communio. Felices sensus beátæ Mariæ Virginis, qui sine morte meruerunt martyrii palmam sub Cruce Dómini.

Postcommunio.

SACRIFICIA quæ sumpsimus, Dómine Jesu Christe, Transfixiónem Matris tuæ et Virginis devóte celebrántes, nobis impetrent apud cleméntiam tuam omnis boni salutáris efféctum. Qui vivis.

Et fit Commemoratio Feriæ.

In fine Missæ legitur Evang. Feriæ.

Quando Festum Septem Dolorum B. M. V. celebrari nequit hac Feria, transferendum est in Sabbatum immediate sequens, quocumque Festo æqualis, non autem altioris ritus, in eo occurrente. Quod si nec in sequenti Sabbato celebrari possit, omittatur.

FESTA APRILIS

DIE II

IN FESTO S. FRANCISCI DE PAULA
CONFESSORIS

Introitus. Ps. 91.

JUSTUS ut palma florébit : sicut cedrus Libani multiplicábitur : plantátus in domo Dómini, in átriis domus Dei nostri (T. P., allelúia, allelúia). Ps. Bonum est confitéri Dómino, et psállere nómini tuo, Altíssime. ŷ. Glória. Justus.

Oratio.

DEUS, humilium celsitúdo, qui beátum Franciscum Confessórem Sanctó-

rum tuorum glória sublimásti : tribue, quæsumus; ut ejus méritis et imitatióne, promissa humilibus præmia feliciter consequámur. Per Dóminum.

In Quadrag. fit Commem. Feriæ.

Léctio Epistolæ beáti Pauli Apóstoli ad Philippénses. Cap. 3.

FRATRES, Quæ mihi fuérunt lucra, hæc arbitrátus sum propter Christum detriménta. Verúmtamen existimo ómnia detriméntum esse propter eminentem sciéntiam Jesu Christi Dómini mei : propter quem ómnia detriméntum feci, et árbitror ut stércores, ut Christum lucrifáciam, et invéniam in illo, non habens meam justitiam, quæ ex lege est, sed illam quæ ex fide est Christi Jesu : quæ ex Deo est justitia in fide, ad cognoscéndum illum, et virtútem resurrectionis ejus, et societátem passionum illius, configurátus morti ejus : si quo modo occúram ad resurrectionem, quæ est ex mórtuis : non quod jam acceperim, aut jam perféctus sim; sequor autem, si quo modo comprehendam, in quo et comprehénsus sum a Christo Jesu.

Graduale. Ps. 36. Os justi meditábitur sapiéntiam, et lingua ejus loquétur judícium. ŷ. Lex Dei ejus in corde ipsius : et non supplantabúntur gressus ejus.

Tractus. Ps. 111. Beátus vir qui timet Dóminum : in mandátis ejus cupit nimis. ŷ. Potens in terra erit semen ejus : generatio rectórum benedicétur. ŷ. Glória et divitiæ in domo ejus, et justitia ejus manet in sæculum sæculi.

Tempore Paschali, omissis Graduali et Tractu, dicitur

Allelúia, allelúia. ŷ. Ibid. Beátus vir qui timet Dóminum : in mandátis ejus cupit nimis. Allelúia. ŷ. Osee 14. Justus germinábit sicut lílium, et florébit in aetérnum ante Dóminum. Allelúia.



Sequéntia sancti Evangélii secundum Lucam. Cap. 12.

IN illo témpore : Dixit Jesus discipulis suis : Nolite timére, pusillus grex, quia complácuít Patri vestro dare vobis regnum. Véndite quæ possidéitis, et date

elemósynam. Fácite vobis sáculos qui non veteráscunt, thesáurum non deficiéntem in cœlis : quo fur non appropriat, neque tinea corrumpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutáre tuum exsultábit veheménter : desiderium ánimæ ejus tribuísti ei (T. P., allelúia).

Secreta.

HÆC dona devótæ plebis, Dómine, quibus tua cumulámus altária, beáti Francisci méritis tibi grata, nobisque salutária, te miseránte, reddántur. Per Dóminum.

Communio. Matth. 19. Amen dico vobis, quod vos, qui reliquistis omnia, et secútí estis me, céntuplum accipiétiis, et vitam ætérnam possidébitis (T. P., allelúia).

Postcommunio.

SUMPTA, Dómine, sacraménta cœlestia, beáto Francisco, Confessóre tuo, intercedénte, precámur : ut et temporális vitæ subsidia nobis cónferant, et ætérnæ. Per Dóminum.

DIE IV

IN FESTO S. ISIDORI

EPISC., CONF., ET ECCLESIE DOCTORIS

Missa In médio Ecclesiæ, de **Communi Doctorum. 15***, cum Credo.

In Quadrag. fit **Commem. Feriæ.**

DIE V

IN FESTO S. VINCENTII FERRERII

CONFESSORIS

Missa Os justi, de **Comm. Conf. non Pont. 16***, præter Orat. seq.

Oratio.

DEUS, qui Ecclesiám tuam beáti Vincentií, Confessórii tui, méritis et prædicatióne illustráre dignátus es : concéde nobis fámulis tuis; ut et ipsius instruímur exémplic, et ab ómnibus, ejus patrocínio, liberémur advérsis. Per Dóminum.

In Quadrag. fit **Commem. Feriæ.**

DIE XI

IN FESTO S. LEONIS I

PAPÆ, CONF., ET ECCLESIE DOCTORIS

Introitus. Eccli. 15.

IN médio Ecclesiæ aperuit os ejus, et implévit eum Dóminus spíritu sapiéntiæ et intelléctus : stolam glóriæ induit eum (T. P., allelúia, allelúia). **Ps. 91.** Bonum est confitéri Dómino, et psállere nómini tuo, Altissime. **Ÿ.** Glória Patri. In médio.

Oratio.

EXÁUDI, quæsumus, Dómine, preces nostras, quas in beáti Leónis, Confessórii tui atque Pontificis, solemnitate deférimus : et qui tibi digne mérui famulári, ejus intercedéntibus méritis, ab ómnibus nos absólve peccátiis. Per Dóminum.

In Quadrag. fit **Commem. Feriæ.**

Léctio libri Sapiéntiæ. **Eccli. 39.**

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spíritu intelligéntiæ replébit illum : et ipse tamquam imbres mittet elóquia sapiéntiæ suæ, et in oratióne confitébitur Dómino, et ipse diriget consílium ejus et disciplinam, et in absconditis suis consiliábitur. Ipse palam faciet disciplinam doctrinæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatió-nem. Sapiéntiam ejus enarrábunt gentes, et laudem ejus enuntiábit Ecclesiá.

Graduale. Ps. 36. Os justi meditábitur sapiéntiam, et lingua ejus loquétur judícium. **Ÿ.** Lex Dei ejus in corde ipsius, et non supplantábuntur gressus ejus.

Tractus. Ps. 111. Beátus vir qui timet Dóminum : in mandátiis ejus cupit nimis. **Ÿ.** Potens in terra erit semen ejus : generatio rectórum benedicétur.

ŷ. Glória et divitiæ in domo ejus, et justitia ejus manet in sæculum sæculi.

Tempore Paschali, omissis Graduali et Tractu, dicitur

Allelúia, allelúia. ŷ. Eccli. 45. Amavit eum Dóminus, et ornávit eum : stolam glóriæ induit eum. Allelúia. ŷ. Osce 14. Justus germinábit sicut lilium, et florébit in ætérnum aute Dóminum. Allelúia.



Sequéntia sancti Evangélii secúndum Matthæum. Cap. 16.

IN illo témpore : Venit Jesus in partes Cæsaráe Philippi : et interrogábat discipulos suos, dicens : Quem dicunt hómínes esse Filium hómínis? At illi dixerunt : Alii Joánnem Baptistam, alii autem Eliám, alii vero Jeremíam, aut unum ex Prophétis. Dicit illis Jesus : Vos autem quem me esse dicitis? Respóndens Simon Petrus, dixit : Tu es Christus Filius Dei vivi. Respóndens autem Jesus, dixit ei : Beátus es, Simon Bar Jona : quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cœlórú. Et quodcúmque ligáveris super terram, erit ligátum et in cœlis : et quodcúmque sólveris super terram, erit solútum et in cœlis. Credo.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum (T. P., allelúia).

Secreta.

SANCTI Leónis, Confessóris tui atque Pontificis, quæsumus, Dómine, ánnua solémnitas pietáti tuæ nos reddat accéptos : ut, per hæc piæ placatiónis officia, et illum beáta retributió comitétur, et nobis grátia tuæ dona conciliet. Per.

Communio. Matth. 24. Beátus servus quem, cum vénerit Dóminus, invénerit vigilátem : amen dico vobis, super ómnia bona sua constítuet eum (T. P., allelúia).

Postcommunio.

DEUS, fidélium remunerátor animárum : præsta ; ut beáti Leónis, Confessóris tui atque Pontificis, ejus venerándam celebrámus festivitátem, precibus indulgéntiam consequámur. Per.

DIE XIII

IN FESTO S. HERMENEGILDI, MART.

Introitus. Ps. 63.

PROTEXISTI me, Deus, a convéntu malignántium, allelúia : a multitúdine operántium iniquitátem, allelúia, allelúia. Ps. Exáudi, Deus, oratiómem meam cum déprecor : a timóre inimíci éripe ánimam meam. ŷ. Glória Patri. Protexisti me.

Oratio.

DEUS, qui beátum Hermenegildum, Mártýrem tuum, cœlésti regno terénum postpónere docuisti : da, quæsumus, nobis, ejus exémplo, cadúca despícere, atque ætérna sectári. Per.

Secunda Oratio, de sancta Maria, Concède ; tertia. Ecclésiæ, vel pro Papa. 1*.

Lectio libri Sapiéntiæ. Cap. 5.

STABUNT justí in magna constántia advérsus eos qui se angustiavéru et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis, dicéntes intra se, poeniténtiam agéntes, et præ angústia spíritus geméntes : Hi sunt quos habuimus aliquándó in derisum et in similitúdinem impropérii. Nos insensáti, vitam illórum æstimábamus insániam, et finem illórum sine honóre : ecce quómodo computátí sunt inter filios Dei, et inter sanctos sors illórum est.

Allelúia, allelúia. ŷ. Ps. 88. Confitebúntur cœli mirabília tua, Dómine : étenim veritátem tuam in Ecclésia sanctórum. Allelúia. ŷ. Ps. 20. Posuisti, Dómine, super caput ejus corónam de lápide pretiósó. Allelúia.



Sequéntia sancti Evangélii secúndum Lucam. Cap. 14.

IN illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios,

et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non potest meus esse discipulus. Quis enim ex vobis volens turrim ædificare, non prius sedens computat sumptus qui necessarii sunt, si habeat ad perficiendum : ne, posteaquam posuerit fundamentum, et non potuerit perficere, omnes qui vident, incipiant illudere ei, dicentes : Quia hic homo cepit ædificare, et non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei qui cum viginti millibus venit ad se? Alioquin, adhuc illo longe agente, legationem mittens, rogat ea quæ pacis sunt. Sic ergo omnis ex vobis qui non renuntiat omnibus quæ possidet, non potest meus esse discipulus.

Offertorium. Ps. 88. Confitebuntur cœli mirabilia tua, Domine, et veritatem tuam in Ecclesia sanctorum, alleluia, alleluia.

Secreta.

MUNERIBUS nostris, quæsumus, Domine, precibusque susceptis, et cœlestibus nos munda mysteriis, et clementer exaudi. Per Dominum.

Communio. Ps. 63. Lætabitur justus in Domino, et sperabit in eo : et laudabuntur omnes recti corde, alleluia, alleluia.

Postcommunio.

DA, quæsumus, Domine Deus noster : ut sicut tuorum commemoratione Sanctorum temporali gratulamur officio, ita perpetuo lætémur aspectu. Per.

¶ Si autem celebretur in Quadrage., dicitur Missa in virtute, de Comm. unius Mart. non Pont. 4*, cum Orationibus et Evangelio quæ supra : et Commem. Fer. occur.

DIE XIV

SS. MARTYRUM

TIBURTII, VALERIANI ET MAXIMI

¶ Si venerit in Quadragesima, fit de eis Commem. tantum. Si autem post Pascha, dicitur sequens Missa. Quod et in similibus servatur.

Introitus. Ps. 144.

SANCTI tui, Domine, benedicent te : glóriam regni tui dicent, alleluia, alleluia. **Ps.** Exaltábo te, Deus meus Rex : et benedicam nómini tuo in sæculum, et in sæculum sæculi. **ŷ.** Glória Patri. Sancti tui.


Oratio.

PRÆSTA, quæsumus, omnipotens Deus : ut qui sanctorum Mártyrum tuorum Tiburtii, Valeriani et Maximi solémnia cõlimus, eorum etiam virtutes imitemur. Per Dominum.

Lectio libri Sapientiae. Cap. 5.

STABUNT justi in magna constantia adversus eos qui se angustiarunt, et qui abstulerunt labores eorum. Videntes turbabuntur timore horribili, et mirabuntur in subitatione insperatæ salutis, dicentes intra se, poenitentiam agentes, et præ angustia spiritus gementes : Hi sunt quos habuimus aliquando in derisum et in similitudinem impetii. Nos insensati, vitam illorum aestimabamus insaniam, et finem illorum sine honore : ecce quomodo computati sunt inter filios Dei, et inter sanctos sors illorum est.

Alleluia, alleluia. **ŷ.** Sancti tui, Domine, florébunt sicut lilium, et sicut odor balsami erunt ante te. Alleluia. **ŷ. Ps. 115.** Pretiosa in conspectu Domini mors sanctorum ejus. Alleluia.

 Sequentia sancti Evangelii secundum Joannem. **Cap. 15.**

In illo tempore : Dixit Jesus discipulis suis : Ego sum vitis vera, et Pater meus agricola est. Omnem palmitem in me non ferentem fructum, tollet eum : et omnem qui fert fructum, purgabit eum, ut fructum plus afferat. Jam vos mundi estis propter sermonem quem locutus sum vobis. Manete in me, et ego in vobis. Sicut palmes non potest ferre fructum a semetipso, nisi manserit in vite : sic nec vos, nisi in me manseritis. Ego sum vitis, vos palmites : qui manet in me, et ego in eo, hic fert fructum multum : quia sine me nihil potestis facere. Si quis in me non manserit, mittetur foras sicut palmes, et aresecet, et

colligent eum, et in ignem mittent, et ardet. Si manseritis in me, et verba mea in vobis manserint, quodcúmque volueritis, petétis, et fiet vobis.

Offertorium. Ps. 31. Lætámini in Dómino, et exsultáte, justí : et gloriámini, omnes recti corde, allelúia, allelúia.

Secreta.

HÆC hóstia, quæsumus, Dómine, quam sanctorum Mátyrum tuorum natalítia recenséntes offerimus, et víncula nostræ pravitátis absólvat, et tuæ nobis misericórdiæ dona concíliet. Per Dóminum.

Communio. Ps. 32. Gaudéte, justí, in Dómino, allelúia : rectos decet colaudátio, allelúia.

Postcommunio.

SACRO múnere satiáti, súpplíces te, Dómine, deprecámur : ut, quod débitæ servitútis celebrámus officio, salvatiónis tuæ sentiámus augméntum. Per.

DIE XVII

S. ANICETI, PAPÆ ET MARTYRIS

Introitus. Ps. 63.

PROTEXISTI me, Deus, a convéntu malignántium, allelúia, a multítudine operántium iniquitátem, allelúia, allelúia. Ps. Exáudi, Deus, oratiómem meam cum déprecor : a timóre inimíci éripe ánimam meam. ȳ. Glória Patri. Protexisti me.

Oratio.

DEUS, qui nos beáti Anicéti, Mátyris tui atque Pontificis, ánnua solemnitate lætíficas : concéde propítius ; ut cujus natalítia cólimus, de ejúsdem étiam protectiõe gaudeámus. Per Dóminum nostrum.

Lectio libri Sapiéntiæ. Cap. 5.

STABUNT justí in magna constántia adversus eos qui se angustiavérunt, et qui abstulérunt labóres eórum. Vidéntes turbabúntur timóre horríbili, et mirabúntur in subitatiõe inasperatæ salútis, dicéntes intra se, pœniténtiam ágéntes, et præ angústia spíritus geméntes : Hi sunt quos habuimus aliquándo in derisum, et in similitúdinem impropérii. Nos insensáti, vitam illórum æstimabámus

insániam, et finem illórum sine honóre : ecce quómodo computáti sunt inter filios Dei, et inter Sanctos sors illórum est.

Allelúia, allelúia. ȳ. Ps. 88. Confitebúntur cœli mirabília tua, Dómine : etenim veritátem tuam in Ecclesiá sanctorum. Allelúia. ȳ. Ps. 20. Posuisti, Dómine, super caput ejus corónam de lapide pretiósio. Allelúia.

Sequentia sancti Evangélii secúndum Joánnem. Cap. 16.

In illo témpore : Dixit Jesus discipulis suis : Amen, amen dico vobis, quia plorábitis et flebitis vos, mundus autem gaudébit : vos vero contristabímmini, sed tristitia vestra vertétur in gáudium. Múlier, cum parit, tristítiam habet, quia venit hora ejus : cum autem pepériverit púerum, jam non méminit pressúræ propter gáudium, quia natus est homo in mundum. Et vos igitur nunc quidem tristítiam habétis, iterum autem vidébo vos, et gaudébit cor vestrum : et gáudium vestrum nemo tollet a vobis.

Offertorium. Ps. 88. Confitebúntur cœli mirabília tua, Dómine : et veritátem tuam in Ecclesiá sanctorum, allelúia, allelúia.

Secreta.

MÚNERA tibi, Dómine, dicáta sanctífica : et intercedénte beáto Anicéto, Mátyre tuo atque Pontífice, per éadem nos placátus inténde. Per Dóminum.

Communio. Ps. 63. Lætábitur justus in Dómino, et sperábit in eo : et laudabúntur omnes recti corde, allelúia, allelúia.

Postcommunio.

HÆC nos commúnio, Dómine, purget a crimine : et intercedénte beáto Anicéto, Mátyre tuo atque Pontífice, cœlestis remédii fáciat esse consórtes. Per Dóminum.

DIE XXI

IN FESTO S. ANSELMI

EPISCOPI, CONFESSORIS

ET ECCLESIE DOCTORIS

Missa In médio Ecclesiæ, de Comm. Doctorum. 15*, cum Credo, et Orationibus sequentibus.

Oratio.

DEUS, qui pópulo tuo aetérnæ salútis beátum Ansélmum ministrum tribuísti : præsta, quæsumus ; ut, quem doctórem vitæ habuimus in terris, intercessórem habére mereámur in cœlis. Per.

Secreta.

SANCTI tui Ansélmi nobis, Dómine, pia non desit oratio : quæ et múnera nostra conciliet, et tuam nobis indulgéntiam semper obtineat. Per Dóminum.

Postcommunio.

UT nobis, Dómine, tua sacrificia dent salútem, beátus Ansélmus, Póntifex tuus, et Doctor egrégious, precátor accédât. Per Dóminum.

DIE XXII

IN FESTO SS. SOTERIS ET CAII
PONTIFICUM ET MARTYRUM

Introitus. Ps. 144.

SANCTI tui, Dómine, benedícunt te : glória regni tui dicent, allelúia, allelúia. Ps. Exaltábo te, Deus meus Rex : et benedicám nómini tuo in sæculum, et in sæculum sæculi. *Ÿ.* Glória Patri. Sancti.

Oratio.

BEATÓRUM Máryrum paritérque Pontificum Sotérís et Cáii nos, quæsumus, Dómine, festa tueántur : et eórum comméndet oratio veneránda. Per.

Secunda Oratio, de sancta Maria, Concède ; tertia, Ecclesiæ, vel pro Papa. 1.*

Lectio libri Apocalypsis beáti Joánnis Apóstoli. Cap. 19.

IN diébus illis : Post hæc ego Joánnes audiui quasi vocem turbárum multárum in cœlo, dicéntium : Allelúia : salus, et glória, et virtus Deo nostro est, quia vera et justa iudicia sunt ejus, qui iudicávit de meretrice magna, quæ corrúpit terram in prostitutióne sua, et vindicávit sánguinem servórum suórum de mánibus ejus. Et iterum dixerunt : Allelúia. Et fumus ejus ascéndit in sæcula sæculórum. Et ceciderunt senióres viginti quátuor, et quátuor animalia, et adoravérunt Deum sedéntem super thronum, dicéntes : Amen : Allelúia. Et vox

de throno exívit, dicens : Laudem dicite Deo nostro, omnes servi ejus, et qui timétis eum, pusilli et magni. Et audiui quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium : Allelúia : quóniam regnávit Dóminus Deus noster omnipotens. Gaudeámus, et exultémus, et demus glóriam ei : quia venérunt nuptiæ Agni, et uxor ejus præparávit se. Et datum est illi ut cooperiát se byssino splendénti et cándido. Byssinum enim justificatiónes sunt sanctórum. Et dixit mihi : Scribe : Beati qui ad cœnam nuptiárum Agni vocáti sunt.

Allelúia, allelúia. *Ÿ.* Sancti tui, Dómine, florébunt sicut lílium, et sicut odor bálsami erunt ante te. Allelúia. *Ÿ.* Ps. 115. Pretiósia in conspéctu Dómini mors sanctórum ejus. Allelúia.



Sequéntia sancti Evangélii secúndum Joánnem. Cap. 15.

IN illo témpore : Dixit Jesus discipulis suis : Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foras sicut palmes, et aréscet, et colligent eum, et in ignem mittent, et ardet. Si mansérítis in me, et verba mea in vobis mánserint, quodcúmque voluérítis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámíni mei discípuli. Sicut diléxit me Pater, et ego diléxi vos. Manéte in dilectióne mea. Si præcépta mea servavérítis, manébitis in dilectióne mea, sicut et ego Patris mei præcépta servávi, et máneo in ejus dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Offertorium. Ps. 31. Lætámíni in Dómino, et exultáte, justí : et gloriámíni, omnes recti corde, allelúia, allelúia.

Secreta.

ADÉSTO, Dómine, supplicatió nibus nostris, quas in Sanctórum tuórum commemoratióne deferimus : ut qui nostræ justitiæ fidúciám non habémus,

eórum qui tibi placuerunt, méritis adjuvémur. Per Dóminum.

Communio. Ps. 32. Gaudéte, justi, in Dómino, allelúia : rectos decet colaudátio, allelúia.

Postcommunio.

QUESUMUS, Dómine, salutáribus repléti mystériis : ut quorum solénnia celebrámus, eórum oratiónibus adjuvémur. Per Dóminum.

¶ Si hoc Festum transferatur post Pentec., tunc Missa erit Intret in conspectu tuo, et Orat. Beatórum Mártyrum, de Comm. plur. Mart. extra Temp. Pasch. 9*.

DIE XXIII

IN FESTO S. GEORGII, MARTYRIS

Introitus. Ps. 63.

PROTEXISTI me, Deus, a convéntu malignántium, allelúia : a multitúde operántium iniquitatem, allelúia, allelúia. Ps. Exáudi, Deus, oratíonem meam cum deprecor : a timóre inimíci éripe ánimam meam. ȳ. Glória Patri. Protexisti me.

Oratio.

DEUS, qui nos beáti Geórgii, Mártyris tui, méritis et intercessione lætificas : concéde propítius ; ut qui tua per eum beneficia póscimus, dono tuæ grátiæ consequámur. Per Dóminum.

Secunda Oratio, de sancta Maria, Concéde ; tertia, Ecclesiæ, vel pro Papa. 1*.

Lectio Epistolæ beáti Pauli Apóstoli ad Timótheum. II Tim. 2 et 3.

CHARÍSSIME, Memor esto Dóminum Jesum Christum resurrexisse a mórtuis ex sémine David, secúndum Evangelíum meum, in quo labóro usque ad víncula, quasi male óperans : sed verbum Dei non est alligátum. Ideo ómnia sustineo propter eléctos, ut et ipsi salútem consequántur, quæ est in Christo Jesu cum glória cœlesti. Tu autem assecútus es meam doctrinam, institutíonem, propósitum, fidem, longanimitatem, dilectíonem, patientiam, persecutíones, passíones : quália mihi facta sunt Antiochiæ, Icónii et Lystris : quales persecutíones sustinui, et ex ómnibus

erípuit me Dóminus. Et omnes qui pie volunt vivere in Christo Jesu, persecutíonem patiéntur.

Allelúia, allelúia. ȳ. Ps. 88. Confitebúntur cœli mirabília tua, Dómine : etenim veritatem tuam in Ecclesiá sanctórum. Allelúia. ȳ. Ps. 20. Posuisti, Dómine, super caput ejus corónam de lápide pretíoso. Allelúia.



Sequéntia sancti Evangelii secúndum Joánnem. Cap. 15.

IN illo témpore : Dixit Jesus discipulis suis : Ego sum vitis vera, et Pater meus agricola est. Omnem pálmitem in me non feréntem fructum, tollet eum : et omnem qui fert fructum, purgábit eum, ut fructum plus áfferat. Jam vos mundi estis propter sermónem quem locútus sum vobis. Manéte in me, et ego in vobis. Sicut palmes non potest ferre fructum a semetípso, nisi mánsierit in vite : sic nec vos, nisi in me manséritis. Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánsierit, mittétur foras sicut palmes, et aréscet, et colligent eum, et in ignem mittent, et ardet. Si manséritis in me, et verba mea in vobis mánsierint : quodcúmque voluéritis, petétis, et fiet vobis.

Offertorium. Ps. 88. Confitebúntur cœli mirabília tua, Dómine : et veritatem tuam in Ecclesiá sanctórum, allelúia, allelúia.

Secreta.

MÚNERA, Dómine, obláta sanctifica : et intercedénte beáto Geórgio, Mártyre tuo, nos per hæc a peccatórum nostrórum máculis emúnda. Per Dóminum.

Communio. Ps. 63. Lætábitur justus in Dómino, etsperábit in eo : et laudábúntur omnes recti corde, allelúia, allelúia.

Postcommunio.

SÚPPLICES te rogámus, omnipotens Deus : ut quos tuis réficis sacraméntis, intercedénte beáto Geórgio, Mártyre tuo, tibi étiam plácitis móribus dignánter tribuas deservíre. Per Dóminum.

¶ Si hoc Festum transferatur post

Pentecosten, Missa erit In virtúte tua, de Communi unius Mart. extra Temp. Pasch. 4*, præter Orationes ut supra, et Evang. Si quis venit. 3*; secunda Oratio (nisi facienda sit Commem. alicujus Sancti simplicis) erit A cunctis; tertia ad libitum.

DIE XXIV

IN FESTO

S. FIDELIS A SIGMARINGA, MART.

Missa Protexisti me, de Comm. unius Mart. Temp. Pasch. 6*, præter Orat. seq. Oratio.

DEUS, qui beátum Fidèlem, seráphico spíritus ardóre succénsum, in veræ fidei propagatióne martyrii palma et gloriósis miráculis decoráre dignátus es : ejus, quæsumus, méritis et intercessiône, ita nos per grátiam tuam in fide et charitatè confirma; ut in servitio tuo fidèles usque ad mortem inveníri mereámur. Per Dóminum.

Secreta Munéribus. Postcommunio Da, quæsumus. 5*.

¶ Si hoc Festum transferatur post Pentec., Missa erit In virtúte tua, ut in Comm. unius Mart. extra Tempus Paschale. 4*, præter Orat. ut supra, et Evang. Si quis venit. 3*.

DIE XXV

IN FESTO S. MARCI, EVANG.

LITANÆ MAJORES

Statio ad Sanctum Petrum.

Ad Processionem dicitur Missa de Rogationibus. 230, sine Commemoratione S. Marci : et si contingat transferri Festum S. Marci, non tamen transfertur Processio, nisi quando prædictum Festum occurreret in die Paschatis : tunc enim in Fer. III sequentem transferatur.

Introitus. Ps. 63.

PROTEXISTI me, Deus, a convéntu malignántium, allelúia : a multitúdine operántium iniquitátem, allelúia, allelúia. Ps. Exáudi, Deus, oratióne meam cum déprecor : a timóre inimici éripe ánimam meam. 7. Glória Patri. Protexisti me.

Oratio.

DEUS, qui beátum Marcum, Evangelistam tuum, evangélicæ prædicationis grátia sublimásti : tribue, quæsumus; ejus nos semper et eruditiónē proficere, et oratióne deféndi. Per.

Lectio Ezechiélis Prophætæ. Cap. 1.

SIMILITUDO vultus quátuor animalium : fácies hóminis et fácies leónis a dextris ipsórum quátuor : fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum et pennæ eórum exténtæ désuper : duæ pennæ singulórum jungébantur, et duæ tegébant córpora eórum : et unumquódque eórum coram fácie sua ambulábat : ubi erat ímpetus spíritus, illuc gradiebántur, nec revertebántur cum ambulárent. Et similitúdo animalium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animalium, splendor ignis, et de igne fulgur egrédiens. Et animalia ibant, et revertebántur in similitúdinem fúlgoris coruscántis.

Allelúia, allelúia. 7. Ps. 88. Confi-tebúntur cæli mirabilia tua, Dómine : étenim veritátem tuam in Ecclesiá sanctórum. Allelúia. 7. Ps. 20. Posuísti, Dómine, super caput ejus corónam de lápide pretiósio. Allelúia.



Sequéntia sancti Evangélii secúndum Lucam. Cap. 10.

In illo témpore : Designávit Dóminus et álios septuagínta duos : et misit illos binos ante faciém suam in omnem civitátem et locum quo erat ipse ventúrus. Et dicebat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sácculum, neque peram, neque calceaménta : et néminem per viam salutáveritis. In quamcúmque domum intravéritis, primum dícite : Pax huic dómui : et si ibi fúerit filius pacis, requiescet super illum pax vestra : sin autem, ad vos revertétur. In eádem

autem domo manéte, edéntes et bibéntes quæ apud illos sunt : dignus est enim operárius mercéde sua. Nolite transire de domo in domum. Et in quacúmque civitaté intravéritis, et suscepérint vos, manducaté quæ apponúntur vobis : et curaté infirmos qui in illa sunt, et dicite illis : Appropinquávit in vos regnum Dei. Credo.

Offertorium. Ps. 88. Confitebúntur cœli mirabilia tua, Dómine : et veritatem tuam in Ecclesiá sanctórum, allelúia, allelúia.

Secreta.

BEÁTI Marci, Evangelistæ tui, solemnitáte tibi múnera deferéntes, quæsumus, Dómine, ut sicut illum prædicatio evangélica fecit gloriósum, ita nos ejus intercèssio et verbo et ópere tibi reddat accéptos. Per Dóminum.

Præfatio de Apostolis.

Communio. Ps. 63. Latábitur justus in Dómino, et sperábit in eo : et laudabúntur omnes recti corde, allelúia, allelúia.

Postcommunio.

TRIBUANT nobis, quæsumus, Dómine, continuum tua sancta præsidium : quo beáti Marci, Evangelistæ tui, præcibus, nos ab ómnibus semper tueántur advérsis. Per Dóminum.

Si hoc Festum transferatur post Pentecosten, Missa dicitur ut infra.

Introitus. Ps. 138.

MIHI autem nimis honorátí sunt amici tui, Deus : nimis confortátus est principátus eórum. Ps. Dómine, probásti me, et cognovísti me : tu cognovísti sessionem meam et resurrectionem meam. *ŷ.* Glória. Mihi autem.

Oratio et Epistola ut supra.

Graduale. Ps. 18. In omnem terram exívit sonus eórum, et in fines orbis terræ verba eórum. *ŷ.* Cœli enárrant glóriam Dei, et ópera mánuum ejus annúntiat firmaméntum.

Allelúia, allelúia. *ŷ.* Joan. 15. Ego vos elégi de mundo, ut eátis, et fructum afferátis, et fructus vester máneat. Allelúia.

Evangelium ut supra.

Offertorium. Ps. 138. Mihi autem nimis honorátí sunt amici tui, Deus : nimis confortátus est principátus eórum.

Secreta ut supra.

Communio. Matth. 19. Vos qui secúti estis me, sedébitis super sedes, judicántes duódecim tribus Israel.

Postcommunio ut supra.

DIE XXVI

IN FESTO SS. CLETI ET MARCELLINI

PONTIFICUM ET MARTYRUM

Missa Sancti tui, ut in Comm. plur.
Mart. Temp. Pasch. 8*, præter Orationes sequentes.

Oratio.

BEATORUM Mártyrum paritérque Pontificum Cleti et Marcellini nos, Dómine, foveat pretiósa confèssio : et pia júgiter intercèssio tueáture. Per.

Secunda Oratio, de sancta Maria, Concede ; **tertia,** Ecclesiæ, vel pro Papa. 1*.

Secreta.

ADÉSTO, Dómine, supplicatióibus nostris, quas in Sanctórum tuórum commemoratióne deférimus : ut qui nostræ justitiæ fidúciā non habémus, eórum qui tibi placuérunt, méritis adjuvémur. Per Dóminum.

Postcommunio.

QUÆSUMUS, Dómine, salutáribus repléti mystériis : ut quorum solémnia celebrámus, eórum oratióibus adjuvémur. Per Dóminum.

¶ **Post Tempus Paschale** Missa erit Intret in conspéctu tuo, de Communi plurim. Mart. extra Tempus Paschale. 9*.

DIE XXVIII

IN FESTO S. PAULI A CRUCE

CONFESSORIS

Introitus. Gal. 2.

CHRISTO confixus sum cruci : vivo autem, jam non ego : vivit vero in me Christus : in fide vivo Filii Dei, qui diléxit me, et trádedit semetípsum pro me, allelúia, allelúia. Ps. 40. Beátus qui intélligit super egénū et páuperem : in die mala liberábit eum Dóminus. *ŷ.* Glória Patri. Christo.

Oratio.

DÓMINE Jesu Christe, qui ad mystérium Crucis prædicandum sanctum Paulum singulári charitaté donásti, et per eum novam in Ecclesiá familiam floréscere voluisti : ipsius nobis intercessióne concéde; ut Passiónem tuam júgiter recoléntes in terris, ejúsdem fructum conséqui mereámur in cœlis. Qui vivis.

Et fit Commem. S. Vitalis. Mart.

Oratio.

PRÆSTA, quæsumus, omnipotens Deus : ut qui beáti Vitális, Mártiris tui, natalitia cólimus, intercessióne ejus in tui nóminis amóre roborémur. Per Dóminum.

Lectio Epistolæ beáti Pauli Apóstoli ad Corinthios. I Cor. 1.

FRATRES, Non misit me Christus baptizáre, sed evangelizáre, non in sapiéntia verbi, ut non evacuétur crux Christi. Verbum enim crucis pereúntibus quidem stultitía est; iis autem qui salvi fiunt, id est nobis, Dei virtus est. Scriptum est enim : Perdam sapiéntiam sapiéntium, et prudéntiam prudéntium reprobo. Ubi sapiens? ubi scriba? ubi conquisitor hujus sæculi? Nonne stultam fecit Deus sapiéntiam hujus mundi? Nam, quia in Dei sapiéntia non cognóvit mundus per sapiéntiam Deum, plácuít Deo per stultitiam prædicatiónis salvos fácere credéntes. Quóquam et Judæi signa petunt, et Græci sapiéntiam quærunt : nos autem prædicámus Christum crucifixum, Judæis quidem scándalum, gentibus autem stultitiam; ipsis autem vocátis, Judæis atque Græcis, Christum, Dei virtutem et Dei sapiéntiam : quia quod stultum est Dei, sapiéntius est hominibus; et quod infirmum est Dei, fórtius est hominibus.

Allelúia, allelúia. *ŷ. II Cor. 5.* Pro ómnibus mórtuus est Christus; ut et qui vivunt, jam non sibi vivant, sed ei qui pro ipsis mórtuus est et resurrexit. Allelúia. *ŷ. Rom. 8.* Si filii, et hæredes : hæredes quidem Dei, coheredes autem Christi : si tamen compátimur, ut et glorificémur. Allelúia.

Extra Tempus Paschale.

Graduale. Gal. 6. Mihi autem absit gloriári, nisi in Cruce Dómini nostri Jesu Christi, per quem mihi mundus crucifixus est, et ego mundo. *ŷ. I Cor. 2.* Non judicávi me scire aliquid inter vos, nisi Jesum Christum, et hunc crucifixum.

Allelúia, allelúia. *ŷ. I Petr. 2.* Christus passus est pro nobis, vobis relinquens exémplum, ut sequámini vestigia ejus. Allelúia.

Post Septuagesimam.

Tractus. I Petr. 4. Christo igitur passo in carne, et vos eádem cogitatíone armámini : quia qui passus est in carne, désiit a peccátis. *ŷ. II Cor. 4.* Semper mortificatíone Jesu in corpore nostro circumferéntes, ut et vita Jesu manifestétur in corpóribus nostris. *ŷ. Hebr. 12.* Adspiciéntes in Auctórem fidei et consummatórem Jesum, qui, propósito sibi gáudio, sustinuit crucem, confusióne contémpta, atque in dextera sedis Dei sedet.



Sequéntia sancti Evangélii secundum Lucam. Cap. 10.

In illo témpore : Designávit Dóminus et alios septuaginta duos, et misit illos binos ante faciém suam in omnem civitátem et locum quo erat ipse ventúrus. Et dicébat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sácculum, neque peram, neque calceaménta : et néminem per viam salutavéritis. In quacúmque domum intravéritis, primum dicite : Pax huic dómui : et si ibi fúerit filius pacis, requiescet super illum pax vestra : sin autem, ad vos revertétur. In eádem autem domo manéte, edéntes et bibéntes quæ apud illos sunt : dignus est enim operárius mercéde sua. Nolite transire de domo in domum. Et in quacúmque civitátem intravéritis, et suscepérint vos, manducáte quæ apponúntur vobis : et curáte infirmos qui in illa sunt, et dicite illis : Appropinquávit in vos regnum Dei.

Offertorium. Ephes. 3. Ambuláte in dilectiōne, sicut et Christus diléxit nos, et trádedit semetípsum pro nobis oblatiōnem et hóstiam Deo, in odórem suavitátis, allelúia.

Secreta.

CELÉSTEM nobis, Dómine, præbeant mystéria hæc Passiōnis et Mortis tuæ fervórem, quo sanctus Paulus, ea offeréndo, corpus suum hóstiam vivéntem, sanctam, tibíque placéntem exhibuit. Qui vivis.

Pro S. Vitale. Secreta.

MUNÉRIBUS nostris, quæsumus, Dómine, precibúsque susceptis, et coeléstibus nos munda mystériis, et ele-ménter exáudi. Per Dóminum.

Communio. I Petr. 4. Communicántes Christi passiōibus gaudéte, ut in revelatiōne glóriæ ejus gaudeátis exsultántes, allelúia.

Postcommunio.

SÚMPSIMUS, Dómine, divinum Sacraméntum imménsæ charitátis tuæ memoriále perpétuum : tribue, quæsumus; ut sancti Pauli méritis et imitatiōe, aquam de fóntibus tuis hauriámus in vitam ætérnam salientem, et tuam sacratíssimam Passiōnem córdibus nostris impréssam móribus et vita teneámus. Qui vivis et regnas.

Pro S. Vitale. Postcommunio.

DA, quæsumus, Dómine Deus noster : ut sicut tuórum commemoratiōne Sanctórum temporáli gratulamur officio, ita perpétuo lætémur aspéctu. Per.

EADEM DIE

S. VITALIS, MARTYRIS

Missa Protexisti me, de Comm. unius Mart. Temp. Pasch. 6*, cum Orationibus supra positis.

DIE XXIX

IN FESTO S. PETRI, MARTYRIS

Introitus. Ps. 63.

PROTEXISTI me, Deus, a convéntu malignántium, allelúia, a multitúdine operántium iniquitátem, allelúia, allelúia. Ps. Exáudi, Deus.

oratiōnem meam cum déprecor : a timóre inimici éripe ánimam meam. ŷ. Glória Patri. Protexisti me.

Oratio.

PRÆSTA, quæsumus, omnipotens Deus : ut beáti Petri, Mátyris tui, fidem cóngrua devotiōne sectémur : qui pro ejúsdem fidei dilatiatiōe, mátyrii palmam méruit obtinére. Per Dóminum.

Léctio Epístolæ beáti Pauli Apóstoli ad Timótheum. II Tim. 2 et 3.

CHARÍSSIME, Memor esto Dóminum Jesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans : sed verbum Dei non est alligátum. Ideo ómnia sustineo propter eléctos, ut et ipsi salutem consequántur, quæ est in Christo Jesu, cum glória coelésti. Tu autem assecútus es meam doctrinam, institutiōnem, propósitum, fidem, longanimitátem, dilectiōnem, patiéntiam, persecutiōnes, passiōes, quália mihi facta sunt Antiochiæ, Icónii et Lystris : quales persecutiōnes sustinui, et ex ómnibus eripuit me Dóminus. Et omnes qui pie volunt vívere in Christo Jesu, persecutiōnem patiéntur.

Allelúia, allelúia. ŷ. Ps. 88. Confi-tebúntur cœli mirabilia tuá, Dómine : étenim veritátem tuam in Ecclesiá sanctórum. Allelúia. ŷ. Ps. 20. Posuísti, Dómine, super caput ejus corónam de lápide pretiósio. Allelúia.



Sequéntia sancti Evangélii secúndum Joánnem. Cap. 15.

In illo témpore : Dixit Jesus discipulis suis : Ego sum vitis vera, et Pater meus agricola est. Omnem pálmitem in me non feréntem fructum, tollet eum : et omnem qui fert fructum, purgábit eum, ut fructum plus áfferat. Jam vos mundi estis propter sermónem quem locútus sum vobis. Manéte in me, et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me mansérítis. Ego sum vitis, vos pálmities : qui manet in me, et ego in eo, hic fert fructum

multum : quia sine me nihil potéstis facere. Si quis in me non mánserit, mittétur foras sicut palmes, et aréscet, et colligent eum, et in ignem mittent, et ardet. Si manséritis in me, et verba mea in vobis mánserint, quodcúmque volúeritis, petétis, et fiet vobis.

Offertorium. Ps. 88. Confitebúntur cœli mirabilia tua, Dómine : et veritátem tuam in Ecclésia sanctorum, allelúia, allelúia.

Secreta.

PRECES quas tibi, Dómine, offérimus, intercedénte beáto Petro, Mártire tuo, cleménter inténde, et propugnátóres fidei sub tua protectióne custódi. Per.

Communio. Ps. 63. Lætábitur justus in Dómino, et sperábit in eo, et laudabúntur omnes recti corde, allelúia, allelúia.

Postcommunio.

FIDÉLES tuos, Dómine, custódiant sacraménta quæ sumpsimus : et intercedénte beáto Petro, Mártire tuo, contra omnes adversos tueántur incúrsus. Per.

¶ **Post Temp. Pasch., Missa erit** Lætábitur, de Communi unius Mart. non Pont. 3*, præter Orationes ut supra, et Evang. Si quis vult post me veníre. 4*.

DIE XXX

IN FESTO

S. CATHARINÆ SENENSIS, VIRG.

Missa Dilexisti, de Comm. Virg. 21*, cum Orationibus sequentibus.

Oratio.

DA, quæsumus, omnipotens Deus : ut qui beátæ Catharinæ, Virginis tuæ, natalitia cólimus; et ánnua solemnitate letémur, et tantæ virtútis proficiámus exémplo. Per Dóminum.

Secreta.

ASCÉNDANT ad te, Dómine, quas in beátæ Catharinæ solemnitate offérimus, preces, et hóstia salutáris virgíneo fragrans odóre. Per Dóminum.

Postcommunio.

ATERNITATEM nobis, Dómine, cónferat, qua pasti sumus, mensa cœ-

lestis : quæ beátæ Catharinæ Virginis vitam étiam áluit temporálem. Per.

DOMINICA III POST PASCHA

IN FESTO

PATROCINII S. JOSEPH, CONF.

SPONSI BEATÆ MARIE VIRGINIS

Introitus. Ps. 32.

ADJUTOR et protéctor noster est Dóminus : in eo lætábitur cor nostrum, et in nómine sancto ejus sperávimus, allelúia, allelúia. Ps. 79. Qui regis Israel, inténde : qui dedúcis, velut ovem, Joseph. 7. Glória. Adjutor.

Oratio.

DEUS, qui ineffábilí providéntia beátum Joseph sanctíssimæ Genitricis tuæ Sponsum eligere dignátus es : præsta, quæsumus; ut quem protectórem venerámur in terris, intercessórem habére mereámur in cœlis. Qui vivis.

Pro Commemoratione Dominicæ.

Oratio.

DEUS, qui errántibus, ut in viam posint redíre justitiæ, veritátis tuæ lumen osténdis : da cunctis qui christiána professióne censéntur, et illa respúere quæ huic inimica sunt nómini, et ea quæ sunt apta, sectári. Per.

Lectio libri Génesis. Cap. 49.

FILIUS accrésceus Joseph, filius accrésceus, et decórus aspéctu : filiae discurrérunt super murum. Sed exasperavérunt eum, et jurgáti sunt, inviderúntque illi habéntes jácula. Sedit in forti arcus ejus, et dissolúta sunt víncula brachiórum et mánuum illius per manus poténtis Jacob : inde pastor egréssus est, lapis Israel. Deus patris tui erit adjutor tuus, et Omnipotens benedicet tibi benedictiónibus cœli désuper, benedictiónibus abyssi jacéntis deórsum, benedictiónibus úberum et vulvæ. Benedictiónes patris tui confortátæ sunt benedictiónibus patrum ejus, donec veniret Desidérium cõllium aeternórum : fiant in cápite Joseph, et in vértice Nazaræi inter fratres suos.

Allelúia, allelúia. 7. De quacúmque tribulatióne clamáverint ad me, exáudiam eos : et ero protéctor eórum sem-

per. Allelúia. **Ÿ.** Fac nos innócuam, Joseph, decurrere vitam : sitque tuo semper tuta patrocínio. Allelúia.



Sequéntia sancti Evangélli secúndum Lucam. Cap. 3.

In illo témpore : Factum est autem, cum baptizárétur omnis pópulus, et Jesu baptizáto et oránte, apértum est cœlum, et descendit Spíritus sanctus corporáli spécie sicut columba in ipsum. Et vox de cœlo facta est : Tu es Filius meus dilectus, in te compláui mihi. Et ipse Jesus erat incipiens quasi annórum trigínta, ut putabátur filius Joseph. Credo.

Offertorium. Ps. 147. Lauda, Jérúsalem, Dóminum : quóniam confortávit seras portárum tuárum : benedixit filiis tuis in te, allelúia, allelúia.

Secreta.

SANCTÍSSIMÆ Genitrícis tuæ Sponsi patrocínio suffulti, rogámus, Dómine, cleméntiam tuam, ut corda nostra fácias terréna cuncta despícere, ac te verum Deum perfécta charitáte diligere. Qui vivis.

Pro Commem. Dom. Secreta.

His nobis, Dómine, mystériis confectúratur, quo terréna desidéria mitigátes, discámus amáre cœlestia. Per.

Communio. Matth. 1. Jacob autem genuit Joseph, virum Mariæ, de qua natus est Jesus, qui vocátur Christus, allelúia, allelúia.

Postcommunio.

DIVINI múnieris fonte refécti, quæsumus, Dómine Deus noster : ut sicut nos facis beáti Joseph protectióne gaudere ; ita ejus méritis et intercessióne, cœlestis glóriæ fácias esse participes. Per.

Pro Commem. Dom. Postcommunio.

SACRAMÉNTA quæ sumpsimus, quæsumus, Dómine, et spirituálibus nos instáurent aliméntis, et corporálibus tueántur auxiliis : Per Dóminum.

In fine Missæ legitur sequens Evangelium Dominicæ III post Pascha.



Sequéntia sancti Evangélli secúndum Joánnem. Cap. 16.

In illo témpore : Dixit Jesus discipulis suis : Módicum, et jam non vidébitis

me : et iterum módicum, et vidébitis me : quia vado ad Patrem. Dixérunt ergo ex discipulis ejus ad invicem : Quid est hoc quod dicit nobis : Módicum, et non vidébitis me : et iterum módicum, et vidébitis me : et quia vado ad Patrem? Dicébant ergo : Quid est hoc quod dicit, Módicum? Nescimus quid lóquitur. Cognóvit autem Jesus quia volébant eum interrogáre, et dixit eis : De hoc quæritis inter vos, quia dixi : Módicum, et non vidébitis me : et iterum módicum, et vidébitis me. Amen, amen dico vobis, quia plorábitis et flébitis vos, mundus autem gaudébit : vos autem contristabimini, sed tristitia vestra vertétur in gáudium. Múlier, cum parit, tristitiam habet, quia venit hora ejus : cum autem pepérerit púerum, jam non meminit pressuræ propter gáudium : quia natus est homo in mundum. Et vos igitur nunc quidem tristitiam habétis ; iterum autem vidébo vos, et gaudébit cor vestrum, et gáudium vestrum nemo tollet a vobis.

Post Tempus Paschale dicitur eadem Missa, omissis Allelúia in Introitu, Offertorio et Communione, ac substituto sequenti Graduali.

Graduale. Ps. 20. Dómine, prævenisti eum in benedictiónibus dulcédinis : posuisti in cápite ejus corónam de lapide pretiósio. **Ÿ.** Vitam pètiit a te, et tribuisti ei longitudínem diérum in sæculum sæculi.

Allelúia, allelúia. **Ÿ.** Fac nos innócuam, Joseph, decurrere vitam : sitque tuo semper tuta patrocínio. Allelúia.

FESTA MAIL

DIE 1

IN FESTO SS. APOSTOLORUM

PHILIPPI ET JACOBI

Introitus. II Esdr. 9.

CLAMAVÉRUNT ad te, Dómine, in témpore afflictiónis suæ : et tu de cœlo exaudisti eos, allelúia, allelúia. Ps. 32. Exsultáte, justi, in Dó-

mino : rectos decet collaudatio. *ŷ. Glória Patri. Clamaverunt.*

Oratio.

DEUS, qui nos annua Apostolorum tuorum Philippi et Jacobi solemnitate lætificas : præsta, quæsumus ; ut quorum gaudemus meritis, instruamur exemplis. Per Dñmum.

Lectio libri Sapientiae. Cap. 3.

STABUNT justi in magna constantia adversus eos qui se angustiarunt, et qui abstulerunt labores eorum. Videntes turbabuntur timore horribili, et mirabuntur in subitaneâ insperatæ salutis, dicentes intra se, poenitentiam agentes, et præ angustia spiritus gementes : Hi sunt quos habuimus aliquando in derisum et in similitudinem improperii. Nos insensati, vitam illorum aestimabamus insaniam, et finem illorum sine honore : ecce quomodo computati sunt inter filios Dei, et inter sanctos sors illorum est.

Allelúia, allelúia. *ŷ. Ps. 88.* Confitebuntur celi mirabilia tua, Dómine : etenim veritatem tuam in Ecclesia sanctorum. Allelúia. *ŷ. Joan. 14.* Tanto tempore vobiscum sum, et non cognovistis me? Philippe, qui videt me, videt et Patrem meum. Allelúia.



Sequentia sancti Evangelii secundum Joannem. *Cap. 14.*

In illo tempore : Dixit Jesus discipulis suis : Non turbetur cor vestrum. Creditis in Deum, et in me credite. In domo Patris mei mansiones multe sunt. Si quominus dixissem vobis : Quia vado parare vobis locum. Et si abiero, et preparavero vobis locum, iterum venio, et accipiam vos ad meipsum, ut ubi sum ego, et vos sitis. Et quo ego vado, scitis, et viam scitis. Dicit ei Thomas : Dómine, nescimus quo vadis : et quomodo possumus viam scire? Dicit ei Jesus : Ego sum via, et veritas, et vita : nemo venit ad Patrem, nisi per me. Si cognovissetis me, et Patrem meum utique cognovissetis : et amodo cognoscetis eum, et vidistis eum. Dicit ei Philippus :

Dómine, ostende nobis Patrem, et sufficit nobis. Dicit ei Jesus : Tanto tempore vobiscum sum, et non cognovistis me? Philippe, qui videt me, videt et Patrem. Quomodo tu dicis : Ostende nobis Patrem? Non creditis quia ego in Patre, et Pater in me est? Verba quæ ego loquor vobis, a meipso non loquor. Pater autem in me manens, ipse facit opera. Non creditis quia ego in Patre, et Pater in me est? Alioquin propter opera ipsa credite. Amen, amen dico vobis : Qui credit in me, opera quæ ego facio, et ipse faciet, et maiora horum faciet, quia ego ad Patrem vado. Et quodcumque petieritis Patrem in nomine meo, hoc faciam.

Credo.

Offertorium. Ps. 88. Confitebuntur celi mirabilia tua, Dómine : et veritatem tuam in Ecclesia sanctorum, allelúia, allelúia.

Secreta.

MÚNERA, Dómine, quæ pro Apostolorum tuorum Philippi et Jacobi solemnitate deferimus, propitius suscipe : et mala omnia, quæ meremur, averte. Per Dñmum.

Prefatio de Apostolis.

Communio. Joan. 14. Tanto tempore vobiscum sum, et non cognovistis me? Philippe, qui videt me, videt et Patrem meum, allelúia : non credis quia ego in Patre, et Pater in me est? allelúia, allelúia.

Postcommunio.

QUÆSUMUS, Dómine, salutáribus repléti mystériis : ut quorum solémnia celebramus, eorum orationibus adjuvemur. Per Dñmum.

Post Tempus Paschale, Missa erit sequens.

Introitus. II Esdr. 9.

CLAMAVÉRUNT ad te, Dómine, in tempore afflictionis suæ : et tu de celo exaudisti eos. *Ps. 32.* Exsultate, justi, in Dómino : rectos decet collaudatio. *ŷ. Glória Patri. Clamaverunt ad te.*

Oratio et Epistola ut supra.

Graduale. Ps. 44. Constitues eos principes super omnem terram : mémoires erunt nóminis tui, Dómine. *ŷ.* Pro pátribus tuis nati sunt tibi filii : proptérea pópuli confitebúntur tibi.

Allelúia, allelúia. *ŷ.* Joan. 14. Tanto témpore vobiscum sum, et non cognovistis me? Philippe, qui videt me, videt et Patrem meum. Allelúia.

Evangelium ut supra.

Offertorium. Ps. 88. Confitebúntur cœli mirabilia tua, Dómine : et veritatem tuam in Ecclésia sanctorum.

Secreta ut supra.

Communio. Joan. 14. Tanto témpore vobiscum sum, et non cognovistis me? Philippe, qui videt me, videt et Patrem meum : non credis quia ego in Patre, et Pater in me est?

Postcommunio ut supra.

DIE II

IN FESTO S. ATHANASHI

EPISC., CONF., ET ECCL. DOCTORIS

Introitus. Eccli. 15.

IN médio Ecclésiæ aperuit os ejus, et implevit eum Dóminus spíritu sapientiæ et intelléctus : stolam glóriæ induit eum, allelúia, allelúia. Ps. 91. Bonum est confitéri Dómino, et psállere nómini tuo, Altíssime. *ŷ.* Glória Patri. In médio.

Oratio.

EXÁUDI, quæsumus, Dómine, preces nostras, quas in beati Athanásii, Confessóris tui atque Pontificis, solemnitate deférimus : et qui tibi digne méruit famulári, ejus intercedéntibus méritis, ab ómnibus nos absolve peccátis. Per Dóminum.

Léctio Epistolæ beati Pauli Apóstoli ad Corínthios. II Cor. 4.

FRATRES, Non nosmetipsos prædicámus, sed Jesum Christum Dóminum nostrum : nos autem servos vestros per Jesum : quóniam Deus, qui dixit de ténebris lucem splendescere, ipse illúxit in córdibus nostris, ad illuminatióem

sciéntiæ claritátis Dei, in fácie Christi Jesu. Habémus autem thesáurum istum in vasis fictilibus : ut sublimitas sit virtútis Dei, et non ex nobis. In ómnibus tribulatióem pátimur, sed non angustiamur : aporiámur, sed non destituimur : persecutióem pátimur, sed non derelinquimur : deicimur, sed non perimus : semper mortificatióem Jesu in corpore nostro circumferéntes, ut et vita Jesu manifestétur in corpóribus nostris. Semper enim nos, qui vívimus, in mortem trádimur propter Jesum : ut et vita Jesu manifestétur in carne nostra mortáli. Ergo mors in nobis operátur, vita autem in vobis. Habéntes autem eúndem spíritum fidei, sicut scriptum est : Crédidi, propter quod locútus sum : et nos crédimus, propter quod et lóquimur : sciéntes quóniam qui suscitávit Jesum, et nos cum Jesu suscitábit, et constituet vobiscum.

Allelúia, allelúia. *ŷ.* Ps. 109. Tu es Sacerdos in ætérnum, secúndum ordinem Melchisedech. Allelúia. *ŷ.* Jac. 1. Beátus vir qui suffert tentatióem : quóniam, cum probátus fúerit, accipiet corónam vitæ. Allelúia.

Post Tempus Paschale dicitur

Graduale. Eccli. 44. Ecce Sacerdos magnus, qui in diébus suis plácuít Deo. *ŷ.* Non est invéntus similis illi, qui conserváret legem Excélsi.

Allelúia, allelúia. *ŷ.* Jac. 1. Beátus vir qui suffert tentatióem : quóniam, cum probátus fúerit, accipiet corónam vitæ. Allelúia.



Sequéntia sancti Evangelii secúndum Matthæum. Cap. 10.

IN illo témpore : Dixit Jesus discípulis suis : Cum persequéntur vos in civitate ista, fúgite in áliam. Amen dico vobis, non consummábitis civitates Israel, donec veniat Filius hóminis. Non est discipulus super magistrum, nec servus super dóminum suum. Súfficit discipulo ut sit sicut magister ejus : et servo, sicut dóminus ejus. Si patrem-familias Beélzebub vocáverunt, quanto

magis domésticos ejus? Ne ergo timé-
ritis eos : nihil enim est opértum, quod
non revelábitur : et occúltum, quod non
sciétur. Quod dico vobis in ténebris,
dicite in lúmíne : et quod in aure au-
dítis, prædicáte super tecta. Et nolíte
timére eos qui occidunt corpus, ánimam
autem non possunt occidere : sed pótius
timéte eum qui potest et ánimam et
corpus pérdere in gehénnam.

Credo.

Offertorium. Ps. 88. Inveni David
servum meum, óleo sancto meo unxi
eum : manus enim mea auxiliábitur ei,
et bráchium meum confortábit eum,
allelúia.

Secreta.

SANCTI Athanasii, Confessóris tui atque
Pontificis, quæsumus, Dómine, á-
nua solémnitas pietáti tuæ nos reddat
accéptos : ut per hæc piæ placatiónis of-
ficia, et illum beáta retribútio comitétur,
et nobis grátiae tuæ dona conciliet. Per
Dóminum.

Communio. Matth. 10. Quod dico
vobis in ténebris, dicite in lúmíne, dicit
Dóminus : et quod in aure audítis, præ-
dicáte super tecta, allelúia.

Postcommunio.

DEUS, fidélium remunerátor animá-
rum, præsta : ut beáti Athanasii,
Confessóris tui atque Pontificis, cujus
venerándam celebrámus festivitátem,
précibus indulgéntiam consequámur.
Per Dóminum.

DIE III

IN FESTO

INVENTIONIS SANCTÆ CRUCIS

Introitus. Gal. 6.

Nos autem gloriári opórtet in Cruce
Dómini nostri Jesu Christi, in
quo est salus, vita et resurrectio
nostra, per quem salváti et liberáti su-
mus, allelúia, allelúia. Ps. 84. Deus
misereátur nostri, et benedicat nobis :
illúminet vultum suum super nos, et
misereátur nostri. ̎. Glória Patri. Nos
autem.

Oratio.

DEUS, qui in præclára salutíferæ Crucis
Inventiône Passiόνis tuæ mirácula
suscitásti : concéde ; ut vitális ligni prætio
æternæ vitæ suffrágia consequámur. Qui
vivis et regnas.

In Missis privatis, pro Commemora-
tione SS. Alexandri, Eventii et Theo-
duli, Martyrum, ac Juvenalis, Episcopi
et Confessoris.

Oratio.

PRÆSTA, quæsumus, omnipotens Deus :
ut qui sanctórum tuórum Alexándri,
Evéntii, Theodúli atque Juvenális natali-
tia cólimus, a cunctis malis imminéntibus
eórum intercessiόνibus liberémur. Per
Dóminum.

Lectio Epístolæ beáti Pauli Apóstoli
ad Philippéenses. Cap. 2.

FRATRES, Hoc enim sentite in vobis,
quod et in Christo Jesu : qui cum
in forma Dei esset, non rapínam arbi-
trátus est esse se æquálem Deo : sed
semetípsum exinanívit, formam servi
accipiens, in similitúdinem hóminum
factus, et hábitu invéntus ut homo.
Humiliávit semetípsum, factus obédiens
usque ad mortem, mortem autem cru-
cis. Propter quod et Deus exaltávit illum,
et donávit illi nomen quod est super
omne nomen : (*Hic genuflectitur*) ut in
nómine Jesu omne genu flectátur, cœlé-
stium, terréstrium et infernórum : et
omnis lingua confiteátur quia Dóminus
Jesus Christus in glória est Dei Patris.

Allelúia, allelúia. ̎. Ps. 95. Dicite
in géntibus quia Dóminus regnávit a
ligno. Allelúia. ̎. Dulce lignum, dulces
clavos, dúlcia ferens póndera : quæ sola
fuísti digna sustinére Regem cœlórum
et Dóminum. Allelúia.



Sequéntia sancti Evangélíi secún-
dum Joánnem. Cap. 3.

In illo témpore : Erat homo ex pha-
risæis, Nicodémus nómine, princeps
Judæórum. Hic venit ad Jesum nocte,
et dixit ei : Rabbi, scimus quia a Deo
venísti magíster : nemo enim potest hæc
signa fácere, quæ tu facis, nisi fúerit

Deus cum eo. Respondit Jesus, et dixit ei : Amen, amen dico tibi, nisi quis renātus fuerit dēnuo, non potest vidēre regnum Dei. Dicit ad eum Nicodēmus : Quōmodo potest homo nasci, cum sit senex? Numquid potest in ventrem matris suæ iterātō introīre, et renāci? Respondit Jesus : Amen, amen dico tibi, nisi quis renātus fuerit ex aqua et Spiritu sancto, non potest introīre in regnum Dei. Quod natum est ex carne, caro est : et quod natum est ex spiritu, spiritus est. Non mirēris quia dixi tibi : Opórtet vos nasci dēnuo. Spiritus ubi vult spirat, et vocem ejus audis : sed nescis unde veniat, aut quo vadat : sic est omnis qui natus est ex spiritu. Respondit Nicodēmus, et dixit ei : Quōmodo possunt hæc fieri? Respondit Jesus, et dixit ei : Tu es magister in Israel, et hæc ignóras? Amen, amen dico tibi, quia quod scimus lóquimur, et quod vídimus testámur, et testimónium nostrum non accépitis. Si terrēna dixi vobis, et non créditis : quōmodo, si dixerō vobis cœléstia, credétis? Et nemo ascēdit in cœlum, nisi qui descēdit de cœlo, Filius hóminis, qui est in cœlo. Et sicut Móyses exaltávit serpētem in desérto, ita exaltári opórtet Filium hóminis : ut omnis qui credit in ipsum, non péreat, sed hábeat vitam ætérnam. Credo.

Offertorium. Ps. 117. Dextera Dómini fecit virtútē, dextera Dómini exaltávit me : non móriar, sed vivam, et narrábo ópera Dómini, allelúia.

Secreta.

SACRÍFICIUM, Dómine, quod tibi immolámus, placátus inténde : ut ab omni nos éruat bellórum nequítia, et per vexillum sanctæ Crucis Filii tui, ad conteréndas potestátis advérsæ insídias, nos in tuæ protectiónis securitáte constituat. Per eúndem Dóminum.

Pro SS. Alexandro, etc.

Secreta.

SUPER has hóstias, quæsumus, Dómine, benedictio copiósa descēdat : quæ et sanctificatiónem nobis clemēter operétur, et de Sanctórum nos

solemnitáte lætificet. Per Dóminum nostrum Jesum Christum.

Præfatio de Cruce.

Communio. Per signum Crucis de inimicis nostris libera nos, Deus noster. allelúia.

Postcommunio.

REPLÉTI alimónia cœlésti, et spiritali póculo recreáti, quæsumus, omnipotens Deus : ut ab hoste maligno defēdas quos per lignum sanctæ Crucis Filii tui, arma justitiæ pro salute mundi, triumpháre jussisti. Per eúndem.

Pro SS. Alexandro, etc.

Postcommunio.

REFÉCTI participatióne múnis sacri, quæsumus, Dómine Deus noster : ut cujus exsequimur cultum, intercedéntibus sanctis tuis Alexándro, Evéntio, Theodúlo et Juvenále, sentiámus effectum. Per Dóminum.

Post Tempus Paschale dicitur eadem Missa, sed Introitus et Communio erunt sine Allelúia, et Graduale ut in Missa Exaltationis, die 14 Septembris.

EADEM DIE

SS. ALEXANDRI, EVENTII ET THEODULI

MARTYRUM

AC JUVENALIS

EPISCOPI ET CONFESSORIS

Missa Sancti tui, de Comm. 8*, cum Orationibus supra positis. Extra Temp. Pasch., Missa Sapiéntiam. 10*, cum iisdem Orationibus.

DIE IV

IN FESTO SANCTÆ MONICÆ, VIDUÆ

Introitus. Ps. 118.

COGNÓVI, Dómine, quia æquitas judícia tua, et in veritate tua humiliásti me : confige timóre tuo carnes meas : a mandátis tuis timui, allelúia, allelúia. Ps. Beáti immaculáti in via, qui ámbulant in lege Dómini. ŷ. Glória Patri. Cognóvi.

Oratio.

DEUS, mœréntium consolátor, et in te sperántium salus, qui beátæ Mónica pias lácrymas in conversiōe filii

sui Augustini misericórditer suscepisti : da nobis utriusque intervéntu, peccáta nostra deploráre, et grátiae tuæ indulgéntiam inveníre. Per Dóminum.

Lectio Epístolæ beati Pauli Apóstoli ad Timótheum. **I Tim. 5.**

CHARÍSSIME, Viduas honóra, quæ vere viduæ sunt. Si qua autem vidua filios aut nepótes habet, discat primum domum suam régere, et mútuam vicem reddere paréntibus : hoc enim accéptum est coram Deo. Quæ autem vere vidua est, et desoláta, speret in Deum, et instet obsecrátióibus et oratióibus nocte ac die. Nam quæ in deliciis est, vivens mórtua est. Et hoc præcipe, ut irreprehensibiles sint. Si quis autem suorum, et máxime domesticórum, curam non habet, fidem negávit, et est infidéli detérior. Vidua eligátur non minus sexaginta annórum, quæ fúerit unius viri uxor, in opéribus bonis testimónium habens, si filios educávit, si hospitio recépit, si sanctorum pedes lavit, si tribulatióem patiéntibus ministrávit, si omne opus bonum subsecúta est.

Allelúia, allelúia. **ŷ. Ps. 44.** Spécie tua et pulchritúdine tua inténde, prospere procéde, et regna. Allelúia. **ŷ.** Propter veritátem, et mansuetúdinem, et justítiam : et dedúcet te mirabíliter dextera tua. Allelúia.

Post Tempus Paschale.

Graduale. Diffúsa est grátia in lábiis tuis : proptérea benedixit te Deus in ætérnum. **ŷ.** Propter veritátem, et mansuetúdinem, et justítiam : et dedúcet te mirabíliter dextera tua.

Allelúia, allelúia. **ŷ.** Spécie tua et pulchritúdine tua inténde, prospere procéde, et regna. Allelúia.



Sequéntia sancti Evangélíi secúndum Lucam. **Cap. 7.**

IN illo témpore : Ibat Jesus in civitátem quæ vocátur Naím : et ibant cum eo discípuli ejus, et turba copiósá. Cum autem appropinquáret portæ civitátis, ecce defúctus efferebátur filius únicus matris suæ : et hæc vidua erat ; et turba civitátis multa cum illa. Quam cum

vidisset Dóminus, misericórdia motus super eam, dixit illi : Noli flere. Et accéssit, et tétigit lóculum. (Hi autem qui portábant, steterunt.) Et ait : Adolésens, tibi dico, surge. Et resédit qui erat mórtuus, et cœpit loqui. Et dedit illum matri suæ. Accépit autem omnes timor : et magnificábant Deum, dicéntes : Quia Prophéta magnus surrexit in nobis : et quia Deus visitávit plebem suam.

Offertorium. Ps. 44. Diffúsa est grátia in lábiis tuis : proptérea benedixit te Deus in ætérnum, et in sæculum sæculi, allelúia.

Secreta.

ACCÉPTA tibi sit, Dómine, sacrátæ plebis oblátio, pro tuórum honóre Sanctorum, quorum se méritis de tribulatióne percepisse cognóscit auxilium. Per.

Communio. Ibid. Dilexisti justítiam, et odisti iniquitátem : proptérea unxit te Deus, Deus tuus, óleo lætitiæ præ consortibus tuis, allelúia.

Postcommunio.

SATIASTI, Dómine, familiam tuam muneribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

DIE V

IN FESTO S. PII QUINTI

PAPÆ ET CONFESSORIS

Missa Státuit, de Comm. Conf. Pont. 12*, præter Orationem sequentem.

Oratio.

DEUS, qui ad conteréndos Ecclésiæ tuæ hostes, et ad divinum cultum reparándum, beátum Pium, Pontíficem máximum, eligere dignátus es : fac nos ipsíus deféndi præsiðiis, et ita tuis inhærere obséquii ; ut ómnium hóstium superáteis insídiis, perpétua pace lætémur. Per.

DIE VI

IN FESTO S. JOANNIS

ANTE PORTAM LATINAM

Introitus. Ps. 63.

PROTEXISTI me, Deus, a convéntu malignántium, allelúia : a multitudine operántium iniquitátem,

allelúia, allelúia. **Ps.** Exáudi, Deus, orationem meam cum deprecor : a timóre inimici éripe ánimam meam. **ŷ.** Glória Patri. Protexisti me.

Oratio.

DEUS, qui cónspicis quia nos úndique mala nostra pertúrbant : præsta, quæsumus; ut beáti Joánnis, Apóstoli tui et Evangelistæ, intercessio gloriósa nos protégat. Per Dóminum.

Léctio libri Sapiéntiæ. **Cap. 5.**

STABUNT justi in magna constántia adversus eos qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salutis, dicéntes intra se, peniténtiam agéntes, et præ angústia spíritus geméntes : Hi sunt quos habúimus aliquándo in derisum et in similitúdinem impropérii. Nos insensáti, vitam illórum æstimabámus insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est.

Allelúia, allelúia. **ŷ. Ps. 91.** Justus ut palma florébit : sicut cedrus Líbani multiplicábitur. Allelúia. **ŷ. Osee 14.** Justus germinábit sicut lílium, et florébit in ætérnum ante Dóminum. Allelúia.



Sequéntia sancti Evangélíi secúndum Matthæum. **Cap. 20.**

In illo témpore : Accéssit ad Jesum mater filiórum Zebedæi cum filiis suis, adorans, et petens áliquíd ab eo. Qui dixit ei : Quid vis? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescitis quid petátis. Potéstis bíbere cálicem quem ego bibitúrus sum? Dicunt ei : Póssumus. Ait illis : Cálicem quidem meum bibétis : sedére autem ad dexteram meam vel sinistram, non est meum dare vobis, sed quibus parátum est a Patre meo. **Credo.**

Offertorium. Ps. 88. Confitebúntur cœli mirabilia tua, Dómine : et veritatem tuam in Ecclesiá sanctórum, allelúia, allelúia.

Secreta.

MUNÉRIBUS nostris, quæsumus, Dómine, precibúisque susceptis, et cœlestibus nos munda mystériis, et cleménter exáudi. Per Dóminum.

Præfatio de Apostolis.

Communio. Ps. 63. Lætábitur justus in Dómino, et sperábit in eo : et laudabúntur omnes recti corde, allelúia, allelúia.

Postcommunio.

REFÉCTI, Dómine, pane cœlesti : ad vitam, quæsumus, nutriámur ætérnam. Per Dóminum.

¶ **Post Temp. Pasch. Missa sumatur ex alio Festo ejusdem Sancti, mense Decembri. 16; Orationes vero et Evangelium ut supra in hoc Festo.**

DIE VII

IN FESTO S. STANISLAI

EPISCOPI ET MARTYRIS

Missa Protexisti me, ut in **Communi unius Mart. Pont. Tempore Paschali. 6*, cum Orationibus sequentibus.**

Oratio.

DEUS, pro ejus honóre gloriósus Póntifex Stanisláus gládiis impiórum occúbuit : præsta, quæsumus; ut omnes qui ejus implórant auxilium, petitiónis suæ salutárem consequántur efféctum. Per Dóminum.

Secreta.

MÚNERA tibi, Dómine, dicáta sanctífica : et intercedénte beáto Stanisláo, Mártire tuo atque Pontifice, per eádem nos placátus inténde. Per Dóminum.

Postcommunio.

HÆC nos commúnio, Dómine, purget a crimine : et intercedénte beáto Stanisláo, Mártire tuo atque Pontifice, cœlestis remédii fáciat esse consórtes. Per Dóminum.

¶ **Post Tempus Paschale dicitur Missa Sacerdótes, de Communi unius Mart. Pont. secundo loco. 3*; Evang. Si quis venit, de eodem Communi. 3*, primo loco; Orationes vero ut supra positæ sunt.**

DIE VIII
IN FESTO
APPARITIONIS S. MICHAELIS
ARCHANGELI

Introitus. Ps. 102.

BENEDICITE Dóminum, omnes Angeli ejus, poténtes virtúte, qui fáctis verbum ejus, ad audiéndam vocem sermónum ejus, allelúia, allelúia. Ps. Benedic, ánima mea, Dómino : et ómnia quæ intra me sunt, nómini sancto ejus. *ŷ.* Glória Patri. Benedicite.

Oratio.

DEUS, qui miro órdine Angelórum ministéria hominúmque dispensas : concede propítius ; ut a quibus tibi ministrántibus in celo semper assistitur, ab his in terra vita nostra muniátur. Per.

Lectio libri Apocalypsis beáti Joánnis Apóstoli. Cap. 1.

IN díebus illis : Significávit Deus quæ opórtet fieri cito, mittens per Angelum suum servo suo Joánni, qui testimoniúm perhibuit verbo Dei, et testimoniúm Jesu Christi, quæcúmque vidit. Beátus qui legit, et audit verba prophetiæ hujus, et servat ea quæ in ea scripta sunt : tempus enim prope est. Joánnes septem Ecclesiis quæ sunt in Asia. Grátia vobis, et pax ab eo qui est, et qui erat, et qui ventúrus est : et a septem spirítibus qui in conspéctu throni ejus sunt : et a Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos a peccátis nostris in ságuine suo.

Allelúia, allelúia. *ŷ.* Sancte Michael Archángele, defénde nos in prælio : ut non pereámus in tremédo judício. Allelúia. *ŷ.* Concússum est mare, et contrémuit terra, ubi Archángelus Michael descendit de celo. Allelúia.



Sequéntia sancti Evangélii secúndum Matthæum. Cap. 18.

IN illo témpore : Accessérunt discipuli ad Jesum, dicéntes : Quis, putas, major est in regno cœlórum ? Et ádvocans Jesus párvulum, státuit eum in médio eórum, et dixit : Amen dico vobis, nisi

convérsi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusillis istis, qui in me credunt, expedit ei ut suspendátur mola asinária in collo ejus, et demergátur in profúndum maris. Væ mundo a scándalis. Necesse est enim ut veníant scándala : verúmtamen væ hómini illi, per quem scándalum venit. Si autem manus tua vel pes tuus scandalizat te, abscíde eum, et prójice abs te : bonum tibi est ad vitam ingredi débilem vel claudum, quam duas manus vel duos pedes habéntem, mitti in ignem ætérnum. Et si óculus tuus scandalizat te, érue eum, et prójice abs te : bonum tibi est cum uno óculo in vitam intráre, quam duos óculos habéntem, mitti in gehénnam ignis. Vidéte ne condemnátis unum ex his pusillis : dico enim vobis quia Angeli eórum in cœlis semper vident faciém Patris mei, qui in cœlis est. Credo.

Offertorium. Apoc. 8. Stetit Angelus juxta aram templi, habens thuribulum áureum in manu sua, et data sunt ei incénsa multa : et ascéndit fumus arómatum in conspéctu Dei, allelúia.

Secreta.

HÓSTIAS tibi, Dómine, laudis offerimus, suppliciter deprecántes, ut eásdem, angélico pro nobis interveniénte suffrágio, et placátus accípias, et ad salútem nostram proveníre concédas. Per.

Communio. Dan. 3. Benedicite, omnes Angeli Dómini, Dóminum : hymnum dicite, et superexaltáte eum in sæcula, allelúia.

Postcommunio.

BEÁTI Archángeli tui Michaélis intercessióne suffúlti, súpplices te, Dómine, deprecámur, ut quod ore prósequimur, contingámus et mente. Per.

¶ Post Tempus Paschale Missa sumatur ex Festo Dedicationis ejusdem, die 29 Septembris.

DIE IX

IN FESTO S. GREGORII NAZIANZENI

EPISC.. CONF., ET ECCL. DOCT.

Missa In médio, de Comm. Doct. 15*;
Epist. Justus. 16*. — Et dicitur Credo.

DIE X

IN FESTO S. ANTONINI, EPISC. ET CONF.

Missa Státuit, de Comm. Conf. Pont.
12*, præter Orationem sequentem.

Oratio.

SANCTI Antonini, Dómine, Confessóris tui atque Pontificis, méritis adjuvémur : ut sicut te in illo miráblem prædicámus; ita in nos misericórdem fuisse gloriémur. Per Dóminum.

Et fit Commem. SS. Gordiani et Epimachi, Mart., cum Orationibus ut infra.

EADEM DIE

SS. GORDIANI ET EPIMACHI, MART.

Introitus. Ps. 144.

SANCTI tui, Dómine, benedicent te, glóriam regni tui dicent, allelúia, allel. Ps. Exaltábo te, Deus meus Rex; et benedicam nómini tuo in sæculum, et in sæculum sæculi. ʒ. Glória. Sancti.

Oratio.

DA, quæsumus, omnipotens Deus: ut qui beatórum Mártyrum tuórum Gordiáni et Epimachi solémnia cólimus, eórum apud te intercessiónibus adjuvémur. Per.

Lectio libri Apocalypsis beati Joánnis

Apóstoli. Cap. 19.

IN diébus illis: Post hæc ego Joánnes audivi quasi vocem turbárum multárum in celo, dicéntium: Allelúia: salus, et glória, et virtus Deo nostro est: quia vera et justa júdicia sunt ejus, qui judicávit de meretrice magna, quæ corrúpit terram in prostitutióne sua, et vindicávit sánguinem servórum suórum de má nibus ejus. Et iterum dixerunt: Allelúia. Et fumus ejus ascéndit in sæcula sæculórum. Et ceciderunt senióres viginti quá tuor, et quá tuor animália, et adoravérunt Deum sedéntem super thronum, dicéntes: Amen: Allelúia. Et vox de throno exívit, dicens: Laudem dícite Deo nostro, omnes servi ejus: et qui

timétis eum, pusilli et magni. Et audivi quasi vocem turbæ magnæ, et sicut vocem aquárum multárum, et sicut vocem tonitruórum magnórum, dicéntium: Allelúia: quóniam regnávit Dóminus Deus noster omnipotens. Gaudeámus, et exsultémus, et demus glóriam ei: quia venérunt nuptiæ Agni, et uxor ejus præparávit se. Et datum est illi ut co-opériat se byssino splendénti et cándido. Byssinum enim justificatiónes sunt sanctorum. Et dixit mihi: Scribe: Beáti qui ad cœnam nuptiárum Agni vocáti sunt.

Allelúia, allelúia. ʒ. Sancti tui, Dómine, florébunt sicut lílium, et sicut odor bálsami erunt ante te. Allelúia. ʒ. Ps. 115. Pretiósá in conspéctu Dómini mors sanctorum ejus. Allelúia.



Sequéntia sancti Evangélii secúndum Joánnem. Cap. 15.

IN illo témpore: Dixit Jesus discipulis suis: Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si mánseritis in me, et verba mea in vobis mánserint, quodcúmque voluéritis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discipuli. Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea, sicut et ego Patris mei præcépta servávi, et máneo in ejus dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Offertorium. Ps. 31. Lætámini in Dómino, et exsultáte, justi: et gloriámini, omnes recti corde, allelúia, allelúia.

Secreta.

HÓSTIAS tibi, Dómine, beatórum Mártyrum tuórum Gordiáni et Epimachi dicátas méritis, benígnus assúme, et ad perpétuum nobis tribue provenire subsidium. Per Dóminum.

Communio. Ps. 32. Gaudéte, justi,

in Dómino, allelúia : rectos decet collaudátio, allelúia.

Postcommunio.

QUÆSUMUS, omnipotens Deus : ut qui cœlestia aliménta percépimus, intercedéntibus sanctis Mátyribus tuis Gordiáno et Epímacho, per hæc contra ómnia advérsa muniámur. Per.

DIE XII

IN FESTO SS. NEREI, ACHILLEI

DOMITILLÆ, VIRGINIS, ATQUE PANCRAII, MARTYRUM

Introitus. Ps. 32.

ECCE óculi Dómini super timéntes eum, sperántes in misericórdia ejus, allelúia : ut eripiat a morte ánimas eórum : quóniam adjutor et protéctor noster est, allelúia, allelúia. **Ps.** Exsultáte, justí, in Dómino : rectos decet collaudátio. **Ÿ.** Glória Patri. Ecce.

Oratio.

SEMPER NOS, Dómine, Mátyrum tuórum Nérei, Achilléi, Domitillæ atque Pancratíi fóveat, quæsumus, beáta solémnitas : et tuo dignos reddat obséquio. Per.

Secunda Oratio. de sancta Maria, Concède ; **tertia, Ecclesiæ, vel pro Papa. 1*.**

Léctio libri Sapiéntiæ. Cap. 5.

STABUNT justí in magna constantía advérsus eos qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitióné insperatæ salutis, dicéntes intra se, peniténtiam ágéntes, et præ angústia spíritus geméntes : Hi sunt quos habuimus aliquándo in derisum et in similitúdinem impropérii. Nos insensáti, vitam illórum æstimabámus insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est.

Allelúia, allelúia. **Ÿ.** Hæc est vera fraternitas, quæ vicit mundi crimina : Christum secúta est, inclýta tenens regna cœlestia. Allelúia. **Ÿ.** Te Mátyrum candidátus laudat exércitus, Dómine. Allelúia.



Sequéntia sancti Evangélii secundum Joánnem. Cap. 4.

IN illo témpore : Erat quidam régulus cujus filius infirmabátur Caphárnaum.

Hic cum audísset quia Jesus advenfret a Judæa in Galilæam, ábiit ad eum, et rogábat eum ut descénderet, et sanáret filium ejus : incipiébat enim mori. Dixit ergo Jesus ad eum : Nisi signa et prodigia vidéritis, non créditis. Dicit ad eum régulus : Dómine, descénde priúsqvam moriátur filius meus. Dicit ei Jesus : Vade, filius tuus vivit. Crédidit homo sermóni quem dixit ei Jesus, et ibat. Jam autem, eo descénte, servi occurrérunt ei, et nuntiavérunt dicéntes quia filius ejus viveret. Interrogábat ergo horam ab eis, in qua mélius habúerit. Et dixerunt ei : Quia heri hora séptima reliquit eum febris. Cognóvit ergo pater quia illa hora erat in qua dixit ei Jesus : Filius tuus vivit : et crédidit ipse, et domus ejus tota.

Offertorium. Ps. 88. Confitebúntur cœli mirabilia tua, Dómine : et veritátem tuam in Ecclesiá sanctórum, allelúia, allelúia.

Secreta.

SANCTÓRUM Mátyrum tuórum, quæsumus, Dómine, Nérei, Achilléi, Domitillæ atque Pancratíi sit tibi grata conféssio : quæ et múnera nostra comméndet, et tuam nobis indulgéntiam semper implóret. Per Dóminum.

Communio. Ps. 32. Gaudéte, justí, in Dómino, allelúia : rectos decet collaudátio, allelúia.

Postcommunio.

QUÆSUMUS, Dómine, ut beatórum Mátyrum tuórum Nérei, Achilléi, Domitillæ atque Pancratíi deprecationibus, sacraménta sancta, quæ sumpsimus, ad tuæ nobis proficiant placatiónis augméntum. Per Dóminum.

¶ Post Tempus Pasch. Missa erit seq.

Introitus. Ps. 36.

SALUS autem justórum a Dómino : et protéctor eórum est in témpore tribulatiónis. **Ps.** Noli æmulári in malignántibus : neque zeláveris faciéntes iniquitátem. **Ÿ.** Glória Patri. Salus.

Oratio ut supra.

Secunda Oratio, A cunctis. 36* ; **tertia ad libitum.**

Léctio Epistolæ beāti Petri Apóstoli.

I Petr. 4.

CHARÍSSIMI, Communicántes Christi passiõibus gaudéte, ut et in revelatiõne glóriæ ejus gaudeátis exsultántes. Si exprobrámini in nómine Christi, beāti éritis : quóniam quod est honóris, glóriæ et virtútis Dei, et qui est ejus Spíritus, super vos requiescit. Nemo autem vestrum patiátur ut homicida, aut fur, aut malédicus, aut alienórum appetitor. Si autem ut christiánuS, non erubescat : glorificet autem Deum in isto nómine. Quóniam tempus est, ut incipiat judicium a domo Dei. Si autem primum a nobis, quis finis eórum qui non credunt Dei Evangélio? Et si justus vix salvabitur, impius et peccátor ubi parébunt? Itaque et hi qui patiúntur secúndum voluntátem Dei, fidéli Creatóri commendánt animas suas in benefáctis.

Graduale. Exodi 15. GlorióSUS Deus in Sanctis suis, mirábilis in majestáte, faciens prodigia. *Ÿ.* Dextera tua, Dómine, glorificáta est in virtúte : dextera manus tua confrégit inimícos.

Allelúia, allelúia. *Ÿ.* Hæc est vera fraternitas, quæ vicit mundi crimina : Christum secúta est, ínclýta tenens regna cœléstia. Allelúia.

Evangelium ut supra.

Offertorium. Ps. 123. Anima nostra sicut passer erépta est de láqueo venántium : láqueus contritus est, et nos liberáti sumus.

Secreta ut supra.

Communio. Matth. 25. Amen dico vobis, quod uni ex mínimis meis fecistis, mihi fecistis : veníte, benedicti Patris mei, possidéte parátum vobis regnum ab initio sæculi.

Postcommunio ut supra.

DIE XIV

IN FESTO S. BONIFACII, MART.

Missa Protexisti me, de Comm. unius Mart. Temp. Pasch. 6*, præter Orat. seq.

Oratio.

DA, quæsumus, omnipotens Deus : ut qui beāti Bonifáccii, Mártiris tui,

solémnia cólimus, ejus apud te intercessiõibus adjuvémur. Per Dóminum.

Secreta.

MUNÉRIBUS nostris, quæsumus, Dómine, precibúsque susceptis, et cœléstibus nos munda mystériis, et cleménter exáudi. Per Dóminum.

Postcommunio.

REFÉCTI participatiõne múnneris sacri, quæsumus, Dómine Deus noster : ut ejus exséquimur cultum, intercedénte beáto Bonifácio, Mártire tuo, sentiámus effectum. Per Dóminum.

DIE XVI

IN FESTO S. UBALDI, EPISC. ET CONF.

Missa Státuit, de Communi Conf. Pont. 12*, præter Orationem sequentem.

Oratio.

AUXÍLIUM tuum nobis, Dómine, quæsumus, placátus impénde : et intercessiõne beāti Ubáldi, Confessóris tui atque Pontificis, contra omnes diaboli nequitias dexteram super nos tuæ propitiatiõnis exténde. Per Dóminum.

Secunda Oratio, de sancta Maria, Concède; tertia, Ecclesiæ, vel pro Papa. 1*.

DIE XVII

IN FESTO S. PASCHALIS BAYLON, CONF.

Missa Os justi, de Comm. Conf. non Pont. 16*, præter Orationem sequentem.

Oratio.

DEUS, qui beátum Paschálem, Confessórem tuum, mirifica erga Córporis et Sanguinis tui sacra mystéria dilectiõne decorásti : concède propítius ; ut quam ille ex hoc divíno convívio spíritus percépit pinguédinem, eámdem et nos percípere mereámur. Qui vivis.

DIE XVIII

IN FESTO S. VENANTII, MART.

Missa Protexisti me, de Comm. Mart. Temp. Pasch. 6*, præter Orat. seq.

Oratio.

DEUS, qui hunc diem beāti Venántii, Mártiris tui, triúmpho consecrásti : exáudi preces pópuli tui, et præsta; ut qui ejus mérita venerámur, fidei constantiam imitémur. Per Dóminum.

Secreta.

HANC oblatiōnem, omnīpotens Deus, beātī Venāntiī mērita tibi reddant accēptam : ut ipsius subsidiis adjūti, glōriæ ejus consōrtes efficiāmur. Per.

Postcommunio.

SŪMPSIMUS, Dōmine, æternæ vitæ sacramēta, te humiliter deprecāntes : ut, beāto Venāntio, Mārtire tuo, pro nobis deprecānte, veniam nobis conciliē et grātiā. Per Dōminum.

¶ **Post Temp. Pasch., Missa in virtūte, ut in Comm. unius Mart. non Pont. 4*. Orationes ut supra, et Evang. Si quis venit, de Comm. Mart. Pont. 3*.**

DIE XIX

IN FESTO S. PETRI CŒLESTINI

PAPÆ ET CONFESSORIS

Introitus. Eccli. 45.

STATUIT ei Dōminus testamētum pacis, et principem fecit eum, ut sit illi sacerdotiī dignitas in ætēnum (T. P., allelūia, allelūia). Ps. 131. Memēto, Dōmine, David, et omnis mansuetūdinis ejus. Ÿ. Glōria. Statuit.

Oratio.

DEUS, qui beatū Petrum Cœlestinum ad summī pontificātus apicem sublimāsti, quique illum humilitāti postpōnere docuisti : concēde propitiū; ut ejus exēplo cuncta mundi despiciere, et ad promissa humilibus prēmia pervenire feliciter mereāmur. Per.

Deinde fit Commem. sanctæ Pudētiæ, Virg. Orat. Exāudi, ex Missa Dilexisti, de Comm. Virg. 21*.

Lectio libri Sapiētiæ. Eccli. 44 et 45.

ECCE Sacerdos magnus, qui in diēbus suis placuit Deo, et invēntus est justus : et in tēpore iracundiæ factus est reconciliatio. Non est invēntus similis illi, qui conservāvit legem Excēlsi. Ideo jurejurādo fecit illum Dōminus crescere in plebem suam. Benedictiōnem omnium gēntium dedit illi, et testamētum suum confirmāvit super caput ejus. Agnovit eum in benedictiōnibus suis : conservāvit illi misericordiā suam, et invēnit grātiā coram oculis

Dōmini. Magnificāvit eum in conspēctu regum, et dedit illi coronā glōriæ. Statuit illi testamētum ætēnum, et dedit illi sacerdotiū magnum, et beatificāvit illum in glōria : fungi sacerdotio, et habere laudem in nōmine ipsius : et offerre illi incensum dignum in odorem suavitatis.

Graduale. Eccli. 44. Ecce Sacerdos magnus, qui in diēbus suis placuit Deo. Ÿ. Non est invēntus similis illi, qui conservāret legem Excēlsi.

Allelūia, allelūia. Ÿ. Ps. 109. Tu es Sacerdos in ætēnum, secūndum ordinem Melchisedech. Allelūia.

Tempore Paschali omittitur Graduale, et ejus loco dicitur

Allelūia, allelūia. Ÿ. Ps. 109. Tu es Sacerdos in ætēnum, secūndum ordinem Melchisedech. Allelūia. Ÿ. Hic est Sacerdos quem coronāvit Dōminus. Allelūia.



Sequētia sancti Evangēlii secūndum Matthæum. Cap. 19.

IN illo tēpore : Dixit Petrus ad Jesum : Ecce nos reliquimus omnia, et secūti sumus te : quid ergo erit nobis? Jesus autem dixit illis : Amen dico vobis, quod vos, qui secūti estis me, in regeneratiōne, cum sederit Filius hōminis in sede maiestatis suæ, sedēbitis et vos super sedes duōdecim, judicāntes duōdecim tribus Israel. Et omnis qui reliquerit domum, vel fratres, aut sorōres, aut patrem, aut matrem, aut uxōrem, aut filios, aut agros, propter nomen meum, cēntuplum accipiet, et vitam ætēnam possidēbit.

Offertorium. Ps. 88. Invēni David servum meum, oleo sancto meo unxi eum : manus enim mea auxiliābitur ei, et brachium meum confortābit eum (T. P., all.).

Secreta.

SANCTI tui, quæsumus, Dōmine, nos ubique lætificent : ut dum eōrum mērita recōlimus, patrociniā sentiāmus. Per.

Communio. Luc. 12. Fidēlis servus et prudens, quem constituit Dōminus super familiam suam, ut det illis in tēpore tritici mensuram (T. P., allelūia).

Postcommunio.

PRÆSTA, quæsumus, omnīpotens Deus : ut de percēptis munēribus grācias

exhibéntes, intercedénte beáto Petro Cælestino, Confessóre tuo atque Pontífice, beneficia potióra sumámus. Per Dóminum nostrum.

EADEM DIE

SANCTÆ PUDENTIANÆ, VIRGINIS

Missa Dilexisti, de Communi. 21*.

DIE XX

IN FESTO

S. BERNARDINI SENENSIS, CONF.

Introitus. Ps. 36.

Os justi meditabitur sapiéntiam, et lingua ejus loquétur iudicium: lex Dei ejus in corde ipsius (T. P., allelúia, allelúia). Ps. Noli æmulári in malignántibus: neque zeláveris faciéntes iniquitátem. ȳ. Glória Patri. Os justi.

Oratio.

DÓMINE Jesu, qui beáto Bernardino, Confessóri tuo, eximium sancti nóminis tui amórem tribuísti: ejus, quæsumus, méritis et intercessióne, spiritum nobis tuæ dilectiónis benignus infúnde. Qui vivis.

Temp. Pasch., secunda Orat., de sancta Maria. Concède; tertia, Ecclésiæ, vel pro Papa. 1*: extra Temp. Pasch., secunda Orat.. A cunctis. 36*; tertia ad libitum.

Lectio libri Sapiéntiæ. Eccli. 31.

BEATUS vir qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perfectus est, erit illi glória æterna: qui pótuít transgredi, et non est transgréssus: fácere mala, et non fecit: ideo stabilita sunt bona illius in Dómino, et eleemósynas illius enarrábit omnis Ecclésiá sanctorum.

Graduale. Ps. 91. Justus ut palma florébit: sicut cedrus Libani multiplicábitur in domo Dómini. ȳ. Ad annuntiándum mane misericórdiam tuam, et veritátem tuam per noctem.

Allelúia, allelúia. ȳ. Jac. 1. Beátus vir qui suffert tentatióne: quóniam

cum probátus fúerit, accípiet corónam vitæ. Allelúia.

Tempore Paschali omittitur Graduale. et ejus loco dicitur

Allelúia, allelúia. ȳ. Jac. 1. Beátus vir qui suffert tentatióne: quóniam cum probátus fúerit, accípiet corónam vitæ. Allelúia. ȳ. Eccli. 45. Amávit eum Dóminus, et ornávit eum: stolam glóriæ induit eum. Allelúia.

Evang. Ecce nos reliquimus, ut supra. 359.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus (T. P., allelúia).

Secreta.

LAUDIS tibi, Dómine, hóstias immolámus in tuórum commemoratióne Sanctorum: quibus nos et præsentibus éxui malis confidimus, et futúris. Per.

Communio. Matth. 24. Beátus servus quem, cum vénerit Dóminus, invénit vigilántem: amen dico vobis, super ómnia bona sua constituet eum (T. P., allelúia).

Postcommunio.

REFÉCTI cibo potúque cælesti, Deus noster, te supplices exorámus: ut in ejus hæc commemoratióne percépiamus, ejus muniamur et precibus. Per Dóminum nostrum.

DIE XXV

IN FESTO S. GREGORII VII

PAPÆ ET CONFESSORIS

Introitus. Eccli. 45.

STÁTUIT ei Dóminus testaméntum pacis, et principem fecit eum, ut sit illi sacerdoti dignitas in æternum (T. P., allelúia, allelúia). Ps. 131. Meménto, Dómine, David, et omnis mansuetúdinis ejus. ȳ. Glória Patri. Státuit.

Oratio.

DEUS, in te sperántium fortitúdo, qui beátum Gregórium, Confessórem tuum atque Pontíficem, pro tuénda Ecclésiæ libertáte, virtúte constantiæ roborásti: da nobis, ejus exémplo et intercessióne, ómnia adversántia fórtiter superáre. Per Dóminum.

Pro Commem. S. Urbani, Papæ et Mart.

Oratio.

DA, quæsumus, omnipotens Deus : ut qui beāti Urbáni, Mártiris tui atque Pontificis, solémnia cólimus, ejus apud te intercessiónibus adjuvemur. Per.

Lectio libri Sapiéntiæ. Eccli. 44.

ECCE Sacerdos magnus, qui in diébus suis plácuít Deo, et invéntus est justus, et in témpore iracúndiæ factus est reconciliátió. Non est invéntus similis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiōnem ómnium géntium dedit illi, et testaméntum suum confirmávit super caput ejus. Agnóvit eum in benedictiōnibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum, et dedit illi corónam glóriæ. Státuit illi testaméntum ætérnum, et dedit illi sacerdotium magnum, et beatificávit illum in glória : fungi sacerdotio, et habére laudem in nómine ipsius : et offérre illi incénsus dignum in odórem suavitatís.

Graduale. Eccli. 44. Ecce Sacerdos magnus, qui in diébus suis plácuít Deo. *ŷ.* Non est invéntus similis illi, qui conserváret legem Excélsi.

Allelúia, allelúia. *ŷ.* Ps. 109. Tu es Sacerdos in ætérnum, secúndum órđinem Melchisedech. Allelúia.

Tempore Paschali omittitur Graduale, et ejus loco dicitur

Allelúia, allelúia. *ŷ.* Ps. 109. Tu es Sacerdos in ætérnum, secúndum órđinem Melchisedech. Allelúia. *ŷ.* Hic est Sacerdos quem coronávit Dóminus. All.



Sequéntia sancti Evangélíi secúndum Matthæum. Cap. 24.

IN illo témpore : Dixit Jesus discipulis suis : Vigilate, quia nescitis qua hora Dóminus vester ventúrus sit. Illud autem scitóte, quóniam si sciret paterfamilias qua hora fur ventúrus esset, vigiláret útique, et non síneret pérfodi domum suam. Ideo et vos estóte paráti, quia qua nescitis hora, Filius hóminis ventúrus

est. Quis, putas, est fidélis servus et prudens, quem constitúit dóminus suus super familiam suam, ut det illis cibum in témpore? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum (T. P., allelúia).

Secreta.

SANCTI tui, quæsumus, Dómine, nos ubiqúe lætificent, ut dum eórum mérita recólimus, patrocinia sentiámus. Per.

Pro S. Urbano. Secreta.

HÆC hóstia, Dómine, quæsumus, emúndet nostra delicta, et ad sacrificium celebrándum, subditórum tibi córpora mentésque sanctificet. Per.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram (T. P., allelúia).

Postcommunio.

PRÆSTA, quæsumus, omnipotens Deus : ut de percéptis munéribus grátias exhibéntes, intercedénte beáto Gregório, Confessóre tuo atque Pontifice, beneficia potióra sumámus. Per Dóminum.

Pro S. Urbano. Postcommunio.

REFÉCTI participatióne múnus sacri, quæsumus, Dómine Deus noster : ut ejus exsequimur cultum, intercedénte beáto Urbáno, Mártire tuo atque Pontifice, sentiámus efféctum. Per.

EADEM DIE

S. URBANI, PAPÆ ET MART.

Missa pro Temporis diversitate, ut in fine Missalis.

DIE XXVI

IN FESTO S. PHILIPPI NERII, CONF.

Introitus. Rom. 5.

CHÁRITAS Dei diffúsa est in córdibus nostris per inhabitántem Spíritum ejus in nobis (T. P., allelúia, allelúia). Ps. 102. Bénedic, ánima mea,

Dómino : et ómnia quæ intra me sunt, nómini sancto ejus. *ŷ.* Glória Patri. Cháritas Dei.

Oratio.

DEUS, qui beátum Philíppum, Confessórem tuum, Sanctórum tuórum glória sublimásti : concéde propitiús ; ut ejus solemnitate lætámur, ejus virtutum proficiámus exémplo. Per Dóminum nostrum.

Pro Commem. S. Eleutherii, Papæ et Mart. Orat. Infirmítatem, ex Missa Státuit, de Comm. Mart. Pont. 3.*

Lectio libri Sapiéntiæ. Cap. 7.

OPTÁVI, et datus est mihi sensus : et invocávi, et venit in me spíritus sapiéntiæ : et præpósui illam regnis et sédibus, et divítias nihil esse duxi in comparatióne illius : nec comparávi illi lápidem pretiósium : quóniam omne aurum in comparatióne illius, aréna est exigua, et tamquam lutum æstimábitur argéntum in conspéctu illius. Super salutem et spéciem diléxi illam, et propósui pro luce habére illam, quóniam inextinguibile est lumen illius. Venérunt autem mihi ómnia bona páriter cum illa, et innumerábilis honéstas per manus illius, et lætátus sum in ómnibus : quóniam antecedebat me ista sapiéntia, et ignorábam quóniam horum ómnium mater est. Quam sine fictiône didici, et sine invidia commúnico, et honestátem illius non abscondo. Infinitus enim thesáurus est homínibus : quo qui usi sunt, partícipes facti sunt amicitia Dei, propter disciplinæ dona commendáti.

Graduale. Ps. 33. Veníte, filii, audite me : timórem Dómini docébo vos. *ŷ.* Accédite ad eum, et illuminámini : et fácies vestræ non confundéntur.

Allelúia, allelúia. ŷ. Thren. 1. De excélsó misit ignem in óssibus meis, et erudit me. *Allelúia.*

Tempore Paschali omittitur Graduale, et ejus loco dicitur

Allelúia, allelúia. ŷ. De excélsó misit ignem in óssibus meis, et erudit me.

Allelúia. ŷ. Ps. 38. Concáluit cor meum intra me, et in meditatióne mea exardéscet ignis. *Allelúia.*



Sequéntia sancti Evangélii secúndum Lucam. Cap. 12.

IN illo témpore : Dixit Jesus discipulis suis : Sint lumbi vestri præcíncti, et lucernæ ardéntes in mánibus vestris : et vos símiles homínibus expectántibus dóminum suum quando revertátur a nuptiis : ut cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilátes : amen dico vobis, quod præcinget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias qua hora fur veníret, vigiláret útique, et non síneret pérfodi domum suam. Et vos estóte paráti, quia qua hora non putátis, Filius hóminis véniet.

Offertorium. Ps. 118. Viam mandatórum tuórum cucúrri, cum dilatásti cor meum (T. P., allelúia).

Secreta.

SACRIFICIUS præsentibus, quæsumus, Dómine, inténde placátus, et præsta, ut illo nos igne Spíritus sanctus inflámet, quo beáti Philippi cor mirabiliter penetrávit. Per Dóminum nostrum Jesum Christum Filium tuum, qui tecum vivit et regnat in unitate ejúsdem.

Communio. Ps. 83. Cor meum et caro mea exsultáverunt in Deum vivum (T. P., allelúia).

Postcommunio.

CÆLÉSTIBUS, Dómine, pasti delíciis, quæsumus : ut beáti Philippi, Confessóris tui, méritis et imitatióne, semper eadem, per quæ veráciter vivimus, appetámus. Per Dóminum.

EADEM DIE

S. ELEUTHERII, PAPÆ ET MART.

Tempore Paschali, Missa Protexisti me, de Communi. 6. Extra hoc Tempus, Missa Státuit, de Communi. 3*.*

DIE XXVII
IN FESTO

S. MARLE MAGDALENÆ DE PAZZIS
VIRGINIS

Missa Dilexisti, de Comm. Virg. 21*,
præter Orationem sequentem.

Oratio.

DEUS, virginitatis amator, qui beatam Mariam Magdalenam Virginem, tuo amore succensam, cœlestibus donis decorasti: da, ut quam festiva celebritate veneramur, puritate et charitate imitemur. Per Dñm.

Et fit Commem. S. Joannis, Papæ et Mart.; tertia Oratio, Temp. Pasch., de sancta Maria, Concède. 1*; extra Temp. Pasch., A cunctis. 56*.

Oratio.

DEUS, qui nos beati Joannis, Martyris tui atque Pontificis, annua solennitate lætificas: concède propitius; ut ejus natalitia cõlimus, de ejusdem etiam protectione gaudeamus. Per Dñm nostrum.

Secreta.

MUNERA tibi, Dñme, dicata sanctifica: et intercedente beato Joanne, Martyre tuo atque Pontifice, per eadem nos placatus intènde. Per Dñm.

Postcommunio.

HÆC nos commúnio, Dñme, purget a crimine: et intercedente beato Joanne, Martyre tuo atque Pontifice, cœlestis remediĩ faciat esse consõrtes. Per Dñm.

EADEM DIE

S. JOANNIS, PAPÆ ET MART.

Tempore Paschali, Missa Protexisti me, de Comm. 6*. Extra hoc Tempus. Missa Sacerdõtes, de Communi. 3*.

DIE XXX

S. FELICIS, PAPÆ ET MARTYRIS

Tempore Paschali, Missa Protexisti me. 6*. Extra hoc Tempus, Missa Státuit, de Comm. unius Mart. Pont. 2*.

DIE XXXI
IN FESTO

SANCTÆ ANGELÆ MERICI, VIRG.

Missa Dilexisti, de Comm. Virg. 21*,
præter Orationes sequentes.

Oratio.

DEUS, qui novum per beatam Angelam sacrarum virginum collégium in Ecclesia tua florêscere voluisti: da nobis, ejus intercessiõne, angelicis mõribus vivere; ut, terrénis õmnibus abdicatis, gaudiis pẽfrui mereamur ætérnis. Per.

Et fit Commem. sanctæ Petronillæ. Virg.

Oratio.

EXÁUDI nos, Deus salutáris noster: ut, sicut de beatæ Petronillæ, Virginis tuæ, festivitáte gaudemus; ita piæ devotiõnis erudiámur affectu. Per Dñm.

Secreta.

HÓSTIA, Dñme, quam tibi, beatæ Angelæ memoriã recolentes, offerimus, et nostræ pravitatis véniam implõret, et grátia tuæ nobis dona conciliet. Per.

Pro sancta Petronilla.

Secreta.

ACCÉPTA tibi sit, Dñme, sacratæ plebis oblãtio pro tuõrum honõre Sanctõrum: quorum se méritis de tribulatione percepiisse cognõscit auxilium. Per.

Postcommunio.

CELÉSTI alimõnia refecti, súplices te, Dñme, deprecámur: ut beatæ Angelæ precibus et exẽplo, ab omni labe mundãti, et corpore tibi placeámus et mente. Per Dñm.

Pro sancta Petronilla.

Postcommunio.

SATIÁSTI, Dñme, familiam tuam munéribus sacris: ejus, quæsumus, semper interventiõne nos réfove, ejus solémnia celebrámus. Per Dñm.

EADEM DIE

SANCTÆ PETRONILLÆ, VIRG.

Missa Vultum tuum, de Comm. Virg. non Mart. 22*.

FER. VI POST OCT. SS. CORPORIS CHRISTI
IN FESTO SS. CORDIS JESU

Introitus. Jer. in Thren. 3.

MISERÉBITUR secundum multitudinem miserationum suarum : non enim humiliávit ex Corde suo, et abjécit filios hóminum : bonus est Dóminus sperántibus in eum, animæ quærénti illum, allelúia, allelúia. Ps. 88. Misericórdias Dómini in ætérnum cantábo, in generatiónem et generatiónem. ̃. Glória Patri. Miserébitur.

Oratio.

CONCÉDE, quæsumus, omnipotens Deus : ut qui in sanctíssimo dilécti Filii tui Corde gloriántis, præcipua in nos charitátis ejus beneficia recólimus, eórum páriter et actu delectémur, et fructu. Per eúndem Dóminum.

Lectio Isaíæ Prophétæ. Cap. 12.

CONFITÉBOR tibi, Dómine, quóniam irátus es mihi : conversus est furor tuus, et consolátus es me. Ecce Deus Salvátor meus, fiduciáliter agam, et non timébo : quia fortitúdo mea et laus mea Dóminus, et factus est mihi in salútem. Hauriétis aquas in gáudio de fón-tibus Salvatóris. Et dicétis in die illa : Confitémini Dómino, et invocáte nomen ejus : mementóte quóniam excélsus est nomen ejus. Cantáte Dómino, quóniam magnífice fecit : annuntiáte hoc in univér-sa terra. Exsúlta et lauda, habitátio Sion, quia magnus in médio tui Sanctus Israel.

Graduale. Thren. 1. O vos omnes qui transítis per viam, atténdite, et vidéte si est dolor sicut dolor meus. ̃. Joan. 13. Cum dilexisset suos qui erant in mundo, in finem diléxit eos.

Allelúia, allelúia. ̃. Matth. 11. Discite a me quia mitis sum et húmilis Corde, et inveniétis réquiem animábus vestris. Allelúia.



Sequéntia sancti Evangélíi secundum Joánnem. Cap. 19.

IN illo témpore : Judæi, quóniam Parascéve erat, ut non remanérent in Cruce córpora sábbato (erat enim magnus dies ille sábbati), rogavérunt Pilátum ut fran-

geréntur eórum crura, et tolleréntur. Venérunt ergo milites, et primi quidem fregérunt crura, et altérius qui crucifixus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura : sed unus militum lancea latus ejus aperuit, et continuo exívit sanguis et aqua. Et qui vidit, testimónium perhibuit : et verum est testimónium ejus. Credo.

Offertorium. Ps. 102. Bénedic, anima mea, Dómino, et noli oblivisci omnes retributiónes ejus, qui replet in bonis desidérium tuum, allelúia.

Secreta.

TUÉRE nos, Dómine, tua tibi holocáusta offeréntes : ad quæ, ut fervéntius corda nostra præparéntur, flammis adúre tuæ divínæ charitátis. Qui vivis.

Præfatio de Cruce.

Communio. Ps. 68. Improperium expectávit Cor meum et misériam : et sustinui qui simul contristarétur, et non fuit : et qui consolaretur, et non invéni, allelúia.

Postcommunio.

PACÍFICIS pasti deliciis et salutáribus sacraméntis, te súpplices exorámus, Dómine Deus noster : ut qui mitis es et húmilis Corde, nos a vitiórum labe purgátos, propénsius fácias a supérbis sæculi vanitatibus abhorrére. Qui vivis.

FESTA JUNII

DIE II

SS. MARCELLINI, PETRI ET ERASMI

MARTYRUM

Introitus. Ps. 33.

CLAMAVÉRUNT justí, et Dóminus exaudivit eos, et ex ómnibus tribulatióibus eórum liberávit eos. Ps. Benedicám Dóminum in omni témpore : semper laus ejus in ore meo. ̃. Glória Patri. Clamavérunt.

Oratio.

DEUS, qui nos ánnua beatórum Mártýrum tuórum Marcellíni, Petri atque Erásmi solemnitate lætificas : præ-


sta, quæsumus; ut quorum gaudemus méritis, accendámur exémpis. Per.

Lectio Epistolæ beáti Pauli Apóstoli ad Romános. *Cap. 8.*

FRATRES, Non sunt condignæ passiones hujus téporis ad futuram glóriam quæ revelábitur in nobis. Nam expectatio creaturæ revelatióem filiórum Dei expéctat. Vanitati enim creatúra subjécta est non volens, sed propter eum qui subjécit eam in spe: quia et ipsa creatúra liberábitur a servitute corruptiōnis, in libertatem glóriæ filiórum Dei. Scimus enim quod omnis creatúra ingemiscit, et párturit usque adhuc. Non solum autem illa, sed et nos ipsi, primitias spiritus habéntes: et ipsi intra nos géminus, adoptiōnem filiórum Dei expectántes, redemptiōnem córporis nostri.

Graduale. Ps. 33. Clamavérunt justí, et Dóminus exaudivit eos: et ex ómnibus tribulatiōibus eórum liberávit eos. *ŷ.* Juxta est Dóminus his qui tribulati sunt corde, et húmiles spíritu salvábit.

Allelúia, allelúia. *ŷ. Joan. 15.* Ego vos elégi de mundo, ut eátis, et fructum afferátis, et fructus vester máneat. Allelúia.

 Sequéntia sancti Evangélii secúndum Lucam. *Cap. 21.*

IN illo tépore: Dixit Jesus discipulis suis: Cum audiéritis prælia et sedi-tiones, nolite terréri: opórtet primum hæc fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terræmótus magni erunt per loca, et pestiléntiæ, et fames, terrorésque de cœlo, et signa magna erunt. Sed ante hæc ómnia injicient vobis manus suas, et persequéntur tradéntes in synagógas et custódias, trahéntes ad reges et præsidés propter nomen meum. Contínget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os, et sapiéntiam, cui non póterunt resistere et contradícere omnes adversárii vestri. Tradémini autem a paréntibus, et frátribus, et cogná-tis, et amicis, et morte afficient ex vobis.

Et éritis ódio ómnibus propter nomen meum. Et capillus de cápite vestro non peribit. In patiéntia vestra possidebítis ánimas vestras.

Offertorium. Ps. 31. Lætámini in Dómino, et exultáte, justí: et gloriámini, omnes recti corde.

Secreta.

HÆC hóstia, quæsumus, Dómine, quam sanctórum Mátyrum tuórum natalitia recenséntes offerimus, et vinctula nostræ pravitátis absólvat, et tuæ nobis misericórdiæ dona conciliet. Per.

Communio. Sap. 3. Justórum ánimæ in manu Dei sunt, et non tanget illos tormentum malitiæ: visi sunt óculis insipientium mori, illi autem sunt in pace.

Postcommunio.

SACRO múnere satiáti, súpplices te, Dómine, deprecámur: ut quod débite servitútis celebrámus officio, salvatiōnis tuæ sentiámus augméntum. Per.

DIE IV
IN FESTO

S. FRANCISCI CARACCILO, CONF.

Introitus. Pss. 21 et 68.

FACTUM est cor meum tamquam cera liquescens in médio ventris mei: quóniam zelus domus tuæ comédit me (*T. P., allelúia, allelúia*). *Ps. 72.* Quam bonus Israel Deus his qui recto sunt corde! *ŷ. Glória Patri. Factum.*

Oratio.

DEUS, qui beátum Franciscum, novi Ordinis Institutórem, orándi stúdio et pœniténtiæ amóre decorásti: da fámulis tuis in ejus imitatiōe ita proficere; ut semper orántes, et corpus in servitútem redigéntes, ad cœléstem glóriam pervenire mereántur. Per.

Lectio libri Sapiéntiæ. *Cap. 4.*

JUSTUS, si morte præoccupátus fuérit, in refrigerio erit. Senéctus enim venerábilis est non diutúrna, neque annórum número computáta: caní autem sunt sensus hómínis, et ætas senectútis vita immaculáta. Placens Deo factus est diléctus, et vivens inter peccatóres, translátus est. Raptus est, ne malitia

mutáret intelléctum ejus, aut ne fictio deciperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malitia. Consummátus in brevi explévit témpora multa : plácita enim erat Deo ánima illius : propter hoc properávit educere illum de médio iniquitátum.

Graduale. Ps. 41. Quemádmódum desiderat cervus ad fontes aquárum, ita desiderat ánima mea ad te, Deus. *ŷ.* Ps., *ibid.* Sitívit ánima mea ad Deum fortem, vivum.

Allelúia, allelúia. *ŷ.* Ps. 72. Defécit caro mea et cor meum. Deus cordis mei, et pars mea Deus in ætérnum. Allelúia.

Tempore Paschali omittitur Graduale. et ejus loco dicitur

Allelúia, allelúia. *ŷ.* Ps. 64. Beátus quem elegisti et assumpsisti, inhabitábit in átriis tuis. Allelúia. *ŷ.* Ps. 14. Dispérsit, dedit paupéribus : justítia ejus manet in sæculum sæculi. Allelúia.



Sequéntia sancti Evangélíi secúndum Lucam. Cap. 12.

In illo témpore : Dixit Jesus discípulis suis : Sint lumbi vestri præcincti, et lucernæ ardéntes in má nibus vestris : et vos símiles homínibus expectántibus dómínum suum quando revertátur a nuptiis : ut cum vénerit, et pulsáverit, conféstim apériant ei. Beáti servi illi, quos, cum vénerit dómínus, invénerit vigilátes : amen dico vobis, quod præcínget se, et faciet illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitôte, quóniam si sciret paterfamilias quâ hora fur veníret, vigiláret útique, et non síneret pérfodi domum suam. Et vos estóte paráti, quia quâ hora non putátis, Fílius homínis veníet.

Offertorium. Ps. 91. Justus ut palma florébit : sicut cedrus Líbani multiplicábitur (T. P., allelúia).

Secreta.

DA nobis, clementíssime Jesu, ut præclára beáti Francísci mérita recolén-

tes, eódem nos, ac ille, charitátis igne succénsi, digne in circúitu sacræ hujus mensæ tuæ esse valeámus. Qui vivis.

Communio. Ps. 30. Quam magna multitúdo dulcedínis tuæ, Dómine, quam abscondísti tíméntibus te! (T. P., allelúia.)

Postcommunio.

SACROSANCTI sacrificií, quæsumus, Dómine, quod hódie, in solemnitate beáti Francísci, tuæ obtúlimus Majestáti, grata semper in méntibus nostris memória perseveret, et fructus. Per.

DIE V

IN FESTO S. BONIFACII

EPISCOPI ET MARTYRIS

Introitus. Is. 65.

EXSULTÁBO in Jerúsalem, et gaudebo in pópulo meo : et non audiétur in eo ultra vox fletus et vox clamóris. Elécti mei non laborábunt frustra, neque generábunt in conturbatióne : quia semen benedictórum Dómini est, et nepótes eórum cum eis (T. P., allelúia, allelúia). Ps. 43. Deus, áuribus nostris audívimus : patres nostri narráverunt opus quod operátus es in diébus eórum. *ŷ.* Glória Patri. Exsultábo.

Oratio.

DEUS, qui multitudínem populórum, beáti Bonifácii, Mátyris tui atque Pontificis, zelo, ad agnitióem tui nóminis vocáre dignátus es : concéde propítius ; ut cujus solémnia cólimus, étiam patrocínia sentiámus. Per Dómínum.

Lectio libri Ecclesiástici. Eccli. 44.

LAUDÉMUS viros gloriósos, et paréntes h. nostros in generatióne sua. Multam glóriam fecit Dómínum magnificéntia sua a sæculo. Dominántes in potestátibus suis, homínes magni virtúte, et prudéntia sua præditi, nuntiántes in prophétis dignitátem prophetárum, et imperántes in præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum. Hómines dívites in virtúte, pulchritúdinis stúdiu habéntes : pacificántes in dó-


mibus suis. Omnes isti in generatiōibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérent nomen narrándi laudes eórum : et sunt quorum non est memória : periérunt quasi qui non fúerint : et nati sunt, quasi non nati, et filii ipsórum cum ipsis. Sed illi viri misericórdiæ sunt, quorum pietátes non defuérint : cum sémine eórum permanet bona, hæréditas sancta nepótes eórum, et in testaméntis stetit semen eórum : et filii eórum propter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum núntiet ecclésia.

Graduale. I Petr. 4. Communicántes Christi passiōibus gaudéte, ut in revelatiōe glóriæ ejus gaudeátis exsultántes. *ŷ.* Si exprobrámini in nómine Christi, beáti éritis : quóniam quod est honóris, glóriæ et virtútis Dei, et qui est ejus spíritus, super vos requiēscet.

Allelúia, allelúia. *ŷ.* Is. 66. Declinábo super eum quasi flúvium pacis, et quasi torréntem inundántem glóriam. Allelúia.

Tempore Paschali omittitur Graduale, et ejus loco dicitur

Allelúia, allelúia. *ŷ.* Is. 66. Lætámini cum Jerúsalem, et exsultáte in ea, omnes qui dilígitis Dóminum. Allelúia. *ŷ.* Vidébitis, et gaudébit cor vestrum : cognoscétur manus Dómini servis ejus. Allelúia.

 Sequéntia sancti Evangélii secúndum Matthæum. Cap. 5.

In illo témpore : Videns Jesus turbas, ascendit in montem, et cum sedisset, accessérunt ad eum discípuli ejus, et apériens os suum, docébat eos, dicens : Beáti paúperes spíritu : quóniam ipsórum est regnum cœlórum. Beáti mites : quóniam ipsi possidébunt terram. Beáti qui lugent : quóniam ipsi consolabúntur. Beáti qui esúriunt et sitiunt justitiam : quóniam ipsi saturabúntur. Beáti mise-

ricórdes : quóniam ipsi misericórdiam consequéntur. Beáti mundo corde : quóniam ipsi Deum vidébunt. Beáti pacífici : quóniam filii Dei vocabúntur. Beáti qui persecutióem patiúntur propter justitiam : quóniam ipsórum est regnum cœlórum. Beáti estis cum maledixerint vobis, et persecúti vos fúerint, et dixerint omne malum advérsus vos mentiéntes, propter me : gaudéte et exsultáte, quóniam merces vestra copiósa est in cœlis.

Offertorium. Ps. 15. Benedicam Dóminum, qui tribuit mihi intelléctum : providébam Deum in conspéctu meo semper, quóniam a dextris est mihi, ne commóvear (T. P., allelúia).

Secreta.

SUPER has hóstias, Dómine, quæsumus, benedictio copiósa descéndat : quæ et sanctificatióem nostram misericórditer operétur, et de sancti Bonifácii, Mártiris tui atque Pontificis, faciát solemnitate gaudére. Per Dóminum.

Communio. Apoc. 3. Qui vicerit, dabo ei sedére mecum in throno meo : sicut et ego vici, et sedi cum Patre meo in throno ejus (T. P., allelúia).

Postcommunio.

SANCTIFICÁTI, Dómine, salutári mystério : quæsumus ; ut nobis sancti Bonifácii, Mártiris tui atque Pontificis, pia non desit orátio, cujus nos donásti patrocinio gubernári. Per Dóminum.

DIE VI IN FESTO S. NORBERTI

EPISCOPI ET CONFESSORIS

Missa Státuit, ut in Comm. Conf. Pont. 12*, præter Orationem sequentem.

Oratio.

DEUS, qui beátum Norbértum, Confessórem tuum atque Pontificem, verbi tui præcónem exímium effecisti, et per eum Ecclesiám tuam nova prole fecundásti : præsta, quæsumus ; ut ejúsdem suffragántibus méritis, quod ore simul et ópere dócuit, te adjuvánte exercére valeámus. Per Dóminum.

DIE IX

SS. PRIMI ET FELICIANI, MART.

Introitus. Eccli. 44.

SAPIËNTIAM sanctórum narrent pópuli, et landes eórum núnctiet Ecclesiá : nómina autem eórum vivent in sæculum sæculi. Ps. 32. Exsultáte, justi, in Dómino : rectos decet collandatio. *ŷ.* Glória Patri. Sapiéntiam.

Oratio.


FAC nos, quæsumus, Dómine, sanctórum Mártyrum tuórum Primi et Feliciani semper festa sectári : quorum suffrágiis protectiónis tuæ dona sentiámus. Per Dóminum.

Lectio libri Sapiéntiæ. Cap. 5.

JUSTI autem in perpétuum vivent, et apud Dóminum est merces eórum, et cogitatio illórum apud Altissimum. Ideo accipient regnum decóris, et diadéma speciéi de manu Dómini : quóniam dextera sua teget eos, et bráchio sancto suo deféndet illos. Accipiet armatúram zelus illius, et armábit creatúram ad ultiónem inimicórum. Induet pro thoráce justitiam, et accipiet pro gálea iudicium certum. Sumet scutum inexpugnabile, æquitátem.

Graduale. Ps. 88. Confitebúntur celi mirabilia tua, Dómine : etenim veritátem tuam in Ecclesiá sanctórum. *ŷ.* Misericórdias tuas, Dómine, in ætérnum cantábo, in generatióne et progénie.

Allelúia, allelúia. *ŷ.* Hæc est vera fraternitas, quæ vicit mundi crimina : Christum secúta est, inclyta tenens regna cœlestia. Allelúia.

 Sequéntia sancti Evangélii secundum Matthæum. Cap. 11.

IN illo témpore : Respóndens Jesus, dixit : Confiteor tibi, Pater, Dómine cœli et terræ, quia abscondisti hæc a sapiéntibus et prudéntibus, et revelásti ea párvulis. Ita, Pater : quóniam sic fuit plácitum ante te. Omnia mihi trádicta sunt a Patre meo. Et nemo novit Filium, nisi Pater : neque Patrem quis novit, nisi Filius, et cui volúerit Filius reveláre. Veníte ad me, omnes qui la-

borátis et onerátis estis, et ego reficiam vos. Tóllite jugum meum super vos, et discite a me quia mitis sum et húmilis corde : et inveniétis réquiem animábus vestris. Jugum enim meum suáve est, et onus meum leve.

Offertorium. Ps. 67. Mirábilis Deus in Sanctis suis : Deus Israel ipse dabit virtútem et fortitúdinem plebi suæ : benedíctus Deus, allelúia.

Secreta.

FIAT tibi, quæsumus, Dómine, hóstia sacránda placábilis, pretiósí celebritáte martyrii : quæ et peccáta nostra purificet, et tuórum tibi vota conciliet famulórum. Per Dóminum.

Communio. Joan. 13. Ego vos elégi de mundo, ut eátis, et fructum afferátis, et fructus vester máneat.

Postcommunio.

QUÆSUMUS, omnipotens Deus : ut sanctórum Mártyrum tuórum Primi et Feliciani cœlestibus mystériis celebráta solémnitas, indulgéntiam nobis tuæ propitiatiónis acquirat. Per Dóminum.

DIE X

IN FESTO S. MARGARITÆ, REG. SCOTIÆ

Missa Cognóvi, de Comm. nec Virg. nec Mart. 25*, præter Orat. seq.

Oratio.

DEUS, qui beátam Margaritam reginam exímia in páuperes charitáte miráblem effecisti : da, ut ejus intercessiône et exémplo, tua in córdibus nostris charitas júgiter augeátur. Per Dóminum.

Temp. Pasch., secunda Orat., de sancta Maria, Concède ; tertia, Ecclesiæ, vel pro Papa. 1* ; extra Temp. Pasch., secunda Orat., A cunctis. 56*, tertia ad libitum.

DIE XI

IN FESTO S. BARNABÆ, APOST.

Introitus. Ps. 138.

MIHI autem nimis honoráti sunt amici tui, Deus : nimis confortátus est principátus eórum. Ps. Dómine, probásti me, et cognovisti me : tu cognovisti sessiõem meam et resurrectiõem meam. *ŷ.* Glória Patri. Mihi.

Oratio.

DEUS, qui nos beáti Bárnabæ, Apóstoli tui, méritis et intercessióne lætificas : concéde propítius ; ut qui tua per eum beneficia póscimus, dono tuæ grátie consequámur. Per Dóminum.

Lectio Actuum Apostolorum.

Act. 11 et 13.

IN diébus illis : Multus númerus credéntium Antiochiæ convérsus est ad Dóminum. Pervénit autem sermo ad aures Ecclésiæ quæ erat Jerosólymis, super istis : et misérunt Bárnabam usque ad Antiochiám. Qui cum pervenisset, et vidisset grátiam Dei, gavisus est, et hortabátur omnes in propósito cordis permanére in Dómino ; quia erat vir bonus, et plenus Spíritu sancto et fide. Et appósita est multa turba Dómino. Profectus est autem Bárnabas Tarsum, ut quæreret Saulum : quem cum invenisset, perdúxit Antiochiám. Et annum totum conversáti sunt ibi in Ecclésia : et docuérunt turbam multam, ita ut cognominaréntur primum Antiochiæ discipuli, Christiáni. Erant autem in Ecclésia quæ erat Antiochiæ prophétæ et doctóres, in quibus Bárnabas, et Simon, qui vocabátur Niger, et Lúcius Cyrenénsis, et Mánahen, qui erat Heródís Tetrárchæ collectáneus, et Saulus. Ministrántibus autem illis Dómino, et jejunántibus, dixit illis Spíritus sanctus : Segregáte mihi Saulum et Bárnabam in opus ad quod assúmpsi eos. Tunc jejunátes et orántes, imponentesque eis manus, dimiserunt illos.

Graduale. Ps. 18. In omnem terram exívit sonus eórum, et in fines orbis terræ verba eórum. **ŷ.** Cœli enarrant glóriam Dei, et ópera mánuum ejus annúntiat firmaméntum.

Allelúia, allelúia. **ŷ. Joan. 15.** Ego vos elégi de mundo, ut cátis, et fructum afferátis, et fructus vester máneat. Allelúia.



Sequéntia sancti Evangélíi secúndum Matthæum. **Cap. 10.**

IN illo témpore : Dixit Jesus discipulis suis : Ecce ego mitto vos sicut oves in

médio lupórum. Estóte ergo prudéntes sicut serpéntes, et simplices sicut colúmbæ. Cavéte autem ab homínibus. Tradent enim vos in conciliis, et in synagógis suis flagellábunt vos : et ad præsidés et ad reges ducémini propter me, in testimónium illis et géntibus. Cum autem tradent vos, nolíte cogitáre quómodo aut quid loquámini : dábatur enim vobis in illa hora quid loquámini. Non enim vos estis qui loquímmini, sed Spíritus Patris vestri, qui loquitur in vobis. Tradet autem frater fratrem in mortem, et pater filium : et insúrgent filii in patréntes, et morte eos afficient : et éritis ódio ómnibus propter nomen meum : qui autem perseveráverit usque in finem, hic salvus erit. Credo.

Offertorium. Ps. 44. Constitúes eos príncipes super omnem terram : mémoires erunt nóminis tui, Dómine, in omni progénie et generatióne.

Secreta.

MÚNERA, Dómine, obláta sanctifica : et intercedénte beáto Bárnaba, Apóstolo tuo, nos per hæc a peccatórum nostrórum máculis emúnda. Per.

Præfatio de Apostolis.

Communio. Matth. 19. Vos qui secúti estis me, sedébitis super sedes, judicántes duódecim tribus Ísrael.

Postcommunio.

SÚPLICES te rogámus, omnípotens Deus : ut quos tuis rélicis sacraméntis, intercedénte beáto Bárnaba, Apóstolo tuo, tibi étiam plácitis móribus dignánter tribuas deservíre. Per.

Tempore Paschali Missa dicitur ut in Festo S. Marci. 343, præter Orationes, Epist. et Evang. quæ dicuntur ut supra.

DIE XII
IN FESTO

S. JOANNIS A S. FACUNDO, CONF.

Missa Os justí, de Comuni Conf. non Pont. 16*, præter Orat. seq.

Oratio.

DEUS, auctor pacis et amátor charitátis, qui beátum Joánnem, Confes-

sórem tuum, mirífica dissidentes componendi grátia decorásti : ejus méritis et intercessióne concéde; ut in tua charitate firmáti, nullis a te tentatióibus separémur. Per Dóminum.

Et fit Commem. SS. Basilidis, Cyrini, Naboris et Nazarii, Mart., cum Oratióibus ex seq. Missa.

EADEM DIE

SS. MARTYRUM

BASILIDIS, CYRINI, NABORIS ET NAZARII

Introitus. Ps. 78.

INTRET in conspéctu tuo, Dómine, gémitus compeditórum : redde vicinis nostris séptuplum in sinu eórum : vindica sánguinem sanctórum tuórum, qui effusus est. Ps. Deus, venérunt gentes in hæreditátem tuam, polluérunt templum sanctum tuum : posuérunt Jerúsalem in pomórum custódiam. ʒ. Glória Patri. Intret.

Oratio.


SANCTÓRUM Mátyrum tuórum Basilidis, Cyrini, Naboris atque Nazarii, quæsumus, Dómine, natalítia nobis votiva resplédeant, et quod illis cóntulit excelléntia sempitérna, fructibus nostræ devotióinis aceréscat. Per Dóminum nostrum Jesum Christum.

Léctio Epístolæ beáti Pauli Apóstoli ad Hebræos. Cap. 10.

FRATRES, Rememorámini prístinos dies, in quibus illumináti, magnum certámen sustinuistis passiónum : et in áltero quidem oppróbriis et tribulatióibus spectáculum facti, in áltero autem sócii fátiliter conversántium effécti. Nam et vinetis compássi estis, et rapínam bonórum vestrórum cum gáudio suscepístis, cognoscéntes vos habére meliorem et manéntem substántiam. Nolite itaque amittere confidéntiam vestram, quæ magnam habet remuneratióem. Patiéntia enim vobis necessária est, ut voluntátem Dei faciéntes, reportétis promissió-nem. Adhuc enim módicum aliquántulum, qui ventúrus est, véniet et non tardábit. Justus autem meus ex fide vivit.

Graduale. Ps. 78. Vindica, Dómine, sánguinem sanctórum tuórum, qui effusus est. ʒ. Posuérunt mortália servórum tuórum escas volatilibus cœli, carnes sanctórum tuórum béstiis terræ.

Allelúia, allelúia. ʒ. Eccli. 44. Córpora sanctórum in pace sepúlta sunt, et nómina eórum vivent in generatióem et generatióem. Allelúia.

 Sequéntia sancti Evangélíi secundum Matthæum. Cap. 24.

IN illo témpore : Sedénte Jesu super montem Olivéti, accessérunt ad eum discipuli secréto, dicéntes : Dic nobis quando hæc erunt? et quod signum adventus tui, et consummatiósni sæculi? Et respóndens Jesus, dixit eis : Vidéte ne quis vos seducat. Multi enim vénient in nómine meo, dicéntes : Ego sum Christus : et multos sedúcent. Auditóri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terrámótus per loca. Hæc autem ómnia inítia sunt dolórum. Tunc tradent vos in tribulatióem, et occident vos : et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébunt invicem. Et multi pseudoprophétæ surgent, et sedúcent multos. Et quóniam abundávit iniquitas, refrigéscet cháritas multórum. Qui autem perseveráverit usque in finem, hic salvus erit.

Offertorium. Ps. 149. Exsultábunt sancti in glória, letabúntur in cubilibus suis : exaltatióes Dei in fáucibus eórum.

Secreta.

PRO sanctórum tuórum Basilidis, Cyrini, Naboris atque Nazarii ságuine venerádo hóstias tibi, Dómine, solémniter immolámus, tua mirabilia pertractáutes : per quem talis est perfécta victória. Per Dóminum nostrum Jesum Christum.

Communio. Ps. 78. Posuérunt mor-

tália servórum tuórum, Dómine, escas volatilibus cœli, carnes sanctórum tuórum béstis terræ : secundum magnitudinem bráchii tui pösside filios morte punitórum.

Postcommunio.

SEMPER, Dómine, sanctórum Mártyrum tuórum Basilidis, Cyríni, Náboris atque Nazátii solénnia celebrántes : præsta, quæsumus ; ut eórum patrocínia júger sentíamus. Per.

DIE XIII

IN FESTO S. ANTONII DE PADUA, CONF.

Introitus. Ps. 36.

Os justi meditabitur sapiéntiam, et lingua ejus loquétur júdicium : lex Dei ejus in corde ipsíus. **Ps.** Noli æmulári in malignántibus : neque zeláveris faciéntes iniquitátem. **ŷ.** Glória. Os.

Oratio.

ECCLÉSIAM tuam, Deus, beáti Antónii, Confessóris tui, solénnitas votiva lætíficet : ut spirituális semper muníatur auxiliis, et gáudiis pérfrui mereátur æternis. Per Dóminum.

Léctio Epistolæ beáti Pauli Apóstoli ad Corinthios. **I Cor. 4.**

FRATRES, Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo : nos infirmi, vos autem fortes : vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : maledicimur, et benedicimus : persecutióne pátimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut confúndam vos hæc scribo, sed ut filios meos charíssimos móneo : in Christo Jesu Dómino nostro.

Graduale. Ps. 91. Justus ut palma florébit : sicut cedrus Libani multiplicabitur in domo Dómini. **ŷ.** Ad annuntiándum mane misericórdiam tuam, et veritátem tuam per noctem.

Alleluía, alleluía. **ŷ. Eccli. 45.** Amávit eum Dóminus, et ornávit eum : stolam glóriæ induit eum. Alleluía.



Sequéntia sancti Evangélii secundum Lucam. **Cap. 12.**

In illo témpore : Dixit Jesus discípulis suis : Sint lumbi vestri præcincti, et lucernæ ardéntes in mánibus vestris : et vos símiles homínibus expectántibus dómimum suum, quando revertátur a núptiis : ut cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes : amen dico vobis, quod præcínget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias qua hora fur veniret, vigiláret útique, et non síneret pérfodi domum suam. Et vos estóte paráti : quia qua hora non putátis, Filius hóminis véniet.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

PRÆSENS oblátio fiat, Dómine, pópulo tuo salutáris, pro quo dignátus es Patri tuo te vivéntem hóstiam immoláre. Qui cum eódem Deo Patre et Spíritu sancto vivis.

Communio. Matth. 24. Beátus servus quem, cum vénerit Dóminus, invénerit vigilántem : amen dico vobis, super ómnia bona sua constituet eum.

Postcommunio.

DIVINIS, Dómine, munéribus satiáti : quæsumus ; ut beáti Antónii, Confessóris tui, méritis et intercessióne, salutáris sacrificii sentíamus efféctum. Per.

DIE XIV

IN FESTO S. BASILII

EPISCOPI, CONF., ET ECCL. DOCTORIS

Introitus. Eccli. 15.

In médio Ecclésiæ apéruit os ejus, et implévit eum Dóminus spíritu sapiéntiæ et intelléctus : stolam glóriæ induit eum. **Ps. 91.** Bonum est confi-

téri Dómino, et psállere nómini tuo, Altíssime. *ŷ.* Glória Patri. In médio.

Oratio.

EXÁUDI, quæsumus, Dómine, preces nostras, quas in beáti Basilii, Confessóris tui atque Pontificis, solemnitate deférimus : et qui tibi digne méruit famulári, ejus intercedéntibus méritis, ab ómnibus nos absólve peccátis. Per.

Léctio Epistolæ beáti Pauli Apóstoli ad Timótheum. *II Tim. 4.*

CHARÍSSIME, Testifícor cum Deo et Jesu Christo, qui judicatúrus est vivos et mórtuos, per advéntum ipsius, et regnum ejus : prædica verbum, insta opportúne, importúne : árgue, óbseca, íncrepa in omni patiéntia et doctrína. Erit enim tempus, cum sanam doctrinam non sustinébunt, sed ad sua desideria coacervábunt sibi magistros pruriéntes áuribus : et a veritate quidem auditum avértent, ad fábulas autem converténtur. Tu vero vigila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliqua repósita est mihi coróna justitiæ, quam reddet mihi Dóminus in illa die justus judex : non solum autem mihi, sed et iis qui dilígunt advéntum ejus.

Graduale. Ps. 36. Os justí meditábitur sapiéntiam, et lingua ejus loquétur judícium. *ŷ.* Lex Dei ejus in corde ipsíus : et non supplantabúntur gressus ejus.

Alleluia, alleluia. *ŷ.* *Ps. 88.* Invéni David servum meum, óleo sancto meo unxi eum. Alleluia.



Sequéntia sancti Evangelíi secundum Lucam. *Cap. 14.*

IN illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrin ædificáre, non prius sedens

cómputat sumptus qui necessarií sunt, si hábeat ad perficiéndum : ne, posteaquam posúerit fundaméntum, et non potúerit perficere, omnes qui vident, incípiant illúdere ei, dicéntes : Quia hic homo cepit ædificáre, et non pótuít consummáre? Aut quis rex itúrus committere bellum advérsus álium regem, non sedens prius cogitat si possit cum viginti millibus occurrere ei qui cum viginti millibus venit ad se? Alióquin adhuc illo longe agente, legatiónem mittens, rogat ea quæ pacis sunt. Sic ergo omnis ex vobis qui non renúntiat ómnibus quæ póssidet, non potest meus esse discipulus. Bonum est sal. Si autem sal evanúerit, in quo condietúr? Neque in terram, neque in sterquilínium útile est, sed foras mittétur. Qui habet aures audiéndi, áudiat. Credo.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

SANCTI Basilii, Confessóris tui atque Pontificis, quæsumus, Dómine, ánnua solémnis pietáti tuæ nos reddat accéptos : ut per hæc piæ placatiónis officia, et illum beáta retribútio comitetúr, et nobis grátia tuæ dona conciliet. Per.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

DEUS, fidélium remunerátor animárum, præsta : ut beáti Basilii, Confessóris tui atque Pontificis, ejus venerándam celebráms festivitátem, préciibus indulgéntiam consequámur. Per Dóminum.

DIE XV

SS. MARTYRUM

VITI, MODESTI ATQUE CRESCENTIÆ

Introitus. Ps. 33.

MULTÆ tribulatiónes justórum, et de his ómnibus liberávit eos Dóminus : Dóminus custódit ómnia ossa eórum : unum ex his non conterétur. *Ps. Benedicam Dóminum in omni*

témpore : semper laus ejus in ore meo.
 Ÿ. Glória Patri. Multæ.

Oratio.

DA Ecclésiæ tuæ, quæsumus, Dómine, sanctis Martyribus tuis Vito, Modesto atque Crescéntia intercedéntibus, supérbe non sápere, sed tibi plácita humilitáte proficere : ut prava despiciens, quæcúmque recta sunt, libera exerceat charitaté. Per Dóminum.

Lectio libri Sapiéntiæ. Cap. 3.

JUSTÓRUM ánimæ in manu Dei sunt, et non tanget illos torméntum mortis. Visi sunt óculis insipientium mori, et æstimáta est afflictio éxitus illórum : et quod a nobis est iter, exterminium : illi autem sunt in pace. Et si coram hominibus torménta passi sunt, spes illórum immortalitáte plena est. In paucis vexáti, in multis bene disponéntur : quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt justí, et tamquam scintillæ in arundinétó discurrent. Judicábunt natiónes, et dominabúntur pópulis, et regnabit Dóminus illórum in perpétuum.

Graduale. Ps. 149. Exsultábunt Sancti in glória : lætabúntur in cubilibus suis. Ÿ. Cantáte Dómino cánticum novum : laus ejus in Ecclésia sanctorum.

Allelúia, allelúia. Ÿ. Ps. 144. Sancti tui, Dómine, benedícunt te : glóriam regni tui dicent. Allelúia.



Sequéntia sancti Evangélii secúndum Lucam. Cap. 10.

IN illo témpore : Dixit Jesus discipulis suis : Qui vos audit, me audit, et qui vos spernit, me spernit. Qui autem me spernit, spernit eum qui misit me. Réversí sunt autem septuaginta duo cum gáudio, dicéntes : Dómine, étiam dæmónia subjiçiúntur nobis in nómine tuo. Et ait illis : Vidébam Sátanam sicut fulgur de cælo cadéntem. Ecce dedi vobis potestátem calcándi supra serpéntes, et scorpiones, et super omnem virtútem inimici : et nihil vobis nocébit. Verúntamen in hoc nolíte gaudére, quia spíritus

vobis subjiçiúntur : gaudéte autem, quod nómina vestra scripta sunt in cælis.

Offertorium. Ps. 67. Mirábilis Deus in Sanctis suis : Deus Israel ipse dabit virtútem et fortitúdinem plebi suæ : benedíctus Deus.

Secreta.

SICUT glóriam diviniæ poténtiæ múnera pro Sanctis oblata testántur, sic nobis efféctum, Dómine, tuæ salvatiónis impendant. Per Dóminum.

Communio. Sap. 3. Justórum ánimæ in manu Dei sunt, et non tanget illos torméntum malitiæ : visi sunt óculis insipientium mori, illi autem sunt in pace.

Postcommunio.

REPLÉTI, Dómine, benedictióne solémni : quæsumus ; ut per intercessiόνem sanctorum Mátyrum tuorum Viti, Modésti et Crescéntiæ, medicína sacraménti corpóribus nostris prosit, et méntibus. Per Dóminum.

DIE XVII

SS. MARCI ET MARCELLIANI

MARTYRUM

Introitus. Ps. 36.

SALUS autem justórum a Dómino, et protéctor eórum est in témpore tribulatiónis. Ps. Noli æmulári in malignántibus : neque zeláveris facientes iniquitátem. Ÿ. Glória Patri. Salus.

Oratio.

PRÆSTA, quæsumus, omnipotens Deus : ut qui sanctorum Mátyrum tuorum Marci et Marcelliáni natalítia cólimus ; a cunctis malis imminéntibus eórum intercessiόνibus liberémur. Per Dóminum.

Lectio Epístolæ beáti Pauli Apóstoli ad Romános. Cap. 5.

FRATRES, Justificáti ex fide, pacem habéamus ad Deum per Dóminum nostrum Jesum Christum : per quem et habéamus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatió nibus : sciéntes quod tribulatio patiéntiam operáitur, patiéntia autem probatió nem, probatio vero spem, spes autem non

confúndit : quia cháritas Dei diffúsa est in córdibus nostris per Spíritum sanctum, qui datus est nobis.

Graduale. Sap. 3. Justórum ánimæ in manu Dei sunt, et non tanget illos tormentum malitiæ. *ŷ.* Visi sunt óculis insipientium mori : illi autem sunt in pace.

Allelúia, allelúia. *ŷ.* Hæc est vera fraternitas, quæ numquam pótuít violári certámíne : qui, effúso ságuíne, secúti sunt Dóminum. Allelúia.



Sequéntia sancti Evangélii secúndum Lucam. **Cap. 11.**

In illo témpore : Dicébat Jesus scribis et pharisæis : Væ vobis, qui ædificátis monuménta Prophetárum : patres autem vestri occidérunt illos. Profécto testificámini quod consentitis opéribus patrum vestrórum : quóniam ipsi quidem eos occidérunt, vos autem ædificátis eórum sepúlcrá. Proptérea et sapiéntia Dei dixit : Mittam ad illos Prophétas et Apóstolos, et ex illis occident, et persequéntur : ut inquirátur sanguis ómnium Prophetárum, qui effúsus est a constitutióne mundi a generatióne ista, a ságuíne Abel, usque ad ságuinem Zachariæ, qui périit inter altáre et ædem. Ita dico vobis, requirétur ab hac generatióne.

Offertorium. Ps. 123. Anima nostra sicut passer erepta est de láqueo venántium : láqueus contritus est, et nos liberáti sumus.

Secreta.

MÚNERA tibi, Dómine, dicáta sanctífica : et intercedéntibus sanctis Martyribus tuis Marco et Marcelliáno, per eádem nos placátus inténde. Per.

Communio. Matth. 23. Amen dico vobis, quod uni ex mínimis meis fecistis, mihi fecistis : venite, benedicti Patris mei, possidéte parátum vobis regnum ab initio sæculi.

Postcommunio.

SALUTÁRIS tui, Dómine, múnere satiáti, súpplíces exorámus : ut cujus lætámur gustu, intercedéntibus sanctis Martyribus tuis Marco et Marcelliáno, renovémur effectú. Per Dóminum.

DIE XIX
IN FESTO

S. JULIANÆ DE FALCONERIIS, VIRG.

Missa Dilexisti, de Comm. Virg. 21*, præter Orationem sequentem.

Oratio.

DEUS, qui beátam Juliánam, Virginem tuam, extrémo morbo laborántem, pretiósó Filii tui córpore mirábiliter recreáre dignátus es : concéde, quæsumus ; ut, ejus intercedéntibus méritis, nos quoque eódem in mortis agóne refécti ac roboráti, ad celéstem pátriam perducámur. Per eúmdem Dóminum.

¶ Deinde fit Commem. de sanctis Martyribus Gervasio et Protasio, cum Orationibus ex sequenti Missa.

EADDEM DIE

SS. GERVASII ET PROTASII, MART.

Introitus. Ps. 84.

LOQUÉTUR Dóminus pacem in plebem suam, et super sanctos suos, et in eos qui convertúntur ad ipsum. **Ps.** Benedixisti, Dómine, terram tuam : avertisti captivitátem Jacob. *ŷ.* Glória Patri. Loquétur.

Oratio.

DEUS, qui nos ánnua sanctórum Mártýrum tuórum Gervásii et Protásii solemnitate lætíficas : concéde propítius ; ut quorum gaudémus méritis, accendámur exémpis. Per Dóminum.

Léctio Epístolæ beáti Petri Apóstoli.


I Petr. 4.

CHARÍSSIMI, Communicántes Christi passió nibus, gaudéte, ut et in revelatióne glóriæ ejus gaudeátis exultántes. Si exprobrámini in nómine Christi, beáti éritis : quóniam quod est honóris, glóriæ et virtútis Dei, et qui est ejus Spíritus, super vos requiésceat. Nemo autem vestrum patiátur ut homicída, aut fur, aut malédicus, aut alienórum appetítor. Si autem ut christiánu s, non erubéscat : gloríficet autem Deum in isto nómine. Quóniam tempus est ut incípiat judícium a domo Dei. Si autem primum a nobis, quis finis eórum qui non cre-

dunt Dei Evangelio? Et si justus vix salvabitur, impius et peccator ubi parerunt? Itaque et hi qui patiuntur secundum voluntatem Dei, fideli Creatori commendent animas suas in beneficiis.

Graduale. Exodi 15. Gloriosus Deus in Sanctis suis : mirabilis in maiestate, faciens prodigia. *Ÿ.* Dextera tua, Domine, glorificata est in virtute : dextera manus tua confrégit inimicos.

Alleluia, alleluia. *Ÿ.* Hæc est vera fraternitas, quæ vicit mundi crimina : Christum secuta est, inclyta tenens regna cœlestia. Alleluia.

 Sequentia sancti Evangelii secundum Lucam. *Cap. 6.*

In illo tempore : Descendens Jesus de monte, stetit in loco campèstri, et turba discipulorum ejus, et multitudo copiosa plebis ab omni Judæa, et Jérusalem, et maritima, et Tyri, et Sidonis, qui venerant ut audirent eum, et sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere : quia virtus de illo exibat, et sanabat omnes. Et ipse, elevatis oculis in discipulos suos, dicebat : Beati pauperes, quia vestrum est regnum Dei. Beati qui nunc esuritis, quia saturabimini. Beati qui nunc fletis, quia ridebitis. Beati eritis cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete in illa die, et exultate : ecce enim merces vestra multa est in cœlo.

Offertorium. Ps. 31. Lætâmini in Domino, et exultate, justi : et gloriâmini, omnes recti corde.

Secreta.

Oblâtis, quæsumus, Domine, placare munèribus : et intercedentibus sanctis Martyribus tuis, a cunctis nos defende periculis. Per Dominum.

Communio. Ps. 78. Posuerunt mortalia servorum tuorum, Domine, escas volatilibus cœli, carnes sanctorum tuorum bestiis terræ : secundum magnitudinem brachii tui posside filios morte punitorum.

Postcommunio.

Hæc nos communiò, Domine, purget a crimine : et intercedentibus sanctis Martyribus tuis Gervasio et Protasio, cœlestis remediî faciât esse consortes. Per Dominum.

DIE XX

SANCTI SILVERII, PAPÆ ET MART.

Introitus. Eccli. 45.

Stâtuit ei Dominus testamentum pacis, et principem fecit eum : ut sit illi sacerdotiû dignitas in æternum. *Ps. 131.* Meménto, Domine, David, et omnis mansuetudinis ejus. *Ÿ.* Gloria Patri. Stâtuit.

Oratio.


Infirmitatem nostram respice, omnipotens Deus : et quia pondus propriæ actionis gravat, beati Silvérii, Mátyris tui atque Pontificis, intercessiò gloriôsa nos protéget. Per Dominum.

Lectio Epistolæ beati Judæ Apostoli.

Charíssimi, Mémores estôte verbórum quæ prædicta sunt ab Apóstolis Domini nostri Jesu Christi, qui dicebant vobis, quóniam in novissimo tempore venient illúsores, secundum desideria sua ambulantes in impietatibus. Hi sunt qui ségregant semetipsos, animáles, spiritum non habentes. Vos autem, charíssimi, superædificantes vosmetipsos sanctissimæ vestræ fidei, in Spíritu sancto orantes, vosmetipsos in dilectiòne Dei servate, exspectantes misericórdiam Domini nostri Jesu Christi in vitam æternam.

Graduale. Ps. 88. Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum. *Ÿ.* Nihil proficiet inimicus in eo, et filius iniquitatis non nocébit ei.

Alleluia, alleluia. *Ÿ.* *Ps. 109.* Tu es Sacerdos in æternum, secundum ordinem Melchisedech. Alleluia.

 Sequentia sancti Evangelii secundum Lucam. *Cap. 14.*

In illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios,

et fratres, et sorôres, adhuc autem et animam suam, non potest meus esse discipulus. Et qui non hâbulat crucem suam, et venit post me, non potest meus esse discipulus. Quis enim ex vobis volens turrim ædificâre, non prius sedens cômputat sumptus qui necessarij sunt, si hâbeat ad perficiendum: ne, posteaquam posuerit fundaméntum, et non potuerit perficere, omnes qui vident, incipiant illudere ei, dicentes: quia hic homo cepit ædificâre, et non pôtuit consummare? Aut quis rex iturus committere bellum adversus alium regem, non sedens prius cógitat si possit cum decem millibus occurrere ei qui cum viginti millibus venit ad se? Alióquin, adhuc illo longe agente, legationem mittens, rogat ea quæ pacis sunt. Sic ergo omnis ex vobis qui non renúnciat omnibus quæ pössidet, non potest meus esse discipulus.

Offertorium. Ps. 88. Véritas mea et misericórdia mea cum ipso, et in nómine meo exaltábitur corinú ejus.

Secreta.

HÓSTIAS tibi, Dómine, beáti Silvérii, Mártiris tui atque Pontificis, dicâtas méritis, benignus assúme, et ad perpetuum nobis tribue proveníre subsidium. Per Dóminum.

Communio. Ibid. Semel jurávi in sancto meo: semen ejus in ætérnum manébit: et sedes ejus sicut sol in conspéctu meo, et sicut luna perfécta in ætérnum, et testis in cœlo fidélis.

Postcommunio.

REFÉCTI participatióne múnieris sacri: quæsumus, Dómine Deus noster; ut cujus exsequimur cultum, intercedente beáto Silvério, Mártire tuo atque Pontifice, sentiámus effectum. Per.

DIE XXI

IN FESTO S. ALOYSII GONZAGÆ

CONFESSORIS

Introitus. Ps. 8.

MINUISTI eum paulo minus ab Angelis: glória et honóre coronásti eum. **Ps. 148.** Laudáte Dóminum, omnes Angeli ejus: laudáte eum,

omnes Virtútes ejus. **ŷ.** Glória Patri. Minuisti.

Oratio.

CELÉSTIUM donórum distribútor, Deus, qui in angélico júvene Aloysio miram vitæ innocéntiam pari cum peniténtia sociásti: ejus méritis et préciibus concede; ut innocéntem non secúti, peniténtem imitémur. Per Dóminum.

Lectio libri Sapientíæ. Ecclesi. 31.

BEÁTUS vir qui invéntus est sine mácula, et qui post aurum non ábiit, nec sperávit in pecúnia et thesauris. Quis est hic, et laudábitus eum? fecit enim mirabilia in vita sua. Qui probátus est in illo, et perféctus est, erit illi glória ætérna: qui pôtuit tránsgridi, et non est tránsgréssus: fácere mala, et non fecit: ideo stabilita sunt bona illius in Dómino.

Graduale. Ps. 70. Dómine, spes mea a juventúte mea: in te confirmátus sum ex útero; de ventre matris meæ tu es protéctor meus. **ŷ. Ps. 40.** Me autem propter innocéntiam suscepisti, et confirmásti me in conspéctu tuo in ætérnum.

Allelúia, allelúia. ŷ. Ps. 64. Beátus quem elegísti et assumpsisti: inhabitábit in átriis tuis. Allelúia.



Sequéntia sancti Evangélii secúndum Matthæum. **Cap. 22.**

IN illo témpore: Respóndens Jesus, ait sadducæis: Errátis, nesciéntes Scriptúras, neque virtútem Dei. In resurrectione enim neque nubent, neque nubéntur; sed erunt sicut Angeli Dei in cœlo. De resurrectione autem mortuórum non legístis quod dictum est a Deo dicente vobis: Ego sum Deus Abraham, et Deus Isaac, et Deus Jacob? Non est Deus mortuórum, sed vivéntium. Et audiéntes turbæ mirabántur in doctrína ejus. Pharisei autem audiéntes quod siléntium imposuisset sadducæis, convénérunt in unum: et interrogávit eum unus ex eis legis doctor, tentans eum: Magister, quod est mandátum magnum in Lege? Ait illi Jesus: Diliges Dóminum Deum tuum ex toto corde tuo, et in tota ánima tua, et in tota mente tua.

Hoc est máximum et primum mandátum. Secúndum autem símile est huic : Diliges próximum tuum sicut teípsum. In his duóbus mandátis univérsa Lex pendet, et Prophétæ.

Offertorium. Ps. 23. Quis ascéndet in montem Dómini, aut quis stabit in loco sancto ejus? Innocens mánibus, et mundo corde.

Secreta.

CÆLÉSTI convívio fac nos, Dómine, nuptiáli veste indútos accúmbere, quam beáti Aloysii pia præparátio et juges lácrymæ inæstimabilibus ornábant margaritis. Per Dóminum.

Communio. Ps. 77. Panem cœli dedit eis : panem Angelórum manducávit homo.

Postcommunio.

ANGELÓRUM esca nutritos, angélicis étiam, Dómine, da móribus vívere : et ejus, quem hódie cólimus, exémplo, in gratiárum semper actióne manére. Per Dóminum.

DIE XXII

SANCTI PAULINI, EPISC. ET CONF.

Introitus. Ps. 131.

SACERDÓTES tui, Dómine, induant justitiam, et sancti tui exsúltent : propter David servum tuum non avértas faciém Christi tui. **Ps.** Meménto, Dómine, David, et omnis mansuetúdinis ejus. **ŷ.** Glória Patri. Sacerdótes.

Oratio.

DA, quæsumus, omnipotens Deus : ut beáti Paulíni, Confessóris tui atque Pontificis, veneránda solémnitas, et devotióne nobis áugeat, et salútem. Per Dóminum.


Lectio Epístolæ beáti Pauli Apóstoli ad Corínthios. **II Cor. 8.**

FRATRES, Scitis grátiam Dómini nostri Jesu Christi, quóniam propter vos egénus factus est, cum esset dives, ut illíus inópia vos divites essétis. Et consílium in hoc do : hoc enim vobis útile est, qui non solum fácere, sed et velle cœpístis ab anno prióre. Nunc vero et

facto perficite, ut quemádmódum promptus est ánimus voluntátis, ita sit et perficiéndi ex eo quod habétis. Si enim volúntas prompta est secúndum id quod habet, accépta est, non secúndum id quod non habet. Non enim ut álís sit remissio, vobis autem tribulátio, sed ex æqualitáte. In præsénti témpore vestra abundántia illórum inópiam súppleat, ut et illórum abundántia vestræ inópiæ sit suppleméntum, ut fiat æqualitas, sicut scriptum est : Qui multum, non abundávit : et qui módicum, non minorávit.

Graduale. Eccli. 44. Ecce Sacérdos magnus, qui in diébus suis plácuít Deo. **ŷ.** Non est invéntus similis illi, qui conserváret legem Exeélsi.

Allelúia, allelúia. **ŷ. Ps. 109.** Tu es Sacérdos in ætérnum, secúndum órđinem Melchisedech. Allelúia.

 Sequéntia sancti Evangélii secúndum Lucam. **Cap. 12.**

In illo témpore : Dixit Jesus discipulis suis : Nolite timére, pusillus grex, quia complácuít Patri vestro dare vobis regnum. Véndite quæ possidéitis, et date elemósynam. Fácite vobis sácculos, qui non veteráscunt, thesáurum non deficién-tem in cœlis : quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos subique lætificent : ut dum eórum mérita recólimus, patrocínia sentiamus. Per.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

PRÆSTA, quæsumus, omnipotens Deus : ut de péceptis munéribus grátias exhibéntes, intercedénte beáto Paulino, Confessóre tuo atque Pontifice, beneficia potióra sumámus. Per Dóminum.

DIE XXIII

IN VIGILIA S. JOANNIS BAPTISTÆ

Introitus. Luc. 1.

NE timeas, Zachária, exáudita est oratio tua : et Elisabeth uxor tua páriet tibi filium, et vocábis nomen ejus Joánnem : et erit magnus coram Dómino : et Spíritu sancto replébitur adhuc ex útero matris suæ : et multi in nativité ejus gaudébunt. Ps. 20. Dómine, in virtúte tua lætábitur rex : et super salutáre tuum exsultábit veheménter. ̎. Glória. Ne.

Oratio.

PRÆSTA, quæsumus, omnipotens Deus : ut familia tua per viam salutis incédât, et beáti Joánnis Præcursóris hortaménta sectándo, ad eum quem prædixit, secúra pervéniant, Dóminum nostrum Jesum Christum Filium tuum. Qui tecum.

Secunda Oratio. de sancta Maria, Concède; tertia, Ecclesiæ, vel pro Papa. 1*.

Lectio Jeremiæ Prophætæ. Cap. 1.

IN diébus illis : Factum est verbum Dómini ad me, dicens : Priúsqvam te formárem in útero, novi te : et ántequam exíres de vulva, sanctificávi te, et prophétam in géntibus dedi te. Et dixi : A a a, Dómine Deus : ecce nescio loqui, quia puer ego sum. Et dixit Dóminus ad me : Noli dicere, Puer sum : quóniam ad ómnia quæ mittam te, ibis; et univérsa quæcúmque mandávero tibi, loqueris. Ne timeas a fácie eórum : quia tecum ego sum, ut éruam te, dicit Dóminus. Et misit Dóminus manum suam, et tégit os meum : et dixit Dóminus ad me : Ecce dedi verba mea in ore tuo; ecce constitui te hódie super gentes, et super regna, ut evéllas, et déstruas, et dispérdas, et dissipes, et ædifices, et plantes : dicit Dóminus omnipotens.

Graduale. Joan. 1. Fuit homo missus a Deo, cui nomen erat Joánnes. ̎. Hic venit ut testimónium perhiberet de lúmine, paráre Dómino plebem perféctam.



Initium sancti Evangélii secúndum Lucam. Cap. 1.

FUIT in diébus Heródis regis Judææ, sacerdos quidam, nómine Zacharías,

de vice Abía, et uxor illius de filiábus Aaron, et nomen ejus Elisabeth. Erant autem justi ambo ante Deum, incedéntes in ómnibus mandátis et justificatiónibus Dómini sine queréla; et non erat illis filius, eo quod esset Elisabeth stérilis, et ambo processissent in diébus suis. Factum est autem, cum sacerdótio fungérétur in órdine vicis suæ ante Deum, secúndum consuetúdinem sacerdótii, sorte éxiit ut incénsum póneret, ingressus in templum Dómini : et omnis multitúdo pópuli erat orans foris hora incénsi. Appáruit autem illi Angelus Dómini stans a dextris altáris incénsi. Et Zacharías turbátus est videns, et timor irruit super eum. Ait autem ad illum Angelus : Ne timeas, Zacharía, quóniam exáudita est deprecátio tua : et uxor tua Elisabeth páriet tibi filium, et vocábis nomen ejus Joánnem : et erit gáudium tibi et exsultátio, et multi in nativité ejus gaudébunt : erit enim magnus coram Dómino : et vinum et siceram non bibet, et Spíritu sancto replébitur adhuc ex útero matris suæ : et multos filiórum Israel convértet ad Dóminum Deum ipsórum : et ipse præcédet ante illum in spíritu et virtúte Eliæ, ut convértat corda patrum in filios, et incrédulos ad prudéntiam justórum, paráre Dómino plebem perféctam.

Offertorium. Ps. 88. Glória et honóre coronásti eum, et constituísti eum super ópera mánuum tuárum, Dómine.

Secreta.

MÚNERA, Dómine, oblata sanctifica : et intercedénte beáto Joáanne Baptista, nos per hæc a peccatórum nostrórum máculis emúnda. Per Dóminum.

Communio. Ps. 20. Magna est glória ejus in salutári tuo : glóriam et magnum decórem impónes super eum, Dómine.

Postcommunio.

BEÁTI Joánnis Baptistæ nos, Dómine, præclára comitétur orátio : et quem ventúrum esse prædixit, poscat nobis fore placátum, Dóminum nostrum Jesum Christum Filium tuum. Qui tecum vivit et regnat.

DIE XXIV JUNII

IN FESTO NATIVITATIS SANCTI JOANNIS BAPTISTÆ

Introitus. Is. 49.



E ventre matris meæ vocavit me Dóminus nómine meo : et pósuit os meum ut gládium acútum : sub teguménto manus suæ protéxit me, et pósuit me quasi sagittam eléctam. Ps.

91. Bonum est confitéri Dómino, et psállere nómini tuo, Altissime. *ŷ.* Glória Patri. De ventre.

Oratio.

DEUS, qui præsentem diem honorábilem nobis in beáti Joánnis Nativitate fecisti : da pópulis tuis spirituálium grátiam gaudiórum ; et ómnium fidélium mentes dirige in viam salutis atérnæ. Per Dóminum.

Lectio Isaíæ Prophétæ. Is. 49.

AUDITE, insulæ, et atténdite, pópuli de longe : Dóminus ab utero vocávit me, de ventre matris meæ recordátus est nóminis mei. Et pósuit os meum quasi gládium acútum : in umbra manus suæ protéxit me, et pósuit me sicut sagittam eléctam : in pharétra sua abscondit me. Et dixit mihi : Servus meus es tu, Israel, quia in te gloriabor. Et nunc dicit Dóminus, formans me ex útero servum sibi : Ecce dedi te in lucem géntium, ut sis salus mea usque ad extrémum terræ. Reges vidébunt, et consurgént principes, et adorábunt propter Dóminum, et Sanctum Israel, qui elégit te.

Graduale. Jerem. 1. Priúsqvam te formárem in útero, novi te : et ánteqvam exíres de ventre, sanctificávi te.

ŷ. Misit Dóminus manum suam, et tétigit os meum, et dixit mihi.

Allelúia, allelúia. *ŷ.* Luc. 1. Tu, puer, Prophéta Altissimi vocáberis : præibis ante Dóminum paráre vias ejus. Allelúia.



Sequéntia sancti Evangélíi secúndum Lucam. Cap. 1.

ELISABETH implétum est tempus pariéndi, et péperit filium. Et audiérunt vicini et cognáti ejus quia magnificávit Dóminus misericórdiam suam cum illa, et congratulábantur ei. Et factum est in die octávo, venérunt circumcidere púerum, et vocábant eum nómine patris sui Zachariam. Et respóndens mater ejus, dixit : Nequáquam, sed vocábitur Joánes. Et dixerunt ad illam : Quia nemo est in cognatióne tua qui vocétur hoc nómine. Innuébant autem patri ejus, quem vellet vocári eum. Et pósulans pugillárem, scripsit, dicens : Joánes est nomen ejus. Et miráti sunt univérsi. Apértum est autem illico os ejus, et lingua ejus, et loquebátur, benedicens Deum. Et factus est timor super omnes vicínos eórum : et super ómnia montána Judææ divulgabántur ómnia verba hæc : et posuérent omnes qui audierant in corde suo, dicéntes : Quis, putas, puer iste erit? Etenim manus Dómini erat cum illo. Et Zacharias pater ejus replétus est Spíritu sancto, et prophetávit, dicens : Benedictus Dóminus Deus Israel, quia visitávit, et fecit redemptioném plebis suæ.

Non dicitur Credo, nisi in ecclesia propria, vel nisi venerit in Dominica, aut infra Octavam Corporis Christi : sed

in die Octava dicitur, propter Octavam Apostolorum.

Offertorium. Ps. 91. Justus ut palma florébit : sicut cedrus, quæ in Libano est, multiplicábitur.

Secreta.

TUA, Dómine, munéribus altária cumulámus : illius Nativitátem honóre débito celebrátes, qui Salvátorem mundi et cécinit adfutúrum, et adesse monstrávit, Dóminum nostrum Jesum Christum Filium tuum. Qui tecum.

Communio. Luc. 1. Tu, puer, Prophéta Altissimi vocáberis : præbis enim ante faciém Dómini paráre vias ejus.

Postcommunio.

SUMAT Ecclesiá tua, Deus, beáti Joánnis Baptístæ generatióne lætítiam : per quem suæ regeneratiónis cognóvit auctórem, Dóminum nostrum Jesum Christum Filium tuum. Qui tecum vivit.

¶ Infra Octavam S. Joannis, et in ipso die Oct., fit idem Officium quod in die. Sed infra Octavam post Orat. diei dicitur secunda Oratio, de sancta Maria, Concède nos; tertia, Ecclesiæ, vel pro Papa. 1*.

DIE XXV

IN FESTO S. GUILIELMI

ABBATIS

Missa Os justi, de Communi Abbat. 18*, præter Orationem sequentem.

Oratio.

DEUS, qui infirmitáti nostræ ad teréndam salutis viam in Sanctis tuis exémplum et præsidium collocásti : da nobis ita beáti Guilíelmi Abbátis mérita venerári; ut ejúsdem excipiámus suffrágia, et vestigia prosequámur. Per.

Et fit Commem. Octavæ Nativitatis S. Joannis Baptístæ; Oratio ut infra.

DIE XXVI

IN FESTO SS. JOANNIS ET PAULI

MARTYRUM

Introitus. Ps. 33.

MULTÆ tribulatiónes justórum, et de his ómnibus liberávit eos Dóminus : Dóminus custódit óm-

nia ossa eórum : unum ex his non conterétur. Ps. Benedicám Dóminum in omni témpore : semper laus ejus in ore meo. ¶ Glória Patri. Multæ.

Oratio.

QUESUMUS, omnipotens Deus : ut nos gemináta lætítia hodiérnæ festivitátis excipiat, quæ de beatórum Joánnis et Pauli glorificatióne procédit; quos eádem fides et pássio vere fecit esse germános. Per Dóminum.

Et fit Commem. Octavæ S. Joannis.

Oratio.

DEUS, qui præsentem diem honoráblem nobis in beáti Joánnis Nativitáte fecísti : da pópulis tuis spirituálum grátiam gaudiórum, et ómnium fidélium mentes dirige in viam salutis æternæ. Per Dóminum.

Lectio libri Sapiéntiæ. Eccli. 44.

HI viri misericórdiæ sunt, quorum pietátes non defuérunt : cum sémine eórum pémanent bona, hæreditas sancta nepótes eórum, et in testaméntis stetit semen eórum : et filii eórum propter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatiónem et generatiónem. Sapiéntiam ipsórum narrent pópuli, et laudem eórum núntiet Ecclesiá.

Graduale. Ps. 132. Ecce quam bonum et quam jucúndum habitáre fratres in unum. ¶ Sicut unguéntum in cápite, quod descendit in barbam, barbam Aaron.

Allelúia, allelúia. ¶ Hæc est vera fraternitas, quæ vicit mundi crimina : Christum secúta est, inclyta tenens regna coeléstia. Allelúia.

Sequentia sancti Evangelíi secundum Lucam. Cap. 12.

In illo témpore : Dixit Jesus discipulis suis : Atténdite a ferméto phariséorum, quod est hypócrisis. Nihil autem opértum est, quod non revelétur : neque absconditum, quod non sciátur. Quóniam quæ in ténebris dixístis, in lúmine dicéntur : et quod in aurem locúti estis

in cubiculis, prædicabitur in tectis. Dico autem vobis amicis meis : Ne terreâmini ab his qui occidunt corpus, et post hæc non habent amplius quid faciant. Ostendam autem vobis quem timeatis : time-te eum qui, postquam occiderit, habet potestatem mittere in gehennam. Ita dico vobis, hunc time-te. Nonne quinque pás-seres véneunt dipóndio? et unus ex illis non est in obli-vióne coram Deo. Sed et capilli cápitis vestri omnes numeráti sunt. Nolite ergo time-re : multis passé-ribus pluris estis vos. Dico autem vobis : Omnis quicúmque conféssus fúerit me coram hominibus, et Filius hóminis con-fitébitur illum coram Angelis Dei.

Offertorium. Ps. 5. Gloriabúntur in te omnes qui diligunt nomen tuum, quóniam tu, Dómine, benedíces justo : Dómine, ut scuto bonæ voluntátis tuæ coronásti nos.

Secreta.

HÓSTIAS tibi, Dómine, sanctórum Mártyrum tuórum Joánnis et Pauli dicátas méritis, benígnus assúme, et ad perpétuum nobis tribue proveníre sub-sídium. Per Dóminum.

Pro Octava S. Joannis Baptistæ.

Secreta.

TUA, Dómine, munéribus altária cu-mulámus : illius Nativitatem honóre débíto celebrántes, qui Salvátorem mun-di et cécinít adfutúrum, et adesse mon-strávit Dóminum nostrum Jesum Chri-stum Filium tuum. Qui tecum vivit.

Communio. Sap. 3. Et si coram ho-minibus torménta passi sunt, Deus tentávit eos : tamquam aurum in fornáce probávit eos, et quasi holocáusta accepit eos.

Postcommunio.

SÚMPSIMUS, Dómine, sanctórum Már-tyrum tuórum Joánnis et Pauli so-lémnia celebrántes, sacraménta celéstia : præsta, quæsumus, ut quod temporáliter gérimus, æternis gáudiis consequámur. Per Dóminum.

Pro Octava S. Joannis Baptistæ.

Postcommunio.

SUMAT Ecclesiá tua, Deus, beáti Joánnis Baptistæ generatióne lætítiam : per

quem suæ regeneratiónis cognóvit au-ctórem, Dóminum nostrum Jesum Chri-stum Filium tuum. Qui tecum vivit.

¶ Si sequens Festum S. Leonis venerit in Dominica, transfertur post Octavam Apost., et Missa dicitur de Dominica. cum Commem. S. Joannis : et in Sabbato præced. dicitur Missa de Vigilia Apost., secunda Oratio, de S. Joanne ; tertia, de beata Maria, Concède nos. 1*.

Quocumque vero alio die venerit Festum S. Leonis, fit de eo, cum Commem. Octav. S. Joannis et Vigil. — In Eccle-siis autem Colleg., dicuntur duæ Missæ, una de Festo, cum Commem. S. Joannis et beatæ Mariæ ; alia de Vigilia, cum Commem. beatæ Mariæ, Concède nos, et Ecclesiæ, vel pro Papa. 1*.

DIE XXVIII

IN FESTO S. LEONIS

PAPÆ ET CONFESSORIS

Introitus. Ps. 131.

SACERDÓTES tui, Dómine, induant justítiam, et sancti tui exsúltent : propter David servum tuum non avértas faciém Christi tui. Ps. Meménto, Dómine, David, et omnis mansuetúdinis ejus. ̎. Glória Patri. Sacerdótes.

Oratio.

DEUS, qui beátum Leónem Pontíficem Sanctórum tuórum méritis coæquásti : concède propítius ; ut qui commemo-ratiónis ejus festa percólimus, vitæ quo-que imitémur exémp-la. Per Dóminum.

Pro Commem. Octavæ S. Joannis.

Oratio.

DEUS, qui præsentem diem honorá-bilem nobis in beáti Joánnis Na-tivitate fecísti : da pópulis tuis spirituá-lium grátiam gaudiórum, et ómnium fidélium mentes dirige in viam salútis æternæ.

Pro Commem. Vigiliæ SS. Apost.

Oratio.

PRÆSTA, quæsumus, omnipotens Deus : ut nullis nos permittas perturbatió-nibus cóncuti, quos in apostólicæ con-fessiónis petra solidásti. Per Dóminum.

Lectio Epistolæ beāti Pauli Apóstoli
ad Hebræos. Cap. 7.

FRATRES, Plures facti sunt sacerdotes, ideo quod morte prohiberentur permanere : Jesus autem, eo quod maneat in ætérnum, sempitérnum habet sacerdotium. Unde et salvare in perpetuum potest accedentes per semetipsum ad Deum : semper vivens ad interpellandum pro nobis. Talis enim decébat ut nobis esset Póntifex, sanctus, innocens, impollutus, segregatus a peccatoribus, et excelsior cælis factus : qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populo : hoc enim fecit semel, seipsum offerendo, Jesus Christus Dóminus noster.

Graduale. Ps. 131. Sacerdotes ejus induam salutari, et sancti ejus exultatione exsultabunt. V. Illuc producam cornu David, paravi lucernam Christo meo.

Allelúia, allelúia. V. Ps. 109. Juravit Dóminus, et non poenitebit eum : Tu es Sacerdos in ætérnum, secúndum ordinem Melchisedech. Allelúia.



Sequentia sancti Evangelii secúndum Matthæum. Cap. 23.

In illo tempore : Dixit Jesus discipulis suis parabolam hanc : Homo peregre proficiscens vocavit servos suos, et tradidit illis bona sua. Et uni dedit quinque talenta, alii autem duo, alii vero unum, unicuique secúndum propriam virtutem; et profectus est statim. Abiit autem qui quinque talenta acceperat, et operatus est in eis, et lucratus est alia quinque. Similiter et qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta acceperat, obtulit alia quinque talenta, dicens : Domine, quinque talenta tradidisti mihi, ecce alia quinque superlucratus sum. Ait illi dominus ejus : Euge, serve bone et fidelis, quia super pauca fuisti fidelis, super multa te

constituam : intra in gaudium domini tui. Accessit autem et qui duo talenta acceperat, et ait : Domine, duo talenta tradidisti mihi, ecce alia duo lucratus sum. Ait illi dominus ejus : Euge, serve bone et fidelis, quia super pauca fuisti fidelis, super multa te constituam : intra in gaudium domini tui.

Offertorium. Ps. 88. Veritas mea et misericordia mea cum ipso, et in nomine meo exaltabitur cornu ejus.

Secreta.

Annue nobis, quæsumus, Domine, ut intercessione beāti Leonis hæc nobis prosit oblatio : quam immolando, totius mundi tribuisti relaxari delicta. Per.

Pro S. Joanne. Secreta.

Tua, Domine, muneribus altaria cumulamus : illius Nativitatem honore debito celebrantes, qui Salvatorem mundi et cecinit adfuturum, et adesse monstravit, Dominum nostrum Jesum Christum Filium tuum.

Pro Vigilia SS. Apostolorum. Secreta.

Munus populi tui, quæsumus, Domine, apostolica intercessione sanctifica : nosque a peccatorum nostrorum maculis emunda. Per Dóminum.

Communio. Matth. 24. Beatus servus quem, cum venerit Dóminus, invenerit vigilantem : amen dico vobis, super omnia bona sua constituet eum.

Postcommunio.

Deus, qui animæ famuli tui Leonis æternæ beatitudinis præmia contulisti : concede propitius; ut qui peccatorum nostrorum pondere premimur, ejus apud te precibus sublevemur. Per.

Pro S. Joanne. Postcommunio.

Sumat Ecclesia tua, Deus, beāti Joannis Baptistæ generatione lætitiā : per quem suæ regenerationis cognovit auctorem, Dominum nostrum Jesum Christum Filium tuum.

Pro Vigilia SS. Apostolorum.

Postcommunio.

Quos cælesti, Domine, alimento satiasti, apostolicis intercessionibus ab omni adversitate custodi. Per.

In fine legitur Evangel. Vigil., infra.

EADEM DIE
IN VIGILIA SS. APOSTOLORUM
PETRI ET PAULI

Introitus. Joan. 21.

DICIT Dóminus Petro : Cum esses júnior, cingébas te, et ambulábas ubi volébas : cum autem senúeris, exténdes manus tuas, et álius te cinget, et ducet quo tu non vis : hoc autem dixit, significans qua morte clarificáturus esset Deum. **Ps. 18.** Cœli enárrent glóriam Dei, et ópera mánuum ejus annúntiat firmaméntum. **ŷ.** Glória. Dicit.

Oratio.

PRÆSTA, quæsumus, omnipotens Deus : ut nullis nos permittas perturbatióibus cóncuti, quos in apostólicæ confessiõis petra solidásti. Per Dóminum.

Secunda Oratio et tertia, ut in superiori Rubrica notatur. 381.

Lectio Actuum Apostolorum. Cap. 3.

IN diébus illis : Petrus et Joánnis ascendébant in templum ad horam oratiõis nonam. Et quidam vir, qui erat claudus ex útero matris suæ, bajulabátur : quem ponébant quotidie ad portam templi quæ dicitur Speciõsa, ut pèteret eleemósyam ab introeúntibus in templum. Is cum vidisset Petrum et Joánnem incipiéntes introire in templum, rogábat ut eleemósyam acciperet. Intuens autem in eum Petrus cum Joáñne, dixit : Réspice in nos. At ille intendébat in eos, sperans se áliquid acceptúrum ab eis. Petrus autem dixit : Argéntum et aurum non est mihi : quod autem hábeo, hoc tibi do : In nómine Jesu Christi Nazaréni, surge, et ámbula. Et apprehénsa manu ejus dextera, allevávit eum, et prótinus consolidatæ sunt bases ejus et plantæ. Et exsiliens stetit, et ambulábat : et intrávit cum illis in templum, ámbulans, et exsiliens, et laudans Deum. Et vidit omnis pópulus eum ambulántem, et laudántem Deum.

Cognoscébant autem illum, quod ipse erat qui ad eleemósyam sedébat ad Speciõsam portam templi : et impléti sunt stupóre et éxstasi, in eo quod contigerat illi.

Graduale. Ps. 18. In omnem terram exivit sonus eórum, et in fines orbis terræ verba eórum. **ŷ.** Cœli enárrent glóriam Dei, et ópera mánuum ejus annúntiat firmaméntum.

Sequéntia sancti Evangélii secundum Joánnem. Cap. 21.

IN illo témpore : Dixit Jesus Simóni Petro : Simon Joánnis, diligis me plus his? Dicit ei : Etiam, Dómine, tu scis quia amo te. Dicit ei : Pasce agnos meos. Dicit ei iterum : Simon Joánnis, diligis me? Ait illi : Etiam, Dómine, tu scis quia amo te. Dicit ei : Pasce agnos meos. Dicit ei tértio : Simon Joánnis, amas me? Contristátus est Petrus quia dixit ei tértio, Amas me? et dixit ei : Dómine, tu ómnia nosti : tu scis quia amo te. Dixit ei : Pasce oves meas. Amen, amen dico tibi, cum esses júnior, cingébas te, et ambulábas ubi volébas : cum autem senúeris, exténdes manus tuas, et álius te cinget, et ducet quo tu non vis. Hoc autem dixit, significans qua morte clarificáturus esset Deum.

Offertorium. Ps. 138. Mihi autem nimis honoráti sunt amici tui, Deus : nimis confortátus est principátus eórum.

Secreta.

MUNUS pópuli tui, quæsumus, Dómine, apostólica intercessiõne sanctifica : nosque a peccatórum nostrórum máculis emúnda. Per Dóminum.

Communio. Joan. 21. Simon Joánnis, diligis me plus his? Dómine, tu ómnia nosti : tu scis, Dómine, quia amo te.

Postcommunio.

QUOS cœlésti, Dómine, aliménto satiásti, apostólicis intercessiõibus ab omni adversitaté custódi. Per.



IN FESTO

SS. APOST. PETRI ET PAULI

Introitus. Act. 12.



nunc scio vere quia misit Dóminus Angelum suum, et eripuit me de manu Heródis, et de omni exspectatione plebis Judæórum. Ps.

138. Dómine, probasti me, et cognovisti me : tu cognovisti sessionem meam et resurrectionem meam.

Ÿ. Glória Patri. Nunc scio.

Oratio.

DEUS, qui hodiernam diem Apostolorum tuórum Petri et Pauli martyrio consecrasti : da Ecclesiæ tuæ, eórum in ómnibus sequi præceptum, per quos religionis sumpsit exórdium. Per.

Et non fit Commem. de S. Paulo, quia Oratio est communis; nec de Octava S. Joannis Baptistæ.

Lectio Actuum Apostolorum. Cap. 12.

IN diébus illis : Misit Heródes rex manus, ut affligeret quosdam de Ecclesiá : occidit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniónibus militum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiebat sine intermissione ab Ecclesiá ad Deum pro eo. Cum autem productúrus eum esset Heródes, in ipsa nocte erat Petrus dormiens inter duos milites, vinctus caténis duábus : et custódes ante óstium custodiébant cárcerem. Et ecce Angelus Dómini

adstitit, et lumen refúlsit in habitáculo : percussóque látere Petri, excitávit eum, dicens : Surge velociter. Et cecidérunt caténæ de má nibus ejus. Dixit autem Angelus ad eum : Præcingere, et cálcea te cáligas tuas. Et fecit sic. Et dixit illi : Circúmda tibi vestiméntum tuum, et séquere me. Et éxiens sequebátur eum, et nesciébát quia verum est quod fiebat per Angelum : existimábat autem se visum vidére. Transeúntes autem primam et secundam custódiám, venérunt ad portam férream, quæ ducit ad civitátem : quæ ultro apérta est eis. Et exeúntes processérunt vicum unum : et continuo discéssit Angelus ab eo. Et Petrus ad se revérsus, dixit : Nunc scio vere quia misit Dóminus Angelum suum, et eripuit me de manu Heródis, et de omni exspectatione plebis Judæórum.

Graduale. Ps. 44. Constitues eos principes super omnem terram : mémoires erunt nóminis tui, Dómine. Ÿ. Pro pátribus tuis nati sunt tibi filii, propterea pópuli confitebúntur tibi.

Allelúia, allelúia. Ÿ. Tu es Petrus, et super hanc petram ædificábo Ecclesiám meam. Allelúia.



Sequéntia sancti Evangélii secundum Matthæum. Cap. 16.

IN illo témpore : Venit Jesus in partes Cæsaráe Philíppi : et interrogábat discipulos suos, dicens : Quem dicunt hómines esse Filium hóminis? At illi dixerunt : Alii Joánnem Baptístam, álii autem Eliám, álii vero Jeremíam, aut unum ex Prophétis. Dicit illis Jesus : Vos autem quem me esse dicitis? Respóndens Simon Petrus, dixit : Tu es Christus Filius

Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclesiám meam, et portæ inferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. Credo.

Offertorium. Ps. 44. Constítues eos príncipes super omnem terram: mémoires erunt nóminis tui, Dómine, in omni progénie et generatióne.

Secreta.

HÓSTIAS, Dómine, quas nómini tuo sacrándas offérimus, apostólica prosequátur orátio: per quam nos expiári tribuas, et deféndi. Per Dóminum.

Præfatio de Apostolis.

Communio. Matth. 16. Tu es Petrus, et super hanc petram ædificábo Ecclesiám meam.

Postcommunio.

Quos cœlesti, Dómine, aliménto satiásti, apostólicis intercessiónibus ab omni adversitate custódi. Per.

DIE XXX

IN COMMEMORATIONE S. PAULI

APOSTOLI

Introitus. II Tim. 1.

Scio cui crédidi, et certus sum quia potens est depósitum meum serváre in illum diem, justus iudex. Ps. 138. Dómine, probásti me et cognovísti me: tu cognovísti sessiónem meam et resurrectionem meam. ̃. Glória Patri. Scio.

Oratio.

DEUS, qui multitúdinem géntium beáti Pauli Apóstoli prædicatióne docuísti: da nobis, quæsumus; ut ejus natalítia cólimus, ejus apud te patrocínia sentiámus. Per Dóminum.

Et fit Commem. S. Petri Apostoli.

Oratio.

DEUS, qui beáto Petro, Apóstolo tuo, collátis clávis regni cœlestis,

ligándi atque solvéndi pontificium tradidisti: concéde; ut intercessiónis ejus auxilio, a peccatórum nostrórum nexibus liberémur.

Deinde fit Commem. S. Joannis, præterquam in ecclesia propria S. Pauli.

Oratio.

DEUS, qui præsentem diem honorábilem nobis in beáti Joánnis Nativitáte fecisti: da pópulis tuis spiritualiúm grátiam gaudiórum, et ómnium fidélium mentes dirige in viam salútis æternæ. Per Dóminum.

Léctio Epistolæ beáti Pauli Apóstoli ad Gálatas. Cap. 1.

FRATRES, Notum vobis fácio Evangelíum quod evangelizátum est a me, quia non est secúndum hóminem: neque enim ego ab hómine accépi illud, neque didici, sed per revelatiónem Jesu Christi. Audístis enim conversatiónem meam aliquándo in Judaismo: quóniam supra módum persequebar Ecclesiám Dei, et expugnábam illam: et proficiebam in Judaismo supra multos cœtáneos meos in género meo, abundántius æmulátor exsistens paternárum meárum traditiónum. Cum autem plácuít ei qui me segregávit ex útero matris meæ, et vocávit per grátiam suam, ut reveláret Filium suum in me, ut evangelizárem illum in géntibus: contínuo non acquiévi carni et sanguini: neque veni Jerosólymam ad antecessóres meos Apóstolos: sed ábii in Arábiam: et iterum revérsus sum Damáscum: deinde post annos tres veni Jerosólymam vidére Petrum, et mansi apud eum diébus quíndecim: álium autem Apostolórum vidi néminem, nisi Jacobum fratrem Dómini. Quæ autem scribo vobis, ecce coram Deo, quia non méntior.

Graduale. Gal. 2. Qui operátus est Petro in apostolátum, operátus est et mihi inter gentes: et cognovérunt grátiam Dei, quæ data est mihi. ̃. I Cor. 15. Grátia Dei in me vácuá non fuit: sed grátia ejus semper in me manet.

Allelúia, allelúia. ̃. Sancte Paule Apóstole, prædicátor veritátis et Doctor géntium, intercede pro nobis. Allelúia.



Sequētia sancti Evangēlii secūndum Matthæum. **Cap. 10.**

In illo tēpore : Dixit Jesus discipulis suis : Ecce ego mitto vos sicut oves in médio lupōrum. Estōte ergo prudētes sicut serpētes, et simplices sicut colūmbæ. Cavēte autem ab hominibus. Tradent enim vos in conciliis, et in synagōgis suis flagellābunt vos : et ad præsides et ad reges ducēmini propter me, in testimoniū illis et gētibus. Cum autem tradent vos, nolite cogitare quōmodo aut quid loquāmini : dābitur enim vobis in illa hora quid loquāmini. Non enim vos estis qui loquimini, sed Spiritus Patris vestri, qui loquitur in vobis. Tradet autem frater fratrem in mortem, et pater filium : et insurgēt filii in parētes, et morte eos afficient : et eritis odio omnibus propter nomen meum. Qui autem perseverāverit usque in finem, hic salvus erit. Credo.

Offertorium. Ps. 138. Mihi autem nimis honorāti sunt amīci tui, Deus; nimis confortātus est principātus eōrum.

Secreta.

Apōstoli tui Pauli prēcibus, Dōmine, plebis tuæ dona sanctificā : ut quæ tibi tuo grata sunt institūto, gratiōra fiant patrocīnio supplicantis. Per Dōminum.

Pro S. Petro Apostolo. Secreta.

Ecclēsiæ tuæ, quæsumus, Dōmine, preces et hōstias beāti Petri Apōstoli commēdet oratio : ut quod pro illius glōria celebrāmus, nobis prosit ad vniām.

Pro S. Joanne Baptista. Secreta.

Tua, Dōmine, munēribus altāria cumulāmus : illius Nativitatem honore debito celebrātes, qui Salvatōrem mundi et cēcinat adfuturum, et adesse monstrāvit, Dōminum nostrum Jesum Christum Filium tuum. Qui tecum vivit.

Præfatio de Apostolis.

Communio. Matth. 19. Amen dico vobis, quod vos, qui reliquistis omnia, et secuti estis me, cēntuplum accipietis, et vitam æternam possidebitis.

Postcommunio.

Percēptis, Dōmine, sacramētis, beāto Paulo, Apōstolo tuo, interve-

niēte, deprecāmur : ut quæ pro illius celebrāta sunt glōria, nobis proficiant ad medēlam. Per Dōminum.

Pro S. Petro. Postcommunio.

Lætificet nos, Dōmine, munus oblātum : ut sicut in Apōstolo tuo Petro te mirābilem prædicāmus, sic per illum tuæ sumāmus indulgētiæ largitatem.

Pro S. Joanne Baptista. Postcommunio.

Sumat Ecclēsia tua, Deus, beāti Joānnis Baptistæ generatiōne lætitiām : per quem suæ regeneratiōnis cognōvit auctōrem, Dōminum nostrum Jesum Christum Filium tuum. Qui tecum vivit.

FESTA JULII

DOMINICA I JULII

IN FESTO

PRETIOSISSIMI SANGUINIS D. N. J. C.

Introitus. Apoc. 5.

Redemisti nos, Dōmine, in sanguine tuo, ex omni tribu, et lingua, et pōpulo, et natiōe : et fecisti nos Deo nostro regnum. **Ps. 88.** Misericōrdias Dōmini in ætēnum cantābo : in generatiōnem et generatiōnem annuntiābo veritatem tuam in ore meo. **ŷ.** Glōria Patri. Redemisti nos.

Oratio.

Omnipotens sempitērne Deus, qui unigenitum Filium tuum mundi Redemptōrem constituisti, ac ejus Sanguine placāri voluisti : concede, quæsumus, salutis nostræ prētium solēnni cultu ita venerāri, atque a præsētis vitæ malis ejus virtute defēdi in terris; ut fructu perpētuo lætēmur in cœlis. Per eūdem.

Et fit **Commem. Dominicæ**, et legitur ejusdem Evangelium in fine.

Lectio Epistolæ beāti Pauli Apōstoli ad Hebræos. **Cap. 9.**

Fratres, Christus assistens Pōntifex futurōrum bonōrum, per āmplius et perfēctius tabernāculum non manufāctum, id est non hujus creatiōnis : neque per sanguinem hircōrum aut vitulōrum, sed per prōpriū Sanguinem introivit semel in Sancta, ætērna redemptiōne invēnta. Si enim sanguis hircōrum et

taurorum, et cinis vitulae aspersus, inquinatos sanctificat ad emundationem carnis; quanto magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi! Et ideo novi Testamenti mediator est, ut, morte intercedente, in redemptionem earum praevaricationum quae erant sub priori Testamento, repositionem accipiant qui vocati sunt aeternae hereditatis, in Christo Jesu Domino nostro.

Graduale. I Joan. 5. Hic est qui venit per aquam et sanguinem, Jesus Christus; non in aqua solum, sed in aqua et sanguine. *ŷ.* Tres sunt qui testimonium dant in caelo: Pater, Verbum, et Spiritus sanctus; et hi tres unum sunt. Et tres sunt qui testimonium dant in terra: Spiritus, Aqua, et Sanguis; et hi tres unum sunt.

Alleluia, alleluia. *ŷ.* Si testimonium hominum accipimus, testimonium Dei majus est. Alleluia.

In Missis votivis post Septuagesimam.

Graduale. I Joan. 5. Hic est qui venit per aquam et sanguinem, Jesus Christus; non in aqua solum, sed in aqua et sanguine. *ŷ.* Tres sunt qui testimonium dant in caelo: Pater, Verbum, et Spiritus sanctus; et hi tres unum sunt. Et tres sunt qui testimonium dant in terra: Spiritus, Aqua, et Sanguis; et hi tres unum sunt.

Tractus. Ephes. 1. Gratificavit nos Deus in dilecto Filio suo, in quo habemus redemptionem per Sanguinem ejus. *ŷ.* Remissionem peccatorum, secundum divitias gratiae ejus, quae superabundavit in nobis. *ŷ.* Rom. 3. Justificati gratis per gratiam ipsius, per redemptionem quae est in Christo Jesu. *ŷ.* Quem proposuit Deus propitiationem per fidem in Sanguine ipsius.

Temp. Pasch., in Missis votivis dicitur

Alleluia, alleluia. *ŷ.* Apoc. 5. Dignus es, Domine, accipere librum, et aperire signacula ejus: quoniam occisus es, et redemisti nos Deo in Sanguine tuo. Alleluia. *ŷ.* Exodi 12. Erit autem sanguis vobis in signum: et videbo

sanguinem, et transibo vos: nec erit in vobis plaga disperdens. Alleluia.



Sequentia sancti Evangelii secundum Joannem. **Cap. 19.**

In illo tempore: Cum accepisset Jesus acetum, dixit: Consummatum est. Et inclinato capite, tradidit spiritum. Judaei ergo (quoniam Parasceve erat), ut non remanerent in cruce corpora sabbato (erat enim magnus dies ille sabbati), rogaverunt Pilatum, ut frangerentur eorum crura, et tollerentur. Venierunt ergo milites, et primi quidem fregerunt crura, et alterius qui crucifixus est cum eo. Ad Jesum autem cum venissent, ut viderent eum jam mortuum, non fregerunt ejus crura; sed unus militum lancea latus ejus aperuit, et continuo exivit sanguis et aqua. Et qui vidit, testimonium perhibuit; et verum est testimonium ejus. Credo.

Offertorium. I Cor. 10. Calix benedictionis cui benedicimus, nonne communicatio Sanguinis Christi est? Et panis quem frangimus, nonne participatio Corporis Domini est?

Secreta.

PER hanc divina mysteria, ad novum, quaesumus, Testamentum mediatorum Jesum accedamus: et super altaria tua, Domine virtutum, aspersionem Sanguinis, melius loquentem quam Abel, innovemus. Per eundem Dominum.

Praefatio de Cruce.

Communio. Hebr. 9. Christus semel oblatus est ad multorum exhaustiendae peccata: secundo sine peccato apparebit expectantibus se, in salutem.

Postcommunio.

AD sacram, Domine, mensam admissi, hausimus aquas in gaudio de fontibus Salvatoris: Sanguis ejus fiat nobis, quaesumus, fons aquae in vitam aeternam salientis. Qui tecum vivit.

¶ Si hodie occurrat Festum Visitationis B. M. V., aut aliud Festum aequalis vel altioris ritus, de Pretiosissimo Sanguine fiat prima die non impedita a Festo duplici primae vel secundae classis, translato inde juxta Rubricas Festo minoris ritus.

DIE I

IN OCTAVA NATIV. S. JOANNIS BAPTISTÆ

Missa ut in die Festo. 379, cum Commem. Oct. SS. Apost., ut in Missa infra Oct. eorundem sub die 3 Julii. 389. Et dicitur Credo, et Præfatio de Apostolis.

DIE II

IN FESTO VISITATIONIS B. M. V.

Introitus. Sedulus.

SALVE, sancta Parens, enixa puérpera Regem qui cælum terrámque regit in sæcula sæculórum. Ps. 44. Eructávit cor meum verbum bonum : dico ego ópera mea Regi. *ŷ. Glória Patri. Salve.*

Oratio.

FÁMULIS tuis, quæsumus, Dómine, cœléstis grátiae munus impertíre : ut quibus beátæ Virginis partus éxstitit salútis exórdium, Visitationis ejus votíva solémnitatis pacis tribuat incrementum. Per.

Et fit Commem. SS. Martyrum Processi et Martiniani, in Missis privatis tantum.

Oratio.

DEUS, qui nos sanctórum Mártyrum tuórum Processi et Martiniáni gloriósis confessiónibus circúmdas et prótegis : da nobis, et eórum imitatione proficere, et intercessióne gaudére. Per.

Lectio libri Sapientíæ. Cant. 2.

ECCE iste venit sáliens in móntibus, transiliens colles : similis est diléctus meus cápream, hinnulóque cervórum. En ipse stat post parietem nostrum, respiciens per fenéstas, prospiciens per cancellos. En diléctus meus lóquitur mihi : Surge, própera, amíca mea, colúmba mea, formósa mea, et veni. Jam enim hiems tránsiit, imber ábiit et recéssit. Flores apparuérunt in terra nostra : tempus putatiónis advénit : vox túrturis audita est in terra nostra : ficus prótulit grossos suos : vineæ floréntes dedérunt odórem suum. Surge, amíca mea, speciόsa mea, et veni : colúmba mea in foraminibus petrá, in cavérna macériæ, osténde mihi faciém tuam, sonet vox tua in áuribus meis : vox enim tua dulcis, et faciēs tua decóra.

Graduale. Benedicta et venerábilis es, Virgo María, quæ, sine tactu pudóris, invénta es mater Salvatóris. *ŷ. Virgo Dei Génitrix, quem totus non capit orbis, in tua se clausit viscera factus homo.*

Allelúia, allelúia. *ŷ. Felix es, sacra Virgo María, et omni laude digníssima : quia ex te ortus est Sol justitiæ, Christus Deus noster. Allelúia.*



Sequéntia sancti Evangélii secúndum Lucam. Cap. 1.

IN illo témpore : Exsurgens María, ábiit in montána cum festinatióne in civitátem Juda : et intrávit in domum Zachariæ, et salutávit Elisabeth. Et factum est, ut audivit salutatiónem Mariæ Elisabeth, exsultávit infans in útero ejus : et repléta est Spíritu sancto Elisabeth, et exclamávit voce magna, et dixit : Benedicta tu inter mulieres, et benedictus fructus ventris tui. Et unde hoc mihi, ut véniat mater Dómini mei ad me? Ecce enim ut facta est vox salutatiónis tuæ in áuribus meis, exsultávit in gáudio infans in útero meo. Et beáta quæ credidisti, quóniam perficiéntur ea quæ dicta sunt tibi a Dómino. Et ait María : Magnificat ánima mea Dóminum : et exsultávit spíritus meus in Deo salutári meo. Credo.

Offertorium. Beáta es, Virgo María, quæ ómnium portásti Creatórem : genuísti qui te fecit, et in ætérnum pérmanes virgo.

Secreta.

UNIGÉNITI tui, Dómine, nobis succúr rat humanitas : ut qui natus de Virgine matris integritátem non mínuit, sed sacrávit, in Visitationis ejus solénniis, nostris nos piáculis éxuens, oblationem nostram tibi fáciat accéptam Jesus Christus Dóminus noster. Qui tecum vivit.

Pro SS. Martyribus. Secreta.

SÚSCIPE, Dómine, preces et múnera, quæ ut tuo sînt digna conspéctu, Sanctórum tuórum précibus adjuvémur. Per.

Præfatio de B. Maria. Et te in Visitatione.

Communio. Beáta viscera Mariæ Virginis, quæ portavérunt ætérni Patris Filium.

Postcommunio.

SÚMPSIMUS, Dómine, celebritátis ánnuæ votíva sacraménta : præsta, quæsumus; ut et temporális vitæ nobis remédia præbeant, et æternæ. Per.

Pro SS. Martyribus. Postcommunio.

CÓRPORIS sacri et pretiósí Sánguínis replétí libámine, quæsumus, Dómine Deus noster : ut quod pia devotíone gérimus, certa redemptíone capiámus. Per eúndem Dóminum.

EADÉM DIE**SS. MARTYRUM****PROCESSI ET MARTINIANI**

Missa Sapientiam. 10*; **Epist.** Rememorámini. 11*; **Evang.** Si quis vult. 4*, cum **Orationibus ut in Missa sub hac die.**

DIE III ET IV JULII**INFRA OCT. SS. APOSTOLORUM****PETRI ET PAULI****Introitus. Ps. 138.**

MIHÍ autem nimis honoráti sunt amíci tui, Deus : nimis confortátus est principátus eórum. **Ps.** Dómine, probásti me, et cognovísti me : tu cognovísti sessíonem meam et resurrectíonem meam. **ŷ.** Glória. Mihí autem.

Oratio.

DEUS, qui hodiérnam diem Apostólorum tuórum Petri et Pauli martyrio consecrásti : da Ecclesiæ tuæ, eórum in ómnibus sequi præceptum, per quos religiósus sumpsit exórdium. Per.

Secunda Oratio, de sancta Maria, Concede; tertia, Ecclesiæ, vel pro Papa. 1*.

Lectio Actuum Apostólorum. Cap. 5.

IN díebus illis : Per manus Apostólorum fiebant signa et prodigia multa in plebe. Et erant unanimiter omnes in pórticu Salomónis. Cæterórum autem nemo audébat se conjúgere illis : sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejícerent infirmos, et pónerent in lectulis ac grabátis, ut, veniente Petro, saltem umbra illius obumbráret quemquam illórum, et liberaréntur ab infir-

mitátibus suis. Concurrébat autem et multitúdo vicinárum civitátum Jerúsalem, afferéntes agros et vexátos a spiritibus immúndis, qui curabántur omnes.

Graduale. Ps. 44. Constitues eos príncipes super omnem terram : mémoires erunt nóminis tui, Dómine. **ŷ.** Pro pátribus tuis nati sunt tibi filii : proptérea pópuli confitebúntur tibi.

Allelúia, allelúia. ŷ. Luc. 22. Rogávi pro te, Petre, ut non deficiat fides tua : et tu aliquándó conversus confirma fratres tuos. **Allelúia.**



Sequéntia sancti Evangélii secúndum Matthæum. **Cap. 19.**

IN illo témpore : Dixit Petrus ad Jesum : Ecce nos reliquimus ómnia, et secútí sumus te : quid ergo erit nobis? Jesus autem dixit illis : Amen dico vobis, quod vos, qui secútí estis me, in regeneratíone, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accipiet, et vitam æternam possidebit. **Credo.**

Offertorium. Ps. 18. In omnem terram exivit sonus eórum, et in fines orbis terræ verba eórum.

Secreta.

HÓSTIAS, Dómine, quas nómini tuo sacrándas offerimus, apostólica prosequátur orátio, per quam nos expiári tribuas, et deféndi. Per Dóminum.

Secunda Secreta, Tua, Dómine; tertia, Prótege, vel Oblátis. 2*.

Præfatio de Apostolis.

Communio. Matth. 19. Vos qui secútí estis me, sedébitis super sedes, judicántes duódecim tribus Israel.

Postcommunio.

QUOS cœlésti, Dómine, aliménto satiásti, apostólicis intercessiónibus ab omni adversitaté custódi. Per Dóminum.

Secunda Postcommunio, Sumptis, Dómine; tertia, Quæsumus, Dómine, vel Hæc nos. 2*.

DIE V

IN FESTO SS. CYRILLI ET METHODII

EPISCOPORUM ET CONFESSORUM

Introitus. Ps. 131.

SACERDÔTES tui, Dómine, induant justitiam, et sancti tui exsultent : propter David servum tuum, non avértas faciém Christi tui. Ps. *ibid.* Memento, Dómine, David, et omnis mansuetúdinis ejus. *ŷ.* Glória. Sacerdôtes.

Oratio.

OMNÍPOTENS sempitérne Deus, qui Slavóniæ gentes per beátos Confessôres tuos atque Pontífices Cyrillum et Methódium ad agnitíonem tui nómínis veníre tribuísti : præsta; ut quorum festivitáte gloriámur, eórum consórtio copulémur. Per Dóminum.

Fit Commem. Oct. SS. Apost.

Oratio.

DEUS, qui hodiérnam diem Apostólorum tuórum Petri et Pauli martyrio consecrásti : da Ecclésiæ tuæ, eórum in ómnibus sequi præcéptum, per quos religiósus sumpsit exórdium. Per Dóminum.

Lectio Epistolæ beáti Pauli Apostoli ad Hebræos. Cap. 7.

FRATRES, Plures facti sunt sacerdôtes, idcirco quod morte prohiberéntur permanére : Jesus autem, eo quod máneat in ætérnum, sempitérnum habet sacerdótium. Unde et salváre in perpétuum potest accedéntes per semetípsum ad Deum : semper vivens ad interpellándum pro nobis. Talis enim decébat, ut nobis esset póntifex, sanctus, innocens, impollútus, segregátus a peccatóribus, et excelsior cælis factus : qui non habet necessitátem quotidie, quemádmódum sacerdôtes, prius pro suis delictis hóstias offerre, deinde pro pópuli : hoc enim fecit semel, seípsum offeréndum, Jesus Christus Dóminus noster.

Graduale. Ps. 131. Sacerdôtes ejus induam salutári : et sancti ejus exsultatióne exsultábunt. *ŷ.* Illuc producam cornu David : parávi lucérnam Christo meo.

Allelúia, allelúia. *ŷ.* Ps. 109. Jurávit Dóminus, et non pœnitébit eum :

Tu es Sacérdos in ætérnum secúndum órđinem Melchisedech. Allelúia.

Si contingat celebrári Festum post Septuagesimam, omissis Allelúia et versu seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus : generatió rectórum benedicétur. *ŷ.* Glória et divitiæ in domo ejus : et justitia ejus manet in sæculum sæculi.

Tempore Paschali, omitt. Grad., et ejus loco dicitur

Allelúia, allelúia. *ŷ.* Ps. 109. Jurávit Dóminus, et non pœnitébit eum : Tu es Sacérdos in ætérnum secúndum órđinem Melchisedech. Allelúia. *ŷ.* Eccli. 45. Amávit eum Dóminus, et ornávit eum : stolam glóriæ induit eum, allelúia.



Sequéntia sancti Evangélii secúndum Lucam. Cap. 10.

IN illo témpore : Designávit Dóminus et álios septuaginta duos, et misit illos binos ante faciém suam in omnem civitátem et locum quo erat ipse ventúrus. Et dicébat illis : Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sácculum, neque peram, neque calceaménta : et néminem per viam salutavéritis. In quacúmque domum intravéritis, primùm dicite : Pax huic dómui, et si ibi fúerit filius pacis, requiescet super illum pax vestra : sin autem, ad vos revertétur. In eádem autem domo manéte, edéntes et bibéntes quæ apud illos sunt : dignus est enim operárius mercéde sua. Nolite transíre de domo in domum. Et in quacúmque civitátem intravéritis, et suscepérint vos, manducáte quæ apponúntur vobis : et curáte infirmos qui in illa sunt, et dicite illis : Appropinquávit in vos regnum Dei.

Credo, propter Octavam.

Offertorium. Ps. 77. Mirábilis Deus in Sanctis suis : Deus Israel, ipse dabit virtútem et fortitúdinem plebi suæ : benedictus Deus.

Secreta.

PRECES nostras, quæsumus, Dómine, et tuórum réspece oblatiões fidélium : ut tibi gratæ sint in tuórum festivitáte Sanctórum, et nobis cónferant tuæ propitiatiónis auxiliū. Per.

Pro Commem. Oct. SS. Apost.

Secreta.

HÓSTIAS, Dómine, quas nómini tuo sacrándas offerimus, apostólica prosequátur orátio, per quam nos expiári tribuas, et deféndi. Per Dóminum.

Præfatio SS. Apostolorum.

Communio. Matth. 10. Quod dico vobis in ténebris, dicite in lúmine, dicit Dóminus : et quod in aure auditis, prædicáte super tecta.

Postcommunio.

QUÆSUMUS, omnípotens Deus : ut, qui nobis múnera dignáris præbere cœlestia, intercedéntibus sanctis tuis Cyrillo et Methódio, despiciere terréna concédas. Per Dóminum.

Pro Commem. Oct. SS. Apost.

Postcommunio.

QUOS cœlesti, Dómine, aliménto satiásti, apostólicis intercessiõibus ab omni adversitatē custódi. Per.

DIE VI

IN OCTAVA SS. APOSTOLORUM

PETRI ET PAULI

Introitus. Eccli. 44.

SAPIÉNTIAM sanctórum narrent pópuli, et laudes eórum nuntiet Ecclesiá : nómina autem eórum vivent in sæculum sæculi. Ps. 32. Exultáte, justi, in Dómino : rectos decet collaudatio. *ŷ.* Glória Patri. Sapiéntiam.

Oratio.

DEUS, cujus dextera beátum Petrum ambulántem in fluctibus, ne mergerétur, eréxit, et coapóstolum ejus Paulum, tertio naufragántem, de profundo pélagi liberávit : exáudi nos propítius, et concéde ; ut ambórum méritis, æternitátis glóriam consequámur. Qui vivis.


Lectio libri Sapiéntiæ. Eccli. 44.

HI viri misericórdiæ sunt, quorum pietates non defuérunt : cum sémine eó-

rum pérmament bona, hæréditas sancta nepótes eórum, et in testaméntis stetit semen eórum : et filii eórum propter illos usque in ætérnum manent : semen eórum, et glória eórum non derelinquétur. Córpora ipsórum in pace sepúlta sũnt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nuntiet Ecclesiá.

Graduale. Sap. 3. Justórum ánimæ in manu Dei sunt, et non tanget illos tormentum malitiæ. *ŷ.* Visi sunt óculis insipientium mori : illi autem sunt in pace.

Allelúia, allelúia. *ŷ.* Luc. 22. Vos estis qui permansistis mecum in tentatiõibus meis : et ego dispõno vobis regnũ, ut sedeátis super thronos, judicantes duódecim tribus Israel. Allelúia.

 Sequéntia sancti Evangélii secundum Matthæum. Cap. 14.

IN illo témpore : Cõmpulit Jesus discipulos ascendere in naviculam, et præcedere eum trans fretum, donec dimitteret turbas. Et dimissa turba, ascendit in montem solus oráre. Vespere autem facto, solus erat ibi. Navícula autem in médio mari jactabátur fluctibus : erat enim contrárius ventus. Quarta autem vigília noctis venit ad eos ámbulans super mare. Et vidéntes eum super mare ambulántem, turbáti sunt, dicéntes : Quia phantásma est. Et præ timóre clamavérunt. Statimque Jesus locútus est eis, dicens : Habéte fidúciám : ego sum, nolite timére. Respóndens autem Petrus, dixit : Dómine, si tu es, jube me ad te venire super aquas. At ipse ait : Veni. Et descendens Petrus de navícula, ambulábat super aquam, ut veníret ad Jesum. Videns vero ventum válidum, tímuit : et cum cõpísset mergi, clamávit, dicens : Dómine, salvum me fac. Et continuo Jesus exténdens manum, apprehéndit eum, et ait illi : Módicæ fidei, quare dubitásti ? Et cum ascendisset in naviculam, cessávit ventus. Qui autem in navícula erant, venérunt, et adoravérunt eum, dicéntes : Vere Filius Dei es. Credo.

Offertorium. Ps. 149. Exultábunt

sancti in glória, lætabúntur in cubilibus suis : exaltatiónes Dei in fáucibus eórum.

Secreta.

OFFÉRIMUS tibi, Dómine, preces et múnera : quæ ut tuo sint digna conspéctu, Apostolórum tuórum Petri et Pauli précibus adjuvémur. Per.

Præfatio de Apostolis.

Communio. Sap. 3. Justórum ánimæ in manu Dei sunt, et non tanget illos torméntum malitiæ : visi sunt oculis insipiéntium mori : illi autem sunt in pace.

Postcommunio.

PROTEGE, Dómine, pópulum tuum : et Apostolórum tuórum Petri et Pauli patrocínio confidéntem, perpétua defénsiône consérva. Per Dóminum.

DIE VIII

IN FESTO SANCTÆ ELISABETH

REGINÆ PORTUGALLÆ, VIDUÆ

Missa Cognóvi, de Comm. nec Virg. nec Mart. 25, præter Orat. seq.*

Oratio.

CLEMENTÍSSIME Deus, qui beátam Elisabeth reginam, inter cæteras egrégias dotes, bélici furóris sedándi prærogativa decorásti : da nobis, ejus intercessiône, post mortális vitæ, quam suppliciter pétimus, pacem, ad æterna gáudia pervenire. Per Dóminum.

Secunda Oratio, A cunctis. 56, tertia ad libitum.*

DIE X

IN FESTO SS. SEPTEM FRATRUM

AC RUFINÆ ET SECUNDÆ

VIRGINUM ET MARTYRUM

Introitus. Ps. 112.

LAUDÁTE, púeri, Dóminum, laudáte nomen Dómini : qui habitáre facit stérilem in domo, matrem filiórum lætántem. Ps. Sit nomen Dómini benedíctum : ex hoc nunc, et usque in sæculum. ʒ. Glória Patri. Laudáte.

Oratio.

PRÆSTA, quæsumus, omnipotens Deus : ut qui gloriósos Mártýres fortes in

sua confessiône cognóvimus, pios apud te in nostra intercessiône sentiámus. Per.

Secunda Oratio, A cunctis. 56, tertia ad libitum.*

Léctio libri Sapiéntiæ. Prov. 31.

MULIEREM fortem quis invéniet? Procul et de últimis finibus prétium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsivit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surrêxit, dedítque prædam domésticis suis, et cibária ancillis suis. Considerávit agrum, et emit eum : de fructu mánuum suárum plantávit vineam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiátio ejus : non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apérui in inopi, et palmas suas exténdit ad páuperem. Non timébit dómui suæ a frigóribus nivis : omnes enim doméstici ejus vestiti sunt duplicibus. Stragulátam vestem fecit sibi : byssus et púrpura indumentum ejus. Nóbilis in portis vir ejus, quando séderit cum senatóribus terræ. Sindonem fecit, et véndidit ; et cingulum trádidit Chananeo. Fortitúdo et decor indumentum ejus, et ridébit in die novissimo. Os suum apérui sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt : vir ejus, et laudávit eam. Multæ filiæ congregavérunt divitias : tu supergréssa es univérsas. Fallax grátia, et vana est pulchritúdo : múlter timens Dóminum, ipsa laudábitur. Date ei de fructu mánuum suárum, et laudent eam in portis ópera ejus.

Graduale. Ps. 123. Anima nostra sicut passer erépta est de láqueo venántium. ʒ. Láqueus contritus est, et nos liberáti sumus : adjutórium nostrum in nómine Dómini, qui fecit cælum et terram.

Allelúia, allelúia. *ŷ.* Hæc est vera fraternitas, quæ vicit mundi crimina; Christum secuta est, inclita tenens regna cœlestia. Allelúia.



Sequência sancti Evangelii secundum Matthæum. *Cap. 12.*

IN illo tempore : Loquente Jesu ad turbas, ecce mater ejus et fratres stabant foris, quærentes loqui ei. Dixit autem ei quidam : Ecce mater tua et fratres tui foris stant, quærentes te. At ipse respondens dicenti sibi, ait : Quæ est mater mea, et qui sunt fratres mei? Et extendens manum in discipulos suos, dixit : Ecce mater mea et fratres mei. Quicumque enim fecerit voluntatem Patris mei, qui in cœlis est, ipse meus frater, et soror, et mater est.

Offertorium. Ps. 123. Anima nostra sicut passer erepta est de laqueo venantium : laqueus contritus est, et nos liberati sumus.

Secreta.

SACRIFICIIS præsentibus, quæsumus, Domine, inténde placatus : et intercedentibus Sanctis tuis, devotiōni nostræ proficiant, et saluti. Per Dñm.

Communio. Matth. 12. Quicumque fecerit voluntatem Patris mei, qui in cœlis est, ipse meus frater, et soror, et mater est, dicit Dñus.

Postcommunio.

QUÆSUMUS, omnipotens Deus : ut, intercedentibus Sanctis tuis, illius salutaris capiamus effectum, cujus per hæc mysteria pignus accēpimus. Per.

DIE XI

S. PII, PAPÆ ET MART.

Missa Státuit, ut in Communi unius Mart. Pont. 2*.

DIE XII

IN FESTO S. JOANNIS GUALBERTI ABBATIS

Introitus. Ps. 36.

Os justi meditabitur sapientiam, et lingua ejus loquetur iudicium : lex Dei ejus in corde ipsius. *Ps.* Noli æmulari in malignantibus : neque

zelaveris facientes iniquitatem. *ŷ.* Glória Patri. Os justi.

Oratio.

INTERCESSIO nos, quæsumus, Domine, beati Joannis Abbatis commendet : ut quod nostris meritis non valémus, ejus patrocinio assequámur. Per.

Et fit Commem. SS. Naboris et Felicis. Martyrum.

Oratio.

PRÆSTA, quæsumus, Domine : ut sicut nos sanctorum Martyrum tuorum Naboris et Felicis natalitia celebranda non deserunt, ita júgiter suffragiis comitentur. Per Dñm.

Lectio libri Sapientiae. *Eccli. 45.*

DILÉCTUS Deo et hominibus, cujus memoria in benedictione est. Similem illum fecit in glória Sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi glóriam suam. In fide et lenitate ipsius sanctum fecit illum, et elegit eum ex omni carne. Audivit enim eum, et vocem ipsius, et induxit illum in nubem. Et dedit illi coram præcepta, et legem vitæ et disciplinæ.

Graduale. Ps. 20. Domine, prænuntiasti eum in benedictionibus dulcedinis : posuisti in capite ejus coronam de lapide pretioso. *ŷ.* Vitam petiit a te, et tribuisti ei longitudinem dierum in sæculum sæculi.

Allelúia, allelúia. *ŷ. Ps. 91.* Justus ut palma florebit : sicut cedrus Libani multiplicabitur. Allelúia.



Sequência sancti Evangelii secundum Matthæum. *Cap. 5.*

IN illo tempore : Dixit Jesus discipulis suis : Audistis quia dictum est : Diliges proximum tuum, et odio habebis inimicum tuum. Ego autem dico vobis : Diligite inimicos vestros, benefacite his qui odérunt vos, et orate pro persecutentibus et calumniantibus vos : ut sitis filii Patris vestri qui in cœlis est, qui solem suum oriri facit super bonos et malos,

et pluit super justos et injustos. Si enim diligitis eos qui vos diligunt, quam mercedem habebitis? Nonne et publicani hoc faciunt? Et si salutaveritis fratres vestros tantum, quid amplius facitis? Nonne et ethnici hoc faciunt? Estote ergo vos perfecti, sicut et Pater vester cœlestis perfectus est.

Offertorium. Ps. 20. Desiderium animæ ejus tribuisti ei, Domine, et voluntate labiorum ejus non fraudasti eum: posuisti in capite ejus coronam de lapide pretioso.

Secreta.

SACRIS altaribus, Domine, hostias superpositas sanctus Joannes Abbas, quæsumus, in salutem nobis provenire deposcat. Per Dominum.

Pro SS. Nabore et Felice, Mart.

Secreta.

MÚNERA plebis tuæ, quæsumus, Domine, sanctorum Martyrum tuorum Naboris et Felicis fiant grata suffragiis: et quorum triumphis tuo nomini offeruntur, ipsorum digna perficiantur et meritis. Per Dominum.

Communio. Luc. 12. Fidelis servus et prudens, quem constituit Dominus super familiam suam, ut det illis in tempore tritici mensuram.

Postcommunio.

PROTEGAT NOS, Domine, cum tui perceptiōne sacramenti, beatus Joannes Abbas, pro nobis intercedendo: ut et conversatiōnis ejus experiāmur insignia, et intercessiōnis percipiāmus suffragia. Per Dominum.

Pro SS. Nabore et Felice, Mart.

Postcommunio.

NATALITIIS Sanctorum tuorum, quæsumus, Domine: ut sacramenti munere vegetati, bonis quibus per tuam gratiam nunc fovemur, perfruāmur æternis. Per Dominum.

EADEM DIE

SS. MART. NABORIS ET FELICIS

Missa Salus autem justorum, de Comuni. 11*; **Orationes** ut supra.

DIE XIII

IN FESTO S. ANACLETI

PAPÆ ET MARTYRIS

Introitus. Dan. 3.

SACERDOTES Dei, benedicite Dominum: sancti et humiles corde, laudate Deum. **Cant.** Benedicite, omnia opera Domini, Domino: laudate et superexaltate eum in sæcula. **ŷ.** Glória Patri. Sacerdotes.

Oratio.

DEUS, qui nos beati Anacleti, Martyris tui atque Pontificis, annua solemnitate lætificas: concede propitius; ut cujus natalitia colimus, de ejusdem etiam protectione gaudeamus. Per.

Secunda Oratio, A cunctis. 56*; **tertia ad libitum.**

Lectio Epistolæ beati Pauli Apostoli ad Corinthios. **II Cor. 1.**

FRATRES, Benedictus Deus, et Pater Domini nostri Jesu Christi, Pater misericordiæ, et Deus totius consolationis, qui consolatur nos in omni tribulatione nostra: ut possimus et ipsi consolari eos qui in omni pressura sunt, per exhortationem qua exhortamur et ipsi a Deo. Quoniam sicut abundant passionēs Christi in nobis, ita et per Christum abundat consolatio nostra. Sive autem tribulamur pro vestra exhortatione et salute, sive consolamur pro vestra consolatione, sive exhortamur pro vestra exhortatione et salute, quæ operatur tolerantiam earundem passionum quas et nos patimur; ut spes nostra firma sit pro vobis: scientes quod, sicut socii passionum estis, sic eritis et consolatiōnis: in Christo Jesu Domino nostro.

Graduale. Ps. 8. Glória et honore coronasti eum. **ŷ.** Et constituisti eum super opera manuum tuarum, Domine.

Allelúia, allelúia. ŷ. Hic est Sacerdos quem coronavit Dominus. Allelúia.



Sequētia sancti Evangelii secundum Lucam. Cap. 14.

IN illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios,

et fratres, et sorôres, adhuc autem et animam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrin aedificáre, non prius sedens cóputat sumptus qui necessarij sunt, si hábeat ad perficiéndum : ne, posteaquam posúerit fundaméntum, et non potúerit perficere, omnes qui vident, incipiant illudere ei, dicéntes : Quia hic homo cæpít aedificáre, et non pótuit consummáre? Aut quis rex itúrus committere bellum advérsus álium regem, non sedens prius cógitat si possit cum decem míllibus occurrere ei qui cum viginti míllibus venit ad se? Alióquin, adhuc illo longe agénte, legatiónem mittens, rogat ea quæ pacis sunt. Sic ergo omnis ex vobis qui non renúnciat ómnibus quæ pössidet, non potest meus esse discipulus.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MÚNERA tibi, Dómine, dicáta sanctífica : et intercedénte beáto Anacleto, Mártire tuo atque Pontífice, per eádem nos placátus inténde. Per.

Communio. Ps. 20. Posuísti, Dómine, in cápíte ejus coronam de lápide pretióso.

Postcommunio.

HÆC nos commúnio, Dómine, purget a crimine : et intercedénte beáto Anacleto, Mártire tuo atque Pontífice, celéstis remédiij faciat esse consórtes. Per Dóminum.

DIE XIV

IN FESTO S. BONAVENTURÆ

EPISC., CONFESSORIS, ET ECCL. DOCTORIS

Introitus. Eccli. 13.

IN médio Ecclésiæ apéruit os ejus, et implévit eum Dóminus spíritu sapiéntiæ et intelléctus : stolam glóriæ induit eum. Ps. 91. Bonum est confitéri Dómino, et psállere nómini tuo, Altíssime. ̃. Glória Patri. In médio.

Oratio.

DEUS, qui pópulo tuo æternæ salútis beátum Bonaventúram místrum tribuísti : præsta, quæsumus ; ut quem doctórem vitæ habuimus in terris, intercessórem habére mereámur in cælis. Per Dóminum nostrum.

Lectio Epistolæ beáti Pauli Apóstoli ad Timótheum. **II Tim. 4.**

CHARÍSSIME, Testificor coram Deo et Jesu Christo, qui judicatúrus est vivos et mórtuos, per advéntum ipsius, et regnum ejus : prædica verbum, insta opportúne, importúne : árgue, óbseca, increpa in omni patiéntia et doctrina. Erit enim tempus, cum sanam doctrinam non sustinébunt, sed ad sua desidéria coacervábunt sibi magístros pruriéntes áuribus : et a veritaté quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus iudex : non solum autem mihi, sed et iis qui diligunt advéntum ejus.

Graduale. Ps. 36. Os justi meditábitur sapiéntiam, et lingua ejus loquétur judicium. ̃. Lex Dei ejus in corde ipsius : et non supplantabúntur gressus ejus.

Allelúia, allelúia. ̃. Ps. 109. Jurávit Dóminus, et non penitébit eum : Tu es Sacerdos in ætérnum, secúndum órđinem Melchisedech. Allelúia.



Sequéntia sancti Evangélii secúndum Matthæum. **Cap. 5.**

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra

coram hominibus, ut videant ópera vestra bona, et glorificent Patrem vestrum qui in cœlis est. Nolite putare quóniam veni sôlvare Legem, aut Prophétas : non veni sôlvare, sed adimplére. Amen quippe dico vobis, donec transeat cœlum et terra, ióta unum, aut unus apex non præteribit a Lege, donec ómnia fiant. Qui ergo sôlverit unum de mandátis istis mínimis, et docúerit sic hómnes, mínimus vocábitur in regno cœlórúm : qui autem fécerit et docúerit, hic magnus vocábitur in regno cœlórúm.

Credo.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

SANCTI Bonaventúre, Confessóris tui atque Pontificis, quæsumus, Dómine, ánnua solémnitas pietáti tuæ nos reddat accéptos : ut per hæc piæ placatiónis officia, et illum beáta retribútio comitétur, et nobis grátia tuæ dona conciliet. Per Dóminum nostrum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

DEUS, fidélium remunerátor animárum, præsta : ut beáti Bonaventúre, Confessóris tui atque Pontificis, ejus venerándam celebrámus festivitátem, préciбус indulgéntiam consequámur. Per Dóminum nostrum.

DIE XV

IN FESTO

SANCTI HENRICI, CONFESSORIS

Missa Os justi, ut in Comm. Conf. non Pont. 16*, præter Orat. seq.

Oratio.

DEUS, qui hodiérna die beátum Henricum, Confessórem tuum, e terréni cúlmine impérii ad regnum ætérnum transtulisti : te súplices exorámus ; ut sicut illum grátia tuæ ubertáte prævéntum illécebras sæculi superáre fecisti, ita nos fácias, ejus imitatióne, mundi

hujus blandiménta vitáre, et ad te puris méntibus pervenire. Per Dóminum.

Secunda Oratio, A cunctis. 36* ; tertia ad libitum.

DIE XVI

IN FESTO

B. M. V. DE MONTE CARMELO

Introitus.

GAUDEÁMUS omnes in Dómino, diem festum celebrántes sub honóre beátæ Mariæ Virginis, de cujus sollemnitate gaudent Angeli, et collaudant Filium Dei. Ps. 44. Eructávit cor meum verbum bonum : dico ego ópera mea Regi. ȳ. Glória Patri. Gaudeámus.

Oratio.

DEUS, qui beatissimæ semper virginis et Genitricis tuæ Mariæ singulári título Carméli Ordinem decorásti : concede propitiús ; ut cujus hódie Commemoriatióem solémni celebrámus officio, ejus muníti præsidíis, ad gáudia sempitérna pervenire mereámur. Qui vivis.

Lectio libri Sapiéntiæ. Eccli. 24.

EGO quasi vitis fructificávi suavitátem odóris : et flores mei, fructus honoris et honestátis. Ego mater pulchræ dilectiúnis, et timóris, et agnitiónis, et sanctæ spei. In me grátia omnis viæ et veritátis : in me omnis spes vitæ et virtútis. Transíte ad me, omnes qui concupiscitis me, et a generatióibus meis implémini. Spíritus enim meus super mel dulcis, et hæreditas mea super mel et favum. Memória mea in generatióes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

Graduale. Benedicta et venerábilis es, Virgo María, quæ, sine tactu pudóris, invénta es Mater Salvatóris. ȳ. Virgo Dei Génitrix, quem totus non capit orbis, in tua se clausit viscera factus homo.

Allelúia, allelúia. ȳ. Per te, Dei Génitrix, nobis est vita pérdita data : quæ de cœlo suscepisti prolem, et mundo genuisti Salvátorem. Allelúia.



Sequentia sancti Evangelii secundum Lucam. **Cap. 11.**

IN illo tempore : Loquente Jesu ad turbas, extollens vocem quædam mulier de turba, dixit illi : Beatus venter qui te portavit, et ubera quæ suxisti! At ille dixit : Quinimo beati qui audiunt verbum Dei, et custodiunt illud! Credo.

Offertorium. Recordare, Virgo mater, in conspectu Dei, ut loquaris pro nobis bona, et ut avertat indignationem suam a nobis.

Secreta.

SANCTIFICA, Domine, quæsumus, oblata libamina : et beatæ Dei Genitricis Mariæ saluberrima intercessione, nobis salutaria fore concede. Per eundem.

Præfatio de B. Maria. Et te in Commemoratione beatæ Mariæ.

Communio. Regina mundi dignissima, Maria, Virgo perpétua, intercede pro nostra pace et salute, quæ genuisti Christum Dominum, Salvatorem omnium.

Postcommunio.

ADJUVET nos, quæsumus, Domine, gloriosæ tuæ Genitricis semperque virginis Mariæ intercessio veneranda : ut quos perpétuis cumulavit beneficiis, a cunctis periculis absolutos, sua faciat pietate concordes. Qui vivis.

DIE XVII

IN FESTO S. ALEXII, CONF.

Introitus. Ps. 36.

Os justi meditabitur sapientiam, et lingua ejus loquetur iudicium : lex Dei ejus in corde ipsius. **Ps.** Noli æmulari in malignantibus : neque zelaveris facientes iniquitatem. **ŷ.** Glória. Os justi.

Oratio.

DEUS, qui nos beati Aléxii, Confessoris tui, ánnua solemnitate lætificas : concede propitiis ; ut cujus natalitia cólimus, étiam actiões imitémur. Per.

Secunda Oratio, A cunctis. 56* ; tertia ad libitum.

Lectio Epistolæ beati Pauli Apóstoli ad Timótheum. **I Tim. 6.**

CHARÍSSIME, Est quæstus magnus pietas cum sufficiéntia. Nihil enim

intúlumus in hunc mundum : haud dubium quod nec auférre quid pòssumus. Habéntes autem aliménta, et quibus tegámur, his conténti simus. Nam qui volunt dívites fieri, incidunt in tentatió-nem, et in láqueum diaboli, et desidéria multa inútilia et nocíva, quæ mergunt hómines in intéritum et perditiónem. Radix enim ómnium malórum est cupiditas : quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge : sectáre vero justítiam, pietátem, fidem, charitátem, patiéntiam, mansuetúdinem. Certa bonum certámen fidei, apprehénde vitam ætérnam.

Graduale. Ps. 91. Justus ut palma florébit : sicut cedrus Libani multiplicábitur in domo Dómini. **ŷ.** Ad annuntiándum mane misericórdiam tuam, et veritátem tuam per noctem.

Allelúia, allelúia. **ŷ. Jac. 1.** Beátus vir qui suffert tentatióem : quóniam cum probátus fúerit, accípiet corónam vitæ. Allelúia.



Sequentia sancti Evangelii secundum Matthæum. **Cap. 19.**

IN illo tempore : Dixit Petrus ad Jesum : Ecce nos reliquimus ómnia, et secútí sumus te : quid ergo erit nobis? Jesus autem dixit illis : Amen dico vobis, quod vos, qui secútí estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, iudicántes duódecim tribus Israel. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accípiet, et vitam ætérnam possidebit.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Oratio.

LAUDIS tibi, Domine, hóstias immolá-mus in tuórum commemoratióne Sanctórum : quibus nos et præsentibus éxui malis confidimus, et futúris. Per.

Communio. Matth. 24. Beátus servus quem, cum vénerit Dóminus, invénierit

vigilántem : amen dico vobis, super ómnia bona sua constituet eum.

Postcommunio.

REFECTI cibo potúque cœlesti, Deus noster, te supplices exoramus : ut in cujus hæc commemoratióne percépimus, ejus muniámur et précibus. Per Dóminum.

DIE XVIII

IN FESTO

S. CAMILLI DE LELLIS, CONF.

Introitus. Joan. 15.

MAJOREM hac dilectiõem nemo habet, ut ánimam suam ponat quis pro amicis suis. Ps. 40. Beátus qui intéllegit super egénium et páuperem : in die mala liberábit eum Dóminus. *ŷ.* Glória Patri. Majórem.

Oratio.

DEUS, qui sanctum Camillum, ad animárum in extrémó agóne luctántium subsidium, singulári charitátis prærogativa decorásti : ejus, quæsumus, méritis spíritum nobis tuæ dilectióis infúnde; ut in hora éxitus nostri hostem vincere, et ad cœlestem mereámur corónam pervenire. Per Dóminum.

Et fit Commem. SS. Symphorose et filiorum, Mart., ut in seq. Missa propria.

Lectio Epistolæ beáti Joánnis Apóstoli.

I Joan. 3.

CHARÍSSIMI, Nolite mirári si odit vos mundus. Nos scimus quóniam translati sumus de morte ad vitam, quóniam diligimus fratres. Qui non diligit, manet in morte : omnis qui odit fratrem suum, homicida est. Et scitis quóniam omnis homicida non habet vitam ætérnam in semetípso manéntem. In hoc cognóvimus charitátem Dei, quóniam ille ánimam suam pro nobis pósuit : et nos debémus pro frátribus ánimas pónere. Qui habúerit substántiam hujus mundi, et viderit fratrem suum necessitátem habére, et cláuserit viscera sua ab eo, quómodo cháritas Dei manet in eo? Filíoli mei, non diligámus verbo neque lingua, sed ópere et veritáte.

Graduale. Ps. 36. Os justi meditábitur sapiéntiam, et lingua ejus loquétur judiciúm. *ŷ.* Lex Dei ejus in corde ipsíus : et non supplantabúntur gressus ejus.

Allelúia, allelúia. *ŷ.* Ps. 111. Beátus vir qui timet Dóminum : in mandátis ejus cupit nimis. Allelúia.



Sequéntia sancti Evangélii secundum Joánnem. Cap. 15.

IN illo témpore : Dixit Jesus discipulis suis : Hoc est præcéptum meum, ut diligátis invicem, sicut diléxi vos. Majórem hac dilectiõem nemo habet, ut ánimam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos : quia servus nescit quid fáciat dóminus ejus. Vos autem dixi amicos, quia ómnia quæcúmque audívi a Patre meo, nota feci vobis. Non vos me elegístis, sed ego elégi vos, et pósui vos, ut eátis, et fructum afferátis, et fructus vester máneat : ut quodcúmque petiéritis Patrem in nómine meo, det vobis.

Offertorium. Ps. 20. In virtúte tua, Dómine, lætábitur justus, et super salutare tuum exsultábit veheménter : desiderium ánimæ ejus tribuísti ei.

Secreta.

HÓSTIA immaculáta qua illud Dómini nostri Jesu Christi imménsæ charitátis opus renovámus, sancto Camillo intercedénte, sit contra omnes córporis et ánimæ infirmitátes salutáre remédiúm, et in extrémó agóne salutium et tutelá. Per eundem Dóminum.

Communio. Matth. 25. Infirmus fui, et visitástis me. Amen, amen dico vobis, quámdui fecistis uni ex his frátribus meis mínimis, mihi fecistis.

Postcommunio.

PER hæc cœlestia aliménta, quæ, sancti Camilli, Confessóris tui, solémnia celebrántes, pia devotiõe suscepimus : da, quæsumus, Dómine; ut in hora mortis nostræ sacraméntis refecti et culpis ómnibus expiáti, in sinum misericórdiæ tuæ læti súscipi mereámur. Qui vivis.

EADÉM DIE

SANCTÆ SYMPHOROSÆ
CUM SEPTEM FILIIS MARTYRIBUS

Introitus. Ps. 33.

CLAMAVÉRUNT justī, et Dóminus exaudivit eos : et ex ómnibus tribulatió nibus eórum liberávit eos.
Ps. Benedicam Dóminum in omni témpore : semper laus ejus in ore meo.
Ÿ. Glória Patri. Clamavérunt.

Oratio.

DEUS, qui nos concédis sanctórum Mártyrum tuórum Symphorósæ et filiórum ejus natalitia cólere : da nobis in ætérna beatitúdine de eórum societate gaudére. Per Dóminum.

Lectio Epistolæ beáti Pauli Apóstoli
ad Hebræos. Cap. 11.

FRATRES, Sancti per fidem vicérunt regna, operáti sunt justitiam, adépti sunt reppromissiónes, obturavérunt ora leónum, exstinxérunt impetum ignis, effugerunt áciem gládii, convaluérunt de infirmitate, fortes facti sunt in bello, castra vertérunt exterórum : acceperunt mulieres de resurrectione mórtuos suos : álíi autem disténti sunt, non suscipiéntes redemptionem, ut meliorem invenirent resurrectionem. Alii vero ludibria et vérbera expérti, insuper et víncula et cárceres : lapidáti sunt, secti sunt, tentáti sunt, in occisióne gládii mórtui sunt : circuiérunt in melótis, in pèllibus caprinis, egéntes, angustiáti, afflicti : quibus dignus non erat mundus : in solitudinibus errántes, in móntibus et spelúncis, et in cavérnis terræ. Et hi omnes testimonió fidei probáti, invénti sunt in Christo Jesu Dómino nostro.

Graduale. Ps. 132. Ecce quam bonum et quam jucúndum habitáre fratres in unum! Ÿ. Sicut unguéntum in cápite, quod descéndit in barbam, barbam Aaron.

Allelúia, allelúia. Ÿ. Hæc est vera fraternitas, quæ vicit mundi crimina; Christum secúta est, inclyta tenens regna cœlestia. Allelúia.



Sequéntia sancti Evangélii secúndum Lucam. Cap. 12.

In illo témpore : Dixit Jesus discipulis suis : Atténdite a ferménto pharisæórum, quod est hypócrisis. Nihil autem opértum est, quod non revelétur : neque absconditum, quod non sciátur. Quóniam quæ in ténebris dixistis, in lúmine dicéntur, et quod in aurem locúti estis in cubiculis, prædicábitur in tectis. Dico autem vobis amícis meis : Ne terreámini ab his qui occidunt corpus, et post hæc non habent ámplius quid fáciant. Osténdam autem vobis quem timeátis; timeíte eum qui, postquam occiderit, habet potestatem mittere in gehénnam. Ita dico vobis, hunc timeíte. Nonne quinque pás-seres véneunt dipóndio, et unus ex illis non est in oblivióne coram Deo? Sed et capilli cápitis vestri omnes numeráti sunt. Nolite ergo timére : multis passéribus pluris estis vos. Dico autem vobis : Omnis quicúmque conféssus fúerit me coram homínibus, et Filius hóminis confitébitur illum coram Angelis Dei.

Offertorium. Ps. 31. Lætámini in Dómino, et exsultáte, justí : et gloriámini, omnes recti corde.

Secreta.

MÚNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per.

Communio. Matth. 12. Quicúmque fécit voluntátem Patris mei, qui in cœlis est, ipse meus frater, et soror, et mater est, dicit Dóminus.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis Symphorósæ et filiis ejus : ut quod ore contingimus, pura mente capiámus. Per.

DIE XIX

IN FESTO

S. VINCENTII A PAULO, CONF.

Introitus. Ps. 91.

JUSTUS ut palma florébit : sicut cedrus Libani multiplicábitur : plantátus in domo Dómini, in átriis domus Dei

nostri. *Ps.* Bonum est confitēri Dōmīno, et psāllere nōmīni tuo, Altīssimæ. *ŷ.* Glōria. Justus.

Oratio.

DEUS, qui ad evangelizāndum paupēribus, et ecclesiāstici ordinis decorem promovēdum, beatū Vincēntium apostolica virtūte roborāsti : pręsta, quęsumus ; ut cujus pia mērita venerāmur, virtūtum quoque instruāmur exemplis. Per Dōminum.

Lectio Epistolę beati Pauli Apōstoli ad Corinthios. *I Cor. 4.*

FRATRES, Spectāculum facti sumus mundo, et Angelis, et hominibus. Nos stulti propter Christum, vos autem prudētes in Christo : nos infirmi, vos autem fortes : vos nōbiles, nos autem ignōbiles. Usque in hanc horam et esurimus, et sitimus, et nudi sumus, et cōlaphis cēdimur, et instābiles sumus, et laborāmus operāntes mānibus nostris : maledicimur, et benedicimus : persecutiōnem patimur, et sustinēmus : blasphemāmur, et obsecrāmus : tamquam purgamēta hujus mundi facti sumus, omnium peripsēma usque adhuc. Non ut confūdāmur vos hęc scribo, sed ut filios meos charissimos mōneo : in Christo Jesu Dōmīno nostro.

Graduale. *Ps. 36.* Os justi meditabitur sapiēntiam, et lingua ejus loquētur judicium. *ŷ.* Lex Dei ejus in corde ipsius : et non supplantabūntur gressus ejus.

Allelūia, allelūia. *ŷ. Ps. 111.* Beātus vir qui timet Dōminum : in mandātis ejus cupit nimis. Allelūia.



Sequēntia sancti Evangēlii secūndum Lucam. *Cap. 10.*

IN illo tēpore : Designāvit Dōminus et alios septuaginta duos : et misit illos binos ante faciē suam in omnem civitatem et locum quo erat ipse ventūrus. Et dicēbat illis : Messis quidem multa, operārii autem pauci. Rogāte ergo Dōminum messis, ut mittat operārios in messem suam. Ite : ecce ego mitto vos sicut agnos inter lupos. Nolite portāre sacculum, neque peram, neque calceamēta : et nēmīnem per viam

salutaveritis. In quacūmq; domum intraveritis, primum dīcite : Pax huic dōmū : et si ibi fūerit filius pacis, requiescet super illum pax vestra : sin autem, ad vos revertētur. In eādē autem domo manēte, edēntes et bibēntes quę apud illos sunt : dignus est enim operārius mercēde sua. Nolite transire de domo in domum. Et in quacūmq; civitatem intraveritis, et suscepērint vos, manducate quę apponūntur vobis : et curate infirmos qui in illa sunt, et dīcite illis : Appropinquāvit in vos regnum Dei.

Offertorium. Ps. 20. In virtūte tua, Dōmine, lētābitur justus, et super salutāre tuum exsultābit vehemēter : desiderium animę ejus tribuisti ei.

Secreta.

PRĘSTA nobis, quęsumus, omnīpotens Deus, ut nostrę humilitātis oblātio, et pro tuorum tibi grata sit honōre Sanctōrum, et nos cōrpore pariter et mente purificet. Per Dōminum.

Communio. Matth. 19. Amen dico vobis, quod vos, qui reliquistis omnia, et secūti estis me, centuplum accipietis, et vitam æternam possidebitis.

Postcommunio.

QUĘSUMUS, omnīpotens Deus : ut qui cōlęstia alimēta percēpimus, intercedēte beāto Vincēntio, Confessōre tuo, per hęc contra omnia advērsa muniamur. Per Dōminum.

DIÆ XX

IN FESTO S. HIERONYMI ÆMILIANI CONFESSORIS

Introitus. Jer. Thren. 2.

EFFUSUM est in terra jecur meum super contritiōne filię pōpuli mei, cum deficeret parvulus et lactens in platēis oppidi. *Ps. 112.* Laudate, pūeri, Dōminum : laudate nomen Dōmini. *ŷ.* Glōria Patri. Effusum est.

Oratio.

DEUS, misericordiārum Pater, per mērita et intercessiōnem beati Hierōnyni, quem ōrphanis adjutōrem et patrem esse voluisti : concēde ; ut spīritum adoptiōnis, quo filii tui nomināmur

et sumus, fidèlìter custodiámus. Per Dóminum.

Et fit Commem. sanctæ Margaritæ, Virginis et Martyris.

Oratio.

INDULGÉNTIAM nobis, quæsumus, Dómine, beáta Margarita, Virgo et Martyr, implòret : quæ tibi grata semper exstitit et mérito castitátis, et tuæ professione virtútis. Per Dóminum.

Lectio Isaïæ Prophætæ. Cap. 58.

FRANGE esuriénti panem tuum, et egénos vagósque induc in domum tuam : cum videris nudum, óperi eum, et carnem tuam ne despéxeris. Tunc erumpet quasi mane lumen tuum, et sánitas tua citius oriétur, et anteíbit facièm tuam justítia tua, et glória Dómini colliget te. Tunc invocábis, et Dóminus exáudiet : clamábis, et dicet : Ecce adsum ; si abstúleris de médio tui caténam, et desieris exténdere dígitum, et loqui quod non prodest. Cum effúderis esuriénti ánimam tuam, et ánimam afflictam repléveris, oriétur in ténebris lux tua, et ténebræ tuæ erunt sicut meridies. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irriguus, et sicut fons aquárum, cujus non deficient aquæ.

Graduale. Prov. 3. Derivéntur fontes tui foras, et in platéis aquas tuas divide. *ŷ. Ps. 141.* Jucúndus homo qui miserétur et cómmodat : dispónet sermones suos in júdicio, quia in aetérnum non commovébitur.

Allelúia, allelúia. *ŷ.* Dispérsit, dedit paupéribus : justítia ejus manet in sæculum sæculi. Allelúia.



Sequéntia sancti Evangélii secúndum Matthæum. Cap. 19.

IN illo témpore : Obláti sunt Jesu párvuli, ut manus eis impóneret, et oráret. Discípuli autem increpábant eos. Jesus vero ait eis : Sínite párvulos, et nolite eos prohibére ad me veníre : tálum est enim regnum cœlórum. Et cum imposuísset eis manus, abiit inde. Et

ecce unus accédens, ait illi : Magister bone, quid boni faciám, ut hábeam vitam aetérnam? Qui dixit ei : Quid me intérogas de bono? Unus est bonus. Deus. Si autem vis ad vitam ingredi, serva mandáta. Dicit illi : Quæ? Jesus autem dixit : Non homicidiúm faciès : Non adulterábis : Non faciès furtum : Non falsum testimónium dices : Honóra patrem tuum et matrem tuam, et diliges próximum tuum sicut teípsum. Dicit illi adoléscent : Omnia hæc custodivi a juventúte mea : quid adhuc mihi deest? Ait illi Jesus : Si vis perféctus esse, vade, vende quæ habes, et da paupéribus, et habébis thesáurum in cœlo : et veni, séquere me.

Offertorium. Tob. 12. Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego obtuli oratióem tuam Dómino.

Secreta.

CLEMENTÍSSIME Deus, qui, vétèri hómine consúmpto, novum secúndum te in beáto Hierónymo creáre dignátus es : da, per mérita ipsíus, ut nos páriter renováti, hanc placatiónis hóstiam in odórem tibi suavíssimum offerámus. Per.

Pro sancta Margarita. Secreta.

HÓSTIAS tibi, Dómine, beáte Margaritæ, Virginis et Mátyris tuæ, dicébas méritis, benígnus assúme : et ad perpétuum nobis tribue proveníre subsidium. Per Dóminum.

Communio. Jac. 1. Relígio munda et immaculáta apud Deum et Patrem, hæc est : visitáre pupillos et víduas in tribulatióne eórum, et immaculátum se custodíre ab hoc sæculo.

Postcommunio.

ANGELÓRUM pane refécti, te, Dómine, suppliciter deprecámur : ut qui ánuam beáti Hierónymi, Confessóris tui, memóriam celebráre gaudémus ; ejúsdem étiam et exémplum imitémur, et amplíssimum in regno tuo præmíum obtinére valeámus. Per Dóminum.

Pro sancta Margarita. Postcommunio.
DIVINI múnieris largitáte satiáti, quæsumus, Dómine Deus noster : ut, intercedénte beáta Margaríta, Vírgine et Mártýre tua, in ejus semper participatióne vivámus. Per Dóminum.

EADEM DIE

SANCTÆ MARGARITÆ

VIRGINIS ET MARTYRIS

Missæ Me expectavérunt, de Comuni. 20*.

DIE XXI

SANCTÆ PRAXEDIS, VIRGINIS

Introitus. Ps. 118.

LOQUÉBAR de testimoniis tuis in conspéctu regum, et non confundébar : et meditábar in mandátis tuis, quæ diléxi nimis. Ps. Beáti immaculáti in via, qui ámbulant in lege Dómini. *ŷ.* Glória Patri. Loquébar.

Oratio.

EXÁUDI nos, Deus salutáris noster : ut sicut de beáte Praxédís, Virginis tuæ, festivitáte gaudémus ; ita piæ devotiónis erudiámur afféctu. Per Dóminum.

Lectio Epistolæ beáti Pauli Apóstoli ad Corínthios. I Cor. 7.

FRATRES, De virgínibus præcéptum Dómini non hábeo : consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatiónem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : reliquum est ut et qui habent uxóres, tamquam non habéntes sint : et qui flent, tamquam non flentes : et qui gaudent, tamquam non gaudéntes : et qui emunt, tamquam non possidéntes : et qui utúntur hoc mundo, tamquam non utántur : præterit enim figúra hujus mundi. Volo autem vos

sine sollicitúdine esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divisus est. Et mülíer innúpta, et virgo cógitat quæ Dómini sunt, ut sit sancta córpore et spíritu : in Christo Jesu Dómino nostro.

Graduale. Ps. 44. Dilexisti justitiam, et odisti iniquitátem. *ŷ.* Proptérea unxit te Deus, Deus tuus, óleo lætitiæ.

Allelúia, allelúia. *ŷ.* Spécie tua et pulehritúdine tua inténde, prospere procéde, et regna. Allelúia.



Sequéntia sancti Evangélíi secúndum Matthæum. Cap. 13.

IN illo témpore : Dixit Jesus discipulis suis parábolam hanc : Símile est regnum cælórum thesaúro abscondito in agro, quem qui invenit homo, abscondit, et præ gáudio illús vadit, et vendit univérsa quæ habet, et emit agrum illum. Iterum símile est regnum cælórum hómini negotiátóri quærénti bonas margarítas. Invénta autem una pretiósa margarita, ábiit, et véndidit ómnia quæ hábuit, et emit eam. Iterum símile est regnum cælórum sagénæ missæ in mare, et ex omni génere piscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi : exibunt Angeli, et separábunt malos de médio justórum, et mittent eos in camínium ignis : ibi erit fletus et stridor déntium. Intellexistis hæc ómnia? Dicunt ei : Etiam. Ait illis : Ideo omnis scriba doctus in regno cælórum, símilis est hómini patrifamílias, qui profert de thesaúro suo nova et vétera.

Offertorium. Ps. 44. Diffúsa est grátia in lábiis tuis : proptérea benedixit te Deus in ætérnum, et in sæculum sæculi.

Secreta.

ACCÉPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxílium. Per Dóminum.

Communio. *Matth. 13.* Símile est regnum cœlórum hómini negotiatóri quærénti bonas margarítas; invénta una pretiósá margaríta, dedit ómnia sua, et comparávit eam.

Postcommunio.

SATIÁSTI, Dómine, familiam tuam muneribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

Die XXII

IN FESTO

SANCTÆ MARIE MAGDALENÆ

Introitus. *Ps. 118.*

ME expectavérunt peccatóres, ut pérderent me : testimónia tua, Dómine, intelléxi : omnis consummationis vidi finem : latum mandatum tuum nimis. *Ps.* Beáti immaculáti in via, qui ámbulant in lege Dómini. *ŷ.* Glória Patri. Me expectavérunt.

Oratio.

BEATÆ Mariæ Magdalénæ, quæsumus, Dómine, suffrágiis adjuvémur : cujus precibus exorátus, quatríduánum fratrem Lázarus vivum ab inferis resuscitásti. Qui vivis.

Lectio libri Sapiéntiæ. *Cant. 3 et 8.*

SURGAM, et circuibo civitátem : per vicos et platéas quæram quem diligit ánima mea : quæsívi illum, et non invéni. Invenérunt me vigiles, qui custodiunt civitátem. Num quem diligit ánima mea vidístis? Páululum cum pertransíssem eos, invéni quem diligit ánima mea : ténuí eum, nec dimittam, donec introducam illum in domum matris meæ, et in cubiculum genitricis meæ. Adjúro vos, filie Jerúsalem, per cápreas cervósque campórum, ne suscitétis, neque evigiláre faciátis dílectam, donec ipsa velit. Pone me ut signáculum super cor tuum, ut signáculum super bráchium tuum : quia fortis est ut mors dílectio, dura sicut inférnus æmulátio : lámpades ejus, lámpades ignis atque flammárum. Aquæ multæ non potuérunt exstinguere charitátem, nec flúmina óbruunt illam : si déderit

homo omnem substántiam domus suæ pro dílectióne, quasi nihil despíciat eam.

Graduale. *Ps. 44.* Dilexisti justitiam, et odísti iniquitátem. *ŷ.* Proptérea unxit te Deus, Deus tuus, óleo lætitiæ.

Allelúia, allelúia. *ŷ.* Diffúsa est grátia in lábiis tuis : proptérea benedixit te Deus in ætérnum. Allelúia.



Sequéntia sancti Evangélíi secúndum Lucam. *Cap. 7.*

In illo témpore : Rogábat Jesum quidam de pharisæis, ut manducáret eum illo. Et ingræssus domum pharisæi discúbuit. Et ecce múlíer quæ erat in civitáte peccátrix, ut cognóvit quod accubúisset in domo pharisæi, áttulit alabástrum unguénti : et stans retro secus pedes ejus, lácrymis cœpit rigáre pedes ejus, et capillis cápitis sui tergébat, et osculabátur pedes ejus, et unguénto ungébat. Videns autem phariseus qui vocáverat eum, ait intra se, dicens : Hic si esset prophéta, scíret útique quæ et qualis est múlíer quæ tangit eum : quia peccátrix est. Et respóndens Jesus, dixit ad illum : Simon, hábeo tibi aliquid dicere. At ille ait : Magíster, dic. Duo debitóres erant cuidam fœneratóri : unus debébat denários quingéntos, et álíus quinquagínta. Non habéutibus illis unde rédderent, donávit utrísque. Quis ergo eum plus diligit? Respóndens Simon, dixit : Æstimo quia is cui plus donávit. At ille dixit : Recte judicásti. Et conversus ad mulierem, dixit Simóni : Vides hanc mulierem? Intrávi in domum tuam, aquam pédibus meis non dedísti : hæc autem lácrymis rigávit pedes meos, et capillis suis tersit. Osculum míhi non dedísti : hæc autem, ex quo intrávit, non cessávit osculári pedes meos. Oleo caput meum non unxísti : hæc autem unguénto unxit pedes meos. Propter quod dico tibi : Remittúntur ei peccáta multa, quóniam diléxit multum. Cui autem minus dimíttitur, minus diligit. Dixit autem ad illam : Remittúntur tibi peccáta. Et cœpérunt, qui simul accumbébant, dicere intra se : Quis est hic, qui étiam peccáta dimíttit? Dixit autem

ad mulierem : Fides tua te salvam fecit : vade in pace. Credo.

Offertorium. Ps. 44. Filiae regum in honore tuo : adstitit regina a dextris tuis in vestitu deaurato, circumdata varietate.

Secreta.

MŪNERA nostra, quæsumus, Dōmine, beatæ Mariæ Magdalænæ gloriōsa mērita tibi reddant accepta : cujus oblationis obsequium unigēnitus Filius tuus clemēter suscepit impēsum. Qui tecum vivit.

Communio. Ps. 118. Feci iudicium et justitiam, Dōmine, non calumniētur mihi supēbi : ad omnia mandata tua dirigēbar, omnem viam iniquitatis odio habui.

Postcommunio.

SUMPTO, quæsumus, Dōmine, unico ac salutari remēdio, corpore et sanguine tuo pretioso : ab omnibus malis, sanctæ Mariæ Magdalænæ patrocinii, eruāmur. Qui vivis.

DIE XXIII

IN FESTO S. APOLLINARIS

EPISCOPI ET MARTYRIS

Introitus. Dan. 3.

SACERDOTES Dei, benedicite Dōminum : sancti et hūmiles corde, laudate Deum. **Dan.** Benedicite, omnia ōpera Dōmini, Dōmino : laudate et superexaltate eum in sæcula. **ŷ.** Glōria Patri. Sacerdotes.

Oratio.

DEUS, fideliū remunerator animarum : qui hunc diem beati Apollinaris, Sacerdotis tui, martyrio consecrasti : tribue nobis, quæsumus, famulis tuis ; ut cujus venerandam celebrāmus festivitatem, precibus ejus indulgentiam consequāmur. Per Dōminum.

Et fit Commem. S. Liborii, Episcopi et Confessoris.

Oratio.

DA, quæsumus, omnipotens Deus : ut beati Liborii, Confessoris tui atque Pontificis, veneranda solēmnitas, et devotiōnem nobis augeat, et salutem. Per.

Lectio Epistolæ beati Petri Apostoli.

I Petr. 5.

CHARISSIMI, Seniores qui in vobis sunt obsecro, consenior et testis Christi passionum : qui et ejus, quæ in futuro revelanda est, gloriæ communicator : pascite qui in vobis est, gregem Dei, providentes non coacte, sed spontanee secundum Deum : neque turpis lucri gratia, sed voluntarie : neque ut dominantes in elevis, sed forma facti gregis ex animo. Et cum apparuerit princeps pastorum, percipietis immarcescibilem gloriæ coronam. Similiter, adolescentes, subditi estote senioribus. Omnes autem invicem humilitatem insinuate : quia Deus superbis resistit, humilibus autem dat gratiam. Humiliamini igitur sub potenti manu Dei, ut vos exaltet in tempore visitationis : omnem sollicitudinem vestram projicientes in eum, quoniam ipsi cura est de vobis. Sobrii estote et vigilate : quia adversarius vester diabolus, tanquam leorugiens circuit, querens quem devoret : cui resistite fortes in fide : scientes eandem passionem ei quæ in mundo est, vestræ fraternitati fieri. Deus autem omnis gratiæ, qui vocavit nos in æternam suam gloriam in Christo Jesu, modicum passus ipse perficiet, confirmabit, solidabitque. Ipsi gloria et imperium in sæcula sæculorum. Amen.

Graduale. Ps. 88. Inveni David servum meum, oleo sancto meo unxi eum : manus enim mea auxiliabitur ei, et brachium meum confortabit eum. **ŷ.** Nihil proficiet inimicus in eo, et filius iniquitatis non nocēbit ei.

Allelūia, allelūia. ŷ. Ps. 109. Juravit Dōminus, et non poenitebit eum : Tu es Sacerdos in ætēnum, secundum ordinem Melchisedech. Allelūia.



Sequentia sancti Evangelii secundum Lucam. Cap. 22.

In illo tempore : Facta est contentio inter discipulos, quis eorum videretur esse major. Dixit autem eis Jesus : Reges gentium dominantur eorum : et qui potestatem habent super eos, benefici vocantur. Vos autem non sic : sed qui

major est in vobis, fiat sicut minor : et qui præcëssor est, sicut ministrátor. Nam quis major est, qui recúmbit, an qui ministrat? Nonne qui recúmbit? Ego autem in médio vestrum sum sicut qui ministrat : vos autem estis qui permanistis mecum in tentatiónibus meis. Et ego dispóno vobis, sicut dispósuit mihi Pater meus regnum, ut edátis et bibátis super mensam meam in regno meo : et sedeátis super thronos, judicántes duódecim tribus Israel.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

RÉSPICE, Dómine, propítius super hæc múnera, quæ pro beáti Sacerdótis et Mártiris tui Apollínaris commemoratióne deférimus, et pro nostris offensió-nibus immolámus. Per Dóminum.

Pro S. Liborio. Secreta.

SANCTI tui, quæsumus, Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Communio. Matth. 25. Dómine, quinque talénta tradidisti mihi, ecce ália quinque superlucrátus sum. Euge, serve bone et fidélis, quia in pauca fuisti fidélis, supra multa te constituam : intra in gáudium dómni tui.

Postcommunio.

TUA sancta suméntes, quæsumus, Dómine, ut beáti Apollínaris nos foveant continuáta præsidia : quia non désinis propítius intuéri quos talibus auxiliis concesseris adjuvári. Per Dóminum nostrum.

Pro S. Liborio. Postcommunio.

PRÆSTA, quæsumus, omnipotens Deus : ut de percéptis munéribus grátias exhibéntes, intercedénte beáto Libório, Confessóre tuo atque Pontífice, beneficia potióra sumámus. Per Dóminum.

EADEM DIE

S. LIBORII, EPISC. ET CONF.

Missa Státuit, de Comm. Conf. Pont. 12*.

DIE XXIV

IN VIGILIA S. JACOBI

APOSTOLI

Missa Ego autem, ut in Vigilia unius Apostoli. 1*.

Et fit Commem. sanctæ Christinæ. Virg. et Mart., cum Orationibus ex Missa Me expectavérunt. 20*, et tertia Orat., de sancta Maria, Concède. 1*.

¶ Si Festum S. Jacobi Apostoli venerit Feria II, de sancta Christina fit in Dom., et de Vigil. fit Commem. in Sabbato in Missa S. Apollinaris, ante Commem. S. Liborii, pro quo tunc, loco Orat. Da, quæsumus, dicatur Orat. Exáudi, quæsumus. 14*; et in fine legitur Evangelium ejusdem Vigil.

In Cathedralibus et Collegiatis dicuntur duæ Missæ, una de S. Apollinare, cum Commem. S. Liborii, Orat. Da, quæsumus, sine Commem. Vigil. et Evangelio ejusdem; altera de Vigil., sine Commem. Sanctorum, cum secunda Orat. Concède, tertia Ecclesiæ, vel pro Papa. 1*.

DIE XXV

IN FESTO SANCTI JACOBI

APOSTOLI

Introitus. Ps. 138.

MIHI autem nimis honorátí sunt amici tui, Deus : nimis confortátus est principátus eórum. Ps. Dómine, probásti me, et cognovisti me : tu cognovisti sessiόνem meam et resurrectiόνem meam. 7. Glória Patri. Mihi.

Oratio.

ESTO, Dómine, plebi tuæ sanctificátor et custos : ut Apóstoli tui Jacóbi munita præsiðiis, et conversatióne tibi pláceat, et secúra mente desérviat. Per Dóminum.

¶ In Missis privatis tantum fit Commem. S. Christophori, Mártiris.

Oratio.


PRÆSTA, quæsumus, omnipotens Deus : ut qui beáti Christóphori, Mártiris tui, natalitia cólimus, intercessiόνem ejus in tui nóminis amóre roborémur. Per Dóminum.

Lectio Epistolæ beati Pauli Apostoli ad Corinthios. I Cor. 4.

FRATRES, Puto quod Deus nos Apóstolos novísimos osténdit, tamquam morti destinátos : quia spectáculum facti sumus mundo, et Angelis, et hominibus. Nos stulti propter Christum, vos autem prudéntes in Christo : nos infirmi, vos autem fortes : vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes má nibus nostris : maledicimur, et benedicimus : persecutió nem pátimur, et sustinémus : blasphemámur, et obsecrámus : tamquam purgáménta hujus mundi facti sumus, ómnium peripséma usque adhuc. Non ut confúndam vos hæc scribo, sed ut filios meos charíssimos móneo. Nam si decem millia pædagogórum habeátis in Christo, sed non multos patres. Nam in Christo Jesu per Evangélium ego vos génuí.

Graduale. Ps. 44. Constitues eos príncipes super omnem terram : mémores erunt nóminis tui, Dómine. *ŷ.* Pro pátribus tuis nati sunt tibi filii : propterea pópuli confitebúntur tibi.

Allelúia, allelúia. *ŷ.* Joan. 13. Ego vos elégi de mundo, ut eátis, et fructum afferátis, et fructus vester máneat. Allelúia.

 Sequéntia sancti Evangélii secundum Matthæum. Cap. 20.

In illo témpore : Accéssit ad Jesum mater filiórum Zebedæi cum filiis suis, adorans, et petens áliquid ab eo. Qui dixit ei : Quid vis? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescitis quid petátis. Potéstis bibere cálicem quem ego bibíturus sum? Dicunt ei : Póssumus. Ait illis : Cálicem quidem meum bibétis : sedére autem ad dexteram meam, vel sinistram, non est meum dare vobis, sed quibus parátum est a Patre meo. Credo.

Offertorium. Ps. 18. In omnem ter-

ram exívit sonus eórum, et in fines orbis terræ verba eórum.

Secreta.

OBLATIÓNES pópuli tui, quæsumus, Dómine, beati Jacóbi Apostoli pássio beáta conciliet, et quæ nostris non aptæ sunt méritis, fiant tibi plácitæ ejus deprecatióne. Per Dóminum.

Pro S. Christophoro, Martyre.

Secreta.

MUNÉRIBUS nostris, quæsumus, Dómine, precibúsque susceptis, et cœlestibus nos munda mystériis, et cleménter exáudi. Per Dóminum.

Præfatio de Apostolis.

Communio. Matth. 19. Vos qui secúti estis me, sedébitis super sedes, judicántes duódecim tribus Israel.

Postcommunio.

BEATI Apóstoli tui Jacóbi, quæsumus, Dómine, intercessióne nos ádjuva : pro ejus festivitáte perecépimus tua sancta lætántes. Per Dóminum.

Pro S. Christophoro, Martyre.

Postcommunio.

DA, quæsumus, Dómine Deus noster : ut sicut tuórum commemoratióne Sanctórum temporáli gratulamur officio, ita perpétuo lætémur aspéctu. Per Dóminum.

EADEM DIE

SANCTI CHRISTOPHORI

MARTYRIS

Missa In virtúte tua, de Comm. 4*.

DIE XXVI

IN FESTO

SANCTÆ ANNÆ, MATRIS B. M. V.

Introitus.

GAUDEÁMUS omnes in Dómino, diem festum celebrántes sub honóre beátæ Annæ, de ejus solemnitate gaudent Angeli, et colláudant Filium Dei. Ps. 44. Eructávit cor meum verbum bonum : dico ego ópera mea Regi. *ŷ.* Glória Patri. Gaudeámus.

Oratio.

DEUS, qui beátæ Annæ grátiam conférre dignátus es, ut Genitrícis uni-

géniti Filii tui Mater éffici mererétur : concéde propítius ; ut cujus solémnia celebrámus, ejus apud te patrocíniis adjuvémur. Per eúndem Dóminum nostrum Jesum Christum.

Lectio libri Sapientie. Prov. 31.

MULIEREM fortem quis invéniet? Procul et de últimis finibus pretium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus díebus vitæ suæ. Quæsitit lanam et linum, et operáta est consilio mánuum suárum. Facta est quasi navis institóris, de longe portans panem suum; et de nocte surrexit, deditque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineam. Accínxit fortitúdine lumbos suos, et roborávit bráchium suum. Gustávit et vidit quia bona est negotiatio ejus: non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruiť inopi, et palmas suas exténdit ad páuperem. Non tímébit dómui suæ a frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus et púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trádidit Chananaeo. Fortitúdo et decor indumentum ejus, et ridébit in die novíssimo. Os suum apéruiť sapientie, et lex cleméntie in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divítias, tu supergréssa es univérsas. Fallax grátia, et vana est pulchritúdo: múlter tímens Dóminum, ipsa laudábitur. Date ei de fructu mánuum suárum, et laudent eam in portis ópera ejus.

Graduale. Ps. 44. Dilexísti justitiam, et odísti iniquitátem. *ŷ.* Proptérea unxit te Deus, Deus tuus, óleo lætitiæ.

Allelúia, allelúia. *ŷ.* Diffúsa est grátia

in lábiis tuis: proptérea benedíxit te Deus in ætérnum. Allelúia.



Sequéntia sancti Evangélii secúndum Matthæum. Cap. 13.

In illo témpore: Dixit Jesus discípulis suis parábolam hanc: Simile est regnum celórum thesaúro abscondito in agro: quem qui invenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum celórum hómini negotiátóri quærénti bonas margaritas. Invénta autem una pretiósa margarita, ábiit, et véndidit ómnia quæ hábuít, et emit eam. Iterum simile est regnum celórum sagénæ missæ in mare, et ex omni genere piscium congregánti: quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio justórum, et mittent eos in caminum ignis: ibi erit fletus et stridor déntium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno celórum, similis est hómini patrifamílias, qui profert de thesaúro suo nova et vétéra.

Offertorium. Ps. 44. Filiæ regum in honóre tuo: ádstitit regína a dextris tuis in vestitu deauráto, circúmdata varietáte.

Secreta.

SACRIFICIIS præsentibus, quæsumus, Dómine, placátus inténde: ut per intercessiónem beátæ Annæ, quæ Genitricis Filii tui Dómini nostri Jesu Christi mater éxstitit, et devotióni nostræ proficiant, et salúti. Per eúndem Dóminum.

Communio. Ibid. Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Postcommunio.

CELÉSTIBUS sacraméntis vegetáti, quæsumus, Dómine Deus noster: ut intercessióne beátæ Annæ, quam Genitricis Filii tui matrem esse voluísti, ad ætérnam salútem pervenire mereámur. Per eúndem Dóminum.

DIE XXVII

SANCTI PANTALEONIS

MARTYRIS

Missa Lætabitur justus, de Communi
unius Martyris. 5*.

DIE XXVIII

IN FESTO

SS. NAZARII ET CELSI, MARTYRUM
VICTORIS, PAPÆ ET MARTYRIS
AC INNOCENTII, PAPÆ ET CONF.

Introitus. Ps. 78.

INTRET in conspéctu tuo, Dómine,
gémitus compeditórum : redde vi-
cínis nostris séptuplum in sinu eó-
rum : vándica sánguinem sanctórum tuó-
rum, qui effúsus est. Ps. Deus, venérunt
gentes in hæreditátem tuam, pollué-
runt templum sanctum tuum : posué-
runt Jerúsalem in pomórum custódiám. Ț. Glória
Patri. Intret.

Oratio.

SANCTÓRUM tuórum nos, Dómine,
Nazárii, Celsi, Victóris et Innocéntii
conféssio beáta commúniat : et fragilitáti
nostræ subsidium dignánte exóret. Per
Dóminum.

Secunda Oratio, A cunctis. 56* ; tertia
ad libitum.

Lectio libri Sapiéntiæ. Cap. 10.

RÉDDIDIT Deus justis mercédem labó-
rum suórum, et dedúxit illos in via
mirábili : et fuit illis in velaménto diéi,
et in luce stellárum per noctem : trans-
tulit illos per mare Rubrum, et trans-
vexit illos per aquam níiam. Inimícos
autem illórum demérsit in mare, et ab
altitúdine inferórum edúxit illos. Ideo
justi tulérunt spólia impiórum, et de-
cantavérunt, Dómine, nomen sanctum
tuum, et victricem manum tuam lauda-
vérunt páriter, Dómine Deus noster.

Graduale. Exodi 15. Gloriósus Deus
in Sanctis suis : mirábilis in majestáte,
fáciens prodigia. Ț. Dextera tua, Dómi-
ne, glorificáta est in virtúte : dextera
manus tua confrégit inimícos.

Allelúia, allelúia. Ț. Eccli. 44. Cór-
pora Sanctórum in pace sepúlta sunt, et

nómína eórum vivent in generatióem
et generatióem. Allelúia.



Sequéntia sancti Evangélii secún-
dum Lucam. Cap. 21.

IN illo témpore : Dixit Jesus discípulis
suis : Cum audiéritis prælia et sedi-
tiónes, nolite terréri : opórtet primum
hæc fieri, sed nondum statim finis. Tunc
dicebat illis : Surget gens contra gentem,
et regnum advérsus regnum. Et terræ-
mótus magni erunt per loca, et pestilén-
tiæ, et fames, terrorésque de cœlo, et
signa magna erunt. Sed ante hæc ómnia
injicient vobis manus suas, et persecúen-
tur, tradéntes in synagógas et custódias,
trahéntes ad reges et præsides propter
nomen meum : continget autem vobis
in testimónium. Pónite ergo in córdibus
vestris non præmeditári quemádmódum
respondeátis. Ego enim dabo vobis os, et
sapiéntiam, cui non póterunt resistere
et contradicere omnes advérsárii vestri.
Tradémini autem a paréntibus, et frá-
tribus, et cognátis, et amícis, et morte
afficient ex vobis : et éritis ódio ómnibus
propter nomen meum : et capillus de
cápite vestro non peribit. In patiéntia
vestra possidebitis ánimas vestras.

Offertorium. Ps. 67. Mirábilis Deus
in Sanctis suis : Deus Israel ipse dabit
virtútem et fortitúdinem plebi suæ :
benedíctus Deus, allelúia.

Secreta.

CONCÉDE nobis, omnipotens Deus, ut
his munéribus quæ in sanctórum
tuórum Nazárii, Celsi, Victóris et Inno-
céntii honóre deférimus, et te placémus
exhibitis, et nos vivificémur accéptis.
Per Dóminum.

Communio. Sap. 3. Et si coram ho-
mínibus torménta passi sunt, Deus ten-
távit eos : tamquam aurum in fornáce
probávit eos, et quasi holocáusta accépit
eos.

Postcommunio.

SANCTÓRUM Nazárii, Celsi, Victóris et
Innocéntii, Dómine, intercessióne
placátus : præsta, quæsumus ; ut quod
temporáli celebrámus actióne, perpétua
salvatióne capiámus. Per Dóminum.

DIE XXIX

IN FESTO S. MARTHÆ, VIRG.

Introitus. Ps. 44.

DILEXISTI iustitiam, et odisti iniquitatem : propterea iunxit te Deus, Deus tuus, oleo lætitiæ præ consortibus tuis. Ps. Eructavit cor meum verbum bonum : dico ego opera mea Regi. ⁊. Glória Patri. Dilexisti.

Oratio.

EXAUDI nos, Deus salutáris noster : ut sicut de beátæ Marthæ, Virginis tuæ, festivitáte gaudemus ; ita piæ devotiõnis erudiámur afféctu. Per Dóminum.

Et fit Commem. SS. Martyrum Felicis, Simplicii, Faustini et Beatricis.

Oratio.

PRÆSTA, quæsumus, Dómine : ut sicut pópulus christiánus Mátyrum tuórum Felicis, Simplicii, Faustini et Beatricis temporáli solemnitate congáudet, ita perfruátur ætérna ; et quod votis celebrat, comprehéndat efféctu. Per.

Tertia Oratio. A cunctis. 36*.

Lectio Epistolæ beáti Pauli Apóstoli ad Corinthios. II Cor. 10 et 11.

FRATRES, Qui gloriátur, in Dómino gloriétur. Non enim qui seipsum comméndat, ille probátus est ; sed quem Deus comméndat. Utinam sustinerétis módicum quid insipientiæ meæ ! sed et supportáte me. Æmulor enim vos Dei æmulatione. Despóndi enim vos uni viro, virginem castam exhibére Christo.

Graduale. Ps. 44. Spécie tua et pulchritúdine tua inténde, prospere procéde, et regna. ⁊. Propter veritátem, et mansuetúdinem, et iustitiam : et dedúcet te mirabiliter dextera tua.

Allelúia, allelúia. ⁊. Adducéntur Regi Virgines post eam : próximæ ejus afferéntur tibi in lætitia. Allelúia.



Sequéntia sancti Evangélii secúndum Lucam. Cap. 10.

In illo tempore : Intrávit Jesus in quodam castéllum : et múlter quædam, Martha nómine, accépit illum in domum suam : et huic erat soror, nómine Maria, quæ étiam sedens secus pedes Dómini,

audiébat verbum illius. Martha autem satagébat circa frequens ministérium : quæ stetit, et ait : Dómine, non est tibi curæ quod soror mea reliquit me solam ministráre ? Dic ergo illi ut me ádjuvet. Et respondens, dixit illi Dóminus : Martha, Martha, sollicita es et turbáris erga plúrima. Porro unum est necessarium. Maria óptimam partem elégit, quæ non auferétur ab ea.

Offertorium. Ps. 44. Filiæ regum in honóre tuo : ádstitit regína a dextris tuis in vestitu deauráto, circúmdata varietáte.

Secreta.

ACCÉPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatione percepisse cognóscit auxilium. Per Dóminum.

Pro SS. Mart. Felice et Sociis.

Secreta.

HÓSTIAS tibi, Dómine, pro sanctórum Mátyrum tuórum Felicis, Simplicii, Faustini et Beatricis commemoratióne deférimus, suppliciter deprecántes, ut indulgéntiam nobis páriter cónferant, et salutem. Per Dóminum.

Communio. Matth. 23. Quinque prudentes vírgines accepérunt óleum in vasis suis cum lampádibus : média autem nocte, clamor factus est : Ecce sponsus venit, exite óbviam Christo Dómino.

Postcommunio.

SATIÁSTI, Dómine, familiam tuam muneribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

Pro SS. Mart. Felice et Sociis.

Postcommunio.

PRÆSTA, quæsumus, omnipotens Deus : ut sanctórum Mátyrum tuórum Felicis, Simplicii, Faustini et Beatricis cœléstibus mystériis celebráta solémnitas, indulgéntiam nobis tuæ propitiatiõnis acquirat. Per Dóminum.

EADDEM DIE

SS. MART. FELICIS ET SOCIORUM

Missa Sapiéntiam, de Comm. 10*, cum Orationibus ut supra.

DIE XXX

SANCTORUM ABDON ET SENNEN

MARTYRUM

Introitus. Ps. 78.

IN TRET in conspectu tuo, Dómine, gémitus compeditórum : redde vicinis nostris séptuplum in sinu eórum : vindica sanguínem Sanctórum tuórum, qui effusus est. Ps. Deus, venérunt gentes in hæreditátem tuam, polluérunt templum sanctum tuum : posuérunt Jerúsalem in pomórum custódiám. *ŷ.* Glória Patri. Intret.

Oratio.

DEUS, qui sanctis tuis Abdon et Sennen ad hanc glóriam veniéndi copiósum munus grátie contulisti : da fámulis tuis suórum véniam peccatórum; ut, Sanctórum tuórum intercedéntibus méritis, ab ómnibus mereámur adversitatibus liberári. Per Dóminum nostrum.

Lectio Epistolæ beáti Pauli Apóstoli ad Corínthios. II Cor. 6.

FRATRES, Exhibeámus nosmetipsos sicut Dei ministros, in multa patiéntia, in tribulatióibus, in necessitatibus, in angústiis, in plagis, in carcéribus, in seditiõibus, in labóribus, in vigiliis, in jejúniis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtúte Dei, per arma justitiæ a dextris et a sinístris, per glóriam et ignobilitátem, per infámiam et bonam famam : ut seductóres, et veraces : sicut qui ignóti, et cõgniti : quasi moriéntes, et ecce vívimus : ut castigati, et non mortificati : quasi tristes, semper autem gaudéntes : sicut egéntes, multos autem locupletántes : tamquam nihil habéntes, et ómnia possidéntes.

Graduale. Exodi 15. Gloriósus Deus in Sanctis suis : mirábilis in majestáte, fáciens prodigia. *ŷ.* Dextera tua, Dómine, glorificáta est in virtúte : dextera manus tua confrégit inimícos.

Allelúia, allelúia. *ŷ.* Sap. 3. Justó-

rum animæ in manu Dei sunt, et non tanget illos torméntum malitiæ. Allelúia.



Sequéntia sancti Evangélíi secúndum Matthæum. Cap. 5.

IN illo témpore : Videns Jesus turbas, ascendit in montem. Et cum sedisset, accessérunt ad eum discipuli ejus, et apériens os suum, docébat eos, dicens : Beáti páuperes spíritu, quóniam ipsórum est regnum celórum. Beáti mites, quóniam ipsi possidébunt terram. Beáti qui lugent, quóniam ipsi conso labúntur. Beáti qui esúriunt et sitiunt justitiam, quóniam ipsi saturabúntur. Beáti misericórdes, quóniam ipsi misericórdiam consequéntur. Beáti mundo corde, quóniam ipsi Deum videbunt. Beáti pacifici, quóniam filii Dei vocabúntur. Beáti qui persecutiónem patiúntur propter justitiam, quóniam ipsórum est regnum celórum. Beáti estis cum maledixerint vobis, et persecúti vos fuerint, et dixerint omne malum advérsus vos mentiéntes, propter me : gaudéte, et exsultáte, quóniam merces vestra copiósa est in celis.

Offertorium. Ps. 67. Mirábilis Deus in Sanctis suis : Deus Israel ipse dabit virtútem et fortitudínem plebi suæ : benedictus Deus.

Secreta.

HÆC hóstia, quæsumus, Dómine, quam sanctorum Mátyrum tuórum natalitia recenséntes offerimus, et vincula nostræ pravitatís absólvat, et tuæ nobis misericórdiæ dona conciliet. Per Dóminum nostrum.

Communio. Ps. 78. Posuérunt mortália servórum tuórum, Dómine, escas volatilibus cœli, carnes sanctorum tuórum béstis terræ : secúndum magnitudínem bráchii tui posside filios morte punitórum.

Postcommunio.

PER hujus, Dómine, operatiónem mystérii, et vítia nostra purgéntur : et intercedéntibus sanctis Mátyribus tuis Abdon et Sennen, justa desidéria compleántur. Per Dóminum.

DIE XXXI

IN FESTO S. IGNATII, CONF.

Introitus. *Philip. 2.*

IN nómine Jesu omne genu flectátur, celéstium, terréstrium et infernórum : et omnis lingua confiteátur quia Dóminus Jesus Christus in glória est Dei Patris. *Ps. 5.* Gloriabúntur in te omnes qui diligunt nomen tuum : quóniam tu benedices justo. *ŷ.* Glória. In nómine.

Oratio.

DEUS, qui ad majórem tui nóminis glóriam propagándam, novo per beátum Ignátium subsidio militántem Ecclesiám roborásti : concéde; ut ejus auxilio et imitatione certámes in terris, coronári cum ipso mereámur in celis. Per.

Lectio Epístolæ beáti Pauli Apóstoli ad Timótheum. *II Tim. 2 et 3.*

CHARÍSSIME, Memor esto Dóminum Jesum Christum resurrexisse a mórtuis ex sémine David, secúndum Evangelium meum, in quo labóro usque ad víncula, quasi male óperans : sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória celésti. Tu autem assecútus es meam doctrínam, institutionem, propósitum, fidem, longanimitátem, dilectionem, patientiam, persecuciones, passiones : quália mihi facta sunt Antiochiæ, Icónii et Lystris : quales persecuciones sustinui, et ex ómnibus erípuit me Dóminus. Et omnes qui pie volunt vívere in Christo Jesu, persecutiónem patiéntur.

Graduale. Ps. 91. Justus ut palma florebit : sicut cedrus Libani multiplicábitur in domo Dómini. *ŷ.* Ad annuntiándum mane misericórdiam tuam, et veritátem tuam per noctem.

Allelúia, allel. *ŷ.* *Jac. 1.* Beátus vir qui suffert tentationem : quóniam cum probátus fuerit, accipiet coronam vitæ. Allel.



Sequéntia sancti Evangelii secúndum Lucam. *Cap. 10.*

IN illo témpore : Designávit Dóminus et álíos septuaginta duos : et misit illos

binos ante faciém suam in omnem civitátem et locum quo erat ipse ventúrus. Et dicébat illis : Messis quidem multa, operárii autem pauci. Rogáte ergo dómimum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sacculum, neque peram, neque calceaménta : et néminem per viam salutavéritis. In quaecúmque domum intravéritis, primum dicite : Pax huic dómui : et si ibi fuerit filius pacis, requiescet super illum pax vestra : sin autem, ad vos revertétur. In eádem autem domo manéte, edéntes et bibéntes quæ apud illos sunt : dignus est enim operárius mercéde sua. Nolite transire de domo in domum. Et in quacúmque civitátem intravéritis, et susciperint vos, manducáte quæ apponúntur vobis : et curáte infirmos qui in illa sunt, et dicite illis : Appropinquávit in vos regnum Dei.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

ADSINT, Dómine Deus, oblatiönibus nostris sancti Ignátii benigna suffrágia : ut sacrosácta mystéria, in quibus omnis sanctitátis fontem constituísti, nos quoque in veritáte sanctificent. Per.

Communio. Luc. 12. Ignem veni mittere in terram : et quid volo, nisi ut accendátur?

Postcommunio.

LAUDIS hóstia, Dómine, quam pro sancto Ignátio grátias ágéntes obtúlimus, ad perpétuam nos Majestátis tuæ laudatiónem, ejus intercessiõe, perdúcat. Per Dóminum.

FESTA AUGUSTI

DIE I

IN FESTO S. PETRI AD VINCULA

Introitus. *Act. 12.*

NUNC scio vere quia misit Dóminus Angelum suum, et erípuit me de manu Heródis, et de omni expectatiõe plebis Judæórum. *Ps. 138.* Dó-

mine, probásti me, et cognovísti me : tu cognovísti sessiónem meam et resurrectionem meam. *ŷ. Glória Patri. Nunc.*

Oratio.

DEUS, qui beátum Petrum Apóstolum a vinctulis absolútum, illæsum abire fecísti : nostrórum, quæsumus, absolve vincula peccatórum, et ómnia mala a nobis propitiátus exclúde. Per Dóminum.

Et fit Commemoratio S. Pauli.

Oratio.

DEUS, qui multitudínem géntium beáti Pauli Apóstoli prædicatióne docuísti : da nobis, quæsumus ; ut cujus commemoratiónem cólimus, ejus apud te patrocínia sentiámus.

Deinde SS. Machabæorum, Mart.

Oratio.

FRATÉRNA NOS, Dómine, Mártyrum tuórum coróna lætíficet : quæ et fidei nostræ præbeat increménta virtútum, et multiplici nos suffrágio consolétur. Per Dóminum nostrum.

Lectio Actuum Apostolórum. Cap. 12.

IN diébus illis : Misit Heródes rex manus, ut affligeret quosdam de Ecclesiá : occidit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum. Erant autem dies Azymórum. Quem cum apprehendisset, misit in cárcerem, tradens quátuor quaterniõibus militum custodiéndum, volens post Pascha producere eum pópulo. Et Petrus quidem servabátur in cárcere. *Oratio* autem fiebat sine intermissiõne ab Ecclesiá ad Deum pro eo. Cum autem productúrus eum esset Heródes, in ipsa nocte erat Petrus dórmienti inter duos milites, vinctus caténis duabus : et custódes ante óstium custodiébant cárcerem. Et ecce Angelus Dómini ádstitit, et lumen refúlsit in habitáculo : percussóque látere Petri, excitávit eum, dicens : Surge velociter. Et ceciderunt caténæ de manibus ejus. Dixit autem Angelus ad eum : Præcingere, et cálcea te caligas tuas. Et fecit sic. Et dixit illi : Circúmda tibi vestiméntum tuum, et séquere me. Et éxiens sequebátur eum, et

nesciébát quia verum est quod fiebat per Angelum : existimábat autem se visum vidére. Transeúntes autem primam et secúndam custódiám, venérunt ad portam férream, quæ ducit ad civitátem : quæ ultro apérta est eis. Et exeúntes processérunt vicum unum : et continuo discéssit Angelus ab eo. Et Petrus ad se revérsus, dixit : Nunc scio vere quia misit Dóminus Angelum suum, et eripuit me de manu Heródis, et de omni expectatióne plebis Judæórum.

Graduale. Ps. 44. Constitues eos príncipes super omnem terram : memores erunt nóminis tui, Dómine. *ŷ. Pro pátribus tuis nati sunt tibi filii : proptérea pópuli confitebúntur tibi.*

Allelúia, allelúia. ŷ. Solve, jubén-te Deo, terrárum, Petre, caténas : qui facis ut páteant cœléstia regna beátis. Allelúia.

Sequéntia sancti Evangélii secúndum Matthæum. Cap. 16.

IN illo témpore : Venit Jesus in partes Cæsaráe Philíppi : et interrogábat discipulos suos, dicens : Quem dicunt hómines esse Filium hóminis ? At illi dixerunt : Alii Joánnem Baptístam, álii autem Eliám, álii vero Jeremíam, aut unum ex Prophétis. Dicit illis Jesus : Vos autem quem me esse dicitis ? Respóndens Simon Petrus, dixit : Tu es Christus Filius Dei vivi. Respóndens autem Jesus, dixit ei : Beátus es, Simon Bar Jona : quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclesiám meam, et portæ inferi non prævalébunt advérsus eam. Et tibi dabo claves regni cœlórum. Et quodcúmque ligáveris super terram, erit ligátum et in cœlis : et quodcúmque solveris super terram, erit solútum et in cœlis. *Credo.*

Offertorium. Ps. 44. Constitues eos príncipes super omnem terram : memores erunt nóminis tui, Dómine, in omni progénie et generatióne.

Secreta.

OBLATUM tibi, Dómine, sacrificium, intercedén-te beáto Petro, Apóstolo

tuo, vivificet nos semper et múníat. Per Dóminum.

Pro S. Paulo. *Secreta.*

Apóstoli tui Pauli précibus, Dómine, a plebis tuæ dona sanctifica : ut quæ tibi tuo grata sunt institútó, gratióra fiant patrocínio supplicántis.

Pro SS. Machabæis. *Secreta.*

MYSTÉRIA tua, Dómine, pro sanctórum Mátyrum tuórum honóre, devóta mente tractémus : quibus et præsidium nobis crescat, et gáudium. Per.

Præfatio de Apostolis.

Communio. Matth. 19. Tu es Petrus, et super hanc petram ædificábo Ecclésiám meam.

Postcommunio.

CÓRPORIS sacri et pretiósi ságuinis repléti libámine, quæsumus, Dómine Deus noster : ut quod pia devotióne gérimus, certa redemptiόne capiámus. Per eúmdem Dóminum.

Pro S. Paulo. *Postcommunio.*

PERCÉPTIS, Dómine, sacraméntis, beáto Paulo, Apóstolo tuo, interveniénte, deprecámur : ut quæ pro illius celebráta sunt glória, nobis proficiant ad medélam.

Pro SS. Machabæis. *Postcommunio.*

PRÆSTA, quæsumus, omnipotens Deus : ut quorum memóriam sacraménti participatióne recólimus, fidem quoque proficiéndo sectémur. Per Dóminum.

EADEM DIE

SS. MACHABÆORUM, MARTYRUM

Missa Clamavérunt, ut in die 18 Julii, in Festo S. Symphorose. 399. Orationes propriæ ut hac die; Offert. autem et Communio sumantur ex die 9 Octobris.

DIE II

IN FESTO

S. ALPHONSI MARLE DE LIGORIO

EPISCOPI, CONFESSORIS

ET ECCLESIE DOCTORIS

Introitus. Luc. 4.

SPÍRITUS Dómini super me, propter quod unxit me : evangelizáre pauperibus misit me, sanáre contritos

corde. Ps. 77. Atténdite, pópule meus, legem meam : inclináte aurem vestram in verba oris mei. *ŷ.* Glória Patri. Spíritus.

Oratio.

DEUS, qui per beátum Alphónsum Mariam, Confessórem tuum atque Pontificem, animárum zelo succénsum, Ecclésiám tuam nova prole fecundásti : quæsumus; ut ejus salutáribus mónitis edócti, et exémpis roboráti, ad te perveníre feliciter valeámus. Per Dóminum nostrum.

Et fit *Communio.* S. Stephani, Papæ et Mart., cum Orationibus ex seq. Missa propria.

Léctio Epistolæ beáti Pauli Apóstoli ad Timótheum. II Tim. 2.

CHARÍSSIME, Confortáre in grátia, quæ est in Christo Jesu : et quæ audisti a me per multos testes, hæc comménda fídelibus homínibus, qui idónei erunt et álios docére. Labóra sicut bonus miles Christi Jesu. Nemo militans Deo implicat se negótiis sæculáribus : ut ei pláceat cui se probávit. Nam et qui certat in agóne, non coronátur, nisi legitime certáverit. Laborántem agricolam opórtet primum de frúctibus percípere. Intéllige quæ dico : dabit enim tibi Dóminus in ómnibus intelléctum.

Graduale. Ps. 118. Memor fui iudiciórum tuórum a sæculo, Dómine, et consolátus sum : deféctio ténuit me pro peccatóribus derelinquéntibus legem tuam. *ŷ.* Ps. 39. Justítiam tuam non abscondi in corde meo : veritátem tuam et salutáre tuum dixi.

Allelúia, allelúia. *ŷ.* Eccli. 49. Ipse est directus divinitus in pœniténtiam gentis, et tulit abominatiónes impietátis : et gubernávit ad Dóminum cor ipsíus : et in diébus peccatórum corroborávit pietátem. Allelúia.

In Missis votivis post Septuagesimam, omissis Allelúia et *ŷ.* seq., dicitur

Tractus. Ps. 34. Ego autem, cum mihi moléstí essent, induébar cilicio : humiliábam in jejúnio ánimam meam : et orátio mea in sinu meo convertétur.

ÿ. Ps. 22. Parásti in conspéctu meo mensam advérsus eos qui tribulant me : impinguásti in óleo caput meum, et calix meus inébrians quam præclárus est !
ÿ. I Cor. 9. Factus sum infirmis infirmus, ut infirmos lucríficerem.

Tempore Paschali dicitur

Allelúia, allelúia. ÿ. Ps. 132. Ecce quam bonum et quam jucúndum habitáre fratres in unum ! Sicut unguéntum in cápíte, quod descendít in barbam, barbam Aaron. Allelúia. ÿ. Joan. 15. Pósui vos ut eátis, et fructum afferátis, et fructus vester máneat. Allelúia.



Sequéntia sancti Evangélii secúndum Lucam. Cap. 10.

In illo témpore : Designávit Dóminus et álíos septuagínta duos, et misit illos binos ante faciém suam in omnem civitátem et locum quo erat ipse ventúrus. Et dicébat illis : Messis quidem multa, operárii autem pauci. Rogáte ergo dómínun messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sácculum, neque peram, neque calceaménta : et némíne per viam salutavéritis. In quacúmque domum intravéritis, primúm dicite : Pax huic dómui : et si ibi fúerit filius pacis, requiescet super illum pax vestra : sin autem, ad vos revertétur. In eádem autem domo manéte, edéntes et bibéntes quæ apud illos sunt : dignus est enim operárius mercéde sua. Nolíte transíre de domo in domum. Et in quacúmque civitátem intravéritis, et suscepérint vos, manducáte quæ apponúntur vobis : et curáte infirmos qui in illa sunt, et dicite illis : Appropinquávit in vos regnum Dei. Credo.

Offertorium. Prov. 3. Honóra Dóminum de tua substántia, et de primitiis ómnium frugum tuárum da ei. Noli prohibére benefácere eum qui potest : si vales, et ipse bñefac.

Secreta.

CELÉSTI, Dómine Jesu Christe, sacrificií igne corda nostra in odórem suavitátis exúre : qui beáto Alphónso

Maríæ tribuísti et hæc mystéria celebráre, et per eádem hóstiám tibi sanctam seípsum exhibére. Qui vivis.

Communio. Eccli. 50. Sacerdos magnus qui in vita sua suffúlsit domum, et in diébus suis corroborávit templum, quasi ignis effúlgens, et thus ardens in igne.

Postcommunio.

DEUS, qui beátum Alphónsum Maríam, Confessórem tuum atque Pontíficem, fidélem divini mystérii dispensatórem et præcónem effecísti : ejus méritis precibúsque concéde ; ut fidéles tui et frequénter percípiant, et percipiéndó sine fine colláudent. Per Dóminum.

EADÉM DIE

SANCTI STEPHANI

PAPÆ ET MARTYRIS

Introitus. Ps. 131.

SACERDÓTES ejus índuam salutári, et sancti ejus exsultatióne exsultábunt. Ps. Meménto, Dómine, David, et omnis mansuetúdinis ejus. ÿ. Glória Patri. Sacerdótes.

Oratio.

DEUS, qui nos beáti Stéphani, Mátyris tui atque Pontíficis, ánnua sollemnitate lætificas : concéde propítius ; ut ejus natalítia cólimus, de ejúsdem étiam protectióne gaudeámus. Per. Lécitio Actuum Apostolórum. Cap. 20.

In diébus illis : A Miléto Paulus mitens Ephesum, vocávit majóres natu Ecclésiæ. Qui cum veníssent ad eum, et simul essent, dixit eis : Vos scitis a prima die qua ingræssus sum in Asiam, quáliter vobíscum per omne témpus fúerim, sérvíens Dómino cum omni humilitáte, et lácrymis, et tentatióibus, quæ mihi accidérunt ex insídiis Judæórum : quómmodo nihil subtráxerim utilium, quóminus annuntiárem vobis, et docérem vos públice et per domos, testificans Judæis atque gentilibus in Deum poeniténtiam, et fidem in Dóminum nostrum Jesum Christum.

Graduale. Eccli. 44. Ecce Sacerdos magnus, qui in diébus suis plácuít Deo.

ŷ. Non est invéntus símilis illi, qui conserváret legem Excélsi.

Allelúia, allelúia. ŷ. Ps. 109. Tu es Sacerdos in ætérnum, secúndum órđinem Melchisedech. Allelúia.



Sequéntia sancti Evangélii secúndum Matthæum. Cap. 16.

IN illo témpore : Dixit Jesus discípulis suis : Si quis vult post me veníre, abneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómīni si mundum univérsum lucrétur, ánimæ vero suæ detriméntum patiátur? Aut quam dabit homo commutatióem pro ánimā sua? Filius enim hómīnis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MÚNERA tibi, Dómine, dicáta sanctífica, et, intercedénte beáto Stéphano, Mártire tuo atque Pontifice, per eádem nos placátus inténde. Per.

Communio. Matth. 23. Dómine, quinque talénta tradidisti mihi, ecce ália quinque superlucrátus sum. Euge, serve bone et fidélis, quia in pauca fuísti fidélis, supra multa te constituam : intra in gáudium Dómini tui.

Postcommunio.

HÆC nos commúnio, Dómine, purget a crimine : et, intercedénte beáto Stéphano, Mártire tuo atque Pontifice, cœléstis remédiū faciát esse consórtes. Per.

DIE III
IN FESTO

INVENTIONIS S. STEPHANI

PROTOMARTYRIS

Introitus. Ps. 118.

SEDÉRUNT príncipes, et advérsus me loquebántur, et iníqui persecúti sunt me : ádjuva me, Dómine

Deus meus, quia servus tuus exercebátur in tuis justificatióibus. Ps. Beáti immaculáti in vía, qui ámbulant in lege Dómini. ŷ. Glória Patri. Sedérunt.

Oratio.

DA nobis, quæsumus, Dómine, imitári quod cólimus, ut discámus et inimícos diligere : quia ejus Inventiόνem celebrámus, qui novit étiam pro persecutóribus exoráre Dóminum nostrum Jesum Christum Filium tuum. Qui tecum vivit.

Secunda Oratio, A cunctis. 36* ; tertia ad libitum.

Lectio Actuum Apostolorum.

Cap. 6 et 7.

IN diébus illis : Stéphanus, plenus grátia et fortitúdine, faciébat prodigia et signa magna in pópulo. Surrexérunt autem quidam de synagóga quæ appellátur Libertinórum, et Cyrenénsium, et Alexandrinórum, et eórum qui erant a Cilícia et Asia, disputántes cum Stéphano : et non póterant resistere sapiéntiæ, et Spirítui qui loquebátur. Audiéntes autem hæc, dissecabántur córdibus suis, et stridébant déntibus in eum. Cum autem esset Stéphanus plenus Spirítu sancto, inténdens in cœlum, vidit glóriam Dei, et Jesum stantem a dextris Dei. Et ait : Ecce vídeo cœlos apértos, et Filium hómīnis stantem a dextris Dei. Exclamántes autem voce magna, continuérunt aures suas, et impetum fecérunt unánimiter in eum. Et ejiciéntes eum extra civitátem, lapidábant : et testes deposuérunt vestiménta sua secus pedes adolescéntis qui vocabátur Saulus. Et lapidábant Stéphānum invocántem et dicéntem : Dómine Jesu, súscipe spiritum meum. Pósitis autem génibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino.

Graduale. Ps. 118. Sedérunt príncipes, et advérsus me loquebántur : et iníqui persecúti sunt me. ŷ. Adjuva me, Dómine Deus meus : salvum me fac propter misericórdiam tuam.

Allelúia, allelúia. *ŷ.* Act. 7. Video cœlos apértos, et Jesum stantem a dextris virtútis Dei. Allelúia.



Sequéntia sancti Evangelii secundum Matthæum. Cap. 23.

In illo témpore : Dicébat Jesus scribis et pharisæis : Ecce ego mitto ad vos prophétas, et sapiéntes, et scribas, et ex illis occidétis et crucifigétis, et ex eis flagellábitis in synagógis vestris, et persequémini de civitaté in civitatem : ut véniat super vos omnis sanguis justus qui effusus est super terram, a sânguine Abel justí usque ad sânguinem Zachariæ, filii Barachíæ, quem occidístis inter templum et altáre. Amen dico vobis, vénient hæc ómnia super generatióem istam. Jerúsalem, Jerúsalem, quæ occidis prophétas, et lápidas eos qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti ! Ecce relinquétur vobis domus vestra desérta. Dico enim vobis, non me vidébitis ámodo, donec dicátis : Benedictus qui venit in nómine Dómini.

Offertorium. Act. 6 et 7. Elegérunt Apóstoli Stéphanum Levítam, plenum fide et Spíritu sancto : quem lapidavérunt Judæi orántem et dicéntem : Dómine Jesu, áccipe spíritum meum, allelúia.

Secreta.

SÚSCIPE, Dómine, múnera pro tuórum commemoratióne Sanctórum : ut sicut illos passio gloriósa effécit, ita nos devótió reddat innócuos. Per Dóminum nostrum.

Communio. Act. 7. Video cœlos apértos, et Jesum stantem a dextris virtútis Dei. Dómine Jesu, áccipe spíritum meum, et ne státuas illis hoc peccátum.

Postcommunio.

AUXILIÉNTUR nobis, Dómine, sumpta mystéria : et, intercedénte beáto Stéphano, Mártire tuo, sempitérna protectiόne confirment. Per Dóminum nostrum.

DIE IV

IN FESTO

SANCTI DOMINICI

CONFESSORIS

Introitus. Ps. 36.

Os justí meditábitur sapiéntiam, et lingua ejus loquétur judiciū : lex Dei ejus in corde ipsíus. *Ps.* Noli æmulári in malignántibus : neque zeláveris faciéntes iniquitatem. *ŷ.* Glória Patri. Os justí.

Oratio.

DEUS, qui Ecclesiám tuam beáti Dóminici, Confessóris tui, illumináre dignátus es méritis et doctrínis : concede ; ut ejus intercessiόne temporálibus non destituátur auxiliis, et spirituálibus semper proficiat incrementis. Per Dóminum nostrum.

Lectio Epistolæ beáti Pauli Apóstoli ad Timótheum. *II Tim. 4.*

CHARÍSSIME, Testificor coram Deo et Jesu Christo, qui judicatúrus est vivos et mórtuos, per advéntum ipsíus et regnum ejus : prædica verbum, insta opportúne, importúne : árgue, óbseca, increpa in omni patiéntia et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros pruriéntes áuribus : et a veritaté quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiόnis meæ instat. Bonum certámen certávi, cursum consummávi, fidem servávi. In réliquo repósa est mihi coróna justitiæ, quam reddet mihi Dóminus in illa die justus judex : non solum autem mihi, sed et iis qui diligunt advéntum ejus.

Graduale. Ps. 91. Justus ut palma florébit : sicut cedrus Líbani multiplicábitur in domo Dómini. *ŷ.* Ad annuntiándum mane misericórdiam tuam, et veritatem tuam per noctem.

Allelúia, allelúia. *ŷ.* Osee 14. Justus

germinabit sicut lilium, et florébit in ætérnum ante Dóminum. Allelúia.



Sequéntia sancti Evangélíi secúndum Lucam. Cap. 12.

In illo témpore : Dixit Jesus discípulis suis : Sint lumbi vestri præcincti, et lucernæ ardéntes in má nibus vestris, et vos símiles homínibus exspectántibus dóminum suum quando revertátur a nuptiis : ut cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes : amen dico vobis, quod præcínget se, et fáciét illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitote, quóniam si sciret paterfamilias quâ hora fur veníret, vigiláret útique, et non síneret pérfodi domum suam. Et vos estóte paráti, quia quâ hora non putátis, Fílius hóminis veníet.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

MÚNERA tibi, Dómine, dicáta sanctífica : ut méritis beáti Dominici, Confessóris tui, nobis proficiant ad medélam. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore trítici mensúram.

Postcommunio.

CONCÉDE, quæsumus, omnipotens Deus : ut qui peccatórum nostrórum póndere prémimur, beáti Dominici, Confessóris tui, patrocínio sublevémur. Per Dóminum.

DIE V

IN DEDICATIONE

SANCTÆ MARLÆ AD NIVES

Missa Salve, sancta Parens, ut in Missis votivis B. M. V. a Pentecoste usque ad Advent. 39*. Et dicitur Credo, et Præf. de sancta Maria. Et te in Festivitate.

DIE VI

IN FESTO

TRANSFIGURATIONIS D. N. J. C.

Introitus. Ps. 76.

ILLUXÉRUNT coruscationes tuæ orbi terræ : commóta est, et contrémuit terra. Ps. 83. Quam dilécta tabernácula tua, Dómine virtútum ! concupiscit et déficit ánima mea in átria Dómini. ̎. Glória Patri. Illuxérunt.

Oratio.

DEUS, qui fidei sacraménta, in Unigéniti tui gloriósa Transfiguratióne, patrum testimónio roborásti, et adoptiönem filiórum perféctam, voce delápsa in nube lúcida, mirabiliter præsignásti : concède propítius ; ut ipsíus Regis glóriæ nos cohærédes efficias, et ejúsdem glóriæ tribuas esse consórtes. Per eúndem.

Et fit Commem. SS. Martyrum Xysti. Felicissimi et Agapiti.

Oratio.

DEUS, qui nos concédís sanctórum Mártyrum tuórum Xysti, Felicissimi et Agapiti natalítia cólere : da nobis in æténa beatitúdine de eórum societáte gaudére. Per Dóminum.

Léctio Epístolæ beáti Petri Apóstoli.

II Petr. 1.

CHARÍSSIMI, Non doctas fábulas secúti notam fécimus vobis Dómini nostri Jesu Christi virtútem et præséntiam : sed speculatóres facti illius magnitúdinis. Accipiens enim a Deo Patre honórem et glóriam, voce delápsa ad eum hujuscémodi a magnífica glória : Hic est Fílius meus diléctus, in quo mihi complácuí : ipsum audíte. Et hanc vocem nos audívimus de cælo allátam, cum essémus cum ipso in monte sancto. Et habémus firmiórem prophéticum sermónem : cui bene fáciatis attendéntes, quasi lúcernæ lucénti in caliginóso loco, donec dies elucéscat, et lúcifer oriátur in córdibus vestris.

Graduale. Ps. 44. Speciósus forma præ filiis homínium : diffúsa est grátia in lábiis tuis. ̎. Eructávit cor meum verbum bonum : dico ego ópera mea Regi. Allelúia, allelúia. ̎. Sap. 7. Candor

est lucis æternæ, spéculum sine mácula, et imágó bonitátis illius. Allelúia.



Sequéntia sancti Evangélíi secúndum Matthæum. Cap. 17.

In illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsum seórsum : et trausfigurátus est ante eos. Et resplénduit fácies ejus sicut sol : vestiménta autem ejus facta sunt alba sicut nix. Et ecce apparuerunt illis Móyses et Elías cum eo loquéntes. Respóndens autem Petrus, dixit ad Jesum : Dómine, bonum est nos hic esse : si vis, faciámus hic tria tabernácula, tibi unum, Móysi unum, et Eliæ unum. Adhuc eo loquente, ecce nubes lúcida obumbrávit eos. Et ecce vox de nube, dicens : Hic est Filius meus diléctus, in quo mihi bene compláui : ipsum audite. Et audiéntes discípuli, ceciderunt in faciém suam, et timuérunť valde. Et accéssit Jesus, et tégit eos, dixítque eis : Súrgite, et nolite timére. Levántes autem óculos suos, néminem vidérunt, nisi solum Jesum. Et descendéntibus illis de monte, præcépit eis Jesus, dicens : Némini dixérítis visiónem, donec Filius hóminis a mórtuis resúrgat. Credo.

Offertorium. Ps. 111. Glória et divitiæ in domo ejus : et justítia ejus manet in sæculum sæculi, allelúia.

Secreta.

OBLÁTA, quæsumus, Dómine, múnera, gloriósa Unigéniti tui Transfiguratióne sanctifica : nosque a peccatórum máculis, splendóribus ipsíus illustratiónis emúnda. Per eúndem.

Pro SS. Mart. Secreta.

MÚNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Præfatio de Nativitate Domini. Quia per incarnáti Verbi.

Communio. Matth. 17. Visiónem quam vidístis, némini dixérítis, donec a mórtuis resúrgat Filius hóminis.

Postcommunio.

PRÆSTA, quæsumus, omnipotens Deus : ut sacrosáncta Filii tui Transfiguratiónis mystéria, quæ solénni celebrámus officio, purificátæ mentis intelligéntia consequámur. Per eúndem Dóminum.

Pro SS. Mart. Postcommunio.

PRÆSTA nobis, quæsumus, Dómine, intercedéntibus sanctis Martyribus tuis Xysto, Felicissimo et Agapito : ut quod ore contíngimus, pura mente capiámus. Per Dóminum.

EADEM DIE

SS. MART. XYSTI ET SOC.

Missa Sapiéntiam, de Comm. 10*, cum Orationibus ut in præcedenti Missa.

DIE VII

IN FESTO S. CAJETANI, CONF.

Introitus. Ps. 36.

Os justí meditábitur sapiéntiam, et lingua ejus loquétur judícium : lex Dei ejus in corde ipsíus. Ps. Noli æmulári in malignántibus : neque zeláveris faciéntes iniquitátem. ʒ. Glória Patri. Os justí.

Oratio.

DEUS, qui beáto Cajetáno, Confessóri tuo, apostólicam vivéndi formam imitári tribuísti : da nobis, ejus intercessióne et exémplo, in te semper confidere, et sola cœléstia desideráre. Per Dóminum.

Et fit Commem. S. Donati, Episc. et Mart.

Oratio.

DEUS, tuórum glória Sacerdotum : præsta, quæsumus ; ut sancti Mártyris tui et Episcopi Donáti, cujus festa gérimus, sentiámus auxilium. Per Dóminum nostrum.


Léctio libri Sapiéntiæ. Eccli. 44.

BEÁTUS vir qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabilia in vita sua. Qui probátus est in illo, et perféctus est, erit illi glória æténa : qui pótuít tránsgridi, et

non est transgressus; facere mala, et non fecit: ideo stabilita sunt bona illius in Domino, et elemosynas illius enarrabit omnis Ecclesia sanctorum.

Graduale. Ps. 91. Justus ut palma florebit: sicut cedrus Libani multiplicabitur in domo Domini. **ŷ.** Ad annuntiandum mane misericordiam tuam, et veritatem tuam per noctem.

Alleluia, alleluia. ŷ. Jac. 1. Beatus vir qui suffert tentationem: quoniam cum probatus fuerit, accipiet coronam vite. **Alleluia.**

 **Sequentia sancti Evangelii secundum Matthaeum. Cap. 6.**

In illo tempore: Dixit Jesus discipulis suis: Nemo potest duobus dominis servire: aut enim unum odio habebit, et alterum diligit: aut unum sustinebit, et alterum contemnet. Non potestis Deo servire et mammonae. Ideo dico vobis: Ne solliciti sitis animae vestrae quid manducetis, neque corpori vestro quid induamini. Nonne anima plus est quam esca, et corpus plus quam vestimentum? Respiciat volatilia caeli, quoniam non serunt, neque metunt, neque congregant in horrea: et Pater vester coelestis pascit illa. Nonne vos magis pluris estis illis? Quis autem vestrum cogitans, potest adjicere ad staturam suam cubitum unum? Et de vestimento quid solliciti estis? Considerate lilia agri, quomodo crescunt: non laborant, neque nent. Dico autem vobis, quoniam nec Salomon in omni gloria sua coopertus est sicut unum ex istis. Si autem fenum agri, quod hodie est, et cras in clibanum mittitur, Deus sic vestit, quanto magis vos, modicae fidei? Nolite ergo solliciti esse, dicentes: Quid manducabimus, aut quid bibemus, aut quo operiemur? Haec enim omnia gentes inquirunt. Scit enim Pater vester quia his omnibus indigetis. Quaerite ergo primum regnum Dei, et iustitiam ejus, et haec omnia adjiciuntur vobis.

Offertorium. Ps. 88. Veritas mea et misericordia mea cum ipso, et in nomine meo exaltabitur cornu ejus.

Secreta.

Praesta nobis, quaesumus, omnipotens Deus, ut nostrae humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Pro S. Donato, Episcopo et Martyre.

Secreta.

Praesta, quaesumus, Domine, ut sancti Martyris tui et Episcopi Donati intercessione, quem ad laudem nominis tui dicatis muneribus honoramus, pia nobis fructus devotionis accrescat. Per Dominum.

Communio. Matth. 24. Beatus servus quem, cum venerit Dominus, invenerit vigilantem: amen dico vobis. super omnia bona sua constituit eum.

Postcommunio.

Quaesumus, omnipotens Deus: ut qui coelestia alimenta percipimus, intercedente beato Cajetano, Confessore tuo, per haec contra omnia adversa muniamur. Per Dominum.

Pro S. Donato, Episcopo et Martyre.

Postcommunio.

Omnipotens et misericors Deus, qui nos sacramentorum tuorum et participes efficis et ministros: praesta, quaesumus; ut, intercedente beato Donato, Martyre tuo atque Pontifice, ejusdem proficiamus et fidei consortio, et digno servitio. Per Dominum.

EADEM DIE

S. DONATI, EPISCOPI ET MARTYRIS

Missa Sacerdotes, ut in Festo S. Apollinaris, die 23 Julii. 404; Orationes autem ut in praecedenti Missa.

DIE VIII

IN FESTO SS. MARTYRUM

CYRIACI, LARGI ET SMARAGDI

Introitus. Ps. 33.

Time Domine, omnes sancti ejus, quoniam nihil deest timen-
tibus eum: divites eguerunt et esurierunt: inquirentes autem Dominum, non deficient omni bono. **Ps.** Benedicam Dominum in omni tempore:

semper laus ejus in ore meo. *ŷ.* Glória Patri. Timéte.

Oratio.

DEUS, qui nos ánnua sanctórum Mártyrum tuórum Cyríaci, Largi et Smarágdi solemnitate lætificas : concéde propítius ; ut quorum natalítia cólimus , virtútem quoque passiónis imitémur. Per Dóminum.

Secunda Oratio, A cunctis. 56* ; *tertia ad libitum.*

Léctio Epístolæ beáti Pauli Apóstoli ad Thessalonicénse. *I* Thess. 2.

FRATRES, Grátias ágimus Deo sine intermissióne : quóniam cum accepissetis a nobis verbum audítus Dei , accepistis illud non ut verbum hóminum , sed (sicut est vere) verbum Dei , qui operátur in vobis , qui credidistis. Vos enim imitatóres facti estis , fratres , Ecclesiárum Dei , quæ sunt in Judæa in Christo Jesu : quia éadem passi estis et vos a contribúlibus vestris , sicut et ipsi a Judæis , qui et Dóminum occidérunt Jesum , et Prophétas , et nos persecúti sunt , et Deo non placent , et ómnibus homínibus adversántur : prohibéntes nos géntibus loqui , ut salvæ fiant , ut impleant peccáta sua semper : pervénit enim ira Dei super illos usque in finem.

Graduale. Ps. 33. Timéte Dóminum , omnes sancti ejus : quóniam nihil deest tíméntibus eum. *ŷ.* Inquiréntes autem Dóminum , non deficient omni bono.

Allelúia , allelúia. *ŷ.* Sap. 3. Fulgébunt justí , et tamquam scintillæ in arundinétó discúrrunt in ætérnum. Allelúia.



Sequéntia sancti Evangélíi secúndum Marcum. *Cap. 16.*

In illo témpore : Dixit Jesus discipulis suis : Eúntes in mundum univérsum , prædicáte Evangélium omni creatúræ. Qui crediderit , et baptizátus fúerit , salvus erit : qui vero non crediderit , condemnábitur. Signa autem eos qui crediderint , hæc sequéntur : In nómine meo dæmónia ejicient : linguis loquéntur novis : serpéntes tollent : et si mortíferum quid biberint , non eis nocébit : super ægros manus impónent , et bene habébunt.

Offertorium. Ps. 34. Lætámini in Dómino , et exsultáte , justí : et gloriámini , omnes recti corde.

Secreta.

ACCÉPTA sit in conspéctu tuo, Dómine , nostra devótio : et eórum nobis fiat supplicatióne salutáris , pro quorum solemnitate defértur. Per Dóminum nostrum.

Communio. *Marci 16.* Signa autem eos qui in me credunt , hæc sequéntur : dæmónia ejicient ; super ægros manus impónent , et bene habébunt.

Postcommunio.

REFÉCTI participatióne múnieris sacri , quæsumus , Dómine Deus noster : ut ejus exséquimur cultum , intercedéntibus sanctis Mátyribus tuis Cyriaco , Largo et Smarágdo , sentiámus effectum. Per Dóminum.

¶ Si Festum S. Laurentii venerit *Feria II* , *Commém.* S. *Romani* fit in *Dominica* , et de *Vigilia* in *Sabbato* , in quo celebratur Festum SS. *Cyriaci* , etc. , et de ea legitur *Evang.* in fine. In *Ecclesiis* autem Collegiatis dicuntur duæ *Missæ* : una de *Sanctis* , in qua *Orat. secunda* , A cunctis. 56* , *tertia ad libitum* ; et altera de *Vigil.* , cum *secunda Orat.* , de S. *Maria* , Concéde ; *tertia* , *Ecclesiæ* , vel pro *Papa*. 1*.

DIE IX

VIGILIA SANCTI LAURENTII

MARTYRIS

Introitus. Ps. 111.

DISPERSIT , dedit paupéribus : justítia ejus manet in sæculum sæculi : cornu ejus exaltábitur in glória. Ps. Beátus vir qui tímét Dóminum : in mandátis ejus cupit nimis. *ŷ.* Glória Patri. Dispérsit.

Oratio.

ADÉSTO , Dómine , supplicatió nibus nostris : et intercessióne beáti *Laurentii* , Mátyris tui , ejus prævenimus festivitátem , perpétuam nobis misericórdiam benignus impénde. Per Dóminum nostrum.

Pro Commem. S. Romani, Martyris.
Oratio.

PRÆSTA, quæsumus, omnipotens Deus : ut, intercedente beato Romano, Martyre tuo, et a cunctis adversitatibus liberemur in corpore, et a pravis cogitationibus mundemur in mente.

De sancta Maria, Concède. 1*.

Lectio libri Sapientiae. Eccli. 51.

CONFITEBOR tibi, Domine Rex, et colaudabo te Deum Salvatorem meum. Confitebor nomini tuo, quoniam adjutor et protector factus es mihi, et liberasti corpus meum a perditione, a laqueo linguae iniquae, et a labiis operantium mendacium, et in conspectu adstantium factus es mihi adjutor. Et liberasti me, secundum multitudinem misericordiae nominis tui, a rugientibus preparatis ad escam, de manibus querentium animam meam, et de portis tribulationum quae circumdederunt me : a pressura flammæ quae circumdedit me, et in medio ignis non sum aestuatus : de altitudine ventris inferi, et a lingua coinquinata, et a verbo mendacii, a rege iniquo, et a lingua injusta. Laudabit usque ad mortem anima mea Dominum, quoniam eruis sustinentes te, et liberas eos de manibus gentium, Domine Deus noster.

Graduale. Ps. 111. Dispersionis, dedit pauperibus : justitia ejus manet in saeculum saeculi. V. Potens in terra erit semen ejus : generatio rectorum benedicetur.



Sequentia sancti Evangelii secundum Matthaeum. Cap. 10.

In illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini si mundum universum lucratur, animae vero suae detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris

sui cum Angelis suis : et tunc reddet unicuique secundum opera ejus.

Offertorium. Job 16. Oratio mea munda est : et ideo peto ut detur locus voci meae in caelo : quia ibi est iudex meus, et conscius meus in excelsis : ascendat ad Dominum deprecatio mea.

Secreta.

HOSTIAS, Domine, quas tibi offerimus, propitius suscipe : et intercedente beato Laurentio, Martyre tuo, vincula peccatorum nostrorum absolve. Per Dominum nostrum.

Pro S. Romano, Martyre.

Secreta.

MUNERIBUS nostris, quæsumus, Domine, precibusque susceptis, et clementibus nos munda mysteriis, et clementer exaudi.

De sancta Maria, Tua, Domine. 2*.

Communio. Matth. 16. Qui vult venire post me, abneget semetipsum, et tollat crucem suam, et sequatur me.

Postcommunio.

DA, quæsumus, Domine Deus noster : ut sicut beati Laurentii, Martyris tui, commemoratione, temporali gratularum officio, ita perpetuo laetemur aspectu. Per Dominum.

Pro S. Romano, Martyre.

Postcommunio.

QUÆSUMUS, omnipotens Deus : ut qui coelestia alimenta percipimus, intercedente beato Romano, Martyre tuo, per hæc contra omnia adversa muniamur.

De sancta Maria, Sumptis. 2*.

EADÉM DIE

SANCTI ROMANI, MARTYRIS

Missa Lætabitur, de Comm. 5*, cum Orationibus ut supra.

DIE X

IN FESTO

SANCTI LAURENTII, MARTYRIS

Introitus. Ps. 95.

CONFESSIO et pulchritudo in conspectu ejus : sanctitas et magnificentia in sanctificatione ejus. Ps. Cantate

Dómino cánticum novum : cantáte Dómino, omnis terra. *ŷ.* Glória. Confessio.

Oratio.

DA nobis, quæsumus, omnipotens Deus, vitiórum nostrórum flammæ exstinguere : qui beáto Lauréntio tribuisti tormentórum suórum incéudia superáre. Per Dóminum.

Léctio Epistolæ beáti Pauli Apóstoli ad Corínthios. II Cor. 9.

FRATRES, Qui parce sémínat, parce et metet : et qui sémínat in benedictiónibus, de benedictiónibus et metet. Unusquisque prout destinávit in corde suo, non ex tristitia, aut ex necessitate : hilarem enim datórem diligit Deus. Potens est autem Deus omnem grátiam abundáre fácere in vobis, ut in ómnibus semper omnem sufficiéntiam habéntes, abundétis in omne opus bonum, sicut scriptum est : Dispérsit, dedit paupéribus : justítia ejus manet in sæculum sæculi. Qui autem adminístrat semen sémínatí, et panem ad manducándum præstábit, et multiplicábit semen vestrum, et augébit incrementa frugum justítie vestræ.

Graduale. Ps. 16. Probásti, Dómine, cor meum, et visitásti nocte. *ŷ.* Igne me examinásti, et non est invénta in me iniquitas.

Allelúia, allelúia. *ŷ.* Levíta Lauréntius bonum opus operátus est : qui per signum Crucis cæcos illuminávit. Allelúia.



Sequéntia sancti Evangélíi secúndum Joánnem. Cap. 12.

IN illo témpore : Dixit Jesus discípulis suis : Amen, amen dico vobis, nisi granum fruménti cadens in terram, mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet eam ; et qui odit ánimam suam in hoc mundo, in vitam ætérnam custódit eam. Si quis mihi adminístrat, me sequátur : et ubi sum ego, illic et mínister meus erit. Si quis mihi ministráverit, honorificábit eum Pater meus.

Non dicitur Credo, nisi in Ecclesia propria, vel nisi venerit in Dominica.

Offertorium. Ps. 95. Confessio et pulchritúdo in conspéctu ejus : sánctitas et magnificéntia in sanctificatióne ejus.

Secreta.

ACCIPE, quæsumus, Dómine, múnera dignánte oblata : et beáti Lauréntii suffragántibus méritis, ad nostræ salútis auxilium proveníre concéde. Per Dóminum nostrum.

Communio. Joan. 12. Qui mihi ministrat, me sequátur : et ubi ego sum, illic et mínister meus erit.

Postcommunio.

SACRO múnere satiáti, súpplíces te, Dómine, deprecámur : ut quod debite servitútis celebrámus officio, intercedente beáto Lauréntio, Mártire tuo, salvatiónis tuæ sentiámus augméntum. Per Dóminum.

¶ **I**nfra Oct. S. Laurentii dicitur eadem Missa sicut in ejus Festo, et post Orat. diei fit Commem. de Festo simplici occurrente : et tertia Orat. dicitur de sancta Maria, Concéde nos.

Sed si occurrat dies Dom., secunda Orat. erit de Octava, et tertia de Sanctis.

DIE XI

SS. TIBURTII ET SUSANNÆ

MARTYRUM

Missa Salus autem, ut in Communi. 11*. Epistola et Evang. ut in Festo sanctæ Symphorosæ, die 18 Julii. 399 ; Orationes autem ut infra.

Oratio.

SANCTORUM Mártýrum tuórum Tibúrtii et Susánnæ nos, Dómine, fóveant continuáta præsidia : quia non désinis propítius intuéri quos talibus auxiliis concésseris adjuvári. Per Dóminum.

Secreta.

ADÉSTO, Dómine, précibus pópuli tui, adésto munéribus : ut quæ sacris sunt oblata mystériis, tuórum tibi pláceant intercessióne Sanctorum. Per Dóminum.

Postcommunio.

SÚMPSIMUS, Dómine, pignus redemptiōnis ætérnæ : quod sit nobis, quæsumus

mus, interveniéntibus sanctis Martyribus tuis, vitæ præsentis auxilium páriter et futuræ. Per Dóminum.

DIE XII

IN FESTO SANCTÆ CLARÆ
VIRGINIS

Missa Dilexisti, de Comm. 21*, et fit Commem. Oct. S. Laurentii, cum Orationibus ut supra.

DIE XIII

SS. HIPPOLYTI ET CASSIANI
MARTYRUM

Missa Salus autem, ut in Communi. 11*, cum seq. Orationibus.

Oratio.

DA, quæsumus, omnipotens Deus, ut beatórum Mátyrum tuórum Hippolyti et Cassiani veneránda solémnitas, et devotiónem nobis áugeat, et salútem. Per Dóminum.

Secreta.

RÉSPICE, Dómine, múnera pópuli tui, Sanctórum festivitáte votíva : et tuæ testificatio veritátis nobis proficiat ad salútem. Per Dóminum.

Postcommunio.

SACRAMENTÓRUM tuórum, Dómine, commúnio sumpta nos salvet, et in tuæ veritátis luce confirmet. Per.

DIE XIV

IN VIGILIA ASSUMPTIONIS B. M. V.

Introitus. Ps. 44.

VULTUM tuum deprecabúntur omnes divites plebis : adducéntur Regi virgines post eam : próximæ ejus adducéntur tibi in lætítia et exsultatióne. Ps. Eructávit cor meum verbum bonum : dico ego ópera mea Regi. y. Glória Patri. Vultum tuum.

Oratio.

DEUS, qui virgínalem aulam beátæ Mariæ, in qua habitáres, eligere dignátus es : da, quæsumus; ut sua nos defensióne munitos, jucúndos fácias suæ interésse festivitáti. Qui vivis.

Et fit Commem. Octavæ S. Laurentii, Martyris.

Oratio.

DA nobis, quæsumus, omnipotens Deus, vitiórum nostrórum flammæ extinguiere : qui beáto Lauréntio tribuisti tormentórum suórum incéndia superáre.

Deinde S. Eusebii, Conf. Oratio.

DEUS, qui nos beáti Eusébii, Confessóris tui, ánnua solémnitate lætificas : concéde propítius; ut ejus ad te exémpa gradiámur. Per Dóminum.

Lectio libri Sapientíæ. Eccli. 24.

EGO quasi vitis fructificávi suavitátem odóris : et flores mei, fructus honoris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis : in me omnis spes vitæ et virtútis. Transíte ad me, omnes qui concupiscitis me, et a generatióibus meis implémini : spíritus enim meus super mel dulcis, et hæréditas mea super mel et favum. Memória mea in generatiónes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúciant me, vitam ætérnam habébunt.

Graduale. Benedicta et venerábilis es, Virgo María, quæ sine tactu pudóris invénta es mater Salvatóris. y. Virgo Dei Génitrix, quem totus non capit orbis. in tua se clausit viscera factus homo.



Sequéntia sancti Evangélii secúndum Lucam. Cap. 11.

IN illo témpore : Loquénte Jesu ad turbas, extóllens vocem quædam múlIER de turba, dixit illi : Beátus venter qui te portávit, et úbera quæ suxisti. At ille dixit : Quinímo beáti qui áudiunt verbum Dei, et custódiunt illud.

Offertorium. Beáta es, Virgo María, quæ ómnium portásti Creatórem : genuísti qui te fecit, et in ætérnum pérmanes virgo.

Secreta.

MÚNERA nostra, Dómine, apud cleméntiam tuam Dei Genitrícis com-

méndet orátio : quam idcirco de præsentí sæculo transtulisti, ut pro peccátis nostris apud te fiduciáliter intercedat. Per eúndem Dóminum.

Pro S. Laurentio, Martyre.

Secreta.

ACCIPE, quæsumus, Dómine, múnera dignánter oblata : et beáti Lauréntii suffragántibus méritis, ad nostræ salutis auxiliúm provenire concéde.

Pro S. Eusebio, Confessore.

Secreta.

LAUDIS tibi, Dómine, hóstias immolámus in tuórum commemoratióne Sanctorúm : quibus nos et præsentibus éxui malis confidimus, et futúris. Per Dóminum.

Præfatio communis.

Communio. Beáta viscera Mariæ Virginis, quæ portavérunt ætérni Patris Filium.

Postcommunio.

CONCÉDE, miséricors Deus, fragilitáti nostræ præsidium : ut qui sanctæ Dei Genitrícis festivitátem prævenimus,

intercessiόνis ejus auxilió, a nostris iniquitátibus resurgámus. Per eúndem Dóminum.

Pro S. Laurentio, Martyre.

Postcommunio.

SACRO múnere satiáti, súplices te, Dómine, deprecámur : ut, quod débitæ servitútis celebrámus officio, intercedente beáto Lauréntio, Mátyre tuo, salvatiónis tuæ sentiámus augméntum.

Pro S. Eusebio, Confessore.

Postcommunio.

REFÉCTI cibo potúque cœlésti, Deus noster, te súplices exorámus, ut in cujus hæc commemoratióne percépi-mus, ejus muniámur et précibus. Per Dóminum.

EADEM DIE

SANCTI EUSEBII

CONFESSORIS

Missa Justus, ut in die 15 Januarii.
in Festo S. Pauli, primi Eremitæ. 303.
Orationes ut supra.



IN ASSUMPTIONE

BEATÆ MARIÆ VIRGINIS


AUDEAMUS omnes
in Dómino, diem
festum celebrán-
tes sub honóre
beátæ Mariæ Vír-
ginis, de cujus As-
sumptiône gau-
dent Angeli, et
colláudant Fílium
Dei. Ps. 44. Eru-

FAMILIARUM tuorum, quaesumus, Domine, delictis ignosce : ut qui tibi placere de actibus nostris non valemus, Genitricis Filii tui Domini nostri intercessionē salvemur. Qui tecum vivit et regnat.

In omnibus réquiem quæsi, et in hæreditate Dómini morabor. Tunc præcepit, et dixit mihi Créator omnium : et qui creávit me, requiévít in tabernáculo meo, et dixit mihi : In Jacob inhábíta, et in Israel hæreditáre, et in eléctis meis mitte radices. Et sic in Sion firmáta sum, et in civitate sanctificáta similiter requiéví, et in Jerusalem potéstas mea. Et radicávi in pópulo honorificáto, et in parte Dei mei hæréditas illius, et in plenitúdine sanctórum deténtio mea. Quasi cedrus exaltáta sum in Libano, et quasi cyprésus in monte Sion. Quasi palma exaltáta

Graduale. Ps. 44. Propter veritatem, et mansuetudinem, et justitiam, et deducet te mirabiliter dextera tua. **℟.** Audi, filia, et vide, et inclina aurem tuam : quia concupivit Rex speciem tuam.

Allelúia, allelúia. **Ÿ.** Assúpta est
María in cœlum, gaudet exércitus Ange-
lórum. Allelúia.

 Sequéntia sancti Evangélíi secún-
dum Lucam. **Cap. 10.**

In illo tempore : Intrávit Jesus in quodam castéllum : et mulier quædam, Martha nómine, excépit illum in domum suam : et huic erat soror nómine María, quæ étiam sedens secus pedes Dómini, audiebat verbum illius. Martha autem satagebat circa frequens ministérium : quæ stetit, et ait : Dómine, non est tibi curæ quod soror mea reliquit me solam ministráre? Dic ergo illi ut me adjuvet. Et respóndens, dixit illi Dóminus : Martha, Martha, sollicita es et turbáris erga plúrima. Porro unum est necessariúm. María óptimam partem elégit, quæ non auferétur ab ea. Credo.

Offertorium. Assúpta est María in
cælum : gaudent Angeli, collaudántes
benedícunt Dóminum, allelúia.

SUBVÉNIAT, Dómine, plebi tuæ Dei
Genitrícis orátio : quam etsi pro con-

ditiónē carnis migrásse cognóscimus, in cœlesti glória apud te pro nobis intercedere sentiámus. Per eúndem.

Præfatio de beata Maria. Et te in Assumptiōe. Et dicitur per totam Octavam, etiam in Festis.

Communio. Luc. 10. Optimam partem elégit sibi María, quæ non auferétur ab ea in ætérnum.

Postcommunio.

MENSÆ cœlestis participes effecti, implorámus cleméntiam tuam, Dómine Deus noster : ut qui Assumptiōnem Dei Genitricis cólimus, a cunctis malis imminéntibus ejus intercessiōne liberémur. Per eúndem Dóminum.

¶ **Infra Octavam Assumptionis beatæ Mariæ, et in ejus die Octava, fit idem Officium quod in die Festi. Et infra Octavam dicitur secunda Oratio, de Spiritu sancto, Deus, qui corda fidélium; tertia, Ecclesiæ, vel pro Papa. 40*.**

DOMINICA INFRA OCT. ASSUMPT. B. M. V.

IN FESTO

S. JOACHIM, CONFESSORIS

ET PATRIS EJUSDEM B. MARLE VIRGINIS

Introitus. Ps. 111.

DISPERSIT, dedit paupéribus : justitia ejus manet in sæculum sæculi : cornu ejus exaltábitur in glória. Ps. Beátus vir qui timet Dóminum : in mandátis ejus cupit nimis. Ț. Glória Patri. Dispersit.

Oratio.

DEUS, qui præ ómnibus Sanctis tuis beátum Jóachim Genitricis Filii tui patrem esse voluisti : concéde, quæsumus; ut ejus festa venerámur, ejus quoque perpétuo patrocinia sentiámus. Per eúndem Dóminum.

¶ Et fit Commem. Dominicæ occurrentis, et in fine dicitur Evangelium ejusdem Dominicæ.

Lectio libri Sapiéntiæ. Eccli. 31.

BEÁTUS vir qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirábilia in vita sua. Qui probátus

est in illo, et perfectus est, erit illi glória ætérna : qui pótuit tránsgridi, et non est tránsgréssus; fácere mala, et non fecit; ideo stabilita sunt bona illius in Dómino, et eleemósynas illius enarrábit omnis Ecclesiá sanctórum.

Graduale. Ps. 111. Dispersit, dedit paupéribus : justitia ejus manet in sæculum sæculi. Ț. Potens in terra erit semen ejus : generatió rectórum benedicétur.

Allelúia, allelúia. Ț. O Jóachim, sancte conjux Annæ, pater almæ Virginis, hic fámulus confer salútis opem. Allelúia.



Initium sancti Evangelii secundum Matthæum. Cap. 1.

LIBER generatiónis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam et fratres ejus. Judas autem genuit Phares et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem, ex ea quæ fuit Uriæ. Salomón autem genuit Róboam. Róboam autem genuit Abiam. Abias autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam et fratres ejus in transmigratióne Babylónis. Et post transmigratió-nem Babylónis, Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eléazar. Eléazar autem genuit Mathan. Mathan autem genuit Jacob. Jacob au-

tem genuit Joseph virum Mariæ, de qua natus est Jesus, qui vocatur Christus.

Dicitur Credo ratione Dominicæ et Octavæ Assumptionis.

Offertorium. Ps. 8. Glória et honore coronasti eum, et constituisti eum super opera manuum tuarum, Domine.

Secreta.

SUSCIPE, clementissime Deus, sacrificium in honorem sancti Patriarchæ Jóachim, patris Mariæ Virginis, Majestati tuæ oblatum : ut, ipso cum conjugue sua et beatissima prole intercedente, perfectam consequi mereamur remissionem peccatorum, et gloriam sempiternam. Per Dominum.

Præfatio de beata Maria. Et te in Assumptione, nisi Festum S. Joachim transferatur post Octavam Assumptionis, quia tunc dicitur Præfatio communis.

Communio. Luc. 12. Fidelis servus et prudens, quem constituit Dominus super familiam suam, ut det illis in tempore tritici mensuram.

Postcommunio.

QUESUMUS, omnipotens Deus : ut per hæc sacramenta quæ sumpsimus, intercedentibus meritis et precibus beati Jóachim, patris Genitricis dilecti Filii tui Domini nostri Jesu Christi, tuæ gratiæ in præsentī, et æternæ gloriæ in futuro participes esse mereamur. Per eundem Dominum.

DIE XVI

IN FESTO S. HYACINTHI

CONFESSORIS

Missa Os justi, ut in Communi Conf. non Pont. 16*, cum Commemorationibus sequentibus : et dicitur Credo, propter Octavam Assumptionis beatæ Mariæ Virginis.

Pro Octava Assumptionis.

Oratio.

FAMULORUM tuorum, quæsumus, Domine, delictis ignosce : ut qui tibi placere de actibus nostris non valémus, Genitricis Filii tui Domini nostri intercessione salvémur.

Pro Octava S. Laurentii.

Oratio.

DANOBIS, quæsumus, omnipotens Deus, vitiorum nostrorum flammam exstinguere : qui beato Laurentio tribuisti tormentorum suorum incendia superare. Per Dominum.

Pro Octava Assumptionis.

Secreta.

SUBVENIAT, Domine, plebi tuæ Dei Genitricis oratio : quam etsi pro conditione carnis migrasse cognoscimus, in cœlesti gloriâ apud te pro nobis intercedere sentiamus.

Pro S. Laurentio.

Secreta.

ACCIPE, quæsumus, Domine, mûnera dignanter oblata : et beati Laurentii suffragantibus meritis, ad nostræ salutis auxilium provenire concede. Per Dominum.

Præfatio de beata Maria Virgine. Et te in Assumptione.

Pro Octava Assumptionis.

Postcommunio.

MENSÆ cœlestis participes effecti, imploramus clementiam tuam, Domine Deus noster : ut qui Assumptionem Dei Genitricis cõlimus, a cunctis malis imminentibus ejus intercessione liberemur.

Pro S. Laurentio.

Postcommunio.

SACRO mûnere satiati, supplices te, Domine, deprecamur : ut quod debita servitutis celebramus officio, intercedente beato Laurentio, Martyre tuo, salvationis tuæ sentiamus augmentum. Per Dominum.

DIE XVII

IN OCTAVA S. LAURENTII

MARTYRIS

Introitus. Ps. 16.

PROBASTI, Domine, cor meum, et visitasti nocte : igne me examinasti, et non est inventa in me iniquitas. **Ps.** Exaudi, Domine, justitiam meam : intende deprecationem meam. **ŷ.** Glória Patri. Probasti.

Oratio.

EXCITA, Dómine, in Ecclesiá tua Spíritum cui beátus Lauréntius Levíta servívit : ut eódem nos repléti, studéamus amáre quod amávit, et ópere exercére quod dócuit. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Pro Octava Assumptionis.

Oratio.

FAMULÓRUM tuórum, quæsumus, Dómine, delictis ignósce : ut qui tibi placére de áctibus nostris non valémus, Genitrícis Fílii tui Dómini nostri intercessióne salvémur, qui tecum vivit.

Léctio Epistolæ beáti Pauli Apóstoli ad Corínthios. II Cor. 9.

FRATRES, Qui parce sémínat, parce et metet : et qui sémínat in benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessítate : hilarem enim datórem diligit Deus. Potens est autem Deus omnem grátiam abundáre fácere in vobis, ut in ómnibus semper omnem sufficiéntiam habéntes, abundétis in omne opus bonum, sicut scriptum est : Dispérsit, dedit paupéribus : justítia ejus manet in sæculum sæculi. Qui autem administrat semen seminánti, et panem ad manducándum præstábit, et multiplicábit semen vestrum, et augébit incrementa frugum justítiæ vestræ.

Graduale. Ps. 8. Glória et honóre coronásti eum, Dómine. ̃. Et constituísti eum super ópera mánuum tuárum.

Allelúia, allelúia. ̃. Levíta Lauréntius bonum opus operátus est, qui per signum Crucis cæcos illuminávit. Allelúia.



Sequéntia sancti Evangélii secúndum Joánnem. Cap. 12.

IN illo témpore : Dixit Jesus discípulis suis : Amen, amen dico vobis, nisi granum fruménti cadens in terram mórtuum fúerit, ipsum solum manet. Si autem mórtuum fúerit, multum fructum affert. Qui amat ánimam suam, perdet

eam : et qui odit ánimam suam in hoc mundo, in vitam ætérnam custódit eam. Si quis mihi ministrat, me sequátur : et ubi sum ego, illic et míster meus erit. Si quis mihi ministráverit, honorificábit eum Pater meus.

Credo.

Offertorium. Ps. 20. In virtúte tua, Dómine, lætábitur justus, et super salutáre tuum exsultábit veheménter : desidérium ánimæ ejus tribuísti ei.

Secreta.

SACRIFICIUM nostrum tibi, Dómine, quæsumus, beáti Lauréntii precátio sancta concíliet : ut ejus honóre solémniter exhibétur, ejus méritis efficiátur acceptum. Per Dóminum.

Pro Octava Assumptionis.

Secreta.

SUBVÉNIAT, Dómine, plebi tuæ Dei Genitrícis orátio : quam etsi pro conditíone carnis migrásse cognóscimus, in cœlésti glória apud te pro nobis intercédere sentiámus. Per eúndem Dóminum.

Et dicitur Præfatio de sancta Maria. Et te in Assumptíone.

Communio. Matth. 16. Qui vult veníre post me, ábneget semetípsum, et tollat crucem suam, et sequátur me.

Postcommunio.

SÚPPlices te rogámus, omnipotens Deus : ut quos donis cœléstibus satiásti, intercedénte beáto Lauréntio, Mártire tuo, perpétua protectióne custódias. Per Dóminum.

Pro Octava Assumptionis.

Postcommunio.

MENSÆ cœlestis participes effecti, implorámus cleméntiam tuam, Dómine Deus noster : ut qui Assumptíonem Dei Genitrícis cólimus, a cunctis malis imminéntibus ejus intercessióne liberémur. Per eúndem Dóminum.

DIE XVIIII

SANCTI AGAPITI

MARTYRIS

Missa Lætábitur, de Communi. 5*. Evangelium Nisi granum fruménti, ut

in die 17 hujus : Orationes autem erunt sequentes.

Oratio.

LETÉTUR Ecclésia tua, Deus, beáti Agapíti, Mártiris tui, confisa suffrágiis : atque ejus précibus gloriósis et devóta permáneat, et secúra consistat.

Tertia Oratio, de Spiritu sancto, Deus, qui corda fidélium. 31*.

Si venerit in Dominica, tunc secunda Oratio erit de Octava, tertia de Sancto.

Secreta.

SÚSCIPE, Dómine, múnera quæ in ejus tibi solemnitate deferimus, cujus nos confidimus patrocinio liberári.

Postcommunio.

SATIÁSTI, Dómine, ejus familiam tuam munéribus sacris : famulis, quæsumus, semper interventióne nos réfove, cujus solémnia celebrámus.

DIE XX

IN FESTO S. BERNARDI

ABBATIS ET ECCLESIE DOCTORIS

Introitus. Eccli. 15.

IN médio Ecclésiæ aperuit os ejus, et implévit eum Dóminus spiritu sapiéntiæ et intelléctus : stolam glóriæ induit eum. Ps. 91. Bonum est confitéri Dómino, et psállere nómini tuo, Altissime. ȳ. Glória Patri. In médio.

Oratio.

DEUS, qui pópulo tuo æternæ salútis beátum Bernárdum mínistrum tribuísti : præsta, quæsumus ; ut quem doctórem vitæ habúimus in terris, intercessórem habére mereámur in cœlis. Per Dóminum.

Et fit Commemoratio de Octava Assumptionis.

Oratio.

FAMULÓRUM tuórum, quæsumus, Dómine, delictis ignósce : ut qui tibi placére de áctibus nostris non valémus, Genitricis Filii tui Dómini nostri intercessióne salvémur. Qui tecum.

Lectio libri Sapiéntiæ. Eccli. 39.

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Aperiet os suum in oratióne, et pro delictis suis deprecábitur. Si enim Dóminus magnus volúerit, spiritu intelligéntiæ replébit illum : et ipse tamquam imbres mittet elóquia sapiéntiæ suæ, et in oratióne confitébitur Dómino : et ipse diriget consílium ejus et disciplinam, et in absconditis suis consiliábitur. Ipse palam faciet disciplinam doctrinæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatió-nem. Sapiéntiam ejus enarrábunt gentes, et laudem ejus enuntiábit Ecclésia.

Graduale. Ps. 36. Os justí meditábitur sapiéntiam, et lingua ejus loquétur judicium. ȳ. Lex Dei ejus in corde ipsius : et non supplantabúntur gressus ejus.

Allelúia, allelúia. ȳ. Eccli. 45. Amávit eum Dóminus, et ornavit eum : stolam glóriæ induit eum. Allelúia.



Sequéntia sancti Evangélii secúndum Matthæum. Cap. 5.

IN illo témpore : Dixit Jesus discípulis suis : Vos estis sal terræ. Quod si sal evanúerit, in quo salietur ? Ad nihilum valet ultra, nisi ut mittátur foras, et conculectur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut videant ópera vestra bona, et glorificent Patrem vestrum, qui in cœlis est. Nolite putáre quóniam veni sólvare Legem aut Prophétas : non veni sólvare, sed adimplére. Amen quippe dico vobis, donec tránseat cœlum et terra, ióta unum, aut unus apex non præteribit a Lege, donec ómnia fiant. Qui ergo sólverit unum de mandátis istis mínimis, et docúerit sic homínes, mínimus vocabitur in regno cœlórum : qui autem fécerit et docúerit, hic magnus vocabitur in regno cœlórum.

Credo.

Offertorium. Ps. 91. Justus ut palma

florébit : sicut cedrus, quæ in Líbano est, multiplicábitur.

Secreta.

SANCTI tui Bernárdi nobis, Dómine, pia non desit orátio : quæ et múnera nostra concíliet, et tuam nobis indulgéntiam semper obtíneat. Per Dóminum.

Pro Octava Assumptionis.

Secreta.

SUBVÉNIAT, Dómine, plebi tuæ Dei Genitricis orátio : quam etsi pro conditíone carnis migrásse cognóscimus, in cœlésti glória apud te pro nobis intercédere sentiámus. Per eúmdem Dóminum.

Præfatio de Octava Assumptionis. Et te in Assumptíone.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

UT nobis, Dómine, tua sacrificia dent salútem : beátus Bernárdus, Conféssor tuus et Doctor egrégious, precátor accédát. Per Dóminum.

Pro Octava Assumptionis.

Postcommunio.

MENSE cœléstis partícipes effécti, implorámus cleméntiam tuam, Dómine Deus noster : ut qui Assumptíonem Dei Genitricis cólimus, a cunctis malis imminéntibus ejus intercessióne liberémur. Per eúmdem Dóminum.

DIE XXI

IN FESTO

SANCTÆ JOANNÆ FRANCISCÆ

FREMIOT DE CHANTAL

VIDUÆ

Missa Cognóvi, de Comm. nec Virg. nec Mart. 25*, præter Orationes sequentes.

Oratio.

OMNÍPOTENS et miséricors Deus, qui beatám Joánnam Franciscam, tuo amore succénsam, admirábili spíritus fortitúdine per omnes vitæ sémitas in via perfectiónis donásti, quique per illam illustráre Ecclésiám tuam nova prole voluísti : ejus méritis et précibus con-

céde ; ut qui infirmitátis nostræ cónsci de tua virtúte confidimus, cœléstis grátiae auxílio, cuncta nobis adversántia vincámus. Per Dóminum nostrum.

Et fit Commem. Octavæ Assumptionis.

Oratio.

FAMULÓRUM tuórum, quæsumus, Dómine, delictis ignóscere : ut qui tibi placére de actibus nostris non valémus, Genitricis Filii tui Dómini nostri intercessióne salvémur. Qui tecum.

Et dicitur Credo ratione Octavæ.

Oratio.

ILLO nos amóris igne, quæsumus, Dómine, hæc hóstia salutáris inflámet, quo beatæ Joánnæ Franciscæ cor veheménter incéndit, et flammis adússit æternæ charitátis. Per Dóminum.

Pro Octava Assumptionis.

Secreta.

SUBVÉNIAT, Dómine, plebi tuæ Dei Genitricis orátio : quam etsi pro conditíone carnis migrásse cognóscimus, in cœlésti glória apud te pro nobis intercédere sentiámus. Per eúmdem.

Præfatio de Octava Assumptionis. Et te in Assumptíone.

Postcommunio.

SPÍRITUM nobis, Dómine, tuæ charitátis infúnde : ut quos cœléstis panis virtúte satiásti, beáta Joánnæ Franciscæ intercedénte, fácias terréna despícere, et te solum Deum pura mente sectári. Per.

Pro Octava Assumptionis.

Postcommunio.

MENSE cœléstis partícipes effécti, implorámus cleméntiam tuam, Dómine Deus noster : ut qui Assumptíonem Dei Genitricis cólimus, a cunctis malis imminéntibus ejus intercessióne liberémur. Per eúmdem Dóminum.

DIE XXII

IN OCTAVA ASSUMPTIONIS B. M. V.

Missa ut in die, cum Commem. SS. Timothei, Hippolyti et Symphoriani, Mart.

Oratio.

AUXÍLIUM tuum nobis, Dómine, quæsumus, placátus impénde : et intercedéntibus beátis Martyribus tuis

Timótheo, Hippólýto et Symphoriáno, dexteram super nos tuæ propitiatiónis exténde. Per Dóminum.

Secreta.

ACCÉPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxílium. Per Dóminum.

Postcommunio.

DIVÍNI múnieris largitáte satiáti, quæsumus, Dómine Deus noster : ut, intercedéntibus sanctis Martyribus tuis Timótheo, Hippólýto et Symphoriáno, in ejus semper participatióne vivámus. Per Dóminum.

EADEM DIE

SS. TIMOTHEI, HIPPOLYTI ET SYMPHORIANI

MARTYRUM

Missa Salus autem, de Communi. 11*, cum Orationibus ut supra.

DIE XXIII

IN FESTO S. PHILIPPI BENITH

CONFESSORIS

Missa Justus, de Communi Conf. non Pont. 17*, præter Orat. seq.

Oratio.

DEUS, qui per beátum Philppum, Confessórem tuum, exímium nobis humilitátis exémplum tribuísti : da fámulis tuis próspéra mundi ex ejus imitatióne despícere, et cælestia semper inquirere. Per Dóminum.

Et fit Commem. Vigil. S. Bartholomæi, ubi Festum ejusdem celebratur die 24.

¶ Si sequens Vigilia S. Bartholomæi celebretur in die Oct. Assumpt. vel in Festo S. Philippi, in Ecclesiis Cathedralibus et Collegiatis dicuntur duæ Missæ : una de Oct. vel de S. Philippo, sine Commem. Vigiliæ, et altera de Vigilia, in qua dicitur Prefatio communis.

DIE XXIII VEL XXIV

IN VIGILIA S. BARTHOLOMÆI

APOSTOLI

Missa Ego autem sicut olíva, ut in Vigilia unius Apostoli. 1*.

Oratio secunda, de beata Maria, Concède; tertia, Ecclesiæ, vel pro Papa.

¶ Sequens Festum S. Bartholomæi Apostoli celebretur, secundum consuetudinem locorum, vel 24 vel 25 Augusti. Romæ celebratur die 25, et de S. Ludovico fit die 26, cum Commem. S. Zephyrini.

DIE XXIV VEL XXV

IN FESTO S. BARTHOLOMÆI

APOSTOLI

Introitus. Ps. 138.

MIHI autem nimis honoráti sunt amici tui, Deus : nimis confortátus est principátus eórum. Ps. Dómine, probásti me, et cognovísti me : tu cognovísti sessiõem meam et resurrectionem meam. ̃. Glória Patri. Mihi autem.

Oratio.

OMNÍPOTENS sempitérne Deus, qui hujus diéi venerándam sanctámque lætítiam in beáti Apóstoli tui Bartholomæi festivitáte tribuísti : da Ecclesiæ tuæ, quæsumus, et amáre quod crédidit, et prædicáre quod dócuit. Per Dóminum.

Léctio Epístolæ beáti Pauli Apóstoli ad Corinthios. I Cor. 12.

FRATRES, Vos estis corpus Christi, et membra de membro. Et quosdam quidem pósuit Deus in Ecclesiá : primum Apóstolos, secúndo Prophétas, tertio Doctóres, deinde virtútes, exinde grátias curatiónum, opitulatiónes, gubernatiónes, génera linguárum, interpretatiónes sermónum. Numquid omnes Apóstoli? numquid omnes Prophétæ? numquid omnes Doctóres? numquid omnes virtútes? numquid omnes grátiam habent curatiónum? numquid omnes linguis loquúntur? numquid omnes interpretántur? Æmulámini autem charismata melióra.

Graduale. Ps. 44. Constitues eos príncipes super omnem terram : mémoires erunt nóminis tui, Dómine. ̃. Pro pátribus tuis nati sunt tibi filii, proptérea pópuli confitebúntur tibi.

Allelúia, allelúia. *ŷ.* Te glorióſus
Apoſtolórum chorus laudat, Dómine.
Allelúia.



Sequéntia ſancti Evangélíi ſecún-
dum Lucam. *Cap. 6.*

In illo témpore : Exiit Jeſus in montem
oráre, et erat pernoctans in oratióne
Dei. Et cum dies factus eſſet, vocávit
diſcípulos ſuos : et elégit duódecim ex
iſtis (quos et Apóſtolos nominávit) : Si-
mónem, quem cognominávit Petrum,
et Andréam fratrem ejus, Jacóbum et
Joánnem, Philippum et Bartholomæum,
Matthæum et Thomam, Jacóbum Alphæi
et Simónem, qui vocátur Zelótes, et
Judam Jacóbi, et Judam Iſcariótem, qui
fuit próditor. Et deſcéndens cum illis,
ſtetit in loco campéſtri, et turba diſci-
pulórum ejus, et multitúdo copióſa ple-
bis ab omni Judæa, et Jerúſalem, et
marítima, et Tyri, et Sidónis, qui vé-
nerant ut audirent eum, et ſanaréntur
a languóribus ſuis. Et qui vexabántur
a ſpíritibus immúndis, curabántur. Et
omnis turba quærébat eum tângere,
quia virtus de illo exibat, et ſanábat
omnes.

Credo.

Offertorium. Ps. 138. Mihi autem
nimis honoráti ſunt amici tui, Deus :
nimis confortátus eſt principátus eó-
rum.

Secreta.

BEATI Apóſtoli tui Bartholomæi ſo-
lémnia recenséntes, quæſumus, Dó-
mine, ut ejus auxilio tua beneficia
capiámus, pro quo tibi laudis hóſtias
immolámus. Per Dóminum.

Præfatio de Apoſtolis.

Communio. Matth. 19. Vos qui ſe-
cúti eſtis me, ſedébitis ſuper ſedes,
judicántes duódecim tribus Iſrael, dicit
Dóminus.

Postcommunio.

SUMPTUM, Dómine, pignus redemptió-
nis æternæ, ſit nobis, quæſumus,
interveniénte beáto Bartholomæo, Apó-
ſtolo tuo, vitæ præſéntis auxilium pári-
ter et futúre. Per Dóminum.

DIE XXV VEL XXVI

IN FESTO S. LUDOVICI

CONFESSORIS

Introitus. Ps. 36.

Os juſti meditábitur ſapiéntiam, et
língua ejus loquétur judícium :
lex Dei ejus in corde ipſius. *Ps.*
Noli æmulári in malignántibus : neque
zeláveris faciéntes iniquitátem. *ŷ.* Glória
Patri. Os juſti.

Oratio.

DEUS, qui beátum Ludovicum, Con-
feſſórem tuum, de terréno regno
ad cœléſtis regni glóriam tranſtulíſti :
ejus, quæſumus, méritis et interces-
ſiône, Regis regum Jeſu Chriſti Filii
tui fácias nos eſſe conſórtes. Qui tecum
vivit.

*Extra Galliam, ſecunda Oratio. A cun-
ctis. 36* ; tertia ad libitum.*

Lectio libri Sapiéntiæ. Cap. 10.

JUSTUM dedúxit Dóminus per vías re-
ctas, et oſténdit illi regnum Dei, et
dedit illi ſciéntiam ſanctorum : honeſtá-
vit illum in laboribus, et complévit la-
bóres illúſus. In fraude circumveniéntium
illum ádfuit illi, et honeſtum fecit illum.
Custodívit illum ab inimicis, et a sedu-
ctóribus tutávit illum, et certámen forte
dedit illi, ut vinceret, et ſciret quóniam
ómnium poténtior eſt ſapiéntia. Hæc
vénditum juſtum non derelíquit, ſed a
peccatóribus liberávit eum : deſcendít-
que cum illo in fóveam, et in vínculis
non derelíquit illum, donec afférret illi
ſceptrum regni, et poténtiam advérſus
eos qui eum deprímébant : et mendáces
oſténdit qui maculavérunt illum, et
dedit illi claritátem æternam Dóminus
Deus noster.

Graduale. Ps. 91. Juſtus ut palma
florébit : ſicut cedrus Libani multiplicá-
bitur in domo Dómini. *ŷ.* Ad annuntián-
dum mane miſericórdiam tuam, et ve-
ritátem tuam per noctem.

Allelúia, allelúia. *ŷ.* Jac. 1. Beátus
vir qui ſuffert tentatióne : quóniam
cum probátus fúerit, accípiet coronam
vitæ. Allelúia.



Sequētia sancti Evangēlii secūndum Lucam. **Cap. 19.**

IN illo tēpore : Dixit Jesus discipulis suis parabolam hanc : Homo quidam nobilis abiit in regiōnem longinquam accipere sibi regnum, et reverti. Vocatis autem decem servis suis, dedit eis decem mnas, et ait ad illos : Negotiāmini dum venio. Cives autem ejus oderant eum : et miserunt legationem post illum, dicētes : Nolumus hunc regnare super nos. Et factum est, ut rediret accepto regno; et jussit vocari servos quibus dedit pecūniam, ut sciret quantum quisque negotiatus esset. Venit autem primus, dicens : Dōmine, mna tua decem mnas acquisivit. Et ait illi : Euge, bone serve, quia in mōdico fuisti fidelis, eris potestatem habens super decem civitates. Et alter venit, dicens : Dōmine, mna tua fecit quinque mnas. Et huic ait : Et tu esto super quinque civitates. Et alter venit, dicens : Dōmine, ecce mna tua, quam habui repositam in sudario : timui enim te, quia homo austerus es; tollis quod non posuisti, et metis quod non seminasti. Dicit ei : De ore tuo te iūdico, serve nequam. Sciēbas quod ego homo austerus sum, tollens quod non pōsui, et metens quod non seminavi : et quare non dedisti pecūniam meam ad mensam, ut ego veniens, cum usūris utique exegissem illam? Et adstantibus dixit : Auferte ab illo mnam, et date illi quī decem mnas habet. Et dixerunt ei : Dōmine, habet decem mnas. Dico autem vobis quia omni habenti dabitur, et abundabit : ab eo autem qui non habet, et quod habet auferetur ab eo.

Offertorium, Ps. 88. Vēritas mea et misericordia mea cum ipso, et in nōmine meo exaltabitur cornu ejus.

Secreta.

PRÆSTA, quæsumus, omnipotens Deus : ut sicut beatus Ludovicus, Confessor tuus, spretis mundi oblectamentis, soli Regi Christo placere stūduit, ita ejus oratio nos tibi reddat acceptos. Per eūdem Dōminum.

Communio. Matth. 24. Beatus servus quem, cum venerit Dōminus, invenerit vigilantem : amen dico vobis, super omnia bona sua constituet eum.

Postcommunio.

DEUS, qui beatum Confessorem tuum Ludovicum mirificasti in terris, et gloriosum in cœlis fecisti : eūdem, quæsumus, Ecclesiæ tuæ constitue defensorem. Per Dōminum.

DIE XXVI

SANCTI ZEPHYRINI

PAPE ET MARTYRIS

Missa Sacerdotes, ut in Comm. unius Mart. Pont. 3*, præter Orationem sequentem.

Oratio.

PRÆSTA, quæsumus, omnipotens Deus : ut beati Zephyrini, Martyris tui atque Pontificis, ejus gaudemus meritis, instruamur exemplis. Per Dōminum.

DIE XXVII

IN FESTO S. JOSEPHI CALASANTHII
CONFESSORIS

Introitus. Ps. 33.

VENITE, filii, audite me : timorem Dōmini docēbo vos. **Ps.** Benedicam Dōminum in omni tēpore : semper laus ejus in ore meo. **Ÿ.** Glória Patri. Venite.

Oratio.

DEUS, qui per sanctum Josēphum, Confessorem tuum, ad erudiendam spīritu intelligentiæ ac pietatis juventutem, novum Ecclesiæ tuæ subsidium providere dignatus es : præsta, quæsumus; nos ejus exemplo et intercessiōne ita facere et docere, ut præmia consequamur æterna. Per Dōminum.

Lectio libri Sapiētiæ. Cap. 10.

JUSTUM deduxit Dōminus per vias rectas, et ostēdit illi regnum Dei, et dedit illi scientiam sanctorum : honestavit illum in laboribus, et complēvit labores illius. In fraude circumveniēntium illum adfuit illi, et honestum fecit illum. Custodivit illum ab inimicis, et a seductōribus tutavit illum, et certamen forte

dedit illi, ut vinceret, et sciret quóniam ómnium poténtior est sapiéntia. Hæc vénditum justum non dereliquit, sed a peccatóribus liberávit eum : descenditque cum illo in foveam, et in vinctulis non dereliquit illum, donec afférret illi sceptrum regni, et poténtiam advérsus eos qui eum deprímébant : et mendáces osténdit qui maculavérunt illum, et dedit illi claritatem ætérnam Dóminus Deus noster.

Graduale. Ps. 36. Os justi meditabitur sapiéntiam, et lingua ejus loquétur iudiciúm. *ŷ.* Lex Dei ejus in corde ipsíus : et non supplantabúntur gressus ejus.

Allelúia, allelúia. *ŷ.* Jac. 1. Beátus vir qui suffert tentatiónem : quóniam cum probátus fúerit, accípiet corónam vitæ. Allelúia.



Sequéntia sancti Evangélíi secúndum Matthæum. Cap. 18.

In illo témpore : Accessérunt discipuli ad Jesum, dicéntes : Quis, putas, major est in regno cœlórum? et ádvocans Jesus párvulum, státuit eum in médio eórum, et dixit : Amen dico vobis, nisi convérsi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscipit.

Offertorium. Ps. 9. Desidérium páuperum exaudivit Dóminus : præparatió-nem cordis eórum audivit auris tua.

Secreta.

ALTÁRE tuum, Dómine, munéríbus cumulámus oblátis : ut ejus nobis fiant supplicatióne propítia, ejus nos donásti patrocínio adjuvári. Per.

Communio. Marc. 10. Sínite párvulos venire ad me, et ne prohibuéritis eos : tálíum est enim regnum Dei.

Postcommunio.

SANCTIFICÁTI, Dómine, salutári mystério : quæsumus ; ut, intercedénte sancto Josépho, Confessóre tuo, ad majus semper proficiámus pietátis increméntum. Per Dóminum.

DIE XXVIII

IN FESTO S. AUGUSTINI

EPISCOPI, CONFESSORIS

ET ECCLESIE DOCTORIS

Introitus. Eccli. 15.

IN médio Ecclesiæ aperuit os ejus, et implévit eum Dóminus spíritu sapiéntiæ et intelléctus : stolam glóriæ induit eum. Ps. 91. Bonum est confitéri Dómino, et psállere nómini tuo, Altíssime. *ŷ.* Glória Patri. In médio.

Oratio.

ADÉSTO supplicatió-nibus nostris, omnípotens Deus : et quibus fidúciám sperándæ pietátis indúlges, intercedénte beáto Augustino, Confessóre tuo atque Pontifice, consuétæ misericórdiæ tribue benígnus efféctum. Per Dóminum.

Et fit Commem. S. Hermetis. Martyris.

Oratio.

DEUS, qui beátum Hermétem, Mártirem tuum, virtúte constántiæ in passió-ne roborásti : ex ejus nobis imitatió-ne tribue, pro amóre tuo próspera mundi despícere, et nulla ejus advérsa formidáre. Per Dóminum.

Léctio Epístolæ beáti Pauli Apóstoli ad Timótheum. II Tim. 4.

CHARÍSSIME, Testificor coram Deo et Jesu Christo, qui judicatúrus est vivos et mórtuos, per advéntum ipsíus, et regnum ejus : prædica verbum, insta oportúne, importúne : árgue, óbseca, increpa in omni patiéntia et doctrína. Erit enim tempus, cum sanam doctrinam non sustinébunt, sed ad sua desidéria coacervábunt sibi magistros pruriéntes áuribus : et a veritaté quidem auditum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiós-nis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die justus iudex : non solum autem mihi, sed et iis qui diligunt advéntum ejus.

Graduale. Ps. 36. Os justi meditabitur sapientiam, et lingua ejus loquetur judicium. *ŷ.* Lex Dei ejus in corde ipsius : et non supplantabuntur gressus ejus.

Allelúia, allelúia. *ŷ.* Ps. 88. Inveni David servum meum, óleo sancto meo unxi eum. Allelúia.



Sequéntia sancti Evangelíi secúndum Matthæum. **Cap. 5.**

IN illo témpore : Dixit Jesus discípulis suis : Vos estis sal terræ. Quod si sal evanúerit, in quo saliétur? Ad nihilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et glorificent Patrem vestrum, qui in cælis est. Nolíte putáre quóniam veni sôlvare Legem, aut Prophétas : non veni sôlvare, sed adimplére. Amen quippe dico vobis, donec tránseat cælum et terra, ióta unum, aut unus apex non præteribit a Lege, donec ómnia fiant. Qui ergo sôlverit unum de mandátis istis mínimis, et docúerit sic homínes, mínimus vocábitur in regno cælórum : qui autem fécerit et docúerit, hic magnus vocábitur in regno cælórum. **Credo.**

Offertorium. Ps. 91. Justus ut palma florébit : sicut cedrus, quæ in Libano est, multiplicábitur.

Secreta.

SANCTI Confessóris tui Augustíni nobis, Dómine, pia non desit orátio : quæ et múnera nostra concíliet, et tuam nobis indulgéntiam semper obtíneat. Per Dóminum.

Pro sancto Hermete. Secreta.

SACRIFICÍUM tibi, Dómine, laudis offérimus in tuórum commemoratióne Sanctórum : da, quæsumus, ut quod illis cóntulit glóriam, nobis prosit ad salutem. Per Dóminum.

Communio. Luc. 12. Fidélis servus

et prudens, quem constituit Dóminus super familiam suam, ut det illis in témpore trítici mensúram.

Postcommunio.

UT nobis, Dómine, tua sacrificia dent salutem, beátus Confessor tuus Augustínus, et Póntifex, quæsumus, precátor accédât. Per Dóminum.

Pro sancto Hermete.

Postcommunio.

REPLÊTI, Dómine, benedictiône cœlesti, quæsumus, cleméntiam tuam : ut, intercedénte beáto Herméte, Mártýre tuo, quæ humiliter gérimus, salúbriter sentiámus. Per Dóminum.

EADEM DIE

S. HERMETIS, MARTYRIS

Missa Lætábitur justus, ut in **Communí.** 5*, cum **Orationibus** ut supra.

DIE XXIX

IN FESTO

DECOLLATIONIS S. JOANNIS BAPTISTÆ

Introitus. Ps. 118.

LOQUÉBAR de testimoniis tuis in conspéctu regum, et non confundébar : et meditábar in mandátis tuis, quæ diléxi nimis. **Ps. 91.** Bonum est confitéri Dómino, et psállere nómini tuo, Altíssime. *ŷ.* Glória. Loquébar.

Oratio.

SANCTI Joánnis Baptistæ, Præcursóris et Mártýris tui, quæsumus, Dómine, veneránda festívitás salutáris auxílii nobis præstet efféctum. Qui vivis. Et fit **Commem. sanctæ Sabinæ, Martyris.**

Oratio.

DEUS, qui inter cætera poténtiæ tuæ mirácula, étiam in sexu frágili victóriam martyrii contulisti : concéde propítius ; ut qui beátæ Sabinæ, Mártýris tuæ, natalítia cólimus, per ejus ad te exémpa gradiámur. Per Dóminum.

Lectio Jeremiæ Prophætæ. **Cap. 1.**

IN diébus illis : Factum est verbum Dómini ad me, dicens : Accínge lumbos tuos, et surge, et lóquere ad Juda ómnia quæ ego præcípio tibi. Ne formídes a fácie eórum : nec enim timére te

faciam vultum eorum. Ego quippe dedite hodie in civitatem munitam, et in columnam ferream, et in murum æreum, super omnem terram, regibus Juda, principibus ejus, et sacerdotibus, et populo terræ. Et bellabunt adversum te, et non prævalébunt : quia ego tecum sum, ait Dóminus, ut liberem te.

Graduale. Ps. 91. Justus ut palma florébit : sicut cedrus Líbani multiplicábitur in domo Dómini. **Ÿ.** Ad annuntiándum mane misericórdiam tuam, et veritatem tuam per noctem.

Allelúia, allelúia. **Ÿ.** Osee 14. Justus germinábit sicut lílium, et florébit in ætérnum ante Dóminum. Allelúia.



Sequéntia sancti Evangélíi secundum Marcum. Cap. 6.

IN illo témpore : Misit Heródes, ac ténuít Joánnem, et vinxit eum in cárcere propter Herodiadem uxórem Philíppi fratris sui, quia dúxerat eam. Dicébat enim Joánnes Heródi : Non licet tibi habére uxórem fratris tui. Heródiás autem insidiabátur illi, et volébat occidere eum, nec póterat. Heródes enim metuébat Joánnem, sciens eum virum justum et sanctum : et custodiébat eum, et audito eo multa faciébat, et libénter eum audiébat. Et cum dies opportúnus accidisset, Heródes natális sui cœnam fecit principibus, et tribúnis, et primis Galilææ. Cumque introísset filia ipsíus Herodiadis, et saltásset, et placuíset Heródi simulque recumbéntibus, rex ait puéllæ : Pete a me quod vis, et dabo tibi. Et jurávit illi : Quia quidquid petíeris, dabo tibi, licet dimídium regni mei. Quæ cum exísset, dixit matri suæ : Quid petam? At illa dixit : Caput Joánnis Baptístæ. Cumque introísset statim cum festinátione ad regem, petívit, dicens : Volo ut prótinus des mihi in disco caput Joánnis Baptístæ. Et contristátus est rex : propter iurándum, et propter simul discumbéntes, nóluit eam contristáre; sed misso spiculátore, præcépit afférri caput ejus in disco. Et decollávit eum in cárcere, et áttulit caput ejus in disco : et dedit illud puéllæ, et

puélla dedit matri suæ. Quo audito, discípoli ejus venérunt, et tulérunt corpus ejus, et posuérunt illud in monumento.

Offertorium. Ps. 20. In virtúte tua, Dóminè, lætábitur justus, et super salutare tuum exsultábit veheménter : desiderium ánimæ ejus tribuísti ei.

Secreta.

MÚNERA quæ tibi, Dómine, pro sancti Mártiris tui Joánnis Baptístæ passióne deférimus, quæsumus, ut ejus obténtu nobis proficiant ad salutem. Per Dóminum.

Pro sancta Sabina. Secreta.

HÓSTIAS tibi, Dómine, beátæ Sabínæ, Mártiris tuæ, dicátas méritis, benígnus assúmè, et ad perpétuum nobis tribue proveníre subsidium. Per Dóminum.

Communio. Ps. 20. Posuísti, Dómine, in cápite ejus corónam de lápide pretiósio.

Postcommunio.

CÓNFERAT nobis, Dómine, sancti Joánnis Baptístæ solémnitas : ut et magnífica sacraménta quæ sumpsimus, significáta venerémur, et in nobis pótius édita gaudeámus. Per Dóminum.

Pro sancta Sabina. Postcommunio.

DIVINI múnèris largitatè satiáti, quæsumus, Dómine Deus noster : ut, intercedénte beáta Sabína, Mártire tua, in ejus semper participatióne vivámus. Per Dóminum.

EADEM DIE

SANCTÆ SABINÆ, MARTYRIS

Missa Me exspectavérunt, ut in Comm. 23*, cum Orationibus ut supra.

DIE XXX

IN FESTO

SANCTÆ ROSÆ A SANCTA MARIA VIRGINIS LIMANÆ

Missa Dilexisti, de Comm. Virg. 21*, præter Orationem sequentem.

Oratio.

BONÓRUM ómnium largitor, omnípotens Deus, qui beátam Rosam, cœléstis grátiae rore prævéntam, virginitátis et

patiéntiæ decóre Indis floréscere voluisti: da nobis fámulis tuis; ut in odórem suauitátis ejus currétes, Christi bonus odor éffici mereámur. Qui tecum vivit.

Et fit Commem. SS. Felicis et Adaucti, Mart., cum Orationibus ut in seq. Missa.

EADEM DIE

SS. FELICIS ET ADAUCTI

MARTYRUM

Introitus. *Eccli. 44.*

SAPIÉNTIAM sanctorum narrent populi, et laudes eorum nuntiet Ecclesia: nomina autem eorum vivent in sæculum sæculi. *Ps. 32.* Exultate, justi, in Domino: rectos decet collaudatio. *Ÿ.* Glória Patri. Sapiéntiam.

Oratio.

MAJESTATEM tuam, Domine, supplices exoramus: ut sicut nos jùgiter Sanctorum tuorum commemoratione lætificas, ita semper supplicatione defendas. Per Dominum.

Lectio libri Sapiéntiæ. *Cap. 10.*

RÉDDIDIT Deus justis mercédem laborum suorum, et deduxit illos in via mirabili: et fuit illis in velamento diei, et in luce stellarum per noctem: transtulit illos per mare Rubrum, et transvexit illos per aquam nimiam. Inimicos autem illorum demersit in mare, et ab altitudine inferorum eduxit illos. Ideo justi tulerunt spolia impiorum, et decantaverunt, Domine, nomen sanctum tuum, et victricem manum tuam laudaverunt pariter, Domine Deus noster.

Graduale. Sap. 3. Justorum animæ in manu Dei sunt, et non tanget illos tormentum malitiæ. *Ÿ.* Visi sunt oculis insipientium mori, illi autem sunt in pace.

Allelúia, allelúia. *Ÿ.* Fulgebunt justi, et tamquam scintillæ in arundinetis discurrent in ætérnum. Allelúia.



Sequéntia sancti Evangelii secundum Lucam. *Cap. 10.*

IN illo tempore: Dixit Jesus discipulis suis: Qui vos audit, me audit, et qui vos spernit, me spernit. Qui autem me spernit, spernit eum qui misit me. Re-

versi sunt autem septuaginta duo cum gaudio, dicentes: Domine, etiam daemonia subjiçuntur nobis in nomine tuo. Et ait illis: Vidébam Sátanam sicut fulgur de cælo cadentem. Ecce dedi vobis potestatem calcandi supra serpentes, et scorpiones, et super omnem virtutem inimici: et nihil vobis nocébit. Verumtamen in hoc nolite gaudere, quia spiritus vobis subjiçuntur: gaudete autem, quod nomina vestra scripta sunt in cælis.

Offertorium. Ps. 31. Latámini in Domino, et exsultate, justi: et gloriámini, omnes recti corde.

Secreta.

HÓSTIAS, Domine, tuæ plebis inténde: et quas in honóre Sanctorum tuorum devóta mente célebrat, proficere sibi séntiat ad salutem. Per Dominum.

Communio. Matth. 10. Quod dico vobis in ténebris, dicite in lumine, dicit Dominus: et quod in aure auditis, prædicáte super tecta.

Postcommunio.

REPLÉTI, Domine, munéribus sacris. Quæsumus: ut, intercedéntibus Sanctis tuis, in gratiarum semper actione maneamus. Per Dominum.

DIE XXXI

IN FESTO S. RAYMUNDI NONNATI

CONFESSORIS

Missa Os justi, ut in Comm. Conf. non Pont. 16, præter Orat. seq.*

Oratio.

DEUS, qui in liberandis fidelibus tuis ab impiorum captivitate, beatum Raymúndum, Confessorem tuum, mirabilem effecisti: ejus nobis intercessionem concede; ut a peccatorum vinculis absoluti, quæ tibi sunt plácita liberis mentibus exsequámur. Per Dominum.

FESTA SEPTEMBRIS

DIE 1

S. ÆGIDII, ABBATIS

Missa Os justi, de Communi Abbat. 18.*

EADÉM DIE

SS. MARTYRUM XII FRATRUM

Missa ut in die 18 Julii, in Festo sanctæ Symphoræ. 399, præter Orationes sequentes.

Oratio.

FRATRERNA nos, Dómine, Mártyrum tuórum coróna lætificet: quæ et fidei nostræ præbeat incrementa virtútum, et multiplici nos suffragio consolétur.

Tertia Oratio, A cunctis. 56*.

Pro SS. Martyribus.

Secreta.

MYSTÉRIA tua, Dómine, pro sanctorum Mártyrum tuorum commemoratióne devóta mente tractémus: quibus nobis et præsidium crescat, et gáudium.

Tertia Secreta, Exáudi nos. 56*.

Pro SS. Martyribus.

Postcommunio.

PRÆSTA, quæsumus, omnipotens Deus: ut quorum memóriam sacraménti participatióne recólimus, fidem quoque proficiéndo sectémur.

Tertia Postcommunio, Mundet et múniat. 56*.

DIE II

IN FESTO S. STEPHANI

HUNGARIE REGIS, CONFESSORIS

Introitus. Ps. 36.

Os justi meditábitur sapiéntiam, et lingua ejus loquétur judícium: lex Dei ejus in corde ipsíus. Ps. Noli æmulári in malignántibus: neque zeláveris faciéntes iniquitátem. Ț. Glória Patri. Os justi.

Oratio.

CONCÉDE, quæsumus, Ecclesiæ tuæ, omnipotens Deus: ut beátum Stéphanum, Confessórem tuum, quem regnántem in terris propagatórem hábuit, propugnatórem habére mereátur gloriósum in cælis. Per Dóminum.

Secunda Oratio, A cunctis. 56*; tertia ad libitum.

Léctio libri Sapiéntiæ. Eccli. 31.

BEATUS vir qui invéntus est sine mácula, et qui post aurum non ábiit,

nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perfectus est, erit illi glória æterna: qui pótuit tránsgridi, et non est trásgressus: fácere mala, et non fecit: ideo stabilita sunt bona illíus in Dómino, et eleemósynas illíus enarrábit omnis Ecclesiá sanctorum.

Graduale. Ps. 91. Justus ut palma florébit: sicut cedrus Libani multiplicábitur in domo Dómini. Ț. Ad annuntiándum mane misericórdiam tuam, et veritátem tuam per noctem.

Allelúia, allelúia. Ț. Jac. 1. Beátus vir qui suffert tentatiónem: quóniam eum probátus fuerit, accipiet corónam vitæ. Allelúia.



Sequéntia sancti Evangélii secundum Lucam. Cap. 19.

In illo témpore: Dixit Jesus discipulis suis parábolam hanc: Homo quidam nobilis ábiit in regiónem longínquam accipere sibi regnum, et revérti. Vocátis autem decem servis suis, dedit eis decem mnas, et ait ad illos: Negotiámini dum venio. Cives autem ejus óderant eum: et misérunt legatiónem post illum, dicéntes: Nólumus hunc regnâre super nos. Et factum est ut redíret, accépto regno: et jussit vocári servos quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuisti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: timui enim te, quia homo austérus es: tollis quod non posuisti, et metis quod non seminásti. Dicit ei: De ore tuo te júdico, serve nequam. Sciébas quod ego homo austérus sum, tollens quod non pósui, et metens quod non seminávi: et quare non dedisti pecúniam meam ad mensam, ut ego véniens, cum usúris

utique exegissem illam? Et adstantibus dixit: Auferite ab illo mnam, et date illi qui decem mnas habet. Et dixerunt ei: Domine, habet decem mnas. Dico autem vobis: Quia omni habenti dabitur, et abundabit: ab eo autem qui non habet, et quod habet auferetur ab eo.

Offertorium. Ps. 88. Veritas mea et misericordia mea cum ipso, et in nomine meo exaltabitur cornu ejus.

Secreta.

RESPICE quas offerimus hostias, omnipotens Deus: et presta, ut qui Passions Dominicæ mysteria celebramus, imitemur quod agimus. Per eumdem Dominum.

Communio. Matth. 24. Beatus servus quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

PRESTA, quæsumus, omnipotens Deus: ut beati Stephani, Confessoris tui, fidem congrua devotione sectemur: qui pro ejusdem fidei dilatatione, de terreno regno ad celestis regni gloriam meruit pervenire. Per Dominum.

DIE V

IN FESTO

S. LAURENTII JUSTINIANI

EPISCOPI ET CONFESSORIS

Missa Statuit, de Comm. Conf. Pont. 12*. **Secunda Oratio**, A cunctis. 56*; **tertia** ad libitum.

DIE VIII

IN FESTO NATIVITATIS

BEATÆ MARLE VIRGINIS

Introitus. Sedulius.

SALVE, sancta Parens, enixa puérpera Regem qui cælum terramque regit in sæcula sæculorum. Ps. 44. Eructavit cor meum verbum bonum: dico ego opera mea Regi. 7. Glória Patri. Salve, sancta Parens.

Oratio.

FAMULIS tuis, quæsumus, Domine, cælestis gratiæ munus impertire: ut quibus beatæ Virginis partus exstitit salutis

exordium, Nativitatis ejus votiva sollemnitas pacis tribuat incrementum. Per Dominum.

In Missis privatis tantum fit Commem. S. Adriani, Martyris.

Oratio.

PRESTA, quæsumus, omnipotens Deus: ut qui beati Adriani, Martyris tui, natalitia colimus, intercessionem ejus in tui nominis amore roborémur. Per Dominum.

Lectio libri Sapientiæ. Prov. 8.

DOMINUS possedit me in initio viarum suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terram non fecerat, et flumina, et cardines orbis terræ. Quando præparabat celos, aëderam: quando certa lege et gyro vallabat abyssos: quando æthera firmabat sursum, et librabat fontes aquarum: quando circumdabat mari terminum suum, et legem ponebat aquis ne transirent fines suos: quando appendebat fundamenta terræ. Cum eo eram cuncta componens: et delectabar per singulos dies, ludens coram eo omni tempore, ludens in orbe terrarum: et deliciae meae esse cum filiis hominum. Nunc ergo, filii, audite me: beati qui custodiunt vias meas. Audite disciplinam, et estote sapientes, et nolite abjicere eam. Beatus homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino.

Graduale. Benedicta et venerabilis es, Virgo Maria, quæ, sine tactu pudoris, inventa es mater Salvatoris. 7. Virgo Dei Genitrix, quem totus non capit orbis, in tua se clausit viscera factus homo.

Allelûia, allelûia. 7. Felix es, sacra Virgo Maria, et omni laude dignissima: quia ex te ortus est Sol justitiæ, Christus Deus noster. Allelûia.



Initium sancti Evangelii secundum Matthæum. Cap. 1.

LIBER generationis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam et fratres ejus. Judas autem genuit Phares et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea quæ fuit Uriæ. Salomon autem genuit Róboam. Róboam autem genuit Abiam. Abias autem genuit Asa. Asa autem genuit Jósaphat. Jósaphat autem genuit Joram. Joram autem genuit Oziam. Ozias autem genuit Jóatham. Jóatham autem genuit Achaz. Achaz autem genuit Ezechíam. Ezechías autem genuit Manássen. Manássen autem genuit Amon. Amon autem genuit Josiam. Josías autem genuit Jechóniam et fratres ejus in transmigratione Babylónis. Et post transmigrationem Babylónis, Jechónias genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus.

Credo. Et dicitur per totam Octavam.

Offertorium. Beata es, Virgo Mariæ, quæ omnium portásti Creatórem : genuisti qui te fecit, et in ætérnum pérmanes virgo.

Secreta.

UNIGÉNITI tui, Dómine, nobis succúr-
rat humanitas : ut qui natus de Virgine matris integritatem non minuit, sed sacrávit, in Nativitátis ejus solénnis, nostris nos piáculis exuens, oblationem

nostram tibi faciát accéptam Jesus Christus Dóminus noster. Qui tecum vivit.

Pro S. Adriano, Martyre.

Secreta.

MUNÉRIBUS nostris, quæsumus, Dómine, precibúsq; susceptis, et cælestibus nos munda mystériis, et cleménter exáudi. Per Dóminum.

Præfatio de beata Mariæ. Et te in Nativitáte. Quæ dicitur per totam Octavam, etiam in Festis, nisi habuerint propriam.

Communio. Beata viscera Mariæ Virginis, quæ portavérunt ætérni Patris Filium.

Postcommunio.

SÚMPSIMUS, Dómine, celebritátis annuæ votiva sacraménta : præsta, quæsumus; ut et temporális vitæ nobis remédia præbeant, et ætérnæ. Per Dóminum.

Pro S. Adriano, Martyre.

Postcommunio.

DA, quæsumus, Dómine Deus noster : Ut sicut tuórum commemoratióne Sanctorum temporáli gratulamur officio, ita perpétuo lætémur aspéctu. Per.

¶ **Infra Octavam Nativitatis beatæ Mariæ** et in die Octava, dicitur Missa sicut in die Festi : sed infra Octavam, quando non fit Commem. Festi simplicis, dicitur secunda Oratio, de Spiritu sancto, Deus, qui corda fidélium; tertia, Ecclesiæ, vel pro Papa, Deus, ómnium fidélium. 40*.

EADEM DIE

S. ADRIANI, MARTYRIS

Missa In virtúte tua. 4*; Orationes ut in præcedenti Missa.

DOMINICA INFRA OCTAVAM
NATIVITATIS BEATÆ MARIE VIRGINIS
CELEBRATUR FESTUM

SANCTISSIMI NOMINIS

EJUSDEM BEATÆ MARIE

Introitus. Ps. 44.

VULTUM tuum deprecabúntur omnes divites plebis : adducéntur Regi virgines post eam : próximæ ejus

adducéntur tibi in lætítia et exsultatíone. **Ps.** Eructávit cor meum verbum bonum : dico ego ópera mea Regi. **ŷ.** Glória Patri. Vultum.

Oratio.

CONCÉDE, quæsumus, omnipotens Deus : ut fídeles tui, qui sub sanctíssimæ Virginitis Mariæ Nómíne et protectíone lætántur ; ejus pia intercessíone, a cunctis malis liberéntur in terris, et ad gáudia ætérna perveníre mereántur in cœlis. Per Dóminum.

Et fit Commem. Dominicæ occur., et dicitur ejus Evangelium in fine.

Lectio libri Sapiéntiæ. **Ecclesi. 24.**

EGO quasi vitis fructificávi suavitátem odóris : et flores mei, fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis : in me omnis spes vitæ et virtútis. Transíte ad me, omnes qui concupiscitis me, et a generatiónibus meis implémini : spíritus enim meus super mel dulcis, et hæreditas mea super mel et favum. Memória mea in generatiónes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

Graduale. Benedícta et venerábilis es, Virgo María, quæ sine tactu pudóris, invénta es mater Salvatóris. **ŷ.** Virgo Dei Génitrix, quem totus non capit orbis, in tua se clausit viscera factus homo.

Allelúia, allelúia. **ŷ.** Post partum, Virgo, invioláta permansísti : Dei Génitrix, intercède pro nobis. Allelúia.



Sequéntia sancti Evangélíi secúndum Lucam. **Cap. 1.**

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virgí-nem desponsátam viro, cui nomen erat Joseph, de domo David : et nomen Virginitis, María. Et ingressus Angelus ad eam,

dixit : Ave, grátia plena : Dóminus tecum ; benedícta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne tíneas, María : invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur, et dabit illi Dóminus Deus sedem David patris ejus : et regnabit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognóscó? Et respóndens Angelus, dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elisabéth cognáta tua, et ipsa concépit filium in senectúte sua : et hic mensis sextus est illi quæ vocátur stérilis : quia non erit impossibile apud Deum omne verbum. Dixit autem María : Ecce ancílla Dómini, fiat mihi secúndum verbum tuum.

Credo.

Offertorium. **Luc. 1.** Ave, María, grátia plena : Dóminus tecum : benedícta tu in muliéribus, et benedictus fructus ventris tui.

Secreta.

TUA, Dómine, propitiátione, et beátæ Mariæ semper virginitis intercessíone, ad perpétuam atque præsentem hæc oblátio nobis proficiat prosperitátem et pacem. Per Dóminum.

Prefatio de beata Maria. Et te in Festivitate.

Communio. Beáta viscera Mariæ Virginitis, quæ portavérunt ætérni Patris Filium.

Postcommunio.

SUMPTIS, Dómine, salutis nostræ subsidíis : da, quæsumus, beátæ Mariæ semper virginitis patrociníis nos ubique prótegi ; in cujus veneratíone hæc tuæ obtúlimus Majestáti. Per Dóminum nostrum.

DIE IX

SANCTI GORGONII

MARTYRIS

Missa Lætābitur, ut in Comm. 5*, cum sequentibus Orationibus.

Oratio.

SANCTUS tuus, Dómine, Gorgónius sua nos intercessióne lætificet : et pia fáciat solemnitáte gaudere.

Tertia Oratio, de Spiritu sancto.

DEUS, qui corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatióne gaudere. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Nisi venerit in Dominica; tunc enim tertia Oratio erit de S. Gorgonio, Mart.

Pro S. Gorgonio.

Secreta.

GRATA tibi sit, Dómine, nostræ servitútis oblátio; pro qua sanctus Gorgónius Martyr intervénor existat.

De Spiritu sancto.

Secreta.

MÚNERA, quæsumus, Dómine, oblata sanctifica, et corda nostra sancti Spíritus illustratióne emúnda. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Pro S. Gorgonio.

Postcommunio.

FAMÍLIAM tuam, Deus, suávitās ætérna contíngat et végetet : quæ in Mártyre tuo Gorgónio Christi Fílii tui bono júgiter odóre pascátur.

De Spiritu sancto.

Postcommunio.

SANCTI Spíritus, Dómine, corda nostra aspersióne fecúndet. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

DIE X

IN FESTO

S. NICOLAI A TOLENTINO

CONFESSORIS

Introitus. Ps. 91.

JUSTUS ut palma florébit : sicut cedrus Libani multiplicábitur : plantátus in domo Dómini, in átriis domus Dei nostri. Ps. Bonum est confitéri Dómino, et psállere nómini tuo, Altíssime. ̎. Glória Patri. Justus.

Oratio.

ADÉSTO, Dómine, supplicatióibus nostris, quas in beáti Nicolái, Confessoris tui, solemnitáte deférimus : ut qui nostræ justitiæ fidúciā non habémus, ejus, qui tibi plácuit, précibus adjuvémur. Per Dóminum.

Et fit Commem. Oct. Nativit. B. Mariæ.

Oratio.

FÁMULIS tuis, quæsumus, Dómine, cœléstis grátia munus impertire : ut quibus beátæ Virginis partus éxstitit salutis exórdium, Nativitátis ejus votíva solémnitas pacis tribuat incrementum. Per Dóminum.


Lectio Epistolæ beáti Pauli Apóstoli ad Corínthios. I Cor. 4.

FRATRES, Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo : nos infirmi, vos autem fortes : vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes manibus nostris : maledicimur, et benedicimus : persecutiónem pátimur, et sustinémus : blasphemámur, et obsecrámus : tamquam purgamenta hujus mundi facti sumus, ómnium peripséma usque adhuc. Non ut confundam vos hæc scribo, sed ut filios meos charíssimos moneo : in Christo Jesu Dómino nostro.

Graduale. Ps. 36. Os justi meditábitur sapiéntiam, et lingua ejus loquétur iudiciū. ̎. Lex Dei ejus in corde

ipsius, et non supplantabuntur gressus ejus.

Allelúia, allelúia. *ŷ. Ps. 111.* Beátus vir qui timet Dóminum : in mandátis ejus cupit nimis. Allelúia.

 Sequéntia sancti Evangelii secundum Lucam. *Cap. 12.*

IN illo témpore : Dixit Jesus discípulis suis : Nolite timére, pusillus grex, quia compláuit Patri vestro dare vobis regnum. Véndite quæ possidéitis, et date eleemósynam. Fácite vobis sácculos, qui non veteráscunt, thesáurum non deficiéntem in cœlis, quo fur non appropiát, neque tinea corrúmpit. Ubi enim thesáurus vester est, ibi et cor vestrum erit.

Et dicitur Credo, propter Octavam Nativitatis beatæ Mariæ.

Offertorium. *Ps. 20.* In virtúte tua, Dómine, lætábitur justus, et super salutáre tuum exsultábit veheménter : desiderium animæ ejus tribuísti ei.

Secreta.

PRÆSTA nobis, quæsumus, omnipotens Deus, ut nostræ humilitátis oblátio et pro tuórum tibi grata sit honóre Sanctorum, et nos córpore páriter et mente purificet. Per Dóminum.

Pro Octava Nativitatis beatæ Mariæ.

Secreta.

UNIGÉNITI tui, Dómine, nobis succúrrat humanitas : ut qui, natus de Virgine, matris integritatem non minuit, sed sacrávit, in Nativitátis ejus solénnis, nostris nos piáculis éxuens, oblátionem nostram tibi fáciat accéptam Jesus Christus Dóminus noster. Qui tecum.

Præfatio de beata Maria. Et te in Nativitate.

Communio. *Matth. 19.* Amen dico vobis, quod vos, qui reliquistis ómnia et secúti estis me, céntuplum accipiétis, et vitam ætérnam possidébitis.

Postcommunio.

QUÆSUMUS, omnipotens Deus : ut qui cœléstia aliménta percépimus, intercedénte beato Nicoláo, Confessóre tuo, per hæc contra ómnia advérsa muniámur. Per Dóminum.

Pro Octava Nativitatis beatæ Mariæ.

Postcommunio.

SÚMPSIMUS, Dómine, celebritátis ánnuæ votíva sacraménta : præsta, quæsumus ; ut et temporális vitæ nobis remédia præbeant, et ætérnæ. Per Dóminum.

DIE XI

SS. PROTI ET HYACINTHI

MARTYRUM

Missa Salus autem, ut in Communi. 11*, cum Orationibus sequentibus.

Oratio.

BEATORUM Mártýrum tuórum Proti et Hyacinthi nos, Dómine, fóveat pretiósa confessio : et pia júgiter intercésio tueátur.

Tertia Oratio, de Spiritu sancto, Deus, qui corda fidélium. 442, nisi venerit in Dominica : tunc enim tertia Oratio erit de SS. Proto et Hyacintho.

Secreta.

PRO sanctorum Mártýrum tuórum Proti et Hyacinthi commemoratióne, múnera tibi, Dómine, quæ debémus, exsolvimus : præsta, quæsumus, ut remédiu[m] nobis perpétuæ salutis operéntur.

De Spiritu sancto, Múnera. 442.

Postcommunio.

UT percépta nos, Dómine, tua sancta purificent : beatorum Mártýrum tuórum Proti et Hyacinthi, quæsumus, implóret oratio.

De Spiritu sancto, Sancti Spiritus. 442.

DIE XIV

IN FESTO

EXALTATIONIS SANCTÆ CRUCIS

Introitus. Galat. 6.

NOS autem gloriári opórtet in Cruce Dómini nostri Jesu Christi, in quo est salus, vita et resurréctio nostra, per quem salváti et liberáti sumus. *Ps. 66.* Deus misereátur nostri, et benedícat nobis : illúminet vultum suum super nos, et misereátur nostri. *ŷ.* Glória Patri. Nos autem.

Oratio.

DEUS, qui nos hodierna die Exaltationis sanctæ Crucis annua solemnitate lætificas : præsta, quæsumus, ut ejus mysterium in terra cognovimus, ejus redemptionis præmia in cælo mereamur. Per eundem Dominum.

Et fit Commem. de Octava Nativitatis beatæ Mariæ Virginis.

Oratio.


FAMULIS tuis, quæsumus, Domine, cœlestis gratiæ munus impertire : ut quibus beatæ Virginis partus exstitit salutis exordium, Nativitatis ejus vota sollemnitas pacis tribuat incrementum. Per Dominum.

Lectio Epistolæ beati Pauli Apostoli ad Philippenses. Cap. 2.

FRATRES, Hoc enim sentite in vobis, quod et in Christo Jesu : qui cum in forma Dei esset, non rapinam arbitratus est esse se æqualem Deo : sed semetipsum exinanivit, formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus exaltavit illum, et donavit illi nomen quod est super omne nomen (*hic genuflectitur*) : ut in nomine Jesu omne genu flectatur, cœlestium, terrestrium et infernorum : et omnis lingua confiteatur quia Dominus Jesus Christus in gloria est Dei Patris.

Graduale. Ibid. Christus factus est pro nobis obediens usque ad mortem, mortem autem Crucis. *ŷ.* Propter quod et Deus exaltavit illum : et dedit illi nomen quod est super omne nomen.

Allelûa, allelûa. *ŷ.* Dulce lignum, dulces clavos, dulcia ferens pœnera : quæ sola fuisti digna sustinere Regem cœlorum et Dominum. Allelûa.

 Sequentia sancti Evangelii secundum Joannem. Cap. 10.

In illo tempore : Dixit Jesus turbis Judæorum : Nunc judicium est mundi : nunc princeps hujus mundi ejicietur foras. Et ego, si exaltatus fuero a terra, omnia traham ad meipsum. (Hoc autem

dicébat, significans qua morte esset moriturus.) Respondit ei turba : Nos audivimus ex lege quia Christus manet in ætérnum : et quomodo tu dicis : Opórtet exaltari Filium hominis? Quis est iste Filius hominis? Dixit ergo eis Jesus : Adhuc módicum lumen in vobis est. Ambulate dum lucem habetis, ut non vos tenebræ comprehendant : et qui ambulat in tenebris, nescit quo vadat. Dum lucem habetis, credite in lucem, ut filii lucis sitis. Credo.

Offertorium. Prôtege, Domine, plebem tuam per signum sanctæ Crucis ab insidiis inimicorum omnium : ut tibi gratam exhibeamus servitutem, et acceptabile fiat sacrificium nostrum, allelûa.

Secreta.

JESU Christi Domini nostri corpore et sanguine saginandi, per quem Crucis est sanctificatum vexillum, quæsumus, Domine Deus noster, ut sicut illud adorare meruimus, ita perenniter ejus gloriæ salutaris potiamur effectu. Per eundem Dominum.

De Octava Nativitatis beatæ Mariæ.

Secreta.

UNIGENITI tui, Domine, nobis succurrat humanitas : ut qui, natus de Virgine, matris integritatem non minuit, sed sacravit, in Nativitatis ejus sollemniis, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit.

Præfatio de Cruce.

Communio. Per signum Crucis de inimicis nostris libera nos, Deus noster.

Postcommunio.

ADËSTO nobis, Domine Deus noster : et quos sanctæ Crucis lætari facis honore, ejus quoque perpétuis defēde subsidiis. Per Dominum.

De Octava Nativitatis beatæ Mariæ.

Postcommunio.

SŪMPSIMUS, Domine, celebritatis annuæ vota sacramenta : præsta, quæsumus, ut et temporális vitæ nobis remédia præbeant, et æternæ. Per Dominum.

DIE XV

IN OCTAVA NATIVITATIS

BEATÆ MARLÆ VIRGINIS

Missa dicitur ut in die, cum Commemoratione S. Nicomedis, Martyris.

¶ Si hodie occurrat FERIA Quatuor Temporum, in Ecclesiis Cathedralibus et Collegiatis dicuntur duæ Missæ, una de Octava cum Commem. S. Nicomedis tantum, altera de FERIA cum Orationibus assignatis : et in hac Missa et sequentibus Quatuor Temporum dicitur semper Præfatio communis.

Oratio.

ADËSTO, Dómine, pópulo tuo : ut beátí Nicomédis, Mártýris tui, mérita præclára suscépiens, ad impetrándam misericórdiam tuam semper ejus patrocíniis adjuvétur. Per Dóminum nostrum Jesum Christum Filium tuum.

Secreta.

SÚSCIPE, Dómine, múnera propítius obláta : quæ Majestáti tuæ beátí Nicomédis Mártýris comméndet orátio. Per Dóminum.

Postcommunio.

PURÍFICENT nos, Dómine, sacraménta quæ sumpsimus : et intercedénte beáto Nicoméde, Mártýre tuo, a cunctis efficiant vítiis absolútos. Per Dóminum nostrum Jesum Christum.

EADEM DIE

S. NICOMEDIS, MARTYRIS

Missa In virtúte tua, de Communi. 4*, cum Orationibus superius positis.

DOMINICA III SEPTEBRIS

IN FESTO SEPTEM DOLORUM

BEATÆ MARLÆ VIRGINIS

Missa dicitur ut in alio Festo Septem Dolorum posito sub mense Martii. 334, præter Orat. seq., et post Sequentiam additur Allelúia, quod omittendum erit in fine Gradualis.

Oratio.

DEUS, in cujus Passióne, secúndum Simeónis prophetíam, dulcíssimam

ánimam gloriósæ vírginis et matris Mariæ dolóris gládius pertransiit : concéde propítius ; ut qui dolóres ejus venerádo recólimus, Passiónis tuæ effectum felícem consequámur. Qui vivis et regnas cum Deo Patre.

Et fit Commemoratio Dom. occur., et legitur ejus Evangelium in fine.

¶ Si in Dominica III Septembris occurrat aliud Festum sive B. M. Virginis, sive altioris ritus, vel dies octava Festi, quod alicubi solemne sit, Festum Septem Dolorum amandatur ad Dominicam IV Septembris, et hac etiam, ut supra, imposita, ad proximíorem Dominicam a prædictis Festis liberam. Quod si usque ad Adventum nulla supersit Dominica libera, Festum Septem Dolorum ponatur, juxta Rubricas, in prima die non imposita post Dominicam III Septembris.

¶ Si sequens Festum SS. Cornelii et Cypriani venerit in Dominica, transferatur in primam diem non impeditam : sed Commem. SS. Euphemie, etc., fit in Dom. Si vero occurrat in FERIA IV Quatuor Temp., fit Commem. primum de FERIA, postea de SS. Euphemie, etc. Et in Ecclesiis Cathedralibus et Collegiatis dicuntur duæ Missæ, una de SS. Cornelio et Cypriano, in qua fit Commem. SS. Euphemie, etc. : altera de dicta FERIA, sine Commem. Sanctorum.

DIE XVI

IN FESTO

SS. CORNELII ET CYPRIANI

PONTIFICUM ET MARTYRUM

Missa Intret in conspéctu tuo, de Communi plurimorum Martyrum. 9*.

Et fit Commem. SS. Euphemie, Lucie et Geminiani, Martyrum.

Oratio.

PRÆSTA, Dómine, précibus nostris cum exultatióne provéntum : ut sanctorum Mátyrum Euphemie, Lucie et Geminiani, quorum diem passiónis ánnua devotióne recólimus, étiam fidei constantiam subsequámur.

Tertia Oratio, A cunctis. 56*.

Pro Commem. SS. Euphemiæ, etc.
Secreta.

VOTA pópuli tui, quæsumus, Dómine, propítius inténde : et quorum nos tribuis solémnia celebráre, fac gaudere suffrágiis.

Tertia Secreta, Exáudi. 36*.

Pro Commem. SS. Euphemiæ, etc.
Postcommunio.

EXÁUDI, Dómine, preces nostras : et sanctórum Mártýrum tuórum Euphemiæ, Lúciæ et Geminiani, quorum festa solémniter celebrámus, contínuis foveámur auxiliis.

Tertia Postcommunio, Mundet et múniat. 36*.

EADEM DIE

SANCTORUM MARTYRUM

EUPHEMIE, LUCIE ET GEMINIANI

Missa Intret, ut in Communi. 9* ;
Evangelium Descendens. 11* ; Orationes
supra positæ.

DIE XVII

IN FESTO IMPRESSIONIS

SACRORUM STIGMATUM

IN CORPORE S. FRANCISCI

CONFESSORIS

Introitus. Gal. 6.

MIHI autem absit gloriári, nisi in Cruce Dómini nostri Jesu Christi, per quem mihi mundus crucifixus est, et ego mundo. Ps. 141. Voce mea ad Dóminum clamávi : voce mea ad Dóminum deprecátus sum. 7. Glória Patri. Mihi autem.

Oratio.

DÓMINE Jesu Christe, qui, frigescénte mundo, ad inflammandum corda nostra tui amoris igne, in carne beatissimi Francisci Passiónis tuæ sacra stigmata renovásti : concéde propítius ; ut ejus méritis et precibus crucem júgiter ferámus, et dignos fructus pœnitentiæ faciámus. Qui vivis.

Lectio Epistolæ beáti Pauli Apóstoli
ad Gálatas. Cap. 6.

FRATRES, Mihi autem absit gloriári, nisi in Cruce Dómini nostri Jesu

Christi, per quem mihi mundus crucifixus est, et ego mundo. In Christo enim Jesu neque circumcisio áliquid valet, neque præputium, sed nova creatúra. Et quicúmque hanc régulam secúti fuerint, pax super illos et misericórdia, et super Israel Dei. De cætero nemo mihi moléstus sit : ego enim stigmata Dómini Jesu in corpore meo porto. Grátia Dómini nostri Jesu Christi cum spiritu vestro, fratres. Amen.

Graduale. Ps. 36. Os justi meditabitur sapiéntiam, et lingua ejus loquétur judícium. 7. Lex Dei ejus in corde ipsius : et non supplantabúntur gressus ejus.

Allelúia, allelúia. 7. Franciscus pauper et húmilis, cœlum dives ingreditur, hymnis cœlestibus honorátur. Allelúia.



Sequéntia sancti Evangélíi secúndum Matthæum. Cap. 16.

IN illo témpore : Dixit Jesus discipulis suis : Si quis vult post me venire, abneget semetípsum, et tollat crucem suam, et sequátur me. Qui enim voluerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ vero suæ detriméntum patiátur ? Aut quam dabit homo commutatiónem pro ánimá sua ? Filius enim hómínis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

MÚNERA tibi, Dómine, dicáta sanctífica : et intercedénte beáto Francisco, ab omni nos culpárum labe purífica. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram.

Postcommunio.

DEUS, qui mira Crucis mystéria in beáto Francíscó, Confessóre tuo, multiformiter demonstrásti : da nobis, quæsumus, devotiõnis suæ semper exémp-la sectári, et assídua ejúsdem Crucis meditatióne muniri. Per Dóminum.

DIE XVII

IN FESTO

S. JOSEPHI A CUPERTINO

CONFESSORIS

Introitus. Eccli. 1.

DILÉCTIO Dei honorábilis sapiéntia : quibus autem apparuerit in visu, diligunt eam in visiõne, et in agnitióne magnálium suórum. *Ps. 83.* Quam dilécta tabernácula tua, Dómine virtútum! concupiscit et déficit ánima mea in átria Dómini. *Ÿ.* Glória Patri. Diléctio.

Oratio.

DEUS, qui ad unigénitum Filium tuum exaltátum a terra, ómnia tráhere disposuísti : pérfice propitius; ut méritis et exémplo Seráphici Confessóris tui Joséphi, supra terréas omnes cupiditátes eleváti, ad eum pervenire mereámur. Qui tecum vivit.

Léctio Epístolæ beáti Pauli Apóstoli ad Corínthios. *I Cor. 13.*

FRATRES, Si linguis hóminum loquar et Angelórum, charitátem autem non hábeam, factus sum velut æs sonans, aut cymbalum tinniens. Et si habúero prophetiam, et nóverim mystéria ómnia et omnem sciéntiam, et si habúero omnem fidem, ita ut montes transférám, charitátem autem non hábeo, nihil sum. Et si distribúero in cibis páuperum omnes facultátes meas, et si tradidero corpus meum, ita ut árdeam, charitátem autem non habúero, nihil mihi prodest. Charítas pátiens est, benígna est : charítas non aemulátur, non agit pérperam, non inflátur, non est ambióiosa, non quærit quæ sua sunt, non irritátur, non cógitat malum, non gaudet super iniquitáte, congáudet au-

tem veritáti : ómnia suffert, ómnia credit, ómnia sperat, ómnia sústinet. Charítas numquam éxcidit, sive prophetiæ evacuabúntur, sive linguae cessábunt, sive sciéntia destruétur.

Graduale. Ps. 20. Dómine, prævenísti eum in benedictiõnibus dulcédinis : posuísti in cápite ejus corónam de lápide pretiósó. *Ÿ.* Vitam pétiti a te, et tribuísti ei longitudinem diérum in sæculum, et in sæculum sæculi.

Allelúia, allelúia. *Ÿ.* **Eccli. 11.** Oculus Dei respéxit illum in bono, et eréxit eum ab humilitáte ipsíus, et exaltávit caput ejus. Allelúia.



Sequéntia sancti Evangélii secúndum Matthæum. **Cap. 22.**

IN illo témpore : Loquebátur Jesus princípibus sacerdotum et pharisæis in parábolis, dicens : Simile factum est regnum celórum hómini regi, qui fecit nuptias filio suo. Et misit servos suos vocare invitátos ad nuptias : et nolébant veníre. Iterum misit alios servos, dicens : Dicite invitátis : Ecce prándium meum parávi; tauri mei, et altília occísa sunt, et ómnia paráta : veníte ad nuptias. Illi autem neglexérunt, et abiérunt, alius in villam suam, alius vero ad negotiatiónem suam : reliqui vero tenuérunt servos ejus, et contuméliis afféctos occidérunt. Rex autem cum audísset, irátus est : et missis exercíribus suis, pérdidit homicidas illos, et civitátem illórum succéndit. Tunc ait servis suis : Nuptiæ quidem parátæ sunt; sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad nuptias. Et egréssi servi ejus in vias, congregavérunt omnes quos invenérunt, malos et bonos, et implétæ sunt nuptiæ discumbéntium. Intrávit autem rex, ut vidéret discumbéntes, et vidit ibi hóminem non vestítum veste nuptiáli. Et ait illi : Amice, quómodo huc intrásti, non habens vestem nuptiálem? At ille obmútuít. Tunc dixit rex ministris : Ligátis manibus et pédibus ejus, mittite eum in ténebras exterióres : ibi erit fletus et stridor dén-

tium. Multi enim sunt vocāti, pauci vero elēcti.

Offertorium. Ps. 34. Ego autem, cum mihi molēsti essent, induēbar cilicio. Humiliābam in jejūnio animam meam : et oratio mea in sinu meo convertētur.

Secreta.

LAUDIS tibi, Dómine, hóstias immolāmus in tuórum commemoratióne Sanctórum : quibus nos et præséntibus exúi malis confidimus, et futúris. Per.

Communio. Ps. 68. Ego sum pauper et dolens : salus tua, Deus, suscepit me. Laudábo nomen Dei cum cántico, et magnificábo eum in laude.

Postcommunio.

REFÉCTI cibo potúque celēsti, Deus noster, te súpplices exorámus : ut in cujus hęc commemoratióne percépi-mus, ejus muniámur et précibus. Per.

DIE XIX

IN FESTO SS. MARTYRUM

JANUARI, EPISC., ET SOCIORUM

Missa Salus autem, de Communi plur.
Mart. 11*.

¶ Si sequens Festum SS. Eustachii et Sociorum, Martyrum, venerit in Quatuor Temporibus, in Ecclesiis Cathedralibus vel Collegiatis dicuntur duæ Missæ, una de Sanctis sine Commem. Quatuor Temp. et Vigil. et altera de Quatuor Temp. cum Commem. Vigiliæ, et tertia Orat., A cunctis. 56* ; et in fine Missæ non dicitur Evangelium Vigiliæ.

DIE XX

IN FESTO

SS. EUSTACHII ET SOCIORUM

MARTYRUM

Missa Sapiéntiam, de Communi plur.
Mart. 10*.

¶ Et fit Commem. Vigiliæ S. Matthæi, cum Orationibus ut in sequenti Missa ; et in fine Missæ Evang. ejusdem Vigiliæ.

¶ Si Festum SS. Eustachii et Sociorum celebretur extra Quatuor Tempora, in Ecclesiis Cathedralibus et Collegiatis dicuntur duæ Missæ, una de Sanctis, ut supra ; altera de Vigiliæ, ut infra.

EADDEM DIE

VIGILIA S. MATTHÆI

APOSTOLI ET EVANGELISTÆ

Introitus. Ps. 51.

EGO autem sicut oliva fructifera in domo Dómini, sperávi in misericórdia Dei mei : et exspectábo nomen tuum, quóniam bonum est ante conspéctum Sanctórum tuórum. Ps. Quid gloriáris in malitia, qui potens es in iniquitatē ? ̎. Glória Patri. Ego autem.

Oratio.

DA, quæsumus, omnipotens Deus : ut beáti Matthæi, Apóstoli tui et Evangelistæ, quam prævenimus, veneránda solémnitas, et devotióne nobis áugeat, et salútē. Per Dóminum.

Secunda Oratio, de sancta Maria, Concede ; tertia, Ecclesiæ, vel pro Papa. 1*.
Lectio libri Sapiéntiæ. Eccli. 44 et 45.

BENEDICTIO Dómini super caput justi. Ideo dedit illi Dóminus hæreditatem, et divisit illi partem in tribus duodecim, et invenit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram populo suo, et osténdit illi glóriam suam. In fide et lenitatē ipsius sanctum fecit illum, et elégit eum ex omni carne. Et dedit illi coram præcéptis, et legem vitæ et disciplinæ : et excélsus fecit illum. Státuit ei testaméntum ætérnum, et circumcínxit eum zona justitiæ, et induit eum Dóminus corónam glóriæ.

Graduale. Ps. 91. Justus ut palma florébit : sicut cedrus Libani multiplicábitur in domo Dómini. ̎. Ad annuntiándum mane misericórdiam tuam, et veritatem tuam per noctem.



Sequéntia sancti Evangelii secundum Lucam. Cap. 5.

In illo témpore : Vidit Jesus publicánum nomine Levi, sedéntem ad telónium, et ait illi : Séquere me. Et relictis ómnibus, surgens, secúsus est eum. Et fecit ei convivium magnum Levi in domo

sua : et erat turba multa publicanorum, et aliorum qui cum illis erant discumbentes. Et murmurabant pharisæi et scribæ eorum, dicentes ad discipulos ejus : Quare cum publicanis et peccatoribus manducatis et bibitis? Et respondens Jesus, dixit ad illos : Non egent qui sani sunt medico, sed qui male habent. Non veni vocare justos, sed peccatores ad poenitentiam.

Offertorium. Ps. 8. Glória et honore coronasti eum. Et constituisti eum super opera manuum tuarum, Dómine.

Secreta.

APOSTÓLICI reverentia culminis offerentes tibi sacra mysteria, Dómine, quæsumus, ut beati Matthæi, Apóstoli tui et Evangelistæ, suffragiis, cujus natalitia prævenimus, plebs tua semper et sua vota deprómat, et desiderata percipiat. Per Dóminum.

Secunda Secreta, de beata Maria, Tua, Dómine; tertia. Prótege nos, vel pro Papa. 2*.

Communio. Ps. 20. Magna est glória ejus in salutari tuo : glóriam et magnum decorem impónes super eum, Dómine.

Postcommunio.

SANCTI Apóstoli tui et Evangelistæ Matthæi, quæsumus, Dómine, supplicatióne placátus, et véniam nobis tribue, et remédia sempitérna concéde. Per Dóminum.

Secunda Postcommunio, de beata Maria, Sumptis, Dómine; tertia, Quæsumus, Dómine, vel pro Papa. 2*.

DIE XXI

IN FESTO S. MATTHÆI

APOSTOLI ET EVANGELISTÆ

Introitus. Ps. 36.

Os justi meditabitur sapiéntiam, et lingua ejus loquétur judicium : lex Dei ejus in corde ipsius. Ps. Noli æmulári in malignántibus : neque zeláveris faciéntes iniquitátem. **ŷ.** Glória Patri. Os justi.

Oratio.

BEATI Apóstoli et Evangelistæ Matthæi, Dómine, préciбус adjuvémur : ut quod possibilitas nostra non obtinet, ejus nobis intercessióne donétur. Per.

Léctio Ezechielis Prophætæ. Cap. 1.

SIMILITUDO vultus quátuor animálium : fácies hóminis et fácies leónis a dextris ipsórum quátuor : fácies autem bovis a sinístris ipsórum quátuor, et fácies áquilæ désuper ipsórum quátuor. Fácies eórum et pennæ eórum exténtæ désuper : duæ pennæ singulórum jungébántur, et duæ tegébant córpora eórum : et unumquódque eórum coram fácie sua ambulábat : ubi erat ímpetus spíritus, illuc gradiebántur, nec revertebántur cum ambularent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Hæc erat visio discúrrens in médio animálium, splendor ignis, et de igne fulgur egrédiens. Et animália ibant et revertébántur, in similitúdinem fúlgoris coruscántis.

Graduale. Ps. 111. Beátus vir qui timet Dóminum : in mandátis ejus cupit nimis. **ŷ.** Potens in terra erit semen ejus : generatio rectórum benedicétur.

Allelúia, allelúia. ŷ. Te gloriósus Apostolórum chorus laudat, Dómine. Allelúia.

Sequéntia sancti Evangelíi secúndum Matthæum. Cap. 9.

In illo témpore : Vidit Jesus hóminem sedéntem in telónio, Matthæum nómine. Et ait illi : Séquere me. Et surgens, secútus est eum. Et factum est, discumbénte eo in domo, ecce multi publicáni et peccatóres veniéntes, discumbébant cum Jesu et discipulis ejus. Et vidéntes pharisæi, dicébant discipulis ejus : Quare cum publicánis et peccatóribus manducat Magister vester? At Jesus áudiens, ait : Non est opus valéntibus médicus, sed male habéntibus. Eúntes autem discite quid est : Misericórdiam volo, et non sacrificium. Non enim veni vocare justos, sed peccatores.

Credo.

Offertorium. Ps. 20. Posuisti, Dómine, in cápite ejus corónam de lápide pretiósio : vitam pétiit a te, et tribuísti ei, allelúia.

Secreta.

SUPPLICATIONIBUS beáti Matthæi, Apóstoli et Evangelistæ, quæsumus, Dómine, Ecclesiæ tuæ commendétur oblátio : ejus magnificis prædicationibus eruditur. Per Dóminum.

Præfatio de Apostolis.

Communio. *Ibid.* Magna est glória ejus in salutári tuo : glóriam et magnum decórem impónes super eum, Dómine.

Postcommunio.

PERCÉPTIS, Dómine, sacraméntis, beáto Matthæo, Apóstolo tuo et Evangelista, interveniénte, deprecámur : ut quæ pro ejus celebráta sunt glória, nobis proficiant ad medélam. Per Dóminum nostrum.

DIE XXII

IN FESTO

S. THOME DE VILLANOVA

EPISCOPI ET CONFESSORIS

Missa Státuit, de Comm. Conf. Pont. 12*, præter Orationem sequentem.

Oratio.

DEUS, qui beátum Thomam Pontificem insignis in páuperes misericórdiæ virtúte decorásti : quæsumus; ut, ejus intercessióne, in omnes qui te deprecántur, divítias misericórdiæ tuæ benígnus effundas. Per Dóminum.

Et fit Commem. SS. Mart. Mauritii et Socior. cum Orationibus ut in seq. Missa.

EADEM DIE

SS. MAURITII ET SOCIORUM

MARTYRUM

Introitus. Ps. 78.

IN TRET in conspéctu tuo, Dómine, gémitus compeditórum : redde vicinis nostris séptuplum in sinu eórum : vindica sánguinem sanctórum tuórum, qui effusus est. Ps. Deus, venérunt gentes in hæreditátem tuam, polluérum templum sanctum tuum : posuérum Jerú-

salem in pomórum custódiám. ̎. Glória Patri. Intret.

Oratio.

ANNUE, quæsumus, omnipotens Deus : ut sanctórum Mátyrum tuórum Mauritii et sociórum ejus nos lætíficet festíva solémnitas; ut quorum suffrágiis nitimur, eórum natalítiis gloriémur. Per Dóminum.

Léctio libri Apocalypsis beáti Joánnis Apóstoli. Cap. 7.

IN diébus istis : Respóndit unus de senióribus, et dixit mihi : Hi qui amícti sunt stolis albis, qui sunt? et unde venérunt? Et dixi illi : Dómine mi, tu scis. Et dixit mihi : Hi sunt qui venérunt de tribulatióne magna : et lavérunt stolas suas, et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo ejus : et qui sedet in throno, habitábit super illos. Non esúrient, neque sitient ámplius, nec cadet super illos sol, neque ullus æstus : quóniam Agnus, qui in médio throni est, reget illos, et dedúcet eos ad vitæ fontes aquárum, et abstérget Deus omnem lácrymam ab óculis eórum.

Graduale. Exodi 15. Gloriósus Deus in Sanctis suis : mirábilis in majestáte, fáciens prodigia. ̎. Dextera tua, Dómine, glori ficáta est in virtúte : dextera manus tua confrégit inimícos.

Allelúia, allelúia. ̎. Eccli. 44. Corpora Sanctórum in pace sepúlta sunt, et nómina eórum vivent in generatióem et generatióem. Allelúia.



Sequéntia sancti Evangelii secúndum Lucam. Cap. 21.

IN illo témpore : Dixit Jesus discípulis suis : Cum audieritis prælia et seditiónes, nolite terréri : opórtet primum hæc fieri, sed nondum statim finis. Tunc dicebat illis : Surget gens contra gentem, et regnum advérsus regnum. Et terrémótus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia injicient vobis manus suas, et persequéntur, tradéntes in synagógas

et custódias, trahéntes ad reges et præsidés propter nomen meum : contínget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os, et sapiéntiam, cui non póterunt resistere et contradicere omnes adversárii vestri. Tradémini autem a paréntibus, et frátribus, et cognátis, et amícis, et morte afficient ex vobis : et éritis ódio ómnibus propter nomen meum : et capillus de cápíte vestro non peribit. In patiéntia vestra possidébitis ánimas vestras.

Offertorium. Ps. 67. Mirábilis Deus in Sanctis suis : Deus Israel ipse dabit virtútem et fortitúdinem plebi suæ : benedictus Deus, allelúia.

Secreta.

RÉSPICE, quæsumus, Dómine, múnera quæ in sanctórum Mártyrum tuórum Maurítii et sociórum ejus commemoratióne deférimus : et præsta, ut quorum honóre sunt grata, eórum nobis fiant intercessióne perpétua. Per Dóminum.

Communio. Sap. 3. Et si coram homínibus torménta passi sunt, Deus ten-távit eos : tamquam aurum in fornáce probávit eos, et quasi holocáusta accé-pit eos.

Postcommunio.

CELÉSTIBUS refécti sacraméntis et gáu-diis, súpplíces te rogámus, Dómine : ut quorum gloriámur triúmphis, prote-gámur auxiliis. Per Dóminum.

DIE XXIII
IN FESTO S. LINI
PAPÆ ET MARTYRIS

Missa Státuit, de Comm. unius Mart.
Pont. 2*, præter Orationes sequentes.

Oratio.

DEUS, qui nos beáti Lini, Mártyris tui atque Pontíficis, ánnua solemnitáte lætificas : concéde propítius ; ut cujus natalítia cólimus, de ejúsdem étiam pro-tectione gaudeámus. Per Dóminum no-strum.

Deinde fit Commem. sanctæ Theclæ, Virginis et Martyris, nisi fuerit Dom., quia tunc Commem. sanctæ Theclæ fit in Dom., et Festum S. Lini transfertur.

Oratio.

DA, quæsumus, omnipotens Deus : ut qui beátæ Theclæ, Virginis et Mártyris tuæ, natalítia cólimus, et ánnua solemnitáte lætemur, et tantæ fidei pro-ficiámus exémplo.

Tertia Oratio, A cunctis. 56*.

Secreta.

MÚNERA tibi, Dómine, dicáta sancti-fica : et intercedénte beáto Lino, Mártyre tuo atque Pontífice, per éadem nos placátus inténde. Per Dóminum.

Pro sancta Thecla.

Secreta.

SÚSCIPÉ, Dómine, múnera quæ in beátæ Theclæ, Virginis et Mártyris tuæ, solemnitáte deférimus : cujus nos confidimus patrocínio liberári.

Tertia Secreta, Exáudi nos. 56*.

Postcommunio.

HÆC NOS commúnio, Dómine, purget a crimine : et intercedénte beáto Lino, Mártyre tuo atque Pontífice, cœ-léstis remédií faciat esse consórtes. Per Dóminum.

Pro sancta Thecla.

Postcommunio.

AUXILIÉNTUR nobis, Dómine, sumpta mystéria : et intercedénte beáta Thecla, Virgine et Mártyre tua, sempitérna faciánt protectióne gaudére.

Tertia Postcommunio, Mundet et mú-niat. 56*.

EADEM DIE
SANCTÆ THECLÆ
VIRGINIS ET MARTYRIS

Missa Loquēbar, ut in Comm. 19*,
cum Orationibus ut supra.

DIE XXIV
IN FESTO

B. MARLÆ VIRGINIS DE MERCEDE

Missa Salve, sancta Parens, ut in Missis votivis beatæ Mariæ Virginis a Pentecoste usque ad Advent. 39*, præ-

ter Orat. seq. Et dicitur Credo, et Præfat. de beata Maria. Et te in Festivitate.

Oratio.

DEUS, qui per gloriosissimam Filii tui Matrem ad liberandos Christi fideles a potestate paganorum, nova Ecclesiam tuam prole amplificare dignatus es : præsta, quæsumus; ut quam pie veneramur tanti operis institutricem, ejus pariter meritis et intercessione, a peccatis omnibus et a captivitate daemonis liberemur. Per eundem Dominum.

DIE XXVI

SS. CYPRIANI ET JUSTINÆ

MARTYRUM

Missa Salus autem, de Comm. plur. Mart. 11*, exceptis Orationibus.

Oratio.

BEATORUM Martyrum Cypriani et Justinæ nos, Domine, foveant continuata præsidia : quia non desinis propitius intuituri, quos talibus auxiliis concesseris adjuvare. Per Dominum.

Secreta.

MUNERA tibi, Domine, nostræ devotionis offerimus : quæ et pro tuorum tibi grata sint honore justorum, et nobis salutaria, te miserante, reddantur. Per Dominum.

Postcommunio.

PRÆSTA nobis, quæsumus, Domine, intercedentibus sanctis Martyribus tuis Cypriano et Justina : ut quod ore contingimus, pura mente capiamus. Per Dominum.

DIE XXVII

IN FESTO

SS. COSMÆ ET DAMIANI

MARTYRUM

Introitus. Eccli. 44.

SAPIENTIAM Sanctorum narrent populi, et laudes eorum nuntiet Ecclesia : nomina autem eorum vivent in sæculum sæculi. Ps. 32. Exultate, justi, in Domino : rectos decet collaudatio. ⁊. Gloria Patri. Sapientiam.

Oratio.

PRÆSTA, quæsumus, omnipotens Deus : ut qui sanctorum Martyrum tuorum Cosmæ et Damiani natalitia colimus, a cunctis malis imminentibus eorum intercessionibus liberemur. Per Dominum.

Secunda Oratio, A cunctis. 56*, tertia ad libitum.

Lectio libri Sapientiae. Cap. 5.

JUSTI autem in perpetuum vivent, et apud Dominum est merces eorum, et cogitatio illorum apud Altissimum. Ideo accipient regnum decoris, et dadema speciei de manu Domini : quoniam dextera sua teget eos, et brachio sancto suo defendet illos. Accipiet armaturam zelus illius, et armabit creaturam ad ultionem inimicorum. Induet pro thorace justitiam, et accipiet pro galea judicium certum. Sumet scutum inexpugnabile, æquitatem.

Graduale. Ps. 33. Clamaverunt justi, et Dominus exaudivit eos : et ex omnibus tribulationibus eorum liberavit eos. ⁊. Juxta est Dominus his qui tribulato sunt corde : et humiles spiritu salvabit.

Allelûia, allelûia. ⁊. Hæc est vera fraternitas, quæ vicit mundi crimina : Christum secuta est, incluta tenens regna cœlestia. Allelûia.



Sequentia sancti Evangelii secundum Lucam. Cap. 6.

IN illo tempore : Descendens Jesus de monte, stetit in loco campestri, et turba discipulorum ejus, et multitudo copiosa plebis ab omni Judæa, et Jerúsalem, et maritima, et Tyri, et Sidonis, qui venerant ut audirent eum, et sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere : quia virtus de illo exibat, et sanabat omnes. Et ipse, elevatis oculis in discipulos suos, dicebat : Beati pauperes, quia vestrum est regnum Dei. Beati qui nunc esuritis, quia saturabimini. Beati qui nunc fletis, quia ridebitis. Beati eritis cum vos oderint homines, et cum separaverint vos, et exprobraverint, et ejecerint nomen vestrum

tamquam malum, propter Filium hóminis. Gaudéte in illa die, et exsultáte: ecce enim merces vestra multa est in cælo.

Offertorium. Ps. 5. Gloriabúntur in te omnes qui diligunt nomen tuum, quóniam tu, Dómine, benedices justo: Dómine, ut scuto bonæ voluntátis tuæ coronásti nos.

Secreta.

SANCTORUM tuorum nobis, Dómine, pia non desit oratio, quæ et múnera nostra conciliet, et tuam nobis indulgéntiam semper obtineat. Per Dóminum.

Communio. Ps. 78. Posuerunt mortália servorum tuorum, Dómine, escas volatilibus cæli, carnes sanctorum tuorum bestíis terræ: secúndum magnitudinem bráchii tui pósside filios morte punitorum.

Postcommunio.

PRÓTEGAT, quæsumus, Dómine, pópulum tuum, et participatio cœléstis indúlta convívii, et deprecatio colláta Sanctorum. Per Dóminum.

DIE XXVIII

IN FESTO S. WENCESLAI

DUCIS, MARTYRIS

Missa In virtúte tua, de Comm. unius Mart. 4*, præter Orat. seq., et Evang. Si quis vult, ex Missa Sacerdótes Dei, de Comm. unius Mart. Pont. 4*.

Oratio.

DEUS, qui beátum Wencesláu per martyrii palmam a terréno principátu ad cœléstem glóriam transtulísti; ejus préciis nos ab omni adversitate custódi, et ejúsdem tribue gaudére consórtio. Per Dóminum.

Secunda Oratio, A cunctis. 56*; **tertia** ad libitum.

DIE XXIX

IN FESTO

DEDICATIONIS S. MICHAELIS

ARCHANGELI

Introitus. Ps. 102.

BENEDÍCITE Dóminum, omnes Angeli ejus: poténtes virtúte, qui fácitis verbum ejus, ad audién-

dam vocem sermónum ejus. **Ps.** Benedic, ánima mea, Dómino: et ómnia quæ intra me sunt, nómini sancto ejus. **ŷ.** Glória Patri. Benedicite.

Oratio.

DEUS, qui miro órđine Angelórum ministéria hominúmque dispénsas: concéde propítius; ut a quibus tibi ministrántibus in cælo semper assistitur, ab his in terra vita nostra muniátur. Per Dóminum.

Lectio libri Apocalypsis beáti Joánnis Apóstoli. **Cap. 1.**

IN diébus illis: Significávit Deus quæ opórtet fieri cito, mittens per Angelum suum servo suo Joánni, qui testimoniúm perhibuit verbo Dei, et testimoniúm Jesu Christi, quæcúmque vidit. Beátus qui legit, et audit verba prophetiæ hujus, et servat ea quæ in ea scripta sunt: tempus enim prope est. Joánnes septem Ecclésiis quæ sunt in Asia. Grátia vobis, et pax ab eo qui est, et qui erat, et qui ventúrus est: et a septem spiritibus qui in conspéctu throni ejus sunt: et a Jesu Christo, qui est testis fidélis, primogénitus mortuórum, et princeps regum terræ, qui diléxit nos, et lavit nos a peccátis nostris in ságuine suo.

Graduale. Ps. 102. Benedicite Dóminum, omnes Angeli ejus: poténtes virtúte, qui fácitis verbum ejus. **ŷ.** Benedic, ánima mea, Dóminum: et ómnia interióra mea, nomen sanctum ejus.

Allelúia, allelúia. **ŷ.** Sancte Michael Archángele, defénde nos in prælio, ut non pereámus in treméndo judicio. Allelúia.

Sequéntia sancti Evangélii secúndum Matthæum. **Cap. 18.**

IN illo témpore: Accessérunt discipuli ad Jesum, dicéntes: Quis, putas, major est in regno cœlórum? Et ádvocans Jesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum cœlórum. Quicúmque ergo humiliáverit se sicut párvulus iste, hic est major in re-

gno cœlôrum. Et qui suscepérit unum pârûlum talem in nômine meo, me suscipit. Qui autem scandalizâverit unum de pusillis istis, qui in me credunt, expedit ei ut suspendâtur mola asinaria in collo ejus, et demergatur in profundum maris. Væ mundo a scândalis. Necesse est enim ut véniant scândala : verûmtamen vae hómîni illi, per quem scândalum venit. Si autem manus tua vel pes tuus scandalizat te, abscede eum, et prójice abs te : bonum tibi est ad vitam ingredi débilem vel claudum, quam duas manus vel duos pedes habentem, mitti in ignem aetérnum. Et si óculus tuus scandalizat te, érue eum, et prójice abs te : bonum tibi est cum uno óculo in vitam intrâre, quam duos óculos habentem mitti in gehénnam ignis. Vidéte ne condemnâtis unum ex his pusillis : dico enim vobis quia Angeli eórum in cœlis semper vident faciém Patris mei, qui in cœlis est. Credo.

Offertorium. Apoc. 8. Stetit Angelus juxta aram templi, habens thuríbulum áureum in manu sua, et data sunt ei incénsa multa : et ascendit fumus arómatum in conspéctu Dei, allelúia.

Secreta.

HÓSTIAS tibi, Dómine, laudis offérimus, suppliciter deprecántes, ut eásdem, angélico pro nobis interveniénte suffrágio, et placátus accipias, et ad salútém nostram proveníre concédas. Per Dóminum.

Communio. Dan. 3. Benedícite, omnes Angeli Dómini, Dóminum : hymnum dicite, et superexaltáte eum in sæcula.

Postcommunio.

BEÁTI Archángeli tui Michaélis intercessióne suffúlti, súpplîces te, Dómine, deprecámur : ut quod ore proséquimur, contingámus et mente. Per Dóminum.

DIE XXX

IN FESTO S. HIERONYMI

PRESBYTERI, CONFESSORIS

ET ECCLESIAE DOCTORIS

Missa In médio Ecclésiæ, de Communi

Doctorum. 15*, præter Orationes sequentes. Et dicitur Credo.

Oratio.

DEUS, qui Ecclésiæ tuæ in exponéndis sacris Scriptûris beátum Hierónymum, Confessórem tuum, Doctórem máximum providére dignátus es : præsta, quæsumus ; ut ejus suffragántibus méritis, quod ore simul et ópere dócuit, te adjuvánte exercére valeámus. Per.

Secreta.

DONIS cœléstibus da nobis, quæsumus, Dómine, libera tibi mente servíre : ut múnera quæ deférimus, interveniénte beáto Hierónymo, Confessóre tuo, et medélam nobis operéntur et glóriam. Per Dóminum.

Postcommunio.

REPLÊTI alimónia cœlésti, quæsumus, Dómine : ut interveniénte beáto Hierónymo, Confessóre tuo, misericórdia tuae grátiam cónsequi mereámur. Per.

FESTA OCTOBRI

DOMINICA 1

IN FESTO

SS. ROSARII B. M. V.

Introitus. Sedulius.

SALVE, sancta Parens, eníxa puérpera Regem qui cœlum terrámque regit in sæcula sæculórum. Ps. 44. Eructávit cor meum verbum bonum : dico ego ópera mea Regi. 7. Glória Patri. Salve.

Oratio.

DEUS, cujus Unigénitus per vitam, mortem et resurrectionem suam nobis salútis aetérnae præmia comparávit : concéde, quæsumus ; ut hæc mystéria sanctíssimo beátæ Mariæ Vírginis Rosário recoléntes, et imitémur quod cónfitemur, et quod promittunt assequámur. Per eúmdem Dóminum.

Et fit Commem. Dominicæ occur., et legitur ejus Evangelium in fine.

Lectio libri Sapiéntiæ. Eccli. 24.

AB initio et ante sæcula creáta sum, et usque ad futúrum sæculum non

désinam, et in habitatióne sancta coram ipso ministrávi. Et sic in Sion firmáta sum, et in civitaté sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illius, et in plenitúdine Sanctórum deténtio mea.

Graduale. Benedicta et venerábilis es, Virgo María, quæ, sine tactu pudóris, invénta es Mater Salvatóris. *ŷ.* Virgo Dei Génitrix, quem totus non capit orbis, in tua se clausit víscera factus homo.

Allelúia, allelúia. *ŷ.* Post partum, Virgo, invioláta permansisti : Dei Génitrix, intercéde pro nobis. Allelúia.



Sequéntia sancti Evangélíi secúndum Lucam. **Cap. 11.**

In illo témpore : Loquén-te Jesu ad turbas, extóllens vocem quædam múl-
ier de turba, dixit illi : Beátus venter qui te portávit, et úbera quæ suxisti ! At ille dixit : Quinímo beáti qui áudiunt verbum Dei, et custódiunt illud !

Credo.

Offertorium. **Luc. 1.** Avè, María, grátia plena : Dóminus tecum : benedicta tu in muliéribus, et benedictus fructus ventris tui.

Secreta.

Fac nos, quæsumus, Dómine, his munéribus offeréndis conveniénter aptári : et per sanctíssimi Rosárii mystéria, sic vitam, passiónem et glóriam Unigéniti tui recólere, ut ejus digni promissiónibus efficiámur. Per eúmdem Dóminum.

Præfatio de beata Maria. Et te in Solemnitaté.

Communio. Beáta viscera Mariæ Virginis, quæ portavérunt ætérni Patris Fílium.

Postcommunio.

Sanctíssimæ Genitricis tuæ, cujus Rosárium celebrámus, quæsumus, Dómine, préci-bus adjuvémur : ut et mysteriórum quæ recólimus, virtus percipiátur, et sacramentórum quæ sumpsimus, obtineátur effectus. Qui vivis.

DIE I

IN FESTO S. REMIGII

EPISCOPI ET CONFESSORIS

Missa Státuit, de Comm. Conf. Pont. 12*.

Extra Galliam, secunda Oratio, A cunctis. 56* ; tertia ad libitum.

DIE II

IN FESTO

SS. ANGELORUM CUSTODUM

Introitus. Ps. 102.

Benedícite Dóminum, omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus. **Ps.** Benedic, ánima mea, Dómino : et ómnia quæ intra me sunt, nómini sancto ejus. *ŷ.* Glória Patri. Benedicite.

Oratio.

Deus, qui ineffábilí providéntia sanctos Angelos tuos ad nostram custódiám mittere dignáris : largíre supplicibus tuis, et eórum semper protectióne deféndi, et ætérna societáte gaudére. Per Dóminum.

Léctio libri Exodi. Cap. 23.

Hæc dicit Dóminus Deus : Ecce ego mittam Angelum meum, qui præcédât te, et custódiat in via, et introducat in locum quem parávi. Obsérva eum, et audi vocem ejus, nec contemnéndum putes : quia non dimíttet cum peccáveris, et est nomen meum in illo. Quod si audieris vocem ejus, et féceris ómnia quæ loquor, inimícus ero inimícis tuis, et affligam affligéntes te : præcedétque te Angelus meus.

Graduale. Ps. 90. Angelis suis Deus mandávit de te, ut custódiánt te in ómnibus viis tuis. *ŷ.* In mánibus portábunt te, ne umquam offéndas ad lápidem pedem tuum.

Allelúia, allelúia. *ŷ.* **Ps. 102.** Benedicite Dómino, omnes virtútes ejus : ministri ejus, qui fácitis voluntátem ejus. Allelúia.

¶ In Missis votivis post Septuagesimam, omissis Allelúia et ŷ. seq., dicitur

Tractus. Ps. 102. Benedícite Dóminum, omnes Angeli ejus : poténtes virtúte, qui fácitis verbum ejus. ŷ. Benedícite Dómino, omnes virtútes ejus : ministri ejus, qui fácitis voluntátem ejus. ŷ. Benedícite Dómino, ómnia ópera ejus : in omni loco dominatiónis ejus, benedic, ánia mea, Dómino.

Tempore Paschali omittitur Graduale, et ejus loco dicitur

Allelúia, allelúia. ŷ. Ps. 137. In conspectu Angelórum psallam tibi : adorábo ad templum sanctum tuum, et confitébor nómini tuo. Allelúia. ŷ. Matth. 28. Angelus Dómini descendit de cœlo, et accédens revólvit lápidem, et sedébat super eum. Allelúia.



Sequéntia sancti Evangelíi secúndum Matthæum. Cap. 18.

In illo témpore : Accessérunt discipuli ad Jesum, dicéntes : Quis, putas, major est in regno cœlórum? Et ádvocans Jesus párvulum, státuit eum in médio eórum, et dixit : Amen dico vobis, nisi convérsi fuéritis, et efficiámini sicut párvuli, non intrábitis in regnum cœlórum. Quicumque ergo humiliáverit se sicut párvulus iste, hic est major in regno cœlórum. Et qui suscepérit unum párvulum talem in nómine meo, me súscipit. Qui autem scandalizáverit unum de pusillis istis, qui in me credunt, expédit ei ut suspendátur mola asinária in collo ejus, et demergátur in profúndum maris. Væ mundo a scándalis. Necesse est enim ut véniant scándala : verúmtamen væ hómini illi per quem scándalum venit. Si autem manus tua, vel pes tuus scandalizat te, abscide eum, et prójice abs te : bonum tibi est ad vitam ingredi débilem, vel claudum, quam duas manus, vel duos pedes habéntem, mitti in ignem aetérnum. Et si óculus tuus scandalizat te, érue eum, et prójice abs te : bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne

contemnátis unum ex his pusillis : dico enim vobis quia Angeli eórum in cœlis semper vident fáciem Patris mei, qui in cœlis est. Credo.

Offertorium. Ps. 102. Benedícite Dóminum, omnes Angeli ejus : ministri ejus, qui fácitis verbum ejus, ad audiéndam vocem sermónum ejus.

Secreta.

SÚSCIPE, Dómine, múnera quæ pro sanctórum Angelórum tuórum veneratiónem deférimus : et concède propítius, ut perpétuis eórum præsiðiis, a præsentibus periculis liberémur, et ad vitam perveniámus aetérnam. Per Dóminum.

Communio. Dan. 3. Benedícite, omnes Angeli Dómini, Dóminum : hymnum dicite, et superexaltáte eum in sæcula.

Postcommunio.

SÚMPSIMUS, Dómine, divína mystéria, sanctórum Angelórum tuórum festivitáte lætántes : quæsumus; ut eórum protectiône ab hóstium júgiter liberémur insídiis, et contra ómnia advérsa muniámur. Per Dóminum.

DIE IV

IN FESTO S. FRANCISCI

CONFESSORIS

Introitus. Galat. 6.

MHI autem absit gloriári, nisi in Cruce Dómini nostri Jesu Christi, per quem mihi mundus crucifixus est, et ego mundo. Ps. 141. Voce mea ad Dóminum clamávi : voce mea ad Dóminum deprecátus sum. ŷ. Glória Patri. Mihi.

Oratio.

DEUS, qui Ecclesiám tuam beáti Francisci méritis fœtu novæ prolis amplificas : tribue nobis, ex ejus imitatiónem, terréna despícere, et cœlestium donórum semper participatiónem gaudére. Per Dóminum.

Léctio Epístolæ beáti Pauli Apóstoli ad Gálatas. Cap. 6.

FRAIRES, Mihi autem absit gloriári nisi in Cruce Dómini nostri Jesu

Christi, per quem mihi mundus crucifixus est, et ego mundo. In Christo enim Jesu neque circumcisio aliquid valet, neque præputium, sed nova creatura. Et quicumque hanc regulam secuti fuerint, pax super illos, et misericordia, et super Israel Dei. De cætero nemo mihi molestus sit: ego enim stigmata Domini Jesu in corpore meo porto. Grátia Domini nostri Jesu Christi cum spiritu vestro, fratres. Amen.

Graduale. Ps. 36. Os justi meditabitur sapientiam, et lingua ejus loquetur judicium. *Ÿ.* Lex Dei ejus in corde ipsius: et non supplantabuntur gressus ejus.

Allelúia, allelúia. *Ÿ.* Franciscus pauper et humilis, celum dives ingreditur, hymnis cælestibus honoratur. Allelúia.



Sequéntia sancti Evangélíi secúndum Matthæum. **Cap. 11.**

In illo témpore: Respóndens Jesus, dixit: Confiteor tibi, Pater, Dómine cœli et terræ, quia abscondisti hæc a sapientibus et prudentibus, et revelasti ea párvulis. Ita, Pater: quóniam sic fuit plácitum ante te. Omnia mihi tradita sunt a Patre meo. Et nemo novit Filium, nisi Pater: neque Patrem quis novit, nisi Filius, et cui volúerit Filius reveláre. Veníte ad me, omnes qui laborátis et oneráti estis, et ego reficiam vos. Tóllite jugum meum super vos, et discite a me quia mitis sum et humilis corde; et inveniétis réquiem animábus vestris. Jugum enim meum suáve est, et onus meum leve.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

MÚNERA tibi, Dómine, dicáta sanctífica: et intercedénte beáto Francisco, ab omni nos culpárum labe purifica. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore trítici mensúram.

Postcommunio.

ECCLÉSIAM tuam, quæsumus, Dómine, grátia cæléstis amplifícet: quam beáti Francisci, Confessóris tui, illumináre voluisti gloriósis méritis et exémpis. Per Dóminum.

DIE V

SS. PLACIDI ET SOCIORUM

MARTYRUM

Missa Salus autem, de Comm. plurim.

Mart. 11*, præter Orationes sequentes.

Oratio.

DEUS, qui nos concédis sanctórum Mátyrum tuórum Plácidi et sociórum ejus natalítia cólere: da nobis in ætérna beatitúdine de eórum societáte gaudére. Per Dóminum.

Secreta.

MÚNERA tibi, Dómine, nostræ devotiónis offérimus: quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio.

PRÆSTA nobis, quæsumus, Dómine, intercedéntibus sanctis Mátyribus tuis Plácido et sociis ejus: ut quod ore contíngimus, pura mente capiámus. Per Dóminum.

DIE VI

IN FESTO S. BRUNONIS

CONFESSORIS

Missa Os justi, de Comm. Conf. non Pont. 16*, præter Orationes sequentes.

Oratio.

SANCTI Brunónis, Confessóris tui, quæsumus, Dómine, intercessiónibus adjuvémur: ut qui Majestátem tuam grávitèr delinquéndo offéndimus, ejus méritis et précibus, nostrórum delictórum véniam consequámur. Per Dóminum nostrum.

Secreta.

LAUDIS tibi, Dómine, hóstias immolámus in tuórum commemoratióne Sanctórum: quibus nos et præsentibus exui malis confidimus, et futúris. Per Dóminum.

Postcommunio.

QUÆSUMUS, omnipotens Deus : ut qui cœlestia alimēta percēpimus, intercedēte beāto Brunōne, Confessōre tuo, per hæc contra ōmnia advērsa muniamur. Per Dōminum nostrum Jesum Christum Filium tuum.

DIE VII

IN FESTO S. MARCI

PAPÆ ET CONFESSORIS

Missa Sacerdōtes, de Communi Conf. Pont. secundo loco. 14*, exceptis Orationibus sequentibus, cum Commem. sanctorum Sērgii, Bacchi, Marcelli et Apuleii, Martyrum.

Oratio.

EXAUDI, Dōmine, preces nostras : et interveniēte beāto Marco, Confessōre tuo atque Pontifice, indulgētiā nobis tribue placātus et pacem. Per Dōminum.

Pro sanctis Martyribus.

Oratio.

SANCTORUM Mātyrum tuōrum nos, Dōmine, Sērgii, Bacchi, Marcēlli et Apulēii beāta mērita prosequātur, et tuo semper faciānt amorē fervētes.

Tertia Oratio, A cunctis. 56*.

Secreta.

ACCÉPTA tibi sit, Dōmine, sacrātæ plebis oblātio pro tuōrum honóre Sanctorum, quorum se mēritis percēpisse de tribulatiōne cognōscit auxiliū. Per Dōminum.

Pro sanctis Martyribus.

Secreta.

MAJESTATEM tuam nobis, Dōmine, quæsumus, hæc hōstia reddat immolānda placātā, tuōrum digna postulatiōne Sanctorum.

Tertia Secreta, Exaudi. 56*.

Postcommunio.

DA, quæsumus, Dōmine, fidēlibus pōpulis Sanctorum tuōrum semper veneratiōne lætāri, et eōrum perpētua supplicatiōne munīri. Per Dōminum nostrum Jesum Christum.

Pro sanctis Martyribus.

Postcommunio.

SACRAMĒNTIS, Dōmine, muniamur accēptis : et sanctorum Mātyrum tuōrum Sērgii, Bacchi, Marcēlli et Apulēii intercessiōne, contra omnes nequitias irruētes armis cœlestibus protegāmur.

Tertia Postcommunio, Mundet. 56*.

EADEM DIE

SANCTORUM MARTYRUM

SERGII, BACCHI, MARCELLI
ET APULEII

Missa Sapiētiā, de Comm. 10*, cum Orationibus propriis supra notatis.

DIE VIII

IN FESTO SANCTÆ BIRGITTE

VIDUÆ

Missa Cognōvi, de Comm. nec Virg. nec Mart. 23*, præter Orat. seq.

Oratio.

DÓMINE Deus noster, qui beātæ Birgittæ per Filium tuum unigēnitum secrēta cœlestia revelāsti : ipsius pia intercessiōne, da nobis fāmulis tuis, in revelatiōne sempiternæ glóriæ tuæ gaudere lætāntes. Per eūdem Dōminum.

Epistola Charissime, Viduas honóra, ut in eodem Communi. 26*.

DIE IX

IN FESTO SS. MARTYRUM

DIONYSII, RUSTICI ET ELEUTHERII

Introitus. Eccli. 44.

SAPIĒNTIAM sanctorum narrent pōpuli, et laudes eōrum nūntiet Ecclēsia : nōmina autem eōrum vivent in sæculum sæculi. Ps. 32. Exsultāte, justi, in Dōmino : rectos decet collaudātio. ʒ. Glória Patri. Sapiētiā.

Oratio.

DEUS, qui hodierna die beatum Dionysium, Martyrem tuum atque Pontificem, virtute constantiæ in passione roborasti : quique illi ad prædicandum gentibus gloriam tuam, Rusticum et Eleutherium sociare dignatus es : tri-

bue nobis, quæsumus; eorum imitatione, pro amore tuo prospera mundi despiciere, et nulla ejus adversa formidare. Per Dñm.

Secunda Oratio, A cunctis. 36*; **tertia ad libitum**.


Lectio Actuum Apostolorum. Cap. 17.

IN diebus illis: Stans Paulus in medio Areopagi, ait: Viri Athenienses, per omnia quasi superstitioniosiores vos video. Præteriens enim, et videns simulacra vestra, inveni et aram in qua scriptum erat: Ignoto Deo. Quod ergo ignorantes colitis, hoc ego annuntio vobis. Deus, qui fecit mundum, et omnia quæ in eo sunt, hic celi et terræ cum sit Dñus, non in manufactis templis habitat, nec manibus humanis colitur, indigens aliquo: cum ipse det omnibus vitam, et inspirationem, et omnia: fecitque ex uno omne genus hominum inhabitare super universam faciem terræ, definiens statuta tempora, et terminos habitationis eorum, quærere Deum, si forte attraherent eum, aut inveniant, quamvis non longe sit ab unoquoque nostrum. In ipso enim vivimus, et movemur, et sumus; sicut et quidam vestrorum poetarum dixerunt: Ipsius enim et genus sumus. Genus ergo cum simus Dei, non debemus æstimare auro, aut argento, aut lapidi, sculpturæ artis, et cogitationis hominis, divinum esse simile. Et tempora quidem hujus ignorantie despiciens Deus, nunc annuntiat hominibus ut omnes ubique poenitentiam agant, eo quod statuit diem in quo judicaturus est orbem in æquitate, in viro, in quo statuit, fidem præbens omnibus, suscitans eum a mortuis. Cum audissent autem resurrectionem mortuorum, quidam quidem irridebant, quidam vero dixerunt: Audiemus te de hoc iterum. Sic Paulus exivit de medio eorum. Quidam vero viri adhaerentes ei, crediderunt: in quibus et Dionysius Areopagita, et mulier nomine Damaris, et alii cum eis.

Graduale. Ps. 123. Anima nostra sicut passer erepta est de laqueo ve-

nantium. **Ÿ.** Laqueus contritus est, et nos liberati sumus; adiutorium nostrum in nomine Dñi, qui fecit cælum et terram.

Allelûia, allelûia. **Ÿ.** Ps. 37. Justi epulentur et exsultent in conspectu Dei, et delectentur in lætitia. Allelûia.

 **Sequentia sancti Evangelii secundum Lucam. Cap. 12.**

IN illo tempore: Dixit Jesus discipulis suis: Attendite a fermento pharisæorum, quod est hypocrisis. Nihil autem opertum est, quod non reveletur: neque absconditum, quod non sciatur. Quoniam quæ in tenebris dixistis, in lumine dicentur: et quod in aurem locuti estis in cubiculis, prædicabitur in tectis. Dico autem vobis amicis meis: Ne terreamini ab his qui occidunt corpus, et post hæc non habent amplius quid faciant. Ostendam autem vobis quem timeatis: timeate eum qui, postquam occiderit, habet potestatem mittere in gehennam. Ita dico vobis, hunc timeate. Nonne quinque passeret veneunt dipondio? et unus ex illis non est in oblivione coram Deo. Sed et capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis quicumque confessus fuerit me coram hominibus, et Filius hominis confitebitur illum coram Angelis Dei.

Offertorium. Ps. 149. Exsultabunt Sancti in gloria, lætabuntur in cubilibus suis: exaltationes Dei in faucibus eorum, allelûia.

Secreta.

OBLATA tibi, Dñe, mûnera populi tui, pro tuorum honore Sanctorum, suscipe propitius, quæsumus: et eorum nos intercessione sanctifica. Per Dñm.

Communio. Luc. 12. Dico autem vobis amicis meis: Ne terreamini ab his qui vos persequuntur.

Postcommunio.

SUMPTIS, Dñe, sacramentis, quæsumus: ut intercedentibus beatis Martyribus tuis Dionysio, Rustico et

Eleuthério, ad redemptionis æternæ proficiamus augmentum. Per Dñm.

DIE X

IN FESTO S. FRANCISCI BORGLE

CONFESSORIS

Introitus. Ps. 36.

Os justi meditabitur sapientiam, et lingua ejus loquetur iudicium: lex Dei ejus in corde ipsius. Ps. Noli æmulari in malignantibus: neque zelaveris facientes iniquitatem. ̃. Glória Patri. Os justi.

Oratio.

DÓMINE Jesu Christe, veræ humilitatis et exemplar et præmium: quæsumus; ut sicut beatum Franciscum in terreni honoris contemptu, imitorem tui gloriosum effecisti; ita nos ejusdem imitationis et gloriæ tribuas esse consortes. Qui vivis.

Secunda Oratio. A cunctis. 56*; tertia ad libitum.

Lectio libri Sapientiae. Eccli. 45.

DILÉCTUS Deo et hominibus, cujus memoria in benedictione est. Similem illum fecit in gloria Sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctum fecit illum, et elegit eum ex omni carne. Audivit enim eum, et vocem ipsius, et induxit illum in nubem. Et dedit illi coram præcepta, et legem vitæ et disciplinæ.

Graduale. Ps. 20. Dómine, prævenisti eum in benedictionibus dulcedinis: posuisti in capite ejus coronam de lapide pretioso. ̃. Vitam petiit a te, et tribuisti ei longitudinem dierum in sæculum sæculi.

Allelúia, allelúia. ̃. Ps. 91. Justus ut palma florebit: sicut cedrus Libani multiplicabitur. Allelúia.



Sequéntia sancti Evangélíi secundum Matthæum. Cap. 19.

In illo tempore: Dixit Petrus ad Jesum: Ecce nos reliquimus omnia, et secuti

sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam æternam possidebit.

Offertorium. Ps. 20. Desiderium animæ ejus tribuisti ei, Dómine: et voluntate labiorum ejus non fraudasti eum: posuisti in capite ejus coronam de lapide pretioso.

Secreta.

SACRIS altaribus, Dómine, hostias superpositas, sanctus Franciscus, quæsumus, in salutem nobis provenire deprecetur. Per Dñm.

Communio. Luc. 12. Fidéls servus et prudens, quem constituit Dñus super familiam suam, ut det illis in tempore tritici mensuram.

Postcommunio.

PRÓTEGAT nos, Dómine, cum tui perceptione sacramenti, beatus Franciscus, pro nobis intercedendo: ut et conversationis ejus experiámur insignia, et intercessionis percipiámus suffragia. Per Dñm.

DIE XIII

IN FESTO S. EDUARDI

CONFESSORIS

Missa Os justi, de Communi Conf. non Pont. 16*, præter Orationem sequentem.

Oratio.

DEUS, qui beatum regem Eduardum, Confessorem tuum, æternitatis gloria coronasti: fac nos, quæsumus, ita eum venerari in terris, ut cum eo regnare possimus in cœlis. Per Dñm.

Secunda Oratio. A cunctis. 56*; tertia ad libitum.

DIE XVI. OCTOBRI

IN FESTO

DEDICATIONIS S. MICHAELIS

ARCHANGELI

IN MONTE TUMBA

Introitus. Ps. 102.



BENEDICITE Dóminum omnes Angeli ejus : potétes virtúte, qui fácitis verbum ejus, ad audiéndam vocem sermónum ejus. **Ps. ibid.** Benedic ánima mea Dómino : et ómnia, quæ intra me sunt, nómini sancto ejus. **ꝛ.** Glória Patri.

Oratio.

OMNÍPOTENS sempitérne Deus, qui nos, singulári prærogatíva, gloriósa beáti Michaélis Archángeli apparitíone recreári dignátus es : da supplicibus, et ejus præsentí in terris semper protectíone deféndi, et ætérna in cælis societáte gaudére. Per Dóminum.

Lectio libri Apocalýpsis beáti Joánnis Apóstoli. **Apoc. 12.**

FACTUM est prælium magnum in cælo : Michaël et Angeli ejus præliabántur cum dracóne; et draco pugnábat, et ángeli ejus. Et non valuerunt, neque locus invéntus est eórum ámplius in cælo. Et projectus est draco ille magnus, serpens antiquus, qui vocátur diábolus et sátanas, qui sedúcit univérsum orbem : et projectus est in terram; et ángeli ejus

cum illo missi sunt. Et audívi vocem magnam in cælo dicéntem : Nunc facta est salus, et virtus, et regnum Dei nostri, et potéstas Christi ejus : quia projectus est accusátor fratrum nostrórum, qui accusábat illos ante conspéctum Dei nostri die ac nocte.

Graduale. Apoc. 4. et 7. Ecce sedes pósita erat in cælo, et supra sedem sedens; et omnes Angeli stabant in circúitu throni : et cecidérunt in conspéctu throni in fácies suas, et adoravérunt Deum. **ꝛ. Dan. 7.** Millia millium ministrábant ei, et decies millies centéna millia assistébant ei.

Allelúia, allelúia. **ꝛ. Ps. 137.** In conspéctu Angelórum psallam tibi, Deus meus : adorábo ad templum sanctum tuum, et confitébor nómini tuo. Allelúia.

✠ Sequéntia sancti Evangélíi secúndum Matthæum. **Matth. 18.**

IN illo témpore : Accessérunt discipuli ad Jesum, dicéntes : Quis putas major est in regno cælórum? Et ádvocans Jesus párvulum, státuit eum in médio eórum, et dixit : Amen dico vobis, nisi conversi fuéritis, et efficiámini sicut párvuli, non intrábitis in regnum cælórum. Quicumque ergo humiliáverit se sicut

párvulus iste, hic est major in regno cælórum. Et qui suscepit unum párvulum talem in nómine meo, me súscipit. Qui áutem scandalizáverit unum de pusillis istis, qui in me credunt, éxpedit ei, ut suspendátur mola asinária in collo ejus, et demergátur in profúndum maris. Væ mundo a scándalis. Necesse est enim ut véniant scándala : verúmtamen væ hómini illi, per quem scándalum venit. Si áutem manus tua, vel pes tuus scandalizat te, abscide eum, et prójice abs te : bonum tibi est ad vitam ingredi débilem, vel cláudum, quam duas manus, vel duos pedes habéntem, mitti in ignem ætérnum. Et si óculus tuus scandalizat te, érue eum, et prójice abs te : bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusillis : dico enim vobis quia Angeli eórum in cælis semper vident faciém Patris mei, qui in cælis est.

Credo.

Offertorium. Apoc. 8. Stetit Angelus juxta aram templi, habens thuribulum áureum in manu sua : et data sunt ei incénsa multa : et ascendit fumus arómatum in conspéctu Dei, allelúia.

Secreta.

FAC nos, Dómine, cum Angelis sanctis ad altáre tuum treméntes et amántes assistere : ut oblatiónes nostras ad thronum Majestátis tuæ déferant, tamquam suavíssimi odóris incénsus, et largam ad nos réferant grátiae tuæ benedictiónem. Per Dóminum.

Communio. Apoc. 5. Vidi Agnum stantem tamquam occisum : et audivi vocem Angelórum multórum dicéntium : Dignus est Agnus, qui occisus est, accipere virtútem et divinitátem.

Postcommunio.

DEUS, qui nobis panem Angelórum in hoc sæculo manducáre tribuis : concéde propítius ; ut eórum et puritátis in terra, et beatitúdinis in cælo participes esse mereámur. Per Dóminum.

Concordat cum originali.

Turonibus, die 12 augusti 1911.

† RENATUS FRANCISCUS ARCHIEP. TURON.

DIE XIV

IN FESTO S. CALLISTI

PAPE ET MARTYRIS

Introitus. Dan. 3.

SACERDOTES Dei, benedicite Dóminum : sancti et húmiles corde, laudáte Deum. Dan. Benedicite, ómnia ópera Dómini, Dómino : laudáte et superexaltáte eum in sæcula. ̃. Glória Patri. Sacerdotes.

Oratio.

DEUS, qui nos cónspicis ex nostra infirmitate deficere : ad amórem tuum nos misericórditer per Sanctórum tuórum exémpia restáura. Per Dóminum.

Lectio Epistolæ beati Pauli Apóstoli ad Hebræos. Cap. 5.

FRATRES, Omnis pónitífex ex hominibus assumptus, pro hominibus constituitur in iis quæ sunt ad Deum, ut offerat dona et sacrificia pro peccátis : qui condolere possit iis qui ignórant et errant : quóniam et ipse circumdatus est infirmitate : et propterea debet, quemádmódum pro pópulo, ita étiam et pro semetipso offerre pro peccátis. Nec quisquam sumit sibi honórem, sed qui vocátur a Deo, tamquam Aaron.

Grádualæ. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum. ̃. Nihil proficiet inimicus in eo, et filius iniquitátis non nocébit ei.

Allelúia, allelúia. ̃. Eccli. 45. Amávit eum Dóminus, et ornávit eum : stolam glóriæ induit eum. Allelúia.



Sequéntia sancti Evangélii secúndum Matthæum. Cap. 10.

IN illo témpore : Dixit Jesus discípulis suis : Nihil est opértum, quod non revelábitur : et occúltum, quod non sciétur. Quod dico vobis in ténebris, dicite in lúmine : et quod in aure auditis, prædicáte super tecta. Et nolite timére eos qui occidunt corpus, ánimam autem non possunt occidere : sed pótius timéte eum qui potest et ánimam et corpus pérdere in gehénnam. Nonne duo pás-

seres asse véneunt, et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére : multis passéribus meliôres estis vos. Omnis ergo qui confitébitur me coram hominibus, confitébor et ego eum coram Patre meo, qui in cœlis est.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

MYSTICA nobis, Dómine, prosit oblátio : quæ nos et a reátibus nostris expédíat, et perpétua salvatióne confirmet. Per Dóminum.

Communio. Matth. 24. Beátus servus quem, cum vénerit Dóminus, invenerit vigilántem : amen dico vobis, super ómnia bona sua constituet eum.

Postcommunio.

QUÆSUMUS, omnipotens Deus, ut reátus nostros múnera sacráta purificent, et recte vivéndi nobis operéntur efféctum. Per Dóminum.

DIE XV

IN FESTO SANCTÆ THERESLÆ

VIRGINIS

Missa Dilexisti, de Comm. Virg. 21*, præter Orationes sequentes.

Oratio.

EXAUDI nos, Deus salutáris noster : ut sicut de beátæ Therésiæ, Virginis tuæ, festivitate gaudémus ; ita cœlestis ejus doctrinæ pábulo nutriámur, et piæ devotiónis erudiámur afféctu. Per Dóminum.

DIE XVII

IN FESTO SANCTÆ HEDWIGIS

REGINÆ, VIDUÆ

Missa Cognóvi, de Comm. nec Virg. nec Mart. 25*, præter Orat. seq.

Oratio.

DEUS, qui beatam Hedwigem a sæculi pompa ad húmitem tuæ Crucis sequélam toto corde transire docuisti : concede ; ut ejus méritis et exémplo discámus peritúras mundi calcáre delicias, et

in ampléxu tuæ Crucis ómnia nobis adversántia superáre. Qui vivis.

Secunda Oratio, A cunctis. 56*; tertia ad libitum.

DIE XVIII

IN FESTO

S. LUCÆ, EVANGELISTÆ

Introitus. Ps. 138.

M IHI autem nimis honoráti sunt amici tui, Deus : nimis confortátus est principátus eórum. Ps. Dómine, probásti me, et cognovísti me : tu cognovísti sessiónem meam et resurrectionem meam. 7. Glória Patri. Mihi autem.

Oratio.


I NTERVENIAT pro nobis, quæsumus, Dómine, sanctus tuus Lucas, Evangelista : qui crucis mortificationem júgiter in suo corpore pro tui nóminis honóre portávit. Per Dóminum.

Léctio Epistolæ beáti Pauli Apóstoli
-ad Corínthios. II Cor. 8.

F RATRES, Grátias ago Deo, qui dedit eámdem sollicitúdinem pro vobis in corde Titi, quóniam exhortatióem quidem suscepit; sed cum sollicitior esset, sua voluntáte proféctus est ad vos. Mísimus étiam cum illo fratrem, cujus laus est in Evangélio per omnes Ecclesiás : non solum autem, sed et ordinátus est ab Ecclesiis comes peregrinatióis nostræ, in hanc grátiam quæ ministrátur a nobis ad Dómini glóriam, et destinátam voluntátem nostram : devitántes hoc, ne quis nos vitúperet in hac plenitúdine, quæ ministrátur a nobis. Providémus enim bona non solum coram Deo, sed étiam coram homínibus. Mísimus autem cum illis et fratrem nostrum, quem probávimus in multis sæpe sollicitum esse : nunc autem multo sollicitiorem, confidéntia multa in vos; sive pro Tito, qui est sócius meus, et in vos adjútór; sive fratres nostri, Apóstoli Ecclesiárum, glória Christi. Ostensiónem ergo, quæ est charitátis vestræ, et nostræ glóriæ pro vobis, in illos osténdite in faciém Ecclesiárum.

Graduale. Ps. 18. In omnem terram exívit sonus eórum, et in fines orbis terræ verba eórum. 7. Cœli enarrant glóriam Dei, et ópera mánuum ejus annúntiant firmaméntum.

Allelúia, allelúia. 7. Joan. 15. Ego vos elégi de mundo, ut eátis, et fructum afferátis, et fructus vester máneat. Allelúia.

 Sequéntia sancti Evangélii secundum Lucam. Cap. 0.

I N illo témpore : Designávit Dóminus et álios septuagínta duos, et misit illos binos ante faciém suam in omnem civitátem et locum quo erat ipse ventúrus. Et dicebat illis : Messis quidem multa, operárii autem pauci. Rogáte ergo dóminum messis, ut mittat operários in messem suam. Ite : ecce ego mitto vos sicut agnos inter lupos. Nolite portáre sácculum, neque peram, neque calceaménta : et néminem per viam salutavéritis. In quancúmque domum intravéritis, primum dicite : Pax huic dómui : et si ibi fúerit filius pacis, requiescet super illum pax vestra : sin autem, ad vos revertétur. In eádem autem domo manéte, edéntes et bibéntes quæ apud illos sunt : dignus est enim operárius mercéde sua. Nolite transire de domo in domum. Et in quancúmque civitátem intravéritis, et suscepérint vos, manducáte quæ apponúntur vobis : et curáte infirmos qui in illa sunt, et dicite illis : Appropinquávit in vos regnum Dei.

Credo.

Offertorium. Ps. 138. Mihi autem nimis honoráti sunt amici tui, Deus; nimis confortátus est principátus eórum.

Secreta.

D ONIS cœléstibus da nobis, quæsumus, Dómine, libera tibi mente servíre : ut múnera quæ deférimus, interveniénte beáto Evangelista tuo Luca, et medélam nobis operéntur, et glóriam. Per Dóminum.

Præfatio de Apostolis.

Communio. Matth. 19. Vos qui secúti estis me, sedébitis super sedes, judicántes duódecim tribus Ísrael.

Postcommunio.

PRÆSTA, quæsumus, omnipotens Deus : ut quod de sancto altari tuo accepimus, præcibus beati Evangelistæ tui Luca sanctificet ánimas nostras, per quod tuti esse possimus. Per Dóminum.

DIE XIX
IN FESTO

S. PETRI DE ALCANTARA
CONFESSORIS

Introitus. Ps. 91.

JUSTUS ut palma florébit : sicut cedrus Líbani multiplicábitur : plantátus in domo Dómini, in átriis domus Dei nostri. Ps. Bonum est confitéri Dómino, et psállere nómini tuo, Altíssime. Ț. Glória Patri. Justus.

Oratio.

DEUS, qui beatum Petrum, Confessórem tuum, admirábilis pœniténtiæ et altissimæ contemplatióis múnere illustráre dignátus es : da nobis, quæsumus ; ut ejus suffragántibus méritis, carne mortificáti, facilius cœlestia capíamus. Per Dóminum.

Lectio Epistolæ beati Pauli Apóstoli ad Philippéenses. Cap. 3.

FRATRES, Quæ mihi fuérunt lucra, hæc arbitrátus sum propter Christum detriménta. Verúmtamen existimo ómnia detriméntum esse propter eminentem sciéntiam Jesu Christi Dómini mei, propter quem ómnia detriméntum feci, et árbitor ut stercora, ut Christum lucrifáciam, et invéniam in illo, non habens meam justítiam, quæ ex lege est, sed illam quæ ex fide est Christi Jesu : quæ ex Deo est justítia in fide, ad cognoscéndum illum, et virtútem resurrectionis ejus, et societátem passiónum illius : configurátus morti ejus : si quo modo occurrám ad resurrectionem, quæ est ex mórtuis. Non quod jam acceperim, aut jam perféctus sim : sequor autem si quo modo comprehéndam, in quo et comprehénsus sum a Christo Jesu.

Graduale. Ps. 36. Os justí meditábitur sapiéntiam, et lingua ejus loquétur

judícium. Ț. Lex Dei ejus in corde ipsius : et non supplantábuntur gressus ejus.

Allelúia, allelúia. Ț. Ps. 111. Beátus vir qui timet Dóminum : in mandátis ejus cupit nimis. Allelúia.



Sequentia sancti Evangelíi secundum Lucam. Cap. 12.

In illo témpore : Dixit Jesus discípulis suis : Nolite timére, pusillus grex, quia complácuít Patri vestro dare vobis regnum. Véndite quæ possidéitis, et date elemósynam. Fácite vobis sácculos qui non veteráscunt, thesáurum non deficiéntem in cœlis : quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutáre tuum exsultábit veheménter : desiderium ánimæ ejus tribuísti ei.

Secreta.

PRÆSTA nobis, quæsumus, omnipotens Deus, ut nostræ humilitátis oblátio, et pro tuórum tibi grata sit honóre Sanctorum, et nos corpore páriter et mente purificet. Per Dóminum.

Communio. Matth. 19. Amen dico vobis, quod vos, qui reliquistis ómnia, et secúti estis me, centuplum accipiéitis, et vitam ætérnam possidébitis.

Postcommunio.

QUÆSUMUS, omnipotens Deus : ut qui cœlestia aliménta percépimus, intercedénte beáto Petro, Confessóre tuo, per hæc contra ómnia advérsa muniámur. Per Dóminum.

DIE XX

IN FESTO S. JOANNIS CANTII
CONFESSORIS

Introitus. Eccli. 18.

MISERATIO hóminis circa próximum ; misericórdia autem Dei super omnem carnem. Qui misericórdiam habet, docet et érudit quasi pastor gregem suum. Ps. 1. Beátus vir qui non ábiit in consílio impiórum, et in via peccatórum non stetit, et in cathé-

dra pestilentiae non sedit. *ꝥ.* Glória Patri. Miseratio.

Oratio.

DA, quæsumus, omnipotens Deus : ut sancti Joannis Confessoris exemplo in scientia Sanctorum proficientes, atque aliis misericordiam exhibentes, ejus meritis indulgentiam apud te consequamur. Per Dominum.

Lectio Epistolæ beati Jacobi Apostoli.

Cap. 2.

Sic loquimini, et sic facite, sicut per legem libertatis incipientes judicari. Judicium enim sine misericordia illi qui non fecit misericordiam : superexaltat autem misericordia judicium. Quid proderit, fratres mei, si fidem quis dicat se habere, opera autem non habeat? Numquid poterit fides salvare eum? Si autem frater et soror nudi sint, et indigeant victu quotidiano, dicat autem aliquis ex vobis illis : *Ite in pace, calefacimini et saturamini*; non dederitis autem eis quæ necessaria sunt corpori, quid proderit? Sic et fides, si non habeat opera, mortua est in semetipsa.

Graduale. Ps. 106. Confiteantur Domino misericordiae ejus : et mirabilia ejus filiis hominum. *ꝥ.* Quia satiavit animam inanem, et animam esurientem satiavit bonis.

Alleluia, alleluia. *ꝥ.* *Prov. 31.* Manum suam aperuit inopi, et palmas suas extendit ad pauperem. Alleluia.



Sequentia sancti Evangelii secundum Lucam. *Cap. 12.*

In illo tempore : Dixit Jesus discipulis suis : Sint lumbi vestri praecincti, et lucernæ ardentes in manibus vestris : et vos similes hominibus expectantibus dominum suum quando revertatur a nuptiis : ut cum venerit, et pulsaverit, confestim aperiant ei. Beati servi illi, quos, cum venerit dominus, invenerit vigilantes : amen dico vobis, quod praecingat se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sci-

ret paterfamilias qua hora fur veniret, vigilaret utique, et non sineret perfodi domum suam. Et vos estote parati, quia qua hora non putatis, Filius hominis veniet.

Offertorium. Job 29. Justitia indutus sum, et vestivi me, sicut vestimento et diademate, judicio meo. Oculus fui caeco, et pes claudo : pater eram pauperum.

Secreta.

HAS, quæsumus, Domine, hostias sancti Joannis, Confessoris tui, meritis benignus assume : et presta, ut te super omnia, et omnes propter te diligentes, corde tibi et opere placeamus. Per Dominum.

Communio. Luc. 6. Date, et dabitur vobis : mensuram bonam, et confertam, et coagitatam, et supereffluentem dabunt in sinum vestrum.

Postcommunio.

PRETIOSI corporis et sanguinis tui, Domine, pasti deliciis, tuam supplices deprecamur clementiam : ut sancti Joannis, Confessoris tui, meritis et exemplis, ejusdem charitatis imitatores effecti, consortes simus et gloriæ. Qui vivis.

DIE XXI

IN FESTO S. HILARIONIS

ABBATIS

Missa Os justi, de Communi Abbatum. 18*.

Oratio.

INTERCESSIO nos, quæsumus, Domine, beati Hilarionis Abbatis commendet : ut quod nostris meritis non valemus, ejus patrocinio assequamur. Per Dominum.

Et fit Commem. sanctarum Ursulae et Sociarum, Mart.

Oratio.

DA nobis, quæsumus, Domine Deus noster, sanctarum Virginum et Martyrum tuarum Ursulae et sociarum ejus palmas incessabili devotione venerari : ut quas digna mente non possumus cele-

bräre, humilibus saltem frequentemus obséquijs.

Tertia Oratio, A cunctis. 56.*

Secreta.

SACRIS altáribus, Dómine, hóstias superpósitas, sanctus Hilárior Abbas, quæsumus, in salutem nobis provenire depóscat. Per Dóminum.

Pro SS. Martyribus. Secreta.

INTÉNDE, quæsumus, Dómine, múnera altáribus tuis pro sanctárum Virginum et Mátyrum tuárum Ursulæ et sociárum ejus festivitáte propósita : ut sicut per hæc beáta mystéria illis glóriam contulisti, ita nobis indulgéntiam largiáris.

Tertia Secreta, Exáudi nos. 56.*

Postcommunio.

PROTEGAT nos, Dómine, cum tui perceptióne sacraménti, beátus Hilárior Abbas pro nobis intercedéndo : ut et conversatiónis ejus experiámur insignia, et intercessiúnis percipiámus suffrágia. Per Dóminum.

Pro SS. Martyribus.

Postcommunio.

PRÆSTA nobis, quæsumus, Dómine, intercedéntibus sanctis Virgínibus et Mátyribus tuis : ut quod ore contingimus, pura mente capiámus.

Tertia Postcommunio, Mundet. 56.*

EADEM DIE

SS. URSULÆ ET SOCIARUM

VIRGINUM ET MARTYRUM

Missa Loquébar, de Communi Virg. et Mart. 19, cum Orationibus supra notatis.*

DIE XXV

SS. MARTYRUM

CHRYSANTHI ET DARÆ

Introitus. Ps. 78.

INTRET in conspéctu tuo, Dómine, gémitus compeditórum : redde vicinis nostris séptuplum in sinu eórum : vindica sánguinem sanctórum tuórum, qui effusus est. *Ps.* Deus, venérunt gentes in hæreditátem tuam, polluérunť templum sanctum tuum : posuérunť Jerú-

salem in pomórum custódiam. *ŷ.* Glória Patri. Intret.

Oratio.

BEATÓRUM Mátyrum tuórum, Dómine, Chrysánthi et Daræ, quæsumus, adsit nobis orátio : ut quos venerámur obséquio, eórum pium júgiter experiámur auxílium. Per Dóminum.

Lectio Epistolæ beáti Pauli Apóstoli ad Corínthios. II Cor. 6.

FRATRES, Exhibeámus nosmetipsos sicut Dei ministros, in multa patiéntia, in tribulatió nibus, in necessitatibus, in angúst iis, in plagis, in carcér ibus, in sediti ó nibus, in labó ribus, in vigiliis, in jejú niis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtú te Dei, per arma justitiæ a dextris et a sinístris, per glóriam et ignobilitátem, per infámiam et bonam famam : ut seductó res, et verá ces : sicut qui ignó ti, et cóg ni : quasi moriéntes, et ecce vív imus : ut castigá ti, et non mortificá ti : quasi tristes, semper autem gaudéntes : sicut egéntes, multos autem locupletántes : tamquam nihil habéntes, et ómnia possidéntes.

Graduale. Exodi 15. Gloriósus Deus in Sanctis suis : mirábilis in majestáte, faciéns prodigia. *ŷ.* Déxtera tua, Dómine, glori ficáta est in virtú te : déxtera manus tua confrégit inimicos.

Allelúia, allelúia. ŷ. Eccli. 44. Córpora Sanctórum in pace sepúlta sunt, et nómina eórum vivent in generatió nem et generatió nem. Allelúia.



Sequéntia sancti Evangé lii secúndum Lucam. *Cap. 11.*

In illo témpore : Dicébat Jesus scribis et phariseis : Væ vobis, qui ædificá tis monuménta Prophetárum : patres autem vestri occidérunt illos. Profécto testificámini quod consentitis opéribus patrum vestrórum : quóniam ipsi quidem eos occidérunt, vos autem ædificá tis eórum sepúlcrá. Proptérea et sapiéntia Dei dixit : Mittam ad illos Prophé tas et Apóstolos, et ex illis occident, et persequéntur : ut inquirá tur sangui-

omnium Prophetarum, qui effusus est a constitutíone mundi a generatíone ista, a sanguine Abel, usque ad sanguinem Zachariæ, qui periit inter altare et ædem. Ita dico vobis, requirétur ab hac generatíone.

Offertorium. Ps. 67. Mirabilis Deus in Sanctis suis : Deus Israel ipse dabit virtutem et fortitudinem plebi suæ : benedictus Deus, allelúia.

Secreta.

PÓPULI tui, quæsumus, Dómine, tibi gráta sit hóstia, quæ in natalitiis sanctórum Mártyrum tuórum Chrysánthi et Dariæ solémniter immolátur. Per Dóminum.

Communio. Sap. 3. Et si coram homínibus torménta passi sunt, Deus tentávit eos : tamquam aurum in fornáce probávit eos, et quasi holocáusta accépit eos.

Postcommunio.

MYSTICIS, Dómine, repléti sumus votis et gaudiis : præsta, quæsumus ; ut intercessiónibus sanctórum Mártyrum tuórum Chrysánthi et Dariæ, quæ temporaliter ágimus, spirituáliter consequámur. Per Dóminum.

DIE XXVI

S. EVARISTI, PAPÆ ET MART.

Missa Státuit, de Comm. unius Mart. Pont. 2*.

DIE XXVII

IN VIGILIA SS. APOSTOLORUM

SIMONIS ET JUDÆ

Introitus. Ps. 78.

INTRET in conspéctu tuo, Dómine, gémitus compeditórum : redde vicinis nostris séptuplum in sinu eórum : vindica sanguinem Sanctórum tuórum, qui effusus est. **Ps.** Deus, venérunt gentes in hæreditatem tuam, polluérunt templum sanctum tuum : posuérunt Jerúsalem in pomórum custódiam. **ŷ.** Glória Patri. Intret.

Oratio.

CONCÉDE, quæsumus, omnipotens Deus : ut sicut Apostolórum tuórum Si-

mónis et Judæ gloriósa natalitia prævenimus ; sic ad tua beneficia promerénda, Majestátem tuam pro nobis ipsi præveniant. Per Dóminum.

Secunda Oratio, de sancta Maria, Concéde ; tertia, Ecclesiæ, vel pro Papa. 1*.

Lectio Epistolæ beáti Pauli Apóstoli ad Corinthios. I Cor. 4.

FRATRES, Spectáculum facti sumus mundo, et Angelis, et homínibus. Nos stulti propter Christum, vos autem prudentes in Christo : nos infirmi, vos autem fortes : vos nóbiles, nos autem ignóbiles. Usque in hanc horam et esurimus, et sitimus, et nudi sumus, et coláphis cædimur, et instábiles sumus, et laboramus operátes má nibus nostris : maledicimur, et benedicimus : persecutió nem pátimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut confúdamus hæc scribo, sed ut filios meos charíssimos móneo : in Christo Jesu Dómino nostro.

Graduale. Ps. 78. Vindica, Dómine, sanguinem Sanctórum tuórum, qui effusus est. **ŷ.** Posuérunt mortália servórum tuórum, Dómine, escas volatilibus cæli, carnes Sanctórum tuórum béstiis terræ.



Sequéntia sancti Evangélii secúndum Joánnem. Cap. 15.

IN illo témpore : Dixit Jesus discipulis suis : Ego sum vitis vera, et Pater meus agrícola est. Omnem pálmitem in me non feréntem fructum, tollet eum : et omnem qui fert fructum, purgábit eum, ut fructum plus áfferat. Jam vos mundi estis propter sermónem quem locútus sum vobis. Manéte in me, et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmites : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foras sicut palmes, et aréscet, et colligent eum, et in ignem mittent, et

ardet. Si manseritis in me, et verba mea in vobis manserint, quocúmque volueritis, petetis, et fiet vobis.

Offertorium. Ps. 149. Exsultabunt Sancti in glória, lætabuntur in cubilibus suis : exaltationes Dei in faucibus eorum.

Secreta.

MUNERIBUS nostris, Dómine, sanctorum Apostolorum tuorum Simónis et Judæ festa præcedimus, te suppliciter deprecantes, ut quæ conscientie nostræ præpédiuntur obstaculis, illorum méritis grata reddantur. Per Dóminum.

Secunda Secreta, de beata Maria, Tua, Dómine; tertia, Prætege nos, vel pro Papa. 2*.

Communio. Ps. 78. Posuerunt mortalia servorum tuorum, Dómine, escas volatilibus cœli, carnes Sanctorum tuorum bestiis terræ : secundum magnitudinem brachii tui pösside filios morte punitorum.

Postcommunio.

SUMPTO, Dómine, sacraménto, suppliciter deprecámur : ut, intercedéntibus beátis Apóstolis tuis Simóne et Juda, quod temporaliter gérimus, ad vitam capiámus æternam. Per Dóminum nostrum Jesum Christum.

Secunda Postcommunio, de beata Maria, Sumptis, Dómine; tertia, Quæsumus, Dómine, vel pro Papa. 2*.

DIE XXVIII

IN FESTO SANCTORUM APOSTOLORUM
SIMONIS ET JUDÆ

Introitus. Ps. 138.

MHI autem nimis honoráti sunt amici tui, Deus : nimis confortátus est principátus eorum. Ps. Dómine, probásti me, et cognovísti me : tu cognovísti sessiónem meam et resurrectionem meam. **ŷ.** Glória Patri. Mihi autem.

Oratio.

DEUS, qui nos, per beátos Apóstolos tuos Simónem et Judam, ad agnitióem tui nóminis venire tribuísti :

da nobis eorum glóriam sempitérnâ et proficiendo celebrâre, et celebrando proficere. Per Dóminum.

Lectio Epistolæ beáti Pauli Apóstoli ad Ephésios. Cap. 4.

FRATRES, Unicuique nostrum data est grátia secundum mensuram donatiónis Christi. Propter quod dicit : Ascendens in altum captivam duxit captivitatem, dedit dona homínibus. Quod autem ascendit, quid est, nisi quia et descendit primum in inferiores partes terræ? Qui descendit, ipse est et qui ascendit super omnes cœlos, ut impléret ómnia. Et ipse dedit quosdam quidem Apóstolos, quosdam autem Prophétas, álios vero Evangelistas, álios autem pastóres et doctóres, ad consummationem sanctorum, in opus ministérii, in ædificatióem córporis Christi : donec occurrámus omnes in unitatem fidei et agnitiónis Fili Dei, in virum perfectum, in mensuram ætátis plenitudinis Christi.

Graduale. Ps. 44. Constitues eos principes super omnem terram : memores erunt nóminis tui, Dómine. **ŷ.** Pro pátribus tuis nati sunt tibi filii, propterea pópuli confitebúntur tibi.

Allelúia, allelúia. ŷ. Ps. 138. Nimis honoráti sunt amici tui, Deus : nimis confortátus est principátus eorum. Allelúia.



Sequéntia sancti Evangélii secundum Joánnem. **Cap. 13.**

IN illo témpore : Dixit Jesus discipulis suis : Hæc mando vobis, ut diligátis invicem. Si mundus vos odit, scitote quia me priórem vobis odio hábuit. Si de mundo fuissétis, mundus, quod suum erat, diligeret : quia vero de mundo non estis, sed ego elégi vos de mundo, propterea odit vos mundus. Mementote sermónis mei, quem ego dixi vobis : Non est servus major dómينو suo. Si me persecúti sunt, et vos persequéntur : si sermóem meum servavérunt, et vestrum servábunt. Sed hæc ómnia faciént vobis propter nomen meum : quia nesciunt eum qui misit me. Si non venissem, et locútus fuíssem eis, peccátum

non habèrent : nunc autem excusationem non habent de peccato suo. Qui me odit, et Patrem meum odit. Si opera non fecissem in eis quæ nemo alius fecit, peccatum non habèrent : nunc autem et vidérunt, et odérunt et me, et Patrem meum. Sed ut adimpleatur sermo qui in lege eorum scriptus est : Quia odio habuerunt me gratis.

Credo.

Offertorium. Ps. 18. In omnem terram exivit sonus eorum, et in fines orbis terræ verba eorum.

Secreta.

GLÓRIAM, Dómine, sanctorum Apostolorum tuorum Simónis et Judæ perpétuam venerantes, quæsumus, ut eam, sacris mysteriis expiati, dignius celebrémus. Per Dóminum.

Præfatio de Apostolis.

Communio. Matth. 19. Vos qui secuti estis me, sedebitis super sedes, iudicantes duodecim tribus Israel.

Postcommunio.

PERCEPTIS, Dómine, sacramentis, suppliciter exoramus : ut, intercedentibus beatis Apostolis tuis Simóne et Juda, quæ pro illorum veneranda gérimus passione, nobis proficiant ad medelam. Per Dóminum.

DIE XXXI

VIGILIA OMNIUM SANCTORUM

Introitus. Sap. 3.

JUDICANT Sancti gentes, et dominantur pópulis : et regnabit Dóminus Deus illorum in perpétuum. **Ps. 32.** Exsultate, justi, in Dómino : rectos decet collaudatio. **ŷ.** Glória Patri. **Júdicant.**

Oratio.

DÓMINE Deus noster, multiplica super nos grátiam tuam : et quorum prævenimus gloriósa solémnia, tribue subsequi in sancta professione lætítiam. Per Dóminum.

Oratio secunda, de Spiritu sancto, Deus, qui corda fidélium ; tertia, Ecclesiæ, vel pro Papa. 40*.

Léctio libri Apocalypsis beáti Joánnis Apóstoli. Cap. 3.

IN diébus illis : Ecce ego Joánnes vidi in médio throni et quatuor animalium, et in médio seniörum, Agnum stantem tanquam occisum, habentem cornua septem et oculos septem : qui sunt septem spíritus Dei, missi in omnem terram. Et venit, et accépit de dextera sedentis in throno librum. Et cum aperuisset librum, quatuor animalia et viginti quatuor seniöres ceciderunt coram Agno, habentes singuli citharas et phylas aureas, plenas odoreméntorum, quæ sunt orationes sanctorum : et cantabant cánticum novum, dicentes : Dignus es, Dómine, accipere librum, et aperire signacula ejus : quóniam occisus es, et redemisti nos Deo in ságuine tuo ex omni tribu, et lingua, et pópulo, et natione : et fecisti nos Deo nostro regnum, et sacerdotes : et regnábimus super terram. Et vidi, et audivi vocem Angelorum multorum in circúitu throni, et animalium, et seniörum ; et erat númerus eorum millia millium, dicentium voce magna : Dignus est Agnus, qui occisus est, accipere virtutem, et divinitatem, et sapiéntiam, et fortitudinem, et honórem, et glóriam, et benedictionem, in sæcula sæculorum. Amen.

Graduale. Ps. 149. Exsultábunt Sancti in glória, lætabúntur in cubilibus suis. **ŷ.** Cantáte Dómino cánticum novum : laus ejus in Ecclesiá sanctorum.

Sequentia sancti Evangelii secundum Lucam. Cap. 6.

IN illo témpore : Descéndens Jesus de monte, stetit in loco campéstri, et turba discipulorum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audirent eum, et sanaréntur a languóribus suis. Et qui vexabántur a spíritibus immúndis, curabántur. Et omnis turba quærébat eum tângere : quia virtus de illo exibat, et sanábat omnes. Et ipse, elevátis oculis in discipulos suos, dicebat : Beáti páuperes, quia vestrum est regnum Dei. Beáti

qui nunc esuritis, quia saturabimini. Beati qui nunc fletis, quia ridébitis. Beati éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exsultáte : ecce enim merces vestra multa est in cælo.

O feriorium. Ps. 149. Exsultábunt Sancti in glória, lætabúntur in cubilibus suis : exaltatiónes Dei in fáucibus eórum.

Secreta.

ALTERE tuum, Dómine, munéribus cumulámus oblátis : da, quæsumus ; ut ad salútem nostram, ómnium Sanctórum tuórum precatióne, proficiant, quorum solénnia ventúra præcúrrimus. Per.

Secunda Secreta, de Spiritu sancto, Múnera ; **tertia, Prótege, vel pro Papa. 40*.**

Communio. Sap. 3. Justórum ánimæ in manu Dei sunt, et non tanget illos tormentum malitiæ : visi sunt óculis insipiéntium mori : illi autem sunt in pace.

Postcommunio.

SACRAMÉNTIS, Dómine, et gáudiis optátæ celebritátis explétis, quæsumus : ut eórum précibus adjuvémur, quorum recordatióibus exhibéntur. Per Dóminum.

Secunda Postcommunio, de Spiritu sancto, Sancti Spíritus ; **tertia, Quæsumus, vel pro Papa. 40*.**



DIE I NOVEMBRIS

IN FESTO

OMNIUM SANCTORUM

Introitus.



AUDEAMUS omnes in Dómino, diem festum celebrántes sub honóre Sanctórum ómnium, de quorum solemnitate gaudent Angeli, et collaudant Filium Dei. **Ps. 32.** Exsultáte, iusti, in Dómino: rectos decet collaudatio. **ꝫ.** Glória Patri. Gaudeamus.

Oratio.

OMNÍPOTENS sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus; ut clamávit voce magna quátuor Angelis propitiatiónis abundántiam, multiplicátis intercessóribus largiáris. Per Dóminum.


Lectio libri Apocalypsis beáti Joánnis
Apóstoli. **Cap. 7.**

IN diébus illis: Ecce ego Joánnes vidi álterum Angelum ascendéntem ab ortu solis, habéntem signum Dei vivi: et clamávit voce magna quátuor Angelis quibus datum est nocére terræ et mari, dicens: Nolite nocére terræ et mari, neque arbóribus, quoadúsque signémus servos Dei nostri in fróntibus eórum. Et audivi númerum signatórum, centum quadraginta quátuor millia signáti, ex omni tribu filiórum Israel. Ex tribu Juda duódecim millia signáti. Ex tribu Ruben duódecim millia signáti. Ex tribu Gad duódecim millia signáti. Ex tribu Aser duódecim millia signáti. Ex tribu

Néphthali duódecim millia signáti. Ex tribu Manásse duódecim millia signáti. Ex tribu Simeon duódecim millia signáti. Ex tribu Levi duódecim millia signáti. Ex tribu Issachar duódecim millia signáti. Ex tribu Zábulon duódecim millia signáti. Ex tribu Joseph duódecim millia signáti. Ex tribu Bénjamin duódecim millia signáti. Post hæc vidi turbam magnam, quam dinumeráre nemo póterat, ex ómnibus géntibus, et tribubus, et pópulis, et linguis, stantes ante thronum, et in conspéctu Agni, amicti stolis albis, et palmæ in mánibus eórum: et clamábant voce magna, dicéntes: Salus Deo nostro, qui sedet super thronum, et Agno. Et omnes Angeli stabant in circúitu throni, et seniórum, et quátuor animálium: et cecidérunt in conspéctu throni in fácies suas, et adoravérunt Deum, dicéntes: Amen. Benedictio, et cláritas, et sapiéntia, et gratiárum áctio, honor, et virtus, et fortitúdo Deo nostro, in sæcula sæculórum. Amen.

Graduale. Ps. 33. Timéte Dóminum, omnes sancti ejus; quóniam nihil deest timéntibus eum. **ꝫ.** Inquiréntes autem Dóminum non deficient omni bono.

Allelúia, allelúia. **ꝫ. Matth. 11.** Veníte ad me, omnes qui laborátis et oneráti estis, et ego reficiam vos. Allelúia.

 Sequéntia sancti Evangélii secúndum Matthæum. **Cap. 5.**

IN illo témpore: Videns Jesus turbas, ascendit in montem. Et cum sedisset, accessérunt ad eum discipuli ejus, et apériens os suum, docébat eos, dicens: Beáti páuperes spíritu, quóniam ipsórum est regnum cælórum. Beáti mi-

tes, quóniam ipsi possidébunt terram. Beáti qui lugent, quóniam ipsi consolabúntur. Beáti qui esúriunt et sitiunt justitiam, quóniam ipsi saturabúntur. Beáti misericórdes, quóniam ipsi misericórdiam consequéuntur. Beáti mundo corde, quóniam ipsi Deum vidébunt. Beáti pacífici, quóniam filii Dei vocabúntur. Beáti qui persecutióem patiúntur propter justitiam, quóniam ipsórum est regnum celórum. Beáti estis cum maledixerint vobis, et persecúti vos fúerint, et dixerint omne malum advérsus vos mentientes, propter me : gaudéte, et exsultáte, quóniam merces vestra copiosa est in cœlis.

Offertorium. Sap. 3. Justórum ánimæ in manu Dei sunt, et non tanget illos torméntum malitiæ : visi sunt óculis insipientium mori : illi autem sunt in pace.

Secreta.

MÚNERA tibi, Dómine, nostræ devotiónis offérimus : quæ et pro cunctórum tibi grata sint honóre justórum, et nobis salutária, te miseránte, reddántur. Per Dóminum.

Communio. Matth. 5. Beáti mundo corde, quóniam ipsi Deum vidébunt : beáti pacífici, quóniam filii Dei vocabúntur : beáti qui persecutióem patiúntur propter justitiam, quóniam ipsórum est regnum celórum.

Postcommunio.

DA, quæsumus, Dómine, fidélibus populis ómnium Sanctórum semper veneratióne lætári, et eórum perpétua supplicatióne muniri. Per Dóminum.

¶ **Infra Octavam, Missa dicitur sicut in die Festi : Oratio secunda, de Spiritu sancto, Deus, qui corda fidélium; tertia, Ecclesiæ, vel pro Papa, Deus, ómnium fidélium. 40*; et dicitur Credo.**

DIE II

¶ **Secunda die fit Commemoratio ómnium fidelium defunctorum, et dicitur Missa Réquiem ætérnam. 65*, quæ est prima pro Defunctis.**

¶ **Sed in Ecclesiis Cathedralibus et**

Collegiatis dicuntur duæ Missæ, una de Octava post Tertiam, altera principalis pro Defunctis post Nonam.

¶ **Si autem secunda die fuerit Dominica, dicta Commem. ómnium fidelium defunctorum fit sequenti Feria II.**

DIE IV

IN FESTO S. CAROLI

EPISCOPI ET CONFESSORIS

Introitus. Eccli. 43.

STATUIT ei Dóminus testaméntum pacis, et principem fecit eum : ut sit illi sacerdoti dignitas in ætérnum. Ps. 131. Meménto, Dómine, David, et omnis mansuetúdinis ejus. ŷ. Glória Patri. Státuit.

Oratio.

ECCLESIAM tuam, Dómine, sancti Caroli, Confessóris tui atque Pontificis, continúa protectiόne custódi : ut sicut illum pastorális sollicitúdo gloriósum reddidit; ita nos ejus intercessiό in tuo semper fáciat amóre fervéntes. Per.

Pro Octava ómnium Sanctórum.

Oratio.

OMNÍPOTENS sempitérne Deus, qui nos ómnium Sanctórum tuórum mérita sub una tribuisti celebritáte venerári : quæsumus; ut desiderátam nobis tuæ propitiatiónis abundántiam, multiplicátiis intercessóribus, largiáris.

Et fit Commem. SS. Vitalis et Agricolæ, Martyrum.

Oratio.

PRÆSTA, quæsumus, omnipotens Deus : ut qui sanctórum Mártyrum tuórum Vitális et Agricolæ solémnia cólimus, eórum apud te intercessiόnibus adjuvémur. Per Dóminum.

Lectiό libri Sapientiæ.

Eccli. 44 et 45.

ECCE Sacerdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátiό. Non est invéntus similis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiόnem ómnium géntium dedit illi, et testaméntum suum

confirmávit super caput ejus. Agnóvit eum in benedictiónibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum, et dedit illi coronám glóriæ. Státuit illi testaméntum ætérnum : et dedit illi sacerdotium magnum, et beatificávit illum in glória : fungi sacerdotio, et habère laudem in nómine ipsius, et offerre illi incénsium dignum in odóre suavitátis.

Graduale. Ecclí. 44. Ecce Sacérdos magnus, qui in diébus suis plácuít Deo. **Ÿ.** Non est invéntus similis illi, qui conserváret legem Excélsi.

Allelúia, allelúia. **Ÿ.** Ps. 109. Tu es Sacérdos in ætérnum, secúndum órđinem Melchisedech. **Allelúia.**



Sequéntia sancti Evangélíi secúndum Matthæum. **Cap. 25.**

In illo témpore : Dixit Jesus discípulis suis parábolam hanc : Homo péregre proficiscens, vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuique secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est álía quinque. Similiter et qui duo accéperat, lucrátus est álía duo. Qui autem unum accéperat, ábiens fodit in terram, et abscondit pecúniam dómíni sui. Post multum vero témporis, venit dónus servórum illórum, et pósuit ratióne cum eis. Et accédens qui quinque talénta accéperat, obtulit álía quinque talénta, dicens : Dómine, quinque talénta tradidisti mihi, ecce álía quinque superlucrátus sum. Ait illi dónus ejus : Euge, serve bone et fidélis : quia super pauca fuísti fidélis, super multa te constitúam : intra in gáudium dómíni tui. Accéssit autem et qui duo talénta accéperat, et ait : Dómine, duo talénta tradidisti mihi, ecce álía duo lucrátus sum. Ait illi dónus ejus : Euge, serve bone et fidélis : quia super pauca fuísti fidélis, super multa te constitúam : intra in gáudium dómíni tui.

Credo ratione Octavæ Sanctorum.

Offertorium. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

SANCTI tui, quæsumus, Dómine, nos ubique lætificent : ut dum eórum mérita recólimus, patrocínia sentiámus. **Per.**

Pro Octava omnium Sanctorum.

Secreta.

MUNERA tibi, Dómine, nostræ devotiónis offerimus : quæ et pro cunctórum tibi grata sint honóre justórum, et nobis salutária, te miseránte, reddántur.

Pro sanctis Martyribus.

Secreta.

OBLATIS, quæsumus, Dómine, placáre munéribus : et intercedéntibus sanctis Martyribus tuis Vitále et Agrícola, a cunctis nos defénde periculis. **Per.**

Communio. Luc. 12. Fidélis servus et prudens, quem constitúit Dónus super familiam suam, ut det illis in témpore tritici mensúram.

Postcommunio.

PRÆSTA, quæsumus, omnipotens Deus : ut de percéptis munéribus grátias exhibéntes, intercedénte beáto Cárolo, Confessóre tuo atque Pontífice, beneficia potióra sumámus. **Per Dónum.**

Pro Octava omnium Sanctorum.

Postcommunio.

DA, quæsumus, Dómine, fidélibus pópulis ómnium Sanctorum semper veneratióne lætári, et eórum perpétua supplicatióne muníri.

Pro sanctis Martyribus.

Postcommunio.

HÆC nos commúnio, Dómine, purget a crimine : et intercedéntibus sanctis Martyribus tuis Vitále et Agrícola, cœléstis remédii fáciat esse consórtes. **Per Dónum.**

EADEM DIE

SS. MARTYRUM

VITALIS ET AGRICOLÆ

Missa Sapiéntiam. 10*. cum supra notatis Orationibus. Epistola vero erit Rememorámini. 11*. Evang. Si quis vult. 4*.

DIE VIII

IN OCTAVA OMNIUM SANCTORUM

Dicitur Missa sicut in die, cum Commem. SS. Martyrum Quatuor Coronatorum.

Oratio.

PRÆSTA, quæsumus, omnipotens Deus : ut qui gloriōsos Mártyres fortes in sua confessiōne cognōvimus, pios apud te in nostra intercessiōne sentiāmus. Per.

Secreta.

BENEDICTIO tua, Dómine, larga descēdat : quæ et múnera nostra, deprecāntibus sanctis Martyribus tuis, tibi reddat accēpta, et nobis sacramentum redemptiōnis efficiat. Per Dóminum.

Postcommunio.

CŒLÉSTIBUS refecti sacraméntis et gaudiis, súpplīces te, Dómine, deprecāmur : ut quorum gloriāmur triúmphis, protegāmur auxiliis. Per Dóminum.

EAEDEM DIE

SS. MARTYRUM

QUATUOR CORONATORUM

Missa ut in Festo SS. Basilidis, etc., die 12 Junii. 370, cum Orationibus propriis, ut supra.

DIE IX

IN FESTO DEDICATIONIS

BASILICÆ SS. SALVATORIS

Missa Terribilis, de Comm. Dedicationis Ecclesiæ. 26*. Et dicitur Credo.

Pro Commem. S. Theodori, Martyris.

Oratio.

DEUS, qui nos beāti Theodóri, Mártyris tui, confessiōne gloriōsa circúmdas et prótegis : præsta nobis ex ejus imitatiōne proficere, et oratiōne fulciri. Per.

Secreta.

SÚSCIPE, Dómine, fidélium preces cum oblatiōnibus hostiárum : et intercedēte beáto Theodóro, Mártyre tuo, per hæc piæ devotiōnis officia ad cœlestem glóriam transeāmus. Per Dóminum.

Postcommunio.

PRÆSTA nobis, quæsumus, Dómine, intercedēte beáto Theodóro, Már-

tyre tuo : ut quod ore contingimus, pure mente capiāmus. Per Dóminum.

EAEDEM DIE

S. THEODORI, MARTYRIS

Missa Lætábitur, de Communi. 3*, cum Orationibus ut supra.

DIE X

IN FESTO S. ANDRÆ AVELLINI

CONFESSORIS

Missa Os justi, de Comm. Conf. non Pont. 16*, præter Orationem sequentem.

Oratio.

DEUS, qui in corde beāti Andræ, Confessóris tui, per árduum quotidiē in virtútibus proficiēdi votum, admirábiles ad te ascensiōnes disposuisti : concēde nobis, ipsius méritis et intercessiōne, ita ejúsdem grátiae partícipes fieri; ut perfectiōra semper exsequētes, ad glóriæ tuæ fastígium feliciter perducāmur. Per Dóminum.

Et fit Commem. SS. Mart. Tryphonis et Sociorum cum Orationibus ut in seq. Missa propria.

EAEDEM DIE

SS. MARTYRUM

TRYPHONIS, RESPICII ET NYMPHÆ, VIRG.

Introitus. Ps. 33.

CLAMAVÉRUNT justi, et Dóminus exaudivit eos : et ex ómnibus tribulationibus eórum liberávit eos. Ps. Benedicám Dóminum in omni témpore : semper laus ejus in ore meo. Ÿ. Glória Patri. Clamavérunt.

Oratio.

FAC nos, quæsumus, Dómine, sanctórum Mártyrum tuórum Tryphónis, Respicii et Nymphæ semper festa sectári : quorum suffrágiis protectiōnis tuæ dona sentiāmus. Per Dóminum.

Léctio Epistolæ beāti Pauli Apóstoli ad Romános. Cap. 8.

FRATRES, Non sunt condignæ passiones hujus témporis ad futúram glóriam quæ revelábitur in nobis. Nam expectátiō creatúræ revelatiōnem filiórum Dei expectat. Vanitáti enim creatúra subjé-

cta est non volens, sed propter eum qui subjécit eam in spe : quia et ipsa creatúra liberábitur a servitúte corruptiónis, in libertátem glóriæ filiorum Dei. Scimus enim quod omnis creatúra ingemiscit, et párturit usque adhuc. Non solum autem illa, sed et nos ipsi, primitias spíritus habéntes : et ipsi intra nos géminus, adoptionem filiorum Dei expectántes, redemptionem córporis nostri.

Graduale. Ps. 78. Vídica, Dómine, sánguinem Sanctórum tuórum, qui effusus est. **ŷ.** Posuerunt mortália servórum tuórum escas volatilibus cœli, carnes Sanctórum tuórum béstiis terræ.

Allelúia, allelúia. **ŷ. Ps. 115.** Pretiósia in conspéctu Dómini mors Sanctórum ejus. Allelúia.



Sequéntia sancti Evangélíi secúndum Lucam. **Cap. 12.**

In illo témpore : Dixit Jesus discípulis suis : Atténdite a fermento pharisæórum, quod est hypócrisis. Nihil autem opértum est, quod non revelétur : neque absconditum, quod non sciátur. Quóniam quæ in ténebris dixistis, in lúmine dicéntur : et quod in aurem locúti estis in cubiculis, prædicábitur in tectis. Dico autem vobis amicis meis : Ne terreámini ab his qui occidunt corpus, et post hæc non habent ámplius quid fáciant. Osténdam autem vobis quem timeátis ; timeáte eum qui, postquam occiderit, habet potestátem mittere in gehénnam. Ita dico vobis, hunc timeáte. Nonne quinque pás-seres véneunt dipóndio, et unus ex illis non est in obliuione coram Deo? Sed et capilli cápitis vestri omnes numeráti sunt. Nolite ergo timére : multis pás-séribus pluris estis vos. Dico autem vobis : Omnis quicumque conféssus fúerit me coram homínibus, et Filius hóminis confitébitur illum coram Angelis Dei.

Offertorium. Ps. 31. Lætámini in Dómino, et exsultáte, justí : et gloriámini, omnes recti corde.

Secreta.

MÚNERA tibi, Dómine, nostræ devotiónis offérimus : quæ et pro tuórum

tibi grata sint honóre justórum, et nobis salutária, te miseránte, reddántur. Per.

Communio. Matth. 12. Quicumque fécerit voluntátem Patris mei, qui in cœlis est, ipse meus frater, et soror, et mater est, dicit Dóminus.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis Tryphóne, Respício et Nympha : ut quod ore contígimus, pura mente capíamus. Per Dóminum.

DIÉ XI

IN FESTO S. MARTINI

EPISCOPI ET CONFESSORIS

Introitus. **Eccli. 45.**

STÁTUIT ei Dóminus testaméntum pacis, et príncipem fecit eum : ut sit illi sacerdoti dignitas in ætérnum. **Ps. 131.** Meménto, Dómine, David, et omnis mansuetúdinis ejus. **ŷ.** Glória Patri. Státuit.

Oratio.

DEUS, qui cónspicis quia ex nulla nostra virtúte subsistimus : concéde propítius ; ut intercessióne beáti Martíni, Confessoris tui atque Pontificis, contra ómnia advérsa muniámur. Per.

Pro S. Menna, Martyre.

Oratio.

PRÆSTA, quæsumus, omnipotens Deus : ut qui beáti Mennæ, Mártiris tui, natalitia cólimus, intercessióne ejus in tui nóminis amóre roborémur. Per.

Lectio libri Sapientíæ.

Eccli. 44 et 45.

ECCE Sacerdos magnus, qui in diébus suis plácut Deo, et invéntus est justus, et in témpore iracúndiæ factus est reconciliátió. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis : conservávit illi misericórdiam suam : et invénit grátiam coram óculis Dómini. Magnificávit eum in conspéctu

regum, et dedit illi coronam glóriæ. Stá-
tuit illi testaméntum ætérnum, et dedit
illi sacerdotium magnum, et beatificávit
illum in glória : fungi sacerdotio, et ha-
bére laudem in nómine ipsius, et offerre
illi incensum dignum in odórem suavi-
tátis.

Graduale. Eccli. 44. Ecce Sacerdos
magnus, qui in diébus suis plácuít Deo.
Ÿ. Non est invéntus similis illi, qui con-
serváret legem Excélsi.

Allelúia, allelúia. Ÿ. Beátus vir san-
ctus Martinus, urbis Turónis Episcopus,
requiévít : quem suscepérunt Angeli at-
que Archángeli, Throni, Dominationes
et Virtútes. Allelúia.



Sequentia sancti Evangelii secún-
dum Lucam. Cap. 11.

In illo témpore : Dixit Jesus discípulis
suis : Nemo lucérnam accéndit, et in
abscondito ponit, neque sub módio : sed
supra candelábrum, ut qui ingrediún-
tur, lumen videant. Lucérna córporis
tui est óculus tuus. Si óculus tuus fúe-
rit simplex, totum corpus tuum lícidum
erit : si autem nequam fúerit, étiam
corpus tuum tenebrósum erit. Vide ergo
ne lumen quod in te est, ténebræ sint.
Si ergo corpus tuum totum lícidum
fúerit, non habens áliquam partem te-
nebrárum, erit lícidum totum, et sicut
lucérna fulgóris illuminábit te.

Offertorium. Ps. 88. Véritas mea et
misericórdia mea cum ipso, et in nómine
meo exaltábitur cornu ejus.

Secreta.

DEUS, miséricors Deus, ut hæc salutáris
oblátio, et a própriis nos reátibus
indesinénter expédiat, et ab ómnibus
tueátur advérsis. Per Dóminum.

Pro S. Menna, Martyre.

Secreta.

MUNÉRIBUS nostris, quæsumus, Dó-
mine, precibúque susceptis, et
cœléstibus nos munda mystériis, et ele-
ménter exáudi. Per Dóminum.

Communio. Matth. 24. Beátus servus
quem, cum vénerit Dóminus, invénerit
vigilántem : amen dico vobis, super óm-
nia bona sua constítuet eum.

Postcommunio.

PRÆSTA, quæsumus, Dómine Deus
noster : ut quorum festivitáte votiva
sunt sacraménta, eórum intercessióne
salutária nobis reddántur. Per Dóminum.

Pro S. Menna, Martyre.

Postcommunio.

DEUS, quæsumus, Dómine Deus noster :
ut sicut tuórum commemoratióne
Sanctórum temporáli gratulámur officio,
ita perpétuo lætémur aspéctu. Per Dó-
minum.

EADEM DIE

S. MENNÆ, MARTYRIS

Missa Lætábitur, de **Communi.** 5*,
cum **Orationibus** ut supra.

DIE XII

IN FESTO S. MARTINI

PAPÆ ET MARTYRIS

Introitus. Dan. 3.

SACERDÓTES Dei, benedicite Dómi-
num : sancti et húmiles corde,
laudáte Deum. **Dan.** Benedicite,
omnia ópera Dómini, Dómino : laudáte
et superexaltáte eum in sæcula. Ÿ. Gló-
ria Patri. Sacerdótes.

Oratio.

DEUS, qui nos beáti Martini, Mártiris
tui atque Pontificis, ánnua solem-
nitáte letificas : concéde propítius ; ut
cujus natalítia cólimus, de ejúsdem
étiam protectióne gaudeámus. Per.

Secunda Oratio. A cunctis. 36* ; **tertia**
ad libitum.

Lectio Epístolæ beáti Petri Apóstoli.


I Petr. 4.

CHARÍSSIMI, Communicátes Christi
passiónibus, gaudéte, ut et in reve-
latióne glóriæ ejus gaudeátis exultán-
tes. Si exprobrámini in nómine Christi,
beáti éritis : quóniam quod est honóris,
glóriæ et virtútis Dei, et qui est ejus
Spiritus, super vos requiêscit. Nemo au-
tem vestrum patiátur ut homicida, aut
fur, aut malédicus, aut alienórum appe-
titor. Si autem ut christiánus, non eru-
béscat : glorificet autem Deum in isto
nómine. Quóniam tempus est ut incípiat

judiciū a domo Dei. Si autem primum a nobis, quis finis eorum qui non credunt Dei Evangélio? Et si justus vix salvabitur, impius et peccator ubi parēbunt? Itaque et hi qui patiuntur secundum voluntatem Dei, fideli Creatōri commēdent animas suas in benefactis.

Graduale. Ps. 8. Glória et honóre coronásti eum. *ŷ.* Et constituísti eum super ópera mánuum tuárum, Dómine.

Allelúia, allelúia. *ŷ.* Hic est Sacérdos quem coronávit Dóminus. Allelúia.

 **Sequētia sancti Evangélii secundum Lucam.** Cap. 14.

In illo témpore : Dixit Jesus turbis : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et animam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim aedificáre, non prius sedens cómputat sumptus qui necessárii sunt, si hábeat ad perficiéndum : ne, posteaquam posuerit fundaméntum, et non potuerit perficere, omnes qui vident, incipiant illúdere ei, dicéntes : Quia hic homo cœpit aedificáre, et non pótuít consummáre? Aut quis rex itúrus committere bellum advérsus álium regem, non sedens prius cógitat si possit, cum decem millibus, occurrere ei qui cum viginti millibus venit ad se? Alióquin, adhuc illo longe agénte, legatiónem mittens, rogat ea quæ pacis sunt. Sic ergo omnis ex vobis qui non renúnciat ómnibus quæ pössidet, non potest meus esse discipulus.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MÚNERA tibi, Dómine, dicáta sanctífica, et, intercedénte beáto Martíno, Mártýre tuo atque Pontífice, per eádem nos placátus inténde. Per Dóminum.

Communio. Ps. 20. Posuísti, Dómine, in capíte ejus corónam de lápide pretióso.

Postcommunio.

HÆC nos commúnio, Dómine, purget a crimine : et intercedénte beáto Martíno, Mártýre tuo atque Pontífice, cœléstis remédiū faciát esse consórtes. Per Dóminum.

DIE XIII

IN FESTO S. DIDACI, CONFESSORIS

Missa Justus, ut in Comm. Conf. non Pont. 17*, præter Orationem sequentem.

Oratio.

OMNÍPOTENS sempitérne Deus, qui dispo-sitióne mirábili infirma mundi éligis, ut fórtia quæque confúndas : concéde propítius humilitáti nostræ; ut piis beáti Didaci, Confessóris tui, précibus, ad perénnem in cœlis glóriam sublimári mereámur. Per Dóminum.

Secunda Oratio, A cunctis. 36*; **tertia ad libitum.**

DIE XV

IN FESTO SANCTÆ GERTRUDIS

VIRGINIS

Missa Dilexísti, de Communi Virg. 21*, præter Orationem sequentem.

Oratio.

DEUS, qui in corde beatæ Gertrúdis Virginis jucúdam tibi mansiónem præparásti : ipsius méritis et intercessi-óne cordis nostri máculas cleménter abstérge, et ejúsdem tribue gaudére consórtio. Per Dóminum.

DIE XVII


IN FESTO

S. GREGORII THAUMATURGI

EPISCOPI ET CONFESSORIS

Missa Státuit, de Comm. Conf. Pont. 12*, præter Evang. seq.

Secunda Oratio, A cunctis. 36*; **tertia ad libitum.**

 **Sequētia sancti Evangélii secundum Marcum.** Cap. 11.

In illo témpore : Respóndens Jesus discipulis suis, ait illis : Habéte fidem Dei. Amen dico vobis, quia quicúmque dixerit huic monti : Tóllere, et mittere in mare, et non hæsítaverit in corde

suo, sed crediderit quia quodcúmque dixerit, fiat, fiet ei. Propterea dico vobis : Omnia quaecúmque orantes petitis, credite quia accipiétis, et evénient vobis.

DIE XVIII

IN DEDICATIONE

BASILICARUM SS. APOST. PETRI ET PAULI

Missa Terribilis, de Comm. Dedicat. Ecclesiæ. 26*; et dicitur Credo.

DIE XIX

IN FESTO SANCTÆ ELISABETH

REGINÆ HUNGARIÆ

VIDUÆ

Missa Cognóvi, de Comm. nec Virg. nec Mart. 25*, præter Orationem sequentem.

Oratio.

TUORUM corda fidélium, Deus miserátor, illústra : et beatæ Elisabeth precibus gloriósis, fac nos próspéra mundi despícere, et cœlésti semper consolatióne gaudére. Per Dóminum.

Pro Commem. S. Pontiani, Papæ et Mátyris.

Oratio.

INFIRMITATEM nostram respice, omnipotens Deus : et quia pondus propriæ actionis gravat, beáti Pontiani, Mátyris tui atque Pontificis, intercessio gloriósa nos prótegat. Per Dóminum.

Pro sancto Pontiano.

Secreta.

HÓSTIAS tibi, Dómine, beáti Pontiani, Mátyris tui atque Pontificis, dicátas méritis, benígnus assúme, et ad perpétuum nobis tribue proveníre subsidiúm. Per Dóminum.

Pro sancto Pontiano.

Postcommunio.

REFÉCTI participatióne múnis sacri, quæsumus, Dómine Deus noster : ut ejus exsequimur cultum, intercedente beato Pontiano, Mátyre tuo atque Pontifice, sentiámus efféctum. Per Dóminum.

S. Pontiani Missa Státuit 1º loco. 2*; Evang. Nihil est opértum. 6*.

DIE XX

IN FESTO S. FELICIS DE VALOIS

CONFESSORIS

Missa Justus, de Comm. Conf. non Pont. 17*, præter Orat. seq.

Oratio.

DEUS, qui beátum Felicem, Confessórem tuum, ex erémo ad munus rediméndi captivos cœlitus vocáre dignátus es : præsta, quæsumus ; ut per grátiam tuam ex peccatórum nostrórum captivitate, ejus intercessióne, liberáti, ad cœlestem pátriam perducámur. Per.

DIE XXI

IN FESTO

PRÆSENTATIONIS B. M. V.

Missa Salve, sancta Parens, ut in Missis votivis beatæ Mariæ Virginis a Pentecoste usque ad Adventum. 39*, præter Orationem sequentem.

Oratio.

DEUS, qui beátam Mariam semper virginem, Spíritus sancti habitáculum, hodiérna die in Templo præsentári voluísti : præsta, quæsumus ; ut ejus intercessióne, in templo glóriæ tuæ præsentári mereámur. Per Dóminum... in unitate ejúdem.

Et dicitur Credo. Præfatio de sancta Maria. Et te in Præsentatióne.

DIE XXII

IN FESTO SANCTÆ CÆCILIÆ

VIRGINIS ET MARTYRIS

Introitus. Ps. 118.

LOQUÉBAR de testimoniis tuis in conspéctu regum, et non confundébar : et meditábar in mandátis tuis, quæ diléxi nimis. Ps. Beáti immaculáti in via, qui ámbulant in lege Dómini. ŷ. Glória Patri. Loquébar.

Oratio.

DEUS, qui nos ánnua beatæ Cæcilie, Virginis et Mátyris tuæ, solemnitate lætificas : da ut quam venerámur officio, étiam piæ conversatiónis sequámur exémplo. Per Dóminum.

Lectio libri Sapiéntiæ. **Eccli. 51.**

DÓMINE Deus meus, exaltásti super terram habitatióem meam, et pro morte defluente deprecáta sum. Invo-cávi Dóminum Patrem Dómini mei, ut non derelinquat me in die tribulatióis meæ, et in témpore superbórum sine adjutório. Laudábo nomen tuum assidue, et collaudábo illud in confessiône, et exaudita est oratio mea. Et liberásti me de perditíone, et eripuisti me de témpore iníquo. Propterea confitébor, et laudem dicam tibi, Dómine Deus noster.

Graduale. Ps. 44. Audi, filia, et vide, et inclína aurem tuam : quia concupivit Rex spéciem tuam. **Ÿ.** Spécie tua et pulchritúdine tua inténde, prospere procéde, et regna.

Allelúia, allelúia. **Ÿ. Matth. 25.** Quinque prudéntes vírgines accepérunt óleum in vasis suis cum lámpadibus : média autem nocte clamor factus est : Ecce spon-sus venit, exite óbviám Christo Dómino. Allelúia.



Sequéntia sancti Evangélíi secúndum Matthæum. **Cap. 25.**

In illo témpore : Dixit Jesus discipulis suis parábolam hanc : Símile erit regnum cœlórum decem virgínibus, quæ accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes : sed quinque fátuæ, accéptis lámpadibus, non sumpsérunt óleum secum : prudéntes vero accepérunt óleum in vasis suis cum lámpadibus. Moram autem faciente sponso, dormitavérunt omnes et dormiérunt. Média autem nocte clamor factus est : Ecce sponsus venit, exite óbviám ei. Tunc surrexérunt omnes vírgines illæ, et ornávérunt lámpades suas. Fátuæ autem sapiéntibus dixérunt : Date nobis de óleo vestro, quia lámpades nostræ exstinguúntur. Respondérunt prudéntes, dicéntes : Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit spon-sus : et quæ parátæ erant intravérunt

cum eo ad núptias, et clausa est jánuæ. Novíssime vero véniunt et reliquæ vírgines, dicéntes : Dómine, Dómine, áperi nobis. At ille respóndens, ait : Amen dico vobis, nescio vos. Vigilate itaque, quia nescitis diem, neque horam.

Offertorium. Ps. 44. Afferéntur Regi vírgines post eam : próximæ ejus afferéntur tibi in lætítia et exultatióne : adducéntur in templum Regi Dómino.

Secreta.

HÆC hóstia, Dómine, placatióis et laudis, quæsumus ; ut, intercedente beáta Cæcília, Virgine et Mártýre tua, nos propitiatióne tua dignos semper efficiat. Per Dóminum.

Communio. Ps. 118. Confundántur superbi, quia injúste iniquitátem fecérunt in me : ego autem in mandátis tuis exercébor, in tuis justificatióibus, ut non confundar.

Postcommunio.

SATIÁSTI, Dómine, familiam tuam muneribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

DIE XXIII

IN FESTO S. CLEMENTIS

PAPÆ ET MARTYRIS

Introitus. Is. 59 et 57.

DICIT Dóminus : Sermónes mei, quos dedi in os tuum, non deficiunt de ore tuo : et múnera tua accépta erunt super altáre meum. **Ps. 111.** Beátus vir qui timet Dóminum : in mandátis ejus cupit nimis. **Ÿ.** Glória Patri. Dicit Dóminus.

Oratio.

DEUS, qui nos ánnua beáti Cleméntis, Mártýris tui atque Pontificis, sollemnitate lætificas : concéde propítius ; ut cujus natalítia cólimus, virtútem quoque passióis imitemur. Per.

Pro Commem. sanctæ Felicitatis. Mart.

Oratio.

PRÆSTA, quæsumus, omnipotens Deus : ut beáte Felicitátis, Mártýris tuæ, solémnia recenséntes, méritis ipsius protegámur et précibus. Per Dóminum.

Lectio Epistolæ beāti Pauli Apóstoli
ad Philippenses. **Cap. 3 et 4.**

FRATRES, Imitatores mei estote, et observate eos qui ita ambulant, sicut habetis formam nostram. Multi enim ambulant, quos sæpe dicebam vobis (nunc autem et flens dico) inimicos Crucis Christi, quorum finis interitus, quorum Deus venter est : et gloria in confusione ipsorum, qui terræna sapiunt. Nostra autem conversatio in cælis est; unde etiam Salvatorem expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ, secundum operationem qua etiam possit subjicere sibi omnia. Itaque, fratres mei charissimi et desideratissimi, gaudium meum et corona mea, sic state in Domino, charissimi. Evodiam rogo, et Syntychem deprecor, idipsum sapere in Domino. Etiam rogo et te, germane compar, adjuva illas quæ mecum laboraverunt in Evangelio, cum Clemente, et cæteris adiutoribus meis, quorum nomina sunt in libro vitæ.

Graduale. Ps. 109. Juravit Dominus, et non poenitebit eum : Tu es Sacerdos in ætænum, secundum ordinem Melchisedech. **Ÿ.** Dixit Dominus Domino meo : Sede a dextris meis.

Allelûia, allelûia. **Ÿ.** Hic est Sacerdos quem coronavit Dominus. Allelûia.



Sequentia sancti Evangelii secundum Matthæum. **Cap. 24.**

IN illo tempore : Dixit Jesus discipulis suis : Vigilate, quia nescitis qua hora Dominus vester venturus sit. Illud autem scitote, quoniam si sciret paterfamilias qua hora fur venturus esset, vigilaret utique, et non sineret perfodi domum suam. Ideo et vos estote parati, quia qua nescitis hora, Filius hominis venturus est. Quis, putas, est fidelis servus et prudens, quem constituit dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

Offertorium. Ps. 88. Veritas mea et misericordia mea cum ipso, et in nomine meo exaltabitur cornu ejus.

Secreta.

MUNERA tibi, Domine, oblata sanctifica : et intercedente beato Clemente, Martyre tuo atque Pontifice, per hæc nos peccatorum nostrorum maculis emunda. Per Dominum.

Pro sancta Felicitate, Martyre. Secreta.

VOTA populi tui, Domine, propitiatus intende : et ejus nos tribus solèmnia celebrare, fac gaudere suffragiis. Per.

Communio. Matth. 24. Beatus servus quem, cum venerit Dominus, invenerit vigilantem : amen dico vobis, super omnia bona sua constituet eum.

Postcommunio.

CORPORIS sacri et pretiosi sanguinis replenti libamine, quæsumus, Domine Deus noster : ut quod pia devotione gerimus, intercedente beato Clemente, Martyre tuo atque Pontifice, certa redemptione capiamus, Per Dominum.

Pro sancta Felicitate, Martyre.

Postcommunio.

SUPPLICES te rogamus, omnipotens Deus : ut intercedentibus Sanctis tuis, et tua in nobis dona multiplices, et tempora nostra disponas. Per.

EADEM DIE

SANCTÆ FELICITATIS, MARTYRIS

Missa Me exspectaverunt, de Comm. 23*, cum Orationibus ut supra.

DIE XXIV

IN FESTO S. JOANNIS A CRUCE

CONFESSORIS

Missa Os justi, de Comm. Conf. non Pont. 16*, præter Orat. seq.

Oratio.

DEUS, qui sanctum Joannem, Confessorem tuum, perfectæ sui abnegationis et Crucis amatorem eximium effecisti : concede; ut ejus imitationi iugiter inhaerentes, gloriam assequamur æternam. Per Dominum.

Et fit Commem. S. Chrysogoni, Mart. Oratio Adesto, Domine, ut in Missa seq.

EADDEM DIE

S. CHRYSOGONI, MARTYRIS

Missa In virtúte tua, ut in Comm. 4*, cum Orat. seq.

Oratio.

ADÉSTO, Dómine, supplicatióibus nostris : ut qui ex iniquitatē nostra reos nos esse cognóscimus, beáti Chrysógoni, Mátyris tui, intercessiōe liberémur. Per Dóminum.

Secreta.

OBLÁTIS, quæsumus, Dómine, placáre munéribus : et intercedénte beáto Chrysógono, Mátyre tuo, a cunctis nos defénde perículis. Per Dóminum.

Postcommunio.

TUI, Dómine, perceptiōe sacraménti, et a nostris mundémur occúltis, et ab hóstium liberémur insídiis. Per Dóminum.

DIE XXV

IN FESTO SANCTÆ CATHARINÆ

VIRGINIS ET MARTYRIS

Missa Loquébar, de Communi Virg. et Mart. 19*, præter Orat. seq.

Oratio.

DEUS, qui dedisti legem Móysi in summitate montis Sinai, et in eódem loco, per sanctos Angelos tuos, corpus beátæ Catharinæ, Virginis et Mátyris tuæ, mirabiliter collocásti : præsta, quæsumus; ut ejus méritis et intercessiōe, ad montem qui Christus est pervenire valeámus. Qui tecum vivit.

DIE XXVI

IN FESTO S. PETRI ALEXANDRINI

EPISCOPI ET MARTYRIS

Missa Státuit, ut in Comuni unius Mart. Pont. 2*.



COMMUNE S A N C T O R U M

IN VIGILIA UNIUS APOSTOLI

Introitus. Ps. 51.



GO autem, sicut oliva fructifera in domo Dómini, sperávi in misericórdia Dei mei : et expectábo nomen tuum, quóniam bonum est ante conspéctum sanctórum tuórum. Ps. Quid gloriáris in malítia, qui potens es in iniquitate? ̎. Glória Patri. Ego.

Oratio.

DA, quæsumus, omnipotens Deus, ut beáti N., Apóstoli tui, quam prævenimus, veneránda solémnitas, et devotiónem nobis áugeat, et salútem. Per Dóminum.

De sancta Maria. Oratio.

CONCÉDE NOS fámulos tuos, quæsumus, Dómine Deus, perpétua mentis et córporis sanitate gaudére : et gloriósa beátæ Mariæ semper virginis intercessiône, a præsénti liberári tristítia, et æténa pérfrui lætítia. Per Dóminum. (Si dicatur ultimo loco.)

Contra persecutores Ecclesiæ.

Oratio.

ECCLESIE tuæ, quæsumus, Dómine, preces placátus admitte : ut, destrúctis adversitatibus et erróribus univér-sis, secúra tibi sérviat libertáte. Per.

Vel pro Papa. Oratio.


DEUS, ómnium fidélium Pastor et Rector, fámulum tuum N., quem Pastórem Ecclesiæ tuæ præesse voluisti, propítius réspice : da ei, quæsumus,

verbo et exémplo, quibus præest, proficere ; ut ad vitam, una cum grege sibi crédito, pervéniat sempitérnam. Per Dóminum nostrum.

Lectio libri Sapiéntiæ. Eccli. 44 et 45.

BENEDICTIO Dómini super caput iusti. Ideo dedit illi Dóminus hæreditátem, et divisit illi partem in tribubus duódecim, et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et iussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Et dedit illi coram præcépta, et legem vitæ et disciplinæ : et excélsam fecit illum. Státuit ei testaméntum ætérum, et circumcinxit eum zona justitiæ, et induit eum Dóminus coronam glóriæ.

Graduale. Ps. 91. Justus ut palma florébit : sicut cedrus Libani multiplicábitur in domo Dómini. ̎. Ad annuntiándum mane misericórdiam tuam, et veritátem tuam per noctem.

 Sequéntia sancti Evangélii secúndum Joánnem. Cap. 15.

IN illo témpore : Dixit Jesus discipulis suis : Hoc est præcéptum meum, ut diligátis invicem, sicut diléxi vos. Majórem hac dilectiόνem nemo habet, ut ánimam suam ponat quis pro amicis suis. Vos amici mei estis, si fecéritis quæ ego præcípío vobis. Jam non dicam vos servos, quia servus nescit quid fáciat dóminus ejus. Vos autem dixi amicos, quia ómnia quæcúmque audivi a

Patre meo, nota feci vobis. Non vos me elegistis; sed ego elégi vos, et pòsui vos, ut eátis, et fructum afferátis, et fructus vester máneat : et quodcúmque petiéritis Patrem in nómine meo, det vobis.

Offertorium. Ps. 8. Glória et honóre coronásti eum, et constituísti eum super ópera mánuum tuárum, Dómine.

Secreta.

APOSTÓLICI reveréntia cúlminis offeréntes tibi sacra mystéria, Dómine, quæsumus, ut beáti N., Apóstoli tui, suffrágiis, ejus natalitia prævenimus, plebs tua semper et sua vota deprómat, et desideráta percípiat. Per.

De sancta Maria. Secreta.

TUA, Dómine, propitiátione, et beátæ Mariæ semper vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum. (Si dicatur ultimo loco.)

Contra persecutores Ecclesiæ.

Secreta.

PROTEGE NOS, Dómine, tuis mystériis serviéntes : ut divínis rebus inhæréntes, et córpore tibi famulémur, et mente. Per Dóminum.

Vel pro Papa. Secreta.

OBLÁTIS, quæsumus, Dómine, placáre munéribus : et fámulum tuum N., quem Pastórem Ecclesiæ tuæ præesse voluísti, assídua protectióne gubérna. Per.

Communio. Ps. 20. Magna est glória ejus in salutári tuo : glóriam et magnum decórem impónes super eum, Dómine.

Postcommunio.

SANCTI Apóstoli tui N., quæsumus, Dómine, supplicatióne placátus, et véniam nobis tribue, et remédia sempitérna concéde. Per Dóminum.

De sancta Maria. Postcommunio.

SUMPTIS, Dómine, salutis nostræ subsidíis : da, quæsumus, beátæ Mariæ semper vírginis patrocíniis nos ubique prótegi; in cujus veneratióne hæc tuæ obtúlimus Majestáti. Per Dóminum. (Si dicatur ultimo loco.)

Contra persecutores Ecclesiæ.

Postcommunio.

QUÆSUMUS, Dómine Deus noster : ut quos divína tribuis participatióne gaudére, humanís non sinas subjacére periculis. Per Dóminum.

Vel pro Papa. Postcommunio.

HÆC nos, quæsumus, Dómine, divini sacraménti percéptio prótegit : et fámulum tuum N., quem Pastórem Ecclesiæ tuæ præesse voluísti, una cum commissio sibi grege salvet semper et múniat. Per Dóminum.

¶ **In Festis Apostolorum et Evangelistarum, omnia ut suis locis in Proprio Sanctorum.**

COMMUNE

UNIUS MARTYRIS PONTIFICIS

Introitus. Eccli. 45.

STÁTUIT ei Dóminus testaméntum pacis, et principem fecit eum : ut sit illi sacerdotií dignitas in ætérnum. Ps. 131. Meménto, Dómine, David, et omnis mansuetúdinis ejus. ¶ Glória Patri. Státuit.

Oratio.

INFIRMITÁTEM nostram réspice, omnípotens Deus : et quia pondus propriæ actiόνis gravat, beáti N., Mátyris tui atque Pontificis, intercéssio gloriósa nos prótegit. Per Dóminum.

Lectio Epístolæ beáti Jacóbi Apóstoli.

Cap. 1.

CHARÍSSIMI, Beátus vir qui suffert tentatióne, quóniam cum probátus fúerit, accípiet coronam vitæ, quam repromísit Deus diligéntibus se. Nemo, cum tentátur, dicat quóniam a Deo tentátur : Deus enim intentátor malórum est : ipse autem néminem tentat. Unusquisque vero tentátur a concupiscéntia sua abstráctus et illéctus. Deinde concupiscéntia, cum concéperit, parit peccátum : peccátum vero, cum consummátum fúerit, génerat mortem. Nolite itaque erráre, fratres mei dilectíssimi. Omne datum óptimum, et omne donum perféctum desúrsum est, descendens a Patre lúminum, apud quem

non est transmutatio, nec vicissitudinis obumbratio. Voluntarie enim genuit nos verbo veritatis, ut simus initium aliquod creaturæ ejus.

Graduale. Ps. 88. Inveni David serum meum, oleo sancto meo unxi eum : manus enim mea auxiliabitur ei, et brachium meum confortabit eum. *ŷ.* Nihil proficiet inimicus in eo, et filius iniquitatis non nocēbit ei.

Allelúia, allelúia. *ŷ.* **Ps. 109.** Tu es Sacerdos in ætérnum, secúndum órđinem Melchisedech. Allelúia.

Post Septuagesimam, omissis Allelúia et *ŷ. seq.*, dicitur

Tractus. Ps. 20. Desiderium animæ ejus tribuisti ei, et voluntate labiorum ejus non fraudasti eum. *ŷ.* Quoniam prævenisti eum in benedictionibus dulcedinis. *ŷ.* Posuisti in capite ejus corónam de lapide pretioso.



Sequētia sancti Evangēlii secúndum Lucam. **Cap. 14.**

In illo tēpore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et soróres, adhuc autem et animam suam, non potest meus esse discipulus. Et qui non hájulat crucem suam, et venit post me, non potest meus esse discipulus. Quis enim ex vobis volens turrím ædificáre, non prius sedens cómputat sumptus qui necessarij sunt, si hábeat ad perficiéndum : ne, posteáquam posúerit fundaméntum, et non potúerit perficere, omnes qui vident, incipiant illúdere ei, dicéntes : Quia hic homo cœpit ædificáre, et non pótuít consummáre? Aut quis rex itúrus committere bellum advérsus álium regem, non sedens prius cógitat, si possit cum decem millibus occúrrere ei qui cum viginti millibus venit ad se? Alióquin, adhuc illo longe agénte, legatiónem mittens, rogat ea quæ pacis sunt. Sic ergo omnis ex vobis qui non renúnciat ómnibus quæ póssidet, non potest meus esse discipulus.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

HÓSTIAS tibi, Dómine, beáti N., Mártiris tui atque Pontificis, dicátas méritis, benignus assúme : et ad perpétuum nobis tribue provenire subsidium. Per Dóminum.

Communio. Ibid. Semel jurávi in sancto meo : semen ejus in ætérnum manébit, et sedes ejus sicut sol in conspéctu meo, et sicut luna perfécta in ætérnum, et testis in cœlo fidélis.

Postcommunio.

REFÉCTI participatióne múnneris sacri, quæsumus, Dómine Deus noster : ut ejus exséquimur cultum, intercedénte beáto N., Mártire tuo atque Pontifice, sentiámus efféctum. Per Dóminum.

DE EODEM COMMUNI ALIA MISSA

Introitus. Dan. 3.

SACERDÓTES Dei, benedicite Dóminum : sancti et húmiles corde, laudáte Deum. **Cant.** Benedicite, ómnia ópera Dómini, Dómino : laudáte et superexaltáte eum in sæcula. *ŷ.* Glória Patri. Sacerdótes.

Oratio.

DEUS, qui nos beáti N., Mártiris tui atque Pontificis, ánnua solemnitate lætificas : concéde propítius ; ut ejus natalitia cólimus, de ejúsdem étiam protectiόne gaudeámus. Per Dóminum.

Léctio Epístolæ beáti Pauli Apóstoli ad Corínthios. **II Cor. 1.**

FRATRES, Benedictus Deus, et Pater Dómini nostri Jesu Christi, et Pater misericordiárum, et Deus totiús consolatiónis, qui consolátur nos in omni tribulatióne nostra : ut possímus et ipsi consolári eos qui in omni pressúra sunt, per exhortatiónem qua exhortámur et ipsi a Deo. Quoniam sicut abúndant passiones Christi in nobis, ita et per Christum abúndat consolatió nostra. Sive autem tribulamur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quæ operátur tolerántiam earúndem passiónum quas et nos pátimur : ut spes nostra fir-


ma sit pro vobis; sciéntes quod sicut sócii passiónum estis, sic éritis et consolatiónis, in Christo Jesu Dómino nostro.

Graduale. Ps. 8. Glória et honóre coronásti eum. *ŷ.* Et constituísti eum super ópera mánuum tuárum, Dómine.

Allelúia, allelúia. *ŷ.* Hic est Sacérdos quem coronávit Dóminus. Allelúia.

Post Septuagesimam. omissis Allelúia et *ŷ.* seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus : generatio rectórum benedicétur. *ŷ.* Glória et vitíe in domo ejus, et justítia ejus manet in sæculum sæculi.

 Sequéntia sancti Evangélíi secúndum Matthæum. Cap. 16.

IN illo témpore : Dixit Jesus discipulis suis : Si quis vult post me venire, abneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómíni si mundum univérsum lucrétur, ánimæ vero suæ detriméntum patiátur? Aut quam dabit homo còmutatióem pro ánimá sua? Filius enim hómínis ventúrus est in glória Patris sui cum Angelis suis : et tunc reddet unicuique secúndum ópera ejus.

Offertorium. Ps. 88. Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

MÚNERA tibi, Dómine, dicáta sanctífica : et, intercedénte beáto N. Mártýre tuo atque Pontífice, per éadem nos placátus inténde. Per Dóminum.

Communio. Ps. 20. Posuísti, Dómine, in cápíte ejus corónam de lápide pretióso.

Postcommunio.

HÆC nos commúnio, Dómine, purget a crimíne : et, intercedénte beáto N., Mártýre tuo atque Pontífice, cœléstis remédii faciát esse consórtes. Per.

¶ Epistolæ et Evangelia pro Pont. et Mart. assignata, legi possunt etiam pro Mart. non Pont., et quæ infra de Mart. non Pont. habentur, etiam pro Mart. Pont. Et similiter quæ in una Missa de eodem Comm. ponuntur, dici possunt in aliis Missis de eodem Communi.

COMMUNE

UNIUS MARTYRIS NON PONTIFICIS

Introitus. Ps. 20.

IN virtúte tua, Dómine, lætábitur justus : et super salutáre tuum exsultábit veheménter : desidérium ánimæ ejus tribuísti ei. Ps. Quóniam prævenísti eum in benedictiõibus dulcédinis : posuísti in cápíte ejus corónam de lápide pretióso. *ŷ.* Glória Patri. In.

Oratio.

PRÆSTA, quæsumus, omnipotens Deus : ut qui beáti N., Mártýris tui, natalitia cõlismus, intercessiõne ejus in tui nóminis amore roborémur. Per.

Lectio libri Sapiéntiæ. Cap. 10.

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorum : honestávit illum in labóribus, et complévit labóres illíus. In fraude circumveniéntium illum ádfuit illi, et honestum fecit illum. Custodivit illum ab inimicis, et a seductóribus tutávit illum, et certámen forte dedit illi, ut vínceret, et sciret quóniam ómnium poténtior est sapiéntia. Hæc vénditum justum non dereliquit, sed a peccatóribus liberávit eum : descenditque cum illo in fóveam, et in vínculis non dereliquit illum, donec afférret illi sceptrum regni, et poténtiam advérsus eos qui eum deprímébant : et mendáces osténdit, qui maculavérunt illum : et dedit illi claritátem aetérnam Dóminus Deus noster.

Graduale. Ps. 111. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus : generatio rectórum benedicétur.

Allelúia, allelúia. *ŷ.* Ps. 20. Posuísti, Dómine, super caput ejus corónam de lápide pretióso. Allelúia.

Post Septuagesimam, omissis Allelúia et *ŷ. seq.*, dicitur

Tractus. *Ibid.* Desideríum ánimæ ejus tribuisti ei, et voluntáte labiõrum ejus non fraudasti eum. *ŷ.* Quõniam prævenisti eum in benedictiõnibus dulcèdinis. *ŷ.* Posuisti in cápite ejus corõnam de lapide pretiõso.



Sequéntia sancti Evangelíi secúndum Matthæum. *Cap. 10.*

In illo témpore : Dixit Jesus discipulis suis : Nolite arbitrári quia pacem vénerim mittere in terram : non veni pacem mittere, sed gládium. Veni enim separáre hóminem advérsus patrem suum, et filiam advérsus matrem suam, et nurrum advérsus socrum suam : et inimíci hóminis, doméstici ejus. Qui amat patrem aut matrem plus quam me, non est me dignus : et qui amat filium aut filiam super me, non est me dignus. Et qui non accipit crucem suam, et séquitur me, non est me dignus. Qui invenit ánimam suam, perdet illam : et qui perdidit ánimam suam propter me, invéniet eam. Qui récipit vos, me récipit : et qui me récipit, récipit eum qui me misit. Qui récipit Prophétam in nómine Prophétæ, mercédem Prophétæ accipiet : et qui récipit justum in nómine justí, mercédem justí accipiet. Et quicúmque potum déderit uni ex mínimis istis cálicem aquæ frigidæ tantum in nómine discipuli, amen dico vobis, non perdet mercédem suam.

Offertorium. *Ps. 8.* Glória et honóre coronásti eum, et constituísti eum super ópera mánuum tuarum, Dómine.

Secreta.

MUNÉRIBUS nostris, quæsumus, Dómine, precibúsque suscèptis, et cælestibus nos munda mystériis, et cleménter exáudi. Per Dóminum.

Communio. *Matth. 16.* Qui vult veníre post me, abneget semetípsum, et tollat crucem suam, et seqúatur me.

Postcommunio.

DA, quæsumus, Dómine Deus noster : Ut sicut, tuõrum commemoratiõne Sanctõrum, temporáli gratulámur officio, ita perpétuo lætémur aspéctu. Per.

DE EODEM COMMUNI ALIA MISSA

Introitus. *Ps. 63.*

LETÁBITUR justus in Dómino, et sperábit in eo, et laudabúntur omnes recti corde. *Ps. Exáudi,* Deus, oratiõnem meam, cum déprecor : a timóre inimíci éripe ánimam meam. *ŷ.* Glória Patri. Lætábitur.

Oratio.

PRÆSTA, quæsumus, omnípotens Deus : ut, intercedénte beáto N. Mártire tuo, et a cunctis adversitatibus liberémur in corpore, et a pravis cogitatiõnibus mundémur in mente. Per Dóminum.

Lectio Epístolæ beáti Pauli Apóstoli ad Timótheum. *II Tim. 2 et 3.*

CHARÍSSIME, Memor esto Dóminum Jesum Christum resurrexisse a mortuis ex sémine David, secúndum Evangelium meum, in quo labóro usque ad víncula, quasi male óperans : sed verbum Dei non est alligátum. Ideo ómnia sustíneo propter eléctos, ut et ipsi salutem consequántur, quæ est in Christo Jesu, cum glória cælesti. Tu autem assecútus es meam doctrínam, institutiõnem, propósitum, fidem, longanimitátem, dilectiõnem, patiéntiam, persecutiõnes, passiõnes, quália mihi facta sunt Antiochiæ, Iconii et Lystris : quales persecutiõnes sustinui, et ex ómnibus erípuit me Dóminus. Et omnes qui pie volunt vívere in Christo Jesu, persecutiõnem patiéntur.

Graduale. *Ps. 36.* Justus, cum ceciderit, non collidétur, quia Dóminus suppõnit manum suam. *ŷ.* Tota die miserétur et cõmodat : et semen ejus in benedictiõne erit.

Allelúia, allelúia. *ŷ. Joan. 8.* Qui séquitur me, non ámbulat in ténebris, sed habébit lumen vitæ æternæ. Allelúia.

Post Septuagesimam, omissis Allelúia et *ŷ. seq.*, dicitur

Tractus. *Ps. 111.* Beátus vir qui timet Dóminum : in mandátis ejus cupit

nimis. **Ÿ.** Potens in terra erit semen ejus : generatio rectórum benedicetur. **Ÿ.** Glória et divitiæ in domo ejus : et justitia ejus manet in sæculum sæculi.



Sequéntia sancti Evangélii secundum Matthæum. **Cap. 10.**

In illo témpore : Dixit Jesus discipulis suis : Nihil est opértum quod non revelábitur, et occúltum quod non sciétur. Quod dico vobis in ténebris, dicite in lúmine : et quod in aure auditis, prædicáte super tecta. Et nolite timére eos qui occidunt corpus, ánimam autem non possunt occidere : sed pótius timéte eum qui potest et ánimam et corpus pèrdere in gehénnam. Nonne duo pásseres asse véneunt, et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére : multis passéribus meliôres estis vos. Omnis ergo qui confitébitur me coram hominibus, confitébor et ego eum coram Patre meo, qui in cœlis est.

Offertorium. Ps. 20. Posuísti, Dómine, in cápite ejus coronam de lápide pretiósio : vitam pétiit a te, et tribuísti ei, allelúia.

Secreta.

ACCÉPTA sit in conspéctu tuo, Dómine, nostra devótio : et ejus nobis fiat supplicatióne salutáris, pro cujus sollemnitate defértur. Per Dóminum.

Communio. Joan. 12. Qui mihi ministrat, me sequátur : et ubi sum ego, illic et mínister meus erit.

Postcommunio.

REFÉCTI participatióne múnieris sacri, quæsumus, Dómine Deus noster : ut cujus exséquimur cultum, intercedénte beáto N., Mártire tuo, sentiámus efféctum. Per Dóminum.

¶ Item aliæ Epistolæ et Evangelium in Comm. unius Mart.

Léctio Epistolæ beáti Jacóbi Apóstoli.

Cap. 1.

CHARÍSSIMI, Omne gáudium existímáte cum in tentatiónes várias incidéritis :

sciéntes quod probátio fidei vestræ patiéntiam operátur. Patiéntia autem opus perféctum habet, ut sitis perfécti et íntegri, in nullo deficientes. Si quis autem vestrum indiget sapiéntia, póstulet a Deo, qui dat ómnibus affluénter, et non impróperat : et dábitur ei. Póstulet autem in fide nihil hæsítans ; qui enim hæsítat, similis est flúctui maris, qui a vento movétur, et circumfértur. Non ergo aestimet homo ille quod accípiat áliquid a Dómino. Vir duplex ánimo, incónstans est in ómnibus viis suis. Gloriétur autem frater húmilis in exaltatióne sua, dives autem in humilitáte sua, quóniam sicut flos feni transibit. Exórtus est enim sol cum ardóre, et arefécit fenum, et flos ejus décidit, et decor vultus ejus depéruit ; ita et dives in itinéribus suis marcéscet. Beátus vir qui suffert tentatióne : quóniam cum probátus fúerit, accípiet coronam vitæ, quam repromísit Deus diligéntibus se.

Epistola Communicántes Christi passióne, habetur in Festo SS. Gervasii et Protasii, Mart., die 19 Junii.

Evang. Nisi granum fruménti, habetur in Festo S. Laurentii, die 10 Augusti.

COMMUNE MARTYRUM

TEMPORE PASCHALI

DE UNO MARTYRE

Introitus. Ps. 63.

PROTEXÍSTI me, Deus, a convéntu malignántium, allelúia : a multitúdine operántium iniquitátem, allelúia, allelúia. Ps. Exáudi, Deus, oratióne meam, cum déprecor : a timóre inimíci éripe ánimam meam. **Ÿ.** Glória Patri. Protexísti.

Pro Mártire et Pontifice.

Oratio.

INFIRMITÁTEM nostram réspice, omnípotens Deus : et quia pondus próprie actionis gravat, beáti N. Mártiris tui atque Pontificis, intercessió gloriósa nos próteget. Per Dóminum.

Pro Martyre et Pontifice.

Alia Oratio.

DEUS, qui nos beáti N., Mátyris tui atque Pontificis, ánnua solemnitate lætificas : concéde propitiús ; ut ejus natalitia cólimus, de ejúsdem etiám protectione gaudeámus. Per Dóminum nostrum.

Pro Martyre tantum.

Oratio.

PRÆSTA, quæsumus, omnipotens Deus : ut qui beáti N., Mátyris tui, natalitia cólimus, intercessióne ejus in tui nóminis amore roborémur. Per Dóminum nostrum.

Pro Martyre tantum.

Alia Oratio.

PRÆSTA, quæsumus, omnipotens Deus : ut, intercedente beáto N., Mátyre tuo, et a cunctis adversitatibus liberémur in córpore, et a pravis cogitationibus mundémur in mente. Per Dóminum nostrum.

Lectio libri Sapientie. Cap. 3.

STABUNT iusti in magna constantia adversus eos qui se angustiarunt, et qui abstulerunt labores eorum. Videntes turbabuntur timore horribili, et mirabuntur in subitacione insperate salutis, dicentes intra se, poenitentiam agentes, et pre angustia spiritus gementes : Hi sunt quos habuimus aliquando in derisum et in similitudinem improperii. Nos insensati, vitam illorum aestimabamus insaniam, et finem illorum sine honore : ecce quomodo computati sunt inter filios Dei, et inter sanctos sors illorum est.

¶ Vel Epistola beati Pauli Apostoli ad Timotheum, Memor esto, ut supra in Comm. unius Mart. extra Tempus Paschale. 3*.

Allelúia, allelúia. *ŷ. Ps. 88.* Confitebuntur cœli mirabilia tua, Dómine : etenim veritatem tuam in Ecclesia sanctorum. Allelúia. *ŷ. Ps. 20.* Posuisti, Dómine, super caput ejus coronam de lapide pretioso. Allelúia.



Sequentia sancti Evangelii secundum Joannem. Cap. 13.

IN illo tempore : Dixit Jesus discipulis suis : Ego sum vitis vera, et Pater meus agricola est. Omnem palmitem in me non ferentem fructum, tollet eum : et omnem qui fert fructum, purgabit eum, ut fructum plus afferat. Jam vos mundi estis propter sermonem quem locutus sum vobis. Manete in me, et ego in vobis. Sicut palmes non potest ferre fructum a semetipso, nisi manserit in vite : sic nec vos, nisi in me manseritis. Ego sum vitis, vos palmites : qui manet in me, et ego in eo, hic fert fructum multum : quia sine me nihil potestis facere. Si quis in me non manserit, mittetur foras sicut palmes, et arescet, et colligent eum, et in ignem mittent, et ardet. Si manseritis in me, et verba mea in vobis manserint, quodcumque volueritis, petetis, et fiet vobis.

Offertorium. Ps. 88. Confitebuntur cœli mirabilia tua, Dómine, et veritatem tuam in Ecclesia sanctorum, allelúia, allelúia.

Pro Martyre et Pontifice.

Secreta.

HÓSTIAS tibi, Dómine, beáti N., Mátyris tui atque Pontificis, dicatas méritis, benignus assume : et ad perpetuum nobis tribue provenire subsidium. Per Dóminum.

Pro Martyre et Pontifice.

Alia Secreta.

MÚNERA tibi, Dómine, dicata sanctifica : et intercedente beáto N., Mátyre tuo atque Pontifice, per eadem nos placatus inténde. Per Dóminum nostrum.

Pro Martyre tantum.

Secreta.

MUNÉRIBUS nostris, quæsumus, Dómine, precibusque susceptis, et cœlestibus nos munda mysteriis, et clementer exaudi. Per Dóminum.

Pro Martyre tantum.

Alia Secreta.

ACCÉPTA sit in conspectu tuo, Dómine, nostra devotio : et ejus nobis fiat

supplicatióne salutáris, pro cuius solemnitáte defértur. Per Dóminum nostrum.

Communio. Ps. 63. Lætábitur justus in Dómino, et sperábit in eo : et laudabúntur omnes recti corde, allelúia.

Pro Martyre et Pontifice.

Postcommunio.

REFÉCTI participatióne múnieris sacri, quæsumus, Dómine Deus noster : ut cuius exsequimur cultum, intercedente beáto N., Mártire tuo atque Pontifice, sentiámus effectum. Per Dóminum nostrum.

Pro Martyre et Pontifice.

Alia Postcommunio.

HÆC nos commúnio, Dómine, purget a crimine : et intercedente beáto N., Mártire tuo atque Pontifice, cœlestis remédii faciat esse consórtes. Per Dóminum.

Pro Martyre tantum.

Postcommunio.

DA, quæsumus, Dómine Deus noster : ut sicut, tuórum commemoratióne Sanctorum, temporáli gratulamur officio, ita perpétuo lætémur aspéctu. Per Dóminum.

Pro Martyre tantum.

Alia Postcommunio.

REFÉCTI participatióne múnieris sacri, quæsumus, Dómine Deus noster : ut cuius exsequimur cultum, intercedente beáto N., Mártire tuo, sentiámus effectum. Per Dóminum.

¶ Epístola et Evangelium supradictæ Missæ dicuntur etiam in seq. Missa; et quæ in seq. habentur, dici possunt in superiori.

DE PLURIBUS MARTYRIBUS

TEMPORE PASCHALI

Introitus. Ps. 144.

SANCTI tui, Dómine, benedicent te : glóriam regni tui dicent, allelúia, allelúia. Ps. Exaltábo te, Deus meus Rex : et benedicam nómini tuo in sæculum, et in sæculum sæculi. ʒ. Glória Patri. Sancti tui.

Pro pluribus Martyribus Pontificibus.

Oratio.

BEATÓRUM Mátyrum paritérque Pontificum N. et N. nos, quæsumus, Dómine, festa tueántur : et eórum coméndet orátio veneránda. Per Dóminum nostrum.

Pro pluribus Martyribus tantum.

Oratio.

DEUS, qui nos concédís sanctorum Mátyrum tuorum N. et N. natalitia cólere : da nobis in ætérna beatitúdine de eórum societáte gaudére. Per Dóminum.

Pro pluribus Martyribus.

Alia Oratio.

DEUS, qui nos ánnua sanctorum Mátyrum tuorum N. et N. solemnitáte lætificas : concéde propítius ; ut quorum gaudémus méritis, accendámur exémpulis. Per Dóminum.

Lectio Epistolæ beáti Petri Apóstoli.

I Petr. 1.

BENEDICTUS Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditatem incorruptibilem, et incontaminátam, et immarcescibilem, conservátam in cœlis in vobis, qui in virtúte Dei custodimini per fidem in salutem, parátam revelári in témpore novíssimo. In quo exsultábitis, módicum nunc si opórtet contristári in váriis tentatióibus : ut probatio vestræ fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

Allelúia, allelúia. ʒ. Sancti tui, Dómine, florébunt sicut lílium, et sicut odor bálsami erunt ante te. Allelúia. ʒ. Ps. 115. Pretiósia in conspéctu Dómini mors sanctorum ejus. Allelúia.

Sequéntia sancti Evangélii secúndum Joánnem. Cap. 15.

In illo témpore : Dixit Jesus discipulis suis : Ego sum vitis, vos pálmities : qui manet in me, et ego in eo, hic fert fructum multum : quia sine me nihil

potéstis fácere. Si quis in me non mánserit, mittétur foras sicut palmes, et aréscet, et cóllicant eum, et in ignem mittent, et ardet. Si manséritis in me, et verba mea in vobis mánserint, quodcúmque volúeritis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámini mei discipuli. Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea, sicut et ego Patris mei præcépta servávi, et máneo in ejus dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Offertorium. Ps. 31. Lætámini in Dómino, et exultáte, justí : et glóriámini, omnes recti corde, allelúia, allelúia.

Pro pluribus Martyribus Pontificibus.

Secreta.

ADÉSTO, Dómine, supplicatióibus nostris, quas in Sanctórum tuórum commemoratióne deférimus : ut qui nostræ justitiæ fidúciám non habémus, eórum qui tibi placuérunt, méritis adjuvémur. Per Dóminum.

Pro pluribus Martyribus tantum.

Secreta.

MÚNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, redántur. Per Dóminum.

Pro pluribus Martyribus.

Alia Secreta.

OBLÁTIS, quæsumus, Dómine, placáre munéribus : et intercedéntibus sanctis Martyribus tuis N. et N., a cunctis nos defénde periculis. Per Dóminum.

Communio. Ps. 32. Gaudéte, justí, in Dómino, allelúia : rectos decet collaudátió, allelúia.

Pro pluribus Martyribus Pontificibus.

Postcommunio.

QUÆSUMUS, Dómine, salutáribus repléti mystériis : ut quorum solémnia celebrámus, eórum oratióibus adjuvémur. Per Dóminum.

Pro pluribus Martyribus tantum.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis N. et N. : ut quod ore contingimus, pura mente capiámus. Per Dóminum nostrum.

Pro pluribus Martyribus.

Alia Postcommunio.

HÆC nos commúnio, Dómine, purget a crimine : et intercedéntibus sanctis Martyribus tuis N. et N., cœléstis remédii faciát esse consórtes. Per.

¶ In Comm. Mart. Temp. Pasch., alia Epistola et Evangelium.

Epistola Post hæc ego Joánnes, habetur in Festo SS. Soteris et Caii, Pont. et Mart., 22 Aprilis.

Evangelium Amen, amen dico vobis, quia plorábitis, habetur in Festo S. Aniceti, Papæ et Mart., 17 Aprilis.

¶ In Comm. Conf. et Virg., et in aliis Missis, Temp. Pasch., omnia dicuntur ut infra, addito in Introitu ante Ps. duplici allelúia, et in fine Offertorii et Communio- nis uno allelúia, ubi non habetur : et omisso Graduali, dicuntur duo versus cum quatuor allelúia, ut in suis locis ponitur.

COMMUNE PLURIMORUM MARTYRUM

EXTRA TEMPUS PASCHALE

Introitus. Ps. 78.

INTRET in conspéctu tuo, Dómine, gémitus compeditórum : redde vicinis nostris séptuplum in sinu eórum : vindica sánguinem Sanctórum tuórum, qui effúsus est. Ps. Deus, venérunt gentes in hæreditátem tuam : polluérent templum sauctum tuum : posuérunt Jerúsalem in pomórum custódiám. ʒ. Glória Patri. Intret.

Pro pluribus Martyribus Pontificibus.

Oratio.

BEATÓRUM Mártyrum paritérque Pontificum N. et N., nos, quæsumus, Dómine, festa tueántur : et eórum coméndet oratió veneránda. Per Dóminum nostrum.

¶ Si non fuerint Pontifices, dicitur Oratio ut in seq. Missa.

Lectio libri Sapiéntiæ. Cap. 3.


JUSTÓRUM ánimæ in manu Dei sunt, et non tanget illos torméntum mortis. Visi sunt óculis insipiéntium mori : et æstimáta est afflictio éxitus illórum : et quod a nobis est iter, exterminium : illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis bene disponéntur : quóniam Deus tentávit eos, et invént illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt justí, et tamquam scintillæ in arundinétio discúrrunt. Judicábunt nátiões, et dominabúntur pópulis, et regnábít Dóminus illórum in perpétuum.

Graduale. Exodi 15. Gloriósus Deus in Sanctis suis : mirábilis in majestáte, fáciens prodigia. **ŷ.** Dêxtera tua, Dómine, glorificáta est in virtúte : dêxtera manus tua confrégit inimícos.

Allelúia, allelúia. **ŷ. Eccli. 44.** Córpora Sanctórum in pace sepúlta sunt, et nómina eórum vivent in generatióem et generatióem. Allelúia.

Post-Septuagesimam, omissis Allelúia et ŷ. seq., dicitur

Tractus. Ps. 125. Qui séminant in lácrymis, in gáudio metent. **ŷ.** Eúntes ibant et flebant, mitténtes sémina sua. **ŷ.** Veniéntes autem vénient cum exultatióne, portántes manipulos suos.

 Sequéntia sancti Evangélíi secúndum Lucam. **Cap. 21.**

IN illo témpore : Dixit Jesus discipulis suis : Cum audiéritis prælia et sedi-tiões, nolite terréri : opórtet primum hæc fieri, sed nondum statim finis. Tunc dicébat illis : Surget gens contra gentem, et regnum advérsus regnum. Et terræmótus pagni erunt per loca, et pestiléntiæ, et fames, terrorésque de celo, et signa magna erunt. Sed ante hæc ómnia injiciént vobis manus suas, et persequéntur tradéntes in synagógas et custódias, trahéntes ad reges et præsides propter nomen meum. Continget autem vobis in testimónium. Pónite

ergo in córdibus vestris non præmeditári quemádmódum respondeátis. Ego enim dabo vobis os, et sapiéntiam, cui non póterunt resistere et contradicere omnes adversárii vestri. Tradémini autem a paréntibus, et frátribus, et cognátis, et amicis, et morte afficient ex vobis : et éritis ódio ómnibus propter nomen meum : et capillus de cápíte vestro non peribit. In patientia vestra possidebítis ánimas vestras.

Offertorium. Ps. 67. Mirábilis Deus in Sanctis suis : Deus Israel ipse dabit virtútem et fortitúdinem plebi suæ : benedíctus Deus, allelúia.

Secreta.

ADÉSTO, Dómine, supplicatióibus Astris, quas in Sanctórum tuórum commemoratióne deférimus : ut qui nostræ justitiæ fidúciã non habémus, eórum qui tibi placuérunt méritis adjuvémur. Per.

Communio. Sap. 3. Et si coram homínibus torménta passi sunt, Deus tentávit eos : tamquam aurum in fornáce probávit eos, et quasi holocáusta accépit eos.

Postcommunio.

QUÆSUMUS, Dómine, salutáribus repléti mystériis : ut quorum solémnia celebrámus, eórum oratióibus adjuvémur. Per Dóminum.

DE EODEM COMMUNI ALIA MISSA**Introitus. Eccli. 44.**

SAPIÉNTIAM sanctórum narrent pópuli, et laudes eórum nuntiet Ecclesiã : nómina autem eórum vivent in sæculum sæculi. **Ps. 32.** Exultáte, justí, in Dómino : rectos decet collaudatio. **ŷ.** Glória Patri. Sapiéntiam.

Oratio.

DEUS, qui nos concédis sanctórum Mártyrum tuórum N. et N. natalitia cólere : da nobis in ætérna beatitúdi-ne de eórum societáte gaudére. Per Dóminum.

¶ Si fuerint Pontifices, dicatur Oratio præcedentis Missæ; quod et in sequentibus servetur.

Lectio libri Sapiéntiæ. Cap. 5.

JUSTI autem in perpétuum vivent, et apud Dóminum est merces eórum, et

cogitatio illórum apud Altíssimum. Ideo accipient regnum decóris, et diadéma speciéi de manu Dómini : quóniam dextera sua teget eos, et bráchio sancto suo deféndet illos. Accipiet armatúram zelus illius, et armábit creatúram ad ultiónem inimicórum. Induet pro thoráce justitiam, et accipiet pro gálea iudícium certum. Sumet scutum inexpugnábile, æquitátem.

Graduale. Ps. 123. Anima nostra, sicut passer, erépta est de láqueo venántium. **ŷ.** Láqueus contritus est, et nos liberáti sumus : adjutórium nostrum in nómine Dómini, qui fecit cælum et terram.

Allelúia, allelúia. **ŷ. Ps. 67.** Justi epuléntur, et exsúltent in conspéctu Dei : et delecténtur in lætítia. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 125. Qui séminant in lácrymis, in gáudio metent. **ŷ.** Eúntes ibant et flebant, mitténtes sémina sua. **ŷ.** Veniéntes autem vénient cum exsultatióne, portántes manipulos suos.



Sequéntia sancti Evangélli secúndum Lucam. **Cap. 6.**

In illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audirent eum, et sanaréntur a languóribus suis. Et qui vexabántur a spiritibus immúndis, curabántur. Et omnis turba quærébat eum tángere : quia virtus de illo exibat, et sanábat omnes. Et ipse, elevátis óculis in discipulos suos, dicébat : Beáti páuperes, quia vestrum est regnum Dei. Beáti qui nunc esurítis, quia saturabímmini. Beáti qui nunc fletis, quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tanquam malum, propter Filium hóminis. Gaudéte in illa die, et exsultáte : ecce enim merces vestra multa est in cælo.

Offertorium. Ps. 149. Exsultábunt Sancti in glória, lætabúntur in cubilibus

suis : exaltatiónes Dei in fáucibus eórum, allelúia.

Secreta.

MÚNERA tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per.

Communio. Luc. 12. Dico autem vobis amicis meis : Ne terreámini ab his qui vos persequúntur.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis **N.** et **N.** : ut quod ore contingimus, pura mente capiámus. Per Dóminum.

DE EODEM COMMUNI ALIA MISSA

Introitus. Ps. 36.

SALUS autem justórum a Dómino, et protéctor eórum est in témpore tribulatiónis. **Ps.** Noli æmulári in malignántibus, neque zeláveris faciéntes iniquitátem. **ŷ.** Glória Patri. Salus autem.

Oratio.

DEUS, qui nos ánnua sanctórum Mártýrum tuórum **N.** et **N.** solemnitáte lætíficas : concéde propítius ; ut quorum gaudémus méritis, accendámur exémpis. Per Dóminum.

Lectio Epistolæ beáti Pauli Apóstoli ad Hebræos. **Cap. 10.**

FRATRES, Rememorámini prístinos dies, in quibus illumináti, magnum certámen sustinuístis passiónum : et in áltero quidem, oppróbriis et tribulatióibus spectáculum facti : in áltero autem sócii táliter conversántium effécti. Nam et vinctis compássi estis, et rapinam bonórum vestrórum cum gáudio suscepístis, cognoscéntes vos habére meliorem et manéntem substántiam. Nolite itaque amittere confidéntiam vestram, quæ magnam habet remuneratióem. Patiéntia enim vobis necessariá est, ut voluntátem Dei faciéntes, reportétis promissióem. Adhuc enim módicum aliquántulum, qui ventúrus est véniet, et non tardábit. Justus autem meus ex fide vivit.

Graduale. Ps. 33. Clamavérunt justí,

et Dóminus exaudivit eos, et ex ómnibus tribulatióibus eórum liberávit eos. *ŷ.* Juxta est Dóminus his qui tribuláto sunt corde, et húmiles spírítu salvábit.

Allelúia, allelúia. *ŷ.* Te Mártýrum candidátus laudat exércitus, Dómine. Allelúia.

Post Septuagesimam, omisiss Allelúia et *ŷ.* seq., dicitur

Tractus. Ps. 123. Qui séminant in lácrymis, in gáudio metent. *ŷ.* Eúntes ibant et flebant, mitténtes sémína sua. *ŷ.* Veniéntes autem vénient cum exsultatióne, portántes manípulos suos.



Sequéntia sancti Evangélii secúndum Matthæum. Cap. 24.

In illo témpore : Sedénte Jesu super montem Olivéti, accessérunt ad eum discipuli secréto, dicéntes : Dic nobis quando hæc erunt? et quod signum adventus tui, et consummationis sæculi? Et respóndens Jesus, dixit eis : Vidéte ne quis vos seducat. Multi enim vénient in nómine meo, dicéntes : Ego sum Christus : et multos sedúcent. Auditóri enim estis prælia, et opiniónes præliórum. Vidéte ne turbémini. Opórtet enim hæc fieri, sed nondum est finis. Consúrget enim gens in gentem, et regnum in regnum, et erunt pestiléntiæ, et fames, et terræmótus per loca. Hæc autem ómnia initia sunt dolórum. Tunc tradent vos in tribulatiónem, et occident vos : et éritis ódio ómnibus géntibus propter nomen meum. Et tunc scandalizabúntur multi, et invicem tradent, et ódio habébúnt invicem. Et multi pseudoprophétæ surgent, et sedúcent multos. Et quóniam abundávit iniquitas, refrigescet charitas multórum. Qui autem perseveráverit usque in finem, hic salvus erit.

Offertorium. Sap. 3. Justórum ánimæ in manu Dei sunt, et non tanget illos torméntum malitiæ : visi sunt óculis insipientium mori : illi autem sunt in pace, allelúia.

Secreta.

OBLÁTIS, quæsumus, Dómine, placáre munéribus : et intercedéntibus san-

ctis Martyribus tuis N. et N. a cunctis nos defénde perículis. Per Dóminum.

Communio. Matth. 10. Quod dico vobis in ténebris, dicite in lúmine, dicit Dóminus : et quod in aure auditis, prædicáte super tecta.

Postcommunio.

HÆC nos commúnio, Dómine, purget a crimine : et intercedéntibus sanctis Martyribus tuis N. et N., cœléstis remédii faciát esse consórtes. Per.

¶ Item aliæ Epistolæ et Evangelia pro pluribus Martyribus :

Epistola Réddidit Deus justis mercédem, habetur in Festo SS. Mart. Nazarii et Soc., 28 Julii.

Epistola Justificáti ex fide, habetur in Festo SS. Marci et Marcelliani, Mart., 18 Junii.

Epistola Non sunt condígnæ passiónes, habetur in Festo SS. Mart. Tryphonis et Sociorum, 10 Novembris.

Epistola Exhibeámus nosmetipsos, habetur in Festo SS. Abdon et Sennen, Mart., 30 Julii.

Epistola Sancti per fidem, habetur in Festo SS. Mart. Fabiani et Sebastiani, 20 Januarii.

Epistola Respóndit unus de senióribus, habetur in Festo SS. Mart. Mauritií et Sociorum, 22 Septembris.

Evang. Videns Jesus turbas, habetur in Festo Omnium Sanct., 1 Novembris.

Evang. Confiteor tibi, Pater, habetur in Festo S. Francisci, Conf., 4 Octobris.

Evangelium Væ vobis qui ædificátis, habetur in Festo SS. Mart. Marci et Marcelliani, 18 Junii.

Evangelium Qui vos audit, habetur in Festo SS. Mart. Viti et Soc., 13 Junii.

Evangelium Atténdite a ferméto pharisæórum, habetur in Festo SS. Mart. Dionysii et Sociorum, 9 Octobris.

COMMUNE CONFESSORIS PONTIFICIS

Introitus. Eccl. 43.

STÁTUIT ei Dóminus testaméntum pacis, et princípem fecit eum, ut sit illi sacerdotií dignitas in ætérnum (T. P., allelúia, allelúia). Ps. 131. Me-

ménto, Dómine, David, et omnis mansuetúdinis ejus. *ŷ.* Glória Patri. Státuit.

Oratio.

DA, quæsumus, omnipotens Deus : ut beáti *N.*, Confessoris tui atque Pontificis, veneránda solémnitas, et devotíonem nobis áugeat, et salútem. Per Dóminum.

Léctio libri Sapiéntiæ. *Eccli. 44 et 45.*

ECCE Sacérdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnovit eum in benedictiónibus suis : conservávit illi misericórdiam suam, et invénit grátiam coram óculis Dómini. Magnificávit eum in conspéctu regum, et dedit illi corónam glóriæ. Státuit illi testaméntum aetérnum, et dedit illi sacerdotium magnum, et beatificávit illum in glória : fungi sacerdotio, et habére laudem in nómine ipsius : et offérre illi incénsum dignum, in odórem suavitatís.

Graduale. Eccli. 44. Ecce Sacérdos magnus, qui in diébus suis plácuít Deo. *ŷ.* Non est invéntus símilis illi, qui conserváret legem Excélsi.

Allelúia, allelúia. ŷ. Ps. 109. Tu es Sacérdos in aetérnum, secúndum órđinem Melchisedech. *Allelúia.*

Post Septuagesimam, omissis Allelúia et ŷ. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus : generátio rectórum benedicétur. *ŷ.* Glória et divitiæ in domo ejus, et justítia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. ŷ. Ps. 109. Tu es Sacérdos in aetérnum, secúndum órđinem Melchisedech. *Allelúia. ŷ.* Hic est Sacérdos quem coronávit Dóminus. *Allelúia.*



Sequéntia sancti Evangélii secúndum Matthæum. *Cap. 25.*

IN illo témpore : Dixit Jesus discipulis suis parabolam hanc : Homo peregere proficiéscens vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuique secúndum própriam virtútem; et profectus est statim. Abiit autem qui quinque talénta accéperat, et operátus est in eis, et lucrátus est ália quinque. Similiter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratió-nem cum eis. Et accédens qui quinque talénta accéperat, obtulit ália quinque talénta, dicens : Dómine, quinque talénta tradidisti mihi, ecce ália quinque superlucrátus sum. Ait illi dóminus ejus : Euge, serve bone et fidélis, quia super pauca fuísti fidélis, super multa te constituam : intra in gáudium dómini tui. Accéssit autem et qui duo talénta accéperat, et ait : Dómine, duo talénta tradidisti mihi, ecce ália duo lucrátus sum. Ait illi dóminus ejus : Euge, serve bone et fidélis, quia super pauca fuísti fidélis, super multa te constituam : intra in gáudium dómini tui.

Offertorium. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum (*T. P., allelúia*).

Secreta.

SANCTI tui, quæsumus, Dómine, nos ubique lætificent : ut dum eórum mérita recólimus, patrocínia sentiámus. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram (*T. P., allelúia*).

Postcommunio.

PRÆSTA, quæsumus, omnipotens Deus : ut de percéptis munéribus grátias exhibéntes, intercedénte beáto *N.*, Con-

fessore tuo atque Pontifice, beneficia potiora sumamus. Per Dominum.

DE EODEM COMMUNI ALIA MISSA

Introitus. Ps. 131.

SACERDOTES tui, Domine, induant iustitiam, et sancti tui exsultent: propter David servum tuum non avertas faciem Christi tui (T. P., alleluia, alleluia). Ps. Meménto, Domine, David, et omnis mansuetudinis ejus. *ŷ.* Glória Patri. Sacerdotes.

Oratio.

EXAUDI, quæsumus, Domine, preces nostras, quas in beati N., Confessoris tui atque Pontificis, solemnitate deférimus: et qui tibi digne méruit famulari, ejus intercedéntibus méritis, ab ómnibus nos absolve peccátis. Per.

Lectio Epistolæ beati Pauli Apóstoli ad Hebræos. Cap. 7.

FRATRES, Plures facti sunt sacerdotes, idécirco quod morte prohiberentur permanere: Jesus autem, eo quod maneat in ætérnum, sempitérnum habet sacerdotium. Unde et salvare in perpetuum potest accedéntes per semetipsum ad Deum, semper vivens ad interpellándum pro nobis. Talis enim decébat ut nobis esset Póntifex, sanctus, innocens, impollútus, segregátus a peccatóribus, et excélsior cœlis factus: qui non habet necessitatem quotidie, quemádmódum sacerdotes, prius pro suis delictis hóstias offerre, deinde pro pópuli: hoc enim fecit semel, seipsum offeréndo, Jesus Christus Dóminus noster.

Graduale. Ps. 131. Sacerdotes ejus induam salutári, et sancti ejus exultatióne exsultábunt. *ŷ.* Illuc producám cornu David, parávi lucérnam Christo meo.

Alleluia, alleluia. *ŷ.* Ps. 109. Jurávit Dóminus, et non penitébit eum: Tu es Sacérdos in ætérnum, secúndum órđinem Melchisedech. Alleluia.

Post Septuagesimam, omissis Alleluia et *ŷ.* seq., dicitur

Tractus. Ps. 111. Beátus vir qui timet Dóminum: in mandátis ejus cupit nimis. *ŷ.* Potens in terra erit semen

ejus: generatio rectórum benedicétur. *ŷ.* Glória et divitiæ in domo ejus, et justitia ejus manet in sæculum sæculi.

Tempore Paschali omittitur Graduale, et ejus loco dicitur

Alleluia, alleluia. *ŷ.* Ps. 109. Jurávit Dóminus, et non penitébit eum: Tu es Sacérdos in ætérnum, secúndum órđinem Melchisedech. Alleluia. *ŷ.* Eccli. 45. Amávit eum Dóminus, et ornávit eum: stolam glóriæ induit eum. Alleluia.



Sequéntia sancti Evangélii secúndum Matthæum. Cap. 24.

IN illo témpore: Dixit Jesus discípulis suis: Vigilate, quia nescitis qua hora Dóminus vester ventúrus sit. Illud autem scitôte, quóniam, si sciret paterfamilias qua hora fur ventúrus esset, vigiláret úti-que, et non sineret pérfodi domum suam. Ideo et vos estôte paráti, quia qua nescitis hora Filius hóminis ventúrus est. Quis, putas, est fidélis servus et prudens, quem constituit dóminus suus super familiam suam, ut det illis cibum in témpore? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus (T. P., alleluia).

Secreta.

SANCTI N., Confessoris tui atque Pontificis, quæsumus, Domine, ánnua solémnitas pietáti tuæ nos reddat accéptos: ut per hæc piæ placatiónis officia, et illum beáta retribútió comitétur, et nobis grátiæ tuæ dona conciliet.

Communio. Matth. 24. Beátus servus quem, cum vénerit Dóminus, invénerit vigilántem: amen dico vobis, super ómnia bona sua constituet eum (T. P., alleluia).

Postcommunio.

DEUS, fidélium remunerátor animárum, præsta: ut beati N., Confessoris tui atque Pontificis, ejus venerándam celebrámus festivitatém, précibus indulgéntiam consequámur. Per.

¶ Item aliæ Epistolæ et Evangelia pro Confessore Pontifice :

Epistola Omnis Póntifex, habetur in Festo sancti Callisti, Papæ et Mart., 14 Oct.

Epistola Mementóte præpositórum vestrórum, habetur in Festo S. Nicolai, Episc. et Conf., 6 Decembris.

Evangelium Nemo lucérnam accéndit, habetur in Festo S. Martini, Episc. et Conf., 11 Novembris.

Evangelium Vidéte, vigiláte et oráte, habetur infra in Anniversario electionis seu consecrationis Episcopi.

COMMUNE DOCTORUM

Introitus. Eccli. 15.

IN médio Ecclesiæ aperuit os ejus, et implévit eum Dóminus spiritu sapiéntiæ et intelléctus : stolam glóriæ induit eum (T. P., allelúia, allelúia). Ps. 91. Bonum est confitéri Dómino, et psállere nómini tuo, Altissime. ̃. Glória Patri. In médio.

Oratio.

DEUS, qui pópulo tuo æternæ salútis beátum N. ministrum tribuísti : præsta, quæsumus; ut quem doctórem vitæ habúimus in terris, intercessórem habére mereámur in cœlis. Per Dóminum.

Lectio Epistolæ beáti Pauli Apóstoli ad Timótheum. II Tim. 4.

CHARÍSSIME, Testificor coram Deo et Jesu Christo, qui judicatúrus est vivos et mórtuos, per advéntum ipsius, et regnum ejus : prædica verbum, insta opportúne, importúne : árgue, óbseca, íncrepa in omni patiéntia et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magistros pruriéntes áuribus : et a veritaté quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim jam delibor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ,

quam reddet mihi Dóminus in illa die justus judex : non solum autem mihi, sed et iis qui diligunt advéntum ejus.

Graduale. Ps. 36. Os justí meditábitur sapiéntiam, et lingua ejus loquétur júdicium. ̃. Lex Dei ejus in corde ipsius : et non supplantabúntur gressus ejus.

Allelúia, allelúia. ̃. Eccli. 45. Amávit eum Dóminus, et ornávit eum : stolam glóriæ induit eum. Allelúia.

Post Septuagesimam, omissis Allelúia et ̃. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. ̃. Potens in terra erit semen ejus : generatio rectórum benedicétur. ̃. Glória et divitiæ in domo ejus, et justitia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. ̃. Eccli. 45. Amávit eum Dóminus, et ornávit eum : stolam glóriæ induit eum. Allelúia. ̃. Osee 14. Justus germinábit sicut lílium, et florébit in ætérnum ante Dóminum. Allelúia.



Sequéntia sancti Evangélli secundum Matthæum. Cap. 5.

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculeétur ab homínibus. Vos estis lux mundi. Non potest civitas abscondi supra montem pósita. Neque accubunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut videant ópera vestra bona, et glorificent Patrem vestrum qui in cœlis est. Nolíte putáre quóniam veni sólvare Legem aut Prophétas : non veni sólvare, sed adimplére. Amen quippe dico vobis, donec tránseat cœlum et terra, ióta unum, aut unus apex non præteribit a Lege, donec ómnia fiant. Qui ergo sólvérat unum de mandátis istis mínimis, et docúerit sic hómines, mínimus vocábitur in regno cœlórum : qui autem fécerit et docúerit, hic magnus vocábitur in regno cœlórum.

Offertorium. Ps. 91. Justus ut palma florébit : sicut cedrus, quæ in Libano est, multiplicabitur (T. P., allelúia).

Secreta.

SANCTI tui N. nobis, Dómine, pia non desit oratio : quæ et múnera nostra conciliet, et tuam nobis indulgéntiam semper obtineat. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensúram (T. P., allelúia).

Postcommunio.

UT nobis, Dómine, tua sacrificia dent salutem, beátus N., Conféssor tuus et Doctor egrégus, precátor accédât. Per.

¶ **Alia Epístola pro Doctoribus.**

Lectio libri Sapiéntiæ. Eccli. 39.

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altissimi deprecábitur. Apériet os suum in oratione, et pro delictis suis deprecábitur. Si enim Dóminus magnus volúerit, spíritu intelligéntiæ replébit illum : et ipse tamquam imbres mittet elóquia sapiéntiæ suæ, et in oratione confitébitur Dómino : et ipse diriget consilium ejus, et disciplinam, et in absconditis suis consiliábitur. Ipse palam faciet disciplinam doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit Ecclésia.

COMMUNE

CONFESSORIS NON PONTIFICIS

Introitus. Ps. 36.

Os justi meditábitur sapiéntiam, et lingua ejus loquétur judícium : lex Dei ejus in corde ipsius (T. P., allelúia, allelúia). Ps. Noli æmulári in malignántibus : neque zeláveris faciéntes iniquitatem. ̃. Glória Patri. Os justi.

Oratio.

DEUS, qui nos beáti N., Confessoris tui, ánnua solemnitate lætificas :

concéde propítius ; ut ejus natalítia cólimus, étiam actiónes imitémur. Per.

Lectio libri Sapiéntiæ. Eccli. 31.

BEÁTUS vir qui invéntus est sine mácula, et qui post aurum non ábiit, nec spérávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi, glória ætérna : qui pótuít tránsgrédi, et non est tránsgréssus : fácere mala, et non fecit : ideo stabilita sunt bona illius in Dómino, et eleemósynas illius enarrábit omnis Ecclésia sanctórum.

Graduale. Ps. 91. Justus ut palma florébit : sicut cedrus Libani multiplicábitur in domo Dómini. ̃. Ad annuntiándum mane misericórdiam tuam, et veritatem tuam per noctem.

Allelúia, allelúia. ̃. Jac. 1. Beátus vir qui suffert tentatióne : quóniam cum probátus fúerit, accípiet corónam vitæ. Allelúia.

Post Septuagesimam, omissis Allelúia et ̃. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. ̃. Potens in terra erit semen ejus : generatio rectórum benedicétur. ̃. Glória et divitiæ in domo ejus, et justitia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. ̃. Jac. 1. Beátus vir qui suffert tentatióne : quóniam cum probátus fúerit, accípiet corónam vitæ. Allelúia. ̃. Eccli. 45. Amávit eum Dóminus, et ornávit eum : stolam glóriæ induit eum. Allelúia.



Sequéntia sancti Evangélli secúndum Lucam. Cap. 12.

In illo témpore : Dixit Jesus discipulis suis : Sint lumbi vestri præcincti, et lucernæ ardentes in mánibus vestris : et vos símiles hominibus expectántibus dóminum suum quando revertátur a nuptiis : ut cum vénerit, et pulsáverit, conféstum apériant ei. Beáti servi illi, quos, cum vénerit dóminus, invénerit vigilántes : amen dico vobis, quod præ-

cínget se, et faciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sũnt servi illi. Hoc autem scítoret, quóniam si sciret paterfamilias qua hora fur veníret, vigiláret útiq̃ue, et non síneret pérfodi domum suam. Et vos estóte paráti, quia qua hora non putáti, Filius hóminis véniet.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus (T. P., allelúia).

Secreta.

LAUDIS tibi, Dómine, hóstias immolámus in tuórum commemoratióne Sanctórum : quibus nos et præséntibus exui malis confidimus, et futúris. Per.

Communio. Matth. 24. Beátus servus quem, cum vénerit Dóminus, invénerit vigilántem : amen dico vobis, super ómnia bona sua constituet eum (T. P., allelúia).

Postcommunio.

REFÉCTI cibo potúque cœlésti, Deus noster, te súpplīces exorámus : ut in cujus hæc commemoratióne percépimus, ejus muniámur et précibus. Per.

DE EODEM COMMUNI ALIA MISSA

Introitus. Ps. 91.

JUSTUS ut palma florébit : sicut cedrus Libani multiplicábitur : plantátus in domo Dómini, in átriis domus Dei nostri (T. P., allelúia, allelúia). Ps. Bonum est confitéri Dómino, et psállere nómini tuo, Altíssime. ȳ. Glória Patri. Justus.

Oratio.

ADÉSTO, Dómine, supplicatióibꝯ nostris, quas in beáti N., Confessoris tui, solemnitate deférimus : ut qui nostræ justitiæ fidúciā non habémus, ejus, qui tibi plácuīt, précibus adjuvémur. Per Dóminum.

Léctio Epístolæ beáti Pauli Apóstoli ad Corinthios. I Cor. 4.

FRATRES, Spectáculum facti sumus mundo, et Angelis, et homínibus. Nos stulti propter Christum, vos autem

prudéntes in Christo : nos infirmi, vos autem fortes : vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes má nibus nostris : maledicimur, et benedicimur : persecutióne pátimur, et sustinémus : blasphemámur, et obsecrámus : tamquam purgamenta hujus mundi facti sumus, ómnium peripséma usque adhuc. Non ut confundam vos hæc scribo, sed ut filios meos charíssimos móneo : in Christo Jesu Dómino nostro.

Graduale. Ps. 36. Os justi meditábitur sapiéntiam, et lingua ejus loquétur judicium. ȳ. Lex Dei ejus in corde ipsius, et non supplantábuntur gressus ejus.

Allelúia, allelúia. ȳ. Ps. 111. Beátus vir qui timet Dóminum : in mandátis ejus cupit nimis. Allelúia.

Post Septuagesimam, omissis Allelúia et ȳ. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. ȳ. Potens in terra erit semen ejus : generatió rectórum benedicétur. ȳ. Glória et divitiæ in domo ejus, et justitia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. ȳ. Ps. 111. Beátus vir qui timet Dóminum : in mandátis ejus cupit nimis. Allelúia. ȳ. Osce 14. Justus germinábit sicut lílium, et florébit in ætérnum ante Dóminum. Allelúia.



Sequéntia sancti Evangélli secúndum Lucam. Cap. 12.

In illo témpore : Dixit Jesus discipulis suis : Nolite timére, pusillus grex, quia complácuīt Patri vestro dare vobis regnum. Véndite quæ possidéti, et date eleemósynam. Fácite vobis sácculos, qui non veteráscunt, thesáurum non deficiéntem in cœlis : quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium. Ps. 20. In virtúte tua, Dómine, lætábitur justus, et super salutáre tuum exultábit veheménter : de-

sidérium animæ ejus tribuisti ei (T. P., alleluia).

Secreta.

PRESTA nobis, quæsumus, omnipotens Deus, ut nostræ humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Communio. Matth. 19. Amen dico vobis, quod vos, qui reliquistis omnia et secuti estis me, centuplum accipietis, et vitam æternam possidebitis (T. P., alleluia).

Postcommunio.

QUÆSUMUS, omnipotens Deus : ut qui cœlestia alimēta percēpimus, intercedente beato N., Confessore tuo, per hæc contra omnia adversa muniamur. Per Dominum.

¶ Item alia Epistola et Evangelium pro Confessore non Pontifice.

Epistola Quæ mihi fuerunt lucra, habetur in Festo S. Francisci de Paula, die 2 Aprilis.

Evangelium Homo quidam nobilis, habetur in Festo S. Ludovici, Conf., die 26 Augusti.

DE EODEM COMMUNI

MISSA PRO ABBATIBUS

Introitus. Ps. 36.

Os justi meditabitur sapientiam, et lingua ejus loquetur judicium : lex Dei ejus in corde ipsius (T. P., alleluia, alleluia). Ps. Noli amulari in malignantibus : neque zelaveris facientes iniquitatem. ȳ. Glória. Os justi.

Oratio.

INCERCÉSSIO nos, quæsumus, Dómine, beati N., Abbátis, commēdet : ut quod nostris méritis non valémus, ejus patrocinio assequámur. Per Dominum.

Lectio libri Sapientiae. Eccli. 45.

DILÉCTUS Deo et hominibus, cujus memóriā in benedictiōne est. Similem illum fecit in glória Sanctorum, et magnificávit eum in timóre inimicorum, et in verbis suis monstra placávit. Glorificávit illum in conspéctu regum, et jussit illi coram populo suo, et osténdit

illi glóriam suam. In fide et lenitáte ipsius sanctum fecit illum, et elégit eum ex omni carne. Audivit enim eum, et vocem ipsius, et indúxit illum in nubem. Et dedit illi coram præcepta, et legem vitæ et disciplinæ.

Graduale. Ps. 20. Dómine, prævenisti eum in benedictiōnibus dulcedinis : posuisti in capite ejus coronam de lapide pretioso. ȳ. Vitam petiit a te, et tribuisti ei longitúdinem dierum in sæculum sæculi.

Alleluia, alleluia. ȳ. Ps. 91. Justus ut palma florébit, sicut cedrus Libani multiplicábitur. Alleluia.

Post Septuagesimam, omissis Alleluia et ȳ. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. ȳ. Potens in terra erit semen ejus : generatio rectorum benedicetur. ȳ. Glória et divitiæ in domo ejus, et justitia ejus manet in sæculum sæculi.

Tempore Paschali omittitur Graduale, et ejus loco dicitur

Alleluia, alleluia. ȳ. Ps. 91. Justus ut palma florébit, sicut cedrus Libani multiplicábitur. Alleluia. ȳ. Osee 14. Justus germinábit sicut lilium, et florébit in ætérnum ante Dóminum. Alleluia.

Sequētia sancti Evangélii secundum Matthæum. Cap. 19.

IN illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Jesus autem dixit illis : Amen dico vobis, quod vos, qui secuti estis me, in regeneratiōne, cum sēderit Filius hominis in sede majestátis suæ, sedébitis et vos super sedes duodecim, judicantes duodecim tribus Israel. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accipiet, et vitam ætérnam possidebit.

Offertorium. Ps. 20. Desiderium animæ ejus tribuisti ei, Dómine, et voluntáte labiōrum ejus non fraudasti eum : posuisti in capite ejus coronam de lapide pretioso (T. P., alleluia).

Secreta.

SACRIS altáribus, Dómine, hóstias superpósitas, sanctus N., Abbas, quæsumus, in salutem nobis provenire deprecatur. Per Dóminum.

Communio. Luc. 12. Fidélis servus et prudens, quem constituit Dóminus super familiam suam, ut det illis in témpore tritici mensuram (T. P., allelúia).

Postcommunio.

PROTEGAT nos, Dómine, cum tui perceptiõe sacramenti, beatus N., Abbas, pro nobis intercedendo : ut et conversatiõnis ejus experiámur insignia, et intercessiõnis percipiámus suffragia. Per.

COMMUNE VIRGINUM

PRO VIRGINE ET MARTYRE

Introitus. Ps. 118.

LOQUÉBAR de testimoniis tuis in conspectu regum, et non confundébar : et meditábar in mandátis tuis, quæ diléxi nimis (T. P. allelúia, allelúia). Ps. Beáti immaculáti in via, qui ámbulant in lege Dómini. ̎. Glória Patri. Loquébar.

Oratio.

DEUS, qui inter cætera poténtiæ tuæ miracula, étiam in sexu frágili victóriam martyrii contulisti : concède propítius ; ut qui beátæ N., Virginis et Mátyris tuæ, natalitia cólimus, per ejus ad te exémpia gradiámur. Per Dóminum.

Léctio libri Sapiéntiæ. **Ecclesi. 51.**

CONFITEBOR tibi, Dómine Rex, et colaudábo te Deum Salvatórem meum. Confitebor nómini tuo, quóniam adjutor et protéctor factus es mihi, et liberásti corpus meum a perditíone, a láqueo linguæ iniquæ, et a lábiis operántium mendácium, et in conspectu adstántium factus es mihi adjutor. Et liberásti me secúndum multitudinem misericórdiæ nóminis tui a rugiéntibus præparátis ad escam, de mánibus quærentium ánimam meam, et de portis tribulatiõnem quæ circumdederunt me : a pressúra flammæ quæ circumdedit me, et in médio ignis non sum æstuáta : de altitúdine ventris inferi, et a lingua

coinquináta, et a verbo mendáci, a rege iníquo, et a lingua injústa. Laudábit usque ad mortem ánima mea Dóminum, quóniam éruis sustinéntes te, et liberas eos de mánibus géntium, Dómine Deus noster.

Graduale. Ps. 44. Dilexisti justitiam, et odisti iniquitatem. ̎. Propterea unxit te Deus, Deus tuus, óleo lætitiæ.

Allelúia, allelúia. ̎. Adducéntur Regi Virgines post eam : próximæ ejus afferéntur tibi in lætitia. Allelúia.

Post Septuagesimam, omissis Allelúia et ̎. seq., dicitur

Tractus. Veni, sponsa Christi, áccipe corónam quam tibi Dóminus præparávit in ætérnum : pro ejus amóre sángxinem tuum fudisti. ̎. Ps. 44. Dilexisti justitiam, et odisti iniquitatem : propterea unxit te Deus, Deus tuus, óleo lætitiæ præ consórtibus tuis. ̎. Spécie tua et pulchritúdine tua inténde, prospere procéde, et regna.

Tempore Paschali omittitur Graduale, et ejus loco dicitur

Allelúia, allelúia. ̎. Ibid. Adducéntur Regi Virgines post eam : próximæ ejus afferéntur tibi in lætitia. Allelúia. ̎. Spécie tua et pulchritúdine tua inténde, prospere procéde, et regna. Allelúia.



Sequéntia sancti Evangélii secúndum Matthæum. **Cap. 25.**

In illo témpore : Dixit Jesus discipulis suis parabólam hanc : Simile erit regnum celórum decem virgínibus, quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes : sed quinque fátuæ, accéptis lámpádibus, non sumpsérunt óleum secum ; prudéntes vero accepérunt óleum in vasis suis cum lámpádibus. Moram autem faciente sponso, dormitavérunt omnes, et dormiérunt. Média autem nocte clamor factus est : Ecce sponsus venit, exite óbviám ei. Tunc surrexérunt omnes virgines illæ, et ornavérunt lámpades suas. Fátuæ autem sapiéntibus dixérunt : Date nobis de óleo vestro,

quia lámpades nostræ extingúuntur. Respondérunt prudéntes, dicéntes : Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus : et quæ parátæ erant, intravérunt cum eo ad nuptias, et clausa est jánuua. Novíssime vero véniunt et réliquæ virgines, dicéntes : Dómine, Dómine, áperi nobis. At ille respóndens, ait : Amen dico vobis, nescío vos. Vigilate itaque, quia nescitis diem, neque horam.

Offertorium. Ps. 44. Afferéntur Regi Virgines post eam : próximæ ejus afferéntur tibi in lætítia et exsultatíone : adducéntur in templum Regi Dómino (T. P., allelúia).

Secreta.

SÚSCIPE, Dómine, múnera quæ in beatæ N., Virginis et Mártiris tuæ, solemnitate deférimus : cujus nos confidimus patrocínio liberári. Per Dóminum.

Communio. Ps. 118. Confundántur supérbi, quia injúste iniquitatem fecérunt in me : ego autem in mandátis tuis exercébor, in tuis justificatiónibus, ut non confúndar (T. P., allelúia).

Postcommunio.

AUXILIÉNTUR nobis, Dómine, sumpta mystéria : et intercedénte beatá N., Virgine et Mártire tua, sempitérna fácient protectíone gaudére. Per.

ITEM PRO VIRGINE ET MARTYRE

ALIA MISSA

Introitus. Ps. 118.

ME expectavérunt peccatóres, ut pérderent me : testimónia tua, Dómine, intelléxi : omnis consummatiónis vidi finem : latum mandatum tuum nimis (T. P., allelúia, allelúia). **Ps.** Beáti immaculáti in via, qui ámbulant in lege Dómini. **ŷ.** Glória Patri. Me expectavérunt.

Oratio.

INDULGÉNTIAM nobis, quæsumus, Dómine, beatá N., Virgo et Martyr, implóret : quæ tibi grata semper exstítit et mérito castitátis, et tuæ professióne virtútis. Per Dóminum.

Léctio libri Sapiéntiæ. Eccli. 51.

DÓMINE Deus meus, exaltásti super terram habitatiómem meam, et pro morte defluénte deprecáta sum. Invocávi Dóminum Patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessióne, et exaudíta est oratio mea. Et liberásti me de perditíone, et eripuísti me de témpore iníquo. Propterea confitébor, et laudem dicam tibi, Dómine Deus noster.

Graduale. Ps. 45. Adjuvábít eam Deus vultu suo : Deus in médio ejus, non commovébitur. **ŷ.** Flúminis ímpetus lætíficat civitatém Dei : sanctificávit tabernáculum suum Altíssimus.


Allelúia, allelúia. **ŷ.** Hæc est Virgo sápiens, et una de número prudéntum. Allelúia.

Post Septuagesimam, omissis Allelúia et ŷ. seq., dicitur

Tractus. Veni, sponsa Christi, áccipe coronam quam tibi Dóminus præparávit in ætérnum : pro cujus amóre sánguinem tuum fudísti. **ŷ. Ps. 44.** Dilexísti justitiam, et odísti iniquitatem : propterea unxit te Deus, Deus tuus, oleo lætitiæ præ consórtibus tuis. **ŷ.** Spécie tua et pulchritúdine tua inténde, prospere procéde, et regna.

Tempore Paschali omittitur Graduale, et ejus loco dicitur

Allelúia, allelúia. **ŷ.** Hæc est virgo sápiens, et una de número prudéntum. Allelúia. **ŷ. Sap. 4.** O quam pulchra est casta generatío cum claritate! Allelúia.

 **Sequéntia sancti Evangélíi secúndum Matthæum. Cap. 13.**

IN illo témpore : Dixit Jesus discipulis suis parábolam hanc : Simile est regnum cœlórum thesaúro abscondito in agro, quem qui invenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum cœlórum hómini negotiátóri quærénti bonas margarítas. Invénta autem una pretiósa margaríta, ábiit, et véndidit ómnia quæ

hábuit, et emit eam. Iterum símile est regnum cœlórum sagénæ missæ in mare, et ex omni génere piscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi: exhibunt Angeli, et separábunt malos de médio justórum, et mittent eos in camínium ignis: ibi erit fletus et stridor déntium. Intellexistis hæc ómnia? Dicunt ei: Etiam. Ait illis: Ideo omnis scriba doctus in regno cœlórum, símilis est hómini patrifamílias, qui proferet de thesaúro suo nova et vétera.

Offertorium. Ps. 44. Diffúsa est grátia in lábiis tuis: proptérea benedixit te Deus in ætérnum, et in sæculum sæculi (T. P., allelúia).

Secreta.

HÓSTIAS tibi, Dómine, beátæ N., Virginis et Mártiris tuæ, dicátas méritis, benignus assúme: et ad perpétuum nobis tribue provenire subsidium. Per.

Communio. Ps. 118. Feci iudícium et justitiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis odio hábui (T. P., allelúia).

Postcommunio.

DIVINI múnemis largitáte satiáti, quæsumus, Dómine Deus noster: ut, intercedente beáta N., Virgine et Mártire tua, in ejus semper participatione vivámus. Per Dóminum.

¶ **Item aliud Evang.** Accessérunt pharisæi ad Jesum, habetur in Festo sanctæ Agathæ, Virg. et Mart., die 5 Februarii.

COMMUNE

PLURIUM VIRGINUM ET MARTYRUM

Omnia dicuntur ut supra pro una Virg. et Mart., exceptis Orationibus, quæ dicuntur ut sequitur, et Epistola, quæ dicitur ut infra in Comm. Virg. non Mart.: De virginibus præceptum Dómini. 22*.

Oratio.

DA nobis, quæsumus, Dómine Deus noster, sanctárum Virginum et Mártyrum tuárum N. et N. palmas incessábili devotiône venerári: ut quas digna mente

non póssumus celebráre, humilibus saltem frequentémus obséquijs. Per.

Secreta.

INTÉNDE, quæsumus, Dómine, múnera altáribus tuis pro sanctárum Virginum et Mártyrum tuárum N. et N. festivitáte propósita: ut, sicut per hæc beáta mystéria illis glóriam contulisti, ita nobis indulgéntiam largiáris. Per Dóminum.

Postcommunio.

PRÆSTA nobis, quæsumus, Dómine, intercedéntibus sanctis Virginibus et Mártiribus tuis: ut quod ore contingimus, pura mente capiámus. Per.

PRO VIRGINE TANTUM

Introitus. Ps. 44.

DILEXISTI justitiam, et odisti iniquitátem: proptérea unxit te Deus, Deus tuus, óleo lætitiæ præ consórtibus tuis (T. P., allelúia, allelúia). **Ps.** Eructávit cor meum verbum bonum: dico ego ópera mea Regi. **ŷ.** Glória Patri. Dilexisti.

Oratio.

EXÁUDI nos, Deus salutáris noster: ut, sicut de beátæ N., Virginis tuæ, festivitáte gaudémus; ita piæ devotiónis erudiámur afféctu. Per Dóminum.

Lectio Epistolæ beáti Pauli Apóstoli ad Corinthios. **II Cor. 10 et 11.**

FRATRES, Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipientiæ meæ! sed et supportáte me. Æmulor enim vos Dei æmulatione. Despóndi enim vos uni viro virginem castam exhibére Christo.

Graduale. Ps. 44. Spécie tua et pulchritúdine tua inténde, prospere procède, et regna. **ŷ.** Propter veritátem, et mansuetúdinem, et justitiam: et dedúcet te mirabiliter dextera tua.

Allelúia, allelúia. **ŷ.** Adducéntur Regi Virgines post eam: próximæ ejus afferéntur tibi in lætítia. Allelúia.

Post Septuagesimam, ommissis Allelúis et ŷ. seq., dicitur

Tractus. Ibid. Audi, filia, et vi

et inclina aurem tuam : quia concupivit Rex sp̄ciem tuam. *ŷ.* Vultum tuum deprecabuntur omnes divites plebis : filiæ regum in hōnore tuo. *ŷ.* Adducuntur Regi Virgines post eam : proximæ ejus afferuntur tibi. *ŷ.* Afferuntur in lætitia et exultatione : adducuntur in templum Regis.

Tempore Paschali omittitur Graduale et ejus loco dicitur

Allelûia, allelûia. *ŷ.* Ibid. Adducuntur Regi Virgines post eam : proximæ ejus afferuntur tibi in lætitia. Allelûia. *ŷ.* Sp̄cie tua et pulchritudine tua intendē, prospere procéde, et regna. Allelûia.



Sequētia sancti Evangēlii secundum Matthæum. Cap. 25.

In illo tempore : Dixit Jesus discipulis suis parabolam hanc : Simile erit regnum cœlorum decem virginibus, quæ accipientes lâmpades suas, exierunt obviam sponso et sponsæ. Quinque autem ex eis erant fâtuæ, et quinque prudentes : sed quinque fâtuæ, accēptis lâmpadibus, non sumpsērunt ôleum secum : prudentes vero accepērunt ôleum in vasis suis cum lâmpadibus. Moram autem faciente sponso, dormitavērunt omnes, et dormierunt. Média autem nocte clamor factus est : Ecce sponsus venit, exite obviam ei. Tunc surrexērunt omnes virgines illæ, et ornâverunt lâmpades suas. Fâtuæ autem sapiētibz dixerunt : Date nobis de ôleo vestro, quia lâmpades nostræ exstinguuntur. Respondērunt prudentes, dicētes : Ne forte non sufficiat nobis et vobis, ite p̄tius ad vendētes, et émite vobis. Dum autem irent émere, venit sponsus : et quæ paratæ erant, intravērunt cum eo ad nūptias, et clausa est jánua. Novissime vero véniunt et reliquæ virgines, dicētes : Dómine, Dómine, áperi nobis. At ille respōdens, ait : Amen dico vobis, nescio vos. Vigilate itaque, quia nescitis diem, neque horam.

Offertorium. Ps. 44. Filiæ regum in hōnore tuo : ádstitit regína a dextris tuis in vestitu deaurato, circúdata corollatate (T. P., allelûia).

Secreta.

Accēpta tibi sit, Dómine, sacratæ plebis oblátio pro tuórum hōnore Sanctórum, quorum se méritis de tribulatione percepisse cognóscit auxilium. Per.

Communio. Matth. 25. Quinque prudentes virgines accepērunt ôleum in vasis suis cum lâmpadibus : média autem nocte clamor factus est : Ecce sponsus venit, exite obviam Christo Dómino (T. P., allelûia).

Postcommunio.

Satiásti, Dómine, familiam tuam muneribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

PRO VIRGINE TANTUM ALIA MISSA

Introitus. Ps. 44.

Vultum tuum deprecabuntur omnes divites plebis : adducuntur Regi Virgines post eam : proximæ ejus adducuntur tibi in lætitia et exultatione (T. P., allelûia, allelûia). Ps. Eructávit cor meum verbum bonum : dico ego ópera mea Regi. *ŷ.* Glória Patri. Vultum.

Oratio.

Exáudi nos, Deus salutáris noster : ut, sicut de beatæ N., Virginis tuæ, festivitáte gaudémus ; ita piæ devotiōnis erudiámur afféctu. Per Dóminum.

Lectio Epistolæ beáti Pauli Apóstoli ad Corínthios. I Cor. 7.

Fratres, De virginibus præcéptum Dómini non hábeo : consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómīni sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autem accēperis uxórem, non peccásti. Et si nūpserit virgo, non peccávit. Tribulatiónem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : reliquum est ut et qui habent uxóres, tamquam non habētes sint : et qui flent, tamquam non flentes : et qui gaudent, tamquam

non gaudéntes : et qui emunt, tamquam non possidéntes : et qui utúntur hoc mundo, tamquam non utántur : præterit enim figúra hujus mundi. Volo autem vos sine sollicitúdine esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divisus est. Et múlter innúpta, et virgo cógitat quæ Dómini sunt, ut sit sancta corpore et spírítu : in Christo Jesu Dómino nostro.

Graduale. Ps. 44. Concupívit Rex decórem tuum, quóniam ipse est Dóminus Deus tuus. *ŷ.* Audi, filia, et vide, et inclína aurem tuam.

Allelúia, allelúia. *ŷ.* Hæc est Virgo sapiens, et una de número prudéntum. Allel.

Post Septuagesimam, omissis Allelúia et ŷ. seq., dicitur

Tractus. Ps. 44. Quia concupívit Rex spéciem tuam. *ŷ.* Vultum tuum deprecabúntur omnes divites plebis : filiae regum in honóre tuo. *ŷ.* Adducéntur Regi Virgines post eam : próximæ ejus afferéntur tibi. *ŷ.* Afferéntur in lætítia et exsultatióne : adducéntur in templum Regis.

Tempore Paschali omittitur Graduale, et ejus loco dicitur

Allelúia, allelúia. *ŷ.* Hæc est Virgo sapiens, et una de número prudéntum. Allelúia. *ŷ.* Sap. 4. O quam pulchra est casta generatió cum claritáte ! Allelúia.



Sequéntia sancti Evangélii secúndum Matthæum. Cap. 13.

In illo témpore : Dixit Jesus discipulis suis parábolam hanc : Simile est regnum cœlórum thesauro abscondito in agro : quem qui invenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum cœlórum hómini negotiátóri quærénti bonas margarítas. Invénta autem una pretiósá margaríta, ábiit, et véndidit ómnia quæ hábuit, et emit eam. Iterum simile est regnum cœlórum sagénæ missæ in mare, et ex omni génere piscium congregánti : quam, cum impléta esset, educéntes, et seus littus sedéntes, elegé-

runt bonos in vasa, malos autem foras misérunt. Sic erit in consummatione sæculi : exibunt Angeli, et separábunt malos de médio justórum, et mittent eos in camínus ignis : ibi erit fletus et stridor déntium. Intellexistis hæc ómnia ? Dicunt ei : Etiam. Ait illis : Ideo omnis scriba doctus in regno cœlórum, similis est hómini patrifamilias, qui profert de thesauro suo nova et vétera.

Vel Evangelium Simile erit regnum cœlórum decem virginibus, ut *supra*. 22*.

Cffertorium. Ps. 44. Afferéntur Regi Virgines post eam : próximæ ejus afferéntur tibi in lætítia et exsultatióne : adducéntur in templum Regi Dómino (T. P., allelúia).

Secreta.

ACCÉPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepisse cognóscit auxílium. Per.

Communio. Matth. 13. Simile est regnum cœlórum hómini negotiátóri quærénti bonas margarítas : invénta autem una pretiósá margaríta, dedit ómnia sua, et comparávit eam (T. P., allelúia).

Postcommunio.

SATIÁSTI, Dómine, famíliam tuam munéribus sacris : ejus, quæsumus, semper interventióne nos réfove, cujus solémnia celebrámus. Per Dóminum.

COMMUNE NON VIRGINUM

PRO UNA MARTYRE NON VIRGINE

Introitus. Ps. 118.

ME expectavérunt peccatóres ut pérderent me : testimónia tua, Dómine, intelléxi ; omnis consummationis vidi finem : latum mandátum tuum nimis (T. P., allelúia, allelúia). **Ps.** Beáti immaculáti in via, qui ámbulant in lege Dómini. *ŷ.* Glória Patri. Me.

Oratio.

DEUS, qui inter cætera poténtiæ tuæ miracula, étiam in sexu frágili victóriam martyrii contulisti : concéde propítius ; ut qui beátæ N., Mártiris tuæ, natalítia cólimus, per ejus ad te exémpla gradiámur. Per Dóminum.

Si fuerint plures.

Oratio.

DA nobis, quesumus, Dómine Deus noster, sanctárum Mátyrum tuárum N. et N. palmas incessábili devotióne venerári : ut quas digna mente non pössumus celebráre, humilibus saltem frequentémus obséquijs. Per Dóminum.

Lectio libri Sapiéntiæ. *Eccli. 51.*

CONFITEBOR tibi, Dómine Rex, et colaudábo te Deum Salvatórem meum. Confitebor nómini tuo, quóniam adjutor et protector factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspéctu adstántium factus es mihi adjutor. Et liberásti me, secúndum multitudínem misericórdiæ nóminis tui, a rugiéntibus præparátis ad escam, de máribus quæréntium ánimam meam, et de portis tribulatiónum quæ circumdedérunt me : a pressúra flammæ que circumdedit me, et in médio ignis non sum æstuáta : de altitúdine ventris inferi, et a lingua coinquináta, et a verbo mendáci, a rege iniquo, et a lingua iníusta. Laudábit usque ad mortem ánima mea Dóminum, quóniam éruis sustinéntes te, et liberas eos de máribus géntium, Dómine Deus noster.

Graduale. *Ps. 44.* Dilexísti justítiam, et odísti iniquitátem. *ŷ.* Propterea unxit te Deus, Deus tuus, óleo lætitiæ.

Allelúia, allelúia. *ŷ.* Spécie tua et pulchritúdine tua inténde, prospere procéde, et regna. Allelúia.

Post Septuagesimam, omissis Allelúia et *ŷ.* seq. dicitur

Tractus. Veni, sponsa Christi, áccipe corónam quam tibi Dóminus præparávit in ætérnum : pro cuius amóre ságuinem tuum fudísti. *ŷ.* *Ps. 44.* Dilexísti justítiam, et odísti iniquitátem : propterea unxit te Deus, Deus tuus, óleo lætitiæ præ consórtibus tuis. *ŷ.* Spécie tua et pulchritúdine tua inténde, prospere procéde, et regna.

Tempore Paschali omittitur Graduale. et ejus loco dicitur

Allelúia, allelúia. *ŷ.* Ibid. Spécie tua

et pulchritúdine tua inténde, prospere procéde, et regna. Allelúia. *ŷ.* Propter veritátem, et mansuetúdinem, et justítiam : et dedúcet te mirabiliter dextera tua. Allelúia.



Sequéntia sancti Evangelíi secúndum Matthæum. *Cap. 13.*

In illo témpore : Dixit Jesus discipulis suis parábolam hanc : Símile est regnum celórum thesauro abscondito in agro : quem qui invenit homo, abscondit, et præ gáudio illius vadit, et vendit univérса quæ habet, et emit agrum illum. Iterum símile est regnum celórum hómini negotiátóri quærénti bonas margarítas. Inventa autem una pretiósa margaríta, ábiit, et véndidit ómnia quæ hábuit, et emit eam. Iterum símile est regnum celórum sagénæ missæ in mare, et ex omni genere piscium congregánti : quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi : exibunt Angeli, et separábunt malos de médio justórum, et mittent eos in camínem ignis : ibi erit fletus et stridor déntium. Intellexístis hæc ómnia? Dicunt ei : Etiam. Ait illis : Ideo omnis scribe doctus in regno celórum, símilis est hómini patrifamílias, qui profert de thesauro suo nova et vétéra.

Offertorium. *Ps. 44.* Diffúsa est grátia in lábiis tuis : propterea benedixit te Deus in ætérnum, et in sæculum sæculi, allelúia.

Secreta.

SÚSCIPE, Dómine, múnера quæ in beátæ N. Mátyris tuæ, solemnitéte deférimus : cuius nos confidimus patrocinio liberári. Per Dóminum.

Si fuerint plures.

Secreta.

INTÉNDE, quæsumus, Dómine, múnера altáribus tuis pro sanctárum Mátyrum tuárum N. et N. festivitáte propósita : ut, sicut per hæc beátá mystéria illis glóriam contulísti, ita nobis indulgéntiam largiáris. Per Dóminum.

Communio. *Ps. 118.* Príncipes per-

secúti sunt me gratis, et a verbis tuis formidávit cor meum: lætabor ego super eloquia tua, quasi qui invenit spolia multa (T. P., allelúia).

Postcommunio.

AUXILIÉNTUR nobis, Dómine, sumpta mystéria: et intercedénte beáta N., Mártýre tua, sempitérna faciant protectióne gaudére. Per Dóminum.

Si fuerint plures.

Postcommunio.

PRÆSTA nobis, quæsumus, Dómine, intercedéntibus sanctis Martyribus tuis: ut quod ore contingimus, pura mente capiamus. Per Dóminum.

PRO NEC VIRGINE NEC MARTYRE

Introitus. Ps. 118.

COGNÓVI, Dómine, quia æquitas iudicia tua, et in veritate tua humiliásti me: confige timóre tuo carnes meas, a mandátis tuis tímui (T. P., allelúia, allelúia). **Ps.** Beáti immaculáti in via, qui ámbulant in lege Dómini. **ŷ.** Glória Patri. Cognóvi, Dómine.

Oratio.

EXÁUDI nos, Deus salutáris noster: ut, sicut de beátæ N. festivitáte gaudémus; ita piæ devotiónis erudiámur affectu. Per Dóminum.

Lectio libri Sapientiae. Prov. 31.

MULIEREM fortem quis invéniet? Procul et de últimis finibus prætium ejus. Confidit in ea cor viri sui, et spoliis non indigébit. Reddet ei bonum, et non malum, omnibus diébus vitæ suæ. Quæsivit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, dedítque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit vineam. Accinxit fortitúdine lumbos suos, et roborávit bráchium suum. Gustávit et vidit quia bona est negotiatio ejus: non exstinguétur in nocte lucérna ejus. Manum suam misit

ad fórtia, et digiti ejus apprehendérunt fusum. Manum suam aperuit inopi, et palmas suas exténdit ad páuperem. Non timébit dómui suæ a frigóribus nivis: omnes enim doméstici ejus vestiti sunt duplicibus. Stragulátam vestem fecit sibi: byssus et púrpura indumentum ejus. Nóbilis in portis vir ejus, quando séderit cum senatóribus terræ. Sínodonem fecit, et véndidit; et ciugulum trádidit Chananaeo. Fortitúdo et decor indumentum ejus, et ridébit in die novíssimo. Os suum aperuit sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divitias: tu supergréssa es univérsas. Fallax grátia, et vana est pulchritúdo; mülter timens Dóminum, ipsa laudábitur. Date ei de fructu mánuum suárum, et laudent eam in portis ópera ejus.

Graduale. Ps. 44. Diffusa est grátia in lábiis tuis: proptérea benedixit te Deus in ætérnum. **ŷ.** Propter veritátem, et mansuetúdinem, et justítiam: et dedúcet te mirábiliter dextera tua.

Allelúia, allelúia. **ŷ.** Spécie tua et pulchritúdine tua inténde, prospere procéde, et regna. Allelúia.

Post Septuagesimam, omissis Allelúia et ŷ. seq., dicitur

Tractus. Veni, sponsa Christi, áccipe corónam quam tibi Dóminus præparávit in ætérnum. **ŷ.** Ps. 44. Dilexisti justítiam, et odisti iniquitátem: proptérea unxit te Deus, Deus tuus, óleo lætitiæ præ consórtibus tuis. **ŷ.** Spécie tua et pulchritúdine tua inténde, prospere procéde, et regna.

Tempore Paschali omittitur Graduale. et ejus loco dicitur

Allelúia, allelúia. **ŷ.** Ibid. Spécie tua et pulchritúdine tua inténde, prospere procéde, et regna. Allelúia. **ŷ.** Propter veritátem, et mansuetúdinem, et justítiam: et dedúcet te mirábiliter dextera tua. Allelúia.



Sequéntia sancti Evangélii secúndum Matthæum. Cap. 13.

IN illo témpore : Dixit Jesus discípulis suis parábolam hanc : Símile est regnum cœlórum thesaúro abscondito in agro : quem qui invenit homo, abscondit, et præ gáudio illíus vadit, et vendit unívérsa quæ habet, et emit agrum illum. Iterum símile est regnum cœlórum hómini negotiatóri quærénti bonas margaritas. Invénta autem una pretíosa margarita, ábiit, et véndidit ómnia quæ hábuit, et emit eam. Iterum símile est regnum cœlórum saguæ missæ in mare, et ex omni génere píscium congregánti : quam, cum impléta esset, educéntes, et secus litus sedéntes, elegérunt bonos in vasa, malos autem foras misérunt. Sic erit in consummatione sæculi : exibunt Angeli, et separábunt malos de médio justórum, et mittent eos in camínium ignis : ibi erit fletus et stridor déntium. Intellexístis hæc ómnia? Dicunt ei : Etiam. Ait illis : Ideo omnis scriba doctus in regno cœlórum, símilis est hómini patrifamílias, qui profert de thesaúro suo nova et vétéra.

Offertorium. Ps. 44. Diffúsa est grátia in lábiis tuis : proptérea benedixit te Deus in ætérnum, et in sæculum sæculi (T. P., allelúia).

Secreta.

ACCÉPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatione percepisse cognóscit auxílium. Per.

Communio. Ibid. Dilexisti justítiam, et odisti iniquitátem : proptérea unxit te Deus, Deus tuus, óleo autitíæ præ consórtibus tuis (T. P., allelúia).

Postcommunio.

SATIÁSTI, Dómine, familiam tuam munéribus sacris : ejus, quæsumus, semper interventíone nos réfove, cujus solémnia celebrámus. Per Dóminum.

¶ Item alia Epístola pro Vidua.

Léctio Epístolæ beáti Pauli Apóstoli ad Timótheum. I Tim. 5.

CHARÍSSIME, Víduas honóra, quæ vere víduæ sunt. Si qua autem vídua fi-

lios aut nepótes habet, discat primum domum suam régere, et mútuam vicem réddere paréntibus : hoc enim accéptum est coram Deo. Quæ autem vere vídua est, et desolatá, speret in Deum, et instet obsecrationibus et orationibus nocte ac die. Nam quæ in deliciis est, vivens mórtua est. Et hoc præcipe, ut irreprehensibiles sint. Si quis autem suórum, et máxime domesticórum, curam non habet, fidem negávit, et est infidéli detérior. Vídua eligátur non minus sexaginta annórum, quæ fúerit uníus viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulationem patiéntibus subministrávit, si omne opus bonum subsecúta est.

IN ANNIVERSARIO

DEDICATIONIS ECCLESIE

Introitus. Gen. 28.

TERRÍBILIS est locus iste : hic domus Dei est, et porta cœli : et vocábitur aula Dei (T. P., allelúia, allelúia). Ps. 83. Quam dílecta tabernácula tua, Dómine virtútum! Concupiscit et déficit ánima mea in átria Dómini. ¶ Glória Patri. Terribilis.

Oratio.

DEUS, qui nobis per singulos annos, hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta; ut quisquis hoc templum beneficia petitúrus ingréditur, cuncta se impetrásse lætétur. Per Dóminum.

Léctio libri Apocalypsis beáti Joánnis Apóstoli. Cap. 21.

IN diébus illis : Vidi sanctam civitátem Jérusalem novam, descendéntem de cœlo a Deo, parátam sicut sponsam ornátam viro suo. Et audívi vocem magnam de throno dicéntem : Ecce tabernáculum Dei cum homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus : et abstérget Deus omnem lácrymam ab ócu-

lis eorum : et mors ultra non erit, neque luctus, neque clamor, neque dolor erit ultra, quia prima abiierunt. Et dixit qui sedebat in throno : Ecce nova facio omnia.

Graduale. Locus iste a Deo factus est, inestimabile sacramentum, irreprehensibilis est. *ŷ.* Deus, cui adstat Angelorum chorus, exaudi preces servorum tuorum.

Allelúia, allelúia. *ŷ.* Ps. 137. Adorabo ad templum sanctum tuum, et confitebor nómini tuo. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 124. Qui confidunt in Dómino, sicut mons Sion : non commovebuntur in aeternum qui habitant in Jerúsalem. *ŷ.* Montes in circúitu ejus, et Dóminus in circúitu pópuli sui, ex hoc nunc et usque in sæculum.

Tempore Paschali omittitur Graduale, et ejus loco dicitur

Allelúia, allelúia. *ŷ.* Ps. 137. Adorabo ad templum sanctum tuum, et confitebor nómini tuo. Allelúia. *ŷ.* Benefundata est domus Dómini supra firmam petram. Allelúia.



Sequéntia sancti Evangélíi secúndum Lucam. Cap. 19.

In illo tempore : Ingressus Jesus perambulabat Jericho. Et ecce vir nómine Zachæus : et hic princeps erat publicanorum, et ipse dives : et quærebat vidére Jesum, quis esset : et non póterat præturba, quia statúra pusillus erat. Et præcurrens ascendit in arbórem sycómorum, ut vidéret eum, quia inde erat transiturus. Et cum venisset ad locum, suspiciens Jesus vidit illum, et dixit ad eum : Zachæe, festinans descende : quia hódie in domo tua opórtet me manére. Et festinans descendit, et excépit illum gaudens. Et cum vidérent omnes, murmurabant, dicéntes quod ad hóminem peccatórem divertisset. Stans autem Zachæus, dixit ad Dóminum : Ecce dimidium bonórum meórum, Dómine, do paupéribus : et si quid áliquem defraudávi, reddo quádruplum. Ait Jesus ad

eum : Quia hódie salus dómui huic facta est, eo quod et ipse filius sit Abrahæ. Venit enim Filius hóminis quærere et salvum facere quod perierat. Credo.

Offertorium. I Par. 29. Dómine Deus, in simplicitate cordis mei lætus óbtuli univérsa : et pópulum tuum, qui repertus est, vidi cum ingénti gáudio : Deus Israel, custódi hanc voluntátem, allelúia.

Secreta.

¶ Extra Ecclesiam ipsam dedicatam omittitur tota parenthesis.

Annue, quæsumus, Dómine, précibus nostris : (ut quicumque intra templi hujus, cujus anniversárium dedicatiónis diem celebrámus, ámbitum continémur, plena tibi atque perfécta corpóris et ánimæ devotíone placeámus;) ut, dum hæc vota præsentia réddimus, ad aeterna præmia, te adjuvánte, pervenire mereámur. Per Dóminum.

Communio. Matth. 21. Domus mea, domus oratiónis vocábitur, dicit Dóminus : in ea omnis qui petit, áccipit : et qui quærit, invenit : et pulsánti aperietur (T. P., allelúia).

Postcommunio.

Deus, qui de vivis et eléctis lapídibus aeternum Majestáti tuæ præparas habitáculum : auxiliáre pópulo tuo supplicánti; ut quod Ecclesiæ tuæ corporálibus próficet spátiis, spirituálibus amplificétur augmentis. Per Dóminum.

¶ Infra Octavam Dedicatiónis Ecclesiæ, et in die Octava, dicitur Missa ut supra in die anniversario : sed infra Octavam, secunda Oratio dicitur de beata Maria, tertia, Ecclesiæ, vel pro Papa, ut supra. 1*.

¶ In ipsa die Dedicatiónis Ecclesiæ, Missa dicitur ut supra in Anniversario Dedicatiónis, exceptis Oratiónibus, quæ dicuntur ut sequitur.

Oratio.

Deus, qui invisibiliter ómnia cóntines, et tamen pro salute géneris humani signa tuæ poténtiæ visibiliter osténdis : templum hoc poténtia tuæ inhabitatiónis illústra, et concéde; ut omnes qui huc deprecáturi convéniant, ex quacúmque

tribulatione ad te clamaverint, consolationis tuæ beneficia consequantur. Per.

Secreta.

DEUS, qui sacraudorum tibi auctor es munus: effunde super hanc orationis domum benedictionem tuam; ut ab omnibus in ea invocantibus nomen tuum, defensionis tuæ auxilium sentiantur. Per Dominum.

Postcommunio.

QUESUMUS, omnipotens Deus, ut in hoc loco, quem nomini tuo indigne dedicavimus, cunctis petentibus aures tuæ pietatis accommodes. Per Dominum.

¶ In ipsa die Dedicationis Altaris, dicitur Missa ut supra in Anniversario Dedicationis Ecclesiæ, præter Orationes quarum loco dicuntur sequentes.

Oratio.

DEUS, qui ex omni coaptatione Sanctorum æternum tibi condis habitaculum: da ædificationi tuæ incrementa cœlestia; ut quorum hic reliquias pio amore complectimur, eorum semper meritis adjuvemur. Per Dominum.

Secreta.

DESCENDAT, quæsumus, Domine Deus noster, Spiritus tuus sanctus super hoc Altare: qui et populi tui dona sanctificet, et summentium corda dignanter emundet. Per Dominum... in unitate ejusdem.

Postcommunio.

OMNIPOTENS sempiternus Deus, Altare hoc nomini tuo dedicatum cœlestis virtutis benedictione sanctifica: et omnibus in te sperantibus auxilii tui munus ostende; ut et hic sacramentorum virtus, et votorum obtineatur effectus. Per.

¶ Sequentes Missæ votivæ, licet pro Sacerdotis devotione quacunque die dici possint per hebdomadam, quando Festum duplex non occurrit; hoc tamen passim, nisi rationabili de causa, fieri non debet: sed, quoad fieri potest, Missa cum Officio conveniat. Cuique autem diei propria Missa potest assignari, ut: Feria II, nisi dicatur pro Defunctis, Missa de sanctissima Trinitate; Feria III de Angelis;

Feria IV de Apostolis; Feria V de Spiritu sancto, vel de sanctissimo Eucharistiæ Sacramento; Feria VI de Cruce, vel de Passione Domini; Sabbato de sancta Maria. In ipsis non dicitur Glória in excelsis, nec Credo, nisi pro publica Ecclesiæ causa: et tunc, etiamsi dicantur in paramentis violaceis, dicitur Credo si sit Dominica, non autem Glória in excelsis. In Missa autem beatæ Mariæ in Sabbato, et in Missa Angelorum, dicitur tantum Glória in excelsis. Tempore Paschali, in fine Introitus dicuntur duo allelúia: et in fine Offertorii et Communionis additur allelúia, ubi non habetur.

MISSA DE SS. TRINITATE

Introitus. Tob. 13.

BENEDICTA sit sancta Trinitas, atque indivisa Unitas: confitebimur ei, quia fecit nobiscum misericordiam suam (T. P., allelúia, allelúia). Ps. 8. Domine Dominus noster, quam admirabile est nomen tuum in universa terra! ŷ. Glória Patri. Benedicta.

Oratio.

OMNIPOTENS sempiternus Deus, qui destitisti famulis tuis in confessione veræ fidei, æternæ Trinitatis glóriam agnoscere, et in potentia majestatis adorare unitatem: quæsumus; ut ejusdem fidei firmitate, ab omnibus semper muniamur adversis. Per Dominum.

Lectio Epistolæ beati Pauli Apostoli ad Corinthios. II Cor. 13.

FRATRES, Gaudete, perfecti estote, exhortamini, idem sapite, pacem habete, et Deus pacis et dilectionis erit vobiscum. Grátia Domini nostri Jesu Christi, et charitas Dei, et communicatio sancti Spiritus sit cum omnibus vobis. Amen.

Graduale. Dan. 3. Benedictus es, Domine, qui intuëris abyssos, et sedes super Chérubim. ŷ. Benedictus es, Domine, in firmamento cœli, et laudabilis in sæcula.


Allelúia, allelúia. ŷ. Benedictus es, Domine Deus patrum nostrorum, et laudabilis in sæcula. Allelúia.

Post Septuagesimam, omissis Allelúia et *ŷ. seq.*, dicitur

Tractus. Te Deum Patrem ingénitum, te Filium unigénitum, te Spíritum sanctum Paráclitum, sanctam et individuum Trinitátem, toto corde confitémur, laudámus, atque benedicimus. *ŷ.* Quóniam magnus es tu, et faciens mirabilia : tu es Deus solus. *ŷ.* Tibi laus, tibi glória, tibi gratiárum áctio in sæcula sempitérna, o beáta Trinitas.

Tempore Paschali omittitur Graduale. et ejus loco dicitur

Allelúia, allelúia. *ŷ.* Dan. 3. Benedictus es, Dómine Deus patrum nostrórum, et laudábilis in sæcula. Allelúia. *ŷ.* Benedicámus Patrem, et Filium, cum sancto Spíritu. Allelúia.

 Sequéntia sancti Evangélíi secúndum Joánnem. Cap. 15 et 16.

In illo témpore : Dixit Jesus discipulis suis : Cum vénerit Paráclitus quem ego mittam vobis a Patre, Spíritum veritátis, qui a Patre procedít, ille testimoniúm perhibébit de me, et vos testimoniúm perhibébitis, quia ab initio mecum estis. Hæc locútus sum vobis, ut non scandalizémini. Absque synagógis fácient vos : sed venit hora ut omnis qui intérficit vos, arbitrétur obséquium se præstare Deo. Et hæc fácient vobis, quia non novérunt Patrem, neque me. Sed hæc locútus sum vobis, ut cum vénerit hora eórum, reminiscámini quia ego dixi vobis.

Offertorium. Tob. 12. Benedictus sit Deus Pater, unigenítusque Dei Filius, sanctus quoque Spíritus : quia fecit nobíscum misericórdiam suam (*T. P.*, allelúia).

Secreta.

SANCTIFICA, quæsumus, Dómine Deus noster, per tui sancti nóminis invocaciónem, hujus oblatiónis hóstiam, et per eam nosmetipsos tibi pérface munus ætérnum. Per Dóminum.

Præfatio de SS. Trinitate. Qui cum unigénito Filio tuo.

Communio. Tob. 13. Benedicimus Deum cœli, et coram ómnibus vivénti-

bus confitébimur ei : quia fecit nobíscum misericórdiam suam (*T. P.*, allelúia).

Postcommunio.

PROFÍCIAT nobis ad salutem córporis et ánimæ, Dómine Deus noster, hujus sacraménti susceptio : et sempitérnæ sanctæ Trinitátis, ejusdémque individuae unitátis conféssio. Per Dóminum.

PRO GRATIARUM ACTIONE

Dicitur Missa de SS. Trinitate, vel de Spíritu sancto, vel de beata Maria, additis sequentibus Orat., sub una conclusione.

Oratio.

DEUS, cujus misericórdiæ non est númerus, et bonitátis infinitus est thesáurus : piissimæ Majestáti tuæ pro collátis donis grátias ágimus, tuam semper cleméntiam exorántes ; ut qui peténtibus postuláta concédís, eódem non désereas, ad præmia futúra dispónas. Per.

Secreta.

ODÓREM, Dómine, sacrificii hujus cum gratiárum actiõibus súcipe : et præsta, ut quos exaudire et incólumes serváre dignátus es, ab omni in pósterum adversitáte custódiás, et in tuo servitio et amore coneréscant. Per.

Postcommunio.

DEUS, qui néminem in te sperántem nímium affligi permittis, sed pium précibus præstas auditum : pro postulatiõibus nostris votisque susceptis grátias ágimus, te piissime deprecántes ; ut per hæc quæ sumpsimus, a cunctis éripi mereámur advérsis. Per Dóminum.

MISSA DE ANGELIS

Introitus. Ps. 102.

BENEDÍCITE Dóminum, omnes Angeli ejus : poténtes virtúte, qui fáctis verbum ejus, ad audiéndam vocem sermónum ejus (*T. P.*, allelúia, allelúia). *Ps.* Bénedic, ánima mea, Dómino : et ómnia quæ intra me sunt, nómini sancto ejus. *ŷ.* Glória Patri. Benedícite.

Oratio.

DEUS, qui miro órdine Angelórum ministéria hominúmque dispéusas : concéde propítius ; ut a quibus tibi mi-

nistrántibus in cœlo semper assistitur, ab his in terra vita nostra muniátur. Per Dóminum.

Léctio libri Apocalypsis beáti Joánnis Apóstoli. **Cap. 5.**

IN diébus illis : Audivi vocem Angelórum multórum in circúitu throni, et animálíum, et seniórú; et erat númerus eórum millia millium, dicéntium voce magna : Dignus est Agnus, qui occísus est, accipere virtútem, et divinitátem, et sapiéntiam, et fortitúdinem, et honórem, et glóriam, et benedictiónem. Et omnem creatúrám quæ in cœlo est, et super terram, et sub terra, et quæ sunt in mari, et quæ in eo, omnes audivi dicéntes : Sedénti in throno, et Agno, benedictio, et honor, et glória, et potéstas in sæcula sæculórum. Et quátuor animália dicébant : Amen. Et viginti quátuor senióres cecidérunt in fácies suas, et adoravérunt vivéntem in sæcula sæculórum.

Graduale. Ps. 148. Laudáte Dóminum de cœlis : laudáte eum in excélsis.

ŷ. Laudáte eum, omnes Angeli ejus : laudáte eum, omnes virtútes ejus.

Allelúia, allelúia. ŷ. **Ps. 137.** In conspéctu Angelórum psallam tibi : adorábo ad templum sanctum tuum, et confitébor nómini tuo. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 102. Benedicite Dóminum, omnes Angeli ejus : poténtes virtúte, qui fácitis verbum ejus. ŷ. Benedicite Dómino, omnes virtútes ejus : ministri ejus, qui fácitis voluntátem ejus. ŷ. Benedicite Dómino, ómnia ópera ejus : in omni loco dominatiónis ejus, benedic, ánima mea, Dómino.

Tempore Paschali omittitur Graduale, et ejus loco dicitur

Allelúia, allelúia. ŷ. **Ps. 137.** In conspéctu Angelórum psallam tibi : adorábo ad templum sanctum tuum, et confitébor nómini tuo. Allelúia. ŷ. **Matth. 28.** Angelus Dómini descendit de cœlo, et accédens revólvit lápidem, et sedébat super eum. Allelúia.



Sequéntia sancti Evangélíi secúndum Joánnem. **Cap. 1.**

IN illo témpore : Vidit Jesus Nathánael veniéntem ad se, et dicit de eo : Ecce vere Israelita, in quo dolus non est. Dicit ei Nathánael : Unde me nosti? Respondit Jesus, et dixit ei : Priúsqvam te Philíppus vocáret, cum esses sub ficu, vidi te. Respondit ei Nathánael, et ait : Rabbi, tu es Filius Dei, tu es Rex Israel. Respondit Jesus, et dixit ei : Quia dixi tibi : Vidi te sub ficu, credis : majus his vidébis. Et dicit ei : Amen, amen dico vobis, vidébitis cœlum apértum, et Angelos Dei ascendéntes et descendéntes supra Filium hóminis.

Offertorium. Apoc. 8. Stetit Angelus juxta aram templi, habens thuribulum áureum in manu sua : et data sunt ei incénsa multa, et ascendit fumus arómatum in conspéctu Dei (T. P., allelúia).

Secreta.

HÓSTIAS tibi, Dómine, laudis offérimus, suppliciter deprecántes, ut eásdem, angélico pro nobis interveniéntem suffrágio, et placátus accípias, et ad salútem nostram provenire concédas. Per Dóminum.

Communio. Angeli, Archángeli, Throni et Dominatiónes, Principátus et Potestátes, Virtútes cœlórum, Chérubim atque Séraphim, Dóminum benedicite in ætérnum (T. P., allelúia).

Postcommunio.

REPLÉTI, Dómine, benedictiónem cœlesti, suppliciter implorámus : ut quod fráglili celebrámus officio, sanctorum Angelórum atque Archangelórum nobis prodésse sentiámus auxílio. Per.

Alia Missa votiva de Sancto Michaelé Archangelo dici potest prout in ejus Dedicatione. die 29 Septembris.

MISSA

DE SS. APOST. PETRO ET PAULO

Introitus. Ps. 138.

MIHI autem nimis honoráti sunt amici tui, Deus : nimis confortátus est principátus eórum. **Ps.** Dómine, probásti me, et cognovísti me :

tu cognovisti sessionem meam et resurrectionem meam. *ŷ. Glória Patri. Mihi.*

Oratio.

DEUS, cujus dextera beátum Petrum ambulátem in flúctibus, ne mergerétur, eréxit, et coapóstolum ejus Paulum tértio naufragátem de profúndo pélagi liberávit : exáudi nos propítius, et concéde; ut ambórum méritis, æternitátis glóriam consequámur. Qui vivis.

Léctio Actuum Apostolorum. *Cap. 5.*


IN diébus illis : Per manus Apostolorum fiébant signa et prodígia multa in plebe. Et erant unánimiter omnes in pórticu Salomónis. Cæterórum autem nemo audébat se conjúgere illis : sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejicerent infirmos, et pónerent in léctulis ac grabátis, ut, veniénte Petro, saltem umbra illius obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes ægros et vexátos a spirítibus immúndis, qui curabántur omnes.

Graduale. Ps. 44. Constitues eos principes super omnem terram : mèmores erunt nóminis tui, Dómine. *ŷ. Pro pátribus tuis nati sunt tibi filii : propterea pópuli confitebúntur tibi.*

Allelúia, allelúia. *ŷ. Ps. 138.* Nimis honoráti sunt amíci tui, Deus : nimis confortátus est principátus eórum. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 125. Qui séminant in lácrymis, in gáudio metent. *ŷ. Eúntes ibant et flebant, mitténtes sémina sua. ŷ. Veniéntes autem vénient cum exultatióne, portántes manipulos suos.*

 Sequéntia sancti Evangélii secúndum Matthæum. *Cap. 19.*

IN illo témpore : Dixit Petrus ad Jesum : Ecce nos reliquimus omnia, et secúti sumus te : quid ergo erit nobis? Jesus autem dixit illis : Amen dico vobis, quod vos, qui secúti estis me, in regeneratióne, cum séderit Filius hóminis in sede

majestátis suæ, sedébitis et vos super sedes duódecim, judicántes duódecim tribus Israel. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Offertorium. Ps. 18. In omnem terram exívit sonus eórum, et in fines orbis terræ verba eórum.

Secreta.

OFFÉRIMUS tibi, Dómine, preces et múnera, quæ ut tuo sint digna conspéctu, Apostolorum tuórum Petri et Pauli précibus adjuvémur. Per.

Præfatio de Apostolis.

Communio. Matth. 19. Vos, qui secúti estis me, sedébitis super sedes, judicántes duódecim tribus Israel.

Postcommunio.

PRÓTEGE, Dómine, pópulum tuum : et Apostolorum tuórum Petri et Pauli patrocínio confidéntem, perpétua defensióne consérva. Per Dóminum.

Tempore Paschali dicitur Missa ut in Festo S. Marci, die 25 Aprilis, præter Orationes, Epistolam et Evangelium, quæ dicuntur ut supra.

MISSA DE SPIRITU SANCTO

Introitus. Sap. 1.

SPIRITUS Dómini replévit orbem terrárum : et hoc quod cóninet omnia, sciéntiam habet vocis (T. P., allelúia, allelúia). *Ps. 67.* Exsúrgat Deus, et dissipéntur inimíci ejus : et fúgiant, qui odérunt eum, a fácie ejus. *ŷ. Glória Patri. Spiritus.*

Oratio.

DEUS, qui corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatióne gaudére. Per Dóminum nostrum Jesum Christum Filium tuum, qui tecum vivit et regnat in unitáte ejúsdem Spíritus sancti.

Léctio Actuum Apostolorum. *Cap. 8.*

IN diébus illis : Cum audissent Apóstoli qui erant Jerosólymis, quod recepis-

set Samaría verbum Dei, misérunt ad eos Petrum et Joánnem. Qui cum venissent, oráverunt pro ipsis, ut acciperent Spiritum sanctum. Nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spiritum sanctum.

Graduale. Ps. 32. Beáta gens cujus est Dóminus Deus eórum : pópulus quem elégit Dóminus in hæreditátem sibi. *ŷ.* Verbo Dómini cœli firmáti sunt, et spiritu oris ejus omnis virtus eórum.

Allelúia, allelúia. *ŷ.* (Hic genuflectitur.) Veni, sancte Spíritus, reple tuórum corda fidélium, et tui amóris in eis ignem accénde. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 103. Emitte Spíritum tuum, et creabúntur : et renovábis fáciem terræ. *ŷ.* O quam bonus et suávis est, Dómine, Spíritus tuus in nobis! *ŷ.* (Hic genuflectitur.) Veni, sancte Spíritus, reple tuórum corda fidélium, et tui amóris in eis ignem accénde.

Tempore Paschali omittitur Graduale, et ejus loco dicitur

Allelúia, allelúia. *ŷ.* Ps. 103. Emitte Spíritum tuum, et creabúntur : et renovábis fáciem terræ. Allelúia. *ŷ.* (Hic genuflectitur.) Veni, sancte Spíritus, reple tuórum corda fidélium, et tui amóris in eis ignem accénde. Allelúia.



Sequéntia sancti Evangélíi secúndum Joánnem. Cap. 14.

In illo tẽpore : Dixit Jesus discipulis suis : Si quis diligit me, sermónem meum servábit, et Pater meus diliget eum, et ad eum veniẽmus, et mansiõnem apud eum faciẽmus. Qui non diligit me, sermões meos non servat. Et sermónem quem audistis, non est meus, sed ejus qui misit me, Patris. Hæc locútus sum vobis, apud vos manens. Paráclitus autem Spíritus sanctus, quem mittet Pater in nómine meo, ille vos docebit omnia, et suggeret vobis omnia quæcúmque dixero vobis. Pacem relin-

quo vobis, pacem meam do vobis : non quómodo mundus dat, ego do vobis. Non turbétur cor vestrum, neque formidet. Audistis quia ego dixi vobis : Vado, et vénio ad vos. Si diligeretis me, gauderétis útique, quia vado ad Patrem : quia Pater major me est. Et nunc dixi vobis priúsqvam fiat : ut cum factum fúerit, credátis. Jam non multa loquar vobiscum. Venit enim princeps mundi hujus, et in me non habet quidquam. Sed ut cognóscat mundus quia diligo Patrem, et sicut mandátum dedit mihi Pater, sic fácio.

Offertorium. Ps. 67. Confirma hoc, Deus, quod operátus es in nobis : a templo tuo, quod est in Jerúsalem, tibi offerent reges múnera (T. P. allelúia).

Secreta.

MÚNERA, quæsumus, Dómine, obláta sanctifica, et corda nostra sancti Spíritus illustratiõe emúnda. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

Præfatio. Qui ascéndens.

Communio. Act. 2. Factus est repẽte de cœlo sonus tanquam adveniẽtis spíritus vehemẽtis, ubi erant sedẽntes : et replẽti sunt omnes Spíritu sancto, loquẽtes magnália Dei (T. P., allelúia).

Postcommunio.

SANCTI Spíritus, Dómine, corda nostra mundet infúsiõ, et sui roris íntima aspersiõe fecúndet. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

Ad postulandam gratiam Spíritus sancti, dicitur Missa ut supra, cum sequentibus Orationibus.

Oratio.

DEUS, cui omne cor patet, et omnis volúntas lóquitur, et quem nullum latet secrétum : purifica per infusiõnem sancti Spíritus cogitatiões cordis nostri; ut te perfẽcte diligere, et digne laudáre mereámur. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

Secreta.

HÆC oblátio, quæsumus, Dómine, cordis nostri máculas emúndet, ut sancti Spíritus digna efficiátur habitátio. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

Postcommunio.

CONCÉDE, quæsumus, omnipotens Deus, sanctum nos Spíritum votis promeréri sedúlis : quátenus ejus grátia et ab ómnibus liberémur tentatióibus, et peccatórum nostrórum indulgéntiam percípere mereámur. Per Dóminum nostrum Jesum Christum Filium tuum, qui tecum vivit et regnat in unitáte ejúsdem.

MISSA

DE SS. EUCHARISTLÆ SACRAMENTO

Introitus. Ps. 80.

CIBÁVIT eos ex ádipe fruménti, et de petra melle saturávit eos (T. P., allelúia, allelúia). **Ps.** Exultáte Deo adjutóri nostro : jubilate Deo Jacob. **ŷ.** Glória Patri. Cibávit eos.

Oratio.

DEUS, qui nobis sub Sacraménto mirábili Passiósni tuæ memóriam reliquisti : tribue, quæsumus ; ita nos Córporis et Sanguinis tui sacra mystéria venerári, ut redemptionis tuæ fructum in nobis júgiter sentiámus. Qui vivis et regnas.

Lectio Epistolæ beáti Pauli Apóstoli ad Corínthios. **I Cor. 11.**

FRATRES, Ego enim accépi a Dómino quod et trádidi vobis, quóniam Dóminus Jesus, in qua nocte tradébatur, accépit panem, et grátias agens, fregit, et dixit : Accipite, et manducáte : Hoc est corpus meum, quod pro vobis tradétur : hoc fácite in meam commemoratióem. Similiter et cálicem, postquam cœnávit, dicens : Hic calix novum testaméntum est in meo ságuine : hoc fácite, quotiescúmque bibétis, in meam commemoratióem. Quotiescúmque enim manducábitis panem hunc, et cálicem bibétis, mortem Dómini annuntiá-

bitis, donec véniat. Itaque quicúmque manducáverit panem hunc, vel biberit cálicem Dómini indigne, reus erit cörperis et ságuinis Dómini. Probet autem seípsum homo, et sic de pane illo edat, et de cálice bibat. Qui enim manducat et bibit indigne, júdicium sibi manducat et bibit, non dijúdicans corpus Dómini.

Graduale. Ps. 144. Oculi ómnium in te sperant, Dómine : et tu das illis escam in témpore opportúno. **ŷ.** Aperis tu manum tuam : et imples omne ánimál benedictióe.

Allelúia, allelúia. **ŷ. Joan. 6.** Caro mea vere est cibus, et sanguis meus vere est potus : qui manducat meam carnem, et bibit meum ságuinem, in me manet, et ego in eo. Allelúia.

Post Septuagesimam, omissis Allelúia et **ŷ. seq.**, dicitur

Tractus. Malach. 1. Ab ortu solis usque ad occásum, magnum est nomen meum in géntibus. **ŷ.** Et in omni loco sacrificátur, et offértur nómini meo oblátio munda : quia magnum est nomen meum in géntibus. **ŷ. Prov. 9.** Veníte, comédite panem meum, et bibite vinum quod miscui vobis.

Tempore Paschali omittitur Graduale, et ejus loco dicitur

Allelúia, allelúia. **ŷ. Luc. 24.** Cognóverunt discípuli Dóminum Jesum in fractiõe panis. Allelúia. **ŷ. Joan. 6.** Caro mea vere est cibus, et sanguis meus vere est potus : qui manducat meam carnem, et bibit meum ságuinem, in me manet, et ego in eo. Allelúia.



Sequéntia sancti Evangélii secúndum Joánnem. **Cap. 6.**

In illo témpore : Dixit Jesus turbis Judæórum : Caro mea vere est cibus, et sanguis meus vere est potus. Qui manducat meam carnem, et bibit meum ságuinem, in me manet, et ego in illo. Sicut misit me vivens Pater, et ego vivo propter Patrem : et qui manducat me, et ipse vivet propter me. Hic est panis qui de cœlo descéndit. Non sicut man-

ducavérunt patres vestri manna, et mortui sunt. Qui manducat hunc panem, vivet in ætérnum.

Offertorium. Levit. 21. Sacerdótes Dómini incensum et panes offerunt Deo, et ideo sancti erunt Deo suo, et non polluent nomen ejus (T. P., allelúia).

Secreta.

ECCLÉSIE tuæ, quæsumus, Dómine, unitátis et pacis propítius dona concéde, quæ sub oblátis munéribus mystice designántur. Per Dóminum.

Præfatio de Nativitate Domini. Quia per incarnáti Verbi.

Communio. I Cor. 11. Quotiescúmque manducábitis panem hunc, et cálicem bibétis, mortem Dómini annuntiábitis, donec véniat : itaque quicúmque manducáverit panem, vel biberit cálicem Dómini indigne, reus erit córporis et sánguinis Dómini (T. P., allelúia).

Postcommunio.

FAC nos, quæsumus, Dómine, divinitátis tuæ sempitérna fruitióne repléri, quam pretiósí Córporis et Sanguinis tui temporális percéptio præfigúrat. Qui vivis.

MISSA DE SANCTA CRUCE

Introitus. Galat. 6.

Nos autem gloriári opórtet in Cruce Dómini nostri Jesu Christi, in quo est salus, vita et resurréctio nostra, per quem salváti et liberáti sumus (T. P., allelúia, allelúia). Ps. 66. Deus misereátur nostri, et benedicat nobis : illúminet vultum suum super nos, et misereátur nostri. *ŷ.* Glória. Nos.

Oratio.

DEUS, qui, unigéniti Filii tui pretiósó ságuine, vivificæ Crucis vexillum sanctificáre voluísti : concéde, quæsumus; eos qui ejúsdem sanctæ Crucis gaudent honóre, tua quoque ubique protectióne gaudére. Per eúndem Dóminum.

Lectio Epístolæ beáti Pauli Apóstoli ad Philippéenses. Philip. 2.

FRATRES, Christus factus est pro nobis obédiens usque ad mortem, mortem

autem Crucis. Propter quod et Deus exaltávit illum, et donávit illi nomen quod est super omne nomen : (*Hic genuflectitur*) ut in nómine Jesu omne genu flectátur, cœléstium, terréstrium et infernórum : et omnis lingua confiteátur quia Dóminus Jesus Christus in glória est Dei Patris.

Graduale. Ibid. Christus factus est pro nobis obédiens usque ad mortem, mortem autem Crucis. *ŷ.* Propter quod et Deus exaltávit illum, et dedit illi nomen quod est super omne nomen.

Allelúia, allelúia. *ŷ.* Dulce lignum, dulces clavos, dúlcia ferens póndera : quæ sola fuísti digna sustinére Regem cœlórum et Dóminum. Allelúia.

Post Septuagesimam, omissis Allelúia et *ŷ.* seq., dicitur

Tractus. Adorámus te, Christe, et benedicimus tibi : quia per Crucem tuam redemisti mundum. *ŷ.* Tuam Crucem adorámus, Dómine, tuam gloriósam recólimus Passiónem : miserére nostri, qui passus es pro nobis. *ŷ.* O Crux benedicta, quæ sola fuísti digna portáre Regem cœlórum et Dóminum !

Tempore Paschali omittitur Graduale, et ejus loco dicitur

Allelúia, allelúia. *ŷ.* Ps. 93. Dícite in géntibus quia Dóminus regnávít a ligno. Allelúia. *ŷ.* Dulce lignum, dulces clavos, dúlcia ferens póndera : quæ sola fuísti digna sustinére Regem cœlórum et Dóminum. Allelúia.



Sequéntia sancti Evangélii secúndum Matthæum. Cap. 20.

In illo témpore : Assumpsit Jesus duódecim discipulos secréto, et ait illis : Ecce ascéndimus Jerosólymam, et Filius hóminis tradétur princípibus sacerdotum et scribis, et condemnábunt eum morte; et tradent eum géntibus ad illudéndum, et flagellándum, et crucifigéndum, et tértia die resúrget.

Offertorium. Prótege, Dómine, plebem tuam, per signum sanctæ Crucis, ab ómnibus insidiis inimicórum ómnium : ut tibi gratam exhibeámus ser-

vitutem, et acceptabile fiat sacrificium nostrum (T. P., allelúia).

Secreta.

HÆC oblatio, Dómine, quæsumus, ab ómnibus nos purget offensus : quæ in ara Crucis etiam totius mundi tulit offensam. Per eúmdem Dóminum.

Præfatio. Qui salutem humáni generis.

Communio. Per signum Crucis de inimicis nostris libera nos, Deus noster (T. P., allelúia).

Postcommunio.

ADÉSTO nobis, Dómine Deus noster : et quos sanctæ Crucis lætári facis honóre, ejus quoque perpétuis defénde subsidiis. Per Dóminum.

¶ *Tempore Paschali, loco primæ Orationis dicitur sequens*

Oratio.

DEUS, qui pro nobis Filium tuum Crucis patibulum subire voluisti, ut inimici a nobis expelleres potestatem : concéde nobis fámulis tuis ; ut resurrectionis grátiam consequámur. Per eúmdem Dóminum.

MISSA DE PASSIONE

DOMINI NOSTRI JESU CHRISTI

Introitus. Philip. 2.

HUMILIÁVIT semetipsum Dóminus Jesus Christus usque ad mortem, mortem autem Crucis : propter quod et Deus exaltávit illum, et donávit illi nomen quod est super omne nomen (T. P., allelúia, allelúia). Ps. 88. Misericórdias Dómini in ætérnum cantábo, in generatióem et generatióem. ̃. Glória Patri. Humiliávit.

Oratio.

DÓMINE Jesu Christe, qui de cœlis ad terram de sinu Patris descendisti, et ságuinem tuum pretiósus in remissionem peccatórum nostrórum fudisti : te humiliter deprecámur ; ut in die iudicii ad dexteram tuam audire mereámur : Veníte, benedicti. Qui vivis.

Lectio Zachariæ Prophætæ.

Cap. 12 et 13.

HÆC dicit Dóminus : Effúdam super domum David, et super habitatóres

Jerúsalem, spíritum grátiae et precum : et aspicient ad me, quem confixerunt : et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, et dicétur : Quid sunt plagæ istæ in médio mánuum tuárum? Et dicet : His plagátus sum in domo eórum qui diligébant me. Frámea, suscitáre super pastórem meum, et super virum cohæréntem mihi, dicit Dóminus exercituum. Pércute pastórem, et dispergéntur oves, ait Dóminus omnipotens.

Graduale. Ps. 68. Impropérium expectávit cor meum et misériam : et sustínui qui simul mecum contristarétur, et non fuit : consolántem me quæsívi, et non invéni. ̃. Dedérunt in escam meam fel, et in siti mea potavérunt me acéto.


Allelúia, allelúia. ̃. Ave, Rex noster : tu solus nostros es miserátus erróres : Patri obédiens, ductus es ad crucifigéndum, ut agnus mansuétus ad occisió-nem. Allelúia.

Post Septuagesimam, omissis Allelúia et ̃. seq., dicitur

Tractus. Is. 53. Vere languóres nostros ipse tulit, et dolóres nostros ipse portávit. ̃. Et nos putávimus eum quasi leprósum, et percússum a Deo, et humiliátum. ̃. Ipse autem vulnerátus est propter iniquitátes nostras, attrítus est propter scélera nostra. ̃. Disciplina pacis nostræ super eum, et livóre ejus sanáti sumus.

Tempore Paschali omittitur Graduale, et ejus loco dicitur

Allelúia, allelúia. ̃. Ave, Rex noster : tu solus nostros es miserátus erróres : Patri obédiens, ductus es ad crucifigéndum, ut agnus mansuétus ad occisió-nem. Allelúia. ̃. Tibi glória, hosánna : tibi triúmphus et victória : tibi summæ laudis et honóris coróna. Allelúia.

 Sequéntia sancti Evangélíi secúndum Joánnem. *Cap. 19.*

In illo témpore : Sciens Jesus quia ómnia consummáta sunt, ut consummarétur Scriptúra, dixit : Sítio. Vas ergo erat pó-

situm acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit : Consummátum est. Et inclinátó cápite, trádidit spíritum. Judæi ergo (quóniam Parascevé erat), ut non remanérent in cruce córpora sábbato (erat enim magnus dies ille sábbati), rogavérunt Pilátum ut frangeréntur eórum crura, et tolleréntur. Venérunt ergo milites : et primi quidem fregérunt crura, et altérius qui crucifixus est cum eo. Ad Jesum autem cum venissent, ut viderunt eum jam mórtuum, non fregérunt ejus crura : sed unus militum láncea latus ejus aperúit, et continuo exívit sanguis et aqua. Et qui vidit, testimónium perhibuit, et verum est testimónium ejus.

Offertorium. Insurrexérunt in me viri iníqui : absque misericórdia quæsiérunt me interficere : et non pepercérent in faciém meam spúere : lánceis suis vulneravérunt me, et concússa sunt ómnia ossa mea (T. P., allelúia).

Secreta.

OBLÁTUM tibi, Dómine, sacrificium, intercedente unigéniti Filii tui Passióne, vivificet nos semper et múniat. Qui tecum vivit.

Præfatio de Cruce.

Communio. Ps. 21. Fodérunt manus meas et pedes meos, dinumeravérunt ómnia ossa mea (T. P., allelúia).

Postcommunio.

DÓMINE Jesu Christe, Fili Dei vivi, qui hora sexta pro redemptióne mundi Crucis patibulum ascendisti, et ságuinem tuum pretiósium in remissionem peccatórum nostrórum fudisti : te humíliter deprecámur; ut post óbitum nostrum, paradisi jánuas nos gaudénter introíre concédas. Qui vivis.

MISSA DE SANCTA MARIA

AB ADVENTU USQUE AD NATIVITATEM
DOMINI

Introitus. Is. 45.

RORÁTE, cœli, désuper, et nubes pluant Justum : aperiátur terra, et gérminet Salvatórem. Ps. 84.

Benedixisti, Dómine, terram tuam : avertisti captivitátem Jacob. Ț. Glória Patri. Roráte.

Oratio.


DEUS, qui de beátæ Mariæ Virginis útero, Verbum tuum, Angelo nuntiánte, carnem suscipere voluisti : præsta supplicibus tuis; ut qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

Lectio Isaíæ Prophætæ. Cap. 7.

IN diébus illis : Locútus est Dóminus ad Achaz, dicens : Pete tibi signum a Dómino Deo tuo in profundum inférni, sive in excélsum supra. Et dixit Achaz : Non petam, et non tentábo Dóminum. Et dixit : Audite ergo, domus David. Numquid parum vobis est moléstos esse hominibus, quia molésti estis et Deo meo? Propter hoc dabit Dóminus ipse vobis signum. Ecce Virgo concipiet, et páriet filium, et vocábitur nomen ejus Emmánuel. Butyrum et mel cómedet, ut sciat reprobare malum, et eligere bonum.

Graduale. Ps. 23. Tóllite portas, príncipes, vestras, et elevámini, portæ æternáles : et introíbit Rex glóriæ. Ț. Quis ascéndet in montem Dómini, aut quis stabit in loco sancto ejus? Innocens má nibus, et mundo corde.

Allelúia, allelúia. Ț. Luc. 1. Ave, María, grátia plena : Dóminus tecum : benedícta tu in muliéribus. Allelúia.

 **Sequéntia sancti Evangélíi secúndum Lucam. Cap. 1.**

IN illo témpore : Missus est Angelus Gábriel a Deo in civitátem Galiléæ, cui nomen Názaresh, ad Virginem desponsátam viro, cui nomen erat Joseph, de domo David : et nomen Virginis, María. Et ingræssus Angelus ad eam, dixit : Ave, grátia plena : Dóminus tecum : benedícta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne timeas, María, invenisti enim grátiam apud Deum : ecce concipies in útero, et páries Filium, et vocábis nomen ejus Jesum. Hic erit ma-

gnus, et Filius Altissimi vocabitur. Et dabit illi Dominus Deus sedem David patris ejus : et regnabit in domo Jacob in ætérnum, et regni ejus non erit finis. Dixit autem Maria ad Angelum : Quómodo fiet istud, quóniam virum non cognosco? Et respondens Angelus, dixit ei : Spíritus sanctus supervéniet in te, et virtus Altissimi obumbrabit tibi. Ideoque et quod nascétur ex te Sanctum, vocabitur Filius Dei. Et ecce Elisabeth cognáta tua, et ipsa concépit filium in senectúte sua : et hic mensis sextus est illi quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum.

Offertorium. *Ibid.* Ave, María, grátia plena : Dóminus tecum : benedicta tu in muliéribus, et benedictus fructus ventris tui.

Secreta.

IN méntibus nostris, quæsumus, Dómine, veræ fidei sacraménta confirma : ut qui concéptum de Virgine Deum verum et hómínem confitémur, per ejus salutíferæ resurrectionis poténtiam, ad ætérnam mereámur pervenire lætítiam. Per eúndem Dóminum.

Præfatio. Et te in veneratióne beátæ Mariæ. Quæ dicitur et in seq. Missis de sancta Maria, etiam Temp. Pasch., vel infra quascumque Oct. ejus Missa dicatur.

Communio. Is. 7. Ecce Virgo concipiet, et páriet filium, et vocabitur nomen ejus Emmánuel.

Postcommunio.

GRÁTIAM tuam, quæsumus, Dómine, méntibus nostris infúnde : ut qui, Angelo nuntiánte, Christi Filii tui Incarnatiónem cognóvimus ; per PassiÓNem ejus et Crucem, ad resurrectionis glóriam perducámur. Per eúndem.

A NATIVITATE DOMINI

USQUE AD PURIFICATIONEM

Introitus. Ps. 44.

VULTUM tuum deprecabúntur omnes dívites plebis : adducéntur Regi Virgines post eam : próximæ ejus

adducéntur tibi in lætítia et exultatióne. **Ps.** Eructávit cor meum verbum bonum : dico ego ópera mea Regi. **ŷ.** Glória Patri. Vultum.

Oratio.

DEUS, qui salútis ætérnæ, beátæ Mariæ virginitáte fecúnda, humano géneri præmia præstitisti : tribue, quæsumus ; ut ipsam pro nobis intercédere sentiámus, per quam merúimus auctórem vitæ suscipere Dóminum nostrum Jesum Christum Filium tuum. Qui tecum vivit.

Lectio Epístolæ beáti Pauli Apóstoli ad Titum. **Cap. 3.**

CHARÍSSIME, Appáruit benignitas et humanitas Salvatóris nostri Dei : non ex opéribus justitiæ, quæ fécimus nos, sed secúndum suam misericórdiam salvos nos fecit, per lavácrum regeneratiónis et renovatiónis Spíritus sancti, quem effúdit in nos abúnde per Jesum Christum Salvátorem nostrum : ut justificáti grátia ipsius, hærédes simus secúndum spem vitæ ætérnæ, in Christo Jesu Dómino nostro.

Graduale. **Ps. 44.** Speciósus forma præ filiis hómínium : diffúsa est grátia in lábiis tuis. **ŷ.** Eructávit cor meum verbum bonum : dico ego ópera mea Regi : lingua mea cálamus scribæ velóci-ter scribéntis.

Allelúia, allelúia. **ŷ.** Post partum, Virgo, invioláta permansisti : Dei Génitrix, intercède pro nobis. Allelúia.

Post Septuagesimam, omissis Allelúia et **ŷ.** seq., dicitur

Tractus. Gaude, María Virgo, cunctas hæreses sola interemísti. **ŷ.** Quæ Gabriélis Archángeli dictis credidísti. **ŷ.** Dum Virgo Deum et hómínem genuísti, et post partum, Virgo, invioláta permansisti. **ŷ.** Dei Génitrix, intercède pro nobis.

Sequéntia sancti Evangelíi secúndum Lucam. Cap. 2.

In illo témpore : Pastóres loquebántur ad ínvicem : Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes : et invené-

runt Mariam, et Joseph, et infántem pòsitum in præsépio. Vidéntes autem cognóverunt de verbo quod dictum erat illis de púero hoc. Et omnes qui audiérunt, miráti sunt, et de his quæ dicta erant a pastóribus ad ipsos. María autem conservábat ómnia verba hæc, cónferens in corde suo. Et revérsi sunt pastóres glorificántes et laudántes Deum in ómnibus quæ audierant et viderant, sicut dictum est ad illos.

Offertorium. Felix namque es, sacra Virgo María, et omni laude digníssima : quia ex te ortus est sol justitiæ, Christus Deus noster.

Secreta.

MUNÉRIBUS nostris, quæsumus, Dómine, precibúsque susceptis, et cœlestibus nos munda mystériis, et cleménter exáudi. Per Dóminum.

Communio. Beáta viscera Mariæ Virginis, quæ portavérunt ætérni Patris Fílium.

Postcommunio.

HÆC nos cōmunió, Dómine, purget a crimine : et, intercedénte beáta Virgine Dei Genitrice María, cœlestis remédii faciát esse consórtes. Per eúndem Dóminum.

A PURIFICATIONE

USQUE AD PASCHA

Introitus. Sedulius.

SALVE, sancta Parens, eníxa puérpera Regem qui cœlum terrámque regit in sæcula sæculórum. *Ps. 44.* Eructávit cor meum verbum bonum : dico ego ópera mea Regi. *Ÿ. Glória Patri.* Salve.

Oratio.

CONCÉDE nos fámulos tuos, quæsumus, Dómine Deus, perpétua mentis et cōporis sanitáte gaudére : et gloriósa beátæ Mariæ semper virginis intercessióne, a præsentí liberári tristítia, et ætérna pérfrui lætítia. Per Dóminum.

Léctio libri Sapientiæ. *Ecclesi. 24.*

AB iníitio et ante sæcula creáta sum, et usque ad futúrum sæculum non désinam, et in habitatióne sancta coram

ipso ministrávi. Et sic in Sión firmáta sum, et in civitaté sanctificáta similiter requiévi, et in Jérusalem potéstas mea. Et radicávi in pópulo honorificáto, et in parte Dei mei hæréditas illius, et in plenitúdine Sanctorúm deténtio mea.

Graduale. Benedícta et venerábilis es, Virgo María, quæ, sine tactu pudóris, invénta es mater Salvatóris. *Ÿ. Virgo Dei Génitrix, quem totus non capit orbis, in tua se clausit viscera factus homo.*

Allelúia, allelúia. Ÿ. Numer. 17. Virga Jesse flóruit : Virgo Deum et hóminem génuít : pacem Deus réddidit, in se reconciliáns ima summis. **Allelúia.**

Post Septuagesimam, omissis Allelúia et Ÿ. seq. dicitur

Tractus. Gaude, María Virgo, cunctas hæreses sola interemísti. *Ÿ. Quæ Gabriélis Archángeli dictis credidisti. Ÿ. Dum Virgo Deum et hóminem genuísti, et post partum, Virgo, invioláta permansísti. Ÿ. Dei Génitrix, intercede pro nobis.*

Sequéntia sancti Evangélii secúndum Lucam. Cap. 11.

IN illo témpore : Loquénte Jesu ad turbas, extóllens vocem quædam mûlier de turba, dixit illi : Beátus venter qui te portávit, et úbera quæ suxísti ! At ille dixit : Quinímo beáti qui audiunt verbum Dei, et custódiunt illud !

Offertorium. Felix namque es, sacra Virgo María, et omni laude digníssima : quia ex te ortus est sol justitiæ, Christus Deus noster.

Secreta.

TUA, Dómine, propitiatióne, et beátæ Mariæ semper virginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

Communio. Beáta viscera Mariæ Virginis, quæ portavérunt ætérni Patris Fílium.

Postcommunio.

SUMPTIS, Dómine, salútis nostræ subsidiis : da, quæsumus, beátæ Mariæ semper virginis patrociníis nos ubique protégi ; in ejus veneratióne hæc tua obtúlimus Majestáti. Per Dóminum.

A PASCHA

USQUE AD PENTECOSTEN

Introitus. Sedulius.

SALVE, sancta Parens, enixa puerpera Regem qui cœlum terrâmpere regit in sæcula sæculorum, allelûia, allelûia. *Ps. 44.* Eructavit cor meum verbum bonum : dico ego ôpera mea Regi. *ÿ.* Glória Patri. Salve.

Oratio.

CONCÈDE nos fâmulos tuos, quæsumus, Dómine Deus, perpétua mentis et cörperis sanitâte gaudere : et gloriôsa beatæ Mariæ semper virginis intercessiône, a præsenti liberâri tristitia, et ætérna pérfrui lætitia. Per Dóminum.

Lectio libri Sapiéntiæ. *Eccli. 24.*

AB infitio et ante sæcula creâta sum, et usque ad futûrum sæculum non désinam, et in habitatiône sancta coram ipso ministrâvi. Et sic in Sion firmâta sum, et in civitâte sanctificatâ similiter requievi, et in Jerúsalem potestas mea. Et radicavi in pópulo honorificâtio, et in parte Dei mei hæreditas illius, et in plenitudine Sanctórum detentio mea.

Allelûia, allelûia. *ÿ. Num. 17.* Virga Jesse flóruit : Virgo Deum et hómīnem genuit : pacem Deus réddidit, in se reconcilians ima summis. Allelûia. *ÿ. Luc. 1.* Ave, María, grátia plena : Dóminus tecum : benedicta tu in mulieribus. Allelûia.



Sequéntia sancti Evangélii secúndum Joánnem. *Cap. 19.*

IN illo témpore : Stabant juxta crucem Jesu mater ejus, et soror matris ejus, María Cléophæ, et María Magdaléne. Cum vidisset ergo Jesus matrem, et discipulum stantem, quem diligébat, dicit matri suæ : Múlier, ecce filius tuus. Deinde dicit discipulo : Ecce mater tua. Et ex illa hora accépit eam discipulus in sua.

Offertorium. Beáta es, Virgo María, quæ ómnium portásti Creatórem : genuísti qui te fecit, et in ætérnum pérmanes virgo, allelûia.

Secreta.

TUA, Dómine, propitiatiône, et beatæ Mariæ semper virginis intercessiône,

ad perpétuam atque præséntem hæc oblátio nobis proficiat prosperitátem et pacem. Per Dóminum.

Communio. Beáta viscera Mariæ Virginis, quæ portaverunt ætérni Patris Fílium, allelûia.

Postcommunio.

SUMPTIS, Dómine, salutis nostræ subsidii : da, quæsumus, beatæ Mariæ semper virginis patrocinii nos ubique prótegi ; in cujus veneratiône hæc tuæ obtúlimus Majestáti. Per Dóminum.

A PENTECOSTE

USQUE AD ADVENTUM

Introitus. Sedulius.

SALVE, sancta Parens, enixa puerpera Regem qui cœlum terrâmpere regit in sæcula sæculorum. *Ps. 44.* Eructavit cor meum verbum bonum : dico ego ôpera mea Regi. *ÿ.* Glória Patri. Salve.

Oratio.

CONCÈDE nos fâmulos tuos, quæsumus, Dómine Deus, perpétua mentis et cörperis sanitâte gaudere : et gloriôsa beatæ Mariæ semper virginis intercessiône, a præsenti liberâri tristitia, et ætérna pérfrui lætitia. Per Dóminum.

Lectio libri Sapiéntiæ. *Eccli. 24.*

AB infitio et ante sæcula creâta sum, et usque ad futûrum sæculum non désinam, et in habitatiône sancta coram ipso ministrâvi. Et sic in Sion firmâta sum, et in civitâte sanctificatâ similiter requievi, et in Jerúsalem potestas mea. Et radicavi in pópulo honorificâtio, et in parte Dei mei hæreditas illius, et in plenitudine Sanctórum detentio mea.

Graduale. Benedicta et venerâbilis es, Virgo María, quæ, sine tactu pudoris, invénta es mater Salvatóris. *ÿ.* Virgo Dei Génitrix, quem totus non capit orbis, in tua se clausit viscera factus homo.

Allelûia, allelûia. *ÿ.* Post partum, Virgo, inviolátæ permansisti : Dei Génitrix, intercedé pro nobis. Allelûia.



Sequéntia sancti Evangélii secúndum Lucam. *Cap. 11.*

IN illo témpore : Loquente Jesu ad turbas, extóllens vocem quædam múlier

de turba, dixit illi : Beátus venter qui te portávit, et úbera quæ suxísti ! At ille dixit : Quinimo beáti qui áudiunt verbum Dei, et custódiunt illud.

Offertorium. Luc. 1. Ave, Mariá, grátia plena : Dóminus tecum : benedicta tu in muliéribus, et benedíctus fructus ventris tui.

Secreta.

TUA, Dómine, propitiatióne, et beatá Mariæ semper virginis intercessióne, ad perpétuam atque preséntem hæc oblátio nobis proficiat prosperitátem et pacem. Per Dóminum.

Communio. Beátá viscera Mariæ Virginis, quæ portáverunt ætérni Patris Fílium.

Postcommunio.

SUMPTIS, Dómine, salútis nostræ subsídiis : da, quæsumus, beatá Mariæ semper virginis patrocinii nos ubique protégi ; in ejus veneratióne hæc tuæ obtulimus Majestáti. Per Dóminum.

¶ In Missis votivis beatæ Mariæ, secunda Oratio dicitur de Officio illius diei, et tertia de Spiritu sancto ; sed in Sabbato, quando de ea factum est Officium, secunda Oratio erit de Spiritu sancto, tertia contra persecutores Ecclesiæ, vel pro Papa.

De Spiritu sancto.

Oratio.

DEUS, qui corda fidélium sancti Spiritus illustratióne docuisti : da nobis in eódem Spiritu recta sápere, et de ejus semper consolatióne gaudére. (Per Dóminum... in unitáte ejúsdem.)

Contra persecutores Ecclesiæ.

Oratio.

ECCLESIAE tuæ, quæsumus, Dómine, preces placátus admítte : ut, destrúctis adversitatibus et erróribus univérsis, secúra tibi sérviat libertáte. Per.

Vel pro Papa.

Oratio.

DEUS, ómnium fidélium Pastor et Rector, fámulum tuum N., quem Pastórem Ecclesiæ tuæ præesse voluisti, propítius réspice : da ei, quæsumus, verbo et exémplo, quibus præest, proficere ; ut ad vitam, una cum grege sibi crédito, pervéniat sempitérnam. Per.

De Spiritu sancto. Secreta.

MÚNERA, quæsumus, Dómine, oblata sanctifica, et corda nostra sancti Spiritus illustratióne emúnda. (Per Dóminum... in unitáte.)

Contra persecutores Ecclesiæ.

Secreta.

PRÓTEGENOS, Dómine, tuis mystériis serviéntes : ut divinis rebus inhærentes, et corpore tibi famulémur et mente. Per.

Vel pro Papa. Secreta.

OBLÁTIS, quæsumus, Dómine, placare munéribus : et fámulum tuum N., quem Pastórem Ecclesiæ tuæ præesse voluisti, assídua protectiόne gubérna. Per.

De Spiritu sancto.

Postcommunio.

SANCTI Spiritus, Dómine, corda nostra mundet infúsió : et sui roris íntima aspersiόne fecúndet. (Per Dóminum... in unitáte ejúsdem.)

Contra persecutores Ecclesiæ.

Postcommunio.

QUÆSUMUS, Dómine Deus noster : ut quos divína tribuis participatióne gaudére, humánis non sinas subjacére periculis. Per Dóminum.

Vel pro Papa. Postcommunio.

HÆC nos, quæsumus, Dómine, divini sacraménti percéptio protégat : et fámulum tuum N., quem Pastórem Ecclesiæ tuæ præesse voluisti, una cum commisso sibi grege, salvet semper et múniat. Per Dóminum.

¶ Aliæ Missæ votivæ pro diversis rebus, quæ dici possunt quacumque die, nisi fuerit Dominica vel Officium duplex : sed tamen passim non dicantur nisi urgenti de causa, ut supra dictum est de aliis Missis votivis.

MISSA

PRO ELIGENDO SUMMO PONTIFICE

SEDE VACANTE

Dicitur de Spiritu sancto, vel ut sequitur.

Introitus. I Reg. 2.

SUSCITABO mihi Sacerdótem fidélem, qui juxta cor meum et animam meam faciet : et ædificábo ei domum fidélem, et ambulábit coram

Christo meo cunctis diébus (T. P., allelúia, allelúia). Ps. 131. Meménto, Dómine, David, et omnis mansuetúdinis ejus. *ŷ.* Glória Patri. Suscitábo.

Oratio.

SÚPPLICI, Dómine, humilitáte deposcimus: ut sacrosáctæ Románæ Ecclésiæ concédát Pontificem illum tua imménsa pietas, qui et pio in nos stúdio semper tibi plácitus, et tuo pópulo pro salúbri regimíne sit assidue ad glóriam tui nóminis reveréndus. Per Dóminum.

Léctio Epístolæ beáti Pauli Apóstoli ad Hebræos. Cap. 4 et 5.

FRATRES, Adeámus cum fidúcia ad thronum grátiae, ut misericórdiam consequámur, et grátiam inveniámus in auxilio oportúno. Omnis namque Póntifex ex homínibus assúptus, pro homínibus constituitur in iis quæ sunt ad Deum, ut offerat dona et sacrificia pro peccátis: qui condolére possit iis qui ignórant et errant: quóniam et ipse circumdatus est infirmitáte: et propterea debet, quemádmódum pro pópulo, ita étiam et pro semetipso offerre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetipsum clarificávit, ut Póntifex fieret: sed qui locútus est ad eum: Filius meus es tu, ego hódie genui te. Quemádmódum et in álío loco dicit: Tu es Sacerdos in ætérnum, secúndum órđinem Melchisedech. Qui in diébus carnis suæ, preces supplicationésque ad eum qui possit illum salvum fácere a morte, cum clamóre válido et lácrymis offerens, exauditus est pro sua reveréntia.

Graduale. Levit. 21. Póntifex sacerdos magnus inter fratres suos, super ejus caput fusum est unctiónis óleum, et ejus manus in sacerdotio consecratæ sunt, vestitúsque est sanctis véstibus, débuit per ómnia fratribus similári. *ŷ.* Hebr. 2. Ut miséricors fieret, et fídelis Póntifex ad Deum: ut repropitiáret delicta pópuli.

Allelúia, allelúia. *ŷ.* Levit. 21. Sacerdos sit sanctus, sicut et ego sanctus

sum, Dóminus, qui sanctifico vos. Allelúia.

Post Septuagesimam. omissis Allelúia et *ŷ.* seq., dicitur

Tractus. Ps. 131. Surge, Dómine, in réquiem tuam, tu et arca sanctificatiónis tuæ. *ŷ.* Sacerdótes tui induántur justitiam, et sancti tui exsúltent. *ŷ.* Propter David servum tuum, non avértas faciém Christi tui.

Tempore Paschali omittitur Graduale, et ejus loco dicitur

Allelúia, allelúia. *ŷ.* Levit. 21. Sacerdos sit sanctus, sicut et ego sanctus sum, Dóminus, qui sanctifico vos. Allelúia. *ŷ.* Joan. 10. Ego sum Pastor bonus: et cognóscó oves meas, et cognóscunt me meæ. Allelúia.



Sequéntia sancti Evangélíi secúndum Joánnem. Cap. 14.

In illo témpore: Dixit Jesus discipulis suis: Si dilígitis me, mandata mea serváte. Et ego rogábo Patrem, et álíum Paráclitum dabit vobis, ut máneat vobíscum in ætérnum, Spíritum veritátis, quem mundus non potest accípere, quia non videt eum, nec scit eum: vos autem cognoscétis eum, quia apud vos manébit, et in vobis erit. Non relinquam vos órphanos: véniam ad vos. Adhuc módicum, et mundus me jam non videt: vos autem vidétis me, quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandata mea, et servat ea, ille est qui diligit me. Qui autem diligit me, diligétur a Patre meo: et ego diligam eum, et manifestábo ei meípsum.

Offertorium. III Esdr. 5. Non participéunt sancta, donec exsúrgat Póntifex in ostensiónem et veritátem (T. P., allelúia).

Secreta.

TUÆ nobis, Dómine, abundántia pietátis indulgeat: ut per sacra múnera quæ tibi reverénter offerimus, gratum Majestáti tuæ Pontificem sanctæ matris Ecclésiæ regimíni præesse gaudeámus. Per Dóminum.

Communio. Exodi 29. Veste sancta utétur Póntifex qui fúerit constitútus, et ingrediétur tabernáculum testimónii, ut ministret in sanctuário (T. P., allelúia).

Postcommunio.

PRETÍOSI Córporis et Ságuinis tui nos, Dómine, sacraménto reféctos, mirifica tuæ Majestátis grátia de illius Summi Pontificis concessióne latíficet : qui et plebem tuam virtútibus instruat, et fidélium mentes spiritúalium arómatum odóre perfúndat. Qui vivis.

¶ In die Creationis et Coronationis Pape, et ejusdem diei Anniversario, dicitur Missa ut in Cathedra S. Petri, die 18 Januarii, cum Oratione Deus, ómnium fidélium, omissis Orationibus SS. Petri et Pauli; et dicitur Credo.

IN ANNIVERSARIO

ELECTIONIS SEU CONSECRATIONIS EPISCOPI

Introitus. Ps. 131.

SACERDÓTES tui, Dómine, induant justitiam, et sancti tui exsúltent : propter David servum tuum, non avértas fáciem Christi tui (T. P., allelúia, allelúia). Ps. Meménto, Dómine, David, et omnis mansuetúdinis ejus. ŷ. Glória Patri. Sacerdótes.

Oratio.

DEUS, ómnium fidélium Pastor et Rector, fámulum tuum N., quem Pastórem Ecclesiæ N. præesse voluísti, propítius respice : da ei, quæsumus, verbo et exémplo quibus præest proficere; ut ad vitam, una cum grege sibi crédito, pervéniat sempiternam. Per Dóminum.

Lectio Epistolæ beáti Pauli Apóstoli ad Hebræos. Cap. 5.

FRATRES, Omnis Póntifex ex homínibus assúptus, pro homínibus constitútus in iis quæ sunt ad Deum, ut offerat dona et sacrificia pro peccátis : qui condolére possit iis qui ignórant et errant : quóniam et ipse circúmdatus est infirmitáte : et propterea debet, quemádmodum pro pópulo, ita étiam et pro semetípso offérre pro peccátis. Nec quis-

quam sumit sibi honórem, sed qui vocátur a Deo, tamquam Aaron.

Graduale. Ps. 131. Sacerdótes ejus induam salutári, et sancti ejus exsultatióne exsultábunt. ŷ. Illuc prodúcám cornu David : parávi lucérnam Christo meo.


Allelúia, allelúia. ŷ. Ps. 109. Jurávit Dóminus, et non pœnitébit eum : Tu es Sacérdos in ætérnum, secúndum órđinem Melchisedech. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 111. Beátus vir qui timet Dóminum : in mandátis ejus cupit nimis. ŷ. Potens in terra erit semen ejus : generatio rectórum benedicétur. ŷ. Glória et divítie in domo ejus : et justitia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. ŷ. Ps. 109. Jurávit Dóminus, et non pœnitébit eum : Tu es Sacérdos in ætérnum, secúndum órđinem Melchisedech. Allelúia. ŷ. Eccli. 45. Amávit eum Dóminus, et ornávit eum : stolam glóriæ induit eum. Allelúia.

 Sequéntia sancti Evangélíi secúndum Marcum. Cap. 13.

IN illo témpore : Dixit Jesus discipulis suis : Vidéte, vigiláte et oráte : nescitis enim quando tempus sit. Sicut homo qui pégre proféctus reliquit domum suam, et dedit servis suis potestátem cújusque óperis, et janitóri præcepit ut vigilet. Vigiláte ergo (nescitis enim quando dóminus domus véniat : sero, an média nocte, an galli cantu, an mane). ne, cum vénerit repénite, invéniant vos dormiéntes. Quod autem vobis dico, ómnibus dico : Vigiláte. Credo.

Offertorium. Ps. 88. Véritas mea et misericórdia mea cum ipso, et in nómine meo exaltábitur cornu ejus (T. P., allelúia).

Secreta.

OBLATIS, quæsumus, Dómine, placáre munéribus : et fámulum tuum N., quem Pastórem Ecclesiæ N. præesse voluísti, assidua protectióne gubérna. Per.

Communio. *Matth. 24.* Beátus servus quem, cum vénerit Dóminus, invénerit vigilátem : amen dico vobis, super ómnia bona sua constituet eum (*T. P., allelúia*).

Postcommunio.

HÆC nos, quæsumus, Dómine, divíni sacraménti percéptio prótegat : et fámulum tuum *N.*, quem Pastórem Ecclésiæ *N.* præesse voluisti, una cum com-misso sibi grege salvet semper et múniat. Per Dóminum.

MISSA AD TOLLENDUM SCHISMA

Introitus. *Ps. 105.*

SALVOS nos fac, Dómine Deus noster, et cóngrega nos de natióibus : ut confiteámur nómini sancto tuo, et gloriémur in laude tua (*T. P., allelúia, allelúia*). *Ps.* Confitémini Dómino, quóniam bonus : quóniam in sæculum misericórdia ejus. *ŷ.* Glória Patri. Salvos.

Oratio.

DEUS, qui erráta córrigis, et dispér-sas : cóngregas, et congregáta consérvas : quæsumus, super pópulum cristiánium tuæ uniónis grátiam clemé-ter infúnde ; ut, divisióne rejécta, vero Pastóri Ecclésiæ tuæ se úniens, tibi digne váleat famulári. Per Dóminum.

Léctio Epistolæ beáti Pauli Apóstoli ad Ephésios. *Cap. 4.*

FRATRES, Obsecro vos ut digne ambulétis vocatióne qua vocáti estis, cum omni humilitáte et mansuetúdine, cum patiéntia supportántes invicem in charitáte, solliciti serváre unitátem spíritus in vínulo pacis. Unum corpus et unus spíritus, sicut vocáti estis in una spe vocatiónis vestræ. Unus Dóminus, una fides, unum baptisma. Unus Deus, et Pater ómnium, qui est super omnes, et per ómnia, et in ómnibus nobis. Unicúque autem nostrum data est grátia secúndum mensúram donatiónis Christi : donec occurrámus omnes in unitátem fidei et agnitiónis Filii Dei, in virum perfectum, in mensúram ætátis plenitúdinis Christi, ut jam non simus párvuli

fluctuántes, et circumferámur omni vento doctrínæ in nequítia hóminum, in astútia ad circumventiόνem erróris. Veritátem autem faciéntes in charitáte, crescámus in illo per ómnia, qui est caput Christus : ex quo totum corpus compáctum et connéxum per omnem junctúram subministratiónis, secúndum operatió- nem in mensúram uniuscujusque membri, augméntum córporis facit in ædificatió- nem sui in charitáte. Hoc igitur dico, et testificor in Dómino, ut jam non ambulétis sicut et gentes ambulánt in vanitáte sensus sui, ténebris obscurátum habéntes intelléctum, alienáti a vita Dei per ignorántiam quæ est in illis, propter cæcitaté- m cordis ipsórum, qui desperántes, semetipsos tradiderunt impudicitíæ, in operatió- nem immundítie omnis, in avaritiam. Vos autem non ita didicístis Christum, si tamen illum audístis, et in ipso edócti estis, sicut est véritas in Christo Jesu Dómino nostro.

Graduale. *Ps. 121.* Rogáte quæ ad pacem sunt Jerúsalem : et abundántia diligéntibus te. *ŷ.* Fiat pax in virtúte tua, et abundántia in túrribus tuis.

Allelúia, allelúia. *ŷ. Ps. 147.* Lauda, Jerúsalem, Dóminum : lauda Deum tuum, Sion. Allelúia.

Post Septuagesimam, ommissis Allelúia et ŷ. seq., dicitur

Tractus. *Ps. 75.* Notus in Judæa Deus, in Israel magnum nomen ejus. *ŷ.* Et factus est in pace locus ejus, et habitatio ejus in Sion. *ŷ.* Ibi confrégit poténtias árcuum, scutum, gládium et bellum.

Tempore Paschali omittitur Graduale. et ejus loco dicitur

Allelúia, allelúia. *ŷ. Ps. 147.* Lauda, Jerúsalem, Dóminum : lauda Deum tuum, Sion. Allelúia. *ŷ.* Qui pósuit fines tuos pacem, et ádi- pe fruménti sátiat te. Allelúia.



Sequéntia sancti Evangélii secúndum Joánnem. *Cap. 17.*

In illo témpore : Sublevátis Jesus óculis in cælum, dixit : Pater sancte, serva

eos in nómine tuo, quos dedisti mihi : ut sint unum, sicut et nos. Cum essem cum eis, ego servábam eos in nómine tuo. Quos dedisti mihi, custodivi : et nemo ex eis périit, nisi filius perditionis, ut Scriptúra impleátur. Nunc autem ad te vénio : et hæc loquor in mundo, ut hábeant gáudium meum implétum in semetipsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctifica eos in veritaté. Sermo tuus véritas est. Sicut tu me misisti in mundum, et ego misi eos in mundum. Et pro eis ego sanctifico meípsum, ut sint et ipsi sanctificáti in veritaté. Non pro eis autem rogo tantum, sed et pro eis qui creditúri sunt per verbum eórum in me : ut omnes unum sint, sicut tu, Pater, in me, et ego in te, ut et ipsi in nobis unum sint : ut credat mundus quia tu me misisti. Et ego claritaté quam dedisti mihi, dedi eis : ut sint unum, sicut et nos unum sumus. Ego in eis, et tu in me : ut sint consummáti in unum.

Offertorium. Rom. 15. Det vobis Deus idípsum sápere in alterútrum : ut unánimes uno ore honorificétis Deum nostrum (T. P., allelúia).

Secreta.

MÚNERA hæc pro unióne pópuli christiáni tibi, Dómine, obláta sanctifica : per quæ unitátis et pacis in Ecclésia tua nobis dona concédas. Per Dóminum.

Communio. I Cor. 10. Unus panis et unum corpus multi sumus, omnes qui de uno pane et de uno cálice participámus (T. P., allelúia).

Postcommunio.

HÆC tua, Dómine, sumpta sacra commúnio, sicut fidélium in te uniónem præsígnat : sic in tua Ecclésia unitátis, quæsumus, operétur effectum. Per Dóminum.

MISSA PRO QUACUMQUE NECESSITATE

Introitus.

SALUS pópuli ego sum, dicit Dóminus : de quacúmque tribulatióne clamáverint ad me, exáudiam eos : et ero illórum Dóminus in perpétuum (T. P., allelúia, allelúia). Ps. 77. Atténdite, pópule meus, legem meam : inclináte aurem vestram in verba oris mei. ̎. Glória Patri. Salus pópuli.

Oratio.

INEFFÁBILEM misericórdiam tuam, Dómine, nobis cleménter osténde : ut simul nos et a peccátis ómnibus éxuas, et a pœnis quas pro his merémur erípias. Per Dóminum.

Lectio Jeremiæ Prophætæ. Cap. 14.

Si iniquitátes nostræ respónderint nobis, Dómine, fac propter nomen tuum : quóniam multæ sunt aversiónes nostræ, tibi peccávimus. Expectatio Israel, salvátor ejus in témpore tribulatiónis. Tu autem in nobis es, Dómine, et nomen tuum invocátum est super nos : ne derelinquas nos, Dómine Deus noster.

Graduale. Ps. 43. Liberásti nos, Dómine, ex affligéntibus nos, et eos qui nos odérunt confudísti. ̎. In Deo laudábimur tota die, et in nómine tuo confitébimur in sæcula.

Allelúia, allelúia. ̎. Ps. 78. Propítius esto, Dómine, peccátis nostris : nequando dicant gentes : Ubi est Deus eórum? Allelúia.

Post Septuagesimam, omissis Allelúia et ̎. seq., dicitur

Tractus. Ps. 24. De necessitatibus meis éripe me, Dómine : vide humilitátem meam et labórem meum : et dimitte ómnia peccáta mea. ̎. Ad te, Dómine, levávi ánimam meam : Deus meus, in te confido, non erubescam : neque irrideant me inimíci mei. ̎. Etenim univérsi qui te expéctant, non confundéntur : confundántur omnes faciéntes vana.

Tempore Paschali omittitur Graduale et ejus loco dicitur

Allelúia, allelúia. ̎. Ps. 78. Pro-

ptius esto, Dómine, peccátis nostris, nequándo dicant gentes : Ubi est Deus eórum? Allelúia. *ŷ. Ps. 30.* Exsultábo et lætabor in misericórdia tua : quóniam respexisti humilitátem meam, salvásti de necessitatibus animam meam. Allelúia.



Sequéntia sancti Evangélíi secúndum Marcum. *Cap. 11.*

IN illo témpore : Dixit Jesus discipulis suis : Habéte fidem Dei. Amen dico vobis, quia quicúmque dixerit huic monti : Tóllere, et mittere in mare : et non hæsitáverit in corde suo, sed crediderit quia quodeúmque dixerit fiat, fiet ei. Propterea dico vobis, ómnia quaecúmque orántes pétitis, créдите quia accipiétis, et evénient vobis. Et cum stábitis ad orándum, dimittite, si quid habétis advérsus áliquem : ut et Pater vester, qui in cœlis est, dimittat vobis peccáta vestra. Quod si vos non dimiseritis, nec Pater vester, qui in cœlis est, dimittet vobis peccáta vestra.

Offertorium. Ps. 137. Si ambulávero in médio tribulatiónis, vivificábis me, Dómine : et super iram inimicórum meórum exténdes manum tuam, et salvum me faciet dextera tua (*T. P., allelúia*).

Secreta.

PURIFICET nos, Dómine, quæsumus, múnieris præsentis oblátio, et dignos sacra participatióne perficiat. Per Dóminum.

Communio. Ps. 118. Meménto verbi tui servo tuo, Dómine, in quo mihi spem dedísti : hæc me consoláta est in humilitate mea (*T. P., allelúia*).

Postcommunio.

PRÆSTA, quæsumus, Dómine : ut terrenis affectibus expiáti, ad supérni plenitudinem sacraménti, cujus libávimus sancta, tendámus. Per Dóminum.

MISSA

PRO REMISSIONE PECCATORUM

Introitus. Sap. 11.

MISERÉRIS ómnium, Dómine, et nihil odisti eórum quæ fecísti, dissimulans peccáta hóminum

propter pœniténtiam, et parcens illis : quia tu es Dóminus Deus noster (*T. P., allelúia, allelúia*). *Ps. 56.* Miserére mei, Deus, miserére mei : quóniam in te confidit ánima mea. *ŷ. Glória Patri.* Misereris.

Oratio.

EXÁUDI, quæsumus, Dómine, supplicum preces, et confiténtium tibi parce peccátis : ut páriter nobis indulgéntiam tribuas benignus et pacem. Per Dóminum.

Lectio Epistolæ beáti Pauli Apóstoli ad Romános. *Cap. 7.*

FRATRES, Condelector legi Dei secúndum interiorem hóminem : video autem áliam legem in membris meis repugnántem legi mentis meæ, et captivántem me in lege peccáti, quæ est in membris meis. Infélix ego homo, quis me liberábit de corpore mortis hujus? Grátia Dei, per Jesum Christum Dóminum nostrum.

Graduale. Ps. 78. Propitius esto, Dómine, peccátis nostris, nequándo dicant gentes : Ubi est Deus eórum? *ŷ.* Adjuva nos, Deus salutáris noster : et propter honórem nóminis tui, Dómine, libera nos.

Allelúia, allelúia. *ŷ. Ps. 7.* Deus iudex justus, fortis et pátiens : númquid irascétur per singulos dies? Allelúia.

Post Septuagesimam, omissis Allelúia et ŷ. seq., dicitur

Tractus. Ps. 129. De profúndis clamávi ad te, Dómine : Dómine, exáudi vocem meam. *ŷ.* Fiant aures tuæ intendentes in oratióem servi tui. *ŷ.* Si iniquitátes observáveris, Dómine : Dómine, quis sustinébit? *ŷ.* Quia apud te propitiatio est, et propter legem tuam sustinui te, Dómine.

Tempore Paschali omittitur Graduale, et ejus loco dicitur

Allelúia, allelúia. *ŷ. Ps. 7.* Deus iudex justus, fortis et pátiens : númquid irascétur per singulos dies? Allelúia. *ŷ. Ps. 50.* Auditui meo dabis gáudium et lætítiam, et exsultábunt ossa humiliáta. Allelúia.



Sequētia sancti Evangēlii secūndum Lucam. **Cap. 11.**

In illo tēpore : Dixit Jesus discipulis suis : Pēte, et dābitur vobis : quērite, et inveniētis : pulsāte, et aperiētur vobis. Omnis enim qui petit, āccipit : et qui quārit, invenit : et pulsānti aperiētur. Quis autem ex vobis patrem petit panem, numquid lapidem dabit illi? Aut piscem, numquid pro pisce serpētem dabit illi? Aut si petierit ovum, numquid pōrriget illi scorpīonem? Si ergo vos, cum sitis mali, nostis bona data dare filiis vestris, quanto magis Pater vester de cōlo dabit spīritum bonum petētibz se?

Offertorium. Ps. 101. Dōmine, exāudi oratiōnem meam : et clamor meus ad te pervēniat (**T. P.**, allelūia).

Secreta.

Hōstias tibi, Dōmine, placatiōnis et laudis offērimus, ut et delicta nostra miserātus absōlvas, et nutāntia corda tu dirigas. Per Dōminum.

Communio. Luc. 11. Pēte, et accipiētis : quērite, et inveniētis : pulsāte, et aperiētur vobis. Omnis enim qui petit, āccipit : et qui quārit, invenit : et pulsānti aperiētur (**T. P.**, allelūia).

Postcommunio.

Præsta nobis, æternæ Salvator : ut percipiētes hoc mūnere vēniā peccatorū, deinceps peccāta vitēmus. Per.

MISSA

AD POSTULANDAM GRATIAM BENE MORIENDI

Introitus. Ps. 12.

ILLUMINA ōculos meos, ne umquam obdōrmiam in morte, nequādo dicat inimicus meus : Prævāluī adversus eum (**T. P.**, allelūia, allelūia). **Ps.** Usquequo, Dōmine, oblivisceris me in finem? ūsquequo avērtis faciē tuam a me? **γ.** Glōria Patri. Illūmina.

Oratio.

OMNIPOTENS et miséricors Deus, qui humano gēneri et salutis remēdia, et vitæ æternæ mūnera contulisti : respice propitiū nos fāmulos tuos, et animas rēfove quas creāsti; ut in hora exitus æa-

rum, absque peccāti mākula tibi Creatōri suo per manus sanctōrum Angelōrum repræsentāri mereāntur. Per Dōminum.

Lectio Epistolæ beāti Pauli Apōstoli ad Romānos. Cap. 14.

FRATRES, Nemo nostrum sibi vivit, et nemo sibi mōritur. Sive enim vivimus, Dōmino vivimus : sive mōrimur, Dōmino mōrimur. Sive ergo vivimus, sive mōrimur, Dōmini sumus. In hoc enim Christus mōrtuus est et resurrexit, ut et mortuōrum et vivōrum dominētur. Tu autem quid iūdicas fratrem tuum! Aut tu quare spernis fratrem tuum? Omnes enim stābimus ante tribūnāl Christi. Scriptum est enim : Vivo ego, dicit Dōminus, quōniam mihi flectētur omne genu, et omnis lingua confitēbitur Deo. Itaque unusquisque nostrum pro se ratiōnem reddet Deo.

Graduale. Ps. 22. Si āmbulem in medio umbræ mortis, non timēbo mala : quōniam tu mecum es, Dōmine. **γ.** Virga tua et bāculus tuus, ipsa me consolāta sunt.

Allelūia, allelūia. γ. Ps. 30. In te, Dōmine, sperāvi, non confūdar in ætērum : in iustitia tua libera me, et ēripe me : inclina ad me aurem tuam, accēlāra, ut eripias me. Allelūia.

Post Septuagesimam, omissis Allelūia et γ. seq., dicitur

Tractus. Ps. 24. De necessitatibus meis ēripe me, Dōmine : vide humilitātem meam et labōrem meum : et dimitte ōmnia peccāta mea. **γ.** Ad te, Dōmine, levāvi animam meam : Deus meus, in te confido, non erubēscam : neque irrideant me inimici mei. **γ.** Etenim univērsi qui te expēctant, non confundēntur : confundāntur omnes faciētes vana.

Tempore Paschali omittitur Graduale, et ejus loco dicitur

Allelūia, allelūia. γ. Ps. 113. In exitu Israel de Ægypto, domus Jacob de pōpulo bárbaro. Allelūia. **γ. Ps. 107.** Parātum cor meum, Deus, parātum cor meum : cantābo, et psallam tibi, glōria mea. Allelūia.



Sequéntia sancti Evangélii secúndum Lucam. **Cap. 21.**

IN illo témpore : Dixit Jesus discípulis suis : Atténdite vobis, ne forte gravéntur corda vestra in crápula, et ebrietáte, et curis hujus vitæ, et supervéniat in vos repentiná dies illa : tamquam láqueus enim supervéniet in omnes qui sedent super faciém omnis terræ. Vigilate itaque, omni témpore orántes, ut digni habeámini fúgere ista ómnia, quæ futúra sunt, et stare ante Filium hóminis.

Offertorium. Ps. 30. In te sperávi, Dómine : dixi : Tu es Deus meus, in mánibus tuis témpora mea (**T. P.**, allelúia).

Secreta.

SÚSCIPE, quæsumus, Dómine, hóstiam quam tibi offérimus pro extrémó vitæ nostræ, et concéde, ut per eam univérsa nostra purgéntur delicta ; ut qui tuæ dispositiónis flagéllis in hac vita attérimur, in futúra réquiem consequámur ætérnam. Per Dóminum.

Communio. Ps. 70. Dómine, memorábor justitiæ tuæ solius : Deus, docuisti me a juventúte mea : et usque in senéctam et sénium, Deus, ne derelínquas me (**T. P.**, allelúia).

Postcommunio.

QUÆSUMUS cleméntiam tuam, omnipotens Deus, ut per hujus virtútem sacraménti nos fámulos tuos grátia tua confirmáre dignéris : ut in hora mortis nostræ non præváleat contra nos adversárius, sed cum Angelis tuis tránsitum habére mereámur ad vitam. Per.

MISSA CONTRA PAGANOS

Introitus. Ps. 43.

EXSÚRGE : quare obdórmis, Dómine ? Exsúrge, et ne repéllas in finem : quare faciém tuam avértis, oblivísceris tribulatióem nostram ? Adhæsit in terra venter noster : exsúrge, Dómine, ádjuva nos, et libera nos (**T. P.**, allelúia, allelúia). **Ps.** Deus, áuribus nostris audívimus : patres nostri annuntiavérunt nobis. **ŷ.** Glória Patri. Exsúrge.

Oratio.

OMNÍPOTENS sempitérne Deus, in cujus manu sunt ómnium potestátes et ómnium jura regnórum : réspice in auxiliúm Christianórum ; ut gentes paganórum, quæ in sua feritáte confidunt, dexteræ tuæ poténtia conterántur. Per.

Lectio libri Esther. Cap. 13.

IN diébus illis : Orávit Mardocheus ad Dóminum, dicens : Dómine, Dómine, Rex omnipotens, in ditióné enim tua cuncta sunt pósita, et non est qui possit tuæ resistere voluntáti, si decreveris salváre Israel. Tu fecísti cælum et terram, et quidquid cæli ámbitu continétur. Dóminus ómnium es, nec est qui resistat Majestáti tuæ. Et nunc, Dómine Rex, Deus Abraham, miserére pópuli tui, quia volunt nos inimíci nostri pèrdere, et hæreditátem tuam delére. Ne despicias partem tuam, quam redemísti tibi de Ægypto. Exáudi deprecationem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine Deus noster.

Graduale. Ps. 82. Sciant gentes quóniam nomen tibi Deus : tu solus Altissimus super omnem terram. **ŷ.** Deus meus, pone illos ut rotam, et sicut stipulam ante faciém venti.

Allelúia, allelúia. **ŷ. Ps. 79.** Excita, Dómine, poténtiam tuam, et veni : ut salvos faciás nos. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 78. Adjuva nos, Deus salutáris noster : et propter honórem nóminis tui, Dómine, libera nos : et propítius esto peccátis nostris propter nomen tuum. **ŷ.** Nequándo dicant gentes : Ubi est Deus eórum, et innotéscat in natió nibus coram óculis nostris. **ŷ.** Vindica sánguinem servórum tuórum qui effúsus est : intret in conspéctu tuo gémitus compeditórum.

Tempore Paschali omittitur Graduale, et ejus loco dicitur

Allelúia, allelúia. **ŷ. Ps. 79.** Excita,

Dómine, poténtiam tuam, et veni : ut salvos fácias nos. Allelúia. *ŷ. Ibid.* Deus virtútum, couvértete : réspice de cœlo, et vide, et visita vineam istam : et pérface eam quam plantávit dextera tua. Allelúia.



Sequéntia sancti Evangélíi secúndum Lucam. *Cap. 11.*

In illo témpore : Dixit Jesus discípulis suis : Quis vestrum habébit amicum, et ibit ad illum média nocte, et dicet illi : Amice, cómoda mihi tres panes, quóniam amicus meus venit de via ad me, et non hábeo quod ponam ante illum : et ille de intus respóndens, dicat : Noli mihi moléstus esse ; jam óstium clausum est, et púeri mei mecum sunt in cubili : non possum súrgere, et dare tibi. Et si ille perseveráverit pulsans : dico vobis, etsi non dabit illi surgens eo quod amicus ejus sit, propter improbitátem tamen ejus surget, et dabit illi quotquot habet necessariós. Et ego dico vobis : Pétite, et dábitur vobis : quærite, et inveniétis : pulsáte, et aperiétur vobis. Omnis enim qui petit, áccipit : et qui quærit, invenit : et pulsánti aperiétur. Quis autem ex vobis patrem petit panem, numquid lápidem dabit illi ? Aut piscem, numquid pro pisce serpéntem dabit illi ? Aut si petierit ovum, numquid pórriget illi scorpiónem ? Si ergo vos, cum sitis mali, nostis bona data dare filiis vestris, quanto magis Pater vester de cœlo dabit spíritum bonum peténtibus se ?

Offertorium. Ps. 17. Pópulum húmitem salvum fácies, et óculos superbórum humiliábis : quóniam quis Deus præter te, Dómine (T. P., allelúia) ?

Secreta.

SACRIFICÍUM, Dómine, quod immolámus, inténde : ut propugnatóres tuos ab omni éruas paganórum nequítia, et in tuæ protectióis securitáte constituas. Per Dóminum.

Communio. Ps. 118. In salutári tuo ánima mea, et in verbum tuum sperávi : quando fácies de persequéntibus me judícium ? Iníqui persecúti sunt me, ádjuva

me, Dómine Deus meus (T. P., allelúia).

Postcommunio.

PROTÉCTOR noster, aspice, Deus, et propugnatóres tuos a paganórum défende periculis : ut, omni perturbátione submóta, liberis tibi méntibus déserviant. Per Dóminum.

MISSA TEMPORE BELLI

Introitus. Ps. 24.

REMINISCERE miseratiónum tuárum, Dómine, et misericórdiæ tuæ, quæ a sæculo sunt : ne umquam dominéuntur nobis inimíci nostri : libera nos, Deus Israel, ex ómnibus angústíis nostris (T. P., allelúia, allelúia). *Ps.* Ad te, Dómine, levávi ánimam meam : Deus meus, in te confido, non erubéscam. *ŷ. Glória Patri. Reminiscere.*

Oratio.

DEUS, qui cónteris bella, et impugnatóres in te sperántium poténtia tuæ defensióis expúgnas : auxiliáre fámulis tuis implorántibus misericórdiam tuam : ut, inimicórum suórum feritáte depréssa, incessábili te gratiárum actióne laudémus. Per Dóminum.

Léctio Jeremiæ Prophætæ. Cap. 42.

In diébus illis : Accessérunt omnes príncipes bellatórum, dixerúntque ad Jeremiám Prophétam : Ora pro nobis ad Dóminum Deum tuum. Et factum est verbum Dómini ad Jeremiám. Vocavítque omnes príncipes bellatórum, et univérsum pópulum a mínimo usque ad magnum. Et dixit ad eos : Hæc dicit Dóminus Deus Israel, ad quem misístis me, ut prostérnerem preces vestras in conspéctu ejus : Si quiescéntes mansérítis in terra hac, ædificábo vos, et non déstruam : plantábo, et non evéllam : jam enim placátus sum super malo quod feci vobis. Nolite timére a facië regis Babylónis, quem vos pávidi formidátis : nolite metúere eum, dicit Dóminus : quia vobiscum sum ego, ut salvos vos fáciam, et éruam de manu ejus. Et dabo vobis misericórdias, et miserébor vestri, et

habitare vos faciam in terra vestra, dicit Dominus omnipotens.

Graduale. Ps. 76. Tu es Deus qui facis mirabilia solus : notam fecisti in gentibus virtutem tuam. *ŷ.* Liberasti in brachio tuo populum tuum, filios Israel et Joseph.

Allelúia, allelúia. *ŷ.* Ps. 38. Eripe me de inimicis meis, Deus meus : et ab insurgentibus in me libera me. **Allelúia.**

Post Septuagesimam, omissis Allelúia et ŷ. seq., dicitur

Tractus. Ps. 102. Domine, non secundum peccata nostra, quae fecimus nos, neque secundum iniquitates nostras retribuas nobis. *ŷ.* Ps. 73. Domine, ne memineris iniquitatum nostrarum antiquarum : cito anticipent nos misericordiae tuae, quia pauperes facti sumus nimis. *ŷ.* Adjuva nos, Deus salutaris noster : et propter gloriam nominis tui, Domine, libera nos : et propitius esto peccatis nostris propter nomen tuum.

Tempore Paschali omittitur Graduale, et ejus loco dicitur

Allelúia, allelúia. *ŷ.* Ps. 58. Eripe me de inimicis meis, Deus meus : et ab insurgentibus in me libera me. **Allelúia.** *ŷ.* **Ibid.** Ego autem cantabo fortitudinem tuam, et exaltabo mane misericordiam tuam. **Allelúia.**



Sequentia sancti Evangelii secundum Matthaeum. Cap. 24.

In illo tempore : Accesserunt ad Jesum discipuli secreto, dicentes : Dic nobis quando haec erunt? et quod signum adventus tui et consummationis saeculi? Et respondens Jesus, dixit eis : Videte ne quis vos seducat. Multi enim venient in nomine meo, dicentes : Ego sum Christus : et multos seducunt. Audituri enim estis praelia et opiniones praeliorum. Videte ne turbemini. Oportet enim haec fieri, sed nondum est finis. Consurget enim gens in gentem, et regnum in regnum : et erunt pestilentiae, et fames, et terrae motus per loca. Haec autem omnia initia sunt dolorum.

Offertorium. Ps. 17. Populum humilem salvum facies, Domine, et oculos

superborum humiliabis : quoniam quis Deus praeter te, Domine (**T. P., allelúia**)?

Secreta.

SACRIFICIUM, Domine, quod immolamus, intende placatus : ut ab omni nos eruat bellorum nequitia, et in tuae protectionis securitate constituat. **Per.**

Communio. Ps. 30. Inclina aurem tuam; accelera ut eripias nos (**T. P., allelúia**).

Postcommunio.

DEUS, regnorum omnium regumque dominator, qui nos et percutiendo sanas, et ignoscendo conservas : praetende nobis misericordiam tuam; ut, tranquillitate pacis tua potestate servata, ad remedia correctionis utamur. **Per.**

MISSA PRO PACE

Introitus. Eccli. 36.

DA pacem, Domine, sustinentibus te, ut Prophetae tui fideles inveniantur : exaudi preces servi tui et plebis tuae Israel (**T. P., allelúia, allelúia**). **Ps. 121.** Laetatus sum in his quae dicta sunt mihi : In domum Domini ibimus. *ŷ.* Gloria Patri. Da pacem.

Oratio.

DEUS, a quo sancta desideria, recta consilia, et justa sunt opera : da servis tuis illam quam mundus dare non potest pacem; ut et corda nostra mandatis tuis dedita, et hostium sublata formidine, tempora sint tua protectione tranquilla. **Per Dominum.**

Lectio libri Machabaeorum. II Mach. 1.

FRATRIBUS qui sunt per Aegyptum, Judaeis, salutem dicunt fratres qui sunt in Jerosolymis, Judaei, et qui in regione Judaeae, et pacem bonam. Beneficiat vobis Deus, et meminerit testamenti sui, quod locutus est ad Abraham, et Isaac, et Jacob, servorum suorum fidelium : et det vobis cor omnibus, ut colatis eum, et faciatis ejus voluntatem corde magno et animo volenti. Adaperiat cor vestrum in lege sua, et in praecipis suis, et faciat pacem. Exaudiat orationes vestras, et reconcilietur vobis, nec vos deserat in tempore malo Dominus Deus noster.

Graduale. Ps. 121. Rogáte quæ ad pacem sunt Jerúsalem, et abundantia diligéntibus te. *ŷ.* Fiat pax in virtute tua, et abundantia in túrribus tuis.

Allelúia, allelúia. *ŷ.* Ps. 147. Lauda, Jerúsalem, Dóminum : lauda Deum tuum, Sion. Allelúia.

Post Septuagesimam, omissis Allelúia et *ŷ.* seq., dicitur

Tractus. Ps. 75. Notus in Judæa Deus, in Israel magnum nomen ejus. *ŷ.* Et factus est in pace locus ejus, et habitatio ejus in Sion. *ŷ.* Ibi confrégit poténtias arcuum, scutum, gládium et bellum.

Tempore Paschali omittitur *Gra d* et ejus loco dicitur

Allelúia, allelúia. *ŷ.* Ps. 147. Lauda, Jerúsalem, Dóminum : lauda Deum tuum, Sion. Allelúia. *ŷ.* Qui pósuit fines tuos pacem, et ádipe fruménti sátiat te. Allelúia.



Sequentia sancti Evangélíi secúndum Joánnem. *Cap. 20.*

In illo témpore : Cum sero esset die illo, una sabbatorum, et fores essent clausæ, ubi erant discipuli congregati propter metum Judæorum : venit Jesus, et stetit in médio, et dixit eis : Pax vobis. Et cum hoc dixisset, osténdit eis manus et latus. Gavisi sunt ergo discipuli, viso Dómino. Dixit ergo eis iterum : Pax vobis. Sicut misit me Pater, et ego mitto vos. Hæc cum dixisset, insufflavít, et dixit eis : Accípite Spíritum sanctum : quorum remisérítis peccáta, remittántur eis : et quorum retinuérítis, reténta sunt.

Offertorium. Ps. 134. Laudáte Dóminum, quia benignus est : psállite nómini ejus, quóniam suávis est : ómnia quæcúmque vóluit, fecit in cœlo et in terra (*T. P., allelúia*).

Secreta.

DEUS, qui credéntes in te pópulos nullis sínis cóncuti terróribus, dignáre preces et hóstias dicátæ tibi plebis suscipere, ut pax a tua pietáte concéssa, christianórum fines ab omni hoste fáciat esse secúros. Per Dóminum.

Communio. Joan. 14. Pacem relín-

quo vobis : pacem meam do vobis, dicit Dóminus (*T. P., allelúia*).

Postcommunio.

DEUS, auctor pacis et amátor, quem nosse, vivere, cui servíre, regnáre est : prótege ab ómnibus impugnationibus súpplices tuos ; ut qui in defénsióne tua confidimus, nullius hostilitátis arma timeámus. Per Dóminum.

MISSA PRO VITANDA MORTALITATE

VEL TEMPORE PESTILENTIÆ

Introitus. II Reg. 24.

RECORDÁRE, Dómine, testaménti tui, et dic Angelo percutiénti : Cesset jam manus tua, et non desolétur terra, et ne perdas omnem ánimam vivéntem (*T. P., allelúia, allel.*). Ps. 79. Qui regis Israel, inténde : qui dedúcis, velut ovem, Joseph. *ŷ.* Glória. Recordáre.

Oratio.

DEUS, qui non mortem sed pœniténtiam desidéras peccatórum : pópulum tuum ad te reverténtem propítius respice ; ut, dum tibi devótus existit, iracúndiæ tuæ flagélla ab eo cleménter amóveas. Per.

Lectio libri Regum. II Reg. 24.

In diébus illis : Immisit Dóminus pestiléntiam in Israel, de mane usque ad tempus constitútum, et mórtui sunt ex pópulo, a Dan usque ad Bersabée, septuagínta millia virórum. Cumque extendisset manum suam Angelus Dómini super Jerúsalem, ut disperderet eam, misértus est Dóminus super afflictióne, et ait Angelo percutiénti pópulum : Súfficit : nunc cóntine manum tuam. Erat autem Angelus Dómini juxta áream Aréuna Jebusæi. Dixitque David ad Dóminum, cum vidisset Angelum cædéntem pópulum : Ego sum qui peccávi, ego iníque egi : isti, qui oves sunt, quid fecérunt? Vertátur, óbsecro, manus tua contra me et contra domum patris mei. Venit autem Gad Prophéta ad David in die illa, et dixit ei : Ascénde, et constítue altáre Dómino in área Aréuna Jebusæi. Et ascéudit David juxta sermónem Gad, quem præcéperat ei Dóminus. Et ædificávit altáre Dómino, et obtulit holo-

cáusta et pacífica: et propitiátus est Dóminus terræ, et cohibita est plaga ab Israel.

Graduale. Ps. 106. Misit Dóminus verbum suum, et sanávit eos: et eripuit eos de morte eórum. *ŷ.* Confiteántur Dómino misericórdiæ ejus, et mirabilia ejus filiis hóminum.

Allelúia, allelúia. *ŷ.* **Ps. 68.** Salvum me fac, Deus, quóniam intravérunt aquæ usque ad animam meam. Allelúia.

Post Septuagesimam, omissis Allelúia et *ŷ.* seq., dicitur

Tractus. Ps. 102. Dómine, non secúndum peccáta nostra, quæ fécimus nos, neque secúndum iniquitátes nostras retribuas nobis. *ŷ.* **Ps. 78.** Dómine, ne memineris iniquitátum nostrárum antiquárum: cito anticipent nos misericórdiæ tuæ, quia páuperes facti sumus nimis. *ŷ.* Adjuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris propter nomen tuum.

Tempore Paschali omittitur **Graduale**, et ejus loco dicitur

Allelúia, allelúia. *ŷ.* **Ps. 68.** Salvum me fac, Deus, quóniam intravérunt aquæ usque ad animam meam. Allelúia. *ŷ.* **Zach. 8.** Salvábo pópulum meum Israel in die malo: et ero eis in Deum, in veritate et justitia. Allelúia.



Sequéntia sancti Evangélíi secúndum Lucam. **Cap. 4.**

In illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febri, et dimisit illam. Et continuo surgens, ministrábat illis. Cum autem sol occidisset, omnes qui habébant infirmos váriis languóribus, ducébant illos ad eum. At ille, singulis manus impónens, curábat eos. Exibant autem dæmónia a multis, clamántia et dicéntia: Quia tu es Filius Dei: et increpans non sinébat ea loqui, quia sciébant ipsum esse Christum. Facta autem die, egréssus ibat in desértum locum: et turbæ requirebant eum, et venérunt usque ad ipsum, et detinébant

illum, ne discéderet ab eis. Quibus ille ait: Quia et állis civitátibus opórtet me evangelizáre regnum Dei, quia ideo missus sum. Et erat prædicans in synagógis Galilææ.

Offertorium. Num. 16. Stetit Póntifex inter mórtuos et vivos, habens thuribulum áureum in manu sua: et offerens incénsi sacrificium, placávit iram Dei, et cessávit quassátio a Dómino (**T. P.**, allelúia).

Secreta.

SUBVENIAT nobis, quæsumus, Dómine, sacrificii præséntis oblátio: quæ nos et ab erróribus univérsis poténter absólvat, et a totíus erípiat perditiónis incúrsu. Per Dóminum.

Communio. Luc. 6. Multitúdo languéntium, et qui vexabántur a spiritibus immúndis, veniébant ad eum: quia virtus de illo exibat, et sanábat omnes (**T. P.**, allelúia).

Postcommunio.

EXÁUDI nos, Deus salutáris noster: et pópulum tuum ab iracúndiæ tuæ terróribus liberum, et misericórdiæ tuæ fac largitaté secúrum. Per Dóminum.

MISSA PRO INFIRMIS

Introitus. Ps. 54.

EXÁUDI, Deus, oratióne meam, et ne despéxeris deprecationem meam: inténde in me, et exáudi me (**T. P.**, allelúia, allelúia). **Ps.** Contristátus sum in exercitátione mea: et conturbátus sum a voce inimíci, et a tribulatióne peccatóris. *ŷ.* Glória. Exáudi.

Oratio.

OMNÍPOTENS sempitérne Deus, salus ætéRNA credéntium: exáudi nos pro fámulis tuis infirmis, pro quibus misericórdiæ tuæ implorámus auxílium; ut, réddita sibi sanitáte, gratiárum tibi in Ecclesiá tua réferant actiões. Per.

¶ Si fuerit pro uno tantum, dicatur semper in singulari.

Lectio Epistolæ beáti Jacóbi Apóstoli.

Cap. 5.

CHARÍSSIMI, Tristátur áliquis vestrum? Oret. Æquo ánimo est? psallat. In-

firmatur quis in vobis? inducat Presbyteros Ecclesiæ, et orent super eum, ungentes eum oleo in nomine Domini. Et oratio fidei salvabit infirmum, et alleviabit eum Dominus: et si in peccatis sit, remittentur ei. Confitemini ergo alterutrum peccata vestra, et orate pro invicem, ut salvemini.

Graduale. Ps. 6. Miserere mihi, Domine, quoniam infirmus sum: sana me, Domine. *ŷ.* Conturbata sunt omnia ossa mea, et anima mea turbata est valde.

Alleluia, alleluia. *ŷ.* Ps. 101. Domine, exaudi orationem meam, et clamor meus ad te perveniat. Alleluia.

Post Septuagesimam, omissis Alleluia et *ŷ.* seq., dicitur

Tractus. Ps. 30. Miserere mei, Domine, quoniam tribulus: conturbatus est in ira oculus meus, anima mea, et venter meus. *ŷ.* Quoniam defecit in dolore vita mea, et anni mei in gemitibus. *ŷ.* Infirmata est in paupertate virtus mea, et ossa mea conturbata sunt.

Tempore Paschali omittitur Graduale, et ejus loco dicitur

Alleluia, alleluia. *ŷ.* Ps. 101. Domine, exaudi orationem meam, et clamor meus ad te perveniat. Alleluia. *ŷ.* Ps. 27. In Deo speravit cor meum, et adjutus sum, et refloruit caro mea: et ex voluntate mea confitebor ei. Alleluia.



Sequentia sancti Evangelii secundum Matthæum. Cap. 8.

In illo tempore: Cum introisset Jesus Capharnaum, accessit ad eum centurio, rogans eum et dicens: Domine, puer meus jacet in domo paralyticus, et male torquetur. Et ait illi Jesus: Ego veniam, et curabo eum. Et respondens centurio, ait: Domine, non sum dignus ut intres sub tectum meum: sed tantum dic verbo, et sanabitur puer meus. Nam et ego homo sum sub potestate constitutus, habens sub me milites, et dico huic: Vade, et vadit; et alii: Veni, et venit; et servo meo: Fac hoc, et facit. Audiens autem Jesus, miratus est, et sequentibus se dixit: Amen dico vobis, non inveni tantam fidem in Israel. Dico autem vobis

quod multi ab Oriente et Occidente venient, et recumbent cum Abraham, et Isaac, et Jacob, in regno celorum: filii autem regni ejicientur in tenebras exteriores: ibi erit fletus et stridor dentium. Et dixit Jesus centurioni: Vade, et sicut credidisti, fiat tibi. Et sanatus est puer in illa hora.

Offertorium. Ps. 54. Exaudi, Deus, orationem meam, et ne despexeris deprecationem meam: intende in me, et exaudi me (*T. P.*, alleluia).

Secreta.

DEUS, cujus nutibus vite nostrae momenta decurrunt, suscipe preces et hostias famulorum tuorum, pro quibus ægrotantibus misericordiam tuam imploremus: ut de quorum periculo metuimus, de eorum salute lætemur. Per.

Communio. Ps. 30. Illumina faciem tuam super servum tuum, et salvum me fac in tua misericordia: Domine, non confundar, quoniam invocavi te (*T. P.*, allel.).

Postcommunio.

DEUS, infirmitatis humane singulare praesidium, auxilii tui super infirmos famulos tuos ostende virtutem: ut ope misericordiae tuae adjuti, Ecclesiae tuae sanctae incolumes representari mereantur. Per Dominum.

¶ Pro infirmo qui proximus est morti, dicuntur sequentes Orationes.

Oratio.

OMNIPOTENS et misericors Deus, qui humano generi et salutis remedia, et vite aeternae munera contulisti: respice propitius famulum tuum infirmitate corporis laborantem, et animam refove quam creasti: ut in hora exitus illius, absque peccati macula tibi Creatori suo per manus sanctorum Angelorum representari mereatur. Per Dominum.

Secreta.

SUSCIPE, quaesumus, Domine, hostiam quam tibi offerimus pro famulo tuo in extremo vite constituto: et concede, ut per eam universa illius purgentur delicta; ut qui tuae dispositionis flagellis in hac vita atteritur, in futura requiem consequatur aeternam. Per Dominum.

Postcommunio.

QUÆSUMUS cleméntiam tuam, omnípotens Deus : ut per hujus virtutem sacraménti fámulum tuum grátia tua confirmáre dignéris ; ut in hora mortis ejus non præváleat contra eum adversárius, sed cum Angelis tuis tránsitum habére mereátur ad vitam. Per.

MISSA PRO PEREGRINANTIBUS

VEL ITER AGENTIBUS

Introitus. Ps. 25.

RÉDIME me, Dómine, et miserére mei : pes enim meus stetit in via recta : in ecclésiis benedicam Dóminum (T. P., allelúia, allelúia). Ps. Júdice me, Dómine, quóniam ego in innocentia mea ingressus sum : et in Dómino sperans non infirmabor. *ŷ.* Glória Patri. Rédime.

Oratio.

ADÉSTO, Dómine, supplicatióibus nostris, et viam famulorum tuorum in salutis tuæ prosperitate dispónne : ut inter omnes viæ et vitæ hujus varietates, tu semper protegántur auxilio. Per.

Lectio libri Génesis. Cap. 28.

IN diébus illis : Egressus Jacob de Bersabée, pergebat Haran. Cumque venisset ad quemdam locum, et vellet in eo requiescere post solis occubitum, tulit de lapidibus qui jacébant, et supponens capiti suo, dormivit in eodem loco. Viditque in somnis Dóminum dicentem sibi : Ego sum Dóminus Deus Abraham patris tui, et Deus Isaac. Terram in qua dormis, tibi dabo et sémini tuo. Eritque semen tuum quasi pulvis terræ : dilataberis ad occidentem, et orientem, et septentrionem, et meridiem : et benedicentur in te et in sémine tuo cunctæ tribus terræ. Et ero custos tuus quocúmque perréxeris, et reducam te in terram hanc, nec dimittam, nisi complévero univérsa quæ dixi. Surgens ergo Jacob mane, tulit lápidem quem supposuerat capiti suo, et erexit in titulum, fundens óleum désuper. Vovit étiam votum, dicens : Si fuerit Deus mecum, et custodierit me in via per quam ego ámbulo,

et dederit mihi panem ad vescendum, et vestiméntum ad induendum, reversusque fuero prospere ad domum patris mei : erit mihi Dóminus in Deum, et lapis iste, quem eréxi in titulum, vocabitur domus Dei : cunctorumque quæ dederis mihi, decimas offeram tibi.

Graduale. Ps. 22. Si ámbulem in médio umbræ mortis, non timébo mala, quóniam tu mecum es, Dómine. *ŷ.* Virga tua et báculus tuus, ipsa me consolata sunt.


Allelúia, allelúia. ŷ. Ps. 118. Gressus meos dirige secúndum elóquium tuum, ut non dominétur mei omnis injustitia. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 90. Angelis suis Deus mandávit de te, ut custódiat te in ómnibus viis tuis. *ŷ.* In mánibus portábunt te, ne umquam offéndas ad lápidem pedem tuum. *ŷ.* Super áspidem et basiliscum ambulábis, et conculcábis leónem et dracónem.

Tempore Paschali omittitur Graduale, et ejus loco dicitur

Allelúia, allelúia. ŷ. Ps. 118. Gressus meos dirige secúndum elóquium tuum, ut non dominétur mei omnis injustitia. Allelúia. *ŷ. Ps. 121.* Lætátus sum in his quæ dicta sunt mihi : In domum Dómini ibimus. Allelúia.

 Sequéntia sancti Evangélíi secúndum Matthæum. Cap. 10.

IN illo témpore : Dixit Jesus discipulis suis : Eúntes, prædicáte, dicétes : Quia appropinquávit regnum celórum. Infirmos curáte, mórtuos suscitáte, leprósos mundáte, dæmones ejícite : gratis accepistis, gratis date. Nolite possidére aurum, neque argéntum, neque pecúniam in zonis vestris, non peram in via, neque duas túnicas, neque calceaménta, neque virgam : dignus enim est operárius cibo suo. In quacúmque civitatem aut castéllum intravéritis, interrogáte quis in ea dignus sit : et ibi manéte donec exeátis. Intrántes autem in domum, salutáte eam, dicétes : Pax huic domui. Et si quidem fuerit domus illa

digna, véniet pax vestra super eam : si autem non fúerit digna, pax vestra revertétur ad vos. Et quicumque non recéperit vos, neque audierit sermónes vestros, exeúntes foras de domo vel civitáte, excútite púlverem de pédibus vestris.

Offertorium. Ps. 16. Pérfice gressus meos in sémitis tuis, ut non moveántur vestígia mea. Inclína aurem tuam mihi, et exáudi verba mea : mirífica misericórdias tuas, qui salvos facis sperántes in te, Dómine (T. P., allelúia).

Secreta.

PROPITIÁRE, Dómine, supplicationibus nostris, et has oblationes, quas tibi offérimus pro fámulis tuis, benignus assúme : ut viam illórum et præcedente comitári dignéris; ut de actu atque incolumitáte eórum, secúndum misericórdiæ tuæ præsidia, gaudeámus. Per Dóminum.

Communio. Ps. 118. Tu mandásti mandáta tua custodiri nimis : útinam dirigántur viæ meæ, ad custodiéndas justificationes tuas (T. P., allelúia)!

Postcommunio.

TUA, Dómine, sacraménta quæ súppsimus, fámulos tuos in te sperántes custódiant : et contra omnes advérsos tueántur incúrsus. Per Dóminum.

MISSA PRO SPONSO ET SPONSA

Si benedictio Nuptiarum facienda sit die Dominica, vel alio die Festo sive de præcepto, sive duplici primæ vel secundæ classis, dicatur Missa de Dominica, vel Festo, cum Glória in excélsis et Credo, si illa Missa id requirat, et cum Commemoratione sequentis Missæ pro Sponso et Sponsa, et reliquis quæ pro Communionem et complemento benedictionis in ea habentur. Si autem benedictio Nuptiarum facienda sit aliis diebus, etiamsi in iis occurrat Festum duplex majus vel minus, dicatur sequens Missa votiva.

Introitus. Tob. 7 et 8.

DEUS Israel conjúngat vos, et ipse sit vobiscum, qui misértus est duóbus únícis : et nunc, Dó-

mine, fac eos plénius benedicere te (T. P., allelúia, allelúia). Ps. 127. Beáti omnes qui timent Dóminum, qui ambulánt in viis ejus. *ŷ.* Glória Patri. Deus Israel.

Oratio.

EXÁUDI nos, omnipotens et miséricors Deus : ut quod nostro ministrátur officio, tua benedictione pótius impleátur. Per Dóminum.

Lectio Epístolæ beáti Pauli Apóstoli ad Ephésios. *Cap. 5.*

FRATRES, Mulieres viris suis súbditæ sint, sicut Dómino : quóniam vir caput est mulieris, sicut Christus caput est Ecclesiæ : ipse salvátor córporis ejus. Sed sicut Ecclesiá subjécta est Christo, ita et mulieres viris suis in ómnibus. Viri, diligite uxóres vestras, sicut et Christus diléxit Ecclesiám, et seípsum trádedit pro ea, ut illam sanctificáret, mundans laváero aquæ in verbo vitæ, ut exhiberet ipse sibi gloriósam Ecclesiám, non habéntem máculam, aut rugam, aut áliquíd hujúsmodi, sed ut sit sancta et immaculáta. Ita et viri debent diligere uxóres suas ut córpora sua. Qui suam uxórem diligit, seípsum diligit. Nemo enim umquam carnem suam ódio hábuit, sed nutrit et fovet eam, sicut et Christus Ecclesiám : quia membra sumus córporis ejus, de carne ejus, et de óssibus ejus. Propter hoc relinquet homo patrem et matrem suam, et adhærébit uxóri suæ, et erunt duo in carne una. Sacraméntum hoc magnum est : ego autem dico in Christo et in Ecclesiá. Verúmtamen et vos singuli, unusquisque uxórem suam sicut seípsum diligit : uxor autem timeat virum suum.

Graduale. Ps. 127. Uxor tua sicut vitis abúndans in latéribus domus tuæ. *ŷ.* Filii tui sicut novéllæ olivárum in circúitu mensæ tuæ.

Allelúia, allelúia. *ŷ.* Ps. 19. Mittat vobis Dóminus auxilium de sancto, et de Sion tueátur vos. Allelúia.


Post Septuagesimam, omissis Allelúia et *ŷ.* seq., dicitur

Tractus. Ps. 127. Ecce sic benedi-

cétur omnis homo qui timet Dóminum. *Ÿ. Benedicat tibi Dóminus ex Sion, et videas bona Jerúsalem ómnibus diébus vitæ tuæ. Ÿ. Et videas filios filiórum tuórum : pax super Israel.*

Tempore Paschali omittitur Graduale, et ejus loco dicitur

Allelúia, allelúia. Ÿ. Ps. 19. Mittat vobis Dóminus auxilium de sancto, et de Sion tueátur vos. Allelúia. Ÿ. Ps. 133. Benedicat vobis Dóminus ex Sion, qui fecit cælum et terram. Allelúia.

 *Sequéntia sancti Evangélii secúndum Matthæum. Cap. 19.*

In illo témpore : Accessérunt ad Jesum pharisæi tentántes eum et dicéntes : Si licet hómini dimittere uxórem suam quacúmque ex causa? Qui respóndens, ait eis : Non legístis quia qui fecit hóminem ab initio, másculum et féminam fecit eos? et dixit : Propter hoc dimittet homo patrem et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet.

Offertorium. Ps. 30. In te sperávi, Dómine : dixi : Tu es Deus meus : in má nibus tuis témpora mea (T. P., allelúia).

Secreta.

SÚSCIPE, quæsumus, Dómine, pro sacra connúbii lege munus oblátum : et ejus largitor es óperis, esto dispósitor. Per Dóminum.

¶ Dicto Pater noster, Sacerdos, antequam dicat : Libera nos, quæsumus, Dómine, stans in cornu Epistolæ versus Sponsum et Sponsam ante Altare genuflexus, dicit super eos sequentes Oraciones.

Orémus. Oratio.

PROPITIARE, Dómine, supplicatió nibus nostris, et institútis tuis, quibus propagatió nem húmáni géneris ordinásti, benígnus assiste : ut quod te auctóre júngitur, te auxiliánte servétur. Per.

Orémus.

DEUS, qui potestáte virtútis tuæ de nihilo cuncta fecísti : qui dispósitis universitátis exórdiis, hómini ad imági-

nem Dei factó, ideo inseparábile mulieris adjutórium condidísti, ut femíneo córpori de virili dares carne princípium. docens quod ex uno placuísset instítui, numquam licére disjúngi : Deus, qui tam excellénti mystério conjugálem cópulam consecrásti, ut Christi et Ecclésiæ sacraméntum præsignáres in fœdere nuptiárum : Deus, per quem múlter júngitur viro, et societas principáliter ordináta, ea benedictió ne donátur, quæ sola nec per originális peccáti penam, nec per dilúvii est abláta senténtiam : respice propítius super hanc fámulam tuam, quæ, maritáli júngénda consórtio, tua se expetit protectió ne muniri : sit in ea jugum dilectiós is et pacis : fidé lis et casta nubat in Christo, imitatrixque sanctárum permáneat feminárum : sit amábilis viro suo, ut Rachel : sápiens, ut Rebéca : longæva et fidé lis, ut Sara : nihil in ea ex áctibus suis ille auctor prævaricatió nis usurpet : nexa fidei mandatisque permáneat : uni thoro júcta, contráctus ilícitos fúgiat : múniat infirmitátem suam róbo re disciplinæ : sit verecúndia gravis, pudóre venerábilis, doctrinis cœlestibus erudita : sit fecúnda in sóbole : sit probáta et innocens : et ad beatórum réquiem, atque ad cœlestia regna pervéniat : et vídeant ambo filios filiórum suórum usque in tértiam et quartam generatió nem, et ad optátam pervéniant senectútem. Per eúmdem Dóminum.

¶ Tunc Sacerdos reversus ad médium Altaris, dicit : Libera nos, et reliqua, more solito : et postquam sumpserit Sanguinem, communicet Sponsos, et prosequatur Missam.

Communio. Ps. 127. Ecce sic benedicétur omnis homo qui timet Dóminum : et videas filios filiórum tuórum : pax super Israel (T. P., allelúia).

Postcommunio.

QUÆSUMUS, omnipotens Deus, instítuta providétiæ tuæ pio favóre comítare : ut quos legítima societáte connéctis, longæva pace custódias. Per Dóminum.

Dicto Benedicámus Dómino, vel, si

Missæ illius diei conveniat, *Ite, Missa est, Sacerdos, antequam populo benedicat, conversus ad Sponsum et Sponsam, dicat :*

DEUS Abraham, Deus Isaac, et Deus Jacob sit vobiscum, et ipse adimpleat benedictionem suam in vobis : ut videatis filios filiorum vestrorum usque ad tertiam et quartam generationem : et postea vitam æternam habeatis sine fine, adjuvante Dómino nostro Jesu Christo, qui cum Patre et Spiritu san-

cto vivit et regnat Deus, per ómnia sæcula sæculórum. *ñ. Amen.*

¶ Moneat eos Sacerdos sermone gravi, ut sibi invicem servant fidem : orationis tempore, et præsertim jejuniorum ac solemnitatum, casti maneant : et vir uxorem, atque uxor virum diligat, et in timore Dei permaneant. Postea eos aspergat aqua benedicta, et dicto Pláceat tibi, sancta Trinitas, det benedictionem, et legat, ut solitum est, Evangelium S. Joannis In principio erat Verbum.

ORATIONES DIVERSÆ

Dicendæ in Missa ab libitum Sacerdotis, cum iis quæ in propriis Missis assignantur, quando non est Festum duplex.

1. Ad poscenda Suffragia Sanctorum.

Oratio.

CONCÉDE, quæsumus, omnipotens Deus : ut intercessio sanctæ Dei Genitricis Mariæ, sanctorumque ómnium Apostolorum, Mátyrum, Confessorum, atque Virginum, et ómnium electórum tuórum, nos ubique lætificent ; ut dum eórum mérita recólimus, patrocinia sentiámus. Per eúndem Dóminum.

Secreta.

OBLÁTIS, Dómine, placáre munéribus : et intercedente beáta María semper virgine, cum ómnibus Sanctis tuis, a cunctis nos defende periculis. Per.

Postcommunio.

SÚMPSIMUS, Dómine, beátæ Mariæ semper virginis, et ómnium Sanctorum tuórum memóriam recolentes, sacraménta cœlestia : præsta, quæsumus ; ut quod temporáliter gérimus, ætérnis gaudiis consequámur. Per Dóminum.

2. Alia Oratio, ut supra. *Oratio.*

ACUNCTIS nos, quæsumus, Dómine, a mentis et córporis defende periculis : et intercedente beáta et gloriósa semper virgine Dei Genitricæ Mariæ, cum beáto Joseph, beátis Apóstolis tuis Petro et Paulo, atque beáto N., et ómnibus Sanctis, salutem nobis tribue benignus et pacem ; ut, destrúctis adversitatibus et

erróribus univérsis, Ecclésiæ tuæ secúra tibi sérviat libertáte. Per eúndem.

In hac Oratione nomina sanctorum Angelorum et sancti Joannis Baptistæ præponuntur sancto Joseph.

Secreta.

EXAUDI nos, Deus salutáris noster : ut per hujus sacraménti virtutem, a cunctis nos mentis et córporis hóstibus tueáris, grátiam tribuens in præsénti, et glóriam in futúro. Per Dóminum.

Postcommunio.

MUNDET et múniat nos, quæsumus, Dómine, divini sacraménti munus oblátum ; et intercedente beáta Virgine Dei Genitricæ Mariæ, cum beáto Joseph, beátis Apóstolis tuis Petro et Paulo, atque beáto N., et ómnibus Sanctis, a cunctis nos reddat et perversitatibus expiátos, et adversitatibus expeditos. Per eúndem.

3. Pro omni gradu Ecclesiæ.

Oratio.

OMNÍPOTENS sempitérne Deus, cujus Spiritu totum corpus Ecclésiæ sanctificátur et régitur : exáudi nos pro univérsis Ordinibus supplicántes ; ut, grátie tuæ múnere, ab ómnibus tibi grádibus fideliter serviátur. Per... in unitate ejúsdem.

Secreta.

DA fámulis tuis, Dómine, indulgéntiam peccatórum, consolatiónem vi-

tæ, gubernationem perpétuam : ut tibi serviéntes, ad tuam jūgiter misericórdiam pervenire mereántur. Per.

Postcommunio.

LÍBERA, quæsumus, Dómine, a peccátis et hóstibus fámulos tuos tibi supplicántes : ut in sancta conversatióne vivéntes, nullis afficiántur advérsis. Per Dóminum.

4. Pro Papa.

Oratio.

DEUS, ómnium fidélium Pastor et Rector, fámulum tuum **N.**, quem Pastórem Ecclésiæ tuæ præesse voluisti, propitiús respice : da ei, quæsumus, verbo et exémplo, quibus præest, proficere; ut ad vitam, una cum grege sibi crédito, perveniat sempitérnam. Per.

Secreta.

OBLÁTIS, quæsumus, Dómine, placare munéribus : et fámulum tuum **N.**, quem Pastórem Ecclésiæ tuæ præesse voluisti, assídua protectiône gubérna. Per Dóminum.

Postcommunio.

HÆC nos, quæsumus, Dómine, divini sacraménti percéptio protégat : et fámulum tuum **N.**, quem Pastórem Ecclésiæ tuæ præesse voluisti, una cum commisso sibi grege salvet semper et múniat. Per Dóminum.

5. Pro Imperatore.

Oratio.

DEUS, regnórum ómnium, et christiáni máxime protéctor Impérii : da servo tuo Imperatóri nostro **N.**, triúmphum virtútis tuæ sciénter excólere, ut qui tua institutióne est princeps, tuo sit semper múnere potens. Per.

Si non est coronatus, dicatur elécto Imperatóri.

Secreta.

SÚSCIPE, Dómine, preces et hóstias Ecclésiæ tuæ pro salute fámuli tui supplicántis : et in protectiône fidélium populórum antiqua bráchii tui operáre mirácula : ut superátis pacis inimicis, secúra tibi sérviat christiána libértas. Per Dóminum.

Postcommunio.

DEUS, qui ad prædicándum ætérni Regis Evangélium, Románum Impérium præparásti : prætende fámulo tuo Imperatóri nostro **N.** arma cœléstia; ut pax Ecclésiárum nulla turbétur tempestáte bellórum. Per Dóminum.

6. Pro Rege.

Oratio.

QUÆSUMUS, omnipotens Deus; ut fámulus tuus **N.**, Rex noster, qui tua miseratione suscepit regni gubernacula, virtútum étiam ómnium percipiat incrementa : quibus decénter ornátus, et vitiórum monstra devitáre, et ad te, qui via, v́eritas, et vita es, gratiósius váleat pervenire. Per Dóminum.

Secreta.

MÚNERA, Dómine, quæsumus, oblata sanctifica : ut et nobis Unigéniti tui corpus et sanguis fiant, et Regi nostro ad obtinéndam ánimæ corporisque salutem, et peragéndum injúctum officium, te largiénte, usquequáque proficiant. Per eúndem Dóminum.

Postcommunio.

HÆC, Dómine, oblátio salutáris fámulum tuum **N.**, Regem nostrum, ab ómnibus tueátur advérsis : quátenus et ecclesiásticæ pacis obtíneat tranquillitátem; et post hujus témporis decúrsum, ad ætérnam perveniat hæreditátem. Per Dóminum.

7. Pro Prælatís et Congregationibus eis commissis.

Oratio.

OMNÍPOTENS sempitérne Deus, qui facis mirabilia magna solus : prætende super fámulos tuos, et super Congregationes illis commissas, spíritum grátie salutáris; et, ut in veritáte tibi compláceant, perpétuum eis rorem tuæ benedictiόνis infúnde. Per Dóminum.

Secreta.

HÓSTIAS, Dómine, famulórum tuórum placátus inténde : et quas in honórem nóminis tui devóta mente pro eis celebrámus, proficere sibi sentiant ad medélam. Per Dóminum.

Postcommunio.

QUOS cœlesti récreas múnere, perpétuo, Dómine, comitáre præsidio : et quos fovére non désinis, dignos fieri sempitérna redemptióne concéde. Per Dóminum.

8. Pro Congregatione et Familia.

Oratio.

DEFÉNDE, quæsumus, Dómine, beáta Maria semper vírgine intercedénte, istam ab omni adversitaté familiam, et toto corde tibi prostrátam, ab hóstium propítius tuére cleménter insidiis. Per.

Secreta.

SÚSCIPE, quæsumus, omnipotens Deus, oblatiónem nostræ devotiónis : et per virtutem hujus sacraménti, fámulos tuos a cunctis adversitatibus protége. Per Dóminum.

Postcommunio.

SUMPTIS redemptiónis nostræ munéribus : præsta, quæsumus, miséricors Deus, eórum nobis celebratióne, tuæ protectiónis contra omnes adversitates subsidium. Per Dóminum.

9. Pro concordia in Congregatione servanda.

Oratio.

DEUS, largitor pacis et amátor charitátis : da fámulis tuis veram cum tua voluntate concórdiam ; ut ab ómnibus quæ nos pulsan tentatiónibus liberémur. Per Dóminum.

Secreta.

HIS sacrificiis, Dómine, quæsumus, concéde placátus : ut qui próprios orámus absolvi delictis, non gravémur extérnis. Per Dóminum.

Postcommunio.

SPÍRITUM nobis, Dómine, tuæ charitátis infúnde : ut quos uno pane cœlesti satiásti, tua fácias pietáte concórdes. Per Dóminum.

10. Contra persecutores Ecclesiæ.

Oratio.

ECCLÉSIE tuæ, quæsumus, Dómine, preces placátus admitte : ut, destrúctis adversitatibus et erroribus univérsis, secúra tibi sérviat libertáte. Per.

Secreta.

PRÓTEGE nos, Dómine, tuis mystériis serviéntes : ut divinis rebus inhæréntes, et corpore tibi famulémur, et mente. Per Dóminum.

Postcommunio.

QUÆSUMUS, Dómine Deus noster : ut quos divina tribuis participatióne gaudére, humánis non sinas subjacére periculis. Per Dóminum.

11. Contra persecutores et male agentes.

Oratio.

HÓSTIUM nostrórum, quæsumus, Dómine, elide supérbiam : et eórum contumáciam dexteræ tuæ virtúte prostérne. Per Dóminum.

Secreta.

HUJUS, Dómine, virtúte mystérii, et a próprios mundémur occúltis, et ab inimicórum liberémur insidiis. Per.

Postcommunio.

PROTÉCTOR noster, aspice, Deus, et ab inimicórum nos defénde periculis : ut omni perturbatióne submóta, liberis tibi méntibus serviámus. Per Dóminum.

12. Pro quacumque necessitate.

Oratio.

DEUS, refúgium nostrum et virtus, adéstó piis Ecclesiæ tuæ précibus, auctor ipse pietátis, et præsta ; ut quod fideliter pétimus, efficácer consequámur. Per Dóminum.

Secreta.

DA, miséricors Deus : ut hæc salutáris oblátio et a próprios nos reátibus indesinénter expédiat, et ab ómnibus tueátur advérsis. Per Dóminum.

Postcommunio.

SÚMPSIMUS, Dómine, sacri dona mystérii, humíliter deprecántes : ut quæ in tui commemoratióne nos fácere præcepísti, in nostræ proficiant infirmitátis auxilium. Qui vivis.

13. Pro quacumque tribulatione.

Oratio.

NE despicias, omnipotens Deus, populum tuum in afflictióné clamántem : sed propter glóriam nóminis tui, tribulátis succúrre placátus. Per.

Secreta.

SÚSCIPE, Dómine, propítius hóstias quibus et te placári voluisti, et nobis salutem poténti pietáte restitui. Per Dóminum.

Postcommunio.

TRIBULATIÓNEM nostram, quæsumus, Dómine, propítius respice : et iram tuæ indignatiónis, quam juste merémur, avérte. Per Dóminum.

14. Tempore famis.

Oratio.

DA nobis, quæsumus, Dómine, piæ supplicatiónis effectum, et famem propitiátus avérte : ut mortálium corda cognóscant et te indignánte tália flagélla prodire, et te miseránte cessáre. Per Dóminum.

Secreta.

DEUS, qui humáni géneris utrámque substántiam præsentium múnere et aliménto végetas, et rénovas sacraménto : tribue, quæsumus; ut eórum et corpóribus nostris subsidium non desit, et méntibus. Per Dóminum.

Postcommunio.

GUBÉRNA, quæsumus, Dómine, temporálibus aliméntis, quos dignáris ætérnis informáre mystériis. Per Dóminum.

15. Tempore terræmotus.

Oratio.

OMNÍPOTENS sempitérne Deus, qui respícis terram, et facis eam tremere : parce metuéntibus, propitiáre supplicibus; ut cujus iram terræ fundamenta concutiéntem expávimus, cleméntiam contritióne ejus sanántem júgiter sentiámus. Per Dóminum.

Secreta.

DEUS, qui fundásti terram super stabilitátem suam, súscipe oblatiões et preces pópuli tui : ac treméntis terræ periculis pénitus amóitis, divínæ tuæ iracúndiæ terróres in humánæ salutis remédia convérte; ut qui de terra sunt, et in terram reverténtur, gaúdeant se fieri sancta conversatióne cæléstes. Per Dóminum.

Postcommunio.

TUERE NOS, Dómine, quæsumus, tua sancta suméntes : et terram quam vídimus nostris iniquitatibus treméntem, supérno múnere firma; ut mortálium corda cognóscant et te indignánte tália flagélla prodire, et te miseránte cessáre. Per Dóminum.

16. Ad petendam pluviam.

Oratio.

DEUS, in quo vívimus, movémur, et sumus : plúviam nobis tribue congruéntem; ut præsentibus subsidiis sufficiénter adjúti, sempitérna fiduciálius appetámus. Per Dóminum.

Secreta.

OBLÁTIS, quæsumus, Dómine, placáre munéribus : et opportúnum nobis tribue plúviæ sufficiéntis auxiliúm. Per Dóminum.

Postcommunio.

DA nobis, quæsumus, Dómine, plúviam salutárem : et áridam terræ faciém fluéntis cæléstibus dignánter infunde. Per Dóminum.

17. Ad postulandam serenitatem.

Oratio.

AD te nos, Dómine, clamántes exáudi : et ácris serenitátem nobis tribue supplicántibus; ut qui juste pro peccátis nostris affligimur, misericórdia tua præveniéntem, cleméntiam sentiámus. Per.

Secreta.

PRÆVÉNIAT NOS, quæsumus, Dómine; grátia tua semper et subsequátur : et has oblatiões, quas pro peccátis nostris nómini tuo consecrándas deferimus, benígnus assúme; ut per intercessiõem Sanctórum tuórum, cunctis nobis proficiant ad salutem. Per Dóminum.

Postcommunio.

QUESUMUS, omnípotens Deus, cleméntiam tuam : ut inundántiam coérceas ímbrium, et hilaritátem vultus tui nobis impertíri dignéris. Per Dóminum.

18. Ad repellendas tempestates.

Oratio.

ADOMO tua, quæsumus, Dómine, spirítales nequitiæ repellántur : et

aerearum discedat malignitas tempestatum. Per Dominum.

Secreta.

OFFÉRIMUS tibi, Dómine, laudes et múnera, pro concéssis beneficiis grátias referéntes, et pro concedéndis semper suppliciter deprecántes. Per Dominum.

Postcommunio.

OMNÍPOTENS sempitérne Deus, qui nos et castigándo sanas, et ignoscéndo consérvas : præsta supplicibus tuis, ut et tranquillitátibus hujus optatæ consolationis lætémur, et dono tuæ pietátis semper utámur. Per Dominum.

19. Pro peste animalium.

Oratio.

DEUS, qui labóribus hóminum étiam de mutis animálibus solátia subrogásti : súpplices te rogámus ; ut sine quibus non álitur humána conditio, nostris fácias úsibus non perire. Per.

Secreta.

SACRIFICIIS, Dómine, placátus oblátis, opem tuam nostris tempóribus cleménter impénde. Per Dominum.

Postcommunio.

BENEDICTIONEM tuam, Dómine, pópulus fidélis accípiat, qua corpore salvétur et mente : et cóngruam tibi exhibeat servitútem, et propitiatiónis tuæ beneficia semper invéniat. Per Dominum.

20. Pro seipso Sacerdote.

Oratio.

OMNÍPOTENS et miséricors Deus, humilitátis meæ preces benígnus inténde : et me famulum tuum, quem nullis suffragántibus méritis, sed imménsa cleméntiæ tuæ largitáte, coeléstibus mystériis servíre tribuísti, dignum sacris altáribus fac ministrum ; ut quod mea voce deprómitur, tua sanctificatióne firmétur. Per Dominum.

Secreta.

HUJUS, Dómine, virtúte sacraménti, peccatórum meórum máculas abs térge : et præsta ; ut ad exsequéndum injúcti officii ministérium, me tua grátia dignum efficiat. Per Dominum.

Postcommunio.

OMNÍPOTENS sempitérne Deus, qui me peccatórem sacris altáribus adstáre voluísti, et sancti nóminis tui laudáre poténtiam : concéde propítius, per hujus sacraménti mystérium, meórum mihi véniam peccatórum ; ut tuæ Majestáti digne mérear famulári. Per Dominum.

21. Pro petitione lacrymarum.

Oratio.

OMNÍPOTENS et mitíssime Deus, qui sitiénti pópulo fontem vivéntis aquæ de petra produxísti : educ de cordis nostri durítia lácrymas compunctiúnis : ut peccáta nostra plángere valeámus, remissionémque eórum, te miseránte, mereámur accíperé. Per Dominum.

Secreta.

HANC oblatiúnem, quæsumus, Dómine Deus, quam tuæ Majestáti pro peccátis nostris offérimus, propítius réspice : et produc de óculis nostris lacrymárum flúmína, quibus débíta flammárum incéndia valeámus exstinguere. Per Dominum.

Postcommunio.

GRÁTIAM Spíritus sancti, Dómine Deus, córdibus nostris cleménter infúnde : quæ nos gemitibus lacrymárum efficiat máculas nostrórum diluere peccatórum, atque optátæ nobis, te largiénte, indulgéntiæ præstet effectum. Per Dominum nostrum Jesum Christum Filium tuum ; qui tecum vivit et regnat in unitáte ejúsdem.

22. Pro remissione peccatorum.

Oratio.

DEUS, qui nullum réspuis, sed quantúmvis peccántibus per pœniténtiam pia miseratione placáris : réspice propítius ad preces humilitátis nostræ, et illúmína corda nostra, ut tua valeámus implére præcepta. Per Dominum.

Secreta.

PRÆSENS sacrificium, Dómine, quod tibi pro delictis nostris offérimus, sit tibi munus accéptum : et tam vivéntibus quam defúctis proficiat ad salútem. Per Dominum.

Postcommunio.

EXÁUDI preces familiæ tuæ, omnipotens Deus : et præsta ; ut sancta hæc, quæ a te sumpsimus, incorrupta in nobis, te donante, serventur. Per Dóminum.

23. Pro publice poenitentibus.

Oratio.

OMNIPOTENS sempitærne Deus, confiténtibus tibi fámulis tuis pro tua pietáte reláxa peccáta : ut non ámplius eis nóceat consciéntiæ reátus ad pœnam, quam indulgéntia tuæ propitiatiónis prosit ad véniam. Per Dóminum.

Secreta.

PRÆSTA, quæsumus, omnipotens et miséricors Deus : ut hæc salutáris oblátio fámulos tuos et a própriis reátibus indesinénter expédiat, et ab ómnibus tueátur advérsis. Per Dóminum.

Postcommunio.

OMNIPOTENS et miséricors Deus, qui omnem ánimam poeniténtem et confiténtem tibi magis vis emendári quam pérdere : respice super hos fámulos tuos, et per hæc sancta sacraménta quæ sumpsimus, avérte ab eis iram indignatiónis tuæ, et ómnia eórum peccáta dimitte. Per Dóminum.

24. Pro tentatis et tribulatis.

Oratio.

DEUS, qui justificas ípium, et non vis mortem peccatóris, Majestátem tuam suppliciter deprecámur : ut fámulos tuos de tua misericórdia confidéntes, cœlésti prótegas benígnus auxílio, et assídua protectióne consérves ; ut tibi júgiter famuléntur, et nullis tentatió nibus a te separéntur. Per Dóminum.

Secreta.

HUJUS, quæsumus, Dómine, virtúte mystérii, et a própriis nos munda delictis, et fámulos tuos ab ómnibus absólve peccátis. Per Dóminum.

Postcommunio.

PURÍFICENT nos, quæsumus, Dómine, sacraménta quæ sumpsimus : et fámulos tuos ab omni culpa liberos esse concéde ; ut qui consciéntiæ reátu con-

stringúntur, cœléstis remédii plenitúdine gloriéntur. Per Dóminum.

25. Ad repellendas malas cogitationes.

Oratio.

OMNIPOTENS et mitíssime Deus, respice propitiús ad preces nostras, et líbera corda nostra de malárum tentatió nibus cogitatiónum : ut sancti Spíritus dignum fieri habitáculum mereámur. Per Dóminum nostrum Jesum Christum Filium tuum ; qui tecum vivit et regnat in unitáte ejúsdem.

Secreta.

HAS tibi, Dómine, offérimus oblátiones pro salúte nostra : quátenus ánimas nostras ab immúndis cogitatió nibus purges, illæsásque custódiás, et sancti Spíritus grátia illumináre dignéris. Per Dóminum nostrum Jesum Christum Filium tuum ; qui tecum vivit et regnat in unitáte ejúsdem.

Postcommunio.

DEUS, qui illúminas omnem hómínem veniéntem in hunc mundum : illúmina, quæsumus, corda nostra grátia tuæ splendóre ; ut digna ac plácida Majestáti tuæ cogitáre semper et te sincére diligere valeámus. Per Dóminum.

26. Ad postulandam continentiam.

Oratio.

URE igne sancti Spíritus renes nostros et cor nostrum, Dómine : ut tibi casto córpore serviámus, et mundo corde placeámus. Per Dóminum nostrum Jesum Christum Filium tuum ; qui tecum vivit et regnat in unitáte ejúsdem.

Secreta.

DIRÚMPE, Dómine, víncula peccatórum nostrórum : et ut sacrificáre tibi hóstiam laudis absolúta libertáte ac munda mente possimus, retribue quæ ante tribuisti ; et salva nos per indulgéntiam. quos dignátus es salváre per grátiam. Per Dóminum.

Postcommunio.

DÓMINE, adjútor et protéctor noster, ádjuva nos : et reflóreat cor et caro nostra vigóre pudiciítiæ et castimóniæ novitáte ; ut per hoc sacrificium quod

tuae obtulimus pietati, ab omnibus tentationibus emundemur. Per Dóminum.

27. *Ad postulandam humilitatem.*

Oratio.

DEUS, qui superbis resistis, et grátiam præstas humilibus : concède nobis veræ humilitatis virtutem, ejus in se formam fídelibus Unigénitus tuus exhibuit ; ut nunquam indignationem tuam provocemus eláti, sed pótius grátiae tuæ capiamus dona subjécti. Per Dóminum.

Secreta.

HÆC oblátio, Dómine, quæsumus, vere nobis humilitatis grátiam obtineat : simulque a córdibus nostris concupiscéntiam carnis et oculórum, atque ambitionem sæculi áuferat ; quatenus sóbrie, juste, piéque vivéntes, præmia consequámur ætérna. Per Dóminum.

Postcommunio.

HUJUS, Dómine, sacraménti percéptio peccatórum nostrórum máculas abstérget : et nos per humilitatis exhibitiónem ad celéstia regna perducat. Per.

28. *Ad postulandam patientiam.*

Oratio.

DEUS, qui Unigéniti tui patientia antíqui hostis contrivisti superbiam : da nobis, quæsumus, quæ idem pie pro nobis pértulit, digne recólere ; sicque exémplo ejus, nobis adversántia æquanimiter toleráre. Per eúndem Dóminum.

Secreta.

MÚNERA nostræ oblatiónis, quæsumus, Dómine, súscipe placátus : quæ, ut nobis patientiæ donum largiri dignéris, Majestáti tuæ devóta offerímus actiône. Per Dóminum.

Postcommunio.

MYSTÉRIA, Dómine, sacrosáncta quæ sumpsimus, amissam nobis, quæsumus, reconcilient grátiam : atque munus patientiæ in illátis ómnibus, semper et ubique protegéndo, impértiant. Per.

29. *Ad postulandam charitatem.*

Oratio.

DEUS, qui diligéntibus te facis cuncta prodéssé : da córdibus nostris inviolábilem tuæ charitátis afféctum ; ut

desidéria de tua inspiratióne concépta nulla possint tentatióne mutári. Per.

Secreta.

DEUS, qui nos ad imáginem tuam sacraméntis rénovas et præcéptis : pérfecte gressus nostros in sémitis tuis ; ut charitátis donum, quod fecisti a nobis sperári, per hæc quæ offerímus sacrificia, fácias veráciter apprehénderi. Per Dóminum.

Postcommunio.

SANCTI Spíritus grátia, quæsumus, Dómine, corda nostra illúminet : et pérfectæ charitátis dulcedine abundanter reficiat. Per Dóminum nostrum Jesum Christum Fílium tuum ; qui tecum vivit et regnat in unitate ejúsdem.

30. *Pro devotis amicis.*

Oratio.

DEUS, qui charitátis dona per grátiam sancti Spíritus tuórum fídelium córdibus infudisti : da famulis et famulábus tuis, pro quibus tuam deprecámur clementiam, salutem mentis et córporis ; ut te tota virtúte diligant, et quæ tibi plácita sunt, tota dilectiône perficiant. Per Dóminum nostrum Jesum Christum Fílium tuum ; qui tecum vivit et regnat in unitate ejúsdem.

Secreta.

MISERÉRE, quæsumus, Dómine, famulis et famulábus tuis, pro quibus hoc sacrificium laudis tuæ offerímus Majestáti : ut per hæc sancta supérnæ benedictiόnis grátiam obtineant, et glóriam ætérnæ beatitúdinis acquirant. Per Dóminum.

Postcommunio.

DIVINA libántes mystéria, quæsumus, Dómine : ut hæc salutária sacraménta illis proficiant ad prosperitátem et pacem, pro quorum quarúmque dilectiόne hæc tuæ obtulimus Majestáti. Per Dóminum.

31. *Pro inimicis.*

Oratio.

DEUS, pacis charitatisque amátor et custos : da ómnibus inimícis nostris pacem charitatémque veram, et cunctó-

rum eis remissionem tribue peccatorum, nosque ab eorum insidiis potenter eripe. Per Dominum.

Secreta.

OBLATIS, quæsumus, Domine, placare munéribus : et nos ab inimicis nostris clementer eripe, eisque indulgentiam tribue delictorum. Per Dominum.

Postcommunio.

HÆC nos communio, Domine, eruat a delictis : et ab inimicorum defen-dat insidiis. Per Dominum.

*32. Pro constituto in carcere,
vel in captivitate.*

Oratio.

DEUS, qui beatum Petrum Apóstolum a vinculis absolutum, illæsum abire fecisti : famuli tui in captivitate positi vincula absolve; eumque ipsius meritis illæsum abire concede. Per Dominum.

Secreta.

SUPER has, quæsumus, Domine, hostias benedictio copiosa descendat : quæ captivi hujus vincula solvat, et de ejus liberatione nos cito lætificet. Per.

Postcommunio.

PRECES nostras, quæsumus, Domine, clementer exaudi : et per hæc sacramenta quæ sumpsimus, famulum tuum a vinculis suæ captivitatis absolve. Per.

33. Pro navigantibus.

Oratio.

DEUS, qui transtulisti patres nostros per mare Rubrum, et transvexisti eos per aquam nimiam, laudem tui nominis decantantes : te suppliciter deprecamur; ut in navi famulos tuos, repulsis adversitatibus, portu semper optabili, cursuque tranquillo tuearis. Per.

Secreta.

SUSCIPE, quæsumus, Domine, preces famulorum tuorum cum oblationibus hostiarum : et eos pro quibus tua mystéria celebramus, ab omnibus defende periculis. Per Dominum.

Postcommunio.

SANCTIFICATI divino mystério, Majestatem tuam, Domine, suppliciter deprecamur, et pétimus : ut famulos tuos,

quos donis facis cœlestibus memorári, per lignum sanctæ Crucis et a peccatis abstrahas, et a periculis cuicetis miseratus eripias. Per Dominum.

34. Pro salute vivorum.

Oratio.

PRÆTÈNDE, Domine, fidelibus tuis dexteram cœlestis auxilii : ut te toto corde perquirant, et quæ digne postulant, consequi mereantur. Per Dominum.

Secreta.

PROPITIARE, Domine, supplicationibus nostris, et has oblationes fidelium tuorum, quas tibi pro incolumitate eorum offerimus, benignus assume : et ut nullius sit irritum votum, nullius vacua postulatio, præsta, quæsumus; ut quod fideliter pétimus, efficaciter consequamur. Per Dominum.

Postcommunio.

DA fidelibus tuis, quæsumus, Domine, in tua fide et sinceritate constantiam : ut in charitate divina firmati, nullis tentationibus ab ejus integritate vellantur. Per Dominum.

35. Pro vivis et defunctis.

Oratio.

OMNÍPOTENS sempiternè Deus, qui vivorum dominaris simul et mortuorum, omniumque misereris, quos tuos fide et opere futuros esse præno-scis : te supplices exoramus; ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore suscepit, intercedentibus omnibus Sanctis tuis, pietatis tuæ clementia, omnium delictorum suorum veniam consequantur. Per Dominum.

Secreta.

DEUS, cui soli cognitus est numerus electorum in supérna felicitate locandus : tribue, quæsumus; ut intercedentibus omnibus Sanctis tuis, universorum quos in oratione commendatos suscepimus, et omnium fidelium nomina, beatæ prædestinationis liber adscripta retineat. Per Dominum.

Postcommunio.

PURIFICENT NOS, quæsumus, omnípotens et miséricors Deus, sacraménta quæ sumpsimus : et intercedéntibus ómnibus Sanctis tuis, præsta ; ut hoc tuum sacraméntum non sit nobis reátus ad

pœnam, sed intercèssio salutáris ad véniám : sit ablútio scélerum, sit fortitúdo fragilium, sit contra ómnia mundi pericula firmaméntum, sit vivórum atque mortuórum fidélium remissio ómnium delictórum. Per Dóminum.



MISSÆ PRO DEFUNCTIS

IN COMMEMORATIONE
OMNIUM FIDELIUM DEFUNCTORUM

Introitus.

RÉQUIEM ætérnam dona eis, Dómine : et lux perpétua lúceat eis. Ps. 64. Te decet hymnus, Deus, in Sion, et tibi reddétur votum in Jérusalem : exáudi oratióem meam, ad te omnis caro véniet. **Deinde absolute repetitur Réquiem ætérnam, usque ad Psalmum.**

Oratio.

FIDÉLIUM, Deus, ómnium Cónditor et Redémptor, animábus famulórum famularúmque tuárum remissionem cunctórum tribue peccatórum : ut indulgéntiam quam semper optavérunt, piis supplicatióibus consequántur. Qui vivis.

Lectio Epístolæ beáti Pauli Apóstoli ad Corinthios. **I Cor. 15.**

FRATRES, Ecce mystérium vobis dico : Omnes quidem resurgémus, sed non omnes immutábitur. In mómento, in ictu óculi, in novíssima tuba : canet enim tuba, et mórtui resúrgent incorrúpti : et nos immutábitur. Opórtet enim corruptibile hoc indúere incorruptionem, et mortále hoc indúere immortalitátem. Cum autem mortále hoc indúerit immortalitátem, tunc fiet sermo qui scriptus est : Absórpta est mors in victória. Ubi est, mors, victória tua? Ubi est, mors, stímulus tuus? Stímulus autem mortis peccátum est : virtus vero peccáti, lex. Deo autem grátias, qui dedit nobis victóriam per Dóminum nostrum Jesum Christum.

Graduale. Réquiem ætérnam dona eis, Dómine : et lux perpétua lúceat eis. **ŷ. Ps. 111.** In memória ætérna erit justus : ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum. **ŷ.** Et grátia tua illis succurrénte, mereántur evádere judí-

cium ulitiónis. **ŷ.** Et lucis ætérnæ beatitúdine perfírui.

Sequentia.

DIES iræ, dies illa,
Solvét sæclum in favilla,
Teste David cum Sibylla.
Quantus tremor est futúrus,
Quando Judex est ventúrus,
Cuncta stricte discussúrus!
Tuba mirum spargens sonum
Per sepúlcrá regiónum,
Coget omnes ante thrónum.
Mors stupebit, et natúra,
Cum resúrgét creatúra,
Judicánti responsúra.
Liber scriptus proferétur,
In quo totum continétur,
Unde mundus judicétur.
Judex ergo cum sedébit,
Quidquid latet apparebit,
Nil inúltum remanébit.
Quid sum miser tunc dictúrus?
Quem patrónum rogáturus,
Cum vix justus sit secúrus?
Rex treméndæ majestátis,
Qui salvándos salvás gratis,
Salva me, fons pietátis.
Recordáre, Jesu pie,
Quod sum causa tuæ viæ :
Ne me perdas illa die.
Quærens me, sedísti lassus :
Redemísti, crucem passus :
Tantus labor non sit cassus.
Juste Judex ulitiónis,
Donum fac remissionis
Ante diem ratiónis.
Ingemísco tamquam reus :
Culpa rubet vultus meus :
Supplicánti parce, Deus.
Qui Maríam absolvísti,
Et latrónem exaudísti,
Mihi quoque spem dedísti.
Preces meæ non sunt dignæ :
Sed tu bonus fac benigne,
Ne perémi cremer igne.

Inter oves locum præsta,
 Et ab hædis me sequëstra,
 Státuens in parte dextra.
 Confutátis maledictis,
 Flammis ácribus addictis,
 Voca me cum benedictis.
 Oro supplex et acclínis,
 Cor contritum quasi cinis :
 Gere curam mei finis.

Lacrymósa dies illa,
 Qua resúrget ex favilla
 Judicándus homo reus.
 Huic ergo parce, Deus :
 Pie Jesu Dómine,
 Dona eis réquiem. Amen.



Sequëntia sancti Evangëlii secúndum Joánnem. Cap. 5.

IN illo témpore : Dixit Jesus turbis Judæórum : Amen, amen dico vobis, quia venit hora, et nunc est, quando mórtui áudient vocem Filii Dei : et qui audierint, vivent. Sicut enim Pater habet vitam in semetípso, sic dedit et Filio habére vitam in semetípso : et potestátem dedit ei iudiciúm fácere, quia Filius hóminis est. Nolite mirári hoc, quia venit hora in qua omnes qui in monuméntis sunt, áudient vocem Filii Dei : et procedent, qui bona fecérunt, in resurrectiónem vitæ : qui vero mala egerunt, in resurrectiónem iudicii.

Offertorium. Dómine Jesu Christe, Rex glóriæ, libera ánimas ómnium fideélium defunctórum de pœnis inférni et de profúndo lacu : libera eas de ore leónis, ne absórbeat eas tártarus, ne cadant in obscúrum : sed signifer sanctus Michael repræséntet eas in lucem sanctam, * Quam olim Abrahæ promísisti, et sémini ejus. **Ÿ.** Hóstias et preces tibi, Dómine, laudis offérimus : tu súscipe pro animábus illis, quarum hódie memóriam fáчимus : fac eas, Dómine, de morte transire ad vitam. * Quam olim Abrahæ promísisti, et sémini ejus.

Secreta.

HÓSTIAS, quæsumus, Dómine, quas tibi pro animábus famulórum famularúmque tuárum offérimus, propitiátus inténde : ut quibus fidei christiánæ

méritum contulisti, dones et præmium. Per Dóminum.

Communio. Lux ætérna lúceat eis, Dómine, * Cum Sanctis tuis in ætérnum : quia pius es. **Ÿ.** Réquiem ætérnam dona eis, Dómine : et lux perpétua lúceat eis, * Cum Sanctis tuis in ætérnum : quia pius es.

Postcommunio.

ANIMÁBUS, quæsumus, Dómine, famulórum famularúmque tuárum orátio proficiat supplicántium : ut eas et a peccátis ómnibus éxuas, et tuæ redemptionis fácias esse partícipes. Qui vivis.

Dicto Dóminus vobíscum, dicitur Requiescant in pace. Ÿ. Amen.

Et non datur Benedictio : sed dicto secreto Pláceat tibi, sancta Trínitas, et osculato Altari, legitur Evangelium sancti Joannis In princípío erat Verbum, ut moris est.

IN DIE OBITUS

SEU DEPOSITIONIS DEFUNCTI

Introitus.

RÉQUIEM ætérnam dona eis, Dómine : et lux perpétua lúceat eis. **Ps. 64.** Te decet hymnus, Deus, in Sion, et tibi reddétur votum in Jérusalem : exáudi oratiómem meam, ad te omnis caro véniet. — Réquiem.

Oratio.

DEUS, cui próprium est miseréri semper et párcere, te súpplices exorámus pro ánima famuli tui N., quam hódie de hoc sæculo migráre jussisti : ut non tradas eam in manus inimíci, neque obliviscáris in finem, sed júbeas eam a sanctis Angelis súscipi, et ad pátriam paradisi perdúci ; ut, quia in te sperávit et crédidit, non pœnas inférni sustíneat, sed gáudia ætérna possideat. Per Dóminum.

Lectio Epistolæ beáti Pauli Apóstoli ad Thessalonícenses. I Thess. 4.

FRATRES, Nólumus vos ignoráre de dormiéntibus, ut non contristémíni, sicut et cæteri, qui spem non habent. Si enim crédimus quod Jesus mórtuus est, et resurréxit : ita et Deus eos qui dor-

miérunt per Jesum, addúcet cum eo. Hoc enim vobis dicimus in verbo Dómini, quia nos, qui vivimus, qui residui sumus in adventum Dómini, non præveniémus eos qui dormiérunt. Quóniam ipse Dóminus in jussu, et in voce Archángeli, et in tuba Dei descéndet de cœlo : et mórtui qui in Christo sunt, resúrgent primi. Deínde nos, qui vivimus, qui relinquimur, simul rapiémur cum illis in núbibus óbviám Christo in áera, et sic semper cum Dómino érimus. Itaque consolámini invicem in verbis istis.

Graduale. Réquiem ætérnam dona eis, Dómine : et lux perpétua lúceat eis. **ŷ. Ps. 111.** In memória ætérna erit justus : ab auditióne mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum. **ŷ.** Et grátia tua illis succurrénte, mereántur evádere júdiciúm ultiónis. **ŷ.** Et lucis ætérnæ beatitúdine pérfrui.

Sequentia Dies iræ. 65*.



Sequentia sancti Evangelíi secúndum Joánnem. **Cap. 11.**

IN illo témpore : Dixit Martha ad Jesum : Dómine, si fuisses hic, frater meus non fuisset mórtuus; sed et nunc scio quia quæcúmque popósceris a Deo, dabit tibi Deus. Dicit illi Jesus : Resúrget frater tuus. Dicit ei Martha : Scio quia resúrget in resurrectione in novíssimo die. Dixit ei Jesus : Ego sum resurrectio et víta : qui credit in me, etiámsi mórtuus fúerit, vivet : et omnis qui vivit, et credit in me, non moriétur in ætérnum. Credis hoc? Ait illi : Utique, Dómine, ego credidi quia tu es Christus Filius Dei vivi, qui in hunc mundum venísti.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni et de profundo lacu : libera eas de ore leónis, ne absórbeat eas tártarus, ne cadant in obscurum : sed signifer sanctus Michael repræsentet eas in lucem sanctam, * Quam olim Abrahæ promisisti, et sémini ejus.

ŷ. Hóstias et preces tibi, Dómine, laudis offérimus : tu súscipe pro animábuis illis, quarum hódie memóriam fácimus : fac eas, Dómine, de morte transire ad vitam. * Quam olim Abrahæ promisisti, et sémini ejus.

Secreta.

PROPITIÁRE, quæsumus, Dómine, ánimæ fámuli tui **N.**, pro qua hóstiam laudis tibi immolámus, Majestátem tuam suppliciter deprecántis, ut per hæc piæ placatiónis officia, pervenire mereátur ad réquiem sempitérnam. Per Dóminum.

Communio. Lux ætérna lúceat eis, Dómine, * Cum Sanctis tuis in ætérnum : quia pius es. **ŷ.** Réquiem ætérnam dona eis, Dómine : et lux perpétua lúceat eis. * Cum Sanctis tuis in ætérnum : quia pius es.

Postcommunio.

PRÆSTA, quæsumus, omnipotens Deus : ut ánima fámuli tui **N.**, quæ hódie de hoc sæculo migrávit, his sacrificiis purgáta, et a peccátis expedita, indulgéntiam páriter et réquiem cápiat sempitérnam. Per Dóminum.

¶ In die tertio, septimo, et trigesimo depositionis defuncti, dicitur Missa ut supra, exceptis Orationibus, quæ dicuntur ut infra.

Oratio.

QUÆSUMUS, Dómine, ut ánimæ fámuli tui **N.**, cujus depositions diem (tértium vel séptimum vel trigésimum) commemorámus, Sanctórum atque electórum tuórum largíri dignéris consórtium : et rorem misericórdiæ tuæ perénnem infúndas. Per Dóminum.

Secreta.

MÚNERA, quæsumus, Dómine, quæ tibi pro ánimá fámuli tui **N.** offérimus, placátus inténde : ut remédiis purgáta cœléstibus, in tua pietáte requiescat. Per Dóminum.

Postcommunio.

SÚSCIPE, Dómine, preces nostras pro ánimá fámuli tui **N.**, ut, si quæ ei máculæ de terrénis contágiis adhæsérunt, remissionis tuæ misericórdia deleántur. Per Dóminum.

IN ANNIVERSARIO DEFUNCTORUM

Introitus.

RÉQUIEM ætérnam dona eis, Dómine : et lux perpétua luceat eis. Ps. 64. Te decet hymnus, Deus, in Sion, et tibi reddétur votum in Jerúsalem : exáudi oratióem meam, ad te omnis caro véniet. — Réquiem.

Oratio.

DEUS, indulgentiárum Dómine, da animábus famulórum famularúmque tuárum, quorum anniversárium depositiōnis diem commemorámus, refrigerií sedem, quietis beatitúdinem, et lúminis claritátem. Per Dóminum.

¶ Si pro uno fiat anniversarium, dicatur sequens

Oratio.

DEUS, indulgentiárum Dómine, da animæ famuli tui (famulæ tuæ), cujus anniversárium depositiōnis diem commemorámus, refrigerií sedem, quietis beatitúdinem, et lúminis claritátem. Per.

Lectio libri Machabæórum.

II Mach. 12.

IN diébus illis : Vir fortissimus Judas, facta collatiōe, duódecim millia drachmas argénti misit Jerosólymam offérri pro peccátis mortuórum sacrificium, bene et religiósè de resurrectione cógitans (nisi enim eos qui ceciderant, resurrectúros speráret, supérfluum viderétur et vanum oráre pro mórtuis), et quia considerábat quod hi qui cum pietáte dormitiōnem acceperant, óptimam habérent repósitam grátiam. Sancta ergo et salúbris est cogitatio pro defunctis exoráre, ut a peccátis solvántur.

Graduale. Réquiem ætérnam dona eis, Dómine : et lux perpétua luceat eis. ŷ. Ps. 111. In memória ætérna erit justus : ab auditiōe mala non timébit.

Tractus. Absólve, Dómine, ánimas ómnium fidélium defunctorum ab omni vínculo delictórum. ŷ. Et grátia tua illis succurrénte, mereántur evádere iudiciū ultiónis. ŷ. Et lucis ætérnæ beatitúdine pérfrui.

Sequentia Dies iræ. 63*.



Sequentia sancti Evangélii secundum Joánnem. Cap. 6.

IN illo témpore : Dixit Jesus turbis Judæórum : Omne quod dat mihi Pater, ad me véniet : et eum qui venit ad me, non ejiciam foras : quia descéudi de cælo, non ut faciam voluntátem meam, sed voluntátem ejus qui misit me. Hæc est autem volúntas ejus qui misit me, Patris : ut omne quod dedit mihi, non perdam ex eo, sed resúscitem illud in novíssimo die. Hæc est autem volúntas Patris mei, qui misit me : ut omnis qui videt Filium, et credit in eum, hábeat vitam ætérnam : et ego resuscitábo eum in novíssimo die.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni et de profúndo lacu : libera eas de ore leónis, ne absórbeat eas tártarus, ne cadant in obscúrum : sed signifer sanctus Michael repræséntet eas in lucem sanctam, * Quam olim Abrahæ promisiisti, et sémini ejus. ŷ. Hóstias et preces tibi, Dómine, laudis offérimus : tu súscipe pro animábus illis, quarum hódie memóriam facimus : fac eas, Dómine, de morte transire ad vitam. * Quam olim Abrahæ promisiisti, et sémini ejus.

Secreta.

PROPITIARE, Dómine, supplicatiōibus nostris, pro animábus famulórum famularúmque tuárum, quorum hódie ánnua dies ágitur, pro quibus tibi offérimus sacrificium laudis, ut eas Sanctorum tuórum consórtio sociáre dignéris. Per Dóminum.

¶ Si pro uno fiat, dicatur sequens

Secreta.

PROPITIARE, Dómine, supplicatiōibus nostris, pro ánima famuli tui (famulæ tuæ), cujus hódie ánnua dies ágitur, pro qua tibi offérimus sacrificium laudis, ut eam Sanctorum tuórum consórtio sociáre dignéris. Per Dóminum.

Communio. Lux ætérna luceat eis, Dómine, * Cum Sanctis tuis in ætérnum : quia pius es. ŷ. Réquiem ætérnam dona eis, Dómine : et lux perpétua luceat eis.

* Cum Sanctis tuis in ætérnum : quia pius es.

Postcommunio.

PRÆSTA, quæsumus, Dómine, ut ánimæ famulórum famularúmque tuárum, quorum anniversárium depositiónis diem commemorámus, his purgátæ sacrificiis, indulgéntiam páriter et réquiem cápant sempitérnam. Per Dóminum.

¶ Si pro uno fiat, dicatur sequens

Postcommunio.

PRÆSTA, quæsumus, Dómine, ut ánimæ fámuli tui (fámulæ tuæ), cujus anniversárium depositiónis diem commemorámus, his purgátæ sacrificiis, indulgéntiam páriter et réquiem capiat sempitérnam. Per Dóminum.

IN MISSIS QUOTIDIANIS
DEFUNCTORUM

Introitus.

RÉQUIEM ætérnam dona eis, Dómine : et lux perpétua lúceat eis. *Ps. 64.* Te decet hymnus, Deus, in Sion, et tibi reddét votum in Jerúsalem : exáudi oratióem meam, ad te omnis caro véniet. — Réquiem.

Pro defunctis Episcopis, seu Sacerdotibus.

Oratio.

DEUS, qui inter Apostólicos Sacerdótes, fámulos tuos pontificáli, seu sacerdotáli, fecisti dignitáte vigére : præsta, quæsumus; ut eórum quoque perpétuo aggregéntur consórtio. Per Dóminum.

Pro defunctis fratribus, propinquis et benefactoribus.

Oratio.

DEUS, véniæ largitor, et humánæ salutis amátor : quæsumus cleméntiam tuam; ut nostræ congregatiónis fratres, propinquis et benefactóres, qui ex hoc sæculo transiérunt, beatá Mariá semper virgine intercedénte cum ómnibus Sanctis tuis, ad perpétuæ beatitúdinis consórtium pervenire concédas. (Per Dóminum.)

Pro omnibus fidelibus defunctis.

Oratio.

FIDÉLIUM, Deus, ómnium Cónditor et Redemptor : animábus famulórum

famularúmque tuárum remissioném cunctórum tribue peccatórum; ut indulgéntiam quam semper optavérunt, piis supplicatióibus consequántur. Qui vivis.

Léctio libri Apocalypsis beáti Joánnis Apóstoli. *Cap. 14.*

IN diébus illis : Audívi vocem de cælo dicéntem mihi : Scribe : Beáti mórtui qui in Dómino moriúntur. Amodo jam dicit Spíritus, ut requiéscent a labóribus suis : ópera enim illórum sequúntur illos.

Graduale. Réquiem ætérnam dona eis, Dómine : et lux perpétua lúceat eis. *ŷ. Ps. 114.* In memória ætérna erit justus : ab auditióne mala non timebit.

Tractus. Absólve, Dómine, ánimas ómnium fidélium defunctorum ab omni vínculo delictórum. *ŷ.* Et grátia tua illis succurrénte, mereántur evádere judicium ultiónis. *ŷ.* Et lucis ætérnæ beatitúdine pérfrui.

Sequentia Dies iræ. 63, ad arbitrium Sacerdotis.*



Sequentia sancti Evangélíi secúndum Joánnem. *Cap. 6.*

IN illo témpore : Dixit Jesus turbis Judæórum : Ego sum panis vivus, qui de cælo descéndi. Si quis manducáverit ex hoc pane, vivet in ætérnum : et panis quem ego dabo, caro mea est pro mundi vita. Litigábant ergo Judæi ad ínvicem, dicéntes : Quómodo potest hic nobis carnem suam dare ad manducándum? Dixit ergo eis Jesus : Amen, amen dico vobis, nisi manducavéritis carnem Filii hóminis, et bibéritis ejus sánguinem, non habébitis vitam in vobis. Qui manducat meam carnem, et bibit meum sánguinem, habet vitam ætérnam : et ego resuscitábo eum in novíssimo die.

Offertorium. Dómine Jesu Christe, Rex glóriæ, libera ánimas ómnium fidélium defunctorum de pœnis inférni et de profúndo lacu : libera eas de ore leónis, ne absórbeat eas tártarus, ne cadant in obscúrum : sed signifer sanctus Michael repræséntet eas in lucem san-

etiam, * Quam olim Abrahæ promisiſti, et ſemini ejus. ʒ. Hóſtias et preces tibi, Dómine, laudis offérimus : tu ſúſcipe pro animábus illis, quarum hódie memóriam fácimus : fac eas, Dómine, de morte tranſíre ad vitam. * Quam olim Abrahæ promisiſti, et ſemini ejus.

Pro defunctis Episcopis,
seu Sacerdotibus.

Secreta.

SÚSCÍPE, Dómine, quæsumus, pro animábus famulórum tuórum Pontíficum, seu Sacerdótum, quas offérimus hóſtias : ut quibus in hoc sæculo Pontificále, seu Sacerdotále, donáſti méritum, in celéſti regno Sanctórum tuórum júbeas jungi conſórtio. Per Dóminum.

Pro defunctis fratribus, propinquis
et benefactoribus.

Secreta.

DEUS, cujus miſericórdiæ non eſt númerus, ſúſcipe propitiſ preces humilitátis noſtræ : et animábus fratrum, propinquórum et benefactorum noſtrórum, quibus tui nóminis dedíſti confeſſiónem, per hæc sacraménta ſalútis noſtræ, cunctórum remiſſiónem tríbue peccatórum. (Per Dóminum.)

Pro omnibus fidelibus defunctis.

Secreta.

HÓſTÍAS, quæsumus, Dómine, quas tibi pro animábus famulórum famularúmque tuárum offérimus, propitiátus inténde : ut quibus fidei chrístiánæ méritum contuliſti, dones et præmium. Per Dóminum.

Communio. Lux ætérna lúceat eis, Dómine, * Cum Sanctis tuis in ætérnum : quia pius es. ʒ. Réquiem ætérnam dona eis, Dómine : et lux perpétua lúceat eis. * Cum Sanctis tuis in ætérnum : quia pius es.

Pro defunctis Episcopis, seu Sacerdotibus.

Postcommunio.

PROSIT, quæsumus, Dómine, animábus famulórum tuórum Pontíficum, seu Sacerdótum, miſericórdiæ tuæ imploráta cleméntia : ut ejus in quo speravérunt et credidérunt, ætérnum cápant, te miſeránte, conſórtium. Per.

Pro defunctis fratribus, propinquis
et benefactoribus.

Postcommunio.

PRÆSTA, quæsumus, omnipotens et miſéricors Deus : ut ánimæ fratrum, propinquórum et benefactorum noſtrórum, pro quibus hoc ſacrificium laudis tuæ obtúlinus Majestáti; per hujus virtutem sacraménti a peccátis ómnibus expiátæ, lucis perpétuæ, te miſeránte, recipiant beatitudínem. (Per Dóminum.)

Pro omnibus fidelibus defunctis.

Postcommunio.

ANIMÁBUS, quæsumus, Dómine, famulórum famularúmque tuárum orátio proficiat supplicántium : ut eas et a peccátis ómnibus éxuas, et tuæ redemptionis fácias eſſe participes. Qui vivis.

¶ Epistolæ et Evangelia superius posita in una Missa pro Defunctis, dici possunt etiam in alia Missa similiter pro Defunctis.

ORATIONES DIVERSÆ PRO DEFUNCTIS

1. ¶ In die depositionis et anniversario Summi Pontificis, dicitur prima Missa, ut supra. 63*, præter Orationes, quæ dicuntur ut infra.

Oratio.

DEUS, qui inter Summos Sacerdotes famulum tuum N. ineffábilis tuæ dispositiône connumerári voluisti : præ-

sta, quæsumus; ut qui unigéniti Filii tui vices in terris gerébat, sanctórum tuórum Pontíficum conſórtio perpétuo aggregétur. Per eúmdem Dóminum.

Secreta.

SÚSCÍPE, Dómine, quæsumus, pro ánima famuli tui N., Summi Pontificis, quas offérimus hóſtias : ut cui in

hoc sæculo Pontificale donasti meritum, in cœlesti regno Sanctorum tuorum jubeas jungi consortio. Per Dominum.

Postcommunio.

PROSPIT, quæsumus, Dómine, animæ famuli tui N., Summi Pontificis, misericordiæ tuæ implorata clementia : ut ejus in quo speravit et credidit, ætérnum capiat, te miserante, consortium. Per Dominum.

2. ¶ Pro defuncto Episcopo dicitur prima Missa, ut supra. 65*; Orationes vero ut infra.

Oratio.

DEUS, qui inter Apostólicos Sacerdotes famulum tuum N. Ponticali fecisti dignitate vigere : presta, quæsumus, ut eorum quoque perpétuo aggregetur consortio. Per Dominum.

Secreta.

SÚSCIBE, Dómine, quæsumus, pro ánima famuli tui N., Pontificis, quas offerimus hostias : ut cui in hoc sæculo Pontificale donasti meritum, in cœlesti regno Sanctorum tuorum jubeas jungi consortio. Per Dominum.

Postcommunio.

PROSPIT, quæsumus, Dómine, animæ famuli tui N., Pontificis, misericordiæ tuæ implorata clementia : ut ejus in quo speravit et credidit, ætérnum capiat, te miserante, consortium. Per Dominum.

Pro defuncto Sacerdote dicuntur eadem Orationes : sed ubi dicitur Ponticali, dicatur Sacerdotali ; et pro Pontificis, dicatur Sacerdotis.

Si fuerint plures, dicatur ut supra in quarta Missa. 69*.

Pro Episcopo Cardinali defuncto dicatur famulum tuum N., Episcopum Cardinalem, Ponticali fecisti dignitate, etc.

Pro Presbytero Cardinali defuncto dicatur famulum tuum N., Presbyterum Cardinalem, Sacerdotali fecisti dignitate, etc.

Pro Diacono autem Cardinali dicitur Oratio Inclina, Dómine, quæ habetur paulo infra, hoc modo : ut animam fá-

muli tui N., Diaconi Cardinalis, quam de hoc sæculo, etc.

3. **Pro defuncto Episcopo.**

Alia Oratio.

DA nobis, Dómine, ut animam famuli tui N., Episcopi, quam de hujus sæculi eduxisti laborioso certamine, Sanctorum tuorum tribuas esse consortem. Per Dominum.

Secreta.

ANNUE nobis, quæsumus, Dómine, ut animæ famuli tui N., Episcopi, hæc prosit oblatio, quam immolando, totius mundi tribuisti relaxari delicta. Per Dominum.

Postcommunio.

HIS sacrificiis, quæsumus, omnipotens Deus, purgata anima famuli tui N., Episcopi, ad indulgentiam et refrigerium sempiternum pervenire mereatur. Per Dominum.

4. **Pro defuncto Sacerdote.**

(Et possunt dici pro pluribus in numero plurali.)

Oratio.

PRESTA, quæsumus, Dómine, ut ánima famuli tui N., Sacerdotis, quem in hoc sæculo commorantem sacris muneribus decorasti, in cœlesti sede gloriosa semper exsultet. Per Dominum.

Secreta.

SÚSCIBE, Dómine, quæsumus, pro ánima famuli tui N., Sacerdotis, quas offerimus hostias : ut cui Sacerdotale donasti meritum, dones et præmium. Per Dominum.

Postcommunio.

PRESTA, quæsumus, omnipotens Deus : ut animam famuli tui N., Sacerdotis, in congregatione justorum æternæ beatitudinis jubeas esse consortem. Per Dominum.

5. **Pro uno defuncto.**

Oratio.

INCLINA, Dómine, aurem tuam ad preces nostras, quibus misericordiam tuam supplices deprecamur ; ut animam famuli tui, quam de hoc sæculo migrare jussisti, in pacis ac lucis regione consti-

tuas, et Sanctorum tuorum jubeas esse consortem. Per Dominum.

Secreta.

ANNUE nobis, quæsumus, Domine, ut animæ famuli tui hæc prosit oblatio, quam immolando, totius mundi tribuisti relaxari delicta. Per Dominum.

Postcommunio.

ABSOLVE, quæsumus, Domine, animam famuli tui ab omni vinculo delictorum : ut in resurrectionis gloria inter Sanctos et electos tuos resuscitatus respiret. Per Dominum.

6. Pro una defuncta.

Oratio.

QUÆSUMUS, Domine, pro tua pietate miserere animæ famulæ tuæ : et a contagiis mortalitatis exutam, in æternæ salvationis partem restitue. Per Dominum.

Secreta.

HIS sacrificiis, quæsumus, Domine, anima famulæ tuæ a peccatis omnibus exuatur, sine quibus a culpa nemo liber exstitit : ut per hæc piæ placationis officia, perpetuam misericordiam consequatur. Per Dominum.

Postcommunio.

INVENIAT, quæsumus, Domine, anima famulæ tuæ lucis æternæ consortium : cujus perpetuæ misericordiæ consecuta est sacramentum. Per Dominum.

7. Pro patre et matre Sacerdotis.

Oratio.

DEUS, qui nos patrem et matrem honorare præcepisti : miserere clementer animabus patris et matris meæ, eorumque peccata dimitte ; meque eos in æternæ claritatis gaudio fac videre. Per Dominum.

Secreta.

SUSCIPE sacrificium, Domine, quod tibi pro animabus patris et matris meæ offero : eisque gaudium sempiternum in regione vivorum concede, meque cum illis felicitati Sanctorum conjunge. Per Dominum.

Postcommunio.

CELÉSTIS participatio sacramenti, quæsumus, Domine, animabus patris et

matris meæ requiem et lucem obtineat perpetuam : meque cum illis gratia tua coronet æterna. Per Dominum.

8. Si pro patre tantum, vel matre tantum, dicatur in singulari.

Oratio.

DEUS, qui nos patrem et matrem honorare præcepisti : miserere clementer animæ patris mei (vel matris meæ), ejusque peccata dimitte ; meque eum (vel eam) in æternæ claritatis gaudio fac videre. Per Dominum.

Secreta.

SUSCIPE sacrificium, Domine, quod tibi pro anima patris mei (vel matris meæ) offero : eique gaudium sempiternum in regione vivorum concede : meque cum illo (vel illa) felicitati Sanctorum conjunge. Per Dominum.

Postcommunio.

CELÉSTIS participatio sacramenti, quæsumus, Domine, animæ patris mei (vel matris meæ) requiem et lucem obtineat perpetuam : meque cum illo (vel illa) gratia tua coronet æterna. Per Dominum.

9. Pro defunctis fratribus, propinquis et benefactoribus.

Oratio.

DEUS, veniæ largitor, et humanæ salutis amator : quæsumus clementiam tuam ; ut nostræ congregationis fratres, propinquos et benefactores, qui ex hoc sæculo transierunt, beata Maria semper virgine intercedente cum omnibus Sanctis tuis, ad perpetuæ beatitudinis consortium pervenire concedas. Per Dominum.

Secreta.

DEUS, cujus misericordiæ non est numerus, suscipe propitius preces humilitatis nostræ : et animabus fratrum, propinquorum et benefactorum nostrorum, quibus tui nominis dedisti confessionem, per hæc sacramenta salutis nostræ, cunctorum remissionem tribue peccatorum. Per Dominum.

Postcommunio.

PRÆSTA, quæsumus, omnipotens et misericors Deus : ut animæ fra-

trum, propinquorum et benefactorum nostrorum, pro quibus hoc sacrificium laudis tuæ obtulimus Majestati; per hujus virtutem sacramenti a peccatis omnibus expiatur, lucis perpetuæ, te miserante, recipiant beatitudinem. Per.

10. *Pro his qui in cœmeterio requiescunt.*

Oratio.

DEUS, cujus miseratione animæ fidelium requiescunt: famulis et famulibus tuis, et omnibus hic et ubique in Christo quiescentibus, da propitius veniam peccatorum; ut a cunctis reatibus absoluti, tecum sine fine lætèntur. Per eundem Dñm.

Secreta.

PRO animabus famulorum famularumque tuarum, et omnium catholicorum hic et ubique in Christo dormientium, hostiam, Dñe, suscipe benignus oblata: ut hoc sacrificio singulari, vinculis horrendæ mortis exuti, vitam mereantur æternam. Per eundem Dñm.

ostcommunio.

DEUS, fidelium lumen animarum, ad esto supplicationibus nostris: et da famulis et famulibus tuis, quorum eorum hic et ubique in Christo requiescunt, refrigerii sedem, quietis beatitudinem, et luminis claritatem. Per eundem Dñm.

11. *Pro pluribus defunctis.*

Oratio.

DEUS, cui proprium est misereri semper et parcere: propitiare animabus famulorum famularumque tuarum, et

omnia eorum peccata dimitte; ut mortalitatis vinculis absolutæ, transire mereantur ad vitam. Per Dñm.

Secreta.

ANNUE nobis, quæsumus, Dñe, ut animabus famulorum famularumque tuarum hæc prosit oblatio, quam immolando, totius mundi tribuisti relaxari delicta. Per Dñm.

Postcommunio.

DEUS, cui soli competit medicinam præstare post mortem: præsta, quæsumus; ut animæ famulorum famularumque tuarum, terrenis exitu contagiis, in tuæ redemptionis parte numerentur. Qui vivis.

12. *Alia pro pluribus defunctis.*

Oratio.

ANIMABUS, quæsumus, Dñe, famulorum famularumque tuarum misericordiam concede perpetuam: ut eis proficiat in æternum, quod in te speraverunt et crediderunt. Per.

Secreta.

HIS, Dñe, quæsumus, placatus intènde munèribus: et quod ad laudem tui nominis supplicantes offerimus, ad indulgentiam proficiat defunctorum. Per Dñm.

Postcommunio.

SUPPLICES, Dñe, pro animabus famulorum famularumque tuarum preces effundimus, obsecrantes; ut quidquid conversatione contraxerunt humana, et clementer indulgeas, et in tuorum sede lætantium constituas redemptorum. Per Dñm.

ORDO AD FACIENDAM AQUAM BENEDICTAM

Die Dominica, in Sacristia præparato sale, et aqua benedicenda, Sacerdos celebraturus Missam, vel alius ad id deputatus, alba vel superpelliceo indutus cum stola circa collum, primo dicit:

Ÿ. Adjutorium nostrum in nomine Dñi.

℟. Qui fecit cælum et terram.

Deinde absolute incipit Exorcismum salis.

EXORCIZO te, creatura salis, per Deum ✠ vivum, per Deum ✠ verum, per Deum ✠ sanctum: per Deum qui te per Elisæum Prophétam in aquam mitti jussit, ut sanaretur sterilitas aquæ: ut efficiaris sal exorcizatum in salutem

credéntium : et sis ómnibus suméntibus te sánitas ánimæ et córporis : et effúgiat, atque discédât a loco in quo aspérsum fúeris, omnis phantásia, et nequítia, vel versútia diabólicæ fraudis, omnisque spíritus immúndus adjúratús per eum qui ventúrus est judicáre vivos et mórtuos, et sæculum per ignem. **Ŕ.** Amen.

Orémus. **Oratio.**

IMMÉNSAM eleméntiam tuam, omnípotens ætérne Deus, humiliter implorámus : ut hanc creatúram salis, quam in usum géneris humáni tribuísti, bene **✠** dicere et sancti **✠** ficáre tua pietáte dignéris : ut sit ómnibus suméntibus salus mentis et córporis : et quidquid ex eo tactum vel respérsum fúerit, cáreat omni immunditia, omnisque impugnatióne spiritalis nequítie. Per Dóminum.

Exorcismus aquæ (et dicitur absolute) :

EXORCÍZO te, creatúra aquæ, in nómine Dei **✠** Patris omnipoténtis, et in nómine Jesu **✠** Christi Filii ejus : Dómini nostri, et in virtúte Spíritus **✠** sancti : ut fias aqua exorcizáta ad effugándam omnem potestátem inimíci, et ipsum inimícum eradicáre et explantáre váleas cum ángelis suis apostáticis, per virtutem ejúsdem Dómini nostri Jesu Christi, qui ventúrus est judicáre vivos et mórtuos, et sæculum per ignem.

Ŕ. Amen.

Orémus. **Oratio.**

DEUS, qui ad salutem humáni géneris máxima quæque sacraménta in aquárum substántia condidísti : adéstó propítius invocatióibus nostris, et eleménto huic, multimodis purificatióibus preparátó, virtutem tuæ bene **✠** dictiúnis infúnde : ut creatúra tua mystériis tuis sérvians, ad abigéndos dæmones, morbósque pelléndo, divinæ grátie sumat effectum : ut quidquid in dómibus vel in locis fidélium hæc unda respérserit, cáreat omni immunditia, liberétur a noxa : non illic resídeat spíritus péstilens, non aura corrúmpens : discédant omnes insídiæ laténtis inimíci : et si quid est quod aut incolumitáti hábitántium invidet, aut quiéti, aspersione

hujus aquæ effúgiat : ut salúbritas per invocatiónem sancti tui nóminis expetíta, ab ómnibus sit impugnatióibus defénsa. Per Dóminum.

Hic ter mittat sal in aquam in modum crucis, dicendo semel :

COMMÍXTIO salis et aquæ páriter fiat, in nómine Pa **✠** tris, et Fi **✠** lii, et Spíritus **✠** sancti. **Ŕ.** Amen.

Ÿ. Dóminus vobiscum.

Ŕ. Et cum spíritu tuo.

Orémus. **Oratio.**

DEUS, invictæ virtútis auctor, et insuperábilis impérii Rex, ac semper magníficus triumphátor : qui advérsæ dominatiónis vires réprimis : qui inimíci rugiéntis sævitiam súperas : qui hostiles nequítias poténter expúgnas : te, Dómine, treméntes et súpplices deprecámur, ac pétimus : ut hanc creatúram salis et aquæ dignánter aspicias, benígnus illústres, pietátis tuæ rore sanctífices : ut ubicúmque fúerit aspérsa, per invocatiónem sancti nóminis tui, omnis infestatió immúndi spíritus abigátur : terrórque venenósi serpéntis procul pellátur : et præsentia sancti Spíritus nobis misericórdiam tuam poseéntibus ubique adesse dignétur. Per Dóminum... in unitáte ejúsdem. **Ŕ.** Amen.

¶ Finita benedictione, Sacerdos celebraturus, indutus pluviali coloris Officio convenientis, accedit ad Altare, et ibi ad gradum cum Ministris genuflexus, etiam Tempore Paschali, accipit a Diacono aspersorium, et primo ter aspergit Altare, deinde se, et erectus Ministros, incipiens Antiphonam Aspérget me. Et Chorus prosequitur : Dómine, hyssópo, etc., ut infra. Interim Celebrans aspergit Clerum, deinde populum, dicens submissa voce cum Ministris Ps. Miserére.

Antiphona.



A-spér- ges me,

Dómine, hyssópo, et mundábor : lavábis me, et super nivem dealbábor. Ps. 50.

Miserére mei, Deus, secúndum magnam misericórdiam tuam. *ŷ.* Glória Patri. Et repetitur Antiphona Aspérget me.

Hæc Antiphona prædicto modo dicitur ad aspersionem aquæ benedictæ in Dominicis per totum annum, excepta Dominica de Passione, et Dominica Palmarum, in quibus non dicitur Glória Patri: sed post Psalmum Miserére repetitur immediate Antiphona Aspérget me: excepto etiam Tempore Paschali, scilicet a Dominica Paschæ usque ad Pentecosten inclusive, quo tempore cantatur sequens Antiphona.



Vi-di a-quam

egrediéntem de templo a látere dextro, allelúia: et omnes ad quos pervénit aqua ista, salvi facti sunt, et dicent: Allelúia, allelúia. *Ps. 117.* Confitémini Dómino, quóniam bonus, quóniam in sæculum misericórdia ejus. *ŷ.* Glória Patri. *Repetitur Antiphona Vidi aquam.*

In Dominica vero Trinitatis resumitur Aspérget me, Dómine.

Indie sancto Paschæ et Pentecostes, ubi est fons Baptismalis, fit aspersione cum aqua pridie benedicta in fonte Baptismi, et ante infusionem olei et chrismatis accepta.

¶ Finita Antiphona supradicto modo, Sacerdos qui aspersit aquam, reversus ad Altare, stans ante gradus Altaris, junctis manibus, dicat:

ŷ. Osténde nobis, Dómine, misericórdiam tuam.

Tempore Paschali additur Allelúia.

ŷ. Et salutáre tuum da nobis.

ŷ. Dómine, exáudi oratióem meam.

ŷ. Et clamor meus ad te véniat.

ŷ. Dóminus vobiscum.

ŷ. Et cum spíritu tuo.

Orémus. *Oratio.*

EXÁUDI nos, Dómine sancte, Pater omnipotens, ætérne Deus: et mittere dignéris sanctum Angelum tuum de coelis, qui custódiat, fóveat, protégat, vísitet, atque deféndat omnes habitántes in hoc habitáculo. Per Christum Dóminum nostrum. *ŷ.* Amen.

BENEDICTIONES DIVERSÆ

BENEDICTIO AGNI IN PASCHA

ŷ. Adjutórium nostrum in nómine Dómini.

ŷ. Qui fecit cælum et terram.

ŷ. Dóminus vobiscum.

ŷ. Et cum spíritu tuo.

Orémus.

DEUS, qui per fámulum tuum Móysen, in liberatióne pópuli tui de Ægypto, agnum occídi jussisti in similitúdinem Dómini nostri Jesu Christi, et utrósque postes domórum de ságuine ejúsdem agni perúngi præcepisti: ita bene *✠* dicere et sancti *✠* ficáre dignéris hanc creatúram carnis, quam nos fámuli tui ad laudem tuam súmere desiderámus, per Resurrectiόnem ejúsdem Dómini no-

stri Jesu Christi. Qui tecum vivit et regnat in sæcula sæculórum.

ŷ. Amen.

Et mox aspergit aqua benedicta.

BENEDICTIO OVORUM

ŷ. Adjutórium nostrum in nómine Dómini.

ŷ. Qui fecit cælum et terram.

ŷ. Dóminus vobiscum.

ŷ. Et cum spíritu tuo.

Orémus.

SUBVÉNIAT, quæsumus, Dómine, tuæ bene *✠* dictiόnis grátia huic ovórum creatúre: ut cibus salúbris fiat fidélibus tuis in tuárum gratiárum actiόne suméntibus, ob Resurrectiόnem Dómini

nostri Jesu Christi. Qui tecum vivit et regnat in sæcula sæculórum.

Ÿ. Amen.

Et aspergat aqua benedicta.

BENEDICTIO PANIS

Ÿ. Adjutórium nostrum in nómine Dómini.

Ŕ. Qui fecit cælum et terram.

Ÿ. Dóminus vobiscum.

Ŕ. Et cum spíritu tuo.

Orémus.

DÓMINE Jesu Christe, panis Angelórum, panis vivus æternæ vitæ, bene \boxtimes dicere dignáre panem istum, sicut benedixisti quinque panes in desérto : ut omnes ex eo gustántes, inde cõporis et ánimæ percipiant sanitátem. Qui vivis et regnas in sæcula sæculórum.

Ŕ. Amen.

Et aspergat aqua benedicta.

ALIA BENEDICTIO PANIS

Ÿ. Adjutórium nostrum in nómine Dómini.

Ŕ. Qui fecit cælum et terram.

Ÿ. Dóminus vobiscum.

Ŕ. Et cum spíritu tuo.

Orémus.

DÓMINE sancte, Pater omnípotens, æternæ Deus, bene \boxtimes dicere dignéris hunc panem tua sancta spirituáli benedictióne : ut sit ómnibus suméntibus salus mentis et cõporis, atque contra omnes morbos et univérsas inimicórum insídias tutámen. Per Dóminum nostrum Jesum Christum Filium tuum, panem vivum, qui de cælo descendit, et dat vitam et salutém mundo, et tecum vivit et regnat in unitáte Spíritus sancti Deus, per ómnia sæcula sæculórum.

Ŕ. Amen.

Aspergatur aqua benedicta.

BENEDICTIO NOVORUM FRUCTUUM

Ÿ. Adjutórium nostrum in nómine Dómini.

Ŕ. Qui fecit cælum et terram.

Ÿ. Dóminus vobiscum.

Ŕ. Et cum spíritu tuo.

Orémus.

BÉNE \boxtimes DIC, Dómine, hos novos fructus N., et præsta : ut qui ex eis in tuo sancto nómine vescéntur, cõporis et ánimæ saluté potiántur. Per Christum Dóminum nostrum. Ŕ. Amen.

Et aspergantur aqua benedicta.

BENEDICTIO

AD QUODCUMQUE COMESTIBILE

Ÿ. Adjutórium nostrum in nómine Dómini.

Ŕ. Qui fecit cælum et terram.

Ÿ. Dóminus vobiscum.

Ŕ. Et cum spíritu tuo.

Orémus.

BÉNE \boxtimes DIC, Dómine, creatúram istam N., ut sit remédiu salutáre géneri humano : et præsta per invocatióne sancti nóminis tui ; ut quicúmque ex ea sumpserint, cõporis sanitátem et ánimæ tutélam percipiant. Per Christum Dóminum nostrum.

Ŕ. Amen.

Aspergatur aqua benedicta.

BENEDICTIO CANDELARUM

Ÿ. Adjutórium nostrum in nómine Dómini.

Ŕ. Qui fecit cælum et terram.

Ÿ. Dóminus vobiscum.

Ŕ. Et cum spíritu tuo.

Orémus.

DÓMINE Jesu Christe, Fili Dei vivi, béne \boxtimes dic candelas istas supplicatió nibus nostris : infúnde eis, Dómine, per virtútem sanctæ Cru \boxtimes cis, benedicti ónem cœlestem, qui eas ad repelléndas ténebras humano géneri tribuísti : talémque benedicti ónem signáculo sanctæ Cru \boxtimes cis accipiant ; ut quibuscúmque locis accénsæ sive pósitæ fuerint, discédant príncipes tenebrárum, et contremíscent, et fúgiant pávidi cum ómnibus ministris suis ab habitati ó nibus illis, nec præsumánt ámplius inquietáre aut molestáre serviéntes tibi omnipoténti Deo. Qui vivis et regnas in sæcula sæculórum. Ŕ. Amen.

Postmodum aspergantur aqua benedicta.

BENEDICTIO LOCI

Ÿ. Adjutórium nostrum in nómine Dómini.

℞. Qui fecit cœlum et terram.

Ÿ. Dóminus vobiscum.

℞. Et cum spíritu tuo.

Orémus.

BÉNE ✠ DIC, Dómine Deus omnipotens, locum istum : ut sit in eo sanitas, cástitas, victória, virtus, humilitas, bónitas et mansuetúdo, plenitúdo legis, et gratiárum áctio Deo Patri, et Filio, et Spiritui sancto : et hæc benedictio máneat super hunc locum et super habitántes in eo, nunc et in ómnia sæcula sæculórum. ℞. Amen.

Et aspergatur aqua benedicta.

BENEDICTIO DOMUS NOVÆ

Ÿ. Adjutórium nostrum in nómine Dómini.

℞. Qui fecit cœlum et terram.

Ÿ. Dóminus vobiscum.

℞. Et cum spíritu tuo.

Orémus.

TE Deum Patrem omnipoténtem suppliciter exorámus pro hac domo, et pro habitatóribus ejus ac rebus : ut eam bene ✠ dicere et sancti ✠ ficáre, ac bonis ómnibus ampliáre dignéris : tribue eis, Dómine, de rore cœli abundántiam, et de pinguédine terræ vitæ substántiam, et desidéria voti eórum ad efféctum tuæ miserationis perdúcas. Ad intróitum ergo nostrum bene ✠ dicere et sancti ✠ ficáre dignéris hanc domum, sicut benedícere dignátus es domum Abraham, et Isaac, et Jacob : et intra parietes domus istius Angeli tuæ lucis inhábitent, eámque et ejus habitátóres custódiat. Per Christum Dóminum nostrum. ℞. Amen.

Deinde aspergatur aqua benedicta.

BENEDICTIO THALAMI

Ÿ. Adjutórium nostrum in nómine Dómini.

℞. Qui fecit cœlum et terram.

Ÿ. Dóminus vobiscum.

℞. Et cum spíritu tuo.

Orémus.

BÉNE ✠ DIC, Dómine, thálamum hunc. Ut omnes habitántes in eo, in tua pace consistant, et in tua voluntáte permáneant, et senéscant, et multiplicéntur in longitudínem diérum, et ad regna cœlórum pervéniant. Per Christum Dóminum nostrum.

℞. Amen.

Postea aspergat thalamum aqua benedicta.

BENEDICTIO NOVÆ NAVIS

Ÿ. Adjutórium nostrum in nómine Dómini.

℞. Qui fecit cœlum et terram.

Ÿ. Dóminus vobiscum.

℞. Et cum spíritu tuo.

Orémus.

PROPITIÁRE, Dómine, supplicatió nibus nostris, et béne ✠ dic navem istam dextera tua sancta, et omnes qui in ea vehéntur, sicut dignátus es benedícere arcam Noe ambulántem in dilúvio : pórrige eis, Dómine, dexteram tuam, sicut porrexísti beáto Petro ambulánti supra mare : et mitte sanctum Angelum tuum de cœlis, qui liberet et custódiat eam semper a periculis univérsis, cum ómnibus quæ in ea erunt : et fámulos tuos, repúlsis adversitatibus, portu semper optábili, cursúque tranquillo tueáris ; transactisque, ac recte perféctis negotiis ómnibus, iteráto témpore ad própria cum omni gáudio revocáre dignéris. Qui vivis et regnas in sæcula sæculórum.

℞. Amen.

Aspergat navim aqua benedicta.

BENEDICTIONES

AB EPISCOPIS, VEL ALIIS FACULTATEM
HABENTIBUS, FACIENDÆ

BENEDICTIO

SACERDOTALIIUM INDUMENTORUM IN GENERE

Ÿ. Adjutórium nostrum in nómine Dómini.

℞. Qui fecit cœlum et terram.

Ÿ. Dóminus vobiscum.

℞. Et cum spíritu tuo.

Orémus.

OMNÍPOTENS sempitérne Deus, qui per Móysen fámulum tuum pontificália et sacerdotália, seu levítica vestiménta, ad expléndum in conspéctu tuo ministérium eórum, ad honórem et decórem nóminis tui fieri decrevisti: adésto propítius invocatióibus nostris; ut hæc induménta sacerdotália, désuper irrigánte grátia tua, ingénti benedictiône per nostræ humilitátis servitium puri ✠ ficáre, bene ✠ dicere et conse ✠ cráre dignéris: ut divinis cúltribus et sacris mystériis apta et benedicta exístant: his quoque sacris véstibus Pontifices, et Sacerdótes seu Levítæ tui indúti, ab ómnibus impulsiónibus, seu tentatióibus malignórum spírituum muniti et defénsi esse mereántur: tuisque mystériis apte et condigne servíre et inhærére, atque in his tibi plácite et devóte perseveráre tribue. Per Christum Dóminum nostrum.

℞. Amen.

Orémus.

DEUS, invictæ virtútis triumphátor, et ómnium rerum creátor ac sanctificátor, inténde propítius preces nostras, et hæc induménta leviticæ, sacerdotális et pontificális glóriæ, ministris tuis fruéndâ, tuo ore próprio bene ✠ dicere, sancti ✠ ficáre et conse ✠ cráre dignéris: omnesque eis uténtes, tuis mystériis aptos, et tibi in eis devóte ac laudabiliter serviéntes, gratos efficere dignéris. Per Dóminum nostrum, etc.

℞. Amen.

Orémus.

DÓMINE Deus omnipotens, qui vestiménta Pontificibus, Sacerdótibus et Levitis in usum tabernáculi fœderis necessariâ, Móysen fámulum tuum ágere iussisti, eúmque spíritu sapiéntiæ ad id peragéndum replevisti: hæc vestiménta in usum et cultum mystérii tui bene ✠ dicere, sancti ✠ ficáre et conse ✠ cráre dignéris: atque ministros altáris tui, qui ea indúerint, septifórmis Spíritus

grátia dignánter repléti, atque castitátis stola, beáta fácias cum bonórum fructu óperum ministérii congruéntis immortalitáte vestiri. Per Christum Dóminum nostrum.

℞. Amen.

Deinde aspergat ipsa indumenta aqua benedicta.

BENEDICTIO MAPPARUM

ET TOBALEARUM SIVE LINTEAMINUM ALTARIS

Ÿ. Adjutórium nostrum in nómine Dómini.

℞. Qui fecit cælum et terram.

Ÿ. Dóminus vobiscum.

℞. Et cum spíritu tuo.

Orémus.

EXAUDI, Dómine, preces nostras, et hæc linteámina sacri altáris úsui præparáta, bene ✠ dicere et sancti ✠ ficáre dignéris. Per Christum Dóminum nostrum.

℞. Amen.

Orémus.

DÓMINE Deus omnipotens, qui Móysen fámulum tuum ornáménta et linteámina fácere per quadraginta dies docuisti: quæ étiam María téxuit, et fecit in usum ministérii tabernáculi fœderis; bene ✠ dicere, sancti ✠ ficáre et conse ✠ cráre dignéris hæc linteámina ad tegéndum involvendúmque altáre gloriosissimi Filii tui Dómini nostri Jesu Christi. Qui tecum vivit et regnat in unitáte Spíritus sancti Deus, per ómnia sæcula sæculórum.

℞. Amen.

Deinde aspergat ea aqua benedicta.

BENEDICTIO CORPORALIUM

Ÿ. Adjutórium nostrum in nómine Dómini.

℞. Qui fecit cælum et terram.

Ÿ. Dóminus vobiscum.

℞. Et cum spíritu tuo.

Orémus.

CLEMENTÍSSIME Dómine, cujus inenarrábilis est virtus, cujus mystéria arcánis mirabilibus celebrántur: tribue,

quæsumus; ut hoc linteâmen tuæ propitiatiônis bene ✠ dictiône sanctificetur ad consecrandum super illud Corpus et Sanguinem Dei et Dômini nostri Jesu Christi Filii tui. Qui tecum vivit et regnat in unitate Spîritus sancti Deus, per ômnia sæcula sæculôrum.

℟. Amen.

Orémus.

OMNIPOTENS sempitérne Deus, bene ✠ dicere, sancti ✠ ficare et conse ✠ crare digneris linteâmen istud ad tegendum involvendumque Corpus et Sanguinem Dômini nostri Jesu Christi Filii tui. Qui tecum vivit et regnat in unitate Spîritus sancti Deus, per ômnia sæcula sæculôrum.

℟. Amen.

Orémus.

OMNIPOTENS Deus, mânibus nostris opem tuæ benedictiônis infûde: ut per nostram bene ✠ dictiônem hoc linteâmen sanctificetur, et Cörperis ac Sanguinis Redemptôris nostri novum Sudarium, Spîritus sancti grátia, efficiatur. Per eúndem Dóminum... in unitate ejúsdem.

℟. Amen.

Et aspergat aqua benedicta.

BENEDICTIO TABERNACULI

SEU VASculi

PRO SACROSANCTA EUCHARISTIA CONSERVANDA

Ÿ. Adjutórium nostrum in nómine Dômini.

℟. Qui fecit cælum et terram.

Ÿ. Dóminus vobiscum.

℟. Et cum spîritu tuo.

Orémus.

OMNIPOTENS sempitérne Deus, Majestatem tuam supplices deprecámur: ut vâsculum hoc pro Cörperis Filii tui Dômini nostri Jesu Christi in eo condendo fabricatum, bene ✠ dictiônis tuæ grátia dicare digneris. Per eúndem Dóminum nostrum, etc.

℟. Amen.

Et aspergat illud aqua benedicta.

ORATIO

IN CONSECRATIONE EPISCOPI

Quæ dicitur cum Oratione Missæ diei sub una conclusione, et similiter Secreta, et Postcommunio.

Oratio.

ADÉSTO supplicatiônibus nostris, omnípotens Deus: ut quod humilitatis nostræ gerendum est ministério, tuæ virtutis impleatur effectû. Per.

Secreta. Consecrator.

SÚSCIPE, Dómine, múnera quæ tibi offerimus pro hoc famulo tuo: ut propitius in eo tua dona custódias. Per.

Consecratus dicit:

SÚSCIPE, Dómine, múnera quæ tibi offerimus pro me famulo tuo: ut propitius in me tua dona custódias. Per.

Infra actionem. Consecrator.

HANC igitur oblatiônem servitûtis nostræ, sed et cunctæ familiæ tuæ, quam tibi offerimus etiam pro hoc famulo tuo, quem ad Episcopátus ordinem promovére dignátus es, quæsumus, Dómine, ut placátus accipias, et propitius in eo tua dona custódias: ut quod divino múnere consecútus est, divinis effectibus exsequatur: diésque nostros in tua pace dispónas, atque ab æterna damnatiône nos éripi, et in electórum tuórum júbeas grege numerári. Per Christum Dóminum nostrum. Amen.

Consecratus dicit:

HANC igitur oblatiônem servitûtis nostræ, sed et cunctæ familiæ tuæ, quam tibi offerimus etiam pro me famulo tuo, quem ad Episcopátus ordinem promovére dignátus es, quæsumus, Dómine, ut placátus accipias, et propitius in me tua dona custódias: ut quod divino múnere consecútus sum, divinis effectibus exsequar: diésque nostros in tua pace dispónas, atque ab æterna damnatiône nos éripi, et in electórum tuórum júbeas grege numerári. Per Christum Dóminum nostrum. Amen.

Postcommunio.

PLENUM, quæsumus, Dómine, in nobis remédiû tuæ miseratiônis ope-

rare : ac tales nos esse pèrfice propitius, et sic fovèri, ut tibi in ómnibus placère valeámus. Per Dóminum.

ORATIO

IN COLLATIONE SACRORUM ORDINUM

Quæ dicitur cum Oratione Missæ diei sub una conclusione, et similiter Secreta, et Postcommunio.

Oratio.

EXAUDI, quæsumus, Dómine, suppli- cum preces, et devóto tibi pectóre famulátes perpétua defensióne custódi :

ut nullis perturbatióibus impediti, liberam servitútem tuis semper exhibeámus officiis. Per Dóminum.

Secreta.

TUIS, quæsumus, Dómine, operáre mystériis : ut hæc tibi múnera dignis méntibus offerámus. Per Dóminum.

Postcommunio.

QUOS tuis, Dómine, réficis sacramén- tis, contínuis attólle benígnus auxiliis : ut tuæ redemptiós efféctum et mystériis capíamus et móribus. Qui vis.



SUPPLEMENTUM

PRO ALIQUIBUS LOCIS

Quæ hic adnotantur Missæ, utpote universalem non respiciant Ecclesiam, sed pro aliquibus tantum indultæ sint locis, extra ordinem aliarum hic in fine positæ sunt, pro majori celebrantium commoditate.

FESTA DECEMBRIS

DIE IV

IN FESTO SANCTÆ BARBARÆ VIRGINIS ET MARTYRIS

Missa Loquēbar. 19*, præter Orationem sequentem.

Oratio.

INTERCESSIO, quæsumus, Dómine, beátæ Bárbaræ, Virginis et Mártiris tuæ, ab omni nos adversitatē prótegit; ut per ejus intervéntum, gloriosíssimum sacrosáncti Córporis et Sanguinis Dómini nostri Jesu Christi Sacraméntum, ante diem éxitus nostri, per veram pœniténtiam et puram confessiónem percípere mereámur. Qui tecum vivit.

Et fit Commem. Feriæ.

DIE X

IN FESTO

TRANSLATIONIS ALMÆ DOMUS

BEATÆ MARIÆ VIRGINIS

Introitus. Gen. 28.

TERRIBILIS est locus iste : hic domus Dei est, et porta cœli : et vocábitur aula Dei. Ps. 83. Quam dilécta tabernácula tua, Dómine virtútum! concupiscit et déficit ánima mea in átria Dómini. Ț. Glória Patri. Terribilis.

Oratio.

DEUS, qui beátæ Mariæ Virginis domum per incarnáti Verbi mystérium

misericórditer consecrásti, eámque in sinu Ecclésiæ tuæ mirabiliter collocásti : concéde; ut segregáti a tabernáculis peccatórum, digni efficiámur habitatóres domus sanctæ tuæ. Per eúmdem Dóminum nostrum.

Et fit Commemoratio Feriæ, et postea S. Melchiadis, Papæ et Mart.

Oratio.

INFIRMITATEM nostram respice, omnipotens Deus : et quia pondus propriæ actiόνis gravat, beáti Melchiadis, Mártiris tui atque Pontificis, intercessio gloriósa nos prótegit. Per Dóminum.

Lectio libri Sapiéntiæ. Eccli. 24.

IN ómnibus réquiem quæsiui, et in hæreditate Dómini morabor. Tunc præcépit, et dixit mihi Creátor ómnium : et qui creávit me, requiévít in tabernáculo meo, et dixit mihi : In Jacob inhábita, et in Israel hæreditare, et in eléctis meis mitte radices. Et sic in Sion firmáta sum, et in civitate sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæreditas illius, et in plenitúdine sanctorum deténtio mea. Quasi cedrus exaltáta sum in Líbano, et quasi cypréssus in monte Sion. Quasi palma exaltáta sum in Cades, et quasi plantatio rosæ in Jéricho. Quasi oliva speciósa in campis, et quasi plátanus exaltáta sum juxta aquam in platéis. Sicut cinamó-

mum et bálsamum aromatizans odórem dedi : quasi myrrha elécta dedi suavitátem odóris.

Graduale. Ps. 26. Unam pétii a Dómino, hanc requíram : ut inhábitem in domo Dómini ómnibus diébus vitæ meæ. **ŷ.** Ut videam voluptátem Dómini, et visitem templum ejus.

Allelúia, allelúia. **ŷ.** Ps. 83. Beáti qui hábitant in domo tua, Dómine : in sæcula sæculórum laudábunt te. Allelúia.



Sequéntia sancti Evangélii secúndum Lucam. **Cap. 1.**

In illo témpore : Missus est Angelus, cui nomen Náza-reth, ad Virgínem desponsátam viro, cui nomen erat Joseph, de domo David : et nomen Virgínis, Maria. Et ingræssus Angelus ad eam, dixit : Ave, grátia plena : Dóminus tecum ; benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutatio. Et ait Angelus ei : Ne timeas, María : invenísti enim grátiam apud Deum : ecce concípies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur, et dabit illi Dóminus Deus sedem David patris ejus : et regnabit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognóscó? Et respóndens Angelus, dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concépit filium in senectúte sua : et hic mensis sextus est illi quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum.

Credo.

Offertorium. Ps. 5. Introibo in domum tuam, adorábo ad templum sanctum tuum, et confitébor nómini tuo.

Secreta.

ACCIPE, quæsumus, Dómine, múnera : in hac sacra domo dignánter oblata : et beátæ Mariæ Virgínis suffragántibus méritis, ad nostræ salutis auxilium provenire concéde. Per Dóminum.

Pro S. Melchiade.

Secreta.

HÓSTIAS tibi, Dómine, beáti Melchíadis, Mártiris tui atque Pontificis, dicátas méritis, benignus assúme, et ad perpétuum nobis tribue provenire subsidium. Per Dóminum.

Prefatio de B. M. Virgine. Et te in Festivitate.

Communio. Prov. 8. Beátus qui audit me, et qui vigilat ad fores meas quotidie, et obsérvat ad postes óstii mei. Qui me invénierit, invéniet vitam, et háuriet salutem a Dómino.

Postcommunio.

QUÆSUMUS, Dómine Deus noster : ut sacrosánta mystéria quæ pro reparatiónis nostræ munímine contulisti, intercedénte beáta María semper virgine, et præsens nobis remédium esse faciás, et futúrum. Per Dóminum.

Pro S. Melchiade.

Postcommunio.

REFÉCTI participatióne múnieris sacri, quæsumus, Dómine Deus noster : ut cujus exséquimur cultum, intercedénte beato Melchiade, Mártire tuo atque Pontifice, sentiámus efféctum. Per.

DIE XVII

IN FESTO

SANCTI LAZARI RESUSCITATI

EPISCOPI ET CONFESSORIS

Missa Sacerdótes tui. 14*, præter Evang. et Communionem.

Evangeliū Erat quidam languens, de Feria VI post Dom. IV Quadrag. 86.

Communio. Joan. 11. Videns Dóminus flentes soróres Lázari ad monuméntum, lacrymátus est coram Judeis, et exclamávit : Lázare, veni foras. Et pródiit ligátis manibus et pedibus, qui fúerat quatrídúanus mórtuus.

DIE XVIII
IN FESTO
EXPECTATIONIS PARTUS

BEATÆ MARÆ VIRGINIS

Introitus. Is. 48.

RORATE, cœli, désuper, et nubes pluant Justum; aperiátur terra, et germínet Salvatórem. *Ps. 18.* Cœli enarrant glóriam Dei, et ópera mánuum ejus annúntiat firmaméntum. *ŷ. Glória Patri. Rorate.*

Oratio.

DEUS, qui de beatæ Mariæ Virginis útero Verbum tuum, Angelo nuntiánte, carnem suscépere voluísti: præsta supplicibus tuis; ut qui vere eam Genitricem Dei crédimus, ejus apud te intercessiónibus adjuvémur. Per eúdem Dóminum.

Et fit Commemoratio Feriæ.

Lectio Isaïæ Prophætæ. *Cap. 7.*

IN diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsum supra. Et dixit Achaz: Non petam, et non tentábo Dóminum. Et dixit: Audite ergo, domus David: Numquid parum vobis est moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce Virgo concípíet, et páriet filium, et vocábitur nomen ejus Emmánuel. Butyrum et mel cómedet, ut sciat reprobáre malum, et eligere bonum.

Graduale. Ps. 23. Tóllite portas, príncipes, vestras, et elevámini, portæ æternáles: et introibit Rex glóriæ. *ŷ.* Quis ascéndet in montem Dómini, aut quis stabit in loco sancto ejus? Innocens má nibus, et mundo corde.

Allelúia, allelúia. *ŷ. Luc. 1.* Ecce concípíet, et páriet filium Jesum Christum. Allelúia.



Sequéntia sancti Evangélii secúndum Lucam. *Cap. 1.*

IN illo témpore: Missus est Angelus Gábriel a Deo in civitátem Galilææ, cui nomen Názareth, ad Virginem de-

sponsátam viro, cui nomen erat Joseph, de domo David: et nomen Virginis, María. Et ingræssus Angelus ad eam, dixit: Ave, grátia plena: Dóminus tecum: benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei: Ne timeas, María, invenisti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Filius Altissimi vocábitur, et dabit illi Dóminus Deus sedem David patris ejus, et regnábít in domo Jacob in ætérnum, et regní ejus non erit finis. Dixit autem María ad Angelum: Quómodo fiet istud, quóniam virum non cognóscó? Et respóndens Angelus, dixit ei: Spíritus sanctus supervéniet in te, et virtus Altissimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concépít filium in senectúte sua: et hic mensis sextus est illi quæ vocátur stérilis: quia non erit impossibile apud Deum omne verbum. Dixit autem María: Ecce ancilla Dómini: fiat mihi secúndum verbum tuum.

Credo.

Offertorium. Ibid. Ave, María, grátia plena: Dóminus tecum: benedicta tu in muliéribus, et benedictus fructus ventris tui.

Secreta.

IN méntibus nostris, quæsumus, Dómine, veræ fidei sacraménta confirmare: ut qui concéptum de Virgine Deum verum et homínem confitémur, per ejus salutíferæ resurrectiónis poténtiam, ad ætérnam mereámur pervenire lætítiam. Per eúdem Dóminum.

Præfatio de B. M. Virgine. Et te in Expectatióne.

Communio. Is. 7. Ecce Virgo concípíet, et páriet filium, et vocábitur nomen ejus Emmánuel.

Postcommunio.

GRÁTIAM tuam, quæsumus, Dómine, méntibus nostris infúnde: ut qui, Angelo nuntiánte, Christi Filii tui In-

carnatióem cognóvimus, per Passiόem ejus et Crucem, ad resurrectiόis glóriam perducámur. Per eúndem.

¶ Quando hoc Festum occurrit Feria IV Quatuor Temporum, in fine Missæ legitur Evangelium S. Joannis, In principio erat Verbum.

DIE XXVI

COMMEMORATIO

OMNIUM SS. MARTYRUM

FACIENDA IN MISSA S. STEPHANI

ANTE COMMEM. DE NATIVITATE DOMINI

Oratio.

DEUS, qui nos ánnua sanctórum Mártyrum tuórum Commemoriatióne lætíficas : concéde propítius; ut quorum gaudémus méritis, accendámur exémp-
lis.

Secreta.

OBLÁTIS, quæsumus, Dómine, placáre munéribus : et intercedéntibus sanctis Martyribus tuis, a cunctis nos defénde perículis.

Postcommunio.

HÆC nos commúnio, Dómine, purget a crimine : et intercedéntibus sanctis Martyribus tuis, cœléstis remédii fáciat esse consórtes.

Alia Commemoratio.

Oratio.

DEUS, qui nos concédis ómnium sanctórum Mártyrum tuórum Commemoriatióem cólere : da nobis in æténa beatitúdine de eórum societáte gaudére.

Secreta.

MÚNERA tibi, Dómine, nostræ devotiόis offérimus, quæ et pro cunctórum Mártyrum tuórum tibi grata sint honóre, et nobis salutária, te miseránte, reddántur.

Postcommunio.

PRÆSTA nobis, quæsumus, Dómine, intercedéntibus ómnibus sanctis Martyribus tuis : ut quod ore contíngimus, pura mente capiámus.

¶ Alibi, ex Decreto Pii PP. VI, 18 Maii 1798, pro aliquibus locis, et Resp. S. Rit. Congr. 18 Octobris 1818, sumuntur sequentes Orationes.

(Pro Gallia.)

Oratio.

DEUS, qui glorificáris in concílio sanctórum Mártyrum tuórum : respice ad preces humilitátis nostræ; ut quorum solémnia celebrámus, eórum précibus adjuvári mereámur.

Secreta.

ADÉSTO, Dómine, supplicatiόnibus nostris, quas in Sanctórum tuórum Commemoriatióne deférimus : ut qui nostræ justítiæ fidúciā non habémus, eórum, qui tibi placuérunt, méritis adjuvémur.

Postcommunio.

QUÆSUMUS, Dómine, salutáribus repléti mystériis : ut quorum solémnia celebrámus, eórum oratiόnibus adjuvémur.

¶ Alibi dicuntur modo sequenti.

Oratio Deus, qui glorificáris, ut supra.

Secreta.

SÚSCIPE, quæsumus, Dómine, et sanctífica hoc sacrificium pópuli tui : ut quod in honórem beatórum Mártyrum tuórum offértur ad glóriam, nobis prosit ad véniam.

Postcommunio.

PRÆSTA, quæsumus, omnipotens Deus : ut non désinant Sancti tui pro nostris tibi supplicáre peccátis, a quibus voluísti pro peccatóribus exorári.

FESTA JANUARI

DIE III

IN FESTO S. GENOVEFÆ, VIRGINIS

Introitus.

VENERÉMUR omnes in Dómino voce, corde, nisu toto, sanctitátem Genovéfæ Virginis, de cujus commemoratióne cum Angelis gaudent pópuli, et colláudant Fílium Dei. Ps. 44. Eructávit cor meum verbum bonum : dico ego ópera mea Regi. ̎. Glória Patri. Venerémur.

Oratio.

BEATÆ Genovéfæ, Virginis tuæ, Dómine Deus, gloriósis méritis adjuvémur : ut ejus sacro intervéntu, córporis

et animæ sanitæ gaudentes, grátia tua cooperante salvémur. Per Dóminum.

Epistola. Fratres, Qui gloriátur, *de Comm.* 21*.

Graduale. O pia sponsa Dei, mœstis auróra diéi, Virgo Francígena, o Virgo dulcédine plena, ad te clamantes audi, nec sperne rogantes. *ŷ. Ps. 44.* Dilexisti justitiam, et odisti iniquitatem: propterea unxit te Deus, Deus tuus, óleo lætitiæ.

Allelúia, allelúia. *ŷ.* Genovéfa Virgo clemens, te precantes aspice, tolle pondus culpæ, preméntes hostes et clades ábige, ægrum corpus et cor gemens salúbriter réfice. Allelúia.

Temp. Pasch., omisso Grad., ad ŷ. præced. additur ŷ. Ora pro nobis miseris, sancta Virgo Genovéfa: quæ nunc in cœlis gaudes miráculis innúmeris, fulgens virtúte supérna. Allelúia.

Post Septuagesimam, omissis Allelúia et ŷ. seq., dicitur

Tractus. Audi, filia, et vide, et inclina aurem tuam, quia concupívit Rex spéciem tuam. *ŷ.* Vultum tuum deprecabúntur omnes divites plebis: filiæ regum in honóre tuo. *ŷ.* Adducéntur Regi Vírgines post eam; próximæ ejus afferéntur tibi. *ŷ.* Afferéntur in lætítia et exsultatióne, adducéntur in templum Regis.

Evangelium. Símile erit regnum cœlórū decem virgínibus, *de Comm.* 22*.

Offertorium. Prótege nos, quæsumus, Dómine, per mérita sanctæ Genovéfæ, ab ómnibus malórum angústis: ut Majestáti tuæ serviámus assidue, tandémque nobis te vivéndum et fruéndum dare velis.

Secreta.

INTERVENIÉNTE pro vobis beáta Vírgine Genovéfa, cleméntiam tuam depóscimus, omnipotens ætérne Deus, ut salutem animárum nostrárum páriter et córporum hæc hóstia sacrosáncta effícaciter operétur. Per Dóminum.

Communio. O Genovéfa, réspice nos pietátis óculo, consors lucis angélicæ, cœlésti clara título, Regis assistens vultui, nos Regi reconcília: da nobis sponso pérfrui, sponsa sponsique filia.

Postcommunio.

CÆLÉSTI pane refécti, humiliter deprecámur cleméntiam tuam, Dómine Jesu Christe: ut per preces et mérita beátæ Genovéfæ, Vírginis tuæ, véniam delictórum, sospitatem córporum, gratiámque et glóriam ætérnam consequámur animárum. Qui vivis.

DIE XXIII

IN FESTO

DESPONSATIONIS B. M. V.

CUM SANCTO JOSEPH

Introitus. Sedulius.

SALVE, sancta Parens, eníxa puérpera Regem qui cœlum terrámque regit in sæcula sæculórum. *Ps. 44.* Eructávit cor meum verbum bonum: dico ego ópera mea Regi. *ŷ.* Glória Patri. Salve.

Oratio.

FÁMULIS tuis, quæsumus, Dómine, cœléstis grátiae munus impertíre: ut quibus beátæ Vírginis partus exstitit salutis exórdium, Desponsatiónis ejus votíva solémnitas pacis tribuat incrementum. Per Dóminum.

Pro Commemoratione S. Joseph, ubi est concessa.

Oratio.

SANCTÍSSIMÆ Genitrícis tuæ Sponsi, quæsumus, Dómine, méritis adjuvémur: ut quod possibilitas nostra non obtinet, ejus nobis intercessióne donétur.

Pro sancta Emerentiana, Virg. et Mart.

Oratio.

INDULGÉNTIAM nobis, quæsumus, Dómine, beáta Emerentiána, Virgo et Martyr, implóret: quæ tibi grata semper exstitit et mérito castitátis, et tuæ professione virtútis. Per Dóminum.

Lectio libri Sapientiae. *Prov. 8.*

DÓMINUS possédit me in iníto viárum suárum, ántequam quidquam fáceret a princípío. Ab ætérno ordináta sum, et ex antiquis, ántequam terra fieret. Nondum erant abyssi, et ego jam concépta eram: necdum fontes aquárum erúperant: necdum montes gravi mole constiterant: ante colles ego parturiébar:

adhuc terram non fécerat, et flúmina, et cárdines orbis terræ. Quando præparábat cælos, áderam : quando certa lege et gyro vallábat abyssos : quando æthera firmábat sursum, et librábat fontes aquárum : quando circúmdabat mari términum suum, et legem ponébat aquis, ne transírent fines suos : quando appendébat fundaménta terræ. Cum eo eram cuncta compónens : et delectábar per singulos dies, ludens coram eo omni tempore, ludens in orbe terrárum : et deliciæ meæ esse cum filiis hóminum. Nunc ergo, filii, audíte me : beáti qui custódiunt vias meas. Audíte disciplinam, et estóte sapiéntes, et nolíte abjicere eam. Beátus homo qui audit me, et qui vígilat ad fores meas quotidie, et obsérvat ad postes óstii mei. Qui me invénierit, invéniet vitam, et háuriet salútem a Dómino.

Graduale. Benedícta et venerábilis es, Virgo María, quæ, sine tactu pudóris, invénta es mater Salvatóris. *Ÿ.* Virgo Dei Génitrix, quem totus non capit orbis, in tua se clausit víscera factus homo.

Allelúia, allelúia. *Ÿ.* Felix es, sacra Virgo María, et omni laude digníssima : quia ex te ortus est Sol justitiæ, Christus Deus noster. Allelúia.

Post Septuagesimam, omissis Allelúia et Ÿ. seq., dicitur

Tractus. Gaude, María Virgo, cunctas hæreses sola interemísti. *Ÿ.* Quæ Gabriélis Archángeli dictis credidísti. *Ÿ.* Dum virgo Deum et hóminem genuísti, et post partum, Virgo, invioláta permansísti. *Ÿ.* Dei Génitrix, intercede pro nobis.



Sequéntia sancti Evangélíi secúndum Matthæum. **Cap. 1.**

CUM esset desponsáta mater Jesu María Joseph, ántequam convenírent, invénta est in útero habens de Spíritu sancto. Joseph autem vir ejus, cum esset justus, et nollet eam tradúcere, vóluit occúlte dimittere eam. Hæc autem eo cogitánte, ecce Angelus Dómini appáruit in somnis ei, dicens : Joseph, fili David, noli timére accipere Mariam cón-

jugem tuam : quod enim in ea natum est, de Spíritu sancto est. Páriet autem filium, et vocábis nomen ejus Jesum. Ipse enim salvum fáciat pópulum suum a peccátis eórum. Credo.

Offertorium. Beáta es, Virgo María, quæ ómnium portásti Creatórem : genuísti qui te fecit, et in ætérnum pérmanes virgo.

Secreta.

UNIGÉNITI tui, Dómine, nobis succúr-
rat humanitas : ut qui, natus de Virgine, matris integritátem non minuit, sed sacrávit, in Desponsatiónis ejus solémniis, nostris nos piáculis éxuens, oblatiõem nostram tibi fáciat accéptam Jesus Christus Dóminus noster. Qui tecum vivit.

Pro S. Joseph.

Secreta.

DÉBITUM tibi, Dómine, nostræ réddimus servitútis, suppliciter exorántes, ut suffrágiis beáti Joseph, Sponsi Genitricis Filii tui Jesu Christi Dómini nostri, in nobis tua múnera tueáris, ob cujus venerándam Commemoriatiõem, laudis tibi hóstias immolámus.

Pro sancta Emerentiana, Virg. et Mart.

Secreta.

HÓSTIAS tibi, Dómine, beátæ Emerentiænæ, Virginis et Mártiris tuæ, dicátas méritis, benignus assúme, et ad perpétuum nobis tribue provenire subsidium. Per Dóminum.

Præfatio de B. M. Virgine. Et te in Desponsatióne.

Communio. Beáta víscera Mariæ Virginis, quæ portavérunt ætérni Patris Filium.

Postcommunio.

SÚMPSIMUS, Dómine, celebritátis annuæ votiva sacraménta : præsta, quæsumus, ut et temporális vitæ nobis remédia præbeant, et æternæ. Per.

Pro S. Joseph.

Postcommunio.

ADÉSTO nobis, quæsumus, miséricors Deus : et intercedénte pro nobis beáto Joseph Confessóre, tua circa nos propitiátus dona custódi.

Pro sancta Emerentiana, Virg. et Mart.
Postcommunio.

DIVINI muneris largitate satiati, quæsumus, Dómine Deus noster : ut, intercedente beata Emerentiána, Virgine et Mártire tua, in ejus semper participatione vivámus. Per Dóminum.

EADEM DIE

IN FESTO S. ILDEFONSI

EPISCOPI ET CONFESSORIS

Missa Sacerdotes, de Comm. Conf. Pont. 14*, cum Evang. Vos estis sal terræ, de Comm. Doct. 15*. Commem. S. Emerentianæ, Virg. et Mart., ut supra.

Aliubi dicitur Missa in médio, ut in Communi Doctorum. 15*.

¶ In regnis vero Hispanis et alibi dicitur eadem Missa ut supra, cum sequenti Oratione propria.

Oratio.

DEUS, qui per gloriosissimam Filii tui Matrem beatum Ildefónsum, Confessorem tuum atque Pontificem, misso de thesauris cœlestibus munere decorasti : concede propitius ; ut per ejus preces et mérita, múnera capiamus æterna. Per eúdem Dóminum.

Aliæ Orationes sumantur ex Missa Sacerdotes, de Communi Confessoris Pontificis secundo loco. 14*, sine Credo.

DIE XXVIII

IN FESTO S. JULIANI, EPISC. ET CONF.

Pro omnibus Hispaniarum Regi subjectis celebrandum ad libitum.

Introitus. Eccli. 31.

STABILITA sunt bona illius in Dómino : et eleemôsynas illius enarrabit omnis Ecclesiá sanctórum. Ps. 40. Beátus qui intélligit super egénium et páuperem : in die mala liberabit eum Dóminus. ̎. Glória Patri. Stabilita.

Oratio.

EXCITA, quæsumus, Dómine, in pópulo tuo spiritum charitátis quo beatum Juliánium, Confessorem tuum atque Pontificem, replere dignátus es : et concede ; ut ejus festivitatem celebrámus, per ejus ad te exémpa gradiámur. Per.

Et fit Commem. S. Agnetis secundo.

Oratio.

DEUS, qui nos ánnua beátæ Agnétis, Virginis et Mártiris tuæ, solemnitate lætificas : da, quæsumus ; ut quam venerámur officio, étiam piæ conversatiónis sequámur exémplo. Per Dóminum.

Lectio Actuum Apostolorum. Cap. 20.

IN diébus illis : A Miléto Paulus mittens Ephesum, vocávit majóres natu Ecclésiæ. Qui cum venissent ad eum, et simul essent, dixit eis : Atténdite vobis, et universó gregi, in quo vos Spíritus sanctus pósuit Episcopos régere Ecclesiám Dei, quam acquisívit ságuine suo. Comméndo vos Deo, et verbo grátiae ipsíus, qui potens est edificáre, et dare hæreditatem in sanctificátis ómnibus. Argéntum et aurum, aut vestem nullius concupívi, sicut ipsi scitis : quóniam ad ea quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic laborátes, opórtet suscipere infirmos, ac meminisse verbi Dómini Jesu, quóniam ipse dixit : Beátius est magis dare, quam accipere.

Graduale. Ps. 111. Dispérsit, dedit paupéribus ; justítia ejus manet in sæculum sæculi. ̎. Potens in terra erit semen ejus : generatio rectórum benedicétur.

Allelúia, allelúia. ̎. Eccli. 29. Conclúde eleemôsynam in sinu páuperis, et hæc pro te exorábit ab omni malo. Allelúia.

Post Septuagesimam, omissis Allelúia et ̎. seq., dicitur

Tractus. Tob. 4. Ex substántia tua fac eleemôsynam, et noli avértere faciém tuam ab ullo páupere. ̎. Si multum tibi fúerit, abundánter tribue : si exíguum tibi fúerit, étiam exíguum libénter impertíri stude : præmium enim bonum tibi thesaurizas in die necessitatís. ̎. Quóniam eleemôsyna ab omni peccáto et a morte liberat, et non patietúr ánimam ire in ténebras.



Sequéntia sancti Evangélíi secúndum Matthæum. Cap. 6.

IN illo témpore : Dixit Jesus discípulis suis : Nolite thesaurizáre vobis the-

sáuros in terra, ubi aerúgo et tinea demolitur, et ubi fures effódiunt, et furántur. Thesaurizáte autem vobis thesáuros in cœlo, ubi neque aerúgo, neque tinea demolitur, et ubi fures non effódiunt, nec furántur. Ubi enim est thesáurus tuus, ibi est et cor tuum. ¶ Lucérna corpóris tui est óculus tuus. Si óculus tuus fúerit simplex, totum corpus tuum lúcidum erit. Si autem óculus tuus fúerit nequam, totum corpus tuum tenebrósum erit. Si ergo lumen quod in te est, ténebræ sunt, ipsæ ténebræ quantæ erunt! Nemo potest duóbus dómínis servíre: aut enim unum ódio habébit, et álterum dilíget: aut unum sustinébit, et álterum contémnet. Non potéstis Deo servíre et mammónæ. Ideo dico vobis, ne solliciti sitis ánimæ vestræ quid manducétis, neque corpóri vestro, quid induámini. Nonne ánimá plus est quam esca, et corpus plus quam vestiméntum? Respícite volatília cœli, quóniam non serunt, neque metunt, neque cóngregant in hórrea: et Pater vester cœléstis pascit illa. Nonne vos magis pluris estis illis? Quis autem vestrum cógitans potest adícere ad statúram suam cúbítum unum? Et de vestiménto quid solliciti estis? Consideráte lília agri quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fœnum agri, quod hódie est, et cras in clibanum mittitur, Deus sic vestit, quanto magis vos módicæ fidei? Nolite ergo solliciti esse, dicéntes: Quid manducábimus, aut quid bibémus, aut quo operiémur? hæc enim ómnia gentes inquirunt. Scit enim Pater vester quia his ómnibus indigétis. Quærite ergo primum regnum Dei, et iustitiam ejus: et hæc ómnia adjiciéntur vobis.

Offertorium. Eccli. 29. Pone thesáurum tuum in præcéptis Altíssimi, et próderit tibi magis quam aurum.

Secreta.

PRO sancti Confessóris tui Juliáni, Dómine, solemnité hostiam immolámus, humiliter deprecántes, ut quod

nostris méritis obtinére non póssumus, ejus, qui tibi plácuít, nobis intercessióne donétur. Per Dóminum.

Pro S. Agnete. Secreta.

SUPER has, quæsumus, Dómine, hóstias benedictio copiósa descéndat: quæ et sanctificatióne nobis cleménter operétur, et de Mártyrum nos solemnité lætificet. Per Dóminum.

Communio. Fácite vobis sácculos qui non veteráscunt, thesáurum non deficiéntem in cœlis: quo fur non apprópiat, neque tinea corrúmpit.

Postcommunio.

CÆLÉSTIBUS refécti sacraméntis, te supplices, Dómine, deprecámur: ut qui beáti Juliáni, Confessóris tui atque Pontificis, solémnia recólimus, per illum sumámus indulgéntiæ largitátem. Per.

Pro S. Agnete. Postcommunio.

SÚMPSIMUS, Dómine, celebritátis ánnuæ votíva Sacraménta: præsta, quæsumus; ut et temporális vitæ nobis remédia præbeant, et ætérnæ. Per Dóminum.

ALIA MISSA IN EODEM FESTO

Pro illis diócesibus quibus non extenditur Officium approbatum pro Diócesi Conchensi.

Missa Státuit. 12*, cum Oratione et Evangelio ut in Missa præced.: sed Evangelium terminatur ad signum ¶.

FESTA FEBRUARII

DIE III

IN FESTO S. BLASII

EPISCOPI ET MARTYRIS

Introitus.

GAUDEÁMUS omnes in Dómino, diem festum celebrántes sub honóre sancti Blásii, Mártyris atque Pontificis, de cujus passióne gaudent Angeli, et colláudant Fílium Dei. Ps. 47. Magnus Dóminus, et laudábilis nimis: in civitate Dei nostri, in monte sancto ejus. ̎. Glória Patri. Gaudeámus.

Oratio.

DEUS, qui beátum Blásium, Mártyrem tuum atque Pontíficem, in suis per-

ferendis suppliciis, et in aliorum depellendis infirmitatibus admirabilem effecisti : concede propitius ; ut illius et in fide constantiam imitemur, et in periculis patrocinia sentiamus. Per Dñm.

Lectio Epistolæ beati Pauli Apostoli ad Hebræos. **Cap. 11.**

FRATRES, Sancti per fidem vicērunt regna, operāti sunt justitiam, adēpti sunt repromissiones, obturavērunt ora leōnum, exstinxērunt impetum ignis, effugerunt aciē glādiī, convaluerunt de infirmitate, fortes facti sunt in bello, castra vertērunt exterōrum : acceperunt mulieres de resurrectione mōrtuos suos : alii autem distēti sunt, non suscipiētes redemptionē, ut meliōrem invenirent resurrectionē. Alii vero ludibria et vērbera expēti, insuper et vīcula et cārceres : lapidāti sunt, secti sunt, tentāti sunt, in occisiōne glādiī mōrtui sunt : circuiērunt in melōtis, in pēllibus caprinis, egētes, angustiatī, afflicti : quibus dignus non erat mundus : in solitudinibus errātes, in mōntibus et spelūcis, et in cavēnis terræ. Et hi omnes testimoniō fidei probātī invēti sunt in Christo Jesu Dñmo nostro.

Graduale. Ps. 8. Glōria et honōre coronasti eum. **ŷ.** Et constituisti eum super ōpera mānuum tuārum, Dñmine.

Allelūia, allelūia. **ŷ.** Hic est Sacerdos quem coronāvit Dñmus. Allelūia.

Post Septuagesimam, omissis Allelūia et ŷ. seq., dicitur

Tractus. Ps. 111. Beātus vir qui timet Dñm : in mandātis ejus cupit nimis. **ŷ.** Potens in terra erit semen ejus : generatio rectōrum benedicēt. **ŷ.** Glōria et divitiæ in domo ejus, et justitia ejus manet in sæculum sæculi.



Sequētia sancti Evangēlii secūndum Matthæum. **Cap. 10.**

IN illo tēpore : Dixit Jesus discipulis suis : Cum persequētur vos in civitate ista, fūgite in āliam. Amen dico vobis, non consummābitis civitates Israel, donec vēniat Filius hōminis. Non est discipulus super magistrum, nec servus super dñm suum. Sūfficit discipulo

ut sit sicut magister ejus, et servo sicut dñmus ejus. Si patremfamilias Beelzebub vocavērunt, quanto magis domesticos ejus? Ne ergo timueritis eos. Nihil enim est opertum quod non revelābitur, et occultum quod non sciētur. Quod dico vobis in tēnebris, dicite in lūmine : et quod in aure auditis, prædicāte super tecta. Et nolite timēre eos qui occidunt corpus, ānimam autem non possunt occidere : sed pōtius timēte eum qui potest et ānimam et corpus pērdere in gehēnam.

Offertorium. Sap. 10. Transvexit illum Dñmus per aquam nimiam, et ab altitudine inferōrum eduxit illum.

Secreta.

HOSTIAS tibi, Dñmine, beāti Blāsii, Mārtiris tui atque Pontificis, dicētas mēritis, benignus assume : et ad perpētuum nobis tribue provenire subsidium. Per Dñm.

Communio. Ps. 88. Semel juravi in sancto meo : Semen ejus in ætērnū manēbit : et sedes ejus sicut sol in conspēctu meo, et sicut luna perfēcta in ætērnū, et testis in cōelo fidēlis.

Postcommunio.

PERCÉPTA nobis, Dñmine, præbeant sacramēta subsidium : et præsta ; ut beāti Blāsii, Mārtiris tui atque Pontificis, mēritis et intercessiōne, nulla nobis nōceat advērsitas, et nulla dominētur iniquitas. Per Dñm.

DIE IV

IN FESTO

BEATÆ JOANNÆ VALESLE

VIDUE

Missa Cognōvi, de Comm. nec Virg. nec Mart. 24*, præter Orationem sequentem.

Oratio.

DEUS, qui ad imitandū beātæ Virginis Filiī tui Genitricis virtutes, novum per beatam Joānnam sacrarum Virginum cōetum institui voluisti : ejus mēritis precibūque concede ; ut per eādem gradiāmur virtutum exēpla. Per Dñm.

ALIA MISSA IN EODEM FESTO

(Ubi est concessa.)

Introitus. Ps. 30.

EXSULTÁBO et lætabor in misericórdia tua, Dómine, quóniam respexisti humilitátem meam, salvásti de necessitatibus ánimam meam. Ps. In te, Dómine, sperávi, non confundar in ætérnum; in justítia tua libera me. ̎. Glória Patri. Exsultábo.

Oratio.

DEUS, qui ad imitándum beátæ Virginis Filii tui Genitricis virtútes, novum per beátam Joánnam sacrárum virginum cœtum institui voluisti: ejus méritis precibúsque concéde; ut per eadem gradiámur virtútum exémpia. Per Dóminum.

Epistola. Mulierem fortem, de Comuni nec Virg. nec Mart. 23*.

Graduale. Ps. 118. Adhæsi testimoniis tuis, Dómine; in corde meo abscondi elóquia tua. ̎. Bonum mihi lex oris tui super millia auri et argénti.

Allelúia, allelúia. ̎. Jud. 5. Audíte, reges, et áuribus percípíte, principes: Ego sum quæ Dómino canam, psallam Dómino Deo Israel. Allelúia.

Post Septuagesimam, omissis Allelúia et ̎. seq., dicitur

Tractus. Ps. 118. Expectábam salutáre tuum, Dómine, et mandáta tua diléxi. ̎. Custodivit ánima mea testimónia tua, et diléxit ea veheménter. ̎. Servávi mandáta tua et testimónia tua, quia omnes viæ meæ in conspéctu tuo.

Evangelium. Simile est regnum cœlorum thesauro. 26*.

Offertorium. II Par. 9. Regína, postquam vidit donum Dei et victimas quas immolábant in domo Dómini, non erat præ stupóre ultra in ea spíritus, dixitque: Sit Dóminus Deus benedictus, quia diligit pópulum suum, et vult serváre eum in ætérnum.

Secreta.

DA nobis, quæsumus, Dómine, per hæc sancta sacrificia, regnum tuum

justitiámque ejus semper inquirere, pro ejus adeptiône sancta regína Joámma falláces regni terréni pompas et illécebras incunctánter abjecit. Per Dóminum.

Communio. Ps. 60. Inhabitábo in tabernáculo tuo in sæcula; prótegar in velaménto alárum tuárum: quóniam tu, Deus meus, exaudisti oratióem meam.

Postcommunio.

INFÚNDE nobis, Dómine, hujus virtúte sacraménti, sanctam amóris tui suavitátem: ut beátæ Joánnæ intercessiõe superátis ómnibus mundi impediméntis. tibi uni cum illa adhærére mereámur. Per Dóminum.

EAEDEM DIE

IN FESTO

S. JOSEPHI A LEONISSA

CONFESSORIS

Missa dicitur ut in die S. Vincentii a Paulo, 19 Julii. 399, præter Orat. seq.

Oratio.

DEUS, fidélium remunerátor servórum, qui beátum Joséphum exímium in evangélica prædicatione operárium effecisti: ejus, quæsumus, intercessiõe concéde; ut a grato tibi servitio numquam cessémus in terris, et plenam a te mercédem recipiámus in cœlis. Per Dóminum.

DIE V

IN FESTO

SS. XXVI MARTYRUM JAPONENSIVM

Missa Sapiéntiam Sanctórum, de Comuni plur. Mart. 10*, præter Orationes sequentes.

Oratio.

DÓMINE Jesu Christe, qui ad tui imitationem per crucis supplicium primitias fidei apud Japóniæ gentes in sanctórum Mártyrum Petri Baptistæ, Pauli et Sociórum ságuine dedicásti: concéde, quæsumus; ut quorum hódie solénnia cólimus, excitémur exémpis. Qui vivis.

Si venerit in Quadragesima, fit Commemoratio Feriæ.

Secreta.

SÚSCIPE, Dómine, múnera quæ in sanctórum Mártyrum tuórum Petri Baptistæ et Pauli cum Sóciis solemnitate deférimus, et da nobis fámulis tuis, ut eórum méritis in confessióne tui nómínis stábiles inveniri mereámur. Per Dóminum.

Postcommunio.

DEUS, qui Crucis mystérium in sanctis Martyribus tuis Petro Baptista et Paulo cum Sóciis mirabiliter illustrásti: eórum, quæsumus, méritis et intercessióne; ita nos per grátiam tuam in fide et charitaté confirma, ut nullis a te tentatiónibus separémur. Per Dóminum nostrum.

DIE VI

IN FESTO

S. HYACINTHÆ DE MARISCOTTIS
VIRGINIS

Missa Dilexísti, de Communi Virginitem. 21*, præter Orationem sequentem.

Oratio.

DEUS, qui beátam Hyacíntham, Virginem tuam, jugis mortificatiónis et charitatís victimam effecísti: ejus nobis exémplo et intercessióne concéde; ut peccáta nostra deflére, et te semper diligere valeámus. Per Dóminum nostrum.

Et fit Commem. Fer. si venerit in Quadrag., et postea S. Dorotheæ, Virg. et Mart., Orat. Indulgéntiam, ex Missa Me expectavérunt, de Comm. 20*.

EADEM DIE

IN FESTO

SANCTÆ DOROTHEÆ

VIRGINIS ET MARTYRIS

Missa Loquébar, de Communi Virg. et Mart. 19*, præter Orationem sequentem.

Oratio.

OMNÍPOTENS sempitérne Deus, in cujus nómine gloriósa Virgo et Martyr Doróthea multórum génera tormentó-

rum superávit: te suppliciter exorámus, ut ejus intervéntu cuncta perícula vincámus, ipsámque in nostris necessitatibus célerem adjutricem sentiámus. Per Dóminum.

Et fit Commemoratio Ferie, si venerit in Quadragesima.

DIE XI

IN FESTO

BB. SEPTEM FUNDATORUM
ORDINIS SERVORUM B. M. V.

Introitus.

GAUDEÁMUS omnes in Dómino, diem festum celebrántes sub honóre septem beatórum Patrum, de quorum festivitáte gaudent Angeli, et collándant Filium Dei. Ps. 134. Laudáte nomen Dómini: laudáte, servi, Dóminum. ̎. Glória Patri. Gaudeámus.

Oratio.

DÓMINE Jesu Christe, qui in jugem memóriam dolórum sanctissimæ tuæ Genitricis, per septem beátos Patres, nova Servórum ejus familia Ecclésiám tuam fecundásti: concéde nobis fámulis tuis in hac lacrymárum valle degéntibus, ita ejúsdem mœstissimæ Matris sócios cum ipsis esse passiónum in terris; ut perpétuæ consolatiónis consórtes fieri mereámur in cælis. Qui vivis.

Alia Oratio. (Ubi est concessa.)

DEUS, qui ad recoléndam memóriam dolórum sanctissimæ tuæ Genitricis, per septem beátos Patres, nova Servórum ejus familia Ecclésiám tuam fecundásti: concéde propítius; ita nos eórum consociári flétibus, ut perfruámur et gáudiis. Qui vivis.

Et fit Commem. Fer. si venerit in Quadrag.

Epist. Quæ mihi fuérunt lucra, ut in Festo S. Pauli, Eremitæ. 304.

Graduale. Ps. 132. Ecce quam bonum et quam jucúndum habitáre fratres in unum! ̎. Sicut unguéntum in cápite, quod descendit in barbam, barbam Aaron.

Allelúia, allelúia. ̎. Hæc est vera

fratérnitas, quæ vicit mundi crimina : Christum secúta est, inelyta tenens regna cœlestia. Allelúia.

Post Septuagesimam, omissis Allelúia et ̃. seq., dicitur

Tractus. Ps. 125. Qui séminant in lácrymis, in exsultatíone metent. ̃. Eúntes ibant et flebant, mitténtes sémína sua. ̃. Veniéntes autem vénient cum exsultatíone, portántes manipulos suos.

Evangelium. Nolíte timére, pusillus grex, de Comm. Confessoris non Pontificis. 17*.

Offertorium. Ps. 44. Pro pátribus tuis nati sunt tibi filii, proptérea pópuli confitebúntur tibi.

Secreta.

PRÆSTA nobis, quæsumus, omnipotens Deus, ut nostræ humilitátis oblátio, et pro tuórum tibi grata sit honóre Sanctórum, et nos córpore páriter et mente purificet. Per Dóminum.

Communio. Joan. 15. Ego vos elégi de mundo, ut eátis, et fructum afferátis, et fructus vester máneat.

Postcommunio.

QUÆSUMUS, omnipotens Deus : ut qui cœlestia aliménta percépimus, intercedéntibus septem beátis Confessóribus tuis, per hæc contra ómnia adversa muniámur. Per Dóminum.

DIE XIII

IN FESTO

SANCTÆ CATHARINÆ DE RICCHIS
VIRGINIS

Missa Dilexisti, de Communi Virginum. 21*, præter Orationem sequentem.

Oratio.

DÓMINE Jesu Christe, qui beatam Catharínam Virginem, tuo amóre succensam, Passiónis contemplatíone claréscere voluísti : ejus intercessióne concéde; ut Passiónis mystéria devóte recoléntes, ejus fructum percípere mereámur. Qui vivis.

Et fit Commem. Fer. si venerit in Quadrag.

DIE XXVI

IN FESTO

SANCTÆ MARGARITÆ DE CORTONA

Introitus. Ps. 118.

COGNÓVI, Dómine, quia æquitas judícia tua, et in veritaté tua humiliásti me : confige timóre tuo carnes meas, a mandátis tuis tímui. Ps. Beáti immaculáti in via, qui ámbulant in lege Dómini. ̃. Glória. Cognóvi.

Oratio.

DEUS, qui fámulam tuam Margarítam de perditíonis via ad salútis trámitem misericórditer deduxisti : eádem nobis miseratíone concéde; ut quam prius errántem sectári non erubúimus, mox pœniténtem impigre sequi gloriémur. Per Dóminum.

In Quadrag. fit Commem. Feriæ.

Lectio libri Sapiéntiæ. Cant. 3 et 8.

SURGAM, et circuibó civitatém : per viços et platéas quæram quem diligit ánima mea : quæsiui illum, et non invéni. Invenérunt me vigiles, qui custódiunt civitatém : Num quem diligit ánima mea vidístis? Páululum cum pertransissem eos, invéni quem diligit ánima mea : ténui eum, nec dimittam, donec introducam illum in domum matris meæ, et in cubiculum genitricis meæ. Adjúro vos, filiæ Jerúsalem, per cápreas cervósque campórum, ne suscitétis, neque evigiláre faciátis diléctam, donec ipsa velit. Pone me ut signáculum super cor tuum, ut signáculum super bráchium tuum : quia fortis est ut mors diléctio, dura sicut inférnus æmulatíó : lámpades ejus lámpades ignis atque flammárum. Aquæ multæ non potuérunt exstinguere charitatém, nec flúmina óbruent illam : si déderit homo omnem substántiam domus suæ pro dilectíone, quasi nihil despiciet eam.

Graduale. Ps. 44. Diffúsa est grátia in lábiis tuis : proptérea benedixit te Deus in ætérnum. ̃. Propter veritatém, et mansuetúdinem, et justítiam : et dedúcet te mirabiliter délixtera tua.

Tractus. Veni, sponsa Christi, áccipe

coronam quam tibi Dóminus præparávit in ætérnum. **ŷ.** Dilexisti justitiam, et odisti iniquitatem : propterea unxit te Deus, Deus tuus, oleo lætitiæ præ consórtibus tuis. **ŷ.** Spécie tua et pulchritudine tua inténde, prospere procéde, et regna.



Sequéntia sancti Evangélii secúndum Matthæum. **Cap. 13.**

IN illo témpore : Dixit Jesus discipulis suis parábolam hanc : Simile est regnum celórum thesaúro abscondito in agro : quem qui invenit homo, abscondit, et præ gáudio illius vadit, et vendit univérsa quæ habet, et emit agrum illum. Iterum simile est regnum celórum hómini negotiátóri quærénti bonas margaritas. Invénta autem una pretiósá margarita, ábiit, et véndidit ómnia quæ habuit, et emit eam. Iterum simile est regnum celórum sagénæ missæ in mare, et ex omni génere piscium congregánti : quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione sæculi : exibunt Angeli, et separábunt malos de médio justórum, et mittent eos in camínium ignis : ibi erit fletus et stridor déntium. Intellexistis hæc ómnia? Dicunt ei : Etiam. Ait illis : Ideo omnis scribe doctus in regno celórum, similis est hómini patri-familias, qui profert de thesaúro suo nova et vétera.

Offertorium. Ps. 44. Diffúsa est grátia in lábiis tuis : propterea benedixit te Deus in ætérnum, et in sæculum sæculi.

Secreta.

PLACATIONIS hóstia quam tibi offérimus, Dómine, beátæ Margaritæ interveniéntis suffrágio, optátæ nobis indulgéntiæ plenitúdinem largiátur. Per Dóminum.

Communio. Ibid. Dilexisti justitiam, et odisti iniquitatem : propterea unxit te Deus, Deus tuus, oleo lætitiæ præ consórtibus tuis.

Postcommunio.

UBERES, Dómine, sanctæ tuæ Margaritæ lácrymæ duritiem nostri cordis

emólliant : ut per hujus virtutem sacraménti débitas reátibus flammæ incésánti fletu exstinguámus. Per Dóminum.

FERIA III POST DOMINICAM SEPTUAGESIMÆ

MISSA ORATIONIS D. N. J. C.

Introitus. Ps. 54.

COR meum conturbátum est in me, et formído mortis cécidit super me. Timor et tremor venérunt super me. **Ps. 68.** Salvum me fac, Deus : quóniam intravérunt aquæ usque ad ánimam meam. **ŷ.** Glória Patri. Cor meum.

Oratio

DÓMINE Jesu Christe, qui in horto verbo et exémplo nos oráre docuisti ad tentatiónum perícula superánda : concède propítius ; ut nos oratióni semper inténti, ejus copiósum fructum cónsequi mereámur. Qui vivis.

Lectio Epístolæ beáti Pauli Apóstoli ad Hebræos. **Cap. 5.**

CHRISTUS non semetipsum clarificávit. Ut Póntifex fieret, sed qui locútus est ad eum : Filius meus es tu, ego hódie genui te. Quemádmódum et in álío loco dicit : Tu es Sacérdos in ætérnum, secúndum órđinem Melchisedech. Qui in diébus carnis suæ preces supplicatiónesque ad eum qui possit illum salvum fácere a morte, cum clamóre válido et lácrymis offerens, exauditus est pro sua reveréntia. Et quidem cum esset Filius Dei, didicit, ex iis quæ passus est, obediéntiam : et consummátus, factus est ómnibus obtemperántibus sibi causa salutis æternæ, appellátus a Deo Póntifex juxta órđinem Melchisedech.

Graduale. Ps. 87. Repléta est malis ánima mea, et vita mea inférno appropinquávit. **ŷ.** Estimátus sum cum descendéntibus in lacum : factus sum sicut homo sine adjutório.

Tractus. Ps. 68. Exáudi me, Dómine, quóniam benigna est misericórdia tua. **ŷ.** Et ne avértas faciém tuam a púero tuo : quóniam tribulor, velóciter exáudi me. **ŷ. Ps. 21.** Ne discésseris a me : quóniam tribulatio próxíma est : quóniam non est qui ádjuvet.



Sequētia sancti Evangēlii secūndum Lucam. **Cap. 22.**

In illo tēpore : Egrēssus Jesus ibat, secūndum consuetūdinem, in montem Olivārum. Secūti sunt autem illum et discipuli. Et cum pervenisset ad locum, dixit illis : Orāte, ne intrētis in tentatiōnem. Et ipse avulsus est ab eis quantum jactus est lapidis, et pōitis gēnibus orābat, dicens : Pater, si vis, transfer cālicem istum a me : verūntamen non mea volūntas, sed tua fiat. Appāruit autem illi Angelus de cōelo, confortans eum. Et factus in agoniā, prolixius orābat. Et factus est sudor ejus sicut guttæ sāguinis decurrētis in terram. **Credo.**

Offertorium. Ps. 68. Salvum me fac, Deus : quōniam intravērunt aquæ usque ad animam meam.

Secreta.

Hujus sancti sacrificii mēritis, fac nos, quæsumus, Dōmine, divina institutiōne formātos, curam oratiōni tam effcāciter impēdere, ut Jesus Christus Fīlius tuus in exitu nostro vigiles nos, et a culpa solūtos invēniat. Qui tecum vivit.

Præfatio de Cruce.

Communio. Matth. 26. Vigilāte et orāte, ut non intrētis in tentatiōnem. Spiritus quidem promptus est, caro autem infirma.

Postcommunio.

Refēcti alimōnia cōelēsti, sūpplices te rogāmus, Pater omnipotens : ut per unigēniti Fīlii tui Oratiōnis virtūtem, nos in tantis cōrporis et animæ periculis constitūti, ad cōelēstia regna secūre pervenire mereāmur. Per eūdem.

**FERIA III POST DOMINICAM SEXAGESIMÆ
IN COMMEMORATIONE**

SS. PASSIONIS D. N. J. C.

Missa Humiliāvit, votiva de Passione, 36*, præter Orationem sequentem.

Oratio.

Omnipotens sempitērne Deus, qui humano gēneri, ad imitāndum humilitātis exēplum, Salvatōrem nostrum carnem sūmere et Crucem subire fecisti : concēde propitius; ut sicut solēm-

nem Commemoratiōnem Passiōnis ejus celebrāmus, ita et patiētiæ ipsius habēre documēta, et resurrectionis cōsōrtia mereāmur. Per eūdem Dōminum.

Et dicitur Credo, ac Præfatio de Cruce.

FERIA VI POST CINERES

IN FESTO

SS. SPINEÆ CORONÆ D. N. J. C.

Introitus. Cant. 3.

Egredimini, et vidēte, filiæ Sion, regem Salomōnem in diadēmate quo coronāvit eum mater sua, parans Crucem Salvatōri suo. **Ps. 8.** Glōria et honōre coronāsti eum, Dōmine : et constituisti eum super ōpera mānuum tuārum. **ŷ.** Glōria Patri. Egredimini.

Oratio.

Præsta, quæsumus, omnīpotens Deus : ut qui in mēmoriā Passiōnis Dōmini nostri Jesu Christi, Coronam ejus spineam venerāmur in terris; ab ipso glōria et honōre coronāri mereāmur in cōelis. Qui tecum vivit.

Et fit Commem. Feriæ, et dicitur ejusdem Evangelium in fine.

Lectio libri Sapiētiæ. Cant. 3 et 4.

Lēctulum Salomōnis sexaginta fortes ambiunt ex fortissimis Israel : omnes tenētes glādios, et ad bella doctissimi : uniuscujusque ensis super femur suum propter timōres noctūrnos. Fērculum fecit sibi rex Sālonon de lignis Libani. Cōlūmnas ejus fecit argēteas, reclinatorium āureum, ascēnsu purpūreum : mēdia charitatē constrāvit propter filias Jerūsalem. Egredimini, et vidēte, filiæ Sion, regem Salomōnem in diadēmate quo coronāvit illum mater sua in die desponsatiōnis illius, et in die lætitiæ cordis ejus. Quam pulchra es, amīca mea, quam pulchra es! Oculi tui columbārum, absque eo quod intrinsecus latet. Veni de Libano, sponsa mea, veni de Libano, veni : coronāberis.

Graduale. Eccli. 45. Corōna āurea super caput ejus, expressa signo sanctitātis, glōria honōris, et opus fortitudinis. **ŷ.** **Ps. 20.** Quōniam præveneristi eum in benedictiōnibus dulcēdinis, po-

suisti in cápite ejus coronam de lápide pretiósio.

Tractus. Is. 61. Induit eum Dóminus vestiméntis salutis, et induménto justitiæ, quasi sponsum decorátum coroná. **ŷ. Is. 28.** Coroná tribulationis efflóruit in coronam glóriæ et sertum exsultationis. **ŷ. Sap. 5.** Accépit regnum decóris, diadéma speciéi.

In Missis votivis a Pascha usque ad Pentecosten.

Allelúia, allelúia. **ŷ. Eccli. 45.** Coroná áurea super caput ejus, expressa signo sanctitátis, glória honóris, et opus fortitudinis. Allelúia. **ŷ. Tibi glória, hosánna :** tibi triúmphus et victória : tibi summæ laudis et honóris coroná. Allelúia.

A Pentecoste usque ad Septuagesimam.

Graduale. Ibid. Coroná áurea super caput ejus, expressa signo sanctitátis, glória honóris, et opus fortitudinis. **ŷ. Ps. 20.** Quóniam prævenisti eum in benedictiónibus dulcedinis, posuisti in cápite ejus coronam de lápide pretiósio.

Allelúia, allelúia. **ŷ. Is. 28.** Coroná tribulationis efflóruit in coronam glóriæ et sertum exsultationis. Allelúia.



Sequéntia sancti Evangélii secundum Joánnem. **Cap. 19.**

In illo témpore : Apprehéndit Pilátus Jesum, et flagellávit. Et milites plectentes coronam de spinis, imposuerunt cápiti ejus, et veste purpúrea circumdederunt eum. Et veniebant ad eum, et dicebant : Ave, Rex Judæórum ; et dabant ei álapas. Exívit ergo iterum Pilátus foras, et dicit eis : Ecce addúco vobis eum foras, ut cognoscátis quia nullam invénio in eo causam. Exívit ergo Jesus portans coronam spineam et purpúreum vestiméntum. Credo.

Offertorium. Tuam Coronam adorámus, Dómine : tuam gloriósam recólimus Passiónem.

Secreta.

Tuórum militum, Rex omnípotens, virtutem róborá : ut quos in hujus mortalitátis stádio unigéniti Filii tui Coroná

lætificat, consummáto cursu certáminis, immortalitátis bravíum apprehédant. Per eúndem Dóminum.

Præfatio de Cruce.

Communio. Prov. 4. Lætáre, mater nostra, quia dabit Dóminus cápiti tuo augménta gratiárum, et coroná ínclýta próteget te.

Postcommunio.

SÚPPLICES te rogámus, omnípotens Deus : ut hæc sacraménta quæ sumpsimus, per sacrosáctæ Filii tui Coronæ, cujus solénnia recensémus, virtutem, nobis proficiant ad medélam. Per eúndem Dóminum.

FERIA VI POST DOM. I QUADRAGESIMÆ
IN FESTO

LANCEÆ ET CLAVORUM D. N. J. C.

Introitus. Ps. 21.

FODÉRUNT manus meas et pedes meos : dinumeravérunt ómnia ossa mea : et sicut aqua effúsus sum. **Ps.** Factum est cor meum tamquam cera liquéscens in médio ventris mei. **ŷ. Glória Patri.** Foderunt.

Oratio.

DEUS, qui in assumptæ carnis infirmitate Clavis affigi et Lancea vulnerári pro mundi salute voluisti : concéde propitius ; ut qui eorúndem Clavorum et Lanceæ solénnia venerámur in terris, de glorióso victóriæ tuæ triúmpho gratulémur in cœlis. Qui vivis.

Et fit Commem. Feriæ, et dicitur ejusdem Evangelium in fine.

Lectio Zachariæ Prophætæ.

Cap. 12 et 13.

HÆC dicit Dóminus : Effúndam super domum David et super habitatóres Jerúsalem spíritum grátiæ et precum, et aspicient ad me, quem confixerunt, et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit plancus in Jerúsalem, et dicétur : Quid sunt plagæ istæ in médio mánuum tuárum? Et dicet : His plagátus sum in domo eórum qui diligebant me. Frámea, suscitáre super pa-

stórem meum, et super virum coheréntem mihi, dicit Dóminus exercítuum : pércute pastórem, et dispergéntur oves, ait Dóminus omnipotens.

Graduale. Ps. 68. Improperíum expectávit cor meum, et misériam : et sustínui qui simul mecum contristarétur, et non fuit : consolántem me quæsívi, et non invéni. *ŷ.* Dedérunt in escam meam fel, et in siti mea potavérunt me acéto.


Tractus. Is. 53. Vere languóres nostros ipse tulit, et dolóres nostros ipse portávit. *ŷ.* Et nos putávimus eum quasi leprósum, et percússum a Deo, et humiliátum. *ŷ.* Ipse autem vulnerátus est propter iniquitátes nostras, attritus est propter scélera nostra. *ŷ.* Disciplina pacis nostræ super eum, et livóre ejus sanáti sumus.

In Missis votivis a Pascha usque ad Pentecosten.

Allelúia, allelúia. *ŷ.* Ave, Rex noster : tu solus nostros es miserátus erróres : Patri obédiens, ductus es ad crucifigéndum, ut agnus mansuétus ad occisió-nem. Allelúia. *ŷ.* Tibi glória, hosánna : tibi triúmpheus et victória : tibi summæ laudis et honóris coróna. Allelúia.

¶ A Pentecoste usque ad Septuagesimam, omisso Tractu cum seq. versibus, dicitur Graduale Improperíum, cum suo versu ut supra, et postea dicitur :

Allelúia, allelúia. *ŷ.* Ave, Rex noster : tu solus nostros es miserátus erróres : Patri obédiens, ductus es ad crucifigéndum, ut agnus mansuétus ad occisió-nem. Allelúia.

 Sequéntia sancti Evangélíi secúndum Joánnem. Cap. 19.

In illo témpore : Sciens Jesus quia ómnia consummáta sunt, ut consummarétur Scriptúra, dixit : Sitio. Vas ergo erat pó-situm acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit : Consummátum est. Et inclináto cápite, trádidit spíritum. Judæi ergo (quóniam Parascéve erat), ut non remanérunt in cruce córpora sábbato

(erat enim magnus dies ille sábbati), rogavérunt Pilátum ut frangeréntur eórum crura, et tolleréntur. Venérunt ergo milites : et primi quidem fregérunt crura, et altérius qui crucifixus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura : sed unus militum lancea latus ejus apérui, et continuo exivit sanguis et aqua. Et qui vidit, testimónium perhibuit, et verum est testimónium ejus. Credo.

Offertorium. Insurrexérunt in me viri iníqui : absque misericórdia quæsiérunt me interficere : et non pepercé-runt in faciém meam spúere : lanceis suis vulneravérunt me, et concússa sunt ómnia ossa mea.

Secreta.

SANCTÍFICET NOS, quæsumus, Dómine, hoc sanctum et immaculátum sacrificium vespertinum, quod unigénitus Filius tuus in Cruce óbtulit pro salúte mundi. Qui tecum vivit.

Præfatio de Cruce.

Communio. Vidébunt in quem transfixérunt cum moveréntur fundaménta terræ.

Postcommunio.

DÓMINE Jesu Christe, qui temetípsum in Cruce holocáustum immaculátum et spontáneum Deo Patri obtulisti : quæsumus ; ut ejúsdem sacrificii oblátio veneránda indulgéntiam nobis obtineat, et glóriam sempitérnám. Qui vivis.

FER. VI POST DOM. II QUADRAGESIMÆ
IN FESTO

SS. SINDONIS D. N. J. C.

Introitus. Philip. 2.

HUMILIÁVIT semetípsum Dóminus Jesus Christus usque ad mortem, mortem autem Crucis : propter quod et Deus exaltávit illum, et donávit illi nomen quod est super omne nomen. Ps. 88. Misericórdias Dómini in ætérnum cantábo : in generatió-nem et generatió-nem annuntiábo veritátem tuam in ore meo. *ŷ.* Glória Patri. Humiliávit.

Oratio.

DEUS, qui nobis in sancta Síndone, qua corpus tuum sacratissimum e Cruce depósitum, a Joseph involútum fuit, Passiõnis tuæ vestigia reliquisti : concede propítius ; ut per mortem et sepultúram tuam, ad resurrectionis glóriam perducámur. Qui vivis.

Et fit Commem. Fer., et dicitur ejusdem Evangelium in fine.

Léctio Isaíæ Prophétæ. Cap. 62 et 63.

HÆC dicit Dóminus Deus : Dícite filiae Sion : Ecce Salvátor tuus venit : ecce merces ejus cum eo. Quis est iste qui venit de Edom, tinctis véslibus de Bosra? Iste formósus in stola sua, grádiens in multítudine fortitúdinis suæ. Ego qui loquor justítiam, et propugnátor sum ad salvándum. Quare ergo rubrum est induméntum tuum, et vestiménta tua, sicut calcántium in torculári? Tórcular calcávi solus, et de géntibus non est vir mecum : calcávi eos in furóre meo, et conculcávi eos in ira mea : et aspérsus est sanguis eórum super vestiménta mea, et ómnia induménta mea inquinávi. Dies enim ultiónis in corde meo, annus redemptionis meæ venit. Circumspéxi, et non erat auxiliátor : quæsi, et non fuit qui adjuváret : et salvávit mihi bráchium meum, et indignatio mea ipsa auxiliáta est mihi. Et conculcávi pópulos in furóre meo, et inebriávi eos in indignatione mea, et detráxi in terram virtutem eórum. Miserationum Dómini recordábor, laudem Dómini super ómnibus quæ reddidit nobis Dóminus Deus noster.

Graduale. Ps. 68. Impropérium expectávit cor meum et miséria : et sustínuí qui simul mecum contristarétur, et non fuit : consolántem me quæsi, et non invéni. *ŷ.* Dedérunt in escam meam fel, et in siti mea potavérunt me acéto.

Tractus. Is. 53. Vere languóres nostros ipse tulit, et dolóres nostros ipse portávit. *ŷ.* Et nos putávimus eum quasi leprósum, et percússum a Deo, et humiliátum. *ŷ.* Ipse autem vulnerátus est propter iniquitátes nostras ; attrítus est

propter scélera nostra. *ŷ.* Disciplina pacis nostræ super eum, et livóre ejus sanáti sumus.



Sequéntia sancti Evangélii secundum Marcum. Cap. 15.

IN illo témpore : Cum jam sero esset factum (quia erat Parascéve, quod est ante sábbatum), venit Joseph ab Arimathæa, nóbilis decúrio, qui et ipse erat expéctans regnum Dei, et audácter introívit ad Pilátum, et pétéit corpus Jesu. Pilátus autem mirabátur, si jam obiisset. Et accersito centurióne, interrogávit eum si jam mórtuus esset. Et cum cognovisset a centurióne, douávit corpus Joseph. Joseph autem mercátus síndonem, et depónens eum, invólvit síndone, et pósuit eum in monuménto quod erat excísus de petra, et advólvit lápidem ad óstium monuménti.

Credo.

Offertorium. Ingréssus Aaron tabernaculum, ut holocáustum offéret super altáre pro peccátis filiórum Israel, túnica lineá indútus est.

Secreta.

ACCÉPTA tibi, Dómine, sint hæc múnera, cui pro mundi salutē grata exstítit Filií tui Passio gloriósa. Per eúdem Dóminum.

Præfatio de Cruce.

Communio. Marc. 15. Joseph autem mercátus síndonem, et depónens eum, invólvit síndone.

Postcommunio.

SATIÁSTI, Dómine, familiam tuam múnéribus sacris : quæsumus, ut per temporálem Filií tui mortem, quam mystéria veneránda testántur, vitam te nobis dedísse perpétuam confidámus. Per eúdem.

FER. VI POST DOM. III QUADRAGESIMÆ
IN FESTO

SS. QUINQUE VULNERUM D. N. J. C.

Missa Humiliávit, votiva de Passione. 35*, præter Orationes sequentes.

Oratio.

DEUS, qui unigéniti Filií tui Passiõe, et per quinque Vúlnera ejus Sán-
guinis effusiõe, humánam natúram pec-

eáto pérditam reparásti : tribue nobis, quæsumus; ut qui ab eo suscepta Vúlnera venerámur in terris, ejúsdem prætiosíssimi Sánguini fructum cónsequi mereámur in cœlis. Per eúndem.

Et fit Commem. Feriæ, et legitur ejusdem Evangelium in fine; et dicitur Credo.

Secreta.

MAJESTÁTI tuæ, quæsumus, Dómine, accépta sint dona in quibus ipsa Unigéniti tui Vúlnera tibi offerimus, nostræ prætia libertátis. Per eúndem.

Præfatio de Cruce.

Postcommunio.

REFÉCTI vitálibus alimóniis, quæsumus, Dómine Deus noster : ut qui Vúlnera Dómini nostri Jesu Christi hódie devótis cólimus, hæc in nostris córdibus impréssa móribus et vita teneámus. Per eúndem Dóminum.

FER. VI POST DOM. IV QUADRAGESIMÆ
IN FESTO

PRETIOSISSIMI SANGUINIS D. N. J. C.

Missa ut in Missali initio mensis Julii. 386.

Et fit Commem. Fer., et dicitur ejusdem Evangelium in fine.

FESTA MARTII

DIE V
IN FESTO

S. JOANNIS JOSEPHI A CRUCE
CONFESSORIS

Missa Justus, de Communi Conf. non Pont. 17*, præter Orationes sequentes.

Oratio.

DEUS, qui beátum Joánnem Joséphum, Confessórem tuum, per árduas paupertátis, humilitátis et patiéntiæ vias cœlésti glória sublimásti : da nobis, quæsumus; ut carne mortificáti, ejus imitémur exémpa, et gáudiis perfruámur ætérnis. Per Dóminum.

Et fit Commem. Fer. in Quadrag.

Secreta.

Eo charitátis ardóre quo beátus Joánes Joséphus Agnum immaculátum,

qui abstulit peccáta mundi, méruit immoláre, fac nos propitiatiónis hóstiám tibi dignánter offerre. Per eúndem.

Postcommunio.

CONCÉDE, quæsumus, Dómine Jesu Christe : ut quos salutáribus mystériis reficere dignátus es; beáti Joánnis Joséphi exémplo, vivificæ Cruci júgiter adhæréntes, úberem PassiÓNis tuæ fructum percípere mereámur. Qui vivis.

DIE VI

IN FESTO SANCTÆ COLETÆ
VIRGINIS

Missa Dilexísti, de Comm. Virg. 21*.

Oratio.

DÓMINE Jesu Christe, qui beátam Coletám, Virginem tuam, cœléstibus donis cumulásti : tribue, quæsumus, ut ejus virtútes æmulántes in terris, ætérnis gáudiis cum ipsa perfruámur in cœlis. Qui vivis.

Et fit Commem. Fer. in Quadrag.

DIE XVIII

IN FESTO S. GABRIELIS, ARCH.

Introitus. Ps. 102.

BENEDÍCITE Dóminum, omnes Angeli ejus : poténtes virtúte, qui fácitis verbum ejus, ad audiéndam vocem sermónum ejus (T. P., allelúia, allelúia). Ps. Benedic, ánima mea, Dómino : et ómnia quæ intra me sunt, nómini sancto ejus. ȳ. Glória Patri. Benedicite.

Oratio.

DEUS, qui inter cæteros Angelos, ad annuntiándum Incarnatiónis tuæ mystérium, Gabriélem Archángelum elegísti : concéde propítius; ut qui festum ejus celebrámus in terris, ipsius patrocínium sentiámus in cœlis. Qui vivis.

Et fit Commem. Fer., et dicitur ejusdem Evangelium in fine.

Lectio Daniélis Prophétæ. Cap. 9.

IN diébus illis : Ecce vir Gábriel, quem víderam in visióne a princípio, cito volans tétigit me in témpore sacrificii vespertini. Et dócuit me, et locútus est mihi, dixitque : Dániel, nunc egréssus

sum, ut docérem te, et intelligéres. Ab exórdio precum tuárum egréssus est sermo : ego autem veni ut indicárem tibi, quia vir desideriórum es : tu ergo animadvérte sermónem, et intéllege visiónem. Septuaginta hebdómades abbreviátæ sunt super pópulum tuum, et super urbem sanctam tuam, ut consummétur prævaricatio, et finem accipiat peccátum : et deleátur iniquitas, et adducátur justítia sempitérna, et impleátur visio, et prophetia, et ungátur Sanctus sanctórum. Scito ergo, et animadvérte : ab éxitu sermónis ut iterum ædificétur Jerúsalem, usque ad Christum ducem, hebdómades septem, et hebdómades sexaginta duæ erunt, et rursus ædificábitur platéa, et muri in angústia témporum. Et post hebdómades sexaginta duas occidétur Christus : et non erit ejus pópulus, qui eum negáturus est. Et civitátem et sanctuárium dissipábit pópulus cum duce ventúro : et finis ejus vástitas, et post finem belli statúta desolátio.

Graduale. Ps. 102. Benedícite Dóminum, omnes Angeli ejus, poténtes virtúte, qui fáctis verbum ejus. *ŷ.* Bénedic, ánima mea, Dóminum : et ómnia interióra mea, nomen sanctum ejus.

Tractus. Luc. 1. Ave, María, grátia plena : Dóminus tecum. *ŷ.* Benedicta tu in muliéribus, et benedictus fructus ventris tui. *ŷ.* Ecce concípies, et páries filium, et vocábis nomen ejus Emmánuel. *ŷ.* Spíritus sanctus supervéniet in te, et virtus Altíssimi obumbrábit tibi. *ŷ.* Ideóque et quod nascétur ex te Sanctum, vocábitur Filius Dei.

Tempore Paschali. ommissis Graduali et Tractu, dicitur

Allelúia, allelúia. *ŷ.* **Ps. 103.** Qui facit Angelos suos spíritus, et ministros suos flammam ignis. Allelúia. *ŷ.* **Luc. 1.** Ave, María, grátia plena : Dóminus tecum : benedicta tu in muliéribus. Allelúia.



Sequéntia sancti Evangelíi secúndum Lucam. **Cap. 1.**

In illo témpore : Missus est Angelus Gá-briel a Deo in civitátem Galilææ, cui

nomen Názareth, ad Virgínem desponsátam viro, cui nomen erat Joseph, de domo David : et nomen Virgínis, María. Et ingrèssus Angelus ad eam, dixit : Ave, grátia plena : Dóminus tecum : benedicta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne timeas, María, invenisti enim grátiam apud Deum : ecce concípies in útero, et páries Filium, et vocábis nomen ejus Jesum. Hic erit magnus, et Filius Altíssimi vocábitur. Et dabit illi Dóminus Deus sedem David patris ejus : et regnábit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognóscó? Et respóndens Angelus, dixit ei : Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Filius Dei. Et ecce Elisabeth cognáta tua, et ipsa concépit filium in senectúte sua : et hic mensis sextus est illi quæ vocátur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secúndum verbum tuum.

Credo.

Offertorium. Apoc. 8. Stetit Angelus juxta aram templi, habens thuríbulum áureum in manu sua : et data sunt ei incénsa multa, et ascéndit fumus aró-matum in conspéctu Dei (**T. P., allelúia**).

Secreta.

ACCÉPTUM fiat in conspéctu tuo, Dómine, nostræ servitútis munus, et beáti Archángeli Gabriélis orátio : ut qui a nobis venerátur in terris, sit apud te pro nobis advocátus in cœlis. **Per.**

Communio. Dan. 2. Benedícite, omnes Angeli Dómini, Dómino : hymnum dicite, et superexaltáte eum in sæcula (**T. P., allelúia**).

Postcommunio.

CÓRPORIS tui et sánguinis sumptis mystériis, tuam, Dómine Deus noster, deprecámur cleméntiam : ut sicut, Gabriéle nuntiánte, Incarnatióem tuam

cognóvimus; ita, ipso adjuvante, Incarnationis ejusdem beneficia consequámur. Qui vivis.

EADEM DIE

ALIA MISSA EJUSDEM FESTI

PRO DIOECESI VENETIARUM

Introitus. Ps. 67.

PRAEVENÉRUNT príncipes conjúcti psalléntibus, in médio juvenclárum tympanistriárum (T. P., allelúia, allelúia). Ps. Exsúrgat Deus, et dissipéntur inimíci ejus : et fúgiant, qui odérunt eum, a fácie ejus. *ŷ.* Glória Patri. Prævenérunt.

Oratio.

DEUS, qui inter cæteros Angelos, ad annuntiándum Incarnationis tuæ mysterium, Gabriélem Archángelum elegisti : concéde propítius ; ut qui festum ejus celebrámus in terris, ipsíus patrocínium sentiámus in cælis. Qui vivis.

Postea fit Commem. Fer. cum ejusdem Evangelio in fine.

Lectio Daniélis Prophætæ. Cap. 9.

IN diébus illis, Factum est cum orárem et confitérer peccáta mea, et peccáta pópuli mei Israel, et prostérnerem preces meas in conspéctu Dei mei pro monte sancto Dei mei, adhuc me loquente in oratióne, ecce vir Gábriel, quem videram in visióne a princípío, cito volans tétigit me in témpore sacrificii vespertíni. Et dócuit me, et locútus est mihi, dixítque : Dániel, nunc egréssus sum ut docérem te, et intelligeres. Ab exórdio precum tuárum egréssus est sermo : ego autem veni ut indicárem tibi, quia vir desideriórum es : tu ergo animadvérte sermónem, et intéllege visiónem. Septuaginta hebdómades abbreviátæ sunt super pópulum tuum, et super urbem sanctam tuam, ut consummétur prævaricatió, et finem accipiat peccátum, et deleátur iniquitas, et adducátur justítia sempitérna, et impleátur visio, et prophetía, et ungátur Sanctus sanctórum. Scito ergo, et animadvérte : ab éxitu sermónis ut íterum ædificétur Jerúsalem, usque ad Christum ducem,

hebdómades septem, et hebdómades sexaginta duæ erunt, et rursum ædificábitur platéa, et muri in angústia téporum. Et post hebdómades sexaginta duas occidétur Christus : et non erit ejus pópulus, qui eum negatúrus est. Et civitátem et sanctuárium dissipábit pópulus cum duce ventúro : et finis ejus vástitas, et post finem belli statúta desolatió. Confirmábit autem pactum multis hebdómada una : et in dimídio hebdómadis deficiet hóstia et sacrificium : et erit in templo abominatió desolatiónis : et usque ad consummationem et finem perseverábit desolatió.

Graduale. Luc. 1. Ingréssus Angelus Gábriel ad beátam Virginem, salutávit eam : Ave, grátia plena : Dóminus tecum : benedicta tu in muliéribus. *ŷ.* Quæ cum audísset, turbáta est in sermóne ejus : Ne timeas, María : invenisti grátiam apud Dóminum.

Tractus. Gaude, María Virgo, cunctas hæreses sola interemísti. *v.* Quæ Gabriélis Archángeli dictis credidisti. *ŷ.* Dum virgo Deum et hómínem genuísti, et post partum virgo invioláta permansísti.

Tempore Paschali, omissis Graduali et Tractu, dicitur

Allelúia, allelúia. *ŷ.* Ibid. Angelus Dómini nuntiávit Mariæ, et concépit de Spíritu sancto. Allelúia. *ŷ.* Ne timeas, Maríá : invenisti grátiam apud Dóminum. Allelúia.



Sequéntia sancti Evangélii secúndum Lucam. Cap. 1.

IN illo témpore : Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David : et nomen Virgiuis, María. Et ingréssus Angelus ad eam, dixit : Ave, grátia plena : Dóminus tecum : benedicta tu in muliéribus. Quæ cum audísset, turbáta est in sermóne ejus, et cogitábat qualis esset ista salutatio. Et ait Angelus ei : Ne timeas, María : invenísti enim grátiam apud Deum : ecce concípies in útero, et páries filium, et vocábis nomen ejus Je-

sum. Hic erit magnus, et Filius Altissimi vocabitur, et dabit illi Dominus Deus sedem David patris ejus : et regnabit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognosco? Et respondens Angelus, dixit ei : Spíritus sanctus superveniet in te, et virtus Altissimi obumbrabit tibi. Ideoque et quod nascetur ex te Sanctum, vocabitur Filius Dei. Et ecce Elisabeth cognata tua, et ipsa concepit filium in senectute sua : et hic mensis sextus est illi quæ vocatur stérilis : quia non erit impossibile apud Deum omne verbum. Dixit autem María : Ecce ancilla Dómini, fiat mihi secundum verbum tuum.

Credo.

Offertorium. Gábríel Angelus, stans a dextris altáris incénsi, ipse pro nobis offerat orationem ad Dóminum : ut acceptabile sibi sit sacrificium nostrum (T. P., allelúia).

Secreta.

Annue nobis, miséricors Deus, ut intercedente beáto Gabriële, Archángelo tuo, hóstias placatiónis et laudis sincéro tibi deferámus obséquio. Per.

Communio. Ibid. Gábríel Angelus locútus est Mariæ, dicens : Ave, grátia plena : Dóminus tecum : benedicta tu in mulieribus (T. P., allelúia).

Postcommunio.

Da nobis, quæsumus, Dómine Deus noster : ut intercedente beáto Gabriële, Archángelo tuo, quæ tua sunt júgiter exsequéntes, donis mereámur cœléstibus propinquáre. Per Dóminum.

DIE XX

IN FESTO

B. HIPPOLYTI GALANTINI

CONFESSORIS

Missa Os justi, de Comm. Conf. non Pont. 16*, præter Orationes sequentes.

Oratio.

Deus, qui ad christíanam parvulorum et rúdiū institutiónem beátum

Hippólytum inter sæculi curas singulári charitáte decorásti : ipsius méritis concede, nos ópere implére quæ fide percépimus, et ad promissa fidelibus gáudia pervenire. Per Dóminum.

Et fit Commem. Feriæ.

Secreta.

Sacra múnera, Dómine, quæ tibi offerimus, eum nobis cónferant fervórem charitátis, quo beátus Hippólytus júgiter in tui famulátum flagrábat. Per Dóminum.

Postcommunio.

Divína doctrína institútis, et cœlésti mensa satiátis, spíritum nobis, Dómine, tuæ dilectiόnis infúnde : quo beátus Hippólytus corde fervébat, et álios verbo et exémplo stúduit inflammáre. Per Dóminum.

FESTA APRILIS

PRIMA DIE LIBERA POST V APRILIS

IN FESTO

BEATÆ JULIANÆ, VIRGINIS

SANCTÆ NUNCUPATÆ

Missa Dilexisti, de Communi Virg. tantum. 21*.

Oratio.

Deus humilium celsitúdo, qui beatam Virginem Juliánam ad promovéndum sanctíssimi Sacraménti cultum mirabiliter inflammásti : tribue, quæsumus, ita nos humilitátis ejus vestigia sectári in terris, ut cum ipsa sublimári mereámur in cœlis. Per Dóminum.

DIE XIV

IN FESTO

SANCTI JUSTINI, MARTYRIS

Introitus. Ps. 118.

Narravérunt mihi iniqui fabulatiões, sed non ut lex tua : ego autem loquébar de testimoniis tuis in conspéctu regum, et non confundébar, allelúia, allelúia. Ps. Beáti immaculáti in via, qui ámbulant in lege Dómini. Ț. Glória Patri. Narravérunt.

Oratio.

DEUS, qui per crucis stultitiam eminētem Jesu Christi sciēntiam beātum Justinum Mártyrem mirabiliter docuisti : ejus nobis intercessiōne concede ; ut, errōrum circumventiōne depūsa, fidei firmitatem consequāmur. Per eūdem.

Lectio Epistolæ beāti Pauli Apóstoli ad Corinthios. *I Cor. 1.*

FRATRES, Verbum Crucis, pereūntibus quidem stultitia est; iis autem qui salvi fiunt, id est nobis, Dei virtus est. Scriptum est enim : Perdam sapiēntiam sapiēntium, et prudēntiam prudēntium reprobābo. Ubi sapiens? ubi scriba? ubi conqueritor hujus sæculi? Nonne stultam fecit Deus sapiēntiam hujus mundi? Nam quia in Dei sapiēntia non cognóvit mundus per sapiēntiam Deum; plácuīt Deo per stultitiam prædicatiōnis salvos fácere credētes. Quóniam et Judæi signa petunt, et Græci sapiēntiam quæruūt : nos autem prædicāmus Christum crucifixum, Judæis quidem scādalum, gētibz autem stultitiam, ipsis autem vocātis Judæis atque Græcis, Christum Dei virtutem, et Dei sapiēntiam. Quia quod stultum est Dei, sapiēntius est hominibus; et quod infirmum est Dei, fórtius est hominibus. Ex ipso autem vos estis in Christo Jesu, qui factus est nobis sapiēntia a Deo, et justitia, et sanctificatiō, et redemptiō.

Allelúia, allelúia. *ŷ. I Cor. 3.* Sapiēntia hujus mundi stultitia est apud Deum; scriptum est enim : Dóminus novit cogitatiōnes sapiēntium, quóniam vanæ sunt. Allelúia. *ŷ. Philip. 3.* Verúmtamen existimo ómnia detrimētum esse propter eminētem sciēntiam Jesu Christi Dómini mei. Allelúia.

Extra Tempus Paschale.

Graduale. *I Cor. 3.* Sapiēntia hujus mundi stultitia est apud Deum; scriptum est enim : Dóminus novit cogitatiōnes sapiēntium, quóniam vanæ sunt. *ŷ. Ibid. 1.* Perdam sapiēntiam sapiēntium, et prudēntiam prudēntium reprobābo.

Allelúia, allelúia. *ŷ. Philip. 3.* Ve-

rúmtamen existimo ómnia detrimētum esse propter eminētem sciēntiam Jesu Christi Dómini mei. Allelúia.

Post Septuagesimam, ommissis Allelúia et *ŷ. seq.*, dicitur

Tractus *I Cor. 2.* Non judicavi me scire áliquid inter vos nisi Jesum Christum, et hunc crucifixum. *ŷ.* Lóquimur Dei sapiēntiam in mystério, quæ abscondita est, quam prædestinávit Deus ante sæcula in glóriam nostram. *ŷ.* Quam nemo princípum hujus sæculi cognóvit. Si enim cognovissent, numquam Dóminum glóriæ crucifixissent.



Sequēntia sancti Evangélii secundum Lucam. *Cap. 12.*

IN illo tēpore : Dixit Jesus discipulis suis : Nihil opértum est, quod non revelétur; neque absconditum, quod non sciátur. Quóniam quæ in tēnebris dixistis, in lúmine dicētur, et quod in aurem locúti estis in cubiculis, prædicábitur in tectis. Dico autem vobis amicis meis, ne terreámini ab his qui occidunt corpus, et post hæc non habent ámplius quid fáciant. Osténdam autem vobis quem timeátis : timéte eum qui, postquam occiderit, habet potestatem mittere in gehénnam; ita dico vobis, hunc timeíte. Nonne quinque pásseres véneunt dipóndio, et unus ex illis non est in obliviōne coram Deo? Sed et capilli capitis vestri omnes numeráti sunt. Nolite ergo timére; multis passéribz pluris estis vos. Dico autem vobis : omnis quicúmque conféssus fúerit me coram hominibus, et Filius hóminis confitébitur illum coram Angelis Dei.

Offertorium. Non enim judicavi me scire áliquid inter vos nisi Jesum Christum, et hunc crucifixum, allelúia.

Secreta.

MÚNERA nostra, Dómine Deus, benígnus suscipe : quorum mirábile mystérium sanctus Martyr Justinus advérsus impiórum calúnnias strénue deféndit. Per Dóminum.

Communio. Repósite est mihi coróna justitiæ, quam reddet mihi Dóminus in illa die justus judex, allelúia.

Postcommunio.

CELÉSTI alimónia refécti, súpplīces te, Dómine, deprecámur; ut, beáti Justini, Mártiris tui, mónitis, de accéptis donis semper in gratiárum actióne maneamus. Per Dóminum.

DIE XVI
IN FESTO

B. BENEDICTI JOSEPHI LABRE
CONFESSORIS

Missa Justus, de Comm. Conf. non Pont. 17*, præter Orationes sequentes.

Oratio.

DEUS, qui beátum Benedictum Joséphum, Confessórem tuum, humilitátis stúdio et paupertátis amóre tibi uni adhærere fecisti: da nobis, ejus suffragántibus méritis, terréna cuncta despīcere, et cœléstia semper inquirere. Per.

In Quadrag. fit Commem. Fer.

Secreta.

OBLATA múnera, clementissime Deus, propitijs réspice, et beáti Benedicti Joséphi, Confessóris tui, interveniēte suffragio, in salutem nobis provenīre concéde. Per Dóminum.

Postcommunio.

SACRIS, Dómine, refécti munéribus, quæsumus: ut beáti Benedicti Joséphi, Confessóris tui, virtútes imitemur, cujus póscimus méritis adjuvári. Per Dóminum.

DIE XXIII

IN FESTO B. ALEXANDRI SAULI
EPISCOPI ET CONFESSORIS

Missa Státuit, de Comm. Conf. Pont. 12*, præter Orationem sequentem.

Oratio.

DEUS, qui in Ecclésia tua per beátum Alexandrum, Confessórem atque Pontíficem, reguláris disciplinæ ac pastorális sollicitúdinis exémpa instauráre dignátus es: fac nos, quæsumus, ita ejus inharére vestigiis; ut ad animæ salutem júgiter inténti, gáudia cum ipso assequámur æténa. Per Dóminum.

DIE XXIV

IN FESTO S. BONI LATRONIS

Introitus. Gal. 6.

Nos autem gloriári opórtet in Cruce Dómini nostri Jesu Christi, in quo est salus, vita et resurrectio nostra: per quem salváti et liberáti sumus. allelúia, allelúia. Ps. 66. Deus misereatur nostri, et benedicat nobis: illúminet vultum suum super nos, et misereatur nostri. ̃. Glória Patri. Nos.

Oratio.

OMNÍPOTENS et miséricors Deus, qui justificas ímpios, te súpplīces exorámus: ut nos benígno intúitu, quo Unigénitus tuus beátum traxit Latrónem, ad dignam poeniténtiam próvoces, et illam, quam ei promísit, tribuas nobis glóriam sempitérnā. Per eúndem Dóminum.

Lectio Isaíæ Prophétæ. Cap. 59.

ECCE non est abbreviáta manus Dómini, ut salváre néqueat: neque aggraváta est auris ejus, ut non exáudiat. Sed iniquitátes vestræ divisérunt inter vos et Deum vestrum: et peccáta vestra abscondérunt faciē ejus a vobis, ne exaudiret. Manus enim vestræ pollútæ sunt sanguine, et dígití vestri iniquitáte: lábia vestra locúta sunt mendácium, et lingua vestra iniquitátem fatur. Non est qui invocet justítiam, neque est qui júdicet vere: sed confidunt in nihilo, et loquúntur vanitátes: concepérunt labórem, et peperérunt iniquitátem.

Allelúia, allelúia. ̃. Dícite in géntibus, quia Dóminus regnávit a ligno. Allelúia. ̃. Dulce lignum, dulces clavos, dúlcia ferens póndera, quæ sola fuisti digna sustinére Regem cœlórum et Dóminum. Allelúia.



Sequéntia sancti Evangélíi secúndum Lucam. Cap. 23.

In illo témpore: Unus de his, qui pendébant, latrónibus blasphemábat Jesum, dicens: Si tu es Christus, salvum fac temetípsum, et nos. Respóndens autem alter increpábat eum, dicens: Neque tu times Deum, quod in eádem damnatióne es. Et nos quidem juste, nam

digna factis recipimus : hic vero nihil mali gessit. Et dicebat ad Jesum : Domine, meménto mei, cum véneris in regnum tuum. Et dixit illi Jesus : Amen dico tibi, hódie mecum eris in Paradíso.

Offertorium. Ps. 117. Dextera Dómini fecit virtútem, dextera Dómini exaltávit me : dextera Dómini fecit virtútem : non móriar, sed vivam, et narrábo ópera Dómini, allelúia.

Secreta.

HÆC oblátio, Domine, quæsumus, ab ómnibus nos purget offénsis : quæ in ara Crucis étiam totius mundi tulit offénsam. Per Dóminum.

Præfatio de Cruce.

Communio. Per signum Crucis de inimicis nostris libera nos, Deus noster, allelúia.

Postcommunio.

ADÉSTO nobis, Domine Deus noster : et quos sanctæ Crucis lætári facis honóre, ejus quoque perpétuis defénde subsidiis. Per Dóminum.

DIÉ XXVI

IN FESTO

APPARITIONIS IMAGINIS B. M. V.

DE BONO CONSILIO

Introitus.

GAUDEÁMUS omnes in Dómino, diem festum celebrántes sub honóre beátæ Mariæ Virginis, de cujus solemnitate gaudent Angeli, et collaudant Filium Dei, allelúia, allelúia. **Ps. 44.** Eructávit cor meum verbum bonum : dico ego ópera mea Regi. **ŷ.** Glória Patri. Gaudeámus.

Oratio.

BONÓRUM ómnium largítor Deus, qui Genitrícis dilécti Filii tui speciósam Imáginem mira apparitióne clarificáre voluísti : concéde, quæsumus ; ut ejúsdem beátæ Mariæ Virginis intercessióne, ad cœléstem pátriam felíciter perducámur. Per eúmdem Dóminum.

Lectio libri Sapiéntiæ. **Eccli. 24.**

EGO quasi vitis fructificávi suavitátem odóris : et flores mei fructus honóris et honestátis. Ego mater pulchræ

dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transíte ad me, omnes qui concupiscitis me, et a generatióibus meis implémini : spiritus enim meus super mel dulcis, et hæréditas mea super mel et favum. Memória mea in generatióes sæculórum. Qui edunt me, adhuc esúrient, et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

Allelúia, allelúia. **ŷ. Luc. 1.** Ave, María, grátia plena : Dóminus tecum : benedicta tu in muliéribus. Allelúia. **ŷ.** Per te, Dei Génitrix, nobis est vita pérdita data, quæ de cœlo suscepísti prolem, et mundo genuísti Salvatórem. Allelúia.



Initium sancti Evangélii secúndum

Matthæum. **Cap. 1.**

LIBER generatiónis Jesu Christi, filii David, filii Abraham. Abraham genuit Isaac. Isaac autem genuit Jacob. Jacob autem genuit Judam et fratres ejus. Judas autem genuit Phares et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem, ex ea quæ fuit Uriæ. Salomon autem genuit Róboam. Róboam autem genuit Abiam. Abias autem genuit Asa. Asa autem genuit Jósaphat. Jósaphat autem genuit Joram. Joram autem genuit Oziam. Ozias autem genuit Jóatham. Jóatham autem genuit Achaz. Achaz autem genuit Ezechiam. Ezechias autem genuit Manássen. Manásses autem genuit Amon. Amon autem genuit Josiam. Josias autem genuit Jechoniam et fratres ejus in transmigratióne Babylónis. Et post transmigratió-nem Babylónis, Jechonias genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud

autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eléazar. Eléazar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus.

Credo.

Offertorium. Recordare, Virgo Mater, in conspectu Dei, ut loquaris pro nobis bona, et ut avertat indignationem suam a nobis, allelúia.

Secreta.

SANCTIFICA, Dómine, quæsumus, oblata libamina : et beætæ Dei Genitricis Mariæ salubérrima intercessióne, nobis salutaria fore concède. Per eúmdem Dóminum.

Præfatio de B. M. V. Et te in Festivitate.

Communio. Regína mundi digníssima, Maria, virgo perpétua, intercède pro nostra pace et salute, quæ genuisti Christum Dóminum, Salvatorem ómnium, allelúia.

Postcommunio.

ADJUVET nos, quæsumus, Dómine, gloriósæ tuæ Genitricis sempérque virginis Mariæ intercessio veneránda : ut quos perpétuis cumulávit beneficiis, a cunctis periculis absolútos, sua faciat pietáte concordes. Qui vivis.

DIE XXVIII

IN FESTO S. LIBERALIS

CONFESSORIS

Missa Os justi, de Comuni Conf. non Pont. 16*, præter Orationem sequentem.

Oratio.

DEUS, qui nos beáti Liberális, Confessoris tui, glorióso patrocinio circúdas et prótegis : concède propitius ; ut cujus intercessióne munimur in terris, ejus quoque consórtio perfruámur in cælis. Per Dóminum.

Et fit **Commem. S. Vitalis, Martyris.** 345.

DOMINICA IV POST PASCHA

IN FESTO

SANCTÆ CATHARINÆ FLISCÆ ADURNÆ
VIDUÆ

Missa Cognóvi, de Comm. nec Virg. nec Mart. 25*, præter Orat. seq.

Oratio.

DEUS, qui beátam Catharinam in contemplánda Filii tui Passióne, divini amoris igne flagráre fecisti : quæsumus ; ut, ipsa intercedente, tuæ in nobis flammam charitátis accendas, et ejúsdem Passiónis participes dignánter efficias. Per eúmdem Dóminum.

Et fit **Commem. Dom. oecur.**, et in fine legitur Evangelium ejusdem Dominicæ.

FESTA MAIL

DIE XI

IN FESTO

S. FRANCISCI DE HIERONYMO

CONFESSORIS

Missa Os justi, de Comm. Conf. non Pont. 16*, præter Orationes sequentes.

Oratio.

DEUS, qui sanctum Franciscum ad animarum salutem exímium verbi tui præcónem effecisti : ejus nobis intercessióne concède ; ut legis tuæ mandata et júgiter scrutémur in corde, et fidéliter opéribus exsequámur. Per Dóminum.

Secreta.

MÚNERA, Dómine, quæ de tua bonitáte suscepimus, pro sancti Francisci commemoratione devóte tibi offerimus, suppliciter deprecántes : ut bona étiam ópera de tua cleméntia suscipiámus, quibus justítiam tuam placáre possimus. Per Dóminum.

Postcommunio.

MENSÆ tuæ, Dómine, salutáre mystérium, sancto Francisco, Confessore tuo, intercedente, corda nostra purificet : ut nihil in nobis quod púnias, sed quod coronáre possis, invénias. Per Dóminum.

DIE XV

IN FESTO S. ISIDORI

AGRICOLÆ, CONFESSORIS

Introitus. Ps. 91.

JUSTUS ut palma florébit : sicut cedrus Libani multiplicabitur : plantátus in domo Dómini, in átriis domus Dei nostri (T. P., allelúia, allelúia). Ps. Bonum est confitéri Dómino, et psállere nómini tuo, Altissime. Ÿ. Glória. Justus.

Oratio.

DA nobis, quæsumus, miséricors Deus, beáto Isidóro agricola, Confessóre tuo, intercedénte, supérbe non sápere : sed ejus méritis et exémpis, plácita tibi semper humilitáte deservire. Per.

Lectio Epistolæ beáti Jacóbi Apóstoli.

Cap. 3.

FRATRES, Patiéntes estóte usque ad advéntum Dómini. Ecce agricola exspectat pretiósus fructum terræ, patiénter ferens donec accipiat temporáneum et serótinum. Patiéntes igitur estóte et vos, et confirmáte corda vestra, quóniam advéntus Dómini appropinquávit. Ecce beatificámus eos qui sustinuérent. Suffréntiam Job audístis, et finem Dómini vidístis, quóniam miséricors Dóminus est, et miserátor. Confitémini ergo altérutrum peccáta vestra, et oráte pro invicem, ut salvémini : multum enim valet deprecátio justí assídua. Elías homo erat similis nobis passibilis, et oratióne orávit ut non plúeret super terram, et non pluit annos tres et menses sex. Et rursum orávit, et cælum dedit plúviam, et terra dedit fructum suum.

Tempore Paschali.

Allelúia, allelúia. Ÿ. Ps. 111. Beátus vir qui timet Dóminum : in mandátis ejus cupit nimis. Allelúia. Ÿ. Osee 14. Justus germinábit sicut lílillum, et florébit in aetérnum ante Dóminum. Allelúia.

Extra Tempus Paschale.

Graduale. Ps. 36. Os justí meditábitur sapiéntiam, et lingua ejus loquétur judicium. Ÿ. Lex Dei ejus in corde ipsíus, et non supplantabúntur gressus ejus.

Allelúia, allelúia. Ÿ. Ps. 111. Beátus

vir qui timet Dóminum : in mandátis ejus cupit nimis. Allelúia.



Sequéntia sancti Evangélíi secúndum Joánnem. Cap. 15.

IN illo témpore : Dixit Jesus discípulis suis : Ego sum vitis vera, et Pater meus agricola est. Omnem pálmitem in me non feréntem fructum, tollet eum : et omnem qui fert fructum, purgábit eum, ut fructum plus áfferat. Jam vos mundi estis propter sermónem quem locútus sum vobis. Manéte in me, et ego in vobis. Sicut palmes non potest ferre fructum a semetípso, nisi mánserit in vite : sic nec vos, nisi in me manséritis. Ego sum vitis, vos pálmities : qui manet in me, et ego in eo, hic fert fructum multum : quia sine me nihil potéstis fácere. Si quis in me non mánserit, mittétur foras sicut palmes, et aréscet, et cölligent eum, et in ignem mittent, et ardet. Si manséritis in me, et verba mea in vobis mánserint : quodcúmque voluéritis, petétis, et fiet vobis.

Offertorium. Ps. 20. In virtúte tua, Dómine, lætábitur justus, et super salutáre tuum exsultábit veheménter : desidérium ánimæ ejus tribuisti ei (T. P., allelúia).

Secreta.

PROPITIÁRE, Dómine, supplicatióibus nostris, et has pópuli tui oblatiões benígnus assúme : ut, intercedénte beáto Isidóro, Confessóre tuo, quod fidéliter pétimus, efficiáter consequámur. Per.

Communio. Matth. 19. Amen dico vobis, quod vos, qui reliquistis ómnia, et secúti estis me, céntuplum accipietis, et vitam aetérnam possidébitis (T. P., allel.).

Postcommunio.

SIT nobis, Dómine, reparátio mentis et córporis cœléste mystérium : et præsta ; ut sancti Isidóri, Confessóris tui, cujus exséquimur cultum, sentiámus efféctum. Per Dóminum.

DIE XVI

IN FESTO S. JOANNIS NEPOMUCENI

MARTYRIS

Tempore Paschali, Missa Protexisti me, ut in Comm. unius Mart. 6* ; Evan-

gelium Nihil est opértum, de **Communi** unius Mart. non Pont. 6*.

Extra Tempus Pasch., Missa Lactábitur, de eodem Comm. 2º loco. 5*, præter Orationes sequentes.

Oratio.

DEUS, qui, ob invictum beáti Joánnis sacramentále siléntium, nova Ecclésiám tuam martyrii coróna decorásti : da nobis, ejus intercessióne et exémplo, linguam caute custodiére, ac ómnia pótius mala, quam ánimæ detriméntum, in hoc sæculo toleráre. Per Dóminum.

Secreta.

PER hæc tua, Dómine, sacra mystéria illo nos charitátis igne accendámur, quo inelytus Martyr Joánnes, eadem peragendo, flagrábat. Per Dóminum.

Postcommunio.

SPÍRITUM, Dómine, fortitúdinis hæc nobis tríbuat mensa cœlestis, quæ beáti Mártiris tui Joánnis pro sacraménti honóre tentátam constántiam júgiter áluit ad victóriam. Per Dóminum.

EADEM DIE

(Ubi concessum est.)

IN FESTO S. JOANNIS NEPOMUCENI MARTYRIS

Introitus. Eccli. 51.

DEDIT mihi Dóminus linguam mercédem meam : et in ipsa laudábo eum (T. P., allelúia, allelúia). Ps. 38. Dixi : Custódiam vias meas, ut non delínquam in lingua mea. ̎. Glória Patri. Dedit mihi.

Oratio.

DEUS, qui, ob invictum beáti Joánnis sacramentále siléntium, nova Ecclésiám tuam martyrii coróna decorásti : da, ut ejus exémplo et intercessióne, ori nostro custódiám ponéntes, beátis, qui lingua non sunt lapsi, annumerémur. Per Dóminum.

Léctio libri Sapientiæ. Eccli. 21.

SULTUS a fenestra respiciet in domum : vir autem eruditus foris stabit. Stultitia hóminis auscultáre per óstium : et prudens gravábitur contumélia. Lábia imprudentium stulta narrábunt : verba

autem prudentium statéra ponderabúntur. In ore fatuórum cor illórum, et in corde sapiéntium os illórum. Dum maledicít impius diábolum, maledicít ipse ánimam suam. Susúrro coinquínabit ánimam suam, et in ómnibus odiétur : et qui cum eo mánserit, odiósus erit : táci-tus et sensátus honorábitur.

Tempore Paschali.

Allelúia, allelúia. ̎. Eccli. 25. Beátus qui lingua sua non est lapsus, et qui non servívit indignis se. Allelúia. ̎. Prov. 10. Lingua pravórum peribit : lingua autem sapiéntium est sánitas. Allelúia.

Extra Tempus Paschale.

Graduale. Prov. 11. Qui ámbulat fraudulénter, revélat arcána : qui autem fidélis est ánimi, celat. ̎. Ps. 14. Dómine, quis habitábit in tabernáculo tuo, aut quis requiescet in monte sancto tuo? Qui non egit dolum in lingua sua, nec fecit próximo suo malum.

Allelúia, allelúia. ̎. Eccli. 25. Beátus qui lingua sua non est lapsus, et qui non servívit indignis se. Allelúia.

In Missis votivis post Septuagesimam, omissis Allelúia et ̎. seq., dicitur

Tractus. Jac. 1. Si quis putat se religiósus esse, non refrænans linguam suam, sed sedúcens cor suum, hujus vana est religio. ̎. Ibid., 3. Si quis in verbo non offéndit, hic perféctus est vir. ̎. Ibid. Omnis enim natúra bestiárum domántur, et dómita sunt a natúra humana : linguam autem nullus hóminum domáre potest.



Sequéntia sancti Evangélii secundum Matthæum. Cap. 11.

In illo témpore : Cum audisset Joánnes duos de discipulis suis, ait illi : Tu es qui ventúrus es, an álium exspectámus? Et respóndens Jesus, ait illis : Eúntes renuntiáte Joánni quæ audistis et vidistis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur : et beátus est qui non fúerit scandalizátus in me. Illis autem abeúntibus, cœpit Je-

sus dicere ad turbas de Joáñe : Quid existis in desértum vidére? arúndinem vento agitatám? Sed quid existis vidére? hóminem móllibus vestitum? Ecce qui móllibus vestiúntur, in dómibus regum sunt. Sed quid existis vidére? Prophétam? Etiam dico vobis, et plus quam prophétam. Hic est enim de quo scriptum est : Ecce ego mitto Angelum meum ante faciém tuam, qui præparábit viam tuam ante te.

Offertorium. Ecdi. 42. Non dúplices sermónem de revelatióne sermónis absconditi : et eris vere sine confusióne : et invénies grátiam in conspéctu ómnium hóminum (T. P., allelúia).

Secreta.

HÆC tua, Dómine, sacra mystéria illum in nobis, quæsumus, ignem accendant, quo inclytus Martyr et Sacerdótuus Joáñes, ea peragéndó, flagrábat. Per Dóminum.

Communio. Is. 6. Volávit ad me unus de Séraphim : et in manu ejus cálculus quem túlerat de altári, et tétigit os meum (T. P., allelúia).

Postcommunio.

FRAGILITÁTEM nostram, Dómine, cœléstis hæc mensa fórtium pane confirmet : qui beáti Mátyris et Sacerdótis tui Joáñis tentátam contra honórem sacraménti constántiam júgiter áluit ad victóriam. Per Dóminum.

DIE XXI

IN FESTO

S. FELICIS A CANTALICIO, CONF.

Introitus. I Reg. 2.

DÓMINUS páuperem facit et ditat, humiliat et súblevat : súscitat de púlvere egénum, et de stercore éleuat páuperem : ut sédeat cum princípibus, et sólium glóriæ téneat (T. P., allelúia, allelúia). **Ps. 68.** Videant páuperes, et læténtur : quærite Deum, et vivet ánima vestra : quóniam exaudivit páuperes Dóminus. **ŷ.** Glória. Dóminus.

Oratio.

FAC NOS, Dómine Jesu, in simplicitáte et innocéntia cordis nostri ambu-

lære : quarum amóre de sinu Matris inter beáti Felicis, Confessóris tui, bráchia descendísti. Qui vivis.

Lectio Epístolæ beáti Pauli Apóstoli ad Colossénses. **Cap. 3.**

FRATRES, Induíte vos sicut elécti Dei, sancti et dilécti, viscera misericórdiæ, benignitátem, humilitátem, modéstiam, patiéntiam : supportántes invicem, et donántes vobismetipsis, si quis advérsus álíquem habet querélam : sicut et Dóminus donávit vobis, ita et vos. Super ómnia autem hæc, charitátem habéte, quod est vínculum perfectiόνis : et pax Christi exsúltet in córdibus vestris, in qua et vocáti estis in uno corpore : et grati estóte. Verbum Christi hábitet in vobis abundánter in omni sapiéntia, docéntes et commonéntes vosmetipsos psalmis, hymnis et cánticis spiriúalibus, in grátia cantántes in córdibus vestris Deo. Omne quodcúmque fácitis in verbo aut in ópere, ómnia in nómine Dómini Jesu Christi, grátias ágéntes Deo et Patri per ipsum.

Tempore Paschali.

Allelúia, allelúia. **ŷ. Ps. 26.** Unam pétii a Dómino, hanc requíram, ut inhábitem in domo Dómini ómnibus diébus vitæ meæ : ut videam voluptátem Dómini. Allelúia. **ŷ. Ps. 67.** Parásti in dulcedíne tua páuperi, Deus. Allelúia.

Extra Tempus Paschale.

Graduale. Ps. 17. Misit de summo, et accépit me, et assúmpsit me de aquis multis. **ŷ.** Et retribuet mihi Dóminus secúndum justitiam meam, et secúndum puritátem mánuum meárum in conspéctu oculórum ejus.

Allelúia, allelúia. **ŷ. Ps. 30.** Benedictus Dóminus, quóniam mirificávit misericórdiam suam mihi in civitáte munita. Allelúia.



Sequéntia sancti Evangélii secúndum Matthæum. **Cap. 11.**

IN illo témpore : Respóndens Jesus, dixit : Confíteor tibi, Pater, Dómine cœli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater, quóniam sic fuit

plácitum ante te. Omnia mihi trádita sunt a Patre meo. Et nemo novit Filium, nisi Pater; neque Patrem quis novit, nisi Filius, et cui volúerit Filius reveláre. Veníte ad me, omnes qui laborátis et onerátí estis, et ego reficiam vos. Tóllite jugum meum super vos, et discite a me quia mitis sum et húmilis corde: et inveniétis réquiem animábus vestris. Jugum enim meum suáve est, et onus meum leve.

Offertorium. Sap. 10. Honestávit illum in labóribus, et complévit labóres illius (T. P., allelúia).

Secreta.

ADÉSTO votis nostris, clementíssime Deus: ut hæc oblátio salutáris, quæ in honórem beáti Felicis persólvitur, ad delictórum nostrórum véniam impetrándam in odórem suavitátis ascéndat. Per Dóminum.

Communio. Cant. 2 et 3. Diléctus meus mihi, et ego illi: ténui eum, nec dimittam (T. P., allelúia).

Postcommunio.

EXÚBERET, quæsumus, Dómine, in córdibus nostris percépti grátia sacraménti: quæ nos beáti Felicis, Confessóris tui, imitátione puríficet, atque intercessióne commúniat. Per Dóminum.

DIE XXII

IN FESTO B. CRISPINI A VITERBIO
CONFESSORIS

Missa Justus, de Communi Conf. non Pont. 17*, præter Orationes sequentes.

Oratio.

DEUS, qui beátum Crispinum, Confessórem tuum, in lætítia tibi serviéntem, ad virtútis ápicem perduxísti: da, quæsumus; ut ejus intercessióne et exémplo, vias vitæ sectántes in terris, torrén-te voluptátis tuæ pérfrui mereámur in cælis. Per Dóminum.

Secreta.

DA nobis, quæsumus, Dómine, ut beáti Crispini, Confessóris tui, exémplo, in simplicitáte cordis nostri tibi offeréntes univérsa, æténa cum ipso gáudia lætántes assequámur. Per Dóminum.

Postcommunio.

LÆTÍFICA, quæsumus, Dómine, ánimas servórum tuórum: et quos aliméntis cæléstibus satiásti, ad delectatiónes quæ in dextera tua sunt, beáti Crispini pré-cibus pervenire concéde. Per Dóminum nostrum.

DIE XXIII

IN FESTO

B. JOANNIS BAPTISTÆ DE RUBEIS
CONFESSORIS

Missa Os justi, de Comm. Conf. non Pont. 17*, præter Orationes sequentes.

Oratio.

DEUS, qui beátum Joánnem Baptistam, Confessórem tuum, in evangelizándis paupéribus charitaté et patiéntia decorásti: concéde, quæsumus; ut ejus pia mérita venerámur, virtútum quoque imitémur exémp-la. Per Dóminum.

Secreta.

OBLÁTUM tibi munus, quæsumus, Dómine, in odórem suavitátis ascéndat, et, beáto Joánni Baptista, Confessóre tuo, intercedén-te, nos corpore et mente puríficet. Per Dóminum.

Postcommunio.

CÆLÉSTIS, Dómine, participátio sacraménti, beáti Joánnis Baptistæ, Confessóris tui, suffragántibus méritis, fídeles tuos mundet et múníat: ac bonis opéribus júgiter præstet esse inténtos. Per Dóminum.

DIE XXIV

IN FESTO B. M. VIRGINIS
TITULO AUXILIUM CHRISTIANORUM

Introitus. Sedulius.

SALVE, sancta Parens, eníxa puér-pera Regem qui cælum terrámque regit in sæcula sæculórum (T. P., allelúia, allelúia). Ps. 44. Eructávit cor meum verbum bonum: dico ego ópera mea Regi. ̎. Glória Patri. Salve.

Oratio.

OMNÍPOTENS et miséricors Deus, qui ad defénsiónem pópuli christiáni in beatíssima Virgine María perpétuum auxilium mirabiliter constituísti: con-

cède propítius; ut tali præsidio muniti, certantes in vita, victóriam de hoste maligno cónsequi valeámus in morte. Per.

Lectio libri Sapiéntiæ. Eccli. 24.

AB initio et ante sæcula creata sum, et usque ad futurum seculum non desinam, et in habitatióne sancta coram ipso ministrávi. Et sic in Sion firmata sum, et in civitaté sanctificata similiter requiévi, et in Jérusalem potéstas mea. Et radicávi in pópulo honorificató, et in parte Dei mei hæréditas illius, et in plenitúdine Sanctórum deténtio mea.

Tempore Paschali.

Allelúia, allelúia. *ŷ. Num. 17.* Virgo Jesse flóruit: Virgo Deum et hómínem genuit: pacem Deus réddidit, in se reconcilians ima summis. Allelúia. *ŷ. Luc. 1.* Ave, María, grátia plena: Dóminus tecum: benedicta tu in muliéribus. Allelúia.

Post Tempus Paschale.

Graduale. Benedicta et venerábilis es, Virgo María, quæ, sine tactu pudóris, invénta es mater Salvatóris. *ŷ. Virgo Dei Génitrix, quem totus non capit orbis, in tua se clausit viscera factus homo.*

Allelúia, allelúia. *ŷ. Post partum, Virgo, inviolata permansisti: Dei Génitrix, intercède pro nobis. Allelúia.*



Sequéntia sancti Evangélíi secúndum Lucam. *Cap. 11.*

In illo témpore: Loquente Jesu ad turbas, extóllens vocem quædam mulier de turba, dixit illi: Beátus venter qui te portávit, et úbera quæ suxisti! At ille dixit: Quinimo beáti qui audiunt verbum Dei, et custódiunt illud! Credo.

Offertorium. *Luc. 1.* Ave, María, grátia plena: Dóminus tecum: benedicta tu in muliéribus, et benedictus fructus ventris tui (T. P., allelúia).

Secreta.

Pro religiónis christiánæ triúmpho hostias placatiónis tibi, Dómine, immolámus: quæ ut nobis proficiant, opem auxiliátrix Virgo præstet, per quam talis perfécta est victória. Per Dóminum.

Præfatio de B. M. V. Et te in Festivitate.

Communio. Beáta viscera Mariæ Virginis, quæ portavérunt ætérni Patris Fílium (T. P., allelúia).

Postcommunio.

Adéstó, Dómine, pópulis qui participatióne cörperis et sánguinis tui reficiúntur: ut, sanctíssima tua Genitríce auxiliánte, ab omni malo et pericúlo liberéntur, et in omni ópere bono custodiántur. Qui vivis.

DIE XXX

IN FESTO S. FERDINANDI III

REGIS, CONFESSORIS

Missa Justus, de Communi Conf. non Pont. 17*, præter Orationem sequentem.

Oratio.

Deus, qui beáto Confessóri tuo Ferdinándó præliári prælia tua, et fidei inimicos superáre dedisti: concède; ut ejus nos intercessióne muniti, ab hostibus mentis et cörperis liberémur. Per Dóminum.

Et fit Commem. S. Felicis, Papæ et Mart., Orat. ex Missa Státuit, de Comm. unius Mart. Pont. primo loco. 2*.

FER. VI POST OCT. SS. CORPORIS CHRISTI

IN FESTO SS. CORDIS JESU

(PRO DIOECESI VENETIARUM)

Introitus. Cant. 3.

Egredímíni, et vidéte, filiæ Sion, regem Salomónem in diadémate quo coronávit eum mater sua in die desponsatiónis ejus, et in die lætitiæ Cordis ejus. *Ps. 44.* Eructávit cor meum verbum bonum: dico ego ópera mea Regi. *ŷ. Glória Patri. Egredímíni.*

Oratio.

Fac nos, Dómine Jesu, sanctíssimi Cordis tui virtútibus índui, et afféctibus inflammári: ut et imáginí bonitátis tuæ confórmes, et tuæ redemptiόνis mereámur esse participes. Qui vivis.

Lectio Epístolæ beáti Pauli Apóstoli ad Ephésios. *Cap. 3.*

Fratres, Mihi ómnium sanctórum mínimo data est grátia hæc, in géntibus evangelizáre investigábiles divitias Christi, et illumináre omnes, quæ sit

dispensatio sacraménti absconditi a sæculis in Deo, qui ómnia creávit. Hujus rei grátia flecto génuá mea ad Patrem Dómini nostri Jesu Christi, ex quo omnis patrénitas in cœlis et in terra nominá-tur, ut det vobis, secúndum divítias gló-riæ suæ, virtúte corroborári per Spíritum ejus in interiorem hóminem, Christum habitare per fidem in córdibus vestris : in charitaté radicáti et fundáti, ut possitis comprehendere cum ómnibus sanctis quæ sit latitúdo, et longitúdo, et sublím-itas, et profúndum : scire étiam super-eminéntem sciéntiæ charitatém Christi, ut impleámini in omnem plenitúdinem Dei.

Graduale. Matth. 21. Dícite filiæ Sion : Ecce Rex tuus venit tibi mansuétus.

ŷ. Is. 42. Non erit tristis, neque turbu-léntus : non clamábit, nec audiétur vox ejus foris.

Allelúia, allelúia. **ŷ. Matth. 11.** Dícite a me quia mitis sum et húmilis Corde : et inveniétis réquiem animábus vestris. Allelúia.

Post Septuagesimam.

Graduale. Ps. 68. Improperium ex-spectávit Cor meum, et misériam : et sustinúi qui simul contristarétur, et non fuit : et qui consolarétur, et non invéni.

Tractus. Ps. 21. Ego autem sum ver-mis, et non homo : oppróbrium hómi-num, et abjectio plebis. **ŷ.** Omnes vi-déntes me derisérunt me : locúti sunt lábiis, et movérunt caput. **ŷ.** Sicut aqua effusus sum, et dispérsa sunt ómnia ossa mea : factum est Cor meum tamquam cera liquescens in médio ventris mei.

Post Pascha.

Allelúia, allelúia. **ŷ. Ps. 29.** Dómine Deus meus, clamávi ad te, et sanásti me : eduxísti ab inférno ánimam meam. Allelúia. **ŷ.** Convertísti planctum meum in gáudium mihi : conscidísti saccum meum, et circumdedísti me lætítia. Allelúia.



Sequéntia sancti Evangélíi secún-dum Joánnem. **Cap. 15.**

In illo témpore : Dixit Jesus discipulis suis : Sicut diléxit me Pater, et ego

diléxi vos. Manéte in dilectióne mea. Si præcépta mea servavéritis, manébitis in dilectióne mea, sicut et ego Patris mei præcépta servávi, et máneo in ejus di-lectióne. Hæc locúsus sum vobis, ut gáudium meum in vobis sit, et gáudium vestrum impleátur. Hoc est præcéptum meum, ut diligátis invicem, sicut diléxi vos. Majórem hac dilectiónem nemo ha-bet, ut ánimam suam ponat quis pro amicis suis. Vos amici mei estis, si fecé-ritis quæ ego præcipio vobis. Jam non dicam vos servos : quia servus nescit quid faciát dóminus ejus. Vos autem dixi amicos : quia ómnia quæcúmque audívi a Patre meo, nota feci vobis. Non vos me elegístis, sed ego elégi vos : et pósui vos, ut eátis, et fructum afferátis, et fructus vester máneat : ut quodecúmque petiéritis Patrem in nómine meo, det vobis.

Credo.

Offertorium. I Paralip. 29. Dómine Deus, in simplicitáte cordis mei lætus obtulí univérsa : et pópulum tuum vidi cum ingénti gáudio tibi offerre donária : Deus Israel, custódi hanc voluntátem cordis eórum, allelúia.

Secreta.

Illo nos igne, quæsumus, Dómine, Spíritus sanctus inflámmet, quem Dó-minus noster Jesus Christus e penetráli-bus Cordis sui misit in terram, et voluit veheménter accendi. Qui tecum vivit et regnat in unitáte ejúsdem.

Præfatio de Nativ. Domini. Et sic di-citur etiam in Missis votivis a Dominica Trinitatis usque ad Septuagesimam. A Septuagesima vero usque ad Pentecosten, Præfatio de Cruce.

Communio. Ps. 33. Gustáte et vidéte quóniam suávis est Dóminus : in ætér-num misericórdia ejus, allelúia.

Postcommunio.

Præbeant nobis, Dómine Jesu, divi-num tua sancta fervórem : quo dul-císsimi Cordis tui suavitaté percépta, discámus terréna despícere, et amáre cœlestia. Qui vivis et regnas cum Deo Patre.

FESTA JUNII

DIE II
IN FESTOB. M. ANNÆ A JESU DE PAREDES
VIRGINISMissa Dilexisti, de Communi Virginis.
21*, præter Orationes sequentes.

Oratio.

DEUS, qui inter sæculi etiã illécebras
beátam Mariam Annam, ut lilium
inter spinas, virgináli castitáte et jugi
pœniténtia floréscere voluisti : præsta,
quæsumus ; ut ejus méritis et interces-
sióne retrahámur a vitiis, et perfectióra
sectémur. Per Dóminum.

Secreta.

ASCÉNDANT ad te, Dómine, quas in
beátæ Mariæ Annæ solemnitate offé-
rimus preces, et hóstia hæc salutáris vir-
gineo fragrans odóre. Per Dóminum.

Postcommunio.

CELÉSTI alimónia refécti, súpplīces te,
Dómine, deprecámur : ut beátæ Ma-
riæ Annæ précibus et exémplo ab omni
labe mundáti, et corpore tibi placeámus
et mente. Per Dóminum.

DIE XV
IN FESTOSANCTÆ GERMANÆ COUSIN
VIRGINISMissa Vultum tuum, de Comm. Virg.
22*, præter Orationes sequentes.

Oratio.

DEUS, humilium celsitúdo, qui beátam
Germánam, Virginem tuam, chari-
tátis et patiéntiæ decóre excéllere dispo-
suisti : ejus méritis et intercessióne con-
céde ; ut crucem júgiter feréntes, te
semper diligere valeámus. Per.

Et fit Commem. SS. Viti, Modesti atque
Crescentiæ, Mart., ut in Missali. 373.

Secreta.

SÚPPLICES te rogámus, omnipotens
Deus, ut beátæ Germánæ, Virginis
tuæ, suffúlti præsidio, puris méntibus et
mundo corde hæc sacra mystéria operé-
mur. Per Dóminum.

Postcommunio.

DIVINI múnēris participatióne refécti,
quæsumus, Dómine Deus noster :
ut, intercedénte beáta Germána, Virgine
tua, mortificatióne Jesu in corpore no-
stro circumferéntes, tibi uni adhærere
valeámus. Per eúmdem Dóminum.

DIE XVI
IN FESTOS. JOANNIS FRANCISCI REGIS
CONFESSORISMissa Os justi, de Comm. Conf. non
Pont. 16*, præter Orat. seq.

Oratio.

DEUS, qui ad plúrimos pro salúte ani-
márum perferéndos labóres, beá-
tum Joánnem Franciscum, Confessórem
tuum, mirábili charitáte et invicta pa-
tiéntia decorásti : concéde propítius ; ut
ejus exémpis instrúcti, et intercessióni-
bus adjúti, æternæ vitæ præmia conse-
quámur. Per Dóminum.

ALIA MISSA IN EODEM FESTO
PRO SOCIETATE JESU

Introitus. Luc. 4. Is. 61.

SPÍRITUS Dómini super me, propter
quod unxit me : evangelizáre pau-
péribus misit me, sanáre contritos
corde, prædicáre annum Dómini accé-
ptum, et diem retributiónis. Ps. 9.
Exsúrge, Dómine Deus, exaltétur manus
tua : ne obliviscáris páuperum. ̎. Glória
Patri. Spíritus.

Oratio.

DEUS, qui ad plúrimos pro salúte ani-
márum perferéndos labóres, beá-
tum Joánnem Franciscum, Confessórem
tuum, mirábili charitáte et invicta pa-
tiéntia decorásti : concéde propítius ; ut
ejus exémpis instrúcti, et intercessióni-
bus adjúti, æternæ vitæ præmia conse-
quámur. Per Dóminum.

Lectio Epístolæ beáti Pauli Apóstoli
ad Thessalonicénses. I Thess. 2.

FRATRES, Fidúciã habúimus in Deo
nostro loqui ad vos Evangélium Dei
in multa sollicitúdine. Exhortátio enim
nostra non de erróre, neque de immun-

dítia, neque in dolo; sed sicut probáti sumus a Deo, ut crederétur nobis Evagélium, ita loquimur, non quasi hominibus placéntes, sed Deo, qui probat corda nostra. Neque enim aliquándó fúimus in sermóne adulatiónis, sicut scitis : neque in occasióne avaritiae, Deus testis est : nec quæréntes ab homínibus glóriam, neque a vobis, neque ab áliis; cum possémus vobis óneri esse, ut Christi Apóstoli : sed facti sumus párvuli in médio vestrum, tamquam si nutrix foveat filios suos. Ita desiderántes vos, cúpide volebámus trádere vobis non solum Evagélium Dei, sed étiam ánimas nostras : quóniam charíssimi nobis facti estis. Mémoires enim estis, fratres, labóris nostri et fatigatiónis : nocte ac die operántes, ne quem vestrum gravarémus, prædicávimus in vobis Evagélium Dei.

Graduale. Ps. 91. Justus ut palma florébit : sicut cedrus Libani multiplicábitur in domo Dómini. *ŷ.* Ad annuntiándum mane misericórdiam tuam, et veritátem tuam per noctem.

Allelúia, allelúia. *ŷ. Ps. 67.* Dóminus dabit verbum evangelizántibus virtúte multa. Allelúia.

Post Septuagesimam, in Missis votivis, omissis Allelúia et *ŷ. seq.*, dicitur

Tractus. Ps. 111. Beátus vir qui timet Dóminum : in mandátis ejus cupit nimis. *ŷ.* Potens in terra erit semen ejus, generatío rectórum benedicétur. *ŷ.* Glória et divítiae in domo ejus : et justítia ejus manet in sæculum sæculi.

Tempore Paschali omittitur Graduale, et ejus loco dicitur

Allelúia, allelúia. *ŷ. Ps. 67.* Dóminus dabit verbum evangelizántibus virtúte multa. Allelúia. *ŷ.* Justus germinábit sicut lílium, et florébit in ætérnum ante Dóminum. Allelúia.



Sequéntia sancti Evagélii secúndum Matthæum. Cap. 9.

In illo témpore : Circuibat Jesus omnes civitátes et castélla, docens in synagógis eórum, et prædicans Evagélium regni, et curans omnem languórem et omnem infirmitátem. Videns autem tur-

bas, misértus est eis, quia erant vexáti et jacéntes, sicut oves non habéntes pastórem. Tunc dicit discipulis suis : Messis quidem multa, operárii autem pauci. Rogáte ergo dóminum messis, ut mittat operários in messem suam.

Offertorium. Job 29. Benedictio peritúri super me veniébat, et cor víduæ consolátus sum : óculus fui cæco, et pes claudó : pater eram páuperum.

Secreta.

Charitátis víctima, quam immolántes offérimus, sit nobis, Dómine, te miseránte, propitiábilis, et beáti Joánnis Francísci précibus et méritis, ad obtinéndum patientiae et charitátis augméntum éfficax et salutáris. Per Dóminum nostrum Jesum Christum.

Communio. Is. 52. Quam pulchri super montes pedes annuntiántis et prædicántis pacem, annuntiántis bonum, prædicántis salútem!

Postcommunio.

Crescat in nobis, Dómine, pietátis tuæ efféctus salutáris : ut cœlésti pábulo refécti, et Sanctórum exémpis accénsi, ad ætérnæ salútis portum, te misericórditer protegénte, et beáto Joánni Francíscó intercedénte, feliciter pervenire valeámus. Per Dóminum.

DIE XVII

IN FESTO B. PETRI DE PISIS, CONF.

Missa Os justi, de Comm. Conf. non Pont. 16*, præter Orationem sequentem.

Oratio.

Deus, qui in Ecclesiá tua nova semper instáuras exémpa virtútum : da nobis beáti Petri, Confessóris tui, ita inhærere vestigiis, ut assequámur et præmia. Per Dóminum.

EADEM DIE

IN FESTO B. PAULI BURALIS

EPISCOPI ET CONFESSORIS

Missa Stáuit, de Comm. Conf. Pont. 12*, præter Orationem sequentem.

Oratio.

Deus, qui admirábiles vocatiónis tuæ trámites in beáto Paulo multifó-

miter ostendisti : ejus nobis intercessiōne concēde; ut te vocāntem, et intelligere, et fidēliter sequi valeāmus. Per Dōminum nostrum Jesum Christum Fīlium tuum.

DIE XXV

IN FESTO S. GALLICANI

MARTYRIS

Missa In virtūte tua, de Comm. unius Mart. 4, præter Orationem et Evangelium quæ sequuntur.*

Oratio.

DEUS, qui beātum Gallicānum Mārtirem ad tui cognitiōnem mirabiliter perduxisti, et per eum novo Ecclēsiā tuā charitātis exēmplo illustrāre dignātus es : concēde propitiū; ut ejūsdem prēcibus et imitatiōne, promissa misericōrdibus prēmia consequāmur. Per Dōminum.

Et fit Commem. Octavæ S. Joannis Baptistæ.



Sequētia sancti Evangelīi secundum Lucam. Cap. 10.

In illo tēpore : Suscīpiens Jesus, dixit : Homo quidam descendēbat ab Jerūsalem in Jérico, et incidit in latrōnes, qui etiā despoliāverunt eum, et plagis impōsitis abiērunt, semivivo relicto. Accidit autem ut sacerdos quidam descendēret eādē via, et viso illo, præterivit. Similiter et levita, cum esset secus locum, et vidēret eum, pertransiit. Samaritānus autem quidam iter faciēns venit secus eum, et videns eum, misericōrdia motus est, et appropians alligāvit vūlnera ejus, infūdēns ōleum et vinum : et impōnens illum in jumentum suum, duxit in stābulum, et curam ejus egit. Et altera die prōtulit duos denārios, et dedit stabulārio, et ait : Curam illius habe : et quodcūque supererogāveris, ego, cum rediero, reddam tibi. Quis horum trium vidētur tibi prōximus fuisse illi qui incidit in latrōnes? At ille dixit : Qui fecit misericōrdiam in illum. Et ait illi Jesus : Vade, et tu fac similiter.

DIE XXVIII

IN FESTO S. IRENÆI

EPISCOPI ET MARTYRIS

Introitus. Malach. 2.

LEX veritātis fuit in ore ejus, et iniquitas non est invēta in labiis ejus : in pace et in æquitāte ambulāvit mecum, et multos avērtit ab iniquitāte. Ps. 119. Cum his qui odērunt pacem eram pacificus : cum loquēbar illis, impugnābant me gratis. ̎. Glória Patri. Lex.

Oratio.

DEUS, qui beāto Irenæo, Mārtiri tuo atque Pontifici, tribuisti ut et veritāte doctrinā expugnāret hæreses, et pacem Ecclēsiæ feliciter confirmāret : da, quæsumus, plebi tuæ in sancta religiōne constantiam; et pacem tuā nostris concēde tempōribus. Per Dōminum.

Commem. Octav. S. Joannis Baptistæ, ac Vigilæ SS. Petri et Pauli, ut in Missali. 381, et ejusdem Vigil. Evang. legitur in fine.

Lectio Epistolæ beāti Pauli Apóstoli ad Timotheum. II Tim. 3 et 4.

CHARÍSSIME, Pérmāne in iis quæ didicisti, et crēdita sunt tibi, sciens a quo didiceris : et quia ab infāntia sacras litteras nosti, quæ te possunt instrūere ad salutē per fidē quæ est in Christo Jesu. Omnis Scriptūra divinitus inspirāta utilis est ad docēdum, ad arguēdum, ad corripiēdum, ad erudiēdum in justitia, ut perfēctus sit homo Dei, ad omne opus bonum instrūctus. Testificor coram Deo et Jesu Christo, qui judicāturus est vivos et mōrtuos, per advēntum ipsius, et regnum ejus : prædica verbum, insta opportūne, importūne : argue, obsecra, increpa in omni patiētia et doctrina. Erit enim tempus, cum sanam doctrinā non sustinēbunt, sed ad sua desidēria coacervābunt sibi magistros pruriētes auribus : et a veritate quidem auditum avērtent, ad fābulas autem convertētur. Tu vero vigila, in omnibus labōra, opus fac Evangelistæ, ministērium tuum imple.

Graduale. Ps. 121. Propter fratres meos et próximos meos loquébar pacem de te. **ŷ. Ps. 36.** Custódi innocentiam, et vide aequitatem : quóniam sunt reliquiae hómini pacífico.

Allelúia, allelúia. ŷ. Eccli. 6. In multitúdine presbyterórum prudéntium sta : et sapiéntiae illórum ex corde conjungere, ut omnem narratióem Dei possis audire. **Allelúia.**



Sequéntia sancti Evangelíi secundum Joánnem. **Cap. 10.**

In illo témpore : Dixit Jesus pharisæis : Ego sum Pastor bonus : bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves próprie, videt lupum veniéntem, et dimittit oves, et fugit : et lupus rapit, et dispérgit oves. Mercenárius autem fugit, quia mercenárius est, et non pértinet ad eum de óvibus. Ego sum Pastor bonus, et cognósko meas, et cognóscunt me meae. Sicut novit me Pater, et ego agnósko Patrem : et ánimam meam pono pro óvibus meis. Et álias oves hábeo quæ non sunt ex hoc ovili : et illas opórtet me addúcere, et vocem meam audient, et fiet unum ovile, et unus Pastor.

Offertorium. Eccli. 24. Doctrínam quasi antelucánum illúmino ómnibus, et enarrábo illam usque ad longínquum.

Secreta.

DEUS, qui credéntes in te pópulos nullis sinis cóncuti terróribus, dignáre preces et hóstias dicáte tibi plebis suscipere : ut pax a tua pietáte concéssa, christianórum fines ab omni hoste fáciat esse secúros. Per Dóminum.

Communio. Eccli. 24. Vidéte quóniam non soli mihi laborávi, sed ómnibus exquiréntibus veritátem.

Postcommunio.

DEUS, auctor pacis et amátor, quem nosse vivere, cui servíre regnáre est : prótege ab ómnibus impugnatióibus súpplíces tuos ; ut qui in defénsiõe tua confidimus, beáti Irenæi, Mártiris tui atque Pontificis, intercessiõe, nullius hostilitátis arma timeámus. Per.

DIE XXII

COMMÉMORATIO

OMNIUM SS. APOSTOLORUM

FACIENDA

IN MISSA DE SS. PETRO ET PAULO

Oratio.

DEUS, qui nos per beátos Apóstolos tuos ad agnitióem tui nóminis veníre tribuísti : da nobis eórum glóriam sempitérnam et proficiendo celebráre, et celebrándo proficere. Per Dóminum.

Secreta.

GLÓRIAM, Dómine, sanctórum Apostolórum tuórum perpétuam venerántes : quæsumus ; ut eam, sacris mystériis expiáti, dignius celebrémus. Per.

Postcommunio.

PERCÉPTIS, Dómine, sacraméntis, súpplícter exorámus : ut, intercedéntibus beátis Apóstolis tuis, quæ pro illórum veneránda gérimus passiõe, nobis proficiant ad medélam. Per Dóminum.

Aliæ Orationes.

Oratio.

DEUS, qui nos ánnua Apostolórum tuórum Commemoriatiõe lætíficas : præsta, quæsumus ; ut quorum gaudémus méritis, instruíamur exémpis. Per.

Secreta.

MÚNERA, Dómine, quæ pro Apostolórum tuórum Commemoriatiõe deférimus, propítius súsceipe, et mala ómnia quæ merémur, avérte. Per.

Postcommunio.

QUÆSUMUS, Dómine, salutáribus repléti mystériis : ut quorum Commemoriatiõe celebrámus, eórum oratióibus adjuvémur. Per Dóminum.

Aliæ Orationes.

¶ Alibi, ex Decreto Pii VI, die 18 Maii 1798, pro aliquibus locis, et Resp. S. Rit. Congr. 19 Oct. 1818, sumuntur sequentes Orationes.

(Pro Gallia.)

Oratio.

EXÁUDI nos, Deus salutáris noster : et ómnium sanctórum Apostolórum tuórum tuére præsidíis, quorum donáti fidéles esse doctrínis. Qui vivis.

Secreta.

GLÓRIAM, Dómine, sanctórum Apostolórum tuórum perpétuam celebrántes, quæsumus, ut eámdem, sacris mystériis expiáti, dignius celebrémus. Per Dóminum.

Postcommunio.

QUÆSUMUS, omnipotens Deus : ut fideles tui venerandas assidue celebrántes sanctórum Apostolórum tuórum passiones ; et cópiam invéniant perpétuæ devotiónis, et salutis æternæ suffragia majóra conquirant. Per Dóminum.

FESTA JULII

DIE III

IN FESTO S. MARTIALIS

EPISCOPI ET CONFESSORIS

Missa Sacerdótes, de Communi Conf. Pont. 17*, præter Orationem sequentem.

Oratio.

OMNIPOTENS sempitérne Deus, qui beátum Martiálem, Confessórem tuum atque Pontificem, plebi tuæ sanctæ præesse voluisti : quæsumus ; ut ejus suffragántibus méritis, pietátis tuæ grátiam largiáris. Per Dóminum.

Et fit Commem. Octavæ Apostolorum.

DIE V

IN FESTO

S. MICHAELIS DE SANCTIS

CONFESSORIS

Introitus. Sap. 4.

CONSUMMÁTUS in brevi, explévit témpora multa : plácita enim erat Deo ánima illius : propter hoc peperávit educere illum de médio iniquitátum. Ps. 41. Quemádmódum desiderat cervus ad fontes aquárum, ita desiderat ánima mea ad te, Deus. ŷ. Glória Patri. Consummátus.

Oratio.

MISÉRICORS Deus, qui sanctum Michaélem, Confessórem tuum, morum innocentia et mirábili charitaté præstare voluisti : concéde, quæsumus ; ut ejus intercessióne, a vitiis liberáti et igne tui

amóris succénsi, ad te pervenire mereámur. Per Dóminum.

Et fit Commem. Octavæ Apostolorum.

Léctio libri Sapiéntiæ. Cant. 8.

PONE me ut signáculum super cor tuum, ut signáculum super bráchium tuum : quia fortis est ut mors dilectio, dura sicut inférnus æmulatio : lámpades ejus, lámpades ignis atque flammárum. Aquæ multæ non potuerunt exstinguere charitatém, nec flúmina óbruent illam : si déderit homo omnem substántiam domus suæ pro dilectióne, quasi nihil despiciet eam.

Graduale. Ps. 65. Venite, audíte, et narrábo, omnes qui timétis Deum, quanta fecit ánimæ meæ. ŷ. Ps. 70. Deus, docuisti me a juventúte mea, et usque nunc pronuntiábo mirabilia tua.

Allelúia, allelúia. ŷ. Ps. 83. Cor meum et caro mea exsultavérunt in Deum vivum. Allelúia.



Sequéntia sancti Evangélíi secúndum Matthæum. Cap. 22.

IN illo témpore : Respóndens Jesus, ait sadducæis : Errátis, nesciéntes Scriptúras, neque virtútem Dei. In resurrectione enim neque nubent, neque nubéntur : sed erunt sicut Angeli Dei in cælo. De resurrectione autem mortuórum non legistis quod dictum est a Deo dicénte vobis : Ego sum Deus Abraham, et Deus Isaac, et Deus Jacob? Non est Deus mortuórum, sed vivéntium. Et audiéntes turbæ, mirabántur in doctrína ejus. Pharisei autem audiéntes quod siléntium imposuisset sadducæis, convenérunt in unum : et interrogávit eum unus ex eis legis doctor, tentans eum : Magíster, quod est mandátum magnum in lege? Ait illi Jesus : Diliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum et primum mandátum. Secúndum autem símile est huic : Diliges próximum tuum sicut teípsum. In his duóbus mandátis univérsa Lex pendet et Prophétæ.

Credo ratione Oct. Apost.

Offertorium. Ps. 23. Júdica me, Dómine, quóniam ego in innocéntia mea ingressus sum, et in Dómino sperans non infirmabor.

Secreta.

HÆC hóstia, Dómine, placatiónis et laudis, quam Majestáti tuæ pro sancti Michaélis honóre solémniter offérimus, et tibi grata, et nobis salutáris, te miseránte, reddátur. Per Dóminum.

Communio. Prov. 23. Præbe, fili mi, cor tuum mihi : et óculi tui vias meas custódiant.

Postcommunio.

CŒLÉSTIBUS donis refécti, quæsumus, Omnipotens et miséricors Deus : ut ignem tui amóris, quo sancti Michaélis cor semper exársit, in nobis cleménter accéndas. Per Dóminum.

DIE VII

**IN FESTO SANCTÆ PULCHERLÆ
IMPERATRICIS, VIRGINIS**

Introitus. Ps. 44.

VULTUM tuum deprecabúntur omnes divites plebis : adducéntur Regi Virgines post eam : próximæ ejus adducéntur tibi in lætítia et exultatióne. Ps. Eructávit cor meum verbum bonum : dico ego ópera mea Regi. **ŷ.** Glória Patri. Vultum.

Oratio.

DEUS, qui beátam Pulchériam, Virginem tuam, singulári castitátis prerogativa decorásti, quique illi ad defendéndam Ecclésiám tuam summum fidei amórem tribúere voluísti : concede ; ut ejus intercessióne, tibi puris méntibus inhæréntes, ab ómnium hóstium insídiis misericórditer liberémur. Per Dóminum.

Et fit Commem. Oct. Apost.

Lectio Epistolæ beáti Pauli Apóstoli
ad Corínthios. **I Cor. 7.**

FRATRES, De virgínibus præcéptum Dómini non hábeo : consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómíni

sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatiónem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : réliquum est ut et qui habent uxóres, tamquam non habéntes sint.

Graduale. Ps. 44. Spécie tua et pulchritúdine tua inténde, prospere procéde, et regna. **ŷ.** Propter veritátem, et mansuetúdinem, et justitiam : et dedúcet te mirabíliter dextera tua.

Allelúia, allelúia. **ŷ.** Filiae regum in honóre tuo : ádstitit regína a dextris tuis in vestitú deauráto, circúmdata varietáte. Allelúia.



Sequéntia sancti Evangélíi secúndum Joánnem. **Cap. 17.**

IN illo témpore : Dixit Jesus : Hæc est autem vita atérna, ut cognóscant te solum Deum verum, et quem misisti Jesum Christum. Ego te clarificávi super terram : opus consummávi, quod dedisti mihi ut fáciam : et nunc clarifica me tu, Pater, apud temetípsum, claritáte quam hábui, priúsqvam mundus esset, apud te. Manifestávi nomen tuum homínibus quos dedisti mihi de mundo. Tui erant, et mihi eos dedisti : et sermónem tuum servavérunt. Nunc cognovérunt quia ómnia quæ dedisti mihi, abs te sunt : quia verba quæ dedisti mihi, dedi eis : et ipsi acceperunt, et cognovérunt vere quia a te exívi, et credidérunt quia tu me misisti.

Offertorium. Judith 13. Tu glória Jerúsalem, tu lætítia Israel, tu honorificéntia pópuli nostri : quia fecisti viríliter, et confortátum est cor tuum, eo quod castitátem amáveris.

Secreta.

ACCÉPTA tibi sit, Dómine, sacrátæ plebis oblátio pro tuórum honóre Sanctórum, quorum se méritis de tribulatióne percepísse cognóscit auxílium. Per Dóminum.

Communio. Sap. 4. O quam pulchra es

casta generatio cum claritate! Immortalis est enim memoria illius, quoniam et apud Deum nota est, et apud homines.

Postcommunio.

SATIASTI, Domine, familiam tuam munerebus sacris : ejus, quaesumus, semper interventione nos refove, cujus solennia celebramus. Per Dominum.

DIE IX

IN FESTO PRODIGIORUM B. M. V.

Missa Salve, sancta Parens. 39*; **Credo**; **Præfatio de Beata**. Et te in Festivitate.

EADEM DIE

IN FESTO

SANCTÆ VERONICÆ DE JULIANIS VIRGINIS

Missa Dilexisti, de Communi Virg. 21*, præter Orat. seq.

Oratio.

DOMINE Jesu Christe, qui beatam Veronicam Virginem Passionis tuæ signis mirabilem effecisti : concede propitius ; ut carnem crucifigentes, ad gaudia æterna pervenire mereamur. Qui vivis.

Secreta.

SUSCIPE, misericors Deus, quas tibi humiliter offerimus, laudis hostias : et interveniente beata Verónica, Virgine tua, fac eas nobis ad perpetuum provenire subsidium. Per Dominum.

Postcommunio.

CELÉSTI munere roborátos fac nos, quaesumus, Domine Deus noster, beatæ Veronicæ, Virginis tuæ, et exemplis instrui, et patrocinii adjuvâri. Per.

EADEM DIE

IN FESTO SS. NICOLAI ET SOCIORUM

MARTYRUM GORCOMIENSIIUM

Missa Intret in conspectu, de Communi. 9*, præter Orat. seq.

Oratio.

DEUS, qui sanctorum Martyrum tuorum Nicolai et sociorum ejus, gloriosum pro fide tua certamen æternitatis laurea decorasti : concede propitius ; ut eorum meritis et imitatione certantes in terris,

cum ipsis coronari mereamur in caelis. Per Dominum.

DIE XV

IN FESTO DIVISIONIS XII APOSTOLORUM

Introitus. Ps. 138.

MITHI autem nimis honorati sunt amici tui, Deus : nimis confortatus est principatus eorum. Ps. Domine, probasti me, et cognovisti me : tu cognovisti sessionem meam et resurrectionem meam. **Ÿ.** Glória Patri. Mihi.

Oratio.

DEUS, qui nos, per beatos Apostolos tuos, ad agnitionem tui nominis venire tribuisti : da nobis eorum gloriam sempiternam et proficendo celebrare, et celebrando proficere. Per Dominum.

Epistola. Corde enim, ut in Festo S. Andreae Apostoli. 290.

Graduale. Ps. 44. Constitues eos principes super omnem terram : memores erunt nominis tui, Domine. **Ÿ.** Pro patribus tuis nati sunt tibi filii, propterea populi confitebuntur tibi.

Allelúia, allelúia. **Ÿ.** Ps. 138. Nimis honorati sunt amici tui, Deus : nimis confortatus est principatus eorum. Allelúia.



Sequentia sancti Evangelii secundum Marcum. **Cap. 16.**

IN illo tempore : Dixit Jesus discipulis suis : Eúntes in mundum univérsum, prædicatè Evangelium omni creaturæ. Qui crediderit et baptizátus fuerit, salvus erit : qui vero non crediderit, condemnabitur. Signa autem eos qui crediderint, hæc sequéntur : In nómine meo dæmónia ejicient : linguis loquéntur novis : serpéntes tollent : et si mortíferum quid biberint, non eis nocébit : super ægros manus impónent, et bene habébunt. **¶** Et Dóminus quidem Jesus, postquam locútus est eis, assumptus est in cælum, et sedet a dextris Dei. Illi autem profecti, prædicavérunt ubique, Dómino cooperante, et sermonem confirmante sequéntibus signis. **Credo.**

Offertorium. Ps. 18. In omnem terram exívit sonus eorum : et in fines orbis terræ verba eorum.

Secreta.

GLÓRIAM, Dómine, sanctorum Apostolorum tuorum perpétuam venerantes, quæsumus, ut eam, sacris mysteriis expiati, dignius celebrémus. Per.

Præfatio de Apostolis.

Communio. *Matth. 19.* Vos qui secuti estis me, sedebitis super sedes, iudicantes duodecim tribus Israel.

Postcommunio.

PERCÉPTIS, Dómine, Sacramentis, suppliciter exoramus; ut, intercedentibus beatis Apóstolis tuis, quæ pro illorum veneranda gérimus festivitáte, nobis proficiant ad medelam. Per Dóminum.

EADÉM DIE

INVENTIO CORPORIS SANCTÆ ROSALÆ
VIRGINIS

Missa ut in die 4 Sept. 130*.

DIE XVII

IN FESTO S. ALEXII, CONF.

(In Urbe, et toto Districtu Romæ.)

Introitus. *Gen. 12.*

EGRÉDERE de terra tua et de domo patris tui, et veni in terram quam monstrábo tibi. *Ps. 44.* Obliviscere pópulum tuum et domum patris tui, et concupiscet Rex decórem tuum. *ŷ.* Glória Patri. Egrédere.

Oratio.

DEUS, qui beátum Aléxium, Confessórem tuum, in mundi contemptu miráblem effecisti: præsta, quæsumus; ut, intercessiónis ejus auxilio, fideles tui terréna despiciant, et ad celéstia semper aspírent. Per Dóminum.

Lectio Epístolæ beáti Pauli Apóstoli ad Timótheum. *I Tim. 6.*

CHARÍSSIME, Est quæstus magnus pietas cum sufficiéntia. Nihil enim intúlimus in hunc mundum: haud dúbium quod nec auferre quid póssumus. Habéntes autem aliménta, et quibus tegámur, his conténti simus. Nam qui volunt divites fieri incidunt in tentatióem, et in láqueum diaboli, et desidéria multa inutilia et nocíva, quæ mergunt hómines

in intéritum et perditioném. Radix enim ómnium malórum est cupiditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge: sectáre vero justitiam, pietátem, fidem, charitátem, patiéntiam, mansuetúdinem. Certa bonum certámen fidei: apprehénde vitam aetérnam.

Graduale. *Jer. 12.* Reliqui domum meam, dimisi hæreditátem meam. *ŷ. Ps. 72.* Quia bonum mihi est adhærere Deo: pónere in Dómino Deo spem meam.

Allelúia, allelúia. ŷ. Ps. 5 et 131. Introibo in domum tuam: hæc réquies mea in sæculum sæculi: hic habitábo, quóniam elégi eam. *Allelúia.*



Sequéntia sancti Evangélii secundum Matthæum. *Cap. 19.*

IN illo témpore: Dixit Petrus ad Jesum: Ecce nos reliquimus ómnia, et secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratióne, cum séderit Filius hóminis in sede majestátis suæ, sedebitis et vos super sedes duodecim, iudicantes duodecim tribus Israel. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accipiet, et vitam aetérnam possidebit.

Offertorium. *Gen. 32.* Revértere in terram tuam, et in locum nativitátis tuæ, et benefáciam tibi.

Secreta.

PROPÍRIUS esto, Dómine, supplicatióibus nostris, et intercessióne beáti Aléxii, Confessóris tui, ómnium nostrum ad te corda converté: ut, a mundánis cupiditatibus expediti, te solum pura mente sectémur. Per Dóminum.

Communio. *Job 19, et Ps. 26.* Inquilíni domus meæ et ancillæ meæ sicut aliénium habuérunt me, et quasi peregrínus fui in óculis eórum: Dóminus autem assúpsit me.

Postcommunio.

SÚMPSIMUS, Dómine, sacri dona mysterií, humiliter deprecánte: ut beá-

tum Aléxium, Confessórem tuum, quem admiráblem in mundi contéptu prædicámus in terris, intercessórem habére mereámur in cælis. Per Dóminum.

DIE XIX

IN FESTO S. VINCENTII A PAULO

CONF., CONGREG. MISSIONIS INSTIT.

(Pro eadem Congregatione.)

Introitus. Ps. 131.

PAUPERES Sion saturábo pánibus; Sacerdótes ejus induam salutári, et Sancti ejus exsultatíone exsultábunt. Ps. Meménto, Dómine, David, et omnis mansuetúdinis ejus. *ŷ.* Glória Patri. Páuperes.

Oratio.

DEUS, qui ad salutém páuperum et Cleri disciplinam, novam in Ecclésia tua per beátum Vincéntium familiam congregásti: da, quæsumus; ut eódem nos quoque spirítu fervéntes, et amémus quod amávit, et quod dócuit operémur. Per.

Lectio Epístolæ beáti Pauli Apóstoli ad Corínthios. *I Cor. 1 et 2.*

VIDÉTE vocatiónem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapiéntes: et infirma mundi elégit Deus, ut confúndat fórtia: et ignobilia mundi et contemptibilia elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus. Ex ipso autem vos estis in Christo Jesu, qui factus est nobis sapiéntia a Deo, et justítia, et sanctificatió, et redemptio; ut quemádmódum scriptum est: Qui gloriátur, in Dómino gloriétur. Et ego, cum venissem ad vos, fratres, veni non in sublimitáte sermónis, aut sapiéntiæ, annúntians vobis testimónium Christi. Non enim judicávi me scire aliquid inter vos, nisi Jesum Christum, et hunc crucifixum.

Graduale. Luc. 4. Evangelizáre pauperibus misit me, sanáre contritos corde. *ŷ. Ps. 67.* Parásti in dulcédine tua páuperi, Deus: Dóminus dabit verbum evangelizántibus virtúte multa.

Allelúia, allelúia. *ŷ. Is. 52.* Quam pulchri super montes pedes annuntiántis et prædicántis pacem, annuntiántis bonum, prædicántis salutem! Allelúia.

In Missis votivis post Septuagesimam, omissis Allelúia et *ŷ. seq.*, dicitur

Tractus. Prov. 31. Manum suam apéruit inopi, et palmas suas exténdit ad páuperem. *ŷ. Ps. 40.* Beátus qui intelligit super egénium et páuperem, in die mala liberábit eum Dóminus. *ŷ. Ps. 111.* Jucúndus homo qui miserétur et cõmodat: dispónet sermónes suos in iudicio, quia in ætérnum non commóvetur.

Tempore Paschali omittitur Graduale, et ejus loco dicitur

Allelúia, allelúia. *ŷ. Is. 52.* Quam pulchri super montes pedes annuntiántis et prædicántis pacem, annuntiántis bonum, prædicántis salutem! Allelúia. *ŷ. Ibid.* Exite de médio Babylónis: munda mini, qui fertis vasa Dómini. Allelúia.



Sequéntia sancti Evangélíi secúndum Matthæum. *Cap. 9.*

In illo témpore: Circuibat Jesus omnes civitatés et castélla, docens in synagógis eórum, et prædicans Evangélium regni, et curans omnem languórem et omnem infirmitátem. Videns autem turbas, misértus tunc eis: quia erant vexáti et jacéntes sicut oves non habéntes pastórem. Tunc dicit discipulis suis: Messis quidem multa, operárii autem pauci. Rogáte ergo dóminum messis, ut mittat operários in messem suam. Credo.

Communio. III Reg. 8. Inclínet Dóminus Deus noster corda nostra ad se, ut ambulémus in univérsis viis ejus, et custodiámus mandáta ejus, et cæremónias ejus, et judícia quaecúmque mandávit pátribus nostris.

Secreta.

DEUS, qui beáto Vincéntio, divína quodidie celebránti mystéria, tribuísti quod tractábat imitari: ejus nobis præcibus indúlge, ut immaculatam hóstiam offeréntes, ipsi quoque in holocáustum tibi accéptum transeámus. Per.

Communio. Ps. 106. Confiteantur Dómino misericórdiæ ejus, et mirabilia ejus filiis hóminum : quia satiávit ánimam inánem, et ánimam esuriéntem satiávit bonis.

Postcommunio.

CŒLÉSTIBUS, Dómine, refécti sacraméntis, quæsumus, ut ad evangeli-zántem paupéribus Filium tuum imitándum, beáti Vincéntii, sicut exémpis provocámur, ita et patrocíniis adjuvémur. Per eúndem Dóminum.

DIE XX

IN FESTO S. ELLE

PROPHETÆ, CONFESSORIS

Introitus. III Reg. 19.

ZELO zelátus sum pro Dómino Deo exercítum, dixit Elías ad Dóminum, quia dereliquérunt pactum tuum filii Israel: altária tua destruxérunt; prophétas tuos occidérunt gládio: derelictus sum ego solus, et quærunť ánimam meam, ut áuferant eam. Ps. 29. Exaltábo te, Dómine, quóniam suscepísti me: nec delectásti inimicos meos super me. **ŷ.** Glória Patri. Zelo.

Oratio.

PRÆSTA, quæsumus, omnipotens Deus: ut qui beátum Eliam, Prophétam tuum, ígneo curru mirabiliter elevátum esse crédimus; eódem interveniéntem, ad cœléstia sublevémur, et Sanctorum tuórum consórtio gaudeámus. Per.

Et **commem.** sanctæ Margaritæ, Virg. et Mart. **Orat.** Indulgéntiam, ex Missa Me exspectavérunt, de Comm. 20*.

Léctio libri Sapiéntiæ. Eccli. 48.

SURRÉXIT Elías Prophéta quasi ignis, et verbum ipsius quasi fácula ardébat. Qui indúxit in pópulos famem, et irrítantes illum invidia sua, pauci facti sunt: non enim póterant sustinére præcépta Dómini. Verbo Dómini continuit cœlum, et dejécit de cœlo ignem ter. Sic amplificátus est Elías in mirabilibus suis. Et quis potest similiter sic gloriári tibi? Qui sustulísti mórtuum ab inferis de sorte mortis in verbo Dómini Dei. Qui dejecísti reges ad pernície, et confregisti fáciie poténtiam ipsórum, et glorióso

de lecto suo. Qui audis in Sina judicium, et in Horeb judícia defénsiónis. Qui ungis reges ad pœniténtiam, et Prophétas facis successóres post te. Qui receptus es in túrbine ignis, in curru equórum igneórum. Qui scriptus es in judiciis témporum, lenire iracúndiam Dómini, conciliáre cor patris ad filium, et restituere tribus Jacob.

Graduale. IV Reg. 2. Factum est, cum leváre vellet Dóminus Eliam per túrbine in cœlum, ibant Elías et Elíséus de Gálgalis. **ŷ.** Cumque incedéntes sermocinaréntur, ecce currus ígneus et equi ígnei divisérunt utrúmque: et ascendit Elías per túrbine in cœlum.

Allelúia, allelúia. **ŷ.** I Machab. 2. Elías, dum zelat zelum legis, receptus est in cœlum. Allelúia.



Sequéntia sancti Evangélii secúndum Matthæum. Cap. 17.

In illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu scórsu; et transfigurátus est ante eos. Et resplénduit faciés ejus sicut sol, vestiménta autem ejus facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Jesum: Dómine, bonum est nos hic esse: si vis, faciámus hic tria tabernácula, tibi unum, Móysi unum, et Elíæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Filius meus diléctus, in quo mihi bene complácu: ipsum audite. Et audiéntes discípuli, cecidérunt in faciém suam, et timuérunt valde. Et accéssit Jesus, et tétigit eos, dixitque eis: Súrgite, et nolite timére. Levántes autem óculos suos, néminem vidérunt, nisi solum Jesum. Et descendéntibus illis de monte, præcépit eis Jesus, dicens: Némini dixéritis visiónem, donec Filius hóminis a mórtuis resúrgat.

Offertorium. Jac. 5. Elías homo erat similis nobis passibilis, et oratióne orávit, ut non plieret super terram, et non pluit annos tres et menses sex: et rur-

sum orávit, et cœlum dedit plúviam : et terra dedit fructum suum.

Secreta.

OFFÉRIMUS tibi, Dómine, hóstiam laudis in honórem sancti Eliæ, Prophætæ tui : et sicut tu holocáusto suo adfuisti, ita sacrificium nostrum suscipere dignéris, ut per illud ad ætérnam mereámur pervenire lætítiam. Per.

Communio. *Malach. 4.* Ecce ego mitam vobis Eliam Prophétam, ántequam véniat dies Dómini magnus et horribilis, et convértet cor patrum ad filios, et cor filiórum ad patres eórum.

Postcommunio.

DEUS, qui per sanctum Angelum tuum beáto Eliæ, Prophætæ tuo, cibum et potum tribuisti : ipso interveniéntem, concede ; ut quæ de cœlesti mensa percépi-mus, sincéris méntibus illibáta servémus. Per Dóminum.

DIE XXIV

IN FESTO

SS. MARTYRUM AMITERNI

Missa Intret, de Comm. plur. Mart. 9, præter Orationes sequentes.*

Oratio.

PRÆSTA, quæsumus, omnipotens Deus : ut qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per.

Secreta.

SACRIFICIIS præsentibus, quæsumus, Dómine, inténde placátus : et intercedéntibus Sanctis tuis, devotióni nostræ proficiant et salúti. Per Dóminum.

Postcommunio.

QUÆSUMUS, omnipotens Deus : ut intercedéntibus Sanctis tuis, illius salutáris capíamus effectum, cujus per hæc mystéria pignus accépi-mus. Per.

DIE XXVII

IN FESTO S. PANTALEONIS, MART.

Missa Lætábitur, de Comm. 5.*

Seq. Oratio dicitur ubi est concessa.

Oratio.

DEUS, qui beátum Pantaleónem, Mártyrem tuum, vária torménta supe-

rare fecisti, et pro persecutóribus exoráre : concede propítius ; ut qui ejus implorámus auxilium, misericórdiæ tuæ sentiámus effectum. Per Dóminum nostrum Jesum Christum.

DIE XXX

IN FESTO

SANCTÆ MARTHÆ, VIRGINIS

CHRISTI HOSPITÆ

Introitus. Joan. 12.

QUI mihi ministrat, me sequátur : et ubi ego sum, illic et miníster meus erit. Si quis mihi ministrá-verit, honorificábit eum Pater meus, dicit Dóminus omnipotens. *Ps. 100.* Oculi mei ad fidéles terræ, ut sédeant mecum : ámbulans in via immaculáta, hic mihi ministrábat. *Ÿ. Glória Patri.* Qui mihi.

Oratio.

OMNÍPOTENS sempitérne Deus, qui Unigénitum tuum pro salúte hóminum in terris conversántem, sanctíssimæ Virginis Marthæ hospitio súscipi voluisti : præsta, quæsumus ; ut ejúsdem Virginis méritis et intercessióne, in cœlórum domicílio récipi misericórditer valeámus. Per eúmdem Dóminum.

Deinde fit Commem. SS. Abdon et Sennen, Martyrum. 410.

Lectio libri Sapientiæ. Eccli. 26.

GRÁTIA mulieris sédulæ delectábit virum suum, et ossa illius impinguábit. Disciplína illius datum Dei est. Múlier sensáta et tácita, non est immutátio eruditæ animæ. Grátia super grátiam, múlier sancta et pudoráta. Omnis autem ponderátio non est digna continéntis animæ. Sicut sol óriens mundo in altissimis Dei, sic mulieris bonæ spécies in ornáméntum domus ejus. Lucérna spléndens super candelábrum sanctum, et spécies faciéi super ætátem stábilém. Colúmnæ áureæ super bases argénteas, et pedes firmi super plantas stábilis mulieris. Fundaménta ætérna super petram sólídám, et mandáta Dei in corde mulieris sanctæ.

Graduale. Luc. 10. Dómine, non est tibi curæ quod soror mea reliquit me solam ministrare? dic ergo illi ut me adjuvet. **ŷ. Ps. 40.** Beátus qui intéllegit super egénum et páuperem : in die mala liberábit eum Dóminus.

Allelúia, allelúia. **ŷ. Luc. 10.** Martha autem satagébat circa frequens ministérium. Allelúia.

In Missis votivis post Septuagesimam, omissis Allelúia et ŷ. seq., dicitur

Tractus. Qui confidunt in te, gloriósa Christi hóspita, spes eórum firma erit in sæculum. **ŷ.** Quia dilécta es a Dómino valde, ex hoc nunc et usque in sæculum. **ŷ.** Ideo pro te supplicántibus exóra Dóminum, ut nos trahat ad glóriam supernórum civium.

Tempore Paschali omittitur Graduale, et ejus loco dicitur

Allelúia, allelúia. **ŷ. Luc. 10.** Martha, cujus virtútibus tota fulget Ecclésia, tuis óbtíne précibus beáta nobis gáudia. Allelúia.

Evang. Intrávit Jesus. 409.

Offertorium. Eccli. 24. In habitatióne sancta coram ipso ministrávi. Et sic in Sion firmáta sum, et in civitatē sanctificátā similiter requiévi, et in Jerúsalem potéstas mea.

Secreta.

ADMITTE, pie et miséricors Deus, hóstias et preces quas in sancto altári tuo tibi devóte offerimus, ob commemoratiónem sanctæ Virginis tuæ Marthæ : ut sicut illa pura tibi mente servívit in terris, ita nos ejus intercessióne, post hujus ministérii decúrsum, feliciter vivámus in cœlis. Qui vivis.

Communio. Luc. 10. Intrávit Jesus in quoddam castéllum : et mûlier quædam Martha nómine excépit illum in domum suam.

Postcommunio.

SUMPTIS, Dómine, salútis æternæ mystériis, te suppliciter exorámus : ut intercedente beáta et gloriósa Virgine Martha hóspita tua, illius gaudiórum efficiámur participes, et æterni præmii cohærédes. Qui vivis et regnas.

FESTA AUGUSTI

DIE VII

IN FESTO S. CAJETANI, CONF.

Introitus. Ps. 72.

MHI autem adhærere Deo bonum est : pónere in Dómino Deo spem meam. **Ps.** Quam bonus Israel Deus his qui recto sunt corde! **ŷ.** Glória Patri. Mihi autem.

Oratio.

DEUS, qui beáto Cajetáno, Confessóri tuo, apostólicam vivéndi formam imitari tribuisti : da nobis, ejus intercessióne et exémplo, in te semper confidere, et sola cœlestia desiderare. Per Dóminum.

Et fit Commem. S. Donati, Episc. et Mart., ut in Missali. 418.

Léctio Epístolæ beáti Pauli Apóstoli ad Timótheum. **I Tim. 6.**

CHARÍSSIME, Est quæstus magnus pietas cum sufficiéntia. Nihil enim intúlimus in hunc mundum : haud dúbium quod nec auferre quid pössumus. Habéntes autem aliménta, et quibus tegámur, his conténti simus. Nam qui volunt divites fieri, incidunt in tentatiónem, et in láqueum diaboli, et desidéria multa inútilia et nocíva, quæ mergunt hómines in intéritum et perditionem. Radix enim ómnium malórum est cupíditas : quam quidam appeténtes, erravérunt a fide, et inseruérunt se doloribus multis. Tu autem, o homo Dei, hæc fuge, sectáre vero justitiam, pietátem, fidem, charitátem, patiéntiam, mansuetúdinem. Certa bonum certámen fidei : apprehénde vitam æternam.

Graduale. Ps. 124. Qui confidunt in Dómino, sicut mons Sion : non commovébitur in ætérnum, qui hábitat in Jerúsalem. **ŷ.** Montes in circúitu ejus, et Dóminus in circúitu pópuli sui, ex hoc nunc et usque in sæculum.

Allelúia, allelúia. **ŷ. Ps. 36.** Spera in Dómino, et fac bonitátem, et inhábita terram, et pascéris in divítiis ejus. Allelúia.

In Missis votivis post Septuagesimam. omissis Allelúia et *ŷ. seq.*, dicitur

Tractus. Ps. 61. Ipse Deus meus et Salvátor meus, non emigrábo. *ŷ.* In Deo salutáre meum et glória mea : Deus auxilii mei, et spes mea in Deo est. *ŷ.* Speráte in eo, omnis congregatio pópuli : effúndite coram illo corda vestra.

Tempore Paschali omittitur Graduale. et ejus loco dicitur

Allelúia, allelúia. *ŷ.* Ps. 36. Spera in Dómino, et fac bonitátem, et inhábita terram, et pascéris in divitiis ejus. Allelúia. *ŷ.* Ps. 61. Speráte in eo, omnis congregatio pópuli : effúndite coram illo corda vestra. Allelúia.



Sequéntia sancti Evangélíi secúndum Matthæum. Cap. 6.

In illo témpore : Dixit Jesús discipulis suis : Nemo potest duóbus dómínis servíre : aut enim unum ódio habébit, et álterum diliget : aut unum sustinébit, et álterum contémnet. Non potéstis Deo servíre, et mammonáe. Ideo dico vobis, ne solliciti sitis ánimæ vestræ quid manducétis, neque córpori vestro quid induámini. Nonne ánimá plus est quam esca, et corpus plus quam vestiméntum? Respícite volatília cœli, quóniam non serunt, neque metunt, neque cóngregant in hórrea : et Pater vester cœlestis pascit illa. Nonne vos magis pluris estis illis? Quis autem vestrum cógitans potest adjícere ad statúram suam cúbitum unum? Et de vestiménto quid solliciti estis? Consideráte lília agri, quómodo crescunt : non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fenum agri, quod hódie est, et cras in clibanum mittitur, Deus sic vestit : quanto magis vos, módicæ fidei? Nolite ergo solliciti esse, dicéntes : Quid manducábitus, aut quid bibémus, aut quo operiémur? Hæc enim ómnia gentes inquíruunt. Scit enim Pater vester quia his ómnibus indigétis. Quærite ergo primum regnum Dei, et justíam ejus : et hæc ómnia adjiciéntur vobis.

Offertorium. Ps. 61. Speráte in eo, omnis congregatio pópuli : effúndite coram illo corda vestra : Deus adjútor noster in aetérnum.

Secreta.

DA nobis, quæsumus, Dómine, sacra hæc mystéria eo spíritus et mentis ardóre perágere, quo sanctus tuus Conféssor Cajetánus, ipsa tractádo, flagrábat. Per Dóminum.

Communio. Ps. 117. Bonum est confidere in Dómino, quam confidere in hómine : bonum est speráre in Dómino, quam speráre in princípibus.

Postcommunio.

Quos cœlesti, Dómine, pábulo satiásti : sancti Cajetáni, Confessóris tui, interveniénte suffrágio, cœlestis providéntiæ præsidia sentire, et ad sempitérna júgiter aspiráre concéde. Per Dóminum.

DIE IX

IN FESTO S. EMIGDII

EPISCOPI ET MARTYRIS

Introitus. Ps. 17.

COMMÓTA est et contrémuit terra : fundaménta móntium conturbáta sunt, quóniam irátus est eis. Ps. 49. Invoca me in die tribulatiónis : éruam te, et honorificábis me. *ŷ.* Glória Patri. Commóta est.

Oratio.

DEUS, qui beátum Emígdium, Mátyrem tuum atque Pontificem, idolórum victória et miraculórum glória decorásti : concéde propítius ; ut, eo interveniénte, malórum spírituum fraudes vincere, et coruscáre virtútibus mereámur. Per Dóminum.

Deinde fit Commem. Vigiliæ S. Laurentii, et S. Romani, Mart., ut in Missali. 420 : et legitur Evang. Vigil. in fine.

Lectio libri Apocalypsis beáti Joánnis Apóstoli. Cap. 11.

In illa hora factus est terrámótus magnus, et décima pars civitátis cecidit, et occisa sunt in terrámótu nómina hóminum septem millia : et reliqui in ti-

mórem sunt missi, et dedérunt glóriam Deo cœli. Væ secúndum ábiit, et ecce væ tértium véniet cito. Et séptimus Angelus tuba cécinit, et factæ sunt voces magnæ in cœlo, dicéntes : Factum est regnum hujus mundi Dómini nostri et Christi ejus, et regnabit in sæcula sæculórum : Amen. Et viginti quátuor senióres, qui in conspéctu Dei sedent in sédibus suis, ceciderunt in fácies suas, et adoravérunt Deum, dicéntes : Grátias ágimus tibi, Dómine Deus omnipotens, qui es, et qui eras, et qui ventúrus es : quia accepísti virtútem tuam magnam, et regnásti.

Graduale. Ps. 59. Dedísti metuéntibus te significatióem, ut fúgiant a fácie arcus. *ŷ.* Ut liberéntur dilécti tui : saluum fac dextera tua, et exáudi me.

Allelúia, allelúia. *ŷ.* **Ps. 88.** Manus mea auxiliábitur ei, et bráchium meum confortábit eum. Allelúia.

In Missis votivis post Septuagesimam, omissis Allelúia et *ŷ. seq.*, dicitur

Tractus. Jer. 3. Non avértam faciém meam a vobis, et non iráscar in perpétuum. *ŷ.* **Is. 42.** Dedi te in fœdus pópuli, et lucem gentium. *ŷ.* **Ps. 25.** Factus es fortitúdo páuperi, fortitúdo egéno in tribulatióne sua.

Tempore Paschali.

Allelúia, allelúia. *ŷ.* **Jer. 1.** Dedi te in civitátem munitam, et in columnam férream, et in murum æreum. Allelúia. *ŷ.* **Eccli. 39.** Date nómini ejus magnificéntiam, et confitémini illi. Allelúia.



Sequéntia sancti Evangélii secúndum Lucam. **Cap. 21.**

In illo témpore : Dixit Jesus discipulis suis : Cum audieritis prælia et seditiónes, nolíte terréri : opórtet primum hæc fieri, sed nondum statim finis. Tunc dicébat illis : Surget gens contra gentem, et regnum advérsus regnum. Et terrémótus magni erunt per loca, et pestiléntiæ, et fames, terrorésque de cœlo, et signa magna erunt. Sed ante hæc ómnia injicient vobis manus suas, et persequéntur tradéntes in synagógas et custódias, trahéntes ad reges et præ-

sides propter nomen meum. Continget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os, et sapiéntiam, cui non póterunt resistere et contradicere omnes adversárii vestri. Tradémini autem a paréntibus, et frátribus, et cognátis, et amicis, et morte afficient ex vobis. Et éritis odio ómnibus propter nomen meum. Et capillus de cápite vestro non peribit. In patiéntia vestra possidébitis ánimas vestras.

Offertorium. Ps. 59. Commovísti terram, et conturbásti eam : sana contritiónes ejus, quia commóta est.

Secreta.

MÚNERA tibi, Dómine, oblata sanctifica : ut per ea, intercedénte beáto Emígdio, Mártire tuo atque Pontífice, ab ómnibus ánimæ et cörperis periculis liberémur. Per Dóminum.

Communio. Ps. 32. Timeat Dóminum omnis terra : ab eo autem commoveántur omnes inhabitántes orbem.

Postcommunio.

SACRAMÉNTA quæ sumpsimus, Dómine, per intercessiόem beáti Emígdii, Mártiris tui atque Pontíficis, sint nobis ad tutaméntum mentis et cörperis, et ad misericórdiam tuam effícaciter consequéndam. Per Dóminum.

DIE XI

**IN FESTO SANCTÆ PHILUMENÆ
VIRGINIS ET MARTYRIS**

Missa Loquébar, de Communi. 19*.

Et fit **Commem. Oct. S. Laurentii, ac SS. Tiburtii et Susannæ, Mart., ut in Missali. 422.**

DIE XVI

IN FESTO S. ROCHI

CONFESSORIS

Missa Justus, de Communi Conf. non Pont. 17*, præter Orat. seq.

Oratio.

PÓPULUM tuum, quæsumus, Dómine, continua pietáte custódi : et beáti Rochi suffragántibus méritis, ab omni

fac animæ et cōrporis contagiōne secūrum. Per Dóminum.

Et fit Commem. Octavæ Assumptionis, et S. Laurentii, ut in Missali. 427.

Credo, et Præfatio de Octava.

DIE XVIII

IN FESTO SANCTÆ HELENÆ

IMPERATRICIS, VIDUÆ

Introitus. Gal. 6.

M IHI autem absit gloriāri, nisi in Cruce Dómini nostri Jesu Christi, per quem mihi mundus crucifixus est, et ego mundo. Ps. 22. Virga tua et bāculus tuus, ipsa me consolāta sunt. ȳ. Glória Patri. Mihi autem.

Oratio.

D ÓMINE Jesu Christe, qui locum ubi Crux tua latēbat, beatæ Hēlenæ revelāsti, ut per eam Ecclesiā tuam hoc pretiōso thesauro ditāres : ejus nobis intercessiōne concēde; ut vitālis ligni pretio, aeternæ vitæ præmia consequāmur. Qui vivis.

Et fit Commem. Oct. Assumptionis, et S. Agapiti, Mart., ut in Missali. 425 et 429.


Lectio libri Sapiētiæ. Prov. 31.

M ULIEREM fortem quis invēniet? Procul et de ultimis finibus pretium ejus. Confidit in ea cor viri sui, et spoliis non indigēbit. Reddet ei bonum, et non malum, omnibus diēbus vitæ suæ. Quæsiuit lanam et linum, et operāta est consilio mānuum suārum. Facta est quasi navis institōris, de longe portans panem suum. Et de nocte surrexit, deditque prædam domesticis suis, et cibāria ancillis suis. Considerāvit agrum, et emit eum : de fructu mānuum suārum plantāvit vineam. Accinxit fortitudīne lumbos suos, et roborāvit brāchium suum. Gustāvit et vidit quia bona est negotiatio ejus : non exstinguētur in nocte lucerna ejus. Manum suam misit ad fōrtia, et digiti ejus apprehendērunt fusum. Manum suam aperuit inopi, et palmas suas extendit ad pauperem. Non timēbit dōmū suæ a frigōribus nivis : omnes enim domestici ejus vestiti sunt

duplicibus. Stragulātam vestem fecit sibi : byssus et pūrpura indumentum ejus. Nóbilis in portis vir ejus, quando sēderit cum senatōribus terræ. Sīndonem fecit, et vēdidit; et cingulum trādidit Chananeo. Fortitūdo et decor indumentum ejus, et ridēbit in die novissimo. Os suum aperuit sapiētiæ, et lex clemētiæ in lingua ejus. Considerāvit sēmitas domus suæ, et panem otiosa non comēdit. Surrexerunt filii ejus, et beatissimam prædicāverunt : vir ejus, et laudāvit eam. Multæ filiæ congregāverunt divitias : tu supergrēssa es univērsas. Fallax grātia, et vana est pulchritūdo; mūlier timens Dóminum, ipsa laudābitur. Date ei de fructu mānuum suārum, et laudent eam in portis opéra ejus.

Graduale. Ps. 44. Vultum tuum deprecabūtur omnes divites plebis : filiæ regum in honore tuo. ȳ. Adducētur Regi Virgines post eam : proximæ ejus afferētur tibi : afferētur in lætitia et exultatiōne : adducētur in templum Regis.

Allelúia, allelúia. ȳ. Ps. 111. Dispēsit, dedit paupéribus : justitia ejus manet in sæculum sæculi. Allelúia.

 Sequētia sancti Evangēlii secundum Matthæum. Cap. 13.

I N illo tēpore : Dixit Jesus discipulis suis parābolam hanc : Simile est regnum cœlōrum thesauro abscondito in agro, quem qui invenit homo, abscondit, et præ gaudio illius vadit, et vendit univēsa quæ habet, et emit agrum illum. Iterum simile est regnum cœlōrum hōmini negotiātōri quærenti bonas margaritas. Invēnta autem una pretiōsa margarita, abiit, et vēdidit omnia quæ habuit, et emit eam. Iterum simile est regnum cœlōrum sagēnæ missæ in mare, et ex omni gēnere piscium congregāti. Quam, cum implēta esset, educētes, et secus littus sedētes, elegērunt bonos in vasa, malos autem foras misērunt. Sic erit in consummatiōne sæculi : exhibunt Angeli, et separābunt malos de medio justōrum, et mittent eos in ca-

minum ignis : ibi erit fletus et stridor dentium. Intellexistis hæc omnia? Dicunt ei : Etiam. Ait illis : Ideo omnis scriba doctus in regno cœlorum, similis est homini patrifamilias qui profert de thesauro suo nova et vëtera.

Credo ratione Octavæ Assumptionis.

Offertorium. I Cor. 2. Non enim judicavi me scire aliud nisi Jesum Christum, et hunc crucifixum.

Secreta.

PER hæc sacra mystéria concède nobis, Dómine, ut sicut beátæ Hélenæ misericórditer tribuisti, ut Filium tuum crucifixum in corde semper gestáret, ita et nos eum in córdibus nostris perpétuo deferámus. Per eúndem Dóminum.

Præfatio de B. M. Virgine. Et te in Assumptione.

Communio. Cant. 7. Ascendam in palmam, et apprehendam fructus ejus.

Postcommunio.

CONCÈDE nobis, miséricors Deus : ut qui salutiferæ Crucis tuæ fructu in terra sumus recreáti, per intercessionem beátæ Hélenæ, eódem júgiter pérfrui mereámur in cœlis. Qui vivis.

DIÉ XIX

IN FESTO S. LUDOVICI

EPISCOPI ET CONFESSORIS

Missa dicitur ut in Festo S. Gregorii VII, Papæ et Conf., die 25 Maii. 360, præter Orationes sequentes.

Oratio.

DEUS, qui beátum Ludovicum, Confessórem tuum atque Pontificem, cœléste regnum terréno præpónere docuisti, ac puritáte illibáta et exímia in páuperes charitáte miráblem efficere dignátus es : concède nobis fámulis tuis, imitári quem cólimus; ut ejúsdem virtútes æmulántes in terris, coronári cum ipso mereámur in cœlis. Per Dóminum.

Et fit Commem. Oct. Assumpt. ut in Missali. 425.

Credo, et Præfatio de eadem Oct.

Secreta.

SACRIFICIA, Dómine, quæ in honórem sancti Ludovici, Confessóris tui at-

que Pontificis, tuæ offerimus Majestáti, nobis sint ad salutem effi cácia, et tuæ plácita pietáti. Per Dóminum.

Postcommunio.

IMMÉNSAM cleméntiam tuam, omnipotens Deus, suppliciter exorámus : ut intercedénte beáto Ludovico, Confessóre tuo atque Pontifice, per hæc sancta quæ súmpsimus, cuncta nobis adversántia, te adjuvánte, vincámus. Per Dóminum.

DOMINICA POST OCT. ASSUMPT.

IN FESTO

PURISSIMI CORDIS B. M. V.

Introitus. Ps. 44.

OMNIS glória ejus filiae Regis ab intus, in fimbriis áureis circumamícta varietátibus : adducéntur Regi vírgines post eam, próximæ ejus afferéntur tibi. Ps. Eructávit cor meum verbum bonum : dico ego ópera mea Regi. 7. Glória Patri. Omnis glória.

Oratio.

OMNÍPOTENS sempitérne Deus, qui in Corde beátæ Mariæ Virginis dignum Spíritus sancti habitáculum præparásti : concède propítius; ut ejúsdem puríssimi Cordis festivitátem devóta mente recoléntes, secúndum Cor tuum vivere valeámus. Per Dóminum... in unitáte ejúsdem.

Et fit Commem. Dom. occur., et legitur ejus Evangelium in fine.

Lectio libri Sapientíæ. Cant. 8.

PONE me ut signáculum super cor tuum, ut signáculum super bráchium tuum : quia fortis est ut mors diléctio, dura sicut inférnus æmulátio : lámpades ejus lámpades ignis atque flammárum. Aquæ multæ non potuérunt exstinguere charitátem, nec flúmina óbrent illam : si déderit homo omnem substantíam domus suæ pro dilectióne, quasi nihil despiciet eam.

Graduale. Sap. 7. Nihil inquinátum in eam incúrrit : candor est lucis æternæ, et spéculum sine mácula Dei majestátis, et imágo bonitátis illíus. 7. Cant. 6. Ego dilécto meo, et diléctus meus mihi, qui páscitur inter lília.

Allelúia, allelúia. 7. Luc. 1. Magnífi-

cat ánima mea Dóminum : et exsultávit spíritus meus in Deo salutári meo. Allelúia.

In Missis votivis post Septuagesimam, omissis Allelúia et ŷ. seq., dicitur

Tractus. Luc. 1. Magnificat ánima mea Dóminum. ŷ. Et exsultávit spíritus meus in Deo salutári meo. ŷ. Quia respéxit humilitátem ancillæ suæ : ecce enim ex hoc beátam me dicent omnes generatíones.

Tempore Paschali.

Allelúia, allelúia. ŷ. Sap. 7. Nihil iniquínátum in eam incúrrit : candor est lucis æternæ, et spéculum sine mácula Dei majestátis, et imágo bonitátis illíus. Allelúia. ŷ. Cant. 6. Ego dilécto meo, et diléctus meus mihi, qui páscitur inter lília. Allelúia.



Sequéntia sancti Evangélíi secúndum Lucam. Cap. 2.

In illo témpore : Dixit Mater Jesu ad illum : Fili, quid fecisti nobis sic? Ecce pater tuus et ego doléntes quærebámus te. Et ait ad illos : Quid est quod me quærebátis? Nesciebátis quia in his quæ Patris mei sunt opórtet me esse? Et ipsi non intellexérunt verbum quod locútus est ad eos. Et descendit cum eis, et venit Náza-reth : et erat súbditus illis. Et Mater ejus conservábat ómnia verba hæc in Corde suo. Credo.

Offertorium. Judith 15. Quia fecisti viriliter, et confortátum est Cor tuum, ideo et manus Dómini confortávit te, et eris benedícta in ætérnum.

Secreta.

MAJESTÁTI tuæ, Dómine, Agnum immaculátum offeréntes, quæsumus, ut corda nostra ignis ille divínus accéndat, qui Cor beátæ Mariæ Virginis ineffabíliter inflammávit. Per eúndem.

Præfatio. Et te in Festivitate beátæ Mariæ Virginis.

Communio. Cant. 2. Sub umbra illíus quem desideráveram sedi, et fructus ejus dulcis gútturi meo.

Postcommunio.

DIVINIS refécti munéribus, te, Dómine, suppliciter exorámus : ut beátæ

Mariæ Virginis intercessióne, ejus puríssimi Cordis solémnia venerádo égi-mus; a præsentíbus perículis liberáti, æternæ vitæ gáudia consequámur. Per Dóminum.

DIE XXVII

IN FESTO SANCTÆ THERESLÆ

VIRGINIS, SECUNDO

Missa Dilexisti, de Comm. Virg. 21*, præter Orationem sequentem.

Oratio.

DEUS, qui illibáta præcórdia beátæ Virginis Theresiæ, sponsæ tuæ, ignito jáculo transfixisti, et charitátis victimam consecrásti : ipsa interveniénte, concéde ; ut corda nostra ardóre sancti Spíritus férveant, et te in ómnibus super ómnia diligant. Qui vivis et regnas cum Deo Patre, in unitáte ejúsdem.

FESTA SEPTEMBRIS

DOMINICA I SEPTEMBRIS

IN FESTO

SS. ANGELORUM CUSTODUM

(Pro ditionibus Rom. Imper. subject.)

Missa ut 455, cum Commem. Dominicæ, et ejus Evangelio in fine.

Dicitur Credo per totam Octavam.

DIE I

IN FESTO

B. JOANNIS LEONARDI, CONF.

Introitus. Eccli. 42.

IN sermónibus Dómini ópera ejus ; sol illúminans per ómnia respéxit, et glória Dómini plenum est opus ejus. Ps. 95. Cantáte Dómino cánticum novum : cantáte Dómino, omnis terra. ŷ. Glória Patri. In sermónibus.

Oratio.

DEUS, qui beátum Joánnem, Confessórem tuum, ad fidem in géntibus propagándam mirabíliter excitare dignátus es, ac per eum in erudiéndis fidélibus novam in Ecclesiá tua familiam congregásti : da nobis fámulis tuis ita ejus institútis proficere, ut præmia consequámur æterna. Per Dóminum.

Lectio Epistolæ beati Pauli Apostoli
ad Corinthios. II Cor. 4.

FRATRES : Habentes administratiōem
juxta quod misericordiā consecuti
sumus, non defecimus, sed abdicāmus
occulta dedecoris, non ambulantes in
astūtia, neque adulterantes verbum Dei,
sed in manifestatiōe veritatis commen-
dantes nosmetipsos ad omnem conscien-
tiam hōminū coram Deo. Quod si etiā
opertum est Evangelium nostrum, in iis
qui pēreunt est opertum : in quibus Deus
hujus sæculi excācāvit mentes infidē-
lium, ut non fūlgeat illis illuminatiō
Evangelii gloriæ Christi, qui est imāgo
Dei. Non enim nosmetipsos prædicāmus,
sed Jesum Christum Dōminum nostrum;
nos autem servos vestros per Jesum;
quōniam Deus, qui dixit de tēnebris
lucem splendescere, ipse illūxit in cōr-
dibus nostris, ad illuminatiōem sciē-
tiæ claritatis Dei, in faciē Christi Jesu.
Habēmus autem thesaurum istum in vas-
is fictilibus : ut sublimitas sit virtutis
Dei, et non ex nobis. In omnibus tri-
bulatiōem patimur, sed non angustiamur;
aporiāmur, sed non destituimur;
persecutiōnem patimur, sed non dēre-
linquimur; deſicimur, sed non perimus :
semper mortificatiōem Jesu in corpore
nostro circumferētes, ut et vita Jesu
manifestetur in corpōribus nostris. Sem-
per enim nos, qui vivimus, in mortem
tradimur propter Jesum : ut et vita Jesu
manifestetur in carne nostra mortali.
Ergo mors in nobis operatur, vita autem
in vobis. Habentes autem eūdem spi-
ritum fidei, sicut scriptum est : Crēdidi,
propter quod locutus sum : et nos crēdi-
mus, propter quod et loquimur. Sciē-
tes quōniam qui suscitāvit Jesum, et nos
cum Jesu suscitābit, et constituet vo-
biscum. Omnia enim propter vos, ut grā-
tia abundans, per multos in gratiārum
actiōe, abundet in gloriā Dei. Pro-
pter quod non defecimus : sed licet is
qui foris est, noster homo corrumpatur,
tamen is qui intus est, renovatur de die
in diem. Id enim quod in præsenti est
momentāneum, et leve tribulatiōis

nostræ, supra modum in sublimitate
æternū gloriæ pondus operatur in no-
bis, non contemplantibus nobis quæ
videntur, sed quæ non videntur. Quæ
enim videntur, temporalia sunt; quæ
autem non videntur, æterna sunt.

Graduale. Ps. 72 et 68. Inflammatum
est cor meum, et renes mei commutati
sunt : zelus domus tuæ comedit me.
ŷ. Is. 49. Pōsuit os meum quasi gladium
acutum : in umbra manus suæ protēxit
me, et pōsuit me sicut sagittam electam.

Allelūia, allelūia. **ŷ. Ps. 70.** Tamquam
prodigium factus sum multis, et tu adjū-
tor fortis. Allelūia.

In Missis votivis post Septuagesimam,
omissis Allelūia et ŷ. seq., dicitur

Tractus. Ps. 54 et seq. Contristatus
sum in exercitatiōe mea, et conturbā-
tus sum a voce inimici et a tribulatiōe
peccatoris. **ŷ.** Quōniam declināverunt in
me iniquitates, et in ira molēsti erant
mihi. **ŷ.** Ego autem ad Deum clamāvi :
et Dōminus salvābit me.

Tempore Paschali.

Allelūia, allelūia. **ŷ. Ps. 51.** Sicut
oliva fructifera in domo Dei, sperāvi in
misericordiā Dei in æternū, et in sæ-
culum sæculi. Allelūia. **ŷ. Ps. 61.** In
Deo salutāre meum et gloriā mea :
Deus auxiliī mei, et spes mea in Deo
est. Allelūia.



Sequētia sancti Evangelii secūn-
dum Lucam. **Cap. 10.**

In illo tempore : Designāvit Dōminus et
alios septuaginta duos : et misit illos
binos ante faciē suam, in omnem civi-
tatem et locum quo erat ipse ventūrus.
Et dicebat illis : Messis quidem multa,
operarii autem pauci. Rogāte ergo dōmi-
num messis, ut mittat operarios in mes-
sem suam. Ite : ecce ego mitto vos sicut
agnos inter lupos. Nolite portāre saccu-
lum, neque peram, neque calceamēta, et
nēminem per viam salutaveritis. In
quacūmq; domum intraveritis, pri-
mum dicite : Pax huic domui : et si ibi
fuerit filius pacis, requiescet super illum
pax vestra : sin autem, ad vos revertetur.
In eādē autem domo manēte, edētes

et bibéntes quæ apud illos sunt : dignus est enim operárius mercéde sua. Nolite transire de domo in domum. Et in quamcúmque civitatem intravéritis, et suscepérunt vos, manducáte quæ apponúntur vobis : et curáte infirmos qui in illa sunt, et dícite illis : Appropinquávit in vos regnum Dei.

Offertorium. Coloss. 1. Christi factus sum ego minister secúndum dispensatióem Dei, quæ data est mihi, ut impleam verbum Dómini.

Secreta.

SÚSCIPE, Dómine, oblatiόem mundam salutáris hóstiæ, et præsta, ut intercedente beáto Joáñne, Confessóre tuo, ubique géntium júgiter offerátur. Per.

Communio. Philip. 3. Quæ mihi fuérunt lucra, hæc arbitrátus sum propter Christum detriménta.

Postcommunio.

PRETIÓSI córporis et sánguinis tui saceris refécti mystériis, Dómine, adprecámur : ut beáti Joánnis, Confessóris tui, exémplo studeámus confitéri quod credíditi, et ópere exercére quod dócuisti. Per Dóminum.

DIE IV

IN FESTO

SANCTÆ ROSÆ VITERBIENSIS

VIRGINIS

Missa Dilexísti, de Comuni Virg. 21*, præter Orationem sequentem.

Oratio.

DEUS, qui beátam Rosam sanctárum tuárum Virginum collégio aggregáre dignátus es : tribue nobis, quæsumus; ut ejus præcibus et méritis a culpis ómnibus expiémur, et tuæ Majestátis consórtio fruámur atérno. Per.

EADEM DIE

IN FESTO SANCTÆ ROSALÆ

VIRGINIS

Missa Dilexísti, de Comuni Virg. 21*, præter Orationem sequentem.

Oratio.

EXÁUDI nos, Deus salutáris noster : ut sicut de beátæ Rosáliæ, Virgini-

tuæ, festivitáte gaudémus; ita piæ devotiόnis erudiámur afféctu, et ejus intercessiόe ab iracúndiæ tuæ flagéllis misericórditer liberémur. Per Dóminum.

Pro regno Siciliæ, alia Oratio.

DEUS, qui beátam Rosáliam Virginem de regálibus mundi delíciis in móntium solitúdinem transtulisti : concéde propítius; ut ejus méritis et patrocínio, a sæculi voluptátibus in cœlestium amórem transferámur, et ab iracúndiæ tuæ flagéllis misericórditer liberémur. Per Dóminum.

DIE VI

IN FESTO S. ANTONINI

MARTYRIS

Missa In virtúte tua, de Comm. unius Mart. non Pont. 4*, præter Orationem sequentem.

Oratio.

OMNÍPOTENS sempitérne Deus, qui hunc diem beáti Antoníni, Mátyris tui, solemnitate clarificas : exáudi preces pópuli tui, et præsta; ut quæ fidéliter expetit, eo suffragánte, cónsequi mereátur. Per Dóminum.

DIE IX

IN FESTO B. PETRI CLAVER

CONFESSORIS, SOCIETATIS JESU

Introitus. Ps. 106.

CONFITEÁNTUR Dómino misericórdiæ ejus, et mirabília ejus filiis hóminum : quia satiávit ánimam iná-nem, et ánimam esuriéntem implévit bonis : sedéntes in ténebris et umbra mortis, vinctos in mendiciatate et ferro. **Ps. 40.** Beátus qui intélligit super egénum et páuperem : in die mala liberábit eum Dóminus. **ŷ.** Glória Patri. Confiteántur.

Oratio.

DEUS, qui miserabília mancipia ad agnitiónem tui nóminis vocatúrus, beátum Petrum, Confessórem tuum, mira in eis juvándis sui abnegatiόe et exímia charitatate roborásti : ejus nobis intercessiόe concéde; ut non quæ nostra sunt, sed quæ Jesu Christi quæren-

tes, próximos ópere et veritate diligere valeámus. Per eúndem Dóminum.


Et fit Commem. Oct. Nativ. B. M. V. ac S. Gorgonii, Mart., ut in Miss. 439 et 442.

Léctio Isaíæ Prophétæ. Cap. 58.

HÆC dicit Dóminus : Dissólve colligatiónes impietátis, solve fascículos deprimentes, dimitte eos qui confrácti sunt liberos, et omne onus disrúmp. Frange esuriénti panem tuum, et egénos vagósque induc in domum tuam : cum videris nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítius oriétur, et anteíbit faciém tuam justítia tua, et glória Dómini colliget te. Tunc invocábis, et Dóminus exáudiet : clamábis, et dicet : Ecce adsum. Cum effúderis esuriénti ánimam tuam, et ánimam afflictam repléveris, oriétur in ténebris lux tua, et ténebræ tuæ erunt sicut merídes.

Graduale. Ps. 71. Liberábit páuperem a poténte, et páuperem cui non erat adjútor. Parcet páuperi et inopi, et ánimas páuperum salvas faciet. 7. Ex usúris et iniquitaté rédimet ánimas eórum : et honorábile nomen eórum coram illo.

Allelúia, allelúia. 7. Ps. 9. Exsúrge, Dómine Deus : exaltétur manus tua : ne obliviscáris páuperum. Tibi derelictus est pauper : órphano tu eris adjútor. Allelúia.

 Sequéntia sancti Evangélíi secúndum Lucam. Cap. 10.

In illo témpore : Legisperítus quidam volens justificáre seípsum, dixit ad Jesum : Et quis est meus próxímus? Suscípiens autem Jesus, dixit : Homo quidam descendébat ab Jerúsalem in Jéricho, et incidit in latrónes, qui étiam despoliavérunt eum : et plagis impósitis abiérunt, semivívo relicto. Accidit autem ut sacérdos quidam descénderet eádem via : et viso illo præterívit. Simíliter et levíta, cum esset secus locum, et vidéret eum, pertránsiit. Samarítánus autem quidam iter faciens, venit secus eum : et videns eum, misericórdia motus est. Et apprópians alligávit vúlnera ejus, infúndens óleum et vinum : et impónens

illum in juméntum suum, duxit in stábulum, et curam ejus egit. Et áltera die prótulit duos denários, et dedit stabulário, et ait : Curam illíus habe : et quodcúmque supererogáveris, ego, cum rediero, reddam tibi. Quis horum trium vídétur tibi próxímus fuisse illi qui incidit in latrónes? At ille dixit : Qui fecit misericórdiam in illum. Et ait illi Jesus : Vade, et tu fac simíliter.

Credo ratione Octavæ.

Offertorium. Job 29. Ego quod libérassem páuperem vociferántem, et pupílum cui non esset adjútor, benedictio peritúri super me veniébat, et cor víduæ consolátus sum. Oculus fui cæco, et pes claudó : pater eram páuperum.

Secreta.

CHARITÁTIS víctima, quam immolántes offérimus, sit nobis, Dómine, te miseránte, propitiábilis, et beáti Petri précibus et méritis, ad obtinéndum patiéntiæ et charitátis augméntum, éfficax et salutáris. Per Dóminum.

Præfatio de B. M. V. Et te in Nativitate.

Communio. Ezech. 34. Ego pascam oves meas, et ego eas accubáre faciám, dicit Dóminus Deus. Quod perierat, requíram; et quod abjéctum erat, redúcam; et quod confráctum fúerat, alligábo; et quod infirmum fúerat, consolidábo.

Postcommunio.

CRESCAT in nobis, Dómine, pietátis tuæ effectus salutáris : ut, cœlésti pábulo refécti, ad æternæ salútis portum, te misericórditer protegénte, et beáto Petro intercedénte, feliciter pervenire valeámus. Per Dóminum.

¶ Alia Missa in eodem Festo, Os justi, de Comm. Conf. non Pont. 16*, cum Orationibus ut supra.

DIE XVI

IN FESTO

SS. MART. ABUNDII ET ABUNDANTII

Missa Sapiéntiam, de Comm. plurim. Mart. 10*, præter Orationem sequentem.

Oratio.

BEATÓRUM Mártyrum tuórum Abúndii et Abundántii, quæsumus, Dómine,

suffrágii adjuvémur : quorum gloriósa solémnia cum gáudio celebrámus. Per.

DIE XXII
IN FESTO

BEATÆ MARLÆ DE SOCOS
VIRGINIS

Missa Dilexisti, de Communi Virg.
21*, præter Orationem sequentem.

Oratio.

DEUS, qui nos cónspicis in tot periculis constitutos pro nostra fragilitate non posse subsistere : concède propitius ; ut intercedente beata Maria, famula tua, de præséntis vitæ fluctibus educti, ad æternæ salutis portum pervenire valeamus. Per Dóminum.

Et fit Commem. SS. Mart. Mauritii et Sociorum, ut in Missali. 450.

FESTA OCTOBRIIS

DIE I

IN FESTO S. GREGORII

EPISCOPI MAJORIS ARMENIÆ, ET MARTYRIIS

Missa Státuit, de Comm. unius Mart.
Pont. 2*, præter Orationem sequentem.

Oratio.

DEUS, qui per beátum Gregórium, Pontíficem et Mártyrem tuum, Arménia gentis pópulum regémque veræ fidei lucem recipere tribuisti : da Ecclesiæ tuæ de tantis gaudere triúmphis, et apud te méritis ejúdem et précibus adjuvári. Per Dóminum.

Et fit Commem. S. Remigii, Episc. et Conf. Orat. Da, quæsumus, ex Missa Státuit, de Communi. 13*.

DIE V

IN FESTO SANCTÆ GALLÆ

VIDUÆ

Missa Cognóvi, de Communi nec Virg. nec Mart. 25*, cum Epist. Charissime, Víduas honóra. 26*, et Orationibus seq.

Oratio.

OMNÍPOTENS et miséricors Deus, qui beátam Gallam exímia in páuperes dilectionis virtúte decorasti : ejus méritis et précibus concède, ut charitátis ópera

exercéntes, misericórdiam tuam cónsequi mereámur. Per Dóminum.

Et fit Commem. SS. Placidi ac Soc., Mart., ut in Missali. 457.

Secreta.

OBLATI sacrificii, Dómine, virtúte placatus, delicta nostra propitius absolvet : qui per Apóstolum tuum Petrum beátæ Gallæ peccata esse dimissa, tua miseratione significare voluisti. Per.

Postcommunio.

CELÉSTIS Agni pasti deliciis, quæsumus, Dómine Deus noster : ut, terrenis cupiditatibus expediti, intercedente beata Galla, ad vitam júgiter proficiamus æternam. Per eúndem Dóminum.

DIE VI

IN FESTO S. MARLÆ FRANCISCÆ

A QUINQUE VULNERIBUS D. N. J. C.

VIRGINIS

Missa Dilexisti, de Comm. Virg. 21*,
præter Orationes sequentes.

Oratio.

DÓMINE Jesu, qui beátam Mariám Franciscam Virginem inter cæteras dotes in mundi contemptu mirábilem effecisti : ejus, quæsumus, méritis et intercessione ; concède nobis terréna despícere, et cœléstia semper inquirere. Qui vivis.

Secreta.

ACCIPE, Dómine, múnera quæ in beátæ Mariæ Franciscæ Virginis celebritate deférimus, cujus nos patrocinio muníri confidimus. Per Dóminum.

Postcommunio.

QUÆSUMUS, omnipotens Deus : ut qui cœléstia percépimus aliménta, per hæc, beata Maria Francisca Virgine tua exorante, ab ómnibus liberémur adversis. Per Dóminum.

DIE X

IN FESTO S. LUDOVICI BERTRANDI

CONFESSORIS

Missa Os justi, de Comm. Conf. non Pont. 16*, præter Orationem sequentem.

Oratio.

DEUS, qui beátum Ludovicum, Confessorem tuum, per corpóris mortifica-

tióne et fidei præcónium, Sanctórum glóriæ coæquásti : præsta; ut quod fide profitémur, pietátis opéribus júgiter compleámus. Per Dóminum.

DIE XII
IN FESTO

S. SERAPHINI DE MONTE GRANARIO
CONFESSORIS

Missa Justus, de Communi Conf. non Pont. 17*, præter Orationem sequentem.

Oratio.

DEUS, qui in corde beáti Seraphíni amoris tui flammæ excitásti : ejus, quæsumus, nobis intercessióne concéde; ut illius vestigia sectántes, íisdem ardóribus accendámur. Per Dóminum.

DOMINICA II OCTOBRIIS

FESTUM MATERNITATIS B. M. V.

Introitus. Sedulius.

SALVE, sancta Parens, enixa puérpera Regem qui cœlum terrámque regit in sæcula sæculórum. Ps. 44. Eructávit cor meum verbum bonum : dico ego ópera mea Regi. ŷ. Glória Patri. Salve.

Oratio.

DEUS, qui de beatæ Mariæ Virginis útero Verbum tuum, Angelo nuntiánte, carnem suscipere voluisti : præsta supplicibus tuis; ut qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

Et fit Commem. Dom. occur., et lectio ejus Evangelium in fine.

Lectio libri Sapiéntiæ. Eccli. 24.

EGO quasi vitis fructificávi suavitatem odóris : et flores mei, fructus honoris et honestátis. Ego mater pulchræ dilectionis, et timóris, et agnitiónis, et sanctæ spei. In me grátia omnis viæ et veritátis : in me omnis spes vitæ et virtútis. Transíte ad me, omnes qui concupiscitis me, et a generatióibus meis implémini : spíritus enim meus super mel duleis, et hæreditas mea super mel et favum. Memória mea in generatióes sæculórum. Qui edunt me, adhuc esúrient : et qui bibunt me, adhuc sitient.

Qui audit me, non confundétur : et qui operántur in me, non peccábunt. Qui elúcidant me, vitam ætérnam habébunt.

Graduale. Is. 11. Egrediétur virga de radice Jesse, et flos de radice ejus ascéndet. ŷ. Et requiescet super eum Spíritus Dómini.

Allelúia, allelúia. ŷ. Is. 7. Ecce Virgo concípíet, et páriet filium, et vocábitur nomen ejus Emmánuel. Allelúia.



Sequéntia sancti Evangélii secúndum Lucam. Cap. 2.

In illo témpore : Cum redirent, remánsit puer Jesus in Jerúsalem, et non cognovérunt paréntes ejus. Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes, regréssi sunt in Jerúsalem, requiréntes eum. Et factum est, post trídium invenérunt illum in templo, sedéntem in médio doctórum, audiéntem illos et interrogántem eos. Stupébant autem omnes qui eum audiébant, super prudéntia et respónsis ejus. Et vidéntes, admiráti sunt. Et dixit mater ejus ad illum : Fili, quid fecisti nobis sic? Ecce pater tuus et ego doléntes quærebámus te. Et ait ad illos : Quid est quod me quærebátis? Nesciebátis quia in his quæ Patris mei sunt, opórtet me esse? Et ipsi non intellexérunt verbum quod locútus est ad eos. Et descendit cum eis, et venit Náza-reth : et erat súbditus illis.

Credo.

Offertorium. Matth. 1. Cum esset desponsáta mater ejus María Joseph, invénta est in útero habens de Spíritu sancto.

Secreta.

TUA, Dómine, propitiatióne, et beatæ Mariæ semper virginis Unigéniti tui matris intercessióne, ad perpétuam atque præsentem hæc oblátio nobis proficiat prosperitátem et pacem. Per eúmdem Dóminum.

Præfatio de B. M. V. Et te in Festivitate.

Communio. Beáta viscera Mariæ Virginis, quæ portavérunt ætérni Patris Filium.

Postcommunio.

HÆC nos commúnio, Dómine, purget a crimine : et intercedente beáta Virgine Dei Genitrice María, cœléstis remédii faciát esse consórtes. Per eúmdem Dóminum.

DOMINICA III OCTOBRIS

FESTUM PURITATIS B. M. V.

Introitus. Sedulius.

SALVE, sancta Parens, eníxa puérpera Regem qui cœlum terrámque regit in sæcula sæculórum. Ps. 44. Eructávit cor meum verbum bonum : dico ego ópera mea Regi. *ŷ.* Glória Patri. Salve.

Oratio.

DA, quæsumus, omnipotens ætérne Deus : ut puríssimæ Virginis Mariæ integerrimam Virginitátem festíva celebrítate venerántes, ejus intercessióne, puritátem mentis et córporis consequámur. Per Dóminum.

Et fit Commem. Dominicæ occur., et legitur ejus Evangelium in fine.

Lectio libri Sapiéntiæ. Cant. 2.

EN diléctus meus lóquitur mihi : Surge, própera, amíca mea, colúmba mea, formósa mea, et veni. Jam enim hiems tránsiit, imber ábiit et recéssit. Flores apparuérunt in terra nostra : tempus putatiónis advénit : vox túrturis audita est in terra nostra : ficus prótulit grossos suos : víneæ floréntes dedérunt odórem suum. Surge, amíca mea, speciósa mea, et veni : colúmba mea, in foráminibus petræ, in cavérna macériæ, osténde mihi faciém tuam, sonet vox tua in áuribus meis : vox enim tua dulcis, et faciés tua decóra.

Graduale. Cant. 2. Sicut lílium inter spinas, sic amíca mea inter filias. *ŷ.* Diléctus meus mihi, et ego illi, qui páscitur inter lília.

Allelúia, allelúia. *ŷ.* Cant. 6. Quæ est ista quæ progréditur quasi auróra consúrgens, pulchra ut luna, elécta ut sol, terríbilis ut castrórum ácies ordináta? Allelúia.



Sequéntia sancti Evangélii secúndum Lucam. Cap. 1.

IN illo témpore : Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David : et nomen Virginis, María. Et ingræssus Angelus ad eam, dixit : Ave, grátia plena : Dóminus tecum : benedícta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne timeas, María : invenísti enim grátiam apud Deum : ecce concipies in útero, et páries filium, et vocábis nomen ejus Jesum. Hic erit magnus, et Filius Altíssimi vocábitur, et dabit illi Dóminus Deus sedem David patris ejus : et regnábít in domo Jacob in ætérnum, et regní ejus non erit finis. Dixit autem María ad Angelum : Quómodo fiet istud, quóniam virum non cognósko? Et respóndens Angelus, dixit ei : Spíritus sanctus supervéniet in te, et virtus Altíssimi obumbrábit tibi.

Credo.

Offertorium. Post partum, Virgo, invioláta permansísti : Dei Génitrix, intercede pro nobis.

Secreta.

UNIGÉNITI tui, Dómine, nobis succúrrat humánitas : ut qui, natus de Virgine, matris integritátem non mínuit, sed sacrávit, in Puritátis ejus solénnis, nostris nos piáculis éxuens, oblatiönem nostram tibi faciát accéptam Jesus Christus Dóminus noster. Qui tecum vivit.

Præfatio de B. M. V. Et te in Festivitate.

Communio. Benedícta et venerábilis es, Virgo María, quæ, sine tactu pudóris, invénta es mater Salvatóris.

Postcommunio.

SUMPTIS, Dómine, salutis nostræ subsídiis : da, quæsumus, puríssimæ Virginis Mariæ patrocínii nos ubíque prótegi : in cujus veneratióne hæc tuæ obtúlimus Majestáti. Per Dóminum.

DIE XXII

IN FESTO SANCTÆ MARLÆ SALOMÆ

VIDUÆ

MATRIS SS. JOANNIS EVANG. ET JACOBI MAJ.

APOSTOLORUM

Introitus.

GAUDEAMUS omnes in Dómino, diem festum celebrántes sub honóre beátæ Mariæ Salómæ, de cujus festivitáte gaudent Angeli, et colláudant Filium Dei. **Ps. 44.** Eructávit cor meum verbum bonum : dico ego ópera mea Regi. **ŷ.** Glória Patri. Gaudeámus.

Oratio.

CONCÉDE, quæsumus, omnipotens Deus : ut intercessio beátæ Mariæ Salómæ nos ubique protégat atque deféndat ; et quod a te fragilitátis nostræ deféctus obtinére non potest, ipsa intercedénte, tua nobis pietáte donétur. Per Dóminum.

Epistola Mulierem fortem, **de Comm. nec Virg. nec Mart. 25*** ; **Graduale** Diffúsa est. **Ibid.**



Sequéntia sancti Evangélii secúndum Matthæum. **Cap. 20.**

In illo témpore : Accéssit ad Jesum mater filiórum Zebedæi cum filiis suis, adoráns, et petens áliquid ab eo. Qui dixit ei : Quid vis ? Ait illi : Dic ut sédeant hi duo filii mei, unus ad dexteram tuam, et unus ad sinistram in regno tuo. Respóndens autem Jesus, dixit : Nescitis quid petátis. Potéstis bibere cálicem quem ego bibitúrus sum ? Dicunt ei : Póssumus. Ait illis : Cálicem quidem meum bibétis : sedére autem ad dexteram meam vel sinistram, non est meum dare vobis, sed quibus parátum est a Patre meo.

Offertorium. Ps. 44. Diffúsa est grátia in lábiis tuis : proptérea benedíxit te Deus in ætérnum, et in sæculum sæculi.

Secreta.

HÓSTIAM quam in honórem beátæ Mariæ, matris Apostolorum Joánnis et Jacóbi, tuæ offérimus Majestáti, tu, Deus, sanctifica : et nos fámulos tuos ejus participatióne constitue dignos. Per Dóminum.

Communio. Dilexísti justitiam, et odísti iniquitátem : proptérea unxit te Deus. Deus tuus, óleo lætitiæ præ consórtibus tuis.

Postcommunio.

OBLÁTA tibi múnera, quæsumus, Dómine, ab omni nos mudent labe peccáti : et beátæ Mariæ, matris Apostolorum Joánnis et Jacóbi, intercessióne, vitam nobis impetrent sempitérnam. Per.

DIE XXIII

IN FESTO SS. REDEMPTORIS

Introitus. **Is. 61.**

GAUDENS gaudebo in Dómino, et exsultábit ánima mea in Deo meo : quia induit me vestiméntis salutis, et induménto justitiæ circúmdedit me. **Ps. 88.** Misericórdias Dómini in ætérnum cantábo, in generatióne et generatióne. **ŷ.** Glória Patri. Gaudens.

Oratio.

DEUS, qui Unigénitum tuum mundi Redemptórem constituísti, et per eum, devicta morte, nos misericórditer ad vitam reparásti : concéde ; ut hæc beneficia recoléntes, tibi perpétua charitáte adhærére, et ejúsdem redemptiónis fructum percípere mereámur. Per eúndem Dóminum.

Lectio Epistolæ beáti Pauli Apóstoli ad Ephésios. **Cap. 1.**

BENEDICTUS Deus, et Pater Dómini nostri Jesu Christi, qui benedíxit nos in omni benedictióne spirituáli, in cœlestibus in Christo, sicut elégit nos in ipso ante mundi constitutióne, ut essémus sancti et immaculáti in conspéctu ejus in charitáte. Qui prædestinávit nos in adoptiόnem filiόrum per Jesum Christum in ipsum, secúndum propósitum voluntátis suæ, in laudem glóriæ grátiae suæ, in qua gratificávit nos in dilécto Filio suo, in quo hábémus redemptiόnem per sanguinem ejus, remissiόnem peccatórum secúndum divítias grátiae ejus, quæ superabundávit in nobis in omni sapiéntia et prudéntia : ut notum fáceret nobis sacraméntum voluntátis suæ, secúndum beneplácitum ejus, quod propósuit in eo.

Graduale. Ps. 85. Omnes gentes quascúmque fecisti, vénient, et adorábunt coram te, Dómine, et glorificábunt nomen tuum. **ŷ.** Quóniam magnus es tu, et faciens mirabilia : tu es Deus solus.

Allelúia, allelúia. **ŷ. Ps. 73.** Deus autem Rex noster ante sæcula, operátus est salutem in médio terræ. Allelúia.



Sequentia sancti Evangelii secúndum Joánnem. **Cap. 3.**

In illo témpore : Dixit Jesus Nicodémo : Nemo ascéndit in cælum, nisi qui descéndit de cælo, Filius hóminis, qui est in cælo. Et sicut Móyses exaltávit serpéntem in deserto, ita exaltári opórtet Filium hóminis, ut omnis qui credit in eum non péreat, sed hábeat vitam atérnam. Non enim misit Deus Filium suum in mundum ut júdicet mundum, sed ut salvétur mundus per ipsum. Qui credit in eum, non júdicátur : qui autem non credit, jam júdicátus est : quia non credit in nómine unigéniti Filii Dei.

Credo.

Offertorium. Salus pópuli ego sum, dicit Dóminus : de quacúmque tribulatióne clamáverint ad me, exáudiam eos : et ero illórum Deus in perpétuum, allelúia.

Secreta.

SÚSCIPE, quæsumus, Dómine, oblátum redemptionis atérnæ mystérium : et præsta, ut, unigéniti Filii tui gloriósis méritis intercedéntibus, vivíficet nos semper et múniat. Per eúndem Dóminum.

Præfatio de Cruce.

Communio. Ps. 106. Confiteántur Dómino misericórdiæ ejus, et mirabilia ejus filiis hóminum, allelúia.

Postcommunio.

CÓRPORIS tui sacri ac pretiósí sángxinis, quo redépti sumus, Dómine Jesu Christe, participes effécti : quæsumus; ut in nobis tuá múnera tueáris, atque a præsentis vitæ malis eréptos, ad bona perdúcas sempitérna. Qui vivis et regnas.

DIE XXIV

IN FESTO S. RAPHAELIS

ARCHANGELI

Introitus. **Ps. 102.**

BENEDÍCITE Dóminum, omnes Angeli ejus : poténtes virtúte, qui fáctis verbum ejus, ad audiéndam vocem sermónum ejus. **Ps.** Benedic, ánima mea, Dómino : et ómnia quæ intra me sunt, nómini sancto ejus. **ŷ.** Glória. Benedicite.

Oratio.

DEUS, qui beátum Raphaélem Archángelum Tobíæ fámulo tuo cómitem dedísti in via : concéde nobis fámulis tuis; ut ejúsdem semper protegámur custódia, et muniámur auxilio. Per.

Lectio libri Tobíæ. Cap. 12.

IN diébus illis : Dixit Angelus Ráphael ad Tobíam : Etenim sacraméntum regis abscondere bonum est : ópera autem Dei reveláre et confitéri honoríficum est. Bona est orátio cum jejúnio, et eleemósyna magis quam thesáuros auri recóndere : quóniam eleemósyna a morte liberat, et ipsa est quæ purgat peccáta, et facit invenire misericórdiam et vitam atérnam. Qui autem faciunt peccátum et iniquitátem, hostes sunt ánimæ suæ. Manífesto ergo vobis veritátem, et non abscondam a vobis occúltum sermónem. Quando orábas cum lácrymis, et sepelebas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratiónem tuam Dómino. Et quia acceptus eras Deo, necesse fuit ut tentátio probáret te. Et nunc misit me Dóminus ut curárem te, et Saram uxórem filii tui a dæmónio liberárem. Ego enim sum Ráphael Angelus, unus ex septem qui adstámus ante Dóminum.

Graduale. Tob. 8. Angelus Dómini Ráphael apprehéndit et ligávit dæmonem. **ŷ. Ps. 144.** Magnus Dóminus noster, et magna virtus ejus.

Allelúia, allelúia. **ŷ. Ps. 137.** In conspéctu Angelórum psallam tibi, adorábo ad templum sanctum tuum, et confitébor nómini tuo, Dómine. Allelúia.

In Missis votivis post Septuagesimam, omissis Allelúia et *ŷ. seq.*, dicitur

Tractus. Ps. 148. Laudáte Dóminum, omnes Angeli ejus : laudáte eum, omnes virtútes ejus. *ŷ. Ps. 102.* Benedicite Dóminum, omnes virtútes ejus, ministri ejus, qui fácitis voluntátem ejus.

Tempore Paschali.

Allelúia, allelúia. *ŷ. Ps. 102.* Bénedic, ánima mea, Dóminum : et ómnia interióra mea, nomen sanctum ejus. Allelúia. *ŷ. Tob. 5.* Missus est Angelus Dómini sanctus Ráphael a Deo ad Tobíam, et salutávit eum, et dixit : Gáudium sit tibi semper. Allelúia.



Sequentia sancti Evangélii secundum Joánnem. Cap. 5.

In illo témpore : Erat dies festus Judæórum, et ascéndit Jesus Jerosólymam. Est autem Jerosólymis Probática piscína, quæ cognominátur hebráice Bethsaída, quinque pórticus habens. In his jacébat multitúdo magna languéntium, cæcórum, claudórum, aridórum, expectántium aquæ motum. Angelus autem Dómini descendébat secundum tempus in piscinam, et movebátur aqua, et qui prior descendisset in piscinam post mótióem aquæ, sanus fiebat a quacúmque detinebátur infirmitáte. Credo.

Offertorium. Apoc. 8. Stetit Angelus juxta aram templi, habens thuribulum áureum in manu sua : et data sunt ei incénsa multa, et ascéndit fumus arómatum in conspéctu Dei.

Secreta.

HÓSTIAS tibi, Dómine, laudis offérimus, suppliciter deprecánte, ut eásdem, angélico pro nobis interveniénté suffrágio, et placátus accípias, et ad salutém nostram proveníre concédas. Per Dóminum.

Communio. Dan. 3. Benedicite, omnes Angeli Dómini, Dóminum : hymnum dicite, et superexaltáte eum in secula.

Postcommunio.

DIRIGERE dignáre, Dómine Deus, in adjutórium nostrum sanctum Raphaélem Archángelum : et quem tuæ

Majestáti semper assistere crédimus, tibi nostras exíguas preces benedicéndas assignet. Per Dóminum.

DIE XXV

IN FESTO

B. MARGARITÆ MARLE ALACOQUE
VIRGINIS

Missa Dilexisti, de Comm. Virg. 21*, præter Orationes sequentes.

Oratio.

DÓMINE Jesu Christe, qui investigábiles divítias Cordis tui beáte Margaritæ Virgini mirabiliter revelásti : da nobis ejus méritis et imitatióne ; ut te in ómnibus et super ómnia diligénte, jugem in eódem Corde tuo mansiónem habére mereámur. Qui vivis.

Et fit Commem. SS. Chrysanthi et Dariæ, Mart., ut in Missali. 465.

Secreta.

ACCÉPTA tibi sint, Dómine, plebis tuæ múnera, et concéde, ut ignis ille divínus nos inflámmet, quo de Corde Filii tui emissó beáta Margarita veheménter aestuávit. Per eúndem Dóminum.

Postcommunio.

CÓRPORIS et sánguinis tui, Dómine Jesu, sumptis mystériis : concéde nobis, quæsumus, beáta Margarita Virgine intercedénte ; ut, supérbis sæculi vanitátibus exútis, mansuetúdinem et humilitátem Cordis tui indúere mereámur. Qui vivis et regnas.

EADEM DIE

IN FESTO B. ALPHONSI RODRIGUEZ
CONFESSORIS

Missa Justus, de Communi Conf. non Pont. 17*, cum Orationibus sequentibus.

Oratio.

DEUS, fortitúdo fragílum et humilium celsitúdo, qui fámulum tuum Alphónsum jugi mortificatiónis stúdio et eximíæ humilitátis laude claréscere voluísti : da, ut ejus imitatióne carne mortificáti, et in húmili crucis Filii tui sequéla fidéliter perseveránte, glóriam consequámur aetérnam. Qui tecum vivit.

Secreta.

OBLATIÓNES nostras tibi, Dómine, quæsumus, beáti Alphónsi intercessio sancta comméndet : quem coram tuis altáribus precántem supernórum charismatum dulcédine recreásti. Per.

Postcommunio.

SPÍRITUM nobis, Dómine, fortitúdinis tribuat hæc mensa celéstis : ut beáti Alphónsi Confessoris exémplo, salutis nostræ hóstiū superátis insidiis, perpétua pace pérfrui mereámur. Per.

DIE XXXI

IN FESTO S. WOLFGANGI

EPISCOPI ET CONFESSORIS

Missa Sacerdótes, de Communi Conf. Pont. 14*, præter Orationem sequentem.

Oratio.

DEUS, qui nobis æternæ salutis beatum Wolfgangum, Episcopum, ministrum tribuisti : præsta, quæsumus, ut quem doctórem vitæ habuimus in terris, intercessórem habére mereámur in cælis. Per Dóminum.

Et fit Commem. Vigil. Omnium Sanctorum, cum Evang. ejusdem Vigil. in fine, 468.

DOMINICA IV OCTOBRIS VEL II NOVEMBRIS

FESTUM PATROCINII

BEATÆ MARIE VIRGINIS

Missa Salve, sancta Parens. 39*, ut in Missis votivis B. M. V. a Pentecoste usque ad Adventum, cum Commem. Dominicæ occur., et ejus Evangelio in fine.

Et dicitur Credo, et Præfatio de B. M. V. Et te in Festivitate beatæ Mariæ.

FESTA NOVEMBRIS

DIE V

IN FESTO S. ZACHARIÆ

CONFESSORIS

PATRIS S. JOANNIS BAPTISTÆ

Missa Os justi, de Communi. 16*, præter Orationes sequentes.

Oratio.

VIGÉAT, quæsumus, Dómine, semper in córdibus nostris divinæ tuæ præ-

séntiæ memória, beáti Zachariæ, sanctissimi Præcursóris tui patris, suffragántibus méritis; ut te super ómnia diligéntes, ad promissiónes tuas, quæ omne desidérium súperant, sine offensióne curámus. Qui vivis.

Secunda Oratio Octavæ Omnium Sanctorum.

Evang. ut in Vigil. Nativitatis S. Joannis Baptistæ. 378.

Et dicitur Credo ratione Octavæ.

Secreta.

ANTE óculos tuos, Dómine, hóstiā salutārem offérimus, humiliter deprecántes, ut per beáti Zachariæ, sanctissimi Præcursóris tui patris, mérita, fiat nobis tuæ dilectiōnis pignus ætérnum. Qui vivis.

Postcommunio.

PÉRFIGE, quæsumus, Dómine, in honórem beáti Zachariæ, sanctissimi Præcursóris tui patris, munus oblátum : et quod nostra peccáta præpédiunt, ipso pro nobis intercedénte, indulgéntia tuæ propitiatiōnis accéleret. Qui vivis.

DIE XII

IN FESTO S. JOSAPHAT

EPISCOPI ET MARTYRIS

Introitus.

GAUDEÁMUS omnes in Dómino, diem festum celebrántes sub honóre beáti Jósaphat Mártyris, de cujus passióne gaudent Angeli, et colláudant Filium Dei. Ps. 32. Exsultáte, justi, in Dómino : rectos decet collaudátio. ȳ. Glória Patri. Gaudeámus.

Oratio.

EXCITA, quæsumus, Dómine, in Ecclesiá tua spíritum quo replétus sanctus Jósaphat, Martyr et Póntifex tuus, ánimam suam pro óvibus pósuit : ut eo intercedénte, nos quoque eódem spíritu moti ac roborátí, ánimam nostram pro frátribus pónere non vereámur. Per Dóminum.

Léctio Epístolæ beáti Pauli Apóstoli ad Hebræos. Cap. 5.

FRATRES, Omnis póntifex ex hominibus assumptus, pro hominibus constituitur.

tur in iis quæ sunt ad Deum, ut offerat dona et sacrificia pro peccatis: qui condolere possit iis qui ignorant et errant: quoniam et ipse circumdatus est infirmitate: et propterea debet, quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur a Deo, tamquam Aaron. Sic et Christus non semetipsum clarificavit ut Pontifex fieret, sed qui locutus est ad eum: Filius meus es tu, ego hodie genui te. Quemadmodum et in alio loco dicit: Tu es Sacerdos in æternum, secundum ordinem Melchisedech.

Graduale. Ps. 88. Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum. *ŷ.* Nihil proficiet inimicus in eo, et filius iniquitatis non nocēbit ei.

Allelūia, allelūia. *ŷ.* Hic est Sacerdos quem coronavit Dominus. Allelūia.

In Missis votivis Tempore Paschali. Allelūia, allelūia. *ŷ.* Ps. 88. Confitebuntur cœli mirabilia tua, Domine: etenim veritatem tuam in Ecclesia sanctorum. Allelūia. *ŷ.* Ps. 20. Posuisti, Domine, super caput ejus coronam de lapide pretioso. Allelūia.



Sequentia sancti Evangelii secundum Joannem. **Cap. 10.**

In illo tempore: Dixit Jesus pharisæis: Ego sum Pastor bonus. Bonus pastor animam suam dat pro ovibus suis. Mercenarius autem, et qui non est pastor, cujus non sunt ovēs propriæ, videt lupum venientem, et dimittit ovēs, et fugit; et lupus rapit, et dispergit ovēs: mercenarius autem fugit, quia mercenarius est, et non pertinet ad eum de ovibus. Ego sum Pastor bonus, et cognosco meas, et cognoscunt me meæ. Sicut novit me Pater, et ego agnosco Patrem, et animam meam pono pro ovibus meis. Et alias ovēs habeo, quæ non sunt ex hoc ovili, et illas oportet me adducere, et vocem meam audient, et fiet unum ovile, et unus Pastor.

Offertorium. Joan. 13. Majorem cha-

ritatem nemo habet, ut animam suam ponat quis pro amicis suis.

Secreta.

CLEMENTISSIME Deus, mûnera nostra tua benedictione perfunde, quæ nos in fide confirmet, quam sanctus Jósaphat, Martyr et Póntifex tuus, effuso sanguine adservuit. Per Dóminum.

Communio. Joan. 10. Ego sum Pastor bonus, et cognosco ovēs meas, et cognoscunt me meæ.

Postcommunio.

SPÍRITUM, Domine, fortitudinis hæc nobis tribuat mensa cœlestis: quæ sancti Jósaphat, Mártiris tui atque Pontificis, vitam pro Ecclesiæ honore júgiter áluit ad victóriam. Per Dóminum.

DIE XIII

IN FESTO S. STANISLAI KOSTKÆ

CONFESSORIS

Introitus. Sap. 4.

CONSUMMATUS in brevi, explēvit tēpora multa: plácita enim erat Deo ánima illius: propter hoc peperavit educere illum de médio iniquitatum. **Ps. 112.** Laudáte, púeri, Dóminum: laudáte nomen Dómini. *ŷ.* Glória Patri. Consummatus.

Oratio.

DEUS, qui inter cætera sapiéntiæ tuæ mirácula, etiam in tēnere ætáte matúræ sanctitátis grátiam contulisti: da, quæsumus; ut beáti Stanislái exémplo, tempus instánter operándo rediméntes, in ætérnam ingredi réquiem festinémus. Per Dóminum.

Lectio libri Sapiéntiæ. Cap. 4.

JUSTUS, si morte præoccupátus fúerit, in refrigério erit. Senéctus enim venerábilis est non diutúrna, neque annórum número computáta: caní autem sunt sensus hómínis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est, ne malítia mutáret intelléctum ejus, aut ne fictio decíperet ánimam illius. Fascinátio enim nugacitátis obscurát bona, et inconstántia concupiscéntiæ transvértit sensum sine ma-

litia. Consummátus in brevi, explévit témpora multa : plácita enim erat Deo ánima illius : propter hoc properávit edúcere illum de médio iniquitátum. Pópuli autem vidéntes, et non intelligéntes, nec ponéntes in præcórdiis talia : quóniam grátia Dei et misericórdia est in sanctos ejus, et respéctus in eléctos illius. Condémnat autem justus mórtuus vivos ímpios, et juvéntus celérius consummáta longam vitam injústi.

Graduale. Ps. 20. Desidérium cordis ejus tribuísti ei, et voluntáte labiórumejus non fraudásti eum. **ŷ.** Quóniam prævenísti eum in benedictiónibus dulcédinis.

Allelúia, allelúia. ŷ. Ps. 118. Initio cognóvi de testimoniis tuis, quia in ætérnum fundásti ea. Allelúia.



Sequéntia sancti Evangélii secúndum Matthæum. **Cap. 19.**

In illo témpore : Obláti sunt Jesu párvuli, ut manus eis impóneret et oráret. Discípuli autem increpábant eos. Jesus vero ait eis : Símite párvulos, et nolite eos prohibére ad me veníre : tálíum est enim regnum cælórum. Et cum imposuisset eis manus, ábiit inde. Et ecce unus accédens, ait illi : Magíster bone, quid boni fáciam, ut hábeam vitam ætérnam? Qui dixit ei : Quid me intérrogas de bono? Unus est bonus, Deus. Si autem vis ad vitam ingredi, serva mandáta. Dixit illi : Quæ? Jesus autem dixit : Non homicídium fácies : Non adulterábis : Non fácies furtum : Non falsum testimónium dices : Honóra patrem tuum et matrem tuam, et diliges próximum tuum sicut teípsum. Dicit illi adolescens : Omnia hæc custodívi a juvéntute mea : quid adhuc mihi deest? Ait illi Jesus : Si vis perfectus esse, vade, vende quæ habes, et da paupéribus, et habébis thesáurum in cælo : et veni, séquere me.

Offertorium. Ps. 42. Introibo ad altáre Dei, ad Deum qui lætificat juventútem meam.

Secreta.

Angelórum pane, quæsumus, Dómine, beáti Stanislái nos intereéssio dignos

efficiat, qui eo méruit angélica manu recreári. Per Dóminum.

Communio. Eccli. 15. Cibávit illum Dóminus pane vitæ et intelléctus, et aqua sapiéntiæ potávit illum.

Postcommunio.

Ut nobis, Dómine, cœléstis, quem sumpsimus, panis sit vitæ : beáto Stanisláo, Confessóre tuo, intercedénte, quæsumus; ut panis sit intelléctus, et potus aqua sapiéntiæ salutáris. Per.

DIE XV

IN FESTO S. LEOPOLDI

CONFESSORIS

Missa ut in Festo S. Stephani, Régis Hungariæ, Confessoris. 438, præter Orationem sequentem.

Oratio.

Deus, qui sanctum Leopóldum, ex principátu et curis sæculi hujus, immaculátum ad regnum cœléste traduxisti : concéde propítius; tua cleméntia, ita nos per hæc temporália dirigi, ut ætérnæ vitæ consórtes éffici mereámur. Per Dóminum.

DIE XXVI

IN FESTO

S. LEONARDI A PORTU MAURITIO

CONFESSORIS

Missa Os justi, de Comm. Conf. non Pont. 16*, cum Orationibus sequentibus.

Oratio.

Deus, qui ad obstináta peccatórum corda per evangélicam prædicatió-nem flecténda beátum Leonárdum, Confessórem tuum, admirábilem sanctitáte et invicto dicéndi róbre suscitásti : da, quæsumus; ut contritiónis lácrymas, ad quas ob duritiam cordis nostri sine te permóverí non póssumus, per ejus preces et mérita consequámur. Per Dóminum.

Secreta.

Hæc múnera, Deus vere miséricors, fragilitáti nostræ auxiliéntur, et, secúndum divítias grátiae tuæ, fiant nobis pignora glóriæ sempitérnæ. Per Dóminum.

Postcommunio.

Circo anticepent nos misericórdiæ tuæ, quæsumus, Dómine, méritis beáti Leonárdi, Confessóris tui : et quos divínis aliméntis recreásti, fac, ipso intercedente, usque in finem tua protectióne muníto. Per Dóminum.

EADEM DIE

IN FESTO S. SILVESTRI

ABBATIS

Missa Os justi, de Comm. Abbatum. 18*, cum Commem. S. Petri Alexandrini, ut in Missali. 480.

MISSA

IN COMMEMORATIONE

SANCTORUM QUORUM CORPORA SEU RELIQUIÆ
IN ECCLESIISS ASSERVANTUR

Introitus. Ps. 33.

Multæ tribulatiónes justórum, et de his ómnibus liberábit eos Dóminus : Dóminus custodit ómnia ossa eórum : unum ex his non conterétur. Ps. Benedicam Dóminum in omni témpore : semper laus ejus in ore meo. *ÿ.* Glória Patri. Multæ.

Oratio.

Auge in nobis, Dómine, resurrectiós fidem, qui in Sanctorum tuórum Reliquiis mirabilia operáris : et fac nos immortalis glóriæ participes, cujus in eórum cinéribus pignora venerámur. Per Dóminum.

Lectio libri Sapiéntiæ. Eccli. 44.

Hi viri misericórdiæ sunt, quorum pietates non defuerunt : cum sémine eórum pérmanent bona, hæréditas sancta nepótes eórum, et in testaméntis stetit semen eórum, et filii eórum propter illos usque in ætérnum manent : semen eórum et glória eórum non derelinquétur. Corpora ipsórum in pace sepulta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum nuntiet Ecclesiá.

Graduale. Ps. 149. Exsultábunt Sancti in glória : lætabúntur in cubilibus suis. *ÿ.* Ps., *ibid.* Cantáte Dómino cánticum

novum : laus ejus in Ecclesiá sanctorum.

Allelúia, allelúia. *ÿ.* Ps. 67. Justi epuléntur et exsúltent in conspéctu Dei, et delectétur in lætitia. Allelúia.



Sequéntia sancti Evangélii secúndum Lucam. Cap. 6.

In illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere : quia virtus de illo exibat, et sanábat omnes. Et ipse, elevátis óculis in discipulos suos, dicebat : Beáti páuperes, quia vestrum est regnum Dei. Beáti qui nunc esuritis, quia saturabimini. Beáti qui nunc fletis, quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exsultáte : ecce enim merces vestra multa est in celo.

Offertorium. Ps. 67. Mirábilis Deus in Sanctis suis : Deus Israel ipse dabit virtútem et fortitúdinem plebi suæ : benedíctus Deus, allelúia.

Secreta.

Implorámus, Dómine, cleméntiam tuam, ut Sanctorum tuórum, quorum Reliquias venerámur, suffragántibus méritis, hóstia quam offerimus, nostrórum sit expiatio delictórum. Per Dóminum.

Communio. Ps. 32. Gaudéte, justi, in Dómino : rectos decet collaudátio.

Postcommunio.

Múltiplica super nos, quæsumus, Dómine, per hæc sancta quæ sumpsimus, misericórdiam tuam : ut sicut in tuórum solemnitate Sanctorum, quorum Reliquias cólimus, pia devotióne lætámur ; ita eórum perpétua societate, te largiente, fruámur. Per Dóminum.

MISSÆ PER HEBDOMADAM EX INDULTO

FERIA QUINTA

DE SS. EUCHARISTIÆ SACRAMENTO

Quæ Missa ex indulto Apostolico aliquibus in locis celebratur sub ritu semiduplici omnibus Feriis quintis non impeditis Festo novem Lectionum, etiam translato, excepto Adventu, Quadragesima, Vigiliis, ac etiam Feria illa, in qua secundum Rubricas Officium Dominicæ aliquando erit apponendum.

Missæ Cibavit eos ex adipe frumenti, quæ invenitur inter Missas votivas. 33*.

Secunda et tertia Oratio pro diversitate temporis, ut in Semiduplicibus.

Non dicitur Credo.

Præfatio de Nativitate. Quia per incarnati Verbi mysterium.

SABBATO

DE IMMACULATA CONCEPTIONE B. M. V.

Quæ Missa ex indulto Apostolico aliquibus in locis celebratur sub ritu semiduplici quolibet Sabbato non impedito Festo ix Lect., etiam translato, excepto Adventu, Quadragesima, Vigiliis, Sabbato Quatuor Temporum, ac etiam Sabbato illo, in quo Officium Dominicæ aliquando erit apponendum.

Missæ Gaudens gaudēbo, ut in Festo. 297. Secunda Oratio, de Spiritu sancto; tertia, Ecclesiæ, vel pro Papa. 40*. Non dicitur Credo. In Secreta vero dicitur: Salutarem Hóstiam, quam in Commemoratione Immaculatæ Conceptionis.

Præfatio de B. M. V. Et te in Commemoratione Conceptionis Immaculatæ.

MISSA VOTIVA

PRO FIDEI PROPAGATIONE

Concessa a SS. DD. NN. Gregorio Papa XVI, diebus non impeditis, pro Diocesis omnibus in quibus Societas Propagationis Fidei nunc instituta est, vel in posterum erit, cujus Missæ Collectas addere liceat in Missis quæ, recur-

rentibus ejusdem Societatis Festis, celebrabuntur, ita tamen ut Collectæ istæ, quando Festum celebretur ritu duplici primæ classis, recitari debeant sub unica conclusione, ad normam Decreti S. Congregationis de Propaganda Fide, de die 21 Augusti 1841.

Introitus. Ps. 66.

DEUS misereatur nostri, et benedicat nobis : illūminet vultum suum super nos, et misereatur nostri : ut cognoscāmus in terra viam tuam, in omnibus gentibus salutāre tuum. Ps. Confiteantur tibi pópuli, Deus : confiteantur tibi pópuli omnes. ♯. Glória Patri. Deus.

Oratio.

DEUS, qui omnes hómines vis salvos fieri, et ad agnitióem veritátis venire : mitte, quæsumus, operários in messem tuam, et da eis cum omni fiducia loqui verbum tuum; ut sermo tuus currat et clarificetur, et omnes gentes cognoscant te solum Deum verum, et quem misisti Jesum Christum Filium tuum Dóminum nostrum. Qui tecum.

Lectio libri Sapientíæ. Eccli. 36.

MISERERE nostri, Deus ómnium, et respice nos, et ostēde nobis lucem miseratiónum tuarum : et immitte timórem tuum super gentes quæ non exquisierunt te, ut cognoscant quia non est Deus nisi tu, et enārent magnalia tua. Alleluia manum tuam super gentes alias, ut videant poténtiam tuam. Sicut enim in conspectu eórum sanctificátus es in nobis, sic in conspectu nostro magnificaberis in eis, ut cognoscant te, sicut et nos cognóvimus quóniam non est Deus præter te, Dómine. Innova signa, et immuta mirabilia : glorifica manum et bráchium dexterum : excita furórem, et effunde iram : tolle adversárium, et afflige inimicum. Festina tempus, et mémento finis, ut enārent mirabilia tua. Da testimónium his qui ab initio creaturæ tuæ sunt, et suscita prædicationes quas locúti sunt in nómine tuo Prophætæ prióres. Da mercédem sustinentibus te, ut Prophætæ tui fidéles inveniantur : et

exáudi oratiónes servórum tuórum secúndum benedictiónem Aaron de pópulo tuo, et dirige nos in viam justitiæ, et sciant omnes qui hábitant terram, quia tu es Deus conspéctor sæculórum.

Graduale. Ps. 66. Confiteántur tibi pópuli, Deus : confiteántur tibi pópuli omnes : terra dedit fructum suum. *ŷ.* Benedicat nos Deus, Deus noster, benedicat nos Deus : et métuant eum omnes fines terræ.

Allelúia, allelúia. *ŷ. Ps. 99.* Jubilate Deo, omnis terra : servite Dómino in lætitiá : introíte in conspéctu ejus in exultatióne. Allelúia.

Post Septuagesimam, omissis Allelúia et ŷ. seq., dicitur

Tractus. Ps. 95. Annuntiáte inter gentes glóriam Dómini, in ómnibus pópulis mirabilia ejus. *ŷ.* Quóniam magnus Dóminus, et laudábilis nimis : terribilis est super omnes deos. *ŷ.* Quóniam omnes dii géntium dæmónia : Dóminus autem cœlos fecit.

Tempore Paschali.

Allelúia, allelúia. *ŷ. Ps. 99.* Jubilate Deo, omnis terra : servite Dómino in lætitiá : introíte in conspéctu ejus in exultatióne. Allelúia. *ŷ.* Scitóte quóniam Dóminus ipse est Deus : ipse fecit nos, et non ipsi nos. Allelúia.



Sequéntia sancti Evangélíi secúndum Matthæum. **Cap. 9.**

In illo témpore : Circuibat Jesus omnes civitátes et castélla, docens in synagógis eórum, et prædicans Evangélium regni, et curans omnem languórem et omnem infirmitátem. Videns autem turbas, misértus est eis, quia erant vexáti et jacéntes, sicut oves non habéntes pastórem. Tunc dicit discíplis suis : Messis quidem multa, operárii autem pauci. Rogáte ergo dómimum messis, ut mittat operários in messem suam.

Offertorium. Ps. 95. Afférte Dómino,

pátriæ géntium, afférte Dómino glóriam et honórem; afférte Dómino glóriam nómini ejus : tollite hóstias, et introíte in átria ejus; adoráte Dóminum in átrio sancto ejus.

Secreta.

PROTÉCTOR noster, aspice, Deus, et réspice in faciém Christi tui, qui dedit redemptionem semetipsum pro ómnibus : et fac, ut ab ortu solis usque ad occásu magnificétur nomen tuum in géntibus, ac in omni loco sacrificétur et offerátur nómini tuo oblátio munda. Per eúndem Dóminum.

Communio. Ps. 116. Laudáte Dóminum, omnes gentes : laudáte eum, omnes pópuli : quóniam confirmáta est super nos misericórdia ejus, et véritas Dómini manet in aetérnum.

Postcommunio.

REDEMPTIÓNIS nostræ múnere vegetáti : quæsumus, Dómine; ut hoc perpétuæ salútis auxilio, fides semper vera proficiat. Per Dóminum nostrum Jesum Christum Filium tuum.

Alia Epistola.

Léctio Epistolæ beáti Pauli Apóstoli ad Timótheum. **I Tim. 2.**

OBSECO primum ómnium fieri obsecratiónes, oratiónes, postulatiónes, gratiárum actiόnes pro ómnibus hominibus, pro régibus et ómnibus qui in sublimitáte sunt, ut quiétam et tranquillam vitam agámus in omni pietáte et castitáte : hoc enim bonum est et accéptum coram Salvatóre nostro Deo, qui omnes hómines vult salvos fieri et ad agnitiónem veritátis veníre. Unus enim Deus, unus et mediátor Dei et hóminum, homo Christus Jesus : qui dedit redemptionem semetipsum pro ómnibus, testimónium tempóribus suis : in quo pósitus sum ego prædicátor et apóstolus (veritátem dico, non méntior), doctor géntium in fide et veritáte.



MISSÆ PROPRIÆ

SS. SUMMORUM PONTIFICUM

QUÆ CLERO ROMANO INDULTÆ SUNT, ET QUÆ NON REPERIUNTUR ALIBI IN PRESENTI MISSALI

FESTA DECEMBRIS

DIE IX

IN FESTO S. EUTYCHIANI

PAPÆ ET MARTYRIS

Missa Sacerdôtes, de Comm. unius Mart. Pont. 3*.

Et fit Communem. Oct. et Fer.

DIE XII

IN FESTO S. MELCHIADIS

PAPÆ ET MARTYRIS

Missa Stâtuit, de Comm. unius Mart. Pont. 2*.

Et fit Commem. Oct. et Fer.

DIE XIX

IN FESTO B. URBANI V

PAPÆ ET CONFESSORIS

Missa Sacerdôtes, de Comm. Conf. Pont. 14*, præter Orat. seq.

Oratio.

DEUS, qui ad tuenda fortiter Sedis Apostolicæ jura, fidemque catholicam late propagandam, beatum Urbanum, Confessorem tuum atque Pontificem, constantia roborasti: fac nos ipsius præsidii adjutos, ita militanti Ecclesiæ servire, ut triumphanti consociari mereamur. Per Dominum.

Secreta.

RÉSPICE, Domine, mûnera quæ in beati Urbani, Confessoris tui et Pontificis, commemoratione deférimus, ut ejusdem méritis, et medelam nobis operentur et glóriam. Per Dominum.

Postcommunio.

SACRAMENTA quæ sumpsimus, Domine Deus noster, illam nobis fidem innû-

triant, quam et apostolica docuit prædicatio, et beati Urbani, Confessoris tui atque Pontificis, sollicitudo custodivit. Per Dominum.

FESTA JANUARI

DIE XXVII

IN FESTO S. VITALIANI

PAPÆ ET CONFESSORIS

Missa Stâtuit, de Comm. Conf. Pont. 12*.

DIE XXX

IN FESTO S. FELICIS IV

PAPÆ ET CONFESSORIS

Missa Sacerdôtes, de Communi Conf. Pont. 14*.

FESTA FEBRUARII

DIE III

IN FESTO S. DIONYSII

PAPÆ ET CONFESSORIS

Missa Stâtuit, de Comm. Conf. Pont. 12*.

Et fit Commem. S. Blasii, Episc. et Mart. Orat. Deus, qui nos, ex Missa Sacerdôtes Dei, de Comm. 3*.

DIE IX

IN FESTO S. ZOSIMI

PAPÆ ET CONFESSORIS

Missa Stâtuit, de Comm. Conf. Pont. 12*.

Et fit Commem. Fer. si venerit in Quadrag., et postea S. Apolloniæ, Virg. et Mart. Orat. Deus, qui inter cætera, ex Missa Loquébar, de Comm. 19*.

DIE XI

IN FESTO S. ANTHERII, PAPÆ ET MART.

Missa Státuit, de Comm. unius Mart.
Pont. 2*.

Et fit Commem. Fer. si venerit in
Quadrág.

DIE XII

IN FESTO S. TELESPHORI

PAPÆ ET MARTYRIS

Missa Sacerdótes, de Communi unius
Mart. Pont. 3*.

Et fit Commem. Fer. si venerit in
Quadrág.

DIE XIII

IN FESTO S. GREGORII II

PAPÆ ET CONFESSORIS

Missa Státuit, de Comm. Conf. Pont. 12*.

Et fit Commem. Fer. si venerit in
Quadrág.

DIE XIV

IN FESTO S. AGATHONIS, PAPÆ ET CONF.

Missa Státuit, de Comm. Conf. Pont. 12*.

Et fit Commem. Fer. si venerit in
Quadrág., et postea S. Valentini, Mart.,
ut in Missali. 324.

DIE XVI

IN FESTO B. GREGORII X

PAPÆ ET CONFESSORIS

Missa Státuit, de Comm. Conf. Pont.
12*, præter Orationem sequentem.

Oratio.

DEUS, qui Ecclesiám tuam beáti Gre-
gorii, Confessóris tui atque Ponti-
ficis, religiónis zelo et apostólicis curis
amplificáti: ejus méritis et interces-
sióne concéde; ut fidei et sanctitátis nova
semper incrementa suscipiat. Per.

Et fit Commem. Fer. si venerit in
Quadrág.

DIE XVII

IN FESTO S. HYGINI, PAPÆ ET MART.

Missa Státuit, de Comm. unius Mart.
Pont. 2*.

Et fit Commem. Fer. si venerit in
Quadrág.

DIE XXV

(In Bissextili, die xxvi.)

IN FESTO S. FELICIS III

PAPÆ ET CONFESSORIS

Missa Státuit, de Comm. Conf. Pont. 12*.

Et fit Commem. Fer. si venerit in
Quadrág.

FESTA MARTII

DIE II

IN FESTO S. SIMPLICII

PAPÆ ET CONFESSORIS

Missa Státuit, de Comm. Conf. Pont.
12*.

In Quadrág. fit Commem. Fer.

DIE IV

IN FESTO S. LUCII

PAPÆ ET MARTYRIS

Missa Sacerdótes, de Communi unius
Mart. Pont. 3*.

In Quadrág. fit Commem. Fer.

DIE XV

IN FESTO S. ZACHARÆ

PAPÆ ET CONFESSORIS

Missa Státuit, de Comm. Conf. Pont.
12*.

Et fit Commem. Fer.

DIE XXVIII

IN FESTO S. XYSTI III

PAPÆ ET CONFESSORIS

Missa Státuit, de Comm. Conf. Pont. 12*.

Et fit Commem. Fer.

FESTA APRILIS

DIE VI

IN FESTO S. XYSTI I

PAPÆ ET MARTYRIS

Missa Státuit, de Comm. unius Mart.
Pont. 2*.

Et fit Commem. Fer. in Quadrág.
Tempore Paschali, Missa Protexisti
me. 6*.

DIE VII

IN FESTO S. COELESTINI I

PAPÆ ET CONFESSORIS

Missa Státuit, de Comm. Conf. Pont.
12*.

In Quadrag. fit Commem. Fer.

DIE XII

IN FESTO S. JULII I, PAPÆ ET CONF.

Missa Státuit, de Comm. Conf. Pont.
12*.

In Quadrag. fit Commem. Fer.

DIE XVII

IN FESTO S. ANICETI, PAPÆ ET MART.

Missa ut in Missali. 340. — Extra Tempus Pasch., Missa Sacerdótes, de Comm. unius Mart. Pont. 3*.

DIE XIX

IN FESTO S. LEONIS IX

PAPÆ ET CONFESSORIS

Missa Státuit, de Comm. Conf. Pont.
12*.

DIE XXVII

IN FESTO S. ANASTASII I

PAPÆ ET CONFESSORIS

Missa Státuit, de Comm. Conf. Pont.
12*.

FESTA MAII

DIE VII

IN FESTO S. BENEDICTI II

PAPÆ ET CONFESSORIS

Missa Státuit, de Comm. Conf. Pont.
12*.

DIE XI

IN FESTO S. ALEXANDRI I

PAPÆ ET MARTYRIS

Temp. Pasch., Missa Protexísti me. 6*.
— Extra Temp. Pasch., Missa Státuit. 2*.

DIE XIV

IN FESTO S. PASCHALIS I

PAPÆ ET CONFESSORIS

Missa Státuit, de Comm. Conf. Pont. 12*.
Et fit Commem. S. Bonifacii, Mart.,
ut in Missali. 338.

DIE XXVII

IN FESTO S. JOANNIS I

PAPÆ ET MARTYRIS

Tempore Paschali, Missa Protexísti
me. 6*.— Extra Tempus Paschale, Missa
Sacerdótes. 3*.

DIE XXVIII

IN FESTO S. URBANI I

PAPÆ ET MARTYRIS

Missa extra Tempus Paschale.

Introitus. Ps. 131.

SACERDÓTES tui, Dómine, induant
justitiam, et sancti tui exsúltent :
propter David servum tuum non
avértas faciém Christi tui. Ps. Meménto,
Dómine, David, et omnis mansuetúdinis
ejus. ȳ. Glória Patri. Sacerdótes.

Oratio.

DA, quæsumus, omnipotens Deus : ut
qui beáti Urbáni, Mátyris tui atque
Pontificis, solémnia cólimus, ejus apud
te intercessiónibus adjuvémur. Per Dó-
minum.

Epist. Benedictus Deus, de Comm.
unius Mart. Pont. 2º loco. 3*.

Graduale. Ps. 88. Invéni David ser-
vum meum, óleo sancto meo unxi eum :
manus enim mea auxiliábitur ei, et brá-
chium meum confortábit eum. ȳ. Nihil
proficiet inimicus in eo, et filius iniqui-
tátis non nocébit ei.

Allelúia, allelúia. ȳ. Ps. 131. Me-
ménto, Dómine, David, et omnis man-
suetúdinis ejus. Allelúia.

Evang. Homo péregrine proficíscens, de
Comm. Conf. Pont. 1º loco. 13*.

Offertorium. Ps. 88. Véritas mea et
misericórdia mea cum ipso, et in nómine
meo exaltábitur cornu ejus.

Secreta.

HÆC hóstia, Dómine, quæsumus,
emúndet nostra delicta, et ad sa-
crificium celebrándum, subditórum tibi
córpora mentésque sanctificet. Per.

Communio. Luc. 12. Fidélis servus
et prudens, quem constituit Dóminus
super familiam suam, ut det illis in
tempore tritici mensúram.

Postcommunio.

REFÉCTI participatióne múnieris sacri : quæsumus, Dómine Deus noster ; ut ejus exséquimur cultum, intercedente beáto Urbáno, Mártyre tuo atque Pontifice, sentiámus effectum. Per.

Si vero venerit Temp. Pasch., Missa Protexísti me. 6* ; Orationes propriæ.

DIE XXIX

IN FESTO S. BONIFACII IV

PAPÆ ET CONFESSORIS

Missa Státuit, de Comm. Conf. Pont. 12*.

DIE XXX

IN FESTO S. FELICIS I

PAPÆ ET MARTYRIS

Tempore Paschali, Missa Protexísti me. 6*. — Extra Tempus Paschale. Missa Státuit, de Comm. primo loco. 2*.

FESTA JUNII

DIE I

IN FESTO S. ELEUTHERII I

PAPÆ ET MARTYRIS

Tempore Paschali, Missa Protexísti me. 6*. — Extra Tempus Paschale. Missa Státuit, de Comm. primo loco. 2*.

DIE II

IN FESTO S. EUGENII I

PAPÆ ET CONFESSORIS

Missa Státuit, de Comm. Conf. Pont. 12*.

Et fit Commem. SS. Marcellini ac Soc., Mart., ut in Missali. 364.

DIE XII

IN FESTO S. LEONIS III, PAPÆ ET CONF.

Missa Státuit, de Comm. Conf. Pont. 12*.

Et fit Commem. SS. Basilidis ac Soc., ut in Missali. 370.

DOMINICA I NON IMPEDITA

POST OCTAV. SS. APOST. PETRI ET PAULI

COMMEMORATIO

OMNIUM SS. SUMMORUM PONTIFICUM

Introitus. Ps. 49.

CONGREGÁTE illi sanctos ejus, qui ordináverunt testaméntum ejus super sacrificia. Et annuntiábunt cœli

justitiam ejus : quia Deus tuus ego sum. Ps. Deus deórum Dóminus locútus est, et vocávit terram. ȳ. Glória Patri. Congregáte.

Oratio.

DEUS, qui pópulis tuis indulgéntia cónsulis et amóre domináris : da spíritum sapiéntiæ, suffragántibus méritis Antistitum Ecclésiæ tuæ, quibus dedisti régimen disciplinæ, ut de profectu sanctárum óvium fiant gáudia æterna pastórum. Per Dóminum.

Deinde fit Commem. Dom. occur. et legitur ejus Evangelium in fine.

Lectio Epistolæ beáti Pauli Apóstoli ad Hebræos. Cap. 13.

FRATRES, Mementóte præpositórum vestrórum, qui vobis locútí sunt verbum Dei : quorum intuéntes éxitum conversatiónis, imitámini fidem. Jesus Christus heri et hódie : ipse et in sæcula. Doctrinis váriis et peregrínis nolíte abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem qui tabernáculo desérviunt. Quorum enim animálium infértur sanguis pro peccáto in Sancta per Pontíficem, horum cõpora cremántur extra castra. Propter quod et Jesus, ut sanctificáret per suum ságuinem pópulum, extra portam passus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsúm ergo offerámus hóstiam laudis semper Deo, id est fructum labiórum confiténtium nómini ejus. Beneficéntiæ autem et communiónis nolíte oblivisci : talibus enim hóstiis promerétur Deus. Obedíte præpósitis vestris, et subjacéte eis. Ipsi enim pervigilant, quasi ratió-nem pro animábus vestris redditúri.

Graduale. Ps. 131. Sacerdótes ejus induam salutári, et sancti ejus exsultatióne exsultábunt. ȳ. Illuc producám cornu David, parávi lucérnam Christo meo.

Allelúia, allelúia. ȳ. Ps. 109. Jurávit Dóminus, et non pœnitébit eum : Tu

es Sacerdos in ætérnum, secúndum órđinem Melchisedech. Allelúia.



Sequéntia sancti Evangélíi secúndum Matthæum. Cap. 16.

In illo témpore : Venit Jesus in partes Cæsaráe Philippi : et interrogábat discipulos suos, dicens : Quem dicunt hómines esse Filium hóminis? At illi dixerunt : Alii Joánnem Baptistam, alii autem Eliám, alii vero Jeremíam, aut unum ex Prophétis. Dicit illis Jesus : Vos autem quem me esse dicitis? Respóndens Simon Petrus, dixit : Tu es Christus Filius Dei vivi. Respóndens autem Jesus, dixit ei : Beátus es, Simon Bar Jona : quia caro et sanguis non revelávit tibi, sed Pater meus, qui in cœlis est. Et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cœlórú. Et quodcúmque ligáveris super terram, erit ligátum et in cœlis : et quodcúmque sólveris super terram, erit solútum et in cœlis. Credo.

Offertorium. Ps. 88. Inveni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta.

UNGÉNITI Filii tui, quam tibi, Deus Pater omnipotens, in honórem Sanctórum Pontificum offérinus, immaculáta hóstia prosit nobis ad medélam percipiéndam. Per eúndem Dóminum.

Communio. Ps. 88. Véritas mea et misericórdia mea cum ipso, et in nómine meo exaltábitur cornu ejus.

Postcommunio.

DA, quæsumus, Dómine, fidélibus pópulis sanctórum Pontificum tuórum semper veneratióne lætári, et eórum perpétua supplicatióne muníri. Per.

FESTA JULII

DIE III

IN FESTO S. PAULI I, PAPÆ ET CONF.

Missa Státuit, de Comm. Conf. Pont. 12*.

Et fit Commem. Oct. Apost., ut in Missali. 389.

DIE VII

IN FESTO B. BENEDICTI XI

PAPÆ ET CONFESSORIS

Missa Státuit, de Comm. Conf. Pont. 12*, præter Orationem sequentem.

Oratio.

DEUS, qui beátum Benedictum Pontíficem benedictiόνis tuæ grátia ad cœlum sublevásti, pópulum tuum, quæsumus, nova benedictiόne sanctífica; et a cunctis malis imminéntibus, ejus méritis et précibus, tua virtúte defénde. Per.

DIE VIII

IN FESTO B. EUGENII III

PAPÆ ET CONFESSORIS

Missa Státuit, de Comm. Conf. Pont. 12*, præter Orationem sequentem.

Oratio.

DA, quæsumus, omnipotens Deus, beáti Eugénii, Confessoris tui atque Pontíficis, intercessiόne, ut toto tibi corde famulémur; quia nulla nobis prævalébit hostilitas, si in te veráciter confidámus. Per.

DIE XI

IN FESTO S. PII I

PAPÆ ET MARTYRIS

Missa Státuit, de Comm. unius Mart. Pont. 2*.

DIE XVII

IN FESTO S. LEONIS IV

PAPÆ ET CONFESSORIS

Missa Státuit, de Comm. Conf. Pont. 12*.

DIE XIX

IN FESTO S. SYMMACHI

PAPÆ ET CONFESSORIS

Missa Státuit, de Comm. Conf. Pont. 12*.

DIE XXVII

IN FESTO SS. VICTORIS

PAPÆ ET MARTYRIS

INNOCENTII I, PAPÆ ET CONFESSORIS
NAZARII ET CELSI, MARTYRUM

Introitus. Ps. 78.

INTRET in conspéctu tuo, Dómine, gémitus compeditórum : redde vicinis nostris séptuplum in sinu eó-

rum : vindica ságuinem Sanctórum tuórum, qui effúsus est. **Ps.** Deus, venérunt gentes in hæreditátem tuam, poluérunt templum sanctum tuum : posuérunt Jerúsalem in pomórum custódiam. **ŷ.** Glória Patri. Intret.

Oratio.

SANCTÓRUM tuórum nos, Dómine, Victóris, Innocéntii, Nazárii et Celsi conféssio beáta commúniat : et fragilitáti nostræ subsidium dignánte exóret. Per.

Léctio libri Sapiéntiæ. **Cap. 10.**

RÉDDIDIT Deus justis mercédem labórum suórum, et dedúxit illos in via mirábili : et fuit illis in velaménto diéi, et in luce stellárum per noctem : tráns tulit illos per mare Rubrum, et trásvéxit illos per aquam nímiám. Inimícos autem illórum demérsit in mare, et ab altitúdine inferórum edúxit illos. Ideo justí tulérunt spólia impiórum, et decantavérunt, Dómine, nomen sanctum tuum, et victricém manum tuam laudavérunt páriter, Dómine Deus noster.

Graduale. Exodi 15. Gloriósus Deus in Sanctis suis : mirábilis in majestáte, faciéns prodigia. **ŷ.** Dextera tua, Dómine, glorificáta est in virtúte : dextera manus tua confrégit inimícos.

Allelúia, allelúia. **ŷ. Eccli. 44.** Córpora Sanctórum in pace sepúlta sunt, et nómina eórum vivent in generatióne et generatióne. Allelúia.



Sequéntia sancti Evangélii secúndum Lucam. **Cap. 21.**

IN illo témpore : Dixit Jesus discipulis suis : Cum audiéritis prælia et sedi tiónes, nolite terréri : opórtet primum hæc fieri, sed nondum statim finis. Tunc dicébat illis : Surget gens contra gentem, et regnum advérsus regnum. Et terrémótus magni erunt per loca, et pestiléntiæ, et fames, terrorésque de cœlo, et signa magna erunt. Sed ante hæc ómnia injicient vobis manus suas, et persequéntur, tradéntes in synagógas et custódias, trahéntes ad reges et præ sidentes propter nomen meum : continget autem vobis in testimónium. Pónite ergo in córdibus vestris non præmeditári

quemádmódum respondeátis. Ego enim dabo vobis os, et sapiéntiam, cui non póterunt resistere et contradicere omnes advérsárii vestri. Tradémini autem a paréntibus, et frátribus, et cognátis, et amícis, et morte afficient ex vobis : et éritis ódio ómnibus propter nomen meum : et capillus de cápíte vestro non peribit. In patiéntia vestra possidébitis ánimas vestras.

Offertorium. Ps. 67. Mirábilis Deus in Sanctis suis : Deus Israel ipse dabit virtútem et fortitúdinem plebi suæ : benedictus Deus, allelúia.

Secreta.

CONCÉDE nobis, omnipotens Deus, ut his munéribus quæ in sanctórum tuórum Victóris, Innocéntii, Nazárii et Celsi honóre deférimus, et te placémus exhibitis, et nos vivificémur accéptis. Per.

Communio. Sap. 3. Et si coram hominibus torménta passi sunt, Deus tentávit eos : tamquám aurum in fornáce probávit eos, et quasi holocáusta accépit eos.

Postcommunio.

SANCTÓRUM Victóris, Innocéntii, Nazárii et Celsi, Dómine, intercessióne placáti : præsta, quæsumus, ut quod temporáli celebrámus actióne, perpétua salvatióne capiamus. Per Dóminum.

DIE XXIX

IN FESTO S. FELICIS II

PAPÆ ET MARTYRIS

Missa Státuit, de Comm. unius Mart. Pont. 2*.

Et fit Commem. SS. Simplicii, Faustini ac Beatricis, ut in Missali. 409, dempto nomine Felicis.

FESTA AUGUSTI

DIE XI

IN FESTO S. XYSTI II

PAPÆ ET MARTYRIS

Missa Státuit, de Comm. unius Mart. Pont. 2*.

Et fit Commem. Oct. S. Laurentii, ac SS. Tiburtii et Susannæ, Mart., ut in Missali. 422.

DIE XIV

IN FESTO S. HORMISDÆ I

PAPÆ ET CONFESSORIS

Missa Státuit, de Comm. Conf. Pont. 12*.

Et fit Commem. Oct. et Vigiliæ Assumpt., ut in Missali. 423, cum Evangelio Vigil. in fine.

DIE XXVI

IN FESTO S. ZEPHYRINI, PAPÆ ET MART.

Missa Sacerdotes, de Communi unius Mart. Pont. 3*, præter Orationem sequentem.

Oratio.

PRÆSTA, quæsumus, omnipotens Deus : ut beáti Zephyrini, Mátyris tui atque Pontificis, cujus gaudémus méritis, instruámur exémpis. Per Dóminum.

FESTA SEPTEMBRIS

DIE IX

IN FESTO S. SERGHII I, PAPÆ ET CONF.

Missa Státuit, de Comm. Conf. Pont. 12*.

Et fit Commem. Oct. Nativ. B. M. V. et S. Gorgonii, Mart., ut in Miss. 439 et 442.

DIE X

IN FESTO S. HILARI I

PAPÆ ET CONFESSORIS

Missa Sacerdotes, de Communi Conf. Pont. 14*.

Et fit Commem. Oct. Nativ. B. M. V. Credo et Præfatio Oct.

DIE XX

IN FESTO S. AGAPITI I

PAPÆ ET CONFESSORIS

Missa Státuit, de Comm. Conf. Pont. 12*.

Et fit Commem. Vigil. S. Matthæi, Apost., ut in Missali. 448, ac legitur ejus Evangelium in fine.

DIE XXVI

IN FESTO S. EUSEBII, PAPÆ ET CONF.

Missa Státuit, de Comm. Conf. Pont. 12*.

FESTA OCTOBRIS

DIE XIV

IN FESTO S. CALLISTI I

PAPÆ ET MARTYRIS

Missa ut in Missali. 461. Aliquibus in locis, loco primæ Orationis dicitur seq.

Oratio.

DEUS, qui nos cónspicit ex nostra infirmitate deficere : ad amórem tuum nos misericórditer per beáti Callisti, Mátyris tui atque Pontificis, exémpla restáura. Per Dóminum.

DIE XXV

IN FESTO S. BONIFACII I

PAPÆ ET CONFESSORIS

Missa Státuit, de Comm. Conf. Pont. 12*.

Et fit Commem. SS. Chrysanthi et Dacriæ, Mart., ut in Missali. 465.

DIE XXVI

IN FESTO S. EVARISTI

PAPÆ ET MARTYRIS

Missa Státuit, de Comm. unius Mart. Pont. 2*.

DIE XXXI

IN FESTO S. SIRICII

PAPÆ ET CONFESSORIS

Missa Sacerdotes, de Communi Conf. Pont. 14*, præter Orationem sequentem.

Oratio.

DEUS, qui beátum Sirícium, Confessórem tuum atque Pontificem, ecclesiásticæ disciplinæ propagatórem exímium effecísti : da Ecclesiæ tuæ ejus institútis proficere, et méritis adjuvári. Per.

Et fit Commem. Vigil. Omn. SS., ut in Missali. 468, ac legitur ejus Evang. in fine.

FESTA NOVEMBRIS

DIE XIII

IN FESTO S. NICOLAI I

PAPÆ ET CONFESSORIS

Missa Státuit, de Comm. Conf. Pont. 12*.

DIE XIV

IN FESTO S. DEUSEDIT I

PAPÆ ET CONFESSORIS

Missa Stâtuit, de Comm. Conf. Pont.
12*.

DIE XIX

IN FESTO S. PONTIANI I

PAPÆ ET MARTYRIS

Missa Stâtuit, de Comm. unius Mart.
Pont. 2*; Evangelium Nihil est opér-
tum. 6*.

DIE XXVIII

IN FESTO S. GREGORII III

PAPÆ ET CONFESSORIS

Missa Stâtuit, de Comm. Conf. Pont. 12*.

DIE XXIX

IN FESTO S. GELASII I

PAPÆ ET CONFESSORIS

Missa Stâtuit, de Comm. Conf. Pont. 12*.

Et fit Commem. Vigiliæ S. Andreæ,
Apost. et S. Saturnini, Mart., ut in Mis-
sali. 288, et legitur Evang. Vigiliæ in fine.



INDEX FESTORUM

TAM DE PRÆCEPTO QUAM EX INDULTO APOSTOLICO

FESTA DOMINI

| | | | | | |
|---|--------------|---|-----|---|------|
| <i>Dom. II post Epiphan.</i> , SS. Nominis Jesu. | 301 | <i>Feria VI post Dom. II Quadr.</i> , SS. Sindonis D. N. J. C. . . | 96* | <i>Feria VI post Octav. Corporis Christi</i> , SS. Cordis Jesu. . . | 364 |
| <i>Feria III post Dom. Septuag.</i> , Orationis D. N. J. C. . . . | 93* | <i>Feria VI post Dom. III Quadr.</i> , Quinque Vulnerum D. N. J. C. | 97* | Alia Missa. | 110* |
| <i>Feria III post Dom. Sexag.</i> , Commem. Passionis D. N. J. C. . | 94* | <i>Feria VI post Dom. IV Quadr.</i> , Pretiosissimi Sanguinis D. N. J. C. | 98* | <i>Dom. I Jul.</i> Pretiosissimi Sanguinis D. N. J. C. | 386 |
| <i>Feria VI post Cineres</i> , SS. Spineæ Coronæ D. N. J. C. . . . | <i>ibid.</i> | 3 <i>Maii.</i> Inventionis sanctæ Crucis. | 351 | 6 <i>Aug.</i> Transfigurat. D. N. J. C. . | 417 |
| <i>Feria VI post Dom. I Quadrag.</i> , Lanceæ et Clavorum D. N. J. C. . | 93* | | | 14 <i>Sept.</i> Exaltationis S. Crucis. . | 443 |
| | | | | 23 <i>Oct.</i> SS. Redemptoris. | 133* |
| | | | | 9 <i>Nov.</i> In Dedicatione Basilicæ SS. Salvatoris. | 473 |

FESTA BEATÆ MARIE

| | | | | | |
|---|------|--|------|--|--------------|
| 7 <i>Dec.</i> In Vigilia Immaculatae Conceptionis B. M. V. | 293 | 24 <i>Maii.</i> B. M. V. titulo Auxilium Christianorum. | 109* | 8 <i>Sept.</i> In Nativitate B. M. V. . | 439 |
| 8 — Immaculatae Conceptionis B. M. V. | 297 | 2 <i>Julii.</i> Visitationis B. M. V. . | 388 | <i>Dom. infra Octav. Nativ.</i> , SS. Nominis Mariæ. | 440 |
| 10 — Translationis Almæ Domus B. M. V. | 81* | 9 — Prodigiorum B. M. V., titulo Reginae Pacis. | 118* | 15 <i>Sept.</i> In Oct. Nativ. B. M. V. . | 445 |
| 15 — Oct. Immac. Concept. B. M. V. | 300 | 16 — B. M. V. de Monte Carmelo | 396 | <i>Dom. III Sept.</i> , Septem Dolorum B. M. V. | <i>ibid.</i> |
| 18 — Expect. Partus B. M. V. . | 85* | 5 <i>Aug.</i> In Dedic. Sanctæ Mariæ ad Nives. | 417 | 24 <i>Sept.</i> B. M. V. de Mercede. . | 451 |
| 23 <i>Jan.</i> Desponsationis B. M. V. . | 85* | 14 — In Vigilia Assumpt. B. M. V. | 423 | <i>Dom. I Octobr.</i> , SS. Rosarii B. M. V. | 454 |
| 2 <i>Febr.</i> Purificationis B. M. V. . | 318 | 15 — Assumptionis B. M. V. . | 425 | <i>Dom. II Octobr.</i> , Maternitatis B. M. V. | 133* |
| 25 <i>Mart.</i> Annuntiationis B. M. V. . | 333 | 22 — In Oct. Assumptionis B. M. V. | 430 | <i>Dom. III Octobr.</i> , Puritatis B. M. V. | 134* |
| <i>Feria VI post Dom. Passionis</i> , Septem Dolorum B. M. V. . . | 334 | <i>Dom. post Octav. Assumpt.</i> , Purissimi Cordis B. M. V. . . | 127* | <i>Dom. IV Octobr. vel II Nov.</i> , Patrocinii B. M. V. | 138* |
| 26 <i>April.</i> Apparitionis Imaginis B. M. V. de bono Consilio. | 104* | | | 21 <i>Nov.</i> Præsentationis beatæ Mariæ Virginis. | 477 |

FESTA SANCTORUM

| | | | | | |
|---|--------------|---|-----------|--|-----------|
| A BACHUM, <i>Mart.</i> | 308 | Anastasius, <i>Mart.</i> | 311 | Bartholomæus, <i>Apost.</i> | 431 |
| Abdon, <i>Mart.</i> | 410 | Anastasius I, <i>Papa et Conf.</i> . | 146* | Basilidis, <i>Mart.</i> | 370 |
| Abundius, <i>Mart.</i> | 131* | Andreas, <i>Apost. (Vigil.)</i> . . . | 288 | Basilius, <i>Episc., Conf. et Doct.</i> | 371 |
| Abundantius, <i>Mart.</i> | 414* | Andreas, <i>Apost.</i> | 289 | Beatrice, <i>Mart.</i> | 409 |
| Achilleus, <i>Mart.</i> | 357 | Andreas Avellinus, <i>Conf.</i> . . . | 473 | Benedictus, <i>Abbas.</i> | 332 |
| Adauctus, <i>Mart.</i> | 437 | Andreas Corsinus, <i>Ep. et Conf.</i> | 322 | Benedictus II, <i>Papa et Conf.</i> . | 146* |
| Adrianus, <i>Mart.</i> | 440 | Angela Merici, <i>Virg.</i> | 363 | Benedictus XI, <i>Papa et Conf.</i> . | 148* |
| Ægidius, <i>Abbas.</i> | 437 | Angeli Custodes. | 455, 128* | Benedictus Josephus Labre. . . | 103* |
| Agapitus I, <i>Papa et Conf.</i> | 150* | Anicetus, <i>Papa et Mart.</i> | 340, 146* | Bernardus, <i>Abbas et Doct.</i> . . | 429 |
| Agapitus, <i>Mart.</i> | 417, 428 | Anna, <i>Mater B. M. V.</i> | 406 | Bernardus Senensis, <i>Conf.</i> . . | 360 |
| Agatha, <i>Virg. et Mart.</i> | 322 | Anselmus, <i>Episc., Conf. et Doct.</i> | 340 | Bernardus, <i>Abbas et Doct.</i> . . | 429 |
| Agatho, <i>Papa et Conf.</i> | 143* | Antnerus, <i>Papa et Mart.</i> . . . | 143* | Bibiana, <i>Virg. et Mart.</i> | 290 |
| Agnes, <i>Virg. et Mart.</i> | 310 | Antoninus, <i>Episc. et Conf.</i> . . . | 356 | Birgitta, <i>Vidua.</i> | 458 |
| | secundo. 316 | Antoninus, <i>Mart.</i> | 130* | Blasius, <i>Episc. et Mart.</i> | 322, 88* |
| Agricola, <i>Mart.</i> | 472 | Antonius, <i>Abbas.</i> | 306 | Bonaventura, <i>Ep., Conf. et Doct.</i> | 395 |
| Alexander I, <i>Papa et Mart.</i> . . . | 146* | Antonius de Padua, <i>Conf.</i> . . . | 371 | Bonifacius, <i>Mart.</i> | 358 |
| Alexander, <i>Mart.</i> | 352 | Apollinaris, <i>Episc. et Mart.</i> . . | 404 | Bonifacius, <i>Episc. et Mart.</i> . . . | 366 |
| Alexander Saulus, <i>Episc. et Conf.</i> | 103* | Apollonia, <i>Virg. et Mart.</i> . . . | 324 | Bonifacius I, <i>Papa et Conf.</i> . . | 150* |
| Alexius, <i>Conf.</i> | 397, 119* | Apuleius, <i>Mart.</i> | 458 | Bonifacius IV, <i>Papa et Conf.</i> . | 147* |
| Aloysius Gonzaga, <i>Conf.</i> | 376 | Athanasius, <i>Episc., Conf. et Doct.</i> | 350 | Bonus Latro. | 103* |
| Alphonsus Maria de Ligorio, <i>Episc., Conf. et Doct.</i> | 413 | Audifax, <i>Mart.</i> | 308 | Bruno, <i>Conf.</i> | 457 |
| Alphonsus Rodriguez, <i>Conf.</i> . . | 137* | Augustinus, <i>Episc., Conf. et Doct.</i> | 434 | C ECILIA, <i>Virg. et Mart.</i> | 477 |
| Ambrosius, <i>Episc., Conf. et Doct.</i> | 294 | B ACCHUS, <i>Mart.</i> | 458 | Caius, <i>Pont. et Mart.</i> | 341 |
| Anacletus, <i>Papa et Mart.</i> | 394 | Barbara, <i>Virg. et Mart.</i> | 292, 81* | Cajetanus, <i>Conf.</i> | 418, 123* |
| Anastasia, <i>Mart.</i> | 13 | Barnaba, <i>Apost.</i> | 368 | Callistus I, <i>Papa et Mart.</i> . . . | 461, 150* |
| | | Bartholomæus, <i>Apost. (Vigil.)</i> | 431 | Camillus de Lellis, <i>Conf.</i> . . . | 398 |
| | | | | Canutus, <i>Rez, Mart.</i> | 308 |
| | | | | Carolus, <i>Episc. et Conf.</i> | 471 |

- Casimirus, *Conf.* 326
 Cassianus, *art.* 423
 Catharina, *Virg. et Mart.* 480
 Catharina de Riccis, *Virg.* 92*
 Catharina Flisca, *Vidua.* 105*
 Catharina Senensis, *Virg.* 347
 Celsus, *Mart.* 408, 448*
 Christina, *Virg. et Mart.* 405
 Christophorus, *Mart.* 406
 Chrysanthus, *Mart.* 465
 Chrysogonus, *Mart.* 480
 Clara, *Virg.* 423
 Clemens, *Papa et Mart.* 478
 Cletus, *Pont. et Mart.* 344
 Cœlestinus I, *Papa et Conf.* 146*
 Coleta, *Virg.* 98*
 Cornelius, *Pont. et Mart.* 443
 Coronati (Quatuor), *Mart.* 475
 Cosma, *Mart.* 352
 Crescentia, *Mart.* 432
 Crispinus a Viterbio, *Conf.* 109*
 Cyprianus, *Pont. et Mart.* 445
 Cyprianus, *Mart.* 452
 Cyriacus, *Mart.* 419
 Cyrillus, *Episc. et Conf.* 390
 Gyrinus, *Mart.* 370
DAMASUS, *Papa et Conf.* 298
 Damianus, *Mart.* 452
 Daria, *Mart.* 465
 Defunctorum omnium (Commemoratio) 471
 Densedit I, *Papa et Conf.* 451*
 Didacus, *Conf.* 476
 Dionysius, *Mart.* 458
 Dionysius, *Papa et Conf.* 144*
 Divisio Apostolorum 118
 Dominicus, *Conf.* 416
 Domitilla, *Virg. et Mart.* 357
 Donatus, *Episc. et Mart.* 419
 Dorothea, *Virg. et Mart.* 324, 91*
EDUARDUS, *Conf.* 460
 Eleutherius, *Mart.* 458
 Eleutherius, *Papa et Mart.* 362
 Eleutherius I, *Papa et Mart.* 147*
 Elias, *Propheta et Conf.* 121*
 Elisabeth, *Reg. Hung., Vidua.* 477
 Elisabeth, *Reg. Portug., Vidua.* 392
 Emerentiana, *Virg. et Mart.* 312
 Enigdius, *Episc. et Mart.* 124*
 Epimachus, *Mart.* 356
 Erasmus, *Mart.* 364
 Eugenius I, *Papa et Conf.* 147*
 Eugenius III, *Papa et Conf.* 148*
 Euphemia, *Mart.* 446
 Euphemia, *Virg. et Mart.* 137*
 Eusebius, *Conf.* 424
 Eusebius, *Episc. et Mart.* 300
 Eusebius, *Papa et Conf.* 150*
 Eustachius et socii, *Mart.* 448
 Eutychianus, *Papa et Mart.* 144*
 Evaristus, *Papa et Mart.* 466, 150*
 Eventus, *Mart.* 352
FABIANUS, *Mart.* 309
 Faustinus, *Mart.* 325, 409
 Felicianus, *Mart.* 368
 Felissimus, *Mart.* 417
 Felicitas, *Mart.* 327, 479
 Felix a Cantalicio, *Conf.* 477
 Felix de Valois, *Conf.* 477
 Felix, *Mart.* 394, 409, 437
 Felix I, *Papa et Mart.* 363, 147*
 Felix II, *Papa et Mart.* 149*
 Felix III, *Papa et Conf.* 145*
 Felix IV, *Papa et Conf.* 144*
 Felix, *Presbyter et Mart.* 303
 Ferdinandus III, *Rez. Conf.* 110*
 Fidelis a Sigmaringa, *Mart.* 343
 Francisca, *Vidua Romana.* 328
 Franciscus, *Conf.* 456
 — Impressio Stigmatum 446
 Franciscus Borgia, *Conf.* 460
 Franciscus Caracciolo, *Conf.* 365
 Franciscus de Hieronymo, *Conf.* 105*
 Franciscus de Paula, *Conf.* 336
 Franciscus Salesius, *Episc., Conf. et Doct.* 317
 Franciscus Xaverius, *Conf.* 291
 Fratres (Duodecim), *Mart.* 438
 Fratres (Septem), *Mart.* 392
GABRIEL, *Archangelus.* 98*
 Galla, *Vidua.* 132*
 Gallicanus, *Mart.* 114*
 Gelasius I, *Papa et Conf.* 151*
 Geminianus, *Mart.* 446
 Genovefa, *Virg.* 84*
 Georgius, *Mart.* 342
 Germana Cousin, *Virg.* 112*
 Gertrudis, *Virg.* 476
 Gervasius, *Mart.* 374
 Gordianus, *Mart.* 356
 Gorgonius, *Mart.* 442
 Gregorius, *Episc. Majoris Armeniae et Mart.* 132*
 Gregorius, *Papa, Conf. et Doct.* 329
 Gregorius II, *Papa et Conf.* 145*
 Gregorius III, *Papa et Conf.* 151*
 Gregorius VII, *Papa et Conf.* 360
 Gregorius X, *Papa et Conf.* 145*
 Gregorius Nazianzenus, *Episc., Conf. et Doct.* 356
 Gregorius Thaumaturgus, *Episc. et Conf.* 476
 Guillelmus, *Abbas.* 380
HEDWIGIS, *Regina, Vidua.* 426
 Helena, *Imperatrix, Vidua.* 161
 Henricus, *Conf.* 396
 Hermenegildus, *Mart.* 338
 Hermes, *Mart.* 435
 Hieronymus, *Presb., C. et Doct.* 454
 Hieronymus Æmilianus, *Conf.* 400
 Hilario, *Abbas.* 464
 Hilarius, *Episc., Conf. et Doct.* 303
 Hilarius I, *Papa et Conf.* 150*
 Hippolytus, *Mart.* 423, 431
 Hippolytus Galatinus, *Conf.* 101*
 Hornidas I, *Papa et Conf.* 150*
 Hyacintha de Mariscollis, *Virg.* 91*
 Hyacinthus, *Conf.* 427
 Hyacinthus, *Mart.* 443
 Hyginus, *Papa et Mart.* 301, 145*
IGNATIUS, *Episc. et Mart.* 318
 Ignatius, *Conf.* 411
 Ildefonsus, *Episc. et Conf.* 87*
 Innocentes 17
 — In die Octava 27
 Innocentius, *Papa et Conf.* 408, 148*
 Irenæus, *Episc. et Mart.* 114*
 Isidorus, *Episc., Conf. et Doct.* 337
 Isidorus, *Agricola, Conf.* 106*
JACOBUS, *Apost. (Vigil.)* 405
 Jacobus, *Apost.* *ibid.*
 Jacobus, *Apost.* 348
 Januarius, *Episc., et socii, Mart.* 448
 Joachim, *Conf., Pater B. M. V.* 426
 Joanna Francisca Fremiot de Chantal, *Vidua.* 430
 Joanna Valesia, *Vidua.* 89*
 Joannes, *Apost. et Evang.* 16
 — In die Octava 27
 Joannes ante Portam Latinam 353
 Joannes Baptista, *(Vigil.)* 378
 — In Nativitate 379
 — In Octava 388
 — In Decollatione 435
 Joannes Baptista de Rubeis, *Conf.* 409*
 Joannes I, *Papa et Mart.* 363, 146*

- Joannes, *Mart.* 380
 Joannes a Cruce, *Conf.* 479
 Joannes a S. Facundo, *Conf.* 369
 Joannes Cantius, *Conf.* 463
 Joannes Chrysostomus, *Episc., Conf. et Doct.* 315
 Joannes de Deo, *Conf.* 327
 Joannes de Matha, *Conf.* 324
 Joannes Franciscus Regis, *Conf.* 112*
 Joannes Gualbertus, *Abbas.* 393
 Joannes Josephus a Cruce, *Conf.* 98*
 Joannes Leonardus, *Conf.* 128*
 Joannes Nepomucenus, *Mart.* 106*
 Josaphat, *Episc. et Mart.* 138*
 Joseph, *Conf., Sponsus B. M. V.* 330
 — Patrocinium 347
 Josephus a Cupertino, *Conf.* 447
 Josephus a Leonissa, *Conf.* 90*
 Josephus Calasancius, *Conf.* 433
 Jovita, *Mart.* 325
 Judas, *Apost. (Vigil.)* 466
 Judas, *Apost.* 467
 Juliana Cornelienensis 101*
 Juliana de Falconeriis, *Virg.* 374
 Julianus, *Episc. et Conf.* 87*
 Julius I, *Papa et Conf.* 146*
 Justina, *Mart.* 452
 Justinus, *Mart.* 101*
 Juvenalis, *Episc. et Conf.* 352
LARGUS, *Mart.* 419
 Laurentius, *Mart. (Vigil.)* 420
 Laurentius, *Mart.* 421
 — In Octava 427
 Laurentius Justinianus, *Episc. et Conf.* 439
 Lazarus resuscitatus, *Ep. et Conf.* 82*
 Leo I, *Papa, Conf. et Doct.* 337
 Leo II, *Papa et Conf.* 381
 Leo III, *Papa et Conf.* 147*
 Leo IV, *Papa et Conf.* 148*
 Leo IX, *Papa et Conf.* 146*
 Leonardus a Portu Maurritio, *Conf.* 140*
 Leopoldus, *Conf.* *ibid.*
 Liberalis, *Conf.* 105*
 Liborius, *Episc. et Conf.* 405
 Linus, *Papa et Mart.* 451
 Lucas, *Evang.* 462
 Lucia, *Virg. et Mart.* 299
 Lucia, *Mart.* 446
 Lucius, *Papa et Mart.* 326, 145*
 Ludovicus Bertrandus, *Conf.* 132*
 Ludovicus, *Rez. Conf.* 432
 Ludovicus, *Episc. et Conf.* 127*
MACHABEI, *Mart.* 413
 — Marcellianus, *Mart.* 373
 Marcellinus, *Pont. et Mart.* 344
 Marcellinus, *Mart.* 364
 Marcellus, *Papa et Mart.* 305
 Marcellus, *Mart.* 458
 Marcus, *Evang.* 343
 Marcus, *Papa et Conf.* 458
 Marcus, *Mart.* 373
 Margarita, *Regina Scotia.* 368
 Margarita, *Virg. et Mart.* 402
 Margarita de Cortona 92*
 Margarita Maria Alacoque, *Virg.* 137*
 Maria Anna a Jesu de Paredes, *Virg.* 112*
 Maria Francisca a Quinque Vulneribus, *Virg.* 132*
 Maria Magdalena 403
 Maria Magdalena de Pazzis, *Virg.* 363
 Maria Salome, *Vidua.* 135*
 Maria de Socos, *Virg.* 132*
 Marius, *Mart.* 308
 Martha, *Mart.* *ibid.*
 Martha, *Virg.* 409, 132*
 Martialis, *Episc. et Conf.* 116*

| | | | | | | |
|---|----------------|--|--------------|---|-----------|--|
| Martina, <i>Virg. et Mart.</i> . . . | 317 | Petrus Chrysologus, <i>Episc.</i> , <i>Conf. et Doct.</i> . . . | 291 | Simon, <i>Apost. (Vigil.)</i> . . . | 466 | |
| Martinianus, <i>Mart.</i> . . . | 389 | Petrus Celestinus, <i>Papa et Conf.</i> . . . | 359 | Simon, <i>Apost.</i> . . . | 467 | |
| Martinus, <i>Papa et Mart.</i> . . . | 475 | Petrus Celestinus, <i>Papa et Conf.</i> . . . | 359 | Simplicius, <i>Papa et Conf.</i> . . . | 145* | |
| Martinus, <i>Episc. et Conf.</i> . . . | 474 | Petrus Claver, <i>Conf.</i> . . . | 130* | Simplicius, <i>Mart.</i> . . . | 409 | |
| Martyres Aniterni. | 122* | Petrus Damianus, <i>Episc., Conf.</i> <i>et Doct.</i> . . . | 325 | Siricius, <i>Papa et Conf.</i> . . . | 150* | |
| Martyres Gorcomienses. . . . | 118* | Petrus Nolascus, <i>Conf.</i> . . . | 317 | Sinaragus, <i>Mart.</i> . . . | 419 | |
| Martyres Japon. (Viginti sex). . | 90* | Petrus de Pisis, <i>Conf.</i> . . . | 413* | Soter, <i>Papa et Mart.</i> . . . | 341 | |
| Martyres (Quadraginta) . . . | 328 | Philippus, <i>Apost.</i> . . . | 348 | Stanislaus, <i>Episc. et Mart.</i> . . . | 354 | |
| Matthæus, <i>Apost. et Evang. (Vig.)</i> . | 448 | Philippus Benitiuss, <i>Conf.</i> . . . | 431 | Stanislaus Kostka, <i>Conf.</i> . . . | 139* | |
| Matthæus, <i>Apost. et Evang.</i> . . . | 449 | Philippus Nerius, <i>Conf.</i> . . . | 361 | Stephanus, <i>Protomart.</i> . . . | 15 | |
| Mathias, <i>Apost. (Vigil.)</i> . . . | 325 | Philumena, <i>Virg. et Mart.</i> . . . | 125* | — Commem. omnium SS. Mart. . | 84* | |
| Mathias, <i>Apost.</i> . . . | <i>ibid.</i> | Pius I, <i>Papa et Mart.</i> . . . | 393, 148* | — In die Octava. | 26 | |
| Mauritius et socii, <i>Mart.</i> . . . | 450 | Pius V, <i>Papa et Conf.</i> . . . | 353 | — In Inventione. | 415 | |
| Maurus, <i>Abbas.</i> | 305 | Placidus et socii, <i>Mart.</i> . . . | 457 | Stephanus, <i>Papa et Mart.</i> . . . | 414 | |
| Maximus, <i>Mart.</i> | 339 | Polycarpus, <i>Episc. et Mart.</i> . . . | 314 | Stephanus, <i>Hungariæ Rex, Conf.</i> . | 438 | |
| Melchias, <i>Papa et Mart.</i> . . . | 298, 81*, 144* | Pontianus I, <i>Papa et Mart.</i> . . . | 477, 151* | Susanna, <i>Mart.</i> | 422 | |
| Mennas, <i>Mart.</i> | 475 | Pontificum (Commem. omnium SS. Summorum). | 147* | Synmachus, <i>Papa et Conf.</i> . . . | 148* | |
| Methodius, <i>Episc. et Conf.</i> . . . | 390 | Praxedes, <i>Virg.</i> | 402 | Symphorianus, <i>Mart.</i> | 431 | |
| Michael, <i>Archang.</i> , Apparitio. . . | 355 | Primus, <i>Mart.</i> | 368 | Symphorosa et septem Filii, <i>Mart.</i> | 399 | |
| — Dedication. | 453 | Prisca, <i>Virg. et Mart.</i> . . . | 308 | TELESPHORUS, <i>Papa et Mart.</i> . . | 28, 145* | |
| Michael de Sanctis, <i>Conf.</i> . . . | 116* | Processus, <i>Mart.</i> | 389 | Theresia, <i>Virg.</i> | 461 | |
| Modestus, <i>Mart.</i> | 372 | Protasius, <i>Mart.</i> | 374 | — secundo. | 128* | |
| Monica, <i>Vidua.</i> | 352 | Protus, <i>Mart.</i> | 443 | Thecla, <i>Virg. et Mart.</i> | 451 | |
| NABOR, <i>Mart.</i> | 370, 394 | Pudentiana, <i>Virg.</i> | 360 | Theodorus, <i>Mart.</i> | 473 | |
| Nazarus, <i>Mart.</i> | 370, 408, 148* | Pulcheria, <i>Imperatrix, Virg.</i> . . | 117 | Theodulus, <i>Mart.</i> | 352 | |
| Nereus, <i>Mart.</i> | 357 | RACHAEL, <i>Archangelus</i> <i>Conf.</i> | 136* | Thomas, <i>Apost. (Vigil.)</i> . . . | 300 | |
| Nicolaus, <i>Episc. et Conf.</i> . . . | 293 | Raymundus de Pennafort, <i>Conf.</i> | 312 | Thomas, <i>Episc. et Mart.</i> . . . | 19 | |
| Nicolaus a Tolentino, <i>Conf.</i> . . . | 442 | Raymundus Nonnatus, <i>Conf.</i> . . | 437 | Thomas de Aquino, <i>Conf. et Doct.</i> . | 326 | |
| Nicolaus I, <i>Papa et Conf.</i> . . . | 150* | Reliquiæ SS. | 141* | Thomas de Villanova, <i>Ep. et Conf.</i> . | 450 | |
| Nicomedes, <i>Mart.</i> | 445 | Remigius, <i>Episc. et Conf.</i> . . . | 455 | Tiburtius, <i>Mart.</i> | 339, 422 | |
| Norbertus, <i>Episc. et Conf.</i> . . . | 367 | Respicus, <i>Mart.</i> | 473 | Timotheus, <i>Episc. et Mart.</i> . . | 312 | |
| Nympha, <i>Virg.</i> | 473 | Rochus, <i>Conf.</i> | 125* | Timotheus, <i>Mart.</i> | 331 | |
| PANCRACTIUS, <i>Mart.</i> | 357 | Romanus, <i>Mart.</i> | 421 | Titus, <i>Episc. et Conf.</i> | 323 | |
| Pantaleo, <i>Mart.</i> | 408, 122* | Romualdus, <i>Abbas.</i> | 324 | Tryphon, <i>Mart.</i> | 473 | |
| Paschalis I, <i>Papa et Conf.</i> . . . | 146* | Rosa Limana a S. Maria, <i>Virg.</i> . | 436 | UBALDUS, <i>Episc. et Conf.</i> . . . | 358 | |
| Paschalis Baylon, <i>Conf.</i> . . . | 358 | Rosa Viterbiensis, <i>Virg.</i> . . . | 130* | Urbanus I, <i>Papa et Mart.</i> . . . | 361, 146* | |
| Patritius, <i>Episc. et Conf.</i> . . . | 330 | Rosalia, <i>Virg.</i> | <i>ibid.</i> | Urbanus V, <i>Papa et Conf.</i> . . . | 144* | |
| Paulinus, <i>Episc. et Conf.</i> . . . | 377 | — Inventio Corporis. | 119* | Ursula et sociæ, <i>Virg. et Mart.</i> . | 465 | |
| Paulinus, <i>Apost. (Vigil.)</i> . . . | 383 | Rufina, <i>Virg. et Mart.</i> . . . | 392 | VALENTINUS, <i>Presbyt. et Mart.</i> . | 324 | |
| Paulus, <i>Apost.</i> | 384 | Rusicus, <i>Mart.</i> | 458 | Valerianus, <i>Mart.</i> | 339 | |
| — Octava | 391 | SABBA, <i>Abbas.</i> | 293 | Venantius, <i>Mart.</i> | 358 | |
| — Commemoratio. | 385 | Sabina, <i>Mart.</i> | 436 | Veronica de Julianis, <i>Virg.</i> . . | 118* | |
| — Conversio | 313 | Sancti (Omnes). (<i>Vigil.</i>) . . . | 468 | Victor, <i>Papa et Mart.</i> | 148* | |
| Paulus I, <i>Papa et Conf.</i> . . . | 148* | Sancti (Omnes). | 470 | Victor, <i>Mart.</i> | 408 | |
| Paulus, <i>primus Eremita.</i> . . . | 303 | — Octava | 473 | Vincentius, <i>Mart.</i> | 311 | |
| Paulus, <i>Mart.</i> | 380 | Saturninus, <i>Mart.</i> | 289 | Vincentius Ferrerius, <i>Conf.</i> . . . | 337 | |
| Paulus a Cruce, <i>Conf.</i> | 314 | Scholastica, <i>Virg.</i> | 324 | Vincentius a Paulo, <i>Conf.</i> . . . | 399, 120* | |
| Paulus Buralis, <i>Episc. et Conf.</i> . | 113* | Sebastianus, <i>Mart.</i> | 309 | Vitalianus, <i>Papa et Conf.</i> . . . | 144* | |
| Perpetua, <i>Mart.</i> | 327 | Secunda, <i>Virg. et Mart.</i> . . . | 392 | Vitalis, <i>Mart.</i> | 346, 472 | |
| Petronilla, <i>Virg.</i> | 363 | Sennen, <i>Mart.</i> | 410 | Vitus, <i>Mart.</i> | 372 | |
| Petrus, <i>Apost. (Vigil.)</i> . . . | 383 | Sept. Fundat. Ord. Serv. B. M. V. | 91* | WENCESLAUS, <i>Dux, Mart.</i> . . . | 453 | |
| Petrus, <i>Apost.</i> | 384 | Seraphinus de Monte Granario, <i>Conf.</i> | 133* | — Wolfgangus, <i>Ep. et Conf.</i> . . | 138* | |
| — Commem. omnium SS. Apo- stolorum | 115* | Sergius, <i>Mart.</i> | 458 | XYSTUS, <i>Mart.</i> | 418 | |
| — Octava | 391 | Sergius I, <i>Papa et Conf.</i> . . . | 150* | Xystus I, <i>Papa et Mart.</i> . . . | 145* | |
| — ad Vincula. | 411 | Silverius, <i>Papa et Mart.</i> . . . | 375 | Xystus II, <i>Papa et Mart.</i> . . . | 149* | |
| — Cathedra Romæ. | 306 | Silvester, <i>Abbas.</i> | 141* | Xystus III, <i>Papa et Conf.</i> . . . | 145* | |
| — Cathedra Antiochiæ. . . . | 325 | Silvester, <i>Papa et Conf.</i> . . . | 323 | ZACHARIAS, <i>Conf.</i> | 138* | |
| — Dedication Basilicarum. . . | 477 | Simeo, <i>Episc. et Mart.</i> . . . | 325 | Zacharias, <i>Papa et Conf.</i> . . . | 145* | |
| Petrus, <i>Mart.</i> | 346, 364 | | | Zephyrinus, <i>Papa et Mart.</i> . . . | 433, 150* | |
| Petrus de Alcantara, <i>Conf.</i> . . | 463 | | | Zosimus, <i>Papa et Conf.</i> . . . | 144* | |
| Petrus Alexandrinus, <i>Ep. et Mart.</i> | 480 | | | | | |

INDEX PRO COMMUNI SANCTORUM

MISSÆ

| | |
|---|--------------|
| In Vigilia unius Apostoli. | 1* |
| Unius Mart. Pont. (<i>Statuit</i>). | 2* |
| — Alia Missa (<i>Sacerdotes</i>). | 3* |
| Unius Martyris non Pontificis (<i>In virtute tua</i>). | 4* |
| — Alia Missa (<i>Lætabitur</i>). | 5* |
| De uno Martyre, Temp. Pasch. (<i>Protesti me</i>). | 6* |
| De pluribus Mart., Temp. Pasch. (<i>Sancti tui</i>). | 8* |
| Commune plur. Martyrum extra Temp. Paschale (<i>Iniret</i>). | 9* |
| — Alia Missa (<i>Sapientiam</i>). | 10* |
| — Alia Missa (<i>Salus autem</i>). | 11* |
| Commune Conf. Pont. (<i>Statuit</i>). | 12* |
| — Alia Missa (<i>Sacerdotes</i>). | 14* |
| Commune Doctorem (<i>In medio</i>). | 15* |
| Commune Conf. non Pont. (<i>Os iusti</i>). | 16* |
| — Alia Missa (<i>Iustus</i>). | 17* |
| Missa pro Abbate (<i>Os iusti</i>). | 18* |
| Commune Virginum: pro Virgine et Martyre (<i>Loquebar</i>). | 19* |
| — Alia Missa (<i>Me expectaverunt</i>). | 20* |
| Commune plur. Virg. et Mart. | 21* |
| Pro Virgine tantum (<i>Dilexisti</i>). | <i>ibid.</i> |
| — Alia Missa (<i>Vultum tuum</i>). | 22* |
| Commune non Virginum: pro una Martyre non Virgine (<i>Me expectaverunt</i>). | 23* |
| Pronec Virg. nec Mart. (<i>Cognovi</i>). | 25* |
| In Anniversario Dedic. Ecclesiæ. | 26* |

VARIE MISSÆ VOTIVÆ

| | |
|--|--------------|
| De SS. Trinitate. | 28* |
| Pro gratiarum Actione. | 29* |
| De Angelis | <i>ibid.</i> |
| De SS. Apost. Petro et Paulo. | 30* |
| De Spiritu sancto | 31* |
| De SS. Eucharistiæ Sacramento. | 33* |
| De sancta Cruce. | 34* |
| De Passione D. N. J. C. | 35* |

MISSÆ VOTIVÆ

DE SANCTA MARIA

| | |
|--|--------------|
| Ab Adventu usque ad Nativita- tem Domini | 36* |
| A Nativitate Domini usque ad Purificationem | 37* |
| A Purificatione usque ad Pascha. | 38* |
| A Pascha usque ad Pentecosten. | 39* |
| A Pentecoste usque ad Adventum. | <i>ibid.</i> |

ALIE MISSÆ VOTIVÆ

| | |
|--|-----|
| Pro eligendo Summo Pontifice. | 40* |
| In anniversario Electionis seu Consecrationis Episcopi. | 42* |
| Ad tollendum schisma. | 43* |
| Pro quacunque necessitate. | 44* |
| Pro remissione peccatorum. | 45* |
| Ad postulandam gratiam bene- moriendi | 46* |
| Contra paganos. | 47* |
| Tempore belli | 48* |

| | |
|---|------|
| Pro pace. | 49* |
| Pro vitanda mortalitate, vel tem- pore pestilentiae. | 50* |
| Pro infirmis. | 51* |
| Pro peregrinantibus, vel iter agentibus. | 53* |
| Pro sponso et sponsa. | 54* |
| Pro fidei propagatione. | 142* |

MISSÆ PER HEBDOMADAM EX INDULTO

| | |
|---|--------------|
| De SS. Eucharistiæ Sacramento (Fer. V per annum) | 142* |
| De Immac. Concep. B. M. V. (In Sabbato per annum). | <i>ibid.</i> |

ORATIONES DIVERSE

DICENDE IN MISSA AD LIBITUM SACERDO-
TIS, CUM HIS QUÆ IN PROPRIIS MISSIS
ASSIGNANTUR, QUANDO NON EST FE-
STUM DUPLEX.

| | |
|---|--------------|
| 1. Ad poscenda suffragia San- ctorum (<i>Concede</i>). | 36* |
| 2. Alia Oratio ad poscenda suf- fragia Sanctorum (<i>A cun- ctis</i>). | <i>ibid.</i> |
| 3. Pro omni gradu Ecclesiæ. | <i>ibid.</i> |
| 4. Pro Papa | 57* |
| 5. Pro Imperatore. | <i>ibid.</i> |
| 6. Pro Rege | <i>ibid.</i> |
| 7. Pro Prælati et congregatio- nibus eis commissis | <i>ibid.</i> |
| 8. Pro congregatione et familia. | 58* |
| 9. Pro concordia in congrega- tione servanda | <i>ibid.</i> |
| 10. Contra persecutores Eccle- siæ. | <i>ibid.</i> |
| 11. Contra persecutores et male agentes. | <i>ibid.</i> |
| 12. Pro quacunque necessitate. | <i>ibid.</i> |
| 13. Pro quacunque tribulatio- ne | <i>ibid.</i> |
| 14. Tempore famis. | 39* |
| 15. Tempore terremotus. | <i>ibid.</i> |
| 16. Ad petendam pluviam. | <i>ibid.</i> |
| 17. Ad postulandam serenita- tem. | <i>ibid.</i> |
| 18. Ad repellendas tempestates. | <i>ibid.</i> |
| 19. Pro peste animalium. | 60* |
| 20. Pro seipso Sacerdote. | <i>ibid.</i> |
| 21. Pro petitione lacrymarum. | <i>ibid.</i> |
| 22. Pro remissione peccatorum. | <i>ibid.</i> |
| 23. Pro publice penitentibus. | 61* |
| 24. Pro tentatis et tribulatis. | <i>ibid.</i> |
| 25. Ad repellendas malas cogita- tiones | <i>ibid.</i> |
| 26. Ad postulandam continen- tiam | <i>ibid.</i> |
| 27. Ad postulandam humilita- tem. | 62* |
| 28. Ad postulandam patien- tiam | <i>ibid.</i> |

| | |
|---|--------------|
| 29. Ad postulandam charitatem. | 62* |
| 30. Pro devotis amicis. | <i>ibid.</i> |
| 31. Pro inimicis | <i>ibid.</i> |
| 32. Pro constituto in carcere, vel in captivitate. | 63* |
| 33. Pro navigantibus. | <i>ibid.</i> |
| 34. Pro salute vivorum. | <i>ibid.</i> |
| 35. Pro vivis et defunctis. | <i>ibid.</i> |

MISSÆ PRO DEFUNCTIS

| | |
|--|-----|
| In Commemoratione omnium Fide- lium defunctorum | 65* |
| In die obitus seu depositionis defuncti | 66* |
| In anniversario defunctorum. | 68* |
| In Missis quotidianis defuncto- rum. | 69* |

ORATIONES DIVERSE

PRO DEFUNCTIS

| | |
|---|--------------|
| In die depositionis et Anniversa- rio Summi Pontificis | 70* |
| Pro defuncto Episcopo. | 71* |
| Pro defuncto Sacerdote. | <i>ibid.</i> |
| Pro uno defuncto | <i>ibid.</i> |
| Pro una defuncta. | 72* |
| Pro patre et matre Sacerdotis. | <i>ibid.</i> |
| Pro patre, vel matre tantum. | <i>ibid.</i> |
| Pro defunctis fratribus, propin- quis et benefactoribus. | <i>ibid.</i> |
| Pro his qui in cimiterio requie- scent | 73* |
| Pro pluribus defunctis. | <i>ibid.</i> |

BENEDICTIONES DIVERSE

| | |
|---|--------------|
| Ordo ad faciendam Aquam bene- dictam. | 73* |
| Benedictio Agni in Pascha. | 75* |
| Benedictio Ovorum. | <i>ibid.</i> |
| Benedictio Panis | 76* |
| Benedictio novorum Fructuum. | <i>ibid.</i> |
| Benedictio ad quodcumque Co- mestibile | <i>ibid.</i> |
| Benedictio Candelarum | <i>ibid.</i> |
| Benedictio Loci. | 77* |
| Benedictio Domus novæ | <i>ibid.</i> |
| Benedictio Thalami. | <i>ibid.</i> |
| Benedictio novæ Navis. | <i>ibid.</i> |

BENEDICTIONES AB EPISCOPIIS

VEL ALIIS FACULTATEM HABENTIBUS
FACIENDE

| | |
|---|--------------|
| Benedictio sacerdotalium Indu- mentorum in genere | 77* |
| Benedictio Mapparum et Toba- learum, sive Lintheamentum Al- taris. | 78* |
| Benedictio Corporalium | <i>ibid.</i> |
| Benedictio Tabernaculi, seu Vas- culi pro sacrosancta Eucharis- tia servanda. | 79* |
| Oratio in Consecratione Episcopi. | <i>ibid.</i> |
| Oratio in Collatione sacrorum Or- dinum | 80* |

| | |
|---|------|
| Supplementum pro aliquibus locis. | 81* |
| Supplementum pro Clero Romano. | 144* |

SANCTÆ FAMILIÆ JESU, Mariæ, JOSEPH

Introitus. Prov. 23.

EXSULTET gaudio pater Justī, gāudeat Pater tuus et Mater tua, et exsultet qui genuit te. Ps. 85. Quam dilēcta tabernacula tua, Dōmine virtutum : concupiscit et dēficit ānima mea in ātria Dōmini. ŷ. Glōria Patri. Exsultet.

Oratio.

DŌMINE Jesu Christe, qui, Mariæ et Joseph sūbditus, domēsticam vitam ineffābilibus virtūtibus consecrāsti : fac nos, utriusque auxilio, Familiæ Sanctæ tuæ exēmplis instrui; et consōrtium consēqui sempiternum : Qui vivis.

Et fit Commem. Dom.

Lectio Epistolæ beāti Pāuli Apōstoli ad Colossēses. Cap. 3.

INDUITE vos ergo sicut elēcti Dei, sancti et dilēcti, viscera misericordiæ, benignitatem, humilitatem, modēstiam, patiētiā : supportāntes invicem, et donāntes vobismetipsis, si quis adversus āliquem habet querēlam : sicut et Dōminus donāvit vobis, ita et vos. Super ōmnia āutem hæc, caritatem habēte, quod est vīnculum perfectiōnis. Et pax Christi exsultet in cōrdibus vestris, in qua et vocāti estis in uno cōrpore : et grati estōte. Verbum Christi hābitet in vobis abundanter, in omni sapiētiā, docētes, et commonētes vosmetipsos psalmis, hymnis, et cānticis spiritūālibus, in grātiā cantāntes in cōrdibus vestris Deo. Omne quodcūque faciitis in verbo, aut in ōpere, ōmnia in nōmine Dōmini Jesu Christi grāτίας agēntes Deo et Patri per ipsum.

Graduale. Ps. 26. Unam pētiū a Dō-

mino, hanc requiram : ut inhābitem in domo Dōmini ōmnibus diēbus vite meæ. ŷ. Beāti qui hābitant in domo tua Dōmine, in sēcūla sēcūlorum laudābunt te.

Allelūia, allelūia. ŷ. Isaiaē 45. Vere tu es Rex absconditus, Deus Israēl Salvātor. Allelūia.

Post Septuagesimam, omissis Allelūia et ŷ. seq., dicitur

Tractus. Ps. 39. Hōstiam et oblatiōnem noluisti, corpus āutem aptāsti mihi. ŷ. Holocāustum et pro peccāto non postulāsti : tunc dixi : Ecce venio. ŷ. In cāpite libri scriptum est de me, ut faciā, Deus, voluntatem tuam.

Tempore Paschali, omisso Graduali, dicitur :

Allelūia, allelūia. ŷ. Ps. 8. Beātus homo qui āudit me, et qui vīgilat ad fores meas quotīdie, et observat ad postes ōstii mei. Allelūia. ŷ. Col. c. 3. Vita nostra est abscondita cum Christo in Deo. Allelūia.

✠ Sequēntia sancti Evangēlii secūndum Lucam. Luc. 2.

CUM factus esset Jesus annōrum duōdecim, ascendētibz illis Jerosōlymam secūndum consuetūdinem diei festi, consummatisque diēbus, cum redirent, remānsit puer Jesus in Jerūsalem, et non cognōverunt parēntes ejus. Existimāntes āutem illum esse in comitātū, venērunt iter diēi, et requirēbant eum inter cognātos et notos. Et non inveniēntes, regrēssi sunt in Jerūsalem, requirēntes eum. Et factum est, post trīdūm invenērunt illum in templo, sedēntem in mēdio doctōrum, audiēntem

tem illos et interrogantem eos. Stupébant autem omnes, qui eum audiébant, super prudentiam et responsis ejus. Et vidéntes admiráti sunt. Et dixit mater ejus ad illum : Fili, quid fecísti nobis sic? Ecce pater tuus, et ego doléntes quærebámus te. Et ait ad illos : Quid est quod me quærebátis? Nesciebátis quia in his quæ Patris mei sunt opórtet me esse? Et ipsi non intellexérunt verbum, quod locútus est ad eos. Et descendit cum eis et venit Náza-reth : et erat súbditus illis. Et mater ejus conservábat ómnia verba hæc in corde suo. Et Jesus proficiebat sapiéntia, et ætate, et grátia apud Deum, et hómines.

Credo.

Offertorium. Luc. 2. Tulérunt Jesum paréntes ejus in Jerúsalem, ut sístèrent eum Dómino.

Secreta.

PLACATIÓNIS hóstiam offérimus tibi Dómine, suppliciter deprecánte : ut, per intercessió-nem Deiparæ Virgini-s cum beáto Joseph, familias nostras in pace et grátia tua firmiter constítuas. Per Dóminum.

Præfatio de Nativitate.

Communio. Luc. 2. Descéndit Jesus cum eis, et venit Náza-reth, et erat súbditus illis.

Postcommunio.

QUOS cæléstibus réfcis sacraméntis, fac Dómine Jesu Sanctæ Familiæ tuæ exémpla júgiter imitári : ut in hora mortis nostræ, occurrénte gloriósa Virgine Matre tua cum beáto Joseph; per te in æténa tabernácula récipi mereá-mur : Qui vivis et regnas.

In fine legitur Evang. Dom.

DECRETUM

SANCTÍSSIMUS Dominus Noster LEO PAPA XIII. Consociationem a Sancta Familia, quæ lætos atque uberes fructus jam in Ecclesia ferebat, per Litteras diei XIV. Junii superioris anni eo salutari consilio approbavit, ut familiæ christianæ arctiori pietatis nexu Sanctæ eidem Familiæ devincerentur, et Jesus, Maria ac Joseph familias sibi deditas tamquam rem propriam tuerentur ac foverent. Quo vero inter fideles cultus erga eandem Sanctam Familiam in dies augeatur, plurimi amplissimi diversarum nationum Episcopi ipsi Sanctissimo Domino Nostro humillimis precibus supplicarunt, ut, quemadmodum jam in aliquibus locis obtinebat, Officium et Missam in honorem Sanctæ Familiæ Nazarenæ sibi, religiosisque Congregationibus petentibus concedere dignaretur.

Porro, quom in peculiari Officio, jamdiu in quibusdam Diocesisibus adhibito, nonnulla immutare opus esset; visum fuit novum Officii et Missæ schema conficere, quod reapse de speciali Apostolica Auctoritate concinatum, et prout in superiori exemplari prostat, per me infrascriptum Cardinalem Sacre Rituum Congregationi Præfectum, una cum R. P. D. Augustino Caprara Sanctæ Fidei Promotore diligenter revisum, a meipso Cardinali subsignata die eidem Sanctissimo Domino Nostro exhibitum fuit. Sanctitas vero Sua illud in omnibus approbare dignata est, benigneque indulsit, ut Festum ipsius Sanctæ Familiæ cum Officio ac Missa propriis a singulis Sacrorum Antistitibus pro Clero sibi commissæ Dioceseos, atque a religiosis Congregationibus petentibus, sub ritu Duplicis majoris Dominicæ III. post Epiphaniam recolí valeat : simulque mandavit, ut in locis ubi huc usque Festum Sanctæ Familiæ celebratum est, illud præfate Dominicæ III. post Epiphaniam affigatur, novumque Officium cum Missa antiquo in posterum substituat : servatis Rubricis. Contrariis non obstantibus quibuscumque. Die 14 Junii 1893.

CAJETANUS CARD. ALOISI MASELLA S. R. C. Præfectus.

VINCENTIUS NUSSI, Secretarius.

Loco † sigilli.

Concordat cum originali :

Turonibus, die 2 Septembris 1893.

† GUILLELMUS RENATUS CARD. MEIGNAN
ARCHIEPISC. TURON.

SS. SEPTEM FUNDATORUM

ORDINIS SERVORUM B. MARIE VIRGINIS.

Introitus. Sap. 10.



usti decantaverunt, Dómine, nomen sanctum tuum, et victricem manum tuam laudaverunt páriter : quóniam sapiéntia apéruit os mutum, et linguas infántium fecit disertas. **Ps. 8.** Dómine Dóminus noster, quam admirábile est nomen tuum in univérsa terra. *✠. Glória Patri.*

Oratio.

DOMINE Jesu Christe, qui ad recóllendam memóriam dolórum sanctíssimæ tuæ Genitrícis, per septem beátos Patres nova Servórum ejus Famíliam Ecclésiám tuam fœcundásti : concéde propítius; ita nos eórum consociári flétibus, ut perfruámur et gaudiis : Qui vivis et regnas.

Léctio libri Sapiéntiæ. Eccli. 44.

LAUDEMUS viros gloriósos, et paréntes nostros in generatióne sua. Multam glóriam fecit Dóminus magnificéntia sua a sæculo. Dominánte in potestátibus suis, hómines magni virtúte et prudéntia sua præditi, nuntiántes in prophétis dignitátem prophetárum, et imperántes præsénti pópulo, et virtúte prudéntiæ pópulis sanctíssima verba. In perítia sua requiréntes modos músicos, et narrántes cármina scripturárum. Hómines dívites in virtúte, pulchritúdinis stúdiu habéntes : pacificántes in dómibussuis. Omnes isti in generatió nibus gentis suæ

glóriam adépti sunt, et in diébus suis habéntur in láudibus. Qui de illis nati sunt, reliqué runt nomen narrándi laudes eórum. Et sunt quorum non est memória : periérunt quasi qui non fúerint : et nati sunt, quasi non nati, et filii ipsórum cum ipsis. Sed illi viri misericórdiæ sunt, quorum pietátes non defué runt. Cum sémine eórum pérmanent bona, hæréditas sancta nepótes eórum, et in testaméntis stetit semen eórum : et filii eórum propter illos usque in ætérnum manent : semen eórum et glória eórum non derelínquétur. Córpora ipsórum in pace sepúlta sunt, et nomen eórum vivit in generatió nem et generatió nem. Sapiéntiam ipsórum narrent pópuli, et laudem eórum nún tict Ecclésia.

Graduale. Is. 65. Elécti mei non laborábunt frustra, neque germínábunt in conturbatióne : quia semen benedictórum Dómini est, et nepótes eórum cum eis. *✠. Eccli. 44.* Córpora ipsórum in pace sepúlta sunt, et nomen eórum vivit in generatió nem et generatió nem.

Allelúia, allelúia. ✠. Sapiéntiam ipsórum narrent pópuli, et laudem eórum nún tict Ecclésia. Allelúia.

Post Septuagesimam, omissis Allelúia, et ✠. sequenti, dicitur Tractus. Ps. 125. Qui séminant in lácrymis, in exultatióne metent. *✠.* Eún tes ibant et flebant, mitténtes sémína sua. *✠.* Veniéntes autem vé-

nient cum exultatione, portantes manipulos suos.

Tempore Paschali omittitur Graduale, et ejus loco dicitur: Allelúia, allelúia. **ꝛ. Eccli. 44.** Sapientiam ipsorum narrent populi, et laudem eorum nuntiet Ecclesia. Allelúia. **ꝛ. Ps. 36** Non derelinquet Dominus sanctos suos : in ætérnum conservabúntur. Allelúia.

Sequéntia sancti Evangélii secundum Matthæum. Matth. 19. d.

In illo tempore : Dixit Petrus ad Jesum : Ecce nos reliquimus omnia, et sequúti sumus te : quid ergo erit nobis? Jesus autem dixit illis : Amen dico vobis, quod vos, qui sequúti estis me, in regeneratione cum séderit Filius hominis in sede majestátis suæ, sedébitis et vos super sedes duódecim judicantes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, cén-tuplum accipiet et vitam ætérnam possidébit.

Offertorium. Isaia 56. Addúcam eos in montem sanctum meum, et lætificábo eos in domo orationis meæ : holocáusta eórum, et victimæ eórum placébunt mihi super altáre meum.

Secreta.

ACCIPE, quæsumus Dómine, hostias quas tibi offerimus, et præsta; ut, intercedéntibus Sanctis tuis, libera tibi mente serviámus, et Perdoléntis Vírginis Genitrícis Fílii tui amóre inflammémur. Per eúmdem Dóminum nostrum Jesum Christum.

Communio. Joann. 15. Ego vos elégi de mundo, ut eátis, et fructum afferátis : et fructus vester máneat.

Postcommunio.

COELESTIBUS refécti mystériis te, Dómine, deprecámur : ut quorum festa percólimus imitantes exémpia; juxta Crucem Jesu cum María Matre ejus fidéliter adstémus, et ejúsdem redemptionis fructum percípere mereámur. Per eúmdem Dóminum.

Imprimi potest.

Mechliniæ, die 30 Januarii 1889.

† **PETRUS LAMBERTUS**, ARCHIEPISCOPUS MECHLINIEN.

DIE VI. MARTII

SANCTÆ COLETÆ

VIRGINIS

Missa. Dilexisti. de Communi Virg., præter seq.

Oratio.

DÓMINE Jesu Christe, qui beatam Colétam Virginem tuam cælestibus donis cumulásti: tribue quæsumus; ut ejus virtutes æmulantes in terris, gaudiis cum ipsa perfruámur æternis: Qui vivis.

In Quadrage. Commem. Fer.

Secreta.

SUPÉRNIS illustratióibus, Dómine Deus noster, in hoc Sacro tibi

offeréndo, mentes nostras réfove: quibus, in eo suscipiéndo, beatam Colétam ad mores pópuli tui instaurandos replére voluísti. Per Dóminum.

Postcommunio.

FAC, Dómine Jesu Christe, ut beáta Virgo Coléta, sponsa tibi fidélis, divinæ caritatís flammam excitet in córdibus nostris; quam, ad perénnem Ecclesiæ tuæ glóriam, innúmeris virginibus insérui: Qui vivis et regnas.

SECRETUM

Sanctam Coletam, quæ cælitus missa, non modo ad regularem disciplinam pluribus in locis collapsam, in utraque Francisci Assisiensis et Clare familia instaurandam, verum ad ipsam Ecclesiam Dei reparandam superna ope delecta fuit, magno pietatis studio christifideles, præsertim in Gallie, Germanie et Belgii regionibus merito prosequuntur. Siquidem inclita hæc Virgo, divino æstuans amore, atque in proximos caritate flagrans, tum rigidiores penitentes summa austeritate assidue æmulata, tum egenos ac maxime aegrotos benignissime complexa, distributis antea in pauperes suis facultatibus, tertii Ordinis sancti Francisci regulam professæ, consiliis evangelicis arctissime inherens, omnium virtutum culmen attingere visa est. Mundo mori omnimode cupiens, in reclusorium, uti aiunt, secessit, ibique triennium morata est. Divinitus dein admonita, moderatoribus annuentibus, ex illo egressa fuit. Haud multo post, Spiritu divino afflante, ad reformandam vitam regularem Clarissarum, quibus a Romano Pontifice cooptata fuerat, indubiis accedentibus signis, sapienti consilio impigre adlaboravit. Incredibile dictu est, quantum reformatio a Coleta feliciter peracta fuerit, quamplura exstructa monasteria, adaucto in dies monialium numero, instaurata ubique arctioris disciplinæ Clarissarum ratio, adhuc late virescens: quam plurima sanctitatis specimina Ecclesiæ Christi contulisse compertum est. Nec satis: zelo succensa Coleta virorum quoque religiosorum familiam primi Ordinis excitavit, qui Coletani idcirco appellati, uberrimos fructus retulerunt, et sæculo decimosexto ab Apostolica Sede Fratrum Minorum Ordini, lubentibus animis, fuerunt inserti. Ardum propterea, quod a Deo jussa fuerat, opus aggressæ, nullis injuriis, aut calumniis, nedum conviciis infracta, mulier fortissima mirifice perfecit; perditis nimirum populorum moribus emen-

dandis intendit, et grassanti schismati in Occidente delendo: missa propterea ad concilium Constantiense sapientissima epistola. Coletæ virtutum et miraculorum fama Italiam, Galliam, Germaniam aliasque pervagata regiones, undique ad ipsam confluebant gentes, opem a Deo Coletæ precibus consecuturæ: quinimo viri præstantes virtute ac doctrina eam conveniebant, tamquam sanctitatis et perfectionis christianæ magistram et exemplar: quos inter Vincentius Ferreri, Joannes a Capistrano et Joanna Arcensis virgo, uti fertur; quæ, ad Galliam sospitandam tunc temporis excitata, beatorum cælum honores, orbe plaudente, nuperrime assecuta est. Quibus omnibus permoti, Rñus Dñus Fulbertus Petit, Archiepiscopus Bisuntinus, in qua diœcesi primum sanctæ Coletæ cœnobium exstat, ac Rñus P. Dionysius Schüler, Minister generalis totius Ordinis Fratrum Minorum, nacti occasionem primi labentis sæculi ab ipsius inclitæ Virginis canonizatione, sanctissimo Domino nostro Pio Papæ X. supplicia vota porrexerunt, ut festum sanctæ Coletæ ad cunctas Galliæ et Belgii regiones, atque ad earundem gentium colonias extendere dignaretur: quorum vota libentissime obsecundarunt fere omnes sacrorum Antistites Gallicæ et Belgicæ ditionis, præeunte Eñno et Rño Dño Cardinali Petro Coullié, Archiepiscopo Lugdunensi, et Galliarum Primate: iis enim in locis, sive tantæ Virginis nativitate, sive rebus mirifice gestis, sive pretiosa ejus morte, vel ipsius reliquiarum custodia, Coletæ nomen in benedictione est ac pari veneratione. Quare Rñus P. Franciscus Xaverius Hertzog, Societatis S. Sulpitii Procurator generalis, et Rñus P. Franciscus Paolini, Postulator generalis Ordinis Fratrum Minorum, hujusce causæ respectivi Postulatores, Officii proprii ac Missæ de sancta Coleta exhibitum schema supremæ sanctioni ejusdem sanctissimi Domini nostri humillime subjecerunt. Sanctitatis porro Sua, ejus modi precibus peramanter deferens, una cum litteris hac de re postulatores sacrorum Galliæ et Belgii Antistitum, ab infrascripto Cardinali Sebastiano Martinelli sacre Rituum Congregationi Præfecto relatis, festum sanctæ Coletæ Virginis sub ritu duplici minori, in universis Galliæ, Belgii et utriusque coloniarum regionibus, die sexta Martii (vel, hac impedita, prima subsequenti die libera juxta Rubricas) quotannis recolendum decrevit, cum superscriptis Officio et Missa: servatis Rubricis. Contrariis non obstantibus quibuscumque. Die 25 Augusti 1909.

Locus † sigilli.

FR. S. CARD. MARTINELLI, *Præfectus*.

PHILIPPUS CAN. DI FAVA, *Substitutus*.

Concordat cum originali.

Turonibus, die 14^a Februarii 1910.

† RENATUS FRANCISCUS

ARCHIEPISC. TURONENSIS

S. Joannis Damasceni Conf. et Eccles. Doctoris.

Introitus.

Ps. 72.

MENUISTI manum
dexteram meam : et in
voluntate tua deduxisti
me, et cum gloria suscepisti me.
Ps. ibid. Quam bonus Israël Deus
his, qui recto sunt corde! **V.** Gló-
ria Patri.

Oratio.

OMnipotens sempitérne Deus,
qui ad cultum sacrárum
imáginum adseréndum, beátum
Joánnem coelésti doctrína, et ad-
mirábili spíritus fortitúdine im-
buxisti : concéde nobis ejus inter-
cessióne et exémplo; ut quorum
cólimus imáginés, virtútes imité-
mur ac patrocínia sentiámus.
Per Dóminum.

Lectio libri Sapientiae. Sap. 10.

Justum deduxit Dóminus
per vias rectas, et osténdit
illi regnum Dei, et dedit illi sci-
entiam sanctorum : honestávit illum
in labóribus, et complévit labóres
illus. In fraude circumveniénti-
um illum affuit illi : et hon-
estum fecit illum. Custodívit illum
ab inimícis, et a seductóribus tu-
távit illum, et certámen forte de-
dit illi ut vínceret, et sciret quó-
niam ómnium poténtior est sa-
piéntia. Haec vénditum justum
non derelíquit, sed a peccatóri-
bus liberávit eum : descendítque

cum illo in fóveam, et in vínculis
non derelíquit illum, donec affér-
ret illi sceptrum regni, et potén-
tiam advérsus eos, qui eum de-
primébant : et mendáces ostén-
dit, qui maculavérunt illum, et
dedit illi claritátem aetérnam.
Haec pópulum justum, et semen
sine queréla liberávit a natióni-
bus, quae illum deprimébant.
Intrávit in ánimam servi Dei, et
stetit contra reges horréndonos in
porténtis et signis. Et réddidit ju-
stis mercédem labórum suórum.

Graduale. Ps. 17. Deus, qui prae-
cínxit me virtúte : et pósuit im-
maculátam viam meam. **V.** Qui
docet manus meas ad proelium :
et posuísti, ut arcum aereum,
bráchia mea.

Tractus. 1bid. Pérsequar inimícos
meos, et comprehéndam illos.
V. Confríngam illos, nec póte-
runt stare : cadent subtus pedes
meos. **V.** Proptérea confitébor in
natió nibus, Dómine, et nómini
tuo psalmum dicam.

Tempore Paschali.

Allelúia, allelúia. **V. 1. Reg. 25.**
Dóminus salvávit manum tuam
tibi : quia proelia Dómini tu
proeliáris. Allelúia. **V. Ps. 143.** Be-
nedíctus Dóminus Deus meus,
qui docet manus meas ad proe-
lium, et dígitos meos ad bellum.
Allelúia.

2 **Die 28. Martii. — S. Joannis a Capistrano Conf.**

Extra tempus Paschale.

Graduale. ps. 17. Deus, qui prae-
cinxit me virtute : et posuit im-
maculatam viam meam. V. Qui
docet manus meas ad proelium :
et posuisti, ut arcum aereum,
brachia mea.

Allelúia, allelúia. V. Dedisti
mihi protectionem salutis tuae : et
dextera tua suscepit me. Allelúia.

✠ **Sequentia sancti Evangelii** se-
cundum Lucam. Luce. 6.

IN illo tempore : Factum est
et in alio sabbato, ut intrá-
ret Jesus in synagógam, et docé-
ret. Et erat ibi homo, et manus
ejus dextera erat árida. Obser-
vabant autem Scribae et Phari-
saei, si in sabbato curáret : ut
invenírent unde accusárent eum.
Ipse vero sciébat cogitationes eo-
rum. Et ait hómini, qui habébat
manum áridam : Surge, et sta in
médium. Et surgens stetit. Ait
autem ad illos Jesus : Interrogo
vos, si licet sabbatis bene fácere,
an male : ánimam salvam fácere,
an pérdere? Et circumspécitis

ómnibus dixit hómini : Exténde
manum tuam. Et exténdit : et
restituta est manus ejus. Ipsi au-
tem repléti sunt insipientia, et
colloquebántur ad ínvicem, quid-
nam fácerent Jesu. Credo.

Offertorium. Job. 14. Lignum ha-
bet spem : si praecísus fúerit,
rursum viréscit, et rami ejus púl-
lulant.

Secreta.

UT, quae tibi Dómine offéri-
mus, dona tuo sint digna
conspéctu; beáti Joánnis et San-
ctórum, quos ejus ópera expósi-
tos in templis cólimus, pia suffra-
gátio conspíret. Per Dóminum.

Communio. ps. 36. Brachia pecca-
tórum conteréntur, confirmat au-
tem justos Dóminus.

Postcommunio.

Sumpta nos, quaesumus Dó-
mine, dona coeléstibus ar-
mis tueántur : et beáti Joánnis
patrocínia circúmdent Sanctórum
unánimi suffrágio cumuláta, quo-
rum imágines evícit in Ecclesia
esse venerándas. Per Dóminum.

— ♦ — **DIE XXVIII. MARTII.** — ♦ —

S. Joannis a Capistrano Confessoris.

Introitus.



GO autem in Dómino
gaudébo : et exsultábo
in Deo Jesu meo : Deus
Dóminus fortitúdo mea. ps. 90. Ex-
sultáte Deo adjutóri nostro, jubi-
láte Deo Jacob. V. Glória Patri.

V. Abat. 3.

Oratio.

Deus, qui per beátum Joán-
nem fidéles tuos in virtúte
sanctíssimi nóminis Jesu de cru-
cis inimícis triumpháre fecísti :
praesta, quaesumus; ut spirituá-
lium hóstium ejus intercessióne

superátis insídiis, coronám justítiae a te accípere mereámur. Per eúndem Dóminum.

Lectio libri Sapientiae. Sap. 10.

Ustum deduxit Dóminus per vias rectas, et osténdit illi regnum Dei, et dedit illi sciéntiam sanctórum : honestávit illum in labóribus, et complévit labóres illús. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi ut vínceret, et sciret quóniam ómnium poténtior est sapiéntia. Haec vénditum justum non derelíquit, sed a peccatóribus liberávit eum : descendítque cum illo in fóveam, et in vínculis non derelíquit illum.

Graduale. Ps. 21. Qui timétis Dóminum, laudáte eum : univérsum semen Jacob glorificáte eum. **V.** Tímeat eum omne semen Israël : quóniam non sprexit, neque despexit deprecationem páuperis.

Tractus. erod. 15. Fortitúdo mea, et laus mea Dóminus, et factus est mihi in salútem : iste Deus meus, et glorificábo eum. **V.** Dóminus quasi vir pugnátor, omnípotens nomen ejus. **V. Ps. 75.** Dóminus cónterens bella : Dóminus nomen este illi.

Tempore Paschali omittitur Graduale, et ejus loco dicitur :

Allelúia, allelúia. **V. Ps. 58.** Ego autem cantábo fortitúdinem tuam:

et exsultábo mane misericórdiam tuam. Allelúia. **V.** Quia factus es susceptor meus, et refúgium meum in die tribulatiónis meae. Allelúia.

Extra tempus Paschale.

Graduale. Ps. 21. Qui timétis Dóminum, laudáte eum : univérsum semen Jacob glorificáte eum. **V.** Tímeat eum omne semen Israël : quóniam non sprexit, neque despexit deprecationem páuperis.

Allelúia, allelúia. **V. Ps. 58.** Ego autem cantábo fortitúdinem tuam : et exsultábo mane misericórdiam tuam. Allelúia.

✠ Sequéntia sancti Evangelii secundum Lucam. Luc. 9.

IN illo témpore : Convocatís Jesus duódecim Apóstolis, dedit illis virtútem, et potestátem super ómnia daemónia, et ut languóres curárent. Et misit illos praedicáre regnum Dei, et sanáre infirmos. Et ait ad illos : Nihil tulérítis in via, neque virgam, neque peram, neque panem, neque pecúniám, neque duas túnicas habeátis. Et in quamcúmque domum intravérítis, ibi manéte, et inde ne exeátis. Et quicúmque non recéperint vos : exeúntes de civitáte illa, étiam púlverem pedum vestrórum excúte in testimoníum supra illos. Egréssi autem circuibant per castélla, evangelizántes, et curántes ubíque.

Offertorium. Eccli. 46. Invocávit Altíssimum poténtem in oppugnándo inimícos úndique, et audívit illum magnus et sanctus Deus.

Secreta.

Sacrificium, Dómine, quod immolámus, placátus inténde : ut, intercedénte beáto Joánnē Confessóre tuo, ad conteréndas inimicórum insídias nos in tuae protectiónis securitáte constituat. Per Dóminum.

Communio. sap. 10. Decantavérunt, Dómine, nomen sanctum tuum, et victóricem manum tuam laudavérunt.

Postcommunio.

Repléti alimónia coelésti et spirituáli póculo recreáti quaesumus, omnípotens Deus : ut, intercedénte beáto Joánnē Confessóre tuo, nos ab hoste maligno deféndas, et Ecclesiám tuam perpétua pace custódias. Per Dóminum.

— ◆ — DIE XXVI. NOVEMBRIS. — ◆ —

S. Silvestri Abbatis.

Missa. Os justí, de Communi Abbatis, praeter Orationes sequentes.

Oratio.

Clementíssime Deus, qui sanctum Silvéstrum Abbátem saeculi hujus vanitátem in apérto túmulo pie meditántem ad erémum vocáre, et praecláris vitae méritis decoráre dignátus es : te supplices exorámus; ut ejus exémplo terréna despiciéntes, tui consórtio perfruámur aetérno. Per Dóminum nostrum Jesum Christum Fílium tuum, qui tecum vivit et regnat.

Secreta.

Quaesumus Dómine, ut dum haec múnera divínae majestáti tuae reverénter offérimus; pia mentis praeparatióne et cordis puritáte, beáti Silvéstri Abbátis imitatóres effécti, corpus et ságuinem Fílii tui sancte percípere mereámur : Qui tecum.

Postcommunio.

Divína dape reféctis tribue, quaesumus Dómine, sancti Silvéstri Abbátis vestígiis ita inhaerére; ut copiósam mercédem in regno glóriæ tuæ, cum sanctis habeámus. Per Dóminum.

Hae Missae cum originalibus concordant : ideo imprimi possunt.

Tornaci, die 12 Decembris 1890.

G. F. J. BOUVRY, Vic. Gen.

MISSÆ PROPRIÆ DIÆCESIS MASSILIENSIS

A S. R. C. APPROBATÆ

AC DE MANDATO ILLUSTRISSIMI ET REVERENDISSIMI

DD. JOANNIS JOSEPHI LUDOVICI ROBERT

EPISCOPI MASSILIENSIS

NUNC DENUO EDITÆ



TURONIBUS

TYPIS A. MAME, TYPOGRAPHI

ILLUSTRISSIMI AC REVERENDISSIMI DD. ARCHIEPISCOPI ET CLERI

M. D. CCC. LXXXIII

1870-1871

1870-1871



MISSÆ

PER BREVE DIEI 28 JULII 1882

AD UNIVERSALEM ECCLESIAM EXTENSÆ.

DIE IX. FEBRUARII.

S. CYRILLI EPISC. ALEXANDRINI,
CONF. ET ECCL. DOCTORIS.

Missa, In médio, de Comm. Doct.,
præter Orationes sequentes. Et dici-
tur Credo.

Oratio.

DEUS, qui beátum Cyrillum Confes-
sorem tuum atque Pontificem di-
vinæ maternitátis beatissimæ Virgi-
nis Mariæ assertorem invictum effe-
cisti : concède, ipso intercedente ; ut
qui vere eam Genitricem Dei credi-
mus, materna ejusdem protectione
salvemur. Per eúdem Dóminum.

Secreta.

MUNERA nostra, omnípotens Deus,
benígnus respice : et, intercedén-
te beáto Cyrillo, præsta ; ut Unigéni-
tum tuum Jesum Christum Dóminum
nostrum in tua tecum glória coæter-
num, in córdibus nostris digne susci-
pere mereámur. Qui tecum vivit.

Postcommunio.

DIVINIS, Dómine, refecti mystériis,
te súpplices deprecámur : ut
exémplis et méritis beáti Cyrilli Pon-
tificis adjúti, sanctissimæ Genitríci
Unigéniti tui digne famulári valeá-
mus. Qui tecum.

DIE XVIII. MARTII.

S. CYRILLI EP. HIEROSOLYMITANI
CONF. ET ECCL. DOCTORIS.

Introitus. *Eccli.* 15.



In médio Ecclesiæ aperuit
os ejus : et implevit eum
Dóminus spíritu sapien-
tiæ et intellectus : stolam
glóriæ induit eum. *Ps.*
91. Bonum est confiteri

Dómino : et psállere nómini tuo, Al-
tissime. *ꝫ.* Glória Patri.

Oratio.

DA nobis, quæsumus omnipotens
Deus, beáto Cyrillo Pontífice in-
tercedente, Te solum verum Deum,
et quem misisti Jesum Christum, ita
cognóscere ; ut inter oves, quæ vocem
ejus audiunt, perpétuo connumerári
mereámur. Per eúdem Dóminum.

Lectio libri Sapiéntiæ. *Eccli.* 39.

JUSTUS cor suum tradet ad vigilán-
dum dilúculo ad Dóminum, qui
fecit illum, et in conspéctu Altíssimi
deprecábitur. Apériet os suum in ora-
tione, et pro delictis suis deprecábi-
tur. Si enim Dóminus magnus volúe-
rit, spíritu intelligéntiæ replébit il-
lum : et ipse tamquam imbres mittet
elóquia sapiéntiæ suæ, et in oratione
confitébitur Dómino : et ipse diriget
consílium ejus, et disciplínam, et in
absconditis suis consiliábitur. Ipse pa-
lam faciet disciplínam doctrinæ suæ,
et in lege testaménti Dómini gloriá-
bitur. Collaudábunt multi sapién-
tiam ejus, et usque in sæculum non
delébitur. Non recédet memória ejus,
et nomen ejus requirétur a generatió-
ne in generatióem. Sapiéntiam ejus
enarrábunt gentes, et laudem ejus
enuntiábit ecclésiá.

Graduale. *Ps.* 36. Os justi meditá-
bitur sapiéntiam, et lingua ejus lo-
quétur judícium. *ꝫ.* Lex Dei ejus in
corde ipsius : et non supplantabúntur
gressus ejus.

Tractus. *Ps.* 111. Beátus vir, qui
timet Dóminum : in mandátis ejus
cupit nimis. *ꝫ.* Potens in terra erit se-
men ejus : generatio rectórum bene-

dicétur. **✠** Glória et divitiæ in domo ejus: et justitia ejus manet in sæculum sæculi.

¶ Tempore Paschali omittitur Graduale, et ejus loco dicitur: Allelúia, allelúia. **✠** Eccli. 45. Amávit eum Dóminus, et ornávit eum: stolam glóriæ induit eum. Allelúia. **✠** Osee 14. Justus germinábit sicut lílium: et florébit in ætérnum ante Dóminum. Allelúia.

Extra tempus Paschale, Graduale.
Ps. 36. Os justí meditábitur sapiéntiam, et lingua ejus loquétur judicium. **✠** Lex Dei ejus in corde ipsius: et non supplantabúntur gressus ejus.

Allelúia, allelúia. **✠** Eccli. 45. Amávit eum Dóminus, et ornávit eum: stolam glóriæ induit eum. Allelúia.

✠ Sequéntia sancti Evangélíi secúndum Matthæum. **Matth. 10.**

In illo témpore: Dixit Jesus discipulis suis: Cum persequéntur vos in civitate ista, fugite in áliam. Amen dico vobis, non consummábitis civitates Israel, donec véniat Fílius hóminis. Non est discipulus super magistrum, nec servus super dómínusuum. Súfficit discipulo, ut sit sicut magister ejus: et servo, sicut dómínus ejus. Si patremfamilias Beélzebub vocavérunt: quanto magis domésticos ejus? Ne ergo timuéritis eos. Nihil enim est opértum, quod non revelábitur; et occúltum, quod non sciétur. Quod dico vobis in ténebris dicite in lúmine: et quod in aure auditis prædicáte super tecta. Et nolíte timére eos, qui occidunt corpus, ánimam autem non possunt occidere: sed pótius timéte eum, qui potest et ánimam et corpus pèrdere in gehénam. **credo.**

Offertorium. Ps. 91. Justus ut palma florébit: sicut cedrus, quæ in Líbano est multiplicábitur.

Secreta.

RESPICE, Dómine, immaculátam hóstiám, quam tibi offérimus: et præsta: ut méritis beáti Pontíficis et Confessóris tui Cyrílli. eam mundo

corde suscipere studeámus. Per Dóminum.

Communio. Luc. 12. Fidélis servus et prudens, quem constituit Dóminus super familiám suam: ut det illis in témpore trítici mensúram.

Postcommunio.

SACRAMENTA Córporis et Sanguinis tui quæ sumpsimus, Dómine Jesu Christe, beáti Cyrílli Pontíficis préci-bus, mentes et corda nostra sanctificent: ut divínæ consórtes naturæ éffici mereámur: Qui vivis.

DIE XIV. APRILIS.

S. JUSTINI, MARTYRIS.

Introitus. *Psalm. 118.*



NARRAVERUNT mihi iníqui fabulatiónes, sed non ut lex tua: ego autem loquébar de testimoniis tuis in conspéctu regum, et non confundébar. Allelúia, allelúia. **Ps. Ibid.** Beáti immaculáti in via, qui ámbulant in lege Dómini. **✠** Glória Patri.

Oratio.

DEUS, qui per stultitiam crucis, emínentem Jesu Christi sciéntiam beátum Justinum Mártirem mirábiliter docuisti: ejus nobis intercessióne concéde: ut, errórum circumventióne depúlso, fidei firmitátem consequámur. Per eúndem Dóminum.

Lectio Epístolæ beáti Pauli Apóstoli ad Corínthios. **1. Cor. 1.**

FRATRES: Verbum crucis, pereúntibus quidem stultitia est; iis autem qui salvi fiunt, idest nobis, Dei virtus est. Scriptum est enim: perdam sapiéntiam sapiéntium, et prudéntiam prudéntium reprobo. Ubi sapiens? ubi scriba? ubi conquisitor hujus sæculi? Nonne stultam fecit Deus sapiéntiam hujus mundi? Nam quia in Dei sapiéntia non cognóvit mundus per sapiéntiam Deum; plácuit Deo per stultitiam prædicatiónis salvos facere credéntes. Quóniam et Judæi signa petunt, et Græci sapiéntiam quærent: nos autem prædicámus

Christum crucifixum, Judæis quidem scándalum; Géntibus autem stultitiam, ipsis autem vocátis Judæis atque Græcis, Christum Dei virtutem, et Dei sapiéntiam. Quia quod stultum est Dei, sapiéntius est hominibus, et quod infirmum est Dei, fórtius est hominibus. Ex ipso autem vos estis in Christo Jesu, qui factus est nobis sapiéntia a Deo, et justítia, et sanctificátio, et redemptio.

Allelúia, allelúia. 1. Cor. 3. Sapiéntia hujus mundi stultítia est apud Deum, scriptum est enim: Dóminus novit cogitatíones sapiéntium quóniam vanæ sunt. **Allelúia. 1. Ad Philipp. 3.** Verúm tamen exístimo ómnia detriméntum esse propter eminentem sciéntiam Jesu Christi Dómini mei. **Allelúia.**

¶ **Extra tempus Paschale, Graduale. 1. Cor. 3.** Sapiéntia hujus mundi stultítia est apud Deum, scriptum est enim: Dóminus novit cogitatíones sapiéntium, quóniam vanæ sunt. **1. Ibid. 1.** Perdam sapiéntiam sapiéntium, et prudéntiam prudéntium reprobo.

Allelúia, allelúia. 1. Phil. 3. Verúm tamen exístimo ómnia detriméntum esse propter eminentem sciéntiam Jesu Christi Dómini mei. **Allelúia.**

Post Septuag., omissis Allelúia, et 1. sequenti, dicitur: Tractus. 1. Cor. 2. Non judicávi me scire aliquid inter vos nisi Jesum Christum, et hunc crucifixum. **1. Lóquimur Dei sapiéntiam in mystério, quæ abscondita est, quam prædestinávit Deus ante sæcula in glóriam nostram. 1. Quam nemo principum hujus sæculi cognóvit. Si enim cognovissent, numquam Dóminus glóriæ crucifixissent.**

✠ **Sequéntia sancti Evangelii secundum Lucam. Luc. 12.**

In illo témpore: Dixit Jesus discipulis suis: Nihil est opértum quod non revelétur; neque absconditum, quod non sciátur. Quóniam quæ in ténebris dixistis, in lúmine dicéntur, et quod in aurem locúti estis in cubi-

culis, prædicábitur in tectis. Dico autem vobis amícis meis: ne terreámini ab his qui occidunt corpus, et post hæc non habent amplius quid fáciant. Osténdam autem vobis quem timeátis: timéte eum, qui postquam occiderit, habet potestátem mittere in gehénnam; ita dico vobis, hunc timéte. Nonne quinque pásseres véneunt dipóndio, et unus ex illis non est in oblivióne coram Deo? Sed et capilli cápitis vestri omnes numeráti sunt. Nolíte ergo timére; multis páseribus pluris estis vos. Dico autem vobis: omnis quicumque conféssus fuerit me coram hominibus, et Filius hóminis confitébitur illum coram ángelis Dei.

Offertorium. 1. Cor. 2. Non enim judicávi, me scire aliquid inter vos, nisi Jesum Christum, et hunc crucifixum. **Allelúia.**

Secreta.

MUNERA nostra, Dómine Deus, benígnus súscipe: quorum mirábile mystérium sanctus Martyr Justinus advérsus impiórum calúnnias strénue deféndit. Per Dóminum.

Communio. 2. Tim. 4. Repósita est mihi coróna justítiæ, quam reddet mihi Dóminus in illa die justus judex. **Allelúia.**

Postcommunio.

CELESTI alimónia refécti súplices te, Dómine, deprecámur: ut beáti Justini Mártiris tui mónitis, de accéptis donis semper in gratiárum actióne maneamus. Per Dóminum.

DIE XXVIII. MAJI.

S. AUGUSTINI, EPISC. ET CONF.

Introitus. Psalm. 131.



SACERDOTES tui, Dómine, induant justítiam, et sancti tui exúltent: propter David servum tuum, non avértas fáciem Christi tui. **Ps.**

Ibid. Memento, Dómine, David: et omnis mansuetúdinis ejus. 1. Glória Patri.

Oratio.

DEUS, qui Anglorum gentes, prædicatione et miraculis beati Augustini Confessoris tui atque Pontificis, veræ fidei luce illustrare dignatus es : concede : ut, ipso interveniente, errantium corda ad veritatis tuæ redeant unitatem, et nos in tua simus voluntate concordēs. Per Dominum.

Lectio Epistolæ beati Pauli Apostoli ad Thessalonicenses. **1. Thess. 2.**

FRATRES : Fiduciam habuimus in Deo nostro loqui ad vos Evangelium Dei in multa sollicitudine. Exhortatio enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium : ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulationis, sicut scitis ; neque in occasione avaritiæ : Deus testis est : nec querentes ab hominibus gloriam, neque a vobis, neque ab aliis ; cum possemus vobis oneri esse ut Christi Apostoli : sed facti sumus parvuli in medio vestrum, tamquam si nutrix foveat filios suos. Ita desiderantes vos, cupide volebamus tradere vobis non solum Evangelium Dei, sed etiam animas nostras ; quoniam charissimi nobis facti estis. Memores enim estis, fratres, laboris nostri, et fatigationis : nocte ac die operantes, ne quem vestrum gravaremus, prædicavimus in vobis Evangelium Dei.

Graduale. Ps. 131. Sacerdotes ejus induam salutari : et sancti ejus exultatione exultabunt. **✠** Illuc producam cornu David : paravi lucernam Christo meo.

Allelûia, allelûia. ✠. Ps. 109. Juravit Dominus, et non poenitebit eum : Tu es sacerdos in æternum, secundum ordinem Melchisedech. Allelûia.

Tempore Paschali omittitur Graduale, et ejus loco dicitur : Allelûia, allelûia. ✠. Ps. 109. Juravit Dominus, et non poenitebit eum : tu es sacerdos in æternum, secundum ordinem Mel-

chisedech. Allelûia. **✠. Eccli. 45.** Amavit eum Dominus, et ornavit eum : stolam gloriæ induit eum. Allelûia.

Post Septuag., omissis Allelûia, et ✠. sequenti, dicitur : Tractus Ps. 111. Beatus vir, qui timet Dominum : in mandatis ejus cupit nimis. **✠.** Potens in terra erit semen ejus : generatio rectorum benedicetur. **✠.** Gloria et divitiæ in domo ejus : et justitia ejus manet in sæculum sæculi.

✠ Sequentia sancti Evangelii secundum Lucam. Luc. 10.

IN illo tempore : Designavit Dominus et alios septuaginta duos : et misit illos binos ante faciem suam in omnem civitatem et locum, quo erat ipse venturus. Et dicebat illis : Messis quidem multa, operarii autem pauci. Rogate ergo dominum messis, ut mittat operarios in messem suam. Ite : ecce ego mitto vos sicut agnos inter lupos. Nolite portare sacculum, neque peram, neque calceamenta : et neminem per viam salutaveritis. In quaecumque domum intraveritis, primum dicite : Pax huic domui : et si ibi fuerit filius pacis, requiescet super illum pax vestra : sin autem, ad vos revertetur. In eadem autem domo manete, edentes et bibentes quæ apud illos sunt : dignus est enim operarius mercede sua. Nolite transire de domo in domum. Et in quaecumque civitatem intraveritis, et suscepérint vos, manducate quæ apponuntur vobis ; et curate infirmos, qui in illa sunt, et dicite illis : Proproinquavit in vos regnum Dei.

Offertorium. Ps. 88. Veritas mea, et misericordia mea cum ipso : et in nomine meo exaltabitur cornu ejus.

Secreta.

SACRIFICIUM tibi offerimus, Domine, in solemnitate beati Augustini Pontificis et Confessoris tui humiliter deprecantes : ut oves, quæ perierunt, ad unum ovile reversæ, hoc salutari pabulo nutriantur. Per Dominum.

Communio. Matth. 24. Beatus servus, quem cum venerit Dominus, in-

venerit vigilantem : amen dico vobis, super omnia bona sua constituet eum.

Postcommunio.

HOSTIA salutari refecti, te, Domine, supplices exoramus : ut eadem, beati Augustini interveniente suffragio, in omni loco nomini tuo jugiter immoletur. Per Dominum.

DIE XIV. NOVEMBRIS.

S. JOSAPHAT, EPISC. ET MART.

Introitus.



AUDEAMUS omnes in Domino, diem festum celebrantes sub honore beati Josaphat Martyris ; de cujus passione gaudent Angeli, et collaudant Filium

Dei. **Ps. 32.** Exultate justi in Domino : rectos decet collaudatio. **v.** Gloria Patri.

Oratio.

EXCITA, quaesumus Domine, in Ecclesia tua Spiritum, quo repletus beatus Josaphat Martyr et Pontifex tuus, animam suam pro omnibus posuit : ut, eo intercedente, nos quoque eodem Spiritu moti ac roborati, animam nostram pro fratribus ponere non vereamur. Per Dominum..... in unitate ejusdem Spiritus.

Lectio Epistolae beati Pauli Apostoli ad Hebraeos. Hebr. 5.

FRATRES : Omnis pontifex ex hominibus assumptus, pro hominibus constituitur in iis, quae sunt ad Deum, ut offerat dona, et sacrificia pro peccatis : qui condolare possit iis, qui ignorant et errant : quoniam et ipse circumdatus est infirmitate : et propterea debet, quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur a Deo, tamquam Aaron. Sic et Christus non semetipsum clarificavit ut pontifex fieret : sed qui locutus est ad eum : Filius meus es tu, ego hodie genui te. Quemadmodum et in alio loco dicit : Tu es sacerdos in a-

ternum, secundum ordinem Melchisedech.

Graduale. Ps. 88. Inveni David servum meum, oleo sancto meo unxi eum : manus enim mea auxiliabuntur ei, et brachium meum confortabit eum. **v.** Nihil proficiet inimicus in eo, et filius iniquitatis non nocere ei. Alleluia, alleluia. **v.** Hic est sacerdos, quem coronavit Dominus. Alleluia.

Tempore Paschali. Alleluia, alleluia. v. **Ps. 88.** Confitebuntur coeli mirabilia tua, Domine : etenim veritatem tuam in ecclesia sanctorum. Alleluia. **v.** **Ps. 20.** Posuisti, Domine, super caput ejus coronam de lapide pretioso. Alleluia.

Post Septuagesimam, omissis Alleluia, et versu sequenti, dicitur : Tractus. Ps. 20. Desiderium animae ejus tribuisti ei : et voluntate labiorum ejus non fraudasti eum. **v.** Quoniam praevenisti eum in benedictionibus dulcedinis. **v.** Posuisti in capite ejus coronam de lapide pretioso.

Sequentia Sancti Evangelii secundum Joannem. Joan. 10.

In illo tempore : Dixit Jesus Pharisaeis : Ego sum pastor bonus. Bonus pastor animam suam dat pro ovibus suis. Mercenarius autem, et qui non est pastor, ejus non sunt oves propriae, videt lupum venientem, et dimittit oves, et fugit : et lupus rapit, et dispergit oves : mercenarius autem fugit, quia mercenarius est, et non pertinet ad eum de ovibus. Ego sum Pastor bonus : et cognosco meas, et cognoscunt me meae. Sicut novit me Pater, et ego agnosco Patrem : et animam meam pono pro ovibus meis. Et alias oves habeo, quae non sunt ex hoc ovili : et illas oportet me adducere, et vocem meam audient, et fiet unum ovile, et unus pastor.

Offertorium. Joan. 15. Majorem caritatem nemo habet, ut animam suam ponat quis pro amicis suis.

Secreta..

CLEMENTISSIME Deus, múnera hæc tua benedictióne perfúnde, et nos in fide confirma : quam sanctus Jósaphat Martyr et Póntifex tuus, effúso sáanguine, adséruiť. Per Dóminum nostrum Jesum Christum.

Communio. Joan. 10. Ego sum pa-

stor bonus, et cognóscó oves meas, et cognóscunt me meæ.

Postcommunio.

SPIRITUM, Dómine, fortitúdinis hæc nobis tríbuat mensa cœléstis quæ sancti Jósaphat Mátyristui atque Póntíficis vitam pro Ecclésiæ honóre júgiter áluit ad victóriam. Per Dñm.

Concordant cum originalibus penes Secretariam Sacrorum Rituum Congregationis existentibus. In fidem etc. Ex eadem Secretaria hæc die 18. Decembris 1882.

L. † S.

LAURENTIUS SALVATI, S. R. C. Secretarius.

Imprimi pössunt.

Mechliniæ, 22 Januarii 1883.

VICTOR AUGUSTUS CARD. DECHAMPS, ARCH. MECHLIN.

DIE XI. FEBRUARII

APPARITIONIS

B. MARLÆ VIRGINIS IMMACULATÆ

Introitus. Apoc. 21.

VIDI civitatem sanctam, Jerusalem novam, descendentem de caelo a Deo, paratam sicut sponsam ornatum viro suo. Ps. 44. Eructavit cor meum verbum bonum, dico ego opera mea regi. *ŷ.* Glória Patri. Vidi.

Oratio.

DEUS, qui per Immaculatam Virginis Conceptionem dignum Filio tuo habitaculum preparasti: supplices a te quæsumus; ut ejusdem Virginis apparitionem celebrantes, salutem mentis et corporis consequamur. Per eundem.

Commem. Fer. si venerit in Quadrag.

Lectio libri Apocalýpsis beati Joannis Apostoli. Apoc. 11. 12.

APERTUM est templum Dei in caelo: et visa est arca testamenti ejus in templo ejus; et facta sunt fulgura, et voces, et terræmótus, et grando magna. Et signum magnum apparuit in caelo: Mulier amicta sole, et luna sub pedibus ejus, et in capite ejus corona stellarum duodecim. Et audívi vocem magnam in caelo dicentem: Nunc facta est salus et virtus et regnum Dei nostri, et potestas Christi ejus.

Graduale. Cant. 2. Flores apparuerunt in terra nostra, tempus putationis advénit, vox túrturis audita est in terra nostra. *ŷ.* Ibid. Surge, amica mea, speciosa mea, et veni: columba mea in foraminibus petrae, in caverna maceriae.

Allelúia, allelúia. *ŷ.* Osténde mihi faciem tuam, sonet vox tua in auribus


meis: vox enim tua dulcis, et facies tua decora. Allelúia.

Post Septuagesimam, omissis Allelúia et *ŷ.* seq., dicitur:

Tractus. Jud. 15. Tu glória Jerusalem, tu lætitia Israël, tu honorificéntia populi nostri. *ŷ.* Tota pulchra es, María, et mácula originális non est in te. *ŷ.* Felix es, sacra Virgo María, et omni laude dignissima, quæ serpéntis caput virgineo pede contrivisti.

Tempore Paschali.

Allelúia, allelúia. Cant. 2. Flores apparuerunt in terra nostra. Allelúia. *ŷ.* Vox túrturis audita est. Allelúia.

 Sequéntia sancti Evangélii secundum Lucam. Luc. 1. e

In illo tempore: Missus est Angelus Gábríel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis María. Et ingressus Angelus ad eam dixit: Ave grátia plena: Dóminus tecum: benedicta tu in mulieribus. Quæ cum audisset, turbata est in sermone ejus, et cogitabat qualis esset ista salutatio. Et ait Angelus ei: Ne timeas, María, invenisti enim grátiam apud Deum: ecce concipies in útero, et páries filium, et vocabis nomen ejus Jesum. Credo.

Offertorium. Luc. 1. Ave grátia plena, Dóminus tecum, benedicta tu in mulieribus.

Secreta.

HÓSTIA láudis, quam tibi Dómine per mérita gloriósæ et Immaculatæ Vir-

ginis offerimus, sit tibi in odorem suavitatis, et nobis optatam conferat corporis et animæ sanitatem. Per Dñm.

Communio. Ps. 64. Visitasti terram et inebriasti eam, multiplicasti locupletare eam.

Postcommunio.

Quos cælesti Dñmine alimento satiasti, sublevet dextera Genitricis tuæ Immaculatæ: ut ad æternam patriam, ipsa adjuvante, pervenire mereamur: Qui vivis.

Concordat cum suo originali. In fidem, etc.

Ex Secretaria Sacrorum Rituum Congregationis die 23 Januarii 1891.

L. † S.

Pro R. P. D. VINCENTIO NUSSI Secretario,

JOANNES PONZI Substitutus.

Imprimatur.

Turonibus, die 10 Martii 1891.

† GUILLELMUS RENATUS ARCHIEPISC. TURON.

KALENDARIUM PERPETUUM

PRO CLERO CIVITATIS ET INTEGRÆ

DIOECESIS MASSILIENSIS

(Ea sola notantur quæ discrepant a Calendario Missalis Romani.)

JANUARIUS

- 23 Desponsatio B. M. V., dupl. maj. Commem. S. Joseph, et Sanctæ Emerentianæ, Virg. et Mart.
24 Translatio S. Victoris, Martyris Massiliensis, dupl.

FESTA MOBILIA

Feria III post Dom. Septuagesimæ, Oratio D. N. J. C. in monte Oliveti, dupl. maj.
Feria III post Dom. Sexagesimæ, Commem. Passionis D. N. J. C., dupl. maj.

FEBRUARIUS

- 3 S. Theodori, Episc. Massiliensis et Conf., dupl. maj. Commem. S. Blasii, Episc. et Mart.
4 Sanctæ Joannæ Valesiæ, Viduæ, dupl.
6 S. Boniti, Episc. et Conf., dupl. (dies fixa e 15 januarii). Commem. Sanctæ Dorotheæ, Virg. et Mart.
9 S. Timothei, Episc. et Mart., dupl. (dies fixa e 24 januarii). Commem. S. Apolloniæ, Virg. et Mart.
11 S. Andræ Corsini, Episc. et Conf., dupl. (dies fixa e 4 hujus).
12 S. Raymundi de Pennafort, Conf., semid. (dies fixa e 23 januarii).
13 S. Titi, Episc. et Conf., dupl.
14 S. Cyrilli Alexandrini, Episc. et Conf., dupl. (dies fixa e 9 hujus). Commem. S. Valentini, Presb. et Mart.
26 Sanctæ Margaritæ Cortonensis, semid. (dies fixa e 23 hujus).

FESTA MOBILIA

Feria VI post Cineres, Sacratissimæ Spineæ Coronæ D. N. J. C., dupl. maj.
Feria VI post Dom. I Quadrag., SS. Lanceæ et Clavorum D. N. J. C., dupl. maj.
Feria VI post Dom. II Quadrag., SS. Sindonis D. N. J. C., dupl. maj.

MARTIUS

- 1 SS. Adriani, Hermetis et Sociorum, Mart. Massiliensium, dupl.
18 S. Gabrielis, Archangeli, dupl. maj.
19 S. JOSEPH, SPONSI B. M. V., DIOECESIS PATRONI, dupl. I cl.
20 S. Cyrilli Hierosolymitani, Episc. et Conf., dupl. (dies fixa e 18 hujus).

FESTA MOBILIA

Feria VI post Dom. III Quadrag., Sacrorum Quinque Vulnerum D. N. J. C., dupl. maj.
Feria VI post Dom. IV Quadrag., RESURRECTIO S. LAZARI, dupl. 2 cl.

APRILIS

- 14 S. Justini, Mart., dupl.
27 S. Boni Latronis, dupl. (dies fixa e 25 Martii).

FESTA MOBILIA

Dom. III post Pascha, PATROCINI S. JOSEPH, SPONSI B. M. V., dupl. 2 cl., cum Oct.
Dom. IV post Pascha, Oct. Patrocinii, dupl.

MAIUS

- 5 Inventio Corporis Sanctæ Mariæ Magdalenæ, dupl.
11 S. Pii V, Papæ et Conf., dupl. (dies fixa e 5 hujus).
16 S. Joannis Nepomuceni, Mart., dupl.
21 S. Ubaldi, Episc. et Conf., semid. (dies fixa e 16 hujus).
24 B. Mariæ Virginis, titulo Auxilium Christianorum, dupl. maj.
25 SS. Mariæ Jacobi et Mariæ Salome, Vid., dupl. Commem. S. Urbani I, Papæ et Mart.
27 S. Eutropii, Massiliensis, Episc. Arausicani et Conf., dupl. Commem. S. Joannis I, Papæ et Mart.
28 S. Gregorii VII, Papæ et Conf., dupl. (dies fixa e 25 hujus).
29 Sanctæ Mariæ Magdalenæ de Pazzis, Virg., semid. (dies fixa e 27 hujus).
30 S. Augustini Cantuariensis, Episc. et Conf., dupl. (dies fixa e 28 hujus). Commem. S. Felicis, Papæ et Mart.

FESTUM MOBILE

Dom. infra Oct. Ascensionis, B. M. V., Matris Gratiae, dupl. maj.

JUNIUS

- 8 S. Maximini, I Episc. Aquensis et Conf., dupl.
15 Sanctæ Germanæ Cousin, Virg., dupl.
16 S. Joannis Francisci Regis, Conf., dupl.

FESTA MOBILIA

Octava SS. Corporis Christi privilegiata ad instar Oct. Epiphaniæ.
Feria VI post Oct. SS. Corporis Christi, SACRATISSIMI CORDIS D. N. J. C., dupl. I cl., cum Oct.
Dom. III post Pentecosten, SS. Redemptoris, dupl. maj.
Feria VI post Dom. III post Pentecosten, Oct. SS. Cordis D. N. J. C., dupl.

JULIUS

- 16 B. M. V. DE MONTE CARMELO, dupl. 2 cl.
21 SS. VICTORIS ET SOCIORUM, MART. MASSILIENSIVM, dupl. 2 cl. Commem. S. Prædixis, Virg.

- 22 SANCTÆ MARIE MAGDALENÆ, dupl. 2 cl.
 23 S. Cassiani, Fundatoris et Abbatis S. Victoris, dupl. Commem. S. Liborii, Episc. et Conf.
 24 S. Apollinaris, Episc. et Mart., dupl. (dies fixa e 23 hujus). Commem. Vigiliæ et Sanctæ Christinæ, Virg. et Mart.
 29 S. MARTHÆ, Virg., dupl. 2 cl. Commem. SS. Felicis et Sociorum, Mart.

FESTVM MOBILE

Dom. post Octavam SS. Petri et Pauli, Commemoratio SS. S. R. E. Summorum Pontificum, dupl. maj.

AUGVSTVS

- 9 S. Sereni, Episc. Massiliensis et Conf., dupl. maj. Commem. Vigiliæ et S. Romani, Mart.
 11 S. Philumenæ, Virg., dupl. Commem. Oct. et SS. Tiburtii et Susannæ, Mart.
 16 S. Rochi, Conf., dupl. Commem. Oct.
 18 S. Hyacinthi, Conf., dupl. (dies fixa e 16 hujus). Commem. Oct. et S. Agapiti, Mart.
 19 S. Ludovici, Episc. Tolosani et Conf., dupl. Commem. Oct.
 26 S. Genesii, Mart., dupl. (heri). Commem. S. Zephyrini, Papæ et Mart.
 27 S. Cæsarii, Episc. Arelatensis et Conf., dupl.
 31 SOLEMNITAS S. LAZARI, PRIMI EPISCOPI MASSILIENSIS ET MARTYRIS, CIVITATIS ET DIOECESIS PATRONI, dupl. 1 cl., cum Oct.

FESTVM MOBILE

Dom. post Oct. Assumptionis, B. M. V. Purissimi Cordis, dupl. maj.

SEPTEMBER

- 1 S. Raymundi Nonnati, Conf., dupl. (dies fixa e 31 Aug.). Commem. Oct., S. Ægidii, Abbatis, et SS. XII Fratrum, Mart.
 3 S. Josephi Calasactii, Conf., dupl. (dies fixa e 27 Aug.). Commem. Oct.
 7 Octava S. Lazari, dupl.
 23 SS. Defendentis et Sociorum, Mart. Massiliensium, dupl.
 26 S. Ysarni, Abbatis S. Victoris, dupl. Commem. SS. Cypriani et Justinæ, Mart.
 27 S. Elzearii, Conf., dupl. Commem. Beatæ Delphinæ, Virg.

FESTVM MOBILE

Dom. infra Oct. S. Lazari, Omnium Sanctorum Massiliensium Episc., dupl. maj. Commem. Dominicæ et Octavæ.

OCTOBER

- 3 S. Cypriani, Massiliensis, Episc. Tolonensis et Conf., dupl.
 5 SS. Cosmæ et Damiani, Mart., semid. (dies fixa e 27 Septembris). Commem. SS. Placidi et Soc., Mart. trum.
 11 SS. Eusebiæ et Soc., Virg. et Mart. Massiliensium, dupl.
 15 S. Cannati, Episcopi Massiliensis et Confessoris, dupl. maj.
 16 Sanctæ Teresiæ, Virg., dupl. (dies fixa e 13 hujus).
 17 Beatæ Margaritæ Mariæ Alacoque, Virg., dupl.
 21 S. Maurontii, Episc. Massiliensis et Confessoris, dupl. maj. Commem. S. Hilarionis, Abbatis, et SS. Ursulæ et Soc., Virg. et Mart.
 22 S. Edwigis, Viduæ, semid. (dies fixa e 17 hujus).
 24 S. Raphaelis, Archangeli, dupl. maj.
 31 Translatio S. Augustini, dupl.

FESTA MOBILIA

Dom. II Octobris, Maternitatis B. M. V., dupl. maj.
 Dom. III Octobris, Puritatis B. M. V., dupl. maj.
 Dom. IV Octobris, Patrocinii B. M. V., dupl. maj.

NOVEMBER

- 13 S. Stanislai Kostkæ, Conf., dupl.
 14 S. Didaci, Conf., semid. (dies fixa e 13 hujus).
 16 S. Josaphat Polocensis, Episc. et Mart., dupl. (dies fixa e 14 hujus).

FESTA MOBILIA

Dom. infra Oct. omnium Sanctorum, FESTVM OMNIUM SANCTORVM ECCLESIE MASSILIENSIS, dupl. 2 cl.
 Dom. ultima post Pentecosten, Sacrarum Reliquiarum Ecclesiæ Massiliensis, dupl. maj.

DECEMBER

- 4 S. Barbaræ, Virg. et Mart., dupl.
 5 S. Petri Chrysologi, Episc., Conf. et Eccl. Doct., dupl. (dies fixa e 4 hujus). Commem. S. Sabbæ, Abb. et Conf.
 10 Translatio Almæ Domus Lauretanæ, dupl. maj.
 17 NATALIS S. LAZARI, PRIMI EPISCOPI MASSILIENSIS ET MART., dupl. 2 cl.
 18 Expectatio partus B. M. V., dupl. maj.
 19 B. Urbani V. Papæ et Conf., dupl.
 20 S. Trophimi, primi Episc. Arelatensis et Confessoris, dupl. (dies fixa e 29 hujus). Commem. Feriæ et Vigiliæ.

MISSÆ PROPRIÆ

DICÆCESIS MASSILIENSIS

FESTA DECEMBRIS

DIE IV

IN FESTO SANCTÆ BARBARÆ
VIRGINIS ET MARTYRIS

Ut in Supplemento Missalis pro ali-
quibus locis.

DIE V

IN FESTO S. PETRI CHRYSOLOGI
EPISC., CONF. ET ECCL. DOCT.

Ut in Missali ad diem iv hujus.

DIE X

IN FESTO TRANSLAT. ALMÆ DOMUS
LAURETANÆ

B. M. V.

Ut in Supplemento Missalis pro ali-
quibus locis.

DIE XVII

IN FESTO NATALIS SANCTI LAZARI

PRIMI EPISC. MASSILIENSIS ET MART.

Introitus. Isaïa 43.

NOLI timere, quia redēmi te, et vo-
cāvi te nōmine tuo; meus es tu :
cum ambulāveris in igne, non
comburēris, quia ego Dōminus Deus
tuus, sanctus Israel, Salvātor tuus. Ps. 17.
Diligam te, Dōmine, fortitūdo mea :
Dōminus firmamētum meum, et refū-
gium meum, et liberātor meus. ȳ. Glō-
ria Patri.

Oratio.

DEUS, qui beāto Lázaro, Christi disci-
pulo, dedisti piæ confessiōnis inter
tormēta virtūtem : largire nobis inter
mundi tentāmina ejus constāntiam æmu-

lari, ut coronāri cum ipso mereāmur in
cœlis. Per eūdem.

Et fit Commem. Feriæ.

Lectio libri Sapiētiæ. Eccli. 31.

CONFITĒBOR tibi, Dōmine Rex, et col-
laudābo te Deum Salvatōrem meum.
Confitebor nōmini tuo : quōniam adjūtor
et protēctor factus es mihi, et liberāsti
corpus meum a perditōne, a lāqueo
linguæ iniquæ, et a lābiis operāntium
mendācium, et in conspēctu astāntium
factus es mihi adjūtor. Et liberāsti me
secūndum multitudinem misericōrdiæ nō-
minis tui a rugiētibz pręparātis ad
escam, de mānibz quærēntium ānīmam
meam, et de portis tribulatiōnum quę
circumdedērunt me : a pressūra flammę
quę circumdedit me, et in medio ignis
non sum æstuātus : de altitūdine ventris
inferi et a lingua coinquināta, et a verbo
mendācii, a rege iniquo, et a lingua
injūsta. Laudābit usque ad mortem ānima
mea Dōminum, et vita mea appropin-
quans erat in infērno dēorsum. Circum-
dedērunt me ūndique, et non erat qui
adjuvāret. Respiciens eram ad adjutō-
rium hōminum, et non erat. Memorātus
sum misericōrdiæ tuę, Dōmine, et ope-
ratiōnis tuę, quę a sæculo sunt. Quō-
niam ēruis sustinēntes te, et liberas eos
de mānibz gēntium.

Graduale. Philipp. 2. Si immolor su-
pra sacrificium et obsequium fidei vestrę,
gaudeo et congrātulor omnibz vobis.
ȳ. Idipsū autem et vos gaudēte, et
congratulāmini mihi.

Allelūia, allelūia. ȳ. Lázare, festīna,
pētinus, succūrrere nobis : néquiter ecce

premit nos úndique túrbidus hostis. Al-
lélúia.

✠ Sequéntia sancti Evangélíi secún-
dum Joánnem. *Cap. 11.*

IN illo témpore : Erat quídam languens
Lázarus a Bethánia de castélló Ma-
riæ, et Marthæ soróris ejus. Mariæ ergo,
cum venisset ubi erat Jesus, videns eum,
cécidit ad pedes ejus, et dicit ei : Dó-
mine, si fuisses hic, non esset mórtuus
frater meus. Jesus ergo, ut vidit eam
plorántem, et Judæos, qui vénerant cum
ea, plorántes, infremuit spíritu, et tur-
bávit seípsum, et dixit : Ubi posuístis
eum? Dicunt ei : Dómine, veni, et vide.
Et lacrymátus est Jesus. Dixérunt ergo
Judæi : Ecce quómodo amábat eum. Qui-
dam autem ex ipsis dixérunt : Non póterat
hic, qui apéruiť óculos cæci nati, fácere
ut hic non morerétur? Jesus ergo rur-
sum fremens in semetípso, venit ad mo-
numéntum. Erat autem spelúnca : et
lapis superpósitus erat ei. Ait Jesus :
Tóllite lápidem. Dicit ei Martha, soror
ejus qui mórtuus fúerat : Dómine, jam
fœtet : quatríduánus est enim. Dicit ei
Jesus : Nonne dixi tibi quóniam si credi-
deris, vidébis glóriam Dei? Tulérunt
ergo lápidem. Jesus autem, elevátis sur-
sum óculis, dixit : Pater, grátias ago
tibi quóniam audísti me. Ego autem
sciébam quia semper me audis; sed pro-
pter pópulum, qui circúmsat, dixi : ut
credant quia tu me misísti. Hæc cum
dixisset, voce magna clamávit : Lázare,
veni foras. Et statim pródiit qui fúerat
mórtuus, ligátus pedes et manus ínstitis;
et fácies illíus sudário erat ligáta. Dixit
eis Jesus : Sóluite eum, et sínite abire.
Multi ergo ex Judæis, qui vénerant ad
Mariam et Martham, et viderant quæ
fecit Jesus, credidérunt in eum. Credo.

Offertorium. Col. 1. Gáudeo in pas-
sioníbus, et adimpleo ea quæ desunt
passiónum Christi in carne mea, pro
córpo'e ejus quod est Ecclésia, cujus
factus sum ego minister.

Secreta.

OBLATIÓNEM nostram, quæsumus, Dó-
mine, benedictiónis suæ rore per-

fúndat Spíritus sanctus, et nos constántes
efficiat in fide veritátis, quam beátus
Lázarus, Christi discípulus, et præcónio
vocis et sánguinis effusióne testátus est.
Per eúdem... In unitáte ejúdem.

Et fit Commem. Fer.

Præfatio propria.

Communio. II Cor. 1. Sicut abúndant
passiões Christi in nobis, ita et per
Christum abúndat consolátio nostra.

Postcommunio.

CÆLÉSTIS mensæ virtúte recreátis præ-
sta nobis, omnipotens Deus : ut
beáti Lázari précibus et exémplo, nec
persecútio, nec gládius separáre nos pos-
sit a charitáte tua, quæ est in Christo
Jesu Filio tuo Dómino nostro. Qui te-
cum vivit et regnat in unitáte Spíritus
sancti Deus. Per ómnia sæcula sæculó-
rum.

Et fit Commem. Fer.

DIE XVIII

IN FESTO

EXPECTATIONIS PARTUS

BEATÆ MARIE VIRGINIS

*Ut in Supplemento Missalis, cum Com-
mem. Fer.*

DIE XIX

IN FESTO BEATI URBANI V

PAPÆ ET CONFESSORIS

*Ut in Supplemento Missalis pro Clero
Romano.*

DIE XX

IN FESTO SANCTI TROPHIMI

EPISCOPI ET CONFESSORIS

*Missa Státuit, de Communi Confes-
soris Pontificis, primo loco, cum Orat.
seq.*

Oratio.

DEUS, qui ad géntium illuminatióne
beátum Pontificem tuum Tróphi-
mum mittere dignátus es : præsta; ut
quos per ipsíus documenta esse donásti
fidéles, meritórum imitatóres esse con-
cédas. Per Dóminum.

Et fit Commem. Ferie et Vigilæ.

DIE XXVI

IN FESTO SANCTI STEPHANI

PRO COMMEMORATIONE

OMNIUM SS. MARTYRUM

Oratio.

DEUS, qui glorificáris in concilio sanctórum Mártýrum tuórum, respice ad preces humilitátis nostræ : ut quorum solémnia celebrámus, eórum précibus adjuvári mereámur.

Postea fit Commem. Oct.

Secreta.

ADÉSTO, Dómine, supplicatióibus nostris, quas in Sanctórum tuórum commemoratióne deférimus : ut qui nostræ justitiæ fidúciā non habémus, eórum qui tibi placuérunt méritis adjuvémur.

Postcommunio.

QUÆSUMUS, Dómine, salutáribus repléti mystériis : ut quorum solémnia celebrámus, eórum oratióibus adjuvémur.

FESTA JANUARI

DIE XXIII

IN FESTO DESPONSATIONIS

BEATÆ MARIE VIRGINIS

Ut in Supplemento Missalis, cum Commem. S. Joseph et S. Emerentianæ, Virg. et Mart.

DIE XXIV

IN FESTO

TRANSLATIONIS SANCTI VICTORIS

MARTYRIS

Introitus. Ps. 34.

ANIMA mea exsultábit in Dómino : et delectábitur super salutári suo. Omnia ossa mea dicent : Dómine, quis similis tibi? Ps. Ibid. Erípiens inopem de manu fortiórum ejus : egénū et páuperem a diripiéntibus eum. ŷ. Glória.

Oratio.

DEUS, cujus nutu per divérsa terrárum loca, ipsa quoque Sanctórum corpóra disponúntur : tribue, quæsumus ; ut qui beáti Victoris, Mártýris tui, Transla-

MASSIL.

tiónem cólimus, ipsi étiam a pravitate nostra ad pie vivéndi rectitúdinem transferámur. Per Dóminum.

Léctio libri Apocalypsis beáti Joánnis Apóstoli. Apoc. 6.

IN diébus illis : Vidi subtus altáre ánimas interfectórum propter verbum Dei, et propter testimónium, quod habébant ; et clamábant voce magna, dicéntes : Usquequo, Dómine sanctus et verus, non júdicas, et non vindicas sanguinem nostrum de iis qui hábitant in terra? Et datæ sunt illis singulæ stolæ albæ : et dictum est illis ut requiescerent adhuc tempus módicum, donec compleántur consérvi eórum, et fratres eórum, qui interficiéndi sunt sicut et illi.

Graduale. Ps. 33. Multæ tribulatiónes justórum : et de ómnibus his liberábit eos Dóminus. ŷ. Custódit Dóminus ómnia ossa eórum : unum ex his non conterétur.

Allelúia, allelúia. ŷ. Isaia 66. Consolabor et consolabimini. Ossa vestra germinábunt : et cognoscétur manus Dómini servis ejus. Allelúia.

Post Septuagesimam, omissis Allelúia et ŷ. sequenti, dicitur

Tractus. Eccli. 48 et 49. Amplificátus est in mirábilibus suis, et mórtuum prophetávit corpus ejus. ŷ. In vita sua fecit monstra, et in morte mirabilia operátus est. ŷ. Ossa ipsíus visitáta sunt, et post mortem prophetavérunt.

✠ Sequéntia sancti Evangélii secúndum Matthæum. Cap. 10.

IN illo témpore : Dixit Jesus discipulis suis : Nihil est opértum, quod non revelábitur : et occúltum, quod non sciétur. Quod dico vobis in ténebris, dicite in lúmine : et quod in aure auditis, prædicáte super tecta. Et nolite timére eos, qui occidunt corpus, ánimam autem non possunt occidere : sed pótius timéte eum, qui potest et ánimam et corpus pérdere in gehénnam. Nonne duo pásse-res asse væneunt, et unus ex illis non cadet super terram sine Patre vestro? Vestri autem capilli cápitis omnes numeráti sunt. Nolite ergo timére : multis

passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in cœlis est.

In Ecclesia Cathedrali et propria dicatur Credo.

Offertorium. Ps. 53. Voluntárie sacrificábo tibi, et confitébor nómini tuo, Dómine : quóniam ex omni tribulatióne eripuísti me.

Secreta.

HÓSTIAS, quæsumus, Dómine, súscipe placátus oblátas, intercedente beáto Victóre, Mártire tuo : qui mola contritus se tibi velut panem mundum obtulit. Per Dóminum.

Communio. Ps. 50. Dabis, Dómine, gáudium et lætítiam : et exsultábunt ossa humiliáta.

Postcommunio.

EXSULTÉMUS, Dómine, lætítia spiritali, beáti Victóris, Mártiris tui, Translatiônem recoléntes : et sacraménta quæ in ejus solemnitate percépimus, nobis ad fidei et charitátis augméntum proficiant. Per Dóminum.

FERIA III POST DOMINICA SEPTUAGESIMÆ
IN FESTO

ORATIONIS D. N. J. C.

IN MONTE OLIVETI

Ut in Supplemento Missalis.

FERIA III POST DOM. SEXAGESIMÆ
IN FESTO

COMMEMORATIONIS PASSIONIS

D. N. J. C.

Ut in Supplemento Missalis.

FESTA FEBRUARII

DIE III

IN FESTO SANCTI THEODORI

EPISCOPI ET CONFESSORIS.

Introitus. Eccli. 43.

EXCÉLSUM fecit illum Dóminus, et dedit illi sacerdotium gentis : et beatificávit illum in glória. Dedit illi in præcéptis suis potestátem docére

Jacob testimónia, et in lege sua lucem dare Israel. Ps. 88. Misericórdias Dómini in ætérnum cantábo : in generatiónem et generatiónem. 7. Glória Patri.

Oratio.

DEUS, qui beátum Theodórum, Pontíficem exímium, per multos agónes, tamquam aurum igne probátum, ad ætérnæ felicitátis réquiem perduxisti : da nobis, quæsumus, ejus exémplo cuncta nobis adversántia ita superáre, ut post hujus vitæ tribulatiónes in regnum tuum introire mereámur. Per Dóminum.

Pro Commem. S. Blasii, Episc. et Mart.

Oratio.

DEUS, qui nos beáti Blásii, Mártiris tui atque Pontíficis, ánnua solemnitate lætíficas : concède propítius; ut ejus natalítia cólimus, de ejúsdem étiam protectione gaudeámus. Per Dóminum.

Lectio libri Sapientíæ. Eccli. 50.

SACÉRDOS magnus qui in vita sua suffúlsit domum, et in diébus suis corroborávit templum. Templi étiam altitúdo ab ipso fundáta est, duplex ædificátió et excélsi parietes templi. In diébus ipsius emanavérunt pútei aquárum, et quasi mare adimpléti sunt supra modum. Qui curávit gentem suam, et liberávit eam a perditiónē. Qui prævaluit amplificáre civitátem, qui adéptus est glóriam in conversatióne gentis : et ingrèssum domus et átrii amplificávit. Quasi stella matutína in médio nébulæ, et quasi luna plena in diébus suis lucet. Et quasi sol refúlgens, sic ille effúlsit in templo Dei. Quasi arcus refúlgens inter nébulas glóriæ, et quasi flos rosárum in diébus vernis, et quasi lilia quæ sunt in tránsitu aquæ, et quasi thus rédolens in diébus æstátis. Quasi ignis effúlgens, et thus ardens in igne. Quasi vas auri sólídum, ornátum omni lápide pretiósio. Quasi oliva púllulans, et cypréssus in altitúdinem se extóllens, in accipiéndō ipsum stolam glóriæ, et vestíri eum in consummatiōnem virtútis.

Graduale. Job 29. Benedictio peritúri super me veniebat, et cor víduæ con-

solátus sum. *ŷ.* Oculis fui cæco et pes claudus; pater eram pauperum.

Allelúia, allelúia. *ŷ.* I Cor. 9. Omnis omnibus factus sum, ut omnes facerem salvos. Allelúia.

Post Septuagesimam, omissis Allelúia et *ŷ.* sequenti, dicitur

Tractus. Ps. 125. Qui seminant in lacrymis, in exultatione metent. *ŷ.* Euntes ibant et flebant, mittentes semina sua. *ŷ.* Venientes autem venient cum exultatione, portantes manipulos suos.

✠ Sequenti sancti Evangelii secundum Joannem. Cap. 10.

In illo tempore: Dixit Jesus Phariseis: Ego sum pastor bonus. Bonus pastor animam suam dat pro ovibus suis. Mercenarius autem, et qui non est pastor, cujus non sunt oves propriæ, videt lupum venientem, et dimittit oves, et fugit: et lupus rapit, et dispergit oves: mercenarius autem fugit, quia mercenarius est, et non pertinet ad eum de ovibus. Ego sum pastor bonus, et cognosco meas, et cognoscunt me meæ. Sicut novit me Pater, et ego agnosco Patrem, et animam meam pono pro ovibus meis. Et alias oves habeo, quæ non sunt ex hoc ovili: et illas oportet me adducere, et vocem meam audient, et fiet unum ovile, et unus pastor.

In Ecclesia Cathedrali et propria dicitur Credo.

Offertorium. Exod. 32. Orabat Dominum Deum suum, dicens: Cur, Domine, irascitur furor tuus contra populum tuum? Quiescat ira tua, et esto placabilis super nequitiam populi tui. Placatusque est Dominus.

Secreta.

PLACEAT tibi, Domine, nostræ humilitatis oblatio, et intercedente beato Theodoro, Confessore tuo atque Pontifice, præsta: ut, tuæ charitatis spiritu replêti, a terrénis mundémur cupiditatibus, et cœlesti beatitudine digni efficiámur. Per Dominum.

Pro sancto Blasio. Secreta.

MUNERA tibi, Domine, dicata sanctifica: et intercedente beato Blasio,

Martyre tuo atque Pontifice, per eadem nos placatus inténde. Per Dominum.

Prefatio propria.

Communio. Sap. 10. Sapientia honestavit illum in laboribus, et complévit labores illius.

Postcommunio.

DEUS, qui beatum Theodorum, Confessorem tuum atque Pontificem, pastoralis officii vigilantia et præclaris omnium virtutum méritis sublimasti: da nobis huius virtute sacramenti; ut ipsum sinceris operum fructibus imitemur. Per.

Pro sancto Blasio. Postcommunio.

HÆC nos commúnio, Domine, purget a crimine: et intercedente beato Blasio, Martyre tuo atque Pontifice, cœlestis remédii faciatis esse consortes. Per.

DIE IV

IN FESTO

SANCTÆ JOANNÆ VALESLE

VIDUÆ

Missa Cognóvi, de Communi, cum Orat. propria, in Supplemento Missalis.

DIE VI

IN FESTO SANCTI BONITI

EPISCOPI ET CONFESSORIS

Missa Státuit, de Communi Conf. Pont., cum Commem. S. Dorotheæ, Virg. et Mart.

DIE IX

IN FESTO SANCTI TIMOTHEI

EPISCOPI ET MARTYRIS

Ut in Missali ad diem 24 Januarii, cum Commem. S. Apolloniæ, Virg. et Mart.

DIE XI

IN FESTO S. ANDRÆ CORSINI

EPISCOPI ET CONFESSORIS

Ut in Missali ad diem 4 huius.

DIE XII

IN FESTO

SANCTI RAYMUNDI DE PENNAFORT

CONFESSORIS

Ut in Missali ad diem 23 Januarii.

DIE XIII

IN FESTO SANCTI TITI

EPISCOPI ET CONFESSORIS

Ut in Missali ad diem 6 Februarii.

DIE XIV

IN FESTO

SANCTI CYRILLI ALEXANDRINI

EPISCOPI ET CONFESSORIS

Ut in Missali. Commem. S. Valentini,
Presb. et Mart.

DIE XXVI

IN FESTO

SANCTÆ MARGARITÆ DE CORTONA

Ut in Supplemento Missalis ad diem
23 hujus.

FER. VI POST CINERES

IN FESTO

SS. SPINÆ CORONÆ

D. N. J. C.

Ut in Supplemento Missalis.

FERIA VI POST DOM. I QUADRAG.

IN FESTO

SS. LANCEÆ ET CLAVORUM

D. N. J. C.

Ut in Supplemento Missalis.

FERIA VI POST DOM. II QUADRAG.

IN FESTO

SS. SINDONIS D. N. J. C.

Ut in Supplemento Missalis.

FESTA MARTII

DIE I

IN FESTO SS. ADRIANI, HERMETIS

ET SOCIORUM, MARTYRUM

Missa Intret, de Communi plur. Mart.
cum Oratione sequenti.

Oratio.

DEUS, qui hunc diem beatórum Már-
tyrum tuórum Adriáni, Hermétis
Sociorúmque eórum martyrio consecrá-
sti : præsta, quæsumus; ut eórum suf-
frágia apud te sentiámus in cœlis, quo-
rum hic pio amóre solémnia venerámur
in terris. Per Dóminum.

DIE XVIII

IN FESTO

SANCTI GABRIELIS, ARCHANGELIS

Ut in Supplemento Missalis.

DIE XIX

IN FESTO SANCTI JOSEPH

DIOECESIS PATRONI

Ut in Missali.

DIE XX

IN FESTO

S. CYRILLI HIEROSOLYMITANI

EPISCOPI ET CONFESSORIS

Ut in Missali. Commem. Feriæ.

FERIA VI POST DOM. III QUADRAG.

IN FESTO


SS. QUINQUE VULNERUM D. N. J. C.

Ut in Supplemento Missalis.

IN FESTO

RESURRECTIONIS SANCTI LAZARI

Introitus. Ps. 13.



LÆTATUM est cor meum,
et exsultavit lingua
mea; insuper et caro
mea requiescet in spe.

Ps. Id. Consérva me,
Dómine, quóniam spe-
rávi in te. Dixi Dómi-
no : Deus meus es
tu, quóniam bonórum
meórum non eges. *ŷ. Glória Patri.*

Oratio.

DEUS, qui per Unigénitum tuum, be-
atū Lázarus quatríduánū mór-
tuum suscitásti a monumento : érige nos
de túmulis peccatórum ; ut mereámur
adipisci consórtium electórum tuórum.
Per eúndem Dóminum.

Pro Commem. Feriæ.

Oratio.

DEUS, qui ineffabilibus mundum réno-
vas sacraméntis : præsta, quæsu-
mus; ut Ecclesiá tua et ætérnis proficiat
institútis, et temporálibus non destituátur
auxiliis. Per Dóminum.

Lectio libri Regum. III Reg. 17.

IN diébus illis : Egrotávit filius mu-
lieris matrisfamilias, et erat languor
fortissimus, ita ut non remanéret in eo
hálitus. Dixit ergo ad Eliam : Quid mihi
et tibi, vir Dei? Ingressus es ad me, ut
rememoraréntur iniquitátes meæ, et in-
terficeres filium meum? Et ait ad eam
Elias : Da mihi filium tuum. Tulítque
eum de sinu ejus, et portávit in cœnacu-
lum ubi ipse manébat, et pósuit super
léctulum suum. Et clamávit ad Dómi-
num, et dixit : Dómine Deus meus,
etiámne víduam, apud quam ego utécum-
que susténtor, afflixisti ut interficeres

filium ejus? Et expándit se, atque men-
sus est super puerum tribus vicibus, et
clamávit ad Dóminum, et ait : Dómine
Deus meus, revertátur, óbsecro, ánima
pueri hujus in viscera ejus. Et exaudivit
Dóminus vocem Eliæ : et revérsa est
ánima pueri intra eum, et revixit. Tulít-
que Elias puerum, et depósuit eum de
cœnáculo in inferiorem domum, et trá-
didit matri suæ, et ait illi : En vivit filius
tuus. Dixitque mûlier ad Eliam : Nunc
in isto cognóvi quóniam vir Dei es tu,
et verbum Dómini in ore tuo verum est.

Graduale. Ps. 87. Estimátus sum
cum descendéntibus in lacum : factus
sum sicut homo sine adjutório, inter mór-
tuos liber. *ŷ. Job 14.* Vocábis me, Dó-
mine, et ego respondébo tibi : óperi má-
nuum tuárum pórriges dexteram.

Tractus. Eccli. 13. Liberásti me, Dó-
mine, secúndum multitudínem miseri-
córdiæ nóminis tui, de altitúdine ventris
inferi. *ŷ. Ps. 13.* Propter hoc lætátum
est cor meum, et exsultávit lingua mea :
insuper et caro mea requiescet in spe.
ŷ. Notas mihi fecísti vias vitæ, adimplé-
bis me lætítia cum vultu tuo.

✠ Sequéntia sancti Evangélii secún-
dum Joánnem. Cap. 11.

IN illo témpore : Erat quidam languens
Lázarus a Bethánia de castéllō Mariæ,
et Marthæ soróris ejus. (Mariá autem
erat quæ unxit Dóminum unguénto, et
extérsit pedes ejus capillis suis; cujus
frater Lázarus infirmabátur.) Misérunt
ergo soróres ejus ad eum, dicéntes :
Dómine, ecce quem amas infirmátur.
Audiens autem Jesus dixit eis : Infirmi-
tas hæc non est ad mortem, sed pro gló-
ria Dei, ut gloriificétur Filius Dei per

eam. Diligebat autem Jesus Martham, et sororem ejus Mariam, et Lázarum. Ut ergo audivit quia infirmabatur, tunc quidem mansit in eodem loco duobus diebus. Deinde post hæc dixit discipulis suis : Eamus in Judæam iterum. Dicunt ei discipuli : Rabbi, nunc quærebant te Judæi lapidare, et iterum vadis illuc? Respondit Jesus : Nonne duodecim sunt horæ dii? Si quis ambulaverit in die, non offéndit, quia lucem hujus mundi videt : si autem ambulaverit in nocte, offéndit, quia lux non est in eo. Hæc ait, et post hæc dixit eis : Lázarus amicus noster dormit; sed vado, ut a somno excitem eum. Dixérunt ergo discipuli ejus : Dómine, si dormit, salvus erit. Dixerat autem Jesus de morte ejus : illi autem putavérunt, quia de dormitióne somni diceret. Tunc ergo Jesus dixit eis manifeste : Lázarus mortuus est, et gaudeo propter vos, ut credátis, quóniam non eram ibi. Sed eamus ad eum. Dixit ergo Thomas, qui dicitur Didymus, ad condiscipulos : Eamus et nos, ut moriamur cum eo. Venit itaque Jesus, et invenit eum quátuor dies jam in monumento habentem. (Erat autem Bethánia juxta Jerosólymam quasi stádiis quíndecim.) Multi autem ex Judæis vénerant ad Martham et Mariam, ut consolaréntur eas de fratre suo. Martha ergo, ut audivit quia Jesus venit, occúrrit illi : María autem domi sedébat. Dixit ergo Martha ad Jesum : Dómine, si fuisses hic, frater meus non fuisset mortuus : sed et nunc scio, quia quæcúmque popósceris a Deo, dabit tibi Deus. Dicit illi Jesus : Resúrget frater tuus. Dicit ei Martha : Scio quia resúrget in resurrectione in novíssimo die. Dixit ei Jesus : Ego sum resurréctio et vita : qui credit in me, etiámsi mortuus fuerit, vivet : et omnis, qui vivit, et credit in me, non moriétur in ætérnum. Credis hoc? Ait illi : Utique, Dómine, ego credidi, quia tu es Christus Filius Dei vivi, qui in hunc mundum venísti. Et cum hæc dixisset, abiit, et vocávit Mariam sororem suam siléntio, dicens : Magister adest, et vocat te. Illa ut audivit,

surgit cito, et venit ad eum : nondum enim vénerat Jesus in castéllum ; sed erat adhuc in illo loco, ubi occúrrerat ei Martha. Judæi ergo, qui erant cum ea in domo, et consolabántur eam, cum vidissent Mariam, quia cito surréxit, et éxiit, secúti sunt eam, dicéntes : Quia vadit ad monuméntum, ut ploret ibi. María ergo cum venisset ubi erat Jesus, videns eum, cecidit ad pedes ejus, et dicit ei : Dómine, si fuisses hic, non esset mortuus frater meus. Jesus ergo, ut vidit eam plorántem, et Judæos, qui vénerant cum ea, plorántes, infrémuit spiritu, et turbávit seípsum, et dixit : Ubi posuístis eum? Dicunt ei : Dómine, veni, et vide. Et lacrymátus est Jesus. Dixérunt ergo Judæi : Ecce quómodo amábat eum. Quidam autem ex ipsis dixérunt : Non póterat hic, qui aperúit óculos cæci nati, fácere ut hic non morerétur? Jesus ergo rursum fremens in semetípso, venit ad monuméntum. Erat autem spelúnca : et lapis superpósitus erat ei. Ait Jesus : Tóllite lápidem. Dicit ei Martha, soror ejus qui mortuus fuerat : Dómine, jam fœtet, quatrídúanus est enim. Dicit ei Jesus : Nonne dixi tibi quóniam si credideris, vidébis glóriam Dei? Tulérunt ergo lápidem : Jesus autem, elevátis sursum óculis, dixit : Pater, grátias ago tibi quóniam audisti me. Ego autem sciébam quia semper me audis, sed propter pópulum, qui circúmdat, dixi : ut credant quia tu me misisti. Hæc cum dixisset, voce magna clamávit : Lázare, veni foras. Et statim pródiit qui fuerat mortuus, ligátus pedes et manus inistitis, et fácies illius sudário erat ligáta. Dixit eis Jesus : Sóluite eum, et sínite abf're. Multi ergo ex Judæis, qui vénerant ad Mariam et Martham, et viderant quæ fecit Jesus, credidérunt in eum. Credo.

Offertorium. Ps. 3. Ego dormívi et soporátus sum; et exsurrexi quia Dóminus suscepit me.

Secreta.

DEUS, cujus Filius per humilitátem assúptæ carnis Lázarus flevit, et per divinitátis poténtiam vitæ réddidit : da

nobis, hujus sacrificii operante virtute, et a peccati morte liberari, et æternæ vitæ felicitati restitui. Per eundem.

Pro Commem. Feriæ.

Secreta.

MÚNERA nos, Dómine, quæsumus, oblata purificent, et te nobis júgiter fáciant esse placátum. Per Dóminum.

Præfatio propria.

Communio. Videns Dóminus flentes soróres Lázari ad monuméntum, lacrymátus est coram Judæis, et exclamávit : Lázare, veni foras; et pródiit ligátis mánibus et pédibus, qui fúerat quadriúanus mórtuus.

Postcommunio.

DÓMINE Jesu, qui in nobis per hæc sacraménta manére dignáris : fac nos, quæsumus, coeléstium benedictiónum participes, quibus sanctum hóspitem et amicum tuum Lázarus cumulásti. Qui vivis.

Pro Commem. Feriæ.

Postcommunio.

HÆC nos, quæsumus, Dómine, participatio sacraménti, et a propriis reátibus indesinenter expédiat, et ab ómnibus tueátur advérsis. Per Dóminum.

In fine Missæ, nisi hoc Festum transferatur, legitur Evangelium sancti Joannis In principio.

FESTA APRILIS

DIE XIV

IN FESTO SANCTI JUSTINI

MARTYRIS

Ut in Supplemento Missalis.

DIE XXVII

IN FESTO SANCTI BONI LATRONIS

Ut in Supplemento Missalis.

DOMINICA III POST PASCHA

IN FESTO PATROCINII S. JOSEPH

Ut in Missali.

Infra Octavam, Missa dicitur ut in die, secunda Oratio de Beata. Concède, tertia Ecclesiæ, vel pro Papa.

DOMINICA IV POST PASCHA

OCTAVA PATROCINII S. JOSEPH

Missa ut in die Festi, cum Commem. Dominicæ, cujus Evangelium legitur in fine.

FESTA MAII

DIE V

IN INVENTIONE

CORPORIS SANCTÆ MARIE MAGDALENÆ

Missa dicitur ut in ejus Festo. ad diem 22 Julii, cum Orat. seq.

Oratio.

DEUS, qui Ecclesiám tuam hodiérna die Córporis beátæ Mariæ Magdalénæ revelatióne gloriósa lætificas : concède propitius ; ut qui ejus præsentia et miráculis illustrámur, perpétua quoque mentis et córporis beneficia cónsequi mereámur. Per Dóminum.

Loco Gradualis dicitur

Allelúia, allelúia. ŷ. Ps. 44. Spécie tua et pulchritúdine tua inténde, prospere procéde, et regna.

Allelúia. ŷ. Propter veritátem, et mansuetúdinem, et justítiam : et dedúcet te mirabiliter dextera tua. Allelúia.

Secreta.

OBLATA múnera, quæsumus, Dómine, tua benedictióne sanctifica : quæ, te donánte, nos illa tuæ dilectiónis flamma succéndat, qua beáta María Magdaléna tibi immobiliter adhæsit. Qui vivis.

Postcommunio.

DEUS, qui per reliquiárum beátæ Mariæ Magdalénæ inventiōnem, futúre immortalitátis spem in méntibus fidélium excitásti : præsta ; ut percéptis coeléstibus aliméntis, ad ætérnam beatitúdinem pervenire mereámur. Per Dóminum nostrum Jesum Christum.

DIE XI

IN FESTO SANCTI PII V

PAPÆ ET CONFESSORIS

Ut in Missali, ad diem 5 hujus.

DIE XVI
IN FESTO

SANCTI JOANNIS NEPOMUCENI
MARTYRIS

Missa de Communi, scilicet Protexisti,
vel Lætabitur, juxta tempus, cum Orat.
ut in Supplemento Missalis.

DIE XXI
IN FESTO SANCTI UBALDI
EPISCOPI ET CONFESSORIS
Ut in Missali, ad diem 16 hujus.

DIE XXIV
IN FESTO BEATÆ MARÆ VIRGINIS
SUB TITULO
AUXILIUM CHRISTIANORUM
Ut in Supplemento Missalis.

DIE XXV
IN FESTO SS. MARÆ JACOBI
ET MARÆ SALOME

VIDUARUM
Introitus.

GAUDEAMUS omnes in Dómino, diem festum celebrantes sub honóre sanctárum Sorórum : de quarum solemnitate gaudent Angeli, et collaudant Filium Dei, allelúia, allelúia. Ps. 44. Eructávit cor meum verbum bonum : dico ego ópera mea Regi. ŷ. Glória Patri.

Oratio.

DA nobis, Dómine Jesu Christe, sanctárum Mariæ Jacóbi et Mariæ Salóme piis patrocíniis adjuvári : quæ tibi tam vivénti quam mórtuo studuerunt devótis obséquiiis famulári. Qui vivis.

Pro Commem. S. Urbani, Papæ et Mart.

Oratio.

DA, quæsumus, omnipotens Deus : ut qui beáti Urbáni, Mártiris tui atque Pontificis, solémnia cólimus, ejus apud te intercessiónibus adjuvémur. Per Dóminum.

Lectio libri Sapiéntiæ. Eccli. 24.

EGO quasi vitis fructificávi suavitátem odóris : et flores mei fructus honóris et honestátis. Ego mater pulchræ di-

lectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transite ad me, omnes qui concupiscitis me, et a generatióibus meis implémini : Spíritus enim meus super mel dulcis, et heréditas mea super mel et favum : memória mea in generatióes sæculórum. Qui edunt me, adhuc esúrient : et qui bibunt me, adhuc sitient. Qui audit me, non confundétur : et qui operántur in me, non peccábunt. Qui elúcidant me, vitam ætéram habébunt.

Allelúia, allelúia. ŷ. Surréxit Dóminus, et occúrrens muliéribus, ait : Avéte. Tunc accessérunt et adoravérunt eum. Allelúia. ŷ. O flores florum, gemináta lucérna sorórum, sursum vestrórum deférte preces famulórum. Allelúia.

Extra Tempus Paschale, dicitur

Graduale. Ps. 47. Lætétur mons Sion, et exsúltent filiæ Judæ, propter judícia tua, Dómine. ŷ. Ps. 44. Filiæ Tyri in munéribus vultum tuum deprecabúntur.

Allelúia, allelúia. ŷ. O flores florum, gemináta lucérna sorórum, sursum vestrórum deférte preces famulórum. Allelúia.

Post Septuagesimam, dicitur

Tractus. Ps. 125. Qui sémant in lácrymis, in exsultatióne metent. ŷ. Eúntes ibant et flebant, mitténtes sémina sua. ŷ. Veniéntes autem vénient cum exsultatióne, portántes manipulos suos.

✠ Sequéntia sancti Evangélii secúndum Marcum. Cap. 16.

IN illo témpore : Cum transisset sabbatum, María Magdaléne, et María Jacóbi et Salóme emérunt arómata, ut veniéntes úngerent Jesum. Et valde mane una sabbatórum, véniunt ad monuméntum, orto jam sole. Et dicébant ad invicem : Quis revólvet nobis lápidem ab óstio monuménti? Et respiciéntes vidérunt revolutum lápidem. Erat quippe magnus valde. Et introeúntes in monuméntum, vidérunt júvenem sedéntem in dextris, coopértum stola cándida, et obstupuérent. Qui dicit illis : Nolite expavescere : Jesum quæritis Nazarénum,

crucifixum : surréxit, non est hic, ecce locus ubi posuerunt eum. Sed ite, dicite discipulis ejus et Petro, quia præcedit vos in Galilæam : ibi eum vidébitis, sicut dixit vobis.

Offertorium. Angelus Dómini descendit de celo, et dixit mulieribus : Quem quæritis, surréxit, sicut dixit, allelúia.

Secreta.

DÓMINE Jesu Christe, qui in ara crucis te veram hóstiam pro salute humáni generis obtulisti : munus oblátum tibi sanctifica, et intercedéntibus beátis María Jacóbi et María Salóme, ad salutem nostrárum tránseat animárum. Qui vivis.

Pro sancto Urbano. Secreta.

HÆC hóstia, Dómine, quæsumus, emúndet nostra delicta : et ad sacrificium celebrándum subditórum tibi corpore mentésque sanctificet. Per Dóminum.

Communio. In die resurrectionis meæ, dicit Dóminus, præcedam vos in Galilæam, allelúia.

Postcommunio.

SUMPTIS, Dómine, salutáribus sacraméntis, te supplices exorámus : ut méritis et précibus Mulierum sanctárum quæ emérunt arómata, ut veniéntes úngerent Jesum Christum ; virtútum aromátibus inungámur. Per eúndem.

Pro sancto Urbano. Postcommunio.

REFECTI participatióne muneris sacri, quæsumus, Dómine Deus noster : ut cujus exséquimur cultum, intercedente beáto Urbáno, Mártire tuo atque Pontifice, sentiámus effectum. Per.

DIE XXVII

IN FESTO SANCTI EUTROPII

EPISCOPI ET CONFESSORIS

Missa Státuit, de Communi, primo loco, cum Orat. seq.

Oratio.

SANCTI Confessoris tui atque Pontificis Eutrópii nos, quæsumus, Dómine, Majestáti tuæ concíliet intercessio : quæ sanctis virtútibus veneránda refúlget. Per Dóminum.

Et fit Commem. S. Joannis, Papæ et Mart.

MASSIL.

DIE XXVIII

IN FESTO SANCTI GREGORII VII

PAPÆ ET CONFESSORIS

Ut in Missali, ad diem 25 hujus, ommissa Commem. S. Urbani.

DIE XXIX

IN FESTO

SANCTÆ MARLÆ MAGDALENÆ DE PAZZIS
VIRGINIS

Ut in Missali, ad diem 27 hujus, ommissa Commem. S. Joannis.

DIE XXX

IN FESTO S. AUGUSTINI CANTUARIENSIS

EPISCOPI ET CONFESSORIS

Ut in Missali. Commem. S. Felicis, Episc. et Mart.

DOM. INFRA OCT. ASCENSIONIS D. N. J. C.

IN FESTO B. M. V. MATRIS GRATIÆ

Ut in festo Sanctissimi Nominis B. M. V., Dom. infra Oct. Nativitatis ejusdem B. M. V., exceptis seq.

Oratio.

DEUS, qui humano géneri beátæ Maríæ virginitate fecúnda Reparatiónis grátiam constituisti : concéde ; ut quam Gratiæ Matrem accepimus in terris, ejus felici consórtio perénniter fruámur in cœlis. Per Dóminum.

Deinde fiunt Commem. Dom. et Oct.

Allelúia, allelúia. **ŷ. Num. 17.** Virga Jesse floruit : Virgo Deum et hóminem genuit : pacem Deus réddidit, in se reconcilians ima summis. Allelúia. **ŷ. Luc. 1.** Ave, María, grátia plena : Dóminus tecum : benedicta tu in mulieribus. Allelúia.

FESTA JUNII

DIE VIII

IN FESTO SANCTI MAXIMINI

EPISCOPI ET CONFESSORIS

Introitus. Isaïæ 52.

QUAM pulchri super montes pedes evangelizántis et prædicántis pacem, evangelizántis bonum, præ-

dicántis salutem, dicéntis : Sion, regnábit Deus tuus! **Ps. 96.** Dóminus regnávit, exsúltet terra : læténtur insulæ multæ. **ŷ.** Glória Patri.

Oratio.

DEUS, qui beáto Lázaro, Christi discipulo, beátum Maximínium condiscipulum, in evangélio cooperatórem fidelissimum adjunxisti : da nobis fámulis tuis, ea quæ dócuit corde credere ad justítiam, ore autem ad salutem confitéri. Per eúndem.

Lectio Epistolæ beáti Pauli Apóstoli ad Hebræos. **Cap. 10.**

FRATRES : Omnis sacérdos præsto est quotídie ministrans, et eásdem sæpe offerens hóstias, quæ numquam possunt auferre peccáta : hic autem unam pro peccátis offerens hóstiam, in sempitérnum sedet in dextera Dei, de cætero expéctans donec ponántur inimici ejus scabellum pedum ejus. Una enim oblatiône, consummávit in sempitérnum sanctificátos. Contestátur autem nos et Spíritus sanctus. Postquam enim dixit : Hoc autem testaméntum, quod testabor ad illos post dies illos, dicit Dóminus : Dando leges meas in córdibus eórum, et in méntibus eórum superscribam eas : et peccatórum et iniquitátum eórum jam non recordabor ámplius. Ubi autem horum remissio, jam non est oblátio pro peccáto.

Graduale. Malach. 2. Lex veritátis fuit in ore ejus, et iniquitas non est inventa in lábiis ejus. **ŷ.** In pace et æquitáte ambulávit, et multos avértit ab iniquitate.

Allelúia, allelúia. **ŷ. Act. 18.** Edóctus viam Dómini, docébat diligénter ea quæ sunt Jesu. Allelúia.

✠ Sequéntia sancti Evangélii secundum Lucam. **Cap. 10.**

IN illo témpore : Designávit Dóminus et álíos septuaginta duos, et misit illos binos ante faciém suam, in omnem civitátem et locum quo erat ipse ventúrus.

Et dicébat illis : Messis quidem multa : operárii autem pauci. Rogáte ergo Dóminum messis, ut mittat operários in messem suam. Ite : ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutáveritis. In quacúmque domum intráveritis, primum dicite : Pax huic dómui : et si ibi fúerit filius pacis, requiescet super illum pax vestra : sin autem, ad vos revertétur. In eádem autem domo manéte, edéntes et bibéntes quæ apud illos sunt : dignus est enim operárius mercéde sua. Nolíte transire de domo in domum ; et in quacúmque civitátem intráveritis, et suscéperint vos, manducáte quæ apponúntur vobis : et curáte infirmos, qui in illa sunt, et dicite illis : Appropinquávit in vos regnum Dei.

Offertorium. Ephes. 3. Mihi data est grátia hæc, evangelizáre investigábiles divítias Christi.

Secreta.

SÚSCIPE, Dómine, sacrificium placatiónis et laudis : quod nos, interveniénte beáto Maximíno, et a terrénis expédiat afféctibus, et in perpétua gratiarum actiône constituat. Per Dóminum.

Communio. I Tim. 1. Grátias ago Christo Jesu Dómino nostro, qui fidélem me existimávit, ponens in ministério.

Postcommunio.

GRÁTIAS tibi, Dómine, de percéptis donis ágimus, humiliter deprecántes : ut beáti Maximíni, Confessóris tui, inhæréntes mónitis, et exémpa sectántes, præmia consequámur ætérna. Per Dóminum nostrum.

DIE XV

IN FESTO S. GERMANÆ COUSIN
VIRGINIS

Ut in Supplemento Missalis.

Octava SS. Corporis Christi privilegiata ad instar Octavæ Epiphaniæ.

IN SOLEMNITATE

SS. CORDIS D. N. J. C.

Introitus. Matth. 11.



ENITE ad me, omnes qui laborátis et oneráti estis, et ego reficiam vos. Tóllite jugum meum super vos, et discite a me quia mitis sum et húmiliscorde, allelúia, allelúia. Ps. 117. Con-

fitémini Dómino quóniam bonus: quóniam in sæculum misericórdia ejus. ̎. Glória Patri.

Oratio.

DÓMINE Jesu Christe, qui ineffábiles Cordis tui divítias Ecclésiæ tuæ novo beneficio aperire dignátus es: concéde; ut hujus sacratíssimi Cordis amóri respondére, et injúrias eidem ab ingrátis homínibus illátas dignis obséquiiis compensáre valeámus. Qui vivis.

Lectio Epístolæ beáti Pauli Apóstoli ad Ephésios. Cap. 3.

FRATRES: Flecto génua mea ad Patrem Dómini nostri Jesu Christi, ex quo omnis patérnitas in cœlis et in terra nominátur, ut det vobis secúndum divítias glóriæ suæ virtúte corroborári per Spíritum ejus in interiorem hóminem, Christum habitáre per fidem in córdibus vestris: in charitaté radicáti, et fundáti, ut possitis comprehéndere cum ómnibus sanctis, quæ sit latitúdo, et longitúdo, et sublimitas, et profúndum: scire étiam supereminéntem sciéntiæ charitátem Christi, ut impleámini in omnem plenitúdinem Dei. Ei autem, qui potens est ómnia fácere superabundánte quam pétimus aut intelligimus, secúndum virtútem, quæ operátur in nobis: ipsi gló-

ria in Ecclésiá, et in Christo Jesu, in omnes generatiónes sæculi sæculórum. Amen.

Graduale. Thren. 3. Miserébitur secúndum multitudinem misericordiárum suárum. Non enim humiliávit ex Corde suo, et abjécit filios hóminum. ̎. Bonus est Dóminus sperántibus in eum, ánimæ quærénti illum.

Allelúia, allelúia. ̎. Ps. 12. Hau-riétis aquas in gáudio de fóntibus Salvatóris, et dicétis: Confitémini Dómino.

Quando non est dicenda *Sequentia*, additur Allelúia.

Sequentia.

O Cor, amóris victima,
Cœli perénne gáudium,
Mortálium solátium,
Mortálium spes última!

Tu Trinitátis glória,
Jungit tibi se Filius,
In te quiéscit Spíritus,
Sunt Patris in te gáudia.

Tu sole puro púrius,
Verbi Dei sacrárium,
Verbi Dei palátium,
Templúmque cœlo dignius.

Te, digna sedes Númine,
Fœcúnda virtus Fláminis
Illápsa in alvum Vírginis
Puro creávit sáanguine.

Cor dulce, Cor amábile,
Amóre nostri saucium,
Amóre nostri lánguidum,
Fac, sis mihi placábile.

Vindex reis iráscitur
Deus, sed ut te respicit,
Placátus iras abjicit,
Et fulmen oblivíscitur.

Grandi reclusum vulnere
Amor dedit te pervium,
Amor reclusit ostium,
Hortatur et pervadere.

Quos abluit sanguine,
Venis apertis omnibus,
Nos, intimis recessibus
Semel receptos, contine.

Jesu Cor amantissimum,
Castis amicum mentibus,
Puris amandum cordibus,
In corde regnes omnium. Amen.
Allelúia.

In Missis votivis, post Septuagesimam, omissis Allelúia et *ŷ.* sequenti, dicitur

Tractus. Isaïæ 53. Vulneratus est propter iniquitates nostras, attritus est propter scelera nostra. *ŷ.* Isaïæ 4. Filios enutriti et exaltavi : ipsi autem spreverunt me.

Tempore Paschali, omissis Graduali et Tractu, dicitur

Allelúia, allelúia. *ŷ.* Matth. 11. Discite a me quia mitis sum et humilis Corde. Allelúia. *ŷ.* Joan. 13. Sicut dilexit me Pater, et ego dilexi vos : manete in dilectione mea. Allelúia.

✠ Sequéntia sancti Evangelii secundum Matthæum. Cap. 11.

In illo tempore : Respondens Jesus dixit : Confiteor tibi, Pater, Domine coeli et terræ, quia abscondisti hæc a sapientibus et prudentibus, et revelasti ea parvulis. Ita, Pater : quoniam sic fuit placitum ante te. Omnia mihi tradita sunt a Patre meo, et nemo novit Filium, nisi Pater : neque Patrem quis novit, nisi Filius, et cui voluerit Filius revelare. Venite ad me, omnes qui laboratis et onerati estis, et ego reficiam vos. Tollite jugum meum super vos, et discite a me quia mitis sum et humilis corde : et inveniatis requiem animabus vestris. Jugum enim meum suave est, et onus meum leve. Credo.

Offertorium. Luc. 12. Ignem veni mittere in terram; et quid volo nisi ut accendatur? Allelúia.

Sécra.

ILLO nos igne, quæsumus, Domine, Spiritus sanctus inflamet : quem Dominus noster Jesus Christus e penetrabilibus Cordis sui misit in terram, et voluit vehementer accendi. Per eundem... In unitate ejusdem.

Præfatio propria.

Communio. II Reg. 7. Secundum Cor tuum fecisti omnia magnalia hæc : idcirco magnificatus es, Domine Deus, quia non est similis tui in omnibus quæ audimus auribus nostris, allelúia.

Postcommunio.

PRÆBEANT nobis, Domine Jesu, divinum tua sancta fervorem : quo dulcissimi Cordis tui suavitate percipere, et amare cœlestia. Qui vivis.

Infra Oct. SS. Cordis D. N. J. C. non fit de festo Semid. occurrente, nec de Dupl. translato, nisi fuerit primæ vel secundæ classis. Missa dicitur ut in die ; secunda Orat. de Beata, Concède ; tertia, Ecclesiæ, vel pro Papa.

DOMINICA INFRA OCT. SS. CORDIS D. N. J. C.
QUÆ EST III POST PENTEC.

IN FESTO SS. REDEMPTORIS

Ut in Supplemento Missalis ad diem 23 mensis Octobris.

Et fit Commem. Oct. SS. Cordis D. N. J. C. et Dom., ejus legitur Evang. in fine.

DIE XVI
IN FESTO

S. JOANNIS FRANCISCI REGIS
CONFESSORIS

Ut in Supplem. Missalis, ritu Dupl.

DIE XXIX

IN FESTO SS. PETRI ET PAULI
PRO COMMEMORATIONE

OMNIUM SANCTORUM APOSTOLORUM
Oratio.

EXAUDI nos, Deus salutaris noster : et omnium sanctorum Apostolorum tuorum tuere præsidis, quorum donasti fideles esse doctrinis. Qui vivis.

Secreta.

GLÓRIAM, Dómine, sanctórum Apostólorum tuórum perpétuam celebrántes, quæsumus : ut eámdem sacris mystériis expiáti, dignius celebrémus. Qui vivis.

Postcommunio.

QUÆSUMUS, omnipotens Deus, ut fideles tui venerandas assidue celebrántes sanctórum Apostolórum tuórum passiones, et cópiam invéniant perpétuæ devotiōnis, et salutis æternæ suffrágia majóra conquírant. Qui vivis.

FESTA JULII

DOM. I POST OCT. SS. APOST. PETRI ET PAULI
COMMEMORATIO

OMN. SS. SUMMORUM PONTIFICUM
Ut in Supplemento Missalis pro clero Romano.

DIE XVI
IN FESTO

B. M. V. DE MONTE CARMELO
Ut in Missali.

DIE XXI
IN FESTO

SS. VICTORIS ET SOCIORUM

MARTYRUM

Introitus. Rom. 8.

PROPTER te, Dómine, mortificámur tota die : æstimáti sumus sicut oves occisiōnis ; sed in ómnibus superámus propter eum qui diléxit nos. Ps. 43. Deus noster, refúgium et virtus : adjútor in tribulatiōnibus quæ invenerunt nos nimis. ŷ. Glória Patri.

Oratio.

OMNÍPOTENS sempitérne Deus, mundi creátor et rector, qui beátos Mártyres tuos Victórem, Feliciánum, Alexándrum atque Longínium, necnon Deuthérium párvulum, ad nóminis tui glóriam consecráre voluísti : exáudi pópulum tuum cum Sanctórum tuórum tibi patrocinio supplicántem, ut ad pacis donum proficiat, et fidei charitatisque augménto repleátur. Per Dóminum.

Pro Commem. S. Praxedis. Virg., in Missis privatis tantum.

Oratio.

EXÁUDI nos, Deus salutáris noster : ut sicut de beátæ Praxédis, Virgínis tuæ, festivitáte gaudémus ; ita piæ devotiōnis erudiámur afféctu. Per Dóminum.

Lectio libri Apocalypsis beáti Joánnis Apóstoli. Cap. 7.

IN diébus illis : Unus de senióribus dixit mihi : Hi, qui amícti sunt stolis albis, qui sunt, et unde venérunt? Et dixi illi : Dómine mi, tu scis. Et dixit mihi : Hi sunt, qui venérunt de tribulatiōne magna, et lavérunt stolas suas, et dealbavérunt eas in sángine Agni. Ideo sunt ante thrōnum Dei, et sérviant ei die ac nocte in templo ejus : et qui sedet in thrōno, habitábit super illos : non esúrient, neque sítient ámplius, nec cadet super illos sol, neque ullus æstus : quóniam Agnus, qui in médio thrōni est, reget illos, et dedúcet eos ad vitæ fontes aquárum, et abstérget Deus omnem lácrymam ab óculis eórum.

Graduale. Ps. 103 et 106. Humiliavérunt in compédibus pedes ejus : ferrum pertránsiit ánimam ejus. ŷ. Dóminus contrívit portas æreas, et vectes férreos confrégit.

Allelúia, allelúia. Ps. 115. Dirupísti, Dómine, vincula mea ; tibi sacrificábo hóstiam laudis. Allelúia.

✠ Sequéntia sancti Evangélii secúndum Lucam. Cap. 21.

IN illo témpore : Dixit Jesus discípulis suis : Cum audieritis prælia, et sediōnes, nolite terréri : opórtet primum hæc fieri, sed nondum statim finis. Tunc dicébat illis : Surget gens contra gentem. et regnum advérsus regnum : et terrémótus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia injiciént vobis manus suas ; et persequéntur, tradéntes in synagógas et custódias, trahéntes ad reges et præsides propter nomen meum : contínget autem vobis in testimónium. Pónite ergo in córdibus vestris, non præmeditári quemádmódum

respondeátis. Ego enim dabo vobis os et sapiéntiam, cui non póterunt resistere et contradicere omnes adversárii vestri. Tradémini autem a paréntibus, et frátribus, et cognátis, et amicis, et morte afficiént ex vobis : et éritis ódio ómnibus propter nomen meum, et capillus de cápíte vestro non peribit. In patiéntia vestra possidébitis ánimas vestras. Credo.

Offertorium. I Petr. 5. Deus omnis grátiae, qui vocávit nos in aetérnam suam glóriam, módicum passos ipse perficiet.

Secreta.

DEVOTIÓNIS nostræ, quæsumus, Dómine, tibi grata sint múnera : quæ in Sanctórum tuórum commemoratióne digne deférimus ; si et actus illórum páriter subsequámur. Per Dóminum.

Pro sancta Praxede.

Secreta.

ACCÉPTA tibi sit, Dómine, sacrátæ plebis oblátio, pro tuórum honóre Sanctórum : quorum se méritis de tribulatióne percipere cognóscit auxiliium. Per Dóminum.

Communio. Ps. 65. Transívimus, Dómine, per ignem et aquam ; et eduxísti nos in refrigerium.

Postcommunio.

PIGNUS amoris tui, Dómine, quo páscimur, intercedéntibus sanctis Martyribus tuis Victóre, Feliciáno, Alexándro, Longino et Deuthério Confessóre, fortes in tuo sancto servítio efficiat : ut qui filii Sanctórum sumus ; eórum préci-bus et imitatióne, concéssam ipsis et promíssam nobis hæreditátem consequámur aetérnam. Qui vivis.

Pro sancta Praxede.

Postcommunio.

SATIÁSTI, Dómine, familiam tuam muneribus sacris : ejus, quæsumus, semper interventióne nos réfove, ejus solénnia celebrámus. Per Dóminum.

DIE XXII

IN FESTO

SANCTÆ MARLÆ MAGDALENÆ

SORORIS S. LAZARI

Ut in Missali.

DIE XXIII

IN FESTO SANCTI CASSIANI

ABBATIS

Missa Os justi, de Communi Abbatum, cum Orat. seq.

Oratio.

SANCTI Confessóris tui Cassiáni, Dómine, tribue nos supplicatióibus fovéri : ut ejus depositiόnem ánnuo celebrámus officio, ejus apud te intercessiόibus et méritis adjuvémur. Per Dóminum.

Et fit Commem. S. Liborii, Episc. et Conf.

DIE XXIV

IN FESTO SANCTI APOLLINARIS

EPISCOPI ET MARTYRIS

Ut in Missali, heri, cum Commem. Vigilæ S. Jacobi, et sanctæ Christinæ, Vig. et Mart.; Evang. Vigilæ in fine.

DIE XXIX

IN FESTO SANCTÆ MARTHÆ

VIRGINIS, SORORIS S. LAZARI

Introitus. Joan. 12.

QUI mihi ministrat, me sequátur : et ubi ego sum, illic et mínister meus erit. Si quis mihi ministráverit, honorificábit eum Pater meus, dicit Dóminus omnipotens. Ps. 100. Oculi mei ad fidéles terræ, ut sédeant mecum : ámbulans in via immaculáta, hic mihi ministrábat. 7. Glória Patri.

Oratio.

OMNÍPOTENS sempitérne Deus, qui Unigénitum tuum pro salute hóminum in terris conversántem, beátæ Virginis Marthæ hospítio súscipi voluísti : præsta, quæsumus ; ut, ejúsdem méritis et intercessióne, in cœlórum domicílio récipi misericórditer valeámus. Per eúdem.

Pro Commem. SS. Martyrum, in Missis privatis tantum.

Oratio.

PRÆSTA, quæsumus, Dómine : ut sicut pópulus christiánus Mártyrum tuórum Felicis, Simplicii, Faustini et Bea-

trícis temporáli solemnitate congáudet, ita perfruátur æténa, et quod votis célebrat, comprehéndat efféctu. Per.

Léctio libri Sapiéntiæ. **Eccli. 26.**

GRÁTIA mulieris sédulæ delectábit virum suum, et ossa illius impingúabit : disciplína illius datum Dei est. Múlier sensáta et tácita, non est immutatio eruditæ ánimæ. Grátia super grátiam, múlier sancta et pudoráta. Omnis autem ponderátio non est digna continéntis ánimæ. Sicut sol óriens mundo in altíssimis Dei, sic mulieris bonæ spécies in ornámentum domus ejus. Lucérna splendens super candelábrum sanctum, et spécies faciéi super ætátem stábilem. Colúmnæ áureæ super bases argénteas, et pedes firmi super plantas stábilis mulieris. Fundaménta æténa super petram sólídá, et mandáta Dei in corde mulieris sanctæ.

Graduale. Luc. 10. Dómine, non est tibi curæ quod soror mea reliquit me solum ministráre? Dic ergo illi ut me ádjuvet. **ŷ.** Martha, Martha, sollicita es, et turbáris erga plúrima : porro unum est necessárium.

Allelúia, allelúia. **ŷ.** Martha autem satagébat circa frequens ministérium. Allelúia.

Post Septuagesimam, omissis Allelúia et ŷ. sequenti, dicitur

Tractus. Qui confidunt in te, gloriósa Christi hóspita, spes eórum firma erit in sæculum. **ŷ.** Quia dilécta es a Dómino valde, ex hoc nunc et usque in sæculum. **ŷ.** Ideo pro te supplicántibus exóra Dóminum, ut nos trahat ad glóriam supernórum cívium.

Temp. Pasch., omissio Graduali, dicitur

Allelúia, allelúia. **ŷ. Luc. 10.** Martha autem satagébat circa frequens ministérium. Allelúia. **ŷ.** Martha, cujus virtútibus tota fulget Ecclésia, tuis óbtine précibus beáta nobis gáudia. Allelúia.

✠ **Sequéntia sancti Evangélii secúndum Lucam. Cap. 10.**

IN illo témpore : Intrávit Jesus in quoddam castellum, et múlier quædam,

Martha nómine, excépit illum in domum suam; et huic erat soror nómine María, quæ étiam sedens secus pedes Dómini audiébat verbum illius. Martha autem satagébat circa frequens ministérium; quæ stetit, et ait : Dómine, non est tibi curæ quod soror mea reliquit me solum ministráre? Dic ergo illi ut me ádjuvet. Et respóndens, dixit illi Dóminus : Martha, Martha, sollicita es, et turbáris erga plúrima. Porro unum est necessárium. María óptimam partem elégit, quæ non auferétur ab ea. Credo.

Offertorium. Eccli. 24. In habitatióne sancta coram ipso ministrávi. Et sic in Sion firmáta sum, et in civitáte sanctificáta similiter requiévi, et in Jerúsalem potéstas mea.

Secreta.

ADMÍTTE, pie et miséricors Deus, hóstias et preces quas in sancto altári tuo tibi devóte offérimus ob commemoratióne sanctæ Virginit tuæ Marthæ : ut sicut illa pura tibi mente servívit in terris; ita nos ejus intercessióne, post hujus ministérii decúrsum, feliciter vivámus in cœlis. Qui vivis.

Pro sanctis Martyribus.

Secreta.

HÓSTIAS tibi, Dómine, pro sanctorum Mátyrum tuórum Felícis, Simplicii, Faustini et Beatricis commemoratióne deférimus, suppliciter deprecántes, ut indulgéntiam nobis páriter cónferant et salútem. Per Dóminum.

Communio. Luc. 10. Intrávit Jesus in quoddam castellum, et múlier quædam, Martha nómine, excépit illum in domum suam.

Postcommunio.

SUMPTIS, Dómine, salútis æténnæ mystériis, te suppliciter exorámus : ut intercedente beáta et gloriósa Virgine Martha, hóspita tua, illius gaudiórum efficiámur partícipes, et æténi præmii cohærédes. Qui vivis.

Pro sanctis Martyribus.

Postcommunio.

PRÆSTA, quæsumus, omnipotens Deus : ut sanctorum Mátyrum tuórum Fe-

licis, Simplicii, Faustini et Beatricis cœlestibus mystériis celebrata sollemnitas, indulgéntiam nobis tuæ propitiatiónis acquírat. Per Dóminum.

FESTA AUGUSTI

DIE IX

IN FESTO SANCTI SERENI

EPISCOPI ET CONFESSORIS

Introitus. Eccli. 48 et 49.

NATUS est homo, firmaméntum gentis, rector fratrum, stabiliméntum pópuli. Consolátus est lugéntes in Sion : et ossa ipsius visitata sunt, et post mortem prophetavérunt. Ps. 32. Exultáte, iusti, in Dómino : rectos decet collaudatio. *ŷ. Glória Patri.*

Oratio.

DÓMINE Deus noster, qui beátum Serénium, Confessórem tuum atque Pontíficem, pastoráli sollicitúdine gloriósum effecísti, et miráculis decorásti : te supplices exorámus ; ut ejus hódie mérita recólimus, a cunctis malis imminéntibus, ejus intercessióne liberémur. Per.

Et fit Commem. Vigilíæ S. Laurentii.

Oratio.

ADÉSTO, Dómine, supplicatióibus nostris : et intercessióne beáti Lauréntii, Mártiris tui, cujus prævenímus festivitátem, perpétuam nobis misericórdiam benígnus impénde.

Deinde S. Romani, Mart.

Oratio.

PRÆSTA, quæsumus, omnipotens Deus : ut intercedente beato Románo, Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Lectio Epistolæ beáti Pauli Apóstoli ad Corínthios. II Cor. 1.

FRATRES : Glória nostra hæc est, testimoniúm consciéntiæ nostræ : quod in simplicitate cordis et sinceritate Dei, et non in sapiéntia carnáli, sed in grátia Dei conversáti sumus in hoc mundo, abundántius autem ad vos. Non enim alia scribimus vobis, quam quæ legístis et cognovístis. Spero autem quod usque

in finem cognoscétis, sicut et cognovístis nos ex parte, quod glória vestra sumus, sicut et vos nostra, in die Dómini nostri Jesu Christi.

Graduale. Eccli. 48. Surréxit quasi ignis, et verbum ipsius quasi fácula ardebat. *ŷ. Amplificátus est in mirabilibus suis, et mórtuum prophetávit corpus ejus.*

Allelúia, allelúia. *ŷ. Eccli. 49.* Ossa ejus púllulent de loco suo : nam redemérunt se in fide virtútis. Allelúia.

ŷ. Sequéntia sancti Evangélii secundum Matthæum. Cap. 24.

IN illo témpore : Dixit Jesus discipulis suis : Vigiláte, quia nescitis qua hora Dóminus vester ventúrus sit. Illud autem scitóte, quóniam si sciret paterfamilias qua hora fur ventúrus esset, vigiláret útique, et non síneret páfodi domum suam. Ideo et vos estóte paráti, quia qua nescitis hora Filius hóminis ventúrus est. Quis, putas, est fidélis servus et prudens, quem constituit dóminus suus super familiam suam, ut det illis cibum in témpore? Beátus ille servus, quem, cum vénerit dóminus ejus, invénierit sic faciéntem. Amen dico vobis, quóniam super ómnia bona sua constituet eum.

In Ecclesia Cathedrali et propria dicitor Credo.

Offertorium. Ps. 79. Réspice de cœlo, et vide, et visita vineam istam, et pécifice eam.

Secreta.

OBLATIÓIBUS familiæ tuæ, Dómine, in honórem sancti Serénii Pontíficis exhibitis, propitiátus inténde : ut hæc piæ devotiónis obséquia et oves sanctificent et pastóres. Per Dóminum.

Pro Commem. Vigilíæ. Secreta.

HÓSTIAS, Dómine, quas tibi offerimus propítius súscipe : et intercedente beato Lauréntio, Mártire tuo, víncula peccatórum nostrórum absólve.

Pro sancto Romano. Secreta.

MUNÉRIBUS nostris, quæsumus, Dómine, precibúque susceptis : et cœlestibus nos munda mystériis, et cleménter exáudi. Per Dóminum.

Prefatio propria.

Communio. Hebr. 11. Fide plúrimam hóstiam óbtulit Deo, per quam testimónium consecútus est esse justus, et per illam defúctus adhuc lóquitur.

Postcommunio.

DIVINIS, Dómine, munéribus satiáti : quæsumus, ut grátia tua cui gregem suum beátus Póntifex Serénus commendávit, præstet nos semper et in oratióne vigilátes; et ad omne opus bonum parátos. Per Dóminum.

Pro Commem. Vigiliæ. Postcommunio.

DA, quæsumus, Dómine Deus noster : ut sicut beáti Lauréntii, Mátyris tui, commemoratióne, temporáli gratulámur officio, ita perpétuo lætémur aspéctu.

Pro sancto Romano. Postcommunio.

QUÆSUMUS, omnípotens Deus : ut qui celéstia aliménta percépimus; intercedénte beáto Románo, Mátyre tuo, per hæc contra ómnia advérsa muniámur. Per Dóminum.

In fine legitur Evangelium Vigiliæ.

DIE XI

IN FESTO SANCTÆ PHILUMENÆ VIRGINIS ET MARTYRIS.

Missa Loquébar, de Communi pro Virg. et Mart., cum Commem. Oct. et SS. Tiburtii et Susannæ, Mart.

DIE XVI

IN FESTO SANCTI ROCHI, CONF.

Missa Justus, de Communi Conf. non Pont., secundo loco, cum Orat. seq.

Oratio.

PÓPULUM tuum, quæsumus, Dómine, continúa pietáte custódi : et beáti Rochi suffragántibus méritis; ab omni fac ánimæ et córporis contagióne secúrum. Per Dóminum.

Et fit Commem. Oct. Assumptionis B. M. V., et S. Laurentii.

DIE XVIII

IN FESTO S. HYACINTHI, CONF.

Ut in Missali, ad diem 16 hujus, cum Commem. Oct. Assumptionis, et sancti Agapiti, Mart.

MASSIL.

DIE XIX

IN FESTO SANCTI LUDOVICI

EPISCOPI ET CONFESSORIS

Missa Sacerdótes, de Communi Conf. Pont., secundo loco, cum Orat. seq.

Oratio.

DEUS, qui beátum Ludovicum, Confessórem tuum atque Pontificem, celéste regnum terréno præpónere docuisti, ac puritáte illibáta et eximia in páuperes charitáte miráblem efficere dignátus es : concéde nobis fámulis tui imitári quem cólimus; ut ejúdem virtútes æmulátes in terris, coronári cum ipso mereámur in cœlis. Per Dóminum.

Et fit Commem. Oct. Assumptionis.

Secreta.

SACRIFICIA, Dómine, quæ in honórem sancti Ludovici, Confessóris tui atque Pontificis, tuæ offérimus Majestáti, nobis sint ad salútem effi cácia, et tuæ plácita pietáti. Per Dóminum.

Postcommunio.

IMMÉNSAM cleméntiam tuam, omnípotens Deus, suppliciter exorámus : ut intercedénte beáto Ludovico, Confessóre tuo atque Pontífice, per hæc sancta quæ sumpsimus, cuncta nobis adversántia, te adjuvánte, vincámus. Per Dóminum.

DIE XXVI

IN FESTO S. GENESII ARELATENSIS MARTYRIS

Missa In virtúte, de Communi unius Mart. non Pont., cum Commem. S. Zephyrini, Papæ et Mart., præter Orat. seq.

Oratio.

DEUS, qui nos præcláram hanc diem, in beáti Mátyris tui Genésii sollemnitate celebráre concédis : præsta, quæsumus, plebi tuæ; ut ipso pro nobis interveniēte, ab ómnibus mereámur adversitátibus liberári. Per Dóminum.

DIE XXVII

IN FESTO S. CÆSARII ARELATENSIS EPISCOPI ET CONFESSORIS

Missa Sacerdótes, de Communi Conf. Pont., secundo loco.

IN SOLEMNITATE

SANCTI LAZARI

CHRISTI DISCIPULI

PRIMI EPISCOPI MASSILIENSIS ET MARTYRIS, CIVITATIS ET DIOECESIS PATRONI

Introitus. Ps. 77.



LEGIT Dóminus servum suum, páscere hæreditatem suam; et pavit eos in innocéntia cordis sui, et in intelléctibus mánuum suárum deduxit eos. **Ps. Id.** Atténdite, pópule meus, legem meam: inclináte aurem vestram in verba oris mei. **ŷ.** Glória Patri.

Oratio.

DEUS, qui beatum Lázarum, Christi discipulum, quatríduanum mórtuum suscitátum, Pontificio et Martyrio decorásti: concéde nobis ejus méritis; a peccátis resurgere, et vita ætérna gaudére. Per eúndem.

Lectio Epístolæ beáti Pauli Apóstoli ad Colossénses. **Cap. 1.**

FRATRES: Factus sum ego mínister Ecclésiæ secúndum dispensatiónem Dei, quæ data est mihi in vos, ut impleam verbum Dei. Mystérium, quod absconditum fuit a sæculis, et generatióibus, nunc autem manifestátum est sanctis ejus, quibus vóluit Deus notas fácere divítias glóriæ sacraménti hujus in géntibus, quod est Christus, in vobis spes glóriæ, quem nos annuntiámus, corripientes omnem hóminem, et docéntes omnem hóminem in omni sapiéntia; ut exhibeámus omnem hóminem perféctum in Christo Jesu. In quo et labóro, certádo secúndum operatiónem ejus, quam operátur in me in virtúte.

Graduale. Ps. 27. Dóminus adjútor meus, et protéctor meus: in ipso sperávit cor meum, et adjútus sum. **ŷ.** Et reflóruit caro mea: et ex voluntáte mea confitébor ei.

Allelúia, allelúia. **ŷ.** Gáudeat terra nostra: diléxit Lázarum Dóminus in odórem suavitátis, diléxit et pópulum Massiliénsem, suscitádo amicum, ut nobis illum daret in Præsulem. Allelúia.

✠ Sequéntia sancti Evangélii secúndum Joánnem. **Cap. 11.**

IN illo témpore: Erat quidam languens Lázarus a Bethánia, de castélló Mariæ, et Marthæ, soróris ejus. Mariá ergo, cum venisset ubi erat Jesus, videns eum, cecidit ad pedes ejus, et dicit ei: Dómine, si fuisses hic, non esset mórtuus frater meus. Jesus ergo, ut vidit eamplorántem, et Judæos, qui vénerant cum ea, plorántes, infrémuit spíritu, et turbávit seipsum, et dixit: Ubi posuistis eum? Dicunt ei: Dómine, veni, et vide. Et lacrymátus est Jesus. Dixérunt ergo Judæi: Ecce quómódo amábat eum. Quidam autem ex ipsis dixérunt: Non póterat hic, qui apéruiť óculos cæci nati, fácere ut hic non morerétur? Jesus ergo rursum fremens in semetípso, venit ad monuméntum. Erat autem spelúnca: et lapis superpósitus erat ei. Ait Jesus: Tóllite lápidem. Dicit ei Martha, soror ejus qui mórtuus fúerat: Dómine, jam fœtet, quatríduanus est enim. Dicit ei Jesus: Nonne dixi tibi quóniam si credideris, vidébis glóriam Dei? Tulérunt ergo lá-

pidem. Jesus autem, elevátis sursum óculis, dixit : Pater, grátias ago tibi quóniam audísti me. Ego autem sciébam quia semper me audis, sed propter pópulum, qui circúmstat, dixi : ut credant quia tu me misísti. Hæc cum dixisset, voce magna clamávit : Lázare, veni foras. Et statim pródiit qui fúerat mórtuus, ligátus pedes et manus ínstitis, et fácies illius sudário erat ligáta. Dixit eis Jesus : Sóluite eum, et sínite abíre. Multi ergo ex Judæis, qui vénerant ad Mariam et Martham, et viderant quæ fecit Jesus, credidérunt in eum. Credo.

Offertorium. Ps. 33. Veníte, filii, audite me : timórem Dómini docébo vos.

Secreta.

FÍAT, quæsumus, Dómine, Ecclesiæ tuæ oblátio accépta et sanctificáta in Spírиту sancto : et apud te séntiat intercessórem, quem in fide hábuit magistrum et doctórem. Per Dóminum... In unitáte ejúsdem.

Præfatio propria.

Communio. II Esdr. 9. Dedísti, Dómine, pátribus nostris judícia recta, et legem veritátis præcepísti eis in manu servi tui.

Postcommunio.

REFÉCTI participatióne múnneris sacri, quæsumus, Dómine Deus noster : ut intercedente beáto Lázaro, Christi discipulo, in fide quam ille nos dócuit, immóbiles efficiámur. Per eúndem.

Infra Octavam sancti Lazari, Missa dicitur ut in die; secunda Oratio de Beata, Concède, tertia Ecclesiæ, vel pro Papa.

FESTA SEPTEMBRIS

DOMINICA INFRA OCT. S. LAZARI
IN FESTO

OMNIUM SS. EPISCOPORUM
MASSILIENSIVM

Introitus. Ps. 77.

QUANTA mandávit Dóminus pátribus nostris, nota fácere ea filiis suis, patres nostri narravérunt nobis; filii qui nascéntur, et exsúrgent, narrá-

bunt filiis suis. **Ps. Id.** Atténdite, pópule meus, legem meam : inclináte aurem vestram in verba oris mei. **ŷ.** Glória Patri.

Oratio.

DEUS, qui in hac Ecclesiá tua, post beátum Lázarum, fidei nostræ Apóstolum, per ejus successóres Pontífices, ejúsdem fidei sémina augéri et roborári voluísti : præsta, quæsumus; ut quos in terris præceptóres habuimus, eósdem in cœlis Patrónos perpétuo sentiámus. Per Dóminum.

Et fit Commem. Dominicæ occurrentis, et Oct. S. Lazari.

Léctio Epistolæ beáti Pauli Apóstoli ad Hebræos. **Cap. 13.**

FRATRES : Mementóte præpositórum vestrórum, qui vobis locúti sunt verbum Dei : quorum intuéns éxitum conversatiónis, imitámini fidem. Jesus Christus heri et hódie; ipse et in sæcula. Doctrinis váriis et peregrínis nolite abdúci. Optimum est enim grátia stabilíre cor, non escis, quæ non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in sancta per Pontíficem, horum córpora cremántur extra castra. Propter quod et Jesus, ut sanctificáret per suum sanguínem pópulum, extra portam passus est. Exeámus igitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est fructum labiórum confiténtium nómini ejus. Beneficéntiæ autem et comuniónis nolite oblivisci : talibus enim hóstiis promerétur Deus. Obedíte præpósitis vestris, et subjacéte eis. Ipsi enim pervígilant quasi ratiónem pro animábus vestris redditúri.

Graduale. Jerem. 23. Congregábo reliquias gregis mei, et suscitábo super eos pastóres, et pascent eos. **ŷ.** Non formidábunt ultra, et non pavébunt; et nullus quærétur ex número.

Allelúia, allelúia. *ŷ.* Eccli. 46. Sit memória illórum in benedictióne, et permanens ad filios illórum, sanctorum virórum glória. Allelúia.

✠ Sequéntia sancti Evangelíi secúndum Matthæum. *Cap. 24.*

IN illo témpore : Dixit Jesus discípulis suis : Vigilate, quia nescitis qua hora Dóminus vester ventúrus sit. Illud autem scitote, quóniam si sciret paterfamilias qua hora fur ventúrus esset, vigiláret útique, et non síneret pérfodi domum suam. Ideo et vos estote paráti, quia qua nescitis hora Filius hóminis ventúrus est. Quis, putas, est fidélis servus et prudens, quem constituit dóminus suus super familiam suam, ut det illis cibum in témpore? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum. Credo.

Offertorium. I Cor. 2. Nos non spíritum hujus mundi accépinus, sed Spíritum qui ex Deo est; et lóquimur non in doctis humanæ sapiéntiæ verbis, sed in doctrína Spíritus.

Secreta.

SÚSCIBE, quæsumus, Dómine, hóstias placátus oblátas : nosque sanctorum Pontificum nostrórum egrégia sectántes exémpla virtútum; fidéles effíce tuórum dispensatóres mysteriórum. Per Dóminum nostrum.

Deinde de Dom. occur. et de Oct. S. Lazari.

Præfatio de SS. Episcopis, in qua dicitur : Qui nobis beátos pastóres.

Communio. Apoc. 20. Erunt sacerdotes Dei et Christi, et regnábunt cum illo.

Postcommunio.

HUJUS virtúte sacraménti confirma, Dómine, fámulos tuos in fide veritátis : ut eam ubique ore et ópere confiteántur : pro qua sancti Pontifices nostri laboráre non destitérunt, et mori vehementer desideravérunt. Per Dóminum nostrum Jesum Christum.

Deinde de Dominica occur. et de Oct.

S. Lazari, et legitur in fine Evangelium Dominicæ.

Si hoc Festum venerit in die Oct. S. Lazari, fit de eo cum Commem. Oct.

DIE I

IN FESTO S. RAYMUNDI NONNATI
CONFESSORIS

Ut in Missali, heri, cum Commem. Oct. S. Lazari, S. Ægidii, Abbatis, et SS. XII Fratrum, Martyrum.

DIE II

IN FESTO SANCTI STEPHANI
HUNGARIE REGIS, CONFESSORIS

Ut in Missali, hac die, cum Commem. Octavæ, et tertia Orat. de Beata, Concède.

DIE III

IN FESTO S. JOSEPHI CALASANTHII
CONFESSORIS

Ut in Missali, ad diem 27 Augusti, cum Commem. Oct.

DIE V

IN FESTO

SANCTI LAURENTII JUSTINIANI
EPISCOPI ET CONFESSORIS

Ut in Missali, hac die, cum Commem. Octavæ, et tertia Orat. de Beata, Concède.

DIE VII

OCTAVA SANCTI LAZARI
Missa ut in Festo.

DIE XXV

IN FESTO

SS. DEFENDENTIS ET SOCIORUM
MARTYRUM

Missa Sapiéntiam sanctorum, de Comuni plur. Mart. secundo loco, cum Orat. seq.

Oratio.

OMNÍPOTENS et clementissime Deus, qui beátos Mártýres tuos Defendéntem et Sócios ejus, in confessióne veræ fidei fortes et invictos virtúte tua effecisti : concède nobis, fámulis tuis; ut

quorum gloriámur triúmphis, eórum páriter protegámur auxiliis. Per Dóminum nostrum.

DIE XXVI
IN FESTO SANCTI YSARNI
ABBATIS

Missa Os justi, de Communi Abbatum, cum Commem. SS. Cypriani et Justinæ, Mart.

DIE XXVII
IN FESTO SANCTI ELZEARI
CONFESSORIS

Introitus.

Os justi meditábitur sapiéntiam, et lingua ejus loquétur júdicium: lex Dei ejus in corde ipsius. *Ps.* Noli æmulári in malignántibus: neque zeláveris faciéntes iniquitátem. *ŷ.* Glória Patri. Os justi.

Oratio.

Deus, qui beátum Elzeárium, Confessórem tuum, inter cætera virtútum insígnia, virgináli pudicitia in conjúgio decorásti: concéde propítius; ut ejus sacra solémnia célebriter venerámur in terris, ejus beáta consórtia feliciter consequámur in cælis.

Pro Commem. beatæ Delphinæ.

Oratio.

Deus, qui beátam Delphínam, Virgínem tuam, singulári castitátis prærogativa in conjúgio decorásti; concéde, ut ejus intercessióne puritátem mentis et córporis fidéliter custodiámus.

Léctio libri Sapientiae. *Eccli.* 31.

BEATUS vir qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? Fecit enim mirabília in vita sua. Qui probátus est in illo, et perféctus est, erit illi glória: qui pótuít tránsgrédi, et non est tránsgréssus; fácere mala, et non fecit: ideo stabilita sunt bona illius in Dómino, et elemósy nas illius enarrábit omnis Ecclésia sanctorum.

Graduale. Justus ut palma florébit; sicut cedrus Líbani multiplicábitur in

domo Dómini. *ŷ.* Ad annuntiándum mane misericórdiam tuam, et veritátem tuam per noctem.

Allelúia, allelúia. *ŷ.* *Jac.* 1. Beátus vir qui suffert tentatió nem, quóniam cum probátus fúerit, accipiet corónam vitæ. Allelúia.

✠ Sequéntia sancti Evangélíi secúndum Matthæum. *Cap.* 19.

In illo témpore: Accessérunt ad Jesum pharisæi tentátes eum, et dicéntes: Si licet hómini dimittere uxórem suam, quacúmque ex causa? Qui respóndens, ait eis: Non legístis quia qui fecit hóminem ab initio, másculum et féminam fecit eos? et dixit: Propter hoc dimittet homo patrem et matrem, et adhærébit uxóri suæ, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi: Quid ergo Móyses mandávit dare libéllum repúdií, et dimittere? Ait illis: Quóniam Móyses ad duritiam cordis vestri permísit vobis dimittere uxóres vestras: ab initio autem non fuit sic. Dico autem vobis, quia quicúmque dimiserit uxórem suam, nisi ob fornicatió nem, et áliam dúxerit, mœchátur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non omnes cápiunt verbum istud: sed quibus datum est: Sunt enim eunúchi qui de matris útero sic nati sunt: et sunt eunúchi qui facti sunt ab homínibus: et sunt eunúchi qui seipsos castráverunt propter regnum cælórum. Qui potest cápere cápiat.

Offertorium. *Ps.* 88. Véritas mea et misericórdia mea cum ipso, et in nómine meo exaltábitur cornu ejus.

Secreta.

LAUDIS tibi, Dómine, hóstias immolámus in tuórum commemoratió ne Sanctorum: quibus nos et præsentibus éxui malis confidimus, et futúris.

Pro Commem. beatæ Delphinæ.

Secreta.

ACCÉPTA tibi sit, Dómine, sacrátæ plebis oblátio pro tuórum honóre Sanctorum: quorum se méritis de tri-

bulatióne percepisse cognóscit auxilium.
Per Dóminum.

Communio. *Matth. 24.* Beátus servus,
quem, cum vénerit Dóminus, invénerit
vigilántem : Amen dico vobis, super óm-
nia bona sua constituet eum.

Postcommunio.

REFÉCTI cibo potúque celésti, Deus
noster, te súpplīces exorámus : ut in
cujus hæc commemoratióne percépinus,
ejus muniámur et précibus.

Pro Commem. beatæ Delphinæ.

Postcommunio.

SATIÁSTI, Dómine, familiam tuam mu-
néribus sacris : ejus, quæsumus, sem-
per interventióne nos réfove, cujus so-
lémnia celebrámus. Per Dóminum.

FESTA OCTOBRIS

DIE III

IN FESTO SANCTI CYPRIANI

EPISCOPI ET CONFESSORIS

Missa Státuit, de *Comm. Conf. Pont.*,
primo loco, cum *Orat. seq.*

Oratio.

CONCÉDE, quæsumus, omnipotens Deus :
ut beáti Cypriáni, Confessóris tui
atque Pontíficis, fidei constántiam sub-
sequámur ; qui pro glória nóminis tui,
contra hostes Ecclesiæ tuæ decértans,
corónam vitæ méruit obtinére. Per Dó-
minum.

DIE V

IN FESTO

SANCTORUM COSMÆ ET DAMIANI

MARTYRUM

Ut in Missali, ad diem 27 Septembris.

DIE XI

IN FESTO

SS. EUSEBIÆ ET SOCIARUM

VIRGINUM ET MARTYRUM

Introitus. *Ps. 44.*

ADDUCÉNTUR Regi virgines post eam ;
afferéntur in lætitia et exultatióne ;
adducéntur in templum regis. *Ps.*
Id. Eructávit cor meum verbum bonum ;

dico ego ópera mea Regi. *ŷ.* Glória
Patri.

Oratio.

DA nobis, quæsumus, Dómine Deus
noster, sanctárum Virginum et Már-
tyrum tuárum Eusebiæ et Sociárum ejus
palmas incessábili devotióne venerári :
ut quas digna mente non póssumus cele-
bráre, humilibus saltem frequentémus
obséquijs. Per Dóminum.

Léctio Epistolæ beáti Pauli Apóstoli
ad Corinthios. *I Cor. 7.*

FRATRES : De virgínibus præcéptum
Dómini non hábeo : consilium autem
do, tamquam misericórdiam consecútus
a Dómino, ut sim fidélis. Existimo ergo
hoc bonum esse propter instántem ne-
cessitátem, quóniam bonum est hómini
sic esse. Alligátus es uxóri ? noli quærere
solutiõem. Solutus es ab uxóre ? noli
quærere uxórem. Si autem accéperis
uxórem, non peccásti. Et si núpserit
virgo, non peccávit : tribulatiõem ta-
men carnis habébunt hujúsmodi. Ego
autem vobis parco. Hoc itaque dico,
fratres : tempus breve est : reliquum est
ut et qui habent uxóres, tamquam non
habéntes sint : et qui flent, tamquam non
flentes : et qui gaudent, tamquam non
gaudéntes : et qui emunt, tamquam non
possidéntes : et qui utúntur hoc mundo,
tamquam non utántur : præterit enim
figúra hujus mundi. Volo autem vos sine
sollicitúdine esse. Qui sine uxóre est,
sollicitus est quæ Dómini sunt, quómodo
pláceat Deo. Qui autem cum uxóre
est, sollicitus est quæ sunt mundi, quó-
modo pláceat uxóri, et divísus est.
Et mulier innúpta, et virgo, cógitat
quæ Dómini sunt, ut sit sancta cór-
pore et spiritu : in Christo Jesu Dómino
nostro.

Graduale. Cant. 1. Oleum effúsum no-
men tuum : ideo adolescéntulæ dilexé-
runt te. *ŷ.* Post te currémus in odórem
unguentórum tuórum : exsultábimus et
lætábimur in te.

Allelúia, allelúia. *ŷ.* *Apoc. 22.* Vidé-
bunt faciém Dei et Agni, et nomen ejus
in fróntibus eórum. Allelúia.

✠ Sequéntia sancti Evangélíi secúndum Matthæum. **Cap. 25.**

IN illo témpore : Dixit Jesus discípulis suis parábolam hanc : Simile erit regnum celórum decem virgínibus, quæ, accipiéntes lámpades suas, exiérunt óbviám sponso et sponsæ. Quínque autem ex eis erant fátuæ, et quínque prudéntes : sed quínque fátuæ, accéptis lampádibus, non sumpsérunt óleum secum : prudéntes vero accepérunt óleum in vasis suis cum lampádibus. Moram autem faciénté sponso, dormitavérunt omnes et dormiérunt. Média autem nocte clamor factus est : Ecce sponsus venit, exite óbviám ei. Tunc surrexérunt omnes virgines illæ, et ornavérunt lámpades suas. Fátuæ autem sapiéntibus dixérunt : Date nobis de óleo vestro, quia lámpades nostræ extingúntur. Respondérunt prudéntes, dicéntes : Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus : et quæ parátæ erant, intravérunt cum eo ad nuptias, et clausa est jánuá. Novíssime vero véniunt et réliquæ virgines, dicéntes : Dómine, Dómine, áperi nobis. At ille respóndens, ait : Amen dico vobis, nescio vos. Vigilate itaque, quia nescitis diem, neque horam.

Offertorium. Apoc. 14. Virgines sunt; sequúntur Agnum quocúmque íerit : sine mácula enim sunt ante thronum Dei.

Secreta.

AGNI immaculáti sacrificium majestáti tuæ offeréntes, te, Dómine, súpplices exorámus : ut ad celéstes ejus nuptias cum sanctis Virgínibus Eusébia et Sociábis ejus, quæ sponso ságuinem suum fuderunt, intráre mereámur. Per eúmdem Dóminum.

Communio. Zachar. 9. Quid enim bonum Dómini Dei est, et pulchrum ejus, nisi fruméntum electórum, et vinum germinans virgines?

Postcommunio.

PRÆSTA nobis, quæsumus, Dómine, intercedéntibus sanctis Virgínibus

et Martyribus tuis : ut quod ore contínuimus, pura mente capiámus. Per Dóminum... Qui tecum.

DIE XV

IN FESTO SANCTI CANNATI

EPISCOPI ET CONFESSORIS

Introitus. Ps. 88.

LOCÚTUS es, Dómine, in visiónē sanctis tuis, et dixísti : Pósui adjutórium in poténte, et exaltávi eléctum de plebe mea. **Ps. 1d.** Misericórdias Dómini in aetérnum cantábo : in generatiónem et generatiónem. **ŷ.** Glória Patri.

Oratio.

OMNÍPOTENS sempitérne Deus, qui sanctum Cannátum de stirpe régia prodeúntem, divinitus Massiliénsis Ecclésiæ, dum in desérto poeniténtiam ágeret, Pontificem esse voluísti : ejus méritis et intercessióne, nobis concédere dignéris celéstium donórum ómnium fulcíméntum. Per Dóminum.

Lectio Epístolæ beáti Pauli Apóstoli ad Hebræos. **Cap. 5.**

FRATRES : Omnis Póntifex ex hominibus assúptus, pro homínibus constitúitur in iis quæ sunt ad Deum, ut offerat dona et sacrificia pro peccátis : qui condolére possit iis qui ignórant et errant : quóniam et ipse circúmdatus est infirmitáte : et proptérea debet, quemádmodum pro pópulo, ita étiam et pro semetipso offerre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetipsum clarificávit ut Póntifex fieret : sed qui locúsus est ad eum : Filius meus es tu, ego hódie genui te. Quemádmodum et in álio loco dicit : Tu es sacerdos in aetérnum, secúndum ordinem Melchisedech.

Graduale. I Reg. 13. Quæsivit Dóminus virum juxta cor suum, et præcépit ei ut esset dux super pópulum suum. **ŷ.** **Act. 7.** Fuit gratus Deo, et erat potens in verbis et in opéribus suis.

Allelúia, allelúia. **ŷ.** **Ps. 64.** Beátus

quem elegisti et assumpsisti, Dómine : inhabitábit in atriis tuis. Allelúia.

✠ Sequéntia sancti Evangélíi secúndum Lucam. **Cap. 19.**

IN illo témpore : Dixit Jesus discipulis suis parábolam hanc : Homo quidam nobílis abiit in regiónem longínquam, accipere sibi regnum, et revérti. Vocáti autem decem servis suis, dedit eis decem mnas : et ait ad illos : Negotiámini dum vénio. Cives autem ejus óderant eum : et misérunt legatiónem post illum, dicéntes : Nólumus hunc regnàre super nos. Et factum est ut rediret accépto regno : et jussit vocári servos, quibus dedit pecúniám, ut sciret quantum quisque negotiátus esset. Venit autem primus, dicens : Dómine, mna tua decem mnas acquisívit. Et ait illi : Euge, bone serve, quia in módico fuísti fidélis, eris potestátem habens super decem civitátes. Et alter venit, dicens : Dómine, mna tua fecit quinque mnas. Et huic ait : Et tu esto super quinque civitátes. Et alter venit, dicens : Dómine, ecce mna tua, quam hábui repósitam in sudário : timui eúm te, quia homo austérus es : tollis quod non posuísti, et metis quod non seminásti. Dicit ei : De ore tuo te júdico, serve nequam. Sciébas quod ego homo austérus sum, tollens quod non pónui, et metens quod non seminávi : et quare non dedisti pecúniám meam ad mensam, ut ego véniens cum usúris útique exegíssem illam? Et adstántibus dixit : Auférte ab illo mnam, et date illi qui decem mnas habet. Et dixerunt ei : Dómine, habet decem mnas. Dico autem vobis, quia omni habénti dábitur, et abundábit : ab eo autem qui non habet, et quod habet auferétur ab eo.

In Ecclesia Cathedrali et propria dicitor Credo.

Offertorium. Isaia 21. Super spéculum Dómini ego sum, stans júgiter per diem : et super custódiám meam ego sum, stans totis nóctibus.

Secreta.

ECCLÉSIAE tuæ, quæsumus, Dómine, múnera propítius intuere : et inter-

cedente beáto Cannáto, quem ipsi pastórem pio favóre dedisti ; usque ad consummationem sæculi et mérito ipsa augeátur et número. Per Dóminum.

Præfatio propria.

Communio. Ps. 26. Circuívi et immolávi in tabernáculo Dómini hóstiam vociferatiónis : cantábo et psalmum dicam Dómino.

Postcommunio.

CELÉSTIBUS nos, Dómine, róborá sa-craméntis : et beáti Cannáti, Confessóris tui atque Pontificis, suffúltis patrocínio ; da nobis terréna despiciere, et ad cœléstem pátriam toto desidério anheláre. Per Dóminum.

DIE XVI

IN FESTO SANCTÆ THERESIÆ
VIRGINIS

Ut in Missali, heri.

DIE XVII

IN FESTO

B. MARGARITÆ MARLÆ ALACOQUE
VIRGINIS

Missa, ut in Supplemento Missalis, ad diem 25 hujus.

DIE XXI

IN FESTO SANCTI MAURONTI
EPISCOPI ET CONFESSORIS

Introitus. Isaia 22.

VOCÁBO servum meum, et potestátem dabo in manu ejus ; et dabo clavem domus David super húmerum ejus : et erit in sólum glóriæ dómui patris ejus. **Ps. 131.** Meménto, Dómine, David, et omnis mansuetúdinis ejus. **ŷ.** Glória Patri.

Oratio.

DEUS, qui beátum Mauróntum, Confessórem tuum atque Pontificem, verbo et virtútibus mirábilem effecisti : concède propítius ; ut ejus solénnia celebrámus, eúndem apud tuam cleméntiam intercessórem sentiámus. Per Dóminum.

Et fit Commem. S. Hilarionis. Ab-batis.

Oratio.

INTERCESSIO nos, quæsumus, Dómine, beáti Hilariónis Abbátis commendet : ut quod nostris méritis non valémus, ejus patrocínio arsequámur.

Deinde SS. Ursulæ et Soc., Mart.

Oratio.

DA nobis, quæsumus, Dómine Deus noster, sanctárum Virginum et Mártyrum tuárum Ursulæ et Sociárum ejus palmas incessábili devotióne venerári : ut quas digna mente non póssumus celebráre, humilibus saltem frequentémus obséquijs. Per Dóminum.

Léctio Epístolæ beáti Pauli Apóstoli ad Philippénses. **Cap. 3.**

FRATRES : Exístimo ómnia detriméntum esse propter eminéntem sciéntiam Jesu Christi Dómini mei : propter quem ómnia detriméntum feci, et árbitor ut stércora, ut Christum lucrificáram, et invéniam in illo, non habens meam justitiam, quæ ex lege est, sed illam quæ ex fide est Christi Jesu : quæ ex Deo est justitia in fide, ad cognoscéndum illum, et virtútum resurrectiós ejus, et societátem passiónum illius : configurátus morti ejus : si quo modo occúrram ad resurrectiós, quæ est ex mórtuis. Non quod jam accéperim, aut jam perféctus sim : sequor autem, si quo modo comprehendam, in quo et comprehénsus sum a Christo Jesu. Fratres, ego me non árbitor comprehendisse. Unum autem, quæ quidem retro sunt obliviscens, ad ea vero quæ sunt prióra exténdens meípsum, ad destinátum pórsequor, ad bravium supérnæ vocatiós Dei in Christo Jesu.

Graduale. II Mach. 5. Secésserat in desértum locum, ibique vitam cum suis agébat, ne participes essent coinquinatiós. **ŷ. I Paral. 11.** Congregátus est omnis Israel ad eum, dicens : Os tuum sumus, et caro tua : tibi enim dixit Dóminus : Tu pasces pópulum meum, et tu eris princeps super eum.

Allelúia, allelúia. **ŷ. II Reg. 6.** Ante Dóminum qui elégit me ut essem dux super pópulum, vilior fiam plus quam

MASSIL.

factus sum, et ero húmilis in óculis meis, et gloriósior apparébo. Allelúia.

✠ Sequéntia sancti Evangélii secúndum Matthæum. **Cap. 24.**

IN illo témpore : Dixit Jesus discípulis suis : Vigilate, quia nescitis qua hora Dóminus vester ventúrus sit. Illud autem scitóte, quóniam si sciret paterfamilias qua hora fur ventúrus esset, vigiláret útique, et non síneret pérfodi domum suam. Ideo et vos estóte paráti, quia qua nescitis hora, Filius hóminis ventúrus est. Quis, putas, est fidélis servus et prudens, quem constituit dóminus suus super familiam suam, ut det illis cibum in témpore? Beátus ille servus, quem, cum vénerit dóminus ejus, invénierit sic faciéntem. Amen dico vobis, quóniam super ómnia bona sua constituet eum.

In Ecclesia Cathedrali, et propria dicitur Credo.

Offertorium. Isaia 51. Atténdite ad patrem vestrum, qui sequimini quod justum est, et quæritis Dóminum, quia vocávi eum, et benedixi ei.

Secreta.

IPSE tibi, Deus, sacrificium nostrum offerat Póntifex confessiós nostræ Jesus : qui mínistrum suum Mauróntum spiritu charitátis implévit : ut pro grege sibi commissio leváret ad te puras manus, et seípsum tibi júgiter imoláret. Per Dóminum.

Pro sancto Hilarione. Secreta.

SACRIS altáribus, Dómine, hóstias superpósitas sanctus Hilário Abbas, quæsumus, in salutem nobis proveníre depóscat.

Pro sanctis Martyribus. Secreta.

INTÉNDE, quæsumus, Dómine, múnera altáribus tuis pro sanctárum Virgínum et Mártyrum tuárum Ursulæ et Sociárum ejus festivitáte propósita : ut, sicut per hæc beáta mystéria illis glóriam contulisti ; ita nobis indulgéntiam largiáris. Per Dóminum.

Prefatio propria.

Communio. I Mach. 14. Quæsvit bona genti suæ, et plácuit cunctis potestas ejus, et glória ejus omnibus diébus.

Postcommunio.

DEUS, qui eâdem esca mirâbili et oves nutris et pastôres : da, ut ôvium mansuetûdinem et docilitatem inde hauriâmus, unde beâtus Pôntifex Maurônus pastôris hausit sollicitûdinem et charitatem. Per Dôminum.

Pro sancto Hilarione. Postcommunio.

PRÔTEGAT nos, Dômine, cum tui perceptiône sacramenti beâtus Hilário Abbas pro nobis intercedêdo : ut et conversatiônis ejus experiâmur insignia, et intercessiônis percipiâmus suffrâgia.

Pro SS. Martyribus. Postcommunio.

PRESTA nobis, quæsumus, Dômine, intercedentibus sanctis Virgî nibus et Martyribus tuis : ut quod ore contin-gimus, pura mente capiâmus. Per.

DIE XXII

IN FESTO SANCTÆ HEDWIGIS

VIDUÆ

Ut in Missali ad diem 17 hujus.

DIE XXIV

IN FESTO S. RAPHAELIS

ARCHANGELI

Ut in Supplemento Missalis.

DIE XXXI

IN FESTO TRANSLAT. S. AUGUSTINI

EPISC., CONF. ET ECCLES. DOCT.

Missa In médio, de Communi Doct. (sine Credo), cum Orat. seq.

Oratio.

DEUS, qui brâchium beâti Doctôris et Pontificis Augustini tamquam mâ-leum advêrsus hæreses suscitâsti; con-cède propitius; ut ejus doctrîna robo-râtî, omnes Ecclesiæ tuæ hostes pro-fligâre valeâmus. Per Dôminum.

Secreta.

SANCTI Augustini, Confessôris tui, so-lémnia nos, quæsumus, Dômine, ubi-que lætificent; ut dum ejus Translati-ô-nem et méri-ta recôlimus, patrocinia sentiâmus. Per Dôminum.

Postcommunio.

QUÆSUMUS, omnipotens Deus, ut qui coeléstia aliménta percépimus, in-

tercedente beâto Augustino, Confessôre tuo atque Pontifice, per hæc contra ô-m-nia advêrsa muniâmur. Per Dôminum.

Et dicuntur pro infidelium conver-sione Collecta, Secreta et Postcommunio a S. R. C. approbatæ, pro societate Propagationis fidei. (Ad calcem hujus.)

DOMINICA II OCTOBIS

IN FESTO

MATERNITATIS B. M. V.

Ut in Supplemento Missalis, cum Commem. Dominicæ occurrentis, ejus legitur Evangelium in fine.

DOMINICA III OCTOBIS

IN FESTO PURITATIS B. M. V.

Ut in Supplemento Missalis, cum Commem. Dominicæ occurr., ejus le-gitur Evangelium in fine.

DOMINICA IV OCTOBIS.

IN FESTO PATROCINII B. M. V.

Ut in Supplemento Missalis, cum Commem. Dominicæ occurr., ejus le-gitur Evangelium in fine.

FESTA NOVEMBRIS

DOM. INFRA OCT. OMNIUM SANCTORUM

IN FESTO OMNIUM SANCTORUM

ECCLESIAE MASSILIENSIS

Introitus. Ps. 12.

ILLÚMINA ôculos meos, ne umquam obdôrmiam in morte; nequândo dicat inimicus meus : Prævâluî advêrsus eum. Ps. 26. Dôminus illuminatiô mea et salus mea : quem timebo? ̎. Glória.

Oratio.

DA nobis, quæsumus, omnipotens Deus, Sanctôrum tuôrum méri-tis et intercessiône, conservatiônem fidei et augmêntum : ut in hac vita tibi placeâmus, et post mortem salutem ætérnam consequâmur. Per Dôminum.

Et fit Commem. Dominicæ.

Lectio Epistolæ beâti Pauli Apóstoli ad Românos. Cap. 10.

FRATRES : Ignorântes justitiam Dei, et suam quærêntes statuere, justitiæ Dei

non sunt subiecti. Finis enim legis, Christus, ad iustitiam omni credenti. Mōyses enim scripsit quoniam iustitiam quæ ex lege est, qui fecerit homo, vivet in ea. Quæ autem ex fide est iustitia, sic dicit: Ne dixeris in corde tuo: Quis ascendet in cælum? id est, Christum deducere; aut, Quis descendet in abyssum? hoc est, Christum a mortuis revocare. Sed quid dicit Scriptura? Prope est verbum in ore tuo, et in corde tuo: hoc est verbum fidei, quod prædicamus: quia si confitearis in ore tuo Dñm Jesum, et in corde tuo credideris, quod Deus illum suscitavit a mortuis, salvus eris. Corde enim creditur ad iustitiam: ore autem confessio fit ad salutem. Dicit enim Scriptura: Omnis qui credit in illum, non confundetur.

Graduale. Ps. 33. Accedite ad eum, et illuminamini: et facies vestræ non confundentur. **ŷ. Ps. 96.** Lux orta est justo: et rectis corde lætitia. Allelúia, allelúia. **ŷ. Habac. 3.** Ego autem in Dño mino gaudēbo, et exultābo in Deo Jesu meo. Allelúia.

✠ Sequentia sancti Evangelii secundum Joānnem Cap. 8.

In illo tempore: Dixit Jesus turbis Judæorum: Cum exaltaveritis Filium hominis, tunc cognoscetis quia ego sum, et a meipso facio nihil, sed sicut docuit me Pater, hæc loquor: et qui me misit, mecum est, et non reliquit me solum: quia ego quæ plácita sunt ei facio semper. Hæc illo loquente, multi crediderunt in eum. Dicebat ergo Jesus ad eos, qui crediderunt ei, Judæos: Si vos manseritis in sermone meo, vere discipuli mei eritis: et cognoscetis veritatem, et veritas liberabit vos. Credo.

Offertorium. Hebr. 11. Fide obtulit Abraham Isaac, cum tentaretur, et unigenitum offerbat qui suscepit repromissiones.

Secreta.

SACRIFICIA cum fide oblata, Dñmine, fidem nostram, patrocinio Sanctórum tuórum, consérvent et áugeant. Per.

Et fit Commem. Dominicæ.

Præfatio de omnibus Sanctis.

Communio. Matth. 9. Confide, filia, fides tua te salvam fecit.

Postcommunio.

CÆLÉSTI pábulo refecti, præsta, quæsumus, omnipotens Deus: ut intercessiōne Sanctórum, quorum solémnia celebrāmus, bonis cælestibus satiēmur. Per Dñm.

Et fit Commem. Dominicæ, ejus legitur Evangelium in fine.

DIE XIII

IN FESTO S. STANISLAI KOSTKÆ
CONFESSORIS

Ut in Supplemento Missalis.

DIE XIV

IN FESTO SANCTI DIDACI
CONFESSORIS

Ut in Missali ad diem 13 hujus.

DIE XVI

IN FESTO SANCTI JOSAPHAT
EPISCOPI POLOCENSIS, MART.

Ut in Missali.

DOMINICA ULTIMA POST PENTECOSTEN

IN FESTO SS. RELIQUIARUM

ECCLÉSIE MASSILIENSIS

In Suppl. Missalis Commem. et Evangel. Dominicæ in fine.

DE MISSIS VOTIVIS

Qualibet Feria v non impedita Officio ix Lectionum etiam translato, extra tamen Adventum, Quadragesimam, Ferias privilegiatas, Vigiliis et Octavas, dicitur Missa votiva de SS. Sacramento, ut ad calcem Missalis Romani, ritu Semiduplici, cum tribus Orationibus pro diversitate temporis, cum Glória, sine Sequentia, sine Credo.

Item quolibet Sabbato, ut supra non impedito, sub iisdem limitationibus, Missa votiva de Immaculata Conceptione B. M. V., juxta concessionem Pii IX, ritu Semid. (Ex indulto 21 Febr. 1851.)

OCCASIONE XL HORARUM

SCILICET FERIA V POST SEXAGESIMAM

DOMINICA QUINQUAGESIMA ET FERIIS II ET III SEQUENTIBUS

Introitus. II Paral. 30.

FILII Israel, fratres vestri recesserunt a Dómino, ut ipsi cernitis: veníte ad sanctuárium ejus: servíte Dómino Deo patrum vestrórum, et fratres vestri habébunt misericórdiam et reverténtur: pius enim et clemens est Dóminus, et non avértet faciém suam a vobis. **Ps. 73.** Ut quid, Deus, repulísti in finem: irátus est furor tuus super oves páscuæ tuæ? **ŷ. Glória Patri.**

Oratio.

OMNÍPOTENS sempitérne Deus, da nobis voluntátem tuam et fidéli mente retinére, et pia conversatióne exprimere: ut Ecclesiá tua, a profánis vanitatibus expiáta, non áliud profiteátur verbis, áliud exerceat actiÓne. Per Dóminum nostrum Jesum Christum Filium tuum. Qui tecum vivit et regnat.

Lectio Isaíæ Prophætæ. Cap. 65.

HÆC dicit Dóminus: Quómodo si inveniátur granum in botro, et dicátur: Ne dissipes illud, quóniam benedictio est: sic faciám propter servos meos, ut non dispérdam totum. Et edúcam de Jacob semen, et de Juda possidéntem montes meos: et hæreditábunt eam elécti mei, et servi mei habitábunt ibi. Et erunt campéstria in caulas gregum, et vallis Achor in cubile armentórum pópulo meo qui requisierunt me. Et vos, qui dereliquístis Dóminum, qui obliti estis montem sanctum meum, qui pónitis Fortúnæ mensam, et libátis super eam; numerábo vos in gládio, et omnes in cæde corruétis: pro eo quod vocávi, et non respondístis: locútus sum, et non audístis: et faciebátis malum in óculis meis, et quæ nólui, elegístis. Propter hoc hæc dicit Dóminus Deus: Ecce

servi mei cómedent, et vos esuriétis: ecce servi mei bibent, et vos sitiétis: ecce servi mei lætabúntur, et vos confundémini: ecce servi mei laudábunt præ exultatiÓne cordis, et vos clamábitis præ dolore cordis, et præ contritiÓne spíritus ululábitis.

Graduale. Ps. 67. Péreant peccatóres a faciē Dei; et justí epuléntur, et exsúltent in conspéctu Dei; et delecténtur in lætitiá. **ŷ. Judæ 15, 23.** Impie egérunt peccatóres, secúndum desidéria sua ambulántes; vos autem, charíssimi, in Spíritu sancto orántes, illos salváte, de igne rapiéntes.

Tractus. Ps. 77. Defecérunt in vanitatē dies eórum, et anni eórum cum festinatiÓne. **ŷ. Dilexérunt eum in ore suo, et lingua sua mentíti sunt ei:** cor autem eórum non erat rectum cum eo, nec fidéles hábiti sunt in testaménto ejus. **ŷ. Ipse autem est miséricors, et propítius fiet peccátis eórum: et non dispérdet eos.**

✠ Sequéntia sancti Evangélíi secúndum Matthæum. Cap. 22.

IN illo témpore: Respóndens Jesús dixit iterum in parábolis princípibus sacerdotum et pharisæis, dicens: Símile factum est regnum cœlórum hómíni regi, qui fecit nuptias filio suo. Et misit servos suos vocáre invitátos ad nuptias, et nolébant veníre. Iterum misit alios servos, dicens: Dícite invitátis: Ecce prándium meum parávi, tauri mei, et altília occisa sunt, et ómnia paráta: veníte ad nuptias. Illi autem neglexérunt, et abiérunt, álius in villam suam, álius vero ad negotiatiÓnem suam: reliqui vero tenuérunt servos ejus, et contuméliis afféctos occidérunt. Rex autem

cum audisset, irátus est : et missis exercitibus suis, pérdidit homicidas illos, et civitátem illórum succéndit. Tunc ait servis suis : Núptiæ quidem parátæ sunt, sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egréssi servi ejus in vias, congregavérunt omnes quos invenérunt, malos et bonos : et implétæ sunt núptiæ discumbéntium. Intrávit autem rex, ut vidéret discumbéntes, et vidit ibi hóminem non vestitum veste nuptiáli. Et ait illi : Amíce, quómodo huc intrásti, non habens vestem nuptiálem? At ille obmutuit. Tunc dixit rex ministris : Ligáti mánuibus et pédibus ejus, mittere eum in ténebras exterióres : ibi erit fletus, et stridor déntium. Multi enim sunt vocáti, pauci vero elécti. Credo.

Offertorium. II Macch. 1. Dómine Deus, ómnium creátor, terribilis et fortis, justus et miséricors : áccipe sacrificium pro univérso pópulo tuo Israel, et custódi partem tuam, et sanctifica. Cóngrega dispersiónem nostram, libera eos qui sérviant géntibus, et contéptos et abominátos respice.

Secreta.

HÓSTIAS pópuli tui, Dómine, propítius respice : et præsta ; ut a diabólicis, quibus renuntiávit, láqueis constánter ábstinens, toto tibi corde prostrátus, misericórdiæ tuæ donis multiplicétur et crescat. Per Dóminum.

Communio. Luc. 23. Pater, dímittle illis, non enim sciunt quid faciunt.

Postcommunio.

DÓMINE Jesu Christe, qui pro inimicis tuis véniam implorásti : per hæc Córporis et Sanguinis tui sacraménta quæ sumpsimus, concéde ; ut qui mundi vanitátibus errant decépti, amoris tui mémoires, ad te rédeant conversi. Qui vivis.

ORATIONES

PRO PROPAGATIONE FIDEI

A S. R. C. approbatæ 9 Aug. 1839.
Quæ apud nos recitantur in Translatione
S. Augustini, die 31 Octobris.

Oratio.

DEUS, qui omnes hómines vis salvos fieri, et in agnitiónem veritátis venire : mitte, quæsumus, operários in messem tuam, et da eis cum omni fidúcia loqui verbum tuum ; ut sermo tuus currat et clarificétur, et omnes gentes cognóscant te solum Deum verum, et quem misisti Jesum Christum Filium tuum Dóminum nostrum. Qui tecum vivit et regnat.

Secreta.

PROTÉCTOR noster, aspice, Deus, et respice in faciém Christi tui, qui dedit redemptionem semetípsum pro ómnibus : et fac ut ab ortu solis usque ad occasum magnificétur nomen tuum in géntibus ; ac in omni loco sacrificétur et offerátur nómini tuo oblátio munda. Per eúmdem.

Postcommunio.

REDEMPTIÓNIS nostræ múnere vegetáti, quæsumus, Dómine : ut hoc perpétuæ salútis auxilio, fides semper vera proficiat. Per Dóminum nostrum.

COMMUNIO PRECUM

CUM VENER. CAPITULO VERCELLIENSIS

In Cathedrali tantum facienda post
Missam in Festo sancti Eusebii.

Ant. In omni témpore, sine intermissione, diébus solénnibus, et cæteris quibus opórtet, mémoires sumus vestri in sacrificiis quæ offerimus, et in observatió nibus, sicut fas est et decet meminisse fratrum.

Y. Ecce quam bonum et quam jucundum habitare fratres in unum. **R.** Quóniam illic mandávit Dóminus benedictiónem.

Oratio.

DE uno pane et de uno cálice partícipántibus, da nobis, Dómine, hujus virtúte sacraménti, cor unum et ánimam unam : ut semper quod bonum est sectántes in invicem ; in charitáte perpétua indeficiéntes perseverémus. Per Dóminum nostrum Jesum Christum.

PRÆFATIONES CUM CANTU

PRÆFATIO DE ADVENTU

Quæ per Adventum dicitur in Dominicis, Feriis et Festis propriam non habentibus.

P ER ómni-a sæcu-la sæcu-ló-rum. *℟*. Amen. *℣*. Dóminus vo-bis-
cum. *℟*. Et cum spí-ri-tu tu-o. *℣*. Sur-sum cor-da. *℟*. Ha-bé-mus
ad Dó-minum. *℣*. Grá-ti-as a-gá-mus Dó-mino De-o no-stro.
℟. Di-gnum et ju-stum est.


V E-RE dignum et justum est, æquum et sa-lu-tá-re, nos ti-bi
semper et u-bíque grá-ti-as á-gere, Dómine sancte, Pater omni-
po-tens, ætérne De-us, per Chri-stum Dó-minum nostrum. Quem pér-
di-to hó-minum géneri Salva-tórem mi-sé-ricors et fidé-lis promi-si-sti,












cu-jus vé-ri-tas in-strú-e-ret ín-sci-os, sáncti-tas justí-ficáret ím-pi-os,
 vir-tus adjuvá-ret in-firmos. Dum ergo prope est ut véni-at quem
 mis-sú-rus es, et di-es affúlget li-bera-ti-ónis nostræ, in hac pro-
 mis-si-ónum tu-árum fi-de pi-is gáudi-is ex-sultá-mus. Et íd-e-o
 cum Ange-lis et Archán-ge-lis, cum Thro-nis et Domina-ti-ó-nibus,
 cumque omni mi-li-ti-a cœ-léstis ex-ér-ci-tus, hymnum gló-ri-æ tu-
 æ cá-nimus, si-ne fi-ne dicén-tes.


PRÆFATIO DE CÆNA DOMINI

Quæ dicitur Feria quinta in Cœna Domini.




PER ómni-a sæcu-la sæcu-ló-rum. *ñ.* Amen. *ŷ.* Dóminus vo-bis
 cum. *ñ.* Et cum spí-ri-tu tu-o. *ŷ.* Sur-sum cor-da. *ñ.* Ha-bé-mus






PRÆFATIO DE SS. SACRAMENTO

Quæ dicitur in Festo Corporis Christi et per ejus Octavam.













tis carná-li-um victimá-rum umbris, Corpus et Sánguinem su-um no-
 bis in sacri-fi-ci-um commen-dá-vit, ut in omni loco offerá-tur nó-
 mi-ni tu-o, quæ ti-bi so-la complá-cu-it oblá-ti-o munda. In hoc
 í-gi-tur inscrutá-bi-lis sa-pi-énti-æ, et imménsæ cha-ri-tá-tis mysté-
 ri-o, i-dípsum quod semel in cruce perfé-cit, non cessat mi-ra-bí-li-ter
 ope-rá-ri, ipse ófferens, ipse et oblá-ti-o. Et nos, unam se-
 cum hósti-am efféctos, ad sacrum inví-tat con-vi-vi-um, in quo ipse
 cibus noster sú-mi-tur, recó-li-tur memó-ri-a passi-ónis e-jus,
 mens implé-tur grá-ti-a, et fu-túræ gló-ri-æ no-bis pignus da-tur.
 Et íd-e-o cum Ange-lis et Archán-ge-lis, cum Thronis et Domi-
 na-ti-ó-nibus, cumque omni mi-li-ti-a cœ-lé-stis ex-ér-ci-tus,



PRÆFATIO DE SS. CORDE D. N. J. C.

Quæ dicitur in Festo SS. Cordis et per ejus Octavam.





jus fontis pleni-tú-dine omnes accipé - re-mus, et di-vínis ípsi-us ar-
 dó-ribus commu-ni - cán-tes, secúndum cor tu-um inve-ní-ri me-re-
 á-mur. Nunc ergo, Pa-ter sancte, réspice in Cor di-lectíssimi Fí-li-i
 tu - i, et sacris quibus ardet ígnibus i-ta corda nostra combú-ras,
 ut ni-hil no-bis sá-pi-at, nihil nos de-léc-tet, nihil nos al-lí - ci-at,
 præ-ter ipsum Dóminum nostrum Je - sum Chri-stum. Per quem Ma-je-
 stá-tem tu-am laudant Ange-li, adó-rant Dómina-ti - ó - nes, tremunt
 Po - testá-tes. Cœli cœ-lorúmque Virtútes ac be-á-ta Sé-raphim só-
 ci-a exsulta-ti-ó-ne concé-lebrant. Cum quibus et nostras voces ut
 admitti júbe-as depre-cá-mur, súp-pli-ci confessi-ó - ne di-cén-tes.

PRÆFATIO DE OMNIBUS SANCTIS

Quæ dicitur in Festo Omnium Sanctorum, et per eorum Octavam.

P ER ómni-a sæcu-la sæcu-ló-rum. *ñ.* Amen. *ŷ.* Dóminus vo-bís-
cum. *á.* Et cum spí-ri-tu tu-o. *ŷ.* Sur-sum cor-da. *ñ.* Ha-bé-mus
ad Dó-minum. *ŷ.* Grá-ti-as a-gá-mus Dómino De-o nostro.
ñ. Di-gnum et ju-stum est.


V ERE dignum et justum est, æquum et sa-lu-tá-re, nos ti-bi
semper et ubique grá-ti-as á-ge-re, Dómine sancte, Pater omní-
po-tens, ætérne De-us. Qui glo-ri-fi-cá-ris in concí-li-o Sanctó-rum,
et e-órum coronádo mé-ri-ta, co-rónas do-na tu-a. Qui nobis præ-
bes, in e-órum conversa-ti-óne ex-émplum, commu-ni-óne con-sór-
ti-um, et intercessi-ó-ne subsí-di-um; ut per pa-ti-énti-am currá-














mus ad propó-si-tum nobis cer-tá-men, et cum e-is perci-pi-á-mus im-
marcescibi-lem gló-ri-æ co-ró-nam. Per Je-sum Christum Dóminum no-
strum, cu-jus sánguine ministrá-tur nobis intró-i-tus in æ-tér-num re-
gnum. Per quem Ma-jestá-tem tu-am treméntes adó-rant An-ge-li, et
omnes Spi-rí-tu-um cœ-lésti-um cho-ri só-ci-a exsulta-ti-ó-ne
concé-lebrant. Cum quibus et nostras voces ut admitti jube-as de-
pre-cá-mur, súp-pli-ci confessi-ó-ne di-cén-tes.

PRÆFATIO DE DEDICATIONE

Quæ dicitur in Dedicationibus Ecclesiarum, et per earum Octavam.



PER ómni-a sæcu-la sæculó-rum. *ñ.* Amen. *ŷ.* Dómi-nus vo-bis-
cum. *ñ.* Et cum spí-ri-tu tu-o. *ŷ.* Sur-sum corda. *ñ.* Ha-bé-mus

















est di-lécta et ú-ni-ca spon-sa quam ac-qui-sí-vit Christus sán-guine
 su-o, quam vi-vi-ficat spí-ri-tu su-o; cu-jus in sinu rená-ti per
 grá-ti-am tu-am, lacte verbi pá-scimur, pane vi-tæ ro-bo-rá-mur,
 mise-ri-córdi-æ tu-æ subsí-di-is con-fovémur. Hæc fi-dé-li-ter in ter-
 ris, spon-so adju-ván-te, mí-li-tat, et perén-ni-ter in cœ-lis, ipso co-ro-
 nán-te, tri-úm-phat. Et íd-e-o cum Ange-lis et Archán-ge-lis, cum
 Thronis et Domina-ti-ó-nibus, cum-que omni mí-li-ti-a cœ-léstis ex-
 ér-ci-tus, hym-num gló-ri-æ tu-æ cá-ni-mus, si-ne fi-ne dicén-tes.

PRÆFATIO DE S. JOSEPH

Quæ dicitur in utroque ejus Festo, et per Octavam Patrocinii.



P ER óm-ni-a sæ-cu-la sæ-cu-ló-rum. ß. Amen. ŷ. Dó-mi-nus vo-bís-
 MASSIL.







scu - lá - ri, si-bíque súbdi-tum habére mé-ru-it, Dóminum nostrum Je-
 sum Chri-stum. Per quem Majestá-tem tu-am laudant Ange-li, adó-
 rant Domina-ti-ó-nes, tremunt Po-testá-tes. Cœ-li cœ-lorúmque Vir-
 tú-tes ac be-á-ta Sé-raphim, só-ci-a exsulta-ti-ó-ne con-ce-lé-
 brant. Cum quibus et nostras voces ut admitti júbe-as depre-cámur,
 súp-pli-ci confessi-ó-ne di-céntes.

PRÆFATIO DE S. LAZARO

Quæ dicitur in ejus Festis et per Octavam Solemnitatis.






PER ómni-a sæcu-la sæcu-ló-rum. *℞.* Amen. *ŷ.* Dóminus vo-bís-
 cum. *℞.* Et cum spí-ri-tu tu-o. *ŷ.* Sur-sum cor-da. *℞.* Ha-bé-mus
 ad Dó-minum. *ŷ.* Grá-ti-as a-gá-mus Dómino De-o nostro.
℞. Di-gnum et ju-stum est.


 VERE dignum et justum est, æquum et sa-lu-tá-re, nos ti-bi

 semper et ubique grá-ti-as á-gere, Dómine sancte, Pa-ter omni-

 po-tens, ætérne De-us. Qui be-á-tum Láza-rum per Uni-géni-tum tu-

 um e sepúlchri fáucibus e-ri-pu-í-sti e-úmque mittere di-gná-

 tus es, ut nos in ténebris et in umbra mortis se-dén-tes, in admi-

 rá-bi-le lumen tu-um bení-gnus vo-cá-res. Il-le vi-am sa-lú-tis a Chri-

 sto e-dó-ctus, gregem su-um doctrína ve-ri-tá-tis pásce-re non dé-sti-

 tit, et sanctæ conversa-ti-ónis informá-re exémplo. Il-le Dómi-ni

 su-i amó-re pér-ci-tus, quam dénu-o accépe-rat vi-tam, pro e-júsdem

 sanctíssimi nómi-nis glóri-a pi-o repén-dit certá-mi-ne. Nos í-gi-tur,

 effúso pastó-ris nostri sánguine læ-ta seges ex-ór-ta, ip-sí-us memo-




ri - am ce-lebrán-tes, cum Ange-lis et Archán-ge-lis, cum Thronis et
 Domi-na-ti - ó - nibus, cumque omni mi-lí-ti-a cœ-léstis ex - ér-ci-tus,
 hymnum gló-ri-æ tu-æ cá-nimus, si - ne fi - ne di-cén-tes.

PRÆFATIO DE SS. EPISCOPIS


Quæ dicitur in Festo SS. Theodori, Sereni, Cannati et Mauronti, et in Festo omnium SS. Episcoporum Massiliensium.



PER ómni-a sæcu-la sæcu-ló-rum. *R.* Amen. *Ÿ.* Dóminus vo-bís-
 cum. *R.* Et cum spi-ri-tu tu-o. *Ÿ.* Sur-sum cor-da. *R.* Ha-bé-mus
 ad Dó-minum. *Ÿ.* Grá-ti-as a-gá-mus Dómino De-o no-stro.
R. Di-gnum et ju-stum est.



VERE dignum et justum est, æquum et sa-lu-tá-re, nos ti-bi
 semper et u-bíque grá-ti-as á-ge-re, Dómine sancte, Pa-ter omní-



potens, æ-térne De-us. Qui nobis be-á-tum * * * pastó-rem juxta
 cor tu-um susci-tá-re digná-tus es, ut e-jus labó-re et su-dó-ribus
 verbum fi-de-i, quod in nobis semi-návit sanctus Lá-zarus, incorrú-
 ptum servá-res. Nunc ergo, Pa-ter sancte, confirma hoc quod ope-rátus
 es in no-bis, et gregem tu-um quem Fi-li-o tu-o do-ná-sti, con-
 sér-va tu-æ virtú-tis auxi-li-o. Ut sancti-fi-cá-tum in ve-ri-tá-
 te, perféctum in uni-tá-te, consti-tú-e-re digné-ris in gló-ri-a.
 Per e-úndem Christum Dóminum nostrum. Per quem Ma-jestá-tem tu-am
 treméntes adórant An-geli, et omnes cœlésti-um Spi-rítu-um cho-ri
 só-ci-a exsulta-ti-ó-ne concé-lebrant. Cum quibus et nostras voces
 ut admit-ti jú-be-as depre-cá-mur, súp-pli-ci confessi-ó-ne di-cén-tes.

PRÆFATIO DE PATRONO

Quæ dicitur, in Ecclesiis propriis tantum, in Festo ac per Octavam Patronorum principalium.

P ER ómni-a sæcu-la sæcu-ló-rum. *ñ.* Amen. *ŷ.* Dóminus vo-bis-
cum. *ñ.* Et cum spí-ri-tu tu-o. *ŷ.* Sur-sum cor-da. *ñ.* Ha-bé-mus
ad Dó-minum. *ŷ.* Grá-ti-as a-gá-mus Dó-mino De-o nostro.
ñ. Di-gnum et ju-stum est.


V ERE dignum et justum est, æquum et sa-lu-tá-re, nos ti-bi
semper et u-bique grá-ti-as á-ge-re, Dómine sancte, Pa-ter omni-
po-tens, æ-térne De-us. Qui dum fra-gi-li-tá-tem nostram mi-será-tus
agnó-scis, fi-dé-les tu-os Sanctórum patro-cí-ni-is ád-juvas, ipsórum
exém-plis fi-de-i simul admi-ní-cu-la trí-bu-ens et incremén-ta vir-
tú-tum. Ut quos Patrónos vo-cá-mus in ter-ris, e-ósdem habe-á-mus



tu-tó-res in vi-a, ductóres ad regnum, et nobíscum in gló-ri-a co-
 hæ-rédes Je-su Christi Dó-m-ini no-stri. Per quem Ma-jestá-tem tu-am
 laudant Ange-li, adó-rant Domina-ti - ó-nes, tremunt Po-testá-tes.
 Cœ-li cœlorúmque Virtú-tes ac be-á-ta Sé-raphim só-ci-a exsulta-
 ti-ó-ne concé-lebrant. Cum quibus et nostras voces ut admít-ti jú-
 be-as depre-cá-mur, súp-pli-ci confessi-ó-ne di-céntes.

PRÆFATIO PRO DEFUNCTIS

Quæ dicitur in omnibus Missis Defunctorum.



PER ómni-a sæcula sæcu-ló-rum. *ñ.* Amen. *ŷ.* Dóminus vo-bís-cum.
ñ. Et cum spí-ritu tu-o. *ŷ.* Sursum cor-da. *ñ.* Habémus ad Dóminum.
ŷ. Grá-ti-as agámus Dómino De-o nostro. *ñ.* Dignum et justum est.

VERE dignum et justum est, æquum et sa-lu-täre, nos ti-bi
 semper et u-bique grá-ti-as ágere, Dómine sancte, Pa-ter omnipotens,
 ætérne De-us, per Christum Dóminum nostrum; in quo nobis spem be-á-
 tæ resurrecti-ónis concessisti; ut dum natúram contrístat certa mori-én-
 di condi-ti-o, fidem conso-létur fu-túræ immorta-li-tá-tis promissi-o. Tu-is
 e-nim fidé-libus, Dómine, vi-ta mu-tátur, non tóllitur; et disso-lúta ter-
 réstris hujus habita-ti-ónis domo, ætérna in cœ-lis habi-tá-ti-o compa-
 rátur. Et íde-o cum Ange-lis et Archángelis, cum Thronis et Domina-
 ti-ónibus, cumque omni mi-lí-ti-a cœ-léstis exérci-tus, hymnum gló-
 ri-æ tu-æ cánimus, sine fine di-céntes.

PRÆFATIONES PROPRIÆ

A S. R. C. CONCESSÆ

PRÆFATIONES SINE CANTU

PRÆFATIO DE ADVENTU

Quæ per Adventum dicitur in Dominicis, Feriis et Festis propriam non habentibus.

PER omnia sæcula sæculórum. *ñ.*
Amen. *ŷ.* Dóminus vobiscum. *ñ.* Et cum spiritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnipotens, ætérne Deus, per Christum Dóminum nostrum. Quem pérdito hómīnum géneri Salvatórem miséricorset fídelis promísisti, cujus véritas instrúeret íncios, sánctitas justificáret ímpios, virtus adjuváret infirmos. Dum ergo prope est ut véniat quem missúrus es, et dies affúlget liberatiónis nostræ, in hac promissiónum tuárum fide piis gáudiis exultámus. Et ideo cum Angelis et Archángelis, cum Thronis et Dominatió nibus, cumque omni militía celéstis exércitus, hymnum glóriæ tuæ cánimus, sine fine dicétes.

PRÆFATIO DE CÆNA DOMINI

Quæ dicitur Feria V in Cæna Domini.

PER omnia sæcula sæculórum. *ñ.*
Amen. *ŷ.* Dóminus vobiscum. *ñ.*

Et cum spiritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnipotens, ætérne Deus, per Christum Dóminum nostrum, verum æternúmque Pontíficem, et solum sine peccáti mácula sacerdotem. Qui in novíssima Cœna formam sacrificii perénis instituens, hostiam se tibi primum obtulit, et primus dócuit offérri. Cujus carne pro nobis imoláta dum páscimur, roborámur, et fuso ságuine dum potámur, ablúimur. Et ideo cum Angelis et Archángelis, cum Thronis et Dominatió nibus, cumque omni militía celéstis exércitus, hymnum glóriæ tuæ cánimus, sine fine dicétes.

PRÆFATIO DE SS. SACRAMENTO

Quæ dicitur in Festo Corporis Christi et per ejus Octavam, et per annum in Missis votivis de SS. Sacramento.

PER omnia sæcula sæculórum. *ñ.*
Amen. *ŷ.* Dóminus vobiscum. *ñ.* Et cum spiritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique

grátias ágere, Dómine sancte, Pater omnípotens, ætérne Deus, per Christum Dóminum nostrum. Qui, remótiis carnálium victimárum umbris, Corpus et Sanguinem suum nobis in sacrificium commendávit, ut in omni loco offerátur nómini tuo, quæ tibi sola compláuit oblátio munda. In hoc igitur inscrutábilis sapiéntiæ et imménsæ charitátis mystério, idípsum quod semel in cruce perfécit, non cessat mirabiliter operári, ipse offerens, ipse et oblátio. Et nos, unam secum hóstiam effectos, ad sacrum invítat convívium, in quo ipse cibus noster súmitur, recólitur memória passiónis ejus, mens implétur grátia, et futúre glóriæ nobis pignus datur. Et ideo cum Angelis et Archángelis, cum Thronis et Dominatiónibus, cumque omni militia cœléstis exercitus, hymnum glóriæ tuæ cánimus, sine fine dicétes.

PRÆFATIO

DE SS. CORDE D. N. J. C.

Quæ dicitur in Festo SS. Cordis et per ejus Octavam, et per annum in Missis votivis de eo.

PER ómnia sæcula sæculórum. *ñ.* Amen. *ŷ.* Dóminus vobiscum. *ñ.* Et cum spíritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus. Qui omnes thesaúros sapiéntiæ et sciéntiæ posuisti in Corde Sacratíssimo Filii tui, ut de cœléstis hujus fontis plenitúdine omnes acciperémus, et divínus ipsíus ardóribus comunicátes, secúndum Cor tuum inveníri mereámur. Nunc ergo, Pater sancte, respice in Cor dilectíssimi Filii tui, et sacris quibus ardet ígnibus ita corda nostra combúras, ut nihil nobis sápiat, nihil nos deléctet, nihil nos alliciat,

præter ipsum Dóminum nostrum Jesum Christum. Per quem majestátem tuam laudant Angeli, adórant Dominatiónes, tremunt Potestátes. Cœli cœlorumque Virtútes ac beáta Séraphim sócia exsultatióne concélebrant. Cum quibus et nostras voces ut admitti jubeas deprecámur, súplici confessióne dicétes.

PRÆFATIO DE OMNIBUS SANCTIS

Quæ dicitur in Festo Omnium Sanctorum, et per ejus Octavam.

PER ómnia sæcula sæculórum. *ñ.* Amen. *ŷ.* Dóminus vobiscum. *ñ.* Et cum spíritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutáre, nos tibi semper et ubique grátias ágere, Dómine sancte, Pater omnípotens, ætérne Deus. Qui glorificáris in concílio sanctorum, et eórum coronádo mérita, coronás dona tua. Qui nobis præbes in eórum conversatióne exéplum, communióne consórtium, et intercessiõe subsidium; ut per patientiam currámus ad propósitum nobis certámen, et cum eis percipiámus immarcescibilem glóriæ coronam. Per Jesum Christum Dóminum nostrum, cujus sanguine ministrátur nobis intróitus in ætérnum regnum. Per quem majestátem tuam treméntes adórant Angeli, et omnes Spírituum cœléstium chori sócia exsultatióne concélebrant. Cum quibus et nostras voces ut admitti jubeas deprecámur, súplici confessióne dicétes.

PRÆFATIO DE DEDICATIONE

Quæ dicitur in Dedicationibus Ecclesiarum, et per earum Octav.

PER ómnia sæcula sæculórum. *ñ.* Amen. *ŷ.* Dóminus vobiscum. *ñ.* Et cum spíritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agámus Dómino Deo nostro. *ñ.* Dignum et justum est.

VERE dignum et justum est, æquum et salutāre, nos tibi semper et ubique grātiās āgere, Dōmine sancte, Pater omnīpotens, ætérne Deus. Qui hanc oratiónis domum quam aedificāvimus, bonórum ómnium largitor inhābitas, et Ecclésiā quam ipse fundāsti, incessābili operatiónē sanctificas. Hæc est enim vere domus oratiónis, visibilibus aedificiis adumbrāta, templum habitatiónis glóriæ tuæ, sedes incommutābilis veritatís, sanctuārium ætérnæ charitatís. Hæc est arca quæ nos, a mundi erēptos dilúvio, in portum salutis inducit. Hæc est dilēcta et única sponsa, quam acquisivit Christus ságuine suo, quam vivificat spírītu suo; cujus in sinu renāti per grātiām tuā, lacte verbi páscimur, pane vitæ roborāmur, misericórdiæ tuæ subsidiū confóvémur. Hæc fidéliter in terris, sponso adjuvānte, militat, et perénit in cœlis, ipso coronānte, triúmphat. Et ideo cum Angelis et Archángelis, cum Thronis et Dominationibus, cumque omni milítia cœlestis exércitus, hymnum glóriæ tuæ cānimus, sine fine dicéntes.

PRÆFATIO DE S. JOSEPH

Quæ dicitur in utroque ejus Festo, et per Octavam Patrocinii.

PER ómnia sæcula sæculórum. *R.* Amen. *Ÿ.* Dóminus vobiscum. *R.* Et cum spírītu tuo. *Ÿ.* Sursum corda. *R.* Habémus ad Dóminum. *Ÿ.* Grātiās agāmus Dómino Deo nostro. *R.* Dignum et justum est.

VERE dignum et justum est, æquum et salutāre, nos tibi semper et ubique grātiās āgere, Dōmine sancte, Pater omnīpotens, ætérne Deus. Qui beātum Joseph secūndum cor tuum invenisti, eūque Unigénito tuo nutritium, Virgini matri solātium, solúmque magni consilii coadjutórem fidelíssimum constituisti. Ille vir justus atque perfectus, solus mystérii cōsciens quod nemo príncipum hujus sæculi agnóvit, Filium tuum non solum vidére et audire, sed étiam portāre, deoseculāri, sibique súditum ha-

bére méruit, Dóminum nostrum Jesum Christum. Per quem majestātem tuā laudant Angeli, adorant Dominationes, tremunt Potestates. Cœli cœlorúmque Virtutes ac beāta Sérāphim sócia exsultatiónē concēlebrant. Cum quibus et nostras voces ut admitti jubeas deprecāmur, súplici confessiónē dicéntes.

PRÆFATIO DE S. LAZARO

Quæ dicitur in ejus Festis, per Octavam Solemnitatis, et in Missis votivis de eo.

PER ómnia sæcula sæculórum. *R.* Amen. *Ÿ.* Dóminus vobiscum. *R.* Et cum spírītu tuo. *Ÿ.* Sursum corda. *R.* Habémus ad Dóminum. *Ÿ.* Grātiās agāmus Dómino Deo nostro. *R.* Dignum et justum est.

VERE dignum et justum est, æquum et salutāre, nos tibi semper et ubique grātiās āgere, Dōmine sancte, Pater omnīpotens, ætérne Deus. Qui beātum Lázarum per Unigénitum tuum e sepúlcri fáucibus eripuisti, eūque mittere dignātus es, ut nos in ténebris et in umbra mortis sedéntes in admirábile lumentuum benígnus vocāres. Ille viam salutis a Christo edóctus, gregem suum doctrína veritatís páscere non déstitit, et sanctæ conversatiónis informāre exémplo. Ille Dómini sui amóre pércitus, quam denuo accéperat vitam, pro ejúsdem sanctíssimi nóminis glória pio repéndit certámīne. Nos ígitur, effúso pastóris nostri ságuine læta seges exórta, ipsíus memóriam celebrāntes, cum Angelis et Archángelis, cum Thronis et Dominationibus, cumque omni milítia cœlestis exércitus, hymnum glóriæ tuæ cānimus, sine fine dicéntes.

PRÆFATIO DE SS. EPISCOPIS

Quæ dicitur in Festo SS. Theodori, Sereni, Cannati et Mauronti, et in Festo omnium SS. Episcoporum Massiliensium.

PER ómnia sæcula sæculórum. *R.* Amen. *Ÿ.* Dóminus vobiscum. *R.* Et cum spírītu tuo. *Ÿ.* Sursum corda. *R.* Habémus ad Dóminum. *Ÿ.* Grātiās

agamus Dómino Deo nostro. *ñ.* Dignum et justum est.

VERE dignum et justum est, æquum et salutäre, nos tibi semper et ubique grátias ágere, Dómine sancte, Pater omnípotens, ætérne Deus. Qui nobis beátum N... pastórem juxta cor tuum suscitäre dignátus es, ut ejus labóre et sudóribus verbum fidei, quod in nobis seminávit sanctus Lázarus, incorruptum serváres. Nunc ergo, Pater sancte, confirma hoc quod operátus es in nobis, et gregem tuum quem Filio tuo donásti, conserva tuæ virtútis auxílio. Ut sanctificátum in veritaté, perfectum in unitaté, constitúere dignéris in glória. Per eúndem Christum Dóminum nostrum. Per quem majestátem tuam treméntes adórant Angeli, et omnes Spírituum cœlestium chori sócia exultatióne concélebrant. Cum quibus et nostras voces ut admitti jubeas deprecámur, súplici confessióne dicéntes.

PRÆFATIO DE PATRONO

Quæ dicitur, in Ecclesiis propriis, in Festo ac per Octavam Patronorum principalium.

PER ómnia sæcula sæculórum. *ñ.* Amen. *ŷ.* Dóminus vobíscum. *ñ.* Et cum spíritu tuo. *ŷ.* Sursum corda. *ŷ.* Habémus ad Dóminum. *ñ.* Grátias agamus Dómino Deo nostro. *ñ.* Dignum et justum est.

VERE dignum et justum est, æquum et salutäre, nos tibi semper et ubique grátias ágere, Dómine sancte, Pater omnípotens, ætérne Deus. Qui dum fragilitátem nostram miserátus agnóscis, fideles tuos sanctórum patrocíniis, ádjuvas,

ipsórum exémpis fidei simul adminicula tribuens et incrementa virtútum. Ut quos Patrónos vocámus in terris, eósdem habéamus tutóres in via, ductóres ad regnum, et nobiscum in glória cohærédes Jesu Christi Dómini nostri. Per quem majestátem tuam laudant Angeli, adórant Dominatiónes, tremunt Potestátes. Cœli cœlorúmque Virtútes ac beáta Séraphim sócia exultatióne concélebrant. Cum quibus et nostras voces ut admitti jubeas deprecámur, súplici confessióne dicéntes.

PRÆFATIO PRO DEFUNCTIS

Quæ dicitur in omnibus Missis Defunctorum.

PER ómnia sæcula sæculórum. *ñ.* Amen. *ŷ.* Dóminus vobíscum. *ñ.* Et cum spíritu tuo. *ŷ.* Sursum corda. *ñ.* Habémus ad Dóminum. *ŷ.* Grátias agamus Dómino Deo nostro. *ñ.* Dignum et justum est.

VERE dignum et justum est, æquum et salutäre, nos tibi semper et ubique grátias ágere, Dómine sancte, Pater omnípotens, ætérne Deus, per Christum Dóminum nostrum. In quo nobis spem beátæ resurrectionis concessísti, ut dum natúram contrístat certa moriéndi conditio, fidem consolétur futúra immortalitátis promissio. Tuis enim fidélibus Dómine, vita mutátur, non tollitur, et dissoluta terréstris hujus habitatiónis domo, ætérna in cœlis habitatio comparátur. Et ideo cum Angelis et Archángelis, cum Thronis et Dominatió nibus, cumque omni militia cœlestis exércitus, hymnum glóriæ tuæ cánimus, sine fine dicéntes.

LICENTIA

Nos, JOANNES JOSEPHUS LUDOVICUS ROBERT, Episcopus Massiliensis, postquam cognovimus per revisorem a nobis deputatum, editionem Missarum propriarum nostræ Diœcesis cum Originali a S. R. C. recognito concordare, eam approbamus et evulgari mandamus.

Massiliæ, die 31 Augusti 1882, in Solemn. S. Lazari, primi Episc. Massiliensis.

✠ LUDOVICUS, EPISCOPUS MASSILIENSIS.



DATE DUE

SEP 1

1987


Jul 2 1927

NOV 19 2011

JAN 04 2012

JAN 04 2012

DEMCO 38-297



31197 20155 9926

